

NATIONAL LIBRARY OF MEDICINE

Bethesda, Maryland

NELLANI GLACANI .

Tirconalliensis Hiberni

REGIS CHRISTIANISSIMI CONSILIARII, & IN ALMA
Vniuersitate Tolosana quondam Professoris Medici, nec non
in celeberrima Bononiensi Academia, Studiorum
Matre, Primarij, ac Eminentis Professoris.

C V R S V S M E D I C I

P A R S T E R T I A .

Semeiotica dicta,

IN QVATVOR LIBROS DIVISA.

In quorum Primo de Signis : in Secundo de Crisibus : in Tertio
de Pulsibus : & in Quarto de Vrinis .

OPVS MEDICIS , ANATOMICIS , CHIRVRGICIS ,
ac Tyrombus apprimè utile ac proficuum .

SVPERIORVM PERMISSV AC PRIVILEGIO.



B O N O N I Æ . M . D C . L V .

Sumptibus . Sebast. Combi , & Ioan. Lanou.

In Tertium Tomum Cursus Medici Excellentissimi,
& Clarissimi Viri

NELLANI & GLACAN,

Bononiæ Medicinæ Doctoris Eminentis.

Versus Hexameter.

Hygeia ad Medicinæ Studiosos.

O Inuenes si fortè sequi mea castra parati,
Si curam vobis, pulchrumque sacrare laborem
Est animus, nostræque subest Reuerentia Famæ.
Atque adeo vos nostra viri qui munia passim
Ducitis, & Panaces sacras defenditis arces,
Qui miseris passim populis, passimque dolenti,
Fertis opem Mundo, solique potentibus herbis
Parcarum contra leges, decretaque Diuum
Imperia in longum vitale extenditis æuum.
Huc faciles aures, facilemque aduertite mentem.
Vos natam extorrem profugam deslete salutem
Exiliò tristi, maestisque erroribus actam:
Hanc puero quondam Mundo, Cæloque recenti
Felices inter platanos, viridesque cupressos
Formosam genui, quæ spes mortalibus ægris
Certa foret, placidisque æuum decurreret annis.
Sic ego, sed pariter nata, pariterque parenti
Mors dira inuidit bellumque inimica parauit.
Tum subito maciem, tum februm mille cohortes,
Et mille eduxit, pallentia monstra, dolores.
Tum primum vigili venerunt tædia lecto
Tum primum ingrati Soles, exosæque vitæ
Gaudia. nullus amor positus accumbere mensis,
Nec blandæ Cereris, nec dulcis cura Lyæi.
Mox violenta fumes, mox aspera venit egestas,
Tormenti genus horrendum, nil diuus infra
Quod nudos stimulet manes, hominumque labores
Multiplicet, pellatque pigros in crimina fontes.
Mox sæua ingluuias, totas conuiuia noctes

Edo.

E docuit, vetitasque dapes, & dulcia blandi
 Inuenit nocumenta meri, leibumque parauit.
 Nunc eo à Vennis, nunc vis ignota malorum
 Insurgit, miserosque vltro depascitur artus;
 Non virides anni, crudele extinguere virus,
 Non solidæ possint vires, robustaque membra.
 Intus seuua lues lentum per viscera tabum
 Insinuans, ipsis sedet hospita dira medullis.
 Quid iam agro superest homini, si tanta sub ipsis
 Abdita delicijs mala? si nouus ingruat usque
 Morborum labor? & passim neglecta medendi
 Sedulitas, passimque viri rarissima turba
 Qui freti succis, freti felicibus herbis
 Restituant egros, & tristia fata morentur?
 Hoc Glacan, nostra Glacan celeberrimus arte,
 Glacan Felsinei nomen memorabile Rheni
 Hoc vidit, labique meum indignatus honorem,
 Securam largitur opem, fidumque lenamen;
 Hic ille extorrem renocat sub fida salutem
 Hospitia, hic sauas acies, februmque maniplos,
 Notosque ignotosque omnes dat vincere morbos.
 Nec plura à nobis exquirite. Gallia cuncta
 Hunc solum mirata virum legit: hunc colit vnum.
 Sic belgæ, longinquus Iber, sic accola Rheni.
 Magnis muneribus, magno pellexit honore
 Ausonia absentem: miro nunc Felsina plausu
 Audit Pergamei referantem arcana Magistri.
 Patria clara Viro Vetus olim Vltonia Regnum.

Petri Adriani Van Broëcke
 Lucæ in Sem. Eloquentiæ Professoris.

NELLANI (aliàs NIELLI)

GLACAN, TIRCONALLIENSIS
HIBERNI,

Regis Christianiss. Consiliarij, & in Vniuersitate
Tolosanâ Professoris Medici; necnon in Cele-
berrima Bononiensi Academia, Studiorum
Matre, Primarij, ac Eminentis Professoris,

SEMEIOTICA.

LIBER PRIMVS,

De Signis.

CAPVT I.

De Natura, & Necessitate Semeioticæ.



Hyfologiâ, & Pathologiâ, primis Medicinæ
Partibus, absolutis, Tertiâ, Semeiotica (Græ-
cum vocabulum *σημειωτική*, latinè Semeiotica,
siue Semiotice pronunciatur) dicta, ad sui inue-
stigationem nos modò, & quidem debitè, ac-
cerfit: Medicus sanè Physiologicâ doctrinâ im-
butus, vniuersam Hominis naturalem compagem, & constitu-
tionem adipiscitur: veluti Pathologicâ scientiâ institutus, contin-
gentem Homini statum, vel dispositionem præter naturam. Sed
quoniam ambæ iam relatæ partes Medicum integrè peritum nec
perficiunt, nec constituunt, meditari vlteriùs oportet alias quas-
dam partes; inter quas, & modò relatas, fragilis labilisq; Homi-
num constitutio, quandam effecit relationem. Binæ ergo aliæ bi-
nas nunc dictas partes respiciunt, Hygieine, & Therapeutica: il-
la nimirum Physiologiam, hæc verò Pathologiam. Hygieine est

Hygieine,
& Physio-
logia sunt

*societas par-
tes. Patho-
logia, &
Therapeu-
tica sine
curatrix
pariter so-
cia cognat-
aque.*

*Hygieines
munus.*

*Hygieines
necessitas.*

*Thera-
peutica sine
cura-
tricis Ase-
dicina ne-
cessitas.*

*Semeioti-
ca necessi-
tas.*

*Antonides
perstringi-
tur.*

Salubris, siue conseruatricix Medicinæ Pars, vt in nostris Prolegomenis Medicis, Physiologiæ nostræ præfixis, cap. 6. docuimus: Pars Medicinæ Therapeutica, Curatrix à nobis ibidem, iuxta vocis etiam Ety mon, dicta est. Hygieine verò, Altricis instar, naturalem Corporis Humani constitutionem in Physiologia descriptam, fouere & conseruare, ne pereat, satagit. Nam Petrum tot procellis in mundo agitaturnon contemplari non sufficit; sed sex rerum non naturalium, aëris videlicet, cibi & potûs, motûs & quietis, somni & vigiliæ, excretorum & retentorum, ac animi passionum, moderato vsu fouere, & resarcire. Conseruatricis enim, siue Salubris Medicinæ præceptis res hæ non naturales debite cuius Corpori adaptantur. Quare Pars hæc salubris naturalem Corporum constitutionem fouens, resarciensque, Physiologiam respicit, tanquam Nutrix nutriendum, fouendumque. Alioquin, sicuti nutriendus sine nutrice, aut nutriente incassum superflues ortui succederet, ita Physiologia sine Hygieine siue Salubri, frustranea foret; seu naturalis humani Corporis constitutio seruanda, sine sex rerum Nonnaturalium exacta administratione, irrita diceretur. Similiter constitutionem Corporis, præter naturam, quam Pathologia minutim examinat, frustra Medicus abigendam susciperet, Auxiliatrice Therapeutica vacuus; quæ vigilantissimi & Seueri Ducis instar, constitutionem illam præter naturam in Morbum, Morbi Causam, & Symptoma (vt in Pathologia docuimus) distinctam, congruis remedijs quamprimùm rescindere, & penitus extirpare solet. Caterum, cum naturalis status corporis, & status eius præter naturam, sine signis dignoscinequeant, rectè à Præcipuis Medicinæ Parentibus Semeiotica adinuenta est, quæ Salubria, Neutra, & Insalubria Signa perpendit: Adeoq; meritò Physiologiæ, & Pathologiæ postponitur, & Parti Salubri, ac Therapeutica præficitur, rectèq; per se Medicinæ Partem constituit; quidquid in contrarium parùm oculatè protulerit Ioannes Antonides Vander Linden in sua Medulla Medicinæ, Parte 2. Sect. 4. Cap. 1. Semeiotica, inquit, est Pathologica Pars quarta, quæ signorum Medicorum doctrinam tradit. Decipitur sanè hic Author; cum non solum morborum signa diagnostica, sed Prognostica; imò verò & signa status naturalis Corporis humani complectatur Semeiotica. Verum ille, vt existimo, sequu-

sequutus est in hoc, vt in alijs multis rebus, Ioannem Fernelium, qui lib. 2. suæ Pathologiæ, in quo de Symptomatis agit, Signorum naturam consequutiue examinat. Cap. autem 7. dicti sui Libri de Signo discurrens, Symptoma signum esse interioris, occultique morbi asseuerat. Quam ob causam de Signis cum symptomatibus agit. Sed quoniam frequenter suæ authoritati, quàm rationi, plus roboris concedit Fernelius, in hoc casu omnis ei abroganda fides. Nam tametsi Symptomata instar Signorum esse videantur; quòd sint Morbi accidentia; nō ita tamen clara sunt, quin maiori adhuc egeant elucidatione, vt Morbi essentiam, & futurum eius prodant euentum. Scimus n. omnes,alui fluxum v. g. esse Symptoma in excretis, dum morbum sequitur: Attamen an salutaris sit, an lethiferus, ignoramus, donec rem totam quibusdam Signis cruditis, & coctionis inuestigemus. Pariter an à Morbo, an ab aliquo leui errore externo in cibo, aut potu commissio, idem procedat fluxus, adhuc, nisi diligenti Signorum inuestigatione, nobis incompertū. Non ergo sufficit excreta oculis perspicere, sed excretorum naturam perpendere oportet. Vnde excreta, tametsi manifestissimum Symptoma, Signis ad sui cognitionem indigebunt. Quare parū cautē Fernelius cap. 8. cit. lib. 2. promulgauit, Symptoma Signis non egere: Tria, inquit, Corpori præter naturam insidēt, Morbus, Morbi Causa, & Symptoma: Postremum hoc, quia perpetuò sub sensum aliquem cedit, seipso, non alijs Signis, percipitur. Visus est Fernelius hīc statuere, quidquid sensibus obijcitur, seipso percipi. Quod si verum esset, plebeius quisque, si non integer saltem Semi Medicus euaderet: cū ei Symptomata, si non omnia, quamplurima conspicua sint. Satiū ergo est, Semeioticam, vt distinctam Medicinæ Partem, examinare, quàm eam cum Symptomatibus promiscuè tradere; maximè verò cum Salubria etiam comprehendat signa.

*Fernelius
perstringitur.*

Semeiotica, significatiua Latinis, à verbo Græco *σημειωω*, quod idem est, ac noto, Significo, excipio, annoto, dicitur. Vnde sequenti serie ipsa describi commodè potest: Semeiotica est illa Medicinæ Pars, quæ Signorum, quibus res naturales, ex quibus Homo constituitur, resq; quibus conseruatur, & res præter naturam, quæ Hominis functionibus obsunt, & res mediæ, siue neutre

Semeiotica derivatio siue Ethymologia.

Semeiotica definitio.

dictæ, deteguntur, expositionem sollicitè complectitur. Vel ex Libro Introductorij, siue de Medico, Cap. 7. Simeioticon est Pars Medicinæ, quæ præteritorum cognitionem, præsentium inspectionem, & futurorum præsagia continet. Medicina ex Herophylo apud Galen. Lib. de Arte Medicinali (Artem Paruam aliqui nominant) cap. 2. est Scientia Salubrium, Insalubrium, & Neutrorum. In Præludijs Physiologicis hanc definitionem cum ipso Galeno exponens, dixi, Salubre, Insalubre, & Neutrum, non solum de Causa, & Corpore, sed adhuc de Signo prædicari. Hinc constat, quàm latè Signi ratio per vniuersam Medicinam diuagatur. Sine ergo Semeiotica (rectè enim, e, in prima syllaba collocatur, quia, u, Græcum, Latinum factum pronunciat & fit, e, longum) nec Temperamentum, nec Humor, nec ipsa Corporum discrepantia, nec causæ ipsæ Corporis conseruatrices, nec aduersæ corpus obruentes, dignosci possunt; sicuti nec futura Salus, Morsue, certitudine quâdam prædici: Hinc Semeioticæ necessitas; quam varijs in locis Galenus, vt protinùs necessariam, promulgat. Commentario autem primo in Librū Hipp. de Officina Medici (cuius prima pars Proæmium est commune totius Artis (vt in sua præfatione ad eundem librum docet Galen.) textu 1. sequentia profert: Quemadmodum in proposito sermone eam partem, quæ ad indicia pertinet (recentiores Græci *σημειωτικὴν* dicunt) tractari necesse est, quibus rectè mederi propositum est, antequam eam, quæ curat, aggrediuntur, vt quum simile quid nacti fuerint, morborum discrimina ad vnguem in ægrotantibus teneât. Nihil autē in sequentibus intererit habitum nostrorū Corporū naturali administrationi contrariū, morbi, vel affectūs vocabulo nuncupare, sicut Græci omnes consueuerunt, interdum *νοσήμα*, interdum *παθος*, genus hoc vniuersum appellantes. Nunc igitur docet Hipp. partis, quæ ad indicia spectat, maximè generale propositū, quemadmodū fit in parte, quæ medetur. Nam sicut in hac curationis cuiusq; commune consilium est, Contrarijs per Contraria subuenire: ita in illa posse cognoscere, quatenus ea, quæ in affecto corpore conspiciuntur, benè admodum valentis sunt similia. Quod Hippocrates ipse in Prognosticis indicauit, cum inquit: Maximè ad rem pertinet intueri, an sibi quis ipse aliqua ex parte similis sit. Idem (Hipp. scilicet) in

Medicina definitio.

Semeiotica necessitas.

Morbus, affectus, & passio sæpe confunduntur.

Contraria contrarijs curantur.

Libro quoq; de Articulis proposuit, quum vitiatam corporis partem ad eam, quæ integra est, conferri iussit: vbi similiter voluit non simpliciter comparari, sed affecti Hominis dextram partem cum sinistra conferri, nihil alienis articulis, hoc est aliorum hominum, inspectis. Quod etiam nunc faciendum duxit (Hippocrates) cum ait; an similia, an dissimilia, principio à maximis, à facillimis: ac si ita dixisset: Laborantium corpora ab initio protinus inspicere debent, quatenus similia sint sanis, quatenus dissimilia. Quam rem, cum agemus, ex ijs, quæ maximi momenti sunt, & in quibus expedita admodum cognitio est, morborum notas intelligemus: quandoquidem nos ignorare non oportet, non esse alia maxima, alia facillima: sed ipsdem Signis contingere potètia maximis esse, & cognitu facillimis: Huiusmodi sunt, quæ in Prognosticis statim in principio traduntur his verbis: Nares acutæ, oculi concaui, collapsa tempora, & quæ sequuntur. Namq; hæc maximi esse momenti in prænotione eorum, qui mediocriter in Medicinali Arte fuerint exercitati, nemo est, qui nesciat: esse verò cognitu facillima, omnes sanè, vel Artis etiam expertes, intelligunt; quum nullam Corporis partem prius facie protinus videat, qui ad cubantem accedit.

Pars ægra cum sana conferri debet.

Facies Hippocratica.

Hactenus Galenus exponens hæc Hippocratis verba: An similia, an dissimilia, principio à maximis, à facillimis, à quibuscunque, quomodocunq; cognitis. Statim enim hæc interpretaturus Galenus, Artis Medicæ finem propter se exoptari ab ijs, qui in eadem Arte versantur, docet: alia autem, quæ in Medicina examinantur, non propter se, sed finis gratia acquiri: quæ omnia his verbis exponit Galenus: Siue quis benè valere, siue bonam valetudinem, siue aliud quid tale, Medicinalis Artis finem constituat, hunc ipsum propter se student, qui in hac Arte versantur. Neque vlli dubium est, quin contemplatio quædam sit, cui operam dare oporteat eum, qui restituere velit (vbi corrumpatur) naturalem nostrum siue habitum, siue administrationem, seu structuram, seu quod est aliud verbum, quo placeat nominare: at non propter se cætera omnia, quæ ad artem spectant, addiscimus, docemus, aut deniq; audimus, sed quòd ad finem singula eorum conducant: Quemadmodum in proposito sermone eam partem, &c. superius à nobis producta. Vult. n. Galenus,

Medicinz finis propter se exoptatur cætera quæ in Medicina tractantur, propter finem.

*Semiotica
Sanitatis
gratia cō-
templāda.
Semiotica
duplici de
causa ne-
cessaria.*

Semioticam non sui gratiā cōtemplandam, sed Sanitatis præsenti-
tis conseruandæ, aut absenti acquirendæ. Rursusq; docet ean-
dem Semioticam necessariam ei esse, qui mederi cupit: Et qui-
dem duas ob causas: Primò, vt naturalem Corporis constitutio-
nem ad vnguem proprijs signis dignoscat, pariter & constitutio-
nem præter naturam, etiam mediantibus proprijs cuiuscunque
morbi signis. Secundò, vt sciat discrepantiam, Petri, v.g. ægri, à
seipso sano: quam dum rectè nouerit, Petrum ægrum cum seipso,
quando sanus erat, conferre poterit; indeq; conijciat, quanta
fuerit distantia inter Statum sanum Petri, & Statum præter na-
turam eidem accidentem. Secundum maiorem, aut minorem
hanc distantiam iam cognitam, Medicus futurum morbi euen-
tum planè pronuntiabit, ac victum, & remedia exactissimè præ-
feribere poterit.

*Collatio
ægri cum
sano du-
pliciter fit.*

Comparisonem autem inter Corpus sanum, & idem ægrum,
duobus modis fieri docuit Hippocrates, vt ex contextu citato,
& alijs à Galeno productis colligere licet. Vel enim totum corpus
ægrum Petri sibi ipsi sano comparatur, vel pars ægra parti sanæ.
Vtriusq; comparisonis exemplum subiicit Galenus. Petrus æger
potest laborare facie Hippocratica, ideo dicta, quòd ab Hippo-
crate sub Principium Prognostic. descripta fuit: vbi ait: Conside-
rare autem conuenit hūc in modum per morbos acutos principio
vultum ægroti, sitne similis benè valentium, potissimum sui, ita
enim optimus erit: Si verò quàm maximè contrarius simili sit,
horrendissimus est. Fuerit autem eiusmodi, nasus acutus, caui
oculi, tempora astricta (siue collapsa) aures frigida, contractæq;
& fibræ earum versæ: & item cutis circa frontem dura, intenta,
arida: & color totiùs vultûs viridis, aut niger. Paulò post iubet
idem Hippocrates animaduertendum, vtrum talis facies siue
vultus morbi vehementiâ contingat, an verò per accidens, ob vi-
gilias, vel immodicum alui fluxum, vel propter inedia. Ipse
subsequentia verba sunt hæc: Si igitur inter initia morbi talis fue-
rit vultus, nec dum scrutari alijs signis possibile sit, interrogare
oportet, num vigilauerit homo, an alius resoluta admodum fue-
rit, an fame affectus. Et siquid horum comprobet, minori cum
periculo est. Indicantur verò talia per diem & noctem, si ob has
causas talis fuerit vultus. Si. v. nullum horum dixerit, neq; præ-
dicto

*Luctuosa
faciei
Hippocra-
tica descri-
ptio.*

*Luctuosa
facies ap-
parenter.*

dicto tempore destiterit, signum esse exitiosum sciendum est. Sed oportet adhuc examinare cum eodem Hipp. ibidem, & cum Galeno commentario cit. in tex. 1. libri de Officina Medici, an facies illa sola appareat, sine Corporis reliqui extenuatione, aut consimili affectione. Si, a. reliquū, sicuti facies, extenuatum est, & maximè à naturali statu recedit, tunc talis status præter naturam dissimilis omninò, & valdè cōtrarius erit statui naturali eiusdem Petri; adeoq; periculosissimus, aut lethalis pronuntiabitur morbi euentus; nisi constitutio illa præter naturam ab aliqua causarum ab Hipp. iam antea relatarum, procedat. Si verò facies Hippocratica adesse videatur, oportet totius reliqui Corporis statum animadvertere; & si inuenietur Corpus simile corporibus sanis, & sibi ipsi in statu sano, illa periculum indicabit nullum. Quantum ergo luminis ad curandum & prædicendum tribuat Semiotica, ex his, alijsq; pluribus Hippocratis, & Galeni locis perspicuum euadit. Medico enim Corporis Humani sani simul & ægri signa suggerit, vt inde discat, quantum à naturali statu corpus ægrum recessit. Quo cognito Medicus futurum euentum prædicere poterit, & ad deliberandum de agendis se statim accingit.

Faciei Hippocraticæ certū indicium.

Semiotica ad prædicendum utilis

De dignotione autem & prænotione loquens Gal. comment. 1. in lib. Hipp. de vict. rat. in morb. acut. inquit: Verūm res non ita habet, cū de necessitate in illis; quæ ad curationem idonea sunt, hæ contineantur. Si enim ad optimæ curationis inuentionem nihil conferrent morborum dignotio, & futurorum prænotio, prorsus hæ superuacarent: nunc autem, quòd conferant, ob id utiles existunt. Ergo quod affectuum dignotio ad curationem valdè necessaria sit, recensere non est opus. Nam in primis, quisnam sit morbus, dignoscere oportet, deinde curationem ipsius ita aggre-
gredi. Quod verò prænotio ad curationem quoque utilis sit, demonstrauit in Præfatione Prognostic. Hippocrates. Qui ergo omnia, quæ ad Medicinam spectant, vtilia ea, vel ad dignotionem, vel ad curationem, vel prænotionem esse dixerit, virtute idem dicat. Curatio siquidem per se à Medicis exercetur: Prænotio autem, & dignotio propter curationem. Quò fit, vt nemo finem Artis, dignotionem, vel prænotionem, sicuti curationem, asseuerauerit. Multa alia de Significatiua, siue Semiotica refert Galen. lib. de Partib. Artis Medicæ; qui sanè liber Galeni stylum redolet, Galenoque dignus videtur.

Dignotio morbi antececedit necessario curationem.

Hippocratis testimonium ex Præfatione Libri Prognostic. de Utilitate Semioticæ, quoad Partem Prognosticam, subijcere adhuc iuuabit. Medicum, inquit, vti Prouidentia (vt mihi videtur) optimū est. Præsentiens. n. & prædicens coram ægris, præsentia, præterita, & futura, quæq; Infirmi oīnunt, enarrans, creditur agnoscere magis ægrorum res. Hinc audent Homines (magis) se concredere Medico. Ita curationem optimè molietur, præ-

Omnes ægros curari est impossibile. Præsentio enim prouidentia confunditur.

Tempore Hippocratis quidam Methodici Conseruatricem, & Cura- tricem, re- pudiat. Semeiotica, præsertim Prognosi, admutabāt.

Triplex Prognosis utilitas.

Præsentire, Prouidere, & præuidere idem sonant. Prouidere quid?

noscendo ex præsentibus futuras affectiones. Fieri enim non potest, vt ægros omnes sanos faciat: Id enim melius foret quam præsentire futura. Galenus in Commentarij principio, ait: Pro præsentione dixisse prouidentiam, perspicuum est: Igitur infert, Præsentiens enim, & prædicens coram ægro. Cæterum prætexuit Operi Præfationem, vtpotè necessariam (quamquam non admodum vtatur Præfationibus) ob quosdam Medicos, vt par est, qui illius Sæculo extiterunt, quales & nunc sunt, sese nominantes Methodicos, Medicorum officium haberi dicentes, aut præsentē conseruare Sanitatem; vt in benè valentibus: aut reuocare corruptam, vt in ægrotantibus. Vaticinatoris verò interesse prædicere futura. Itaque docet Hippocrates in præfatione, quàm vsui Medicorū præfagia habeantur, oratione in tria Capita diducta. Primum est, quòd ægri mandatis Medici parent propensius. Secundum, quòd Medicus, præsentiendo, quæ ægrotantibus sunt euentura, de longinquo obuiam it. Et Tertium, quòd crimine vacat (Medicus) internecionis ægrotantium. Porro voluit, vt hoc nihilominus Medico insit, quàm vt Salutis causa censetur. Necessitatem verò Semiotices, Hippocrates pauculis verbis contra sui temporis Medicos rectè, æquè ac modestè, Prognosim insinuando, proposuit, inquiens: Medicum vti prouidentia (vt mihi videtur) optimum est. Exponens autem vocabulum, Præsentiens, Galenus, ait, idem esse ac prouidens, siue præuidens: Prouidere enim, siue præuidere, idem est hîc ac mente videre aliquid, antea quàm fiat, siue hoc ipsum, quod futurum est, bonum, aut malum esse contingat; vt his verbis Galenus in Enarratione Præfationis iam dictæ Hippocratis exponit: Si igitur, inquit, Prouidentia secundum hanc cōmunem significationem dicta est, constat, vt ita appelletur ea ratione, quod aliquid anteaquàm fiat, mente videatur. Pari modo præsentionis vocabulum factum est.

est . Si .n. quæ sensibus suaptè vi , & natura v surpantur , quibusdam peruestigamus indicijs, meritò talia dicimus, idest, *προφοῖν*, idest, præuidere, perinde quasi *νοῖν*, idest, mente videre, dicamus antequàm oculis cernamus . Ita efficitur , vt rerum , quæ per tria accidunt temporà , præsensio sit . Vates enim nihilominùs demirandus est, qui, tanquam præsentia, dicat præterita, quæ non vidit ipse , quàm qui futura prænunciet: pari ratione, qui ea, quæ nunc geruntur quidem antequàm videat, nihilominus , quàm ille, bonus Vates est . Igitur Hippocrates indicauit hæc dicens , Præsentiens, & Prædicens coram ægris præsentia , præterita , & futura . Eiusdem ergo Artis interest, præterita , quæ non videris , dicere, vt extiterint : & item præsentia (quorum scilicet enarrationem omisit æger , & Medicus in Arte peritus dignoscit, vnum ex alio inferens) atque etiam post futura . Vsu .v. inter se admodum diffident : futurorum enim præsensio vtilissima est : præteritorum v. inutilis quidem alijs, sed utilis vni Medico; cui libeat artem suam ostentare . Hæc Galen. in his satis clarus; qui paulò ante varias significationes verbi , *προφοῖν*, idest , providere apud Græcos enodauit . *Προφοῖα* autem .i. Prouidentia, secundùm communem Græcorum consuetudinem, curam, & diligentiam significat . Quem admodum Euripides indicauit, dicens: Hæc moriens, tamen multam prouidentiam habuit, vt honestè caderet . Vnde verbum Græcum , *προφοῖν* .i. providere, idem erit , ac curam gerere cuiusdam rei, & præparare semper vtilia . Prouidentiâ Mundum gubernari, in hoc etiam sensu dicitur . At .v. Hipp. (inquit Galenus) non ita, sed pro præfensione prouidentiam dixit (mihi videtur) non simpliciter, sed a communi quâdam significatione secundùm vtramq; appellationem . Quòd enim mente videantur quædam, antequàm fiant, præuidere, apud Homerum, & item (præuidentiæ) vocabulum factum est : & ab ea ipsa præsentire , & item præsensio . Quocirca, quidquid natura sensibile ratiocinatione peruestigamus, antequàm intueamur , præuidere hoc meritò dicimus , indicantes verbo, vt talia mente videamus, antequàm fiant: & ob eam rem, quæ geruntur, si fiant de repentè , sine arbitrio & cogitatione ; si consultò, cum prouidentia fieri dicimus : Id quod Soloni quoque est proditum, hunc in modum : Interstinguant perpendantq; Iudices Areopagitæ, conueniet num , cædes, vulnus , incendium , prouidentia

Præsentiri dicuntur cuncta, quæ nostro Arte dignoscimus, siue præterito, siue præsentis, siue futuro tempore cõtingerint.

Futurorum præfensio vtilis, præteritorum, nisi vni Medico, inutilis.

Προφοῖα quid?

dentia commissum sit, & item medicamentum si quis adhibens interemit. Quin etiam Rethores antiquiores sæpenumerò talia verba, & nomina vsurpant: in quibus, quæ prouidentia geruntur, diducuntur aduersùs ea, quæ sine vlla consultatione, & deliberatione contingunt: V.g. si quis inuitus alterum oblæsit, aut percussit obiratus; haudquaquàm prouidentia extitisse dicunt: Sed, si quis multò cogitauit ante aliquid tale committeret, & considerauit quo pacto, prouidentia id commissum volunt. Id ergo cômune significatur apud Græcos de prouidentia vocabulo, bonarûq; & malarum gestionum: nec, vt quidam existimant, de bonis tantummodò dici assolet.

*Vocabula
quedam
synonima.*

*Præsentio,
& Prædictio
discernunt.*

Hæc Galenus, qui secundum Hipp. ait, & rectè, prouidentiam pro solo bono rerum successu non accipi, sed pro boni, malique euentûs præcognitione, siue præsentione. Præcognitio, siue Prognosticum ergo, Prædictio, Præfagatio, seu Prælagitio, Prælagiû, Prænotio, & Præsentio, ac Prouidentia, sunt synonyma, quorum quodque rem maturè prænotam significat: siue res illa malè, siue benè successerit. Hoc tamen discriminis est, inter Præsentionem, & Præditionem, quod Præsentio in mente esse dicatur, Prædictio .v. in voce, quod voce proferatur Præsentio, vt testatur Galen. in Præfatione Libri Primi Prorrhethicon. Præsentio autem, inquit, in anima est nostra. Prædictio .v. eorum, quæ sunt præcognita, per vocem efficitur: constatq; non alia quidem in anima non opinari, alia .v. prædicere. Cæterum iuxta hanc Galeni doctrinam, mente præfagimus, & pariter præcognoscimus.

*Prædictio
mus, Præ
sentimusq;
aliquando
exactè, ali
quando pro
babilius.*

Præfagium, iuxta Galen. lib. 1. de Crisib. cap. 2. & alibi, est futurorum Symptomatum, aut Mortis, aut Salutis diuinatio; quæ quidem non aliter fit, quàm mediantibus Signis bonis, malisue, in ægris apparentibus. Herophylus apud Galen. in exordio commentarij in Lib. 1. Prorrhetic, Præsentionem, Præcognitionemue, à Prædictione distinguere voluit, quod prædictio aliquando certa fit, aliquoties incerta; Præsentio .v. certa semper. Ad quod Galenus ait, nos quidem utroque modo præcognoscere & præsentire: interdum quidem tum exactè, tum certò: interdum verò probabiliter: sicuti fit à nauium Rectoribus, & Rusticis, qui mediantibus quibusdam Signis, imbres, siccitates, frigora, æstus, ventos, ventorumq; tranquillitates, præsentunt, prædicuntque.

His ita expositis, perspicua est, Prognosis, siue Prædictionis *Prædictionis utilitas* utilitas; quam Commentario in tex. 2. lib. 1. Prognostic. Galenus ita commendat: Ex Prædictione creditur Medicus agnoscere naturam ægrotationis. Porro, qui creditur agnoscere naturam ægrotationis, ægros habet obsequentiores. Ac demum, qui ægros habet obsequentiores, morbos facilius sanat. Galenus alibi gloriatur se vulgi calumnias declinasse, quod semper futura præsentiret, prædiceretq; propter quod Diuinator à pluribus dicebatur: & merito quidem; cum ipsa Medicina, quoad Partem Prognosticam, Diuinationi cognata sit, vt in nostrâ inuimus Physiologia. Constat ergo, Semioticam non solum ob dignoscendi munus, sed maximè ob prædicendi, protinùs necessariam esse, vt fert Hippocratis & Galeni contra Coætaneos Medicos opinio.

Nunc par esset Semioticam in suas distinguere Partes, vt in Physiologia, & Pathologia fecimus, dum has superioribus annis exponeremus. Sed quoniam Semiotica tota est in Signis, hæc diuidendo illam in suas partes distribuimus. Quare Signi naturam cum suis speciebus in sequentibus exponemus Capitibus. Primò ergo hoc Libro Signa in suas species dispecscam. In 2. de Crisibus agam: in Tertio, de Pulsibus: in Quarto de Vrinis: in Quinto de Reliquis excrementis: in Sexto fortassis de modo prædicendi. Priùs tamen, maioris claritatis gratiâ sequenti Capite quasdam Medicinæ partitiones cum Galeno exhibere placet; vt cuius inde pateant Semiotices natura, & partes; & vt quidquid à nobis in nostris Prolegomenis Medicis Medicinam diuidendo omissum est, hinc faciliè colligatur, eruaturque. *Semiotica partes*

C A P V T II.

De Varijs Medicinæ Diuisionibus.

Galenus lib. de Partibus Artis Medicæ, varias Medicinæ diuisiones à varijs Capitibus desumptas exposuit. De quibus nos summatim; cum earum cognitio Medico pro- *Medicina tres partes, Pharmacia, Chirurgia, & Diæta siue victus ratio.* sit, etsi in nostra Physiologia magis receptam, & vulgarem exposueram. Capite ergo 1. ad iustum charissimum scribens hæc habet: Sunt .n. quidam, quos possis audire secantes totam Artem in Pharmaceuticam, & Cheirurgicam, & Diæticam: idest, in eam, quæ

*Alia diu-
sio in Cu-
ratricem,
& Salu-
brem, ac
Prophyla-
cticen, sine
Præuiso-
riâ, Anale-
pticæ, Eue-
cticam, Ge-
rocomicâ,
Pædotro-
phicâ, Cos-
meticen,
Phoneticen-
que.*

quæ medicamentis, & eam quæ manuum opera, & eam quæ Vi-
ctûs ratione medetur: & has deinde in alias partes, non tamen vt
omnes mox eodem modo has partiantur. Nonnulli v. in Thera-
peuticen, idest in Curatricem, & eam quæ Hygieine .i. Salu-
bris, appellatur (Medicinam diuidunt). Alij & Prophylacticen,
idest, Præuisoriam, inter has in prima statim partitione introdu-
cunt: sicut quidam & Analepticen, quasi Resumptiuam dixeris (vt
.n. Præuisoria causis morbos minantibus medetur, ita Analepti-
ce conualescentes reficit): Sed aliqui, præter has, Euecticam, hoc
est eam, cuius munus est optimum Corpori habitum introduce-
re. Sunt præterea, qui istis omnibus Gerocomicam, hoc est eam
partem, quæ senes regit, annumerant: quemadmodum alij eam
partem, quæ Infantium curam habet, quam Græci Pædotrophica-
cam vocant. Alij verò præterea Cosmeticen, idest, Decoratoriâ,
quam à fucatoria, Commoricâ Græcè appellata, diducunt. His .a.
non contenti quidam, prædictis Partibus aliam quandâ exiguam
quidē partē, primæ statim Sectioni addunt, Phoneticen, .i. voca-
lem appellatâ: & hoc nonnulli ita indistinctè proferunt: Alij .v. di-
stinguunt, atq; ostendunt, tã illis, qui vocem cōmodam cupiunt,
quã illis, qui prout eorū natura exigit, opus esse, vt nō secūs vocē,
ac alias eorum actiones habeant. Hi tamē nunquā ad id deue-
niunt, vt sigillatim has huius Artis Partes, prosequantur: nempē
si hoc fecissent, non omninō à ratione hæc eorum partitio videretur
esse aliena. Verū, cū partibus alijs neglectis, vnius tan-
tummodò meminerint, ipsi seipfos videntur redarguere, quòd
suam absq; Methodo, & ratione Partitionem instituant, vtpote
qui ne maximas quidem partes omnes attingant. Nam de harum
ipsarum partitione in minores particulas, consentiunt omnes. Sed
alij vt ex his quasdam tanquam huius Artis partes admittunt, ita
quasdam omittunt: Alias tamen præter has primæ partitioni an-
numerant, quemadmodum illi, qui Physiologicam quasi natura-
lium rerum inuestigatricem, ac etiam Pathologicam, quasi affe-
ctuum perscrutatoriam, dixeris: Alij verò, & materialem (Par-
tem, quæ de Medicamentis agit, nomine Partis intelligit Gale-
nus, vt existimo) istis addunt; & eam, quam Græci Semioticen,
quasi significatiuam dicunt: & quidam Causale addunt, Æthio-
logicen appellatam à Græcis. Hactenus Galenus, qui cap. 2. Me-

*Physiolo-
gia,
Patholo-
gia,
Pharma-
ceutica.
Semeioti-
ca.*

dicinæ Partitionem iuxta Empiricos exponit.

Empirici autem omnes primas Medicinæ differentias constituunt, partiunturq; in finales, & constitutiuas. Verùm, dum iisdē Empirici finales differentias subdiuidunt, non sunt inter se concordēs : quoniam nonnulli ex ipsis sunt, qui dicant, Significatiuam, siue Semioticam, ac Curatricem, esse finales : alij v. Salubrem: alij etiam Decoratiuam, & Vocalem illis ipsis addiderūt. *Finales partes. Constitutiuæ.* At inter Constitutiuas Partes, eam, quam Græcè Autopsiam appellant (& est eorum observatio, atq; memoria, quæ vnusquisq; ipse inspexit) & præterea Historiam, inter Partes quidem reputant omnes. Cæterùm, dum sigillatim harum Partium vnamquamque in minores partes secant Empirici, cum Dogmaticis sunt parùm concordēs. Nam si velint in minimas particulas Curatricem diuidere, Partes emergent numerosissimæ, quemadmodum Romæ fieri solebat; vbi pro diuersitate partium Corporis, Morbi diuidebantur. Vnde Medici quidam Dentarij; alij Auricularij, alij Anarij, siue Morborum ani Curatores; alij Ocularij, & ita de cæteris, dicebantur. Et sanè, sicuti à particula aliqua curanda quidam denominantur Medici, ita pariter ab ipsis peculiaribus Morbis alij denominationem sortiuntur; vt qui Suffusionem tollere consueuerunt, Suffusionarij, & ita de reliquis. Pars verò Medicinæ, quæ Suffusioni tollendæ incumbit, Punctoria Suffusionum Ars dicitur. Et vt Suffusio auferatur, Ars quæ Suffusioni medetur, sua habet Theoremata, quæ Latinis Præcepta nuncupantur. Notiones .a.eas appellat Galenus. Prima namque cognitio, siue notio secundùm speciem (vt cap.4.cit.libri de Part. Art.Medicæ, loquitur idem Galenus) est illius instrumenti, quod pungendum est. Secunda est illius Particulæ huius instrumenti (oculi scilicet) vbi pungere oportet. Tertia est mensuræ (acus videlicet) quæ sit pro affectûs ratione. Quarta, conuersionem (oculi videlicet ad situm conuenientem, vt commodiùs punctio perficiatur) respicit: Quinta, remotionem Suffusionis è loco, quem obtinebat. Sexta, circa astrictionem (foramen enim acu factum in cornea tunica, & alijs interioribus, astringentibus remedijs vniendum, & pars roboranda, & humores fluentes repercutiendi iisdem astringentibus) versatur. Hæ profectò, inquit Galenus, sunt notiones vltimæ, minimæ, atq; etiam simplices, quæ in alias

Roma quòdam cuiusvis partis morbis selecta præerat peculiaris: vt

auribus Auricularij, &c.

Pariter, & à peculiari morbo selecta nominabatur.

Theoremata, & præcepta sunt synonyma.

Modus adimendi suffusionis.

Notitia, notio, theorema, præceptum, hic synonyma.

sim-

Pars, particula, portio, synonyma.

Vera Methodus curandi suffusionem.

Artis præparatoria minima.

Therapia varie significatio- nes.

simpliciores non amplius secari possunt. Nihil. a. in præsentia refert dicere, notitias, aut notiones, aut Scientias, aut Theorematas, vel Præcepta, sicut neq; si partes dicamus, vel particulas, vel portiones. Igitur ea Scientia, quæ de pungendis est suffusionibus, his constituta est particularibus scientijs, quas nuper explicauimus: Vniuersa tamen ratio curandi suffusiones, alijs quibusdam notitijs eget, & illis quidem duplicibus secundum genus. Sunt. a. hæ: Prima quidem Præparatoria; Secunda verò illa, quam Apotherapeuticen Græci appellant. Si quis enim velit aliquem repletum plurimum, aut prauis humoribus refertum, vel etiam secundum caput dolentem, ad huiusmodi operationem deducere, is inflammationes in membranis (oculi scilicet) quæ punctæ fuerint, facillè excitabit, & vniuersum caput malè afficiet: quod ne fiat, Arte Præparatoria erit opus, cuius institutum est, corpus totum ab excrementis; succisq; superfluentibus expurgatum, & vacuum, atq; etiam caput ab omni dolore immune reddere. Vnde, & ea præcepta, quibus hoc agendum est, Artis sunt elementa: quemadmodum & ea, quæ ad id pertinent, vt post manuum opus expeditum, oculus ab inflammatione, caput verò ab omni læsione custodiatur. Et huiuscemodi præcepta sunt elementa Artis Medendi, hoc est vltimæ, atq; minimæ eius particule. Hactenus Galenus.

Hoc in textu perspicuè proposita est vltima, seu infima Therapeuticæ, siue Curatricis Medicinæ Partitio, quæ quidem in peculiare agitudines fit. Vox, Apotherapeuticæ, in contextu posita, non fuit à Galeno exposita: quare cum frequens fiat eius, vel Apotherapiæ mentio apud Galenum, Libris præsertim de Sanit. Tuenda, modò explicari debet. *Θεραπευτική* (Therapon) *ονομα*, apud Homerum, Latinè idem est ac Seruus, siue famulus, aut minister. Aliquoties idem est, ac Cultor Vnde *θεραπευόμενοι μύσων* id est Musarum Cultores apud Galenum. *Θεραπευαία*, & *Θεραπευαία*, id est apud Xenophontem idem est ac Ministra, aut Serna. *Θεράπειν* apud Apollonium idem significat. Verbum *Θεραπεύω*, idem est, ac famulo, seruiro, obsequium præsto. Item curo, procuro, curam, studiumq; alicui rei impendo. Item curo, id est, ren edia morbo adhibeo. Vnde Aristot. 1. Ethicor. 12. *εφθαλμους θεραπεύειν*. Apud Athenæum lib. 12. idem est, ac curo, id est, fano,

sano, medeor. Θεραπεία idem est apud Xenophontem, ac famulatus, Ministerium: Item famuli, seu Ministri. Item cultus, cultura, obseruantia, obsequium. Apud Platonem, & Galenū, significat cultum, siue curationem Corporis. Item apud Herodian. idē est, ac curatio, sanatio, medela, remedium. Apud Theophrastum est omnis cultus & cura, quæ plantis impenditur. Θεράτσειμα apud Xenoph. idem est ac cultus: apud Plutarchum verò est id quod sanandum proponitur. Θεραπευσία idem est apud Hesych. ac curatio, & supplicatio, Θεραπευσίμης, idem est ac medicabilis. Θεράτσειν, & Θεράτσειν, idest, Minister, Cultor, Curator, Sanator, Medicus, item Monachus. Θεραπευτικός, idest, colendis hominibus deditus, obsequiosus, officiosus; vel peritus demerendi homines cultu. Item peculiariter colendis potentibus deditus: seu obseruantie Potentium deditus. Θεραπέυτης; Cultor. Θεραπευτικός, officiosè, obsequiosè. Θεραπέυτρια, Cultrix, vel Curatrix.

A dicta simplici voce Græca, plura deducuntur composita: vt ἀθεραπεία, idest, cultus carentia neglectus. Αθεραπείτος, incultus; qui est corpore inculto & horrido: neglectus, cuius cura non geritur. Immedicabilis, insanabilis. Αποθεράττω, medeor, curo, Plutarch. & Galen. item colo. Απθεραπεία, curatio, medicatio, medela, ipse actus medendi. Idem etiam est ac θεραπεία. Interdum verò idem est ac omnis exercitationis probè peractæ postrema pars, quæ & excrementa purgat, & Corpus à lassitudine tutum reddit. Idem aliquando est ac cultus apud Arist. Αποθεραπειτική, est ratio curandi corpora post exercitationem. Propter frequentem Therapiæ vsurpationem in Facultate Medica, hæc producere volui.

Ex his satis constat Apotherapeutica significatio: quam dilucidè proposuit Galen. lib. 2. de Sanit. tuen. cap. 5. vbi frictionem debitam puero temperato exponens, duas quasdam frictiones in exercitatione requisitas proponit. Prima est illa, quæ corpora ad exercendum præparat. Secunda est, quæ post exercitationem adhibetur. Illa frictio, quæ exercitium antecedit, modicè corpus calefaciendo tenues meatus recludit, simul excrementa, quæ caro continet, fluxilia reddens, & solidas partes emolliens: Appellant autem hi (inquit Galen.) huiusmodi frictionem, Præparatoriam.

*Apothēra-
peutica.*

*Frictio
corpora
præparans,
Præpara-
toria dici-
tur.*

*Secunda
frictio Re-
curatoria
lassitudini
medetur.
Præpara-
toria vis.*

riam. Altera, siue secunda frictio, ἀποθεραπευτική Græcè dicitur; latinè Recuratoriam, ad verbum appelles. Hæc cum plusculo oleo administrata, simul pinguitudine humectat, & solidas emollit, & quæ meatibus continentur, in halitus euaporat. Verùm de hac post dicemus, cùm de exercitatione egerimus. Sed præparatoria frictio in optimi status natura calfaciendi corporis causâ suscepta, prout supra traditum est, fiat mollis primò, mox verò exercitationem aggressuro, dura; ita namque maximè & mollire poterit, & ad exercitationes excitare, & corporis naturam, qualem

*Apothera-
piæ scopus
duplex est.*

ab initio accepit, seruare. Apothepiam clariùs adhuc exponit Galenus lib. 3. de sanit. tuen. cap. 2. hac serie: Omnis exercitatio- nis probè peractæ postrema pars Apothepia dicitur. Et duplici consilio suscipitur, & vt excrementa expurget, & vt corpus à lassitudine tutum reddat. Communis igitur prior Scopus est omni- -exercitationi cū Athletarum, tum eorum, qui opus aliquod vitæ necessariū exercent, vt fodientium, iter agentium, remigantium, &c. Iuxta ergo Galeni doctrinā, Apothepica duabus cōstat Par- tibus: quarū prima corpus ad exercitia disponit; mollis enim fri- ctio Corporis superficiem laxat, & poros relerat, vt excrementis in cute, & sub cute contentis exitus detur. Et hæc est prima Apo- thepiæ Pars. Altera est illa frictio mollis & vinctuosa, qua lassitudo sedatur, de qua loquitur Galenus lib. 3. de sanit. tuen. cap. 6. vbi inquit: Altera verò lassitudo, in qua tensio sentitur, illud pro remedio postulat, quod Hippocrati (in libro de Vsu humido- rum iuxta principium) Græcè χαλασις: idest, relaxatio dicitur.

*Relaxatio
tensionis, sicut
mollities
duritiei
contraria-
tur.*

Ea (.i. relaxatio) tensioni contraria est, ad eum modum, quo du- ritati mollities. Ait enim ita Hippocrates cit. loco: Cutis duræ mollitio, distentæ remissio (siue χαλασις): ceu duro molle, di- stento remissum, laxumq; contrarium sit. Sanè remittitur quod distentum est, in alijs quidem affectibus, quos in quinto de Sim- plicium Medicamentorum Viribus diximus, alia ratione. Quod verò per exercitationem incidit, tum pauca molliq; frictione, ea- que ex oleo dulci, atq; egelido, tum intermissione omnino, aut etiam quiete; præterea lauatione medijs temperamenti (.i. aqua balnei tepida esse debet) atq; in calida pluscula mora: adeo si bis, terue lauabis, plus proderis. Hi verò & post balneum vngi desi- derant priùs, quam vestiantur. Hac Galenus: ex quibus abundè

*Indica-
tio
curatiua
tensionis las-
situdinis.
Oleum quo
illinitur
corpus esse
dulce, &
frigidum
in lassitu-
dine.*

con-

constat, quid sit secundus Apothepiæ Scopus, secundaue Pars. Tertia Apothepiæ Pars, est expirationis cohibitio. Vnde Galenus lib. 3. de sanit. tuen. cap. 2. ait : Ac propter hæc quidem non exigua portio Apothepiæ est spiritus detectio, & cohibitio: appellant verò ita, vbi omnibus thoracis musculis, qui circa costas habentur, intentis, coactisq; expirationem continemus. Spiritum enim cohibendum duos ob fines suadet Galenus: primò, quia cohibita transpiratione, muscoli saltem exteriores corporis vt plurimum tenduntur, quibus tensis tenditur & cutis: cute autem, & subiecta carne tensis, & confricatis, excrementa in eadē cute, & subiectis immediatè partibus, contenta, poris reseratis, facilè euacuantur; quiatum foras erumpunt: secùs verò accidit, idest interius æquè, ac exterius recurrunt excrementa, quoties pars frictionibus agitata laxatur, minimèq; tenditur.

*Tertia
Apothepiæ
pars.*

De Lassitudine.

QUoniam de Apothepiæ parte, quæ lassitudini tensuæ conuenit, loquutus est Galenus, operæ pretium duxi, cum eodem Galeno, cit. lib. 3. de Sanit. tuen. cap. 5. lassitudinis notionem, & species in medium producere. Ergo, inquit Galenus, lassitudinis notionem intelligentiamq; sunt qui accipiant, dum Vsti extentiq; sibi esse videntur: idq; aut omnibus corporis partibus, aut ijs tantum, quibus laborarint: quidam, dum tristi, molestiq; sensu inter mouendum afficiuntur; hunc alij indicibilem dixere, alij vlcerosum appellauere. Nonnulli, cum membra, ceu contusa, & phlegmone obseffa sentiunt. Non desunt, & qui simplices hos affectus inter se miscent, & qui tensionis est, & qui vlcerosus, & qui phlegmones speciem præfert. Alij duos ex his miscent, aut eum, qui Vlcere emphasisin exhibet, ei, qui tensioni assimilatur: aut eum, qui phlegmones sensum affert, seorsum cum utroque: ita vt sint in Vniuersum sententiæ de lassitudinis notione septem. Quæ sanè omnes, vt veræ ex parte sunt, ita in totum simplici absolutoq; sermone non sunt. Nā siue vlcere sensus, cū mouentur, se exhibet, siue phlegmones, siue incendi intendiq; videntur, siue duo quilibet horū, siue etiā omnes coeant, ὁ ὅς, Græcè dicitur; idest, lassitudo eorū affectuum vnus-

*Tres lassitudinis
species: tensionis, vlcerosa, Phlegmonosa.*

C

quisq;

*Lassitudo
Græcè
ὁ ὅς.*

Septem species lassitudinis laxæ sumpta. quisque. Quò fit, vt septem eius in vniuersum differentia sint, simplices tres, compositæ quatuor. Corporis verò, quòd his sit affectum, remedia quædam propria cuiusq; lassitudinis sunt, quædam omnibus communia. De his mox dicetur, si prius de affectu quodam, qui lassitudini proximus est, dixerò, quem decepti nonnulli prauè lassitudinem nominant: is qualis sit, & quas notas habeat, illustrius apparebit, si cuiusque lassitudinis essentiam prius disquisiuerimus. Hactenus. n. ipsa Symptomata dicta sunt. Illa

Species lassitudinis sunt symptomata.

Vlcerosa lassitudinis causa.

Rigor quid.

Tensua lassitudinis causa.

Phlegmosa lassitudinis causa.

n. quòd incendi (siue vri, aduriue, siue impleri, vt alij loquuntur) tendique corpus videatur, & quòd mouenti se, vel vlceris, vel phlegmones sensus oboriatur, affectiones non sunt, sed symptomata. Affectiones. v. corporum, quibus hæc superuenire solent, tres simplices sunt, quatuor compositæ. Et vlcerosus quidem affectus oritur ab excrementorum copia tenuium simul & acrium. Quæ nimirum inter exercitandum proueniunt duplici ex causa; aut eo excremento, quòd crassius erat, fuso, & attenuato, non tamen toto expulso: aut adipe, molliue carne liquata. Necesse enim est abs tali humore, ceu tenui atq; acri, pungi, & quasi vulnerari, tum cutem, tum ipsam carnem, sic, vt etiam horror interim oboriatur; imò etiam quadamtenus concussio, commotioque totius Corporis inæqualis, quòd Græci *ρίγος* (i. rigor) vocant: si modò admodum, tum copiosus humoris, tum acer sit. Ac talis quidem est vlcerosa lassitudo. Vbi autem tendi nō solum membra videntur, vlceris verò sensus non est, in hac certè lassitudine, nullum excrementum, de quo ratio vlla sit habenda, in corpore continetur; sed residet in musculis & nervis ex nimia tensione, quam exercitando admiserunt, affectus quidam effectricis causæ potestate testificans. Accidit namque in vehementi tensione omnes musculorum fibræ tendi, non tamen similiter omnes lassari, sed eas maximè, quæ per longitudinem tensionis porriguntur. Quippe quæ obliquiores quodammodo iacent, minus in directū aguntur: Quare his nullum instat periculum. In ijs verò, quæ immoderatiùs sunt extentæ, ita vt parùm à rumpendo absint, relinquitur affectio quædam similis ei, quæ inter agendum fiebat; quippe tendi adhuc videntur, cùm tamen nulla iam tensione vrgeantur. Tertia verò lassitudinum differentia, qua nimirum, ceu contusas, aut phlegmone obsessas partes sentimus, tum maximè so-

let incidere, cum musculi nimium excalescenti attraxerunt uippiam, ex circumfufis sibi excrementis . Quod si etiam tum tendonibus, tum neruis, idem affectus incidit, *ὀστέονος* Græcè, *est ossium,* quasi ossium dolorem, eum affectum nominant; ob penitiorem scilicet *seu potius,* sensum partibus, quæ in alto (.i. profundo) maximè corpore sunt *periostii dolor.* positæ, nomen tribuentes: quippe summum locum cutis occupat.

Secundum ab ea positus ordinem musculi habent, utique circum ossa positi: at tendones ipsis ossibus adhærent . Quò magis rationabile est, cum hi quicquam prædictorum patiuntur, videri in imo, ac circa ipsa ossa affectionem hæere . Atque hæ quidem solæ tres simplices lassitudinum differentiæ sunt: compositæ verò ex his, ut iam dictum est, quatuor sunt: de quibus mox agendum, si tamen prius simplices vniuersas absoluerò . Est namq; affectio alia quoque, quæ, ceu lassitudo sit, nonnullis imponit . Hæc incidit, cum supra iustum musculi siccantur sic, ut squallens contractumq; corpus appareat; atque ad motus quodammodò pigrum: non tamen ei quicquàm eorum, quæ modò diximus, inest: neq;

*Affectio
quedam
lassitudini
similis.*

is, qui veluti vlcis, aut tensionis est, multoq; minùs, qui veluti phlegmones est sensus . Quippe diuersissimus aspectus eiusmodi affectionis est, & eius, quam vltimo loco retulimus . Hæc namq; squallens & contractius corpus efficit: at quæ Phlegmones sensum præfert, mole etiam, quàm pro natura, ampliore . Quare quatuor in vniuersum simplices affectiones sunt: quarum singulis sua sunt remedia. Hactenus Galenus.

Hæc ex Galeno studio producere volui; quoniam, ex quo Medicinæ incumbo, neminem, ut decuit, calamo, aut alloquio, lassitudinis naturam exponentem legi, aut audiui, in Hispania, Gallia, & Italia, in quibus longam triginta quinque annorum moram contraxi: quamquàm vbiuis horum florentissimorum Regnorum sæpiùs doctissimorum Medicorum consuetudine fruerer. Soli ergo Galeno, in hoc, æquè ac in reliquis, omnis concedenda palma, cui idcirco adhærendum: maximè. v. cum lassitudinem, frequentissimum affectum, diligenter, & compendiosè, contra solitum Stylum, examinauerit . Postquàm .a. lassitudinis quasdam descriptiones ex Antiquis deduxit, eandem in septem species dispescuit: in tres nimirum simplices, & quatuor compositas. Simples Lassitudines sunt, Vlcerosæ, Tendinosæ, & Phleg-

*Vlcerosa
lassitudi-
nis causa
latè expo-
nitur.*

*Tensua
lassitudinis
causa ex-
actè expo-
nitur.*

*Causa
Phlegmo-
nosa lassi-
tudinis
exactè ex-
ponitur.*

*Dolor, &
calor at-
trahunt.*

*Ossium lassi-
tudo; tamen
si periostio,
sive mem-
brana ossa
regenti, &
tendonibus,
ceterisque
ambicibus
partibus,
quæ insen-
sibilibus os-
sibus tri-
buenda.*

monosa: ait enim, & optimè, molestum illum sensum, vel sensa-
tionem, vlcerosam, tensuam, & phlegmonosam, quam in lassitu-
dine homines persentiunt, esse Symptomata: morbus verò, à
quo pendet vlcerosa sensatio, est morbus in meatibus dilatatis:
adeoq; in cōformatione vitiata: vel certè est solutio continui, sed
numerosa & exigua orta in partibus sensibilibus habitus potissi-
mum exterioris corporis. Vt ut sit, causam habet humores acres
& mordaces, biliosos, pituitosos putrefactos, & aliquoties retor-
ridos; qui extenuati ad superficiem corporis à facultate expultri-
ce propelluntur, & meatus quosuis ita dilatant, vt dolorem exci-
tent; vel certè continuum corrodunt, & solutiones varias, sed exi-
guas & veluti occultas efficiunt. Tensua sensatio provenit à ni-
mia tendinum, neruorum, imò musculorum dilatatione, siue
auulsione quadam: Fibrae. n. omnes rectæ musculorum, & neruo-
rum, & tendines præter modum extenduntur, & veluti conuel-
luntur; ita vt pars conuulsione laborare videatur, & veluti qua-
dam continui solutione. Si quis vellet tendinum aut fibrarum
neruorum hanc immodicam tensionem ad morbos in connexu
reducere, per me licet, si ligamenti rationem tendonibus adapta-
re queat. Phlegmonosa demum sensatio vel lassitudo, causam
habet phlegmonem, quæ est inflammatio partis orta ex circum-
fusis excrementis, & sanguine, qui ad partem prius calefactam
fluxere, ibiq; sistentes tumorem præter naturam peperere. Potest
.a. Phlegmone provenire ex ipso sanguine partis attenuato, &
terueto, qui locum ampliorem quarens, partem in tumorem
attollit, ad quam inflammata accurrunt vndiq; noui humores.
Nam dolor, & Calor attrahunt. Si .a. inflammatio circa tendi-
nes, qui sunt musculorum fines, & veluti caudæ, & circa ipsos
articulos, quibus tendones alligantur, & circa ossium membra-
nas, persentiatur, hæc lassitudo ex nimio motu orta *ῥῆξις*,
quasi ossium lassitudo dicitur.

His tribus lassitudinis speciebus quartam addebant ex anti-
quis Medicis nonnulli: Et emergit, quoties muscoli immodicè
siccantur, & ob siccitatem excedentem contrahuntur, & quasi ab-
breuiantur; adeò vt ex hac musculorum siccitate, & contractio-
ne, corpus squallidum, contractum, curuumue secundum va-
rias partes appareat, atq; ad motus obeundos propterea segne, &
quo-

quodammodo pigrum : vt videre est in ijs , qui hectica laborant febre : veluti in alijs ob longas ægritudines præter modum exiccatis : Talis affectus est ceu lassitudo , vt in contextu iam citato loquitur Galenus , non tamen lassitudo verè censendus , vt in eodem textu contra quosdam , & sequenti cap. 7. citati lib. 3. de Sanit. tuen. docet idem Galenus , hac serie : Est alia quædam super has (.i. vltra tres communes lassitudinis species) quarta , similis quidem lassitudini , non tamen lassitudo , quòd neq; vlcereis , neq; tensionis , neq; phlegmones affectum præ se ferat : sed nec horrore vllum , doloremue , nec pigritiam ad motus , quemadmodum lassitudines , infert , sed gracilitatem tantum , ariditatèq; facit. Incidit quidem hæc in corporibus boni succi , & exercitationi assuetis , vbi immodicè exercitata parum ritè Apothèrapia sunt vsa. Quippe ita & digeruntur excrementa , & quæ tensa fuerant , laxantur : nec aliud in corpore relinquitur præter siccitatem , quam ex immodico motu contraxerunt. Hactenus Galen. qui nō negat , quandam in hoc affectu reperiri pigritiam , vti cap. 5. superius cit. docuit ; sed affirmat , pigritiam , & dolorem , similes pigritiæ , & dolori verarum specierum lassitudinis non extare , nec apparere.

Ex dictis tribus simplicibus speciebus , cōpositas quatuor lassitudinis species constari docet Gal. quia tres dictæ simplices differentiæ variæ coincidere , copulariue possunt : inde vlcerosa , & tēsiua simul lassitudo emerget : sicuti vlcerosa , & phlegmonosa : Phlegmonosa , & tensiua : Vlcerosa , tensiua , & phlegmonosa simul. Et sic quatuor cōpositæ species lassitudinis ex præfatis simplicibus resultant. Et si in animo sit rem hanc (Deo aspirante) in Hygieine , siue Salubri Medicinæ Parte , prosequi , verbo tamen simplicium lassitudinū Apothèrapiam cum Galeno proponam. Ille enim cap. 6. lib. 3. de Sanit. tuen. paucis modum sedandi vlcerosum & tensiuū sensum , siue lassitudinem absoluit ; Ordendum verò , inquit , ab ea lassitudine , quæ vlcereis sensum inuehit : quam etiam ab excrementorum acrimonia ortam diximus : hæc maxime in ea incidit corpora , quæ & mali succi sunt , & excrementis abundant. Succedit v. recentibus cruditatibus , cum , aut exercitantur immoderatiùs corpora , aut in Sole sunt morari homines. Ceterum , nihil obstat , quin in corpore boni succi citra crudita-

*Quarta
ceu sim-
plex species
lassitudinis.*

*Causa lassitudinis
apparentis,
seu quarta
speciei simplicis lassitudinis.*

*Quatuor
cōpositæ
lassitudinis
species , ex
tribus simplicibus speciebus ortæ
sunt vlcerosæ & tēsiuæ : Vlcerosæ & Phlegmonosæ : Phlegmonosæ , & tēsiuæ : vlcerosæ , Phlegmonosæ , & tēsiuæ simul.*

*Exactissimum vlcerosæ lassitudinis
examen.
Causa.*

tem proueniat hæc vlcerosa lassitudo, vtique ob exercitationis nimium excessum. Sanè excitare eam solent celeres, ac multi motus. In hac verò lassitudine, etiam densa esse, horrereq; cutis videtur. Fatenturq; qui ea sunt affecti, inter mouendum dolere sibi, vlceris ritu, alij cutem tantum, alij subiectam etiam carnem.

*Curatio
indicatio
vlcerosæ
lassitudi-
nis.*

*Oleū His-
panicum
omphacinū
crudum,
ωμορπισές.*

*Oleo dulci
corpora vlc-
erosæ las-
situdine
affecta li-
nienda.*

*Apothera-
pia altera
pars lassi-
tudini con-
ferens.*

*Frictio à
pluribus si-
mul exer-
cenda.*

*Nota Se-
culò.*

*Sudorifica
potiones in-
rimiori las-
situdini
conferunt.*

Remedium huius ex ijs, quæ affectioni sunt contraria, comparatur. Quippe si, quæ redundant, euapores, malum cessabit. Sanè euaporabuntur (per cutem scilicet) frictione multa molliq; cum oleo, à quo omnis astringendi vis abest: quod genus maximè Sabinum est. Aduersissimum verò huic affectioni est, quod ex Hispania portatur, & ex Iberia: vocant autem Hispanum; tum quod omphacinum vocant, vel ωμορπισές, .i. crudum. Et, vt semel dicam, quod austerum est, omne id alienum est. Et quibusdam interiectis addit sequentia Galenus: Illud tantum in præsentia dixisse satis sit, quod planè dulcissimum oleū est, id esse ad propositam affectionem maximè accommodatum. Hoc igitur copioso, cum multa frictione vtendum: primo quidem die, quo suspectam fortè lassitudinem omninò declines: secundo verò, vt si qua incidit, discutiatur. Discutit porrò eam exercitatio, quæ Apotherapia dicitur: in qua scilicet motus adhibeas quantitate inediocres, qualitate tardiores; idq; cum frequenti interposita his quiete: qua utiq; fricare hominem oportet pluribus simul contestatantibus, quo, ne refrigescat pars vlla, & ocysimè excrementa digerantur: Porrò frictionum plus adhibebitur in ijs, qui in cute, & sub cute excrementorum collectam vim habent: motuum verò, quos ipsemet edat, in altera lassitudine: scilicet in qua plus est in ipsis musculis congestum. Quæ enim in his coacta excrementa sunt, sola frictio educere non potest: his enim opus est nō solum ab aliquo foris attrahi; verum etiam ab altero quopiam intrinsecus impelli. Impellit ea partim calor ipse, qui per motum accenditur, partim spiritus, qui vnà emittitur; partim ipsa musculorum tensio: super hæc verò ipsa singularum partium excretoria alieni vis. Altera verò lassitudo, &c. Hac Galenus per se clarus: cuius tamen doctrinæ addere possumus potiones diaphoreticas, & Sudorificas, profuturas ijs, qui excrementa habent collecta in musculis. Nam talia remedia ad cutem prouocant huiusmodi excrementa: imò non rarò per Sudores, aut madores eadem

eadem euacuant. Cùm tamen in lassitudine vlcerosa eiusmodi excrementa acris percipiuntur à tactu, sudorifica illa debent esse temperata, aut saltem non multùm calida aut sicca. Potio ergo ex æqualibus partibus Aquarum Acerosæ, Scabiosæ, & Cardui Benedicti, vel Vlmariæ, præscribi potest. Tensiva lassitudo relaxationem, siue remissionem tensæ partis indicat: quæ quidem relaxatio copiosa vnctione cum oleo dulci, sed non multùm frigido, fieri debet. Quoties tamen ex oleo litus fit, cauendum sedulò ne dura cum frictione fiat: quoniam humectandum, quàm euacuandum potius est in hac lassitudine, quæ puris corporibus accidit, dictante Galeno lib. 3. citat. de Sanit. tuen. c. 6. his verbis. Incidit certè huiusmodi lassitudo ijs quibus salubris succus est, post robustas potius, quàm celeres exercitationes: redditq; lassatos ipsos pigros admodum, ægrèq; flexibiles. Non tamen hi densi horrentesq; apparent, quemadmodum quos paulo ante comprehendimus (vlcerosa lassitudine laborantes); cæterum contracti aridiq; non minus ipsis apparent, qui hac lassitudine laborant, tangentibus verò calidiores videntur non solùm ijs, quos vlcerosa lassitudo viget, sed etiam quam ipsimet, cum sani essent. Hactenus Galenus cum quo etiam superius hanc curationem inuimus.

Potio sudorifica.

Tensiva lassitudinis curationis.

Causa.

Signa.

Capite 7. dicti libri 3. de Sanit. Tuenda, methodum curandi lassitudinẽ Phlegmonosam proponit hac serie Galenus: Tertitia, inquit, lassitudo ex vehementissimis nascitur motibus: solatque supra naturalem habitum musculos attollit sic, vt phlegmone persimilis affectio sit. Itaque & leui tactu offenduntur, & calidiores apparent. Dolent verò etiam, si ipsi per se moueri conentur. Incidit hæc lassitudo ijs plurimùm, qui assueti exercitationibus non sunt: nam exercitari assuetis rarò incidit, utiq; ex vehementissimis plurimisque motibus. Sanationis vero eius Consilium ad tria dirigitur, eadem ferè, ad quæ omnium phlegmone obsessorum, nempe superuacanti vacuationem, extenti requiem, & inflammationis refrigerationem. Ergo & oleum copiosum, ac tepidum cum frictione mollissima, & longissima in medijs temperamenti aquis mora, huiusmodi lassitudines emendat. Quod si paulò tepidior aqua sit, plus proderit. Ad eundem modum multa quies, & vnctio assidua, denique omnia, quæ id,

Phlegmonosa lassitudinis indicia.

Triplex indicatio curationis Phlegmonosæ lassitudinis.

quod

quod lassatum est, quiete, linimentoque recreent, ac quod superuacuum est, per halitum digerant. Hactenus Galenus, qui in lib. 13. Meth. med. & lib. 2. de Arte Curat. ad Glaucon. & libro de tumoribus præter nat. Phlegmones, siue inflammationis, cum affluxu sanguinis naturam, & curandi rationem abundè exponit.

*Quarta
lassitudi-
nis cura-
tio.*

Eodem fermè communi modo, quo dictas lassitudinis species, illam quartam, ab antiquis quibusdam additam, curat Galenus post lassitudinem Phlegmonosam. Sed hæc occasio Apotherapiæ, aut Apotherapeutica, de lassitudine pronunc dicta satis sunt. Et conclusum esto, Apotherapiam esse defatigatorum potissimum refectionem, frictionibus, vnctionibus, balneis, motu aliquoties, quiete, cibo, & similibus completam.

Alia Medicinæ partitiones.

*Tres Me-
dicinæ par-
tes, Cura-
rix, Salu-
bris, Præ-
uisoria.*

Nunc ad pensum redeunt, Medicinæ Partitionem à Corporis affectibus desumptam, cum Galeno cap. 5. lib. de Partibus Artis Medicæ, tradere lubet. Tres Medicinæ partes hoc capite constituere voluit Galenus. Prima est illa, quæ morbos profligat, quæq; communiter Curatrix Medicinæ dicitur. Secunda Pars, est Salubris, quæ Valetudinem tuetur.

*Neuter
status.
Manifesta
intemperie
laborantes,
dummodo
solitas fun-
ctiones obe-
ant, non
agrotant.
Analepti-
ca.
Geroconi-
ca.*

Tertia est ea, quæ Præuisoria dicitur, cuius officium est, neutrum emendare Statum. In hoc a. neutro Statu ij esse videntur, qui manifestam quidem habent intemperiem, nondum tamen ægrotant; quippe cum possint adhuc suas obire solitas actiones, quique nullo adhuc malo tenentur, quod sensibile sit, sed tantum insensibili: quemadmodum illis contingit, qui à cane rabido morfi sunt, vel qui venenum hauserunt, quod non nisi post tempus aliquod interficit. Pars Artis, & est Analeptice, siue Resumptrix, quæ conualescentes, siue hos qui à morbo liberati sunt, reficit. Est & pars alia, quam Gerocomicam vocant, de Senibus regendis, quæ nullam videtur habere certam constitutionem: Siquidem Senectus nec omnino morbus est, nec integra omnino sanitas. Nonnulli, & ratione educandorum Infantium, in hunc ordinem redigunt, quam Pædotrophicen appellant: aiunt enim, quod corporis cura sic habenda est, ut illius Status exigere videtur.

*Pædotro-
phice.*

Addunt præterea quidam partem aliam, quæ optimum habitum

Cor.

Corpori inducere studeat : ab illis Euectica appellatur ; eam alij *Euectica
sive Gym-
nastica.* Gymnasticam nominant . Vt tandem primæ maximæq; Artis istius , quæ circa corpus versatur, Partes hæ sint: Curatrix, Resumptoria, Præuisoria, Senum custodiendorum ratio: Infantium Educatrix: Euectica, seu optimi habitûs inductrix , ac etiam Salubris : Quæ si eo modo diuidantur, quo paulò ante Curatricem monstrauius , ad simplicissimas deueniemus præceptorum differentias : quæ ostensa sunt esse veluti quædã Artis elementa.

Quandam Medicinæ partitionem, à Ratione, & operationum differentijs desumptam, proponit Galenus eodem libro de Partib. Artis Medicæ cap. 6. Est tamen, inquit , & alia diuisio, quæ à ratione operationum , & earum differentijs depromi potest. Dicunt enim aliqui , manuum operationem , medicamenta , *Partitio
ab opera-
tione desū-
pta.* Victusq; rationem , esse primas maximasq; Artis Medicinalis Partes. Quæ partitio quibusdam fieri videtur penès materierum differentias : quippe cùm omnis nostri corporis particula seruari, & iuari suapte natura possit, aut Victus ratione , aut medicamentis, aut manuum operâ : Nos tamen forsitan magis propriè dixerimus, ea quæ offeruntur, quæ administrantur , quæ euacuantur, & quæ extrinsecùs occurrunt. Summatim v. dicere possumus, quod qui occasione accepta ab his affectibus , quos hæc Ars curat, aut à quibus tuetur , vniuersam hanc Artem in Partes dissectuerunt, tot huiusce Artis partes fecere , quot sunt affectuum differentia. Sed alij non modò ab his , sed ab vniuersa etiam ea materia, quæ cognitioni Medici exposita est: & ij Physiologicam, *Physiolo-
gia.* hoc est rerum naturalium indagatricem , atq; etiam illam , quæ materialis propriè appellatur, prædictis Artis partibus annumerant. Sed alij ex ipsis actionibus huiusce Artis Partes distinguentes , præter Victus rationem , medicamenta , & manuum operationes, Significatiuam (sive Semioticam) introducunt. At nonnulli hanc in affectuum cognitricem, Græci Pathognomonice dicunt , & Præagitrice , quam Prognosticen appellant , partiti, has prædictis partibus addiderunt . Maxima autem Empiricorum pars inter finales quidem ponunt Significatiuam , Curatricem, & eam quæ Salubris dicitur . Verùm Curatricem deinde in Victus rationem diducunt, medicamenta, atq; manuum functiones. *Semeioti-
ca.
Pathogno-
monice:
Præagi-
trix , sive
Prognosti-
ce.
Empirico-
rum opinio* Qui nominibus quidem aberrant , in ipsis verò rebus minimè :

nam neque oportebat eos operationum nomina, scientiarum potius, apponere. Porro melius egissent, si dixissent (quemadmodum etiam ex illis aliqui dixerunt) vnā esse istius Artis partem Significatiuā, aliam Curatricem, tertiam verò Salubrem:

Semeiotica diuisio.

Curatricis diuisio.

Et Significatiuā (Semeioticā videlicet) partes habere, Pathognomonicon, hoc est, affectuum cognitricem, & Prognosticon, hoc est Præfagitricem: quemadmodum Curatrix Medicamentariam, atq; illam, quam vocant Cheirurgicā, nempe quæ manibus agit. Optimè igitur aiunt, cū inquirunt, primā generalissimāque ipsarum Artis Partium esse differentiam illā, quā eas partimur in finales, & constitutrices: finales siquidem sunt, quæ finem efficiunt; constitutrices verò quæ has constituunt, vt (& ita dicamus) in causa sunt, cur illæ consistent. Sed non æquè deinde benè agunt, cū existimant, Significatiuā esse partem Artis Curatrici, aut Salubri æquiparandā, quamuis illa ex necessitate præcedat: neque enim vnquam, vel custodiri, vel curari quis poterit, nisi cognoscatur prius qualis sit is affectus, quo Corpus tenetur: tamen ex ipsa Significatione in finem Artis nūquā peruenturi sumus. Et pari etiam modo transitus ad simile non est pars, quæ comparanda cum historia sit, aut cum illa, quæ ea complectitur, quæ ipse quis vidit.

Semeiotica necessitas.

Galenus citato sæpius libro de Partib. Artis Medicæ quandā Medicinæ partitionem à fine desumptā proponit. Itaque, inquit, dicamus illas quidem primas, & proprias, & quā maximè esse Artis Medicæ partes, per quas istius Artis finem assequimur: Alias verò istis esse superiores (siue priores). Porro, tot secundum numerum primæ proximæque sunt, quot sunt maximè propriæ rationes medendi: Medicina namque affectionibus nostri corporis medetur, siue modò illæ duæ sint, siue tres, siue etiam plures. Nos tamen eo libro, qui ad Trasymbulum dicatus est, ostendimus primā harum constitutionum differentiam duplicem esse, ac vtramque ab omnibus ferè proprio nomine esse appellatā: Siquidem alterā nos sanitatem, alterā, ægritudinem appellare solemus. Sed in vtraque deinde harum duplices reperiuntur species. Nam vtrōbiq; ea constitutio, aut in habitu est, aut in habitudine. Salubrem nimirum constitutionem, quæ in habitu est, illa pars sibi asciuit, quam Salubrem appellamus; &

Salubris diuisio.

istius

istius præcipuas partes, Euecticam, sic ab eis dictam, quidam ponunt, & Analepticen, quasi resumptiuam, & Gerocomicam, quasi Senum Custoditricem. Quæ verò ægritudines respicit habitu, vel habitudine, nominibus caret, quibus partes hæ Medicatiuæ nomenclantur. Ægritudines verò ipsæ quidem, aut acutæ dicuntur, aut Chronicæ, idest, longæ. Partium itaque huius Artis, aliæ quidem primæ, ac proximæ sunt; aliæ verò sine quibus illæ minimè esse possunt. In his igitur prima est Significatiua, cuius duæ sunt partes; altera quidem præsentium cognitrix; altera quidem futurorum Præfagitrix. Fieri enim nequit, ut rationem, affectum aliquem curandi reperiamus, nisi ille prius cognoscatur: neque etiam (nisi terminus futuræ iudicationis prænoscat) rectè vnquam curari poterit. Post hæc Galenus ait, antedictas Medicinæ partes collocari illam partem eiusdem Medicinæ, quæ partium Corporis Statum ostendit: quæ pars dissectione Anatomica comprehenditur: Præcedunt pariter recensitas Medicinæ partes, illa pars, quæ de Actionibus earundem partium corporis agit; veluti etiam pars ea, quæ earundem partium vsum, vtilitatemue exponit. Verùm (inquit Galen.) & his sunt aliæ priores, ea nimirum, quæ contemplationem elementorum, corporis, ac ea quæ de iudicijs, nec non & illa, quæ de naturalibus facultatibus, quæ & ipsæ ex Sectione animantium comprehenduntur. Nimirum in tot tandem principia Significatiua Pars dissoluitur, quam diximus, quod omnino Curatiuam, ac Salubrem præcedat: quæ omnia seorsum suis libris exposita sunt. Verum enim verò, est & alia pars præcedens Curatiuam, quam etiam Significatiuæ (suiæ Semioticæ) annectunt: ea autem est, quæ omnes causas docet, tam salubres, quàm morbosas, quam materialem nonnulli appellant. Hæc proficitur cognitionem causarum omnium, quæ his in primis constat, quæ offeruntur, quæ efficiuntur, quæ vacuantur, & quæ extrinsecus accidunt: horum enim omnium vires perpendit. Nos autem in libris de ratione Curandi, monstrauius, quam hæc vtilitatem Arti præstant.

Ægritudinalis partis diuisio.

Semiotica diuisio, & necessitas.

Varia partitiones.

Interpretatio verborum Galeni.

Hoc in textu vilus est Galenus distinxisse partem Salubrem à parte illa, quæ de sex rebus non naturalibus agit, qui tamen intelligendus est de modo dignoscendi earundem causarum, quo modo Semioticæ eam annecti docuit. At verò quatenus hæ

eādem res nonnaturales pro vario sui statu, aut sanitatē fouent, aut morbos procreant, Salubri annectuntur, vel eam vt plurimum constituunt: veluti morbosā statui, dum morbum efficiunt.

Capite 8. dicti libri de Partibus Artis Medicæ monet, se præcedentem partitionem Medicinæ desumpsisse à materia prima & proxima eiusdem: hoc autem capite ait, se daturum Medicinæ diuisionē, quæ ex secunda materia desumitur. Corpus enim,

Corpus humanum est obiectum per accidens Medicinæ, & Philosophiæ.

inquit, humanum Medicinalis Artis secunda est materia, ac (ita dixerim) per accidens, ea inquam ratione, qua sanitas & morbus istius corporis affectiones sunt. Nec modò huius Artis, sed Naturalis etiam Philosophiæ materia, hoc ipsum corpus est, & ipsius etiam per accidens, eo scilicet, quod generationem fubeat, & interitum. Naturalis nimirum Philosophia ea contemplatur, quæ generantur & intereunt. vnde, & ipsius prima materia generatio est, & propter hanc deinde corpus etiam generabile: nam & ob id corpus humanum naturalis materia est, quia generationem subit, & interitum. Medicæ verò artis non hac de

Corpus humanum sanum, & sanabile est Medicinæ obiectum.

causa, sed potius, quoniam morbis, ac sanitati subiectum est. Vnde cum corpus humanum sit quodammodò Artis Medicæ materia; hæc Ars pro ratione partitionis illius, ipsa etiam in partes suas secanda veniet. At duæ sunt secundum genus primæ differentiæ; altera enim secundum elementares partes consistit; altera verò circa instrumentarias. At verò utræque, tam elementares, inquam, quàm instrumentariæ, animalis particulæ sunt: & harum omnium affectus quilibet propria erit huius Artis pars, quam superiùs, dum de punctione suffusionum ageremus, in particulares actiones subinde diuidi ostendimus: harum siquidem notitiæ sunt elementares particulæ totius huiusce Artis, sicut in ijs quæ medicamenta vniuscuiusq; complectuntur: & in ijs etiam quæ ad victûs rationem pertinent, illæ, quæ vnumquodque simplex respiciunt. Non modò autem partitio, quæ ex huiusce materiæ, sectione suboritur, ad vltimas vsq; & elementares Artis particulas prouehitur, verum & cuius paulò ante meminimus. Præterea autem, & alio modo hæc partitio fieri potest. Nam fingamus, nos velle vnum quodpiam morborum propositum genus ad vltimas vsq; particulas diuidere, prima tunc diuisio erit, quod aut similaribus particulis accadat, aut instrumentarijs, vt in libro de Morborum Differen-

tijs à nobis monstratum est: altera verò, quod harum deinde aliæ simplices sunt, aliæ compositæ, quod in eodem quoq; libro ostendimus. Erit igitur necessarium; vt Curatiua Scientia minimas, *Curatiua Scientia.* elementaresque particulas easdem habeat cum illis, quæ dictæ sunt. Si enim, exempli gratia, calidum aliquem morbum velimus curare, primum, quod cognoscere oportet, est ratio, illum curandi. Nimirum quod contraria contrarijs remedio sunt, iam monstrauimus hoc commune esse, & primum omnium: deinde verò, quòd id, quod est primo gradu calidum, illi est adhibendum, quod frigidum primo item gradu est: mox verò & calidorum morborum, atque etiam medicamentorum refrigerantium gradus tenere oportet, quod in libris de Medicamētis explicauimus.

Methodus curandi.

In hoc contextu primò animaduertere decet, Partem Curatricem Medicinæ, Scientiam à Galeno appellari. Vnde non solum Theoria Medica, sed præterea Pars Practica Scientiæ rationem induit, prout abundè à nobis in nostris Prolegomenis Medicis Physiologiæ præpositis, demonstratum est.

Secundò, obseruanda est Galeni dictio, circa morborum curationem: Præcipit enim iuxta Hippocratis regulam, contraria contrarijs curanda. Aphorismus 22. lib. 2. Aphorism. hoc principium hac serie complectitur: Morbos, qui ex repletionione fiunt, curat euacuatio; eos verò, qui ex euacuatione, repletio, & in cæteris contrarietas remedio est. Galenus exemplis doctrinam hanc illustrans, in contextu iam transcripto monet, gradum vnum frigiditatis gradui vni caloris, & è conuerso adaptandum. Ex quo constat duplex quorundam Medicorum error, quorum quidam calidis remedijs, vt Theriaca, Confectione Alkermes, Confectione de Hiacyintho, Lapide Bezoardico, Aqua Cinamomi, & consimilibus, febricitantium corpora (etsi maximo agrorum dispendio) infarcire singulis diebus, prætextu sedandæ malignitatis, non verentur. Siqua sanè in corpore latet malignitas, non nisi intensissimi feruoris occasione nascitur: vt patet ex veluti pūcturis rubicundis per cutem erumpentibus, & pulicum morfibus non absimilibus; quæ febrilem æstum, & immodicam sanguinis affationem consequuntur. Calor ergo intensus refrigerantibus, & humectantibus remittendus, iuxta Galeni doctrinam, cum hîc, cum in Methodi med. lib. 9. cap. 14. vbi inquit: Omnis febris, qua

Contraria contrarijs curantur.

qua febris est, humectatio refrigeratioque remedia sunt. Hippocrates lib. 1. Aphorif. 16. humectantia febricitantibus præscribit, aiens: Victus humidus febricitantibus omnibus confert: maxime verò pueris, & ijs qui tali victu uti consueuerunt. Galenus in commentario ait: Primum quidem qualis sit, adhibendus victus febricitantibus (docet Hippocrates) deinde quod victus salubris indicationes in ijs quidem, quæ præter naturam sunt contrarias; in ijs autem, quæ sunt secundum naturam, similes facere oporteat. Febri enim, quoniam calida, & sicca passio est (est enim cōuersio natiuæ caliditatis ad igneam), victum humidum consulit. Putredo etiam si qua febres comitatur, refrigerantibus sedatur, sed potissimum rebus acidis, malignitatem, si qua sit, retundentibus; ut Succo Limonum, Citrij, Auranciorum acidorum, Mali Punici, Ceraforum acidorum, Pomorum acidorum, Berberis Succo, vel Decocto, Acetosæ Oxalidis, Radicis Acetosæ, Trifolij Acetosi (quod Alleluia alijs dicitur) Oxylapathi, Tamarindorum, Prunorum acidorum, Tartari, & Similium. Sed hæc obiter. Alter error est eorum, qui existimant ex calore natiuo, & calore nouiter superueniente febrem conflare; cum hinc contrarium subindicet Galenus, statuens gradui vni caloris sedando remedium gradu vno frigidum adinouendum: quod sanè calori præter naturam congruit, quem solum abigendum, non autem calorem natiuum, præcipit Galenus. Si autem calorem natiuum, in primo saltem gradu intensum, sedandum, & remittendum suauissimè Galenus, non hominis conseruationem, sed euersionem statuisset. Quod cum à Galeni mente valdè remotum fuerit, hinc interendum, solum superuenientem calorem, non autem præexistentem, esse præter naturam.

*Febris non
est cōposita
ex natiuo,
& alieno
calore.*

Tertium, quod obseruari debet, est diuisio Medicinæ, à Partibus Corporis desumpta: ita ut tot sint constituendæ species Sanitatis, & Morbi, ac consequenter Medicinæ, quot sunt partes Corporis humani, uti libro de Partib. Artis Medicæ cap. 4. docuit Galenus; qui, ut hanc doctrinam liquidiores redderet, capite 3. eiusdem lib. simplices, & instrumentarias humani corporis partes breuiter exponit: & paulò post capituli initium hac serie fitur: Itaq; ut in corporum nostrorum sectionibus particulas omnes ad minimas vsq; secundum speciem scrutamur, quæ etiã ele-

*Partium
corporis di-
uisio.*

menta sensilia appellamus; ita etiam artuum minimas oportet particulas inuestigare, quæ & ipsæ sint sensilia elementa. Et quidem instrumenta sunt, Caput, Manus, Pedes, cæteraq; huius generis: sed horum dein sunt etiam suæ partes, Capitis, inquam, aures, facies, nasus, & collum etiam possumus inter partes capitis connumerare, & præterea cerebrum, & ambas membranas, caluariam, arterias, venas, neruos, & postremo cutem; quæ omnes ex prima statim incisione inueniuntur. Harum verò partium quælibet in alias diuiditur particulas; de quibus omnibus abundè in administrationibus anatomicis actum est: quantum verò ad præsens negotiũ spectat, satis erit si vniuersas figillatim proponendo corporis sectionem ad elementa usque insinuauerimus. Arteria igitur, quantum ad eius rationem pertinet, duplici tunica constat: iam enim satis monstrauius, quare videatur ipsa triplicem, ac etiam quadruplicem habere tunicam. Porro ex eius tunicis, altera obliquas habet fibras, altera verò rectas: quas fibras nõ ampliùs in aliam quampiam speciem partiri possumus, quippe quæ minimæ, ac indiuiduæ specie sint. Nempe ea consuetudo est, vt partes illæ, quibus actio quæpiam demandata est, quæ vniuerso animanti, aut necessaria, aut apprimè utilis sit, à nobis instrumenta, à Græcis organa appellentur: minimas verò illarum particulas, non hoc tantummodò, sed sensilia etiam elementa appellamus. Huius generis sunt fibræ, è quibus vnumquodque instrumentorum contextum est, sicuti arteriæ, venæ, nerui, intestina, ventriculus, vterus, & vesica: hæc enim omnia è tunicis constant, quæ ex huiuscemodi fibris contextæ sunt. Ex his etiam fibris sunt membranæ, ligamenta, & caro, tum ea quæ simplex est, tum etiam illa, quæ est vnicuiq; visceri peculiaris, quamque nonnulli parenchyma appellant, quasi affusionem quandam dixeris. Et eundem ordinem cum his seruant, os, cartilago, adepsq; ac cætera, quæ eiusmodi sunt, quæ potest meritò quis nostri corporis sensilia elementa appellare. Sed præter has sunt partes instrumentariæ, quas non erit malum recensere, nimirum arteriæ, venæ, nerui, lacerti, tendines, oculi, vterus, intestina, renes, ventriculus, lien, iecur, pulmoneq; & cor, & cætera omnia, quæ huiusce ordinis sunt.

*Arteria
diuisio.*

*Instrumentum
Græcis
organon.*

*Fibris
quoduis
instrumentum
constat.*

*Adipem
partem
appellat.
Partes
similares
sunt
elementa
sensibilia.
Dissimilares.*

In hoc contextu Galenus quamplurima à nobis in nostrâ Physiolo-

siologia exarata confirmat, vt partes, similes potissimum, esse sensibilia corporis elementa: fibras esse omnium partium maxime simplices: adipem esse Corporis partem.

Cæterum non levis est Controversia de ijs quæ in contextu dicta sunt. Nam inter Instrumentarias partes collocat Galenus arterias, venas, nervos, & tendines: cum tamen alibi inter similes, easdem enumeraverit, vt lib. 1. de facult. natural. cap. 6. 7. & 8. Libro etiam de Different. morb. cap. 3.

Quod Valleriola dixerat, dictas iam partes secundum naturam esse dissimiles, secundum verò sensum similes à Galeno appellari, à Sanctorio reprehenditur: Quia, inquit Sanctorius, ipse Galenus libro de inæquali Intemperie cap. 2. fatetur; per sensum dissimiles dignosci. Præterea Anatomicis notissimum est; venas, & arterias esse compositas ex fibris & membranis.

*Sanctorius
malè Val-
leriola
reprehen-
dit.*

Verum in hoc, vt in multis alijs, Galeno imponit Sanctorius; nam nihil de sensu apud Galenum citato cap. habetur. Diuidamus autem, inquit, earum rursus vnamquamq; in proximas sui, quæ προσχῆ Græcè dicuntur, particulas: v.g. crus in femur, tibiam, & pedem: Item manum in brachium, cubitum, & summam manum: Iam summæ manus ipsius propriæ partiæ sunt, carpus, Metacarpium, & digiti. Digitorum. v. partiæ sunt, ossa, cartilago, ligamentum, arteria, vena, membrana, caro, tendo, vnguis, cutis, adeps. Has autem diuississe in aliam speciem non est, sed sunt similes, ac primæ, exceptis tamen arterijs, & venis. Hæ namq; ex fibris & membranis sunt conditæ, veluti in Anatomicis administrationibus est traditum. Ne verbum quidem hîc de sensu habet Galenus: sed solummodò refert, se in sua Anatomia docuisse, venam & arteriam ex fibris, & membranis componi; atque adeò non esse primas simplicesue partes.

*Vega ar-
gumentū.*

Vsus est Sanctorius Vega argumento contra Fuchsum, sed non integrè rem produxit. Afirmat enim Vega, venam & arteriam secundum sensum esse partes dissimiles, quia Galenus in opere de Anatomicis administrationibus id ipsum demonstravit; vt ipse met textu iam traducto Libri de inæquali Intemp. fatetur. Sed cupere à Sanctorio, & Vega locum, in quo Galenus docuit, venas & arterias secundum sensum esse dissimiles. Fingerent tortassis id dictum fuisse in libris duobus de Anatomicis Administrationibus

nibus scriptis in gratiam Flauij Boethi Consulis Romani, qui ta- *Flavius Boethius Consul à Galeno accepit Opus anatomicum.*
 men libri, hoc intereunte, interiére. In Anatomicis autem admini-
 strationibus à Galeno postea scriptis, lib. 6. cap. 12. hæc habentur: Itaq; venam omnem fibras variè ipsam intertextentes, tunicam verò vnā habere, nouimus. Libro 7. eiusdem operis cap. 5. de Arteriæ compositione sequentia habet: Arteriæ verò duæ particulares tunicæ existunt, exterior sanè, qualis vena est: interior autem crassitie huius ferè quintupla, insuper durior, in transuersas fibras dissoluta: exterior autem, quam etiam venæ obtinent, rectis fibris, & quibusdam mediocriter obliquis, transuersis nullis, contexta est. *Venæ compositio. Arteriæ compositio.*

Quid ex his Galeni locis aliud colligi potest, quàm quòd Galeno perito Anatomico notum fuit, venas, & arterias, tunicas habere varijs fibris contextas? Nec hoc sanè ego diffiteor, sed id quod diligentem inuestigationem semper, vt elucescat, requirit, sensibus communiter notum esse prorsus nego. Quoties sanè venas, arterias, & nervos vnusquisque conspicit, partes similes, & eiusdem rationis, nō dissimiles, appellabit: Imò Anatomicus, quantumvis peritus, nonnisi laboriosa inspectione, contrarium sibi persuadebit. Nec mirum, cū ex quatuor humoribus, mediante alteratione, has easdem partes fieri docuerit Galenus, lib. 3. de Simpl. medic. facult. cap. 4. *Locis Galeni satisfi.*

Ludit adhuc Sanctorius, Operum Galeni parū sedulus speculator, qui Vegam reprehendens, ait, nullo modo venas, & arterias, similes dici posse; quia ex Galeno lib. 10. Methodi cap. 11. tres tantū in corpore sunt partes similes, fibrosa videlicet, membranosa, & carnosa; quæ partes immediatè, vt docet Galenus lib. 1. de Element. fiunt ab humoribus. Quare cū venæ sint compositæ ex fibris, & membranis, & sint instrumenta caua, nullo modo dici poterunt similes. Lib. .n. 7. de Placitis Hippocratis & Platonis, cap. 3. docet Galenus, nervos constare ex triplici substantia, scilicet ex media, quæ dicitur medullaris, & est simillima medullæ arborum; ex tenui membrana, orta à pia matre; & ex duriori, orta à membrana dura Cerebri. *Sanctorius instat.*

Mirandus sanè tam frequens Sanctorij lapsus, Galeno perperam adscribentis quicquid ipsi placuit. Quæ Galenus cit. cap. 11. libri 10. Methodi, de fibris, membranis, & carne habet, hac serie *Sanctorius perstringitur.*

se habent: Nam primùm eiusmodi febris propriam partium humiditatem, ex qua nutriuntur, depascit, hinc .v. ad carnosum genus transit, quod circa fibrosas, tum membranosas partes solidorum corporum hæret: ita deinde ipsas solidas populatur. Siquidem in singulis simplicium, ac primarum, quas vocant, partium (vt in dissectionibus es contemplatus) alia portio substantiæ eorum est, veluti fibrosa, alia membranosa, alia carnosa. Sicut exempli causâ, cùm vena vnâ tunicam habeat, & eam tenuem, licet fibras in ea inuenire multas, quæ sint araneolis quibuldâ intersitis contextæ: quibus vtrisque ipsa propria venæ substantia adnascitur. Hæc alia in alijs partibus habetur, nec vllum commune nomen est nata: Cæterùm docēdi causâ nihil vetat, eam carnosam substantiam voces, vel centè huius particulæ quandam carnem, quæ in ventriculo quidem sit alia, in iecinore alia, similiter in arteria, & musculo. Vocatur .a. caro tantùm ea, quæ in musculo est: reliquarum nullam Homines carnem vocant, præterquàm admodum pauci: sed quæ in Visceribus, seu Iecinore, Renibus, liene, & Pulmone visuntur, eas Parenchymata (quasi affusiones dixeris) Græcè vocant: quæ in intestinis, Ventriculo, stomacho, & vtero sunt, sine nomine relinquunt. Paucis interpositis, eodem Cap. sequentia habet idem Galenus: At verò nec fibrosa, nec neruosa, membranosaue natura eandem generationem habere cernitur: nec fas est eiusmodi singularum partium fibras à malignis febribus liquari, sicuti carnes: quando animal ipsum prius, quàm hæc prorsus sunt siccatæ, interemerint. Hæc sunt, quæ occasione febris hecticiæ Galenus cit. cap. de fibris, membranis, & carne dixit: inter quæ nusquam pronuntiauit Galenus, tres tantùm in corpore esse partes similes, fibras, membranas, & carnem: imò nec sanæ mentis quispiam ex dictis Galeni verbis rectè colligere potest, relatas tantùm tres, partes similes esse. Ob hanc ergo Galeni auctoritatem, ineptè Vegam reprehendit, quod hic, vt contradictionem in doctrina Galeni apparentem dilueret, duplicem partis similis definitionem statuerit. Quarum vnæ est hoc modo affirmatiua: Pars similis est, quæ in partes sibi similes diuidi potest; & sic pars venæ vena dicitur, pars arteriæ arteria. Altera definitio ab eodem Vega negatiuè datur, & hac serie: Pars similis est illa, quæ non potest diuidi in partes alterius naturæ. Iuxta hanc defini-

*Triplex
caro, pro-
pria par-
tium; mu-
sculosa, &
parenchy-
ma.*

*Sanctiorius
taxatur.*

*Similaris
definitio-
nes ex V'e-
ga.*

nitioem Vega censuit, venam, & arteriam non esse partes similes, sed dissimiles; quia venæ & arteriæ diuidi possunt in fibras & membranas, quæ ab iisdem arterijs, & venis, naturâ differunt. Vnde Vega concludit, venas, & arterias à Galeno affirmatiuè partes similes appellari, negatiuè verò dissimiles. Sed hanc Vegæ opinionem, vt dixi, autoritate Galeni plenè destruere voluit Sanctorius.

Saluus Sclanus Galeni Doctrinam ita interpretatus est, vt existimauerit, venas & arterias inter similes partes à Galeno recenseri, iuxta, non propriam, sed Antiquorum sententiam. Reijcitur tamen à Sanctorio hæc interpretatio, quia etiam Antiqui non erant rei Anatomicæ adeò imperiti, quin scirent venas, & arterias ex fibris, & membranis componi.

Demum suam proferens sententiam Sanctorius, contradictionem in Galeni Doctrina apparentem hoc modo mitigat. Dicimus nos Corporis nostri particulas vniuersas dupliciter considerari posse, vel cum relatione ad compositionem alterius partis, vel per se, & sine relatione. Positâ hac distinctione dicimus, venas, & arterias vocari posse partes similes, & dissimiles; similes, quatenus considerantur cum relatione ad partes, quas componunt. Quod hæc Galeni intentioni congruat, patet ex libro de inæquali intemp. cap. 2. vbi habet hæc verba: Digitorum verò particulae sunt, ossa, cartilagines, ligamenta, arteria, vena, membrana, caro, tendo, unguis, cutis, & adeps. Venæ igitur, & arteriæ, ex Galeno sunt particulae; non dicerentur sanè particulae, nisi quatenus componunt. Si verò considerentur venæ, & arteriæ, non vt particulae alterius partis, sed per se, sic non essent particulae, sed essent partes dissimiles. Galenus etiam in hoc textu partes simplicissimas & similes, vocauit particulas.

*Opinio
Sanctorij.*

Hæc Sanctorius, qui mirum in modum à Scopo aberrat, tantam vim tribuens voci, particula, ita vt venam, & arteriam, similes esse dicat, quia textu citato particulae dicuntur. In quo sanè se negligentem Galeni Lectorem ostendit, vt constat ex cap. 5. lib. 1. Meth. med. vbi Galenus, ait hos qui partē à particula distinguunt, latinam linguam ignorare. Nominetur igitur, inquit, oculus pars Corporis: neq; hîc referat, partemne, an particulam quis dixerit. Quicquid. n. totum complet, atq; integrat, id totius vide-

*Perstrin-
gitur San-
ctorius.*

licet corporis, quod cōmplet, particula, siue pars nominatur. Est enim pars ex ijs quæ ad aliquid dicuntur, quippe pars totius, integriq; pars dicitur: æquè profectò, vt totum & integrum per relationem ad partes & particulas proprias nominatur, estque sicuti dextrum ad sinistrum, & sinistrum ad dextrum, ita & totum ad partem, & pars se habens ad totum. Ergo, si quis hac seruata notione, malit partem dicere, quàm particulam, aut si quis contra particulam potiùs, quàm partem, is mihi ad rerum inuentionem impedimento non sit: Cæterùm imperitum se linguæ latinæ prodit: quemadmodum certè, si quis integrum à toto secernat, is quoq; linguæ latinæ est ignarus. Ecce Galenus partem & Particulam, tanquam synonyma confundens. Ergo contra Galeni mentem, & partem, & particulam à se inuicem distinguit Sanctorius. Præterea, si venæ & arteriæ essent partes similes, propterea, quod citato cap. 2. libri de inæquali intemperie, particule dicantur; & quia vnà cum multis alijs ad alterius partis compositionem concurrunt, partes similiter sine controuersia dissimiles, similes dicerentur: Quam sequelam probo Galeni autoritate, eodem libro de inæquali intemperie cap. 1. & 2. quibus in locis, quod dicimus, affirmat. Capite enim 1. cit. sequentia scripsit. Quò autem clarior nobis omnis disputatio sit, reuocare in memoriam oportet omnes corporis particulas, principio à maximis sumpto, quæ scilicet ne vulgo sunt ignotæ: siquidem manus, & pedes; & ventrem, & thoracem, & caput, nemo est, qui ignoret. Nonne clarè hîc Galenus omnes corporis partes, particulas appellat; & speciatim dissimiles: manus enim, pes, venter, caput, & thorax, sunt maiores corporis partes, eaq; dissimiles, vt cuius innotescit. Capite verò sequenti secundo eiusdem libri hæc habet: Diuidamus autem earum rursùs vnamquamq; in proximas sui, quæ Προχῆ Græcè dicuntur, particulas. Verbi gratiâ, crus in femur, tibiam, & pedem. Item manum in brachium, cubitum, & summam manum. Iam summæ manûs ipsius propriæ particulae, sunt carpus, metacarpium, & digiti: Digitorum verò particulae, sunt ossa, cartilago, ligamentum, arteriæ, venæ, membrana, caro, tendo, vnguis, cutis, adeps, &c. Ecce adhuc Galenus brachium, cubitum, & summam manum, magnæ manus partes dissimiles appellans manifestè particulas: quæ quidem ad magnæ

manus compositionem concurrunt. Pariter cap. 5. lib. 1. Meth. perinde esse ait, an oculus pars, particulaue dicatur. Ergo frigidum est & leue Sanctorii argumentum, dicentis venas & arterias ideò similes esse, quia partem aliquam componunt, & à Galeno particulæ dicuntur.

Cæterum, si seuerè loqui velimus, inquit Sanctorius, asserimus ex Galeno, neq; cartilagine, nec ligamenta, nec membranas, neq; carnes, vocandas esse partes similes. Siquidem Galenus lib. 6. de Placitis cap. 2. clarè docet, quod est compositum, non dici simile; membrana est ex fibris composita: similiter quælibet caro. Hinc pro confirmatione nostræ sententiæ, dicimus cum Galeno lib. 3. de facult. natural. cap. 15. Solùm fibras vocari posse similes partes: dicit enim fibras esse similes particulas, & verè sensibiles: cætera verò, quæ componunt fibras, primò esse elementa, deinde quatuor humores, &c.

*Altera
Sanctory
opinio.*

Plerumq; falsò Galenum, tanquam testem, citat Sanctorius: Loco. n. citato Lib. 3. de facult. natural. ligamenta, membranas, & neruos, ex fibris confici docet; docetq; has esse similes particulas, & verè sensibiles. Verùm Galenus hîc nequaquam docet, partes omnes similes ex fibris componi. Cerebrum enim est pars præcipua, eaq; nobilissima, quæ tamen ex fibris componi minimè deprehenditur. Ossâ pariter ex seminis parte valdè exsiccata generantur: nec vlla ratio suadet, eadem ex fibris confici, cum nulla extent talia filamenta in iisdem ossibus. Quis quæso dicere, auderet, ossâ v. g. petrosa, ex fibris componi: quis rursùs humorem aqueum, vitreum, & chrysellinum, liquores manifestos? Doctrina ergo Sanctorii merum est figmentum. Perperam deniq; Caput 2. lib. 6. de Placit. citat. Nam inibi contra Aristotelem, & Possidonium, cum Platone tres Animæ species, quas partes appellari posse docet, admittit. Eius verba hæc sunt: Quòd si partes etiam istæ (species scilicet Animæ) ab eodem Platone nominantur, nemini id mirum esse debet: ex ipsius. n. doctrina habemus primum quicquid species fuerit, posse etiam partem appellari: non tamen quicquid pars est, esse id continuò etiam speciem. Deinde illud fieri non posse, vt quippiam compositum simile dicamus, totum. n. cum sibimet continuatum sit, ex certis quibusdam, numeroq; definitis compositum est partibus: at in similari-

*Perstrin-
gitur San-
ctorius.*

*Reprehen-
ditur San-
ctorius.*

bus partium multitudo nullo potest numero circumscribi. Hic nihil inuenitur contra nos, qui fatemur ex diuersis speciebus nihil coalescere simile. Vnde hic locus minimè confirmat, partes omnes ex fibris fieri, & solas fibras esse similes. Si autem caro in febre hectica absumi potest, intactis & supersticibus fibris, vt lib. 10. cit. meth. med. cap. 11. & alibi visus est asserere Galenus, nonne caro strictè sumpta à fibris prorsus distinguetur, tanquam res specie omninò diuersa? Sanguis enim, ex quo caro fit, à semine, ex quo fibræ, distinguitur. Caro autem augetur, & de nouo quotidie generatur; fibræ. v. spermaticæ partes nunquam de nouo nascuntur.

Capite adhuc 2. cit. lib. 6. de Placitis, nobis prorsus fauet Galenus; qui dum Animæ tres species cum Platone admiserat, easdem partibus similaribus corporis comparat: quarum quælibet speciem per se constituit; sicuti quælibet pars animæ. Nam, inquit, rationem siue rationalem; iracundiam siue irascibilem; & cupiditatem, siue concupiscibilem, rectè possumus, & species & partes Animæ appellare: perinde ac si quis cum venas, arterias, neruos, ossa, cartilagines, carnes, & reliqua eiusdem generis, corporis species vocauerit, mox de iisdem agat, quasi de partibus. Etenim & partes reuerà corporis nostri hæc sunt, quippe cum ex ipsis totum perficiatur, & species item nihilominus: in solis enim similaribus id quod differt species non est, siue sit carnis, seu venæ, seu adipis pars: neq; verum est, si de his intelligentes, dicamus, ex tot talibusq; quibusdam speciebus totum constitui. Sed in dissimilaribus id fit, vt specierum, formarumq; differentia numerum partibus similem quandam rem esse animam nostram, ait Plato ex tribus compositam partibus: quas ita effingit, vt Concupiscibilem variæ cuidam Beluæ, Irascibilem Leoni, Homini Rationalem comparet.

Hoc in contextu post Platonem credit Galenus, tres Animas relatas, esse tres species, & tres partes Animæ, & quidem has partes, tanquam infimas species, in alias non vterius diuidendas esse voluit; quibus similes nostri Corporis partes Galenus manifestè comparat: docetq; partes partium similarium non constituere nouas species, sed esse eiusdem prorsus rationis. Et inter partes has similes, venas, arterias, neruos, & carnes, manifestè

enumerat Galenus. Voluit ergo Galenus prædictas partes, saltem secundum sensum, esse similes. Et sanè quæ sensûs iudicio similes sunt, similes commodè dici possunt, teste Galeno lib. de opt. Corpor. nostri Constit. cap. 2. vbi hæc habet. Sit itaq; ea optima corporis constitutio, in qua tum partes similes omnes (sic .n. haud dubiè, quæ sensui simplicia apparent, appellamus) propriam temperiem fortiuntur: tum quæ ex his instrumentariæ partes constant magnitudine, numero, formatione, ordineq; moderatissimè sint constitutæ. Abundè hætenus Sanctorio Galenum opposuimus, & ostendimus, eundem Galenum perperam ab ipso citari. Sed hæc de hac Controuersia sufficiant.

Prædictis Medicinæ diuisionibus addere lubet caput quartum libri de subfiguratione Empirica, in quo Galenus conformem dictis doctrinam est complexus: Hætenus, inquit, quantum compendio licet, de experientiæ diffinitione tractauimus. Theutàs. a. totam Medicinam in tres partes diuisit, Indicatoriam, Curatoriam, & Salubrem: has verò vniuersas acquiri per propriam intuitionem, historiam, & congruum de re simili ad similem transitum: propterea, qui hæc tria proxima Medicinæ partes esse voluerunt, non absolutè partes, sed cum additione, partes constitutiuas appellauere, vt priora illa partes finales, partium scilicet genus in duas primas differentias dissecando, finales, & constitutiuas: si quis tamen nominibus abuti noluerit, non has constitutiuas appellabit partes, sed quasdam Medicorum operationes: ille verò animi habitus, quo Medicus vel indicare, vel curare, vel sanitatem custodire potest, meritò pars Medicinæ vocabitur. Abutantur igitur nominibus qui voluerint: nos in partes tres Medicinam secabimus, indicatiuam, curatiuam, Salubrem. Porro Indicatiuam in dignotionem præsentium, & futurorum prænotationem, sicuti curatiuam in Chyrurgiam, viçtus rationem, & Pharmaciã. Salubrem verò quidam indiuisam seruarunt: quidam in speciem generi cognominem, in Salubrem, inquam, & in Euecticam .i. boni habitus effectricem: alij addiderunt præseruatiuam, resumptiuam, & Gerocomicam. .i. Senum custoditricem. Sunt, qui ex rationis diuisione partes Medicinæ venati sint: cum enim, sicut Herophylus voluit, Medicina sit Scientia Sanorum, ægrorum, & neutrorum, tria excogitauerunt, quibus singula istorum conue-

*Medicina
tres partes.*

*Animi
habitus est
Medicinæ
pars.*

*Indicati-
ue, siue Se-
meiotice
partes.
Curatiua
partes.
Salubris
partes.*

*Definitio
Medicina
ab Hero-
phylo da-
ta.*

niunt

niunt, corpora scilicet, signa, & Causas: nam, sicuti corpora, ita signa, & causas congruè sana, agra, & neutra nuncupamus: Licebit igitur secundum hanc rationis sectionem, Empiricam quoque Disciplinam in suas partes diuidere: non prohibeo tamen, si quis & aliter diuidendam putarit, dummodò nullum Artis mèbrum omittatur: propterea & Theutas in principio Libri de Partibus, nihil obstat, inquit, si Medicinæ partes in Indicatiuam, Curatiuam, & Salubrem sectæ, in alia quoq; membra secentur: quòd fit, vt minimè mirum sit, si Empiricæ artis alij duas partes, alij tres, quidam quatuor, nonnulli quinque posuerint: fortasse enim eandem omnes rei rationem intuentur, sed vt diuersa concipiunt, ita & diuersa explicare necesse est: quæ verò sit rationis diuisio, paulò inferiùs declarabitur.

*Eandem
Medicinā
diuersis
modis mul-
ti diuise-
runt.*

Hoc capite Galenus Medicinæ diuisionem ab Antiquis quibusdam traditam, tanquam bonam, confirmat. Tres enim Medicinæ præcipuas partes statuere: Indicatiuam seu Semioticen: Salubrem, & Curatricem. Indicatiuam diuidit Galenus in duas partes; quarum prima est Diagnòsis, siue Dignotio præsentis status corporis salubris, insalubris, & neutrius. Secunda Prognòsis, siue præcognitio futuri euentus morbi nuncupatur. Curatricem Medicinæ partem in tres adhuc partes diuisit. Prima est, quæ modum vtendi sex rebus nonnaturalibus in ægris docet. Secunda est, Chirurgia, quæ operationes manu adhibendas præscribit. Tertia est Pharmacia, quæ debita medicamenta dicat. Salubrem in varias partes in contextu relatas, iuxta quorundam opinionem; diuisit. Verùm diuisio iam data in Indicatiuam, Curatiuam, & Salubrem, Medicinæ Præcticæ, quàm vniuersæ Scientiæ Medice, congruentius competit, ni placeat, vt fortassis commodè fieri potest, Physiologiam ad Salubrem reuocare, veluti Pathologiam communem ad particularem Therapeuticam dictam.

*Et si cura-
trix Me-
dicina sola
Medicina
nomine
gauderet
antiquitus,
modo ta-
men omnes
partes cō-
plectitur
Medicina
nomen.*

Galenus libro ad Thrasylbulum cap. 47. & vltimo, quærit, cur sola Curatrix pars, Medicina antiquitus dicta fuerit, & Hippocrates, eiusq; discipuli, qui hanc excoluere, Medici? Sequenti serie dubium hoc soluit idem Galenus: Hanc huiusce rei causam suspicor, quoniam cum prima totius artis pars curatiua, quòd & maximè necessaria esset, constituta sit; deinde per multum otium conseruatiua Salubrisque vocata ei adiecta fuerit, totam artem à

parte

parte denominari contigit, quemadmodum, & in alijs plerisq;
fieri affoler. Quandoquidem, & Geometras appellamus non cir-
ca planas solum figuras, verum etiam circa solida versantes: nul-
lusq; his temporibus inuenitur, qui vt Geometra, sic & Stereome-
tra nominetur, sed nomen defecit. Vt etiam salubrium non cor-
porum, non ciborum dico salubrium, sed virorum ista scientiũ,
ab Erasistrato Medicis ex aduerso distinctorum. Pariter, & Trie-
rarchas, veteres Græci triremiũ Principes nuncupant: nunc verò
iam omnes vtcunque naualis exercitus duces, et si triremes non
sint naues illæ, eo nomine appellant. Huiusce rei quoddam si-
mile circa Medicinam, atq; Medicos euenit: à prima enim con-
stituta parte, vt & ipsa totius corporis gubernatrix ars, Medicina,
ipse artis professor, Medicus nominaretur, tempore procedente
effectum est. Quamobrem neque ab re nunc quispiam interroga-
tus, cuiusnam artis pars sit illa facultas, quæ tuendæ sanitatis
notitiam tradit, Medicinæ respondere poterit: latius namq; fu-
so, & amplificato vocabulo, neque dum partem, sed integram
humani corporis artẽ significante, Hippocrates, & omnes, qui
hac tempestate florent, iure Medici nomen inuenerunt, artisque
ipsius duas maximas partes agnoscunt, Curatricem scilicet, atq;
Salubrem. Hactenus Galenus qui cap. 40. citati libri probat il-
lam Medicinæ partitionem, quã in duas præcipuas Principesue
partes dirimitur; Salubrem videlicet, & Curatiuam, quia nimi-
rum ad has cæteræ, quotquot sunt partes, reuocantur: vti omnes
ad Curatricẽ reduci voluit Hippocrates, seu potius ad Curatricẽ
simul, & Salubrem, dum Medicinam, Adiectionem, & detractio-
nem esse statuit. Varias Medicinæ diuisiones ab Antiquis exhi-
bitas studio hũc transtuli, propter varias altercationes non raro
hac de re in Scholis ortas.

*Geometra,
Stereome-
tra.*

*Trierar-
cha.*

C A P V T III.

Quid est Signum?

Non est Scientia, quæ Signorum naturam frequentius ex-
pendit, aut horum vsui maiori cum necessitate magis ad-
dicta, quàm Medicina; cuius præcipuæ partes Signorum
egent ministerio. Signi ergo natura diligentius à Medico, quàm
Logico, examinanda.

*Quid si-
gnum.*

*Significa-
re, & re-
presentare
distingui-
tur.*

Signum enim (Græcè *σημεῖον*) si vim nominis spectemus; dicitur à significo: Significare enim est aliquid nobis repræsentare, seu rem aliquam potentiæ præsentem facere. Verùm id discriminis inter repræsentare, & significare statuitur, quòd significare sit quid minùs extensum, aut quid minùs latè patens, quàm repræsentare. Nam ex D. Augustino, libro de Magistro, repræsentare non solum alia significat, verum etiam semetipsum: Multa enim, inquit, se repræsentant; quia Signa non sunt: At verò significare aliquid, se extendit solummodò ad ea quæ à se diuersa sunt. Veritas huius distinctionis eruitur ex Aristotele lib. 1. de Interpretat. cap. 1. vbi ait, voces esse signa conceptuum. Ibi enim loqui videtur Philosophus de Signo in communi: ac proinde ad communem Signi rationem pertinet, vt sit quid distinctum à Significato; cùm tamen repræsentans non solum aliquid à se distinctum repræsentet, sed præterea semetipsum. Repræsentare nihil aliud est, quàm sese potentiæ cognoscenti exhibere.

*Repræsen-
tare quid?*

*Ratione
probat
sententia
nostra ve-
ritas.*

Ratione constat, quòd signum sit quid distinctum à significato; quia videlicet signum est medium quoddam inter rem significatam, & ipsam potentiam, cui signum aliquid significat. Vnde, cùm signum se habeat tanquàm medium quoddam instrumentum inter potentiam cognoscentem, & rem significatam, necessario à re eadem significata potentiæ cognoscenti, idem signum distinguetur. Priùs enim Signum alicuius rei, potentiam, hanc eandem rem cognoscentem, mouet, quàm res eadem Signo indicata significataue. Non.n. aliter res naturales, nisi mediante Signo, à fragili imbellique intellectu nostro, corporis tenebris offuscato, percipiuntur. Rectè ideo Philosophus monuit, nihil esse in Intellectu, quin priùs fuerit in sensu; quasi diceret, nihil à nobis percipi, nisi mediantibus sensibus, signa quædam rerum percipientibus.

*Secundum
Argumen-
tum.*

Patet secundo Signi à Significato distinctio, siue de instrumentalibus, siue de naturalibus signis sit sermo. Ramus enim ante Tabernaculum pendens, vinum significat vendibile, & à se quidem toto cælo distinctum. Sonus pariter Campanæ, Sacrum, Lectionem, Concionem, mortuum, Diuinum officium, veluti horum omnium institutum signum, indicat, à quibus tamen prorsus distinguitur. Vestigium præterea pedis Bovis loco molli impres-

sum

sum, naturale signum est, à Bouetamen omninò diuersum.

Sed obijciunt primò aliqui, Signum definiri per repræsentationem : atq; adeò cùm repræsentans non solum aliud à se distinctum, sed præterea semetipsum repræsentet, Signum pariter significabit non solum aliquid aliud à se distinctum, sed vlteriùs semetipsum.

Prima obiectio.

Respondeo, negando paritatem, quia repræsentans est aliquid vniuersalius signo. Est enim repræsentans in definitione Signi positum loco Generis, quando Signum dicitur esse repræsentans rei alicuius. Quare quamuis repræsentans repræsentet semetipsum, & aliquid aliud, non inde sequitur, Signum significare aliquid aliud, & semetipsum. Nam id, quod Signum est, si alio Signo significari non potest, quatenus se potentia cognoscenti obijcit, repræsentans semetipsum dicetur. Diuus ergo Augustinus loco citato rectè ait, multa se repræsentare quæ Signa non sunt: volens per hæc verba, Signum, & repræsentans ab inuicem distinguui.

Solutio.

Obijcies secundò ex D. Augustino, loco citato, quædam Signa significare non solum alia, sed seipsa; vt nomen, v.g. quod, vt cunctis compertum est, omnia nomina significat: & consequenter seipsum; cùm ipsum nomen, nomen sit. (Nomen hîc accipio, non pro peculiari parte Orationis, sed pro quouis vocabulo.) Similiter conceptus formatus de conceptu iam communi, comprehendetur sub ipso conceptu communi; cùm omnis conceptus sub communi contineri debeat.

Secunda obiectio.

Respondeo, Signum posse rem aliquam dupliciter significare. Primò, expresse, & immediatè, & per se ac primariò. Secundò, confuse, secundariò, & per accidens. Hoc secundo modo, nomen, & conceptus significant, non solum alia præter se, sed etiam semet. Signum verò in prima, & propria sui significatione, non significat seipsum, sed semper aliquid aliud à se distinctum.

Solutio.

Obijcies tertio, Deus, & Angelus, & Anima rationalis à corpore separata, sese per suasmet essentias, & substantias cognoscunt, vt probatiores Theologi profitentur. Cùm ergo cognoscens, nihil, nisi mediante Signo, cognoscat, in hoc saltem casu, Signum, & Significatum erunt idem: Adeoq; Signū seipsum significabit.

Obiectio tertia.

Respondeo, diuersam esse rationem concipiendi, & cogno-

scendi Dei, Angeli, & Animæ, à modo cognoscendi Hominis: qui quàm diu in hac misera vita versatur, vix quidpiam, nisi summo cum labore, & mediantibus sensibus ac Signis percipit. Secus se res habet, quando anima in statu gratiæ existens ad Patriam peruenit; vbi proculdubio purius & potentius res quasuis agnoscit, quàm quando in corporis ergastulis immerfa agebat. Deus .a. Omnipotens, qui omnia per se, & in mediata nouit, nullo eget adminiculo ad quiduis noscendum: Angeli verò, seipsos saltem, sine alio sufficienter agnoscunt.

Varia Signi definitiones.

His præhabitis, Signum variè ab Authoribus definitur. A Logicis vulgò proponitur definitio illa tradita à D. Augustino, libro 2. de Doctrina Christiana cap. 1. quæ huiusmodi est: Signum est res præter speciem quam ingerit sensibus, aliquid aliud ex se faciens in cognitionem venire. Eodem recidit alia Definitio ab eodem S. Augustino Lib. de Principijs Dialecticis cap. 5. data, quæ sic habetur: Signum est, quod seipsum sensui, & præter se aliquid animo repræsentat.

Signi definitio ex Philosophis.

Verum, quoniam hæ Augustini definitiones instrumentalibus Signis, ex hominum beneplacito constitutis maximè conuenire videntur, aliam excogitauerunt Philosophi laxiorem Signi definitionem, quæ talis est: Signum est id, quod potentiæ cognoscenti aliquid repræsentat. Hæc .a. definitio omnia complectitur Signa, cuiuscunq; sint naturæ, siue instrumentalia, siue formalia, siue propriè Signa sint, siue impropriè; dummodo nos in alicuius rei cognitionem manuducant. Hæc enim definitio Signi in ampliori & fusso vocabuli Significato accepti, ad ipsa spiritualia, iuxta Philosophorum consuetudinem, extenditur. Cum .n. Signum id omne, quod loco rei substituitur, eiusdemque per conse-

Signum spirituale.

quens rei notitiam affert, quoties res aliqua spiritualis sic se habebit, Signum censebitur. Angelus v.g. secundum suam essentiã à nobis cognitus, erit medium potentiæ cognoscenti ad intelli-

Signi distinctio secundum Petrum Lombardum.

gendum Deum: & consequenter instar Signi tunc se habebit: vt habet inter alios D. Thomas, prima Parte, quæst. 56. art. 3. Signi distinctionem in insensibile, & Sensibile, præsupposuisse visus est Petrus Lombardus, Sententiarum Magister communiter nuncupatus, in 4. lib. Sentent. distinct. 1. dum ait: Sacramentum esse inuisibilis gratiæ visibilem formam .i. vt Interpretes loquuntur,

Sen-

Sensibile Signum. Si verò nullum daretur insensibile Signum, superuacaneè particulam, vocabulumue, Sensibile, in Sacramēti definitione posuisset Lumbardus. Posuit ergo in sua illa definitione particulam, Sēibile, quia nouit dari insensibile Signum, vt patet in exemplo allato Angeli, manifestumque sit in speciebus impressis, & expressis, quæ res, quarum sunt species, nobis representant; et si utræque species penitus insensibiles sint; res verum sensibiles nobis cognitæ præbent. Definitio ergo allata Signi in laxiori significatione accepti, præferenda est definitioni D. Augustini: cum Augustinus insensibile omiserit, soliusq; sensibilis meminerit. Vltioris enim Signi, Sensibilis videlicet, definitionem, iuxta vulgarem consuetudinem, nobis optimè reliquit Augustinus: quoniam, vt plurimum, apud omnes mentio sit Signi Sensibilis, quod sui speciem externò sensui imprimit. Hæc .a. impressio specierum est in causa, cur cognoscens prouehitur in notitiā alterius rei à Signo distinctæ.

*Exponitur
definitio
Signi tra-
dita à D.
Augusti-
no.*

Cæterum Sedulò animaduertendum, non semper saltem ab eadem potentia Signum, & rem per idem Signum significatam percipi: quoniam signum aliquoties à Potentia sensitiua percipitur; res verò per Signum significata à potentia superiori, & multò nobiliori. Motus v. g. quo se mouet Petrus, à potentia visuā percipitur, res verò per dictum motum, voluntarium præcipuè, significata, est anima, quæ à solo intellectu, nequaquam à visu dignoscitur. Nulla .a. est alia motus voluntarij in homine radicalis causa præter animam, qua separata, corpori voluntarius deficit motus, & naturalis solummodò remanet. Scio enim apud Medicos musculum motus voluntarij causam dici, quod ego libenter fateor & admitto, dummodo musculus instrumentalis causa, siue organum, instrumentumue motus in viuentē dicatur.

*Motus in
homine vo-
luntarij
causa ra-
dicalis.
Musculus
causa in-
strumenta-
lis motus
voluntarij.*

Quamuis definitio illa Signi latè sumpti, paulò ante exhibita, optima sit, quòd sensibile simul, & insensibile comprehendat, bene tamen hac serie Signum definiri potest: Signum est id, quod rem aliquam nobis manifestat, patientioremue facit. Libro de Historia Philosophica, quem Galeno tribuunt, Signum hoc modo definitur: Signum iuxta Logicos, inquit, est proloquium mentis coniunctum. Item antecedens, cui consequens aliquod annexum sit. Postrema quidem hæc definitio videtur cum illa,

*Vera &
propria
Signi defi-
nitio.
Signi de-
finitio ex
Galeno.*

Alia Signi definitiones, ex eodẽ Gal.

Causa interdu subit rationem Signi.

Tria præcipua Signa febriũ. Effectus sunt signa causarum.

Quatuor facultates naturales, ear. n. que munus.

Hepatis malè affecti signum.

quam bonam diximus, coincidere, veluti etiam sequentes, quæ libro de Definitionib. Medicis scriptæ leguntur. Signum est rei, quæ contingere debet, dignotio. Vel Signum est id, quo cognito, aliud, quod ignotum nobis erat,prehenditur. Græcè enim dicitur τὸ τῆ ἀδύλῃ δινλωτικὸν, idest, oculi, siue incerti, siue incogniti, siue dubij manifestatiuum, demonstratiuumue. Causæ etenim ipsæ non raro Signi vicem in Medicina subeunt: Temperamentum v.g. calidum, intensus æstus, alij crudi, & Vini generosi liberalis assumptio, febrem efficiunt, & instar Signorum Medicum ad febris infestantis cognitionem manuducunt, quamquam pulsus, & vrina, vnà cum qualitate caloris, sint præcipua signa febræ consequentia, eamq; prodentia. Quoniam rerum effectus veluti causarum signa sunt, rectè Galenus lib. 5. de loc. affect. cap. 7. signum causæ appellat, quidquid ab ipsa procedit. Galeni verba sic accipe: Est igitur communis sermo, quem dicere proposui de naturalibus facultatibus, quas in qualibet parte generatim quatuor esse didicistis. Primã verò attractricem, quæ peculiare parti succos, alendi ipsam gratiã, & appetere, & attrahere potest: altera deinde est, quæ alteratrix dicitur, qua succus attractus similis euadit parti, quæ alitur: huic aliæ duæ ministrant, retentrix, quæ suo munere fungitur, quando pars attractum succum coquit, in suam ipsius naturam eum mutans: & expultrix, quando à coctione, quod inutile est, excernit, idq; excrementum vocatur. Has itaq; facultates in qualibet affecta, vtrum validæ sint, an infirmæ, consideretis, hortor. Vt in hepate (quoniam de hoc dicere institimus) vis attrahendi, si quomodolibet afficiatur, cibum in ventriculo iam in succum transmutatum relinquet, vt per aluum quidem exactè confectus, verum liquidus, & haudquaquam exsiccatus excernatur. Atq; hoc, quod ipsa affecta sit, signum vobis erit: quidquid enim ab aliquo, tanquã à causa procedit, id illius signum esse constat. Quæ de facultatibus naturalibus huc ex Galeno transtuli, in supplementum eorum, quæ libro 6. meæ Physiologiæ cap. 4. dicta sunt. Hanc Galeni doctrinã legenti apertum erit quàm audacter ei imponat Sebastianus Nasius in suo Speculo Methodi Medendi, parte secunda, Sectione 5. Tract. 1. questione 1. vbi ait: Galenus deniq; ait signum esse illud, quod ab aliquo proficiscitur, tanquam à causa: minus placet, quia non solum

lūm conuenit alijs, hoc est morbis, & symptomatis, cum hæc etiā proficiſcantur ab aliquo tanquam à cauſa: ſed præterea nullo modo ſigni naturam exprimit, ſed potius naturam effectus declarat, quicumq; ille ſit. Sanè hic Scriptor, vt dixi, Galeno imponit, nec huius doctrinam vlllo modo penetrauit. Nam Galenus loco citato ſignum non definiuit, ſed ſolummodò effectum omnem, cauſam à qua pendet ſignum eſſe dixit, quod eſt veriſſimum; cum effectus à ſemet non producat, ſed ſemper ab aliqua cauſa. Quare cum ſit cauſæ ſoboles, cauſam indicat. Gaſpar Hofmannus credidit pariter Galenum loco citato de locis affectis definiuiſſe ſignum. Signum eſt, inquit Galen. 5. locor. affec. 7. quidquid ab aliquo, tanquam cauſa procedit. Sed hic homo Galeni textum corrupens, gratis ſigmentum aſſuit, vt ex Galeni contextu liquet.

Sebaſtianus Naſius perſtringitur.

Hofmanni error.

C A P V T I V .

De Notatione, Notione, Notà, & Indicio.

HArum vocum cognitio Galeni Opera legenti proſus neceſſaria eſt. Quare peculiari hoc Capitulo, has voces, quæ cum Signo cognationem habent, exponere volui. Notatio ex libro de Definitione Medicis, eſt per notam, vel per notas, ſiue Signa, perceptio: Vel, Notatio eſt Signum, quod rem minùs patentem quampiam declarat. Author enim dicti libri, ſiue fuerit Galenus, ſiue alius quiſpiam, per hanc vltimam definitionem confundere viſus eſt Notationem cum Signo, per primam verò definitionem, diſtinguere. Notatio quidem videtur eſſe rei perceptio, non verò Signum.

Notatio quid.

In prima illa Notationis definitione confunditur, & optimè, Nota cum Signo: indiſcrepanter enim his vocibus vtitur Author. Sunt quidem Synonima, vt ex præfata definitione perſpicuum euadit, veluti ex libro de Plenitudine, ſiue Plethora, cap. 7. vbi Galen. ait, actiones validas propriam eſſe ac inſeparabilem virium vigentium Notam.

Nota, & Signi Synonima. Actio valida virium robur indicat.

Notio, ex libro de Hiſtoria Philoſophica, eſt ipſa perceptio ſenſuum, dum rem aliquam comprehendunt: vel eſt Cognitio quædam; quæ duplex eſt; vna, notio nominis; altera verò definitionis, vt habet Galenus lib. 1. de different. pulſ. cap. 2. vbi in-

Notio quid. Cognitio duplex.

quit,

quit, communem notionem pulsûs esse, quod sit partium quarundam corporis motus perpetuus. Rursûs, notionem definitio- nis, siue essentiae proponit eodem in opere, & alibi, Galenus.

*Indicium
certum
quid.*

Indicium certum, quod Græcis *τεκμήριον* dicitur, est id, quod perpetuo vnum aliquod certum significat, ac indicat. Vel, est argumentum necessarium à demonstratione sumptum, vel ab ipsa indicatione (licet cum ea aliquando confundatur) quæ Græcis *σημειον*; vt habet Galen. comment. 3. Prognostic. conformiter Hipp. ibidē, qui sequētia profert verba: Probè verò peritum esse oportet de Indicijs certis, ac signis alijs, sciendumq; quod quouis anno, & quouis tēpore, mala malum, & bona bonum denunciāt.

*Signū la-
tius patet
quàm in-
diciū.*

Galen. in Comment. monet, Signū latius patere indicio, docens omne indicium esse Signum, non tamen reciprocè omne Signum esse indicium. Quod autem certum est, & infallibile, Indicium dicitur: quemadmodum ab Hipp. cit. lib. Prognostic. (veluti etiam lib. 4. de Morbis) expositum est, dum inquit: quouis anno, & quouis tempore, mala malum, & bona bonum denunciare. Vult autem Hipp. ea, quæ mala sunt, esse semper, quasi ex sua natura, mala: non tamen in omnibus, & omni tempore æqualiter: Febris

*Febris in
quibus pe-
riculosior.*

v. g. in Iuuenē, & Adolescente minùs periculosa est, quàm in Sene, etsi Signa febris ardentis, malum aut periculum semper præ- nūcient. Hæc doctrina ab Hipp. exponitur lib. 2. Aphorif. aphor. 34. qui sic habetur. In morbis minùs periclitantur, quorum naturæ, aut ætati, aut habitui (siue consuetudini, vt loquuntur alij) aut anni tempori, magis congruit morbus, quàm quibus nulli horum est familiaris. Nunc diximus in Iuuenē, quàm in Sene febrem esse minùs periculosam: quoniam febris Iuueni, vtpote calidiori, magis cognata est, quàm Seni frigido, qui febre & præsertim ardente non afficitur, nisi accedente potentissima causa, quæ periculum in Sene arguit, ob magnam scilicet in Sene mutationem ab eadem potentia causa factam; cum tamen à leuioribus causis in Iuuenibus incendium suscitetur. Iuniorum vehemens calor, veluti Senum imbellis, proponuntur ab Hipp. lib. 1. Aphor. aphor. 14. Qui crescunt, inquit, plurimum habent calidi innati: plurimo igitur egent alimento, alioquin corpus absumitur. Senibus verò parum calidi inest: paucis propterea fomitibus indigent; quia à multis id extinguitur. Hanc etiam ob causam febres Seni-
bus

bus non perinde acutæ fiunt: frigidum enim eorum corpus. Ex hoc Aphorismo constat, Senes ratione frigida intemperiei, siue remissioris caloris, validius rebus calidis, quæ febrem inducunt, reniti, quàm Iuniores, qui ob intensiorem sui calorem facilius rerum calidarum usu excandescunt.

Quod de ætatibus dictum est, idem de anni tempore obseruandum. Vnde febris ardens hyeme orta periculosior est eâ, quæ æstate nascitur. Nam febris hyeme producta, causæ febrilis, cui hyemalis frigiditas maximè renitur, magnitudinem & vehementiam arguit. Proinde Galen. comment. cit. aphorismi 34. lib. 2. inquit: Nam duarum febrium ardentium magnitudine parium, illa, quæ aduenit hyeme, est perniciosior, &c.

Aliud indicium semper malum proponitur à Galeno Comment. 3. in lib. 3. Epidem. vbi docet stillam sanguinis è naribus in febribus acutis ortam, semper prauum esse signum. Deinceps boni indicij exemplum proponam, dum varias Signorum diuisiones proposuero: Hic autem de Indicio egi, vt vocis significationem exponerem.

Dictum est, indicium à Græcis τεκμήριον appellari. Dicamus præterea ea, quæ apud Galenum leguntur Commentario 1. in Lib. Hippocratis de Victus ratione in morb. acut. tex. 2. Τεκμάρσις (inquit) est quæ per τεκμήριον fit cognitio, τεκμήριον autem appellant Veteres Syllogisticum Signum, non autem simpliciter Signum omne. Pro Syllogistico Signo, iuxta Galenum, intelligenda venit Conclusio, quæ talis est naturæ, vt præpositis & præcõcessis præmissis. i. maiori, & minori propositione, negari nullatenus queat. Συλλογίζομαι enim idem est Latine, ac colligo, seu ratiocinatione colligo, vt ij, qui numerando calculis subductis summam conficiunt. Vnde apud Logicos idem est, accolligo & concludo: Συλλογισμός ideò dicitur illa collectio, quæ ratiocinando fit: & ab Arithmeticeis dicitur computatio, qua subductis calculis summa rerum numeratarum colligitur. Calculorum tamen vice ciphitis hodiè passim Arithmetici vtuntur. Hæc dicta sunt, vt ea quæ Galen. proposuit, clariùs innotescant.

Febris ardens hyeme, quàm æstate periculosior.

Stillæ sanguinis è naribus in febribus acutis semper mala.

Syllogizare quid?

CAPVT V.

De Primaria, & Pracipua Signi Medici
Diuisione.*Signi di-
uisio.**Medicina
quid.**Medicina
est Sciētia
ex Galeno
hic.**In praxi
Semeioti-
ca primum
locum ob-
tinet.**Signum est
triplex.**Quinque
corporis
status si-
gni digno-
scuntur.*

Signi naturalis, & Medici, generalissima diuisio eruitur ex Galeno, Lib. de Arte Medicinali, cap. 2. vbi signum distribuit in Salubre, Insalubre, & Neutrum. Medicina, inquit, est Scientia Salubrium, Insalubrium, & Neutrorum. Nihil verò differt, si quis loco Insalubrium, ægrorum dixerit. Nomen verò Scientiæ communiter, & non propriè, accipere oportet. Salubre autem, & Insalubre, & Neutrum, vnumquodque tripliciter dicitur: hoc quidem, vt corpus: hoc autem, vt causa: hoc verò, vt Signum. Etenim Corpus, quod sanitatem naturâ suscipere aptum est: & causam, quæ eandem efficere, vel conseruare: & Signum quod potest indicare, hæc omnia salubria Græci appellare consueuerunt. Eadem ratione, & susceptiua morborum corpora, & eosdem efficientes, conseruantesque causas; & Signa indicantia, Insalubria vocant. Nec aliter corpora neutra, causas, Signaq; dixerunt. Et secundum quidem primam rationem, atq; præcipuam, causarum Salubrium, est Medicina Scientia: propter eas autem, & aliarum, secundo loco Insalubrium: & tertio Neutrarum. Et post hæc eodem modo corporum, primo quidem, & hic Salubrium: secundo loco Insalubrium: tertio neutrorum. Itidem de Signis dicendum. In actionibus autem prima quidem est corporum dignotio, quæ habetur ex Signis: post hæc causarum, quæ in ipsis sunt, inuentio.

In hoc Capite Galenus dilucidè ostendit, Signum esse triplex, Salubre, Insalubre, & Neutrum: & hæc tria Corporis, & Causæ statum patefacere, ita vt aliquoties in Corpore appareant Signa Salubria, aliàs sana; aliquando neutra. Salubria in sanis maxime elucet, & in ægris, qui sanitatem sunt recuperaturi. Signa similiter Salubria Salubres causas patefaciunt. Insalubria verò Signa corpus ægrum, causasq; ægritudinis manifestè produnt. Neutra Signa neutrum ostēdunt Corporis Statum; id est, nec omnino sanum, nec omnino ægrum, sed medium inter vtrumque;

quo

quo modo conualescentium corpora se habent. Signa itidē neutra causas patefaciunt. Licet enim Signum, siue Salubre, siue Insalubre, siue neutrum fuerit, Corporis Statum Salubrem, Insalubrem, & neutrum detegat, ad causam inuestigandam non est inutile, quamquā causa ipsa aliquoties Signi rationem habeat. Causa porrò morbifica in corpore extans, corpus idem insalubre reddit. Signis ergo dignoscitur; ut patet ex plenitudine, humore bilioso redundante, & febrem causante, reliquisq; pariter causis, quæ non nisi Signorum adminiculo, non secus, ac reliquus status præter naturam, deteguntur: ut innuit in contextu iam cit. Galenus, dum ait: Post hæc causarum, quæ in ipsis sunt, inuentio.

Causa signis dignoscitur, et signi rationem aliquando induat.

Dixi, Signa Salubria quādoq; in ægris reperiri, quæ quidē futurum morbi Salubrem euentū prænunciant: etsi non ignorem, Signa Salubria simpliciter, & absolutè dici Signa Corporis Sani; prout asserere visus est Galenus lib. de Arte Medicinali (alij Artem Paruam appellant) cap. 4. aiens: Salubre simpliciter corpus est, quod ab ipso naturæ ortu, tum bonam habet temperaturam in simplicibus, & primis particulis, tum in his, quæ ex illis componuntur instrumentis est commensuratum. Salubre verò nunc est corpus, quod in præsentī est sanum: est verò, & hoc eo tempore, quo sanum existit, bonam habens temperaturam, & commensurationem, non tamen optimam, at sibi propriam. Ipsius verò Salubris simpliciter Corporis tale quidem est semper id quod est optima temperantia præditum, ac maximè est commensuratum, ut multum autem, quod à constitutione optima non valde admodū deficit. His constat, Signa Salubria propriè dici ea quæ sanum indicant corpus, licet Signa Salubria dicantur ea, quæ in ægris sanitatem futuram præmonstrant: ut mox cum Galeno cap. 7. & cap. 83. Artis Medicin. dicemus.

Signorum Salubrium latitudo.

Corpus simpliciter, & absolutè Salubre.

Corpus Salubre pro tempore.

Conditiones corporis Salubris simpliciter.

Signa Salubria in ægris iuxta ac sanis videntur.

Corpus insalubre opposito modo describit Galen. lib. cit. de Arte Medicin. cap. 5. ubi hæc habet. Insalubre verò simpliciter est corpus, quod ab ipso ortu naturæ, vel in consimilibus partibus, malam habet temperaturam, vel in instrumentariis incommensurationem, vel vtrumque vitium. Insalubre verò nunc est corpus, quod eo tempore, quo tale dicitur, ægrotat. Neq; obscurum est, quod & hoc ipsum, eo, quo dicitur tempore ægrotans, vel in consimilibus malam habet temperaturam, vel in instrumentariis in-

Insalubre corpus absolute.

Insalubre pro tempore.

*Corpus sē-
per insalu-
bre, tale
est à nati-
uitate.
Corpus in-
salubre vt
multum.*

commensurationem, vel vtrumque. Est verò & semper insalu-
bre, quod ex ipso naturæ ortu, vel pessimam habet temperaturam
in simplicibus & primis particulis omnibus, vel aliquibus, vel his
quæ obtinent Principatum, vel in instrumentarijs incommensu-
ratissimum existit, similiter autem in his, vel in omnibus, vel ali-
quibus, vel illis quæ obtinent principatum. Vt multum verò insa-
lubre est corpus, quod ab huius quidem vitio recedit; nondum
tamen in medio constitutum est.

*Continui
solutio à na-
tuitate ra-
ra.*

Hoc in contextu Galenus patenter Insalubrem Statum corpo-
ris duplicem constituit; vnum à natiuitate talem: alterum in tem-
pore, ob aliquam superuenientem ægritudinem, ortum. Non so-
lum autem corpus insalubre ob aduenientem aliquo tempore
ægritudinem, sed præterea ob concomitantem, vocat Galenus.
Dicit namque vitium congenitū esse vel totius Corporis, aut plu-
rium partium simularium, aut cuiusdam nobilis, aut ignobilis in-
temperiem, vel partium dissimilariū malam conformationem.
Non meminit expressè Galenus solutionis continui, quòd rara,
aut nulla, à natiuitate criatur, si labrum oris alterutrum, super-
num, vel infernum, leporinum, aut scissum excipias. Adde quod
ad temperamentum partium vnio præsupponitur. Quòd omnia
genera morborum hominibus quouis anni tempore contingant,
quotidiana mortalium ægritudines integram faciunt fidem. Si-
gna ergo, quæ quemuis Corporis defectum, siue congenitum,
siue tempore quodam ortum, demonstrant, Insalubria Galeno
dicuntur.

*Valetudi-
narij ab or-
tu.*

Siquis nobis opponeret, morbos dari hæreditarios, aut con-
genitos, iuxta iam relatam Galeni doctrinam, facilis est respon-
sio, à nobis lib. 1. nostræ Pathologiæ data, nullum morbum esse
naturalem, habito respectu ad naturam communem; aliquam ta-
men indispositionem Petro connatam esse posse. Quod autem
ab ipso ortu pessima sanitate nonnulli fruantur, præterquā quod
quotidiana experientia id confirmatur, Galenus lib. 6. de sanit.
tuenda, cap. 1. id confirmat: Præterea ad eos, inquit, qui statim
ab ortu valetudinarium corporis statum sunt sortiti, &c.

*Triplex
status neu-
tri.*

Corporis neutri Statum Galenus cap. 6. citati libri de Arte
Parua, consequutiue hac serie describit: Quoniam verò, inquit,
& neutrum Corpus tripliciter dicebatur, vnum quidem quod neu-
trius

trius erat extremæ dispositionis particeps: aliud autem, quoniam
vtriusq; aliud, quoniam aliquando huius, aliquando verò illius.
Iuxta primum significatum, neutrum erit corpus, quod exquisitè
medium est saluberrimi, & insaluberrimi corporis: & huius qui-
dem hoc simpliciter tale, quod ab ipso ortu naturæ ita est consti-
tutum: hoc verò ut nunc, quod in presenti tempore medium ex-
quisitè existit saluberrimi atque insaluberrimi corporis: ipsius .a.
simpliciter, semper quidem tale est id quod in omnibus ætati-
bus tale perdurat: ut multum autem, quod nonnullas recipit mu-
tationes. Iuxta verò secundum significatum, neutrum erit corpus,
quod ab ipso ortu naturæ contrariarum simul est particeps dispo-
sitionum, aut scilicet in vna parte, aut in duabus differentibus: in
vna quidem, si secundum alteram oppositionem effectiuarum
qualitatum bonam habuerit temperaturam, vel etiam secundum
vtramque, sed in formatione, vel magnitudine, vel numero par-
tium, vel situ delinquat: aut contra in his quidem rectè se habeat,
vel omnibus, vel quibusdam, peccet autem in temperatura: in
differentibus verò partibus, & iuxta omnes oppositiones potest
quidquam simul particeps esse contrariorum. Et semper quidem
tale, quod per omnes ætates in eodem perseverat. Ut multum ve-
rò, quod aliqua ex parte euariet. Ita verò & nunc neutrum erit
corpus iuxta secundum significatum, quia vel in parte vna hæc
quidem sibi Salubria existunt, illa verò insalubria, vel in diffe-
rentibus ita afficitur partibus. Iuxta verò tertium significatum,
neutrum erit corpus, quod aliquando quidem salubre, aliquando
verò per vices existit, ut nonnullis accidit, qui in pueritia salubri-
tate Corporis vigent, cum verò ad iuuentutem peruenerint, insa-
lubres euadunt, aut contra: In vno autem tempore, quod ita est
neutrum, exquisitè quidem consistere nequit: latius .v. si accipia-
tur, contingit. Nouimus autem, quod, Nunc, dupliciter dicitur.
Salubre igitur, & Insalubre, & Neutrum corpus, quot modis di-
catur, & quale vnumquodq; sit, sufficienter explicauimus. De Si-
gnis verò deinceps dicendum. Hactenus Galenus in his nullo
egens commentario.

*Status neu-
ter simpli-
citer.*

*Status neu-
ter pro tē-
pore.*

Postquam Galenus Corpus Salubre, Insalubre, & Neutrum
exposuit, Signa pariter Salubria, Insalubria, & Neutra, prædi-
ctis corporis constitutionibus correspondentia, seu triplicem il-
lam

lam corporis humani constitutionem, sanam, ægram, & neutram, indicantia, cap. 7. cit. lib. de Arte Medica siue Medicinali; luculenter propalat: Sunt autem, inquit, & ex his (Signis videlicet)

*Salubria
signa sunt
triplicia.
Insalubria
triplicia.
Neutra
triplicia.*

Salubria quidem, & quæcunque præsentem indicant sanitatem, & futuram prænunciant, & præteritam memoriæ subijciunt. Insalubria verò, quæ & præsentem indicant ægritudinem, & futuram prænunciant, atque præteritam memoriæ subijciunt. Eadem ratione neutra dicuntur, quæ neutram dispositionem ostendunt, prænunciant, & memoriæ subijciunt, (& quæ nihil omninò de dispositionibus indicant, vel nihilo magis salubrem, quàm insalubrem dispositionem ostendunt:) & quæ partim quidem salubrem, partim verò insalubrem indicant dispositionem: & quæ ali-

*Prædicta-
tiua.*

*Diagno-
stica, &
Prognosti-
ca signa
sunt ma-
gni usus:
minoris
momenti
sunt præte-
riorum si-
gna.*

*Salubre
corpus du-
plex.*

quando quidem salubrem, aliquando verò insalubrem, & hæc quoque secundum tria tempora, veluti salubria, & insalubria. Vocantur autem nonnunquam à Vetustioribus Medicis hæc omnia Signa prænunciatiua, quamvis præsentium, vel præteritorum sint indicatiua. Vñus verò non paruus est ex prænunciatiuis, atque indicatiuis, minor autem ex his quæ memoriæ subijciunt. Cum igitur sint Salubria Corpora, hæc quidem simpliciter, hæc verò ut nunc, quæ & sana dicuntur. Salubrium simpliciter corporum duplicem diximus esse differentiam: quoniam nonnulla quidem semper, nonnulla verò ut multum essent talia. Et semper quidem, quæ optimam constitutionem sortita sunt: ut multum verò, quæ non magnoperè ab illa recedunt.

C A P V T VI.

*Quod est Vlterior præcedentis Diuisionis
Interpretatio.*

S E C T I O I.

In qua Definitio Medicinæ à Galeno tradita
examinatur.

*Medicina
definitio
ab Hero-
philo data.*

Galenus Libro citato de Arte Medica cap. 2. Medicinam hoc ordine describit: Medicina est Scientia Salubrium, Insalubrium, & Neutrorum. Hanc definitionem Hero-
phili,

phili, doctissimi Medici, esse testatur Galenus lib. de subfiguratione Empirica cap. 4. et si sub alia verborum serie: Sunt, inquit, qui ex rationis diuisione partes Medicinæ venati sint: cum enim, sicut Herophilus voluit, Medicina sit Scientia Sanorum, agrorum, & Neutrorum, tria excogitauerunt, quibus singula istorum, conueniunt, Corpora scilicet, Signa, & Causas: nam sicuti corpora, ita Signa, & Causas, congruè sana; ægra, & neutra, nuncupamus.

Hanc definitionem quidam improbant: & primò quidem, quia ab ipso Galeno hæc eadem definitio non valde probatur libro iā cit. de Subfiguratione Empirica cap. 4. & lib. 6. de sanit. tuen. ca. 2. vt loquitur Sanctorius Commentario in Particulam primam Secundi Capitis, Artis Medicæ. Sed profectò nimis audacter Galeno imponit Sanctorius: cum nihil tale apud Galen. extet. Verba enim Galeni de præfata definitione, libro de Subfigur. Empir. cap. 4. modò à nobis traducta sunt, vt videtis: in quibus tamen nullo pacto definitionem allatam improbat Galenus. Et multò minùs eandem reijcit lib. 6. de Sanit. tuen. cap. 2. quòd in hoc ne verbum quidem de dicta definitione pronunciauerit idem Galenus. Dicit enim tantùm Herophylum neutrum admisisse, Statum. Et lib. ad Thrasylbul. cap. 8. postquam definitiones à fine desumptas non exiguas ambiguitates parere docuit, præcedenti cap. 2. Medicinam Salubrium, & Insalubrium Scientiam, esse contra quosdam asserit. Ergo Herophyli definitionem, tanquàm bonam, probauit Galenus. Mera ergo impostura vsus est in hoc Sanctorius.

Prima obiectio.

Sanctorius meritò reprehenditur.

Solutio.

Secundò hanc definitionem nonnulli improbant: quia ex Aristotele lib. 2. Poster. & Galeno lib. 4. de differentiis pulsuum cap. 2. omnis bona definitio datur per causas externas. Sed præfata definitio non per has datur: cum constare non videatur causa efficiente, & finali, quæ externæ rerum communiter censentur.

Secunda obiectio.

Sanctorius, post alios, his nixus præfatam Medicinæ definitionem spreuit, sed minùs oculatè; vt qui quamplurima loca sinistrè citat. Nam cap. 2. lib. 4. de different. puls. nusquam Galenus docuit, omnem bonam definitionem dandam esse per causas externas, vt legenti patebit. Galeni verba hæc sunt: Quare definitionem quam vocant essentialem, quæ est oratio essentiam

Solutio.

rei docens, planum est genus explicaturam esse, & differentias, & vsum generationis, causam item efficientem; ad hæc materialem, aut instrumentalem, aut quoquo modo velis appellare. Hic non loquitur Galenus de Causis externis, Qui tamen diceret ipsum loquutum de efficiente causa, & vfu generationis pulsus, id libenter fateor. Sed in omni definitione etiam essentiali, omnes causas reperiri, minimè docuit: vt patet ex eodem cap. vbi inquit:

Iuanes reprehendit Galen.

Quadruplex rei definitio.

Disciplinam à definitione inchoare improbat.

Itaq; hoc tibi primum sit indicium hominum inanum, & vanorum, vbi eos rei propositæ afferre vnâ definitionem audias. Nam sunt in quibus non iam duas, sed tres præstat, vel quatuor facere. Primam, quæ eiusdem linguæ omnibus hominibus sit confessa, quæ quidem de rei essentia nihil statuit, sed in nuda limitatur notione: alteram iam quæ aliquantum recedat de notione, atq; nonnihil accedat ad essentiam; ad hæc tertiam, quæ amplius cum de notione, tum de essentia aperiat: postremò quartam, quæ doceat totam essentiam. Ex his constat, duas dari definitiones essentielles, quæ non necessariò totam rei essentiam expl. citè exponūt. Eodem rursus capite Galenus inquit: Omnino verò apud Tyrones cuiusvis disciplinæ ne proferendæ quidem definitiones essentielles sunt: verùm vbi à notione exorsi ad essentiæ eos notitiam deducamus, hic iam promptæ memoriæ gratia rem vniversa n. limitatam complecti oratione fuerit commodum. Quare, quicumq; Medici, & Philosophi, initiatis primum cuiuspiam Disciplinæ initium faciunt docendi ab essentialibus definitionibus, vt eloquentissimi sint, vt clarè interpretentur, obscuro euadunt tamen; quod assequi auditores, quæ amplam explanationem, quò intelligantur, quærun, cum restrictis hæc definitionibus referuntur, nequeant. Longa enim oratione prius rei qua de agitur, aperienda essentia est: quò cognita iam, & perspecta breuib. tandem verbis accipiat. Hæc ergo, quia iure exprobro illis semper, qui definitionibus omnia docere conantur, huc exempli gratia veni.

Quævis definitio, etiam nominis prodest.

Ex his omnibus constat, Galenum non improbare definitiones nominis, nec definitiones essentielles, etsi totam rei essentiam non complectantur. Operosissimum enim esse iudicat rei essentiam vnica breui definitione exponi: cum quâplurima ad rei essentiã attineant, quæ nullatenus breui oratione exponi queunt. Vnde

fatius

fatius esse iudicat in rebus nimis obscuris ab intricatis definitionibus abstinendum, quàm vtendum; vt omnis vitetur obscuritas. Contentos ergo nos esse oportet quadam rei, de qua agitur, descriptione definitioneue, quæ nos ad rem tractandam manu-
det: vt ex Galeni citato contextu colligitur: imo ex Aristotele lib.

2. Poster. cap. 7. vbi ait: Deinde quod omnes orationes possent esse definitiones. Nam quæ tandem oratio est, cui vnum nomen imponi non possit? Itaq; omnis disputatio, omnis Sermo, definitionibus constabit: & non incommodè Ilias Homeri definitio appellabitur, &c. Ex his Arist. verbis liquidò constat definitio-

Omnis oratio definitionibus constat ex Aristotele.

nem quamcunq; esse sufficienter bonam, dummodo rem propositam per eam intelligamus. Et posito, quod definitio essentialis sit, non est semper necesse eam per quatuor genera causarum dari, vt cum Galeno diximus, & patet ex Philosopho lib. 2. cit. Posterior.

cap. 10. vbi sic inquit: Quoniam autem definitio vocatur oratio,

Quid definitio.

quid quæque res sit declarans, hinc profectò planum est, genus quoddam esse definitionis quo explicatur, quæ sit cuiusq; vocabuli significatio: aut si breuiùs appellare libet, nominis explicatio.

Definitio est duplex

Cuiusmodi est oratio qua docetur, quæ sit vis ac significatio huius verbi, Triangulum: quod postquàm esse assequuti sumus, tum quamobrem sit quærimus. Et quibusdam interpositis ait idem

Aristoteles: Est enim alia ad quæstionem, cur tonat; alia ad quæstionem, quid est tonitruum, respondendi forma: Nam ad illam respondetur, quia extinguitur ignis in nubibus: Ad hanc autem,

Quomodo sit tonitruum.

qua quid sit tonitrus quæritur, hoc modo respondetur: Est Strepitus oppressi & extincti ignis in nube. Quare eadem hæc oratio

Quid est tonitruum

vno modo expressa definitio est: alio modo demonstratio: non illa quidem suis sumptionibus distincta, sed vna quadam oratione tota simul comprehensa. Præter hanc. a. alia est Tonitrûs definitio, Strepitus in nube factus. Hæc. a. est conclusio illius demon-

strationis, per quam illustrari, quid res sit, diximus.

Haçtenus Aristoteles, cuius verba inuitus huc transtuli, vt quorundam errores, hunc citando, diluerem. Philosophus. n. definitionem exponens, ait: Definitio vocatur Oratio, quid quæque res sit, declarans. Eandem doctrinam præposuit cap. 2. cit. lib. 3. Posterior.

Analyticorum, aiens: Etenim definitio, quid sit res quæq; declarat. Et eodem cap. longè post, inquit: Siquidem omnis De-

*Quid est
definitio?*

definitio eò pertinet, vt quid res sit, atq; essentiam declarat: Demonstrationes. a. omnes non quid res sit concludunt, sed ante demonstrationē, id positū, ac perpetuum esse debet. Sanè nec ex his, neq; ex alijs, ex Arist. paulò ante allatis, quispiam inferre potest, omnē bonā definitionem finali, & efficiente constare causa. Definitio enim, vt ex Arist. & Galenō constat, est oratio rei quidditatem declarans. (Inuentionis initium in omnibus est, ante omnia

*Inuentionis
initium est
rei de qua
agitur
quiddita-
tem cogno-
scere.*

cognoscere quidnam est id quod quæritur. Huiusmodi verò notitia gemina est: aut enim solam rei notionem, aut essentiam quoque percipimus, vt loquitur Galen. Lib. ad Thrasybul. cap. 1.) Quis, obsecro, mortalium proferre auderet, causas externas esse rerum quidditates, cum hæ nullatenus rerū essentias constituent. Definitum enim genere & differentia implicite constans, explicite per hæ eadem, genus nimirum, & differentiam, explanatur, explicatur: Et hæc explanatio, definitio appellatur. Homo ergo rectè definitur, dum dicitur esse Animal rationale: quæ duo intimè hominem componunt. Non est enim necessarium dictæ definitioni causam addere efficientem, aut finalem, cum sufficienter & completè absque harum concursu hominis essentiam enucleet.

Bona definitio.

Semper enim, vt aliàs didici, docui definitionem illam esse bonam, quæ genere constat & differentia, quæq; cum definito ita conuertibilis est, vt nulli alteri rei, nisi huic soli congruat. Quæstioni. n. quid sit, per definitionem respondetur, vt loquitur Aristoteles: Quæstioni verò, cur res ita sit, reddendò causam respondetur. Dum quis quærit, cur tonat? huic vltimæ satisficit, quando dicitur, quia extinguitur ignis in nubibus, ita enim per efficientem causam respondemus. Primæ verò quæstioni quidditatem

*Diluntur
aduersa-
riorum ca-
uilli.*

Tonitrûs quærenti satisficit, dum dicimus, est Strepitus in nube factus. In hac enim definitione nulla ponitur causa efficiens, aut finalis tonitrûs: sicuti nec in prima responsione, quam definitionem & demonstrationem simul vocat Aristoteles, finalis vlla. Ridiculè ergo finalem, & efficientem causam in definitionibus

*Medicina
definitio
ab Hero-
philo data,
est bona.*

necessarias esse statuunt aduersarij. Concludendum ergo, definitionem illam Herophili, quam, vt bonam, vsurpat Galenus, esse sufficienter bonam. Scientia enim in dicta definitione loco generis habetur: Salubriū, Insalubrium, & Neutrorum, in ea differentia locum obtinent. Licet .a. neget

cum alijs quibusdā Sanctorius, vocem, Scientia, in definitione propriè dici, fatetur tamen, vt verū est, Medicinam apud Priscos Scientiam appellari. Quòd autem non nomine tenus, sed re scientia sit, fusè satis in nostra probauimus Physiologia. Quamuis deniq; Salubre, Insalubre, & Neutrum inæqualiter aut æquiocè fortassis de rebus dicantur, non incongruè differentiæ locum possident; quoniam circa Salubre, Insalubre, & Neutrum, vt Medicinæ obiectum (aut Partes) illa omninò, & non alia Scientia versatur. Corpus humanum Sanum & sanabile Medicinæ obiectum in Physiologia firmis rationibus statuimus. Cùm ergo ab obiecto, aut Partibus eam constituentibus, Medicina definita fuerit ab Herophilo, definitio bona censenda erit. Si autem definitio breuiuscula ab Hippocrate lib. de flatibus nobis relicta, ab Authore Libri Introductorij miris laudibus efferatur, cur non & hæc Herophili, à Galeno, alijsq; innumeris Viris doctis approbata? Fuit. n. hæc definitio à Gal. recepta, quoniam apud antiquos fuit in vsu; tum quia est aptissima ad faciendam doctrinam definitiuam (qua Galen. Lib. de Arte Medicinali passim vtitur) vt fatetur Sanctorius. Estque, vt etiā ait Oddus de Oddis, Definitio hæc à materia desumpta, sicut aliquando desumi potest definitio à fine, aliquoties verò ab ijs quæ semper sūt. Vnde Hipp. per agenda Medicinā definiuit Lib. de flatib. dū inquit: Medicina. n. est additio, & subtractio. Et eorū quidem quæ exuperant subtractio, eorum verò quæ deficiunt, additio. Qui verò istud optimè facit, is optimus Medicus existimandus est, quiq; plurimum abest ab eo præstando, is plurimū in Arte Medica deficere censetur. Hæc Hippocrates, qui, vt dixi, ab exercitio Medici Medicinæ definitionem hausit. Nam Medici Scopus est media disquirere idonea ad Sanitatis conseruationem, & recuperationem. Quamquam autem ante omnia Medicus Practicus Sanitatem, vt finem, mente concipiat, vix amplius de ea cogitat, sed media ad eius conseruationem, aut recuperationem omni studio perquirat, vt confirmare videtur Philosophus lib. 3. Ethic. cap. 5. vbi sequentia habet.

Sed vtrum consultant de omnibus rebus homines, omniaque in consultationem cadunt, an de quibusdā consultari non debet? Ac fortasse id quidem in consultationem venire dicendum est, non de quo stolidus aliquis, aut insanus consultaue-

*Medicina
definitio
secundum
Hippocra-
tem.*

*Bonus
Medicus
quis, quisue
malus.*

*Sanitas
est finis
aut Sco-
pus Medi-
ci meden-
tis.*

*Ea quæ
sub confi-
lium non
cadunt.*

rit : Sed de quo is , qui mentis est compos . De rebus æternis autem consultat nemo : vt de Mundo , aut de Diametro , & Latere , quoniã nulla dimensione inter se conuenire possunt . Neq; verò de ijs , quæ cum perpetuò moueantur , eodem semper modo fiunt : siue necessitate , siue natura , siue propter aliquam causam : vt de Solis conuersionibus atque orbitibus , nec de ijs quæ aliàs aliter fiunt , vt de siccitatibus , & imbribus : Neq; de ijs , quæ fortuito eniunt , vt de thesauri inuentione . Immo , ne de omnibus quidem rebus humanis : v. g. Quemadmodum Schytæ optimè suam Rempublicam administrare possint , nemo Lacedæmoniorum consultat . Nihil enim horum per nos effici queat . At de ijs consultamus , quæ cùm sub actionem cadant , tum in

*Ea quæ
sub confi-
lium ca-
dunt.*

*Rerum
omnium*

*causa , na-
tura , ne-
cessitas ,
fortuna ,
mensque.*

*Consultat
homines de
ijs quæ ab
ipsis fieri
aut retari
possunt.*

*In Medi-
cina con-
sultatur.*

*In artibus
quæ in
scientijs
frequetior
est consul-
ratio.*

*Quando in
Consilium
alij vocan-
tur.*

*Non de
fine, sed ac
medijs cõ-
sultant.*

nostra potestate sunt . Hæc autem etiam sunt reliqua . Etenim rerum omnium causæ videntur esse , natura , necessitas , fortuna : adde præterea mentem , & quicquid per hominem agit . Singuli autem homines de ijs consultant ac deliberant , quæ ab ipsis agi possunt . Neq; verò in Scientijs exquisitis , suaq; vi contentis , consultationis locus est : v. g. de literis non consultamus ; non enim quomodo scribendum sit , ambigimus , sed de ijs , quæ tametsi nostra opera fiant , non tamen semper eodem modo fiunt : vt de ijs quæ ad Medicinam , & ad artem pecuniæ quærendæ pertinent : & in arte gubernandarum nauium potius , quàm in ratione corporum exercendorum dubitare solemus , quanto minus illa quam hæc enucleatis , & exquisitis præceptionibus absoluta est : & præterea item de reliquis . Magis autem in artibus , quàm in Scientijs , consultationi locus est . In eis enim sapius ambigere solemus . Consultandi autem ratio in ijs locum habet , quæ plerumq; vsu veniunt , cum eorum exitus incertus sit , & in quibus nihil est definiti . Itaq; ad res magnas considerandas alios in Consilium adhibemus , nobis ipsis diffidentes , quasi minus ad dispiciendas ac diiudicandas idoneis . Consultamus autem non de finibus , sed de ijs , quæ ad fines pertinent . Neq; .n. aut Medicus , an sanaturus sit , consultat ; aut Orator an persuasurus ; aut Vir ad Rẽpublicam administrandam aptus , an bonis legibus Ciuitatem temperaturus , neq; alij denique Artifices de fine deliberant : sed omnes proposito sibi certo aliquo fine , quemadmodum & quibus rebus eum possint assequi , cogitant . Ac , si pluribus modis ac ra-

tionibus id quod volunt, confici posse videatur, qua facillimè, & optimè confici possit, inspiciunt. Sin autem vna ratione commodè possit absolui, qua via ad illam perueniant, & qua ad hanc, eo usq; ad primam causam peruenerint, quæ inuentione est vltima. Qui consultat enim, inquirere ac retexere veluti descriptionem, quandam Mathematicā videtur; quemadmodum dictum est. Sed illud certè apparet, non omnem quæstionem esse consultationem, vt sunt quæstiones Mathematicæ: consultationem. v. omnem, esse quæstionem. Illud etiam planum est, quod est retexenti postremum, id esse agenti primum. Quod si ij, qui acturi sunt, in aliquid inciderint, quod fieri nequeat, tum ab eo desistunt: veluti si pecunia sit opus, eiusq; expediendæ nulla ratio inueniri possit. Sin autem alicunde suppeditari posse videatur, tum ad agendum aggre-
diantur. Fieri autem posse dicuntur ea, quæ nostra opera effici possunt. Nam quæ amicorum studio, & opera transiguntur, nostra opera quodammodo fieri videntur. Principium enim in nobis est. Quæruntur autem aliquando instrumenta, aliquando eorum vsus: itemq; in reliquis, interdū cuius opera, aliquando quomodo; aut qua via res explicari possit. Ac videtur sanè homo, quemadmodum dictum est, actionum esse principium. Consultatio autem est ijs de rebus, quæ à quoq; agi possunt. At actiones aliarum rerum causa suscipiuntur. De fine igitur consultari non potest, sed de ijs, quæ ad fines pertinent. Neq; de rebus singularibus: v.g. sitne hoc Panis, aut sitne ita pistus vt oportet. Hæc enim sensu iudicantur. Quod si semper consultauerit, abibit in infinitum. Id autem, de quo consultatur, & id de quo consilium captum est, eadem sunt inter se: nisi quod definitum iam ac decisum est id, de quo consilium capitur. Quod enim consultatione adhibita reliquis præpositum est, id est, de quo consilium captum est. Nam quemadmodum quisque sit acturus, tum quærendi finem facit, cum principium ad seipsum, & ad eam sui partem, quæ præest atq; imperat, reuocant. Hæc enim est, quæ consilium capit. Quod ex Veteribus quoq; Reipublicæ administrandæ formis, quas Homerus imitabatur, perspicui potest. Nam quibus de rebus Reges consilium cæperant, eas populo renunciabant. Quoniam autem id, de quo consilium capitur, sub deliberationem, & appetitionem cadit, cum sit ex numero earum rerum quæ in nobis sitæ sunt: con-

Quæ à nobis fieri possunt.

De quibus est Consultatio.

De ijs quæ sensibus percipiuntur, non sit Consultatio.

filium erit, earum rerum, quæ in nostra potestate sunt, appetitio ex consultatione proueniens. Nam posteaquam consultatione adhibita iudicauimus, tum ei consultationi conuenienter appetimus. Ac consilium quidem quid sit, quibusque in rebus versetur, earum deniq; rerum esse, quæ ad fines pertinent, sic à nobis veluti adumbrando expositum sit. Hactenùs Aristoteles.

Nimiæ prolixitatis me aliquis arguet, quòd Caput hoc integrum ex Aristotele huc traduxerim, & quidem præter instituti Sermonis rationem. Sed meo iudicio nimium ineptè arguerer, quòd rem proposuerim omni Virò prudenti, & maximè Medico, necessariam. Nam, & virtuti coniunctissima res est Consilium, & ab eo magis, quàm ab actionibus, mores diiudicari videntur; vt loquitur Philosophus lib. 3. Ethic. cap. 4. Quiuis autem, præter ineptum, & temerarium, consilio in rebus dubijs vti debet: debetq; insuper præscire, quæ res sub consilium cadunt, & quæ non. Difficultas inueniendi, vel celebrandi varia remedia, ad integræ sanitatis acquisitionem, frequentem Medicorum conuentum, & consilium expostulat. Vt autem quod bonum, & optabile est, nanciscamur, & quod malum est, declinemus, consilio vtimur. Omnino enim consilium ad eas res pertinet, quæ sunt in nostra potestate: vt citato cap. 4. lib. 3. Ethicor. loquitur Philosophus. Ex quo cõstat, consilia circa ea quæ à nobis fieri vllò pacto nequeunt, irrita fore; vt eodem capite ante citata iam verba confirmauit Philosophus, inquires: Consilium enim non est eorum, quæ fieri non possunt: Et si quis dicat, se talium rerum agendarum consilium capisse, Stultus esse videatur. Hinc elicio vana esse consilia circa agenda in morbis incurabilibus; in quibus cum nulla salutis recuperandæ spes eluceat, omne consilium in seligendis medijs idoneis ad sanitatis acquisitionem inane censendum. Consilia, pariter frustra celebrantur circa ea, quæ perspicua sunt, & omnibus nota. Cuius enim ex plebe notum est, calida frigidis, & frigida calidis; Sicca humidis, & humida siccis; Bonis verò Medicis, contraria contrarijs curanda; vt docet Hippocrates lib. de Flatibus.

In traducto Arist. contextu confirmatur illa Definitio breuiuscula ab Hippocrate propolita, quæ ab agendis conuenienter desumpta est, quoniam Medicus Practicus media ad Sanitatem conseruandam, vel acquirendam semper peruoluit: qui ideò, si doctrina

In morbis incurabilibus vana consilia.

Aristoteles Hipp. definitionē confirmat.

Strinâ pollet, & experientia, à suo munere minimè deficit, licet finem ad suum nutum non consequatur. Sufficit namq; Scopum attigisse, seu media exactè peruoluisse, & applicasse. Nec vllò modo Medicus Sanitatem integram conseruare, aut amissam recuperare tenetur. Vnde definitio à fine desumpta, quam posuit Auerroës lib. 6. Colliget, cap. 1. non videtur absolutè bona; quia quando Medicus ægrum pristinæ Sanitati non restitueret, videretur suo non fungi officio: quod omninò sæpè falsum est. Nam, vt ait Ouidius:

Non est in Medico semper releuetur vt æger:

Interdum doctâ plus valet Arte malum.

Quam sententiam haurire visus est Ouidius ex Hippocrate in principio libri Prognosticor. vbi docet, impossibile esse omnes morbos curari. Galenus præterea, aut Author libri Introductorij cap. 6. non multum laudat Definitionem à fine sumptam. Artes enim (inquit) non ex ijs, quorum neutiquam adest facultas, sed ex his, quorum adest, definitionem sortiuntur. Et paucis interpositis, ait: Recentiores huiusmodi definitionem vsurpârunt. Medicina est Scientiâ Sanitatis conseruatric, morborum repultric. Verû secûs habet: non enim ipsa hæc efficit, sed ex illis quæ efficit, hæc proueniunt, idq; nō semper. Quapropter nō ex his, sed ex illis (.i. ex agendis siue efficiendis) quæ ab ea semper accipiuntur constituta est. Hæc a. (.i. quæ efficiuntur) sunt adiectio, & ablatio. Proinde quæ capit Medicina hæc (.i. agenda siue efficienda) ipsam esse dixit Hipp. quibus, & in sanis vtitur, cū secundam iporum valetudinem conseruat, & in ægrotis, vt morbis liberet. Quæ igitur semper facit, ea ipsam constituunt, non illa quæ ab his efficiuntur. Aliud namq; Ars, aliud eius finis est. Quod enim appetit, id aliud ab ipsa est distinctum, idque non perpetuò secum habet. Quò fit, vt quatenus ipsum non contingat, neque finis eius, sed Scopus dicatur: cū a. contigerit, finis. Ita gubernatoria, & sagittandi Ars non à fine, quem non semper contingunt, sed ab alijs quibus constitutæ sunt, & per quæ, vt finem assequantur, functiones obeunt, definitionem sortiuntur. Porro definitio hæc (idest adiectio, & ablatio) omnibus ferè post Hippocratem proba esse videtur. Rursus Herophili definitionem dat, simulq; exponit author libri Introductorij, qui & Medicus etiam nuncupatur.

*Ars à suo
fine distin-
guitur.
Scopus, &
finis disti-
guuntur.
Artes non
per finem,
sed per me-
dia potius
constituuntur.*

Cū

*Medicina
definitio
iuxta A-
uerroem.*

Cùm constet definitionem allatam recentiorum à Galeno, vel Herophilo insinuatam, & à fine desumptam, improbari, idem de definitione Auerrois loco citato lib. 6. Colliget, dicendum: illa huiusmodi est: Medicina est Ars operatiua, quæ est inuenta experientia, & ratione, conseruans Sanitatem, & remouens ægritudinem. Moderatior est, & Veritati proximior, altera Medicinæ definitio ab Auerroë posita lib. 1. Colliget c. 1. quæ talis est: Medicina est Ars operatiua exiens ex principijs veris, in qua quæritur cōseruatio Sanitatis Corporis humani, & remotio suæ ægritudinis, secundum quod possibile fuerit. Particula .n. Possibile, in hac definitione rem omnem temperat: nam perpetuam certamq; Sanitatis cōseruationem, aut omnimodam morbi amolitionem non spondet Medicina, nec Medicus. Vnde Cicero lib. 2. de Natura Deorum: Ægri quia omnes non conualescunt, non idcirco nulla Medicina est. Et Aristot. lib. 1. Top. Rhetor non semper persuadet, nec Medicus semper sanat.

*Medicina
definitio
ab Auicenna data.*

Auicennæ definitio est hæc: Medicina est Scientia, qua humani Corporis dispositiones noscuntur, ex parte qua sanatur, vel ab eo remouetur, vt habita sanitas conseruetur, & amissa recuperetur. Est hæc præstantior illâ Auerrois: quia primò Medicina, iuxta Priscorum opinionem magis communem, dicitur Scientia. Secundò, Definitio inuoluit Scopum Medici, cuius munus est Corporis dispositiones, tam naturales, quàm præter naturam, indagare, vt sanitas, quo fieri potest modo, seruetur, & amissa recuperetur. Sine hac sanè cognitione nihil Medicus circa indiuiduos, aut singulares homines moliretur: vt testatur Galen. aut Herodotus, Lib. Introductorij, cap. 8. vbi hæc habet: Itaq; à rerum naturæ contemplatione altiùs auspicabimur: quoniam nec in sanis secundam valetudinem tueri, nec in ægris morbi causam cognoscere, nec Signis quid deprehendere, nec curationem ad-

*Cognitio
Elemento-
rum, &
aliarum
Physiolo-
giæ partiũ
Medico
priorius ne-
cessaria.*

Obiectio 1.

moliri rectè possis, ignorans, quibus homo elementis constet, & quomodo his immutatis à natura, quam obtinebant priùs, morbi nascuntur. Dicendum ergò, Definitionem Auicennæ clariorem, simulque fusiorem Definitione Hippocratis: & definitionem illam Herophili, & aliorum Antiquorum, à Galeno propositam esse bonam.

Sed cum Thurisano vrget Sanctorius, allatam definitionem non

non esse bonam, quòd nominibus homonymis, siue æquiuocis constet. Salubre enim, Insalubre, & Neutrum, de Corpore, de Causa, & de Signo dicuntur: namq; Corpus est Sanum, causa est sana, aër verbi gratia purus, & temperatus: Signum est sanum, vrina, v. g. optima, quæ probam coctionem, & expulsionem facultatis coctricis, & expultricis, atq; caloris natiui operâ factam demonstrat. Similiter insalubre tria significat diuersæ rationis; corpus nimirum insalubre; causam insalubrem, & Signum insalubre. Idem de neutro statu admittendum. Dicta nomina æquiuoca esse probat Sanctorius authoritate Aristotelis lib. 4. Metaphys. tex. 2. & Galeni libro ad Thrasybul. cap. 8. Ita sentit questione 14. in Artem Medicam: & Commentario in secundam particulam secundi Capitis, Galenum ab Aristotele mutuatum fuisse varia dictorum nominum significata, vult.

Ad hoc Sanctorij argumentum responsio est facilis. Concedendum a. est, Salubre, Insalubreq; tripliciter dici; sed vtrumq; æquiuocum ab Aristotele dici, est vnum ex figmentis Sanctorij, qui, siquis alius, mala fide Priscorum doctrinam examinat, eosq; testes introducit. Aristotelis verba cap. 2 lib. 4. Metaphys. hæc sunt: Ens autem multipliciter quidem dicitur, verum ad vnum, vnamque quandam naturam: & non æquiuocè, sed quemadmodum omne sanum ad sanitatem: quoddam eò quòd conseruat: quoddam eò quòd facit: quoddam eò quòd Signum Sanitatis: quoddam verò capax eius est. Et Medicinale ad Medicinam: quoddam enim eò quod habet Medicinam, Medicinale dicitur: quoddam propterea, quod naturâ aptum ad eam sit: quoddam propterea, quòd opus Medicinæ sit: eodem modo cætera quoq; accipiemus: ita & ens multipliciter quidem dicitur, sed totum ad vnum quidem principium. Quædam enim, quoniam substantiæ, entia dicuntur: quædam, quoniam passiones substantiæ: quædam quoniam via ab substantiam, aut corruptiones, aut priuationes, aut qualitates, aut effectiua, aut generatiua substantiæ, siue eorum quæ ad substantiam dicuntur, aut ad aliquorum ex his negationes, aut substantias. Quare & ipsum non ens, esse non ens dicimus. Quemadmodum igitur sanorum omnium vna Scientia est, ita & de cæteris est. Non enim solum eorum, quæ secundum vnum dicuntur, verum etiam eorum, quæ ad vnam naturam dicuntur,

Solutio.

Ens non æquiuocè de suis inferioribus dicitur. Sanum, & Medicinale.

Videtur Aristoteles vim generandi substantiæ alijs concedere entibus. Medicina est scientia ex Arist. Analoga attributio.

vnus Scientiæ est speculari. Etenim hæc etiam quodammodo secundum vnum dicuntur. Paret itaque vnus esse, & entia prout entia speculari.

Hoc in contextu à Sanctorio citato, manifestè Aristoteles pronunciat, ens non simpliciter, & absolutè multipliciter dici, sed multipliciter dici in ordine ad vnum, cui maximè conuenit: hoc autem quod maximè ens est, & participatione cuius cætera cuncta entia dicuntur, est substantia: Quare cum ad hanc cætera entia ordinentur, & maximè ens sit, ens non propriè, sed impropriè multipliciter & æquiucè dicitur de substantia, & Accidentibus; vt innuit Aristoteles dum ait: *καὶ οὐκ ὁμοῦτως*, idest, & non æquiucè. Dicitq; ens de suis inferioribus dici eodem prorsus modo, quo sanitas de omnibus sanis. Licèt autem Sanitas propriè homini competat, res tamen nonnaturales debite dispositæ, & hominem conseruantes, sanæ dicuntur: Remedia similiter sanitatem vnà cum natura efficientia, sana dicuntur. Vrina pariter, & reliqua excrementa, Pulsus, & cætera cuncta bona Signa, sana appellantur, quia Sanitatem Corporis, quod solum illius est capax, demonstrant. Omnia igitur sana dicuntur, sed in ordine ad vnum principium, corpus videlicet sanum, quod propriè sanitatis est capax. Constantissima ergo Aristotelis opinio est, sanum in communi non esse æquiucum, sed analogum, quod attributionis à Logicis appellatur: nam absolutè prolatum, pro principali analogato, homine videlicet sano, aut sanabili accipitur. Cum ergo ens non æquiucè dicatur, sed eo modo quo sanum siue Salubre, vt loquitur Aristoteles, hinc est, vt ex Aristotele concludamus, Sanum non esse æquiucum, sed ad summum analogum: Atq; adeò Medicinam competentem definitam esse per Salubre, siue Sanabile, aut Sanum, insalubre, & neutrum. Non malè ergo Hieremias Thriuerus Brachelius, Louanienfis Professor, commentario in cap. 2. Artis Medicæ propositæ obiectioni, quam ex eo fortassis desumpsit Sanctorius, respondit, aiens insalubre, Salubre, & neutrum vniucè suis conuenire inferioribus; causis nimirum, signis, & corporibus. Vnde Herophili definitio huic æquiualeat: Medicina est scientia omnium eorum quæ ad Salubrem, insalubrem, & neutrum affectum pertinent, causarum scilicet, corporum, ac Signorum: hic enim nulla confusa æquiucatio subsistit.

Quod

Quod attinet ad locum Galeni, citatum à Sanctorio, respondemus, verum esse, ab eo æquiocationem admitti in nomine Sano, siue Salubri: sed hæc æquiocatio analogia est: nam hanc Antiqui inter æquiuoca analogia collocabant; & vix nominis Analogorum meminere: Salubre igitur ab illo in sua significata distribuitur: Et inquit, Signum Salubre appellari illud, quod ægrotantibus adueniens futuram sanitatem portendit. Salubris causa est illa, quæ corpori ægro adhibita, Sanitatis est procreatrix, qualia nimirum sunt vniuersa remedia. Caterùm Definitio illa Herophili Galeno, contra quam dixit Sanctorius, probatur citato cap. 8. Lib. ad Thrasylbulum. Quid igitur, inquit, est Medicina? Salubrium, Insalubriumq; Scientiam quis esse responderit. Verùm & iste nimis audacter Salubre, tanquam scilicet Medicinæ partem accepisse videbitur. Vnde contrariæ factionis nonnullos ægrotabilium tantummodo Scientiam Medicinam esse dicturos existimo. At isti primum ignorant, contrariorum omnium vnā esse Scientiam: & quicumq; ægrotabilia nouerit, hunc & salubria non latere necesse est. Aristoteles lib. 1. Rhetor. cap. 1. visus est dictam definitionem probasse, dum inquit: Rhetorica igitur est vis & facultas percipiendi, inueniendiue, quid in quaq; re possit esse persuasibile. Hoc nullius alterius Artis est opus: quippe cum reliquæ facultates omnes, atq; disciplinæ, vim quoque suam docendi, persuadendiq; circa vnā quampiam rem subiectā obtineant. Medicina circa salutaria, & insalutaria. Geometria circa eas affectiones quæ magnitudinem spectant. Arithmetica circa eas, quæ numeris adiunguntur: eadem ratio in cæteris quoque artibus, & Scientijs omnibus reperitur. Ecce Aristoteles Medicinam à reliquis distinguens per Salubre, & Insalubre: circa quæ protinùs versatur.

Cuidam obiectioni occurrit Galenus.

Quid Rhetorica

Obijciunt præterea dictæ Definitioni Aristotelem, qui in Postprædicamentis, Cap. de Oppositis, inter Sanitatem, & Morbum non admittit medium. Quare particula, Neutrum, frustra in definitione ab Herophilo proposita, & à Gal. vsurpata, ponitur.

Obiectio secunda.

Sanctorius, cum alijs respondet, Aristotelem lato modo accepisse sanitatem, prout integram sanitatem, & neutrum statum complectitur. Galenum verò loquutum ex professo strictius presuntq; de Sanitate, & Morbo, à quibus ideò neutrum, siue medium

Solutio.

statum seiunxit. Non in re ergo, sed in modo exponendi rem,

Alia Se- Aristoteles à Galeno discrepat.
lutio.

*Sanitas est
corporis
virtus ex
Aristotele.*

Licet hæc Authorum citatorum conciliatio probabilis sit, meo tamen iudicio, quando Aristoteles inter Sanitatem & morbum nullum dari medium docuit, non de Sanitate latè sumpta, quatenus bonam & fragilem complectitur, loquutus est, sed de integra optimaque Sanitate, quam solam corporis virtutem ille appellat lib. 1. Rhetoric. cap. 16. Corporis, inquit, virtus est Sanitas. Sanitatem intelligo, quæ morbis omnibus caret, quæq; cum exercitatione, atq; usu coniungitur. Multi quidem valentes sunt, ut de Herodico dicitur: sed huiusmodi valetudinem, ob quam ille ab omni ferè usu abstinebat humano, nemo in parte felicitatis ponebat. Nos in nostra Physiologia rem hanc eodem fermè modo exposuimus. Diximus enim, Physicè loquendo, nullum inter Sanitatem & morbum dari medium; quia vera & realis sanitas ne minimum quid ægritudinis complectitur; nec in ea primum ægritudinis punctum continetur: secus se habet Sanitas Medicorum commodo laxè sumpta, & in tres, aut quatuor species diuisa: quarum imperfectiores medium locum inter Sanitatem & morbum occupant; ut in nostra Hygieine abundè dicemus.

Hofmannus.

Sed recentem audiamus, non solum doctissimorum Virorum, sed summi Galeni Censorem Hofmannum, qui nullo pacto neutrum Statum admittit. Ille lib. 4. Institutionum, Paragrapho 6. ait: Heic aliquis, ubi est Neuter Status, quem Galenus in Arte proficitur? Vno verbo *ἡ μίανότης* dicta, tam est Galeni, quam mea. Cuius igitur? Herophili, cui alibi quoq; transcribit Galen. neutrum illum Statum. Hunc, cum & perturbatissimum esse videret Galen. & verò indicationes nullas afferre: prætulit illi Sanitatis latitudinem, constituto ex Hippocrate limite illo, quem dixi. Tu puta, ut sanus dicatur tam is, qui pisciculos sex minutos, aut passerculum vix concoquit, quam is qui libram Semis carnis bubulæ, porcinae. Tam is, cui pro potu ordinario sufficit sextarius Cerevisiæ, Vinive *ὁ ἀγροφύρα*, quam is qui duas mensuras bibit. Tam is, qui per integrum diem ligna findit, aut aliud quod opus graue facit, quam is, qui stadio vno peracto concidit. Tam is, qui quosuis in victu errores tolerat, quam is, qui ne minimum quidem. Et sic de cæteris actionibus humanis, tam totius Corporis, quam partium, v.g. visus, &c.

Rur-

Rursus in Censuris, quas Capiti postponit, sub Titulo, ABERRATIONES, aduersus Viros doctos, Sennertum carpens ait: Cap. 2. statim nauseam mihi mouet illatione statûs neutrius. In Liddelium sic idem inuehitur: Partim quia libro 4. coeno statûs neutrius se immergit, &c. In Syluium sic: Subitum mihi terrorem incutit tot crucibus, quibus ornat Statum Neutrum Herophili, qui nauci apud me est.

Ex his colliget quiuis, quanta cum acrimonia in suis Aberrationibus doctissimos plerosq; Scriptores Hofmannus lacerat: imò nec ipsi parcat Galeno, quem suis Censuris sædè proscindit. In Aberrationibus cap. 38. Sect. 6. lib. 4. Galenum sic carpit: Imò verò Galenus relictis Ducibus suis (Hippocrate scilicet, & Platone) onus probandi in se suscipit: sed tam non præstat, vt pudeat me ipsius. Successere quidem humeris ipsius plurimi, inter quos præcipui, Fernelius, Bertachius, Costæus, Mercatus, Thomas à Veiga, & Peramatus. verum ego ita illos fregi Com. de Thor. 2. vt nemo hætenus ausus sit illis suppetias ire. Eant igitur, si commodum, exequias, ne porro turbentur bona ingenia. Qui tamen volunt in istis Sordibus consenescere, faciant suo vsq; arbitrato. His, & alijs inanibus iactantijs, homo ieunus, siquis Mortalium in re Medica, semet extollit ad astra, & plerosq; Medicos procaci calamo ita mordet, vt nec ipsi Galeno in apparenti defectu indulgeat. Vtinam diligentius rei Medicæ, quam stylo dicendi tragædico, ex Plauto, & Terentio decerpto, paulò diligentius incubisset, vt Galenum perciperet, & Scripta posteritati paulò succulentiora, quàm fecit, relinqueret.

Errat ergo in primis, dum Artem Paruam, siue Artem Medicinalem Galeni non esse censet. Nam Galenus ipse, hoc Opus, suum esse Partum, & non Herophili, testatur, Libro de libris proprijs cap. 3. imò lib. 5. de sanitate tuen. cap. 11. fatetur, se Librum condidisse, cui Titulus, Ars Medica. Diximus autem, inquit, temperamentorum notas, non solum in libro de Temperamentis, sed etiam in Libro de Arte Medica. Is enim vniex Libris nostris est titulus. Hæc Galenus. Galenum ergo nondum euoluit Hofmannus, vt quæ vera sunt, falsitati præponeret. Præterea, cur se tam anxium præbet Hofmannus, Statum neutrum repudiando; cum perinde sit hunc admittere, atq; negare. Nam quidquid horum

*Insultus
Hofmanni
in sua
perseuerat
iactantia.*

*Censura in
Hofmannum.*

*Ars Medica
est
Galeni.*

*Delirus
perstringitur
Hofmannus.*

dicatur, rei, de qua est sermo, veritas illæsa manet. Quoniam qui fragilem sanitatem, qua conualescentes, & à morbo firmè liberati fruuntur, neutrum Statum inter Sanitatem, & morbum appellant, Sanitatem tunc pro bona solam accipiunt, qui verò neutrum statum prorsus repudiant, fragilem, & parum constantem sanitatem, sub sanitate latè sumpta comprehendunt. Hanc

Galenus
neutrū sta-
tū aliquā-
do admi-
ssit aliquā-
do omisit.
Medicina
finis est sa-
nitatē pa-
rare, eius
scopus est
sanitas.
Quid Me-
dicina iux-
ta Priscos.

ob causam Galenus ipse aliquoties de Salubri, & insalubri, neutro omisso statu; loquitur: Quandoq; neutrum Salubri, & Insalubri adijcit: & quidem ex sua sententia. Neutrum omisit statum Libro ad Thrasybulum cap. 8. dum Medicinam Salubrium, & Insalubrium Scientiam esse cum alijs admittit. Libro de Sectis ad eos qui introducuntur, cap. 1. eodem modo loquitur: Id sanè, inquit, quod Medicina intendit, Sanitas est: hanc verò ipsam parare Artis eiusdem finis est; quibus autem rebus aut absens comparetur Sanitas, aut eadem conseruetur præsens, cognoscant Medici necesse est: vocanturq; ea, quibus absens illa creatur, remedia, auxiliaq; quæ verò præsentem eandem custodiunt, Salubris ratio Victus: Quapropter Ars ipsa medendi Salubriumque, Insalubriumq; Scientia ab Antiquis Scriptoribus dicta est; qui Salubria dixerunt, & quæ præsentem sanitatem conseruant, & quæ eandem corruptâ refarciunt: insalubria verò, quæ illis contraria sunt: vtræq; enim cognoscant Medici necesse est, vt illa eligant, hæc autem effugiât. Hic exponit solummodo Galenus vnâ Salubris, & Insalubris significationem; Salubres enim causas, tam sanis, quàm ægris viles: & insalubres vtriusq; noxias, insinuat. Vt vt sit, neutrius status non meminit: sicuti nec libro 1. de sanit. tuen. cap. 1. vbi Præticam sic diuidit: Cùm vna sit Ars, quæ corpori hominis tuendo dicata sit, vt alibi à nobis ostensum est, eius primæ ac maximæ partes sunt duæ: quarum alteram (ὁ γυναικὸν) Sanitatis tuendæ, alteram (θεραπευτικὴ) morbi profligandi facultatem appelles. Earum contraria inter se officia sunt: siquidem illi tueri, huic immutare statum Corporis est propositum.

Præcipua
Medicina
partes Hy-
gieine, &
Thera-
pentica.

Contraria
officia.

Statum
neutrū ad-
misit Gal.
Curatrix
multū cor-
rigit, Con-
seruatrix
modicè.

Verùm non idcirco repudiavit Galenus Statum Neutrum, sed cum Herophilo in Arte Medicinali libenter eum amplectitur; veluti etiam lib. ad Thrasybul. cap. 30. vbi Medicinam correctiuam appellat: sed aut multum corrigit, aut pauxillum: quæ eius pars multum semel corrigit, Medicatiua, Curatiuaq; nuncupatur: quæ

verò

verò paucillūm, Conseruatiua. Curatricis partes aut differentias plurimas esse docet, vt nos cum illo docuimus in superioribus. Conseruatricem in tres partes distribuit: Vna Euectice, siue Euectrix dicitur, estq; boni habitus Seruatricis: Altera dicitur Refectrix eorum, qui iam morbum euaserunt, seu, vno verbo, Conualescentium: Et hæc pars à nonnullis recentiorum Medicorum, vt loquitur Galen. Analeptice, hoc est Instauratrix, seu Resumptrix appellatur. Inter vtramq; partem iam expositam, ea pars collocatur, quæ ab ipsis propriè (inquit Galen.) Salubris nominatur; nam vulgò, & Conseruatiua simul, & Salubris dicitur. Tres igitur hæc partes Conseruatiuæ modò enumeratæ (sunt Galeni verba) Analeptice, Salubris, & Euectice, sunt quidem omnes sub ea Medicinæ parte, quæ exigua vitia tollit. Inter se autem ratione maioris minorisq; dissentiunt: magis enim parua vitia castigat Euectice, minùs verò Salubris; hæc adhuc minùs parua emendat Analeptice. Quidam verò, & quartam particulam adiecerunt in hac Conseruatiua, quæ ab ipsis propriè Prophylactice, .i. Præseruatoria, vocata fuit, facultatem ei oppositam habentem, quæ à morbo proximè liberatos recreat. Hæc autem ambas (.i. Prophylacticen, & Analepticen) ancipitis quodammodo esse naturæ inter contrarias totius Artis Medicæ partes nemo ambigit: dico autem inter eam, quæ magna vitia, & eam, quæ parua dissoluit. Curatiua sanè pars, quòd magna vitia, Euectice autem, atq; Salubris, quòd parua discutiat, id quoq; perspicuum est. In medio verò ambarum interstitio Instauratiua nominata, atq; præseruatoria, positæ sunt, si ad Salubrem, Euecticenq; comparentur, non exigua vitia emendantes: si ad Curatiuam, non magna. Propterea, & quicunq; ambas has partes Neutras appellauerūt, haud malè mihi sensisse visi sunt. Libro etiam 5. de Sanit. tuen. cap. 11. hæc de Neutro Statu habet: Nec mirum sanè est, intemperatæ naturæ, quæ in medio exactæ Sanitatis, & Morbi Sensibilis, consistunt, etiam ad ordinandum victûs modum sint ancipites. Hæc Galenus. Ex his constat, quàm apertè à Galeno Neuter Status admittatur: hunc Statum, Neutram affectionem ab Herophilo dictam, fuisse testatur idem Galenus lib. 6. de Sanit. Tuenda cap. 2. & hunc Statum in conualescentibus à grauissimis febribus, veluti & in Senectutem à quibusdam naturalem morbum

Euectica.

*Analeptice, siue re-
stauratrix.*

*Tres Con-
seruatricis
partes pa-
rua vitia
castigant.*

*Prophyla-
ctice siue
Præserua-
toria, quar-
ta conser-
uatricis
pars.*

*Partes
neutras
admisit
Gal.*

*Inciperies
natura sit
in medio
exacta sa-
nitatis, &
sensibilis
morbi.*

*Neuter
status neu-
tra affe-
ctio, & con-
suetudo.*

*Senectus
quibusdam
naturalis
morbus di-
cta.*

*Senis Sa-
nitas, non
est absolu-
te Sanitas.*

*Qui à pri-
mo die ge-
nerationis
ad morbos
sunt proni
ad Senec-
tutem nō
perueniūt.*

Obiectio.

Solutio.

*Optime
Sanitatis
indicia sūt
actiones
integre.*

*Neutrum
Statum
ratio ad-
mittit.*

bum dici ibidem docuit; & Senis sanitatem non simpliciter, & ab-
solutè Sanitatem dicendam, sed Senis sanitatem. Quòd autem
Senum Sanitas non sit absolutè Sanitas, probatur ibidem à Ga-
leno. Nam sanitas absolutè dicitur illa, quæ propter ipsam actio-
num virtutem integra est; & de qua queri non possit. Atqui Se-
num Sanitas querimonijs non vacat: quamuis enim omnes actio-
nes habet Sanitas Senilis integra, nullam tamen validam habet
actionem. Atq; adeò illa pars Artis, quæ de Senum ductu insti-
tuitur, huc tantum consilia dirigit, vt sanitatem eorum, quate-
nus fieri licet, tueatur. Corpora verò, quæ à prima statim geni-
tura prouenit ad morbos (secundum, .i. morbosum, scilicet statum),
non prouenit ad morbos, videtur dicendum) statum sortita sunt,
ea planè ad Senectutem nunquam perueniunt, aut si quando
peruenerunt, vno saltem diutino morbo penitus laborant. Libro 6.
de Sanit. tuen. cap. 1. quosdam statim ab ortu valetudinarium
Corporis statum sortitos asseuerat:

Fortassis quispiam cauillis, quàm veritati, magis addictus, Ga-
leni argumentum, constituens Sanitatem absolutam in actionum
robore consistere, reprehendet: Nam contrarium ab eodem asse-
ritur Lib. de diff. morb. cap. 2. vbi expressè docet Sanitatem in
actionibus non esse sitam, vti fusè in nostra docuimus Pathologia.

Responsio est facilis, si dicamus, quod verum est, Sanitatem
non in actionibus positam esse, cum quis in vmbra sedens, aut de-
cumbens non moueatur, etsi sanitate fruatur. Verùm id nihil ve-
tat, quin actiones validæ testes sint absolutæ Sanitatis; cum illæ
sint præcipua, & infallibilia integræ sanitatis indicia. Sanitatis
porro habitus ex functionibus secundum naturam obeundis di-
scernitur, teste Galeno lib. 1. de Sanit. tuen. cap. 4.

Rationi demum consonum est, Neutrum statum admittendum;
quoniam multi, verè, & Physicè loquendo, ægrotant, non tamen
à Medicis ægrotare dicuntur, donec lecto hæere cogantur, aut
actiones ita habeant manifestè læsas, vt ampliùs naturalibus fun-
ctionibus vti nequeant. Quotidiana experientia ducti quàm plu-
rimos conspiciamus veluti ægrotantes, antequam hi tales se esse
absolutè fateantur, aut antequam à Medicis tales censeantur.
Quotiescunq; aliqua intemperie quispiam laborat, certum est, ta-
lem intemperiem sensibiliter lædentem actiones, non subito, sed

paulatim , mediante alteratione , quæ in tempore fit , introduci. Ergo antequam ad talem peruenerit vigorem , vt actiones sensibilibiter & manifestissimè lædat, eius aliquid præfuit, quod non fuit naturale, sed omninò præter naturam: omnes enim, caloris v. g. superuenientis, siue præter naturam , partes , sunt eiusdem rationis , ita vt prima eius pars introducta , sit æquè benè præter naturam, ac vltima producta. Ergò cum pars intemperiei primò producta, sit aliquid præter naturam, etsi non valdè, aut impensè lædat actiones, vt talis læsio à nobis dignoscatur, morbus Physicè & realiter dici potest. Attamen , quoniam non multum vexat naturam, Morbus Medicus non dicitur. Commodè ergò tunc temporis corpus Neutro statu correptum dicemus; veluti illum , qui à febre acuta, aut chronica liberatus est: qui tamen non sensibilibiter febricitet in conualescentia, celeriores habet pulsus, quàm in statu perfectè sano: tum quia arteriæ adhuc in conualescentia, ob relictam in corpore siccitatem, ad motum sunt inobedientes. Non potest autem magnus edi tunc pulsus , tum propter instrumenti duritiem à siccitate ortam , tum etiam ob facultatis vitalis modicum robur. Addamus & his Empyreuma quoddam , siue igneam quandam qualitatem, sicuti in cineribus lignorum austorum, in conualescentibus superesse: Qui præterea extenuati sunt; & consequenter morbo laborant in quantitate diminuta. Quapropter quamquam morbo exempti censeantur , verè tamen , & realiter morbo , aut morbis laborant . Si ergo tales conualescentes non sunt inter ægros recensendi, procul dubio Neutro statu affici iure dicentur: cum reuerà non sint sani; vt patet ex actionum imbecillitate , & morbi præcedentis manifestis vestigijs: imò ex actuali diminutione, & siccitate Corporis.

Conualescentium statum salubri integritate vacuum, adeoque omnibus notum, tanquam Neutrum, cum fundamento admittendum puto; Priscorum , eorumq; doctissimorum Virorum auctoritate, & ratione solidissima antea producta, ad id excitatus. Quod attinet ad præcedentem procliuitatem in morbum, Medicus congruentibus remedijs, dum eam manifestè agnoscit, non rarò compescit: non sedata verò in morbum definit manifestissimum, eūq; vt plurimum, vel acutum, vel pertinacem. Corpus v. g. valdè cacochymum , aut valdè plenum , dispositum est, accedente quauis

*Morbus
Physicè &
Medicè
dictus.*

*Conuale-
scentes exi-
guis mor-
bis sunt
affecti.*

*Functionū
imbecilli-
tas argu-
mento est
conuale-
scentes nō
esse integre
sanos.*

Corpus pa- leui occasione, ad morbos varios. Ergo tale corpus vix sanum di-
ratum ad ci debet, & melius Neutrum dicendum. Nam causa adest morbi-
morbū est fica, eaq; interna: adest sæpenuerò febricula, quam nec æger,
in neutro nec Medicus ipse dignoscit; quia res est perdifficilis primas in-
statu. temperiei alicuius partes introductas deprehendere; vt innuit Ga-

Morbi per
se noti.

Morbi in-
temperiei
difficiliter
noscentur.

lenus lib. I. de Sanit. tuenda cap. 4. Illud ergo, inquit, confessum
 vtriq; arbitror, quod quæ vulnere, vel illisū, vel simili aliqua ra-
 tione lædunt, aut corrumpunt sanitatem, omnibus hominibus ef-
 se nota; quæ calefaciendo, vel frigefaciendo, vel madefaciendo,
 vel siccando, non omnibus. Quæ de hoc statu Neutro habet Ga-
 lenus lib. de constitut. Art. Med. cap. 19. hoc ordine produxit: Ete-
 nim, si humorum, vel copia, vel prauitas, si obstructio, si vis ali-
 qua corrumpens in corpore suboritur, homini periculum affert,

Causæ mor-
bum mini-
antes, sed
cognitu dis-
ficiles.

Ægros
examinet
Medicus.

ne quàmprimùm in morbū illabatur, quandoq; verò ne extremè
 periclitetur. Verùm sæpè hæ causæ sunt cognitu difficiles, cū
 nullam ferè homini molestiam præstent: statim enim morsus ca-
 nis rabidi nullum peculiare signum, antequā propè instet rabies,
 in corpore reliquum est, adeò vt Medico necesse sit has ex ægro-
 tantibus causas sciscitari, & quid cuique euenerit: quum tamen

Signa me-
dia, sine
neutra.

humorum copia, aut eorundem prauitas, aut aliquem excitet in
 corpore tumorem, aut quodpiam viscus oppilet: potest id ex sym-
 ptomatibus quibusdam intelligi, quæ medium inter ea, quæ in
 sanis reperiuntur, & ea quæ ægris eueniunt, locum seruant: qui,
 quum ea, quæ sanis insunt, ex natura sint omnia, & omni culpa
 vacent: quæ ægris, vt præter naturam sunt, ita etiam culpanda:
 quæ verò media sunt, ad genus quidem eorum, quæ morbis eue-
 niunt, attinent: Verùm adeò sunt magnitudine exigua, & viribus

Exigui
morbi sunt
neutri.

imbecillia, vt nondū solitas vniuscuiusq; actiones lædere queant.
 Neque. n. si dolor quispiam, aliquem, vel secundum caput, vel
 secundum aliam quampiam partem infestet, statim tantus est, vt
 hominem lecto decumbere cogat. Neq; si grauedo præterea ca-
 put, aut præcordia, aut alias partes, vel alia viscera detineat, tan-
 ta etiam erit, vt à consuetis functionibus desistere faciat. Corpo-
 ris etiam tumor, aut gracilitas, decoloratio, pigritia in motu, pro-
 cliuitas in Somnum, Vigilia, non sufficiunt, vt ab actionibus, qui-
 bus ad vitæ munera peragenda egemus, detrahant; nec cibi appe-
 tentia, aut nimis adaucta, aut omninò ablata: nam & hæc ambo

A decubi-
tu, morbi
sensibilis
principiū
desumēdū.
Signa neu-
tra qua
morbū sen-
sibilem nō
arguunt.

ad corpus pertinent non integrè sanum : sicut nimia siti torqueri, vel eius esse nimis expertem . Secundùm Stomachum etiam , vel ventrem morderi, aut se lassum sentire : quippè hæc est ferè eorum formula, quæ illis contingunt, qui procliues sunt in morbos . Libro 1. de Sanit. tuen. cap. 5. confirmat hanc suam doctrinam.

Galenus , statuens , quamlibet actionum læsionem , non indicare morbum, sed notabilem, & benè sensibilem. Pari modo, inquit, actionis vitium cuiusq; præter naturam suam malè habentis membri, non ante morbum decernemus , quàm ad sensibilem magnitudinem peruenerit . Rectè ergò Signa quædam neutrum statum proderentia proposuit Galenus ; cùm neuter status nec morbus sit, nec Sanitas. Sed de hoc argumento hæc sufficiant.

Nobis demùm quispiam obstat , datam ab Herophilo, Galeno, & alijs , Medicinæ definitionem , non comprehendere omnes Medicinæ partes, sed solam Salubrem , & Insalubrem , seu Conseruatricem, & Curatricem.

Respondeo, Definitionem præfatam ad totam Medicinam extendi; quoniam omnes Partes, vel Sanum, vel ægrum Statū, directè, vel indirectè considerant; vti in superioribus, & in nostra exposuimus Physiologia. Idē. n. de Medicina dicendū, quod de Geometria. Nam hæc, iuxta Vocis significationē, est facultas cōmensurandi terras: adeoq; plana tantū metiri deberet. At verò Geometriæ nomen extensum adeo est, vt de Solidorum Corporum commensuratione agat, ita vt non amplius extet in vsu vox, Stereometria, quæ peculiariter de solidis agebat : Στέρος enim idem est, ac Solidus : sed Geometria omnes planè dimensionēs perpendit, & examinat. Pari modo Medicinæ nomen, etsi à Principio Soli Parti Curatrici fuerit impositum , deinceps reliquis Medicinæ Partibus posterius adinuentis impositum est. Porro, quamquàm à Medendo Medicina deriuetur, & Medela penès Curatricem sit, Physiologia Medicinæ Pars rectè dicitur , quòd de primario Medicinæ subiecto, Corpore Humano, diffusè agat. Hoc ipsum præterea est, quod in varias labitur ærumnas, quodq; rursus curandum à Medico suscipitur. Sed de his satis.

Non omnis actionis læsio, sed sola notabilis morbus indicat. Signa neutra hæc tamen cum Galeno ducta sunt. Vltima obiectio contra definitionē Herophili.

Solutio.

Stereometria quid?

Medicina à medendo dicitur.

SECTIO II.

An Medicina sit Ars?

*Argumen-
ta afferen-
tia Medi-
cinam non
esse scien-
tiam.*

Multi existimant, Medicinam propriè non dici Scientiam in Definitione ab Herophilo proposita, & à Galeno introducta: quia Galenus ipse, postquam Definitionem præfatam exarauit, ait, Scientiam non propriè, sed communiter in definitione accipi. Secundò, quia Libri Galeni, in quo posita est præfata Definitio, Titulus est *Γενναίαντις*, .i. Ars Medica, siue Ars Medicinalis. Tertiò, quia varijs in locis Medicinam Artem appellat Galenus, vt Libro de Constitutione Artis Med. cap. 2. vbi expressè Medicinam inter factiuas Artes collocat, dum ait: Opus quippe est reuocare in memoriam, quam obrem huiuscemodi Artem assequi cupieris: & illud erat, quod, quum hoc negotium aggredieremur, omnium primum ex te sciscitabar: mihiq; respondisti, velle te homines, in primis, qui corpore sunt præter naturam, affectos (si tamen fieri possit) in naturalem statum restituere: sin minùs, saltem cognitionem aliquam comparare, qua discerni possint illi, qui sanari possint, ab ijs, qui secus (.i. qui sanari nequeunt.) Vnde dato à te nostro huic sermoni Principio, affirmavi statim, his indicari, eam artem, quam constituere affectas, ex effectiuarum esse numero: habet enim opificium aliquod, quod finita actione possis ostendere. Sunt nempe & aliæ præterea Artes quamplurimæ effectrices, vt Æraria, Sutoria, ars constituendarum nauium, fabrilis, figulina, Pictoria, & tantus Artium factiuarum inter mortales numerus, quantus ferè nullius alterius generis inuenitur. Sequenti Cap. 3. eiusdem lib. de Constit. Art. Med. eandem doctrinam adhuc repetit Galenus, aiens: Itaq; prima quæ in nobis suboritur cognitio, tum nostrum ipsorum est, tum aliorum hominum, dum bene valent. Altera ab illa, eorundem cum morbis impliciti sunt: vnde mox in nobis benè valendi desiderium assurgit, & insuper artem aliquam Sanitatis Procuratricem constituendi. Vt autem bonam valetudinem efficere proponimus; ita ex factiuarum numero ea ars futura est, quæ à nobis est constituenda. Libro pariter de Optima Secta ad Thrasybul. cap. 5. Medicinam Artem nuncupat. Artium igitur, inquit, aliquæ,

ea, quæ non sunt efficiunt; vt nauium Structoria; nonnullæ quæ facta sunt conseruant, vt nauium gubernatoria, nonnullæ vtrūq; præstant, vt ædificatoria: in facientibus artibus, aut seruantibus, vnus est consequendi finis modus: propterea in his simplex est utilis æstimatio: sed in his, quæ iuxta faciunt, & conseruant, non facile est diiudicare. Non enim, tanquam inutile, refutandum est, quod ad conseruationem non conducit: sed diligenter perquirendum, nam quippiam ad eius, quod non est, productionem conferat. Ars itaque Medica inter eas est, quæ faciunt, & conseruant: non idcirco tamen geminum esse Artis finem credere oportet, & quod non est, facere, vtpotè sanitatem, & eam, quæ est, conseruare: Per eadem enim præcepta, vt aiunt, sanitatem creans, eademq; conseruans geminum habere finem videatur. Profectò, n si euidenter eadem essent præcepta ad vtrūq; finem ducentia, differentibus etiam finibus, diuersæ vtiq; essent Artes, & duæ Medicinæ: At quoniam, eadem cum sint præcepta, proposita euariant, vna ars differentia habebit proposita: Sed meherculè ignorant Artis esse vnum propositum, Sanitatem scilicet, finemque vnum, qui est eius consequutio; modos autem consequutionis multiplices. Non variat igitur propositum, neq; finis secundum varium habendæ Sanitatis modum. Siquidem nobis apta officere cognoscentes, modò ipsa nocentia submouentes, sanitatē acquirimus, modò eā deuitantes ipsam præsentem conseruamus. Quare vtile in Medicina rectè æstimabimus, nonnunquam, an ad sanitatem accersendam, nonnunquam, an ad eam retinendam conferat, nobiscum reputantes. Libro quodam ad Thrasybal. cui titulus; Num Ars tuendæ sanitatis ad Medicinalem Artem spectat, an ad Exercitatoriam, cap. 2. Medicinam, Medicam Artem appellat Galenus. Capite 5. eiusdem libri idem dicere visus est. Siquis à quopiam interrogatus, quid sit Medicina, Artem eam esse ægrorum Curatricem, Sanorumq; Conseruatricem, respondeat, nonne per louem iste, quod controuersum est, tanquam manifestum accepisse videatur, Medicinæ Partem, Salubrem esse pronuncians? Quemadmodum rursus, si quis Medicinam, laborantium tantum curam habere confirmet, alio modo & iste id, quod in quæstione versatur, pro concessio accipiet, à Medicina Salubrem abstrahens; &c. Eodē lib. cap. 6. similiter ait: Medicæ namque

Quædam artes effectum omnino non producant. Quædam, quod productum aut effectum est conseruant.

Ars Medica medicina est inter eas quæ efficiunt & conseruant. Dubio occurrit Galenus.

Medicine propositum est sanitas. Eius finis est sanitatis consequutio. Modus curandi, & conseruandi.

que Arti Sanitatis creationem, non seruationem custodiamque, Gymnasticæ verò bonum habitum, finem esse statuentibus, &c. Multis alijs in locis Galenus Medicinam Artem appellat.

*Responsum
ad, varias
Galenian-
itates.*

Responsio ad hæc omnia est facilis: Nam Galenus, tum in Ti-
tulo, tum in reliquis locis citatis, Artem in laxiori significato ac-
cepit, prout Scientiam significat: Medicinam verò factiuam Ar-
tem, quoad modum esse dixit; etsi eam Scientiam esse voluerit.
Cum autem medicamenta Sanitatis gratia præparètur quotidie,
& manualis operatio, tum in his conficiendis, tum in Chirurgi-
cis operationibus necessaria sit, ob talem modum operandi, Me-
dicina, quoad modum, Ars dici potest; quanquam reuerà Scien-
tiæ rationem habeat. Constat sanè Medicina Practica (de qua fe-
rè sola, non verò de reliquis Partibus, quæ Scientificæ, & Con-
templatrices omninò sunt, est maior, aut omnimoda controuer-

*Principijs
& præce-
ptis Me-
dicina cõ-
sta.*

sia) principijs, præceptisq; innumeris, quorum robore Scientifica
euadit, etsi in ea coniecturis non rarò vtamur: quæ sanè coniectu-
ræ nostrum cognoscendi hebetem modum arguunt, nihil detra-
hendo rationi Scientiæ, quæ Medicinæ practicæ congruit; vt te-
stari videtur Galenus lib. 6. de optima Secta ad Thrasybul. cap.
4. Omne autem, inquit, præceptum commune est, & firmum.
Quamobrem errant illi, qui eò artem coniectricem aiunt, quòd
coniecturalibus præceptis continetur: nō enim a præceptis con-
iectrix denominatur (hæc namq; perpetua sunt) sed ab actione, &
medentium operâ: hæc enim incertum euentum habens coniectri-
cem Artem reddit: Nam omnium Artium præcepta aequè firma
sunt, & constantia. Verum, quoniam non omnium artium finis
semper attingi potest, eò fit, vt ipsarum nonnullæ coniectrices
appellentur, quæ incertum ancipitemque, vt dixi, euentū habent.

*Cur ars
coniectu-
ralis dici-
tur.
Non om-
nium ar-
tium finis
semper at-
tingitur.*

Vt præceptorum maximam vim patefaceret Galenus, eodem
in Cap. statim in principio, fontes, è quibus præcepta cruuntur,
proponit, inquiens: Præcepta namq; aut in euidentibus, aut in
his quæ ex alijs percipiuntur, aut in his quæ præostensa fuere, aut
in manifestis intellectui consistunt, in hunc sanè modum: In eui-

*Primi
præcepti
fundamē-
tū est ex-
perientia.*

dentibus quidem sic: Quidam plures intuitus sauciato corde
morientes, mortis causam scrutatus est: considerans igitur inue-
nit, neq; ob facultatis deliquium, neq; propter materiæ Medici-
nalis penuriam, sed propter necessarium membri illius vsum,

istos,

istos interire. Quare cognoscens absq; membri huius actione, utilitateq; ab ipso Corpori subministrata, animal superesse non posse, rationeq; ea, quæ in eidentibus inuenit, colligens, hoc præceptum constituit: Quicunq; in Corde sauciatur, morietur. Quod igitur ex eidentium consensu ratione inuentum est, & vniuersim prolatur, præceptum dicitur: quin potius in eidentibus præceptum consistit: vt ab eidentibus in phlegmone: siquis phlegmone afficitur, ille tumorem habet, renitētem, pulsatiuum, dolorem inferentem. Sunt itaq; eidentia præceptorum inuentionis primordia: at præcepta ex eidentium consensu reperta constituendæ artis sunt principia, & ab eidentibus ad hunc sanè modum præceptum conflatur. Ab his autem quæ ex alijs percipiuntur hoc modo præceptum colligitur. Si quem hi casus infestant, hic sanguinis copia laborat: Cui hæc eueniunt, illi iecur, aut renes, aut id genus aliquod afficitur. Ab his autem quæ præostensa sunt, hoc modo conficitur: si ante probatum fuerit, quid sit concoctio, & quæ concoquantur, fundi, eliquari, atq; ita mox distribui, & ægrotantes non multo in conficiendis cibis labore indigere, ab his huiusmodi præceptum nascitur: Liquidum cibi omnes febricitantibus benè faciunt. Sed ex manifestis præceptum oritur: Quidquid est multum, naturæ aduersatur: & illud: Non saturitas, non fames, neq; aliud quicquam bonum est, quod naturæ fines egreditur: & illud: Vbi saturitas morbos creat, euacuatio medetur. Nam, cum per se constet in illis quidem, si facultatem vincentia, in hoc verò, si efficiens causa repellatur, quod fiebat non futurum esse, dicta præcepta fuere composita: omne autem præceptum commune est, & firmum; & reliqua quæ antea ex Galeno traduximus.

Hoc in Capite exactè satis solertissimus Galenus fundamenta exposuit certissima Theorematum Medicinæ: sed potissimum Practicæ: quorum theorematum certitudo, & firmitas Scientiæ nomen, vim, & rationem Medicinæ contribuunt. Eruuntur primo præcepta firmissima ex eidentijs. Pro exemplo Cor sæpius saucium in medium producit. Et compertum, Cordis vulnus semper fuisse lethale. Cum ergo mors ob inflictū Cordi vulnus non superueniat ob defectum Medicamentorū, quæ semper iuxta Artis præcepta præscripta fuere: nec propter defectum virium ægri, seu potius

*Cordis
vulnus le-
thale.*

*Secundi
præcepti
fundamē-
tum sunt
ipsa quæ
sensibus e-
identia
sunt.*

*Phlegmo-
nes signa.*

*Tertij
præcepti
fundamē-
ta.*

*Quarti ge-
neris præ-
ceptorum
fundamē-
ta.*

*Vt fit con-
coctio.*

*Quinti ge-
neris præ-
ceptorum
fundamē-
ta sunt
manifesta.*

*Omne præ-
ceptum est
firmum.*

*Primus
Præcepto-
rum fons.*

tius ipsius cordis, quod ante acceptum vulnus viribus pollebat, quas ei ipsi natura concessit: sequitur tam subitanam mortē euenire ex defectu Spiritus Vitalis, quem cor Vniuerso Corpori, ad spirituum insitorum, siue caloris natiui reliquarum corporis Partium conseruationem, perpetuo fluxu subministrabat. Hinc rectè statuitur Principium illud: Omne Cordisvulnus lethale. Præter rationem, experientia hanc doctrinam, hocue theorema, confirmat. Idque testatur Ouidius dum ait, ipsum Epidaurium, id est

*Secundus
fons.*

*De qua
Phlegmo-
ne loquu-
tus est Ga-
lenus.*

Æsculapium, cordis vulnus sanare non posse. Aliud præcepti exemplum in euentibus collocati, est Phlegmones signa Pathognomonica, seu propria, & demonstratiua. De Phlegmone enim, quæ est inflammatio cum affluxu humoris ad partem affectam, quæq; tumor est præter naturam, à sanguine superfluo proueniens, non verò de phlegmone, quæ phlogosis, siue inflammatio nuda sine affluxu dicitur, loquutus est Galenus: qui rectè monet, ubicunq; apparet percipiturue tumor præter naturam, cum renitentia (dum pars phlegmonosa tangitur, & à Medici digitis comprimitur, renititur resistitue, nec digito cedit) & dolore pulsatili, ibi phlegmonem necessariò esse. Si rubedinem dictis signis adderemus, completius præceptum statuemus. Sanguis. n. naturaliter rubicundus, suo inficit colore partē cui abundè affigitur: Tactui. a. Phlegmone renititur; quia pars phlegmone affecta, indurata est; & indurata, quia tensa distentaue: & distenta propter copiosum sanguinem, omnia partis vasa, minimosq; meatus infarcientem.

*Dolor pul-
satilis vn-
de nasci-
tur.*

Dolor verò pulsatilis ex humore feruente & partes dilatante, & compressione arteriarum partis inflammata, nascitur. In quacunque ergo Corporis parte Symptomata hæc orta sunt, phlegmonem adesse demonstrant: Non secus, ac risibilitas hominem. Et sic ab euentibus præcepta statuuntur infallibilia. Signa. n. Pathognomonica sunt proprietates rem vnā semper demonstrantes. Sic pulsus durus & Serratilis, dolor punctorius, difficultas respirandi, tussis, & febris acuta, Pleuritidem, siue inflammationem Pleuræ siue membranæ succingentis interiùs costas, tanquam Signa demonstratiua, si simul adfuerint, necessariò adesse significāt.

*Pleuriti-
dis signa.*

*Tertius
Pæceptorū
fons.*

Ex alio adhuc fonte firma præcepta colligi, atque constitui docet Galenus. Ex ijs nimirum, quæ ex alijs percipiuntur, vt loquitur. Ea. n. quæ ex alijs percipiuntur, sunt casus, siue symptomata,

vel accidentia quædam, quæ superuenire solent, familiarius huic, quam alteri, ex quibus præcepta nascuntur. Sanguinis autem redundantis, huiusue redundantiam significantia signa, sunt color ^{Sanguinolenti signa.} rubicundus, latitudo venarum, carnositas, corporis grauiamen, hilaritas, garrulitas, ad concupiscentiam, tam alimentariam, quam veneream, procliuitas: amicitia, & cætera plura, quæ in nostra Physiologia prolixè produximus. Quoties hæ sanguinei humoris notæ in aliquo conspiciuntur, inde illicò inferemus, talem hominem sanguineis affectibus esse familiarem, obnoxiumue: itaq; in hæmorrhagiam facilè incidet; veluti in capitis dolorem, in febrem Synocham non putridam, in fugacem respirandi difficultatem, ob hepar impediens diaphragmatis liberiores motum. Nam in Sanguineis Sanguis copiosus in hepate, & venis feruet, inde tumiditas quædam; ob tumorem hepatis inde natum liberè Diaphragma non mouetur. Similiter ex Signis humoris biliosi, aut alterius in corpore redundantis, alia statuentur præcepta: quemadmodum ex Hippocratis Aphorismis, alijsque eius operibus, vnusquisque eruere potest. Deniq; cui alui fluor loturæ carniū recentium similis superuenit, indicium erit hepatis læsi, & omnino imbellis. Si. a. vrinæ excernantur similes loturæ carnis recenter matæ, indicium est imbecillitatis renū. Et hinc præceptum statuitur, omnes laborantes hepatica passione, quam imbecillitatem hepatis appellant, serum eijcere sanguinolentū, nunc per aluum, aliquoties per vias vrinæ: etsi, vt dixi, ab imbecillitate renū non raro talis vrina sanguinolenta procedat. Hippocrates in Aphorismis statuit similiter, venulam in renibus ruptam esse, quoties sanguis per meatum vrinarium excernitur. Hæc omnia præcepta sunt infallibilia in se. Ea tamen non benè percipientibus coniectandi ansam tribuunt: & ob imbecillitatem ingeniorum Medici- ^{Cur Medicina coniecturalis dicta.} na coniecturalis à pluribus dicta est. Quod de hepate, & renibus, idem de reliquis Partibus dicendum: nempe ex ijs quæ percipiuntur in omnibus partibus Theoremata institui posse. Vno verbo, vbi Signa apparent pathognomonica rerum, prout in alijs experti sumus, ibi causa talium Signorum necessariò inuenietur.

Quartum fontem præceptorum vocat Galenus ea quæ præ- ^{Quartus fons.} senta sunt. Admissa quidem aliqua doctrina, eaq; Scientifica, præcepta firmissima exinde haurire poterimus. Ab omnibus au-

tem admittitur alimentorum in ventriculo, & Hepate concoctio. Concoctio rursus est quædam elixatio: dum elixatio fit, cibus in ore prius comminutus, fundi debet & colliquari; rursusq; distribui deferriue per ductus conuenientes ad hepar, in quo pars chyli purior attracta in quatuor humores transmutatur, & massa sanguinaria inde emergens, & depurata, ex hepate in venas, & illinc ad omnes corporis partes nutriendas deuehitur. Hac doctrina percepta, quis non videt, Præceptum esse, & Principium infallibile, victum liquidum febricitantibus omnibus conuenire? vt monuit Hippocrates lib. 1. Aphorism. 16. vbi ait: Victus humidus febricitantibus omnibus confert: maximè verò pueris, & ijs qui tali victu vti consueuerunt. Cum autem calor natiuus sit præcipuum instrumentum Animæ, vt coctiones celebrentur: quia hic in febricitantibus ignescit, coctionem nec facilè, nec probè perficit, sed alimenta adurit, vel corrumpit. Quare liquidiora alimenta necessariò tunc concedenda, duas præcipuè ob causas. Primò, quia talia alimenta facillimè coquuntur, distribuunturq; proxime enim ad naturam chyli accedunt. Secundò, quia liquida sua actuali (si non potentiali) humiditate, febrilem vim, siccitatem remittendo, retundunt.

Victus humidus febricitantibus congruit.

Quintus fons.

Quintus Præceptorum fons, sunt ea, quæ manifesta sunt. Manifestum autem est, ea quæ quantitate aut qualitate, plurimum excedunt, esse nostræ naturæ aduersa; nec ab hac domari posse. Inde præceptum illud nascitur, quod apud Hippocratem extat lib. 2. Aphor. 51. vbi hæc habet: Plurimum, atq; repenti, euacuare vel replere, vel calefacere, vel refrigerare, siue quouis alio modo corpus mouere, periculosum. Omne enim nimium naturæ inimicum, sed quod paulatim fit, tutum est, tum aliàs, tum cum ab altero ad alterum (i. à contrario in contrarium) transitus fit. Pariter manifestum est, nimiam ingluuiem, sicuti oppositam ei famem inediaue, plurimum nocere. Inde nascitur Præceptum illud apud Hippocratem lib. 2. Aphor. 4. vbi ait: Non satietas, non fames, neq; aliud quicquam, quod modum naturæ exceßerit, bonum. Aphorismus etiam 3. eiusdem Libri, similem habet sententiam: Somnus, & Vigilia, vtrumq; modum si exceßerit, malum. Aphorismus etiam 17. lib. 2. Sententia est, ac Principium firmissimum: Vbi cibus præter naturam plus ingestus est, hic morbum facit:

facit: Ostendit autem sanatio. In contextu autem à nobis traducto Galenus compendiosius præceptum hoc pronunciauit, aiens. Vbi saturitas morbos creat, euacuatio medetur. Rectè sanè euacuatio, quæ repletioni aduersatur, tum ab Hippocrate, tū à Galeno, præscribitur, ne morbum cibus crudus, aut corruptus in corpore, efficiat. Satietas autem, vt habet Galenus lib. 2. Aphor. comment. 17. sic describitur: Plus enim cibi, quàm corporis naturæ conueniat, Satietas nominatur.

*Satietas
quid.*

Ex his constat, Medicinam, etiam Practicam, innumeris constare Principijs firmis, certisq; quæ Scientificam eam necessariò reddunt. Nec mirum, cum duo sint fundamenta, quibus Medicina innititur, Experientia, & Ratio; prout comment. in Aphor. 1. lib. 1. alijsq; in locis testatur Galenus.

Diximus in principio Solutionis propositæ obiectionis, Artem non solum de veris Artibus, sed etiam de Scientijs, dici à Galeno, & Antiquis; vt videre licet apud Galenum lib. de Constit. Art. Med. cap. 2. qui hac serie scripsit: Quum Artium aliæ quidem in sola naturæ rerum earum contemplatione suum habent finem, constitutum, quas sibi considerandas proposuere, sicut Arithmetica, Astrologia, ac etiam naturalis Scientia: aliæ edant præterea actiones nonnullas, vt tamen nullum deinde habeant opificium ostendere, quod, postquàm agere deserint, aliquo tempore maneant, vt Saltatoria, & Præconum Ars. Aliæ verò istis è contrario opificium insuper aliquod habent, quod ostendant; quemadmodum Ædificatoria, & Ars Fabrilis: Nonnullæ nihil ipsæ quidem conficiunt, nauant tamen operam, studentque, vt aliquid capiant, & acquirant; veluti Piscatoria, & quæ Canibus Feras insectantur, omnes tandem Venatoriæ: Et cùm tu Medicam Artem, Methodo constituere institueris, id primum considerandum occurrit, in quonam sit illa Artium ordine, num in Contemplatiuarum numero, an actiua potius, vel factiua, vel acquisitiua: nec id ipsum difficilem, aut inquisitionem, aut inuentionem habet. Opus quippe est reuocare in memoriam, quamobrem huiusmodi Artem assequi concupieris: & illud erat, quod, cùm hoc negotium aggredieremur, omnium primum ex te sciscitabar: mihiq; respondisti, velle te homines, in primis, qui corpore sunt præter naturam affecto (si tamen fieri possit) in naturalem statum restituere: sin-

*Ars late
sumpta
scientias
complectitur.*

*Medicinā
inter effe-
ctiuas col-
locat.*

minùs, saltem cognitionem aliquam comparare, qua discerni possint illi, qui sanari possint, ab ijs, qui secùs. Vnde dato à te nostro huic sermoni hoc principio, affirmaui statim, his indicari, eā artem, quam constituere affectas, ex effectiuarum esse numero: habet enim opificium aliquod, quod finita actione possis ostendere: Sunt nempe, & aliæ præterea Artes quamplurimæ effectrices, vt æraria, sutoria, ars construendarum nāuium, fabrilis, figulina, Pictoria, & tantus Artium factiuarum inter mortales numerus, quantus nullius ferè alterius generis inuenitur.

*Cur Medicinam
effectiuam
vocauit
Galenus.*

Hoc in contextu Galenus manifestè Mathematicæ Partes, & Naturalem Philosophiam, Artes appellat, etsi Scientiæ sint, & quidem Contemplatiuæ, vt asserit. Vnde colligitur, Scientias ab Antiquis non rarò Artes appellari. Videtur tamen Galenus absolute asserere, Medicinam esse Artem effectiuam, dum hac de re Patrophilum, in cuius gratiam Librum de Constitutione Artis Medicæ scripsit, certiolem facere visus est. Medicinam enim Sutoriæ, fabрили, figulinæ, & alijs artibus, quarum operâ opus aliquod efficitur, comparat. Verùm propterea non existimauit Galenus, Medicinam esse Artem effectiuam, sed exempli gratia eam dictis Mechanicis artibus cōtulit, vt Patrophilum faciliori methodo ad veritatis cognitionem manuduceret. Huius verò desiderium omnibus palam facit in primo Libri Capite, aiens: Nam cur in hoc non descendam: cū te videam viæ ad veritatem ducentis, aliquod iam esse assequutum principium, quam tamen præ illius, tum sublimitate, & longitudine, tum etiam asperitate solus consequi non possis. Siquidem quāmplurimos quotidie animaduerto quantumlibet inuitatos, non modò eò se conferre nolle, sed pigritia potius torpentes ab illa auerti. Te autem contra, ac illi, affectum esse video: qui, quum alij in hunc vsq; diem ferè omnes ab ea diuertentes ad alias vias se conuertant, quasi veritatem ex sublimi quadam specula perspexeris, pulchritudinis illius ardenti statim amore captus, nec iter detrectes, nec soli eam, prouinciam tibi committere audeas. Et quibuldam interpositis, Patrophilum hac serie alloquitur: Ego, id, quod cuperes, ostensurum pollicitus sum, si modò tantisper sustinere velles, donec hanc rationem in alijs etiam Artibus prius exerceam. Tu verò nec ab ea inuitatione te alienum ostendebas, nec alioquin tergiversari

Aduerte.

uerfari præ te ferebas : imò tibi gratius fore hoc, quàm alio modo ad istud institutum progredi affirmabas, si tamen me hoc etiam ostensurum profiterer; omnium, inquam, eandem esse methodum. Quod, quum non modò assererem, verùm & continuò in prima, proposita contemplatione monstrarem : præ illius veritate quasi gestientem conspexi. Et quum multæ præterea aliæ, præsertim verò illæ, quæ ex effectiuarum numero sunt, (eiusce enim generis est, & hæc quæ circa sanitatem versatur) eadem ratione pertractarentur, statim te ad hanc, quam ab initio aggressus fueras, contulisti. Ac, vbi hîc quoq; animaduertisti eandem methodum locum habere, ne hæc quæ à nobis exposita fuerant, è memoria laberentur, referri in commetarium efflagitasti. Ego verò tuo hoc Veritatis Studio allectus, duos confeci, &c.

*Medicinâ
effectiuam
appellat.*

Hæc Galenus, qui, vt dixi, Artium, & Liberalium, & Mechanicarum mentionem fecit, vt Medicam Methodum (earundem artium methodum imitatus) institueret, quam faciliè posset addiscere veritatis audius Patrophylus. Semper .n. quoties commodè potest, Galenus exemplis familiarissimis ad rem optimè clareq; explanandam vitur. Sed cùm in exemplis non requiratur veritas, à vero remotum est, quod Medicina sit propriè loquendo Ars, sed secundùm modum agendi tantùm, & per quandam similitudinem. Et quamquam visus sit Galenus, Medicinam practicam in numero factiuarum collocare, cap. tamen 3. iam cit. Medicinam à merè factiuis prorsùs excludit, aïens : Deinde verò cùm duplices sint, vt monstrauius, factiux Artes; hæc quam inuestigamus, in eis potiùs erit, quæ rem factam corrigunt, quam quæ aliquid priùs non esset conficiant. Sunt enim Artes nonnullæ, quæ res ipsas conficiunt, sicut futoria, & textoria : aliæ labefactatas, vitiatasue refarciunt, vt illæ quæ vestes corrosas, aut dilaceratos calceos confuunt. Nos verò iam ostendimus fabricandarum quoq; ædium Artem eodem se habere modo : quippe cum nihilominus in illa duo hæc reperiuntur munia : etenim & ædes, quæ nunquàm priùs fuerint, erigit : & vitia earum, quæ labefactatæ sint, refarcit. Ostendimus præterea, necessarium fore artifici ad hæc vtraq; peragenda munera, ædium particulas omnes nouisse, qua substantia consent, qua figura, qua magnitudine, quo numero, atq; etiam quam inuicem compositionem habeant. Quare illi quidem, qui Artem

*Exponitur
mens Ga-
leni.*

*Factiua
ars du-
plex.*

*Anatomi-
a neces-
saria Me-
dico.*

circa humanum corpus versantem constituturusest (sed eos primùm, qui de nominibus quotidie rixantur ; rogatos velim , vt illam mihi Medicinam in præsentem appellare permittant) sanè necessariū illius partes omnes sigillatim cognoscere, quali (inquam) substantia, qua magnitudine, quali figura, quo numero præditæ sint, quamque inter sese compositionem habeant. Atq; veluti qui extructas iam ædes, sibi exactè, qualesnam sint, cognoscendas proponit, nunquam earum cognitionem, nisi ex dissolutione, resolutioneue assequi poterit: ita nos Corporis humani notitiam ex illius dissectione consequimur. Deus namque, & ipsa Natura instar illius, qui ædes primùm fabricatus est, partes prænorunt earum officijs pro exemplari vsi: nos verò illum, qui extructam domum contemplatur, imitamur. Cæterum, nisi nos quoq; aliqua Diuinæ illi similem (quoad tamen eius fieri possit) cognitionem attentaucrimus, nunquam profectò discernimus, num omnia ad aliquem vsum sint procreata, an etiam nonnulla frustra (etenim vtrumq; in opinionem cadere potest), & præterea quod aliqua potius malo sint. Immodò ex illo capite ea prodit cognitio, quam nobis de optimè constitutis Corporibus comparamus. Sed de his postea.

*Deus, &
Natura.*

*Medicina
non est ef-
fectiva, sed
resarciens,
reficiēte.*

Ex his constat Medicinam practicam, & multò minùs speculatiuam, non esse factiuam, sed solùm restauratricem, refectricemue, emendatricemue quorundam errorum corpori humano contingentium: nec eam esse factiuam, nisi improprie, & ratione præparationis medicamentorum, & quarundam Operationum Chirurgicarum; quæ sanè Scientiæ etiam Speculatiuæ rationem, Medicinæ non adimunt; sicuti nec enumeratio quotidie à Mercatoribus facta, Arithmeticæ, quam tamen contemplatiuam Speculatiuamue statuit Galenus. Licet autem Medicus, quatenus Practicus, quasdam Operationes exerceat, non proinde omninò similis est ei, qui dilaceratas vestes, calceosue, aut rimosas ædes reficit: quia verè talis artifex ex se aliquid facit, & operi præexistenti addit. At verò Medicus non addit quidpiam corpori humano, sed natura est, quæ proprie operatur. Medicus verò, vt naturæ minister, ea quæ huius operationes impediunt, quibusdam adhibitis naturalibus præfidijs aufert. Quod autem naturæ operantis Medicus se Ministrum, aut spectatorem frequentius

præbeat, ex Galeno constat libro cit. de Cōstitutione Artis Med.
cap. 21. & vltimo : in quo , quæ in præcedentibus capitibus expo-
suit, breuiter ille repetit, & hac quidem serie: Quod tibi, inquit,
à nobis est confectum, reliquum est & vniuersam Medicinæ ra-
tionem per capita resumamus, illiusq; cum cæteris actiuis Artibus
comparationem. Igitur Medicina est è numero Artium factiua-
rum, non tamen vt ædificatoria, vel fabrilis, vel textoria: sed vt
ea potius quæ labefactatas ædes instaurat, vel dilaceratas vestes
consuit. Harum verò, vt monstrauius, duplex est constitutio:
nonnunquam enim ipse sibi Artifex exemplum confingit, quan-
doq; autè quod exterius consistit, contemplatur. Medicinam ve-
rò nos ostendimus esse in hoc secundo genere, vtpotè, quæ mini-
mè sibi vllum confingat exemplum, sed omnia ex corporis disse-
ctione contemplatur, & subinde, siquid vitiatum sit, corrigere
conatur. Sed hoc differt ab alijs Artibus, quod maxima ex parte
naturæ operanti ministram præstat: tamen Medicus vniuersam
eam contemplationem, vnde ipse excitatur, vt minister corre-
ctorue euadat, similem habet cæteris omnibus factiuis artibus:
qui & similiarium partium substantiam nouit, & modum genera-
tionis instrumentarium, pariterq; affectus inuenit, scoposque
præterea eorum curandorum inuestigat.

*Medicina
est ars fa-
ctiua, sed
impropriè.*

Nota hæc.

Licèt vltimis his verbis videatur Galenus velle Medicinam ef-
se factiuam, non obscure tamen antea protulit, Naturam esse,
quæ operatur, Medicinam verò maiori ex parte se ministram ex-
hibere naturæ. Quod idem est, ac si diceret, Naturam in agris fa-
nisq; propriè operari, tum ad conseruationem, tum ad restaurationem
Sanitatis, Medicinæ finis; à cuius notione suam constitutionem
Medicina est sortita, vt loquitur Galen. in calce capitis
20. libri de Constitut. Art. Med. Hæc sententia est doctrinæ Ga-
leni congrua: & præsertim in Opere de Crisibus, vbi docet, ob
ægri, aut Medici ignorantis errores, crises quandoq; à natura non
moliri. Agnoscit. a. Galenus naturam, causam sanationis præci-
puam; quum ea sit, quæ causam morbificam in corpore conco-
quat, excernatque. Naturam esse, quæ morbos curat, testatur Di-
uinus Hippocrates lib. 1. de victûs ratione, dum ait: Ars Medica,
ab eo quod molestum est liberat, & id ex quo quis ægrotat aufe-
rendo sanitatem reddit. Idem & Natura facere per se nouit. Ean-
dem

*Natura
morbis me-
detur.*

*Medicina
morbos au-
fert: natu-
ra pariter,
ex Hippo-
crate.*

dem sententiam habet Hippocrates, lib 6. Epidemior. aiens: Morbis naturæ medentur: vel conformius textui Græco: Naturæ Morborū Medici. Græcus enim textus sic legitur: Νόσον φύσις, ἰτροί, idest, Morborum Naturæ Medici, aut Medicæ. Cū autem Natura sanitatis gratiā omnia moliatur in nobis, ipsi omnia salutis gratia accepta referre oportet: Est enim Natura, quæ morbos, morbiq; causas indefinēti conatu profligat: Ipsa est, quæ humores superfluos concoquit, separat, & paulatim, aut criticè excernit. Sententiæ Hippocratis subscribit Galenus lib. ad Thrasymbulum (non de optima Secta ad Thrasymbul. sed libro, cui titulus, Galeni Ars tuendæ sanitatis, num ad Medicinalem Artem spectet, an ad exercitatoriam? liber ad Thrasymb.) cap. 26. quod caput dignum est huc transferatur: Quemadmodum enim, inquit, si ab initio nos confestim animal creare potuissēmus, non alia quidem vlla ratione eius primam formationē instituissēmus, alia vero emendationem adhiberemus: aut secus postea, quā neutrum horum nos primi efficiamus, sed natura est, & primaria animalis opifex, & in præsentia ægroto sanitatem comparat, non alia protectō ratione, carnem prius generauit, alia verò nunc: neq; quidem ratione fætui, alia in præsentia in lucem edito, alimentum suppeditat, verum etiam similiter nunc operatur, alit, digerit, excernit, omniaq; vt semel dicam, in præsentia, vt prius, eadem ratione ministrat. Medicum autem Naturæ esse Ministrum, primariamq; esse illius Artem quandam, ac ritè celebre esse dictum illud: (Hippocratis est hæc sententia Libro de Alimento) Natura in omnibus auxiliatur: quin etiam naturam morbos iudicare, naturas morborum esse medicatrices (est sententia paulò ante citata, & translata ex lib. 6. Epidem.) à priscis Sapientibus abundè tradita, quid ego iterum superuacue reperam? quod enim in præsentia vtile est, in memoriam tantum reuoco, non alterius Artis esse, Opus facere, alterius vitiatum corrigere, seu eiusdem. Quod si & non eiusdem, at supra, Medicinam ostendimus, non artis vestes facientis, a mulam, quicquam quod prius non esset, procreare, sed artis laceras tritasq; vestes sarcientis assimilem. Explicauimus item conseruationem esse duplicem, alterumq; genus, sub quo & præsens detuenda sanitate, tractatio reponitur, parum labefactata corrigere: idque multos subterfugit, tanquam sit à Curatiuo differens genus. Hactenus Galenus.

*Natura
morborum
Medici.*

*Natura
animal
procreat,
ægrumq;
sanat.*

*Natura
omnes ope-
rationes
edit.*

*Medicus
naturæ
minister.*

*Natura
in omnibus
auxilia-
tur.*

Quo-

Quoniam hoc Caput aureum est , quod grauissima doctrina ,
 refertum sit, paulò attentius expendendum. Statim Galenus docet,
 in potestate Medici non esse hominem efficere aut effingere,
 siue efformare, imò nec defectus in eum cadentes emendare ; sed
 talia opera ab ipsa natura dependere, à facultate videlicet forma-
 trice, alteratrice, & cæteris deinceps famulantibus . Sed Natura,
 inquit, est , & primaria animalis opifex , & in præsentia agroto
 sanitatem comparat. Hanc sententiam probat ; quia in principio
 formationis fætus in vtero, facultas nutrit ua est, quæ carnem ge-
 nerauit: & est eadem nutrix , quæ carnem hominis in lucem editi
 ad mortem vsq; regenerat. Quotidiè autem, vt in nostra docuimus
 Physiologia, triplex substantia, spiritiosa videlicet, humoralis, &
 solida, quibus homo quiuis constat, resoluitur , dissipaturue ;
 quam deinde nutrix , suis quatuor famulatricibus adiuta , reficit;
 non aliter , ac in principio formationis fætûs , & antequam hic in
 lucem emitteretur. Nec vniuersum Corpus inanitû aut extenua-
 tum, solummodò natura reficit , sed in vlcere , aut vulnere , car-
 nem deficientem regenerat , & solutionem continui reunit . Nec
 solùm in principio ad ætatem vsque adultam fætum adauxit fa-
 cultas auctrix, sed partes morborum vi diminutas rursùs adauget.
 Nemo tam insanus est, qui hæc negare audeat: cùm quotidiana ,
 experientia moniti dictas Naturæ operationes manifestè conspi-
 ciamus. Vnde rectè hæc protulit Galenus: Neque alia quidem
 ratione Fætui , alia in præsentia in lucem edito, alimentum sup-
 peditat , verumetiam similiter nunc (idest postquam Fætus in lu-
 cem editus est) operatur (Natura scilicet) alit, digerit , excernit,
 omniaque, vt semel dicam, in præsentia, vt priùs, eadem ratione
 ministrat. Commentario autem 2. in Lib. 1. Epidem. text. 45.
 qui sic habetur (Coctiones celeritatem portendunt iudicij, securi-
 tatemque salubrem.) exponens, ait: Etenim siquæ probè à Natura
 fiunt , vult imitari Medicus . Concoctiones autem Naturæ opus
 sunt, clarum est eas, celeritatem iudicij, & securitatem, & sanita-
 tem significaturas. Galenus etenim Medicum , vt Naturæ Mini-
 strum, & Imitatorem vtilem esse docet ; & quidem autoritate
 Hippocratis, Lib. 1. Epidem. vbi inquit: Ars his tribus constat,
 morbo, agro, & Medico Artis administro. Galenus ipse in Com-
 ment. huius sententiæ , loco Artis , dicit in quibusdam exempla-

*Coctiones
sunt boni
ominis.*

*Ars tribus
constat,
Morbo, a-
gro, & Me-
dico , aut
Naturæ.*

ribus Operum Hippocratis, reperiri, Naturæ. In multis itaq; inquit, est exemplaribus scriptum, Medicus Artis administer, in quibusdam, non Artis, cæterum scriptum est, naturæ. Sed deinceps ostendemus, quomodo Medicus Naturæ minister dicendus. Nunc prosequamur expositionem Capitis traducti 26. libri ad Thrasymb. in quo Galenus, vt probet, Naturam morbis mederi, doctrinam Hippocratis, & reliquorum Sapientum, in medium profert. Et præter sententiam iam allatam ex lib. 1. Epidem. aliâ, quæ apud Hippocratem libro de Alimento legitur, in medium adfert, veluti tertiam iam antea citatâ, quæ habetur lib. 6. Epidem. prout parenthesi superius textum Galeni scribens, comprehendit.

*Medicina
Practica
munus.*

Galenus sub finem capitis, Medicinam arti laceras tritasq; vestes resarciendi, non verò arti vestes facienti, comparat: quia ars vestes faciens aliquod nouum opus producit; Medicina autem nihil tale efficit, sed resarcit, reficit, atq; emendat defectus varios, quibus humana corpora, leuiter grauiterue, infestantur; eodem fermè modo, quo ars illa, quæ laceras vestes resarcit.

*Non solū
Salubris
Medicina
et Curatrix,
Cōseruatiua
dicitur.*

*Salubris
Pars leuiora
errata,
Curatrix
grauiora
corrigit.*

*Hygieines
et Curatrix
idem
finis Sa-
nitatis.*

In dicti Capitis calce Galenus doctrinam exponit obseruatu dignam. Ait enim, se explicuisse, duplicem esse hominis conseruationem: cuius vnum genus tractatum de sanitate tuenda complectitur: alterum, curationem: docetque, genere non distinguere Salubrem, & Curatricem Medicinæ partes; quia vtraq; Pars errores Corporibus contingentes, vt potest, aufert: Salubris autem leuiora errata; Curatrix verò grauiora; morbum videlicet patenter lædentem actiones, morbi, causam, & Symptomata. Salubris verò dispositiones, morbū minantes, præscindit, & auertit; corporiq; ne à morbis corripatur, robur addendo, prouidet. Cum ergo vtriusq; Partis Medicinæ finis, sit Sanitas, rectè conueniunt, & vnâ conlāt Scientiam, quâquàm diuersis vijs sanitatis integritatē procurent. Quod a. pari modo corporis sanitatem sollicitent, testatur Gal. eodē cit. lib. ad Thrasymb. cap. 20. vbi in calce habet: Vtrumq; enim vitium ars vna modo vno emendat, quod deficit scilicet, instaurans: in quanto vero, non in quali, emendationis differentia versatur. Hæc autem idcò dixit, quia minora, paucioraque medicamenta à Medico ad Sanitatis conseruationem in statu saniori, quàm in morbofo præscribuntur. Sed ne Sectio hæc in immensum crescat, sequenti Sectione quædam desideranda exponam.

SECTIO III.

An sola Natura est, quæ sanat?

Diximus cum Hippocrate, & Galeno, locis in antecedenti Sectione citatis, Naturam morbis mederi; adeoque principium actionis, & operis medendi in ipso homine sano, aut sanabili, non verò in Medico, consistere. Galenus autem lib. 3. de Crisib. cap. 1. manifestè docet, bonam Crisim à natura fieri: De prima igitur, inquit, quæ repentinè fit, permutatione dicamus, quoniam omnium, quas ante diximus, optima est; atq; ideo ipsam per excellentiam, Crisim nominant, quoniam naturâ, quæ præter naturam sunt, superante, exquisitè perficitur. Cicero 3. Tusculan. Quæst. Hippocratem sequutus, docuit, ad Corporum sanationem multum ipsa corpora, & naturam valere. Celsus, ocu- los naturæ spontè sæpius curari ait, postquam irritus fuit medicamentorum usus. Et præterea inquit: In nullo quidem morbo minus natura sibi vindicare, quàm ars potest, utpote cum repugnante natura, nihil Medicina proficiat. Postquam Galenus comment. 3. in librum Hippocratis de Alimento, exponens verba hæc (Natura sufficit omnia omnibus,) monuit, Aristotelis, & Theophrasti scripta esse veluti commentaria in Physiologiam Hippocratis, nonnulla de natura, iuxta Hippocratem, & iam citatos Authores, veluti theoremata proponit, rursumque naturæ encomia abundè exponit: Erasistratum verò reprehendit; quia lienem sine causa factum esse credidit, licet Hippocratis, Aristotelis, & Theophrasti vnicam inter plures admiserit sententiam, quæ huiusmodi est: Natura alicuius rei causa facit omnia, & nihil frustra. Asclepiadis temeritatem ulterius reprehendit, quòd fortuitò, ut Erasistratus, quædam fieri crediderit; de cuius ideò temeritate sic loquitur Galenus: Si verò causam discat, cur nihil frustra factum sit, & omnia in corpore ad usum vergant, vel ex eo naturæ in animalibus, & providentiam, & artem credet. Quare Hippocrates, ut qui primus naturæ opera nôrit, hanc admiratur, & perpetuò prædicat: ut & iustam nominet, & solam animalibus ad omnia sufficere dicat: & ipsam ex se sine doctore, quæ opus sunt, efficere. Si verò naturæ providentiam ac sapientiam quispiam velit

Crisis est opus naturæ, non Medici.

Cicero, & Celsus naturam magnam vim tribuunt.

Asclepiadem & Erasistratū reprehendit Galenus.

Hippocrates primus opera naturæ novit.

accuratè cognoscere, id poterit percipere, si in dissectionibus (corporum) spectet & consideret, iustène, an secùs, suas portiones omnibus partibus distribuerit: sed alijs maiores, alijs minores sit impertita; quantæ nimirum satis erant æstimata accuratè cuiusq; dignitate, alij maiorem, alij minorem portionem tribuit: vnicuiq; verò tantam dedit, quantam tribui erat æquissimum. Sic Hippo-

*Medicus
qui verè
talis est, nō
Pharmaco-
pola ē
triuio, est
Naturæ
Minister.
Pharmaco-
pola na-
turæ ini-
micus.*

crates vocat Medicum Naturæ adinistrum, eum, inquam, qui reuerà Medicus sit, non Pharmacopolam quendam de triuio. Hic enim (Pharmacopola scilicet) tantum abest, vt meritò naturæ ad- minister appelletur, vt potius inimicus & aduersarius naturæ, at- que agrotantium, nuncupari iure debeat. Perinde .n. par est effi- cere Medicum, vt naturam semper facere intuemur. Ipsa enim innumerabiles machinationes conseruandorum Corporum cau- sa adinuenit, cū quasdam partes circumuestierit, ac clauserit, ne quid exterius exuperet: quasdam perforarit, & dilatarit, cana- lesq; induxerit, quibus modo alimentum, modò refrigerationem, spiritumq; traherent: simul etiam excrementa per alios crassa, per alios tenuia extruserit. Omnem profectò de Vsu partium scrip- tionem huc imprudens transferam, si omnia naturæ opera dein- cept recenseam. Haud igitur mirabile est, si ait, Naturam omni- nò sufficere. Naturæ enim, vt ipse libro 6. Epidem. scribit, sunt Morborum Medicæ: propterea quod si natura ad animantis salu- tem molitur omnia, consentaneum etiam est, ab ipsa Principe morbos curari, aut dum copiosum sudorem effundit, aut per vrin- am, aut per aluum, aut per vomitum humores noxios excernit. Id autem sæpè fieri cernitur ab ea Potentia, quæ in corporibus inest, quæ ab ipsa gubernantur, quam Hippocrates Naturam ap- pellare consuevit. Hanc quidem & indoctam, & non didicisse ait, sed tamen efficere, quæ oporteat: Siquidem ipsa sine Magi- stro nouit, metus voluntarios ab omnibus effici animantibus. Hac autem effici nos euidenter cernimus: quomodo autem fiant, hoc verò humanum ingenium superat; nec magis quicquam, quam admirari, possumus intelligere. Ac natura omni tempore in ani- mali admirabilia commenta machinatur, &c.

*Natura
omni-
nò
sufficit cor-
pori mede-
re & effin-
gendo.*

*Natura
morbos cu-
rat, per va-
rias vias
euacuando.*

*Magistro
non eget
natura-*

Præter iam dicta, nonnulla alia in laudem Naturæ Galenus eodem cap. protulit. Simili cum admiratione de natura loquitur Galenus lib. 6. Epidemior. comment. 5. statim in limine, expo-

nens verba hæc: Morborum Naturæ Medicæ: præter Naturam tamen, Medicinam ille admittit, his verbis: Et nunc igitur semel de natura sermonem faciam, & quare ipsam morborum esse curatricem Hippocrates asserat, & quod ab hoc decreto nequaquam Artem Medicam everti, tollique contingat. Tu verò, qui hæc nostra commentaria euolis iam mihi orationē exordienti animum aduerte. Morbos ab alimento, congruenti qualitate, & copia, in tempore exhibito, ab humido fomento, à cataplasmatis, à Clisteribus, à venæ sectione, & à quibusq; id genus alijs, propulsari si quis dicat, non utiq; mentietur, sicut neq; ille, qui à Medicis morbos curari asseueret, nec qui Artem Medicam laborantium sanatricem esse testetur. Quemadmodum verò hæc prædicans, ut mendax reprehendi non poterit, eadem sanè ratione, neq; ille, qui naturam seruandi animalis causa omnia administrare existimet. Hoc verò, & illud consequitur, eam primam languoribus moderi, & maximè cum euidenter hominem sanat, sudorem copiosum profundens, aut per lotium, aut per deiectiones, aut per vomitus, infestos humores eiiciens. Quodnam igitur dignitate primarium sit, quod secundas, quod tertias habeat inter hæc omnia, quæ sanitatem facere diximus, contemplari conuenit, eò etiam magis, quòd, & alia quædam, per quæ morbi curantur, accedunt, quorum omnium pro dignitate ordinem internosse præstiterit. Nobis verò enim melius dici videtur, & Naturam morbos medicari, rectè verò, & Artem Medicam, & Medicum: verè quoq; & eius ministrum, & Venæ scissuram, & per ipsam factum sanguinis profluuium, &c.

Et hoc in contextu, & in altero præcedenti, ac alibi passim, Galenus Hippocrati, Aristoteli, & Theophrasto adhærens, debitam vim naturæ concedit, quæ hominem efformat, rursus enutrit, & auget, ab iniurijs omnibus quibus potest modis defendit, conseruat, deniq; & reficit, atq; restituit. Adeò enim doctè tres citati Authores Naturæ opera, Hippocratem sequuti, scrutati sunt, ut multi cum admiratione ipsorum doctrinam euoluere cupuerint. Vnde Eusebius lib. 5. Histor. Ecclesiast. cap. 28. de iisdem hac serie loquitur: Aristoteles, & Theophrastus ab his in admiratione habetur: Galenus verò à nonnullis eorum adoratur. Cæterum, etsi compertum sit, Naturam morbos curare, Galenus cum

Ultra naturæ opera Medicinæ est utilis.

Medicina morbos propulsat.

Natura sanat.

Opera Naturæ.

Aristotelis, Theophrasti, & Galeni veneratio apud multos.

antiquis Medicinam admittit, quæ etiam Sanitatem conseruat, & reficit: Sed secundariò, & minus præcipuè. Nam sapissimè se solâ, nullo aliunde suscepto auxilio, natura morbos sanat: aliquoties autem succumbit, & fatiscit adeò, vt à morbo victa homo inîcreat: Aliquando Medicinæ industriâ æger à morbo liberatur, & Sanus euadit: secundariò tamen, vt dixi; quoniam iuuando naturam Medicina morbos abigit. Natura autem est, quæ semper ægros curat, atq; reficit; quia tamen se sola quandoq; morbi vehementiam sustinere non potest, aut superfluos humores imparatos præparare, aut coquere, vt rursùs deturbentur, quibusdam eget suppetijs, quas Medicina subministrat, & Medicus Naturæ minister peritè porrigit. Itaq; verum est semper Naturam morbis primariò mæderi, Medicum verò, dum auxilium porrigit, secundariò; tertio autè loco ministros, quibus imperat Medicus, vt est ille, qui venam scindit, qui clysterem inijcit, qui cucurbitulas affigit, qui scarificat, quiq; aliud opus circa ægrum ex præscripto Medici patrat. Infimum locum nobilitatis occupant herbarij, metallorum effossores, coquus alimenta præparans, textor, qui vestimèta, stragulas, linteamina, & consimilia, quibus vtitur æger, contexuit; ædificator, qui domum ægro necessariam è fundamentis excitauit, & perfecit: faber ferrarius, qui scalpella, clisteres, specilla, forfices, & alia multa instrumenta Medico necessaria fabricauit.

*Natura
primariò,
Medicus
secundariò
sanat.
Multi
Ministri
Ægris in
sua Arte
profunt.*

*Dubio oc-
curritur.*

Quoniam aliquis dicere posset, Coquum, & alios artifices, æquè benè, ac Medicum, Naturæ ad sanitatis recuperationem aliquid conferre, Galenus huic obiectioni obuians, eam sequenti serie diluit. Fortassis autem quispiam putauerit, & coquum aliquid conferre, & textorem, & ædificatorem, & ferrarium fabrum, & alios quosdam artifices, quorum opificijs vtimur, ad eorum ministrationem quæ hominibus sanitatis causa præparantur. Verùm (Obiectionem sic soluit) istorum, quædam auxiliorum materia, non auxilia sunt. Nonnulla verò instrumenta auxiliantibus idonea, sed tunc auxilia fiunt, quando in tempore, atq; vt decet, ea Medici applicant. Nam vinum ægrotis propinatum, si iuuerit, eius propinatio auxilium est: at si importunè cblatum, delirium, Phrenitida concitet, tunc morbifera, non salubris causa, neq; auxilium fuerit. Quis igitur est faciendi auxilij auctor?

*Vinum
tempestiuè
datum, aut
intèpesti-
uè.*

occa-

occasionis scilicet inuentor. Quo nomine autem hunc Græci appellant? nonne & hoc hominibus patet, Medicum scilicet ipsum appellari? Quapropter Medicus Vino potior est ad naturalem facilitatque Sanitatem (siue ad sanitatis tum custodiam, tum creationem.) Etenim vinum in tempore exhibitum, & temperanter epotum rectè valentibus prodest: Languores autem, cum opus est, assumptum discutit. Cæterum Medicus non quod animal sit, aut pedestris, aut bipes, aut rationis particeps, aut ciuilis, eò cuiusq; materiæ tempus idoneum, ac modum nouit, sed quoniam artem Salubria atque morbosam distinguentem addidit: Nam si per illa hæc nosset, omnes planè homines eandem callerēt Scientiam. Quare dignitate prior Medicis Ars est, per quam Medici fiunt; nam eius vi illi vtentes, morbos pellunt. Sed quam rationem materia, atq; instrumenta ad Medicum, eiusq; Artem, eandem ipse rursùm atque ars ad eius, qui curatur, naturam habent. Illa namque est omnia congruentia in animalium corporibus faciens: & alens quidem, cum alimento opus est: sibi autem sanguinem præparans, per quem alimenti egenas particulas nutriat: atq; iterum, vt sanguis ipse creari possit, cibum in ventriculo præparans, atq; conficiens. Quod si deuorata cibaria, neq; rectè concocta sint, neq; digesta, neq; in sanguinem versa, neq; alendarum partium vim inuenerint, statim meherculè, neque corporis nostri alimentum fuisse dicentur. Quemadmodùm verò ad nutriendas partes refectionis egentes ipsas nutriens facultas longè princeps causa est, eodem sanè pacto & ventriculi vis ad cibos concoquendos, & iecoris, venarumque facultas ad concoctum in sanguinem conuertendum, sese habent.

Verùm enimuerò cuncta me Naturæ opera particulatim nunc recensere necesse non est. Nam memoria repetere satis fuerit, in Commentarijs de Naturalibus viribus (seu facultatibus) omnes Naturæ communes facultates fuisse explicatas, numero quatuor, quibus animal regens, omnia molitur, ac perficit, primam quidè propriorum attractricem: Secundam verò, horum ipsoꝝr com-
mutatricem, & concoctricem: tertiam, vtillum retentricè: & quartam, alienoꝝr expultricem. His itaq; potestatibus non modò sanum animal tuetur, sed etiam ægro sanitatem restituit. Et ex his abundè constat, quantum sanitatis effectrices causas natura digni-

*Inuenitor
occasionis
est author
faciendi
auxilij: if-
que Medi-
cus appel-
latur.
Vinū tem-
pestiue ex-
hibitum
prodest.*

*Medicina
Medico
nobilior.*

*Quatuor
facultates
naturales
animal re-
gentes.*

dignitate antecellat. Omnia enim reliqua materiam ipsi parant, & suggerunt; quemadmodum exterius quoq; artem aliam alij ministrantem videmus. Textori namq; radios textoria, & pectines lignarius faber molitur: huic verò ligna, materiæ excisor: securim item, & dolabram ferrarius artifex: ferrario autem ipsi ferrum metallorum effossor comparat: rarumque est artem effectiuam inuenire nulla alia egentem, quæ aut instrumenta fabricetur, aut

Multa artes materias Medico præparant, & rursus ille suppetias naturæ morborum medicatri-ci adfert. Comparatio Medici ad suos ministros.

materiam operi idoneam reddat. Ita sanè, & Medico multæ Artes aptas materias præparant: perinde vt ipse rursùm naturæ cum quibusdam ministris suppeditat. Quam enim proportionem Architectus erga ædificatores, lignariosq; fabros, & alios, quibus imperat, artifices, eandem, & Medicus erga ministros suos gerit. Isti verò sunt Herbarij, Vnguentarij, Coqui, Cataplasmata adhibentes, humore conspergentes, clystere suffundentes, scarificantes, venam scindentes, cucurbitulas affigentes. At si nos etiam hæc didicimus, & facimus, perinde facimus atq; gubernator nauigandi peritus, & facilè summum malum conscendere valens, & omnia alia naturarum munera cognoscens, & exequens. Etenim

Medicus quatenus operatur, nō Medicus, sed minister Medici nominandus.

Medici & nō ministri est auxilij cuiusvis qualitatis, quantitate occasione, & modum vrendi cognoscere.

Ministri munus.

Ignobiliores artifices rei medica.

multi Imperatores sæpe, & arcu vti, & iaculari, & pugnare gladio, hastaq; sciunt, & faciunt; & Reges pariter: sed non vt Rex, vt Imperator erat Alexander Macedo, aut eius Pater Philippus, sed per alias artes Imperatoriæ, atque Regiæ inservientes hæc militaria munera obibant. Itaque, & Nos, vt Medici, cuiuscunque auxilij qualitatem, quantitatem, occasionem, & vtendi modum cognoscimus: vt ministri verò, venam rescindimus, & cucurbitulas admoouemus, & reliqua manibus operamur. Dignitate igitur Ars Medica Medicis præstat, Medicus Arti seruienti (i. e. arti Ministrorum,) illa (id est ars ministrorum) ministris; ministri artibus sibi instrumenta materiaq; parantibus; illæ artificibus per ipsas agentibus; artifices verò præparatis materijs, atq; instrumentis. Conuerso igitur ordine firmioris notitiæ, atq; memoriæ causa, enumerandis artibus accidit, ad seruandam efficiendamq; sanitatem, nobilitate vltimos esse, qui nobis clysteres, scalpella, specilla, forfices, & reliqua Medicæ Artis instrumenta fabricantur. Cum his, & eos qui materias præparant (qui scilicet cibum & potum parant,) quos radicum excisores, & herbarios vocant: nec non, & qui ex metallis effossa, aliaq; id genus, præbent: supra hos

verò, ipsorum artes, supra quas, & Ministros Medicorū: his quoq;
superiorem ipsorum Artem: ea superiores, Medicos esse: Medi-
cis Artem Medicam, quæ rursus naturæ ministra est. Atqui inter
ipsius naturæ facultates nonnullæ quidem primariæ sunt, per quas
scilicet animal in vita seruatur, summam nobilitatem ad optimam
corporis vitam possidentes. Optimam autem vitam nōmino, quæ
in sanitate videlicet agitur, praua enim in morbis vita est. Alte-
ræ verò sunt istarum ministræ facultates, deinde illarū item aliæ.
Itaq; posteaquam hoc in sermone Artes omnes, ac potestates, Sa-
nitati, vitæq; necessarias, nunquam alibi eas prosequutus recen-
sere constitui, neq; regentium nos potestatu n dignitates adijcere
me piguerit. Primæ igitur sunt Salubrem animanti moderatio-
nem, in quali, & quanto conseruantes. Cū enim Corporis no-
stri substantia, nec magnitudinem, nec qualitatem eandem reti-
neat: sed magnitudo per sensus latentem exhalationem dilabatur,
qualitas verò temperatura semper variante, permutetur, non ab
aëre solū ambiente, sed etiam ex nobis, quemadmodum in Li-
bris de Tuenda Sanitate explicauimus: ad magnitudinem sarcie:
dam alrix potestas in nobis inest: ad qualitatem corrigendam, &
respiratio, & per totum corpus diffusio, comparatæ sunt. Sed cū
nutriendæ partes, idonea ac propria materia egerent, alia quæ
dam in nobis vis inest, quam haud alienum fuerit, breuis ac dilu-
cidæ doctrinæ causâ, sanguificam nominare: cui rursū alia vis
(siue facultas) præsto est in ventriculo, concoctrix scilicet. Omni-
bus autem dictis viribus (siue facultatibus) communes aliæ qua-
tuor sunt, quas paulò ante memorauī, & clarioris doctrinæ causâ
proprijs nominibus appellauī, attractricem scilicet, retentricem,
commutatricem (.i. concoctricem) & expultricem. Hæc igitur vos
meminisse dignum puto, illud scientes, me hoc loco tantū hunc
sermonem fecisse, naturam omnium artium ad medendum pri-
mariam, atq; potissimam esse declarantes.

*Medicina
natura mi-
nistra.*

*Optima vi-
ta in sani-
tate agitur,
in morbis
verò pra-
ua.*

*Conserua-
rix medi-
cina valde
necessaria
est, & qua-
re.*

*Nutrix
facultas
magnitudi-
nem amif-
san resar-
ciat: & spirā-
tio, & trā-
spiratio na-
turā seruāt
calorem.
Sanguifica-
facultas in
hepate, co-
ctio in vē-
triculo fit.
Quatuor
facultates
famulantes
nutrici.*

His vltimis verbis necessitatem propositæ nunc doctrinæ con-
firmat Galenus, & quemadmodū diximus, adhuc repetit, quod
sæpius docuit, Naturam primariò ægris æquē, atq; sanis, ad sani-
tatis conseruationem, & emendationem, auxiliari: secundariò au-
tem penès Medicum stare auxilium sanis ægrisq; porrigere: Tertiò
loco Ministri Medici auxilium à Medico præscriptum porrigunt;

*Natura
primariò,
secundariò
Medicus,
tertiò loco
ministri,
auxiliū m-
pra bent.*

vel Medicus ipse Ministri officio fungi cupiens, manu propria, quauis auxilia, iuxta regulas Medicas præscripta propinat, & celebrat. Cæteri omnes artifices, vel materiam auxiliorum, vel instrumenta idonea ad auxiliorum celebrationem subministrant: nequaquam autem auxilia suppeditant; cum ad solum Medicum doctrinâ Medicâ probè institutum, Methodus præscribendi appositè auxilia quauis, Sanitatis ergò, spectet.

Hinc constat, quàm inuerecundè, & impudenter Medicos se iactent quidam Chirurguli, & Pharmacopæi, præsertim in Gallia, in qua, ob Iudicum innumeras cateruas, similibus homuncionibus liberè permittitur Medicinam, quam ignorant, exercere; Medicis detrahere, & Medicorum formulas, siue recepta, ad libitum emendare, vel abbreviare. In Italia autem, & Hispania, summa cum prudentia, Medicis omnis Medendi prouincia Principum decreto committitur; & cuius omninò nefas Medici munus exercere, nisi expresso Medicorum Diplomate idipsum fuerit concessum.

Chirurguli seu potius Barbir-tonsores, & Pharmacopæi, se Medicos fingunt.

Chirurgo-medicus.

Pharmaco-medicus.

In Gallia, vt dixi, dummodò Pharmacopola, & Cheirurgulus, quosdam habeant amicos, vel pecunias, ad lites contra Medicos protrahendas, numerosas habeant, vtrique; vtriusque; & Medici simul officio fungi impunè licebit: cum hi merè Ministri Medicorum, & non Medici dicendi. Verus enim Cheirurgomedicus dicitur ille, qui Solutioni continui, luxationibus, tumoribusque; præter naturam, iuxta Medicinæ præcepta, mederi nouit: qui verò manum operi adhibet, siue fuerit idem Medicochirurgus, siue alter, non amplius Medicochirurgus, sed huius minister dicendus erit. Pharmacomedicus itidem dicendus ille, non minister qui medicamenta præparat, sed qui hæc ipsa in debita qualitate, quantitate, occasione, & conuenienti modo siue forma, præscribere nouit: quæ cum communes Chirugulos, & Pharmacopæos lateant, hi, siquid medellæ ægris adferunt, vt Ministri, non vt Medici, idipsum efficiunt: Quod in contextu iam antea allato testatur Galenus, dum ait, Medicum ad ministros, aliosque; artifices materiam, aut instrumenta, suggerentes, se habere eo modo, quo Architectus ad Lapidarios, aliosque; quibus imperat. Præterea, inquit, Morbos ab alimento, congruenti qualitate, & copia, in tempore exhibito, & ab humido fomento, à cataplasmatibus, à clysteribus, à Venæ sectione, & à quibusque; id genus alijs, propullari siquis dicat, non vtrique mentietur,

sicut

sicut neq; ille, qui à Medicis morbos curari asseueret, nec qui Artem Medicam laborantium sanatricem esse testetur. Et quibusdam interpositis dixit: Verùm istorum, quædam auxiliorum materiae, non auxilia sunt; nonnulla verò instrumenta auxiliantibus idonea, sed tunc auxilia fiunt, quando in tempore, atq; vt decet, ea Medici applicant. Nam vinum ægrotis propinatum si iuuerit, eius propinatio auxilium est: at si importunè oblatum, delirium aut phrenitida concitet, tunc morbifera, non salubris causa, neq; auxilium fuerit. Quis igitur est faciendi auxilij auctor? occasionis scilicet inuentor. Quo nomine autem hunc Græci appellant? nonne & hoc hominibus patet, Medicum scilicet ipsum appellari? Pluribus interpositis rursus in hæc Galenus prorūpit verba: Itaq; & nos, vt Medici, cuiuscunq; auxilij qualitatem, quantitatem, occasionem, & vtendi modū cognoscimus: vt ministri verò venā rescindimus, & cucurbitulas admouemus, & reliqua manibus operamur.

*Quatuor
in remedio
considerā-
da.*

Quomodo, quæso, Pharmacorum confectores, aut Chirurguli, seu potius Barbitonfores, vt tales, Medici munus dignè obire possunt, si ciborum, & medicamentorum qualitatem, quantitatem, occasionem, & propinandi modum ignorant? In his porro quatuor medēdi cardo consistit: ad quorum integram intellectiōnem, non Medicinæ tantum, sed vlteriùs Philosophiæ cognitiōnem habere est necesse. Cibi enim, & remedij qualitates necessariò præcognosci debent; quia contraria contrarijs curantur, & similia similibus conseruantur. Si .a. calida laboret intemperie corpus, alimenta, simul & remedia opposita qualitate vigentia, administranda sunt. Ergo cū frigus calori opponatur, & duo contraria in eodem subiecto cohabitare nequeant, tunc remedia refrigerantia ad superflui caloris remissionem scientificè à Medico præscribuntur. Nec solum primarum qualitatum, sed secundarum oppositio à Dogmaticis, verisq; Medicis obseruatur: ita vt si compertum fuerit in corpore redundare humorem crassum, & viscidum, ac lentum, methodicè debeamus remedia præscribere oppositis qualitatibus dotata: Atq; adeò crassis attenuantia; viscidis incidentia, & lentis, vtpotè tenaciter hærentibus parti, vel partibus aliquibus, detergentia ritè opponemus. Et quoniam quæ crassa sunt, aut viscida, obstructions pariunt, ductus nimirum & meatus infarciendo, & occludendo, aperientia insuper remedia præ-

*Contraria
contrarijs
curantur.*

*Exempla
contrarie-
tatis.*

scribemus. Item, siquæ in corpore partes indurantur, emollientibus recreantur; veluti vice versa indurantibus, dum præter modum aliquæ partes emolliuntur. Et ita in reliquis obseruandum.

Remedy
quantitas
obseruanda. Non sufficit, remedium ægritudini qualitate oppositum, sed præterea debitam eiusdem remedij quantitatem, rem prorsus arduam & perdifficilem scire.

Forma me
dicamenti
agro grata
esse debet. Nec hinc solum sistendum, sed præter qualitatem, & quantitatem remedij, congruentem exhibendi modum Medicus ad ægri electionem feligere debet. Sunt quidem nonnulli, quibus medicamenta in forma potionis non placent, in forma Pilularum, aut Boli, aut Pulueris, arrident: Et è contra alijs quibusdam in forma liquida, quàm solida, gratiora sunt remedia.

Occasio,
siue tēpus
propinandi
remedium
sedu li no-
tan da. Quartum verò cognitu difficillimum, aut saltem inuentu arduum, est occasio, siue articulus temporis quo auxilia quauis, vnumquodq; suo tempore, & ordine celebrari debent. De difficultate ex occasione emergente vigilanter Hippocrat. lib. 1. aphor. aphor. 1. monuit; Occasio præceps; experimentum periculosum: iudicium difficile. Legenti Galenum in dicti Aphorismi commentario, apparebit, quàm arduum sit occasione correspondere, experimento vti, & iudicio: cum tamen experimentum, & iudicium siue ratio (Iudicium ibidem pro ratione accipitur, vt testatur Galenus) sint duo fontes, è quibus Medicina eruitur. Artem verò ipsam hac ratione (inquit Galenus) arbitror longam existimare, quoniam omnium ferè operationum particularium occasionem habeat momentaneam, & ob id difficulter cōprehensibilem: vt nemo eam possit cognoscere, nisi qui diu in hac fuerit exercitatus.

Duo instru-
menta in-
ueniendi
artes, Ex-
perientia,
& iudiciū.
Cur præ-
ceps occa-
sio.
Causa con-
tinuo mu-
tantes co-
pus.
Experi-
mentum per-
iculū. Et cum duo sint instrumenta ad artes inueniendas necessaria: alterum, scilicet experimentum, periculosum est: alterum verò, ex ratione iudicium, haudquaquàm facilè existit: imò, siquid aliud, maximam habet difficultatē. Est igitur occasio præceps, quia materia, circa quam versatur Ars, continuò fluit. Corpus siquidem nostrum mutationibus obnoxium est, neque à causis extrinsecis tantum, sed etiam ab intrinsecis (siue ex seipso) faciliter alteratur. Experimentum verò periculosum, propter materiæ dignitatem, non propter transmutationis facilitatem: hæc .n. in momentanea occasione continetur. Iudicium verò, si quis (vt ego assero) pro ratione accipiat, liquet ipsam esse difficillimam, cum ad hoc vsq;

æui ambigua permanferit : Si verò (vt nonnulli , qui fe ab experientia Empiricos nominant , opinantur) per iudicium intelligat eorum quæ experientia eueniunt, diiudicationem; fic quoque non eft obfcura eius rectitudinis difficultas . Pluribus interpoſitis , item in commentario difficultatem acquirendi Medicinam Galenus ſequenti ferie exponit.

Quod verò ars longa ſit , verba hæc , quæ ſubſequentur , demonſtrant: Occaſio præceps, experimentum verò periculofum , iudicium difficile. Quafi ita dixerit: Vita brevis , ars longa : quoniam & occaſio præceps , & experimentum periculofum , & iudicium difficile . Propter hoc enim & Ars longa , quoniam occaſio agendorum in ipſa eſt maximè præceps, hoc eſt, anguſtiſſima , & breuiſſimi temporis. Præterea cùm ſint duo instrumenta, per quæ remedia inueniuntur, ratio & experientia: hæc quidem eſt periculofa, ratio verò difficilis, hoc eſt , non facilis cognitu (ſeu non facilior altera cognitu.) Vera .a. eſſe quæ dicuntur , non eſt difficile paucis oſtendere. Occaſio enim præceps & propter artis materiã: dico autem Corpus , quod continuè fluit , & momento temporis tranſmutatur. Experimentum autem periculofum eſt , & ipſum materiæ ratione. Neque .n. lateres, lutum, ligna, lapides, tegulæ, Coria, Artis Medicinalis, vt aliarum, materia ſunt: in quibus experiri , & exercitari multis modis impunè licet illi , qui ſe circa materiam exercent , & Artis Theoremata meditetur : id quod in lignis carpentarij, (ſeu fabri lignarij) in corijs coriarij faciunt . Ligna enim, & corium, ſi malè tractando deſtruxeris , nullum exinde periculum . In corpore .a. humano illa experiri, quæ non ſunt experientia comprobata , non eſt citra periculum , cùm mala experientia ad totius animalis interitum terminetur. Quin etiam Iudicium (eſt autem ratio ipſa iudicium , quoniam per eam , quæ ſunt faciendã, iudicantur) difficile eſt; verum , inquam, iudicium, ſeu vera ratio non facilè inuenitur : quod multitudo ſectarum & opinionum in Arte oſtendit Medicinali. Neq; enim ſi veritas eſſet inuentu facilis, tot, ac tanti Viri, qui illam perquiſierunt, vnquam fuiſſent in tam contrarias ſententiã diſpartiti . Empiricis verò non videtur ratio dici iudicium , ſed quæ per experientiam inuenta fuere, auxiliorum diiudicatio. Nam, vt verum fateamur, hæc difficilis eſt , nec exploratu facilis , quando multa remedia adhibita

Iudicium, ſive ratio difficilis. Iudicium iuxta Empiricos.

Nota hæc.

Experientia, & ratio ſunt instrumenta per quæ remedia inueniuntur.

Occaſio cur præceps?

Mala experientia.

Iudicium difficile.

ſue-

fuerunt ægrotanti, & aliquod illorum in causa fuisse dicatur, vt æger, vel melius se habeat, vel deterius: quem si fortè contigerit benè dormisse, deinde vñctum fuisse, & postea emplastrum adhibuisse, deinde clysterem, vel spontaneam habuisse ventris deiectionem, & deinde comedisse, & tales assumpsisse cibos, & post hæc omnia sensisse iuuamen, vel detrimentum: non facilè dictu est, quidnam eorum, quæ circa ipsum facta sunt, aut iuuerit, aut nocuerit. His igitur ex causis omnibus iudicium perdifficile est. Iam igitur sermonem totum vno capite colligamus. Ars quidem *Ars longa.* longa fit, si eam vnius hominis vita metiamur. Expedit autem relinquere posteris commentationes, præsertim compendiosas atq; Aphoristicas: Nam talis doctrinæ modus, & ad primam disciplinam, & ad illa quæ didicerimus memoria retinenda (alia versio habet, & ad illa quæ quis didicit retinenda) quæq; oblitus postea fuerit, in memoriam reuocanda, vtilissimus est.

Ex hac Galeni doctrina satis liquet, Chirurgulos, & Pharmacopæos à Medici dignitate longè remotos esse; cùm iudicium, siue ratio, ex scientiarum scrinijs erutum, nunquam sub doctorum regimine, ab ipsis cultum, vel haustum est. Experientiâ fortassis, ob consuetudinem quam cum Viris doctis habuere, se pollebunt dicent. Et hoc ego lubens admitto; Experientiâ tamen ipsorum mala est, & ad interitum sæpè ducens, quia rationem non habet comitem. Vnde Empirici, & quidam Ganeones, qui se Spagiricos nominant, siquid medelæ aëris cum fructu propinant, per accidens prodest; non aliter, ac nonnulla remedia, quæ à Mulierculis, & plebeis quandoq; adhibentur. Cùm denique occasio, temporis sit articulus, quomodo Pharmacopolæ, & Chirurguli, qui tempus & momenta ignorant, qui septem res naturales ex quibus homo coalescit, sex res nonnaturales, res præter naturam, naturalibus aduersas, non exactè percipiunt, medendi occasionem, siue opportunum tempus, criminibus arripiunt. Nam hac præterita, omnis medendi conatus, vel irritus erit, vel molestissimus: veluti præcox medendi ansa, antequam votis occasio, siue tempus opportunum, correspondeat. Sileat ergo grex ignarus, doctissimos Medicos quotidie arguens, quod hi sine suo ministerio ægrorum languores abigere non valerent. Ante viginti tres annos (Anno videlicet 1628.) cùm in diuersis Galliæ Prouincijs ægros pestifera lue-

correptos, Magnatū precibus, æquè liberè, ac intrepidè visitarem, non sine nausea procacissimos quosdam Chirurgulos, & inani gloriola superbientes audiueram; sibi nimirum asserentes modum omnem dignoscendi, & curandi Pestem. Horum ego impudentem audaciam Anno 1629. in meo Libro de Peste, sufficienter obstruxi; & probani, verum Medicum (ignaros, & inexpertos à bonis excludo) posse Medicamenta præparare, & manum cuius operi; modica præhabita sedulitate, porrigere. Utinam utinam id à Medicis fieret, ne tot errores, quot quotidie inter medendum, ob ministrorum incuriam, auaritiam, inanem gloriam, & ignorantiam, committi percipimus, contingerent. Huc transferre lubet, quod de occasione, tempore, experientia, & ratiocinatione, habet Hippocrates libro de Præceptionibus statim in limine.

*Liber de peste Tolo-
(æ editus.*

Tempus, inquit, dicendum est, in quo occasio consistit. Occasio autem, in qua tempus non multum. Medicatio in tempore fit, aliquando etiam occasionem requirit. Qui igitur ista nôrit, ad curationem aggredi debet, neq; prius ad ratiocinationis persuasione, quàm ad vsum cum ratione coniunctum, animum adhibere. Ratiocinatio enim in eorum, quæ sensu comprehenduntur, recordatione quadam consistit. Sensus namque euidenti imaginatione conceptus, primâ eorum quæ subiecta sunt perpeffionem suscipit, & ad cogitationem transmittit. Hæc verò ubi recepit, frequenterq; quibus, quando, & qualiter conuenit ista conseruari, in sese reponit, & recordatur. Ratiocinationem igitur plurimum laudo, &c.

*Tempus,
& occasio
diligenter
à Medico
curante a-
nimadu-
er-
ti debent
Experien-
tiam cum
ratione;
coniunctam
laudar
Hippocra-
tes.*

Paucis Hippocrates ignaros reprehendit, siue hi Empirici fuerint, siue Sophistæ experientia vacui. Empiricos autem quotidie garrientes conspiciamus, pariter & Iuniores Medicos Praxis Medicæ prorsus ignaros; quibus & impudentes quosdam, tametsi plerumq; vtriq; nominati sua non careant procacitate, & impudentia, addere possumus: Omnibus his vtile foret, inter alia Hippocratis præcepta, sequentia tenaciter obseruare, quæ eodem lib. Præceptionum habentur. Fallax enim, & ad errorem procliuus asseueratio, quæ est cum garrulitate coniuncta. Quocirca his quæ sunt in vniuersum insilire oportet, & circa ea vel maximè versari, si quis facilem, & eum extra culpam habitum, quem certè Medicinam vocamus, sibi comparare velit. Maximam enim vtilita-

*Garrulos
improbat
Hippocra-
tes.*

tem,

*Consilia
Medicorū
probat
Hippocr.*

tem, tum ægrotis, tum ijs qui illorum res administrant, comparabit. Et eodem in libro sequentia habet: Neque sanè indecorum fuerit, si Medicus in rei præsentis angustia circa agrum versatur, imperitiæ etiam tenebris circumfusus, alios quoq; accersiri iubeat, quo communi consilio, quæ in rem ægri sunt, disquirantur, & illi ad præsidiorum facultatem operas suas conferant. Vbi enim assidue vrget affectio, morbusq; increscit; plurima in animi angustia ad rē præsentem opportuna elabuntur. Tunc igitur cōfidenti animo esse oportet. Neque enim vnquam tale quid definitio, cū id ad artem pertinere censeatur, de eo minimè ambitiosè contendere, seipsos ludibrio exponere. Hoc namq; iureiurando affirmare audeam, Medicum ratione vtentem alterum nunquam inuidiosè calumniaturum. Sic enim Animi impotentiam proder.

*Medicos
calumniatores, & in-
uidiosos re-
probat.
Mali Me-
dici malis
nauiū gu-
bernatori-
bus assimi-
lantur.*

Libro verò de Prisca Medicina, ait: Quāquā in equidē vehementer hunc Medicum laudārim, qui parū peccet. At exacta certitudo ratio cernitur. Quare Medicorum pleriq; malorum nauium gubernatorum mihi simillimi vidētur, qui si tranquillo mari nauem regunt, nemo eos peccare deprehendet. Quod si eos vehemens ventus, aut tempestas oppresserit, iam omnibus manifestè constat, eorum imperitia, & culpa nauem fuisse perditam. Ad hunc sanè modum improbi pleriq; Medici, dum leuiter affectos curant, in quibus vel grauissimi errores cōmissi, nihil periculi admittunt (cū multi huiusmodi morbi, ac longè frequētius, quā grauiores, hominibus cōtingāt) in ijs quidē si delinquāt, plebeios latent: vbi verò in magnum, & vehementem ac periculosum morbum inciderint, tum ipsorum ars, & errores omnibus sunt conspicui. Libro de Præceptionibus, malos prauosque Medicos hac serie carpit:

*Medicus
erga homi-
nes huma-
nus esto.*

Quod si vel hospiti, vel egeno largiendi occasio se offerat, his vel maximè succurrendum est. Qui enim erga homines humanum se exhibuerit, is artis amore teneri censetur. Multi namq; ægri cū sciant se morbo in nimè salutari teneri, etiam Medici probitate sanitati restitutos esse celebrari gaudent. Sanitatis autem causa

*Salubrem
Medicinā
nouit Hip-
pocrates.*

ægris quidem præesse præclarum est, & benè valentium curam gerere, vt ne ægrotent. Quin, & Sanorum quoq; cura, venustatis causa suscipienda est. Qui igitur in ignorantia profundo submersi sunt, ij prædicta minimè percipiunt, cum Medici nomine indigni, re ipsa comprobent, quā repentē euecti sint, fortunæ tamen

egentes,

egentes, per diuites quosdā ex angustiis emergunt, vtrique ex euentu nominis celebritatem adepti, & in pēius ruentes, luxu diffluent, & quæ in arte nulli rationi reddendæ sunt obnoxia, negligunt, quibus bonus Medicus viget, & ipsius artis opifex nuncupatur. Alia quāmplurima habet Hippocrates libro citato de Præceptionibus: Libro de decenti habitu: Libro de Medico: Libro de Prisca Medicina: Libro de Arte: Libro de lege: & Libro de Iureiurando; quæ si Medicis quibusdam cognita essent, humanius fideliusq; quā faciunt, in dies procederent. Sed de his satis.

Ex varijs hætenus productis Galeni testimonijs, notum est, Naturam primariò, & per se ægris mederi, secundariò verò, & quidem Medicinæ ductu, Medicum. Non fuit Galenus huius sententiæ primus author; cū apud Hippocratem extet libro illo 1. de Victus ratione, superiùs citato, veluti libro de Alimento. In illo, vt retuli, hæc habet: Ars Medica ab eo, quod molestum est, liberat, & id ex quo quis ægrotat auferendo, sanitatem reddit. Idem & natura per se facere nouit. In reliquo huius Libri, Artium plerarumq; cum Natura humana communionem exponit Hippocrates, & postquam nonnullarum artium agendi modum proposuit, statuarij methodum narrat, & subsequenter Medici: Statuarij, inquit, corporis imitationem sectantur, animo excepto (neq; enim mentem habentia fingunt) ex aqua & terra, dum quæ sunt humida, siccant, & quæ superant, demunt, & ad ea quæ deficiunt, adiiciunt, ex minimo ad maximum incrementum perueniendo. Eadem homini contingunt, ex minimo ad maximum incrementum deducitur, dum quæ superant detrahit, quæ deficiunt, apponit, sicca humectando, & humida siccando. Hic enim, & Naturæ, & Medici opera intermiscet Hippocrates: nam natura est, quæ incrementum dat, Medicus qui sicca humidis sanat, & vice versa humida siccis. Natura quidem superflua demit, & deficientia addit: quæ etiam à Medicina fieri possunt. Quod autem Natura Medicinæ opera aliquoties egeat, non obscurè docuit libro de Alimento, inquiens: Natura omnia omnibus sufficit. Ad eam extrinsecus quidem accedunt cataplasma, illitus, vinctio, nuditas, & tegumentum totius, & partis, calor, & frigus ad eandem rationē, & vlceratio, morsus, & quod pinguefacit. Intrinsecus, a. & ex prædictis quædam, & adhæc causa occulta, & toti, & parti, & cui-

Magnæ sunt quorundā auxilio deficiunt quāmplurimum ignari Medici.

Medicina sanat corpora.

Natura & Medicus operatur circa corpus humanum.

*Medicina
artium no-
bilissima.
Interpretū
error.*

*Medicina
sapientia
excultā.*

*Ob necessi-
tatem Me-
dicina in-
uenta est.*

*Sanatio nō
fortuna sed
Medico
adscriben-
da.*

*In agros
nō in Me-
dicos mor-
tis culpa
reicienda.*

dam etiam, cuidam vero minimè. His ille Medicinæ necessitatem ostendit, vt eius operâ, Natura non rarò ægritudinibus succumbens, iuuetur. Libro de Lege, Medicinam nobilissimam Artium vocat, & bis ibidem eam Scientiam nominat. Imponunt autem aliquoties Interpretes, dum Latinè, Medicinam Artem Medicam appellant, cùm in textu Græco *ἰατρικὴ*, .i. Medicina, sine voce, *τέχνη*, .i. Ars, solummodò reperiatur; vt videre licet libro de Arte, varijs in locis; & libro 1. cit. de Vict. ratione. Libro de Arte contra calumniatores, qui quæstus Medicinam arguunt, de eadem Medicina dum loquitur, inquit: Hæc autem nostra Oratio aduersus eos instituitur, qui hoc pacto Medicinam quæstus gratiâ insectantur, animos quidem attollens, propter eos quos reprehendit, abundans verò propter Artem cui opem fert, potēs quoq; ob Sapientiam quâ est exculta. Ex hoc Hippocratis contextu inferendum videtur, Medicinam Sapientia excultam esse: Et quidem iuxta Sacram Scripturam à nobis in nostra Physiologia citatam, quæ affirmat, Altissimum de Terra creâsse Medicinam, & Virum Sapientem non abhorreere eam. Itidem præcipit, Medicum honorandum, quia propter necessitatem ipsum creauit Altissimus. Hippocrates ante Ecclesiastes Authorem libro de Prisca Medicina, hæc habet: At nunc necessitate Homines coacti, Medicinam inuenerunt, & inuestigarunt, quòd ægrotis oblata benevalentium victus ratio nihil contulerit, &c. Libro de Arte ait: Ars autem Medica ex his esse cernitur, quæ ob aliquam causam prouidentia quadam sunt instituta, prætereaque etiam subsistere conspicietur. Atqui ad eos, qui Fortunæ Sanitatem acceptam ferunt, Arti verò eam denegant, huiusmodi oratione quis vti possit: At verò, qui ex morientium calamitatibus Artem funditus delere conantur, miror quamam satis iusta oratione elati, in morientium intemperantiam causam non reijciunt, sed eorum qui Medicinam exercent, prudentiam accusant, quasi Medicorum sit quæ nō conueniant præscribere, in ægrorū. a. facultate non sit, aliquid contra imperata admittere. Atqui longè magis est rationi cōsentaneum, ægros non posse imperatis obsequi, quam Medicos ea quæ minimè conueniunt, imperare. Hi. n. sana mente & corpore, tum præsentia, tum ex præteritis, quæ cum præsentibus similiter se habent, in considerationem adhibentes, ad curationem aggre-

diuntur; adeò vt qui curatus est; aliquando fateatur se illorum ope à morbo liberatum. Illi.v. (agros intelligit) neq; quo morbo, neque quam ob causam laborent, neq; quid ex præsentibus euenturum sit, neq; quid ex his quæ sunt eiusmodi, fiat, intelligentes, imperata facere iubentur, præsentem quidem morbo afflicti, euentum verò rerum metuentes, & morbo quidem grauari, cibis verò vacui, ea quæ morbo grata sunt potius eligunt, quàm quæ ad sanitatem conferunt, non quod mori desiderent, sed quod toleranter ferre morbum nequeant. Hos verò sic affectos an est verosimilius, quæ à Medicis imperantur, quàm alia quæ non imperantur facere? an Medicos eiusmodi quales antea exposuimus, ea quæ minimè conueniunt, imperare? Nonne longè æquius est eos quidem rectè imperare, illos verò, vt par est, parere non posse, eamque ob causam mortem incurrere? Quorum quidem causam, qui non recta ratione reputant in eos qui culpa vacant, reijciunt, illis absolutis, qui maximè culpæ sunt obnoxij.

*Aegrorum
fatuitas*

Non desunt autem qui Medicinam reprehendunt (malè Interpres, Artem Medicam, loco, Medicinam, ponit) eò quòd nullus ijs, qui à Morbis sunt superati, manus admouere vellet, dicentes, eos quidem morbos quos curatione aggrediuntur, posse per sese sanari, eos.v. qui auxilio indigent, non attingere. Oportere autem, siquidem Ars sit, omnibus ex æquo curationem admouere. Qui ergo huiusmodi verbis vtuntur, si Medicos accusant, quod talia dicentium, tanquam delirorum, curam non suscipiunt, multò certè iustiùs, ob ea, quàm ob illa, incusant. Siquis enim Artis facultatem, ad ea, quæ artis non sunt, aut naturæ, ad ea quæ minimè apta est, requirat, is istud non intelligit magis ad insaniam cum ignorantia coniunctam, quàm ad imperitiam accedere. Quorum.n. facultatem tum per naturæ, tum per artium instrumenta consequimur, eorum nos opifices profiteri possumus, aliorum non item. Si quid igitur homini contigerit, quod Medicinæ instrumenta superet, id ne sperandum quidem est à Medicina euinci posse. Atq; vt exemplo rem ipsam doceamus: Ignis eorum omnium, quæ in Medicina vrendi facultatem habent, summè vrit, eo verò minùs alia pleraque. Atqui certè ex leuioribus, quæ sunt præstantiora, an curari possit, nondum planè constat. Ex potentissimis autem quis dubitet ea, quæ præstantiora sunt, curari non

*Culpa vacantes accusantur,
& culpa pleni excusantur à viris satis.*

Excusat Medicos nolentes incurabilibus morbis manus adhibere.

posse? In his enim, quæ ignis non efficit, an non ea, quæ ab ipso superari nequeunt, fatis arguunt, alia opus esse arte, quàm ea, quæ igne vtitur, vt instrumento.

In morbi vehementiam, non in Medicinam culpa mortis reiicienda.
Eadem verò mihi dicenda sunt de his, quæ Medicinæ subseruiunt, in quibus singulis si res Medico non succedit pro animi sententia, meo quidem iudicio, in morbi vehementiam, non in artem ipsam culpa reiicienda est. Qui igitur eos reprehendunt, qui victis à morbo manus non admouent, non minùs adhortantur ad ea suscipienda, quæ attingere fas non est. In eoq; apud eos qui nomine tenùs Medici sunt, admirationem sibi conciliant, ab artis verò peritis ridentur. Neq; verò huius artificij periti tam imprudentes, aut reprehensores, aut laudatores morantur, sed eos qui recta ratione iudicant, quemnam ad finem deductæ artificum

Qui rectè agut rectè medentur.
actiones perfectæ sint, & quam in re deficientes imperfectæ. Ac præterea earum imperfectarum actionum, quamnam ad artifices, quamnam etiam ad ipsa effecta referendæ. Eodem in libro, longè post, Hippocrates ait: Quæ verò ex eo ægris contingunt, quod non protinus statim affectus cernatur, eorum culpa non in Medicos, sed tum in ægrotantis, tum in morbi naturam reiicienda est. Ille enim (æger scilicet) cùm neq; doloris causam oculis cernere, neq; auditione cognoscere queat, ratiocinatione cõsequitur. Qui nãq; obscuro morbo laborant, siquid de morbo Medicis indicare conantur, id ex opinione potiùs, quàm ex certa cognitione denunciant. Neque enim si certò scirent, ipsis (idest Medicis) se committerent, cum eiusdem sit prudentiæ, tum morborum causas cognoscere, tum omnibus præfidijs, quæ morbos augeri prohibeant, eos curare nosse. Cùm igitur ex his, quæ denunciata sunt, non liceat ad aliquam certam cognitionem peruenire, aliò fanè, qui curationem instituit, respicere debet. Huius igitur moræ causa, ad corporum naturam, non ad Artem ipsa referenda

Qui morborum causas rectè dignoscit, præstidia nouit quæ morbū augeri prohibent.

Mortis quadañ oc casiones.

est. Hac enim (.i. Ars) vbi morbum percepit, curationem instituendam censet, id vnum spectans, ne temeritate magis, quàm consilio, & vt facilitate potius, quàm vi, curationem adhibere videatur. Illa verò, si tam diu morbum ferre possit, vt à Medico rectè perspici possit, curationem etiam benè feret. Sin. v. interim dum morbus cognoscitur, à morbo euicta fuerit, vel quòd seriùs ad Medicum accesserit, vel ob morbi celeritatem, æger peribit.

Neq;

Neq; enim qui ex æquo ad curationem procedit, morbus celer existimandus est, sed qui præuertit. Præuertit autem tum ob Corporum densitatem, in qua non conspicui morbi delitescent, tum etiam propter ægrotantium negligentiam, qua curationem differunt, sed tum demum morbis correpti curationem expetunt. Quare artis facultatem admirari certè longè æquius est, si quem ex obscuro morbo laborantem restituerit, quàm si quæ fieri non possunt, aggressa fuerit. Neque verò in vlla quapiam arte iam inuenta tale quippiam inesse conspicitur, verùm ex his quæcunq; igne opus suum perficiunt, si eis desit, ab omni opere feriantur; vbi verò eum contrectârunt, in opere continentur. Et quæcunq; in facili emendabili materia opus suum exercent, vt in lignis quædam, aliæ in corijs, quædam etiam stylo, ære, ferro, atq; id genus alijs quamplurimæ. Quæ tamen opera ex his, & per has perficiuntur, quanquàm facili emendari possunt, non tamen celeritatem magis ad opificium requirunt, quàm vt ritè minimeq; perfunctoriè tractentur: sed si quod instrumentum defuerit, ab opere quiescunt: & quamuis illis mora sit ad emolumentum incommoda, ea tamen pluris æstimatur. Libro de Prisca Medicina, alia multa, præter relata, habet Hippocrates in Medicinæ commendationem; quæ omnia Medico in sui defensionem contra Calumniatores plurimum proderunt: cùm Hippocratis auctoritas apud Priscos, & Nuperos quousvis tanta fuerit, & etiamnum viget, vt nemo, præter amentem, eidem renitatur.

Densitas corporis, & ægri negligentia.

Nobilitate longè superat alias artes Medicinæ. Aliarum artium materia.

Aristoteles visus est iam citata Hippocratis loca legisse, dum in Procemio Rhetoric. cap. 8. hac serie loquitur: Nunc illud obiter manifestum puto Orationis non videri necessarium munus, atque officium, persuadere: sed inuenire & colligere ea, quæ in quaque re apta sint, & apposita ad persuadendum: quod quidem & reliquæ habent Artes. Nam Medici officium non est, Curatione sanare, sed curare ad sanandum appositè: idest curando eatenus progredi, quò licet. Fieri siquidem potest, vt quanquam nulla ratione aliqui queant sanescere, diligenter tamen & scitè curentur. Et libro 1. Topicorum: Rhetor non semper persuadet, nec Medicus semper sanat. Aristotelem sequutus Fabius, inquit: Tendit ad Victoriâ, qui dicit; sed cùm benè dixit, etiamsi non vincat, id quod arte, continetur, efficiet. Nam & Gubernator vult saluâ

Medici munus non est, Curatione sanare, sed curare ad sanandum appositè. Quintilianus Aristotelem seq.

naui in portum peruenire: Si tamen tempestate fuerit abreptus, non idèò minùs erit Gubernator, dicerq; notum illud: Dum clauum rectum teneam, &c. Huc spectat egregium illud Ciceronis dictum lib. 2. de Natura Deorum: Magna, inquit, augurum auctoritas. Quid Haruspicum Ars, nonne Diuina? hæc innumeralia ex eodem genere qui videat, nonne cogatur confiteri Deos esse? quorum .n. Interpretes sunt, eos ipsos esse certè necesse est. Deorum autem Interpretes sunt. Deos igitur esse fateamur. At

*Ciceronis
de Medi-
cina sen-
tentia.*

fortasse nō omnia eueniūt, quæ prædicta sunt. Ne ægri quidem, quia non omnes cōualescunt, idcirco ars nulla Medicina est. Hæc exempla appositè Medico adaptantur, qui dummodò eòusque, quò licet, medendo progreditur, etiamsi Sanitatem restituere non possit, rectè agit. Vnde Hippocrates ipse lib. 2. Aphorism. 5 2.

*Aphori-
smus.*

ait: Omnia secundum rationem facienti, si non succedant secundum rationem, non est transeundū ad aliud permanente eo quod

*Platonis
sententia.*

ab initio visum est. Nos autem Plato admonet, eundem haberi Medicinæ, ac Rhetorices, modum: quoniam in ambabus his facultatibus subiectæ rei, siue materiæ vis & natura diuidenda est; in altera quidem corporis, in altera. v. Animæ: vt non vsu quodam rationis experti, nec leui cura, sed Arte & ratione Corpori sanitatem medicamentis, Animæ rectum sensum dicendo inducere studeamus. Ex omnium ergo Priscorum consensu, dummodò rectè Medicus suo fungatur officio, idest, iuxta Medicinæ præcepta, medeatur, nullatenùs Mortis culpa ei obijcienda.

In nostra Physiologia, veluti in præcedentibus, abundè Medicinæ necessitatem, iuxta Hippocratem & Galenum, ostendimus; quibus adhuc addere lubet pauca ex Hippocrate, libro de Prisca Medicina: Medicinam igitur, inquit, quam omnes ægrorum causa inuentam esse fatentur, in considerationem adhibeamus, num & nomen, & artifices habeat, ipsiq; superior esse velit, & vnde nam originem traxerit. Ac mea quidem opinione (quod supra dixi) nemo ad Medicinam inuestigandam animum applicaturus fuisset, si eadem victus ratio, & ægris, & Sanis, accommodata esset. Quare etiam in hunc vsq; diem Barbari, & Græcis finitimi, apud quos nullus est Medicinæ locus, eadem victûs ratione, qua sani ad voluptatem vtuntur; neq; eo quod expetunt, abstinent, neq; sibi temperant. At verò qui Medicinam perscrutando inue-

nere

*Ægrorū
gratia
Medicina
inuenta.*

*Si eadem
victus ra-
tio, ægris
simul, &
sanis con-
ueniret,
Medicina
nemo in-
cumberet.*

nere, eandem, quam qui à me superiore oratione dicti sunt, sententiam sequuti, primum quidem (ut sentio) de suis cibis copiam detraxerunt, deinde pro multis paucos sumpserunt. Quod cum ægrotantibus quibusdam fatis esset, palamque prodesse, non tam omnibus constaret, verum quod erant quidam ita affecti, ut ne paucos quidem cibos conficere possent, quibus sanè imbecilliore quodam cibo opus esset, sorbitiones inuenerunt, valentes cibos paucos multa aqua diluentes, eorumque vim temperatione & coctione detrahentes. Quod, si qui neque sorbitiones superare possent, ijs etiam detractis potiones substituerunt, obseruantes, ut & usu, & copia moderatæ essent, neque iusto copiosiores, neque meraciores, neque pauciores exhiberentur. In primis autem animaduertere oportet, quibus in morbis sorbitiones minimè conueniunt, sed continuò ubi assumptæ sunt, febres ac dolores exacerbari, ex quo efficitur, ut quod assumptum est, morbum quidem foueat, & augeat, Corpus verò imminuat, & imbecillius reddat. At verò qui ita affecti cibum siccum, aut mazam, aut Panem quantumuis modicum assumunt, ij decuplo magis atque manifestius læduntur, quàm si sorbitione utantur, neque aliam ob causam, quàm quod cibus viribus sit valentior, quàm affectus requirat, tum quod cui sorbere, edere minimè conueniat. Quò namque plura comederit, eò peius afficietur: Si verò pauca, etiam dolebit. Atque ad id sanè referuntur omnes doloris causæ, quod valentissima edulia maximè, & euidentissimè homini tam sano, quàm ægro sunt noxia. Quamnam igitur aliam habuisse mentem videtur is, qui Medicus, & omnium confessione Artifex vocatur, cum victus rationem, qua ægri utuntur, inuenit, aut qui ab initio omnibus mor talibus victum illum, quo nunc utimur, loco illius agrestis ac ferinæ victus rationis adinuenit, & apparauit? mihi equidè eadem esse ratio, & vno eodemque modo excogitata videtur. Hic enim ea quæ occurrerent, & à natura humana bene valente propter feritatem, & incommodationem superari non poterant, ille verò quæ quiuis quomodolibet affectus minimè superare poterat, detrahendo studuit. At quid inter hoc, & illud est discriminis? nisi quòd hoc multiplici & vario magis genere constat, & plus habet negotij, originem autem præbuit quod prius fuit institutum, & cætera quæ sequuntur.

Barbari dum ægrotant victum sanorum, vtuntur, homines vero cini les nemi quatu. Sorbitionis inuentio. Cibi maximi nutrimenti vis minuenda pro ægris. Etiam sorbitiones febres doloresque excitant, tunc idèo potionibus, id est valde liquidis utendum. Valentissima edulia, id est valde nutrientia, causas doloris in sanis agrisque procreant. Ante Hippocratem victus ratio, ægri ac Curatrix Medicina inuenta est.

Licet appositè modum, quo Medicina, & præsertim Salubris inuenta est, exposuerit Hippocrates, causam tamen exactè non est persequutus, propter quam ipsa alimenta, nunc parcè, nunc abundè, nunc autem mediocriter, propinanda sunt. Quare Galeni verba, ex Libro ad Thrasyb. cap. 19. Medicinæ primariam necessitatem exprimentia, huc transferre par est. Postquàm autem cibum, & potum, aliasq; res nonnaturales, ac optimum horù vsum, ijs, qui iisdem egent, persuasit, hæc ait: Verùm, si ex toto integrum illæsumq; corpus duraret, taleq; quale ipsum ab initio Creator fabricatus reliquit, nequaquam correctore semper eguisset. At nunc cum diffuat semper, atq; dispereat, aliquo præsentè obseruatore indiget, qui & quod dissipatur, quantum qualeq; sit, cogniturus est, illicòq; tale, ac tantum vicissim reponens instaurabit. Infitum humidum dilabitur, tantundem humoris, potum exhibens, irrigato: calidum digeritur, tantundem caloris addito: Caloris Aridum consumitur, iam alendi instat occasio: vel semel dicam, siue spiritus, & partium solidarum restauratio. quod discutitur atq; euanescit, ingeri paulatim, atq; reponi, antequam in multorum notitiam veniat, opus est. His paucis, & reliquis quæ eodem cap. dixit Galenus, palam ostendit, non solum viuendi rationem, sed præterea causam, ob quam victu egemus; quia nimirum continuò calor noster natiuus, & humidum radicale, partesque solidæ absumentur.

Sequenti Capite 20. eiusdem Libri ad Thrasybulum, quomodo inter se conseruatrices, & Curatrices Medicina discrepant, veluti vtriusq; partis necessitatem, pulcherrima doliorum aliquo liquore refertorum comparatione declarat. Igitur, inquit, quemadmodum si duo cogites dolia multis in locis foraminibus terebrata, ambo æquè ab initio plena, pariterq; per illa spiramina hæc atque illac perfluentia, horumq; alterius quidam curam gerens, semperq; assidens tantum vicissim ingerat, quantum elabatur, alterum verò antequam valdè inanitum est, nemo custodiat, postea quispiam repente superueniens semel totum impleat, clarissimè constat, doliorum istorum primum neq; inaniri; neq; repleti vnquam, alterum verò ambo hæc pati à multis inspectantibus testatum iri: ita quoq; in sanis, ægrotisq; Corporibus res habet. Vtrumq; enim vitium atq; vna modo vno emendat, quod deficit scilicet, instaurans; in quanto verò, nō in quali, emendationis differentia versatur.

Galenus dolium liquore plenum, & patentibus foraminibus in ambitu peruium, humano Corpori assimilat: nec extra rem: quoniam corpus humanum exilibus meatibus, poris communiter dictis, in toto ambitu cutaneo apertum est, vt per cutem, tanquam per sentinam cribrosam aut perforatam, fuligo omnis, sudorque, & quæuis alia excrementa habitûs corporis euacuentur. Nec sola excrementa per cutem, aut patientiores vias vrinæ, fæcum, sputorumq; euacuantur, sed insuper calor natiuus, & humidum radicale dictum: quæ facilius multò, quàm crassa excrementa, dissipantur, & euanescent. Hinc necessitas reficiendi illatum Corpori damnum: cum calore verò exhalante dissipatur & humor; imò solidiores partes, præsertim molliores, vi caloris attenuantur, & rursus, more humorum, ac spiritus, per tot spiramina perpetuò euacuantur. Si natura se sola quidquid euanescent, refarcit, & sua munia probissimè subit, quod amissum est, recuperando, integrum ei negotium committendum; vt præcipit Galenus cap. 19. citati Libri ad Thrasylbulaiens: Aliaq; in hunc modum omnia agens, & in summa id ante oculos habens, vt in corpore exactè sano ac valido, nihil nouare audeat. Cùm verò aliquantulum exquisitam moderationem transierit, continuò, quod deficit, priusquàm latius malum serpat, refarciat (Medicus) perinde, ac si subtegminis fila ex aliqua veste non simul omnia, sed singulis diebus singula excidentia, qui huic rei præest, assidens illicò reponat adeò, vt huiusmodi correctio atq; emendatio, multorum notitiam præ exiguitate subterfugiat. Talem, Medius Fidius, & benè valentibus præfectum Artificem esse opus est, minimæ cuiusq; differentiæ ac noxæ obseruatorem iuxta, atq; emendatorem. Quod Medicus corporibus perfectè sanis mederi non debeat, docet Hippocrates lib. 2. aphor. 36. Qui sana habent corpora, medicamenta purgantia assumptis statim debilitantur: & qui prauo vtuntur cibo. Et aphorismo 37. Qui benè valent corpore, difficulter ferunt Medicationes. Et Aphor. 16. lib. 4. aphor. Carnes sanas habentibus Elleborus periculosus: facit. n. conuulsionem. Ex Galen. lib. 1. Aphorismor. comment. 2. Purgatio est humorum, qui sua qualitate molestant, euacuatio. Ergo cùm in corpore perfectè sano humores Biliosi, Melancholici, Pituitosi, & Serosi, non superfluent, medicamentum purgans assumptum non exiguam

Corpori exactè sano nihil præscribendum.

Corpora à bono statu declinàtia illico emendanda.

Ex Hippocrate sana corpora non sunt purganda.

Purgatio quid.

*Quomodo
purgatio
sanis no-
cet.*

corpori molestiam adfert. Nam & vertigines, & tormina patiun-
tur illi, qui purgans assumunt medicamen, vt loquitur Galen.
commentario citati Aphor. 37. lib. 2. Vnde & difficulter, inquit,
his purgatio procedit, & præterea celeriter exoluuntur. Fiunt au-
tem hæc omnia, purgante medicamento proprium quidem attra-
here humorem appetente, vel flauam bilem videlicet, aut atram,
aut pituitam, aut aquosam superfluitatem: quia verò ille super-
fluus humor non adest, sanguinem colliquat ac carnes, vt ex ipsis
proprium attrahat humorem.

Habemus ergo ex ambobus Medicinæ Principibus, non esse,
nec medicamentis, nec alijs rebus superflua dementibus, infe-
stata corpora benè sana, donec ab hoc perfecto sanitatis gradu
declinent. At verò cætera corpora à perfecto statu sano declinan-
tia, à minima superfluitate liberanda, & quidquid ijs deficit, ad-
dendum; reficiendum. n. incunctanter, quoties aliquid ei deficit,
eodem penè modo, quo dolium perforatum, vino, aliove liquo-
re priùs plenum, sed quod paulatim rursus euacuatur: quod enim
euacuatur, de nouo restituendum, seu aliquid eius loco reponen-
dum. Corpora pariter præ ægritudine nimium euacuata & ex-
tenuata copiosè reficienda sunt, eo modo, quo dolium perfora-
tum, & impensè euacuatum, replendum. Eodem. n. modo refi-
ciuntur corpora mediocriter sana, & ægra; sed inæquali quanti-
tate restaurantur sana, nempe minori, ægra verò maiori.

*Caloris
natiui no-
mina ex
Hippocra-
te.*

Hæ corporis emendationes Medicinæ omnimodā arguunt ne-
cessitatem. Restaurantur enim eies præscriptis, humidum radica-
le, quo fieri potest modo: calor similiter natiuus, ignis nobis con-
natus ab Hippocrate dictus lib. de Arte: & Ignis lenis, lib. 1. de
Vict. rat. quo eodem libro Anima dicitur: At verò, inquit, homi-
nis animus (velut à me etiam antea dictum est) Ignis, & aquæ
temperationem sortitus; Et eodem libro, loquendo de masculino,
& fæminino semine, eorumq; commixtione, ait: Siquis. a.
animum animo commisceri minimè sibi persuadeat, is ratione ca-
ret. Galenus comment. 5. in lib. 6. Epidem. exponens hanc Hip-
pocratis sententiam (Hominis Anima semper producitur vsquè
ad mortem. Sin. a. ignescat simul cum morbo, & Anima corpus
depascitur:) postquàm plurimorum de Anima sententiam propo-
suit, & Spiritum in cerebri ventriculis contentum, quem commu-

*Anima
apud Hip-
pocratem.*

niter

niter Animalem dicimus, primum Animæ instrumentum statuit, rursus hæc habet: Atqui verbum hoc, ignescat, indicare videtur, ex Hippocratis sententia, Animæ substantiam, calorem esse naturalem, quem naturalium operum multis in locis auctorem esse testatur. Et quibusdam interpositis, ibidem Galenus ait: Nempe quod insitum calidum, cui maximè corporea opera Hippocrates tribuit, igneum factum, non solum priora munera obire non possit, sed neq; corpus nostrum alere, quod ipsius erat primum officium; immò contra, perdat, atque, ut ignis, liquefaciat, nobis ratione contemplantibus, & corporis eliquationes à perurentibus febribus factas, euidenter cernentibus, apertum est. Verum in tota hac habita oratione tertia anima prætermissa sit, siue facultas, siue utcumque eam nominare velis, quam Plato Iracundiam appellauit, & de ipsa aliquid dicere satius fuerit, ut nihil præterea in sermone de Anima dicendum relinquatur. Calor sanè quidam naturalis, per quem sanguis creatur, in iecore continetur: calor etiam alter in corde maior inest, ad iram excitandam nobis datus, nam & ipsius quidam vsus est, ut in libris de Hippocratis, & Platonis Decretis explicauimus. Et hic quidem calor (de Calore Cordis loquitur) spiratione (siue nutrimento) eget: alter, (idest, Calor natuius, siue naturalis, in omnibus Corporis partibus, sed præcipuè in hepate, constans) distillatione: ita. n. Medicis vocare mos est duplicem in toto corpore arteriarum actionem, fuliginosum excrementum per compressionem expellentium, aërem verò circumfusum per distensionem attrahentium.

Anima substantia ex Hippocrate.

Anima species.

Calor iecoris sanguine præcreat.

Calor cordis.

Duplex arteriarum munus.

Hic Galenus iuxta Hippocratem ait, calorem natuium esse auctorem omnium actionum naturalium; nec sanè Hippocrati Galenus imponit, qui libro de Carnibus hæc habet: Quod calidum vocamus, id mihi immortale esse videtur, cunctaque intelligere, videre, & audire, sentireq; omnia, tum præsentia, tum futura. Cuius pars maxima, cum omnia perturbata essent, in supremum ambitum secessit, quod mihi veteres videntur Æthera appellasse. Altera pars locum infimum sortita, terra quidem appellatur, frigida & sicca, multasq; motiones habens, & in qua sanè multum calidi inest. Tertia, v. pars medium aëris locum nacta est, calidum quid existens, Quarta pars terræ proximum locum obtinens, hu-

Calor natuius omnium actionum author ex Hippocrate.

*Efformatio
variarum
partium
corporis.*

miellissima, & crassissima. His igitur in orbem agitatis, cum turbata essent calidi magna pars aliàs in terra relicta est, partim quidem magna, partim verò minor, aliàs etiam valdè parua, sed in multis partes diuisa. Et temporis successu à calido resiccata terra, ista in ea tanquam in membranis contenta, circum se putredinem excitant. Ac longo tempore incalescens, quod quidem ex terræ putredine pinguedinem sortitum est, & minimum humidi habet, id citissimè exultum, ossa produxit. Quæ verò naturam glutinosiorem sortita sunt, & frigidi communionem habent, ea neq; calefacta exuri potuerunt, neq; etiam humida fieri, ideò formam longè ab alijs diuersam naçta sunt, & nerui solidi extiterunt, cum non multum in ijs frigidi inesset. At venæ frigidi multum habebant, cuius pars circumcirca ambiens, & quod erat glutinosissimum à calido exassatum, membrana extitit. Quod verò erat frigidum à calido superatum, dissolutum est, ideoque humidum euasit, &c. Reliquarum partium corporis formationem prosequitur in contextu Hippocrates, qui omnes operationes calido manifestè concedit. Libro autem de Corde, Caloris natiui meminit, dum

*Calor natus
dicitur Hippo-
crati con-
natus i-
gnis.*

ait: Connatus enim à natura ignis in dextro (ventriculo scilicet Cordis) non est, vt mirum subeat finistrum asperiores fieri, cum intemperatum aërem inspiret. Sed hac parte (idest, in ventriculo sinistro) vt calidi robur custodiat, crassitudo intus extructa est. Eorum. v. oscula aperta non sunt, nisi quis cordis auriculas, eiusque caput præcidat, tuncq; duplicia oscula in duobus ventriculis erunt conspicua. Vena enim crassa ex vna decurrens si secetur, visum fallit. His sunt Humanæ Naturæ fontes, hincque flumina excurrunt, quibus corporis alueus irrigatur. Atq; hac vitam homini conferunt, & si resiccata fuerint, homo perit. In hoc contextu Libri de Corde, clarè exponitur densitas, crassitiesque, quibus sinister Cordis ventriculus dextrum superat. Longè crassiores esse finistrum Cordis ventriculum docuit, vt calidi innati, quo cor præ cæteris partibus corporis abundat, vis, & robur seruetur. Debit. n. ventriculus sinister crassitie superare dextrum, ea proportionem, qua materia spiritiuosa in illo conclusa tenuitate superat materiam in dextro ventriculo contentam. Visus est Author huius Libri de Corde admisisse, Cor principium venarum, & neruorum. Imò eodem libro hæc habentur. Mens enim humana in fini-

*Videtur
Hippocra-
tes consti-
tuisse cor
sanguinis
officinam.*

stro ventriculo à natura insita est, & reliquæ Animæ imperat. Hęc doctrina, Hippocrate indigna, multos iure meritò in suspicionem adeò duxit, vt existiment hunc librum non esse Hippocratis. Nec .n. eius vnquam Galenus meminit ; nec inter libros Hippocratis eum recenset Erotianus. Libro tamen de Carnibus, Cor venarum & arteriarum principium statuiffe videtur Hippocrates, inquit : Duæ .n. sunt à corde venæ cauæ, & hæc quidem arteria , illa verò vena caua nominatur, iuxta quam cor positum habet. Arteria verò calidi plus continet, quàm vena caua, & spiritûs penus est. Verùm Hippocrates iuxta communem Philosophorum opinionem, cor venarum & arteriarum principium constituit , non autem ex propria sententia . Et positò quòd ille Philosophis consenserit, in hoc planè deferendus erit , ob varias , quas in nostra Physiologia deduximus, rationes.

Mens humana in sinistro cordis ventriculo sedem obtinet.

Hippocratis auctoritati satisficit.

Sed exponamus verba à nobis in medium producta de Calido , ex eodem lib. de Carnib. aut Principijs . Calidum ergo omnium operationum principium effectuum constituens Hippocrates, visus est cum cæteris Antiquis Chaos illud, siue confusionem omnium rerum, admisisse : ex quo rursus quatuor elementa sunt extracta , & in diuersis sedibus iuxta cuiusq; naturam debitè collocata. Supremum verò elementum , ignis communiter dictum, Æther, Veterum more, ab ipso appellatur : quem in superiori regione mundi sublunaris (in principio autem Libri cit. de Carnib. de rebus cælestibus non nisi mediocriter discurrere oportet , vt ait) locum habere asseuerat. Secundum aëri tribuit : tertium aquæ : quartum terræ . In quibus inferioribus elementis aliquid caloris contineri, tanquàm in principio productionis mundi relictum, asseuerat. Calori ergo , omnium partium conformationem ille tribuit : Et eum sequutus Cicero lib. 2. de Natura Deorum , vim omnem in animantibus, cæterisq; cunctis , Calori manifestè concedit. Zenonis porrò argumenta probantis, Deum esse, postquam in medium protulit Cicero , ipse sequenti ordine loquitur : Sed quoniam capi secus agere , atq; initio dixeram : negâram .n. hanc primam partem egere oratione , quòd esset omnibus perspicuum, Deos esse: tamen id ipsum rationibus Physicis confirmari volo. Sic enim res se habet , vt omnia quæ alantur , & quæ crescant , contingant in se vim caloris, sine qua neq; ali possent, neq; crescere .

Calidum principium effectuum omnium operationum.

Ignis Æther dicitur. Elementorum situatio.

In terra aliquid caloris latet.

Calor partes corporis effingit.

Calor in omnibus est, quæ crescunt, & alantur.

Nam

Nam omne, quod est calidum, & igneum, cietur, & agitur motu suo: quod autem alitur, & crescit, motu quodam vitur certo, & æquabili: qui quamdiu remanet in nobis, tamdiu sensus & vita remanet: refrigerato autem & extincto calore, occidimus ipsi & extinguimur. Quod quidem Cleanthes his etiam argumentis docet, quanta vis insit caloris in omni corpore: negat enim vllum

Vita durat, quamdiu calor in viuente habet.

Cibus quātūvis grātis spatio viginti quatuor horarum concoquitur.

Propter inclusum calorem viuunt.

Anima mundi Platonis.

Terra inest calor.

Aqua calida ex puteis hyeme exhauritur.

Stirpes vi caloris temperati terræ pullulant.

Aqua concretio.

Maria calorem continent.

Cicero obiectioni cuiusdam occurrit.

Aër est maximè frigidus Ciceroni, calorem continet.

cibum esse tam grauem, quin is die & nocte concoquatur: cuius etiam in reliquis inest calor ijs quas natura respuerit. Iam verò venæ & arteriæ micare non desinunt, quasi quodam igneo motu: animaduersumque sæpè est, cum Cor animantis alicuius euulsum ita mobiliter palpitaret, vt imitaretur igneam celeritatem. Omne igitur, quod viuunt, siue animal, siue terra editum, id viuunt propter inclusum in eo calorem. Ex quo intelligi debet, eam caloris naturam vim in se habere vitalem, per omnem mundum pertinentem.

Atque id facilius cernemus, toto genere hoc igneo: quod tranat omnia subtilius explicato. Omnes igitur partes mundi tangam, quæ maximo calore fultæ sustinentur; quod primùm in terrena natura perspicui potest. Nam & lapidum conflictu atque tritu elici ignem videmus, & recenti fossione terram fumare calentem. Atq;

etiam ex puteis iugibus aquam calidam trahi, & id maximè hybernis fieri temporibus, quod magna vis terræ cauernis contineatur caloris: eaque hyeme fit, ob eamq; causam calorem insitum in terris contineat arctius. Longa est oratio, multæq; rationes, quibus doceri possit omnia, quæ terra concipiat, semina quæq; ipsa

ex se generata stirpibus infixæ contineat, ea temperatione caloris, & oriri, & augescere. Atq; etiam admistum esse calorem, primùm

ipse liquor, tum Aquæ declarat effusio, quæ neq; congelaretur frigoribus, neq; niue, pruinaq; concrederet, nisi eadem se admisto calore liquefacta, & dilapsa diffunderet. Itaque & Aquilonibus, reliquisq; frigoribus adiectis durefcit humor, & idè vicissim mol-

litur, tepescit, & tabescit calore. Atq; etiam maria agitata ventis ita tepescunt, vt intelligi faciliè possit, in tantis illis humoribus inclusum esse calorem: nec. n. ille externus, & aduentitius habendus

est tepor, sed ex intimis maris partibus agitatione excitatus: quod nostris quoq; corporibus contingit, cum motu, atq; exercitatione recalescunt. Ipse. v. aër, qui natura est maximè frigidus, minimè est expers caloris. Ille verò & multo quidem calore admistus

est:

est: ipse. n. oritur ex respiratione aquarum; earum. n. quasi vapor quidam aër habendus est. Is autem existit motu eius caloris, qui aquis continetur. Quam similitudinem cernere possumus in ijs aquis, quæ effervescent subditis ignibus. Iam verò reliqua quarta pars mundi ea, & ipsa tota natura feruida est (Ignem intelligit Cicero), & cæteris naturis omnibus salutarem impertit, & vitalem calorem. Ex quo concluditur, cum omnes Mundi partes sustineantur calore, mundum etiam ipsum simili, parique natura in tanta diuturnitate servari: eoq; magis, quod intelligi debet, calidum illud atq; igneum, ita in omni fufum esse natura, ut in eo insit procreandi vis, & causa gignendi, à quo & animantia omnia, & ea quorum stirpes terra continentur, & nasci sit necesse, & augescere. Et quibusdam interpositis, ait: Atque mundi fervor ille purior, per lucidior, mobiliorq; multò, ob easque causas aptior ad sensus commouendos, quam hic noster calor, quo hæc, quæ nota nobis sunt, retinentur, & vigent. Absurdum est igitur dicere, cum homines, bestięque hoc calore teneantur, & propterea moveantur, & sentiant, mundum esse sine sensu, qui integro, & puro, & libero, eodemq; acerrimo, & mobilissimo ardore teneatur: præsertim cum is ardor, qui est mundi, non agitur ab alio, neq; externo pulsu, sed per se ipse, ac sua sponte moveatur. Nam quid potest esse mundo valentius, quod pellat, atq; moveat calorem eum, quo ille teneatur? Audiamus. n. Platonem, quasi quendam Deum Philosophorum, cui duos placet esse motus, unum suum, alterum externum: esse autem diuinius, quod ipsum ex se sua sponte moveatur, quod pulsu agitur alieno. Hunc autem motum in solis animis esse ponit, ab hisq; principium motus esse ductum putat. Quapropter, quoniam ex mundi ardore motus omnis oritur, is autem ardor non alieno impulsu, sed sua sponte movetur; animus sit necesse est. Ex quo efficitur animantem esse mundum.

Ex hæcenus præmissis compertum est, Platonem, Ciceronem; & ex antiquis Scriptoribus quamplurimos, Hippocratem sequutos esse, quoad ea, quæ de Calore mundi circumferuntur. Nam sicut Hippocrates, Calorem, Animam appellavit; ita pariter, & Plato, utrumq; horum sequuti sunt innumeri. Licet nos Calorem, Animam esse negemus, Calorem tamen præcipuum Animæ instru-

Aër ex respiratione aquarum oritur. Estque quasi earum vapor. Ignis elegantum.

Caloris magna vis.

*Mundus, ex Cicero-
ne sensu
poller.*

*Plato Deus
Philoso-
phorum.*

strumentum esse nequaquam diffitemur. Galenus quidem Com-
mentario superius, ex 6. Epidem. traducto, cum Hippocrate
Naturam morborum Medicam appellauit: & nomine Naturæ,

*Natura
acceptio.*

Naturales potissimum facultates, Nutritiuam, Attractiuam, reten-
titiuam, concoctricem, & expultricem intelligit; Vitalem verò fa-
cultatem non exiguam adhuc vim sedandis morbis habere fate-
tur; docetq; vltcrius, facultatem animalem esse perutilem, cum
ibidem asseruerit, respirationem ad caloris natiui contemperatio-
nem esse prorsus necessariam, veluti vniuersi habitus Corporis
transpirationem. Hanc eandem doctrinam plenè confirmat Gale-
nus lib. 9. Methodi medendi cap. 10. vbi hæc habet: Gubernant

*Triplex
facultas
corpus re-
gens.*

animal (vt in Libris de Hippocratis, & Platonis dogmatis est mō-
stratum) tres, diuersi inter se generis facultates, toti corpori ex suo
veluti fonte quæq; distributæ: eas Plato Animas vocat, propriam
cuiusq; substantiam inueniens. Est enim earum quædam ad nu-
triendum animal necessaria, ac cum stirpibus communis, quæ le-
cur veluti pro fonte habet: canales verò ad hoc in totum corpus

*Naturalis
facultas in
hepate re-
sider.*

sparsos, ipsas venas: hanc seu appetitricem, seu naturalem (φύσι-
κὴν, est in impressis, idest, naturalem: in antiquis φύτικην, idest,

Vegetabilem) seu altricem voces, nihil interest: veluti nec, si Ani-
mam, aut facultatem. Altera est, quæ non modò, vt Stirpibus, aut
vita præditis, sed etiam vt animalibus, anima est insita: hæc sedem

*Anima
vitalis se-
dē in corde
habet.*

in corde habet, ipso quoq; insiti caloris quodam ceu fonte: ab hoc
fonte canales arteriæ sunt: vocaturq; hæc multis sanè nominibus;
nam, & facultas siue Virtus animosa, & anima vitalis, & anima

*Anima
Ratioci-
natrice in
cerebro.*

animosa dicitur. Tertia Anima Ratiocinatrix, in Cerebro domi-
ciliū habet: ea voluntarijs actionibus, vnà cum sensibus præsi-
det; vtitur & hæc particulis quibusdam, ceu canalibus, nempe

ipsis neruis, sensum motumq; per hos in totum animal transmi-
tens. Ergo has facultates seruare, nihil planè est aliud, quàm vi-
tam seruare. Siquidem monstratum est, qualibet earum amissa,
necessè esse, reliquas quoq; vnà perire. Ac propterea in Opere de
Sanitate tuenda, huc omne cōsiliū direximus. In hoc verò, quod

*Salubris,
& Cura-
tricis Sco-
pus prima-
rius est mor-
bi ablatio.*

est de methodo medendi, primum propositum, & ei quod in Ope-
re de Sanitate tuenda proponitur, ad portionem respondēs, mor-
bi est sublatio: quando cuiusmodi in illo sanitatis est tuitio, eius-
modi in hoc est morbi sublatio. Quorum vtriq; vnum est commu-
ne,

ne,

ne, ipsa scilicet vitæ custodia; quæ nimirum in illo de Sanitate
tuenda Opere, Sanitatis custodiam sequebatur: quod. n. secundæ
valetudinis tuendæ gratiâ geritur, idem statim, & vitam tuetur,
&c. Caterùm non proinde vim maximam seruandi, & sanandi
corpora, calori denegauit Galenus, cùm ei omnem fermè agen-
di, & perficiendi vim tribuat, vt ex hætenùs dictis, alijsq; innu-
meris locis colligere licet. Facultates autem pleræq; Animæ, seu
potius animæ ipsæ, non nisi caloris ministerio generant, nutriunt,
augent, conseruant, & suo funguntur in corpore quouis munere.
Ex huc ergo relatis, veritas hæc firma constansq; maneat, Natu-
ram morborum esse Medicam; Naturam conseruare corpora:
Medicinam pariter Naturæ opitulantem, vtrumq; complere mu-
nus; & Naturæ nomine, facultates calore natiuo instructas, vel
ipsum solum calorem, tanquam Animæ pariter instrumentum,
apud Hippocratem, & Galenum, intelligi. Galenus enim expres-
sè, Calorem natiuum, facultatem appellat, lib. 1. Aphorism. com-
ment. 15. Nam si consideraueris, inquit, vt corpora nostra pau-
cum habentia sanguinem autumnî tempore, atq; extenuata, su-
scipiens hyems bonis implet humoribus, & crassiora efficit, per-
cipies, puto, nos gubernantis robur facultatis, quæ est calor in-
natus, Libro 3. de Caus. Puls. cap. 9. Calorem natiuum ex senten-
tia Hippocratis cibos concoquere docet. Libro 1. de Præfagit. ex
Pulsib. cap. 4. facultatis essentiam in temperamento, quod calo-
rem natiuum esse in nostra docuimus Physiologia, ponit. Facul-
tatis essentia, inquit, singularum partium, in singularum illarum
posita, commodo temperamento est. Libro 4. Aphorism. com-
ment. 37. Calorem natiuum secundùm Hippocratem, Naturam
appellat, quæ solida regit corpora. Facultates quidem, & calor
natiuus, vt videtis, pro anima ab Hippocrate & Galeno sumun-
tur. Vnde eis tantam agendi vim tribuunt, quantam nos animæ.
Sed de his satis.

*Salubri,
& Cura-
trici con-
mune est
vitam cu-
stodire.*

*Calor in-
natus fa-
cultas di-
citur.*

CAPVT VII.

De alijs Signi Diuisionibus.

Amplissimam illam Signi diuisionem, (à re significata de-
sumptam,) in Salubre, Insalubre, & Neutrum, diffusè pro-
sequuti

sequuti sumus: nunc alias quasdam eiusdem Signi diuisiones, Rei Medicæ Studioſis protinùs neceſſarias, proponam. Galenus libro de Arte Medica, ſeu Parua dicta, cap. 7. quodlibet trium generum Signorum, paulò ante expoſitorum, ſubdiuidere viſus eſt. Erit

Secunda Signi Medici diuiſio.

igitur ſecunda Signi partitiō, à tempore perita, in Præterita, Græcis ἀναμνήσις: Præſentia, Græcis διαγνώσις & Futura, Græcis, Προγνώσις: itaut Signum præteritum Salubre dici queat, ſi tale fuerit: præſens pariter Signum, poteſt eſſe Salubre: futurum ſimiliter. Eodem modo Signum inſalubre, vel eſt præſens, vel præteritum, vel futurum. Eadem proportione ſeruata, Signum neutrum, eſt præteritum, vel præſens, vel futurum. Cæterum,

Signa æmniſticatoria.

claritatis gratiâ, Signa præterita, ἀναμνήσις, ideſt, commemoratiua dicuntur; quia ſunt veluti rememoratio, aut reuocatio præteritorum in mentem. Præteritus enim ægri ſtatus (præſertim quoties tardè Medicus eſt accerſitus) in memoriâ reuocari debet, vt ſtatus præſens dignoſcatur, & futurus euentus Salubris, Inſalubriſue, prænoſci poſſit. Quamuis ſanè à præteritis, vtpotè abſentibus, vix curatiua indicatio deſumatur, eorundem tamen præteritorum cognitio ad præſentia enodanda, & futura prænoſcenda,

Cognitio præteritorum eſt inuentio cauſarum.

ſummopere neceſſaria eſt. Cognitio enim præteritorum, eſt inuentio Cauſarum, quæ morbos pariunt, vt loquitur Galen. lib. 4. de Præſagit. ex pulſib. cap. 11. Tanti deniq; ponderis eſt præteritorum cognitio, vt eius vim non exiguam expoſuerit luculenter author Libri Definition. Medicar. ſiue Galenus is fuerit, ſiue alter non contemnendus Doct̃or. Præterita autem, inquit, ſunt Præteritorum Signa, vt cum remiſſio à declinatione deferuiſſe morbum ſignificat (de febrili enim acceſſione, ſiue exacerbatione, ſiue paroxiſmo loquitur.) Præterita præſentium, vt eſſe ab Aſpide demorſum, inter exitialia cenſeri. Sunt, qui hoc modo dicant: Præterita præſentium, vt tenue inteſtinum vulneratum eſſe, pernicioſis adnumerari. Præterita futurorum, vt contraſto contritoq; oſſe totum contrahendum: ei namque oportet tophum obduci, antequàm ad priſtinum ſtatum redit. Nonnulli verò ſic: Præterita futurorum, vt de capite dempto oſſe citatricem ſequuturam. Hæc inibi habentur. Quotidiana experientia nos monet, præteritorum cognitionem Medico Praxim exercenti plurimùm conferre; vt etiam productis ſententijs, ex libro Definition. Medicarum de-

promptis liquet. Porro præteritorum cognitio, non modò ad aliorum præteritorum notiã nos manuducit, sed insuper eã præsentibus prouidemus, & futuros, hãc adepta, prædicimus euentus. *Præteritorum rememoratio plurimum prædest.*
 Rem Author exemplis propalauit: Medicus ad ægrum accitus, ab eodem ægro, vel astantibus, intellexit, ipsum paroxismo febrili fuisse correptum; mox à paroxismo ad remissionem, siue infebri-
 citationem peruenisse. Ex remissione siue infebri-
 citatione naturã Medicus statim deprehendens, ægrum solabitur, huic nimirum indicans, febrem præfatam intermittentem, non verò continuam esse. Inde illicò ad Prognosim descendens, talem febrem periculo vacare pronuntiabit; & quidem cum Hippocrate, lib. 4. aphor. 43. Febres quæcunque non intermittentes, tertio die fortiores fiunt, magis periculosæ: quocunq; autem modo intermiserint, periculum abesse significatur. Sic prolato Prognostico Curationem commodissimè aggredi poterit Medicus, etiam mediocriter peritus.

Præterita rursus præsentium Signa esse possunt, vt morsus Aspidis, aut viperæ, aut canis rabidi; vel ictus scorpionis, vel assumptio huius, vel illius veneni, est signum maligni affectus ægrum infestantis. Dum, n. vehementissima adfuerint in corpore symptomata, ad medicationem plurimum confert, veluti ad futuri euentus prænotionem, scire, si æger venenum præassumpserit, aut à venenoso animali, morsum ictumue passus fuerit. Scimus quidem, à præteritis causis, iam absentibus, curatiuas indicationes non esse desumendas, vt ex Galeni methodo medendi colligere licet. Libro 8. Methodi med. cap. 1. ait: Itaq; si iam præsens (siue genita) febris est, sed causa, quæ eam excitauit, iam desijt, huc tantum sanandæ eius consilium dirigitur, vt refrigeretur. Libro 10. Meth. med. cap. 1. inquit: Ergo in Diarijs febribus simplex quidã est in corpore præter naturã affectus, vtpotè causis, quæ primũ eas excitarunt, iã adẽptis. In quibus verò causa, quæ eas accendit, adhuc manet, in ijs, nec affectus simplex, nec sanatio est. Causis. a. præsentibus medendũ suadet Galenus eodem lib. 10. Meth. med. Capiteq; eodem, paulò post transcriptũ eius textũ hac serie: n. reliquis, quæ accessionis suæ causam intus habent, prima indicatio ab ipsa sumetur causa. Et libro de Optima Secta ad Thras. cap. 25. In indicationem curatiuam à solis præsentibus causis, nõ autem à mor-

A causis absentibus curatiua indicatio non desumitur: eius tamen cognitio prædest.

*Ab inter-
nis causis
prima in-
dicatio cu-
ratiua de-
sumenda.*

bo, desumendam præcipit, hac serie: Quin & ex adhibitis auxilijs non morbos, sed causas medelam indicare agnoscendi facultas dabitur; auxilia namq; non affectis, sed facientibus aduersantur, vt euacuatio multitudini contraria est, morbo verò nulli, & phlegmonæ, aut feбри: multitudini igitur euacuatione subtracta simul,

*Præteritus
morsus a-
spidis est si-
gnum ve-
nenæ infe-
stantis se-
quæri tem-
pore.*

& genitus per eam morbus tollitur, &c. Ad rem modò redeuntes, dicendum, morsum Aspidis esse instar Signi infestantis Veneni, & quamuis Aspis non ampliùs mordeat, aut quidpiam indicet, nobis tamen viam ad medendum aperit. Nam postquàm nobis constat, venenum corpus infestans, ex morsu Aspidis communicatum fuisse, peculiari Antidoto experientia comprobata illud venenum sedare contendimus; Aceti potum ægris propinando, veluti alia quauis, sanguinem concretum dissoluentia, simul & venenum oppugnantia. Venenum enim hoc, quemadmodum, & Basilisci, aut sanguis bubulus, celerrimè in arterijs sanguinem cogit, vt

*Antidotus
contra va-
ria vene-
na.*

loquitur Dioscorides lib. 6. cap. 54. de Aspide. Rectè ergò copiosum Aceti potum ad sanguinis concreti dissolutionem præscribit Aëtius lib. 13. cap. 20. Vomitorium idem componit ex alijs tritis cum Zytho, aut ex Opoponace cū Vino diluto, & assumpto, quod tanquam optimum Vomitorium probat. Rursus Theriacam, & alias Antidotos concedit. Sed Mithridatica Antidotus pro Venenis commendatur à Galeno, tum primo, tum secundo libro de

*Mithri-
daticum
Theriaca
vires supe-
rat.*

Antidotis. In hoc secundo cap. 1. de ea sic loquitur: Hæc enim aduersus quàm multa venena plus etiam quàm Theriaca valet, quamuis ictus Viperæ sanare minùs possit. Res sanè est magni ponderis, & prorsus ad ci rationem necessaria, præteritorum cognitionem habere, vt pro natura morbi, præsertim occulti, conueniens præscribatur Antidotus. Nam Antidoti sunt variæ pro morborum occultorum varietate: vt habet Gal. cap. 1. inquires: Me-

*Antidoti
varii.*

*Antidotus
quæ.*

*Antidoti
tres spe-
cies.*

*Theriaca,
omnis an-
tidoti vim
continet.*

dicamenta, quæ non extrinsecus imposita, sed intùs assumpta, malas corporis affectiones sanant, Antidotos Medici vocant: quarum tres sunt omnes differentiæ Nam aduersus exitiales potiones quædam faciunt: quædam ad feras valent, quæ venenum ictu, mor sue relinquunt: quædam exitis malâ victùs ratione morbis auxiliantur. Nonnullæ verò tria hæc simul pollicentur; cuiusmodi est, quam Theriacam vocant, quæ ab Andromacho Medico composita, Mithridaticam penè antiquauit; ita & ab Authore suo di-

Am. Paulò post hæc, Galenus Mithridaticam Antidotum, nisi in morfu Viperæ, Theriacæ præponit. Sed de his satis.

Præterita demum futurum aliquem euentum significant, vt dū M. dicus audiuit, os Capitis, siue Cranium fractum fuisse, statim dicet, tophum futurum; quia cū ossa regenerari nequeant, durum aliquod corpus, veluti osseum, ossis loco Natura generat: & tale corpus, tophus communiter nuncupatur.

Ex omnibus iam dictis liquet, præteritorum cognitionem commemorationeq; plurimum afferre lucis Medico futura prædicenti, ægrumq; curanti. Præterquam autem quod præteritorum notitiæ non ratio incognitum effectum detegunt, curationem ipsam variant, vt in veneno affectis videre licet; imò in ijs qui manifestissimis morbis infestantur, eadem curationis variatio fit. Qui porro Ephemera febre laborant, tametsi eos febricitare vnusquisq; percipiat, pro varietate causarum Procatharticarum, à quibus eadē febris est accensa, curantur. Febricitet v.g. aliquis propter casum in aquam frigidam, aut propter natationem in aquis aluminosis; febricitet idem alio tempore propter longam morā in ardore Solis, aut propter iram: sanè, quamuis quælibet febris sui ablationem per contraria indicet, aliter illa quæ ab aquis aluminosis, aliter illa quæ ex ira procedit, curabitur. Febris namq; ab ira orta, quiete & refrigerantibus assumptis sedatur: sed ea quæ ex casu in aquam frigidam nascitur, non refrigerantibus tantum, sed ijs quæ cutis meatus iam à frigore oclusos referant, sudoremq; prouocāt, curatur. Et si quæ remedia vnctuosa cuti aperiendæ admouētur, magis calida, quàm frigida, esse debent: cuti verò illius, qui propter natationem in aqua aluminosa febre fuit correptus, linimenta, aut olea admouenda humida valdè, sed nō excedētia vllō modo in calore.

*Ratione
varietatis
cause pro-
cathartici-
ca varia-
tur febris
Ephemera
curatio.*

Hofmanno, plerorumq; Medicorum Censori, non placent Signa Anamnistica, siue Commemoratiua, hætenus à nobis exposita. Libro hic 4. Institutionum Medicarum, Titulo, Aberrationes, post primum Caput, Paragrapho 12. Sennertum cum Capuaccio peflundans, inquit: Nec omnino placet ex eodem stabulo petita distinctio Signorum in *diagvnsina*, *progvnsina*, καὶ *anamnnsina*. Quorsum enim vltima hæc separantur à Diagnosticis? In Aberrationibus postpositis Capiti 2. lib. 4. Institution. Paragrapho 6. idem Hofmannus in Fuchsum clamans, inquit: Primus Fuchlij

*Hofmannus
anamnisti-
ca repu-
diat.*

Fuchſij lapſus eſt, f. 445. quod Signa Neutra admittit. Alter eſt, quod τοῖς ἀναμνηστικοῖς locum tribuit, cum ſi omninò recipienda ſunt, pertineant ad naturalia. In Aberrationibus tamen Capitis 1. citati Liddelium reprehendit, quòd triplicia Signa propoſuerit, Anamniſticorum tamen ampliùs non meminerit.

*Erroris
convincitur
Hofmannus.*

Verùm Hofmannus aberrationes alijs adſcribens, longè aberrat & ipſe. Primò quòd Fuchſium, Galeno, & toti Scholæ Medicæ adhærentem, Anamniſtica admittendò, reprehendat. Secundò, quòd Anamniſtica à Diagnosticis non diſtingui aſſerat, cum præterita à præſentibus non parum diſtent. Tertiò, quòd aſſimet, Anamniſtica, ſi admittenda ſunt, ad Naturalia pertinere, cum tamen antea ea à Diagnosticis non diſtingui docuerit. Diagnostica, ſi non magis, ſaltem æquè, inſalubria, ac Salubria Signa comprehendunt. Quartò, quoniam Liddelium negligentia arguit, dum Anamniſticorum non ampliùs meminerit, quæ tamen Hofmannus plenè repudiat. Liddeliuſ verò omiſſionis rationem reddit, quòd Anamniſticorum in Medicina uſus, non ſit maximus, uti Prognosticorum, & Diagnosticorum. Videtur ergo Hofmannus garritu plurimùm recreari, dum pleroſq; Medicos aberrare putauerit.

*Perdulcis
perſtringitur.*

Bartholomæus Perdulcis lib. 3. ſui Operis Medici, videtur reſtringere Signa Anamniſtica ad præterita Inſalubria tantum; cum tamen Galenus libro de Arte Medica cap. 7. Præterita, Salutaria etiam dici poſſe, aſſeueret. Vnde Libro Definition. Medic. Signum Anamniſticon hac ſerie deſcribitur. Suggestens memoria Signum eſt, ut aiunt Empirici, res, quæ apparet, atq; ex antegreſſa obſervatione innotelcit utilis rei, quæ cognoscitur, ad memoriam reuocandæ.

Signa diagnostic.

Anamniſticis, ſiue commemoratiuis, ſiue præteritis, iam expoſitis, ad præſentia Signa, Græcis διαγνωστικά, & fortalliſ δηλωτικά, ideſt, Demonstratiua præſentis ſtatus corporis humani ſani vel ægri, accedendum. Et quoniam iuxta Galeni doctrinam, Salubria, Inſalubria, & Neutra, præſentia dici poſſunt, & Salubria non ſolùm dicantur Signa ſalutaria in morbis apparentia, verum etiam Signa Sanitatis præſentis, Præſens Signum ritè in Salubre, & Inſalubre diſtinguetur. His. a. cognitis, Neutrum Signum non diſſiciliter percipietur. Signa Salubria Naturalia Medica ſunt illa,

*Signorum
latitudo.*

quæ

quæ naturalem Corporis statum produnt. Naturalis huius status integritas in tribus consistit, temperamento partium similarium, partium dissimilarium integritate (quæ in bona conformatione, debita quantitate, numero, & situ, ac nexu, sita est) & partium similarium, ac dissimilarium, debita vnione. Ex ijs, quæ in nostra Pathologia de morbis Partium dissimilarium, eorundemq; morborum causis docuimus, facillè erit, constitutionem naturalem, & præter naturam, partium dissimilarium dignoscere. Vnio autem partium dissimilarium inter se, & vnio pariter similarium, aperiienti oculos cognitu non erit difficilis. Supererunt ergo exponenda Signa temperamentorum, tam totius, quàm partium; quoniam hæc nonnisi doctis innotescunt. Nos de Temperamentorum Signis, deque Partium, & totius Corporis temperamentis in nostra Physiologia, fusè loquuti sumus; quædam tamen non ita exactè à nobis inuestigata, cum Galeno libro de Arte Medicinali, paulò post exponemus. Signa hæc naturalem corporis constitutionem prodentia, Naturalia communiter dicuntur. Hofmannus auctoritate Galeni comment. 1. Prognostic. in expositione textûs 27. ductus, putat, Signa hæc naturalia συμβεβηκότα, rectè dici, quoniam Signa, quæ non accidunt, quæq; præter naturam, siue Insalubria sunt, à Medicis recentioribus, vt loquitur Galenus, ἀπὸ συμβεβηκότα, idest, non accidentia, nominantur. Verùm rectius & significantius ab omnibus naturalia, quàm accidentia, dicuntur omnia Signa naturalem constitutionem indicantia: nam res etiam præter naturam accidentia sunt, & præsertim morbus, ac Insalubria Signa.

Naturalis status integritas.

Hofmannus perstringitur.

Quoad Signa, quæ ægritudines detegunt, Diagnostica communiter nuncupantur, licet, si vim nominis spectemus, Signa Salubria, Diagnostica pariter dici mereantur. Γνώσις, autem, idem est accognitio: γῶσις, cognitor: διαγῶσις, dignotio, diiudicatio: διαγῶσις, diiudicator, seu ille, qui dignoscit: διαγῶσκα, dignosco, diiudico. Hinc efficitur, Signa Diagnostica, siue Diagnostica, comprehendere Signa quæuis, siue Salubria, siue Insalubria, siue Neutra, dummodò rem latentem, siue incognitam, nobis patefaciât. Caterùm Signa Diagnostica, res præter naturam, & præsertim morbum, detegentia, Pathognomonica dicuntur; quia præsentem corporis statum nobis declarant. Pathognomonicum Signum

Signorum diagnosticorum latitudo.

*Pathogno-
monicum
Signū quid.*

gnum, ex libro Definition. Medicarum, id est, ex quo affectus dignoscitur. Et ibidem hæc habentur: Præsentium præsentia Signa sunt Pathognomonica omnia, idest, affectuum indicatiua: hæc enim cum fiunt, atq; adsunt, adsunt perinde, & affectus: cum cessant, morbi quoq; soluuntur. Præsentia præteritorum sunt Signa, vt facti prius vlceris, cicatrix. Præsentia futurorum, vt cadauerosa facies, mortis. Παθoγνομoνικoι, vox est composita ex παθoς, idest passio, & γνομoνικωv, idest indicans, aut statuens. Nam γνομoνικωv, οιοο, idem est ac cognitor, seu cognitrix, aut index. Vnde Pathognomonicum Signum idem erit, ac Signum indicans passionem, siue affectionem, affectumue præter naturam; quem affectum, triplicem cum Galeno, & vniuersa Schola Medica, in nostra Pathologia statuimus: morbum nempe, morbi causam, & symptoma. Non ob hanc doctrinam dico, symptomata Signis ad sui dignotionem egere; quia instar Signorum vt plurimum se habent; sed vt omnia à quibus corpus patitur, cuius innotescant. Certum

*Plura sym-
ptomata si-
gnis egent,
vt digno-
scantur.*

tamen est, quædam symptomata, præsertim ea quæ vim causæ obtinent; Signis ad sui dignotionem non rarò egere. Coctio autem, quæ est facultatis concoctricis actio, non rarò læditur, læsio tamen, non nisi mediante Signis cruditis, in excretis apparentibus, vel alia via, dignoscitur.

*Occurritur
quorūdam
errori.*

Vocem, Pathognomonicon, exactè exponere volui, vt meus Lector sibi à quibusdam caueat Interpretibus: Nam nonnulli Diagnosticon, διαγνoνικoι, & Pathognomonicon, confundunt, & hæc tria idem significare contendunt. Aberrant tamen; quoniam Diagnosticon Signa salubria, æquè ac Insalubria, & neutra, dummodò præsentem corporis constitutionē, dispositionemue prodat, cōplectitur, vti paulò ante comprehensum est: διαγνoνικωv vero idem est, ac demonstratiuum, declaratiuum, manifestatiuum, indicatiuum. δηλωωv autem idem est, ac manifestus, perspicuus: δηλωω, manifesto, declaro. Itaq; quoduis Signum, siue Medicum, siue alterum, Diloticon dici potest: & in re Medica, Signa Salubria, insalubria, & neutra comprehendit. Ac oq; dilotica, & diagnostica, in rigore sumpta, fortassis coincident. Nam Diagnostica latè sumpta, non solum Medicis, sed alijs quibuscumque Signis, quibus rem aliquam dignoscimus, congruunt.

*Dilotica
& diagno-
stica com-
cidunt.
Diagnosti-
corum di-
uisio.*

Licet Signa Diagnostica insalubria, Pathognomonica multis

Me-

dicis absolute nominentur, ab alijs tamen in Pathognomonica, & *συνεδρευοντα*, Synedreuonta (alij pronunciant, Synedrefonda) *Synedre- nonda.* dirimuntur. Pathognomonici Signi communem naturam exposui: Synedreuonta Signa ab omnibus passim Affidentia appellantur, quasi diceret, adfidentia, idest fidentia ad Signa ordinaria cuiusvis affectus morborum, vel præter naturam, actionem lædentes. Conuenientius tamen, meo iudicio, Signa *συνεδρευοντα* dicta, cōfidentia, quasi cōfidentia, dicuntur. Nam *σύν* (Atticè *ξύν*) Latine dicitur, cum, vnà cum, simul cum: *Εδρεύω* autem, Sedeo, Sedem habeo. Et *συνεδρεύω*, confideo. *Συνεδρία*, confessus. Vnde hæc Signa cum Signis affectuum fidentia, meritò confidentia, vel confidentia, dicuntur. Horum confidentium Signorum quædam morbum statim à principio concomitantur, quædam posterius superueniunt: hæc *ἐπιγενόμενα*, & *επιφανόμενα*, nuncupantur. *Επιγενόμενα*, supernata, aut superuenientia, aut adnata, aut aduenientia dicuntur. *Επιγενόμενα*, idem est ac supernascer, seu postnascer. Vnde *ἐπιγενόμενα* dicuntur Postei i apud Isoncratem. Idem verbum apud Theophrastum idem est, ac adnascer. Apud Thucid. succedo, subsequor, sequor, superuenio. Item exorior, existo, aduenio, accedo. Epiphænomena verò sunt ea, quæ superapparent, aut superuidentur: quasi de nouo apparentia. *Φαίνω* enim idem est, ac in lucem edo: item ostendo. Itaq; Signa epigenomena, & Signa epiphænomena, dici merentur illa omnia, quæ Signis Pathognomonicis accedunt, aut morbo in suo esse constituto præter consuetudinem superueniunt. Pathognomonicum verò Signum est id, quo morbus, aliæque res præter naturam, primariò dignoscuntur.

Confidentium signorum diuisio. Epigenomena signa.

Epiphænomena.

Pathognomonicum affidentium.

Rem exemplis clariorem faciamus: Pleuritis est morbus, isq; inflammatio membranæ succingentis costas. Cuius quinque sunt signa Pathognomonica, quibus dignoscitur: cuiusmodi sunt, febris acuta, respirandi difficultas, tussis, dolor punctorius lateris inflammatione affecti, & pulsus durus ac ferratilis, siue ad modum feræ, pulpas digitorum Medici arteriam tangentis feriens. Hæc autem Signa sola & simul sumpta, & instar vnius signi, sed complexi, Pleuritidis naturam necessariò comitantur. Quandoq; statim à principio pleuritidis æquè ac Pathognomonica Signa, dolor in eadem Pleuritide ad clauum siue clauiculam peruenit,

Pleuritis quid. Eius Signa Pathognomonica.

Signum confidens in pleuritide.

aliàs ad hypochondrium descendit : & huiusmodi Signum affi-
dens, siue confidens, dicitur, sicuti tolerantia decubitus in latus
dolens : Nam non semper, aut necessariò, hæc Signa Pleuritidi

*Affidètia,
& Signifi-
cativa siue
Pathogno-
monica di-
stinguit
Galen.*

sunt annexa. Galenus lib. 1. Aphorism. comment. 12. rem hanc
planè sic exponit: Vt autem Sermo, quem nuper diuidendo pro-
posui, perfectus habeatur; quomodo à dictis differant, & quæ
passionis significatiua, & quæ assidentia dicuntur Signa, hinc vo-
lo transigere, vnâ in medium adducēs pro exemplo passionem,
hanc ipsam videlicet, quam Hippocrates nominauit. In morbo
igitur laterali, acuta quidem febris vnâ cum spirandi difficultate,
& tussi, & dolore lateris pungente, Signa passionis (idest Pleuriti-
dis) significatiua nominâtur. Quòd autē dolor aut ad hypochon-
drium, aut ad clauem perueniat, assidentia dicuntur: sicuti quod
faciliùs ad latus patiens, quàm in alterum, decumbat ager, ad
idem genus assidentium attinet. Scripsit autem & Praxagoras, Ni-
candri filius, duo volumina de Assidentibus Signis: de ijs autem,
quæ superueniunt, alium, ac si de mox apparentibus scriberetur.
Hæc igitur mox apparentia, inquit Hippocrates, & bonam mor-
bi iudicationem; & malam: morbumq; vel longum, vel breuem
futurum ostendere.

*Affidètia
& mox ap-
parentia,
siue Epi-
phenome-
na. distin-
xerūt An-
tiqui.*

*Pulsus du-
rus est pleu-
ritidis si-
gnum, su-
perius omis-
sum à Gal.*

Galenus quatuor tantùm Pleuritidis Signa in contextu propo-
suit, quintum omittens, pulsum videlicet durum, cuius sapiùs ali-
bi meminit: & patenter quidem lib. 5. de locis affect. cap. 3. Sa-
nè, inquit, quæ in succingente costas membrana, ac musculis illa
continuis (Continuum hic pro contiguo accipit Galenus, veluti
Aristoteles lib. 1. meteoror. dum ait, necessum esse corpora infe-
riora superioribus esse continua. Ex quibus inferri potest Galenū
voluisse vnionē continui dissimilariibus partibus conuenire; Adeo-
que continuitatem, pro contiguitate aliquando accipi) fiunt in-
flammationes, morbum, quem lateralem vocant, efficere solent.
Huius accidentia inseparabilia sunt, febris acuta, dolor perinde,
ac si locus vel intendatur vel pungatur: spiratio frequens, & exi-
gua: pulsus paruus, arteriam & duram, & quodammodo tensam
indicans: tussis maxima ex parte cum sputis coloratis, nonnunquā
verò sine his, has incoctas pleuritides nominant; quæ vel celeriter
hominem rapiunt, vel longo temporis spatio finiuntur. Ac dolor
plerumq; ad iugulum, vel ad præcordia peruenire videtur. Hæc

*Incocta
pleuritidis.*

etiam,

etiā, vt videtis, meminit Galenus Signi affidentis, & plerumq;
in Pleuritide apparentis.

Caterū hęc affidentia, inter Signa pathognomonica locum
habere, negant plerique Medici. Galenus verumtamen libro 3.
Epidem. Comment. textūs 34. nonnullorum controuersias hęc
de re proponit. Hippocratis contextus sic se habet: Febrium ar-
dentium, quę vigeant, hęc erat natura. Initio Comatosi erant,
Fastidiosi, inhorrescebantque; Febbris non acuta, neque magno-
perē erant sitibundi. Hic textus in tantam admirationem plures
Medicos excitauit, vt Pathognomonica signa non esse Pathogno-
monica, censerent. Ratio ipsorum ex contextu desumitur. Hip-
pocrates autem ait, in illa constitutione Austrina hos qui ardente
febre corripiebantur, statim à principio fuisse comatosos. Fastidio-
si pariter erant: horridi, febre non acuta laborabant: non valde si-
ticulosi, non deliri. Ratio, inquam, admirationis Medicorum
ex contextu Hippocratis desumpta, est. Nam febris ardentis pe-
culiaria, & Pathognomonica Signa, sunt assidua sitis, & deurens
calor. Hippocrates tamen retulit, quod febricitantes illi non erant
magnoperē sitibundi. Quod deniq; calor febrilis non deurebat,
patet ex eodem Hippocrate, qui monuit in contextu, febrem illam
ardentem non fuisse acutam, sed somnolentam, & delirio caren-
tem: cum tamen febris ardens, acuta necessariò esse debeat, & cum
vigilijs potiùs, quàm somno, & cū delirio frequentius, quàm cum
mentis cōstātia. Multi ergo Medici, ob hęc, alia Signa Pathogno-
monica febris ardentis expiscabātur, recurrentes ad fastidiū sem-
per annexū ardēti febri, & ad excremēta biliosa, & colliquationes.
Sed Galenus hos refutans, ait, fastidiū etsi persapē ardentibus
febris sit annexum, non esse tamen perpetuum, & inseparabile
Signum. Pariter loquendo de biliosis excrementis, monet hęc non
esse Pathognomonicum Signum febris ardentis. Neq; enim, inquit,
mera in solis ardentibus febribus biliosa alui reddunt: neq; his so-
lis syntexis, .i. colliquatio, accidit: Verū sunt hęc quidem sym-
ptomata maligna, & exurentium febrium: qui tamen ista excer-
nunt, multi modicē sitiunt, & calores febris ferunt. Verū in prę-
senti statu (inquit idem Galenus) ne tales quidem erant deiectione-
nes: Nam aluus (vt loquitur Hippocrates sequenti tex. 46.) his ple-
risq; turbata erat, atq; deiectiones crudas excernebant, & multas,

*Signa Pa-
thogmono-
nica febris
ardentis.*

*Fastidium
febris ardē-
ti annexū.*

*Cuidā dif-
ficultati
occurrit
Galenus.*

*Excremē-
ta biliosa
& colliqua-
tio in ar-
dentibus
sunt signa
maligna.*

& tenues. Videtur ergo Hippocrates febrem ardentem assiduitate cognoscere sitis, calorisque; exurentis: sicut Phrenitiam perpetuò delirio. Sic enim quamuis non perinde sitiant ægri, neque valdè

Duo Signa ardentis febris.

Ardens febris remissa; altera ardens intense.

exurantur, per totum autem morbum dicta duo sint symptomata, febris ardens esse dicitur morbus: existetque; alia febris hac calidior, ut & corpus fundat, reddatque; deiectiones biliosas, & colliquatiuas. Sed non appellabitur febris ardens, nisi adiuncta perpetuò habeat per totum morbum paulò ante commemorata duo, irrequietam sitim, quantumlibet biberint; ac inuicundum, & ardentem, fastidiosumque calorem. Proinde adest ferè illis intensissima sitis, & febris feruidissima. At rarò, uti nunc, cum febris non esset planè acuta, etiam non perinde ægri erant sitibundi: quæ ob id ipsum signauit, sicut etiam hoc, nullo pacto fuisse deliroseos; quoniam hoc etiam ardentibus febribus accidit.

Fastidiosus calor est qui in quietum reddit ægrum.

Pathognomonica & assidentia distinguuntur.

His Galenus concludit, speciem affectus manere non posse. Signis Pathognomonicis remotis: paulò enim ante ait: Quorum (i. Signorum) separari illa (idest Pathognomonica) non possunt, & affectus (ut ita dicam) constituunt essentiam: Assidentia verò ex ijs sunt, quæ sæpè illis accidunt. In febre ergo illa ardente ab Hippocrate descripta Signa aderant Pathognomonica, Sitis, & calor molestus; licèt non adeò tunc urgebant hæc Signa, sicuti in ar-

Galenus Hippocratem exponit.

dentioribus febribus; quamquam febris illa ardens esset, non fuit tamen valdè acuta. Sunt qui particulam, non, à dicto textu separabant, & legebant (Febris acuta); quia impossibile iudicabant, febrem acutam ab ardente separari; cum ardens acuta sit. Quamquam probabilem reputet Galenus utramque lectionem, illam tamen, quæ cum negatione habetur, magis probare videtur. Et summa quidem cum ratione; quoniam si febris illa fuisset valdè acuta, pariter & valdè ardens extitisset; adeoque sitis inexplibilis semper vexasset, vnà cum ardore intensissimo. Si cui tamen placet Lectio sine negatione, siue particula, non, per me quidem licet: & sensum inde bonum exprimi puto. Nam dicatur febris illa ardens acuta, fortassis rectè. Et licèt febris ardentis Signa pathognomonica, sint sitis intensissima, & inuicundus, ardens, fastidiosusque; calor, hæc tamen propter somnolentiam, & humorum fusionem non ita vrisse videbantur; & præsertim in febris principio, de quo, non de alijs temporibus, loquutus est in citato textu

Hip.

Hippocrates. Vnde postquam in contextu Galenus æstuarè, & perpetuò sitire, ijs, qui ardenti febre infestantur, peculiaria esse docuit, inquit: Nullumque propè dixeris eximium esse aliud febrium ardentium insigne, verùm abundè hisce duobus affirmaveris compleri, sitim assiduam, atq; exurentem calorem ægris sentientibus. Verum hic status cùm caput multa humiditate imple-ret, comatosum, aut omnibus, aut plerisque, vtruncq; laborarent, symptoma attulit sub morbi inuasionem, vbi prauis humores non-dum eò deuenerant acedinis, vt vigilias vehementes, deliria, phrenitimaq; concitare possent. Ac coma perrarò febribus ardenti-bus est adiunctum, fastidium persæpè: non est perpetuum tamen, vt prædicta duo, assidua sitis, & deurens calor. Horrent verò, qui febre ardente tenentur, rarò.

*Duo sola
sunt febres
ardentis
signa.*

*Coma ar-
dentibus ra-
rò superue-
nit.*

His visus est Galenus causam somnolentiæ siue soporis, siue Comatis, febrem illam ardentem ab initio concomitantis, expo-nere: veluti causam absentia maximæ sitis, & horroris. Febrici-tantes ergo comatosi erant duplici de causa: & quia humores in cerebro fundebantur ob Austrinam temporis constitutionem, quæ capitis grauitatem, adeoq; somnolentiam peperit: & quia tempus ex sua natura humidum erat; vt ex Hippocratis præcedenti textu 33. constat: Quin, inquit, febres etiam ardentes, & Phrenitis, an-te ver cæperunt post illa frigora, quæ præcesserant: ac plurimi tum

*Febrici-
tantes cur
comatosi.*

diu agrotabant: acuta autem his, & lethalia contingere. His. a. naturam temporis, quo febres illæ exortæ sunt, nobis significauit Hippocrates: quod tempus finis fuit hyemis, & veluti veris præ-ludium. Humores. a. putridi, quos pridem, vt æstate, vel autu-mno præcedenti, aëris temperamentum pepererat, à frigore in extrema præsertim hyeme, in altum, siue in intimiora corporis impulsæ sunt, qui concitaturi erant morbos. Sacro Igni assimiles, vt in comment. loquitur Galenus: Ab Austrina rursus constitutio-ne humores præfati fusi sunt, & commoti. Pluuiæ deniq; humores superfluos, & fluxiones auxere. Fluxio humorum à Capite ad ha-bitum corporis, inordinatum quendam horrorem parere potuit, sicuti & humor ab intimis partibus corporis ad superficiem expul-sus. Non mirum ergo, si non valdè sitiiebant ægri; tàmetsi non delirarent. Non dubitauit Hippocrates, sitim non vrgerè in deli-rantibus, qui mente capti potius obliuiscuntur. Fastidiosas fuisse

*Tempus
quo grassa-
ri cæperunt
febres illæ
ardentes.
Vigenti
frigore ad
intimiora
corporis hu-
mores im-
pelluntur.
Humores
à capite
fluètes, non
secus ac il-
li qui à cæ-
tro corporis
ad superfi-
ciem detur-
bantur, hor-
rorem pro-
creant.*

dictas febres docuit Hippocrat. propter malignam quandam in humoribus excitatam putredinem.

Concludendum ergo, pathognomonica Signa dictę febris fuisse, sitim, & æstum: Fastidium verò, Signum assidens. Coma verò, etsi assidens dici mereatur, cum statim à principio morbi ægros corripere; quia tamen rarò ardentibus superuenit, Epiphænomenon rectius dicetur. Erat autem pessimum Signum, nimiam humiditatem indicans, vel certè naturę corruptionem.

Licet Epigenomena, & Epiphænomena Signa, assidentia, ut diximus, appellari possent, videntur tamen apud antiquos aliquam habuisse inter se distinctionem, ut satis liquet ex comment. Galeni iam translato, tex. 34. lib. 3. Epidem. & comment. 12. lib. 1.

Aphorism. in quorum illo assidentia Signa definit esse illa, quę sæpè morbis accidunt; biliosas verò deiectiones, & colliquationes febribus ardentibus superuenientes, maligna febrium adurentium symptomata appellat; & cum rarò contingant, ea ab assidentibus distinguere videtur. Quemadmodum in hoc, idest comment. illo aphor. 12. libri 1. dum à Praxagora duos libros de assidentibus scriptos refert, veluti vnum de superuenientibus, siue mox apparentibus, tanquàm distinctis ab assidentibus. Vnde Pathognomonica dicuntur ea, quę morbi essentiam potissimum produnt, adeoque τὰ ἐμφανῆ dici merentur: Assidentia quę sæpè morbum comitantur; aut superueniunt, sed non necessariò, quia à morbi essentia non emanant: Vnde non ad morbi naturam venandam ijs egemus, sed ut aliquam morbi conditionem, ut magnitudinem, aut motum, aut curandi modum sciamus. Dolor v. g. statim ad iugulum vergens Pleuritidis magnitudinem, & malum morem significat, & curationem per venę Sectionem indicat: Dolor verò Pleuriticus ad hypochondria extensus, purgationem, teste Hippocrate, mox exoptulat. Fastidium pariter, siue inquietudo, & anxietas in ardenti febre, malum morbi morem subindicat, & refrigerantia, ac putredinē coercētia requirit. Epiphænomena vocāt illa Signa superuenientia, quę morbi motum, celerem nimirum, aut tardum, significant: veluti, & illa quę morbi morem, aut futurum euentum ostendunt: Morbi mos est, ut sit benignus, aut malignus: benignitas consistit in facili tolerantia, quoties apparent Signa coctionis, & in symptomatum omnium remissione. Hęc eadem salutem futuram

Pathognomonica
quę.

Assidentia
quę.

Quid assidentia
dicant.
Nota.

Fastidium
quid indicat.

Epiphænomena.

Benignitas
morbis, in
quo sita.

ram portendunt: E contra malignitatem morbi significant, difficilis tolerantia, sæuâ symptomata, eaq; superuenientia; vt si Phrenitis, alui profluuium, & vigilia, Pleuritico contingerent. Placet quibusdam maligna hæc, & pleraq; alia consimilis naturæ, Epigenomena nuncupare. Verum, vt sæpius innui, Epigenomena, & Epiphænomena, eandem sortiuntur Significationem. Et pleraq; Signa à Pathognomonice distincta, rectè Syndreuonta, siue assidentia, siue confidentia, nominari possunt.

Tertium modò Signorum genus, quod Προγνωστικόν appellatur, exponere par est. Προγνωσις autem idem est ac Prænotio, siue

Prognosis quid.

Præcognitio, siue Præsensio, rerum futurarum, ex præsentibus tantum Signis eruta. Vnde Signa prognostica censentur cuncta illa,

quæ futurum euentum nobis præmonstrant. Et huiusmodi sunt

Syndreuonta, siue assidentia Signa, in lata accepta Significatione,

Signa prognostica.

quatenus nimirum omnia Signa, præter Pathognomonica,

complectuntur, vt assidentia strictè sumpta, Epigenomena, & Epiphænomena.

Hæc doctrina non est à Galeno remota, qui assidentia

Signa ad prædicendum idonea fore docuit lib. 1. de Crisib.

cap. 7. inquit: Quæ verò acutis assident ægritudinibus in Pro-

gnosticis (scripsit Hippocrates): quoniam hic liber (vt iam sæpius

ostendimus) de solis est morbis acutis. Licet superuenientia Signa,

ad prædicendum, primum obtineant locum, Pathognomonica,

tamen non omninò inutilia prædictioni videntur, docente Galeno

Comment. 2. in librum Hippocratis, de Humorib. tex. 1. ubi ait:

Non omnes tamen, qui explanationes conscribunt, nōrunt Signa

alia esse morbi propria, quæ quia affectum indicant, idèò τὰ ἀπο-

γνωστικὰ nominantur, & ad præfagiendum accommodata: alia

verò inseparabilia. Rectè sanè Pathognomonica, siue propria

morborum Signa ad præfagiendum aliquid conferre docuit Ga-

lenus; quia, tametsi Prognosis, vt plurimùm ab assidentibus, siue

confidentibus, & separabilibus Signis desumenda sit, pathogno-

monica tamen morbi essentiam detegentia, vim habent non exi-

guam futurum morbi euentum præmonstrandi. Nam morbi cu-

iusuis natura præcognita, Medicus lethalem, vel salubrem, vel

ambiguum, talem pronuntiabit morbum. Exemplis rem sic acci-

pitate. Apoplexia duo habet Pathognomonica Signa, priuationem

videlicet motûs, simulque priuationem sensus: quocirca per hæc

sym-

Superuenientia Signa ad prædicendum maxime conferunt.

Pathognomonica ad prædicendum non inutilia.

Quidam morbi ex sua natura lethales, quidam ex se minime lethales.

symptomata definiri solet, vt dicatur priuatio sensûs & motûs in vniuerso corpore. Huius itaque, æq; ac consimilium affectuum, idæa iam comprehensa, fas erit vitæ discrimen pronunciare. Ex aduerso, quoties proprijs Signis febris purè tertiana, aut purè Ephemera percipitur, salutarem euentum pronuntiabit intrepide Medicus, dummodò non commiserit idem Medicus in medendo errorem, aut æger, aut Astantes: Quibus adde requisitorum defectum. Nam Medici error, veluti ægri, aut Absidentium, aut omnium simul, vel rei necessariæ defectus; morbum ex sua natura benignum, in grauem malignumue, commutabit, aut commutationis prauæ causa, procul dubiò, censi debet.

Quòd præterea præsentia Signa, etiam Pathognomonica, vim habeant præmonstrandi futurum euentum, patet ex Galeno lib. 1. de Præfagitione ex Pulsib. cap. 1. dum inquit: Non esse futurorum tantum præscientiam, sed præsentium etiam, atq; præteritorum, satis id olim demonstraui Hippocrates. Hic Galenus luculenter docet, Hippocratem voluisse, non solum futura, sed præsentia, & præterita prædici posse; adeoq; rerum præteritarum, atq; præsentium diuinationem quandam esse: & quidem mediantibus præsentibus Signis; siue hæc Synedreuq;ta fuerint, siue Pathognomonica. Hippocratis doctrina à Galeno citata habetur Libro Prognosticorum statim post prima verba: Præsentens enim, inquit, & prædicens coram ægris præsentia, præterita, & futura, quæque infirmi omittunt, enarrans, creditur agnoscere magis agrorum res. Ex his Hippocratis verbis liquet, Prognosin, siue prædictionem versari circa præsentia, præterita, & futura. Quæ omnia fieri nequeunt nisi mediantibus Signis quibuscumque. Vnde efficitur Pathognomonica non ad præsentium affectuum cognitionem tantummodò conferre, sed insuper ad futuri euentûs morbi præcognitionem.

*Datur
prædictio
præsentium,
& præteri-
torum.*

*Prognosis
latitudo:
estque ve-
luti diui-
natio.*

*Signa pro-
gnostica
triplicia.*

Signa Prognostica in triplici sunt differentia, teste Galeno lib. 1. de Crisib. cap. 14. Libro 1. Aphor. comment. 12. & comment. 2. in librum de humorib. tex. 1. Loco citato de Crisibus ea sic exponit: Triplex quidem Signorum omnium natura qualis sit, mihi antea dictum est: sed nihil deterius est nunc repetere, quod nonnulla quidem cruditis & coctionis, quædam mortis & Salutis sunt signa: hæc quidem duo sunt genera: Tertium autem, & aliud

genus est, quod Crisibus adiacet. Coctionis igitur, & cruditatis Signa, alui excrementa, & sputamina, & urinas statuere oportet: Mortem autem, atq; salutem portendentia sunt, quæ vnà cū istis excernuntur, & quæ per totum apparent corpus. De quibus latius in Libro Prognosticorum Hippocrates scribit. Sanè ad Crises aliquid quidem valent, & nonnulla ex his. Commentario cit. in librum de Humorib. eandem doctrinam hac serie scripsit: Verùm illud indagemus, Salusne, an Mors ægri expectanda sit: tum omnia, & signa, & symptomata, quæ in corpore apparent, necesse est diligenter perpendere. Sunt etiam concoctionis, & cruditatis Signa; sicut quædam salutis, aut mortis: quædam iudicationis. Ac concoctionis quidem, cruditatisq; Signa sunt, alui excrementa, sputa, & urinae. Salutis ac mortis sunt, quæ cum illis excernuntur, & in toto apparent corpore. Iudicationum verò non est vnum proprium, præcipuumq; genus Signorum: sed alio in tempore, & in alio morbo, erunt Critica Signa; in alio verò affectu, aut alio morbi tempore, erunt, vel symptomata, vel praua Signa, ac nullo modo critica. Quocirca Hippocrates in secundo de vulgari-
Coctionis & cruditatis Signa.
Signa salutis & mortis.
Signa critica.
Decretoria non decernentia partim mortalia, partim difficulter iudicant.
Signa coctionis semper bona, cruditatis mala.

Hi Galeni contextus egent expositione. Vult enim, vt diximus, Signa Prognostica in morbis esse triplicia: quædam coctionis & cruditatis; quædam salutis aut mortis: quædam verò critica siue iudicatoria, siue decretoria dicta. Signa coctionis & cruditatis tria esse statuit, excrementa quæ ex aluo per podicem protruduntur; Urinas, & sputa. De his hoc modo loquitur lib. 1. de Crisibus cap. 7. Hæc igitur tria Signorum genera propriam cuiusq; membri coctionem significant: inferioris quidem ventris excrementa, quæ secundum naturam se habuerint: venosi verò generis, urinae: instrumentorum autem duntaxat, quibus spiramus, sputamina. Sicuti .v. hæc, locorum ipsorum ex quibus excernuntur, indicia præbent, eodem, vt arbitror, modo, & urinae renum, & meatuum per quos urina defluit, & vesicæ, & penis. Quibusdam interpositis eandem doctrinam iterum Galenus repetit: Hæc igitur, inquit, tria Signorum genera, vt dixi, singula quæque coctionis præbent indicium: urinae quidem, eius, quæ fit in venis:
Quodlibet excrementum statum coctionis quæ fit in loco è quo deponitur significat.

*Nota.**Signa coctionis semper bona.**Nihil certi ex solis signis cruditatis pradicatur.**Signa salutis.**Signa mortis.**E quibus Signa mortis evauntur.*

deiectiones autem, eius, quæ in ventre: sputamina verò, eius, quæ in spirandi instrumentis. Si hæc omnia, deiectiones videlicet siue faces, urinæ, & sputamina, cocta apparuerint, & alia adfuerint, Signa bona, benè de agri salute sperandum: si verò cruda fuerint, non adeò sperandum. Signa coctionis & cruditatis tractatu de vrinis, & de facibus, ac sputis, à nobis integrè expendentur. Modò dicere sat est, Signa coctionis semper esse bona; ut quæ morbi solutionem haud ita multò post futuram ostendant, ut loquitur in commentario aphor. 12. lib. 1. Galenus: Signa verò cruditatis, malum, aut dubium euentum prænotare. Galenus lib. 1. aphorif. 12. iam citato, de Signis cruditatis sic loquitur: At verò Signa cruditatis diutinum quidem ex necessitate morbum significant: sed quantum in ipsis est, ne moriturum, neq; euasurum è morbo hominem ostendunt: Tibi verò prius agroti vires expendenti etiam ex his licet præcognoscere.

Secundum genus Signorum Prognosticorum, salutis & mortis Signa comprehendit. Signa salutaria, eaq; semper optima in morbis sunt, robor omnium virium, coctio excrementorum, & mente constare, ac benè se habere ad oblata: siue benè appetere alimenta & potulenta, quæ debitis temporibus, & mensurâ, offeruntur: his addere licet viuudum floridumue corporis colorem, cæteraq; cuncta, quæ in statu sano apparuere. Signa insalubria, aut mortem præmonstrantia, ex varijs desumuntur capitibus: ut à virium prostratione, immodica corporis extenuatione, viuidi coloris extinctione, & ab ijs quæ extra corpus excernuntur: quæ omnia Galenus paucis complexus est Comment. 2. cit. in librum de Humoribus, dum inquit: Ac concoctionis quidem, cruditatisq; Signa sunt alui excrementa, sputa, & urinæ: Salutis, ac mortis sunt, quæ cum illis excernuntur, & in toto apparent corpore. Rectè fanè & ab his quæ in toto corpore apparent, & quæ cum excrementis excernuntur, Signa salutis & Mortis, deprehendi dixit: nam si actiones facultatum omnium, & habitus corporis commodè se habeât, sique excrementa cocta fuerint, salutis certa sunt præludia: ex aduerso, si, præter virium infirmitatem, aliquid cum excrementis excernitur omninò præter naturam, mali erit omnis. Exemplo rem declarat Galenus lib. 1. cit. aphor. 12. sputum in Pleuritide proponens. De morbo ergo laterali, siue Pleuritide,

dis-

differens sequentia profert : Tum crudissimus morbus (idest Pleu-
 ritis) est, in quo nihil omninò expuitur : secundum ordinem obti-
 net ille, in quo sanies tenues : tertium, in quo crassiores : & quar-
 tum in quo perfectam habent coctionē. Verùm si hæ circa tertium
 vel quartum diem apparuerint, non contingit morbum transcen-
 dere septimum diem. In alijs verò singulis necesse est, vt pro co-
 ctionis modo mensura temporis consequatur. Sicuti igitur sputum
 perfectæ coctionis Signum est, quando album fuerit, & lene, &
 æquale consistentia, neq; nimis humidum, neque nimis crassum :
 eodem modo integram cruditatem ostendit, quod nullo modo
 expuitur. Quod si expuatur quidem, sed tamen adhuc tenue sit,
 debilis coctionis est Signum. Quod si impermixtum fuerit, vel
 flauum, vel rufum, haudquaquam. Quod si liuidum fuerit, aut
 ærugini simile, aut nigrum, perniciosissimum existit.

Dilucidè naturam cruditatis exposuit Galenus in hoc contex-
 tu. Pariter malorum Signorum, imò & lethaliū exempla quæ-
 dam proposuit, naturam tradens eorum, quæ cum excrementis
 excernuntur. Quemadmodum ergo meraca excrementa Hippo-
 crates ipse in Prognosticis, Aphorismis, alijsq; in locis, perniciofa
 appellat, ita Galenus translato iam contextu liuidum colorem
 in sputo damnat; nigrum similiter, & flauum, rufumque, qui-
 bus addimus viridem. Nec solum in sputis, sed in excremen-
 tis per intestina euacuatis, ijsque quæ per vias vrinæ excernun-
 tur, cuncta hæc damnanda veniunt; quoniam præfati colores
 longè à naturalibus excrementorum coloribus recedunt: imò
 substantia ipsa coloribus dictis tincta, à causis præter naturam
 potentissimis nascitur; adeoque res erit, vt plurimum, toto
 genere præter naturam, perniciosissimumque vbiuis indicium.
 Dum enim Galenus Signa salutis aut mortis ab ijs, quæ cum
 excrementis excernuntur, desumenda docet; non intelligit
 aliud cum excrementis coctis excerni, vt inde salus prædicetur,
 præter Signa ipsa Coctionis. Verùm Signa lethalia, quæ ab excre-
 tis desumuntur, sunt res quædam, vt plurimum toto genere præ-
 ter naturam. Dixi, vt plurimum, quoniam res quædam naturales,
 mortem infallibiliter prænunciantes aliquoties excernuntur, vt
 sanguis purus propter vlcus pulmonum eiectus: portio eorundem
 pulmonum etiã per os expulsa: cartilago pariter aliqua è trachæa

*Crudissima
pleuritis.*

*Minus
cruda*

pleuritides.

*Cocta pleu-
ritis.*

Prognosis

ex Signis

coctionis &

cruditatis

desumpta.

Sputum

coctum.

*Sputa præ-
ua.*

arteria, aut bronchijs eius deturbata.

Tertium genus Signorum futura prænotantium, dicitur Criticum, siue Decretorium, siue iudicatorium. Signa Critica, si cum Signis coctionis appareant, salutarem euentum significant, teste Gal. tum alibi, tum lib. 3. de Cris. cap. 3. dicente: Primum quidẽ, & maximũ inter omnia, est considerare coctiones ex vrinis, & alui excrementis, & sputaminibus: Siquidẽ ego millies cùm, dum crises fierent, interessẽ, neminem vnquã vidi intereuntem, qui præcedentibus coctionibus crisim habuisset. Non tamen æqua omnium Signorum dignitas existimanda est; sed in morbis quidem thoracis, atq; pulmonis, sputamina præcipuẽ sunt animaduertenda: non tamen vrinarum contemplatio est negligenda, sed & alui excrementa sunt inspicienda. Si verò tantũ febricitent sine alicuius visceris passione, aut cum inflammatione hepatis, vel renum, vel vesicæ, vel splenis, maximẽ vrinis animum oportet adhibere: sicut, si circa ventriculum passio sit, primum excrementis alui: deinde neq; vrinæ sunt negligendæ. Semper enĩ, cùm febris affuerit, vel ex sola humorum putredine accensa, vel ex mēbro inflammationem patiente, præcipuẽ vrinæ inspiciendas censeo, atq; deinde coctiones agnoscẽdas, sicuti & prius definiuimus. Signa bona crisis. Primũ quidem, & maximum instātis bonæ crisis indicium sunt coctiones. Secundũ autẽ, quod ab aliqua die indicatoria antea indicetur, cui annexa est diei iudicantis potētia, &c. Si verò cū Signis cruditatis Signa critica cōtingant, iudicationẽ siue crisim non bonã, quæ aut in perniciem agat, aut in longũ tempus morbum producat, præfagiunt; referente Gal. lib. 1. Aphor. 12. de Signorum Criticorum natura, & differentijs fusè satis sequenti libro de Crisibus agemus: De Signis Coctionis, & Cruditatis, libro de Vrinis, & libro de facibus, sputis, & Sudoribus: De Signis Salutis & mortis, tum in his ipsis libris, tum libro de Pulsibus, & fortassis peculiariter in huius Operis fine: & quoniam maximi sunt momenti, sequenti libro de Crisibus, aliquid de iisdem dicemus.

Præter relatas Signi diuisiones, subdiuisionesq; alia extat diuisio Signi in proprium, ac inseparabile. Proprium Signum, Pathognomonicum dicitur Galeno, Comment. 2. in Librum de Humorib. contextu primo. Pathognomonicum, propriumue Signum, pro collectione plurium Signorum, quàm pro singulari, frequen-

cius sumendum puto: quoniam singularia propria Signa rara sunt; raroq; ideo vni soli, semper, & omni conueniunt. Apoplexiæ enim Signum complexum est priuatio sensûs, simulq; priuatio motûs in vniuerso corpore. Vnde non integrè Apoplexiā indicat priuatio solius motûs, aut priuatio solius sensûs, sed vtriusq; simul priuatio. Similiter Cholera morbus non solo alui fluore, nec vomitu solo, sed vomitu bilioso, simul & diarrhæa, vel alui fluxu, dignoscitur.

Galenus lib. 5. de Loc. affect. cap. 3. ea, quæ Pathognomonica vocamus, inseparabilia appellat, inquiens: Sanè, quæ in succingente costas membrana, ac musculis illi continuis, sunt inflammationes, morbum quem lateralem vocant, efficere solent. Huius accidentia inseparabilia sunt, febris acuta, dolor perinde, ac si locus vel intendatur, vel pungatur: spiratio frequēs, & exigua: pulsus paruus, arteriam, & duram; & quodammodo tensam indicās: tussis maxima ex parte cum sputis coloratis, nōnunquā verò sine his; has incoctas (siue sputo carētes) Pleuritides nomināt, quæ vel celeriter hominē rapiunt, vel longo tēporis spacio finiuntur. Ac dolor plerumq; ad iugulum, vel ad præcordia peruenire videtur. Si hæc Gal. doctrinā cum illa, quā posuit Comm. 2. in lib. de humoribus, conferatur, contradictio emerget satis manifesta. Nā loco cit. de Humorib. inseparabile Signum à proprio, quod Pathognomonicum appellat, distinguit. Pathognomonica verò Pleuritidis Signa inseparabilia appellat. Vnde propria Signa, erunt separabilia, & non erunt; quod manifestam inuoluit contradictionem.

Controuersia hæc hoc pacto concilianda videtur. Galenus cō-

plexum Signum Pathognomonicum, & proprium optimè nominauit. Nam reuera omnium Signorum alicuius ægritudinis veluti congeries, eidem soli conueniunt ægritudini, & non alteri: eandemq; & non alteram significant. At verò si Signa quæuis seorsim sumantur, inseparabilia potius, quàm propria dicenda sunt:

inseparabilia, inquam, quia semper tali ægritudini annexa, non tamen propria, sed communia; quoniam alias comitantur ægritudines. Exempli gratia, respirandi difficultas est Signum inseparabile Pleuritidis, eiq; semper competit, non tamen soli; cum in Peripneumonia siue inflammatione pulmonum, Asthmate, & consimilibus, semper appareat. Febris pariter acuta, etsi à Pleuritide

Inseparabile signū à proprio quarto modo distinguitur.

Signa cōmunia, & inseparabilia simul.

nunquam separetur, donec sedata fuerit, in Peripneumonia reperitur: Tussis similiter; Dolor fortassis punctorius, & pulsus durus ac ferratilis, propria Pleuritidis Signa à quibusdam dicerentur; Sed neq; hæc quidem, si cum rigore loquendum: nam inflammato peritonæo, & inflammatis cerebri membranis dolor punctorius optimè accedere potest. Et pulsus durus in conuulsione, & hæctica febre percipi adhuc potest. Qui tamen volet, dolorem punctorium, & pulsus ferratilis, densamq; respirationem soli Pleuritidi congruere, non longè fortassis à veritate recedet.

*Signū cō-
mune &
propriū.
Separabile
& insepara-
bile.*

Hinc elicitur duplex Signi diuisio: Vna in commune, & proprium; altera in separabile, & inseparabile. Separabile Signum est illud: quodcunque, quod à morbo separari potest, seu id, sine quo morbus existere valet. Et talis naturæ sunt omnia superuenientia Signa. Inseparabile Signum est illud, quod morbum semper comitatur; vt tussis in Pleuritide, febris pariter acuta: quæ, vbicunq; Pleuritis inuenitur, semper adsunt. Signum proprium, quod soli, semper, & omni competit; & indicium, ac Signum pathognomonicum, demonstratiuumq; dici potest, vt complexum Pleuritidis Signum, quinq; peculiaris comprehendens: Commune est, quod in diuersis morbis reperitur: vt tussis in Pleuritide, & Peripneumonia, & Empyemate. Commune hoc cum inseparabili confunditur, nisi velis, inseparabile latius patere: quod propria Signa quarto modo inseparabilia verè dicantur. Quod enim rei intimius est, maximè inseparabile est. Et hæc de præcipuis, communioribusq; Signorum Medicorum diuisionibus sufficiant.

Obiectio.

Argutulus aliquis, contentionibus quàm veritati magis additus, mox obstrepet, à me signi Medici definitionem omissam esse; cum tamen signorum medicorum naturam prolixius fortassis quàm cæteri scriptores prosequar.

Solutio.

Sed intestinam vesaniam cohibeat, & me arguendo, ne latè eam diffundat. Nam in vasto Galeni opere, aut Hippocrate breuiloquo, non extat Signi Medici in vniuersum formalis aliqua definitio; benè tamen signi in vniuersum: vti ex libro definitionum medicarum, ex libro de historia Philosophica, & modernis Philosophis, nos, qualdam omnibus signis conuenientes eruendo, ostendimus. Non est enim difficile communes illas signi definitiones (quas Medicus præsupponere debet, & ad sucrum signo-

rum diuisionem statim descendere) ad Medicum Signum: contrahere, ne quis nimis anxie de me conqueratur. Signum ergo Medicum est, id omne, quod aliquod nobis ignotum, circa corpus humanum sanum, & sanabile, patefacit. Addidi sanum, & sanabile, quoniam quædam à Philosophis proponuntur accidentia; quæ nostræ intellectiuae potentiæ materiam, formamq; patefaciunt, vt infinitorum Philosophorum fert opinio. Ergo patefactio alicuius rei in corpore humano, non à solis fit signis Medicis. Quare signa quæ aliquid ignotum in corpore humano, aut extra corpus humanum, sanitatis, aut morbi gratia nobis detegunt, verè signa medica dicentur: siue hæc causæ fuerint, siue effectus, siue aliud quiduis.

Hinc efficitur seuerum Galeni censorem, delirantem nimirum Argenterium parum congruè signum definiuisse Commentario secundo in Artem Medicam, vbi ait: Sed Signum dicimus esse in arte nostra id, quod potest aliquid significare eorum, quæ fiunt in nostro corpore. Hæc inquam definitio non est bona; quoniam dantur signa quædam Medica rerum extra corpus humanum positarum, causarum videlicet Procatharticarum, quarum quædam salubres signorum Salubrium interuentu, aliæ insalubres insalubrium pariter signorum interiectu, dignoscuntur: quædam neutræ, quæ suis etiam signis elucescunt. Ex ipsa Argenterij doctrina nostræ sententiæ veritas confirmatur. Porro, inquit, per signa cognoscere oportet quæcunque eueniunt nostro corpori: quorum quædam sunt secundum naturam, alia præter naturam, alia media: Et in singulis aliud est vt causa constitutionis, aliud vt constitutio, aliud vt effectus constitutionis. Hic fatetur Argenterius nos in causarum constitutionis naturalis, præter naturam, & neutrius cognitionem, mediantibus signis peruenire. Sed inter causas procathartice enumerantur. Ergo signis dignoscendæ. Omnes quidem sanitatis, & morbi causæ non sunt internæ, sed præter has innumeræ sunt externæ. Vnde sequitur tam internas, quam externas sanitatis, & morbi causas certis detegi signis, veluti ipsas sanitatis species optimam, bonam vt multum, malam, & neutram inter bonam malamque: imò, & ipsa accidentia quæ sanitatem consequuntur non rarò signis, vt detegantur, egent. Causa item morbi, & causæ genus, modusq; quo morbum inducit, signis patefiunt:

Argenterius perstringitur.

refiunt: Morbus fimiliter, morbiq; genus, modusq; quo generatur, locus fiue pars, cui peculiariter inest: generationis tempus, ætates, fiue tempora eiufdem, principium, augmentum, ftatus, & declinatio: Symptomata demum, Symptomatumq; differentia, generationis modus, & confimilia, non nifi Signorum ope cognofcuntur.

Obiectio 2. Obijciunt aliqui fecundò, diuifionem figni in præfens, præteritum, & futurum non effe bonam; quia omnia figna funt præfentia: Adeoque cum fignum, & fignificatū fint correlata, & correlata debeant effe fimul natura, & tempore, nihil quod eff præfens poteft effe fignum rei præteritæ, aut futuræ, quæ præfentes non funt.

Solutio.

Refpondeo Signa præfentia quæ futura prænunciant, effe futura & non præfentia fecundum rem connotatam futuro tempore. Licet .n. Signum fit præfens fenfui, non eff tamen fenfus qui difcurrit, fed intellectus, qui connexionem Signi præfentis cum futuro euentu dignofcit. Idem de Signis rememoratiuis dicendū; quæ quidem, etfi fenfui appareant non apparentibus fignificatis, intellectus tamen, eorundem Signorum ad fua fignificata, præterita, relationem & connotationem, cognofcit. Et iuxta hanc collationem intellectûs operâ factam, Signum & res fignificata funt fimul: præterita fcilicet ambo, ratione refpectus & connotationis: præfentia, fi vultis, ratione repræfentationis: nam virtute præfentis Signi, res abfens aliquo modo fit præfens.

Eft hîc obferuandum, quod fuperius docui, vnum genus Signorum diuerfo refpectu, variorum generum rationem obtinere. Nam Signum pathognomonicum verè diagnosticum eff: prognosticum etiam, vt diximus, dici poteft; & fi minus præcipuè. Aduertite vltcrius cuiufdam erroris, qui encoëma, vel fedimentum quarto die apparens, diagnosticum Signum coctionis inchoatæ appellat; infalubre verò refpectu præfentis morbi quem fignificat: Signum criticum ratione crifis quam feptimo die futuram prænunciat; Signum prognosticum & falubre ratione fanitatis quam promittit. Error inquam eff, afferere quod vrina cocta morbum fignificet, & infalubre ideò dicatur: Cum vrina ita cocta falubre fignum potiùs quam infalubre dicenda fit, iuxta rei veritatem & Galeni mentem, qui Signum falubre appellat, non

solum quod in sanis tale visitur, sed quoduis aliud quod ægris simile prospicitur Signis sanorum. Si enim quidquid in ægris est insalubre protinus esset, nulla foret recuperandæ sanitatis spes, quoniam sanitatem omnino extinctam omnia Signa, dū insalubria sunt, demonstrant. Signum itaq; cōctionis verè prognosticum est, & nullatenus diagnosticum, nisi quatenus virium robur significat.

CAPUT VIII. De Signorum Fundamentis.

Generale fundamentum, vnde Signa quævis desumuntur, est similitudo, & dissimilitudo, seu collatio dissimilitudinis cum similitudine. Et si Capite I. huius libri rem hanc exposueram, iterum eandem limatiùs explanare non pigebit. Diuinus Hippocrates hanc doctrinam in Prognosticis, in Epidemijs, & libro de Officina Medici nos docuit. Libro. a. de Officina Medici hac serie loquitur: An similia, an dissimilia, principio à maximis, à facillimis, à quibuscunq; quomodocunque cognitis, quæ, & videre, contingere, & audire licet. Quæ item oculis, tactu, auribus, odoratu, gustatu, mente sentiuntur. Quæ item omnibus, quibus cognoscimus, intelligi possunt.

Galenus primam periodum huius contextûs Hippocratis exponens, docet eam Medicinæ Partem, quæ ad indicia pertinet, id est, quæ de Signis Medicis agit, quæq; recentioribus (vt loquitur Galenus) *anæcæwion* dicitur, esse prorsus necessariam ijs, quibus rectè mederi propositum est; antequàm Curatricem Medicinæ Partem aggrediantur, vt quum simile quid Naturali statui in Ægris nacti fuerint, morborum discrimina ad vnguem in ægrotantibus teneant, percipiantque. Quemadmodū igitur in Parte Medicinæ, quæ medetur, maximè generale propositum admittitur, ita & in illa Medicinæ Parte, quæ ad indicia spectat. Vnde sicut in Curatrice Parte curationis cuiusque commune consilium est, contrarijs per contraria subuenire, ita in Semeiotica commune consilium est, posse cognoscere, quatenus ea quæ in affecto, siue morbo corpore conspiciuntur, benè admodum valentis corporis dispositionibus, & Signis sunt similia. Quam regulam præceptumue

Generale signorum fundamentum.

Pars indicia comprehendens, quæ Semeiotica dicitur, necessaria.

Contraria contrarijs sedantur. Commune præceptum in Semeiotica.

*Commune
præceptum
Semeioti-
ce ab
Hippocra-
te insinua-
tum.*

*Pars sana
cum ægra
conferenda.*

Hippocrates ipse in Prognosticis indicauit, cum inquit: Maximè ad rem pertinet intueri an sibi quis ipse ex aliqua parte similis sit. Eandem doctrinam, libro quoq; de Articulis idem Hippocrates proposuit, quum vitiatam siue malè affectam corporis partem, ad eam, quæ integra, siue sana est, conferri iussit: vbi similiter voluit, non simpliciter comparari partem parti, sed affecti hominis dextram partem cum sinistra conferri, nihil alienis articulis, hoc est, aliorum hominum, inspectis. Quo modo nunc procedendum monet, cum ait, an similia, an dissimilia, principio à maximis, à facillimis: ac si hoc modo dixisset: laborantium siue agrorum corpora ab initio (id est, quamprimùm Medicus ad agrum accedit) protinùs inspicere debent, quatenus similia sint sanis, quatenus dissimilia. Quoties autem ita procedet Medicus, nimirum expendendo, quantùm similia, & dissimilia sunt corpora ægra sanis, mor-

*Facies
Hippocra-
tica, id est,
ab Hippo-
crate de-
scripta.*

borum notas siue signa intelliget. Maxima ergo, & cognitu facillima in quibusdam proposuit Hippocrates lib. Prognosticor. vbi inquit: Nasus acutus, oculi caui, tempora astricta siue collapsa, aures frigida, contractæq; & fibræ earum versæ; & item cutis circa frontem, dura, intenta, arida, & color terius vultûs viridis aut niger. Hæc autem facillima cognitu esse, omnes sanè, vel Artis etiam expertes, intelligunt, (vt Galenus in comment. loquitur) quum nullam corporis partem priùs facie protinus videat, qui ad cubantem agrum accedit. Ex his ergo Signis, sensu visûs statim conceptis, maximam ægri à seipso, & reliquis hominibus dissimilitudinem dignoscet Medicus; qui exinde illicò futurum morbi euentum exitiosum prædicet; secùs autem, si idem æger vultu habuerit statui naturali consimilem, vel saltem ab hoc non valdè recedentem. Antequam lethalem illam faciem in Prognosticis descripsit Hippocrates, & prauæ & naturalis euentum hac serie prædixit: Considerare autem conuenit hunc in modum per morbos acutos: principio (i. quamprimùm Medicus ad agrum accedit) vultum ægroti, sitne similis benè valentium, potissimùm sui, ita. n. optimus erit: Si verò quàm maximè contrarius simili sit, horrendissimus est.

*Horrendis-
simus vul-
tus ex
Hippocra-
te.*

*Facies
Hippocra-
tica appa-
renter, non
est lethalis.*

Primo tamen Capite huius libri exceptionem ab Hippocrate factam, proposuimus. Aliquoties enim, inquit Hippocrates, facies præscripta, præsertim nasus acutus, vel, vt loquitur Galenus,

nares acutę, tempora collapsa, oculique concaui fiunt propterea, quod æger fluxum ventris importunum, aut vigilias continuas, aut omnimodam inediam, saltem viginti quatuor horarum, tulerit. In hoc namq; casu, multo minori periculo obnoxius est æger, quam quoties vi morbi acuti facies luctuosa ab Hippocrate descripta conspicitur.

Galenus in Comment. citati tex. lib. de Officina Medici, sibi obijcit, posse aliquem inueniri, qui naturaliter nares habeat acutas, tempora collapsa, & oculos concauos: Adeoq; Medicum ad talem morbo affectum accedentem posse decipi. Cui obiectioni ipse Galenus satisfacit, his verbis: Sed si laborantis corpus plerisq; hominibus simile comperiemus, nullo pernicioso morbo, aut affectu, detineri hominem facilè intelligemus. Vbi quod ab Hippocrate scribitur, notabimus, si reliquę totius corporis notę salutem denuncient, confisi cam esse naturalem hominis faciem, vt rem magis perspectam habeamus, de ijs qui antea ipsum nouerunt, percunctabimur: qui vbi idem asserent, nostram prænotionem confirmabunt. Non proinde tamen sciemus, ac si ipsi hominem nouissemus, atq; adeo, si vsi familiariter essemus. Eò enim, quod benè valentem sæpenuerò viderimus, in Signis, quę in ipso apparent, nunc vbi aduersa valetudo est, discriminis modum certiùs deprehendimus. Vt enim audiuerimus, coniecimusque hominem acutis naribus esse, concauis oculis, familiaris duntaxat modum intelligit, quę res Medico in primis necessaria est. His docet Galenus reliquum ægri corpus inspiciendum, & quamuis æger oculos habeat concauos, tempora item collapsa, naresq; acutas, dummodò reliquum corpus naturali statui, aut peculiari ipsius ægri, aut communi reliquorum hominum simile fuerit, nihil mali metuendum. Imò si reliquum corpus naturaliter vnà cum facie macilenta macilentum fuit, nihil etiam timendum. Ægrotum in statu sano prænouisse plurimùm prodesset Medico; sed quoniam non potest fieri, vt omnes familiariter dignoscamus, ægrum ipsum, ægrique familiares, de præteritis ægri rebus, vt de naturali constitutione, propensione, consuetudine, & consimilibus, sedulò examinabimus.

*Obiectioni
Galenus
occurrit.*

*Multum
prodest ho-
mines an-
tequam æ-
grotāt, fa-
miliariter
agnoscere.*

*Ab ignoro
agros, & fa-
miliaribus
plura sci-
scitabi-
mur.*

*Nō omnis
florida fa-
cies in æ-
gris bona.*

Licet exitiosa censenda sit facies illa ab Hippocrate descripta, non propterea omnis florida facies in Ægris bona est, sed sæpissi-

mè mala, vt ex eodem Hippocrate lib. 2. Aphor. 28. colligitur: Febricitantium, inquit, non omninò leuiter, permanere corpus, aut nihil minui, aut etiam plus, quàm ratio postulat, colliquefcere, malum. Illud siquidem morbi longitudinem, hoc verò imbecillitatem significat. Galenus in Comment. huius Aphor. animaduertit rectè Hippocratem dixisse, Febricitantium non omninò leuiter, permanere corpus, & nihil minui. Nam si simpliciter pronunciaffet, Febricitantium permanere corpus, & nihil minui, malum, sermo careret veritate; quia contingit in tempestate frigida, cuiquam ex plenitudine ægotanti, non collabi corpus, neq; extenuari, cum febres paruæ fuerint. Dum ergo Hippocrates inquit, Febricitantium non omninò leuiter, dilucidè significauit Corpus extenuari debere à Febribus non omninò leuibus, sed fortioribus:

Febricitantes aliquando non extenuantur ob corporis spissitudinē, & humorū crassitiem.

& si contingat à magnis febribus corpus non extenuari, id accidit ratione spissitudinis corporis, & crassitudinis humorum superfluum corpus occupantium, & febrem fouentium, Leui verò febre aliquis correptus non debet extenuari, præsertim si fuerit Eu- sarcus, siue benè carnosus, aut plethoricus. Plures extenuationis corporis causas Galenus enumerauit in prædicti Aphorismi Cōmentario, hac serie: Maiores febres magis, & citiùs corpora extenuant ægotantium, sicuti & diuturnitas morbi, & ex ætatibus puerilis, atq; decrepita: sed alia ambæ ratione. In pueris enim propter caliditatem atq; humiditatem multum defluunt, atq; extenuantur corpora: in decrepita verò ætate hoc idem patiuntur propter potentiæ imbecillitatem. Ex Regionibus autem, & anni temporibus, ac constitutionibus, calidæ quidem ac siccæ magis euacuant: humidæ verò, ac frigidæ magis astringunt, ac diffilare corpora, atq; extenuari non sinunt. De sensibilibus autem euacuationibus quid dicere oportet? neminem enim ignorare arbitror, vt meritò ex profluuio sanguinis multo, atq; sudoribus plurimis, & vrina superfluente, vel vomitu, vel alui excretionē, citò corpus extenuetur. Accedit autem dictis causis, & inedia: vigiliæque, & curæ sufficienter extenuant, vt & plures motiones: sed hæc rarò febricitantibus adsunt: nam magna ex parte iacent quiescentes. Verum aliquando contingit moueri aliquos, qui itinere cæperint febricitare, vel vrgente necessitate, vel studio domum reuifendi. Sed & ex delirio quidam ægroti iugiter exurgentes, vel ia-

centes quidem, sed continuò partem aliquam corporis commo-
uentes, aut etiam delira loquentes, intra paucos dies extenuantur.
Hæc quidem omnia ægrotos reddunt macilentos, sicuti & contra-
ria his corpus in maiori mole conseruant. Signum autem nullum
ex his est virium imbecillium, sed singula sunt tantummodò cau-
sæ. Nam, sicuti ex eis corpus cum ratione extenuatur, sic & vires
destruuntur. Absq; his autem corpus præter rationem (idest, sine
interuentu vllius causarum enumeratarum extenuationis) exte-
nuari, Signum esse viriū imbecillitatis, inquit Hippocrates: quam
& in valdè senibus pro causa assignantes, celerrimè ipforum cor-
pus extenuari dicebamus. Neque mirum videri debet in ijs qui ita
se habent, imbecillitatem quidem causam esse extenuationis, ex-
tenuationem verò esse Signum imbecillitatis: hoc enim contingit
omnibus, quæ faciunt, & fiunt. Hæc quidem est sententia Hippo-
cratis, semper existimantis, eam, quæ est citra rationem, extenua-
tionem, Signum esse imbecillitatis. Nos verò eius sermoni adij-
ciamus, & aliam dispositionem, quæ causa est in febribus extenua-
tionis. Est .a. hæc humorum quidem tenuitas, corporis verò rari-
tas. Cum .n. hæc ambo conuenerint, celerrimè corpora extenuan-
tur per eam, quæ difflatio insensibilis nominatur. Sicuti in dispo-
sitione contraria, crassitudine humorum, & corporis spissitudine,
neq; fit humorum euacuatio, & permanere corpus (in statu quo
antea fuit,) & nihil tunc minui de ipsius mole contingit. Dixit mo-
dò Galenus in contextu, ob corporis spissitudinem, & humorum
crassitiem non extenuari corpus à febre valida. Sed paulò post
inquit, ob cutis spissitudinem, & humorum crassitiem non exte-
nuari. Et congruè quidem utroq; modo loquutus est: quoniam &
corporis spissitudo, ac durities, causa esse potest, ne substantia
corporis triplex, copiosè saltem, per cutem euacuetur; sicuti nec
per cutem ipsam, quoties increassatur, aut induratur, aut constri-
gitur: nam tunc pori occluduntur adeò, vt nonnisi per modicum
vaporis etiam fuliginosi & inutilis, exiguaque triplicis substantiæ
portio per eam excernatur, licèt reliquus corporis habitus, poro-
sus, laxusq; sit, ac permeabilis. Tandem in calce Commentarij ci-
tati Aphorismi Galenus docet, corpus nonnunquam colliquescere
ob humorum tenuitatem, & cutis raritatem: contingit verò corpus
interdum colliquescere, ob solam virium imbecillitatem. Occasio-

*Sola im-
becillitas
potest esse
causa ex-
tenuatio-
nis, nul-
la ex di-
ctis concu-
rente.*

*Extenua-
tio præter
rationem,
seu citra
aliam cau-
sam, signū
est imbe-
cillitatis
virium.*

*Humorum
tenuitas &
corporis
raritas ex-
tenuatio-
nis cause
esse possunt.
Varia Ga-
leni dictio.*

*Corpus ali-
quādo col-
liquescit
ob cutis
raritatem,*

*Et humorū
venūtatē,
aliquando
ob virium
imbecilli-
tatem.*

ne faciei Hippocraticæ, siue ab Hippocrate descriptæ, cuncta hæc, Medico protinus necessaria, ex Hippocrate, & Galeno in medium producere placuit.

*Humeri
dislocati
Signum.*

Nunc ad maxima, & facillima iterum redeamus. Postquam faciei similitudinem cum seipsa sana, & cum aliorum faciebus, simul ac dissimilitudinem maximam, & cognitu facillimā exposuit Galenus, alia quædam in comment. citati Textus, lib. de Officina Medici, proponit, & ex libro Hippocratis de Articulis, prolapsum humerum pro maximo in medium affert. Dum enim aliquid turgidum, rotundum, ac durum, in ala alicuius se ostendit, Signum est, humeri caput è suo loco in alam excidere. Est etenim talis dislocatio cognitu facillima, vt contingenti suis digitis tumorem, manifestum fiet. Sunt verumtamen, vt habet Galenus, nonnulla in

*Decubitus
mollis am-
biguum
Signum.*

Prognosticis ab Hippocrate posita, quæ non adeò maxima sunt, ac cognitu facillima, sicuti exempla iam allata. Nam, vt loquitur Galenus, quod æger supinus cubet brachijs, cruribusq; similiter iacentibus, vt resolutis siue Paralyticis, non modò ob grauem affectum euenire potest, sed ob mollitiem quoq; hominis, delitiasq; vltra modum. Quare nisi mores ægri cognitos habeamus, facile decipiemur. At fieri minimè potest, vt, quos curamus, omnium nobis mores innotescant. Quamobrem percunctari hos oportet, præterquam in paucis, quæ per se in ægro manifestè apparent.

*Impossibile
est mores
peculiares
omnium
quos cura-
mus agno-
scere.*

Comperimus quidem aliquando non magni momēti rem denunciari, vt in ijs, quæ ad cubandum pertinent: interdum verò maximi momenti; vt in Viro ornato vbi trucem vultum habeat, vel flatum per ventrem reddat cum crepitu, dolorem, aut mentis alienationem significat, si in eo sit, quem id facere audiente aliquo puderet: sed si nullam præsentium rationem haberet, nihil is prorsus ostenderet.

*Vultus
trux.*

*In multis
examinā-
di sunt sa-
miliares
ægri.*

*Nigra v-
rina, &
nigrū spu-
tū, pessima
Signa.*

*Signa op-
tima.*

Quocirca hîc etiam nouisse Hominis mores conuenit, non secus atque consuetudinem in ventrem cubantium, eorumq; naturam, qui per somnū dentibus strident; vel quorum palpebræ non committuntur: Namque hæc, vbi cubantis consuetudinem, vel naturam Medicus nouerit, aut ab altero quæsierit, qui eos cognoscat, indicium faciunt, idq; modò bonum, modò malum. In vrina verò nigra, nigro item sputo, tum in atra bile, morbi initio apparentibus, maxima vis inest, & expedita cognitio: sicut è contrario in acutis n. e. bis summam securitatem pollicetur facile

spirare, subsidere in vrina album, læue, & æquale. Hæc de ijs, quæ ad cognitionem pertinent, posuisse volumus, vt sint exempla eorum, quæ maximam vim habent, & cognitu facillima sunt, tum quorumcunque, quomodocunque nobis innotescant, seu experimento, seu ratione: quanquàm non tantam vim habent, neq; æquè facile percipiuntur, nisi ægri vsus, natura, mores, vel sciantur, vel quærantur.

*Multa
quærenda
ex ægris
& fami-
liaribus.*

Hæc ex Galeno, qui inter alia exposuit illa Hippocratis verba (ex quibuscunq; quomodocunque cognitis.) Eadem etiam verba in contextu adhuc bis commemorat. Medicus enim, inquit, qui spectat experimenta communia, perinde ac propria intuetur, & in memoria habet: cum hæc quæcunq; sint, & quocunque modo cognoscantur, vnà cū proprijs venientia obseruauerit. Et paulò post ait: Atque ita quæcunque & quomodocunque cognita, nec, quæ magnam vim habent solum, sed cætera etiam intelliget: quoniam hac vna via cuncta inueniuntur, cum altera in obscuro sint, quæ non sunt facillima, sed indicatione comprehenduntur. Vult enim

*Exponitur
Hippocra-
tes.*

Galenus mediante experientia & ratione, quæcunque corpori insunt, dignosci; sed quædam meliùs atque faciliùs sensuum ministerio, nonnulla rationis ope, sed multò difficiliùs. Hanc doctrinam contextu citato expressit Hippocrates, dum inquit: Quæ & videre, contingere, atq; audire licet: Vult. n. Hippocrates, vt Galenus testatur, eam Medicinæ Partem, quæ morborum notas examinat, per ea exerceri, quæ in malè affecto corpore ad exemplum sanorum similia sunt, aut dissimilia: docet præterea idem Hippocrates, quædam esse maxima, & facillima, quædam cum his ipsis necessario percipi. Quænam verò sint similia, dissimilia, quæ maxima, & cognitu facilia, nunc ostendit, quum ea esse dicat, quæ sub sensum cadunt: Ea nimirum, quæ videre licet: ea quæ tangi licet: atq; ea quæ audire licet. Videre quidè licet cuncta illa, quæ conspectui aut visioni subiiciuntur. Et de reliquis sensibus similiter loquendū.

*Experien-
tia & ra-
tio.*

Ex Philosophia autem didicimus, coloratum, atque luminosum, esse Potentiæ Visuæ obiectum. Nouimus insuper, à Sensibus nostris quotidie percipi sensibilia illa, communia taliter ideò dicta, quòd à pluribus sensibus vnumquodque horum percipiatur. Eiusmodi sensibilia sunt, Magnitudo, Figura, Numerus, Motus, & Quies; quorum omnium in re Medica maxima vis. Nam Medicus

*Semeiori-
ca per si-
milia &
dissimilia
exercetur.*

*Quæ simi-
lia, & dis-
similia,
quæ maxi-
ma, & co-
gnitu faci-
lia.*

*Sensibilia
communis
sunt quinque.*

mediante visu percipit id, quod magnitudine excedit, aut minuitur: similiter & quod præter naturam diuisum est, aut copulatum præter naturam, quodque debitam non obseruat figuram. Ergo quæ inter Prognosticorū initia de Facie ab Hippocrate proponuntur (Nares acutæ, oculi concaui, collapsa tempora, aures inuersæ) Visu sentiuntur: Tactu verò aures frigidæ: Tactu simul & Visu, cutis faciei dura, arida, atque extenta. Cætera quæ eodem libro 1. saltem Prognosticorum sequuntur, Auditui subiecta sunt, nempe sternutamentū, tussis, crepitus, strepitusque Hominis præter naturam loquentis, vel quod mens non constet, vel quod vox sit stridula, rauca, aut huiusmodi quopiā vitio affecta. In morbis autem quæ manum postulant, oculis exposita sunt, quæ nigrescunt, rubent, tum quæ quauis ratione suum colorē variant, aut retinent. Adde exempli causā in humero, quod sinus in parte eius articulo superiecta, & extrēmitas lati scapularum ossis elata visu percipitur, caput in ala tactu contingitur, auribus accipitur strepitus in corpore ægrotantis, quemadmodum vbi, thorace perforato, è plaga fertur spiritus cum sono. Et hætenus exposita sunt verba illa Hippocratis, Quæ & videre, contingere, atque audire licet.

Alia subiecit verba Hippocrates, superioribus conformia, quæ subsequuntur: Quæ ita, inquit, oculis, tactu, auribus, odoratu, gustatu, mente sentiuntur. Non vno, sed diuerso modo, hæc Hippocratis verba exposuere Interpretes, vt in Commentario testatur

Varie Hippocratem exposuunt interpretes.

Quæ propriè sub sensum cadunt.

Quæ impropriè.

Galenus. Obscuritatem enim peperit diuersus loquendi modus Hippocratis, qui paulò ante triū solū sensuum, Visus, Tactus, & Auditus meminit: postea verò quinque sensus, & mentem enumerauit. Dicunt ergo aliqui, Hippocratem præcepisse, vt eorum, quæ sub sensus cadūt, similitudine, ac dissimilitudine, morborum notas intelligeremus. Propriè autem sub sensus cadere volunt ea, quæ, vt comprehendantur à nobis, non aliam potentiam ad sui cognitionem requirunt, sed vna sensuum comprehensio sensatione, sufficit: Sub sensus cadere similiter, sed non propriè, dicunt ea, quæ pluribus sensibus simul, & tum memoria, tum ratione quam vocant cōponentem (vt loquitur Galen.) & colligentem, accipiuntur. Colorem verò ex eorum numero esse existimant, quæ propriè sub sensus cadunt, itidem siccum, vaporem, vocem, præterea duritiem, mollitudinē, calorem, frigus, & vno nomine qualitatem omnem

omnem, quæ tactu comprehenditur. Ita enim Galenus exponit partem sententiæ quorundam Interpretum Hippocratis. Exponit rursus aliam eorundem sententiæ partem. Dicebant enim; vt ex iam dictis constat, quædam solo sensuum adminiculo à nobis concipi: Sed quamplura non sensu solo, sed adhibita mente percipi. Et inde plures opiniones nasci. Multi fanè decipiuntur, dum solo colore, aut sola figura, aut vtrisque simul, rem aliquam, quam intuentur, dignosci putant; etsi color, & figura à naturali figura, & colore non sint absimiles. Mala enim, Mala Punica, pyra, vuam, nucem iuglandem, & plura alia ex ijs, quæ edendo sunt, vbi ex cera componuntur, priusquam vel ad nares admoueantur, vel gustentur, tanganturq; à veris abhorrentia non videri putant. Quare pluribus sensibus, & mente demùm res plurimas explorare est necessum. Volunt ergo hi Interpretes Hippocratem exempli gratia eorum, quæ sensibus obijciuntur, meminisse; rursus omnes sensus, & mentem commemorasse ad totius naturæ cognitionem; ita vt vniuersa oratio sit huiusmodi. Aggredi Medicus debet ad vitiorum, siue malorum corporis notas, orsus à similium ac dissimilium inspectione, interdum solam qualitatem, interdum totam conferens corpora. Quæ quidem expositio ratione non caret, vt loquitur Galenus. Ex superiùs dictis satis liquet, quid est vnam qualitatem, quid integra corpora conferre. Nigredo enim, aut liuiditas, aut viriditas in vrina, vel sputo, maximam habet dissimilitudinem cum naturali colore vtriusque excrementi, vrinæ videlicet, & sputi. Quare ex hoc solo colore, qui visu percipitur, Medicus mali malignitatem detegit. Totum præterea corpus tabe confectum, valde sibi, dum in naturali statu erat constitutum, dissimile est.

Non solo sensu, sed mentis etiam interuentu quæplura dignoscuntur. Similitudo sensum non raro fallit.

Vrina nigra, liuida, aut viridis mala.

Est & altera expositio hunc in modum: Hippocratem, quum inquit, quæ & videre, contingere, atque audire licet, de Medico loquutum esse: quod verò addit, quæ item oculis, tactu, auribus, odoratu, gustatu, mente sentiuntur, ad ægotantem ipsum referri, ita vt Medicus non modò indicia colligat ex ijs, quæ ipsemet, sed ex ijs, quæ æger videt, tangit, olfacit, gustat; tum ex eius mente, quatenus labat, aut consistit. Quod .a. Medico ad cognitionem expediat, nouisse mente ne homo labatur, an sui compos sit, in aperto est.

Aegri relatio ex sensu & ratione desumitur.

Alia interpretatio

Prauus gustus multiplex.

Placet alijs Interpretibus Hippocratis, quod scribitur ita (quæ item oculis, tactu, auribus, odoratu, gustatu) ad ægrotantem, quod verò deinde adiungitur (mente) ad Medicum pertinere. Siquidem ex ijs, quæ cubans, videt, audit, contingit, gustat, Medici mens aliquid ratiocinatur. Conijcit enim de laborantis gustatu aliquid ad ipsum pertinens, non secùs de morbo. Nam si gustatui omnia amara videantur, quemadmodum ijs quos morbus Regius, seu Ictericia malè habet, redundat in lingua bilis: Si Sal-sa, pituita Salsa: Si acida, acida similiter pituita plurima in ea est: sicque hominem dicunt qualitatem sui sudoris interdum in os de-stillantis percipere.

Et hæ sunt potiores expositiones Textûs translati ex Hippo-crate; quæ omnes à ratione non abhorrent; vt Galen. testatur. Sanè omnes Medico proderunt; cùm quæuis expositio Medici dili-gentem inuestigationem circa Signa commendare videatur.

Semeiotica ex similitudinibus, & dissimilitudinibus intelligitur.

Vtilitatem doctrinæ Hippocraticæ, modò expositæ, promul-gat Galenus Commentario Primæ Particulæ eiusdem contextûs, sub hac verborum serie: Meritò igitur Hippocrates ante alia Artis opera, idest, ante prænotationem, & Curationem, eam partem quæ ab morbornm indicia pertinet (Iuniores *σημειώσις* nuncupant) in-telligi ex similitum, ac dissimilitum notatione voluit: meritò etiam ex valentissimis, & cognitu facillimis: item tertio ex quibuscunq; cum quomodocumq; cognitis, dignitate verò, & cognoscendi fa-cilitate inferioribus. Hactenus itaq; præfatus à quibus vitia indi-centur, nempe ab ijs, quæ rectè habentibus similia sunt, aut dissi-milia; deinceps cuiusmodi illa sint, ea nunc persequitur, his verbis (Quæ, & videre, contingere, atq; audire licet). Cùm tanti fecerint Hippocrates, & Galenus, notas aut Signa à Similitudine, aut dis-similitudine eruta, miror cur tantam, ac tam prægnantem doctri-nam ausi fuerint paruifacere, inter alios Sennertus, & Plempius: Quorum ille lib. 1. Institution. Medicinæ, Sect. 1. cap. 3. ait: His Signorum fontibus addunt nonnulli similia, & dissimilia. Per si-mile verò, & dissimile intelligitur vel corpus, quod alteri corpori, aut sibi ipsi confertur, vel pars, quæ alteri parti, aut cum seipsa comparatur. Nonnullis tamen videtur, quòd similitudo, & dis-similitudo non peculiaris Signorum fons sit, sed ratio potius alia Signa aptè inter se conferendi.

Sanè secundùm Hippocratis, & Galeni mentem, Similitudinem, & dissimilitudinem Sennertus exponit: Perperam tamen fundamenta Signorum esse negat: cùm Signa quæ inter se comparantur, ex Similitudine, & dissimilitudine eruantur.

Sennerto fit satis.

Plempius eiusdem est cum Sennerto opinionis, rem tamen aliter exponit; ut ex eius his verbis cuiq; patebit: Alij, inquit, prædictis fontibus addi volunt similitudinem, & dissimilitudinem: nam ab hisce etiam Signa petuntur: v.g. Similitudo loci affecti in corpore mortuo obseruati Signum dat loci affecti in viuo laborante. Sed nec propterea à statuta sententia decedendum est. Quia similitudo illa non tam est Signum, quàm ratio Signa alia rectè inter se comparandi.

Sed hæc doctrina non videtur consona Hippocrati, & Galeno; qui nullo modo comparisonem fecere inter corpus hominis uiuentis, & cadauer, aut inter partem uiuentem, & partem cadaueris; sed solummodò ea quæ in corpore morbofo similia visuntur statui sano, tum eiusdem ægri, tum aliorum benè se habentium, sollicitè obseruanda præcipiunt; sicuti & ea quæ statui naturali eiusdem ægri, & aliorum dissimilia in ægro conspiciuntur. Hippocrates autem libro 1. Epidemion, Sectione 3. hanc nostram expositionem confirmat, aiens: Morbos dignoscimus docti ex communi omnium natura; & cuiusq; propria. Vult enim Hippocrates, communem omnium hominum naturam, & propriam vniuscuiusq; nostrum à Medico obseruandam esse, quoties ad ægrum accedit: ut in hoc animaduertat ea, quæ adhuc naturæ propriæ, etiamq; communi, similia sunt, vel adhuc immutata: pariter etiam ea cuncta quæ à statu naturali recesserunt, quæque ideò dissimilia meritò nuncupantur.

Aurea sententia.

Cæterum, cùm præter similitudinem, & dissimilitudinem, alia statuantur Signorum fundamenta, ea modò cum Galeno integrè subiicienda sunt. Dico, integrè, quia non solum dissimilitudinis, sed insuper similitudinis fundamenta enodanda sunt: Nam ut status præter naturam dissimilitudinem pariens, agnosci protinùs debet, ita & status naturalis, similitudinis fundamentum. Rectum enim, ex Philosopho, est sui, & obliqui index: quare simile, quod rectum est, utpote naturale, in hominibus percipi à nobis debet; quo cognito, non est arduum in dissimilis, quod obliquum est, co-

Rectum sui & obliqui index.

gnitionem peruenire. Id enim, quod naturæ limites transgreditur, naturali constitutioni est prorsus dissimile, sed quidquid adhuc in ægro corpore, naturali assimilatur constitutioni, naturale quid est. Tota .n. sanitas in ægris non omninò interijt ; Vnde Gal. lib. ad Thrasybulum cap. 25. docet eum qui superuacuum aliquid corpori detrahit, aut aliquid quod deficit, eidem corpori adijcit, vnum quid commune præstare; corpori nimirum naturalem comparare modum; qui naturalis modus nihil aliud est quàm sanitas. Quare ad mortem vsq; quædam in ægro extant indicia, sanis, si non integrè, aliquo tamen pacto, similia. Si enim omnis corporis natura quoties morbo infestatur, in statum præter naturam esset omninò conuersa, corpus non ampliùs morbosum, sed cadauer

*Quamdiu
vinitur sa-
nitatis ali-
quid super-
est.*

nuncupandum foret. Verùm quoniàm in statu morbofo actiones læduntur, nec liberè suo funguntur officio facultates, saltem aliquæ, aut aliqua, corpus, non sanum, sed morbosum dicitur, etsi sanitatis radix aliqua ad mortem vsque perseveret. Corpus sanè nullum, quantumuis morbofis affectibus infestetur, solis reficitur excrementis, aut corruptis omnimodè humoribus: nam dulci, si non perfectò, saltem aliquàlter tali, corpora nutriuntur. Nec dulce, quo nutrimur, à calore febrili, ex sua natura acri, mordacique, in hepate procreatur, sed à naturali facultate sânguifica hepatis insita; quæ, si non exquisitè, saltem qua potest energia, ad totius nutritionem conficit. Ita vt nec calor, nec frigus, nec alia exuperans qualitas, morbusue, hepar omninò à suo peruertat munere, donec eius natiuus calor fuerit vi morbi extinctus, aut aliter ipsius naturalis œconomia fuerit euersa. Dum morbo tamen aliquis laborat, morbosus, & non sanus appellatur; quia non simpliciter, sed secundum quid sanus est, si integræ sanitati, statum, in quo morbosus versatur, comparemus: tum quia à rerum defectu frequentissimè denominationes desumuntur: ob id à Logicis dicitur conclusio semper sequi malignantem naturam, idest, si vna præmissarum fuerit negatiua, aut particularis, Conclusio talis esse solet. Si digitus pariter alicui, morbo laboret, totus homo morbo laborare dicitur. Quoniam autem salus non sano tantùm inest

*Hygieine,
& Cura-
trix eundè
respicit
finem.*

Corpori, sed adhuc ægro, tametsi obscuriùs, rectè monuit Galenus duas Medicinæ Practicæ Partes, Salubrem, & Curatricem, ad vnicum respicere finem, sanitatem videlicet; quæ à salubri, leui-

bus erroribus; à Curatrice, grauioribus abiectis, seruatur, & restauratur.

Ad rem rediens, Galenus Signorum fontes Libro de Arte Medica cap. 8. & cap. 75. præclare proponit. Capite namq; 8. Signa optimæ Constitutionis Corporis primo loco proponens, docet eorundem Signorum dignotiones sumendas esse ab ijs, quæ secundum essentiæ rationem ipsis corporibus insunt, & ab ijs, quæ ex necessitate consequuntur, operationibus, symptomatibusq; id est casibus, quos etiam sanè accidentia propriè vocamus. Hanc Galeni doctrinam in mea Physiologia lib. 4. cap. 5. breuiter, & qua potui claritate, interpretatus sum. Quæ etenim secundum essentiæ, siue substantiæ rationem partibus similaribus insunt, est potissimum primarum qualitatuum temperantia, siue ipsum temperamentum. Partibus instrumentalibus inest essentialiter mediocritas, in quantitate, numero, conformatione, & situ, ac nexu. Ambabus v. partibus secundum essentiæ rationem vnitas inest. Quæ necessariò consequuntur hæc quæ secundum essentiæ rationem insunt, sunt actiones, operationes sue: & casus, quos symptomata, siue accidentia in contextu appellat Galenus. Si igitur minutius rem examinemus, tres Signorum fontes à Galeno proponi inueniemus. Ea videlicet, quæ essentialiter insunt: Operationes necessariò consequentes ea, quæ secundum essentiæ rationem insunt: & tertio loco Casus, siue Symptomata, siue accidentia. Quartum fontem admittit Brachelius commentar. in Caput 8. Artis Medicinalis, etsi ibidem hunc fontem à se propositum non exposuerit. Tres verum fontes in contextu à Galeno produci, Plethorice Artis Medicinalis Interpretes communiter testantur: vt Hieronimus Thriuerus Brachelius, Louaniensis Professor, cuius Commentarij Typis commissi sunt Lugduni, Anno 1547. Ioannes Agricola Ammonius Basilæ à Typis persolutus 1541. Thomas Rodericus à Veiga Lusitanus: Martinus Akakia Gallus: Oddus de Oddis, & Sanctorius, Patauini Professores: Et omnibus his antiquior Thuringianus Monachus Cartusienfis. Argenterius in Artem Medicam Commentaria edidit; sed quoniam Galenum, cum ibi, tum in reliquis suis Operibus non tam sequitur, quàm impudenter lacerat, eius, tanquàm amentis, meminisse piget.

Tres Signorum fontes.

Hic aduerte Symptomata dici accidentia, cum Hofmanno accidentia vocentur ea sola quæ naturalem dispositionem sequuntur.

Vera sanè, & certissima est Galeni proposita doctrina de Signorum

gnorum fundamentis, eâ tamen non obstante, quibusdam visum est, alium Signorum fontem desiderari, quem causæ constituunt. Vnde Ludouicus Mercatus Tomo 1. Lib. 3. Part. 2. Classe 1. quæst. 182. art. 1. rectissimè, inquit, Signorum differentias venandas esse ex differentijs rerum, quæ Signis monstrari possunt; quoniam Si-

*Triplex
signorum
fons à Mer-
cato propo-
situs.*

gnum est id, quod rem aliquam Significat. Quare cum res demonstrandæ, sint in triplici differentia, quædam enim sunt Causæ, quædam natura rei, quædam sunt effectus vtriusq; idest, causæ, & rei, necessariò triplex constituetur Signorum fons, Causa, rei natura, & effectus. Sed non est negandum omnia Signa, vt idem Mercatus ibidem fatetur, desumenda esse ab ijs, quæ secundum essentiæ rationem insunt, vel à necessariò consequentibus hæc eadem, quæ sunt secundum essentiam, siue substantiam rei. Nam Causæ, ad ea, quæ secundum essentiæ rationem insunt, aliquo modo reuocari possunt, cum ipsæ res quædam morbosæ sint, & efficientiam habeant, quâ effectus quosdam producant. Quamquam autem causarum expressè non meminerit Galenus cap. illo 8. Libri Artis Medicæ, non proinde reiiciendæ sunt: quoniam reuerà à Causis Signa quædam, quæ ipsas produnt, emanant; vt passim ipse Galenus in suis Operibus, humores omnes exponens, docet. Statuamus ergo, Signa omnia deriuari à rei natura, à causa, & effectis: quæ effecta sunt illa omnia, quæ rei naturam, & causas consequuntur: seu sunt illa, quæ à naturâ rei dependent.

Citauimus superiùs aliud Galeni Caput 75. libri Artis Medicæ, in quo docet modum dignoscendi præsentem iam morbum: Et Interpretes Capituli octauo citati, suis in Commentarijs monent eodem modo procedendum in inuestigando fontes Signorum. Statûs præter naturam, quo Galenus vsus est ad eruendam naturalem Corporis constitutionem. Cæterum nos cum Galeno naturalis constitutionis Signa, primò examinabimus, deinde Constitutionis præter naturam. Authore etenim Aërio, quicquid est præter naturam, ex naturalibus inuenitur. Nisi porro res naturalis præcognita nobis fuerit, res præter naturam, quæ per digressionem à naturali fit, protinùs obscura remanebit. Sit igitur.

*Quicquid
est præter
naturam
ex natura-
libus inue-
nitur.*



CAPUT IX.

De Signis Naturalis Constitutionis Corporum.

Hic omnia Signa cuiusvis Constitutionis naturalis proponere non cogito. Quoniam, ut superius comprehensum est, pleraque Signa Temperamentorum, Humorumque prædominantium, Libro de Temperamentis, & Libro de Humoribus, proposui. Ut tamen clarius adhuc naturalis constitutio Corporis Humani cuius innotescat, nonnulla cum Galeno in Arte Medicinali enumerabimus Signa quarundam naturalium constitutionum; ut integra Diagnōsis Status naturalis Corporis, omnibus pateat. Varijs ideo Sectionibus rem distribuemus.

*De multis
signis in
Physiolo-
gia actum
est.*

SECTIO I.

De Signis bonæ Constitutionis Corporis Humani.

Bonæ, imò & optimæ Constitutionis Signa, ab ijs, quæ secundum essentiæ rationem insunt, & ab ijs, quæ ex necessitate consequuntur, operationibus, & symptomatibus desumenda esse monuit Galenus Capite illo 8. cit. Attis Medicinalis. Ab essentiâ quidem ipsa eorum, quæ optimam habent constitutionem, commensuratione consimilium quidem in caliditate, frigidityte, humiditate, & siccitate: Instrumentalium verò, in quantitate, ac numero eorum, ex quibus componuntur, ac præterea formatione, & situ partium singularum, ac totius instrumenti. Vult his verbis, & subsequētibz adhuc, Galenus, Signa optimæ constitutionis desumenda esse primariò ab ijs, quæ essentialiter insunt corpori sano: quæ autem essentialiter corpori sano insunt, est Temperamentum debitum, partes similes perficiens, proba conformatio, quantitas, numerus, situs, & nexus, partes dissimiles redintegrantes, & unio utraqz partes naturaliter complens. Corpus etenim sanum, quatenus tale, ex unitis, temperatis, & proba compositione dissimilium essentialiter componitur. Substantialiter igitur, & secundum essentiæ rationem, si-

Tria corporibus essentialiter insunt, à quibus optima constitutionis corporis signa desumuntur.

mila-

*Tempera-
mentū est
forma simi-
laris par-
tis: compo-
sitio dissi-
milaris.*

milaribus partibus hæret temperamentum: dissimilaribus verò proba compositio: Nam partis similis actus, & constituens forma, est Temperamētum. Vnde Galenus Lib. 1. de Vsu part. Corporis Humani cap. 9. palam docuit, esse Carnis esse eiusdem Carnis Temperamentum; veluti esse ossis, esse eiusdem ossis Temperamentum. Debita pariter compositio partis dissimilaris, est eius forma, & vltimus actus; qui eam talem constituit, atq; definit. Signum ergo Substantialiter inhærens partibus similaribus erit temperamentum earundem partium, & optima compositio erit forma & Signum substantialiter conueniens partibus similaribus. Vnio autem est quid commune vtrifq; idest, tam similaribus, quàm dissimilaribus. Quare, cum neutri parti propria sit, de ijs, quæ eisdem partibus peculiaria sunt, exactiùs tractat Galenus. Et optimæ, siue saluberrimæ constitutionis duo proponit primaria, & tanquàm essentialia Signa, Temperamentum æquale, seu probam iustamq; commensurationem, siue proportionem primarum qualitatum, & partium organicarum exquisitam compositionem in quantitate, numero, formatione, ac situ partium componentium eadem partes organicas, siue instrumentarias. Quæ duo, vbi inuenientur, integram, absolutamque nobis prodent sanitatem.

*Duo pri-
maria si-
gna optimæ
constitutio-
nis.*

Postquàm duo illa Signa substantialia, siue essentialia optimæ constitutionis exposuit Galenus, secundo loco alia proponit Signa eiusdem optimæ constitutionis, desumpta ab accidentibus, quæ necessariò consequuntur ea, quæ secundum essentiam insunt; idest, quæ necessariò Temperamentum optimum partium similarium, & optimam proportionem partium componentium partem organicam, in formatione, quantitate, numero, & situ. Et hæc Signa iuxta varietatem sensuum, à quibus percipiuntur, distinctè proponit. Signum ergo optimæ constitutionis partis similis, quod tactui subest, est mediocritas in mollitie, & duritie. In carne enim potissimùm hoc Signum notari debet; quoniam ossa, & cæteræ partes, suam habent naturalem duritiem, aut mollitiem, eamq; manifestam. In optima itaq; constitutione, siue temperatura partis carnosæ, tactu percipitur mediocritas in duritie, & mollitie. Caro enim dura excedentem denotat siccitatem, caro verò mollis exuperantem humiditatem. In nostra enim Physiologia, iuxta Galeni mentem, lib. 5. de Simpl. medic. facultatib. cap. 5.

*Signa par-
tis simila-
ris qua de-
sumuntur
ab ijs, quæ
sequuntur,
ea quæ se-
cundū es-
sentia ra-
tionem in-
sunt.*

& Aristotele lib. 2. de Generatione, diximus veram duritiem à siccitate, reliquas compositi primas qualitates superante, nasci: mollitiem verò ab humiditate excedente. Quoties igitur caro alicuius, mediocris inter duritiem, & mollitiem per sentitur, signum est optimæ proportionis humiditatis, & siccitatis inter se; imò & caloris ac frigoris, quoniam calor humiditatem resoluens, siccitatem, & consequenter duritiem procreat: frigus verò congelando & coercendo, duritiem etiam efficit, vñà cum humore mollitiem.

Vera durities siccitatis soboles.

Dum præterea aspectu percipitur in Corpore color optimus, & in læuitate, siue glabritie, & hispiditate, siue hirsutie mediocritas, inde inferimus Temperamenti, siue optimæ cōstitutionis partium similiarium plenam integritatem. Color enim optimus censetur ille, qui ex rubro, & albo est commixtus; & huiusmodi color à perfectione actionum naturalium, & temperato calore dependet. Nam Signum est, Substantiam Spermaticam, naturaliter albam frigidamq;, & sanguineam substantiam, naturaliter rubram & calidam, ab exordio generationis in habitu corporis exactè fuisse confusas; & ætatis decursu ab innato temperamento optimè re-ctas, & hoc directore, accedente alimento, benignè fotas. Quoties ergo talis in Corpore elucet color, Signum erit probi Temperamenti. Mediocritas similiter in glabritie, Temperamenti perfectionem arguit: præsertim verò in frigiditate, & calore, imò & siccitate, & humiditate. Nam ubi mediocriter pilosus est homo, Signum est, frigiditatem, à qua glabrities oritur, in corpore non ex-orbitare, sicuti nec calorem, à quo hirsuties vt plurimum depen-det. Si ergo tactu visuq; pilositas moderata in corpore percipia-tur, optimi Temperamenti argumentum erit.

Color opti-mus in cor-pore huma-no.

Glabrities à frigore, hirsuties à calore præcipuè fit.

De tertio Signorum partis similariis genere, quod ab actionibus desumitur, vterius loquitur Galenus, & dicit, ex actionum integra perfectione temperaturam, siue constitutionem partium similiarium venandam esse. Vbi enim corpus temperatissimum fuerit, actiones prodibūt perfectissimæ. Vnde Galenus ait: In actionibus, integritas, quam & virtutem appellamus. Alibi per virtutem, actionum robur intelligit. Sed siue bonitas, siue integritas, siue robur, siue perfectio dicatur, perinde est: cum quævis istarum denominationum sit conueniens. Actiones, de quibus loquitur

Signa par-tis simila-ris, qua ab actionibus desumuntur.

Naturales actiones.

Excretio, Nutritio, Auctio, Generatio; Vitalis pariter Naturalis est. Appetitum nominaui naturalem facultatem; quia reuerà illa quæ in partibus Corporis fit, talis est, licet ille, qui in ore ventriculi fit, animalis, quòd animal ad cibi acquisitionem excitet, nominetur. Galenus lib. 10. Meth. med. cap. 10. tantam tribuit vim similaribus partibus, vt ab ijs omnes animantis actiones obiri affirmet. Præfatas etenim actiones, similes partes Temperamenti ope, vice instrumenti edunt. Motus verò, & Sensus, etsi organo quodam, & maiori apparatu, vt fiant, egeant, in quolibet tamen instrumento (vt alibi testatur Galenus) pars aliqua similis inuenitur, quæ præcipua actionis causa censetur. Ex his confirmatur dicta Galeni doctrina, quâ partes similes authores facit actionum omnium. Quoties ergo actiones perfectæ fuerint, Signum est optimi partium similarium temperamenti.

*Actiones à
similaribus
eduntur
partibus.*

*Dubium
quoddam sol-
uitur.*

*Comensura
tio, & pul-
chritudo.*

*Actiones
perfectæ,
partis dissim-
ilaris opti-
mam con-
stitutionem
arguunt.*

Obiectio.

Postquàm breuiter Signa à Casibus, siue Symptomatibus, & ab actionibus facultatum naturalium desumpta proposuit Galenus, Signa pariter alia necessariò consequentia ea, quæ substantialiter insunt partibus dissimilaribus, exponit: Et duo esse huiusmodi Signa indicat, suntq; commensuratio, & pulchritudo. Rursus ait, perfectionem operationum partium dissimilarium, optimam arguere Corporis constitutionem. Atque hæc tunc Signa indicatiua optimæ constitutionis corporis proposuit.

Obiectiones in hanc Sectionem.

Galeno obijciunt aliqui, quòd Signa optimæ constitutionis Corporis nimis defectuosè, & parcè hîc proposuerit.

Solutio.

Cui obiectioni facilè occurritur, Galenum definitiuo more, & per consequens breuiter, Capite 8. citato Lib. de Arte Medica, quædam proposuisse Signa ex magis præcipuis; ad quæ, nullo negotio, reuocari possunt Signa optimæ constitutionis, alibi à Galeno insinuata. Libro 2. de Temper. cap. 1. exactissimè temperati Hominis Signa enumerauit, & nos post illum in nostræ Physiologiæ libro 4. cap. 5. Libro 1. de Sanit. tuen. cap. 6. eiusdem optimæ constitutionis Signa plenè etiam exhibuit. Ante id verò (inquit) quænam sit optima Corporis constitutio, exponemus. Est igitur ea secundum substantiam ipsam rei enarrantibus, & quæ opti-

optimo temperamento sit, & quæ figuram partium egregie ad functiones comparatam habet: ad hæc quæ omnem tū numerum, tum magnitudinem, tum omnium earum inter se contextum ad actiones idoneum exhibet: Si verò indicia, notæsq; respicias, cuius corpus carnis exquisitam mediocritatem præfert, tale est, quod inter gracile, & obesum, medium esse docuimus. Nec refert, si pro obeso corpulentoue (πολύσαρκον, idest, multa carne prædito, habetur in textu Græco), crassum dixeris. Idem reliquorum quoque excessuum in medio planè est situm, ita, vt nec hirsutum id meritò dixeris, nec glabrum: sed nec molle, nec durū: nec nigrum, nec candidū: adde etiam nec venis amplis, nec obscuris: nec iracundū, nec ignauū: nec somnolentum, nec pernigilem: nec hebetem, nec callidum: nec in Venerē pronū, nec à Venere alienum. Quod si omnibus quoq; Corporis partibus planè medium omnis excessus teneat, pulcherrimum id visu nimirum fuerit, vtpote Symmetron. Erit non minùs ad labores omnes planè idoneum, nec reliquis Eucrasia, idest, boni temperamenti, cuiusq; membri notis, quas in Secundo de Temperamentis retulimus, destitutum. Nam multos videas, v.g. quibus caput attemperatum commodè sit; thorax, venterue, & quæ gignendo tributæ sunt partes, parum prospera temperie sint. Quorundam verò in artubus intemperies est. Non defunt, & quorum vnū aliquod viscerū, aut alia quæpiam particula vna, pluresue, interim verò plura aliqua viscera, parum salubri sint temperamento. Ego verò in vnica instrumentalium partium intemperiem (multi Codices Græci habent δύοκρασία, idest, duo temperamenta); idq; in non paucis notauī ita, vt, v.g. reliqua omnis ventriculi concavitas vno temperamento commodo, incommodoue esset, alio ipsum duntaxat ventriculi os. Hactenus Galenus, qui, vti Capite 8. Artis Medicinalis, Signa ab ijs, quæ essentialiter insunt, & ab ijs, quæ necessariò sequuntur, operationibus, & accidentibus fusè satis deduxit, testaturque se libro 2. de Temperamentis, Signa omnia boni habitūs, siue habitudinis, siue optimæ constitutionis, plenè exposuisse.

Signa optimæ constitutionis.

Pulcherrimum est corpus quod verè Symmetron est.

Inæqualis temperies.

Allati modò ex Galeno contextūs immemor erat Oddus de Oddis, dum Auicennam fen. 2. Primi, doctrina 3. cap. 4. Signis à Galeno assignatis quædā addidisse refert. Auicenna, inquit, quin etiam eadem Signa ponit, quæ à Galeno mutuatus est; vnumque

*Oddi obli-
uio.*

addere videtur, nempe quod hæc corpora venas habent mediocres, inter apparentes, & profundas, & eorum somnia valde delectant, speciemque bonam afferunt, nec non boni odoris esse videntur. Cæterum licet non explicitè hæc omnia verba ex Auicenna deducta apud Galenum extent, extat saltem doctrina illa de Venarum mediocritate, quam in optimè constitutis siue dispositis Corporibus, reperiri dilucidè docuit Galenus in contextu iam citato, & huc traducto. Quando autem venæ sunt mediocriter latæ, non intus in carne sunt valde reconditæ, exilium venarum more, nec exterius valde prominent, vt in multis biliosis simul & sanguineis apparere consueuerunt.

*Secunda
obiection.*

Obijcit secundo Thurisanus Monachus, super caput octauum Artis Medicinalis, contra allatam superius ex eodem capite doctrinam. Signum debet esse diuersum à Significato: Sed quæ substantialiter insunt, cuiusmodi sunt Temperamentum, & Partium compositio, non sunt diuersa à Significato, à sanitate videlicet: Ergo non possunt esse Signa. Maior clara videtur, alioquin aliquid esset sui ipsius Signum. Minor aequè vera videtur: nam Corporis temperamentum, & compositio siue cõformatio, sunt signata siue significata, & simul Signa.

Solutio.

Huic obiectioni satisfacit idem Thurisanus, inquiens, ea quæ essentialiter insunt, quale est Temperamentum, & compositio Corporis, bifariam accipi: Primò in ordine ad partes: Secundò in ordine ad sensus nostros. Temperamentum ergo quatenus dicit respectum ad partes similes, quarum forma dicitur, est Signatum: prout. a. idem Temperamentum ad sensum tactus, tanquam ad potentiam, à qua comprehenditur, respectum habet, Signum est sanitatis, siue Temperamenti partium similarium. Similiter compositio duplicem respectum habet, vnũ ad partes ipsas compositas, quarum forma est, alterum ad visum, & tactum, à quibus percipitur. Concludendum ergo idem, non secundum idẽ, siue non secundum eundẽ respectũ, esse sui ipsius declaratiuũ, siue signũ, siue maus, representatiuum, conformiter ijs quæ de significare & representare, in principio huius dixi. Téperantia enim consimilium (inquit optimè Thurisanus) est Signum secundum quod afficiens tactum Medici: imò magis est Signum impressio, quæ tactui ab ea derelinquitur.

Obij-

Obijciunt aliqui tertio, cum eodem Thurifano, Galenum fuisse
fui oblitum, quando inter accidentia quæ necessariò consequun- *Tertia*
tur ea quæ essentialiter insunt, commensurationem partium orga- *olictio.*
nicarum collocavit, cum eandem commensurationem antea sta-
tuerit esse id quod essentialiter, siue substantialiter partibus simila-
ribus inest, adhæretue. Galenum malè verbum, sequuntur, po-
suisse in textu, mordicè tenet Hieremias Thriuerus Brachelius: *Hieremias.*
quoniam, inquit, commodatio siue commensuratio optimam
instrumentorum Salubritatem præcedit, non autè succedit. Quod
autem nulla commensuratio sequatur quæ sit alia à prima quæ sub-
stantialiter inest, patet ex eo, quod figura, quantitas, numerus, &
situs, sunt ignava accidentia, quæ secundum effectum edere non
possunt: Res autem aliter se habet in primis qualitatibus, quas se-
cundæ consequuntur, figuram verò, quantitatem, numerum, &
situm, nulla ob ignaviam sequitur qualitas, aut effectus.

Nostamen cum Thurifano, & Ioanne Agricola Ammonio, *Solutio.*
respondemus, rectè à Galeno commensurationem, tanquam quid
consequens ea quæ secundum essentia rationem partibus dissimi-
laribus insunt, commemorari. Duplex autem est commensuratio:
Vna quæ substantialiter siue essentialiter partibus inest dissimila-
ribus: Et est illa congrua proportio, quæ in parte dissimilari requi-
ritur secundum conformationem, quantitatem, numerum, & si-
tum. Quoties enim Pars dissimilaris in his quatuor rectè consti-
tuta est, benè commensurata dicitur. Est & altera commensura-
tio accidentaria, quæ modò dictam commensurationem neces-
sariò sequitur; & est debita partium omnium dissimilariū ad se,
in vicem proportio, multum fanè distans à prima compositione,
& commensuratione partium dissimilariū, quarum quælibet,
quatenus dissimilaris est, conformationem, quantitatem, nume-
rum, & situm, tanquam formam, quâ constituitur, respicit: Se-
cunda autem commensuratio partium omnium dissimilariū
debitam ad in vicem proportionē, primam consequentē significat.

Galenus, præter commensurationem necessariò consequentem
primam commensurationem substantialiter inhaerentē, aliud enu-
meravit accidens necessariò consequens, quod pulchritudinem *Pulchritudo.*
appellavit. Pleriq; pulchritudinem, & secundam modò exposi-
tam commensurationem ita confundunt, ut eas nullatenus distin-
gui

*Parui ex
Aristotele
non sunt
pulchri.*

gui autument. Aristoteli adhærentes videntur pulchritudinem à secunda hac commensuratione distinxisse: quoniam Aristoteles in Ethicis docet, paruos posse esse commensuratos; siue concinnos, & elegantes, pulchros verò nequaquam. Nam vt pulchrum dicatur Corpus, magnum mediocriter esse debet, & cum non nisi ratione organorum, siue partium dissimilarium magnum dici queat, hæ omnes magnæ mediocriter, & inter se proportionatæ esse debent.

*Pulchritudo paruis
ag, ac magnis
corporibus inest.*

*Magna corpora ex
copiosa materia,
parua ex pauca
nascuntur.*

*Pulchritudo in
paruius dissimi-
larium proportionem
ad unum consistit.*

*Maiora corpora ab
humiditate, vel
materia redundantia,
minora à siccitate,
vel pauca materia
fiunt.*

Galenus verumtamen Lib. de Optima nostri Corporis Constitut. cap. 4. & magna, & parua Corpora, dummodò bonam habeant partium omnium commensurationem, pulchra esse patenter affirmat. Loquendo etenim ibidem de temperato, & optimè constituto corpore, ait: Quod verò eiusmodi Corpus, nec magnū, nec paruum, nec mediocre, necessariò statuendum sit, dictum à nobis est in Libris de Temperaturis. Sed in proposito etiam opere dicitur, gigni quidem magnum Corpus ob exuperantem materiam; ob exiguam verò paruum: sicuti multo ex ære grandis Statua, ex pauco parua conficitur: nihilo tamen obstat, quin duo hæ corpora particulas obtinere possint moderatè constitutas. Nam corpus, quod nec densum euidenter sit, aut rarum, neq; durum, aut molle, neq; item pilosum, aut glabrum, quantæcunq; magnitudinis extiterit, temperatissimum est: quod si instrumentariæ eius partes commensum quendam inter se sortiantur, erit profectò visus sanè pulcherrimum, cum absolutissimæ constitutionis existat. Corpus autem, vel maius, quàm deceat, minusue, fit duplici quidem ex causa: maius ob humiditatis, vel materiæ redundantiam, minus ob ipsius materiæ defectum, vel immodicam siccitatem: incrementum enim eò vsq; se extendit, donec ossa firmum robur adæpta sint: obdurescunt, firmaq; redduntur in parua magnitudine, vel ob materiæ penuriam, vel ob ipsam siccitatem. Ob idq; neq; simpliciter magnitudo humiditatis indicium est, neq; paruitas siccitatis, sed singula quidē corpora duplici ex occasione maturius, aut serius ab incremento desistunt. Quòd, si in magno corpore mollitiem, duritiem in paruo protenus deprehendes, erit proculdubio illud humidum, hoc siccum.

His Galenus Controuersiam diremit, statuens, & paruum, & magnum Corpus pulchrum esse. Pulchros sanè nos quotidie appellamus,

lanius, benè formatos, & temperatos Pueros : quàmuis existimem pulchritudinem in partium dissimilariū proportionē præcipuè consistere.

Quando autem Brachelius ait, primam commensurationem, *Hieremia. Brachelio fit satis.* ob ignauiam non posse secundam producere, esto: Proinde tamen negari non debet debita illa proportio partium dissimilariū inter se, quæ à natura ipsa in prima hominis formatione intenta est: quam proportionem, si relationem, ad quam non datur per se motus, appellare quis velit, per me licet. Relatio enim sine noua efficientia, effectum aliquem per se productum sequitur: vt videre licet in Patre hominem, intercedente generatione, producente: inter quem rursus; & genitum, relatiō resultat Paternitatis, & Filiationis. Si ergo à natura intenta est partis cuiusuis organicæ debita commensuratio, cur non hanc consequi potest partiū omnium dissimilariū inter se debita commensuratio?

Obijciat aliquis quartò, malè pulchritudinem cum commensuratione confundi: quia Galenus disiunctim de ambabus loquutus *Quarta obiectio.* est capite cit. 8. Ait. Medicæ. Addamus & his Antiquorum opinionem, qui visi sunt in grato colore, præsertim faciei, pulchritudinem constituisse.

Vnde Virgilius Egloga 2. ait:

O formose puer nimium ne crede colori:

Alba Ligustra cadunt, Vaccinia nigra leguntur.

Et Ouidius lib. 3. de Tristibus:

Ista decens facies longis vitiabitur annis,

Rugaq; in antiqua fronte senilis erit.

Inijciatq; manus formæ damnosa senectus

Quæ strepitum passu non faciente venit.

Idem Ouidius libro 15. Metamorph. etiam ait:

Flet quoque, vt in speculo rugas aspexit aniles

Tindaris, & secum, cur sit bis rapta, requirit.

Item Horatius lib. Epod.

Fugit Iuuentus, & verecundus color

Reliquit ossa pellem amicta lurida.

Tuis capillus albus est odoribus.

Respondeo, Coloris bonitatem in pulchritudine præsupponi: *Solutio.*

Nam in optima Corporis nostri constitutione Temperamentum

præ-

Pulchritudo in partium dissimularum proportionem & actionum integritate consistit.

præsupponitur optimum, quod coloris bonitas necessario sequitur. Vera tamen pulchritudo in proba, & proportionata partium corporis commensuratione, magis quàm in venusto colore consistit: quoniam partibus benè proportionatis actionum integritas conuenit: quæ quidem integritas bonitasue actionum partibus benè commensuratis addita pulchritudinem omnino complet: & per hoc additamentum perfectionis actionum, & bonitatis forte temperamenti, videtur pulchritudo à commensuratione distingui. Pulchritudo autem illa, quæ in coloris bonitate consistere dicebatur, quæq; in multis mulierculis perspicitur, actionum bonitate est destituta: quapropter vix pulchritudo dicenda. His adde consimiles mulieres esse glabras, nimiumq; molles, quæ duo optimi temperamenti defectum arguunt. Pueri verò benè compacti, optimèq; temperati, etsi molles & glabri, donec adulti facti fuerint, extent, pulchriores tamen multò mulieribus dicuntur; quoniam temporis decursu actionum perfectionem, & temperamentum; mediocritatem acquirere possunt.

Fucata pulchritudo.

Galenus lib. 1. de usu part. Corporis humani cap. 9. de Pulchritudine sic loquitur: Vera enim pulchritudo aliud nihil est, quàm constitutio optima: quam actionibus iudicabis, Hippocrati credens, non albedine, vel mollicie, vel id genus alijs, per quæ non natia, non vera, sed fucata, & adulterina pulchritudo ostentatur. Quò fit, ut alia quidem corpora mango (mango est homo, qui lacera, & trita vestimenta, aliaque merces veteres, refarcit, ut altiori pretio iterum omnia diuendat) alia vero Hippocrates laudaturus sit. Tu verò apud Xenophontem iocari Socratem fortassis putas, ambigentem de pulchritudine cum illis, qui ætate sua formosissimi videbantur: is autem, si simpliciter loqueretur, neque refert ad actionem, & hac ratione in vniuersum de Pulchritudine expenderet, forsan utiq; solùm iocaretur: sed quoniam toto illo sermone pulchritudinem constructionis particularum refert ad actionis bonitatem & virtutem, nequaquam ipsum tantummodò iocari, sed etiam seriò loqui æstimandum est. Hæc namq; Socratis Musa fuit, & industria, ut seria iocis semper immisceret. Et paulò post sequentia addit Galenus: Ut autem sermo noster methodo procedat, quæ corporibus insunt, omnia distinguamus. Insunt autem primum, & maximè temperamenta, quippe quæ propriam

Pulchritudo ex Socrate.

par-

particularum substantiam complent: Corpus enim tale natura est, *Temperamenta partium substantiam complent.* propterea quod caliditate, frigiditate, humiditate, siccitate sic commixtum est: nam carni esse carnem, & neruo neruum, & aliorum unicuique id esse, quod est, ob qualitatatum quatuor prædictarum certam quandam temperaturam, contigit. *Nota.* Hæc igitur eis

secundum substantiæ rationem insunt: consequuntur autem necessario odores, sapores, colores, durities, mollities. Alia verò necessario accidunt, positio, magnitudo, connexio, conformatio.

Quoties igitur omnium, quæ organis insunt, vtilitatem diligenter es examinaturus, in primis disquire per quod actionem nactum fuerit: magna enim ex parte per propriam substantiam inuenies: aliquando autem etiam ob aliquod ex consequentibus, quemadmodum in oculis propter colorem. Deinde, & aliorum eius particularum vtilitatem singulatim disquiras, an scilicet ea propter actionem sit utilis, an propter eorum aliquid, quæ temperamenta consequuntur, ut os propter duritiem. Post hæc autem vnumquodque illorum, quæ & totis ipsis organis, & eorum particulis accidunt, consideres: quæ (ut paulò ante dictum est) sunt positio, magnitudo, connexio, conformatio. Quisquis verò se rectè vtilitatem partium considerasse putat prius, quàm hæc omnia, rectène habeant, an ipsorum aliquid prauè, expenderit, hallucinatur. *Actio à quo fit.*

Dilucidè Galenus in hoc contextu Hippocratem, & Socratem sequutus, pulchritudinem in recta partium constitutione, & actione earundem partium bonitate, non autem cum mangonibus, & plebeis, in florido solùm colore, & mollitie Corporis collocauit. *In quo consistit pulchritudo.* Optimam sanè constitutionem bonitate actionum deprehendimus, teste Galeno lib. de opt. nostri Corp. constitut. cap. 2. ubi hæc habet: Quò fit, ut minime decipiamur, si optimam Corporis constitutionem eam esse statuamus, quæ vel saluberrima sit, vel probatissimæ habitudinis, eamque rectarum functionum firmitate atque constantia iudicemus.

Quid autem sit optima Corporis constitutio, à nobis superius declaratum est, & paucis in calce dicti libri de opt. nostri Corp. constitut. definitur à Galeno: Quæ inquit, si ita se habent, optima Corporis constitutio in his duobus, bona scilicet similitudine partium temperie, ac Officialium Symmetria collocanda est. Caterum si exactam pulchritudinem consideremus, coloris, & Temperamenti bonitatem non excludit, sed

Iucundus color à pulchritudine non excludendus.

Pulchritudo est sanitatis frustum.

Actio integra primum boni respectu non stri, Sanitas vero causa.

Habitus simpliciter bonus.

Habitus quid.

Obiectio 5.

intimè potiùs comprehendit; vt videre licet apud Galenum Libro ad Thrasybulum cap. 14. vbi hæc habet: Quemadmodum enim pulchritudinem iucundus color, congrua caro, membrorum cōmoderatio, & alia quædam integrant, quidni & Corporis bonum, ex sanitate, robore, & pulchritudine confletur? Item quid prohibet ipsius corporis bonum esse sanitatem, sed veluti frustum quoddam, eius pulchritudinem, & actionem? Quid obstat præterea primum corporis bonum actionem esse, eius verò causam, sanitatem? Neq; enim per alia exquisitè sanescet corpus, per aliâ robustum, aut pulchrum euadet: statim verò id etiam exactè salubre est. Ex his liquet, completam pulchritudinem sequelam esse optimæ constitutionis Corporis: Optima verò constitutio partium similiarium atq; dissimilarium perfectam dispositionem comprehendit. Optima verò Corporis constitutio integram sanitatem constituit. Vnde habitus Corporis simpliciter bonus, siue bona habitudo, sanitas à Priscis Philosophis, & Medicis nuncupatur, teste Galeno libro de bona habitudine; vbi etiam ait: Habitus etiam simpliciter bonus in optima Corporis constitutione deprehenditur, non autem simpliciter in singulis Corporum naturis. Quid autem sit habitus, à Galeno statim in exordio eiusdem libri definitur. Habitus, inquit, nomine in re omni vti solemus, quæ constans est, ægreq; amouetur: neq; idcirco quicquam magis, vel vituperamus, vel laudamus. Cùm verò bonum, aut malum habitum dicimus, qualis tunc ipse sit habitus, describimus.

Obijciunt pleriq; quintò, Perfectionem actionum non rectè optimæ constitutioni corporis adscribi. Nam plures intemperati quasdam edunt actiones multò perfectiores quibusdam temperatorum, & benè constitutorum actionibus. Galenus autem Lib. 1. de Aliment. facult. cap. 1. inquirens causam, cur aliqui meliùs & minori negotio bubulam carnem assumptam, quàm pisces saxatiles cōficiant, concoquantue, id prouenire dicit à calore excedente Ventriculi; qui calor siue intemperies calida, vel ipsi ventriculo congenita est, vel à bile ad ipsum ex Hepate, permeante, siue regurgitante, prouenit. Postquam enim cruditatis Signa citato capite proposuit Galenus, sequentiâ scripsit. Horum (idest, eorum, qui bubulam carnē concoquunt, saxatiles pisces non concoquunt, sed corrumpunt) igitur Corporis habitum diligenter contempla-

tus,

tus; deprehendi bilis flauæ copiam in ventriculo, vel ob prauam quandam temperiem, vel propter peculiarem constructionem esse aceruatam: peculiarem autem dico constructionem, quoniam hominibus quibusdā bilis ex iecore in intestina defluēs, in ventriculum regurgitat: prauam vero temperiem, cum calor naturæ ipsi inest acris, ac mordax, & (vt sic dicam) febriculofus. Proinde par est, vt isti cibaria corruptu difficilia melius, quàm facilia, coquant: quando, quæ facilè concoquuntur, facilè item alterantur, ac corrumpuntur: contra, quæ concoctu sunt difficilia, non facilè quoq; tum alterantur, tum corrumpuntur. Hæc certè, si in multum calorem inciderint, coquuntur magis, quàm si moderato occurrerit: atq; hac profectò ratione accidit, vt nonnulli bubulam facilius, quàm pisces Saxatiles, conficiant. Ex his Galeni verbis constat, coctionem facilius à natura intemperata, quàm temperata celebrari in ventriculo: imò & hepate calido.

Deniq; biliosi, & consequenter calidi & sicci, ordinariè sunt alijs ingeniosiores, magisq; animosi, & fortes. Vnde Galenus Commentario in Librum de Natura Humana, seu potius de natura Hominis, textu 39. in hæc prorumpit verba: Et proinde temperatissimus sanguis pituitæ, & bilis tam flauæ, quàm atræ, non erit expers. Sed & altera existit ratio naturalis, quæ non parùm probabilitatis affecuta est, quâ monstratur quatuor humores non parùm facere ad gignendos probos mores. Hic verò prius demonstrasse necesse est, quòd animi mores corporis sequantur temperaturam, de quo alibi à nobis scriptum est. Hoc itaq; sic constituto, animi quidem acumen, & dexteritas à bilioso humore prodibit: ab atra verò bile constantia, & stabilitas: à sanguine simplicitas, ac stoliditas: vt pituita ad formandos mores inutilis sit, sed necessarium ex prima ciborum transmutatione ortum habet.

Libro etiam 3. de Symptomatum causis, cap. 3. neruorum, tendonum, musculorum, & ligamentorum siccitatem ad motus voluntarios debite obeundos, maximè necessariam indicat. Imò ad expellendum, instrumentum validum & siccum, quàm aliud vllum, magis idoneum esse contendit. Post principium Capitis, instrumentum durum, quod difficulter flectitur, & innititur, maximè idoneum esse testatur, vt quis trahere valèter possit quicquid voluerit, & violenter trudere siue pellere, fortiterq; tenere, etiam

Quidā melius bubulā carnem quā passer, aut saxatiles pisces, concoquant.

Sanguis etiam temperatus alios continet humores.

Temperamentū corporis sequuntur animi mores.

quicquid placet. Sed constat has qualitates siccitatem & duritiem intemperatis corporibus, vt biliosis & melancholicis, congruere. Ergo motus voluntarios perfectiores edunt, quàm temperati. Dicto Capite in suæ doctrinæ confirmationem sequentibus vtitur

Phrenitis foris, Lethargicus imbellis. exemplis. Sicut, v. g. Phrenitis quidem calidus & siccus est morbus, ideoq; in actionibus voluntarijs maximum habet robur: Lethargus autem imbecillus, vt qui particulas humiditate copiosa frigidaq; imbuat. Tale quippiam est, & Hydropum genus, maximeque ex ijs Leucophlegmatia, & Anasarca.

Demùm quoad sensus exteriores certum est, eos in aliquibus intemperatis, & animalibus quibusdam, quàm in temperatis, magis elucere; vt libro 1. de Sanitate tuenda testatur Galenus. Vnde visus perspicuitate à Lince, & Aquilâ longè superamur. Auditum verò à Melampode facilè vincimur: Pedum pernecitate ab Iphiclo, alijsque permultis: manuum dexteritate à Milone: odoratu à canibus, teste Philosopho lib. 5. de generat. animalium. Sed nec canes procul olfaciunt, si cum vulturibus comparentur: ait enim Auerroës lib. 2. de Anima, vultures olfecisse occisa cadauera in bello Troiano vltra quingenta millaria.

Solutio.

Huic obiectioni ego in mea Physiologia cum vniuersa Schola satisfeci. Temperatus enim homo, & optima Corporis constitutione præditus, licet in quibusdam actionibus ab intemperatis aliquibus, & certis animalibus, inferior sit, si omnes tamen actiones simul sumantur, multò perfectiores in eo, quàm in intemperatis, & malè constitutis corporibus elucet. Licet enim concefferit Galenus, à Picrocholis bubulas carnes, quàm saxatiles pisces, faciliùs concoqui, non tamen dixit, actiones huius perfectiores esse actionibus hominis benè constituti: imò verò cōcoctio multò meliùs celebratur ab homine temperato, quàm à Picrocholo. Nam qui temperatus est, & bubulam carnem, & pisces saxatiles, & turdos, passeris, aliaque edulia difficilis, aut facilis coctionis, indiscriminatim alterat, concoquitque: Hi autem, quibus bilis in ventriculo accumulatur, teneriora alimenta non probè concoquunt, sed ea corrumpunt, adurantue ratione ignei caloris, quo bilis prædita est, & intemperie intensè calida. Vnde solidiora alimenta, quemadmodum his qui hectica febre laborant, biliosis istis congruunt: quia reuerà Picrocholi morbofi sunt, & quoad conforma-

tionem

tionem ductus aut vasis deferentis bilem ex hepate, quod vas non amplius vnum est, sed præter portionem eius, quæ bilem in intestinum rectum deferit, supernatus est alter ramus in ventriculum desinens, eoque bilem perferens. Præter malam formationem pori istius cholidoci, ventriculus adhuc veluti igneo calore inflammatur. Concludendum ergo, hos, qui ita laborant, coctiones infœlicius celebrare, quàm temperatos. Nam temperati correctione aut emendatione nulla, vt suis fungantur operationibus, sed sola custodia egent: Intemperati verò omnes è contra. Vnde Galenus lib. 1. de Sanit. tuen. cap. 6. ait: Quippe intemperies, quæ intra sanitatis sunt terminos, corrigere oportebit ita, vt quæ iusto sicciores naturæ sunt, humidiores reddas: quæ humidiores sunt, sicciores: pari modo, quæ frigidiores sunt, vt harum excessum castiges: quæ calidiores, earum superantiam ad moderatius reuoces. Sanè cum hæ Intemperies intra sanitatis limites constitutæ emendatione egeant, vt docet Galenus, multò magis emendandi sunt illi, in quibus copia bilis in ventriculo accumulatur: Nam hi verè morbosì sunt, aut saltem valetudinarij.

*Intemperies
intra sanitatis
limites.*

Quæ dixit Galenus cap. 3. libri 3. de Symptom. causis, de siccitate & duritie, vera quidem sunt: nam duriora quæuis violentius, quàm reliqua, pellunt, trahunt, & renituntur. Galenus idèò vngues ad apprehensionem necessarios esse docet lib. 1. de vsu part. cap. 10. Capite sanè citato lib. 3. de symptom. caus. quamplurima, eaq; egregia, de comparatione omnium functionum, ratione varietatis ætatum, proponit: quæ omnia & Conseruanti, & Curanti Medico sunt protinus necessaria.

*Vide cap.
3. lib. 3. de
symptom.
causis.*

Quod attinet ad locum Galeni Comment. in librum de natura Hominis, eum in nostra Physiologia benignè interpretatus sum. Dixiq; sanguineos non esse propriè stolidos, sed simplices, liberos, apertos, & astu carentes. Textus sanè græcus, stolidum, fateor, habet: *Τὸ δ' ἀπλοῦν καὶ ἡλιώτερον, διὰ τὸ αἷμα.* Quasi diceret, simplex & stolidus per sanguinem, vel à sanguine. *Ἡλιός* idè est, ac stolidus, stultus, insipiens: *ἡ λιθίατη*, stoliditas, stultitia, dementia. Fortassis idèò sanguinei ita vocati sunt, quod sint garruli, liberi, ingenui, vt dixi.

Sanctorio non placet solutio obiectionis vltimæ, etsi communiter omnibus arrideat. Dicit itaque, nomine operationis perfe-

ctæ,

etæ, eam intelligi, quæ constitutioni salubri conuenit, quæq; potest resistere causis extrinsecis, & quæ nunquam ferè in ægritudinem labitur. De qua optima & saluberrimâ constitutione Galenus cap. 85. Artis Medicæ, ait, non egere Præside pro eius conseruatione: imò de hoc corpore loquens, inquit, tantum appetere, quantum potest coquere: ideò libro de Bono Corporis habitu, dicit, hæc Corpora non ærotare, quia neq; colligunt humorum multitudinem, neq; malignitate coinquinantur. Hæc sanè, quæ de optimo habitu dixit Galenus, vera sunt, sed Sanctorius ludere videtur: cùm cæteri Medici, æquè benè, ac ille, de Corpore optimè constituto loquantur: quod corpus ex integritate actionum à reliquis discrepat, Ex functionibus enim secundum naturam obeundis, sanitatis habitus discernitur, teste Galeno lib. 1. de sanit. tuen. cap. 4. Sanctorius verò de naturalium actionum perfectione solummodò loquitur; in quo sanè peccat: Nam licet corpus temperatum naturales actiones perfectissimè ederet, non inde sequitur ipsum habere omnes actiones tam vitales, quam animales perfectiores quibusuis actionibus corporum intemperatorum. Pueri autem naturalem habent facultatem in optimo statu, animales tamen imbelles, teste Gal. lib. 3. de symptom. causis cap. 3.

*Sanctorius
perstringitur.*

*Obiectio
sexta.*

Obijcitur sextò contra id, quod dixit Galenus, sensu tactûs hominis temperamentum peroptimum percipi. Hoc enim falsum videtur: Nam Medicus tangens, temperatus pariter est, vel intemperatus: Si temperatus, nequaquam temperatum dignoscet: quoniam ex Aristotele lib. 2. de Anima tex. 118. Tactus exuperantias solummodò sentit, æquè verò calida; vel æquè frigida, vel æquè humida, vel æquè sicca, neutiquam. Si autem Medicus fuerit intemperatus, temperatum intemperatum iudicabit, propter magnam distantiam temperati ab intemperato: ex suppositione enim Medicus est intemperatus, & ille, quem tangit, temperatus. Medicus igitur calidam habens manum, dum temperatum tangit, eum frigidum iudicabit: Si manum habeat frigidam, Medicus, corpus temperatum, quod tangit, calidum existimabit. Adeoq; concludendum, Medicum intemperatum iudicaturum hominem temperatum intemperatum: Et sic sensu tactûs non percipiet temperatum.

Du.

Dubium hoc soluitur, præsupposita Auerrois doctrina: putat enim priuationem essentialiter sensu comprehendī. Medicus ergo temperatus priuatiuè temperatum dignoscet: idest, non persentiendo ipsum, quem tangit, calidum, aut frigidū, aut siccum, aut humidum, concludet necessariò, Corpus quod tangit, esse temperatum. Si verò Medicus fuerit intemperatus, temperatum pariter persentiet, dummodò Galeni consilium obseruet, lib. 1. de Temperament. cap. vlt. vbi Medico persuadet, vt glaciei, & aquæ calidissimæ pares portiones commisceat. Inde enim nascitur temperantia quædam, & medium quid inter calidum, & frigidum. Sæpius hoc & consimile tepidum corpus, in quo nullus datur calor, aut frigiditatis excessus, tangendo, deprehendet postea, & corpora temperata, & corpora similiter intemperata. Aristoteli vt satisfaciamus, concedendum sanè, simile non agere in simile, adeòq; nec temperatum à simili temperato sentiri positiuè; sed ex absentia excessus reliquarum qualitatum, Medicum dignoscere, tangibile illud esse temperatum: quietem enim per motus absentiam similiter dignoscimus.

*Exemplū
temperati.*

*Aristoteli
sic satis.*

SECTIO II.

De Signis Corporis Sani non optimè constituti.

A Pud Galenum lib. Artis Medicinalis cap. 8. duo inuenio genera corporis sani deficientis ab optima constitutione. Primum dicitur Corpus Sanum vt multum; ita enim Interpretes communiter loquuntur, tamen si in Galeni contextu Græco, aut Latino, non extant hæc verba (vt multum). Sanitas tamen, quæ optimæ constitutioni vicina est, & quæ ab eadem optima constitutione nō multum recedit, meritò Sanitas vt multum; siue Sanitas satis constans, & vt plurimum bona, quia parum ab optima deficit, dicitur. Altera Sanitatis species, Insalubris simpliciter, appellatur. Erectilla: Sanitas valetudinaria, quæ ab optimo statu Corporis, seu ab optima integraq; Sanitate multum declinat, & morbo vicina est. Dicitur hic Status Corporis Insalubris simpliciter, vt distinguatur à Statu corporis Insalubris vt nūc. Nam corpus Insalubre vt nunc, est Corpus actu morbosum. Dicitur deniq; Corpus insalubre simpliciter, sanum esse, quia actio-

*Quatuor
genera cor-
porū sano-
rum inferius
proponit
Galenus:
Saluberri-
ma, Salu-
bria, vt
multum, in
salubria
simpliciter
& neutra
siue media
inter salu-
bria vt
multū, &
insalubria
simpliciter.
Insalubre
simpliciter
& vt nunc
distinguitur.*

res non sunt impensè læsæ, vt homo Saluber simpliciter, mor-
ægrorum, cogatur lecto semper hære, & formali Curationi sese
submittere.

*Distinctio
corporis sa-
luberrimi
à salubri
vt multū.*

Signa, quibus Corpus Salubre vt multum, à Corpore Salu-
berrimo, & perfectè sano, distinguitur, in contextu hac serie in-
nuit Galenus cit. cap. 8. Artis Medicæ: Eorum autem (idest Cor-
porum), quæ ab ipsa (.i. optima Constitutione) deficiunt, & ad-
huc tamen Salubria existunt, nonnulla quidem in consimilium
temperatura vitium aliquod paruum habent, in instrumentorum
commoderatione, & hoc quoq; perexiguum: accedit autem hoc
vel in omnibus, aut in aliquibus, aut in vtrisque. Postquam Ga-
lenus Signa optimæ constitutionis Corporis humani tradidit, alia-
rum constitutionum Corporis Sani Signa nobis proponit: Et pri-
mo loco Corporis sani, vt multum. Corpus ergo Salubre, vt mul-

*Quale cor-
pus salubre
vt multū.*

tum, est illud, in quo exiguus reperitur excessus in temperamen-
to, aut compositione, aut in his vtrisque simul. Cæterum cum
agnosceret Galenus, Sanitatem non in solis, temperie, & proba
Corporis compositione consistere, sed in his simul, & partium,
tam similiarium, quàm dissimiliarium, vnitatem, eodem in Capite
consequutiue ait: Vitiatorum verò genera eadem sunt his, quæ vir-
tutem perficiunt: Quasi diceret, tot esse genera morborum, quot
Sanitatis. Sed Sanitatis triplex est genus, vnum temperiei, quod
partibus similiaribus congruit: alterum in bona compositione
situm, quod partibus dissimiliaribus: & tertium vtrisque partibus
commune, quod vnitatis dicitur. Vnde constat, tria esse morborum
genera, his iam dictis generibus aduersa, Intemperies similiarium,
dissimiliarium mala compositio, & soluta vnitatis, vtrisque commu-
nis. Adeoque temperatum erit vel bonum, siue Sanum, vel vitia-
tum: Compositio pariter bona, vel vitiata: Solutio etiam continui
integra, vel corrupta. Itaque eadem genere erunt subiecta, circa
quæ versatur status sanus, & status æger: pars videlicet similis
est temperiei, & Intemperiei subiectum: Dissimilans bonæ, & pra-
uæ compositionis: vtræque partes subiectum vnitatis integræ,
aut læsæ.

*Tot sunt
morborum
genera, aut
si maius,
subiecta,
quot sani-
tatis.*

His expositis, proponit Galenus ea, quæ Virtutem, siue Sani-
tatem integram complent: & inter ea vnitatem recenset, hoc pa-
cto: Temperatura quidem in consimilibus; numerus autem, &

formatio, & magnitudo, & situs, in Instrumentarijs partibus; *Tria sanitatē complent, temperamentū similarū, bona compositio dissimilariū partium. & utrarumq; partium unitas.*
 vtrisque; verò communis vnitas, quā & ipsorum continuitatem appellamus. Quoties enim in his tribus, aut in ijs, quæ naturaliter ea consequuntur, accidentibus, vel omnibus, vel quibusdam fit parua aliqua declinatio ab optima Corporis constitutione, *bona compositio dissimilariū partium. & utrarumq; partium unitas.*
 Corpus laborare dicetur sanitate, vt multum. Salubre enim, vt multum, est Corpus, quod satis benè constitutum est; etsi quodammodo biliosum, aut sanguineum, aut quid simile dicatur. Pariter, si eius Pars aliqua non probè composita fuerit, dummodò talis mala compositio exigua fuerit, sanum, vt multum, dicetur. Si similiter exigua fuerit facta continui solutio, sanum, vt multum, dici poterit, dummodò actiones sensibilibus illæ perma-
 nuerint. Non enim qui leuem aciculæ puncturam, aut qui exiguam continui solutionem ex parua pustula passus est, morbosus dicetur, dummodò nullæ tunc actiones sensibilibus læsæ fuerint.

Nunc ad Corpus sanum, quod insalubre simpliciter nuncupatur, quodq; ad ægrum proximè accedit, accedamus. Corpus hoc à Corpore ægro his Signis Capite 8. Artis Medicæ distinguit Galenus. Terminus autem, qui vtrumq; (idest Corpus insalubre simpliciter, & Corpus insalubre actu, quod ægrum dicitur) distinguit, est operationum læsio sensibilis. Distinguit, inquam, Galenus Corpus insalubre simpliciter à Corpore insalubri, vt nunc, hoc potissimum Signo, quod Corpus insalubre vt nunc, seu actu ægrum, aliquam, vel aliquas operationes habeat sensibilibus læsas: Corpus porro insalubre simpliciter, etsi euidenter malè sanum sit, ægrum tamen nequaquàm censetur, donec aliqua eius actio sensibilibus, idest grauiter, lædatur. Quamuis sanè à Corpore perfectè sano non parum remotum sit, & sensibilibus videatur habere actiones læsas, si cum eodem saluberrimo comparatur; sibi tamen collatum, aut comparatum, nullo modo dicetur habere actiones læsas; quoniam eas solito semper edit more.

Thurisanus existimat, per sensibilem actionum læsionem, non solum Corpus insalubre simpliciter, sed omne Corpus sanum, ab insalubri vt nunc, siue actu ægro, distingui. Sed cum Galenus immediatè ante de insalubri simpliciter, & de insalubri vt nunc loquutus fuerit, verisimile est, ipsum in textu allato distinxisse potissimum.

Thurisanus interpretatio.

Monachus Thurisianus.

tissimum insalubre simpliciter ab insalubri vt nunc, cum inter hæc duo maxima videatur esse affinitas, & omnibus notum sit, Corpus saluberrimum, & Corpus salubre, vt multum, ab insalubri, vt nunc, siue morbofo, longè distare.

Iterum iuxta ordinem contextûs Galeni, repetenda est conuenientia, & disconuenientia Corporis semper sani, idest saluberrimi, & Corporis salubris vt multum; de quibus hoc ordine loquitur Galenus: Quæ verò ab optima Corporum constitutione breue aliquid deficiunt, reuera quidem & ipsa in aliquo sunt offensa, non tamen id sensu comprehenditur. Distinguuntur verò ex eo, quòd magis, aut minus in operationibus existit, ac quia in causis, quæ ægritudine pariunt, non æquè resistunt. Superiùs Galenus docuit, paruum esse discrepantiam inter Corpus Saluberrimum, & Corpus salubre vt multum; nunc eandem doctrinam repetit, & ait; lapsum Corporis salubris vt multum, à Corpore perfectè sano, esse adeò exiguum, vt sensibus comprehendi nequeat: nam Corpora salubria vt multum, tactui, & visui apparent optimè constituta, & veluti media inter omnes excessus, cum videantur veluti plenè dotata Signis Corporis saluberrimi: quæ Signa abundè superiùs cum Galeno exposuimus. Cum ergo Corpus salubre vt multum, à Corpore perfectè salubri, propter exiguum lapsum illius ab hoc, distinguere sensus nequeat, eorum discrepantiam mente venari oportet. Duo itaq; sunt signa, quibus ab inuicem ea differre deprehendimus: Primum discrimen ex actionibus colligitur. Corpus .n. salubre vt semper, siue saluberrimum, omnes actiones collectiue sumptas habet perfectiores actionibus Corporis Salubris vt multum. Secundum Signum discrepantiæ eorundem corporum ab inuicem, desumitur à resistentia, quæ fit causis aduersis. Quoties ergo duo homines iudicio sensûs æquè benè constituti occurrent, & plerisque temporum iniurijs obijcientur, si inde vnus patitur, alter nihil, ille qui temporis iniurias sine damno vlllo tolerare potuit, saluber vt semper, siue saluberrimus censendus erit: qui verò causis occurrentibus resistere nequibat, & earum impressionem ita admisit, vt inde leue aliquod malum sustulerit, ab optima constitutione declinauit; ac proinde non saluberrimus, sed saluber vt multum, nominabitur. Galenus lib. de Optima Corporis constitutione, eiusdem Corporis optimè

*Corpora
perfectè
sana à sa-
lubribus
vt multum,
distingui-
tur, quod
perfectio-
res edant
operatio-
nes, &
quod cau-
sis morbo-
sis melius
resistant.*

constituti: propositas dotes, quibus reliqua superat corpora, sequenti serie perbellè exposuit.

Quòd verò, inquit, eiusmodi corpus (optimè scilicet constitutum) optimè ad vnamquamq; se habeat actionem, difficiliusq; quàm cætera omnia Corpora, morbis corripiatur, id facillè à quouis deprehendi potest: Pars enim, quæ suas optimè functiones exercet, bonæ quidem similariū temperiei, moderatè verò instrumentorum constitutionis, soboles existit. Eius generis est Corpus, quod antea diximus: cuius actiones planè constat, præstantiores fore, quàm quæ in cæteris Corporibus deprehenduntur.

Quòd verò difficillimè incidere in morbos possit, ex his præcipuè intelliges. Læsiones nostri Corporis, aliæ quidem à causis exterioribus, aliæ verò ab alimentis excrementis oriuntur: ab exterioribus quidem causis, veluti si calefactus est quispiam, vel frigidus, vel humectatus, siccatusve præter modum; inter quæ curæ etiam, ac mæstitiæ, laboresq; & vigiliæ; atq; alia eiusdem generis connumerantur. Ab alimentis verò excrementis duplices quidem genere sunt; quoniam & ipsa excrementa duplicia sunt: quorum alia quantitate lædunt, alia qualitate: specie verò sunt multiplicēs. Quod igitur moderatè constitutum corpus, ab exterioribus causis hand facillè corripiatur, ipsius eucrasia, hoc est, bona temperies, planè ostendit: cum eò, quòd ab ipsis extremis vndequaq; plurimum distat, in temperaturæ ametriam, idest, à iusto modo declinationem, vix, agrèq; dilabatur. Præterea ob actionum præstantiam, cum minimè à lassitudine lædatur, erit morbis ipsis difficillimè obnoxium. Est autem corpus huiusmodi inter alia omnia succi probatissimi: proptereaque facilius, quàm cætera Corpora, tristitiam, iram, vigilias, curas, imbrem, squalorem, pestilentiam, atq; (vt paucis rem complectar) vniuersas morborum causas sustinebit: sed quæ vitiosi sunt succi, prædictis à nobis causis facillimè succumbent; tanquam per se ipsa proximè ad morbos accedant.

Hac quidem ratione, quæ extrinsecus nobis occurrunt causæ, corpusq; infestant, eam, quam diximus, Corporis constitutionem, difficillimè corripient: quod verò ab alimentis excrementis, hand facillè sit morbis obnoxia, ex ipsius natura præcipuè discas, in qua neq; copiosis, vitiosisve vlli succi facillè redundant: neque, si exuperans quicquam congestum sit, idcirco læsio aliqua ipsis animanti-

Duplex causa morborum actiones lædunt, una externa, altera interna, quæ mediante morbo quæ producunt actiones lædunt.

Corporis excrementa dupliciter peccant, aut quantitate excedere, aut qualitate.

bus infertur: naturalium enim inter se actionum symmetria, singularumq; ipsarum virtus excrementa quidem gigni non finit; siquæ verò gignantur, paruo negotio expellit. Sin autem aliquandiu intus ynquam remanserint, minimum ab eis percipit detrimentum. Imbecilles enim ac intemperata naturæ à causis morborum facile capiuntur: temperata verò, ac valida, cuiusmodi esse optimam constituimus, plurimum resistunt.

*Natura
imbelles
ac intempe-
rata facile
patiuntur
à causis
externis
simul &
internis.*

Præclarè hîc Galenus Signa corporis Saluberrimi; quibus non solum à Corpore Salubri vt multum, sed à corpore insalubri simpliciter, cæterisq; Corporibus à statu perfectè sano quomodolibet deficientibus, distinguitur, proposuit. Non est tamen sine examine prætereunda hæc Galeni doctrina, quâ statuit Corpus Saluberrimum, maximè omnium, tam externis, quàm internis iniurijs resistere. Quæ doctrina, generaliter, & vt plurimum loquendo, vera est, propter perfectionem omnium actionum corporis saluberrimi, quibus mediantibus, contra causas, tam externas, quàm internas, acriter pugnat. Corpora tamen quædam Salubria vt multum, iisdem causis aliquando fortius resistunt propter quasdam dispositiones, quibus dotata sunt, teste eodem Galeno, citato libro de optima Corporis constitutione, vbi inquit: Verbi gratiâ, quæ moderato duriora sunt, ab omnibus quidem exterioribus causis, molliora verò ab interioribus: pari modo, & quæ densiora ab extrinsecis, quæ rariora ab intrinsecis, difficilîus lædentur. Quæ enim ab Hippoc. in lib. de Alimento scripta sunt, raritatem scilicet Corporis, quibus plura perspirationis causâ per cutem feruntur, salubriorem, quibus pauciora, morbosiores, dicta ab eo sunt de alimenti ipsius excrementis, quæ ad sanitatem, aut morbum pertinent. Et quibusdam interpositis, rem hâc serie prosequitur Galenus: Etenim si ad excrementa respicias, rariora corpora salubriora sunt, densiora verò morbosiora: rursusq; rariora à cunctis externis causis facilius affici, densiora difficilîus possunt. Quamobrem præter alia bona, moderatum corpus, neque rarum, aut densum dici debet: sed sicuti inter alios, sic quoq; inter hos excessus, medium constituendum est. Excedentium verò vtrumque aliqua in re plus posse videtur: Densius namq; à causis externis, rarius verò ab internis, minùs lædetur: quod autem ab vtraq; causa tutum omninò, illa sumq; sit, deprehendi non potest. Quod verò

*Intempe-
rata cor-
pora for-
tius quan-
doque qui-
busdâ in-
iurijs resi-
stunt quàm
temperata.
Hippocra-
tis verba.*

medium inter exuperantias omnes possidet, mediocriter resistit: idemque inter vniuersa corpora saluberrimum censemus. Similiter & humectantes causæ omnes, quod Siccus est moderatò corpore: siccantes verò, quod humidius, agrè admodum corripient. Quapropter (sicuti à nobis paulò superius explicatum est) *Corpus temperatum aliqua in re intemperatis inferius est.* quod medium dicitur, haud sanè videtur plus omnino, quam cætera Corpora, morborum offensis aduersari: sed singulis quidem Corporibus aliqua in re inferius est, ante omnia tamen potissimum deligendum.

Hoc in contextu dilucidè Galenus obiectionem, superius à nobis propositam, diluit. Obiectum enim est, quædam Corpora ab optima constitutione recedentia, quasdam edere actiones multò perfectiores quibusdam actionibus eiusdem Corporis optimè constituti. Quam doctrinam hîc planè confirmat Galenus; & quidem exemplis non obscuris. Corpora quidem mollia & rara, sine dubio villo, humidiora sunt Corpore temperato, & optimè constituto: minùs tamen talia corpora à causis internis læduntur, quàm Corpora optimè constituta: Causæ enim internæ ordinariæ, sunt excrementa alimentorum assumptorum, quorum quædã per vias urinæ, quædam per seccum, quotidie excerni solent. Excrementa autem tertiæ coctionis, & quicquid à visceribus ad habitum corporis relegatur, per poros cutis euacuari debent; quibus euacuatis, vniuersus Corporis habitus purus seruat, & sanus. Præterquam autem quòd dicta excrementa facillè habitum corporis rarum, & porosum permeant, & per cutem euacuantur, aer externus in arteriolas quasuis ad cutem desinentes liberè ingreditur, & ex iisdem arteriolis fuligo quæuis excernitur, fitq; vno verbo, commoda, & libera corporis transpiratio, quæ calor natiuus à fumosis vaporibus liberatur, simulq; ventilatur, & contemperatur: corpusq; proinde purum omnino seruat. Vt autem hæc omnia feliciter celebrentur, corpus debet esse raræ texturæ, siue constitutionis: & huiusmodi communiter sunt corpora laxa & mollia, in quibus meatus quiuus, etiam exiliores, facillè reserantur, vt per eos omne superfluum, expultrice facultate, & calore nativo benè suis muneribus functis, extra corpus protudatur. Non verò sufficit, Corpus esse laxum, & porosum, ni suam præstet operam Calor natiuus, & expultrix Facultas; quibus languentibus, ex corpore

pore etiam permeabili excrementa non deturbantur: vt videretur licet in Hydropicis, & præsertim Leucophlegmaticis, iuxta & in Senibus, qui corpora habent laxa, & mollia (si Senum cutem paulò rugosam, & aridam, quasdamq; partes Spermaticas, excipias): quia veruntamen Calor natiuus, & Facultates non solum Naturales, sed Vitales, & Animales, in his languent, permodicam per cutem fit ijs euacuatio. Proindeque ab internis causis, siue excrementis intus genitis, quòd non debite per cutem euacuentur, facile læduntur. Ratio ergo, propter quam Corpora rariora ab internis causis non facile læduntur, est, quia excrementa intus genita per corpus laxum, rarumq; & vndiq; apertum, continuò euacuantur, nec magnam in Corpore moram contrahunt. Propter molliem quidem, & laxitatem intestinorum, alui excrementa, & Corpora rariora facilius exonerant: ob laxitatem pariter partium, per quas Sanguinis serum superfluum, siue vrina transfertur, non solum vrinas ipsas, sed crudum etiam succum, qui coctionem in hepate non admisit, excludunt: per habitum demum Corporis reliqua excrementa, quæ eò amandari consueuerunt, euacuantur.

Cur Corpora rara ab externis causis facile læduntur.

Corpora densa cur ab internis causis facile, difficilius ab externis patiuntur.

Cæterum, Corpora rara, siue porosa à causis externis facile læduntur: quoniam aer nos ambiens, & quasuis impressiones frigoris, caloris, humiditatis, siccitatis, putredinis, cæterorumq; excessuum nullo negotio admittens, porosa raraue corpora, sua noxa prægnans, illicò inuadit, permeatque, & suo confestim vicio, interna etiam, & penetralia Corporis, alterat, labefactatque.

Ordine aduerso, corpora densa & dura ab internis causis facile, ab externis difficulter læduntur. Durum enim, densumq; Corpus non est permeabile. Quare internis excrementis liberum exitum non concedit: nec aeri externo facilem ingressum.

Ratio, simul & Galeni authoritas testantur, Corpus temperatum esse medium inter rarum & densum: id est, non est rarum, nec densum, sed mediocriter se habet inter densitatem & raritatem. Quare Corpora rariora, internis iniurijs sunt minus obnoxia, quam temperata: & densiora durioraque causis externis, quam eadem temperata, minus obnoxia sunt. Pariter Corpora sicca humiditati, & humida Corpora siccitati, valentius resistunt, quam temperata, vt manifestè in contextu testatur Galenus, & ratio ipsa omnino persuadet. Nam contrarium, quam medium, contrario ma-

gis resistit. Si hanc Galeni doctrinam legisset Sanctorius, non negasset, quasdam actiones à Corporibus intemperatis perfectius, quàm à temperatis, emanare. Si saepè Galeni textum ultimo loco antea hùc translatum perlegit Sanctorius, mala fide procedit quæst. 28. in Art. Medic. ubi nullam facit prædicti textus mentionem, eumque prorsus præterijt, ut Thurisano reniteretur. Thurisanus autem Galeni sententiam de Corpore temperato interpretatus est; Corpus nimirum temperatum, ut plurimum, & non semper, magis resistere causis externis, quàm intemperatum. Et licet Galeni, & Aristotelis authoritates Thurisano fauere videret Sanctorius, hæc suæ opinioni longè postposuit. Galenus, ut fatetur Sanctorius, lib. 8. Methodi med. cap. 8. testatur, Corpora temperata esse ad febrem magis parata, quàm corpora frigida humida, frigida & sicca. Item lib. 1. Epidem. Comment. 2. tex. 7. docet idem Galenus, Corpora frigida magis resistere constitutioni calidæ æris, quàm corpora temperata. Accedit Aristotelis autoritas Sectione 5. Problematum, Problemate 22. in quo quærit, cur temperata Corpora in morbum sæpius incidant, & facilius sanentur. Respondet; quia quod est æquabile, id compatibilius esse: immodicum verò contra. Aristotelis verba subiiciamus: Quare, inquit, Corpora, quæ modicè constant, temperataq; sunt, in morbum sæpius incidunt, & facilius curantur? An utrumq; eadem de causa euenit. Est enim æquabile, quod modicum est, quod autè æquabile, id compatibilius est. Quamobrem, si qua eius pars laborauit, protinùs totum collaborat. Immodicum autem contra, ut potè quod seiunctius sit, partium suarum vitia minùs haurit, minùsq; consentiens est. Ergo sæpius id in morbum hac de causa incidit: facilius autem curatur; quoniam malum partium commune omnium est. Eò namq; debilius redditur, quò se in plura digesserit: itaque curabilius est. Immodicum verò illud, ut quod rem communem cum partibus nō habeat, minùs quidem ægrotat, sed difficilius curatur; quoniam malum vehementius urget.

Mirabilis est Sanctorius; dum Aristotelis auctoritati respondere conatur. Nos autem, inquit, respondemus, temperatissima Corpora magis alterari, quàm intemperata: negamus tamen, quòd non magis resistent: Exempli causà, Corpora pituitosa, quæ sunt frigida, minùs patiuntur in ardore æstiuo, quàm Corpora

*Sanctorij
negligentia
reprehenditur.*

*Corpora
temperata
febri magis
obnoxia.*

*Frigida
corpora
quàm temperata,
calori magis
resistent.*

*Corpora
temperata
morbis magis
obnoxia quàm
reliqua ex
Aristotele.*

*Intemperata
corpora,
etsi difficilius,
quàm
temperata
laedantur,
læsa tamen
difficilius
quàm hæc
curantur.*

*Sanctorius
erroris ar-
guitur.*

temperatâ, quæ sunt viciniora puncto illi medio: non valet tamen, minus ergo resistunt. Quis non videt, Sanctorium tergiuersari, & protinus ludere. Concedit ille Corpus frigidum difficilius incallescere à calore æstiuo, aut à calore ignis, alioue calore, quam Corpus temperatum: negat tamen, corpus frigidum magis resistere calori, quam corpus temperatum. Sanè maximam inuoluit contradictionem huius Viri discursus. Nam dicere, quod illud, quod magis renititur, minus resistat, est ab omni ratione alienum. Ergo cum fateatur Sanctorius, Corpus frigidum difficilius calefieri, quam temperatum; hoc tamen, quam frigidum, calori magis resistere, sententiam amplectitur omni rationi aduersam. Si, quæso, frigidum corpus non magis calori resisteret, quam Corpus temperatum, cur non æquè citò ab ardore Solis, aut ignis, caleficeret, ac corpus temperatum: & ob hanc resistantiam, quæ vi frigoris in Senibus fit, Senes, quam Iuniores, rariùs febribus ardentibus corripuntur; teste Hippocrate lib. 1. Aphorismor. 14. ubi ait: Quæ crescunt, plurimū habent calidi innati: plurimo igitur egent alimento, alioquin Corpus absumitur. Senibus verò parū calidi inest: paucis propterea fomitibus egent, quia à multis id extinguitur. Hanc etiam ob causam febres Senibus non perinde acutæ fiunt: frigidum enim eorum corpus. Hæc, & alia, quæ in medium produci possent, Sanctorium erroris conuincunt manifesti.

*Senes, quia
frigidi fe-
bribus pa-
rum obno-
xii, ex Hip-
pocrate.*

Si tamen alicui placet, corpora temperata & optimæ constitutionis, obliquè & indirectè internis & externis iniurijs potenter oblucriari, per me licet: Nam, sine dubio, corpora optimæ constitutionis minus excrementi, quam rariora & densiora, cæteraque corpora colligunt. Et si quæ in iisdem superflua colliguntur, potentiùs, & maiori robore, atq; conatu ea deturbant. Et hæc omnia tanta cum sælicitate moliuntur, quoniam naturalium facultatum integritate potissimum gaudent: Quarum præstanti virtute prædita, æquiualentè non rarò faciunt, quidquid potentissima extrema, id est, quia munda sunt, & siquid superfluitatis in iisdem congeritur, facultatis expultricis validæ impetu mox eijcitur, internis & externis morborum causis potenter resistunt: calori videlicet, frigori, & consimilibus.

Signa Corporis Infalubris.

MOdò cum Galeno proponamus ex cit. cap. 8. Libri Artis Medicæ, Signa, quibus Corpus infalubre simpliciter, à Corpore saluberrimo, & Corpore salubri, vt multum, distinguitur. Quæ autem (inquit Galenus) simpliciter infalubria sunt Corpora, distinguuntur ob id, quòd, facillè à causis, quæ morbos committendi vim habent, superantur; & quoniam in virtute operationum plurimum deficiunt. In medio autem amborum collocantur ea, quæ neutra simpliciter appellantur, & ea, quæ cum latitudine quadam. Quò fit, vt tota sanitatis latitudo in tres partes, quarum singulæ latitudinem habent non paruam, diuidatur. Erit autem prima quidem salubrium Corporum: Secunda neutrorum: tertia infalubrium. Post quæ deinceps sequuntur, quæ iam ægrotant Corpora, quæ sensibilibus operationum læsionibus distinguuntur.

Hoc in contextu docet in primis Galenus, primum Signum Corporis infalubris, simpliciter, esse quod à causis, quæ vim habent generandi morbos, facillè vincatur, & in morbos incidat. Secundum Signum est, quod vigore careant, & imbelles edant actiones. Corpora autem, quæ ab ortu, aut multis annis, ita infalubria sunt, non nisi imbelli conatu omnia efficiunt. Docet deinde Galenus, inter Corpus salubre, simpliciter, & infalubre, simpliciter, collocari ea corpora, quæ neutra, simpliciter, appellantur. Denumq; Corpus actu ægrum ab omnibus præfatis sanitatis speciebus distingui docet, eò quòd in Corpore actu ægro actiones sensibilibus lædantur. Doctè sanè particulam, sensibilibus, addidit Galenus: quia vult, & optimè, sensum esse iudicem læsionis Corporum. Itaque dum sensus per sentit actiones lædi, & Corpus ægrotare, tunc verè hoc dicitur ægrotare. Naturam autè rerum inspicere non debemus (inquit Galen.) quoties ægrum Corpus à sano discernere volumus; alioquin in dogma *ἀεὶ ἀθεῖν*, idest, sempiternæ passibilitatis, incideremus. Res hæc claritate eget. Si Corporis cuiusvis naturam consideremus, certum est semper alterari; adeò vt non vltra momentum temporis in æquilibrio, aut exactissima symmetria quatuor primarum qualitatum durare

*Primum
signū cor-
poris infa-
lubris sim-
pliciter.*

*Secundum
signum.*

*Neutra
simpliciter*

*Indicium
certū cor-
poris actu
agri.*

Sempiterna aut continua passio Physicè sed non Medicè, in quouis est corpore.

queat. Reperitur ergo semper in quouis Corpore (etiam optimè sano Medicè : nam optimè sanum latitudinem habet , nec in puncto consistit) lapsus aliquis à perfectissima sanitate ; qui tamen lapsus cum non sensibiliter lædat actiones , morbi nomen minimè meretur ; alioquin daretur in quocunq; Corpore *ἀενάθητα* , idest, sempiterna passio, aut patibilitas. Licet autem Physicè vnumquodque Corpus perpetuò alteretur , non tamen sensibiliter actiones læduntur, nisi morbo aliquo superueniente. Vnde actiones, quantumuis imbelles , Corporis insalubris simpliciter, nunquam dicuntur læsæ, nisi morbi interuentu tales reddantur. Satius ergo est neutrum statū admittre contra quosdam Antiquos, quàm cum ijs concedere , quòd semper ægrotemus : cum ægrotationis iudex debeat esse sensus ægri, Medici, & aliorum , qui actionum læsiones persentit.

Varie species corporum sanorum.

Ex dicta sani Corporis partitione nonnulli inferunt plures sani Corporis species ; quoniam quas Galenus enumerauit , latitudinem habent . Primum ergo locum obtinet Corpus salubre , vt semper, siue saluberrimum : Secundum locum , Corpus salubre, vt multum . Tertium , Neutrum , vt multum ad salubre vergens : Quartum locum, neutrum Corpus simpliciter : Quintū, neutrum, vt multum, vergens ad insalubre : Sextum, insalubre, vt multum : Septimum , insalubre simpliciter , quod ægro corpori proximum est. Cum neutro Corpore simpliciter, vel cum Corpore insalubri, simpliciter confunditur Corpus salubre, vt nunc ; adeòque sub sanitatis latitudine continetur , & non fuit omissum . Similiter aiunt nonnulli , Corpus conualecscens, & Corpus in morbum proclive, aut decedens, sub sanitatis latitudine contineri, & ambo reuocari ad neutrum Corpus, vt nunc, secundi, vel tertij significati, quæ de extremis participant. Sed de sanitatis latitudine nos fusiùs in nostra Hygieine.

Quæ hæcenus de Signis salubribus Corporis sani diximus, modò sufficerent : quoniam de Signis specierum sanorum corporum , non autem indiuiduorum , agere statuimus . Verùm , cum Galeno Lib. de Arte Medica , vltteriùs Signa insalubris Corporis, simpliciter, magis peculiariter recēsebimus : inuestigabimus nimirum cum Galeno Signa insalubria, simpliciter, præcipuarum partium ; vt inde totius Corporis insalubris, imò aliarum duarum

spe-

specierum Corporis sani, salubris videlicet, vt multum, & neutrius, signa quæuis exactè clarèque innotescant. Distinctis ergo Capitibus varia partium Signa à Cerebro orsi, inchoantes, proponemus. Cur Corporis insalubris Signa peculiariùs, quàm aliorum, prosequitur Galenus, Ratio est, quia Corpora optimè constituta, & Corpora salubria, vt multum, Signis superiùs propositis, & ex ijs, quæ secundum essentia rationem insunt, & ex actionibus consequentibus ea, quæ secundum rationem insunt, desumptis, sufficienter innotescunt. Et duo iam dicta Corpora, saluberrimum scilicet, & salubre, vt multum, tametsi in ijs, quæ secundum essentia rationem insunt, conuenire videantur, ab inuicem tamen discrepant in actionibus, & accidentibus, quæ ea, quæ secundum essentia rationem insunt, consequuntur, vti superiùs cum Galeno comprehensum est. Corpora deniq; ægra nullo negotio dignoscuntur, quia longè à naturali statu recedunt, vt ex quamplurimis Signis insalubribus, vt nunc, liquidum euadit. Difficilius igitur, quàm cætera Corpora, Corpus insalubre, simpliciter, dignoscitur; quia licèt à saluberrimo longè distet, & ad ægrum actû proximè accedat, sub sanitatis tamen latitudine continetur, & neutri statui, qui in medio saluberrimi, & actû ægri corporis locum obtinet, est valdè affine.

Corpus saluberrimum, & corpus salubre vt multum conueniunt, & discrepant inter se.

Corpora ægra facile dignoscuntur.

Corpus insalubre simpliciter difficulter dignoscitur.

C A P V T X.

De Varijs Signis Variæ Constitutionis Cerebri.

S E C T I O I.


De Partium Diuisione.

ANtequàm Signa Corporis Insalubris, simpliciter, indagat Galenus, Partium Corporis quatuor genera, à forma, aut virtutibus, non à materia desumpta, palàm exhibet. Primum genus, primaue differentia Partium, eas comprehendit, quæ Principia nuncupantur; quia quædam Virtus ab his in Vniuersum Corpus effunditur: eiusmodi sunt, Cerebrum, Cor, Hepar, & Testes, siue Testiculi. Secunda Partium differentia est earum, quæ à dictis principijs ortum ducunt, ijsdemq; etiam

Quatuor partium genera.

principijs subministrant, aut famulantur: vt nerui, & spinalis medulla Cerebro: Arteriæ Cordi: Hepati venæ: Seminaria Vasa Testiculis: Per has autem Partes illa Principia, siue Principes partes, suas per vniuersum Corpus diffundunt virtutes, & materiam. Tertia Partium differentia comprehendit quasdam, quæ aliarum Partium gubernationi non præsumt, nec aliundè gubernantur; cùm & ipsæ infinitas habeant potentias, à quibus reguntur. Huiusmodi sunt Cartilago, os, Copula seu Ligamentum, membrana, adenes seu glandulæ, adeps, caro simplex. Quartum genus partium est illarum, quæ à se ipsis, & non ab alijs reguntur: licetq; non sint aliarum partium principia, venis tamen, neruis, & arterijs egent. Huiusmodi sunt Vterus, Ventriculus, Renes, Lien, Pulmo, &c. Capillorum autem, atq; vnguium, inquit Galenus, neq; regimen vllum est, sed generatio tantummodò.

Prudenter Galenus vniuersalem illam Corporis diuisionem, ab actionibus aut Virtute, vt iam antea dixi, desumptam, tradidit, priusquàm ad Signa Corporis insalubris, simpliciter, accessit. Quoniam ab vnius partis, & præsertim principis, vitio, vniuersi Corporis æconomia, & præcipuè Temperamentum, euertitur, & in vitiosum transmutatur: adeoq; ad alterationem Partis principis Corpus potenter alteratur, & insalubre, simpliciter redditur. Nec sanè mirū est, si alterata parte principe vniuersum corpus, ad quod aliquid quælibet pars princeps transmittit, alteretur; cùm ob partis non principis vitium, & læsionem totum corpus non rarò corripitur. Liene quippe malè affecto, hepar læditur, & Hydrops non rarò generatur. Ventriculo simul læso, reliquum Corpus læditur. Vterus similiter læsus, Corpus vniuersum malè afficit. De partium tamen principum vitio peculiariter libro de Arte Medica agit Galenus: quia tam potens, & vniuersalis est principum partium in vniuersum corpus vis & fluxus, vt ad earum mutationem mutetur corpus; adeo vt vnaquæq; principum suam cæteris partibus dispositionem, siue bonam, siue malam communicet.



SECTIO II.

De Signis Status Cerebri.

PRæposita partium diuisione, de Cerebri insalubris Signis primo loco agit Galenus; & quidē meritò; cūm hoc sit Pars omnium partium præstantissima. Capite enim 10. Libri de Arte Medica, inquit Galenus: Indicia autem temperaturæ singularum (partium nobilium scilicet) sumpto à Cerebro initio, deinceps dicemus. Sunt verò quinq; insita genera, quæ ipsius (Cerebri scilicet) naturam ostendunt. Primum quidem totius capitis dispositio. Secundum verò sensibiliū operationum virtus, & vitium. Et tertium actiuarum (operationum). Quartum earum actionum, quæ tenent principatum. Et quintum, naturalium. Aliud verò genus, præter hæc omnia, ea quæ extrinsecus aduenit alteratio. Et quidem totius Capitis dispositio ex magnitudine, & figura, sumitur, atq; capillis.

Quinque fontes e quibus signa eruntur cerebri naturæ indicantia.

Primum modum dignoscendi Cerebri naturam exponit Galenus vltimis verbis in Capite scriptis. Cognoscitur enim eius natura ex dispositione totius Capitis, ex magnitudine videlicet aucta, vel diminuta, aut mediocri; ex figura, atq; Capillis: de quibus nos inferiùs cum Galeno.

Primus modus quo cerebri natura dignoscitur.

Secundum genus indiciorum status Cerebri desumitur à virtute, & vicio operationum sensibiliū, siue, vno verbo, ab actionibus sensuum: ab auditu scilicet, visu, odoratu, gustu, & tactu: quarum actionum principium est Cerebrum, licet non in hoc, sed extra ipsum, in proprijs edantur instrumentis. Vnde acutus gustatus, acutusq; olfactus, Cerebri temperiem calidam denotant. Si a. obtusè quis gustet, odoretur, eius Cerebrū frigidum, aut frigidum & humidum necessariò erit. Sensus pariter cōmunis, cuius munus est, omnia, quæ ab externis sensibus dignoscuntur, dignoscere, & ipsos sensus ab inuicem distinguere, Cerebri dispositionem nobis indicabit, prout variè res comprehendit. Non solum sensuum propria obiecta sensus communis percipit, sed obiecta præterea cōmunia eorundē sensuum. Cōmunia verò sunt hæc, motus, quies, numerus, figura, & magnitudo: talia namque nullius sunt sensus propria, sed pluribus communia sunt: Etenim tactu motus quidam

Secundus modus.

Sensus cōmunis munus.

Sensibilia communia sunt quinque.

sen-

Somnus & vigilia ad quietem, & motum reuocantur. Sanctory error.

sensibilis est, atq; visu: vt loquitur Aristoteles lib. 2. de Anima cap. 6. tex. 46. Ad quietem reducunt nonnulli somnum, ad motum verò vigiliam: Vnde & à sensibus externis, & communi percipiuntur; ex iisdemq; Cerebri temperaturam venari licet. Nam Somnolentia prolixa Cerebri humiditatem, vigilia calorem, siccitatemue, vel has ambas qualitates cæteris præpollentes, significant. Sanctorius solito more in citationibus errat, vt qui quinque illa sensibilia communia dicta, sensus communis obiectum statuit; & quidem autoritate Aristotelis loco citato de Anima. Sed hæc Sanctory citatio est eiusdem figmentum, idque merum: Nam loco citato, de Sensu communi, ne verbum quidem habet Aristoteles, qui Sensibilia communia ideò dici asseuerat, quia ab omnibus sensibus percipiuntur: non autem ab vno, vt sensibilia propria. Aristotelis contextum paulò antea scripsimus, qui incipit: Communia verò sunt hæc, motus, quies, &c.

Tertius modus dignoscendi cerebri statum.

Tertium genus Signorum, Cerebri statum detegens, ab operationibus motiuis desumitur. Cùm enim facultas motrix à Cerebro in instrumenta propria, musculos videlicet, diffundatur, non mirum, si diuersitas motûs, temperamenti Cerebri diuersitatem prodât. Vnde motus prompti, expediti, & celeres, ad motumq; alacritas, Cerebri calidum temperamentum significant: vt tardus motus, & ad motum segnities, frigidum temperamentum.

Quartus sensus e quo signa statum cerebri eruuntur.

Quartum genus Signorum, quo Cerebri naturam comprehendimus, ab actionibus desumitur principum facultatum. Principes cerebri facultates, iuxta sanio rem opinionem, sunt Imaginatrix, Intellectrix, & Memoratrix. Promptitudo harum facultatum ad suas functiones obeundas, cerebri calorem; segnities frigiditatem, produnt. Vnde imaginatio facilis, calorem Cerebri, & quandam humiditatem excedentes, indicat: similiter facilis comprehensio rerum ab intellectu, & ratiocinatio prompta, acutaque, eiusdem Cerebri caliditatem indicant. Memoria verò exquisita, Cerebri caliditatem, simul & siccitatem, arguit. Ex aduerso, tarda, & difficilis comprehensio rerum, tam ab imaginatione, quam ab intellectu, & fragilis labilisque memoria, Cerebri frigiditatem protinus arguunt.

Quintum genus Signorum, quo Cerebri vitium temperamentum agnoscimus ab actionibus naturalibus, quibus Cerebrum,

brum, quatenus nutritur, dotatum est, desumitur. Si ergo attractrix Cerebri facultas immodicè attrahit, certum est indicium excedentis caloris eiusdem Cerebri. Cuius enim in Medicina, & Philosophia naturali, vel leuiter versato cognitum est, calorem habere vim attrahendi, adeoque intensum calorem præpotentem vim: Retentrix facultas è contra, si nimium retinet, Cerebri frigiditatem: Imbellis similiter concoctrix facultas, frigiditatem Cerebri ut plurimum arguit: Dixi, ut plurimum; quoniam ab humiditate, imò & caliditate immodica, eadem coctionis imbecillitas procedere potest. Nam sicuti coctionem optimam optimum Cerebri temperamentum efficit, ita & quævis intemperies eiusdem Cerebri, modò imbellem, modò prauam coctionem. Si expultrix facultas immodicè aliquoties excernit, Signum est ipsam irritari ab humoribus fuis, vel putrefactis, vi caloris excedentis Cerebri: qui calor ab interna vel externa causa necessariò generatur. Frigus verumtamen externum, Cerebrum aliquoties spongiæ instar comprimens, expulsionem humorum euidenter causat: etsi tunc in Cerebro superflui non extent humores. Vnde aliquis inde inferet, talem expulsionem non à calida, sed à frigida intemperie provenire. Ad quod dico, verissimum esse, à frigore humores superfluos in Cerebro accumulari, & vi frigoris, ut dictum est, eosdem expelli; expultricemque, tunc tamen, non à sola quantitate superflua humoris (posito, quòd talis adsit superfluitas,) sed insuper à fuliginosis fumis in capite retentis, & solito more per capitis futuras, ob frigus omnia cogens, non euacuatis, irritari.

*Dubium
soluitur.*

Sextum genus indiciorum naturæ Cerebri, à causis externis desumitur: ab alteratione videlicet causata potissimum ab aëre, cibo & potu, motu, & similibus. Si enim Cerebrum à rebus calidis facillè incalescit, calidi temperamenti esse censetur à multis: Si similiter à frigidis, frigidi temperamenti: si ab humidis, humidis: si à siccis, sicci. Existimo ego, cautè in his Signis indagandis procedendum. Nam qui Crinis penuriâ laborat, quique est raræ texturæ, etsi Cerebrum non habeat impensè calidum, confestim tamen à causis calidis incalescit. Idem de frigore, & humiditate dicendum. Aëris porrò externi iniurijs obnoxia sunt corpora rariora, uti superius exposuimus.

*Sextus
modus di-
gnosendi
cerebri
statim inae-
qualem.*

S E C T I O III.

De Paruo, & Magno Capite, eiusq; figura.

Caput pa-
ruum om-
nino pra-
uum.

Galenus Cap. 11. Artis Medicæ, prauas, bonasque Capi-
tis dispositiones, magnitudinem scilicet, & figuram, quarum superiori Cap. 10. mentionem fecit, proponit. Paruum igitur Caput, inquit, vitiosæ constitutionis Cerebri proprium est indicium. Diminutam Capitis magnitudinem, & hîc, & lib. 6. Epidem. comment. 3. omninò vituperat Galenus: quia, vt Interpretes loquuntur, quoties Caput ita paruum est, vt non cor-
respondeat aliarum partium corporis magnitudini, siue moli, Cerebrum non est benè dispositum, vt in eo solitæ exerceantur functiones. Nam reliquis Corporis partibus sufficienter magnis existentibus, necessariò copiosus sanguis, & spiritus ad Caput naturaliter transmittuntur. Caput autem paruum permodicum comprehendit cerebrum; exiguum cerebrum exigua habet vasa, venas scilicet, & arterias, angustosq; adhuc ventriculos. Quare vasa Cerebri sanguine & spiritu nimium replentur: Ventriculi similiter spiritu animali, & humoribus implentur. Quare tam in vasis, quàm ventriculis Cerebri, spiritus, & humores, loci capacis defectu, conculcantur. Inde varij fumi excitantur, à quibus Cerebri temperies labem aliquam necessariò contrahit: à quibusque simultumultuariæ redduntur Principes actiones, in Cerebro fieri solitæ, Imaginatio, Ratiocinatio, & Memoria. Nec solum principes actiones in Cerebri corpore editæ caliginosis istis vaporibus inquinantur, sed sensus similiter, & motus cum quadam deprauatione fiunt, cum propter spiritus transmissi ad instrumenta sensûs, & motûs, impuritatem, tum propter eorundem spirituum penuriam. Turbidi enim sunt spiritus ob fumositatem fermè assiduam: pauci sunt, quia nervi, & spinalis medulla, eorum delatores è cerebro exiles sunt, ob Cerebri, è quo, tanquam à principio deriuantur, exiguitatem. Non mirum ergo, si Epilepsiæ, Apoplexiæ, & Caloris repentinæ suffocationi, huiusmodi Capitis constitutio obnoxia fuerit.

Qui Galeno, dicenti Corpus temperatum posse esse non solum mediocris magnitudinis, sed insuper paruum, & magnum, adhærent,

rent, dicunt, Caput paruum Corpori paruo superpositum, non esse indicium prauæ constitutionis Cerebri, quia Caput paruum reliquis Corporis partibus in magnitudine proportionatum, non nisi modicum, & proportionatum Sanguinem, & Spiritum recipit. Quapropter licet exilia vasa, exiguosq; ventriculos Cerebrum habeat, ob materiæ mediocritatem, libera sit omnium concœctio, & dispensatio. Vnde actiones integræ in Cerebro edi possunt, Capite existente paruo, concinno, & cæteris partibus proportionato.

Caput paruum, concinnum, & reliquo corpori proportionatum, quibusdā probatur.

Reprobauit equidem Galenus Capitis paruitatem, non proinde tamen Capitis magnitudinem necessariò bonam esse docet: Magnum verò, inquit, non necessariò indicat bonam Cerebri compositionem. Concludit enim Galenus, Caput magnum aliquando bonum esse indicium, aliquando verò malum. Modum præterea discernendi bonum à malo scripsit. Magnum ergo Caput est indicium optimæ constitutionis, quoties tale magnum Caput à virtutis formatricis robore ex copiosa, & liberali materia effigiatur,

Non omne caput magnum est bonæ dispositionis cerebri indicium.

formaturæ. Signa, quæ nobis demonstrant tale magnum caput à vigente formatrice, & copiosa materia fieri, sunt figura Capitis concinna, & concinnitas simul ac proportio eorum, quæ à Capite dependent. Bona autem Capitis figura, robur indicat facultatis formatricis: Magnitudo verò Capitis materiæ copiam denotat. Magna quidem materiæ copia à facultate generatrice, quæ alteratrice, & formatrice constat, probè recta, optimum est vbiq; Signum. Secundum Signum, quo affirmamus, Capitis magnitudinem esse bonam, desumitur ab ijs, quæ ab eodem oriuntur Capite. Si igitur Ceruix valida est, & neruosum genus est boni habitus, Capitis magnitudo tunc laudanda est. Ceruix valida censetur, quoties vertebri benè coordinatis, & secundum magnitudinem capiti, ac vniuersæ spinæ dorsi correspondentibus, constat.

Capitis magni boni indicia.

Ceruix valida quæ.

Neruosum genus est boni habitus, quando nerui sunt sufficienter crassi, & validum sustinent motum, sensuq; pollent debito. Neruorum autem magnitudo ex Nuchæ, siue Spinalis medullæ magnitudine dignoscitur: huius verò magnitudo ex vertebrarum Ceruicis, & dorsi magnitudine. Ceruix enim, quæ est Colli pars Posterior, septem constat spondilibus, siue vertebri, quæ si corpulentæ fuerint, & debitæ magnitudinis Capiti correspondentis, indicium erit spinalis medullæ satis magnæ: Nam gratiâ spinalis

Robusti nervi.

medullæ, tam septem Ceuicis vertebræ, quàm reliquæ dorsi, factæ sunt. Si ergo vertebræ magnæ apparuerint, magnam habere debent cavitatem, magnumque foramen: adeoq; spinalis medulla per vertebras protensa, magna erit; magniq; erunt hinc exorti nerui, & in reliquum Corpus expansi. Quando autem dixit Galenus, Ceuicem à Capite oriri; non intellexit vertebras Ceuicis, aut alia ossa à Capite dependere; sed spinalem medullam, in Ceuicis vertebris conclusam; immediatè à Cerebro propendere: à spinali verò medulla neruos omnes, præter septem paria, quæ ab interiori parte Cerebri promanare dicuntur; tametsi quorundam opinio sit hæc, adhuc septem paria à postica parte cerebri produci.

*Quomodo
intelligen-
dus Gale-
nus.*

*Magnum
caput quã-
do malu-
Signum.*

Caput magnum oppositas conditiones præcedentibus habens, malam Cerebri constitutionem indicat. Tale enim Caput inconcinnum est, & vt plurimum exili longoq; collo superpositum; estque reliquo Corpori malè proportionatum. Huiusmodi verò Caput solius materiæ copiam, non virtutis formatricis robur, sed potius errorem, causam agnoscit.

Obiectio.

Aristoteles dictis contrarius videtur Sectione 30. Problematum Problem. 3. vbi ait, Hominem habentem Caput paruum, esse omnium prudentissimum. Falsum ergo est, hos, qui magnum habent Caput, etiam concinnum, habere Cerebrum benè constitutum, integraq; actiones edere.

*Montani
responsum.*

Montanus Aristotelem in hoc errasse contendit; quod responsum Sanctorio non placet, etsi nulla autoritate, aut ratione ipsum Montanum conuicerit.

*Aliorum
responsum.*

Alij respondent, Aristotelem intelligere paruum Caput respectu Brutorum, & non respectu Hominum. Sanctorius censet hanc responsionem non explicare Aristotelis mentem, quia, inquit, Aristoteles laudat Caput paruum, facta cõparatione inter humana Capita, & non inter Homines, & Boues, vel Elephantes. Sed Sanctorius, quàm illi, seueriori censura dignus est; vt qui inter citandum figmentis vtitur solemnibus. Aristotelis verba licet diriment. Sectione citata 30. Problem. 3. hæc serie loquitur: Cur omnium Animantium Homo prudentissimus est? Vtrum quia Capite minimo est, scilicet ad sui Corporis proportionem. An quia variè minimo est: ob id enim ipsum, Capitis quoq; minutio

accidit, & inter Homines ipsos, qui minori sunt Capite, prudentiores nascuntur; quàm qui sunt grandiori.

Quis non videt, primum Aristotelis responsum ad quæstionem propositam, esse id, quod à quibusdam responderetur: Nimirum Hominem esse omnium Animantium prudentissimum; quia minimo Capite est, ad sui scilicet Corporis proportionem. Quis ergo non videt, Aristotelem fecisse comparisonem inter Hominem, & Beluas, in prima responsione? In secunda responsione fateor, comparisonem fieri inter Hominem habentem Caput paruum, & cæteros Homines. Et reuerà si hæc fuisset Aristotelis sententia, non mediocriter à veritate defleceret; & sibi ipsi aduersaretur. Experienciâ satè constat, hos, qui paruo sunt præditi Capite, cæteris Hominibus Caput magnum & concinnum habentibus, esse longè imprudentiores. Præterea ipse Aristoteles in sua Physiognomia, de magno & paruo Capite hac serie loquitur: Quicunque autem habent magnum Caput, sensati: referuntur ad Canes. Qui verò paruum, insensati, referuntur ad Asinos. Qui habent Capita pineata (idest, instar Nucis pineæ) inuerecundi: referuntur ad habentes ungues curuos. Eodem enim Capite 6. Physiognomiæ, longè ante traducta iam verba, in huius doctrinæ confirmationem hæc habet: Quicunq; autem maius habent, quod ab umbilico est usq; ad extremum pectoris eo, quod est ab extremitate pectoris (extremum pectoris est cartilago ensiformis) usque ad collum, voraces, & insensibiles. Voraces quidem, quoniâ ventrem magnum habent, quo appetunt cibum. Insensibiles autem, quia angustum locum habent sensus, atq; in arctum redactum, ab eo, qui recipit cibum; ita vt sensus grauentur propter repletiones ciborum, aut indigentiam. Notum est Philosophis, Medicisque veris, quemadmodum Aristoteli placuit Cor constituere præcipuam Animæ sedem, ibidemq; facultatum, tam principum, quàm animalium radicem contineri. Modò igitur in contextu docet Aristoteles iuxta sua principia, & doctrinam, actiones principes, & animales non probè fieri in Corde, quoties pectus, in quo Cor continetur, angustum, arctumue est. Nos ergo, qui principum, & animalium actionum radicem in Cerebrò ponimus, iuxta Aristotelis doctrinam rectè ratiocinabimur, affirmando hos, qui paruo sunt præditi Capite, esse insensatos; & quidem propter loci angustiam, quam

*Sæctorius
perstringitur.*

Cor facultatum principum sedes ex Arist.

absolutè, ad Animæ præstantiores actiones explicandas, incongruam censet Aristoteles. Vnde hos, qui fronte parua sunt præditi, indisciplinares vocat idem Aristoteles in sua Physiognomia, eosq; ad Sues referri ait: Et ideò quidem, quia qui frontem habent parum liberalem, id ob Capitis exiguitatem ut plurimum euenit.

Quòd autem Capitis angustia Homines arguat insensatos, aut permodico iudicio præditos, potest vltèrius ex eodem Aristotele colligi, qui, ut iam comprehensum est, ideo thorace angusto præditos parum sensatos iudicat, quia angustum locum habent sensus. Quod argumentum nostræ doctrinæ adaptari potest. Nam Caput paruum est angustum: Et in Capite, iuxta Galenum, est fons sensus & motus; & ex ipsomet Aristotele libro 4. de Partib.

Caput Cerebri gratia factum, ex Aristotele: ex Galeno oculorum gratia. Sensus qui dam in capite locati.

Animal. cap. 10. quidam sensus in Capite sunt. Caput, inquit, Cerebri gratiâ potissimum est: hanc enim partem genus omne sanguineum habeat necesse est. Et quidem loco obiecto cordi, ob eas, quas exposuimus, causas. Sed Natura sensuum etiam nonnullos in eo collocauit, quoniam Sanguis eius membri temperatus modicè fit, & idoneum ad Cerebrum tepesciendum, tum ad sensuum suam tranquillitatem, atq; integritatem. Auerroës in Commentario inquit: Benè tamen est necessarium ipsos sensus fuisse positos circa Cerebrum, ob necessariam proportionem existentem inter organa eorum, & O: Cerebri; & quia necessariam est Cerebrum contemperare propter caliditatem, qua sensus sunt actus, præsertim tres illorum.

Solutio.

Modò Aristotelis Authoritati satisfaciendum. Dixit enim, ut vidimus, Sectione 30. Problematum, quæst. 3. inter Homines hos esse prudentiores, qui minori Capite sunt præditi. Sed respectu Pumilionum hoc verum est: alioqui falsum, & contra Aristotelis doctrinam paulò ante allatam ad nostræ sententiæ confirmationem: Ut hæc nostra Responsio ex eodem Aristotele lib. 4. de Part. Animal. cap. 10. eruta, clarior euadat, nonnulla summatim ex hoc eodem Cap. 10. desumenda sunt. Habent autem Caput, inquit, animalia omnia sanguine prædita. Exanguium nonnullis indiscrètum hoc est, ut Cancris. Collum omnibus viuiparis est, alijs deest. Quæ enim pulmonem habent, collum etiam obtinent, quæ autem spiritum extrinsecus non accipiunt, carent hac parte.

Con-

Consequentiuè verba superiùs à nobis traducta, de Capite, & Cor-
de scripsit. Quibus duabus partibus Natura tertiam subiecit, quæ
aditum cibo præberet. In inferiori autem regione hanc partem,
siue ventriculum commodè collocari ait: quippe cum neque su-
pra cor, & vitale principium venter constitui posset: neque, si ma-
gis inferius, quàm nunc est venter, poneretur, fieri posset, vt æquè
aditus cibo pateret: Corporis enim prolixior longitudo faceret, vt
longè à principio mouendi (quod Cor esse statuit Aristoteles) &
concoquendi distaret. Rursùs repetit Caput Cerebri gratiâ con-
ditum. Collum autem arteriæ (idest asperæ, perquam fit respi-
ratio) gratiâ, inquit, habetur: quippe quod eandem arteria. *Collū cu-
ius gratiâ
factum.*
atq; etiam gulam protegat, amplexuq; suo tueatur: Hoc (Collum
scilicet) cæteris animalibus flexibile, & Vertebriis compactum est:
at Lupo, & Leoni osse perpetuo riget. Commodiùs enim ad ro-
bur, quàm ad cæteros vsus collum ijs esse Natura voluit. A Col-
lo, & Capite crura priora, pectusq; habentur: sed Homo vice pe-
dum priorum brachia, & quas manus dicimus, habet. Solus enim
Animalium omnium erectus est homo; quoniam eius Natura, atq;
substantia, Diuina est. Officium autem Diuini est, intelligere,
atq; sapere. Quod non facile esset, si vasta corporis moles affide-
ret: Pondus enim tardiozem reddit, & mentem, & sensum com-
munem. Quamobrem concretione, & pondere grauiore oppri-
mente, corpora vergere in terram necesse est. Itaq; Natura tutè
consulens, pro brachijs & manibus, crura priora quadrupedibus
subdidit: nam posteriora bina omnibus gressilibus esse, necesse
est. Quorum igitur Anima pondus sustinere non posset, hæc qua-
drupeda facta sunt. Animalia namque omnia, excepto Homine,
formam gerunt Pomilionis. Est enim Pomilio, cuius pars supe-
rior magna est, inferior, quæ sustinet pondus, motumq; exercet,
parua, minimèq; respondens superiori. Superiorem eam intelli-
gi volo, quæ à Capite vsque ad excrementi ostium pertendit, qua
pectus etiam continetur. Hominibus igitur hæc pars modicè ad
inferiorem condita est, multòq; minor adultis iam, perfectisque
euadit. Infantibus enim è diuerso est: superior magna, inferior
minor est. Quamobrem serpunt infantes, nec ambulare possunt:
iam principio, ne serpere quidem possunt, sed immobiles iacent.
Omnes enim infantes Pomiliones sunt: tum profectu ætatis, ho-
mini.

*Collū cu-
ius gratiâ
factum.*

*Lupus &
Leo collū
habēt uni-
co osse con-
stans.*

*Solus ho-
mo inter
animalia
erectus.*

*Diuini of-
ficium.*

*Pomilio
quis.*

minibus pars inferior augetur. Quadrupedibus contra, inferior primum maxima est, tum processu temporis superior creuit, quæ scilicet ea est, quæ ab ano ad Caput porrecta est. Vnde fit, vt pulli equini, paulò suis parentibus sint summissiores, atque adulti crure posteriore caput attingere nequeunt, quod nouelli tacile attingunt. Solipeda & bisulca ita se habent. Digitata autem, cornuque vacua, forma quidem & ipsa Pomilionis sunt, sed minus. Quamobrem pars eorum inferior ad superiorem defectus ratione

Cur animalia, dementiora hominibus. incrementum capeffit. Auium etiam, & Piscium genus, omneque sanguine præditum forma Pomilionis est, vt dixi. Quam ob rem bruta Hominibus sunt dementiora: etenim inter Homines pueri viris, & inter viros Pomiliones mente deficiunt, quanquam alijs viribus fortè valeant. Cuius rei causa, quam diximus, est, quod principium Animi admodum difficile motu, corpulentumque in ijs est. Addo etiam, quod cum minus remaneat caloris, qui effecrat, plus autem terrenæ portionis supersit, efficitur vt Corpus animalis tum minus, tum etiam multipes formetur, demumq; expes, prostratumq; in terra præ inopia caloris proueniat, sensimq; procedendo ita degeneret, vt principium vitale, caputq; infra habeat: ad postremum immobilis fit, & sensu vacuum, plantaq; est, vice

Radix plantarum vim obtinet oris, & Capitis: Semen contra, supra, extremisq; ramis consistit. mutata, vt superiora infra, inferiora supra habeat. Radix enim plantarum vim obtinet oris, & Capitis: Semen contra, supra, extremisq; ramis consistit.

Præclarè hoc in contextu Aristoteles Hominum partes, tam superiores, quàm inferiores, cum brutis, imò plantis, & Pomilionibus, ac pueris cōfert. Animalia ergo, licet in principio ætatis partes posteriores, siuè inferiores, ijs quæ superiores sunt, grandiores habeant, a tatis tamen decursu partes anteriores, Caput videlicet, & thorax potissimum, magnitudine inferiores excedunt. Ex aduerso, Homines, in prima ætate, superiores partes interioribus multò maiores habent; facti verò adulti, partes inferiores Corporis superioribus maiores fiunt. Animantes ergo, siue animalia, cum superiores partes inferioribus maiores habeant, prudentia carent; & inter Homines Pueri, & Pomiliones; Pomilionibus enim animalia & pueri assimilantur. Imò plantæ ipsæ quodammodo Pomilionibus sunt similes, inuerso tamen ordine. Plantæ enim Caput, & ora terræ inserta sunt, & affixa. Respectu itaque Pomilio-

num,

num, Puerorum, & Animalium, Homo adultus paruum habet Caput, et si in se, & ratione corporis cui superest, hoc sufficienter magnum sit, atque ingenio pollens; ideòq; illis multò prudentior est homo: Et hanc fuisse Aristotelis mentem Sect. 30. Problema-
tum, quæst. 3. existimo.

Postquam magnitudinem, & paruitatem Capitis examinauit Galenus, & de figura aliquid solummodò innuit, Capitis figuram cap. citato 11. de Arte Medica plenius examinat, & inquit: Propria autem Capitis figura est, veluti si excogitares Sphæram exquisitè rotundam ex cera constructam, paulatim vtrinque depressam. In hac enim necesse est, vt posteriores, prioresue partes plus gibbæ fiant, quàm sphæræ conueniat. Quæ verò vtrinque confistunt, magis rectæ.

Quod si ea, quæ secundum occiput eminentia aliquatenus minuatur, simul intueri oportet neruos, atq; ceruicem, vnà cum ossibus alijs: Nam si secundum naturam constiterint, materiæ defectu, non virtutis imbecillitate contingit: Illis verò non rectè se habentibus, principium (id est cerebrum) est debile, sed magna ex parte defectus, qui occipiti eueniunt, consequitur eorum, quæ ante diximus imbecillitas, rarissimèq; aliter euenire consuevit.

Caput autem, quod secundum occiput in acutiem tendit, animaduertere oportet: ijsdem adhibitis distinguendi rationibus, quibus antea in capite grandiori factò utebamur; vt plurimum verò, & hîc optimum est Signum, figura concinna eius partis, quæ Cerebro adhæret, quam nonnulli Medici posterius Cerebrum appellare consueuerunt, quemadmodum & posterius existit ea futura, quæ Græcæ litteræ A formam habet præfinitam: Est verò huiusmodi pars spinalis medullæ principium, & eius ratione neruorum omnium in toto animali, qui actionibus inseruiunt: Ipsa autem Pars posterior per seipsam paucos admodum sensituios obtinet neruos, plurimos verò actiuos, (id est, qui motum deferunt) sicuti, & anterior sensituios. Quare, vbi benè fuerit affecta vtraque pars (anterior scilicet, & posterior capitis pars) robustas habebunt eas, quæ ab ipsis deriuationes sunt.

Eadem quoque distinctiones adhibendæ sunt ad partes Capitis anteriores ad frontem attinentes, quæ etiam ad posteriores, eandemq; & paruitatem, & magnitudinem inspicere oportet, atq;

Veracapitis figura.

Deficiente

occipitis

gibbositate,

si omnes

vertebræ

ceruicis &

spina dorsi

magnæ

fuerint,

materia

defectui, nō

formatricis

virtutis

vitio di-

minutio

tribuenda.

Si postica

partis cap-

itis pro-

minentia

fuerit a-

daucta, &

reperita,

concinna,

optimum

erit cere-

bri signū.

Cerebellū

est spinalis

medulla

principiū,

& mediā-

te spinali

medulla,

principiū

neruorum

omniu vsq;

septem an-

teriores,

contaga-

tiones ex-

cipere pla-

cet.

Sensus, cerebri (quod principium hic dicitur) dispositionem indicant; vetuli cerebri bonam, malamue sensum dispositionem.

Proba capitis figura.

Figura capitis acuminata, est deprauata.

Φόξορ quid.

Proba capitis constitutio. Tres verae capitis figurae, coronalis, sagittalis, & lambdoides.

Acutum caput quale.

Eminentia capitis quae.

itidem figuram, & sensus ibi collocatos, visum, gustum, atque odoratum. Haec enim se inuicem indicant, atque attestantur, & quae à principiis oriuntur, principij virtutem, vel vitium, & principium eorum quae ab ipso nascuntur.

Satis clarus est Galeni contextus hoc capite; ideoque Commentario vix eget. Capitis enim concinnam figuram hic ille proposuit, veluti alijs in locis: Libro enim de Ossibus cap. 1. ait: Naturalis enim Capitis figura ad oblongae sphaerae potissimum similitudinem structa est. Alia verò eius figura, quod *φόξορ* vocant, deprauata est, & acuminato vertice. Caput quod secundum naturam habetur, priorem, ac posteriorem partem prominentiorem habet. Quid per *φόξορ* caput intelligat Galenus, id ipse exponit Comment. 1. in lib. 6. de morb. Vulgarib. ubi inquit: Inuenies enim & hanc partem (idest palatum) illis cauam, quorum acutum valde Caput, ac deformis est: hos autem praecipue vocant Homines *φόξορ*, hoc est acuti Capitis. Libro rursus 9. de Vsu part. cap. 17. naturalem Capitis constitutionem insinuat. Cum enim Caput (inquit) velut Sphaera quaedam sit praelonga, iure vna (idest Sutura) quidem recte per medium ipsius (Capitis scilicet) à posterioribus ad anteriora est extensa, duae autem Suturae hanc excipiunt, fitque trium Sutarum figura H Graecae litterae similis. Et sub finem eiusdem Capitis inquit: Cum enim retro *κεφαλῆς*, idest Cerebellum, ante verò ad oculos, ac nares, apophyses positae sint, iure optimo Caput, quod secundum naturam se habet, praelongae sphaerae fuit assimile. Comment. 1. in lib. 6. Epidem. tex. 37. ait: Optima enim Capitis figura oblongo orbi utrinque compresso similis est: deficit autem acuto Capiti, aut occipiti, aut frontis eminentia: aut ultra, quam deceat, productam habet.

Superius dictum est, propositam modò debitam Capitis figuram indicium esse optimae constitutionis Cerebri: Ceterum, quoties à praefata figura Caput deficit, Cerebri actiones imperfecte eduntur. Figurae Capitis vitium in prominentiarum occipitis, & sincipitis defectu consistere docuit Galenus. Prominentiae autem siue eminentiae Capitis, sunt tumores illi, siue gibbositates, quas habet Caput in anteriori & posteriori sui parte. Caput enim versus frontem mediocriter rotundum esse debet: similiter & occiput in orbem à parte posteriori colligitur, atque terminatur. Latus autem

autem vtrumque, dextrum, & sinistrum, mediocriter compressum est. Ambæ verò eminentiæ, anterior, & posterior deficere possunt, seu Caput dictis ambabus carere potest; & tum figuram habebit rotundam, siue sphaericam, & naturali constitutioni, quæ ambabus eminentijs fruitur, prorsus contrariam. Præter iam dictam, rotundam figuram, aliæ supersunt duæ vitiatæ figuræ; quarum vna est, quando in fronte nulla extat eminentia; altera, quando occipitium solum eminentia caret. Capita verò quæ aliquo trium modorum dictorum vitio laborant, fastigiata & acuminata à Galeno nuncupantur lib. 9. de vsu part. Corporis humani, cap. 17. vbi quartam speciem acuminati Capitis cogitari posse ait, sed fieri minimè posse. Talis figura est, dum cogitamus prominentiam aliquam Capitis lateribus, vnâ vni, alteram alteri superuenire, quarum interuentu Caput in lateribus, quàm in occipitio, & fronte, prominentius foret. Talem verò figuram impossibilem esse docet Galenus: Nam talis figura monstrum esset, & naturali figuræ protinus aduersaretur.

Rotundum caput vitiatum. Figura capitis vitiata est quæ tres anteriores & posteriores prominentias deficit. Fastigiata caput a prominentia ad latera capitis monstrata sunt.

Vt vniuersa hæc doctrina, & alia quæuis ad Caput pertinens, completa reddatur, Caput præfatum 17. libri 9. de vsu part. huc traducere placet.

De Vsu, & diuersitate futurarum Capitis.

PAri modo autem (inquit Galenus) & ad futuras denuò reuerfi, quantum adhuc superiori sermoni deest, cum adiecerimus, huic quoque libro iustum modum statuemus. Quod igitur ad fuliginosorum excrementorum transpiratum; & ut per eas crassa menynx (dura mater communiter dicitur) ossi Capitis alligaretur, quò vasa alia quidem intrò, alia autem extra exciderent: insuper quò ad pericranij (est membrana tegens caluariam) generationem futuræ vtiliter constructæ fuerint, dictum ante fuit. Nunc autem, quod adhuc superest de ipsarum vtilitate, postquam adunxerimus, deinceps de earundem positione, ac numero tractabimus. Fuit certè vel ob eam causam vtile cranion ex multis ossibus componi, ut, si quando percussum, ruptum fuerit (multoties enim eiusmodi solent accidere) ne per totum (cranij corpus) rupturæ eius progrediantur, sed inhibeantur illuc ac cessent, vbi &

Suturarum capitis vtilitates.

Cur ex multis ossibus cranion est compositum.

faucium os cessat. Tot itaque suturarum sunt utilitates.

Quod verò consentaneum fuit, vnam quidem (suturam) per medium Capitis rectam, (hæc Sutura quæ per supremam Capitis partem à parte posteriori ad anteriorem ducitur, Sagittalis appellatur) duas autem esse transuersas (posterior Lambdoides, anterior Coronalis nominatur), si, quæ ante dicta fuerunt memoria

Caput Sphæra ob longe simile, varias habet suturas. tenemus, nihil multis verbis nobis opus erit. Cum enim Caput velut sphæra quædam sit prælonga, iure vna quidē recta per medium ipsius à posterioribus in anteriora est extensa, duæ autem transuersæ hanc excipiunt, fitq; trium Suturarum figura, H, Græcæ Literæ similis. Nam æquum fuit Suturarum numerum esse

Natura iusta ex Hippocrate. inæqualem in longitudine, ac latitudine: alioqui falsò Hippocrates Naturā assereret iustam, si ipsa inæqualibus æqualia tribueret. At non est ita: quemadmodum enim est iustissima, (Hippocrat. lib. de fracturis, Sectione, siue Parte 1. tex. 2. Naturam appellat iustam. Nam, vt in Commentario loquitur Galenus, vbi, quod conuenit vnicuiq;, seruatur, res iustè habet, atq; administratur:

Quomodo natura iusta dicitur. Quid autem Corpori conueniat præter id quod secundum naturam est, haud faciliè intelligitur. Ergo cum singulis partibus conuenientia inest figuræ, coloris, & magnitudinis, optimè habent. Idem Hippocrate, tex. 4. sequenti, iustam appellat Naturam, quia cogit ægrum porrigere brachium debito more figuratum. Sectione similiter 3. de fracturis, Naturam iustam vocat. Galenus in Commentario ait: Constat autem, vt sæpenumerò indicaui-
mus, iustum ab ipso intelligi, quod æquale est) ita, quæ Sutura secundum Capitis longitudinem (Capitis longitudo est linea illa recta, quæ in summitate Capitis deducta est à parte anteriori ad posteriorem, aut vice versa) rectà extenditur, vnam effecit, partibus, quæ vtrinq; ipsius sunt, dextris scilicet, ac sinistris, ita demum latitudinem commodatam habituris. Transuersas autem

Dua transuersæ suture, vna Lambdoides, altera coronalis, quæ Græcis Stephænoides nuncupatur. duas numero effecit, alteram quidem posteriorem, vt antea quoq; diximus, quam Lambdoidem appellamus: alteram autem anteriorem *σφαλαιαν*, idest, Coronalem: vt os Capitis, quod inter duas has Suturas est medium, ossibus vtriusq; partis mediæ suturæ sit æquabile. Maximum autem in Naturæ operibus æquitatis specimen sunt Capitum fastigiatorum, seu acuminatorum (Græcè *φοξών*) suturæ. Tres enim sunt omninò ipsorum figuræ:

prima ei planè est contraria, quæ naturaliter sese habet, de qua haud ita pridem sumus loquuti, quando scilicet Caput am-
bas amiserit eminentias, occipitis, scilicet alteram, reliquam autem frontis; æquale autem sit vndequaque, & quasi perfecta sphaera: duæ verò aliæ sunt figuræ, quarum altera quidem in fronte, altera rursus in occipitio nullam habet eminentiam. Cæterum Capitis sphaerici futuræ, X, Græcæ litteræ sunt similes, duabus tantum futuris sese in duo interfecantibus, altera quidem ab aure vna ad alteram transuersa, altera verò recta per medium verticem ad frontem mediam extensa. Quemadmodum enim cum pars Capitis altera exuperat, altera longior existens, æquum fuit eam partem, quæ longior esset, plures habere futuras: sic, quando pars vtraque est æquabilis, numerum etiam futurarum ipsis æquabilem Natura distribuit. In Capite verò, quod in occipitio non habet tumorem, siue prominentiam, futuræ quidem manent, recta, & coronalis, perit autem Lambdoeides; hæc enim deperditæ eminentiæ erat propinqua. Vnde ex duabus his futuris (superstitibus) figura fit, T, Græcæ litteræ assimilis. Quemadmodum sanè, & cum Capitis eminentia in fronte perierit, simul quidem cum ipsa perit, & Coronalis; relinquitur verò sola recta cum Lambdoeide. Rursus etiam figura hæc compositionis similis, I, Græcæ litteræ efficitur (transuersalis autem pars huius litteræ inferiùs à me ponitur, quia Lambdoeidem futuram, quæ versùs occiput situm habet, repræsentat, veluti pars transuersalis litteræ eiusdem præcedentis supra positæ, futuram Coronalem, pars verò recta eiusdem litteræ in aduerso situ positæ, seu perpendiculariter in aliam lineam tanquam basim cadens, sagittalem futuram repræsentat.) Quarta autem species acuminati Capitis, cogitari quidem potest, sed fieri non potest: vt si Caput ad vtramq; aurem efficeretur prominentius, quàm in fronte, & occipitio: Quæ species si modò constare posset, haudquaquàm sphaerica ei quæ est secundum naturam, diceretur contraria, sed solum diceretur, quòd longitudo tota in latitudinem esset transmutata. Nunc autem tanta à naturali digressio fieri non potest: non autem acuminata amplius huiusmodi species, sed iam monstrum esset, nec posset viuere: Cuius causa est perspicua, his saltem, qui dicta ante non omninò negligeret audierunt. Cum enim retrò ἡ ἐν ὑπαρίσκει, idest, Cerebel-

Tres figurae capitum fastigiarum, siue acuminatarum, siue acutorum. Caput rotundum. Capita rotunda duas etiam habent futuras in forma crucis sese interfecantes, etiam transuersim caput diuidentem, a littera per verticis longitudinem ab occipite ad sinistram producta. Deficiente prominentia occipitis, perit futura Lambdoeides, deficiente prominentia sinipitis, perit coronalis.

lum; ante verò ad oculos, ac nares, apophyses positæ sint, iure optimo Caput, quod secundum naturam se habet, prælongæ sphaeræ fuit assimilabile: Eminentiaq; tam posterior, quam anterior, aut utraq; simul, possunt interdum amitti: non tamen eò amissio hæc potest progredi, ut aliquid etiam de ipso Cerebro simul deperdatur: Et sanè fieri non potest, ut quæ ad aurem est dimensio, eam quæ est secundum longitudinem, superet, nisi hoc accadat: At hoc quidem fieri nequit: proinde, & Capitis figura eiusmodi constare non potest. Ob eamq; causam Hippocrates quatuor omninò figuras, & cuiusque Suturas, quo modo paulò ante habere diximus, astruxit, nusquam in suis Commentarijs quintæ Capitis figuræ mentionem faciens. Sed hæc quidem solæ Capitis sunt Suturæ, numero, ac situ iustè à Natura cuique figuræ distributæ.

Quinta figura capitis nunquam meminit Hippocrates.

Varia capitis sutura.

Hactenus Galenus dicto Capite, qui sequenti cap. 18. & cap. 1. Lib. de Ossib. plures in Capite Suturas enumerat, ut maxillæ superioris Suturas duas, Ossium petrosorum pariter duas: has tamen vix suturas appellat; quoniam Cranium non penetrant, sicuti tres illæ solemnes, Coronalis, Sagittalis, & Lambdoides, quarum compositio assimilatur duabus ferris in aduersum aptatis, quarum dentes utrinq; in utriusq; sectiones congregiuntur. Suturas illas tres clariùs accuratiusq; Libro de Ossibus cap. 1. quam citatis capitibus Libri 9. de Usu Part. exponit Galenus. Quod os Capitis, inquit, Caluaria appelletur, quodque in ea Suturæ quædã sint, ante diximus. Sed quot, qualesque, & quæ cuiq; sit forma, cum non antea exposuerimus, nunc explicabimus. Primumq; pro Capitis figura, Suturarum numerum posituramq; variari. Naturalis enim Capitis figura ad oblongæ sphaeræ potissimum similitudinem structa est. Alia verò eius, quod $\phi\phi\sigma\sigma$ vocant, deprauata est, & acuminato vertice. Quod enim (Caput) secundum naturam habetur, priorem, ac posteriorem partem prominentiorem habet: in eoque tres suturæ sunt; ac duæ, quidem transversæ, quarum altera in occipite est: in sincipite altera: tertia à medio posterioris, per Capitis longitudinem, ad mediam usq; anteriorem (idest, ad medium Coronalis) extenditur. Anteriorem Suturam, Cronalem vocant, quandoquidè Coronæ in ea potissimum Capitis parte collocantur. Posteriores Lambdoeidem nominant, propterea quòd tota ipsius figura, Λ , litteræ assimilatur. Harum trium Su-

Naturalis figura capitis, & sutura eius ordinaria.

Sutura coronalis cur ita dicta.

Sutura Lambdoeides cur ita dicta.

turarum figura, H, litteræ præcipuè similis est. (Obserua tamen, tres illas futuras à Galeno positas nō exactè referre similitudinem dictæ litteræ, H; cū Sutura Lambdoeides non æqualiter, & recta Cranium transuersim diuidat, sed inæqualiter, & instar litteræ Græcæ Λ, quæ latinè, L, dicitur. Dicta enim littera Græcæ, litteræ, A maiusculo Latino, si huic transuersam detrahas lineam, assimilatur. Sutura ergo Lambdoides duobus non absimilis est fulchris, quæ secundum suas bases ab inuicem recedunt, in suis autem superioribus extremitatibus cōeunt: Si verò ab his fulcris, ubi vniuntur, lineam protrahas rectam, in aliam perpendiculariter desinentem, tres illas Craniij futuras optimè repræsentabis.)

Naturalis Caluariæ structura futuras, vti diximus, habet: In ea verò, quæ fastigiato est vertice, futuræ ad hunc modum constitutæ sunt. Vbi posterior eminentia perit, sutura quoq; Lambdoeides aboletur; vbi anterior non adsit, Coronalis etiam sutura deperditur, fitque ytraque remanentium futurarum figura, T, litteræ similis: ambabus autem eminentijs deperditis, geminæ quæ seruantur futuræ, ad rectos se inuicem angulos intersecantes, X, litteræ similitudinem referunt. Namq; altera quidem transuersa per medium potissimum Caput extenditur: altera à parte posteriore per longitudinem in priorem (per verticem scilicet) vti in cæteris Caluarijs omnibus, tendit: namque hæc (idest sagittalis) semper seruatur: reliquæ cum totius Capitis figura variantes intercidunt. Hæc Galenus, qui subsequenti textu de duabus suturis ossium petroforum, duabusq; superioris maxillæ, agit.

Hæc doctrinā prius intellectā, non erit difficile contextum Capitis vndecimi Artis Medicæ, quem exponendum suscepimus, explicare. Monet enim inibi Galenus, quoties eminentia occipitis minuitur, inspiciendos esse neruos, atq; Ceruicem, vnā cum ossibus alijs, quæ ceruicem consequuntur, vt vertebrae inferiores, brachia, costasque, &c. Si verò Ceruix, & reliqua, debitum naturalemq; statum obseruant, idest si optimam compagem, & molem ac duritiem sufficientem Ceruicis potissimum vertebræ obtinent, & motrices actiones, quæ à neruis, tanquā à præcipuis partibus, validæ fuerint, Signum est occipitis diminutam eminentiam, ob materiæ defectum, non verò ob virtutis formatricis imbecillitatem, in prima Hominis conformatione, contigisse. Quòd si Cer-

Occipitis
prominentia
deperdita,
perit sutu-
ra Lambdo-
eides: ante-
riori capi-
tis promine-
tia amissa,
coronalis
sutura
anittitur.
Sagittalis
sutura in
nulla figu-
ra capitis
amittitur.
Quando pro-
minetia di-
minuta oc-
cipitis pro-
uenit ab
inopia ma-
teriæ in pri-
ma hominis
cōformatio-
ne, ceruix
& subsequē-
tia valida
sunt. Si ob
facultatis
formatricis
defectū id
contingat,
ceruix exi-
lis est, velu-
ti subsequē-
tes verte-
brae, & ossa.

uix minuta, malèue compacta fuerit, & motus voluntarij imbelles, Signum est eminentiam occipitij diminutam ab imbecillitate facultatis formatricis in principio processisse. Monet rursùs Galenus in occipitij diminutione, quasi semper Ceruicem, & actiones motrices, siue motus voluntarios, esse imbelles.

Prominentia occipitis adaucta, si concinna fuerit, bona.

Postquàm Galenus defectum eminentiæ in occipitio improbauit, pariter & eminentiæ eiusdem occipitij excessum in magnitudine vituperat. Cæterùm, quoties occiput ita acuminatum fuerit, animaduertere oportet, vtrum figura illa occipitis fuerit concinna, licèt moles sit aucta; ac insuper obseruare oportet, vtrum vertebræ, tam Ceruicis, quàm totius spinæ, naturalem, debitamque constitutionem habeant, sique actiones motrices sint validæ.

*Aucta prominen-
tia occipitis, si fuerit deformis, ma-
lū signum.*

*Cerebellū
mediate est
neruorum
principiū.
Nerui im-
mediate à
spinali me-
dulla pen-
dent.
Septē pa-
ria neruo-
rum.*

Nam sic se omnibus habentibus, occipitij acumen non est improbandum. Si verò ex aduerso occipitij adaucta prominentia fuerit deformis, vel indecora, & actiones animales inualidæ, argumento erunt, prominentiam illam esse vitiosam.

In Capitis cit. 11. progressu docet Gal. posticam Cerebri partem, quam Cerebellum appellant, esse spinalis medullæ principium, & ratione huius spinalis medullæ idem Cerebellum esse neruorum motoriorum principium; idest, Cerebellum mediante spinali medulla, est neruorum, qui à tergo quoqueuersum sparguntur principium: Nam, vt experienciâ constat, omnes nerui à spinali medulla, tanquàm eius surculi, emergunt. Septem tamen neruorum paria excipe, quæ à Cerebri corpore, vt communior fert opinio, vel à postica parte, vt quibusdam placuit, oriuntur. A posteriori Cerebri parte, idest à spinali medulla, quæ est Cerebri producta portio, multi nerui motorij, siue ad motum edendum apti, nascuntur, pauci. v. sensitiui, siue pauci nerui ad sensationem faciendam idonei. Ex aduerso ex anteriori parte Cerebri, nerui nascuntur ad sentiendum plurimi, ad motum edendum pauci. Verùm vbi vtraque Cerebri pars, posterior, & anterior, benè fuerint dispositæ, robustæ validæue consequenter erunt deriuationes: idest, ea quæ à Cerebro procedunt: qualis est spinalis medulla, vertebræ Ceruicis, & totius spinæ dorsæ.

Quando Galenus inquit, neruos motiuos multos, à posteriori parte Cerebri, sensitiuos verò paucos; & ab anteriori è contra sensitiuos plurimos, & paucos motiuos dependere, non proinde moti-

motiuis vim sensitiuam ademit: sed voluit nervos à posteriori parte ortos magis ad motum, quàm ad sensum, esse destinatos: licet reuerà à spinali medulla nervi deriuentur sensum tribuentes vniuerso corpori, si excipias partes, quibus sexta nervorum coniugatio sensum tribuit, vt est ventriculi orificium, aliæq; circumquaq; partes. Dixit præterea, & optimè, Galenus, ab anteriori parte Cerebri plures nasci sensituios, quàm motuios; vt cuius septem paria cognoscenti, perspicuum fiet.

Postquàm Gal. accuratè examinavit vitium, & virtutem posterioris partis Capitis, pari modo de anteriori eiusdè Capitis parte philosophandum præcipit: itaq; an deficiat, an augeatur ante-
rior Capitis prominentia, an deniq; congrua, aut indecens sit eiusdem partis figura, anq; sensus in anteriori parte Capitis sedem habentes, visus, odoratus, & gustus, benè malèue se habent, diligenter obseruandum. Nam inde bonam, malamue anterioris Cerebri dispositionem non difficulter agnoscemus. Diminuta, quidem sincipitis prominentia, & anteriorum trium sensuum defectus, præsertim à prima Hominis generatione, anterioris partis malam indicant dispositionem, & virtutis formatricis imbecillitatem, simul cum materiæ defectu. Vice versa, si prominentia anterior Capitis aucta fuerit, & figura decens, & præfati tres sensus probè dispositi, Cerebri anterioris probam dispositionem, & Virtutis formatricis robur, ac materiæ copiam, indicant. Imò si sensus prædicti benè dispositi apparuerint, & prominentia anterior diminuta, Signum est materiæ diminutæ in prima conformatione, formatricis tamen virtutis robur indicant.

Eodè modo de anteriori capitis parte philosophandum, quo de posteriori.

Nota diligenter.

SECTIO IV.

De Operationibus obtinentibus Principatum.

Galenus capite 12. Artis Medicæ, hac de re hac serie disserit: Earum autem operationum, quæ principatum obtinent, virtus, ac vitium, sunt ipsius principij (Cerebrum hîc respectu principum operationum, vix principium dici debet, cum in ipsomet hæ actiones celebrètur: nisi Galenus voluerit principium, & causam confundere) seorsum tantummodò indicia. Voco autem operationes principatum obtinentes, quæ à solo prin-

principio (id est à cerebro, tanquã à causa immediata) proueniunt. Ingenium quidem igitur, subtilem Cerebri substantiam indicat; tarditas verò intellectûs, crassam.

Discendi verò facilitas, formarum facilè susceptiuam: memoria autem stabilem ac firmam: sicuti & discendi difficultas, formarum non facilè susceptiuam, & obliuio fluidam. Mobilitas quoque in opinionibus, calidam: stabilitas autem frigidam.

Adhuc autem duo indiciorũ genera mihi videor prætermisisse, de quibus sum ab initio me dicturum pollicitus, quorum alterum ad operationes attinet naturales, alterum verò ad ea quæ extrinsecus occurrant. Erit autem in (melius de vtrisque, quàm in vtrisque dicitur) vtrisque sermo communis.

Quinq; fontes è quibus signa status, siue dispositioni: cerebri desumuntur. Galenus capite 10. Artis Medicæ, quinq; proposuit fontes, è quibus desumuntur Signa nobis indicantia Cerebri temperiem, aut intemperiem: Primus fons Signorum, est totius Capitis dispositio, molem, & figuram eius comprehendens. Secundus fons, est sensibilibus operationum virtus, & vitium. Tertius, est actiuarum, siue motricum operationum virtus similiter, & vitium. Quartus fons, est virtus, & vitium actionum principum, de quo modo hoc capite 12. agit Galenus, qui, actiones principatũ in Cerebro obtinentes, numero octo proponit. Prima, est Ingenium: Secunda, est tarditas intellectus: Tertia, est discendi facilitas: Quarta, est memoria: Quinta, est discendi difficultas: Sexta, est obliuio: Septima, est mobilitas in opinionibus: Octaua, est stabilitas firmitasque in opinionibus. Verũ, hæ omnes operationes ad tres principes à Galenõ, & Philosophis communiter admissas, Inaginationem, Discursum, & Memoriam, reuocantur. Has operationes Principes à solo principio (ceu causa) id est, à Cerebro, alio nullo interueniente instrumento, exerceri docuit Galenus; vt sic eas distinguat ab actionibus sensitiuis, & motiuis, quæ non immediatè Cerebrum indicant, aut à Cerebro dependent: Sed motus voluntarius immediatè à musculo fit, musculusq; indicat; etsi musculus à Cerebro facultatem motricem, vel per irradiationem, vel mediante spiritu animali, recipiat: Visio similiter ab oculo immediatè dependet, oculique virtutem, & vitium indicat: Auditus pariter ab aure, aurisq; virtutem, & vitium prodit. Idem de reliquis sensibus dicendum: qui omnes, veluti motus, sua habent peculiarioria

Sensus, & motus non cerebri solius, sed priorũ instrumentorum dispositionem significant.

via organa. Principes. v. à solo Cerebro emanât; & huius virtutem, siue robur, simul & vitium demonstrant. Atque adeò immediate Cerebri dispositionem, siue bonâ, siue malam significant. Quòd autem sint solius Cerebri indicia dictæ operationes, docuit Galenus particulâ illâ, seorsum, seu potius, solius, vt benè vertit antiquus Interpres: nam Græcè habetur, τῆς ἀρχῆς μονῆς, .i. ipsius principij solius: Actiones verò motiuæ, & sensationes, licet Cerebri virtutem & vitium indicent, indicant præterea propria organa, in quibus fiunt.

Primam actionem in Cerebro editam, ingenium appellat. Mirè se torquent Interpretes, dum hanc particulam exponunt. Argenterius in Commentario citati contextûs, Acakiam, & Montanum errâsse contendit; quia, inquit, dicunt Ingeniû nihil aliud esse, quàm virtutem, quæ recipit species rerum. Hoc enim munus est Imaginatricis, non Ingenij, quod medium, idest causas rerum inueniendi habet potestatem. Ante hæc verba Argenterius vocem, Ingenium, hoc pacto interpretatus est: Igitur, Ingenium, intelligimus perfectionem discursiuæ virtutis. Sic enim ingeniosos vulgò vocamus, qui citò, & benè intelligunt, discurrunt, & ratiocinantur. Sanctorius absq; vltiori examine Argenterium sequutus, binos iam citatos Authores reiicit. Brachelius Ingenium hoc modo exponit: Subtili ac fælici ingenio præditum, dicimus, qui promptè multa discit, atq; alta subtiliter peruat, solerter apprehendit. Ioannes Agricola Ammonius Hugonis Senensis interpretationem in medium adfert: Admonet, inquit, Hugo Intellectum hoc loci non vsurpari pro vero intellectu, sed pro ea virtute discernente, quam æstimatiuam Auicenna, Nostri verò cogitatiuam vocant, iuxta id, quod Aristoteles 3. de Anima: Hic autem, inquit, Intellectus est corruptibilis, & sine hoc nihil intelligitur: vocat enim ibidem hanc virtutem, Intellectum. Ingenium ergo subtile erit, quod ex Signis, & occasionibus exiguis, citò aliquid dignoscit, distinguit, & discutit, elicit, & discurret. Quod exploratum habemus, cum istiusmodi Homines cum dicto adsequuntur, siquid simulatè dixeris, neq; decipiuntur: alij verò crassioris Minerviæ, qui sunt naris obefæ, hac fœlicitate carent. Thomas Rodericus A Veiga in suis pariter Commentarijs in Artem Medicinalem, postquàm operationes principes in Imaginatricem, Ratioci-

Maxima est controuersia de ingenij significatione hoc in loco.

Acakias & Montanus reprehenduntur. Ingenium quid Argenterio.

Ingenium quid Brachelio, quæ sequutus est Argenterius.

Quid ingenium iuxta Agricola, & Hugonem Senensem.

Thomas Rodericus à Veiga videtur Prudentiam cum ingenio cōiungere.

natricem, & Recordatricem, diuifit, fequentia fcripfit. Inter eas ergo orditur à Prudentia, vel Ingenio, functione Mentis, vel Intellectûs, vel Cogitationis, (non enim separat hæc nomina Galenus) tanquàm à præftantiore inter principes operationes. Thurifanus Monachus variè & prolixè rem hanc exponit.

Vt reshæc exactè percipiatur, fignificatio vocis Græcæ, quâ

*Anchinia
fignifica-
tiones.*

Galenus in fuo contextu vtitur, plenè inueftiganda. Ἀγχίνοια, latinè pronuntiatur Anchinia, quæ vox communiter latinè redditur folertia, Ingenij acumen, fiue acrimonia, qua cuiufq; rei caufa non longo tempore reddi poteft; vt ex Aristotele colligunt. Vnde Ἀγχίνοος dicitur ille, qui in propinquo mentem habet, ingeniofus, perfpicax, folers; iuxta hanc vocis Græcæ fignificationem, Laurentianus Galeni è Græco in latinum traductor, loco ingenium, habet, fi quis igitur folers eft: Et antiquus Interpres

*Leonicenus
obfcurus.*

habet, Facilis igitur intellectus. Vnde folus Leoniceus inter follemniores Galeni Interpretes, Anchiniam, Ingeniū effe affirmat. Laurentianus veruntamen, & antiquus Interpres, rem penitiùs &

*Anchinia
quid ex
Aristotele.*

clarius attigere: Nam Anchinia facilem intellectum, fiue folertiam, iuxta Aristotelis mentem, fignificat. Hic enim libro 1. Analytic. Posterior. cap. 28. & vltimo, quod eft περὶ ἀγχινόιας, id eft, de folertia, eandem ἀγχινόιαν, fiue folertiam hac ferie definit: So-

*Solertia
quid.*

lertia verò eft perfpicacitas quædam, & per quam cuiufq; rei medium, & caufa nobis ftatim occurrit. Veluti fi quis videns femper lucidam partem Lunæ ad Solem effe conuerfam, continuo excogitaret cur ita fit: nempe quod Luna Solis lumine illustratur. Aut fi quis cum Diuite aliquo colloquentem videat alium, confectim iudicet, peti mutuam pecuniam. Aut ob id contractam effe inter aliquos nouam amicitiam, quoniam communem inimicum habere cæperunt. Nam qui medias caufas perfpicit, ftatim extrema cognofcit. Hic Aristoteles Anchiniam, id eft Solertiam, Intellectûs Sobolem effe docet: cum folius Intellectûs munus fit rerum naturas penetrare, earumq; caufas ratiocinando inueftigare; & vno verbo difcurrere. Quam doctrinam idem Arist. confirmat Lib. 6.

*Confilium
rectū vir-
tutis sobo-
les.*

Ethicor. cap. vltimo, vbi hæc habet: Confilium igitur rectum virtus efficit. Ea autem difpicere quæ illius caufa agi confueuerunt, hoc non virtutis, fed cuiufdam alterius facultatis munus eft. De quibus accuratiùs, & planiùs eft dicendum. Eft igitur vis, feu po-

testas quædam, quam solertiam vocant. Hæc autem eiusmodi est, ut ea quæ ad scopum propositum pertinent, agere, & consequi possit: ac si scopus quidem honestus sit, laudabilis: sin malus ac turpis, versutia est nominada. Proinde, & prudentes, & versutos dicimus *δευροῦς*, hoc est Solertes. Prudentia porro non est hæc potestas, sed tamen non sine hac potestate. Solers igitur ex Arist. dicitur ille, qui potens est in indagatione medijs, & causæ. Vnde Platon in Teæteto solertes hos appellat, qui velociter omnia distinguunt. Et Themistius in Aristotelis citatum textum primi Posteriorum, Solertem eum vocat, qui citò & faciliter resoluit conclusionem, in sua principia.

Solertia natura exponitur.

Versutia quid.

Prudentia non est solertia, nisi hac illa cgeat.

Solers siue ingeniosus quis.

Quod autem circa discursum Solertia versetur, Manilius Libro 1. Astronom. sequenti serie testatur:

Solertia circa discursum versatur.

Omnia conando docilis Solertia vincit;
Nec prius imposuit rebus finemque, manumque,
Quàm Cælum ascendit Ratio, caputq; profundis
Naturam rerum Causis, viditq; quod vsquam est.

Franciscus Tort in suo Enchiridio quædam ad rem habet exempla. Agesilaus in Computatione Conuiuij Princeps, cuius partes erant præscribere, quantũ quisq; biberet: rogatus à Pincerna quantum Vini cuique apponeret: Si multum, inquit, vini paratum est, dato cuiq; quantum poscit: Sin parum, cunctis ex æquo diuidito. Hæc Solertiâ mirè prospexit, ne vel paratum Vinum defit, quibus placeret largior potatio: vel ad bibendum cogerentur, quibus placeret Sobrietas. Leo etiam Bizantius Sophista, cùm prodisset ad populum tumultuantem, de Concordia dicturus, risum populo exhibuit, quòd multum obæsus esset: At ille, quid rideretis, Viri Athenienses, si Vxorem videretis me multò obæsiorem? Nos tamen concordēs vnus capit lectulus; discordes ne tota quidem domus. Hoc dicto Solerter Populum placauit.

Agesilai Solertia.

Lepidũ ingenij, siue Solertia exemplũ de Leone Sophista.

Diximus Solertiam, siue Ingenium ad Discursum attinere; Existimo tamen Solertiam Imaginatione iuuari: cùm iuxta ea, quæ citò, vel tardè ab imaginatione concipiuntur, Intellectus promptè, vel tardè res ei ab Imaginatione propositas examinet.

Prompta imaginatio ingenium auget, acutque.

Non est deniq; prætereundum, parum rectè A Veigam loquitur, dum inquit, Ingenium benè verti in prudentiam, & Sagacitatem; cùm ex Aristotele Prudentia non sit Solertia; licèt sine hac ef-

Thomas Rodericus a Veiga reprehenditur.

se nequeat. Prudentia enim est habitus cum vera ratione coniunctus, ad agendum idoneus, in bonisq; humanis occupatus, ut loquitur Arist. 6. Ethicor. cap. 5. in cuius capitis præcedenti parte Prudentiam etiam definiuit, & nonnulla eam contingentia pro-

Prudens quis.

Qui ingenio valet ad consultandum is prudens est.

De rebus necessarijs non datur consilium, sicut nec de ijs quæ non possunt à consiliante fieri.

Prudentia non est Ars, nec Scientia, & quare.

Quid Ars. Quid Inertia.

Quid Prudentia.

Effectio finis est operis, siue effectus actionis finis non est semper opus, sed ipsa actio bene gesta.

Pericles magnæ capite, sed concinno præditus, Prudens erat. Prudentia Ciceroni quid.

posuit. Videtur, inquit, Prudentis esse, benè consulere posse circa ea, quæ sibi sunt bona, ac profunt, siue vtilia sunt. Non sigillatim v.g. quænam ad bonam valetudinem, aut ad vires, sed vniuersè quænam ad benè viuendum conducant, benè consultare posse. Cuius rei argumentum est, quod Prudentes in re aliqua dicimus eos, qui benè ratiocinando, quo modo ad honestum finem perueniant, assequuntur, in ijs, quæ arte non continentur. Quocirca qui ad consultandum ingenio valet, is & Prudens omnino, & vniuersè fuerit. Consultat autem ijs de rebus nemo, quæ aliter sese habere, quæue ab ipso agi non possunt. Quare si scientia omnis cum demonstratione coniuncta est: & si quorum Principia aliter sese habere possunt, eorum non est demonstratio (omnia enim sese aliter quoque habere possunt:) Si denique de ijs quæ necessario sunt, consultari non potest: neq; scientia, neque Ars, erit Prudentia. Scientia, quia quod sub actionem venit, sese aliter habere potest. Ars, quia aliud actionis, aliud effectiois est genus (præcedenti enim Capite 4. Artem sic definit: Ars igitur (ut dictum est) habitus est quidam cum vera ratione coniunctus, ad efficiendum idoneus. Inertia contrà, habitus cum ratione falsa coniunctus ad efficiendum idoneus, in eo, quod aliter evenire potest, occupatus.) Restat igitur, ut ea, idest Prudentia, sit habitus cum ratione vera coniunctus, ad agendum idoneus, in ijs occupatus, quæ Homini bona & mala sunt. Effectiois enim alius, quàm effectio, finis est: actionis verò non semper alius ab actione finis est. Est enim ipsa res benè gesta, seu perfecta actio, actionis finis. Ac propter hanc causam Periclem, cæterosq; taleis viros, prudentes esse arbitramur, quòd ea, quæ sibi, Hominumq; generi bona sunt, dispicere, ac prouidere possunt: quales esse putamus eos, qui rei familiaris tuendæ, rei que publicæ administrandæ periti sunt. Hinc colligere possumus, Aristotelem distinxisse Ingenium, siue solertiam à Prudentia: Nam hæc circa Fortunæ bona versatur: Vnde Cicero libro 1. de offic. Prudentia est rerum expetendarum scientia. Solertia verò, siue Ingenium, circa eadem, & ulterius circa quem-

quemuis Intellectûs habitum versatur. Præterea, Prudentia est Habitus Practicus: Solertia verò non solum Praxi indagandæ, sed insuper speculationi prodest. Qui autem scientiam, sapientiamq; cum facilitate acquirunt, Ingeniosi, & solertes dicuntur: Prudentes verò quatenus scientifici, nullo modo dicuntur. Quapropter Aristoteles citato lib. 6. Ethicor. siue Moralium, cap. 7. quosdam Philosophos sapientes appellat, quos tamen imprudentes fuisse asseuerat. Quocirca, inquit Philosophus, Anaxagoram, Taletem, cæterosque taleis Viros, sapientes quidem esse dicunt, Prudentes verò nequaquam; cum videant eos, quæ sibi vtilia sint ignorare: atque eos fatentur recondita, atq; eximia quædam, & admirabilia, & difficilia, & diuina tenere, sed inutilia: quia humana bona non quærunt. Ecce Viri scientifici, & sapientes, imprudentes tamen dicti, quod in rerum contemplatione probè versati essent, & bona fortunæ respuerent. In aucupandis etenim rerum naturis laborantes, consilia, quibus vtilia acquirimus, spreuerunt. Prudentia autem tota est in Consilijs. Vnde Seneca de quatuor Virtutibus ait: Prudentis proprium est examinare consilia, & non citò fallaci credulitate ad falsa prolabi: de dubijs non definias, sed suspensam tenere sententiam: Hæc ille. Bestijs ipsis quandam inesse prudentiam, & hanc à sapientiâ distingui testatur Philosophus cit. cap. 7. lib. 6. Ethicor. vbi inquit: Itaq; & Bestias quasdam (Formicæ etenim penum prudenter colligunt: proindeque has quodammodo prudentes appellare potuit Aristoteles) prudenteis esse dicunt; nempe eas, quæ rerum ad vitam necessariorum prouidendarum facultatem habere videntur. Politicam autem non esse eandem, atq; sapientiam minimè obscurum est. Num si sapientiam dicent esse eam, quæ in suis cuique emolumentis comparandis sit occupata, multæ reperiuntur sapientiæ.

Præterquam quod Ingenium, solertiaue, longè distat à Prudentia, ex Aristotelis doctrina colligitur, Iurisprudentiam longè à sapientia, & scientia recedere: adeoq; eandem Iurisprudentiâ longè inferiorem esse Medicinâ, quæ vera est scientia.

Modò examinandum, quid sibi vult Galenus, dum in contextu ait, solertiam aut ingenium esse indicium subtilis substantiæ Cerebri. Plurimum sanè inter se recedunt Authores in expositione substantiæ subtilis Cerebri; & adeò quidem distracti, vt Acakias, & Mon-

Ingeniosus qui.

Veri Philosophi Græci Sapientes, sed prudentes nequaquam, & quare.

Philosophi veri humanis bonis non inhiabant.

Prudentis munus ex Seneca.

Bestia plures ex Philosopho, prudentes.

Politici non sunt Sapientes.

Iurisprudentia Medicinâ longè inferior.

& Montanus existimauerint, nomine subtilis substantiæ Cerebri intelligi non solidum Cerebri corpus, sed ipsos spiritus, eosq; tenues; cùm tamen de Cerebro solo, eiusq; dispositione, non de spiritibus Galenus lib. de Arte Medicinali fusissimè egerit.

*Sclani
sententia.*

Sclanus nomine subtilis substantiæ Cerebri, intelligit substantiam sinceram, & ex puriori materia confectam, & non ex crassa, & turbulenta. Sed hanc opinionem, tanquam alijs deteriore,

*Sclanus à
Sanctorio
perstringi-
tur.*

reijcit Sanctorius, quia committit petitionem principij: Adhuc enim petimus, vt quis nos doceat, quænam sit hæc materia sincera & pura: Estne sincera & pura, pura, quia sit lucida & clara, vt dixit Haly, vel pura sincera, quia sit tēperata: multa enim possunt esse temperata, quæ sunt opaca, crassa, & turbulenta, sicuti est vola manūs, quæ dicitur temperatissima, tamen non est subtilis substantiæ. Ita Sanctorius Sclanum reijcit.

*Opinio
Haly à
quibusdam
improbatur.*

Haly Galenum exponens, per substantiam subtilem Cerebri intelligit substantiam peruiam & claram, per quam spiritus animales liberè permeare possent. Hanc pariter interpretationem aliqui tãquam absonam, reijciunt; quia easdem difficultates patitur, quas Sclani opinio.

*Sanctorij
opinio.*

Sanctorius demùm suam aperiens mentem, rem tam arduam, & intellectu difficilem hoc modo exponit. Ego autem diu cogitavi, quid dici possit in hac quæstione admodùm difficili: incidi tandem in hanc cogitationem, quòd per subtilem substantiam intelligat Galenus corporis Cerebri diaphaneitatem, & non luciditatem: Diaphanum enim est, quod paucioribus superficiebus constat, aptum ad transitum radiorum spirituum, qui naturâ suâ lucidi sunt, & per tale corpus radij spirituum possunt diffundi & transferri à centro Cerebri ad quinque sensiteria, & ab his ad Cerebrum: ex quo fluxu & refluxu radiorū oritur cognitio. Quare nisi Cerebrum paucissimis superficiebus constaret, non esset diaphanæ naturæ: neq; reciperet lucidos radios spirituum, & nulla rerum fieret cognitio. Ratio verò, cur paucioribus superficiebus Cerebrum constet, est; quia vbi in corpore sunt multæ superficies, ibi lumen, vel radij lucidi in qualibet superficie refranguntur, & refracti amittunt vim penetrandi, & lucem effundendi: neq; satis est, vt corpus, per quod penetrat lumen, sit peruium, vt spongia, quæ ex se est opacissima ob infinitas eius superficies, sed requiran-

*Diaphanū
quid.*

tur oportet paucissimæ superficies: Exempli gratia, Cryſtallum, & Adamas, sunt denſiſſima: attamen sunt transparentia: imò ſi Cryſtallum, vel Adamantem in tenuiſſimum puluerem redegeris, tunc pulvis erit rarior, amittet tamen propter multitudinem ſuperficie-
rum granorum Cryſtalli, vel Adamantis, transparentiam: cauſa eſt; quia radij ex ſua naturâ in qualibet ſuperficie refranguntur: & cum ſuperficies ferè ſint infinitæ, ideò infinities ferè refranguntur; vnde opacitas ſequitur. Similiter aquam ſplendidiſſimam, ſi agitaueris, ſpumefcet, & ob ſpumam variæ fiunt ſuperficies, in quibus refranguntur radij: vnde ob refractionem amittitur penetrandi virtus. Subſequenter docet Sanctorius, ſpecula reddi perſpicua, dum perfricantur, donec ad vnicam terſam ſuperficiem redita ſint. Itidem lapides terſi, & læuigati fiunt diaphani ob continuam confricationem.

Hæc Sanctorii doctrina eſt magis curioſa, quàm Medica. Nam quòd Cerebrum, corpus ex ſua naturâ ſpermaticum, frigidum, humidumq; , & craſſæ conſiſtentix diaphanum dicatur, à ratione alienum eſt. Præterea aqua, de qua loquitur, non ideo tantum diaphaneitate caret, quòd in eius ſuperiori ſuperficie ſpuma formetur, ſed quia nimium agitata, habet partes omnes inſtabiles, ſiue in motu, ita vt talis confuſio partium violento motu cauſata, viſus acumen offuſcet. Sed hæc, vt innui, ad perſpectiuam, ſiue Opticam potiùs, quàm ad Medicinam attinent.

Medicè ergo, & Phyſicè Galeni propoſitam doctrinam exponamus. Qui Ingenio, ſolertiaue pollent, Cerebrum habent ſubtile, ſiue tenue, quia idem Cerebrum à natiuitate habent igneâ, aereâque ſubſtantiâ refertum: ideſt, in prima ſui conformatione Cerebrum eſt factum particeps ignis, & aëris, adeò vt non vltimum locum, virtute ſcilicet, inter quatuor elementa cerebrum componen-
tia, ignis, & aër obtinuère. Hæc autem duo Elementa, aqueæ, terrenæque ſubſtantie in bona quantitate commixta, Cerebrum pariunt tenue, ſimul atq; permeabile; ita, vt nullo negotio Spiritus quoquouersum per idem Cerebri Corpus penetrent, & excrementa quæuis ex eodem Cerebro per conuenientes vias deturbentur. Tenuia enim, & rariora corpora, vt ſuperiùs cum Hippocrate docuimus, ita ſunt pura, ob rationes ibidem allatas, vt internis iniurijs nullatenus ſint obnoxia. Quoties ergo Cerebrum tenuis rare-

Sanctorius perstringitur.

Genus natus sensus verborum Galeni.

que fuerit textura, se facile ab omnibus expediet superfluitatibus, & omni impuritate vacans, suas liberè, integrèq; edet actiones; principes in se, cum harum sit instrumentum; animales; motum videlicet, & sensum, in proprijs instrumentis.

*Quomodo
Cerebrum
tenue, &
rarum di-
citur.*

Caterum hic minimè prætereundum puto, me non intelligere Cerebrum esse poris plenum, instar Spongiæ, dum ipsum tenue rarumq; esse asserui. Nam si hoc asseuerassè, Cerebrum non esset densum, nec, nisi alieno corpore, spongiæ ritu, plenum: cum tamen Cerebrum cuius satis densum, & benè in suis omnibus partibus, ventriculis exceptis, vnitum coactumq; videatur. Multò minùs volui, Cerebrum esse subtile, tenueue, eo modo, quo subtile crasso opponitur. Quod enim crasso opponitur tenue, exile adè est, vt profunditate careat: Cerebrum verò, vt cuius constat,

*Hominis
Cerebrum
bouino tri-
plo maius.
Hominis
cerebrū se-
xies bouino
poderosius.
Biliofi in-
geniosi.*

nullatenus hoc pacto tenue dici potest, præsertim in Homine, qui Cerebrum possidet adè magnum, vt triplo maius bouino sit, decente inter alios Thoma Roderico à Veiga, & suffragante experientia, cui innixus Sanctorius, Hominis Cerebrum à se ponderatum, sex Boum Cerebris in pondere æquualere comperit. Prouida sanè Natura Homini magnum concessit Cerebrum, vt in eo facilliter innuieræ principum facultatum actiones exerceantur. Cerebrum ergo tenue subtileue dicitur, quando in eo multum est aëris, & ignis. Hanc fortassis ob causam Biliofi ingeniosi dicuntur:

*Melancholici ingenio-
si ex Ari-
stotele.*

Etsi Melancholicos ingeniosos esse compertum habeamus. Melancholici autem singulari ingenio sunt præditi, docente Aristotele. Sectione 30. Problemat. quæst. 1. Melancholici tamen Cerebrum habent crassæ consistentiæ, imò frigidum siccumque. Nec Biliofi soli, aut Melancholici, ingeniosi videntur, sed præter hos, nonnulli Pituitosi.

*Argente-
rius Gale-
no semper
contrarius.*

Cum Homines variam habentes Cerebri consistentiam ingeniosi videantur, non placet Argenterio Galeni doctrina modò exposita de Cerebri tenuitate. Miraturq; insuper, quòd Galenus ex ingenij perspicacitate, & tarditate Cerebri constitutionem tenuem aut crassam colligat, quòdque crassitiem, & tenuitatem; tarditatis, aut perspicuitatis causas statuatur. Nam libro 8. de Vsu Part. scribit, intellectum sequi bonam Cerebri temperiem. Neq; enim, inquit Galenus, Bonitas & perfectio intellectus multitudini spiritus animalis potius videtur attribuenda, quàm qualitati. Ex quo loco

*Bonitatem
intellectus
cerebri tem-
peramento
tribuit Ga-
lenus.*

colli-

colligit Argenterius ex temperie primarum qualitatuum ipsius Cerebri, & Spirituum; intellectum variari. Item Comment. 1. in lib. 6. Epidem. scribit idem Galenus, eos esse mente laesos, qui aut nimis magno capite, aut paruo sunt. Hic magnitudinem, & paruitatem Cerebri, & mediocritatem, causas esse ait bonæ, & malæ intellectiōnis. Item 24. tex. 4. Comment. 6. Epidem. scribit tardiores ad intelligendum, & agendum Homines reddi, quibus os ventriculi est frigidum; cōpatitur. n. illi Anima part. Hinc colligit Argēterius, ingenij bonitatē, & tarditatē à varia Cerebri structura dependere, licet fateatur ad actiones principes eliciendas, Cerebri temperiem, & Caloris nativi bonitatem aliquid conferre. Verum, inquit ille, quod maximum est in hac re, sumitur ex structura ipsius Cerebri, quatenus ipsum organica pars est: Et id est, quod Aristoteles lib. 1. de Histor. Animal. & in libro de Physiognomia euidenter expressit, cum ex frontis, temporum, nasi, superciliorum, oculorum, palpebrarum, & aliarum partium, quæ in Capite sunt, varia cōstitutione, animi mores dijudicandos esse docet.

Non imperitè hæc omnia Argenterius produxit: indoctè tamen Galeno aduersatur, quod tenuitatis, & crassitiei Cerebri meminere. Fateor ego, Melancholicos, Sanguineos, & Pituitosos nonnullos ingenij bonitate ornari, aliter tamen ac Biliosos: Nam hi prompta Solertia res quasuis penetrant: Melancholici verò, & ceteri pleriq; longa, assiduq; speculatione rei cuiusuis naturam rimantur. Quod attinet ad variam Cerebri structuram, fateor & hanc actionibus fauere, vel obesse. Sed id non impedit, quominus temperamentum, & modi substantiæ, vt tenuitas, crassities, & consimilia, edendis actionibus profint: imò verò Galenus libro 8. de Vsu Partium cap. 13. postquam docuit Spiritum animale non in solis Cerebri ventriculis contineri, verum etiam magnam eius copiam in Cerebri corpore, sed potissimum in posteriori Cerebri parte, à qua in spinalem medullā, rursusque in nervos amandatur, Erasistratum arguit, quod actiones nobiliores ab Homine, quàm à Brutis, edi dicat, ideo quia Cerebellum, imò totum Cerebrum habet perplexum homo. Si enim, inquit, ob talem Cerebri compositionem Homines ratiocinarentur, pariter & Asini: quoniam hi Cerebrum habent perplexum; cum tamen sine vllō plexu aut varietate id ipsum habere deberent talia stupida, & rudia ani-

Excedens magnis uide capitis incōtinis, & paruitas eiusdē malam causat intellectiōnem.

Oris ventriculi frigida: tardū reddit intellectū.

Argenterius perstringitur. Quomodo multi ingeniosi dicuntur.

Spiritus animalis non in solis cerebri ventriculis, sed in eius corpore residet.

Erasistratus Arist. ex filia nepos, à Gal. capitur.

*Cerebri
temperiem
sequitur
intellectus
operatio.*

*Tempera-
mentū prin-
cipū actio-
nū autho-
rem statuit
Hippocr.*

*Multi
morbi in-
temperiei
cerebri.
Ergo sani-
tas in eius
temperie
collocanda.*

*Arabes cū
sequacibus
perstringū-
tur.*

malia, si plexibus Cerebri vis ratiocinandi tribui deberet. Concludit ergo Galenus, actiones Cerebri nō à compositione, sed eius temperamento dependere. Melius autem fortè fuisset, inquit ille, existimare Intellectum sequi non compositionis varietatem, sed corporis, quod cogitat, atq; intelligit, quodcunq; id sit, bonā temperiē: neq; enim bonitas ac perfectio Intellectus multitudini Spiritūs animalis potius videtur attribuenda, quā qualitati. Galenus sibi cōstans, in Opere suo de Locis affectis Cerebri temperiē, mentē appellat, volens absolūtē à Cerebri temperie actiones primariō, & per se depēdere. Huic sententiæ fauet Hipp. Lib. 1. de Diætā, vbi hæc habet: Cū in corpore pars ignis siccissima, & aquę humidissima, æqualiter temperantur, prudentissimum quid nascitur. His manifestè Hipp. Tēperamentū constituit principū actionū authorem.

Non leue argumentum ad huius doctrinæ confirmationem desumi potest ex communi Galeni, & vniuersæ Scholæ Medicæ doctrina. Omnes enim vnanimi consensu memoriæ defectum, fatuitatem, phrenitidem, Lethargum, & consimiles affectus à Cerebri intemperie prouenire asserunt. Ergo Memoria, Prudentia, Intelligentia, & consimiles actiones à temperie, intemperiei contraria, principaliter dependent.

Sileant ergo Arabes contendentes, Cerebri principes actiones non à temperie, sed à Ventriculis eius emanare. Maior enim eorum pars Ventriculis Cerebri, & consequenter eius conformationi compositioniue, miras tribuit Virtutes: nam in anterioribus cerebri ventriculis Sensum communem, & imaginatricem facultatem contineri aiunt, & apertis iisdem Ventriculis imaginationē fieri, iisdemq; occlusis imaginationis cessationem succedere: Dum autem Homo discurrere cupit, ventriculi medij, & posterioris orificia referari, quoties è contra à discursu cessare vult, tunc eadem orificia claudi. Hæc figmenta vnico verbo refutare non est difficile. Ventriculi autem Cerebri ad Hominis nutum non referantur, nec clauduntur. Nam motus omnis nostræ voluntati obediens, musculorum ope fit: Ventriculi autem Cerebri nullos habent sibi annexos musculos. Ergo nostro arbitratu non aperiuntur, nec clauduntur. Insuper inter tertium, & quartum, siue posteriorem Cerebri ventriculum, nondum ab Anatomicis repertum est orificium, quod claudi, & referari posset, quoties non memorandum,

aut memorandum esset, vt fingunt Arabes quidam.

Cæterum, figura Capitis, & consequenter Cerebri, concinna, dicitur esse boni iudicij indicium; sicuti figura acuminata, siue fastigiata, siue turbinata, siue pineata, qualẽ habuit impudentissimus & procacissimus Thersites, Stultitiæ: nõ quod hæ figurę bonas malasue operationes efficiant, sed quia sunt indicia tẽperati, aut intẽperati Cerebri. Nã optima Cerebri, & Capitis structura ab optimo prouenerunt tẽperamento in ipsa Hominis prima conformatione. Generatrix porrò Facultas, vt Hominem procreet, materiam alteratam requirit. Si verò materia fuerit temperata, effigiationem siue efformationem congruam facillè recipit. Facultas enim generatrix valida est, si temperata, & copiosa est materia: Formatrix similiter valida est. Ex aduerso materia intẽperata vix benè effingitur. Vnde structuræ Capitis, & Cerebri, eiusdem Cerebri temperiem, vel intemperie arguunt: Et ideo optimam Cerebri structurã, siue conformationẽ esse Hominis prudentis indicium rectè docuit Galenus lib. 7. de Placitis Hippocrat. & Platonis, ac alibi passim; non, vt dixi, quod optima Structura Capitis, aut Cerebri actiones edat principẽs, sed quia est optimi temperamenti Cerebri indicium. Est enim conditio, sine qua non ederet temperatum Cerebrum probas congruasque actiones.

Copiosè hęc de Cerebri tenuitate loquutus fuerim, difficultas non spernenda occurrit, quam à nemine ante se propositam iacet Hieremias Triuerus Brachelius. Difficultas hæc est: Tenuitas nulli qualitati videtur familiaris: & fortè videtur maximè propria, vt ille inquit, ipsi caliditati: exẽplo sunt ignis & aër, qui sunt præternuis substantiæ. Sed huic doctrinæ aduersatur Gal. qui lib. de Arte Medica, Cap. de Hepate, tenuitatem sanguinis in Hepatis humiditatem refert: adeoq; non soli igni, & aëri, sed etiam alijs rebus conuenit. Ex eadem hac Galeni doctrina maior adhuc nascitur difficultas circa ea quæ à nobis dicta sunt de Cerebri tenuitate. Nam Ingenium, vt ait, Cerebri tenuitatem indicat; eodem tamen libro de Arte Medica, cap. de Hepate, sanguinis tenuitatem Hepatis humidi indicium esse docuit Galenus. Vnde sic argumentari licet: Sanguis tenuis hepatis humiditatem significat. Ergo pariter tenuitas Cerebri, cuius indicium est Ingenium, eiusdem Cerebri humiditatem arguit: quod tamen dici nequit; quoniam humi-

Figura capitis concinna & in concinna. Thersites apud Homerũ stultus.

Dubium à Brachelio prius oppositum, & solutum.

ditas Cerebri stoliditatem denotat: Vulgò enim dicitur, & ab omnibus receptum est, quòd ferè vnusquisq; tantum habet stultitiæ, quantum humiditatis, vt cum Brachelio loquar.

Brachelius ingenuè fatetur, se nō posse huic obiectioni satisfacere: Responderetamen conatur tenuitatem in maiore, minore, & distinguens, crassius tenue, tenue vocat: exactè tenue, subtile appellat. Sanguinem ergo tenuem dilutiorem, & magis humidum appellauit Galenus: & huiusmodi sanguis dilutus, siue sero prægnans, hepatis humiditatem indubiè significat. Est alia substantia tenuis, quæ subtilis dicitur, quæ constat ex tenuioribus partibus, atque hæc est, quæ subtile edit ingenium. Quantum autem inter se distent prima illa tenuitas, & secunda, quæ subtilis dicitur, constat ex aqua, aëre, & igne. Nam aqua est dilutior, tamen aër, & ignis multò tenuior, aut subtilior. Ergo corpora, in quibus humidum aqueum prædominatur, non sunt simpliciter & absolutè tenuiora, aut subtiliora: Sed verè subtilia & tenuia dicentur illa corpora, quæ aërea sunt, & ignea; & talia sunt calidiora, & sicciora, humidis corporibus. Hinc concludi potest, subtile siccumque Cerebrum præclarius habere Ingenium, quàm crassum & humidum. Cauendum tamen ne statim dicamus subtile Cerebrum, bonum parere Ingenium, nisi talis substantia tenuis, illustris sit. Habet enim Corpus nostrum se ad Animam, cuius est instrumentum, tanquam speculum ad visum, & obiectam imaginem reddit exquisitiùs: sic & corpus nostrum, aut spiritus qui illinc proficiscitur, quo est tenuior atq; illustrior, eò diligentius & exquisitiùs Animæ obijcit, atq; exhibet species.

Veiga solutio.

Thomas Rodericus A Veiga dictam obiectionem ex Brachelio transcripsit, etsi neq; huius, neque alterius ferè vnquam, Ferneli more, meminerit, aliter oppositis respondet. Sed, inquit, varia causa est tenuitatis substantiæ in liquido, & in solido corpore: nam in liquido, vt sanguine, tenuitatis causa est mixtio aquæ plurima: ea ideo attestatur humiditati hepatis; quia in humido hepate ob inopiam resolutionis manet serum. In solido autem corpore, quale est Cerebrum, tenuitas substantiæ magis sequitur portionem multam ignis & aëris cum defectu terræ incrassantis: ideo tenuitas substantiæ Cerebri non indicat humiditatem Cerebri, sicut tenuitas sanguinis humiditatem Capitis (voluit fortè dicere, hepatis, & non Capitis.)

Quod

Quod obiecit Brachelius de tenuitate; eam nimirum nulli qualitati esse propriam, benè pronunciauit; quia nec calori, nec frigori, nec siccitati, nec humiditati soli competit; cum videamus eandem non soli conuenire igni, nec aëri soli, nec aquæ soli, sed his omnibus, imò & terreis exhalationibus, quæ siccae sunt.

*Tenuitas
tribus ele-
mentis sa-
miliaris.*

Quod attinet ad propositam ex Galeno obiectionem, hanc nullam prorsus existimo: Nam nulla est paritas in re proposita. Benè quidem inferimus, hepatis humiditatem ex sanguine nimis liquido atq; diluto & tenui, sed Cerebri tenuitatem ad eiusdem Cerebri humiditatem, tanquam ad tenuitatis causam referre nefas est. Nam nos sanguinem tenuem hepatis humidi indicium, manifestè videmus dum extrahitur; sed Cerebri tenuitatem nullo modo videmus, cum semper nobis id occultum sit. Ergo in obiectione proposita nulla est paritas: & si qua inueniri posset, locum illa haberet in excrementis copiosis & liquidis, quæ à Cerebro alicuius excernerentur. Nam hæc Cerebri humiditatem, sicuti sanguis extractus hepatis humiditatem manifestè ostenderent.

*Disparitas
in obie-
ctione in-
uenta.*

Isti scriptores dixisse videntur, maiorem esse Cerebri tenuitatem, quàm sanguinis; quia ignis, & aer, aqua, qua sanguis humidus diluitur, sunt tenuiores: adeoque tenue Cerebrum causa erit subtilis ingenij. In quo sanè non leuiter aberrant. Nam si Cerebrum esset tenuius sanguine diluto, tantum abest vt ab eo subtile manaret ingenium, sed ne vlllo pacto ratiocinaretur Homo tam tenui Cerebro præditus. Cerebrum ergo omne ex sua natura crassum est: Sed quod tenuioris substantiæ, & quod aeris copiosi, & ignis particeps est, tenue dicitur, non simpliciter & absolutè, cum semper omne Cerebrum crassum esse debeat, sed respectu multum crassi Cerebri. Quoties autem igneum elementum in Cerebri compositione copiosum est, idem purius redditur, & multò illustrius: quoniam calor ille in Cerebro examinat, illustrat, & si quod latet excrementum, id attenuat, absomit, & ad euacuationem disponit. Tenuitas ergo hæc, quia temperamentum sequitur igneum, aëreumq; potissimum, ad actiones aliquo modo concurrit, sicuti pupillæ tenuitas ad visionem.

*Brachelius
& Veiga
perstringū-
tur.*

Intellectus cunctis hætenus de tenuitate Cerebri propositis, nō erit intellectu difficile quod in contextu docuit Galenus, tarditatem intellectus aut intelligentiæ indicare crassam Cerebri substan-

tiā.

Crassa cerebri substantia ingenij tarditate parit.

tiam. Crassities autem hæc non aliunde prouenit, quàm ab Humoribus aqueis, aut terreis, qui quoties in Cerebrũ partibus con- crescunt, ipsum densius, & minùs permeabile penetrabileq; red- dunt: nec enim Spiritus ipsi animales, quibus Cerebri corpus re- fertum est, quique sunt Animæ præcipuum instrumentum, vt pas- sim habet Galenus, debita fruuntur puritate, & splendore; nec li- berè quoquoersum moueri possunt; nec pariter, nisi vix, & obli- què, species siue simulacra rerum cerebrũ penetrare possunt. Nun- cijs verò rerum, siue harum Idolis, simulacrisue, promptus introi- tus non concessus, tardam, si non malam, rerum intelligentiam causat. Introitus autem, & penetratio specierum, vt dixi, à Pitui- tosis, & Melancholicis succis, iisque copiosis, non probè à Calore natiuo attenuatis, & rursus excretis, prohibetur. Calor verò im- bellis, aut præter naturam, superflua in Cerebro cogit, & non- examinat, aut euacuat. Ad hanc doctrinam de ingenij acumine, & tarditate attinet quod scripsit Arist. lib. 2. de Part. Animal. cap. 2. vbi, postquàm de simularium partium differentijs egit, humo- rem esse partium earundem alimentum asseruit. Sanguinis deniq;

Varia san- guinis dif- ferentie.

varias proponit differentias: Alius enim Sanguis tenuior, alius crassior est: & alius syncerior, alius turbulentior; item alius frigi- dior, alius calidior, tam in eodẽ Animali, quàm in diuersis. Quan- tum enim Sanguinis parte Corporis superiori continetur, his diffe- rentijs discrepat cum inferiori. Omnino Animalibus alijs sangui- nem dedit Natura, alijs vice sanguinis partem eiusmodi aliam. Est certè roboris efficacior sanguis, qui crassior & calidior est: vim au- tem sentiendi, intelligendiq; obtinet plenior, qui tenuior, atq; frigidior est. Hoc idem discrimen in ijs quoq; habetur, quæ san- guini proportioni respondent. Quamobrem Apes, atq; eiusmodi alia animalia ingeniosiora multis carentibus sanguine sunt: nec nõ inter ea, quæ sanguinem habent, ingeniosiora suis contrarijs sunt, quæ sanguinem habent frigidior, & tenuior. Sed optimè constant, quæ calidum, tenuem, & syncerum habent: quippe quæ vnà & viribus corporis, & animæ ingenio plurimum valeant. Qua- propter pars etiam superior corporis ea ipsa differentia dissidet cū inferiori, & fæmina cum mare, & dextra pars cum sinistra eiusdem corporis.

Calidus, te- nuis, & syn- cerus san- guis, corpo- ris, & ani- mi robur indicat.

Expressè his ingeniosos hos appellat Aristoteles, qui tenui san- guine

guine sunt præditi. Nam Cerebrum vnà cum reliquo corpore, sanguine nutritur, sanguinisq; naturam necessario sapit. Sanguis verò, inquit Auerroës, Comment. cap.4. ideo est nutrimentum ipsis membris, quia est materia ipsorum, ex qua sunt generata à principio procreationis fætûs. Nam quælibet membra eius sanguinolenta visuntur in initio sui ortûs: sed vltimum nutrimentum animalis exanguis, est ipsa humiditas competens ipsi sanguini, eique proportionata. Cerebrum enim, vt in nostra docuimus Physiologia, & vt Auerroes cum Aristotele testatur, est pars Corporis frigida, & humida, sanguis verò arterialis, & spiritus per arterias ad ipsum veluti ad reliquas Corporis partes tranat; per venas similiter sanguis & spiritus ad ipsum transferuntur. Auerroës ex sententia Galeni, non solum sanguinem, sed simul spiritum per venas ferri docuit libro cit. 2. de Partib. Animal. Comment. cap.4. Cerebrum itaq; ex sua natura frigidum, sanguine tenui nutritum, tenuius & aptius redditur ad ratiocinandum; nam tunc contemperatur, & ratione boni temperamenti bonas edit actiones. Vnde Auerroes in comment. cit. cap.4. ait: Animal enim habens sanguinem sinceriorem, pauciorisq; caloris, animosius, & prudentius annotatur. Rectè quidem Auerroës dixit (pauciorisque Caloris) vt mitiget verba illa ab Aristotele prolata. Est certè, inquit, roboris efficacior sanguis, qui crassior & calidior est: vim autem sentiendi intelligendique obtinet pleniorum qui tenuior, atq; frigidior est. Hic. n. tenuem & frigidum sanguinem acuti ingenij causam absolutè non constituit Aristoteles, sed solummodò respectu sanguinis crassi & calidi, qui carbonibus ignitis quodammodò assimilatur. Vnde qui tali sanguine sunt repleti, nimio calore vruntur; & licet ingenio polleant, ira tamen aliquoties vexantur. Comparatiuè ergo loquutus est Aristoteles, vt patet ex alijs eius transcriptis verbis, quibus absolutè pronunciauit, calidum, tenuemque, & syncerum, idest excrementis vacuum sanguinem, corporis robur, & Animæ ingenium indicare. Cap. verò 4. iuxta Auerrois ordinem, docet Philosophus, animal habens sanguinem frigidum, esse pusillanime.

Quæ modò diximus, sequenti serie exponit Aristoteles citato cap.4. Quas autem fibras vocant, non omnis continet sanguis: sed sunt qui non habeant, vt ceruarum sanguis, & damarum. Quamobrem

Sanguis est nutrimentum, quia ex sanguine corpus confectum est.

Cerebrum frigidum, & humidum naturaliter.

Sanguis sincerus, & temperatus animosus, & prudens efficitur.

Quomodo Aristoteles intelligendus.

Cervarum & damarum sanguis concrescit, contra Arist. opinionem.

obrem id sanguinis genus nunquam spissatur . Sanguis enim, qui dilutior est, frigidior est: itaq; durescere non potest: quia. a. terrenus est, nimirum coit, cum humor euaporatur. Fibræ. a. illæ terræ sunt opificium. Quoniã etiã euenit, vt nonnulla ex ijs animalibus, quæ talẽ obtinent sanguinem, sapientiora sint: verũ non sanguinis frigiditate, sed potius tenuitate, atq; munditia, quorum neutrum in

Sensus mobilis ijs, qui tenuem habent sanguinem.

Sanguis æquosus timidos efficit.

Exanguia anguineis timidiora. Sanguinis fibrosi effectus.

Fibra solida, terrea sunt.

Tauri & apri cur animosi.

Quare sanguis in corpore non concrescit. Sanguinis naturam actiones sequuntur.

terreno est. Habent enim sensum mobiliorem, quorum humor tenuior, & sincerior est . Hinc etiam nonnulla ex ijs, quæ sanguine vacant, animalibus, prudentiora nonnullis sanguinem habentibus sunt, vt dictum iam est: v.g. apes, formicæ, & siquid aliud tale est. Timidiora, quibus sanguis dilutus nimium est: metus enim refrigerat . Itaq; ea, quibus eiusmodi temperamentum in corde habetur, metuendi affectioni sunt opportuniora: aqua enim frigore congelascit. Quamobrem cætera, quæ exanguia, timidiora sanguineis sunt animalibus, quod simpliciter dixerim, ac mora cessant præ nimio metu, & excrementa emittunt: nonnulla etiam suos colores immutant . Quorum autem sanguis fibris admodum multis, crassissq; refertus est, hæc terrena amplius constant natura, & animosa, iracunda, proindeq; furibunda sunt. Ira enim calorifica est. Solida autem, firmioraq; omnia concalescunt, vehementius quàm humida calefaciunt. Fibræ verò solidæ, terrenæque sunt: Itaque quasi fomenta in sanguine efficiuntur, feruoremq; per iram accendunt: ex quo fit, vt tauri, & apri animosi, iracundi, furibundi que sint: sanguis enim eorum fibris refertior est. Et quidem taurorum sanguis omnium celerrimè coit, & durescit . At, si fibras detraxeris, sanguis non cogetur . Vt enim si ex luto terrenam portionem semoueris, aqua non concrescet; ita sanguis fibris detractis incongelabilis manet: fibrarum enim natura terrena est: quod, si non eximantur, cogitur vt terra humida frigore. Cum .n. calor exprimitur humor vnà trahitur, atq; euaporatur, vt dictum iam est: atque ita concrescit, non à calore siccescens, sed à frigore. At verò quamdiu in corpore continetur, humidus est propter calorem animalibus inditum . Profectò naturam sanguinis causam esse, cur permulta animalibus veniant, tum per mores, tum etiam per sensum, ratio est: materia enim totius corporis est . Quippe cum alimentum materia sit, sanguis autem vltimum alimentum habeatur: facit igitur vt plurimum differentię existat, si calidus aut frigidus

gidus sit, si tenuis aut crassus, si turbulentus, aut nitidus. Sanies pars diluta, siue aquosa sanguinis est, eò quòd aut nondum concocta, aut corrupta est. Itaq; id vel sanies necessario est, vel sanguinis gratia est.

Præcedenti capite 3. Aristoteles alimentum omnibus ex humido, & sicco suppeditari docuit, atq; præterea caloris natiui virtute, (cuius principium tam animalibus quam stirpibus inest) alimenta concoqui atq; mutari. Prima enim alimētorum administratio perspicua est, cum per os, partesq; ore contentas perficiatur animalibus, quorum cibus sectionem desideret: sed hæc sectio nullius causa est concoctionis, sed facilitatem concoquendi potius præstat. Cibi enim illa minutatim diuisio facit, vt calor facilius conficiendo expediat: at superior (thoracem intelligit), & inferior venter iam cum calore naturali suo concoquēdi officio funguntur. Sed vt os animalis cibi incōfecti meatus est, atq; etiā pars ei annexa, quam gulam appellant, cibum, quibus data est animalibus, vsq; ad ventriculum deducit: sic alia quoq; adesse principia oportet, quorum opera membra omnia corporis ex ventre, naturaq; intestinorum, quasi præsepi, pabulum capiant. Stirpes enim siue plantæ suis radicibus alimentum iam cōfectum ex terra hauriunt: quocirca ne excrementum quidem contrahi in stirpibus solet: terra enim caloreq; eius perinde, ac ventre, vtuntur. At animalium genus omne ferè, sed apertè quæ incedunt, quasi terram intra se continent sinum ventris, ex quo, vt illæ radicibus, ita hæc aliquo intercedente, cibum assumere debent, donec finem sequentis concoctionis faciant. Cibus enim ab oris officio ventri mandatur: hinc membrum aliud capiat necesse est: & quidem ita natura constituit. Venæ enim per totas lactes ad ventrem tendunt vsque, exorsæ inferius. Paulo post concludit Arist. sanguinem in venis, tanquam in vasis, esse vltimum animalis alimentum. Capite vero quarto à nobis huc translato satis exactè ea quæ capite 2. de Sanguine proposuit, examinauit, ostenditq; quemadmodū animalia habētia copiosas fibras in suo sanguine, sunt iracunda, & tardè eorumdem ira reprimitur. Nam calor in fibris crassis & terrestribus semel accensus, difficulter extinguitur. Difficilius enim calor in ferro cadente contentus extinguitur, quàm ille, qui in stupa, aut palea, tenui corpore percipitur. Carbonum porrò ignis, quam

Masticatio non alimenti comminatio & præparatio ad concoctionem est. Venti inferiori vim concoquendi tribuit.

Membra corporis ex ventriculo & intestinis, pabulum capiunt. Stirpes.

Venarum principium est pars inferior ex Arist.

flamma diutius perseverat, & potentius urit: Sed hæc occasione sanguinis dicta sufficiant.

Signū status cerebri ab Imaginari ne desumptum.

Præter Ingenium, & tarditatem, alia proponit Signa Galenus, ex quibus status Cerebri colligitur. Quoties ergo aliquis facile discit, Signum est Cerebri substantiam facile imbui rerum idolis, siue speciebus. Hæc significauit Galenus his verbis: Discendi verò facilitas formatum (idest specierum) facile susceptiuam. Huic adiectiuæ particulæ, susceptiuam, addere oportet, substantiam; Nam Galenus vult Cerebrum facile discantis, esse substantiam facile suscipientem rerum imagines. Hic inter se Interpretes non mediocriter discrepant. Plusquam Commentator, siue Thurisanus, putat hos qui facile aliquid addiscunt, habere substantiam

Thurisanus expositio.

Cerebri, præsertim anterioris, mollem & humidam; & ob hanc mollietatem & humiditatem faciles fieri rerum impressiones, quas citò Sensus communis, & imaginatio, vt ille cum multis loquitur, percipit. Ipsius verba subiicio. Deinde cum dedit Galenus cognitionem complexionis Cerebri per operationes cogitativæ, vel distinctivæ, quæ est operatio mediij ventriculi; dat cognitionem eius complexionis, per operationem sensûs communis, quæ est operatio anterioris Ventriculi; & dicit (facilitas verò discendi) est signū Substantiæ mollis, quare & humidæ: mollietates enim est effectus humidi. Vult autem per facilitatem discendi, bonitatem sensûs communis: Phantasiæ vel informativæ operationis. Est enim facile discere, facile imprimi ab obiectis, seu facile informari: Hæc autem facilitas causatur à mollietate Cerebri: maximè tamen anterioris partis. Molle enim facile impressibile.

Oddi opinio.

Oddus de Oddis in eadem est cum Thurisano opinione, præterquam quòd sensum communem ab imaginatione distinctam reiecerit.

Acakias opinio.

Martinus Acakias nequaquam ab hac sententia recedit: Discendi enim, inquit, facilitas in mollem: difficultas, duram Cerebri materiam arguit. In re enim molli, vt cera, v. g. sigillum promptius; in dura verò, vt lapide, aut ferro, ægrius imprimitur.

Agricola.

Ioannes Agricola Ammonius, parum à dictis Authoribus recedit. Discendi, inquit, facilitas Cerebrum significat formarum facile susceptiuum. Eiusmodi enim Cerebrum facile excipit impressiones sensilium: quod cum molle sit, proprium rectè dixeris

Cere-

Cerebrum, hoc molle humiditate aërea, non aquea. Quamuis humiditas aquea non ita impedit discendi facultatem, sicut promptitudinem Intellectus.

Ioannes Argenterius ab eadem sententia nullo modo recedit.

Argente-

Brachelius peculiarem in hoc habet opinionem: Facilitatem nimirum concipiendi rerum imagines ab Imaginatrice facultate, ab optimo prouenire Cerebri temperamento. Cerebrum autem, instar speculi, illustre esse debet, pariter & spiritus. Quare cum humidum Cerebrum illustre esse nequeat, nec poterit consequenter esse causa facilitatis discendi. Idem tamen Brachelius paulò post cogitur humiditatem admittere causam promptæ imaginationis, siue conceptionis rerum.

Brache-
lius.

Sanctorius non aliam statuit causam, ob quam imaginatrix facultas facilè rerum imagines apprehendit, quàm Cerebri diaphaneitatem, quam etiam superius Ingenij causam esse protulit. Sic igitur omnem vim acutè intelligendi, quod Ratiocinatricis Facultatis munus est, & vim pariter facilè discendi, quod Imaginatricis siue apprehensivæ facultatis officium est, Cerebri Diaphaneitati tribuit. Refert enim se diu cogitasse, quàm statueret subtilis ingenij causam, & se tandem in illam incidisse opinionem, ut omnia diaphaneitati concederet.

Sanctori-
opinio.

Ingenij
acumen in
tellectus,
discendi fa-
cilitas ima-
ginationis
suboles est.

Sed profectò iactanter se huius opinionis authorem facit; cum aliquo modo Brachelius rei huius meminerit, dum Cerebrum illustre speculo assimilat. Haly pariter, & Sclanus æquiuallenter, eiusdem fuere opinionis: & eam longè ante Sanctorium proposuit Argentorius, qui hac serie loquitur: Verùm, cum videatur Cerebrum non aliter suscipere, quàm oculus colores, & specula rerum imagines, videretur causa sumenda esse ex illius substantia pura, & diaphana. Verùm ab hac opinione cogimur recedere, quòd Cerebri substantia sit opaca, densa, nihil habens perspicuum. Quare nec etiam ob raritatem recipere potest. Ecce sufficienter suppressa Sanctorii opinio; contra quam valet adhuc argumentum eiusdem Sanctorii contra Sclanum, quod superius à nobis scriptum est.

Sanctori-
iactantia
detecta.

Dicendum igitur cum vniuersa fermè Schola Medica, Cerebri naturalem mollitiem à naturali humiditate pendentem esse facilis apprehensionis causam. Videmus enim Pueros ad discendum promptos, Senes verò ineptos; quod non aliunde prouenit, quàm

Pueri fac-
ile, Senes
difficulter
diciunt.

quòd Pueri molle habeant Cerebrum, senes verò durum. Addamus his molles carne esse alijs ingeniosiores ex Aristotele. Hic obseruare oportet, ne non tribuere discendi facilitatem Cerebro nimis humido; quoniam istiusmodi dispositio ad discendum, & memorandum, est prorsus inepta.

*Discendi
difficultas.*

Discendi facilitati, difficultas discendi opponitur; quæ à Cerebri duritie, aut saltem nimia crassitie, aut impuritate prouenit.

*Bona me-
moriam cau-
sa.*

Postquàm Galenus de functione facili, aut difficili Imaginatricis Facultatis egit, ad Memoratricis functiones progreditur. Qui memorià igitur pollent, Cerebrum stabile ac firnum habent. Per stabilem Cerebri substantiam, siccam intelligunt aliqui: melius tamen sentiet qui Cerebri stabilitatem referet ad stabilem Hominis ætatem; in qua dum quis versatur, Cerebrum est mediocris constitutionis: non enim tunc crescit, sicuti in primis ætatibus, nec decrescit, sicuti in senibus: nec est humidum, sicuti in Pueris, nec siccum valdè, sicuti in senibus. Compertum enim est, Pueros non esse rerum memores propter humiditatem Cerebri; nec senes propter nimiam siccitatem substantiæ Cerebri, & pituitosa excrementa in hoc genita. In valdè quidem duro Cerebro Imaginum impressio non fit, aut si fit, leuiter id fieri contingit. Quare ex leui impressione memoria permodica, aut nulla. Stabile ergo Cerebrum est in iuuentute; in qua ideò Homines memoria pollent.

*Oblitionis
causa.*

Memoriæ bonitati opponitur obliuio; quæ est debilitatio, aut delitescencia habitûs, vel Imaginis, vel intentionis reseruata, aut reposita. Obliuionis causa est fluiditas substantiæ Cerebri. Per fluidum Cerebrum intelligunt communiter Interpretes humidum. Galenus lib. 3. de loc. affect. morbosæ obliuionis causam statuit Cerebri frigiditatem, quamuis morbosam adhuc à nimia humiditate prouenire queat.

*Cerebrum
consumitur.*

Si nomine fluiditatis, Cerebri diminutionem intelligere placeat, rectè senes obliuiosi dicuntur. Nam his Cerebrum consumitur, teste Hippocrate lib. 6. Epidem. sect. 3. ubi ait: Cerebri consumptio, ideò & caluities. Galenus in Commentario pro Cerebri consumptione, Cerebri comminutionem intelligit: Hæc, inquit, comminutione à siccitate facta fiunt calui: Nam Cerebrum à superiacentibus ossibus sincipitis, siue bregmatis, recedens, non amplius eadem humefacit: vnde pili deficiunt. Cerebrum quidem in

*Caluities
causa.*

iuue-

Iuuenibus, inquit Galenus, molle cum sit, (respectu senis scilicet) atque humidum, caluariam tangere, omnemque interiorem inanitatē complere, in senibus verò siccescens subsidensque ab ea distare, sæpius in animalium dissectione, conspexistis. In quibusdam nimia senectute laborantibus Cerebrum arescere docet Galenus ibidem. Non est ergo mirandum, si in senibus sensationes ineptè fiunt, sique memoriâ non polleant. Sensuum enim instrumenta attrito Cerebro neruorum principio, necessariò atteruntur atque arescunt. Sed de his satis.

Postquàm de iudicio, apprehensione, & memoria differuit Galenus, rursùs ait, hos, qui opinionem facillè mutant, habere Cerebrum calidum: Qui verò opinionem stabilem seruat, frigido est præditus Cerebro. Cerebro autem calidi, spiritus animales habent calidos, mobiles, & consequenter instabiles: inde opinionis mutatio: opinionem veruntamen instabilem parit adhuc humiditas: Vnde mulieres, & pueri in suis opinionibus, non nisi rarò, stabiles. Frigidum modicè Cerebrum spiritus habet quietos, rerumque per consequens simulacra: inde opinionis firmitas.

Causa inconstantia in opinionibus.

Stabilis opinio unde.

Capite 12. Artis Medicæ pollicitus est Galenus, se daturum alia duo Signorum genera, quibus Cerebri constitutio detegitur. Primum horum ab actionibus naturalibus, attractione, retentione, coctione, & expulsionē, desumitur: Alterum verò genus desumitur ab ijs, quæ Capiti extrinsecus adueniunt, quæque vel lædunt, vel iuuant. Sed de his duobus generibus communiter, idest promiscuè, inferiùs, dum de Cerebri Temperamentis, aget Galenus.

SECTIO V.

De Signis bonæ Temperaturæ Cerebri.

QUamquã de Insalubris Corporis simpliciter Signis pollicitus est Galenus in progressu se loquuturum, temperati tamen Cerebri Signa proponit cap. 13. Artis Medicæ, ut rursùs Cerebri intemperies inde meliùs elucescât. Rectum enim teste Philosopho tex. 85. lib. 1. de Anima, est sui, & obliqui index. Caput ergo præfatum subijcio.

Siquidem Cerebrum sortiatur bonam quatuor primarum
qua-

*Cerebrum
ad iustitiā
temperatū,
signa bona
hactenus
dicta, ha-
bebit.*

qualitatum temperamentum, omnia, quæ diximus, habebit moderata: & excrementa, quæ vel per palatum, vel aures, vel nares, vel oculos expurgantur, hæc quoq; modicè se habebunt: atq; ab ijs, quæ extrinsecus occurrant, minimè lædetur, quæ scilicet, vel calefaciunt, vel frigefaciunt, vel humectant, vel exsiccant. Talibus igitur capilli Capitis, cum adhuc sunt Infantes, subrui: cum verò Pueri, subflui: cum iam adoleuerint, flui sunt, medijsq; quoddammodò sunt inter eos, qui exquisitè sunt crispi, & simplices: non tamen faciliè caluitium patiuntur. Quæ verò dicuntur, ac posterius dicenda indicia sunt, accipere oportet, vt in bonam habentibus temperiem habitationibus. Quæ autem ad capillos attinent, non ad locorum tantum, sed ad humorum quoque temperaturam, qui Cerebri temperaturæ proportionem respondent, sunt referenda. Si verò calidius sit, quàm oporteat, in altera verò oppositione bonam habeat temperaturam, siquidem in caliditate multum excesserit, omnia quæ dicuntur, validiora erunt indicia: sed, si paruus fuerit excessus, imbecilla. Communis autem hæc ratio statuatur in omnibus partibus, quarum in temperaturis vniuersis indicia sumus tradituri.

*Cerebrum
naturaliter
frigidū,
& humi-
dum.*

Signa hactenus exposita, quæ nimirum desumpta sunt à Capitis dispositione, comprehendente eius magnitudinem, figuram, & capillos, nec non actiones sensitivas, motiuas, & principes, adaptat modò Galenus Cerebro temperato: idest, si debitè & congruenter se habuerint quatuor iam dicta Signorum genera, & ferè superius exposita, Cerebrum indicabunt temperatum: & vice versa, Cerebrum temperatum dicta omnia signa in moderata bonitate habebit. Bonam Cerebri temperaturam hîc intelligit Galenus, temperamentū ad iusticiam, non ad pondus: Nam Cerebrum ex sua natura frigidum est, & humidum, referente Galeno lib. 1. de Temper. cap. vltimo, & alibi passim.

In temperato cerebro modica acervata excrementa.

Rursus in capite proponit Galenus signa temperamenti Cerebri desumpta ab actionibus naturalibus, & ab ijs, quæ exterius occurrunt, deque capillis nonnihil dicit. In Cerebro enim temperato naturales facultates probè suo funguntur officio. Quia ergo concoctrix facultas valida est, excrementa in Cerebro non generantur copiosa: vnde modica per vias ordinarias excernuntur. Maximam Naturæ curam in expurgandis excrementis, tam Cerebri, quàm alia-

aliarū partiū, exposuit Gal. lib. 9. de vsu part. cap. 1. & cap. 3. cras-
 forum humorum viam, quam peluim, aut infundibulū appellant,
 expresse proposuit. Excrementa autem crassiora, & grauiora Ce-
 rebri, per nares, aures, & palatum excernuntur: (quia oculorum
 in textu Græco non fit mentio, putat Sanctorius nihil excremen-
 torum Cerebri per eos euacuari. In quo fallitur, nam sequenti cap.
 14. & in Græco codice meminit oculorum Galenus, & per eos ex-
 cerni aliquid excrementi Cerebri asseuerat, & ex fletu satis cōstat.)
 Ossis porrò cunealis octodecim foramina: occipitij septem, palato,
 naribus, & auribus fermè correspondēt; veluti quatuor forami-
 na, vtrinq; in temporibus posita, & quatuor communia occipitio,
 cuneali, & temporibus, vt recte exposuit Sanctorius. Per dicta
 quidem omnia foramina Cerebrum expurgatur. Omnes tamen,
 vt dixi, ductus, ad os, nares, & aures fermè terminantur. Vnde per
 has partes nobis semper patentes, Cerebri excrementa vltimò eua-
 cuari optimè docuit Galenus.

*Numerosa
 foramina
 per quæ ce-
 rebrum se
 exonerat.*

Naturæ curam in euacuandis excrementis accuratè proposuit
 Galenus lib. 9. cit. de Vsu partium cap. 1. hac serie: Vna autem na-
 turæ ex maximis, ac præcipuis curis ea est, vt nutrimentū excremen-
 ta ex omnibus corporis partibus purget: idque potissimum, si prin-
 cipes, quomodo cerebrum, hæ fuerint: Nam succi eius, qui parti-
 bus ipsis affluit, pars quidem utilis est adeò, atque benigna, vt cor-
 pori nutriendo assimiletur, qui succus re vera est alimentum: reli-
 qua verò pars ad membrum vsque cum benigno peruenit quidem
 & ipsa, at, cū illud apponitur, segregatur: ad quam excernen-
 dam Natura meatus requirit opportunos: quos nisi nacta fuerit,
 acervata ibi, primū quidem instar oneris grauat, deinde verò
 prohibet, quominus succi postea affluant, vias ipsorum præoccu-
 pando: quò fit, vt membrum ipsum nutriri non sinat. Sed hæc qui-
 dem sunt leuiora. Maiora verò his, & iam morborum instrumen-
 ta duo hæc sunt, in quæ incidere tandem corpora impura est ne-
 cesse: alterum quidem est, quod, quemadmodum animalia esu-
 rientia, lutum aut aliud quiduis eiusdem generis, ita partes accom-
 modato sibi alimento carentes ob ingenitam sibi appetentiam co-
 guntur aliquid, vel ex ipsis prauis succis attrahere: alterum vero,
 quod collecta hæc excrementa tandem computrescunt, eoque
 modo acriora simul, ac calidiora tandem red dita iadam nationes,

*Magna
 incommoda
 quæ nascū-
 tur ex de-
 fectu euacua-
 tionis
 excremen-
 torum par-
 tium om-
 nium.*

erysipelata, herpetas, carbunculos, febres; innumerabilemque aliorum morborum turbam exuscitant. Nequid igitur eiusmodi accideret, & maximè in partibus principibus, Natura magnam curam adhibuit, vt superflua excernerentur. Quæ cum genere sint duplicia (alia enim sunt vaporosa, ac fumosa, alia autem velut aquosa, ac limosa: quorum illa quidem suo impetu naturali in sublimem feruntur, hæc autem deorsum, idque etiam ex sese suo pte nutu ac pondere) duplices & ipsorum excretioni secuit meatus: Et eos quidem, qui leuia erant, vacuaturi excrementa, in altum duxit, qui verò grauias deorsum repentia, meatus erant vacuaturi eos natura fecit declines, neq; id solum, sed amplos etiam admodum effecit, vt qui multorum certè, & eorundem crassorum humorum velut riui quidam, & canales erant futuri: alios verò contra, velut foramina quædam tenuia, perforauit proportionem tenuitatis excrementorum. Caterum declines Cerebri meatus, tum per palatum in os, tum per corpus narium conspicuis orificijs, ac magnis sensibilia, ac crassa eructant excrementa: vaporosi verò superflui, excretiones, tum quæ per corpus vniuersum, tum quæ per caput fiunt, cernere planè semper non licet, vt quæ præ tenuitate sensum nonnunquam effugiant. Porro in humidis quidem, & mollibus Corporis partibus nulla est præscripta certa quædam eiusmodi excretioni via, cum humidum omne, ac molle corpus cedere quidem expedite, ac viam dare ijs, quæ impetu concitatore per ipsum feruntur, præteritis verò ijs rursus coire, atq; in pristinam coherentiam repente coalescere soleat: in duris verò corporibus, nisi via quædam prius sit parata, transire per ea nihil potest. Et ibidem paulò post, ait: In cranio verò (sic enim nominatur id os, quod totum ambit Cerebrum) conspicuas, ac sensiles vias natura vaporosis his, ac fuliginosis excrementis secuit non modò propter causam prædictam, quæ sanè particulis omnibus est communis, verum etiam ob priuatam, quæ sibi à situ ipso accedit: nam partibus corporis omnibus Caput, velut tectum quoddam calidæ domui est superpositum. Quò fit, vt, cum omnia, quæ à partibus subiectis sursum efferuntur, fuliginosa ac vaporosa excrementa Caput excipiat, largiore egeat vacuatione. Viæ verò manifestæ, per quas fuliginosa, & vaporosa excrementa excerni vult Galenus, sunt cranij variæ futuræ, & præterea pori cutis capitis.

Quando rursus à Causis externis , vt aëre, cibo, & potu, ac similibus , Cerebrum temperatum minimè lædi docuit Galenus, non ita intelligendus est , quasi vellet , tale Cerebrum esse impatibile ; sed credidit ipsum non esse adeò obnoxium externis iniurijs , ac est quoduis aliud immodicè recedens ab optimo temperamento.

Temperati Cerebri capillos exposuit : in prima enim ætate siue infantia , capilli horum qui Cerebrum habent temperatum , sunt subrubi ; quia ex humore pituitoso , quo Pueri scatent , & modica bile generantur , vt communiter aiunt Interpretes : Pueri verò, quia in eis pituita minuitur , & bilis augetur , subflauo capillitio sunt præditi: in florenti verò ætate, flauo ; quoniam tunc pituita deficiente omnem ferè tincturam suscipiunt crines à flaua bile prædominante. Sed de pilorum coloribus sufficienter cum Galeno egimus lib. 4. nostræ Physiologiæ cap. 5. Galenus satis prolixè de pilorum generatione & differentijs peregit libro 2. de Temperam. cap. 5.

*Tinctura
capillorum
unde fit.*

Hic tamē non est omittendum , prout in contextu innuit Galenus, regiones conferre ad crinis colorem . Septentrionales enim videmus subrufo, rufo, subflauo, flauoq; crine ornari ; hos autem qui sub retorrída Zona degunt , nigro crispoque . In Hispania, quam totam ferè perlustraui, nullos è virili sexu , præter paucissimos, rutos, flauosq; vidi , sed omnes nigro , aut saltem castaneo capillitio tectos . In temperatis verò Regionibus medio modo se habent crines in colore : idest præscripti colores in ijs sæpiùs contingunt : Etsi maximè humorum naturam crinium colores consequantur . Pituita autem , albicantem colorem pilis tribuit : Bilis, flauum : retorridus siue adustus humor , nigrum : Pituita dum Bilem superat, subrufum efficit: Bilis dum Pituitam, subflauum (subflauus color oui recentis luteo, siue vitello, assimilatur:) Rufus color albior & turbulentior , medius est inter flauum & album ; vel inter pallidum & flauum , vt vult Plato . Iuxta Platonis doctrinam in Timæo colorum ordines sic se habent. ὀχρὸς .i. pallidus est color remissus: terra. n. sigillata pallida, Ochra dicitur . Deinde sequitur ὑποερύππος .i. subrufus: tertio loco ὑπέρρος .i. rufus color, & est similis igneo colori fulgido. Quarto loco sequitur ὑποξανθός .i. subflauus. Et Quintò ξανθός, id est , flauus. Colorem flauum faciunt

*Varietas
regionum
pilorum
colores &
naturam
mutat.*

ciunt similem vitellis ouorum non recentium, qui vitelli ad rubrum vergunt colorem. Vnde flauus color, rufo intensior est, contra quàm voluit Auicenna.

Crispitudinis pilorum causa varia.

In contextu protulit Galenus crinis figuram; aitque, eum, Cerebro existente temperato, esse permodicè crispum, seu mediæ esse naturæ inter pilos omninò crispos, & omninò rectos siue in longitudinem simpliciter porrectos, Nam hi nimiam cutis, & humoris humiditatem, crispì verò siccitatem excedentem cum calore vt plurimum denotant. Videmus enim corrigias, & pilos, loraque, igni apposita corrugari; è contra in aquâ posita rectà extendi. De crispo pilo loquitur Galen. comm. 1. de Humoribus: Crispi, inquit, capilli, aut propter temperaturæ siccitatem, aut propter meatum, in quo agunt radices, fieri solent. Libro 2. de Temperam. cap. 5. de iisdem crispis sic loquitur: Crispi pili fiunt, vel propter siccitatem temperamenti, vel propter meatum in quo radican- tur: propter siccitatem ad eundem modum, quo corrigiæ quæ igne plus in- sto siccantur. Calor. n. siccus pilos crispos efficit; veluti aër calidissimus. Crispi etiam fiunt capilli, quia cutis aliquando ita facta est dura, vt pilorum materia rectà extra cutem penetrare nequeat; quare sub cute tantisper latens exitum per aliam cutis partem quærit; Vnde cum radix flexuosa, & tortuosa interiùs facta sit, similiter & pilus extra. Et tunc, calor intèsus, aut fuliginis vltio, non est censenda crispitudinis causa; sed sola cutis durities, aut imbellis expultrix quæ rectà materiam pilorum extrorsum trudere nequit, aut vtraq; causa simul. Aristoteles lib. 5. de generat. animalium cap. 3. capillorum rectorum siue simplicium, simul atque crisporum causas hac serie refert. Simplex autem crispusue oritur

Crisporum & rectorum pilorum causas ex Aristotele.

pilus exhalatione pilorum. Nam si fumosa est præ sua caliditate & siccitate, crispum efficit pilum. Inflectitur. n. quoniam duplici de- latione feratur. Terrenum enim deorsum; calidum sursum fertur: cumq; præ sua imbecillitate inflecti facillè possit, intorquetur: quod pili crispitudo est. Aut igitur ita causa reddenda est, aut quoniam parum humoris, multum autem portionis terrenæ inest, efficitur, vt pili resiccati ab aëre ambiente contrahantur. Inflectitur enim quod rectum est, si euaporatur, & contrahitur, atq; conuellitur pilus, quemadmodum, cum igne aduritur, vtpote cum crispitudo conuulsio sit ob humoris inopiam ab aëris continentis calore. In-

dicium

dicium fei est, quod & duriores sunt pili crispi, recti, (sive simplices, & in longum, sine curuatura producti) durum. n. quod siccum est. Simplici autem pilo (.i. recto) quæ humore abundant. Fluit. n. humor in his, & non stillat. Quocirca Scythæ incolæ Ponti, & Thraces, pilo sunt promisso, & simplici. Nam & ipsi humidi sunt, & aër ambiens eos humidus est. Æthiopes contra qui loca incolunt calida, crispo sunt pilo. Siccum est. n. & cerebrum eorum, & cælum ambiens. Alia multa citato capite de varijs pilorum differentijs doctè suo more Aristoteles proponit, & Auerroes in commentario. Galenus pariter lib. 2. de temperament. c. 5. eandem materiam examinat.

Occasione cerebri temperati, crispitudinis & rectitudinis pilorum naturam scrutati sumus; vt cum Galeno ostenderemus modicam crispitudinem esse cerebri temperati indicium. Nam pili nimis crispi à siccitate & calore, aut à siccitate ipsa, vt plurimum nascuntur: rectitudo verò omnimoda pilorū ab humiditate excedente. Temperatum ergo cerebrum mediæ figuræ pilos indicat.

De caluitie loquutus est Galenus citato capite Artis Medicæ: aitque; cerebro existente temperato, caput caluitiei non esse obnoxium; quia temperati sufficientem humorem, eumq; pinguem ad cutem capitis sincipiti superpositam transmittunt; adeoque capilli non deficiunt. Cutis. n. in temperato capite est optimè disposita, vt transitum concedat materiæ pilorum ab internis partibus & à cerebro ad eam eleuatæ: Materia deniq; pilis humida ac pinguis nullatenus deficit: facultas item expultrix, & quæuis naturalis in cerebro temperato elucet. Cum ergo caluities à defectu materiæ, aut duritie cutis sincipitis, aut ab vtriusq; simul procedat, in capite temperatum cerebrum occupante locum non obtinebit.

*Caluitiei
cause.*

In capitis calce docet Galen. eò validiora esse Signa cerebri, & cuiusvis partis, quò maior & euidentior erit alicuius, aut quarundam primarum qualitatum excessus siue exuperantia supra alias primas. Id est à manifestiori excessu, aut intemperie manifestiora emergunt Signa, distinguentia naturam rei; de qua est sermo.



S E C T I O VI.

De varijs cerebri intemperiebus.

DEinceps Galeni contextum de cerebri, aliarumq; principum partium intemperiebus transcribam: Nam probè intellectis ijs quæ à me hucusq; scripta sunt, nullo negotio Galeni sequens doctrina percipietur.

Signa Calidi cerebri.

DEinceps igitur signa caliditatis cerebri, præter ea, quæ nuper diximus, sunt, quòd ea, quæ circa caput, omnia rubicundiora, & calidiora, & quæ in oculis sunt venæ, magis sensui patent. Capilli quoq; in his geniti (qui sunt cerebro calidi, criniti in lucem eduntur) celeriter in capite proueniunt, & cum multum in caliditate à mediocri temperatura recesserint, nigri (quia materia pilorum vehementi calore est adusta), & robusti (quia copiosa est materia ex qua generantur pili; & quia meatus cutis à vehementi calore dilatantur, vt commodam crassitiem pili meatus perforantes suscipiant), & crispi (ob vehementem & exiccantem calorem) fiunt: cùm verò non multum (à mediocri temperamento intemperies calida recedit,) subflauī quidem ab initio fiunt, deinde nigricant, ac progredientibus ætatibus caluitium patiuntur, atq; eò magis, quo plus modico sunt calidiores (calor enim immodicus, decursu ætatis factus acrior, cutem sincipitis, cui caro non subest, valdè exiccat, adeoq; pilorum generationem prohibet. Pili enim ex 14. methodi, nascuntur ex eo quod limosum est in succis qui per cutem transpirant. Cute ergo immodicè exiccata huic materiæ transitus denegatur.) Excrementa verò, quæ per palatum, & nares, & oculos, & aures, pauca & concocta ipsis existunt: cùm integram habuerint sanitatem. Cùm verò eis caput repletur: continuo enim, ac tum præsertim, cùm nullam victus seruauerint rationem, tale quid eis accidit, plura quidem in ipsis excrementa, sed non incocta generantur, implenturque, atq; aggrauantur eorum capita à calefacientibus cibis, & potibus, odoribus, atq; hisce omnibus, quæ extrinsecus occurrant: in quorum

numero est, qui nobis circumfunditur aër. Sed præterea magis, si non solum natura calida, sed etiam humida corpora extiterint (calida enim capita vim magnam habent attrahendi ad se novos humores: Vnde magis incallescunt). Breuibus autem somnis huiusmodi temperaturæ contentæ sunt, eisdemq; non profundis (quia videlicet vapores frigidi, & crassi non dantur in cerebro calido, qui possent meatus ad sensiteria vergentes occludere, vt inde somnus conciliaretur.)

Signa Frigidi Cerebri.

Frigidioris verò, quàm oporteat, Cerebri indicia sunt, plura in proprijs meatibus excrementa, & capilli recti, & rufi, & stabiles, & qui longo post natiuitatem tempore nascuntur, tenues, atque ab initio malè nutriti; & facile à causis frigidis offenduntur, atque hoc ipso offensionis tempore distillationibus, & grauedinibus capiuntur: neq; si tetigeris partes ad Caput attinentes, admodum calidæ sentiuntur: neq; si inspexeris, rubicundæ apparent, & oculorum venæ omninò visum effugiunt: & somnolentiores quodammodo sunt (quia vapores ab alimentis sursum eleuati à frigiditate cerebri incrassantur, & somnum efficiunt meatus obstruendo.)

Signa Sicci Cerebri.

Siccioris autem Cerebri indicia sunt meatus (Pro meatibus intelligit os, aures, & oculos, quia per hos ductus cerebrum se ab excrementis crassioribus exonerat) superfluitatibus carentes, & sensuum perspicacitas: sunt autem ad vigilias prompti, & capillos habent robustissimos, & qui celerrimè eis genitis innascuntur. Crispi autem potius sunt, quàm recti: citò autem calui fiunt.

Humidi Cerebri indicia.

Humidioris verò Cerebri indicia, capilli plani, & nequaquàm calui fiunt: Sensus autem turbulenti, & excrementorum multitudo, somni multi atq; profundi. Et hæ quidem simplices sunt Intemperaturæ.

Signa calidi sicciq; Cerebri.

Compositæ autem primùm calida & sicca, secundum quam & superfluitatibus carent, & sensibus vigent, & plurimum vigilant, & citò calui fiunt : & prima quidem capillorum generatio celerrima est, ac plurimo abundans alimento : capillos verò habent nigros, & crispas, & tangentibus caput calidi sentiuntur : & sunt rubicundi vsque ad ætatem consistentiæ.

Signa calidi, & humidi Cerebri.

Si verò humiditas adiungatur caliditati, parum vtriusq; qualitatis superantibus mediocritatē, color bonus, & calor, & oculorū venæ magnæ : & plura excremēta, & mediocriter cocta : & capilli recti, subflauī, & nō facilè calui fiunt. Implentur v. atq; aggrauantur eorum capita à calidis : at, si etiam humectentur, tunc multo magis, quando & excrementorum habent multitudinem : Et si plurimum caliditas, atq; humiditas creuerit, his caput ægritudinibus obnoxium, atq; excrementis abundans, & quod facile à calefacientibus, atq; humectantibus offendatur. Auster verò semper eis aduersatur, atq; optimè in Aquilone se habent : non tamen diu vigilare possunt : & cum se ad somnum conuerterint, simul graui somno (hoc est comate) tentantur, & vigilant, & somnia habent imaginationibus plena, visus eis turbulenti, neq; satis sensibus vigent. Quod si multum in caliditate Cerebrum à mediocritate recesserit, paulò autem humidius extiterit, calidæ temperaturæ indicia quidem superabunt, cum quibus leuia quædam humiditatis signa coniungentur : veluti si longè quidem humidius, paulò verò calidius, vehementia quidem erunt, ac manifesta humiditatis indicia, debilia autem caliditatis. Communis verò hæc ratio in omnibus compositis intemperaturis existit.




Signa Frigidi, & Sicci Cerebri.

Frigidæ verò & siccæ Cerebri intemperaturæ: quantum ex se est, frigidum, & minimè coloratum, caput reddunt: semper enim memoria repetenda, quæ à nobis ab initio est distinctio posita, vt præterea aduertamus, quantum ex humorum temperatura alterentur, quæ circa ipsum consistunt. Protinùs autem huiusmodi temperatura, venis carentes habent oculos, & à causis frigidis facillè læduntur. Quare & inæquali sanitate fruuntur, quoniam nonnunquam leuissima habent capita, & meatus, qui superfluitatibus careant: nonnunquam verò & grauedinibus, & destillationibus parua ex causa facillè capiuntur.

Sensus autem eorum in iuuentute quidem omnes vigent, atq; *Naturaliter frigida, citò conseruescunt.* omni vitio carent, sed progrediente ætate citò marcescunt. Et, vt summatim dicatur, omnes celerrimam circa caput senectutem ostendunt: quare & citò cànî fiunt. Capilli verò ipsis quidem genitis vix exeunt, & malè nutriuntur, & rufi sunt. In progressu autem ætatis superante magis frigiditate caliditatem, quàm siccitate humiditatem, non caluescunt. Contra verò si cõtigerit, siccitatem quidem plurimum dominari humiditati, frigiditatem verò caliditati, parum calui fiunt hi.

Signa Cerebri frigidi & humidi.

Humidæ verò, & frigidæ Cerebri temperaturæ faciunt homines graui somno tentari, & ad somnum facillè conuer- *Frigus / minimum ejicit: humiditas somnū nutrit.* ti, sensibus quoque minimè vigentes, atque excrementis redundantes, & qui Caput frigiditati, ac repletioni habent obnoxium, ac destillationibus & grauedinibus facillè tentantur: neque tamen hi calui fiunt. Hæc igitur indicia sunt Cerebri temperaturæ, à quibus si progrediariis, ad vnumquodq; sensorium dignotiones transferre licebit.



De oculis.

*De inter-
periebus o-
culorum.*

Sed sufficiet de Oculis duntaxat facere mentionem. Quicun-
que tangentibus quidem manifestè calidi existunt, & facili,
ac crebro motu cientur, & venas latas habent: hi calidi om-
nes sunt: frigidi verò his contrarij. Et humidi quidē molles simul,
& multa humiditate pleni: sicci .v. aridi simul, & duri. A similibus
autem suæ temperaturæ causis facilè offenduntur: iuuantur autem
à modico contrariorum vsu; sed hoc quidem commune in omni
cuiuscunq; partis temperaturæ dignotione oportet meminisse.

De magnitudine oculorum.

Magnitudo oculorum quidem, vti concinnitas adfit, &
operationum virtus, multitudinem benè temperatæ
substantiæ ostendit, ex qua sunt conformati: quæ si de-
sint, multam quidem substantiam, non tamen benè temperatam
ostendunt.

De paruitate oculorum.

Paruitas verò oculorum adiunctâ quidem cōcinnitate, pau-
cam quidem, sed benè temperatam substantiam ostendit,
ex qua sunt conformati. Si verò sociâ habuerint inconcin-
nitatem quandam, atq; operationum vitium, tunc paucam simul,
ac vitiosam materiam ostendant.

De colore oculorum.

Quæ verò ad colores attinēt, ita distinguere oportet. Glau-
ci quidem oculi, qui pura humiditate, ac non multa præ-
fulgent, tales fiunt ob splendidi luminis abundantiam:
contra verò nigri, & qui intermediam naturam seruant,
causas quoq; intermedias habent.

De glaucedine, & nigredine oculorum.

Glaucus igitur oculus fit, vel propter magnitudinem, vel propter splendorem humoris, qui à Græcis crystalloides nominatur, vel propter situm prominentem, aut propter tenuis, & aquei humoris, qui in pupilla existit, paucitatem, & puritatem: atq; omnibus quidem in vnum conuenientibus fit glaucissimus oculus. Quòd si aliqua adsint, aliqua verò non, tunc maior, minorue glaucedo contrahitur. Niger verò oculus fit aut ob paruitatem crystalloidis, aut propter profundum situm, vel quoniam splendidus, ac fulgidus exquisitè non est, vel quoniam tenuis humor (id est aqueus) vel superabundat, vel purus non existit: vel propter vnā aliquam ex his causis, aut propter omnes fieri consuevit. In ipsis autem magis, & minus (vt ante diximus) reperitur. Tenuis igitur humor, quò magis ad aquæ naturam accedit, & superabundat, humidiorē oculum ostendit, quemadmodum, si crassior, ac minor fiat, sicciorem. Crystalloides autem, siquidem durior existat, sicciorem efficit oculum: si verò mollior humidiorē: sic & si plus modico tenuem humorem excefferit, sicciorem: si autem defecerit contrarium.

Glaucus color, quibusdam cæsius, & cæruleus, ac marinus; alijs cælestis, lucidus, splendidus, & felinus appellatur. Glaucus oculus dicitur à noctuæ oculis quæ glaux vocatur, & oculos habet lucidos, & splendidos: qui splendor ab humoris cristallini splendore fulgoreq; paucum purumque, aqueum humorem illustrante, potissimum prouenit. Canini verò, siue nigri, siue obscuri oculi fiunt, propter humoris aquei copiam vel impuritatem, & humoris glacialis siue cristallini exiguitatem, aut permodicum splendorem. Glaucus tamen color, iuxta Platonem, quem in multis sequitur Galenus, ex albo & cæruleo componitur.

Quidquid hucusque de cerebro & capite scriptum est, ita Medico congruit, vt nihil magis. Nam præterquam quòd tota hæc doctrina cerebri dispositionem accuratissimè exposuerit, hominum mores & naturalem inclinationem nos docet. Necessitatem eiusdem doctrinæ indicat Galenus Comment. 1. in lib. 6. Epidem. textu 37. Declaratum est enim, inquit, in libris de tuenda sanitate,

non mediocrem vtilitatem ex huiusmodi cognitione percipere, & ad seruandam membri sanitatem, & ad futuram vitij emendationem, siquando didicisse prius acciderit. Dicto ergo loco à cervice exorsus, ait cervicem validam, robustam nominari, ob duritiem videlicet & magnitudinem vertebrarum, quibus constat: ita quoque se habent ipsi circumpositi muscoli, tendones, & copulæ siue ligamenta. At longæ cervices, tantum abest ut vi aliqua polleant, ut etiam prorsus vitiosæ sint, perinde atque angustum longumque pectus: quandoquidem id amplum esse, non latum duntaxat, aut longum, oportet. Amplum autem in latum profundique dimensione, pectus, collum, & aliud quodque membrum consistit, cum proportionem inter se congrua ea aucta fuerint: in ipsis verò prorsus, & longitudo, aut maior est, aut æqualis ipsis, quæ moderatè se habent. Hominum quidem nobis obuiam venientium pectora non prius apparent, quàm eorum corpora nudata fuerint: sed caput illico aspiciamus, & quodnam in formatione, ac magnitudine vitium habeat, cognoscimus: in magnitudine, si minus sit, aut maius quàm conueniat: in formatione, si exquisitè rotundum sit, frontis occipitiisque prominentia carens penitus: aut acutum productiores, quàm deceat, eminentias habens, aut utrasque, aut alteram tantum: aut vna duntaxat eminentia præditum, altera verò priuatum. In maiore itaque capite, & acuto, & excessus quantitas consideranda est, & ipsius cervicis excellentia, ut ipsis meliusue, an deterius caput formatum sit, dignoscere valeamus. Sed in capite euidenter paruo paruitatem quidem nouisse opus est: & ea præterea quæ ad collum pertinent ex abundanti consideranda: quoniam perinde ac truncus, dorso spina ex capite tanquam ex radice progerminat. Alibi. n. didicisti, medullæ dorso à cerebro, & ortus initium, & facultatum copiam suggeri: hanc medullam vertebræ includunt tenuem quidem, pusillam: crassiorem autem factam, ampliores. Quemadmodum igitur magnum pectus, ampla interius cavitatem inane est, in qua duo magna viscera, pulmones scilicet, atque cor, nulla ex parte compressa continentur: perinde & exiguum pectus proportionem sibi respondentia hæc viscera continet, exigua videlicet, & in angustiis versantia: haud aliter caput & dorso spina magnitudine respondentia, & cerebrum & medullam includunt. Cum. n. membra hæc grandiora sunt, & cerebrum & medullam ampliores, la-

rioresq; spiritus cauernas in ipsis efficiunt : at si pusilla fuerint, contrarium euenit. Vis præterea cogitandi ijs, qui aut nimis magna, capita, aut nimis exigua euidenter possident, oblæsa est. Sed exigua capita semper praua sunt : magna verò, licet rarò, nonnunquam tamen & bona fuerint, & ob facultatis eorum formatricis robur, & ex materiæ, vnde creata sunt, vbertate : quali capite Pericles Atheniensis vir prudentissimus fuisse traditur : Vnde & Comici eius capitis magnitudinem dichterijs laceffunt. Præterea verò magis grande caput bonum sit, si & naturalem figuram retineat, & ceruicem validam, & oculos acutè cernentes habeat : tunc enim optimè huiusmodi, caput sese habere sciendum est. Hæc & alia citato contextu Galenus.

Hic dixit absolutè Galenus, caput paruum esse semper malum. Nos tamen superius docuimus caput concinnum & pulchrum esse bonum. Cui obiectioni respondeo concedendo omne caput paruum esse malum ; caput tamen paruum concinnum, esse minus malum paruis inconcinnis. Quando verò dixi caput paruum, esse pulchrum si concinnum, tunc pulchrum pro concinno & benè proportionato accepi : non .v. pro pulchro quod actionum integritatem præter concinnitatem significat. Sed hætenus de capite & cerebro, modò ad Signa aliarum principum partium progrediamur.

C A P V T XI.

De varia Cordis constitutione.

DE Cordis autem temperaturis deinceps dicendum est ; si priùs hæc in memoriam reuocauerimus, quod vnamquamq; partem seipsa, vel calidiorem, vel frigidior, vel sicciorem, vel humidior, dicimus factam, non alicui rei alteri comparantes, sed ad seipsam. Sic enim, vtcunq; extiterit Cor naturâ frigidissimum, multò sanè calidiorem temperaturam possidebit calidissimo Cerebro.



Signa Cordis calidi.

Vbi cor calicū est magna respiratio requiritur, ut aer refrigerans inspiraretur, & fuligo copiosa expiraretur.

Motus arteriarū eadem aegritudine necessitatē. Calor potēs tho a ē, & reliqua dilatat: frigus vero contrahit.

Caput paruum, & magnus thorax, & viceversa quid indicant.

Calidioris igitur Cordis, ut ad modum, qui ei proprius est, atq; conueniens, (seu quatenus ad suam mediocritatem refertur) indicia quædam sunt inseparabilia, & propria, magnitudo respirationis, & pulsus velocitas, & frequentia: & audacia, & ad actiones natura prompta. Quod si multum in caliditate excefferit, tunc iræ præcipitatio, & furibunda temeritas adfunt. Est autem his thorax hispidus, & præsertim pectus, & quæcunque hypochondrijs partes proximiores. Magna verò ex parte calidi calidis temperatura vniuersum corpus calidum reddit, nisi hepar vehementius obstiterit. Dicemus autem paulò inferius totius Corporis indicia. Est quidem & latitudo thoracis, caliditatis indicium, n̄ si & hîc quoq; cerebrum multum obstiterit, (cerebrum sua frigiditate potest temperare partes quas cor calefacit: hepar similiter) quoniam ei magna ex parte spinalis medulla in magnitudine respondet: tantæ verò erunt magnitudine vertebræ, quanta & spinalis medulla, quare & spina vniuersa. Configitur verò thorax ad eam spinæ partem, quæ Metaphrenum, idest dorsum dicitur, tanquam ad carinam nauis. Quare necessariò eius longitudo æquabitur dorso: latitudo verò erit pro vertebrarum ratione, quando ad proportionem earum crassitudinis fuerit confixus. Cùm verò Cordis caliditas superans persflauerit, ac dilatauerit, in primo sui ortu thoracem, erit eiusdem caliditatis proportionem respondens. Quare cùm Caput paruum, thorax autem latus extiterit, maximum hoc tibi fuerit cordis caliditatis indicium: cùm verò magno existente capite paruus fuerit, propriissimum hoc erit Cordis frigidioris signū: si verò capiti fuerit proportionem respondens, tunc alijs signis de Corde distingues, ex ipsius thoracis amplitudine nihil assumens.

Signa Cordis Frigidi.

Nec magnus est pulsus, nec respiratio vbi calor non urget.

IN frigidiore verò Corde pulsus minores existunt, quàm modò naturæ conueniat: non tamen necessariò tardiores, vel rariores. Respiratio autem, siquidem thorax tanto minor extiterit,

terit, quāto Cor frigidius, pulsibus erit proportionalis. Si verò maior fuerit, quā pro frigiditatis quantitate, non minor est tantum, sed etiam tardior & rarior. Tales autem timidi naturā sunt, & sine audacia (hæc à calore, timiditas à frigore) & segnes, & nudum pectus habent. De eius verò paruitate distinguendum, ut diximus prius. Eodem modo, & de totius corporis caliditate.

*Natura
timidi.*

Signa Cordis Sicci.

Cor autem siccus pulsus efficit duriores (quia arteriæ sunt siccae) & iram non promptam quidem (in sicco subiecto impressio difficulter fit, sed semel facta diu durat), sed feram, & quæ non facile sedari queat, magnaq; ex parte vniuersum Corpus siccus existit, nisi hepar obstitit.

Signa Cordis Humidi.

Cordis verò humidioris signa, pulsus molles, & mores ad iram quidem proclives, sed talem, quæ facile sedari possit (quia impressio in humido subiecto facile fit, facileq; deletur): & vniuersum corpus humidum existit, nisi hepar obstitit. Secundum verò coniugationem qualitatum pramarum Cordis intemperaturæ ita se habent.

Signa Cordis Calidi, & Sicci.

Calidi, & sicci Cordis pulsus duri sunt, & magni, & veloces, & frequentes: & respirationes magnæ, & veloces, & frequentes, & multò magis ad velocitatem, ac frequentiam vergunt, thorace cordi non aucto proportionaliter. Hi verò præcunctis pectus habent maximè hirsutū, & hypochondria. Ad actiones autem prompti sunt, & iracundi, & celeres, & impudentes, & mores tyrannicos habent: etenim sunt in iram præcipites, non facile verò placabiles. De totius autem Corporis temperatura, & thoracis amplitudine, his, quæ ante diximus, proportionaliter est distinguendum.

*Pilorum
copia ma-
ior, à ma-
gna sulgi-
nū copia,
quæ in ca-
lidis gene-
ratur pro-
uenit.*

Signa Cordis calidi, & humidi.

Ex Galeno
lib. 2. me-
tho. cap. 4.
corpora ca-
lida & hu-
mida na-
turaliter,
nec per fla-
ta, nec vē-
rilata ī ca-
lido humi-
doque loco,
putrescunt.
Ex Arist.
lib. 5. de ge-
ner. anim.
cap. 5. fla-
tus putre-
dinem pro-
hibent: ope-
rimentum
autem fla-
tum arceat.

SI verò caliditas vnà cū humiditate dominabitur, minùs quidē his, quos antea diximus, hi sunt hirsuti, ad actiones verò nihilominùs prompti, non tamen serus est animus, sed ad iram procliuus tantummodò. Pulsus verò magni, ac molles, veloces, & frequentes existunt. Et respiratio, cū thorax Cordi fuerit proportionalis, eandem pulsibus formam seruabit: si verò minor extiterit, tanto illis velocior erit, & frequentior, quanto & thorax minor extiterit. Si autem multa facta fuerit euersio in temperatura, ac si hoc præsertim in humiditate contigerit, præter ea, quæ diximus, contingent etiam ex putredine morbi, his, qui in ipsis fuerint, humoribus corruptis, ac putrefactis. Expirationes autem maiores sunt ac velociores inspirationibus, & submissio arteriæ in pulsibus velox.

Signa Cordis humidi, & frigidi.

HUMIDIORIS verò, & FRIGIDIORIS cordis pulsus quidem molles: Moribus autem nequaquam audaces, sed timidi, & segnes existunt. Tales etiam glabrum pectus habent, minimèq; irā retinent, sicuti & ad iram non admodum sunt prompti. Quæ verò ad thoracem, & vniuersum attinent corpus, distinguere oportet, sicuti ea, quæ ante diximus.

Signa Cordis frigidi, & sicci.

FRIGIDIUS verò, & SICCIVS, pulsus quidē duros reddit, & paruos: respirationem autem, siquidem thorax paruitatem Cordis frigiditati proportionale habuerit, moderatam: si verò maior extiterit, raram ac tardam. Hi verò præ omnibus minimè ad irascendum prompti: cū autem coacti fuerint irasci quibusdam, retinent iram. Habent autem maximè omnium nudum pectus. De paruitate autem thoracis, ac præterea totius corporis frigiditate similiter distinguendum. Vnum illud commune præter dicta omnia nobis memoriâ repetentibus, quòd, quæcunq;

de moribus siue nunc, siue quouis alio sermone explicata, sunt ad temperaturæ cognitionem, non de probis moribus, aut vitiosis, qui ex Philosophia Hominibus adueniunt, sed de insuis vnicuique ac naturalibus à nobis sunt exposita.

CAPUT XII.

De varia Hepatis constitutione.

Signa calidi Hepatis.

Hepatis calidioris indicia, venarum latitudo, flaua bilis abundantior, in consistenti verò ætate, etiam atra: calidior ipsis sanguis, atq; eadem ratione corpus vniuersum, nisi obstet Cor. His venter, & hypochondria hirsuta.

*Cor frigidū
hepatis calorem mi-
tigat in
vniuerso
corpore.*

Signa Hepatis frigidi.

Frigidioris verò, angustia venarum, pituita abundantior, sanguis frigidior, & totius Corporis habitus, nisi à Corde calefiat. Venter illis glaber est, atque hypochondria.

Signa Hepatis Sicci.

Siccioris autem, sanguis quidem crassior, & minimè abundans, venæ duriores, & totius Corporis habitus siccior.

Signa Humidi Hepatis.

Humidioris autem, sanguis quidem abundantior, atq; humidior, venæ autem molliores: ita verò & vniuersum corpus, nisi partes ad cor attinentes obstiterint.

Signa Calidi & sicci Hepatis.

Calidioris verò simul, ac siccioris hepatis indicia, hypochondrium hispidissimum, sanguis crassior simul, ac paucior, flaua bilis plurima est, consistente autem ætate, &

atra:

atra:venarum item latitudo & durities. Sic verò & vniuersum corpus se habet. Nam, quæ ex Corde caliditas originem habet, potest obtundere eam, quæ ab hepate nascitur, frigiditatem: sicuti & frigiditas caliditatem: siccitatem verò non potest humidius Cor ad contrarium habitum transferre. Media verò inter has, quæ dictæ sunt, ea, quæ ab hepate humiditas oritur. Magis enim à Cordis siccitate superatur, quàm siccitas ab humiditate, minùs autem à caliditate, adhuc verò multò minùs frigiditate. Hæc enim inter omnes qualitates, quæ ab hepate proueniunt, facillimè vincitur. Liquet autem, quòd, cum in vnum conuenerint vtriusq; principij temperaturæ, totum exquisitè secundum illas afficitur corpus, paulò verò inferiùs ipsorum dicentur indicia.

Signa Hepatis calidi & humidi.

Humidius autem, ac si mul calidius hepar, minus quidem, quàm calidius & siccus, hypochondria reddit hispida. Plurimum verò sanguinis, & venas amplas, habitumque calidiorem, atq; humidiorè facit, nisi obstiterit Cor. Si verò amplius in ambabus qualitatibus à naturæ modo recedat, à morbis, qui ex putredine, ac vitiosis humoribus fiunt, facillimè capitur. Adhuc autem magis, si plurimùm augeatur humiditas, caliditas verò parum. Si autem contra, parum quidem humiditas crescat, plurimùm verò caliditas, mini nè vitiosis humoribus laborant.

Signa Hepatis humidi & frigidi.

Humidius autem & frigidius hepar habet hypochondria glabra, sanguinem verò pituitosum generat, cum venarum angustia: sic & reliquum habet corpus, nisi à Corde ad contraria transferatur.

Signa Hepatis frigidi & sicci.

Frigidius autem, & siccus hepar cum paucò sanguine, & venarum angustia efficit corpus, atq; frigidius, & hypochondria glabra, nisi & hinc Cor dominetur.

CAPUT XIII.

De varia Testiculorum constitutione.

Signa calidæ, frigidæ, humidæ, & siccæ temperaturæ Testiculorum.

Temperatura verò Testiculorū, calida quidem ad Venerē proclivis, & masculorum generatrix, & facunda, celeriterq; genitales partes obsepit pilis, simul autem & circumiacentes attingit partes: frigidior verò contraria efficit. Et humida quidem multo, & humido semine abundat: sicca paucum, & modicè crassum generat semen.

Signa calidæ, & siccæ temperaturæ Testiculorum.

Calidior verò, ac siccior, & crassissimum semen habet, & facundissima est, ac celerrimè ab initio protinus ad coitum excitat animal (quia temperamentum calidum, & siccum citius semen conficit: & hoc calidum, & siccum extans, celerius prurit, & facultatem expultricem ad sui excretionem stimulat). Itaq; & his genitales partes citissimè hispidæ fiunt, atq; omnes, quæ circumstant, supra quidē vsq; ad regiones, quæ ad umbilicū sunt, infra verò vsq; ad media femora. Petulca igitur est, & ad libidinem prona huiusmodi tēperatura, statim verò satiatur, quia tali temperatura præditi modicum continent semen, quo evacuato, illicò fatisfit illis, & si cogatur, offenditur.

Signa calidæ, & humidæ temperaturæ Testiculorum.

Si autem caliditas humiditati coniungatur, hirsuti quidem tales minùs, plùs verò semine abundant, non tamen plus cæteris appetunt, sed minori detrimento præter modum Venereis indulgent. Quod si satis excreuerint, & caliditas, & humiditas, non sine detrimento à Venereis abstinant.

Signa frigidaë, & humidæ temperaturæ Testiculorum.

SI verò frigidiorē, & humidiorē temperaturam testiculi habuerint, partēs circumpositæ glabræ sunt, & tardè rem-
Veneream exercere incipiunt, neq; proni ad actum huius-
modi sunt. Aquosum verò & tenue ipsis semen, & parum facun-
dum, & faminarum generatiuum, vel omninò non generans.

Signa frigidaë, & siccaë temperaturæ Testiculorum.

FRigidior verò, & siccior temperatura similis quidem in reli-
quis est antedictæ, crassius verò in ipsa semen existit, atq;
omninò paucum.

C A P V T XIV.

De varijs Corporis Temperaturis.

De Habitu totius Corporis.

Totius autem Corporis habitus, diximus & superiùs, quo-
modò & Hepatis, & Cordis naturam sequatur. Eī au-
tem magis assimilatur, quod vnā aliquam ex primis qua-
litatibus potentiorē habuit, quas & effectiuas appellant. Totius
verò Corporis habitus in illis maximè dicitur partibus, quæ pri-
mæ oculis subiiciuntur. Sunt verò hæ, musculi, qui omnia am-
biunt ossa, carnes quædam compositæ ex prima, & simplici carne,
& præterea fibris, quibus innascuntur. Propria enim musculorum
substantia his duobus constat; quæ verò ad ipsos vasa per-
tingunt, veluti riuī quidam sunt, qui non eorum substantiam complent, sed
eis subministrant, vt in vitā permaneant. Dicuntur igitur & ho-
rum temperaturæ indicia in benè temperata habitatione. Nam,
quæ malè temperatæ sunt, cutem permutant ex seipsis formantes,
& quædam ex indicijs corrumpunt. Ita & in benè temperata Re-
gione, si quis se tempore æstatis nudum Soli exposuerit, permuta-
bit

*Habitus
corporis.*

bit indicia, quæ ex colore, & duritie, & mollitie sumuntur. Si vero, quemadmodum bonam temperiem obtinet locus, ita & ipse benè temperato victu vsus fuerit, vt qui neq; se nudum singulis diebus in Sole plurimum torrefaciat, neque, sicuti plerique, more puellarum, continuè in vmbra degat, hic certa, atque exquisita, temperaturæ indicia præ se feret. Tanquàm igitur de hoc futurus sit sermo, nunc ad ipsum accedemus.

Signa moderatæ Temperaturæ.

Moderatæ Temperaturæ indicia secundùm totum animalis habitum: color quidem ex rubro & albo commixtus, Capilli verò flauī, & plerunq; mediocriter crispī: Carnositatis autem mediocritas in qualitate, & quantitate. Medium est enim exquisitè huiuscemodi Corpus inter omnes excessus, vt qui ad ipsum dicantur, & intelligantur. Nam & crassum corpus ad hoc comparatū dicitur crassum, & tenue ad hoc eodē modo: & carnosum, & macilentum, & pingue, & durum, & molle, & hispidum, & glabrum. Nullum igitur horum corpus est mediocritatem habens, sed, qualis Polycleti regula, ad summum totius peruenit mediocritatis, adeò, vt neq; tangentibus molle videatur, neq; durum, neq; frigidum: insipientibus verò neque hirsutum, neq; glabrum, neq; crassum, neq; tenue, aut aliquam aliam habens immoderationem.

De Corpore calidiore.

Quæcunq; autem in caliditate à medio recedunt, non tamen humiditate, vel siccitate, hæc, quantum ad carnosum genus attinet (de hoc enim præsens est sermo) videntur quidem tangentibus calidiora tantū, quantum & eorum temperatura calidior. Tanto verò magis hirsuta sunt, quanto & calidiora, & minus pinguedinis habent. Colorem autem rubrum, & capillos nigros habent.



Signa frigidæ Temperaturæ.

Frigidioris autem temperaturæ indicia sunt, pilorum carentia, pinguedo, & frigiditas, quæ tangentibus obuiat. Color autem vnâ cum capillis etiam rufior, & vbi multa frigiditas adfuerit, liuidus, quodammodò existit, quem nonnulli Medici colorem plumbeum appellant.

Signa siccæ Temperaturæ.

Siccior autem temperatura tanto gracilior est, & durior bona temperaturâ, quanto & maior est siccitas: in reliquis autem eodem modo se habet.

Signa humidæ Temperaturæ.

ET humidior etiam in reliquis quidem eodem modo se habet: melius autem carnosâ, & mollior. Et quidem secundum coniugationem qualitatum primarum factæ intemperaturæ compositam habent indiciorum formam.

Signa calidæ, & siccæ Temperaturæ.

Calidior simul, ac siccior, hirsutior, ac calidior, & durior existit, & pinguedine caret, gracilisque est, & capillos nigros habet. Si verò multum in caliditate excedat, color quoque niger illi adest.

Signa calidæ & humidæ Temperaturæ.

Calidior autem, & humidior Temperatura, mollior & calidior, & carnosior tanto est bona Temperatura, quantum & vtrisque qualitibus aucta fuerit. Quòd si plurimum augeatur, citò similiter à putredinis corripitur morbis, quoniam & humorum vitio promptè laborat. Si verò parum quidem humidior sit, multo verò calidior, molliores quidem parum hu-

iuscemodi sunt his, qui bonam habent temperaturam, & magis carnosī, non parum verò hirsutiores, & tangentibus non parum calidiores. Nigri verò eis capilli, & caro pinguedine caret. Si verò paulò quidem calidior, multò verò humidior, mollis his caro est; & multa, & color commixtus est ex albo, & rubro, & tangentibus paulò calidiores. Et, ut summatim dicatur, omnibus temperaturæ coniugationibus semper superexcedentis qualitatis indicia eminebunt.

Signa frigidaë, & humidaë Temperaturæ.

Frigidior autem, atq; humidior temperatura, si parum quidem vtræque augeatur, capillis nuda est, & alba, & mollis, & crassa, & pinguis. Si verò magis exceßerit, reliqua quidem sunt secundum proportionem augmenti qualitatum, color autem vnà cum capillis rufus, quemadmodum si plurimum vtræque augeatur, liuidus. Si verò qualitatum augmentum fuerit inæquale, eius, quæ superexceßerit, indicia eminebunt.

Signa frigidaë, & siccaë Temperaturæ.

Sicut autem frigiditas, vnà cum siccitate æqualiter augeatur, naturâ durum, ac gracile, & glabrum corpus habent, & tangentibus frigidum, pinguedo tamen ipsis, etsi graciles sint, per carnes dispersa. Capilli autem, & color frigiditatis modum, ac proportionem sequuntur. Vbi verò calida & sicca temperatura in tempore decrementi in frigidam & siccam labitur, tunc horum habitus gracilis quidem similiter est, & durus: est verò etiam melancholicus, & ob id niger simul, & hirsutus. Vbi igitur altera qualitas multum dominatur, altera verò parum à mediocritate recedit, superabunt eius, quæ dominatur, exilia autem erunt alterius qualitatis indicia. In omnibus verò, de quibus supra diximus, & postea dicemus, commune est temperaturæ indicium, si membrum facile frigeat, vel frigiditatis, vel raritatis: si verò non facile, vel caliditatis, vel densitatis. Si verò à desiccantibus offendantur, & aridum, & siccum, & non facile mobile fiat, siccitatis: quemadmodum, etsi ab humectantibus grauiter se habeat, humiditatis,

ditatis. Inſpicere autem oportet, ſi eandem omnes muſculi ſervant
temperaturam, vel minimè eandem, atque in omnibus ſimul ani-
maduertere ſubiectorum offium quantitatem. Nonnunquàm. n.
gracilius videtur membrum, cum tamen non ſit gracilius, quod ad
muſculos atinet, ſed propter offium tenuitatem tale videtur. Sic
& craſſius quibuſdam plerumque apparet, non ob offium amplitu-
dinem, ſed ob multitudinem carnis: quæ vel aucta, vel diminuta,
vel durior, aut mollior effecta, ſiccior, aut humidior membrum
oſtendit: Pauca igitur, ac dura, ſiccior: multa autem, & mollis, hu-
midior. Sic & intermedia ſpatia ſimilarium corporum, ut plus, vel
minus humidæ ſubſtantiae in ſeipſis continent, vel craſſius, vel
tenuius, & humidior, vel ſiccior membrum oſtendunt: Humidior
quidem, ubi ſubtilior, & copioſior eſt humiditas: ſiccior verò, ubi
craſſior ſimul, & minor. Ipſæ enim ſolidæ corporis partes, quæ ve-
rè ſolidæ ſunt, ac primæ, nullo modo poſſunt effici humidiores. At
ſatis eſt, ſi quis eas celeritè exiccare prohibeat. Intercepta autem
in ipſis ſpatia, hæc, vel illa humiditate complere poſſibile. Hæc ve-
rò eſt proprium partium ſimilarium alimentum, quod ex appoſi-
tione fit, & non per vaſa attrahitur. Communis autem hæc ratio,
& omnium ſimilarium partium exiſtit. Et iterum in ſalubrium,
atq; inſalubrium cauſarum doctrina repetetur. Nunc autè ea, quæ
ordine ſequuntur, attingamus.

C A P V T XV.

De varia Ventriculi conſtitutione.

Signa Sicci Ventriculi.

Ventriculi indicia, eius quidem, qui naturâ ſiccior exiſtit,
ſi celeriter ſitibundi ſiant, & paucus eis ſufficiat potus,
(quæ mediocris eſt exiccatio facta ſuprà naturalem ſta-
tum; qui, ut ſe conſeruet, paucò potu eſt contentus) à copioſiore
autem aggrauentur, fluctuationibus infeſtentur, aut ſuperfluet
id, quod abundat, & cibus delectentur ſiccioribus.

Signa Humidi Ventriculi.

Humidioris autem, si neque sitibundi fiant, & superabundans humidum facile tolerent, & cibus gaudeant humidioribus.

Signa Calidi Ventriculi.

Calidior verò naturâ Ventriculus melius quidē concoquit, quàm appetat (ex Arist. lib. 4. meteoror. concoctio est opus caloris proprii: calidi tamen ventriculo nō benè appetūt, nam frigus ventriculi orificium corrugando appetitum excitat; Vnde tempore hyberno, & in partibus septentrionalibus, appetitus est validus. Calor verò emollit & dissoluit corpus; laxumq; reddit, quò minùs attrahere possit: humores præterea eliquat funditque calor; qui eliquati quoquoersum fluunt, partiumq; spatia replent; sed potissimum ventriculi: qui calidus factus appetitu caret. Galen. autem libro de causis morbor. c. 7. testatur ipsum aerem calidum & humidum fundere & eliquare, adeò vt retentricem laxet facultatem.) & multò magis quæcunque dura sunt, & non facile alterationem suscipiunt. Nam, quæ facile alterantur, in ipso corrumpuntur: (vnde patet vitellos ouorum, & consimilia teneriora alimenta ventriculo calido febricitantium, ad quem bilis ab hepate non rarò amandatur, & in quo bilis adhuc procreatur, minimè conferre: Nam à calore vrente, aut putrescente facile corrumpuntur, & non coquuntur; Quare refrigerantia tunc ventriculum roborantia, exhibenda.) gaudetq; calidis potibus, ac cibus: neque à frigidis vllam percipit noxam, si modicè ipsis vtatur.

Signa Frigidi Ventriculi.

Frigidior verò naturâ Ventriculus, ad appetendum quidem plurimum viget, ad concoquendum autem minimè; præfertim cibos, qui non facile alterationem suscipiunt, & frigidi sunt. Citò itaq; in ipso acceſcunt, atq; idèò acidis eructationibus talis ventriculus abundat: & gaudet quidem frigidis, sed ab eo.

eorum vsu immodico facilè offenditur. Ita & ea, quæ extrinsecus frigida occurrant, nequit longiore tempore tolerare, quemadmodum neq; calidus calida. Malæ verò temperaturæ, quæ morbi ratione Ventriculū occupant, hoc differunt ab his, quæ naturales existunt, quoniam contraria, non autem similia appetunt, quemadmodum naturales.

De malis Temperaturis in Ventriculo coniugatis.

Malæ autem Temperaturæ in Ventriculo coniugatæ, ex compositione simplicium cognoscētur. Oportet autem eas, quæ iam sunt dictæ, diligenter aduertere, easdem ab his, quæ dicuntur, distinguentes. Non solum enim Ventriculus sitibundos, & minimè sitientes facit, & frigidi calidiue potius appetentes, sed ea quoq; viscera, quæ in thorace sunt, vt Cor, & Pulmo. Sed qui ob horum sitiunt caliditatem, plus inspirant, & longius expirant, atq; æstum in thorace sentiunt, non sicuti qui Ventriculi ratione in hypochondrijs caliditatem patiuntur: & cum potauerint, non statim sedatur sitis, & magis sedatur sitis, cum frigidum hauserint, quàm cum calidum nimis. Refrigerat autem eosdem, & frigidi aeris inspiratio, quæ nihil eos iuuat, qui ventriculi ratione sunt sitibundi. Ita & hi, qui contrario modo se habent, à frigida inspiratione sensibilibiter molestantur. Dum dixit sitim à cordis etiam, & pulmonis calore aliquando excitari, clarè significauit sitim in renibus non fieri, vt à quibusdam perperam assertum.

C A P V T XVI.

De Pulmonum Intemperie.

Signa Pulmonis frigidi.

Et hoc maximum sit frigidi Pulmonis indicium. Vti verò frigidum inspirantes manifestè molestiam sentiunt, & frigiditatem, ita & caliditas est ipsis amica. Sed & pituitæ excrementa cum sreatu, & tussi expuunt.

Signa Pulmonis sicci, vel humidi.

PULMONIS autem siccitates excrementis vacant, & pituita, & vocem claram efficiunt: quemadmodum humiditates obscuram reddunt ac raucam. Et, cùm vehementiùs, aut acutiùs loqui studuerint, tunc intercidunt excrementa.

De Voce.

NON tamen ipsa Vocis magnitudo à caliditate, sicuti neq; paruitas à frigiditate fit, sed altera quidem asperæ arteriæ latitudinem sequitur, & vehemētiorem efflatum: paruitas verò à contrarijs aduenit causis. Quare neq; semper, neq; primum, sed ex accideñti, & solas naturales temperaturas, non autem aduentitias vocis magnitudo, aut paruitas sequitur. Quoniam etenim talia instrumenta temperaturæ ratione sunt facta, ad hæc autem consequitur huiusmodi vox; idcirco contingit ex voce de naturali temperatura ratiocinari.

De leni, & aspera Voce.

NAM & lenis vox arteriæ asperæ lenitatem consequitur, sicuti & aspera asperitatem. Lenitas igitur, arteriæ moderatam sequitur temperaturam: asperitas verò siccitatem. Asperitas etenim fit ab inæqualitate in duro corpore. Arteriam verò duram, similarium partium, ex quibus constat, siccitas facit, inæqualem verò, dispersæ in eisdem humiditatis defectus.

De Voce acuta.

EODEM modo, neq; acuta naturâ vox sine angustia faucium, neq; grauis sine latitudine fieri potest. Angustia igitur ab innata nascitur frigiditate: Latitudo autē à caliditate (nam calor dilatat, frigus angustat, coarctatue). Differentijs igitur naturalium vocum hæc, quæ ex affectu aliquo fiunt, sunt proportionales, quæ & ipsæ indicia sunt causarum, à quibus oriuntur: de quibus

bus in libris de Voce sufficienter distinxī. Reliquæ verò partes animalis interiores exilia habent temperaturæ indicia. Tentandum tamèn ea ex iuuantibus, atq; nocentibus agnoscere, ac præterea ex naturalium potentiarum operationibus. Dictum verò est in Tertio de Causis accidentium, quænam temperatura antecedit vniuscuiusq; facultatis virtutem, & vitium. Temperaturarum itaq; indicia iam dicta sunt.

CAPVT XVII.

De Signis partium dissimilariū.

HActenus abundè Galenus innumera proposuit Signa varij status totius corporis, & principum partium, ac aliarum quarundam, vt pulmonum & ventriculi. Verùm quia temperamentorum variorum signa præcipuè examinauit, de signis quibus defectus partium organicarū detegitur, expressè loquitur cap. 70. Artis Medicinalis. Et docet defectus partiū instrumentariarum, qui sensibus subiiciuntur, faciliè dignosci: Circa magnitudinem verò, inquit, vel formationem, vel numerum, vel situm, quæcunq; quidem sensibus subiiciuntur errata, cognitu faciliora sunt: quæ autem sensu percipi nequeunt, quædam cognitionem habent difficilem, quædam verò facilem. Capitis igitur magnitudo, ac figura, & cerebri simul in propatulo sunt: & de his antea diximus. Sic & quæ thoracis sunt, & quæcunq; ad scapulas, & humeros, vel brachia, vel cubitos, vel extremas manus, vel coxendices, vel femora, vel tibias, vel pedes attinent, non est difficile dignoscere, siue secundum formationem, siue secundum magnitudinem ex his aliquid non rectè se habeat, siue secundum numerum, siue secundum partium, ex quibus constant, compositionem: Singularum etiam operationis detrimenta faciliè patent. Quæ autem intra corpus sunt, non omnia possunt dignosci.

Vult Galenus hoc capite Signa quibus morbi aut defectus quibus partium dissimilariū deteguntur, esse per se ita manifesta in partibus exterioribus corporis, vt non alia inuestigatione quàm sola inspectione egeant. Verbi g., si manus deficit, aut superflue adiectus est, aliquis digitus, aut si in magnitudine, aut conformatione, aut compositione vitium aliquod fuerit, statim visu id ip-

sum percipimus. Præterea defectus actionum earundem partium confirmat defectum à visu deprehensum, vel nondum animadversum. Vnde ex mala comprehensione, manus defectum aliquando comprehendimus, ex claudicatione verò, pedis defectum. Sed lienis, hepatis, renum, ventriculi, intestinorum, & aliarum partium organicarum, quæ nostrum effugiunt visum, vitia dignoscere per arduum est. Proponit ipse modum quo quatuor partium internarum vitium detexit. Capite 71. ventriculi paruitatem agnuit.

Cuiusdam, n. ventriculum, inquit, adeò paruum ac rotundum, ac prònum secundum hypochondria situm habentē inspexi, vt manifestè ex circumscriptione propria, & videntibus, & tangentibus apparet. Cap. 72. vesicæ paruitatem agnuit. Sic, inquit, & cuiusdam vesicam contigit intueri ita expositam, ac parvam, vt si quando vrinam tardius excerneret, tumor quidam circumscriptus manifestè cerneretur: non tamen aliud ex interioribus quicquam mihi vnquam manifestum præbuit indicium. Tentare autē oportet quàm maximè fieri potest, virtutem ipsorum instrumentorum intus abditorum, ac vitium, & si non certa scientia, artificiosa saltem coniectura dignoscere, veluti exempli gratia, in hepate. Dicitas modo duas partes, quæ in suis regionibus aut locis propriam figuram exhibebant, visu proprio percepit Galenus; quia ex anatomia earundem partium formam & situm præcognitos habuit: fatetur tamen se nunquam alias villas instrumentarias, interius latentes, intuitu claro percepisse. Vnde, vt quis aliarum partium instrumentariarum intus reconditarum lapsum detegat, in anatomia peritus esse debet: debetq; insuper probè cognoscere partium internarum actiones proprias, & vsus. Hac cognitione præmunitus artificiosa coniectura internorum instrumentorum vitium in conformatione, magnitudine, numero, & situ, ac connexu hariolari conabitur; quemadmodum fecit Galenus hepatis paruitatem detegens cap. 73. sequenti serie.

Vidi .n. aliquos, & quidem multos, quibus venæ erant angustæ, & totum corpus bono colore priuatum. Quòd si plusculum cibi assumpssissent, qui præsertim flatibus excitandis aptus esset, & crassus, ac tenax, nonnulli quidem veluti pondus quoddam insidens, atque suspensum in profundo dextræ hypochondriorum partis sentiebant, nonnulli verò cum quadam tensione dolorem

Galenus diligentia in dignoscendis quibusdam interioribus partibus.

sentientes. In his quidem verisimile est hepar esse paruum, atque angustos meatus habere.

Pituitosus, qui bilem pallidam euomebat quotidie. Rursus capite sequenti 74. causam vomitus biliosi in homine pituitoso sequenti ordine diuinavit. Alterum autem vidi, cuius totus habitus pituitosus erat, quotidie tamen bilem pallidam euomebat. Censui igitur inspicienda alui excrementa, in quibus minimum bilis apparebat. Quare, coniectura quadam comprehendi eum meatum qui biliosum egurgitat humorem, non paruum eiusdem partem ad imum ventriculi locum, quem Græci pyloron, id est, ostiarium vocant, effundere, ut in quibusdam apparet animalibus, ex quibus id constat, quod plurimum ad eorum, quæ latent sensum, confert cognitionem, ea, quæ ex sectionis inspectione habetur peritia & operationum atque vtilitatum inuentio. Quicunque igitur facultatem dignoscendi huiusmodi corpora, quæ ita lapsa sunt, consequi cupit, oportet ipsum in sectionibus, ac in operationum atque vtilitatum inuentionibus exercitari. Recte commendat Galenus Anatomiae cognitionem, veluti operationum, & vsuum. Nam, his instructus Medicus, internos affectus siue vitia dignoscit: ut ex sequenti constabit capite.

C A P V T XVIII.

De Signis status præter naturam.

Triplex res præter naturam.

Causa interna, & externa.

Signa proposuimus status naturalis, modò proponenda Signa status præter naturam, qui communiter in morbum, morbi causam, & symptoma distinguitur. Horum omnium Signa proponere non est in animo: Nam in praxi medica Signa cuiusvis speciei morbi proponuntur; causarum pariter Signa, veluti obscuriorum symptomatum. Quod attinet ad causas generantes morbos, vel sunt internæ, vel externæ: hæc facillè dignoscuntur, dummodò æger, aut astantes Medico fideliter præterita cuncta referant. Internarum causarum, id est humorum quantitate, aut qualitate peccantium, signa, fusè in nostra Physiologia libro de humoribus, proposuimus. Cardo etenim diagnoseos rerum præter naturam circa morbum maximè versatur. Galenus in Arte Medice cap. 75. paucis rem exponit. Quæcunque verò, inquit, ut nunc insalubria sunt, hoc est, quæ iam ægritudine patiuntur, dignoscere

& hæc

& hæc ipsa oportet. Quæ quidem subiiciuntur sensui ex eorum, quæ ipsis insunt secundum naturam permutatione, in magnitudine, colore, figura, & numero, & situ; & ea quæ est secundum duritiem, & molliem, & frigiditatem, & caliditatem differentia. Quæ autem visum effugiunt (vt summam dicam) ex operationum læsionibus, aut his quæ externuntur, aut doloribus, aut tumoribus præter naturam, aut horum quibusdam; vel omnibus. Absolutâ doctrinâ de Signis salubribus, ad signa quæ præsentem morbum produnt, se confert Galen. & in memoriam reuocat ea quæ secundum essentiæ rationem insunt corporibus, sicuti actiones & casus qui ea quæ secundum essentiæ rationem insunt consequuntur. Quæ secundum essentiæ rationem partibus insunt similaribus sunt ipsa partium earundem temperamenta; hæc consequuntur actiones hæ, attractio, retentio, coctio, expulsio, siue excretio, nutritio; veluti casus, vt mollieties, durities, crassities, tenuitas, color, & similia. Quæ partibus insunt dissimilaribus essentialiter, sunt debita conformatio earundem partium, magnitudo, numerus, & situs ac nexus: quæ hæc consequuntur, sunt actiones, commensuratio, pulchritudo, & siquid aliud ab illis naturaliter dependet.

His præintellectis, Galen. hoc capite inquit corpora actu ægra dignosci ex mutatione eorum, quæ secundum essentiæ rationem insunt, eorumque quæ hæc consequuntur. Itaque quoties hominis alicuius temperamentum in sensibilem intemperiem mutari conspiciamus, statim dicemus talem hominem ægrotare: Similiter de ijs quæ temperamenta consequuntur philosophandum; veluti de mutatione eorum quæ naturaliter insunt partibus dissimilaribus. Mutata enim naturali partis alicuius figura, vel magnitudine, vel numero partium componentium partem dissimilem, vel situ & nexu, statim inde inferemus corpus actu ægrotare. Sed partes ægrotantes vel sunt externæ, & visui, ac tactui objectæ, vel internæ & visui, ac tactui occultæ. Ægritudines partium externarum visui, tactuque, absque ulteriori inuestigatione, percipiuntur: & præsertim quoties aliquis, vel modica praxi initiatus est. Partium verò internarum, & sensibus non objectarum, ægritudines, aut vitia, non nisi mediantibus actionibus læsis, vel excrementis, vel doloribus, vel tumoribus præter naturam dignoscuntur. De cognitione partium externarum corporis, læsarum, & de cognitione

Ægritudines partium externarum sensibus percipiuntur: morbi partium internarum mediantibus alijs rebus.

simul

simul læsionis partium internarum, loquitur Galenus libro 1. de locis affectis cap. 1. Igitur, inquit, partes in superficie constitutæ, vnâ cum affectuum suorum idea, specieue, facillè sensibus deprehenduntur: quæ verò in imo corpore latent, exercitatum ratione virum desiderant, cum in partium & actionibus, & vtilitatibus, tum vel maximè in præcedentibus eas corporum dissectionibus: quippè hæ (corporum dissectiones) nos docuerunt cum alia per multa, tum cuiuslibet partis essentiæ proprietatem.

Verum, vt res clarior euadat, præsupponere oportet res quasuis in nostro corpore dignosci, vel per se, vel per accidens, siue aliquo interueniente: quæ autem per se dignoscuntur, sunt illa quæ à sensu visus, & tactus, aut alterutro modo in externis, aut visibilibus corporis partibus percipiuntur. Cum enim sensus circa suum obiectum errare nequeat, teste Aristotele lib. 2. de anima cap. 6. id verè, & demonstratiuè dignoscitur, quod à sensu percipitur. Quod verò mediatè cognoscitur, non ita exactè cognosci dicitur. Primo modo, id est immediatè à sensibus, externarum partium corporis affectus dignoscuntur. Visus enim coloratum percipit, pariter & figuratum, & vtrumq; per se: nam sensibile commune, & sensibile proprium, est sensibile per se, ex Philosopho citato capite; quare prauus color, mala figura &c. à visu percipiuntur: veluti à tactu tangibilia: at verò, quæ intus latent, altiori egent inuestigatione, vt cognita sint. Nā non nisi mediantibus alijs dignoscuntur. v.g. ventriculi imbecillitas mediantibus actionibus læsis, & excrementis, non primariò, & per se, à sensibus percipitur. Si autem cibum assumptum venter retinere nequit, retentricem facultatem imbellem esse dicimus, vel certè expultricem nimis irritatam. Ventriculum verò frigidum esse dicemus quoties ructus, aut humor excretus, persentitur acidus: ex nidoroso autem ructu, calidum esse ventriculum conijcimus.

Vt in ordinem redigamus signa omnia, quibus internus affectus detegitur, recurrendum ad magnum Magistrum Galenum, qui lib. 1. de locis affectis capite 5. in quo & partis, vitio aliquo laborantis, signa, simulq; signa vitij, siue mali infestantis, accuratè proponit. Nam affectu, & parte affecta cognitis, videtur Medicus benè instructus in ijs quæ agrum infestant: proindeq; si quæ sint propinanda remedia, distinctè præscribet. Capite ergo illo 5.

qua-

quatuor exhibet fontes signorum quibus internū affectum dignoscimus. Primus fons desumitur ab ijs quæ excernuntur: Secundus, à loci natura: Tertius à doloris proprietate: Quartus à proprijs symptomatibus. Et his quintum addere possumus, actionem læsam: Nam Galenus citato capite docet locum affectum, seu partem affectam, ipsumque affectum eodem indicio aliquando indicari. Sed præfatos quatuor fontes examinemus.

Ex excretis autem, morborum aut affectuum naturas speciesue congruè deprehendimus: vt si vnà cum fœcibus ramenta quædam excerni videmus, tunc vlceris principio intestinum affici dicemus. Si rursus sanguis exeat, vlcus factum esse coniiciemus: si deinde pus, tunc cauum vlcus. Similiter si crusta quædam aut eschara exit, vlceris indicium erit. Si adhuc per podicem eiiciantur excrementa quædam similia seminibus cucurbitæ, latos inesse lumbricos, siue vermes, indicant. Si vnà cum vrina, arenosa, seu potius sabulosa quædam eiiciuntur, lapidem inesse significant; vt testatur Hippocr. lib. 4. aphorism. 79. Quibus in vrina sabulosa subsident ijs vesica calculo laborat. Et aphorismo 77. eiusdem libri, per id quod excernitur cum vrina morbus detegitur. Quibus cum vrina crassa fursurea quædam simul minguntur, his vesica scabie laborat. Alium affectum indicat excrementum aphorismo 78. Qui sponte sanguinem meiunt, ijs à renibus venulam ruptam esse significatur. Item aphorismo 81. ait: Si quis sanguinem, aut pus, aut squamulas meiât, & grauis odor adsit, vesicæ exulceratio significatur.

Primus ordo signorum ab excretis eruitur.

Secundum genus signorum desumitur à loci natura: Sunt enim quidam loci siue partes, quæ quibusdam morbis solæ afficiuntur, v. g. solus oculus suffusione laborat. Renes, & vesica, calculo sunt obnoxij, veluti etiam cœcum intestinum. Lumbrici in intestinis ferè semper nascuntur. Cor verò abscessui nullatenus est obnoxium.

Secundus Signorum ordo.

Tertius fons signorum desumitur à doloris proprietate. Doloris quidem variæ sunt efficientes causæ. Et hæ causæ sunt morbi varij: Afficiatur ergo pulsatorio dolore aliquis, tunc partem tali dolore affectam inflammatione laborare dicemus: simul cum inflammatione, erysipelas, & abscessus intè lliguntur, docente Galeno libro 2. de locis affectis cap. 3. Nam dolor pulsatorius non solum in Phlegmone, sed etiam in erysipelate, & abscessu persentitur.

Tertius signorum ordo.

titur. Tales ergo morbos nobis huiusmodi dolor designat: ut citato iam capite testatur Galenus, hac serie. At pulsus cum dolore factus sequitur inflammatorios affectus notatu dignos; idque semper in ipsis arterijs, atq; in continentibus ipsas partibus, quas & ob angustiam premunt, & cum attolluntur, modò pars affecta sentire nata sit, veluti percutiunt: hæc eadem verba paulò ante exposuit Galenus, modum tradens quo pulsatorius dolor efficitur. Arteriarum enim pulsus cum dolore perferri in ingenti oborta inflammatione, vel erysipellate, vel abscessu, ait, & quidem sequenti ritu. Duabus præcipuè occasionibus vehemens dolor inflammatis partibus infertur: aut cum mouentur, aut cum à re quapiam comprimuntur. Inflammato igitur toto musculo duplici modo, dum attolluntur arteriæ, dolorem sentiunt: nam & mouentur (eædem arteriæ) & ab adiacente carne comprimuntur, & ipsam (id est carnem) comprimunt. Atq; hac ratione partes inflammatae pulsant, quem vèterrimi quiq; solum vocant pulsus; posteriores verò omnem arteriarum motum, quem sensus percipere posset, similiter nominauerunt. Vult enim Galenus dolorem pulsatorium fieri; quia arteria est inflammata, quia dum mouetur suæ continuitatis solutionem patitur; quia à parte inflammata, & tumefacta comprimitur, & de nouo dilaniatur; & quia demum ipsam fibrosam, & membranis obductam carnem ipsa arteria comprimit, adeoq; dissoluit. Eodem capite docet Galenus alium nasci dolorem ex inflammatione membranæ; & talem dolorem inflammatorium appellare nos possumus. Sunt & aliæ doloris variæ species, de quibus citato libro 2. de locis affectis fusè satis egit Galenus. Capite autem 7. vlcerati doloris mentionem facit: veluti etiam pruriginosi.

*Quartus
signorum
fons.*

Quartus demum fons, è quo signa affectum præter naturam detegentia desumuntur, sunt propria symptomata, siue accidentia. Per tabificos enim morbos vngues incuruantur: & quidem nimia siccitate. Tale autem accidens solis tabidis proprium est. Præter rationem, seu sine causa inuadens rigor vnà cum febre, phlegmones ad suppurationem transcurrentis, indicium est. Lingua nigricans ardentem febrem portendit. Color intese rubeus, & veluti purpureus in vultu, pulmonum inflammationem significat. Si verò color rubeus ad flauedinem quandam vergat, pulmonum, aut pleuræ

pleuræ erysipelatosam inflammationem demonstrat: nec solum genæ in pleuritide, aut peripneumonia biliosa flauescunt, sed insuper oculi, seu album oculorum croceo colore tinctum percipimus. Icterus autem, siue aureus, flauusue color cutis febris ante, aut post septimum diem superueniens, biliosam febrem adesse significat. Si verò flauo, croceoue colore vniuersum corpus affectum deprehendatur, iccoris obstructi, aut chistis fellis obstructæ indicium erit. Similiter si vniuersa cutis atro colore fuerit infecta, indicium erit obstructionis impensæ lienis. Hæmorrhoides pariter denotat corporis color subobscurus; licet enim copiosè fluant, non ita vniuersum corpus ab humore melancholico liberant, quin adhuc in eo sufficientem copiam humoris atri, quo corpus inficitur, relinquunt. Sed vnà cum colore prauo miseri, & languidi apparent illi quibus copiosè fluunt hæmorrhoides, teste Aëtio libro 14. cap. 5. Nam deformitatem, & miseram simul vitam inducunt. Deformitatem quidem, propter coloris totius corporis vitiationem, ex vacuatione succedentem: Miseram vitam, propter corporis debilitatem. Nec solus humor melancholicus, aut biliosus in cute apparens internos quosdam affectus nobis indicat, sed etiam pituitosus. Vnde si albicanti colore totum corpus affectum fuerit, signum est frigida humidæq; intemperiei hepatis. Talis color apparet in Leucophlegmatia, hydropis specie; quæ quoties infestat, vniuersum corpus tumidum, & albicans erit.

Nec solum quæ hætenus dicta sunt morbi naturā detegunt, sed alia multæ circumstantiæ: vt iuuantia, & lædentia, aliaq; varia quæ *Alij sunt
varij signo
rū fontes.* Hipp. in Epidemijs recenset. Si autem calidis quis iuuetur, signū est ipsum frigidum laborare morbo: & viceuersa, si frigida conferunt calido morbo eum affici conijciemus. Eadem ratio in alijs contrarietatibus obseruanda, vt in humidis, & siccis, in repletis & inanitis. Repletionem porrò iuuat inanitio, siue euacuatio debite facta, veluti inanitionem repletio. Galenus ipse ex iuuantibus, & nocentibus, ac ex naturalium facultatum functionibus, internum corporis statum rimandum docuit libro de Arte Medicinali cap. 69. de voce acuta: quod caput à nobis superius cap. 17. transcriptum est.

Pleraque, quæ nos in cognitionem vitiorum corporis manuducunt, ab Hippocr. proponuntur sectione 3. lib. 1. Epidemiorum,

*Varia ex
quibus mor-
bus digno-
scitur, mor-
bus; euen-
tus pradi-
citur.*

hac serie: Morbos dignoscimus, docti ex communi omnium natura, & cuiusq; propria: ex morbo, ægro, oblati, offerente: nam facilius ex his, vel difficilius: præterea ex vniuerso vel singulari cæli statu, & singulis locis, ex consuetudine, ex victus ratione, vitæ genere, ætate cuiusq;, vnâ cum sermone, modis, taciturnitate, imaginationibus, somnis, vigilijs, insomnijs, quibus, & quando, vellicationibus, perfrictionibus, lachrymis, accessionibus, deiectionibus, vrinis, sputis, vomitionibus: & quæ ex quibus, in quos successiones morborum, & qui abscessus in exitium, vel iudicium: sudor, rigor, alior, tussis, sternutamenta, singultus, spiritus, ructus, flatus silentes, strepentes, sonori, sanguinis eruptiones, hæmorrhoides. Ex his consideres, quæ per hæc accidunt. Tam latus est hic campus de morborum dignotione ab Hippocrate præscriptus, vt nullus ferme in eo spatium velit. Galenus ipse in suo 3. Commentario in librum primum Epidem. hanc doctrinam, non exacte, sed per saltus, & plura omittendo exposuit.

*Idea mor-
bi aliquid
indicat.*

Promiscuè autem dictis verbis Hippocrates diagnosim, & prognosim exhibet. Prima verba citati contextus, quæ sunt de natura communi, & propria, in superioribus fusè exposuimus. Ex ipso morbo, magnitudinem, aut exiguitatem morbi colligi posse docet: Nam statim ac Medicus morbi Ideam percepit, magnum paruumue esse illico pronunciat. Apoplexia autem, Angina, peripneumonia, pleuritis, conuulsus, cholera morbus, febris ardens, tetanus, dum adsunt, grauissimos morbos adesse dicimus; Si verò diaria, tertiana simplex, quartana, & consimiles vexant, nullum in ægris timet periculum Medicus.

*Æger, of-
ferens, &
oblata.*

Ex ægroto deniq; ex ijs quæ offeruntur, & ex offerente, nihil colligimus. Si enim æger fuerit vir robustissimus, verèq; virilis, & laboribus addictus, modò tamen à morbo vehementer, & anxie torquetur, magnitudinis morbi indicium est: Nam sine graui causa talis homo nullo modo conquereretur. Quoties ergo grauius laborat, periculum adest, & vitæ discrimen. Secus verò iudicandum quoties effeminati, & molles homines, ac delicatulae mulieres de morbo conqueruntur; nam exiguos morbos, magnos esse fingunt, vel propter animi mollitiem, vel pusillanimitatem, & timorem. Vnde si conquerantur mulierculæ iuxta solitum morem, multò melius est quàm si non conquererentur. Silentium au-

tem,

rem, & modestia in illis præter consuetudinem, est mali ominis. Itaq; ægrotus nobis nonnulla indicat.

Ex ijs deniq; quæ offeruntur, aut offerri deberent, & ex offerente, quædam diuinamus. Si enim ad aliquē diu ægrotantē accersitus est Medicus, & nullum fuisse ipsi præscriptum medicamentū intellexit, malū non valde graue esse dicet, cum id æger, sine remedijs, pluribus diebus tulerit: morbi tamē longitudinem prædicere potest, ob negligentiam in remediorum administratione cultam. Quod si contigerit, ægro omnia medicamenta iuxta Medicinæ præcepta à perito aliquo Medico præscripta, & propinata fuisse, sed sine fructu, tunc Medicus de nouo accitus absolutē pronunciare poterit Morbum quo æger vexatur, esse verē magnum; Si verò ab imperito Medico medicamenta sine fructu præscripta sunt, morbi magnitudinem, aut longitudinem, siqua adsit, imperitiæ adscribere possumus. Si verò ægritudo remedijs faciliē cedere videatur, morbum leuem, & sine periculo esse dicemus. Et hoc modo, ex oblati, & ex offerente, morbi magnitudinem, & euentum prænoscimur. Oblata enim, sunt remedia: offerens est Medicus, isq; peritus, aut ignarus.

Signa quædam desumuntur ex offerente, & oblati.

Ex his enim dignoscimus faciliusne, an difficilius æger laboret: id est, an leuiter, an grauius ægrotet. Hoc idem adhuc ex sequentibus dignoscemus; nec solum morbi grauitatem, & leuitatem, sed præterea morbi speciem. Ex aëris ergo constitutione morbos, qui grassantur, aut timentur, agnoscimus. Aër enim variè dispositus varias parit ægritudines. Vnde cuius anni tempestati, morbi quidam sunt familiares, & proprij, teste Hippocr. libro 3 aphorismorum. Nec solum anni tempestas, sed cæli status peculiare parit morbos: vt flante diu Austro, quidam oriuntur morbi; Aquilone præter consuetudinem similiter flante, alij suboriuntur morbi. Peculiaris cæli status in vna regione, vel aliquo terræ tractu, morbos etiam quosdam generat. Vnde locus Septentrionem respiciens suos gignit morbos; qui Austro subest, pariter suos: & ita de reliquis locis Orientem, aut Occidentem Solem respicientibus, philosophandum. Ipsa denique natura locorum aliquando morbos indicat: vt palustris, & humida quauis regio, morbos frigidos, catarrhum, & similes. Loca autem sicca calidaq; calidos siccosque morbos nutriunt. Humilia loca suos habēt familiares morbos, habent etiam, & sublimia suos.

Signa quæ ex aëris constitutione colliguntur, sunt varia.

*Signa quæ
à consue-
tutine, à
vitæ gene-
re, & ab
ætate desu-
muntur.*

Ex consuetudine, ex victu, ex vitæ genere, & ex cuiuscunque ætate morbos diuinamus. Itaque quoties quis irasci, aut copiosè loqui, aut assiduo moueri consuevit: & calido vtitur victu; & vitæ genere, est coquus, aut cursor, aut faber, ferrarius: & in ætate versatur calida, sed iuuenili potissimum; biliosis febribus, & affectibus alijs biliosis obnoxius erit. Ex aduerso, si homo aliquis fuerit modestus, mansuetus, ætate frigidus, vitæ genere ociosus, & piger, ac in vmbra degens, aut piscator, & victu refrigerante vtitur, non biliosis, sed pituitosis febribus erit obnoxius. Nec solum ex dictis morbi speciem colligimus, sed insuper morbi constitutionem. Nam morbi calidi in calidis anni temporibus, calidioribus in locis, & à victu calido, ac ætate calida, & vitæ genere calido suscitatis, breuiores sunt, quàm si iidem morbi contraria tempestate, contrarioq; in loco nascerentur, & à victu similiter frigido, vitæq; genere, & ætate, frigidis, excitarentur.

*Varietas
constitutio-
nis morbi à
varietate
contrarie-
tatis oritur*

*Signa ex
sermone, ex
sermonis
modo, &
ex taciturni-
tate desu-
mpta.*

Ex sermone, & eius modis, taciturnitateque, morbi magnitudinem colligimus. Si enim ille qui ex sua natura loquax est, dum ægrotat, silentium obseruat, aut viceuersa ille qui naturaliter taciturnus est, loquax deprehenditur, malum est iudicium. Si verò loquax ex natura sua, suam in morbo exerceat loquacitatem, aut taciturnus suum silentium, mali nihil exinde colligitur. Quod attinet ad sermonis modum, eum Medicus diligenter in ægris obseruare debet. Nam si aliquis æger factus, de alieno vitæ genere attente loquatur, mentis alienationem significat. V. g. si miles nihil de militia diceret, & Philosophum, aut Theologum agere vellet, mente insanus diceretur; similiter si Philosophus, sui muneris factus immemor, militarem attem ad amissum examinare cuperet, delirus proculdubio dicendus foret: Nam nec solito more, nec de solito exercitio quidpiam efflat.

*Discursus
de aliena
materia de
lirium in-
dicat.*

*Imagina-
tiones pra-
uæ.*

Imaginationes prauæ morbi grauitatē indicant; & hæc mediante sermone, & alijs actionibus deteguntur. Mediante sermone Theophilus suam prauam imaginationem astantibus significauit, dum pelli è cubiculo tibicines, qui nullo modo aderant, iuberet. Nutibus tantum ægri prauam imaginationem percipimus, quoties eum videmus floccos carpentem, aut festucas colligentem, aut veluti muscas intercipientem: cum tamen super stragula festucæ sint nullæ quæ auelli possent; & nullæ super sint muscæ, quas venari

posset. Si èrgo falsæ imaginationes superuenerint febribus pessimum est signum.

A somno, & vigilia indicia quædam desumi docet Hippocr. *A somno, & vigilia indicia.* tes libro 2. aphorismorum 1. Quo in morbo somnus noxam adfert, lethale: Si verò somnus profit, minimè lethale. Et aphorismo 2. Vbi delirium somnus sedauerit, bonum. Et aphorismo 3. somnus, vigilia, vtraque modum excedentia, malum.

Ab insomnijs quædã desumi indicia constat: ideoq; ait, quibus, *Ab insomnijs indicia.* & quando Per particulã, quibus, insomniorum species intelligit; per particulam, quando, tempus quo insomnia fiunt. Non licet hîc insomniaj naturã, & causas inuestigare (Insomnia .n. animi visa dicuntur Gal. lib. de dignotione ex insomnijs): modò enim nobis scire sufficit, quædã insomnia esse diuina, quædã naturalia. Diuina sunt illa quæ dæmonis boni, pbiue inspiratione fiunt. Naturalia sunt illa quæ è rerû Phantasmatis nascuntur. Quoties hæc in homine puro, sobrioq; peracta coctione, fiunt, sunt certiora. Galenus in commentario de insomniorum significatione, hac serie loquitur. Nam si quis per insomnium videat incendia, hunc offendit flaua bilis. Si imbres, abundare frigidum humorem declarat: sic fanè, si niuem, glaciem, & grandinem, pituitam frigidam. Siquis infatido loco se esse putet, putredinem humorum: si gallorum gallinaceorum cristas habere, aut rufa quædam, sanguinem exuperare: si caliginosa cernere, aut in locis esse caliginosis, flatus indicat. Plura ibidem habet Galenus, veluti etiam libello de dignotione ex insomnijs; Hippocrates etiam libro de Insomnijs mirabilia de hoc argumenti genere refert.

In contextu habet Hippocr. Euulsionibus, pruritibus, lachrymis, vel vt habet alia versio, vellicationibus, perfrictionibus, lachrymis. *Vellicatio, pruritus, & lachryma, sunt signa.* Vellicatio apud Galenum in commentario, fit quoties quis floccos carpit, aut festucas colligit. Dicitur etiam apud eundem de vellicantibus aliquam sui partem, vbi subest in profundo dolorificus affectus. Et sæpè partem, quæ pus, aut alium continet acrem humorem, vellicant: quæ quidem etiam est nonnunquam nota delirij. Iam quod est deinde scriptum, perfrictionibus, mordaces esse ad cutem humores significat, qui ad scalpendum irritant. Euulsionem autem sunt, inquit Vallesius, velut palpebræ, labij, aut nasi euersio, & genitalium, & testium reuulsio. Lachrymæ oriuntur

Lachryma unde. oriuntur à lippitudine, aut fluxione humorum à capite, vt habet Galenus commentar. 1. Prognost.

Lachryma aliquando mala aliquando non. Aliquoties à vomitione vehementi, aut à multa potione fiunt, vt ibidem Galen. testatur, qui de eodem argumento hæc habet. In oculis verò signa exitiosa post triduū talia sunt: si lucem refugiāt, si lachryment, si peruertantur, si alter altero fiat minor, & candida pars in eis rubra appareat.

Paroxysmi deiectiones, vrina, sputa, vomitus. De forma accessionum libris de febribus abundè dictum. Tertianæ enim cum rigore, quartana cum horrore, quotidiana cum extremorum refrigeratione repetit. De deiectionibus, vrinis, sputis, vomitionibus, in Prognosticis, & aphorismis copiosè dictum est. Mediantibus autem his Medicus quotidie ad interni status cognitionem peruenire solet.

Mutatio morbi in morbum. Postea dicit Hippocr. (Et quæ, ex quibus, in quos successiones morborum, & qui abscessus in exitium vel iudicium) his verbis morborum transmutationes intelligit. Nam dum de successione loquitur, intelligit, vnum affectum de nouo succedere alteri, qui esse desinit. Vnde filium Patri succedere dicimus. Dum ergo vnus morbus in alium desinit, & desinentis, & succedentis naturam considerare oportet. Nam fiunt successiones morborum perniciales, & decretoriæ, siue bonæ, pro ipsorum differentiis morborum, & locis affectis, vt loquitur Galen. Nam, vt ait ille, in morbos successio leuiore, & locos ignobiliores, est salutaris: in morbos grauiore, locosq; principaliore, perniciofa (mutatio, siue successio). Pro abscessu intelligit Hippocrates, mutationem morbi ad salubriorem, aut maiorem: vt si ardens febris in quartanam transmutaretur, abscessus esset salutaris: si verò pleuritis in peripneumoniam mutaretur, esset perniciofa mutatio. In Prognosticis, & aphorismis, ac alibi, cætera contextus verba exposuit plenè post Hippocratem Galenus.

Actiologia. Partem male affectam indicat; actionis læsæ differentia affectum. Superiùs diximus internum affectum ab actione læsa indicari: cum Galeno tamen volui partem affectam mediante actione læsa dignosci, affectus verò à differentiis læsarum actionum colligi. Cæterum, inquit, Galenus in fine capituli 5. lib. 1. de locis affectis, pauca admodum sunt ipsorum affectuum propriæ notæ, quæ simul locum affectum non ostendant. Etenim actionis noxæ affectam duntaxat particulam: earum verò differentia ipsius affectum de-

clarant. Hæc Galeni doctrina manifesta fit ex ijs quæ ab eodem proponuntur lib. 1. de symptomat. causis cap. 2. ubi varias læsiones actionis oculi proponit. Læsiō quidem visionis à cataracta peculiarem indicat morbum; læsiō pariter visionis à vitio nervorum opticorum, peculiarem etiam morbum; læsiō etiam visionis à vitio foraminis vutæ tunicæ nimis coarctati, aut dilatati, distinctas indicat agnitudines. Et ita de reliquis læsionibus citato loco videndis.

Cum Galeno citato cap. 5. lib. 1. de locis affect. Signa quibus pars malè affecta dignoscitur proponere par est. Quinq; in principio capitis recentet notas quibus pars malè affecta dignoscitur. Porro, inquit, sæpenuerò ex vno indicio, simul & locus (siue pars) & affectus indicantur, aut locus vnà, & causa (læsionis). Veluti locorum indicia ab actione læsa, & ijs quæ excernuntur, & positu, & doloris proprietate, ac proprijs symptomatibus sumuntur. Ab actione pars indicatur, vt visio læsa, oculum læsum indicat, siue hæc læsiō per se vel per consensum oriatur. Per se læditur dum corpus oculi est malè affectum: per consensum læditur, quando facultas videndi, aut à cerebro per opticos nervos non transmittitur, vel si Spiritus amandatur is est impurus, aut confusus, aut paucus, aut alio aliquo vitio affectus.

Quinq; fontes e quibus desumuntur signa partis malè affectæ.

Actio læsa partem lædam producit.

Secundus fons è quo signa partis malè affectæ desumitur sunt excreta, seu ea quæ excernuntur extra corpus. Quæ v. excernuntur sunt in duplici differentia: nam quædā particulæ, siue frusta, siue portiones, alicuius partis nō rarò eiciuntur. Et quādo mediātibus his pars latēs dignoscitur, dignosci dicitur per proprietatē essentię. Nonnulla hæc dere proponit exēpla Gal. lib. 1. de locis affect. cap. 1. Si n. corpus quoddam cartilagineū tussiendo expuatur, maximū vlcus ex erosione, vel putredine in pulmone factum esse existimamus. Prius enim morietur animal, quàm tam grandis exulceratio in ipsa aspera arteria, aut bronchijs pulmonum fiet; quia bronchia sunt corpora cartilaginea, dura, & crassa, ac sicca, & frigida, quæ maximè putredini resistūt. In pulmone verò talis exulceratio fieri potest, quòd scilicet hoc viscus ob humiditatem facillè putrescere, & à vitiosis humoribus promptè erodi consueuerit, atque bronchia in ipso exigua sint. Superest ergo vt bronchij portione eiecta dicamus pulmonem, in quo situm habuit, magnum pati vlcus. Aliud proponit exemplum Galenus ibidem. Quin etiam inquit

Excreta partem læsam producit.

Pulmones præ humiditate facillè putrescunt, & à vitiosis humoribus facillè corroduntur.

frustum quoddam vasis haud exiguum tussiendo reiectum vidimus, quod ex pulmone fuisse eductum dissectionis periti manifestè intelligebant. Ex magnitudine portionis vasis eiectionis agnouit Galenus locum malè affectum, id est pulmones; quia venæ aspèræ arteriæ, quæ in collo situm habet, sunt capillares; adeoque valdè exiles. Aliud proponit exemplum rei excretæ, cuius natura, & magnitudo simul locum affectum demonstrant. Et exemplum est de interiori tunica crassi intestini, vt recti, aut coli, cuius portio aliquando in dysenteria excernitur: quæ portio quia lata est vtplurimum, & crassa, crassorum intestingrum à quibus deriuatur Vlcus prodit, nequaquam gracilium, siue superiorum intestinorum, duodeni, ieiuni, & ilei. Rem sequenti serie exponit Gal. Sic itaque quum intestini tunicam per dysenteriam excretam quis conspexerit, quæ & latitudine, & crassitudine ijs quæ à tenuibus soluuntur intestinis maior sit, non ab re exulcerationem in crassis intestinis esse conijciet. Alia exempla satis clara de re eadem eodem capite, & sequenti serie proponit Galenus. Ita cum adolescentulum aliquando tussiendo crassam, ac tenacem tunicam reiicere videremus coniecimus eam internam esse laryngis partem, quæ ligulam constituit; & sanatus est adolescentulus, quamuis id non admodum speraremus, vox tamen illi vitiata est. Prætereà essentiæ proprietates, ea quæ in renibus consistunt vlcera, ab ijs quæ in vesica sunt, distinguit, quemadmodum in Aphorismis scripsit Hippocrates. Si ea quæ in vrinis excernuntur laminarum speciem referunt, vesicæ exulcerationem significant, quæ verò caruncularum formam exhibent, renum. In hoc Galeni contextu notandum est quod de larynge protulit. Larynx enim est gutturis rima quæ parvæ lingue, ratione figuræ assimilatur, vnde ligula communiter nuncupatur. Huius autem rimæ cooperculum Epiglottis, id est superlingua, nominatur: malè autem à Celso lib. 4. cap. 1. lingua dicitur. Nam non humanæ lingue, sed potius fistularum lingue figuram refert, vt ex Galeno colligitur lib. 7. de vsu partium, vbi inquit: Intus in ipso laryngis meatu corpus incumbit, figura quidem lingue fistulam referens: proprietate substantiæ tale, cuiusmodi aliud nihil est eorum quæ corpori insunt. Membranosum enim est, adiposum, & glandulosum. Præter hæc, notandi sunt aphorismi à Galeno citati: dum enim cum vrina excernitur substantia quædam luminosa,

*Præter proprietatem
essentiæ
magnitudo
rei eiectionis
partem affectam
demonstrat.*

*Laryngis
descriptio.*

sa, aut foliata, aut squamosa, vesicæ læsæ indicium est, ut habetur lib. 4. aphorism. 81. Si quis sanguinem, aut pus, aut squamulas meiat, aut grauis odor adsit, vesicæ exulceratio significatur. Aphorif. 76. eiusdem libri renum vitium sic notatur. Quibus cum vrina crassa exiguae carunculæ, aut veluti pili vnà exeunt, his à renibus excernuntur. Et hæc de excretis quæ sunt portiones quædã partium internarum.

*Secundum
genus ex-
creti.*

Secundum genus excreti est illud quod contentum erat, seu id quod interius à partibus quibusdam continebatur, cuiusmodi sunt excrementa, sanguis, & quidquid aliud in aliquo continetur. Exemplum adfert Galenus cuiusdam iuuenis, cui Mitylenis inflatum fuit gladio vulnus, & quidem parti quæ est prope sedem, siue anum. Toto quatrinduo sequenti nihil minxit; demum tamen per vulnus quatuor vrinæ circiter Cotylas (cotyla nouem uncias comprehendit) excreuit. Post excretionem vrinæ per vulnus, à pondere quo prius circa pubem grauabatur, se perfectè liberatum præfatus iuuenis dixit. Manifestum igitur hinc erat, vesicam fuisse ipsi vulneratam. Similiter constat vbi sterces per vulnus excernitur, aliquod intestinorum, sed præcipuè crassorum, vulneratum esse: quemadmodum vbi cibibus ingestus egreditur, in ventriculo cibi receptaculo, vulnus esse monstrabit. Quinetiam tuberculum quoddam supra inguina (supra inguen fortassis sinistrum) ortum ac suppuratum, cum Medicus quidam incideret, sterces subsequutum, in colo abscessum esse liquidò declarauit. Colon autem est præcipuum facum stabulum, in quo ipsæ efformantur. Eodem prorsus modo, quo ex excretionem vrinæ vesicam vulneratam dicimus, & ex excretionem facum intestinum vlceratum vulneratumue colligimus, alias quasdam partes, vulneratas dicemus quoties per eas quid intus latens, exit. Vnde, tametsi solutio continui aliquandò in thorace nos lateat, efflatus tamen spiritus per thoracem, præsertim dum quis loquitur, pro certo nobis, & musculorum intercostalium, & pleuræ vulnus, vlcusue, indicabit. Similiter, si post inflatum thoraci vulnus, pulmonis fibra aliqua, siue lobus visui, tactuiue exterius apparet, thoracem vulneratum, aut apertum esse, protinus demonstrat. Si etiam, post acceptum vulnus in ventre inferiori, per eandem vulneratam partem, omentum, aut intestinorū aliquod exire videatur, peritonæū discissum esse necesse est. De

*Sanguinis
arterialis
exentis
indicium.*

cranio simile pronuntiandum: Nam si post ictum, cerebri portio aliqua exterius appareat, indicium est cranium penitus fractum esse. Ex sanguine etiam exeunte, vas quod continui solutionem patitur, diuinamus: Nam si sanguis exiens pulsando, & saliendo, aut vibrando veluti ciaculatur, arteriam vulneratam esse confirmamus; & præsertim si tenuior, flauiorque eiuscemodi sanguis apparuerit. Sanguis autem, è venis fluens, cum tanta spirituum copia non sit refertus, nec tanto præditus calore, obscurior in suo exitu apparet, nec tanto cum impetu, saltuue, (nisi fortè febris infestet ardens) ac sanguis arterialis, exit. Et hæc de excretis naturalibus, siue de ijs quæ naturaliter in aliquo interiori meatu, aut cavitare continentur.

*Fungi par-
tibus ad-
nati.*

Tertium genus excretorum addere possumus cum Galeno citato capite 1. lib. 1. de locis affectis: qui res quasdam præter naturam intus inclusas commemorat, veluti res quasdam alias, quas adnatas appellat, & utrasque partium malè affectarum indicia esse sine dubio vllò, asserit. Ab adnatis ergo rebus inchoans, ait, cerebri membranam, duram scilicet matrem, in fracturis cranij pati, quoties fungus supernascitur. Galenus commentar. 3. in librum 3. Epidem. fungi naturam sequenti ferie exponit. Propter materiæ crassitudinem in palpebris adnata, non hîc tantum, verum etiam in pudendis extitisse ait, & si qua pars alia fortè exulcerata esset: humorum crassitie, vt dictum est, eiusmodi adnata efficiente. Vocant autem ipsa vulgò fungos. Ex his patet Galenum appellasse adnata partibus, fungos: qui, vt ipse reculit, ex humoribus enascuntur crassis. Cum enim aër ambiens humescit præter modum, in ipsis lucernis fungi oriuntur. Vnde Plinius lib. 18. cap. ultimo lucernarum fungos futuræ pluuiæ indicium esse narrat. Pluuiæ etiam, inquit ille, si in lucernis fungi. Virgilius rem eandem testatur lib. 1. Georgicorum vbi sequentia habet:

Nec nocturna quidem carpentes pensa puellæ

Nesciuerè hyemem, testa cum ardente viderent

Scintillare oleum, & putres concrefcere fungos.

Est & aliud exemplum eorum quæ præter naturam adnascuntur, & quidem ossibus: & Græcis *ωσπορ*, Latinis verò calli appellantur: qui dum ossibus adnascuntur; eadem ossa vitio aliquo laborasse significant. Rursus ramentorum exemplum proponit Galen.

*Pori, siue
calli.*

Ramentum autem est exilis tenuisue particula vi quadam secreta à sua comparte. Quoties ergo quid tale excernitur, loci è quo deturbatur exulcerationem necessario significat. Si ramentum ergo cum vrina eijcitur, pars aliqua per quam vrina permeauit, vlcerata erit. Quibus autem in vrina crassa fursurea simul prodeunt, ijs vesica scabie laborat; referente Hippocrate lib. 4. aphorism. 77. Eodem lib. aphorism. 81. squamulas cum vrina excretas, vlceris vesicæ indicium esse docet idem Hippocrat. Si autem ramenta à regione vreterum, siue meatuum vrinariorum eijciuntur, dolor ibidem adest. Quod si tussiendo eiectum fuerit ramentum, aliquod ex instrumentis respirationis vlceratum esse significat. Si verò vomitione eiectum fuerit ramentum, gulam, aut ventriculū, quæadmodum si cum alui excrementis deijciatur, intestinum aliquod exulceratum esse demonstrat.

Hic sedulò obseruandum, nos vti ramenti vocabulo, iuxta Fuchsi, & aliorum versionem: *φελτις* enim significat ramentum, si. gnificatq; crustulam: hanc vltimam versionem habet Copus, quem in hoc sequitur Vallesius, qui Fuchsiū ignorantia redarguit quod vocem Græcam interpretatus sit ramētum; quia, inquit, non est adnatum de essentia partis: crustula verò est quid vlceri adnascens: adeoq; tertio fonti bene additur crustula, quæ sanè vlcus demonstrat.

Diximus insuper cum Galeno à contentis alienis, alienumue locum occupantibus, desumi partis malè affectæ indicium: & si cui placet hunc constituere quartum modum contenti, & excreti, quo pars malè affecta dignoscitur, non ineptè loquetur. Indicium ergo sumitur ex eo quod est in alieno loco spacioue præter naturam: cuius naturæ est calculus, siue lapis in renibus, aut vesicâ, aut vreteribus: pus in thorace, grumus sanguinis in quocunq; corporis spatio contentus. Hæc enim omnia partes, in quibus continentur, malè se habere indicant. Similiter, quiuis humor molestus prapriusue in ipso animalis corpore genitus, vel extrinsecus ei adueniens, locum malè affectum esse ostendit: Sic ingens inferioris ventris tumor ex aqua inter peritonæum, & intestina contenta, genitus, spatium affectum demonstrat: talis enim tumor præter naturam, hydrops communiter nuncupatur. Vrina etiam retenta tumorem efficit in imo ventre. Humor præterea quiuis spa-

tium aliquod occupans, & tumorem efficiens partem malè affici ostendit. Tales quippe humores intus in corpore quasi semper nascuntur: à rebus tamen sponte assumptis non raro intumescit venter; sicuti à rebus coactè ingressis; vt dum quis submergitur, aqua præter voluntatem haurit copiosam; quâ rursus ventriculus, imo totus venter inferior, totumq; demum corpus repletur. Extrinsecus etiam quandoque aliquis alienus humor venenata qualitate prægnans ex venenatæ feræ morfu, aut ictu, accedit, &, locum in corpore occupans, non leuem indicat labem. Hactenus de excretis, & contentis, secundo fonte vastissimo, vnde quotidie notæ desumuntur innumeræ quibus internæ partes malè affectæ, ipsique affectus dignoscuntur.

*Tertius
fons è quo
partis ma-
lè affectæ
signa eru-
unt.*

Tertius, generalisq; fons, è quo signa partis malè affectæ veniunt, est positus, seu situs partium. Quippe durus in dextra hypochondriorum parte tumor, non lienis, sed iecoris laborantis nota est, que, namadmodum, si tumor fuerit in sinistra hypochondriorum parte, non iecoris, sed lienis malum portendit. Quoniam iecur secundum maiorem sui partem in dextra corporis parte sub extremitatibus costarum, situm habet. Lien autem in sinistro hypochondrio à natura sedem obtinuit: quoties ergo alterutrum viscus obstruitur, & in tumorem attollitur, tumor ille læsum ostendit. Proinde rectè Galenus partes internas mediantibus tumoribus aliquando dignosci superius asseruit. Sed tunc partium situm scire necesse est. Partium deniq; situs summopere iuuat quoties ea quæ excernuntur similia sunt. Nam id quod excernitur in pluribus partibus simile reperitur. Membrana enim multis in partibus internis inuenitur; ex situ autem pars à qua secernitur dignoscitur. Si enim, inquit Galenus, membranosa tunica frustulum excernatur, id exulcerationem esse alicubi ostendit: verum in qua particula exulceratio facta sit, ex positu, seu situ discetur. Quod enim vomendo fuerit reiectum frustum, aut ventriculi, aut gulæ malum esse ostendit. Quod verò tussiendo, aut gutturis, aut asperæ arteriæ. Quod screando, faucium. Quod mingendo, vrinariæ fistulæ. Si autem per sedem, siue anum, alicuius intestinorum. Si per mulieris pudendum, vteri malum significat. Quiuis autem Medicus, harum, cæterarumq; partium situm accurata diligentia prænoscere debet; cum similis sit membrana vnius partis membranae alterius.

Quartus fons signorum quibus pars malè affecta detegitur, à doloris proprietate desumitur. Doloris proprietatem, Franciscus Vallesius hoc modo exponit. Vnde constat decipi Fuchsiū putātem Galenū, vbi inquit, (at verò constat quod singuli dolores) exēpla scribere argumenti sumpti à doloris proprietate. Nam reuera illic nulla mentio fit speciei doloris, siue sit mordēs, siue grauens, siue pungens, sed positus dolentis particulæ, vt non per doloris speciem, sed per suum positū dolens particula dignoscatur, quod breuissimè dixit Hipp. sententiā illa, vbi dolor ibi morbus. Hic frustra contentiosum contra Fuchsiū agit Vallesius, cū Fuchsius Galeni contextū exactissimè sequatur, & Vallesius ipse velit, nolit, Fuchsiū; Galeni verba hanc veritatem confirmant. At constat, (inquit cap. 5. lib. 1. de loc. aff.) quòd singuli dolores pro situs varietate laborantē partē indicāt. Hoc etiā modo ea quæ prædicta sunt (de frustulo membranæ per varias vias eiecto loquitur) distinguuntur. Quippe cum in vomitu apparent vlceris notæ, animaduertendum est vtrum anteriores partes iuxta hypochondrium, aut posteriores circa dorsum, dolor aliquis infestet. Qui enim in anterioribus fit dolor, iuxta ventriculum est: qui verò in posterioribus, gulam occupat. Atqui, & os ventriculi, à capacitāte ipsius, & gula similiter distinguetur; si deuoratis acribus, hoc quidem in ore ventriculi, aut parte inferiore mordicationem excitet. illud verò in transitu qui per thoracem est. Hæc enim omnia situ distinguuntur, quæ admodum alia ex doloris specie (siue proprietate, vt habet alia versio.) De doloribus verò latius in secundo libro dicemus. Hæc Galenus.

Fuchsius, fateor, in commentario statim facit mentionem proprietatis doloris, dum inquit; Quartò laborans particula à proprietate doloris ostenditur. Id enim ideo dixit, quia Galen. in contextu proprietatis doloris meminit. Nam Fuchsius rem statim iuxta Galeni verba exponit dum consequenter ad eius modò citata verba hac serie loquitur. Singuli namque dolores pro varietate situs, laborantem indicant locum. Quod exemplo eorum quæ de gula, & ventriculo dicta sunt, palàm fit. Hæc enim ita distinguuntur. Quum in ijs quæ per vomitum reijciuntur, vlceris notæ apparent, animaduertendum erit, vtrum anteriores iuxta hypochondrium, an posteriores partes circa dorsum dolore aliquo infestentur.

Quartus fons quo partis malè affectæ signa deteguntur.

Immeritò Fuchsiū reprehendit Vallesius.

tur. Si enim in anterioribus partibus percipitur dolor, ventriculū molestat. Is namque totam regionem inter iecur, & lienem vacuā, complectitur. Si verò in posterioribus, gulam occupat dolor. Nonne his manifestè indicauit Fuchsius se Galeni doctrinam sequutum; vt etiā longè post in eodem commentario innuit, aiens: Omnia enim hæc situ distinguuntur, quemadmodum alia ex doloris specie. Vallesius ipse in suo commentario ex doloris specie, aut proprietate vnà cum Galeno, & Fuchsio, partem malè affectam dignosci asseruit, aiens: Tamen ex doloris proprietate cognosci nonnunquam patientem locum, nonnunquam passionem facillè fuerit exemplis indicare. Dolor pungens significat inflammationem pleuram, dolor grauans laborans hepar, dolor pulsans inflammationem. His constat Vallesiū admississe Galeni doctrinam à Fuchsio fideliter enarratam. Gratis ergo, & contentionis gratiā Fuchsio aduersatur. Nam, absque dubio vllo, ex doloris proprietate diuersitas affectuum dignoscitur, vt superius cum Galeno docuimus: imò & partium affectarum varietas ex doloris similiter varietate dignoscitur. Dolor enim punctorius in membranis perfititur, nec solum pleuræ competit, sed peritonæo, & alijs. Iecoriv., renibus, & pulmonibus, cæterisque partibus parum sensibilibus dolor congruit grauatiùs dictus: qui etiā à copia humorū superfluum non rarò oritur: vt compertam habent plethorici, siue ij qui nimio sanguine sunt infarcti: è quo superfluo totum corpus adeò grauatur, vt segnitie laboret, & lassitudine dicta: quæ nimirum non à motu violento, aut laboribus, sed ab interna repletione generatur.

Cum hæc vera sint, paulò altius de exēplo à Gal. proposito, cuius cognitio in praxi Médica perutilis est, & necessaria loquendū. Ex situ ergo varias dolētes partes cōprehendimus. Quoties ergo in anteriori parte ventris inferioris paulò infra cartilagine m xyphoidem perfititur dolor, ex situ colligimus talem dolorem in ventriculo esse. Si verò immēdiatē sub cartilagine xyphoide dolor extet, ventriculi orificium dolet: Si dolor in via, quæ est ab ore per thoracem iad ventriculi orificium vsque, percipitur, signum est in gula, siue œsophago doloris causam exitere. Modum explorandi locum, siue partem, dolore affectum, ostendit Galenus dum persuadet deuorandum, aut deglutiendum esse aliquid quod sit acre

*Vallesius
merito per-
stringitur.*

(ut acetum, acidumue quid; vel porrum, vel capra, vel quid salsum, aut consimile): quod acre deglutitum, in illo transiit qui per thoracem fit, qui gula aut œsophagus dicitur, dolorem in parte eius quæ ulcere, aut solutione continui magna, paruaue, aut intemperie potissimum calida, frigidaue afficitur, dolorem excitat: si causi doloris in ventriculi orificio fuerit, in eodem orificio dolor tunc excitabitur: si infra ventriculi orificium, in ipso ventriculi corpore.

Ut hæc doctrina melius percipiatur, œsophagi, orificij ventriculi, & ipsiusmet ventriculi situm obseruare oportet. *Qua de re* <sup>*Œsophagi
siue gula
situm.*</sup> fusè Galen. lib. 6. de vsu partium capitibus 5 & 6. Œsophagus autem supra mediam vertebrarum ceruicis, & supra reliquas inferiores eiusdem ceruicis vertebrae, & quatuor primas vertebrae dorsi, ad quintam usque rectâ deorsum, trachææ arteriæ subtenus deducitur. Postquam verò ad principium quintæ vertebræ thoracis peruenit, aortæ, siue magnæ arteriæ cedit, & versùs dextrum latus ab eadem declinat, medium vertebrarum locum hæc, id est magnâ arteriâ occupante, donec ad nonam dorsi vertebram deuentum est. Tunc gula, seu œsophagus (quem stomachum propriè Græci appellant, teste Galeno lib. 13. Methodi Meden. cap. 17.) sursum (versùs scilicet anteriorem partem, seu sterni finem) à vertebra, eleuatur, (ne dum cibus per eum transir, magna arteria, siue aorta, comprimatur) & versùs sinistram latus nerueam diaphragmatis, siue septi transuersi partem pertransit, & in ventriculi orificium desinit. Ex his constat gulam spinæ superiacere, & accumbere usq; fermè ad orificium ventriculi: Quamobrem, quoties eadem malè affecta est, cataplasmata retro supra spinam dorsi esse adhibenda, non autem ad pectus, suadet ratione duæ Galenus lib. 13. Methodi Meden. cap. 17.

Superest exponendus quintus fons signorum quibus partem malè laborantem cognoscimus. Locus ergo malè affectus proprijs symptomatibus aliquando detegitur. Ore quidem ventriculi laborante, siue malè affecto, fastidio laborantes corripiuntur: quoniam malè affecto ventriculi orificio, appetitus deijcitur, & æger fit anxius, fame, quæ ad animalis conseruationem à natura est instituta, deficiente. Hoc symptoma, fastidium scilicet, febricitantibus familiare est, in quibus varij humores funduntur, & ad ventriculum, cuiusque orificium, transmittuntur, tam ab hepate, quam

*Quintus
fons è quo
signa par-
tis malè af-
fectæ crui-
tur.*

*Fastidium
febricitan-
tibus fami-
liare.*

*Proprium
symptoma
quid.*

alijs partibus: imò ipsum ventriculi orificium tunc veluti resoluitur ab extraneo calore febrili; & à calore simul humorum calidorum, putridorumue eò ab hepate, & alijs partibus reiektorum. Fastidium itaque proprium oris ventriculi symptoma constituit Galen. citato cap 5. lib 1. de locis. affectis. Proprium verò symptoma ex Galeno lib. 1. de Crisib. cap. 5. est illud quod simul cum morbo inuadit, & incipit. Aliud symptomatis proprii partis malè affectæ exemplum proponit Galenus, dum ait: Per iecoris verò imbecillitatem, loturæ carniū similia per inferna euacuantur. Quia nimirum imbellè hepar proprio calore destitutum, non probum, sed aquosum conficit sanguinem; qui sanguis aquosus, & nimis fluidus quoquouersum præterlabitur, ad vias per quas hepar se expurgat, vt per secessum, & vrinæ ductus. Vnde in hydropicis, & in ijs qui ad hydropem sunt propensi quotidie conspicimus vrinas excernitinctas rubore, veluti ea quæ per secessum deturbantur excrementa, similiter sanguinolenta, & aquæ, in qua caro recens mactata lota fuit, per similia. Tertium proprii symptomatis exemplum à Galeno propositum, est genarum rubor; ex quo pulmones inflàmatos esse colligimus. Et hæc de signis partis malè affectæ sufficiant.

*Trisariam
morbus di-
citur ma-
gnus.*

Post signa affectus præter naturam, & signa partis malè affectæ, signa essent proponenda Morbi Magni, morbi maligni, & morbi acuti, ac morborum his oppositorum; veluti adhuc signa temporum morborum. Sed horum omnium cognitionem hauriet, qui volet, ex ijs quæ à nobis dicta sunt lib. 1. nostræ Pathologiæ capite 6. Morbus verò magnus ex Galeno lib. 4. Methodi cap. 6. tripliciter dicitur. Primò, propter partis excellentiam eiusdem partis morbus magnus dicitur. Vnde morbi cerebri, cordis, & hepatis, magni dici possunt. Secundò, morbus dicitur magnus ex sua essentia, & natura: vt magnum in quauis parte vulnus, magnum corporis incendium, siue febris ardens. Tertiò morbus dicitur magnus propter ipsius cacoethiam, siue malum morem, aut malignitatem. Quæ malignitas à causa maligna nascitur; vt à veneno, atra bile, excellenti putredine, & alijs huiusmodi pessimis causis. Galeni verba sunt hæc: Nam cum triplici genere morbus quisq; sit grauis, aut propter præcellentiam partis, aut propter affectus magnitudinem, aut propter ipsius cacoethiam, omnium horum meminit Hippocrates, vbi de purgatione egit.

Galenus autem in textu, Græca vititur voce *πάθος*, id est vitia, siue passionēs: quas, ob præstantiam partis, genere magnas dici docet, etsi aliquoties in specie parua sint. Vnde febris Ephemera, quatenus est in genere morborū cordis, magnus morbus dici potest: quamquam sit species febris benigna satis, & periculo vacans. Nomine partis præstantis, aut præcellentis, censendæ non sunt solæ partes principes, sed quælibet pars quæ ad vitam simpliciter necessaria est, aut ad viuendum maximè utilis. Vnde pulmo, & ventriculus inter præstantes partes locum merentur. Si celebritatem denique actionis perpendere licet, oculum visionis instrumentum, præstātem partem appellabimus, veluti etiam aures: Nam in vtrisque actiones eduntur prænobiles; & homini ad discendum valdè congruæ. Morbi ergo lædentes talium partium functiones magni absque dubio dici possunt.

Pars præstans quæ.

Quid morbus magnus sit, in Pathologia exposuimus: & Galenus paucis comprehendit libro 1. de Crisibus cap. 2. vbi magnitudinem morbi, vehementiam appellat. Libro 3. de Crisibus cap. 4. rem eandem repetit, aiens: Dictum autem, & prius est, quod siue vehementiam, siue magnitudinem morbi, quispiam velit nominare, nihil differt. Libro de Constitution. Artis Medicæ cap. 16. signa magnitudinis, & moris morbi scripsit: Magnitudo quippe, inquit, ex affectionis, quæ in illis est, & symptomatum præterea illam consequentium magnitudine, innotescit: Mos, à morbi differentia, symptomatibusq; insequentibus comprehenditur. Eodem libro, cap. 18. morbi magnitudinem ex suis symptomatibus dignosci ait.

Morbus magnus & morbus vehemens sunt idem.

Mos morbi unde deprehenditur.

Galenus passionēs magnas, propter cacoëthēiam appellauit. Et quidem meritò de passionibus in genere, siue de affectibus præter naturam in vniuersum loquutus est. Quoniam causa morbi aliquando maligna est; ipse morbus malignus etiam appellatur, & symptomata quandoq; maligna dicuntur. Morbos quosdam esse malignos, omnes vnanimiter concedunt. Maligna pariter admittit symptomata Hippocrat. lib. 1. Protrhet. textu 14. dum inquit, tremores superuenientes ijs, qui ob melancholiam delirant, malignum esse Signum. Galenus etiam lib. 4. methodi cap. 4. docet quibusdam morbis accidere, vt sint maligni. Vnde cum morbis sola accidunt symptomata, superest vt hæc maligna dici quear.

Morbus, eius causa & symptoma maligna esse possunt.

Quod confirmat Galen. Commentario 2. in librum 1. Epid. textu 75. vbi quædam symptomata ab Hippocrate enumerata, vt rigores, sudores, pauores, vigilias, quietis, sitisq; vacuitatem, & alia quædam, esse maligna valdè ac lethalia. Quod verò causæ morbi malignæ dicantur, patet ex comment. 3. Prognost. textu 37. vbi Galen. inquit, atram bilem, quæ ex bilis adustione oritur, esse malignam. Et lib. 4. Methodi cap. 5. supponit vlceris difficultatem curandi ex maligna fluxione fieri. Lib. deniq; 4. aph. comm. 43. docuit Galenus febres quasdam ex maligna humorum putredine nasci. Lib. 1. de different. febr. febrem pestilentem à putredine oriri docuit. Ex quibus omnibus constat morbum malignum dici ratione humoris maligni, & symptoma malignum dici propter morbum, & causam. Hæc dicere volui, vt clarius euadat quod superius dixit Galen. de magnitudine morbi, seu de morbo magno.

Signa temporum morbi.

Quod attinet ad quatuor morbi ætates, siue tempora, videnda sunt, quæ de ijs in nostra diximus Pathologia. In quouis salutari, materiali; morbo, quatuor ætates admittendas esse, concedunt vnanimiter Authores. Ga-

*In morbis
salutari-
bus qua-
tuor sunt
tempora.*

*Aegri in
incremento,
& statu
moriuntur.*

*Trisaria
principii
dicitur.*

lenus lib. 1. de Crisibus cap. 2. vniuersi morbi, vniuersalia hæc quatuor tempora proponit. Sunt enim, inquit, omnia eius (morbi scilicet) tempora quatuor numero, Principium, Incrementum, Status, & Declinatio. Quædam verò agnitudines, ob earum malignitatem, atq; ob ægrotantis imbecillitatem, statim in tempore incrementi hominè occidunt: sicut, & quædam aliæ in ipso statu. Rursus docet Galenus, hæc quatuor tempora non esse æqualiter longa in omnibus, sed in breuioribus morbis esse breuia, in longioribus longa. Denique scire oportet, Principium morbi tripliciter accipi. Primò, pro prima morbi inuasionem sensibili, siue pro primo insultu morbi, quo actiones sensibilibiter lædi incipiunt: à quo insultu enumerari debent dies Critici. Huius acceptionis meminit Galenus lib. 1. de Crisib. cap. 4. & 6. Secundò, Principium accipitur pro tempore trium dierum primorum morbi: cuius meminit, Galenus lib. 1. de Crisibus cap. 7. Hoc sensu principium ab Hippocrate accipitur lib. 2. Aphor. 29. vbi ait: Incipientibus morbis siquid

mouendum videtur, moue: vigentibus autem quiescere multò præstat. Et sequenti Aphorismo 30. Circa initia & fines morborum remissiora sunt omnia: vigentibus verò vehementiora. Et lib.

1. Aphorism. 12. Quin etiam per ea quæ mox apparent, eadem iudicantur, velut in Pleuritide laborantibus, si sputum statim appareat inter initia, ipsam abbreviat. Et aphor. 24. eiusdem libri: *Sputum mox in pleuritide apparet.*

In acutis morbis rarò, & in principijs, medicamentis purgantibus vtendum, &c. Et aphor. 22. eiusdem: Concocta medicamento purgante educenda, & mouenda, non cruda, ni materia turgat.

Item lib. 4. aphorif. 22. Morbis quibusuis incipientibus, si atra bilis supra, infraue exierit, lethale. Itè lib. de Vi&. ratione in morb. acut. comment. 2. tex. 45. in connumeratione quorundam vehementium accidentium, subintulit: Hæc autem si in principijs ap-

pareant, vehementissimum delirium ostendunt, vt plurimum autem moriuntur. Lib. 2. Epidem. Sect. 1. Circa morborum principia considerandum, si statim morbus florescat. Hæcenim omnia loca intelligèda sunt de principio, siue initio, siue inceptioe mor-

bi, quæ ad tertium vsq; diem vt plurimum extenditur, teste Gale-

no lib. 1. de Crisib. cap. 7. imò ad quartum diem ex Capite 6. Principio ideo sanguinem trahere, clysterio vti, & si res vrgeat, purgare possumus, ex Galeno libro de totius morbi temporib. cap. 2.

Tertiò principium accipitur pro toto illo morbi tempore, quo cruditas apparet, & nulla videntur Co&tionis, aut putrefactionis signa. Galenus lib. 1. de Crisib. cap. 20. ait: Cùm iam hoc tibi sine vlla dubitatione constabit, quòd vniuersum illud tempus, in

quo nullum est manifestum co&tionis signum, primum est ex quatuor morbi temporibus, quod nos Principium nominamus. Libro de totius morbi temporibus cap. 2. in calce eandem habet do-

ctrinam.

Augmentum verò morbi est illud tempus, quo symptomata maiora, aut plura fiunt; & co&tionis, aut putredinis signa appa-

Augmentum quid.

rent. Loquor cum Auicenna fen. 1. quarti, tracta. 1. cap. 3. qui loco cruditatis facit mentionem putredines, dum refert nulla co&tionis, aut putredinis signa in principio apparere. Vult enim co&tionem non solam opponi cruditati, sed insuper putredinem. Et sanè meritò; nam licet cruditas co&tionem opponatur, & putredo

aliquo pacto sub cruditate contineatur, cruditas maximè in mor-

bi principio apparet. In febribus verò multis, & lethali-
 bus, nulli coctionis indicia in excrementis appareant, hæc putrida,
 quàm cruda magis congruè dicuntur. Nam ex Galeni sententiâ,
 totū tempus cruditatis, in morbis scilicet humoralibus, principiū
 dicitur: & iuxta eiusdem Galeni doctrinam, homines in statu, aut
 declinatione moriuntur: quibus in temporibus si coctionis signa
 adessent, nequaquam fortassis morerentur. Nam signa coctionis
 bona semper esse passim affirmat Galenus. In febrium ergo putri-
 darum augmento, & statu, si non apparent signa coctionis in ex-
 crementis, hæc putrida quàm cruda rectius dicuntur. Status mor-
 bi, in quo symptomata maxime, & constanter sæuiunt, & coctio
 perficitur, ac putrefactio: nam à Calore mixto, natiuo scilicet, &
 febrili, omne opus, febre infestante, efficitur: ab illo coctio, ab hoc
 putrefactio. Declinatio est tempus morbi, quo cocta apparent
 cuncta, & symptomatum sæuitia desijt. Galenus lib. 1. de Crisib.
 fusè satis modum exhibet dignoscendi quatuor hæc vniuersalia
 morbi tempora. Quoniam tamen principium, & declinatio mor-
 bi, sunt mitiora reliquis duobus intermedij temporibus, ascensu
 videlicet, siue incremento, siue augmento, & statu, de his vltimis
 accuratius agit. Omnia enim symptomata, vt dixi, in principio, &
 fine morbi, sunt mitiora, benignioraq;: nam in declinatione suum
 deposuit feruorem morbus, & in principio, feruorem, aut vhe-
 mentiam nondum acquisiuit.

*Status
quid.*

*Declina-
tio.*

*Incrementum febrium
int remissionem non
ex sola accessionum
anticipatione colligitur.*

Dicit ergo Galenus cap. 3. cit. lib. 1. de Crisib. ex sola accessio-
 num anticipatione augmentum morbi non colligi: seu anticipa-
 tionem accessionum non esse augmenti certum indicium: cum &
 quartani, & tertiani, & quotidiani quidam circuitus vsq; ad inte-
 gram harum febrium solutionem ita anticipare visi fuerint; vt ci-
 tato cap. testatur Galenus, & frequens docet experientia. Nun-
 quid igitur morbus augeatur (inquit Galen.) non ex eo tantum
 coniecturari oportet, quòd accessiones anticipet: sed etiā earū lon-
 gitudinem oportet annotare, & magnitudinem quoque, ac mo-
 rem, qui cum symptomatibus, v.g. vel sine his, euenit: sicut etiam
 in intermissione: & de declinatione hæc eadem existimo confide-
 randa. Voco autem intermissionem (Græcè διάλειμμα) quando
 febris in quietem desierit: declinationem, omnem eius partem
 quæ statum ipsum subsequitur, vsque ad secundæ accessionis prin-
 cipium.

cipium. Et paulò post ait: Conuenit autem non solum aduertere,
 nunquid secunda accessio consuetam anticipauerit horam, sed
 nunquid etiam longitudo temporis eadem, aut magnitudo æqua-
 lis; aut, quæ nunc adest accessio, sit malignior, aut simplicior. Hæc
 ipsa etiam sunt in intermissionibus, & declinationibus inspicien-
 da. Longitudinem quidem temporis facillimum est cognoscere: *Magnitu-*
 magnitudinem verò, quam & vehementiam vocant, & morem, *do, & mos*
 quem etiam modum appellant, tum ex propria morbi specie, tum *morbi quo-*
 ex superuenientibus ei symptomatibus spectanda censeo. Ex pro- *modo d-*
 pria quidem morbi specie, ea quæ propriam ipsius complent natu-
 ram, contemplando: veluti, exempli causâ, in Pleuritide, ad la-
 teris dolorem pungentem, & febrem acutam, & tussim, & spiran-
 di difficultatem. Ex superuenientibus verò symptomatibus, si mul-
 ta, si diuturna, & valida, atq; maligna etiam extiterint: aut con-
 tra, pauca, ac breuis temporis, & parua, & simplicia fuerint: sic &
 intermissionis, ac declinationis tempus, si longius præcedente, vel
 breuius: aut toleratu difficilior, vel facilius: aut si quod ex acces-
 sione symptoma remanserit, aut omnia cessârint. Si enim ijs, quæ
 diximus, adsint peiora, morbus augetur manifestè: si verò melio-
 ra, declinat. Sit enim vt accessio consuetam anticipet horam: lon-
 gior etiam fiet, atq; vehementior, maligniorque: & cum multis,
 prauisq; symptomatibus perturbet: sit etiam, vt declinationis tẽ-
 pus breue fiat, neq; exquisitè toleratu facile, neq; omninò à sym-
 ptomatibus accessionis liber: neminẽ futurum arbitror, qui de
 huiusmodi ægrotantibus quærat, nūquid morbus in eis ad magni-
 tudinem crescat. Rursus verò fiant omnia his contraria, nimirum
 ipsius insultus initium tardet: longitudoq; accessionis, ac magni-
 tudo imminuatur: malignitas mitigetur: & ea, quæ superueniunt *Augmenti*
 symptomata, minora, simplicioraq; fiant, vel neq; omninò super- *ac declina-*
 ueniant; intermissio etiam, vel declinatio toleratu facilis, longaq; *tionis Si-*
 succedat, omniaq; debeat accessionis symptomata: nam & hæc ma- *gna.*
 nifestissima sunt declinationis indicia, sicuti priora augmenti. Cũ
 verò, quæ ad accessiones ambas pertinent, æqualia fuerint, mor- *Vigoris si-*
 bum consistere demonstrant. Nunquid igitur plus, quàm erat oportu- *gna.*
 num, a nobis est dictum? aut aliquid ab Hippocrate prætermis-
 sum (lib. 2. Epidem. sect. 1.) vbi docet, quo pacto quispiam ex cir-
 cuitibus inueniat ægritudinis incrementum? Attenim. Accessio-

Hippocratis verba exponitur.

nes esse inuicem conferendas: si citius fiant, vel non: si in longius tempus, vel non: si deniq; magis, vel non: Hoc enim verbum, citius, vel non, nihil aliud ostendit, nisi vtrum accessio horam consuetam anticipauerit; vel tardior facta sit. Illud autem, in longius tempus, vel non, nunquid longius perdurauerit tempus, an breuius. Illud verò, magis, vel non, reliqua omnia, quæ à nobis explicata sunt, in se comprehendit: nam, & magnitudinem, & morem ipsius morbi, & superueniētia ei symptomata, eorumq; insuper numerū, in eo, quod dicitur magis, ac minùs, comprehendi existimes: Sic & declinationis (vt quæ, & ipsa sit totius accessionis pars) magis, ac minùs ex eisdē inuenire oportet intētionibus. Incremēti itaq; & ascensui; & augmenti (his enim omnibus nominibus, secundum ægritudinis tempus appellant) si citius fiat accessio, si longiori tēpore dureret, si magis etiam, indicia sunt: sicuti his cōtraria, declinationis signa ostendunt, si videlicet tardius fiat accessio, si breuiori tempore dureret: sitq; omninò præcedente accessione debilior. Statum v. indicant, si in eisdem permanēant, atq; persistant. Et quidem sæpè in morbis nullum sensibile tempus inuenitur huiusmodi, sed habente adhuc quarta (si ita contigerit) accessione indicia augmenti, quinta superueniat accessio, declinationis principiū: quoniā videlicet status momentaneus extiterit adeo, vt nemo, cūm adesset, agnouerit, sed, vt exquisitè dignoscatur, primum declinationis tempus sit necessarium. Simile quiddam etiam accidit in morborum augmentis: nam interdum prior accessio principium simul habuit, & ascensum, & statum; scilicet in prima sui parte principium, deinde ascensum, postremò verò statum: deinde secunda accessio manifestè visa est declinare.

Status aliquando momentaneus, sicuti principium in quibusdam morbis per acutis, teste Galeno.

Galenus hic expositor non eget, qui accuratè, & prolixè modum dignoscendi tria morbi tempora, augmentum, statum, & declinationem, adinuenit. Principij verò signa faciliè ex dictis colligentur. Vnde Galenus lib. 1. de Crisib. cap. 9. inquit. Sicut igitur non habetur exquisita principij cognitio, antequā incipiat ascensus: ita neque ascensus, antequā status inuadat. Hinc colligitur, cognito ascensu, & statu, siue vigore morbi, faciliè cognosci principium. Libro de totius morbi temporibus cap. 2. cruditatem statuit principij caracterem; eandem posuit doctrinam libro 1. de Crisib. cap. 18.

Totum tempus cruditaris dicitur principium.

Galenus libro 1. de Crisibus cap 5. & sequentibus, ostendit, *Costio, & cruditas morbi tempora distinguunt.*
 Hippocratem ex coctione, & cruditate, desumpsisse distinctiones quatuor temporum vniuersalium morbi. Libro de totius morbi temporibus cap. 3. Hippocratem ipse sequitur, & Tumorum præter naturam tempora distinguit.

Ex essentia ergo morbi, ex symptomatibus, coctione, & cruditate, morborum tempora veniunt: quibus addit, & merito, Galenus cum Hippocrate lib. 1. aphor. 1 2 anni tempora: Nā anni tempora abbreviant, aut producunt morbos, & consequenter morborum tempora: vnde Hippocr. lib. 2. aphorismorum 25. ait: Æstiva quartana magna ex parte breues sunt: autumnales verò longæ, & præsertim quæ ad hyemem attingunt. Sic pariter, & omnis morbus alius æstate quidem brevior, hyeme verò diuturnior. habet crism: & principium sic æstate brevius, hyeme verò longius habebit: similem quoq; seruabit in alijs temporibus intermedijs proportionem. Sic quidem & anni tempora morborum constitutiones prænunciant, vt cap. 4. primi de Crisib loquitur Galenus. Certum enim est tempore calidiori humores esse tenuiores, & crassos facilius attenuari, & corporis meatus esse apertos, & idoneos, vt per eos fiat superfluitatum euacuatio. Hyeme verò his contraria accidunt: proinde morbi prorogantur.

Similiter morbi calidi, morbiq; omnes acuti, tempora morbi breviora fore indicant: è contra morbi longi sua habent tempora nimis protracta.

Accessiones ad inuicem collatæ, tempora morbi vnà cum reliquis superius expositis, indicant: & modo à Galeno proposito, ac à nobis paulò ante traducto.

Vtilitatem cognitionis temporum morborum lib. 1. de crisib. Galenus exhibet, sed accuratè lib. de totius morbi temporibus cap. 8. & vltimo. Loquendo autem de medicamentis, docet, in vigore morbi ea præpollere debere, quæ vim habent mitigandi eiusdem morbi vehementiam: in principio autem, & fine morbi, adhibenda esse medicamenta vehementia, siue magna, præcipit. Et quidem quia his temporibus non ita naturam vexat morbus cum suis symptomatibus, sicuti in augmento & vigore: Etenim (inquit, aphorismum 30. lib. 2. pronuncians) circa initia, & fines, omnia imbecilliora sunt: in vigore fortiora, quæ hæc intercedunt tempo-

Vtilitas dignoscendi tempora morborum.

ra morbi, medio ordine cōsistunt tempora, quæ inter principium vigorem, & finem intercedunt, explicat ibidem Galen. Quæ namque partes morbi principio eiusdem quàm vigori sunt magis vicinæ, & fini siue declinationi quàm vigori, siue statui, sunt mitiores illis partibus quæ vtrinque ad vigorem magis accedunt: partes verò morbi quæ æqualiter distant à principio, & vigore, & à fine morbi ac eodem vigore, medio modo se habent. Vnde inter mendandum hæc diligenter obseruanda. Vt etiam victus debite administraretur, temporum morbi cognitio est protenus necessaria: nam alendum pro vt morbi vigor differtur, aut citò apparet. Omnimodè autem à cibo abstinendum (dummodò vires id tollerent) quoties morbi vigor intra breue tempus accessurus est: Si verò non nisi post longum tempus accedere debet, statim à principio æger alendus est, ne vires deficiant, & ille demū hosti succumbat. Hanc doctrinam pluribus aphorismis expressit Hippocr. lib. 1. aphorismorum: in cuius 10. rem. concludens ait: Quibus igitur statim vigor adest, tenuiter alendi: quibus verò postea vigor futurus est, ijs sub illud tēpus, & paulò ante subtrahendum. Prius verò vberius alendum, quo durare possit æger. Sed hæc de vniuersalibus morbi temporibus, siue permutationibus sufficiant: ex quorum cognitione particularia accessionum tempora (de quibus Galenus peculiari libro cui hic præfixus est titulus, de morborum temporibus) colliguntur, iuxta quorum diuersitatem cibus etiam conceditur, vel subtrahitur, vt lib. 1. aph. 11. & 19. præcipit Hippocr.

C A P V T XIX.

De Signis status neutrius.

Ex hæctenus dictis non erit difficile neutrorum signorum naturam eruere: cum sint signa mediæ naturæ inter signa status sani, & signa status ægri, aut insalubris, vt quibusdam placet: qui Galenum sequuti, statum neutrum, inter benè sanum, & insalubrem collocant; licet reuera varijs in locis statum neutrum reposuerit inter sanitatem, & morbum. Vt res hæc clarior euadat, repetenda sunt nonnulla ex Arte Medicinali, in cuius cap. 2. ait salubre, tripliciter dici, insalubre similiter, & neutrum. Nam salubre dicitur corpus, salubris dicitur causa, & salubre dicitur signum:

Salubre tripliciter dicitur: item insalubre, & neutrum.

fini.

similiter insalubre conuenit corpori, signo, & causæ: neutrum pari modo dicitur modò corpus, modò causa, modò signum.

Capite 3. eiusdem libri ait vnumquodq; subsequentium, Effectiuum scilicet, id est, causam, indicatiuum, id est signum, & susceptiuum, id est corpus dupliciter dici, simpliciter, & vt nunc. Aristot. libro 1. Elench. aliquid simpliciter esse tale asserit, quod tale est absq; vilo addito, & omni quidem tempore: vt homo simpliciter est risibilis. Id verò, quod non est simpliciter tale, dicitur esse secundum quid tale, v.g. Aethiops est albus, non simpliciter, sed secundum dentes. Vnde secundum partem tantum dicitur albus. Secundum tempus verò aliquid dicitur tale, vt quando aliquid nunc est tale, quod tamen semper non est huiusmodi. Vt Petrus naturaliter pallidus, dicitur nunc rubicundus, vel quia erubescit, vel quia ab interna, aut externa calefaciente causa exandescit. Dicitur aliquid secundum quid tale ratione, vbi, vt aliquid bonum, & conueniens dicitur esse in domo, aut templo. In ordine, ad aliquid, dicitur aliquid secundum quid tale, vt id quod temperatum est, frigidum esse dicitur respectu eius, quod est intense calidum. Galen. hanc doctrinam obseruans, salubre simpliciter appellat id omne, quod omni tempore est tale. Salubre verò vt nunc, dicitur aliquid, quod presenti tempore, & non semper est tale. Similiter, insalubre, dicitur simpliciter, aut vt nunc tale: neutrum pariter est simpliciter, vel vt nunc tale. Loco enim effectiui, indicatiui, & susceptiui, vtor salubri, insalubri, & neutro, quia ita clarior euadit oratio, & id ipsum dicere in contextu voluit Galen. licet effectiuum sit causa, indicatiuum signum, susceptiuum, corpus; de horum tamen vnoquoq; dicitur salubre, insalubre, & neutrum.

Simpliciter & vt nunc.

Simpliciter, & secundum quid tale.

Docet adhuc eodem cap. Galen. ipsum, simpliciter, duobus modis dici, & quod semper tale est, quale dicitur, & quod vt multum, siue vt plurimum, tale est, quale etiam nuncupatur. Nos cum Galeno superius exposuimus has præcipuas differècias corporis sani.

Simpliciter bisaria dicitur.

Rursus in capite docet, Neutrum dici de causa, de corpore, & de signo, & vnumquodque horum dici simpliciter tale, & vt nunc etiam tale. Et horum præterea vnumquodque in tria genera di-

Neutrum est simpliciter tale, vel vt nunc tale.

*Neutrum
simpliciter
& ut nūc
est triplex.*

*Neutrum
secundū ge-
neris sub-
diuiditur.*

tionem extremorum. Secundum genus neutrius dicitur neutrum, quod est vtriusque extremi particeps; & dicitur neutrum per participationem contrariorum. Tertium genus neutrius est illud, quod aliquando est particeps vnius contrarij, aliquando alterius. Secundum genus neutrius iam expositum, rursus subdiuiditur in neutrum, quod ex æquo extrema participat, & in neutrum, quod aliquando plus vnius extremi, quam alterius est particeps. De corpore neutro cap. 6. Artis Medicæ fusè tractat Galenus.

De signis neutris, cap. 7. eiusdem libri à nobis in superioribus scripto. Copiosius tamen, & perspicacius neutra signa enumerat capit. 82. & 83. Artis Medicæ, & capite 19. lib. de constitutione Artis Medicæ. Ex quibus vnusquisque quamplurima signa neutra colligere poterit, cum nimis prolixum esset integræ illa capita huc transferre. Vtrobique enim monet Galenus signa illa neutra non statim indicare aliquem in morbum casurū, donec læsio actionum tanta fuerit, vt à solito functionum exercitio hominem prohibeat. Neque enim (inquit Galen. cap. 19. citato) si dolor quipiam aliquem, vel secundum caput, vel secundum aliā quampiam partem infestet, statim tantus est, vt hominem loco decumbere cogat. Neque si grauedo præterea caput, aut præcordia, aut alias partes, vel alia viscera detineat, tanta etiam erit, vt à cōsuetis functionibus desistere faciat. Corporis etiam tumor, aut gracilitas, decoloratio, pigritia in motu, procliuitas in somnum, vigilia, non sufficiunt, vt ab actionibus, quibus ad vitæ munera peragenda egemus, detrahant, nec cibi appetentia, vel nimis adaucta, aut omninò ablata: nam & hæc ambo ad corpus pertinet non integrè sanum; sicut nimia siti torqueri, vel eius esse nimis expertem. Secundum stomachum etiam, vel ventrem morderi, aut se lassum sentire: quippè hæc est ferè eorum formula, quæ illis contingunt, qui procliuēs sunt in morbos. Hæc Galenus, qui de ijs potissimum loquitur, qui sunt in morbos propēsi: huiusmodi sunt hi, qui qualitate praua, aut quantitate humorum potissimum infestantur, quique sunt in neutro statu, sicuti conualescentes, & senes plerique sexagesimum annum prætereuntes.

Cum hîc facta fuerit mentio doloris capitis, repetamus id, cuius in superioribus mentionem fecimus, modū scilicet dignoscendi partem affectam per consensum. Pars namque per consensum

læditur, quoties ad eam ea, quæ ad actiones proprias edendas sunt necessaria non transmittuntur, vel quoties per consensum vnius partis altera læditur, ob transmissum nimirum ad hanc aliquid superfluum. Primo modo amittitur sensus, & motus in varijs corporis partibus, quoties à cerebro, ob aliquod impedimētum, ad easdem facultas animalis non transmittitur. Per consensum in syncope omnes corporis partes frigescent, quia spiritus à corde ad eas tunc non transmittitur: Corpus vniuersum, aut pars aliqua atrophia, aut alimenti defectu, aliquando laborat, & in macilentiam, ac tabem incidit; quia ad partes conueniens alimentum nō transmittitur; vel quia hepār, aliæuē partes obstructione laborant, aut compressione, à quibus boni, transmissiq; alimenti penetratio prohibetur. Secundo modo Caput per consensum ventriculi non rarò dolet; quia à ventriculo sursum superflui eleuantur vapores, Caput ferientes. Paraphrenitis similiter in febribus non rarò excitatur ob fuliginosos, igneosque vapores, ex sanguine nimium feruente in caput delatos. Caput tunc per consensum dolere dicitur; quia aucto Ventriculi dolore Capitis dolor augetur, eoq; sedato, hic sedatur: quod non contingit, quoties primariò, & per se dolor Caput occupat: Nam fermè semper hic vexat. Idem de Paraphrenitide dicendum, quæ augetur aucta febre, & minuitur hâc diminuta. Per consensum Cerebri, Cordis, & Hepatis, Corporis partes quotidie patiuntur. Et hæc eadem principes partes per consensum aliarum partium plurimarum læduntur; vel propter viciniam, vel ratione generis. Ob viciniam Cor læditur, læso grauiter ventriculi orificio. Ratione generis Cerebrum patitur, quoties nervi grauiter læduntur. Vnde Vtero læso, læditur Caput; nervos enim habet plurimos, & spinali medullæ, aut saltem vertebris colligatur. Ventriculi pariter orificio læso, compatitur cerebrum, propter nervos sextæ coniugationis eidem orificio, & toti ventriculo insertos. Sed hac de his sufficiant. Et huius Libri Primi hic finis esto.

Pars læsa per cōsensum.

Atrophia

Paraphrenitis.

Dolor capitis per cōsensum.



NELLANI (aliàs NIELLI)

DE GLACAN, TIRCONALLIENSIS

HIBERNI,

SEMEIOTICA.

LIBER SECVNDVS,

De Crisibus.

CAPVT I.

*De Inventionē, & varijs Significationibus
Crisis.*



Vperiore Libro Signa Diagnostica omnis generis, statûs nimirum naturalis, statûs præter naturam, & statûs neutrius, abundè exposuimus. Ea deinceps examinanda, quæ futurum morborum euentum præinducunt, vel ad prædictionem proximè conferunt, & Prognostica idcirco appellantur. Hæc à nobis in tres classes, cum Galeno, sunt distributa. Prima classis est Criticorum Signorum: Secunda, Coctionis, & cruditatis: Tertia, Salutis, & mortis. Hoc Secundo Libro Signa critica, nonnihil de alijs intermiscendo, examinabimus; præpositis tamen quidditate, & differentijs Criseos. Deinceps Crisis causas, ac Decretorios dies, ad amussim reducere conabimur.

*Huius doctrinae
criticae
scopos.*

*Doctrinae
criticae
necessitas.*

Necessitatem huius doctrinae de Crisibus longa oratione prosequi, prorsus inane foret; cum omnibus cõspicuum esse arbitrer, nihil de futuro morborum euentu, sine Crisis cognitione, prædicti posse: nec viæum si niliter, nec medicamentum purgans, sine crisis, & dierum decretoriorum notione, rectè præscribi, vt ex ijs, quæ in libri huius decursu dicentur, liquido constabit.

Huius

Huius doctrinae veritatem, inter alia, abundè confirmant, quæ habet Hippocrates lib. 1. Aphorism. 20. Quæ indicantur, inquit, & iudicata sunt integrè, neq; mouere, neq; nouare aliquid, siue medicamentis, siue aliter irritando, sed sinere oportet. Hinc colligitur, quàm sit Crisium cognitio ad curandum necessaria, cum peracta Crisi, aut bona iam inchoata Medico non liceat vlla exhibere medicamenta. imò nec, nisi valdè regulariter, alimèta. Medicamentorum idèò vsum non solum crisi bona incepta, verum etiam diebus imparibus, in quibus plerumq; Crises fiunt, libro 4. de Morbis improbat, aiens: Qui iam febre continente detenti, diebus paribus medicamentum purgans sumpserunt, ij sanè supra modum nunquam purgati sunt. Qui verò diebus imparibus vehemens medicamentum sumpserunt, ij purgati sunt, multiq; etiam supra modum purgati perierunt. Superiores igitur Medici in hoc maximè peccârunt, quod diebus imparibus medicamenta purgantia exhibebant, & homines interimebant, id ita se habere ignorantes. Humor enim in ægrotantis corpore magis diebus imparibus conturbatur, nimirum cum corpus ad ventriculum humiditatem transmittat. Et si quis iam commotum medicamento iniecto magis commoueat, non mirum est, si quis ex his pereat: Et reliqua, quæ inibi de vlcibus referuntur.

Doctrina critica necessitatem confirmat Hippocrates.

Alimenta itidem rectè propinari nequeunt, sine exacta Crisis cognitione. Vnde Philonis filia, teste Hippocrate in Epidemijs, postquàm de septimo, liberali superueniente hæmorrhagia, à morbo liberata est, interiit tamen, quia eadem die lautius cænauit. Libro 1. Aphorif. 6. 7. 8. 9. 10. & 11. cautè victu vtendum præcipit ingruente Crisi, aut morbi vigore, quia in hoc morbi tempore Crisis fieri consuevit.

Error Medicorum exhibentium medicamenta purgantia diebus criticis.

Error in liberali victu commissus die critico.

Nec solum, vt victus, & medicamenta debitè præscribantur, Crisis cognitio necessaria censetur, sed præterea, vt Medicus suo præcaueat honori, futuram Crisim, ex signis eam antecedentibus, prænoscendo. Subitò porrò, instar vehementis tempestatis, subortis varijs symptomatibus, ægrum immaniter infestantibus, statim inperiti Astantes deterrentur, peritus verò Medicus neutiquàm: nam quæ futura sunt prænotat, prædicatque, instar peritissimi Nautæ, futuram mox tempestatem, breui cessuram, vel diù duraturam prænunciantis.

Medico ad prænoscenti doctrina critica est necessaria.

*Inuentio
nominis
Crisis.*

*Varia Cri-
sis signifi-
cationes
proponun-
tur.*

Nomen Crisis à nullo Medico inuentum est, sed ad vsum Medicum è foro iudiciali translatum; & quidem priùs à vulgari quodam homine, qui dum ægrum quendam maximè turbatū, & agitatū varijs symptomatibus, ijsq; criticis, conspiceret, inde territus exclamat, aiens, Iudicium de vita ægrotantis ferri: vt habetur apud Galenum lib. 3. de Crisib. cap. 2. lib. 1. de Diebus Decretorijs cap. 1. & Comment. 3. Prognostic. tex. 1.

Varias Crisis significationes, & etymologias, inter alios, proponunt Ludouicus Lemosius doctissimus iam pridem in Salmanticensi Vniuersitate apud Hispanos publicus Professor, qui exactissimè, siquis alius, Crisium doctrinam libris 4. 5. & 6. de optima prædicendi ratione, discussit: & Andreas Laurentius, Henrici IV. Galliarū Regis Archiater Lemosium sequutus; veluti utrumq; Julius Cæsar Claudinus huius Florentissimæ Vniuersitatis Bononiensis ante aliquot annos publicus Professor. Sed omni-um plurimum lucis suppeditauit Germanorum Galenus Leonardus Euchysus suis commentarijs in tres Galeni libros de Iudicijs, siue de Crisibus.

Vox igitur Græca, κρίσις, à verbo κρίνω, idest, iudico, aut sententiam fero, deriuari commodè potest: cùm Crisis Galeno frequentissimè iudicium vocetur.

Cæterum, qui autumant nullam esse paritatem inter forense iudicium, & certamen illud, siue conflictum, inter naturam ægri, & morbum, subitò ortum, Crisim κρίσις & κρίσις, idest, à secernere, deriuari contendunt. Hoc in sensu Galenum loquutū aiunt lib. 2. aphoris 13. vbi inquit, Crisim fieri Naturâ secernente superfluos, malosq; humores à bonis, eosdemq; ad excretionem disponente. Galenus tamen dictam paritatem probat lib. 1. de Dieb. Decret. cap. 1. vbi postquàm varia symptomata Crisim antecedentia proposuit, sequentia scripsit. Atque hinc iam vniuersos, qui adsunt, in metu esse maximo videre licet, audireque dicentes, quòd æger nihil ab ijs, qui in foro de morte iudicantur, differat. Vnde mihi quidam Medicorum ne adfuisse quidem huiusmodi ægrotantium perturbationibus videntur; vel non inquirerent, quid iudicationis vocabulo significaretur, neq; an res ita fieri posset, vel minus. His, & subsequenter verbis Medicorum ignorantiam propalat Galen. Nam licet in Crisi bona, excretio fiat, vel abscessus, non

tamen

tamen in omni Crisi: cum tamen omnis Crisis Iudicium merito dici queat.

Nonnullis placet, Crisim à *κρίνω*, idest excernere derivari; quo in sensu Aristotelem in Problematibus loquutum affirmant; veluti Hippocratem libro de Artic. sect. 4. ubi corrupti ossis excretionem Crisim appellat.

Non desunt, qui aliã verbi *κρίνω* significationem amplexi, Crisim certamen appellant. Nam verbum *κρίνω* apud Veteres quosdam idem sonat, ac certo. Vnde Crisis, iudicium, certamen, secretio, & excretio, nuncupari potest: & ita vocis Crisis significatio quadruplex erit, iuxta quadruplicem verbi *κρίνω*, à quo Crisis derivatur, significationem.

Plures vocis *κρίνω* significationes Græcæ linguæ Interpretes proposuere. Homerus enim 2. Iliados eã utitur, & apud eum significat, secerno, discerno, dirimo: Libro 6. Iliad. seligo, deligo: Lib. 16. Iliados, idem est ac discepto, iudico. Apud Platonem 2. de Repub. idem est ac iudico. Apud Aristotelem alicubi, diiudico. Item apud Sopho. in Alace, adiudico. Apud Polybium, statuo, constituo. Apud Antiphi. accuso, diem dico, reum ago, deferro. *κρίνωμαι* idem est ac *κρίνω*; seligo, deligo; ut in 4. Odiss. habetur. Iliados 3. decerno: ut bello decernamus. Et apud Polybium de summa rerum, prælio decernere. Apud Pausaniam decernor. Apud Thucididem lib. 1. iudicor, censeor. Apud Polyb. statuor, constituor. Item idem est, ac dies mihi dicitur, acculor. In nouo Testamento, damnor. Item apud Thucidid. lib. 6. examinor, exploror, quæstio de me habetur. *κρίσις* verò idem est ac iudicatio, idest, ipsa iudicandi actio, Item iudicium, sententia, quæ de re aliqua fertur: causæ dictio, accusatio, accusationis tēpus, lis, controuersia. Item decretorium belli prælium. Plures adhuc significationes Authores habent.

Vsus denique, siue acceptio nominis Crisis apud Medicos multiplex est. Primò eam, idem est ac morbi solutio: quo in sensu loquutus est Hippocrates in Prognosticis, ubi ait: Iudicantur autem huiusmodi vno die, & vna nocte. Indicantur, ibi idem est ac finiuntur, teste Celso. Galenus lib. 1. de diebus decretor. cap. 9. Primus, & Dioclis opinionem fuisse narrat, primũ n, & secundũ morbi diem esse decretorios. Rursusq; ait: Quomodo igitur de hoc intelligendum

Varij vsus Crisis apud Hippoc. & Galen. præponuntur.

Primus, & secundus morbi dies ex Diocle sunt cricci.

gendum sit, distinctione docebimus : Nam si præceps ac subita in ægrotantis corpore perturbatio, morbi solutionem præcedēs, Crisis, siue iudicium nominatur, neq; primum diem, neq; secundum, Decretorios esse censebimus ; quia illa velut fluctuatio (idest perturbatio) quæ solutionem præcedit, nequaquam in his est conspicua . Si verò solutionem simpliciter , Iudicium voces, hi quoque

Solutio morbi simpliciter fit in diariæ febrè.

Quid Crisis.

Quid simplex solutio morbi.

erunt Decretorij. Certè omnes febres diariæ solutionem partim in primo statim die , partim in secundo , nanciscuntur. Libro de Præceptionibus de Crisi sic loquitur Hippocrates: *κρίσις δὲ, ἀπὸ*

λυσίς ἐστίν : idest, iudicatio verò, morbi dissolutio est. Morbi autem solutio simpliciter accepta , est morbi sine subita mutatione, aut noua perturbatione, terminatio, teste Galeno lib. 1. de Dieb.

Decretor. cap. 9. Velest solutio, quæ in longiori tempore, & paulatim facta est , vt habet idem Galen. lib. 3. de Crisib. cap. 7. Et reuera in hoc sensu, libro iam cit. loquutus est Hippocrates, vt ex verbis præpositi textûs modò allatis cõstat. In morbo, inquit, non perturbari, diuturnitatem indicat , iudicatio verò morbi dissolutio est. Hinc conficitur, Hippocratem hîc de solutione morbi, quæ lentè, & paulatim fit, loqui, eamq; ab eo Crisim appellari. Morbi verumtamen, qui paulatim terminantur, siue ad salutem , siue ad mortem , solui dicuntur , nequaquam criticè terminari , teste Galeno lib. 3. de Crisib. cap. 1. & 7.

Secundò, Crisis accipitur pro omni morbi solutione, teste Galeno lib. 1. de Crisib. cap. 1. & lib. 1. de Dieb. Decretor. cap. 1. veluti lib. 3. de Crisib. cap. 7. quo in sensu solutionem morbi quouis modo, idest, Criticè, & non criticè, factam vox Crisis complectitur . Hanc solutionem confusè satis, cum solutione simpliciter factâ aliqui confundunt : cùm simpliciter facta solutio accipi consueuerit pro ea sola, quæ sine Crisi terminatur : De qua potissimum in præcedentibus.

Tertiò, Crisis accipitur pro subita mutatione morbi ad salutem, vel ad mortem : Quæ significatio est vera, & genuina , vt deinceps fusè aperietur . Hanc passim, tanquàm præcipuam, in suis operibus insinuat Galenus : vt libro 1. de Crisibus cap. 1. lib. 1. Epidem. comment. 3. Comment. 3. Prognost. tex. 1. lib. 2. Aphorism. 1 3. & 2 3. & alibi passim.

Quartò, Crisis accipitur pro perturbatione, quæ Crisim antecedit,

dit, teste Galeno lib. 1. de Crisib. cap. 1. & lib. 1. de diebus Decretor. cap. 1. ubi inquit: Nos sanè turbationem in morbo adeò subitam, iudicium, seu Crisim appellamus: atq; finire ipsam plerumque ad salutem, interim ad exitium ægrotantis, affirmamus. Quid turbatio sit, Galenus in antecedentibus verbis, & alibi, exposuit. Turbatur enim æger, quoties quædam symptomata de nouo suscitantur, quæ corpus exercent, adeòq; vexant, vt mirum in modum non rarò torqueatur, & à suis functionibus obeandis prohibeatur. Dum enim Cardiogmo, siue dolore orificij ventriculi, aliquis ante vomitum infestatur, vniuersum corpus turbatur.

*Cardiog-
mus quid.*

Nam Cor, ob viciniam, compatitur: Cerebrum similiter per consensum laborat; quoniam tunc nerui orificio vetriculi inserti, non mediocriter patiuntur; quibus & Cerebrum, eorum origo, correspondens, compatitur. Oculis deniq; caligo superuenit, quemadmodum & alijs partibus alia accidentia. Nam tunc pugna initur acerrima inter naturam, & morbum, causamque morbificam, quæ tunc vehementer agitur: Agitationem verò, & turgentiam sequitur excretio, vel abscessus, si Natura est superior: si verò succumbit, aliquandò modicum, aut nihil deturbatur. Perturbatio itaq; in morbo nihil est aliud, quàm quorundam superuenientium symptomatum concursus, seu potius agitatio Corporis, ab his orta symptomatibus, vel à morbo, morbique causa testibus superuenientibus symptomatibus. Et hæc superuenientia symptomata, sunt signa Crisim antecedentia, de quibus singulatim deinceps agemus, cuiusvis euacuationis criticæ præcedentia Signa exponentes.

*Cor, & cere-
brum la-
borati ori-
ficio ven-
triculi cõ-
patiuntur,
seu per cõ-
sensum la-
duntur.*

*Perturba-
tio quid.*

Quintò, Crisis pro excretionem, siue euacuationem accipitur: vt habet Hippocrates libro de locis, siue partibus in Homine, ubi inquit: Medicamentum benè sanis non propinandum; neque enim euacuantur nisi modicum: Græca quidem vox *κρίσις*, latinè sonat, euacuantur. Libro de Articulis adhuc Hippocrates femoris os octogesimo die abscedere vidit: & quidem criticè; nam consimili die crisis contingere potest. Partem pariter aliquam exteriori, carneam nimirum, nerueam, aut consimilem, & iam mortuam, criticè decidere docet.

Sextò, Crisis accipitur pro violentis Naturæ motibus, conatibusque. Vnde Hippocrates libro de Septimestri Partu (nihil enim hac de re habet libro de Octimestri Partu, vt mendosè suadet Lau-

rentius, & perperam ex Laurentio supponit Claudinus, qui ordine solummodo transmutato, omnia, quæ habet hac de re Laurentius, sua facit) inquit: At verò mulieribus fatuum conceptiones, & abortiones, & partus eodem tempore iudicantur, quo & morbi, & sanitas, & mors cunctis mortalibus contingunt. Alia versio verborum Hippocratis hoc modo se habet. Verum enim vero conceptus, & abortus, & partus mulieribus in eo tempore, in quo etiam morbi, & sanitas, & mors, omnibus hominibus, fiunt. Prima tamen versio præstantior est: Nam Græcè habetur: *ἐν τούτῳ τῷ χρόνῳ κρίνονται*: id est, eodem tempore iudicantur. Malè ergo loco, iudicantur, ponitur, fiunt, in vltima versione. Post citata verba sequentia profert Hippoc. Sed istorum omnium alia quidem diebus, alia mensibus, alia dierum quadragenarijs, alia annorum spatio contingunt. In his enim omnibus temporibus multa quidem cuique conferentia, multa quoque aduersa insunt. Ex quibus quæ conducunt, sanitatem, & incrementa, contraria verò morbos, & mortem adferunt. Eodem adhuc libro de Septimestri Partu, inquit: At mensis octauus minimè ambiguus est. Per hunc enim contingit, ut iudicatio difficilis sit. Verba enim Græca his vltimis Latinis correspondentia, sunt hæc: *ὅτι δὲ ἀπὸ τῆς ἑξῆς*.

Septimò, Crisif accipitur pro morbi temporibus, & exacerbatione, siue accessione, lib. 1. aphor. 19. qui hoc modo scriptus est:

*Triplex
significatio
crisis ab
Hippocrate
in sinuata
lib. 1. aphorif.*

Ijs, qui per circuitus accessiones habent, nihil dare oportet, neque cogere, sed subtrahere adiectioni ante iudicationes: Galenus in Comment. rem hoc pacto exponit: Quod autem dicitur in aphorismo, Ante iudicationes; Id intelligas ante accessiones quasque simpliciter, vel ante morbi vigores, vel ante illas, quæ propriè iudicationes nominantur. Nam hic triplex intellectus, verus est. Primus autem magis videtur ad propositum pertinere: si videlicet ante, accessiones, intelligamus. Nam de morbi vigore consistentis, prius dictum est (aphorismo videlicet 8.) & si de hoc intelligatur, etiam de iudicatione intelligetur: quoniam magna ex parte morbo in suo vigore consistente fiunt iudicationes. Hic clarè docet Galenus, Accessiones, Crises appellari, similiter & vigores: nec mirum, cum in morbi vigore crisis fieri debeat. Accessiones pariter, etsi sua habeant peculiaria tempora, morbi vniuersalis vigores commodè dici possunt. Vnde in accessionibus, veluti in vigore, cibos

dari

dari prohibet Hippocrates aphorism. 11. libri 1. In accessibus abstinere oportet: nam cibum dare nocuum est, & quibus per circuitum sunt accessiones, in ipsa accessione abstinere oportet. Galenus in Commentario ait: Totius quidem victus rationem in vnoquoq; morbo à duabus intentionibus iussit assumere, ex summo totius morbi vigore, & ex viribus ægrotantis. Quomodo vero quispiam particulatim cibum offerat conuenienter, in hoc docet sermone, cauere iubens morborum accessiones. Ipse verò manifestius in lib. de victu acutorum, dixit, quòd neque, cum iam adfunt, neq; haud ita multò post affuturæ sunt accessiones, cibum dandus est, sed cum declinant, aut cessant. Hæc Galenus; cum quo, & Hippocrate, dicendum, in accessionibus, & vigore à cibis abstinendum, quoniam his temporibus crises plerumque cōtingunt. Proindeq; Natura materiæ morbificæ excretioni occupata nullatenus interpellanda est. Quòd in accessionibus, præsertim in harum vigore, crisis superueniat, docet Galenus libro 1. de Dieb. Decretor. cap. 8. vbi inquit: Nam in accessionibus plurimùm iudicia contingunt. Hippocrates 4. Aphorism. 59. id ipsum confirmat, dum inquit: Tertianæ exquisita iudicatur in septem circuitibus, cum longissima est. Galenus in Comment. veluti comment. 3. in lib. 1. Epidemion tex. 17. accessionum vim ostendens, ait: Quod enim in continuis vna dies valet, hoc in intermittētibus accessio: secundum igitur istarum connumerationem, earum fiunt iudicationes. Hoc autem innuit & ipse in Prognostico, vbi de Quartana loquitur, ita inquiens: Seruat etiam Quartanarum constitutio ordinem talein. Est autem & à nobis obseruatum, tum in Quartanis, tum etiam in Tertianis, fieri iudicationem secundum numerum circuituum, non dierum. Nimirum in tertiana febre ab initio septimæ accessio in tertium & decimū incidit diem, & sæpius in ipso morbus iudicatur, non expectato quartodecimo. Sicut igitur in morbis continuis, acutorum quidem morborum terminus est decimus, quartus, per acutorum verò septimus: sic in intermittētib, longinqua tertiana febris terminum habet circuitum septimum. Vide; sis, reliqua in Aphorismi citati Cōmentario. Eodem lib. 4. Aphorism. 36. ait etiam Galenus: Didicimus autem, quod in vehementioribus accessionibus iudicia fiunt, & quòd morbi, qui in diebus imparibus accessionem habent, citius iudicantur, qui verò pari-

*Due ore-
siones cib.
di in mor-
bis.*

*Cibus pro-
pinādus in
accessionis
declinatio-
ne, vel post
quam ces-
sauit.*

*In morbis
intermit-
tentib. dies
remissionis
nō sunt in-
ter criticos
numerādi,
sed dies po-
tius acces-
sionum, in
quibus solis
fiunt Crises.*

bus, tardant. Atque ideo si in principio aliquis morbus peracerbus est, hoc magis accidit in diebus imparibus: si tardare debeat in dies pares vehementiores accessiones incidunt. Hæc igitur habeo dicere de die quarto &c.

Octauò, Crisis accipitur pro mutatione ad salutem (aut fortassis inliorem statum): Talis enim Crisis simpliciter Crisis nuncupatur, vt libro 3. de Crisibus cap. 4. testatur Galenus, inquit: Reliquæ enim Crises coniecturâ quadâ artificiosâ præcognoscuntur. Optimam verò Crisim (quam etiam solam Crisim simpliciter vocari diximus) non per coniecturam, sed firma cognitione comprehendens. Eodem libro cap. 2. statim in limine, etiam ait: Sola igitur subita ad sanitatem conuersio, simpliciter crisis nominatur. Commentario 4. in lib. de Vict. rat. in morb. acut. idem testatur

*Tempore
pestilentia
plures mori-
untur quàm
sanantur.*

Galenus. Vnde lib. 2. aphor. 13. inquit; Quoniam plures iudicationes in bonum terminantur. Nouimus enim plures esse ex ægrotis sanatos, quàm mortuos, nisi sit pestilens constitutio.

Nonò, Crisis accipitur pro ipso exitio, siue interitu apud Hippocratem in Coacis Prænotionib. vbi ait, linguam quæ multum nigrescit, crism decimoquarto die futuram, præostendere. Crisis enim inibi pro sanitate iam desperata accipitur, & indubitanter, pro morte. In Prorrheticis eodem in sensu loquutus est Hippocrates, dum inquit: Crebri cum vomitu relapsus, nigrum cient vomitum, circa crism (idest ingruente exitio.)

Decimò, Crisis variè accipitur ab Hippocrate lib. de Affectionibus, Græcè *ἐπιπράσις*, vbi inquit: Iudicari autem morbi dicuntur, cum increſcunt, aut exoleſcunt, aut in alium tranſeunt, aut deſiunt. Alia verſio latina melior ſic ſe habet. Iudicari autem in morbis eſt, quando vel augentur morbi, vel imminuuntur, vel mutantur, in alium morbum, vel finiuntur.

Vndecimò, Crisis apud Galen. comment. 1. lib. 1. aphorismor. idem est ac iudicium, seu ratio.

Duodecimò, Crisis idem est apud Hippocratem, ac temperamentum, teste Gal. comment. in librum de natura hominis textu 12. Sed hic obseruandum, quod *ἀπάσις* idem sonat ac *ἀπάσις*, idest temperamentum, siue temperies: ita autem, non iota, ponitur in prima syllaba pro, α, iuxta Hippocratis dialectum, siue idioma Græcum suæ patriæ peculiare. Hactenus de varijs Crisis significationibus.

CAPUT II. De Crisi Definitione.

CRisis, idest iudicatio (vt loquitur Galenus lib. 2. Aphorism. Cōment. 13.) est subita in morbo vel ad sanitatem, vel ad mortem mutatio. Fit autem Crisis (vt consequenter loquitur Galen.) Natura separante à bonis mala, & ad excernendum præparante. Non temerè igitur in tali turbatione graui-ter se habent ægri; & grauitas hæc noctu manifestior est: nam hoc tempore dormire consueuimus. Somno igitur à turbatione interrupto, clariùs grauitas illa percipitur, licet similis fiat interdium turbatio, quando nocte sequente futura est iudicatio. Hactenùs Galenus primam partem aphorismi 13. lib. 2. exposuit: qui aphorismus hac serie scribitur: Quibuscunq; iudicatio fit, his nox grauis ante accessionem: quæ verò subsequitur, leuior ferè solet existeret.

Propositam definitionem ex Hippocratis doctrina hausit Galenus, vt comment. 23. lib. 2. Aphorism. clarè subiicit: Acuti, inquit, morbi magni sunt, & ad suum vigorem celeriter properant. Non absq; ratione igitur in pauco tempore, & magnas faciunt permutationes: quod idem est quod iudicari. Huiuscemodi enim permutationes, quando repentè in morbo fiunt, Hippocrates Crises vocat, idest, iudicationes; in quibus nonnunquam integra sanitas restituitur, aut moritur æger: nonnunquam verò magna fit ad salutem, vel ad mortem permutatio; non tamen aut subito sanatur, aut moriuntur: ita vt quatuor sint in ipsis subitæ permutationes, quas ipse docuit lib. 1. Epidem. inquit: Ad salutem, aut ad mortem, vel inclinatio ad melius, aut ad peius. Hactenùs Galenus, exponens citatum aphorismum, qui sic habetur: Acuti morbi in quatuordecim diebus iudicantur.

Crisis definitio, eiusq; quatuor species, ex Hippocrate desumpta, sunt.

Modò definitio Crisis explicanda est. Crisis dicitur mutatio, quia Crisis est motus quidam, in quo cum morbi lenta, & simplici solutione conuenit: Vnde mutatio in definitione allata est instar generis comprehendentis motum criticum morborum, & motum lentum quorundam morborum, qui simplici solutione, & non criticè, ad salutem, vel mortem terminantur. Posita est particula, subi.

subita, aut repentina, in definitione, vt motus criticus à lento motu, quo morbi chronici sensim terminantur, distinguatur. Hinc

Mercurialis perfringitur.

conficitur, Mercurialem in Commentario aphorismi 13. libri 2. aberrasse, dum inquit, particulam, præcept, idest subita, siue repentina, in definitione Crisis positam esse ad differentiam abscessus, & coctionis, quæ diuturno tempore fiunt. Decipitur autem; quoniam, vt deinceps exponemus, abscessus est Crisis species: & consequenter, dum fit, subitaneus motus dici meretur. Debent

Subita mutatio est causa formalis crisis.

enim species Crisis formalem, & constitutiua eiusdem Crisis causam participare, & includere. Subita mutatio, est huiusmodi formalis causa Crisis. Ergo excretioni, & abscessui, duabus primis Crisis speciebus, ex necessitate conuenit. Et per hanc formalem rationem crisis, vtraque iam dicta species à motu morborum chronicorum, qui sensim fit, distinguitur. Subita autem illa mutatio dicitur fieri in morbo, seu potius in ægro, vt hinc constet, ægrum esse veluti subiectum Crisis. Fit autem hæc subita mutatio, quoties Natura à causa morbifica, & morbo ipso nimium agitur: quo tempore varia suboriuntur symptomata, à quibus, & à pugna Naturæ, & Morbi, corpus mirum in modum perturbatur. Itaque cor-

Causa materialis crisis est ipsum corpus.

pus ægrum, siue morbosum, est instar materialis causæ. Causam efficientem Criseos, Naturam esse, iam antea docuit Galenus; & eam talem esse, deinceps, dum de Diebus Decretorijs, cum Gale-

Efficiens causa crisis est natura, coëfficiens causa morbifica.

no statuemus. Finale Criseos causam, Sanitatem, vincente Naturâ, posuit: mortem, victa Naturâ, & vincente morbo: licet res mala, sine careat, cum de ratione finis sit bonitas, qua res mala minimè fruitur.

Finalis causa.

Quoniam Crisis est quidam motus, in ea, vt in motu, quinque consideranda veniunt: Terminus à quo: Terminus ad quem: Tempus: Mouens: & Mobile. Terminus à quo, est morbi augmentum:

Quinq; in crisi perpendenda.

Terminus ad quem, est Sanitas, aut mors, vel melior, peioruè status, vel in alium morbum à primo distinctum, transitus. Terminus per quem, vt ait Laurentius, est totum tempus, quo coctioni,

I autem perfringitur.

secretioni, & excretioni, incumbit Natura: Sed melius dixisset, tempus Crisis esse totum illud tempus, quod motui crit correspondet: Nam tempus coctionis, non est tempus Criseos, sed quid Crisim (saltem bonam) antecedens. Addamus & his, Galenum in comment. aphor. 13. lib. 2. dixisse, Crisim tunc fieri, dum Na-

tura bonum succum à malo segregat, & hunc euacuat; nulla facta mentione coctionis. Mouens in Crisi, est ipsa Natura, quæ omnia in Corporibus perficit; vt superiori libro fusâ oratione protulimus, & Galenus citato; & transcripto paulò ante comment. aphorismi 13. lib. 2. ostendit. Concausæ verò efficientes, sunt ea omnia, quæ Naturam stimulant, vexantque: vt causa maligna, & potens, sæua symptomata, quæ morbi magnitudinem, siue vehementiam ostendunt, & acumen, siue velocitas eiusdem morbi. Demum Mobile, siue id, quod mouetur, instante Crisi, considerandum est. Nam mobili excreto siue euacuato, siue ad partes ignobiles abiecto, benè cum ægris agitur; secùs verò, malè. Mobile autem in morbis est interna causa morbifica: humor nimirum quantitate, vel qualitate, vel vtroque modo, peccaminosus, & superfluius, vel quidquid aliud intus latens, corpus vexat.

Dubia in hoc Caput.

Primam dubitandi ansam mihi præbet Claudinus, qui, vt Laurentio succenseat, audacter refert, hunc dubitasse, an Crisi esset motus, nec ne? Affirmat ergo Claudinus, Crisim esse motum, & quidem alterationem: quod Aristotelis testimonio lib. 5. Physic. cap. 6. probat.

Sed frustra Laurentium taxat Claudinus: Nam Laurentius expressè Crisim motum appellat; & ne quorundam censuram incurreret, optimè inquit, Crisim motu saltem perfici.

Quod Aristotelis authoritatem, eâ non rectè Claudinus vtitur. Aristotelis verba hæc sunt: Qui namque in non dijudicantibus diebus liberantur, ij præter naturam alterari videntur: Qui verò in dijudicantibus, ij secundùm naturam alterantur. Hic autem minimè statuit Aristoteles, Crisim esse alterationem; sed die Critico alterationem naturalem in corpore fieri: & die non Critico fieri alterationem non naturalem. In nostra Pathologia abundè docuimus, Morbum; & Sanitatem esse qualitates: proinde die verè Critico, dum in eo bona Crisi expectatur, fit alteratio infirmorum (vt in comment. citati textûs loquitur Auerroës) de ægritudine in sanitatem. In die verò non Critica fit quædam contraria alteratio innaturalis; quoniam morbus magis intenditur. Hæ

tamen

In morbo immateriali non fit crisis. tamen alterationes non sunt, propriè loquendo, Crises, sed Crisim consequuntur. Crisis autem ipsa circa causam propriè versatur: vnde in immaterialibus morbis, vt in hectica febre, & Diaria, propriè non fit Crisis, benè tamen Corporis alteratio. Crisis verò in motu cōsistit locali, quo peccaminosus humor extra corpus, vel è loco in alterum depellitur, dum bona est: vel certè, si mala est Crisis, humor saltem mouetur, sed quia non separatur noxius à bono, extra, vt conueniret, non (nisi imperfectè) protrahitur. Dum ergo segregatur noxius humor à bono, ideinque noxius depellitur, fit bona & naturalis Crisis, quo tempore consequenter fit morbi depulsio, & alteratio è morbo in sanitatem; secùs verò in mala Crisi contingit.

Secunda dubitandi ratio.

Dubitatur Secundò, in quo præcisè consistit natura Crisis. Ratio dubitandi est; quia non solum Recentiores, verum etiam Antiqui, hac in re nimis erant ambigui, & ab invicem distracti, teste Galeno lib. 1. de Crisibus cap. 1. aiente: Siue subitam in morbo mutationem, siue ad meliorem statum inclinationem solam, siue agitationem quæ eas antecedit, siue omnem morbi solutionem, siue eam tantum, quæ bona sit, Crisim velit quis appellare, non est mihi, nisi obiter, hoc in loco distinguere propositum: sed quo pacto hæc omnia quispiam optimè præcognoscat, percerere institui. Ex his constat, Galenum tam suspensum fuisse animo, vt nihil in vestibulo doctrinæ de Crisibus, de re tã ancipiti, & controuersa determinauerit. Contentionem adhuc augent ea, quæ de Crisi alijs in locis habet Galenus. Nam lib. 3. de Crisib. cap. 7. Crisis

Agitatio de qua loquitur, idè est ac perturbatio crisim præcedens.

Quid Crisis.

species enumerans, inquit: Crisis quidem simpliciter, morbi solutio subita. Ita enim Crisim constituit morbi solutionem, absque eo quòd indicauerit, in quo posita sit illa solutio. Libro 1. de Dieb. Decretor. cap. 1. Crisim paucis comprehendens, ait: Nos sanè turbationem in morbo adeò subitam, Iudiciũ, seu Crisim appellamus. Libro 1. de Crisib. cap. 1. iam antea à nobis citato, hanc turbationem, agitationem appellauit. Libro 1. de Diebus Decret. cap. 9. adhuc indeterminatè proponit, an Crisis sit Perturbatio, an Mutatio. Libro 3. de Diebus Decretor. cap. 5. Crisim definiens, ait: Omnis autem velox mutatio, Crisis appellatur. Commentario 3. Prognostic. tex. 1. ait: Iudicatio enim per morbos de toro translata appellatione dicta est, significans præcipi-

tem in morbo mutationem, quæ quadrifariam existit. Commen-
tatio 2. in lib. Hippocratis de Vict. rat. in morb. acuti. tex. 15. ait :
Per Iudicationem intelligo, vt dixi, non perfectam morbi muta-
tionem solum, verum quoq; & effatu dignam transmutationem.

Vix sanè ex his, aut ijs, quæ alibi à Galeno de Crisi dicta sunt,
percipere possumus, in quo Crisi natura consistit. Nuperi Scri-
ptores adhuc in re hac sunt parum concordēs : Nam Crisim qui-
dam Alterationem esse statuunt, vti antea Claudinum ita sentien-
tem produximus : Nonnulli Crisim coëctricis facultatis effectum
esse volunt. Alij aliter, & quisq; suo vsus genio, vel perturbatio-
nem, vel mutationem, vel excretionem, quod nihil fermè hac de
re Galenus definiuerit, Crisim esse decreuit. Doctissimus Merca-
tus Tomo 1. lib. 3. de Morbis, Parte 2. Classe 4. Quæst. 199. Cri-
sim non quid simplex, sed compositum ex Conturbatione, ex Euac-
uatione, & ex subita Mutatione ad salutem, constas; affirmavit;
huiusque trium partium Crisi causas ibidem accuratissimè per-
scrutatur. Vallesius verumtamen, cui in Officio Prothomedici Re-
gis Catholici Mercatus est: suffectus, Perturbationem à Crisi ex-
cludit, quoties longo intervallo Perturbatio ab euacuatione est
remota: Si enim intra diem, aut noctem fiunt, ambo vnico Crisi
nomine significabuntur. Hæc doctrina apud Hippocratem suo vi-
detur non carere fundamento; vt habetur aphor. 13. lib. 2. aphor.
qui hac serie habetur: Quibuscunq; Crisi fit, his nox grauis ante
accessionem: quæ verò subiequitur, leuior ferè solet existere. Val-
lesius prima Aphorismi verba hoc modo profert: Quibus Crisi
futura est, nox ante acumen difficilis. Quibus verbis apertè an-
xietatem dicit Crisim antecedere, haudquaquam esse Crisim. Val-
lesius hinc, vt patet, infert, Perturbationem, quam anxietatē nuncu-
pat, non esse partem Crisi, cum hanc antecedit eadē perturbatio.
Cæterum licet acutè Aphorismum citauerit Vallesius, non re-
ctè tamen vsus est particula, futura est: nam plerique Interpre-
tes communiter habent vocem, fit, & quidem iuxta Græcā d-
tionem, γίγνται; quæ vox latine idem est, ac, generatur, aut
fit. Subtiliter quidem Hippocrates ita est loquutus: quoniam, ta-
metli manifestè noctis præcedentis accessionem insinuaerit, non
propterea decreuit, Crisim interdum semper fieri, & perturbatio-
nem antecedenti nocte, sed solummodo id posse in morbis, qui

*Varia opi-
niones de
Crisi es-
sentia.*

*Mercati
opinio.*

*Vallesius
perstringit.*

accessiones, siue paroxysmos habent contingere: et si vicē versa, id est nocturno tempore, frequentissimè Crisim accidisse obseruauimus. Atque præterea, perturbatione orta Crisim exemplò in multis contigisse morbis, vt videre licet in Synochis febribus, quæ vnicā clauduntur accessione.

Perturbatio est crisis præludium, ut rigor tertiana.

Separatio humorum fit ex calore natui. & facultatis coëstis.

Perturbatio in quo consistit.

In salutari Crisi fit semper euacuatio, vel abscessus.

Euacuationis causa est facultas expultrix. Crisis consistit in euacuatione non subito & debita saltem bona fuerit.

Mala Crisi.

Vt igitur, quod sentio, liberè proferam, Perturbationem Crisis præludium esse existimo. Perturbatio quidem à Galeno, & à multis Antiquis, Crisis rationem obibat: Crisimq; fieri Commentario 13. lib. 2. Aphorismor. docuit, quando Natura à bonis mala separat, & ad excernendum præparat. Sed tempus quo talia maximè Natura molitur, est, quando Perturbatio corpori superuenit. Scio equidem, Coëstionem sine magna commotione, aut perturbatione, non rarò fieri; sed insignis rerum hetherogenearum segregatio in morbis, nec à coëstice facultate, nec à calore natui fieri potest, sine manifesta Naturæ agitatione, à causa morbifica, eandem Naturam laceffente, potissimùm orta. In huiusmodi agitatione & conflictu colluctantis Naturæ cum causa morbifica, & morbo, varia symptomatum syndrone siue concursus nascitur: & hic idem concursus à quibusdam perturbatio appellatur: quidam tamen anxietatē, & corporis agitationem ex superuenientibus symptomatibus emergentem, perturbationem appellare, & multò congruentius, malunt. Huius perturbationis causas posthac fusiùs exponemus.

Segregationem humorum excipit Euacuatio, in qua, quàm in illa, manifestior apparet motus ille localis, quo humores in fanabili morbo amouentur; & quidem extra corpus, vel saltem ad partem aliquam distinctam ab illa parte, quæ humores maximè continebat. In mala autem Crisi fit maxima perturbatio, sed modica separatio boni à malo: vnde euacuatio permodica sequitur, morbo, & causâ morbificâ vires superantibus. Victa enim Natura manus hosti dat, & ampliùs vix agit, sed summè patitur. Euacuationis, dum fit, causa est facultas expultrix, aut anima re noxiā expellens. In debita Euacuatione potissimùm salutarem Crisim consistere puto: seu potiùs in illa motione, actioneue, qua humores semouentur, siue extra corpus, siue ad peculiarem aliquam partem propellentur: tunc enim verè Natura iudicat. Si abscessus, aut euacuatio ab Expultrice facultate fieri nequeat, saltem humores

æ agitantur aliquo locali motu; sed multum obscuriori; quia Naturam deuincit morbus, & morbosa causa.

Quod attinet ad subitam mutationem ad salutem, sano modo intelligenda est. Non enim æqualiter in omnibus ægris, qui sanitati pristinae restituuntur, fit subita ad salutem mutatio, sed in quibusdam integrè, in quibusdam tardius. In morbis quippe, qui à continente causa dependent, subita ad salutem mutatio, siue transitus fieri potest, quoties eadem causa euacuatur: v. g. euacuato calculo vretram obturante, & impediante naturalem vrinae excretionem, subito & quamprimum fit à morbo ad sanitatem mutatio. Similiter si à grumo sanguinis fuit impedita vrinae excretio, eo euacuato hæc amplius non prohibetur. A morbo itidem in cavitatem vesicae liberatur, quamprimum euacuata est vrina, quæ Vesicae corpus impensè distendebat. Si fæces pertinaciter intestina obstruentes, subito euacuentur, subitus fiet ad salutem transitus: Subitus pariter ad mortem, dùm omnimoda fuliginum euacuatio impeditur, vt videre licet in strangulatis, qui subito moriuntur, ob tracheæ nimirum arteriæ arctissimam compressionem, quæ fuliginum exitum extra cor & pulmones impedit.

Euacuata causa continens fit subita ad salutem mutatio.

Ceterum in morbis intemper ei non ita fit subita ad salutem mutatio: nam motu alterationis, qui paulatim sensimque fit, talis transitus perficitur. V. g. Criticè euacuatis humoribus quibusuis putridis, & superfluis, fit subita quidem ad salutem mutatio: sed non est adeo subita, ac illa, de qua paulò antea est dictum. Euacuatis quidem omnibus humoribus, quantitate, vel qualitate, vel utroque modo superfluis, qui venas, & arterias, cavitates, & meatus infarciebant, statim obstructions cessant; sed euacuatâ materiâ putredinosâ febris putridæ, etsi putrida febris cessare videatur, causâ coniunctâ, putredine, ablatâ, non tamen è vestigio tollitur febris, quæ qualitas quædam est, quæ per gradus intenditur, & quæ non nisi gradatim adueniente & vincente contrario, superimitur. Febris tunc superstes, pura est intemperies, quæ febri hectica, ratione defectûs materiæ, assimilatur; idest nullam habet amplius illa febris fouentem causam, in quo similis est hectica febris: hectica tamen dissimilis, quoniam post humoris, à quo fouebatur, ablationem, citò recedit. Proindeq; putridæ febris nomen adhuc retinet. Si enim ablatâ causâ ulterius protraheretur, non

Ablatâ causa intemperies non subito tollitur.

Febris putrida, sublata putredine, adhuc putrida dicitur, etsi hectica similis.

amplius putrida, sed hectica rationem merito obtineret. In bona tamen Crisi nunquam producit febris, & si quid superest, citò decrescit, & exigua est adeò, ut vix amplius actiones sensibilibus laedat. Nam abscissa omni eius causa, vix diu durare potest. Vnde merito Crisis optima dicitur subita ad salutem mutatio, licet in quibusdam morbis intemperiei, ut dixi, post euacuationem causae morbificae, supersit adhuc aliqua dyscrasia siue intemperantia, quae non nisi adueniente frigore, quando intemperies calida est, fieri potest. Citò etenim calor ille praeter naturam, qui superest, hebetatur, quoniam à putredinoso humore, & fuliginoso vapore non amplius fouetur: & facultates omnes corpus regentes, suas, ablata causa, functiones liberè exercent, & auxilio eorum quae assumuntur, veluti & externi aëris, plenè fruuntur. Vnde modico tempore corpus contemperatur, etsi non omninò subito: Nam subita in corpore mutatio est localis propriè. Concludendum ergo, Crisim in locali mutatione propriè consistere. Siquidem motus criticus, quo lapis excernitur, immediatè, & sine dilatione, ad sanitatem terminatur, & nulla superest intemperies corrigenda. Si verò Crisis in alteratione consisteret, paulatim, & non subito, semper fieri nec fieri diceretur, nisi ubi esset intemperies. Cùm ergo contrarium quotidie experientia comprobetur, concludendum, Crisis praecipuam rationem in locali motu consistere.

Crisis in locali motu propriè consistit.

C A P V T III.

De Speciebus Crisis.

Non solum Crisis species, sed paulatinas morbi mutationes proponit perspicuè Gal. lib. 3. de Cris. cap. 1. & 7. & primo quidem cap. hac serie: Propositum nostrum est, sicuti & prius dicebatur, omnis in morbo mutationis, praesentis quidè dignotiones, futurae verò praecognitiones, dicere. Quia verò sex modis istae fiunt, tentandum est de singulis separatim scribere, hanc prius factam memoratone, quod sex sunt in morbis mutationum differentiae. Vel enim subito ad sanitatem veniunt, vel subito interimunt, vel paulatim horum vtrumque contingit, vel mixtim. Paulatim quidem, vel scilicet morbo marcescente, vel aegri viribus dissolutis: Mixtim ve-

Sex sunt species mutationis in morbis.

ed, quando subita quidem aliqua ad melius, vel peius commutatio facta fuerit, deinceps verò, vsq; ad omnimodam solutionem, vel Mortem, reliquum totum emarcuerit.

De prima igitur, quæ repentè fit, permutatione dicamus; quoniam omniū, quas antea diximus, optima est: atq; ideo ipsam per excellentiam Crisim nominant; quoniam Naturâ, quæ præternaturam sunt, superante, exquisitè perficitur. Ex alijs autem permutationibus, quæ quidem ad subitam mortem, malâ Crisis est: quæ verò aliquam effatu dignam faciunt mutationem, non tamen integram solutionem, imperfectæ Crises vocantur: sicuti & quæ sensim marcescente, vel virtute, vel morbo, contingunt: & hæ solutiones simpliciter, non Crises nominantur.

Hoc Capite Methodum à se in toto Opere de Crisibus observandam proponit Galenus. Dicit enim, suum institutum esse, docere, qua ratione Medicus præsentis morborum mutationes cognoscere, ac futuras adhuc prænoscerè valeat. Mutationum ergo omnium, quæ in morbis contingunt, sex statuit differentias. Prima differentia, siue species, est illa subita mutatio, quæ fit ad integram salutem; siue pristinam sanitatem. Secunda species, est illa repentina mutatio, quæ fit ad mortem. Tertia species, est illa lenta mutatio, qua paulatim morbus, Naturâ hunc sensim superante, deficit, marcescit, donec ad Sanitatem peruentum fuerit. Quarta species, est mutatio, tertiæ iam expositæ, opposita; quæ nimirum ægri viribus sensim dissolutis, ad mortem terminatur. Et hæ sunt quatuor simplices mutationes; quæ in morbis non rarò cōtingunt. Simples, inquam, hæ dicendæ, quoniam eodē sunt tenore: nam omnes subitæ mutationes ad salutem, sunt eiusdem rationis, quòd ad salutē simpliciter & absolute terminetur. Similiter omnes subite mutationes, quæ ad mortē absolute terminantur, eandem obtinēt rationē. Paulatinæ mutationes in morbis, siue ad salutem, siue ad mortem terminantur, sunt pariter simplices species: Nam omnes mutationes, quæ sensim, Natura vincente, & morbo marcescente ad sanitatem terminantur, sunt eiusdem rationis; & speciei. Oppositæ mutationes, quæ pedetentim morbo vincente, & Natura marcescente, ad mortem terminantur, eandem naturam habere videntur: id est, tametsi morbi sint diuersæ speciei, mutationes tamen sunt eiusdem ratione modi, quò ægrum ad interitum deducunt: quod

quod de positis modò mutationis speciebus pari pacto dicendum.
Multi quidē morbi, etsi specie, aut genere diuersi, eadē repentina mutatione secundum speciem, ad salutem, aut mortem terminari possunt; sicuti genere, aut specie distincti morbi lentē ad sanitatem, vel exitium finiuntur: Sed quia Salus, & mors sunt diuersi termini, ad quos de sinunt mutationes, hęc ratione diuersitatis terminorum distinguuntur: Et quia salutares termini sunt aliquo modo diuersi, salutaris mutationis tres constituentur species: & oppositę mutationis ad mortem alię tres, vel quatuor, vt docet Galen. lib. 3. de Crisibus cap. 7.

*Mixta
mutationes
morborum
aut due.*

*Prima
mixta ad
salutem iē.
dens.*

Pręter enumeratas modò quatuor Mutationis species, duas alias proposuit Galenus, quas mixtas appellauit. Mixtę Mutationes in ægris sunt illę, quę subitā, & lentā simul mutatione constant: & ad Salutē, vel ad mortē terminantur. Quinta ergo ordine mutatio est mixta, quę ad Salutem definit, sed inæqualiter. Nā principiū huius mutationis est subita mutatio, nō ad integrā Salutem, sed ad meliorē statū: & ratione huius partis, subitę mutationi ad salutē, quam primā speciē mutationis morbi statuit Galenus, assimilatur. Reliqua verò pars mixtę huius mutationis est lentus progressus ad integrā Salutē: in quo lentę mutationis, quā tertiam speciē posuit Galenus, naturā emulatur. Cū ergo sit particeps subitę, simul & lentę mutationis, meritō mixta mutatio appellatur.

*Secunda
mutatio
mixta mor
tem respi
ciens.*

Sexta species mutationis, quintę iam expositę aduersa, est mixta mutatio, cuius prima pars est subita, non ad mortem, sed ad peiorem statum, mutatio; in quo subitę mutationi ad mortem, quam secundam mutationis speciem statuit Galenus, assimilatur. Reliqua verò pars huius mixtę mutationis, est lentus progressus ad mortem usque; in quo lentę mutationis ad mortem, quam quartam speciem posuit Galenus, naturam emulatur. Cū ergo subitę mutationis ad mortem, & lentę mutationis ad mortem, hęc mutatio sit particeps, rectē mixta mutatio nuncupatur.

Tertiam hanc doctrinam de mutationis speciebus fusiū satis propalauit Galen. 3. de Crisib. cap. 7. quod Caput in confirmationem doctrinę hactenus à me expositę, hęc traducere placuit: Cum verò, res plures sint, inquit concedant mihi Sophistę, manifestationis doctrinę gratiā, singulis proprium nomen imponere. Et, si hec ipsi non concesserint, longē eis valere iussis (neq; enim

ipsis, sed ijs, qui veritati student, hic sermo componitur) ita consideremus. Si quis subito morbo liberatur, omnino huic aliqua euacuatio effatu digna contingit per vomitum, vel per ventris exonerationem; vel sudores, vel urinas, vel sanguinis è naribus profluuium, aut ex sede per hæmorrhoidas, aut in mulieribus per purgationem menstruorum. Sed, & parotides non paucos in tempore opportuno liberarunt, & ad genua, & ad pedes, & ad aliud quodpiam membrum ignobile decubitus. Et quidem antecedit his omnibus, atque affidet, non modica in ægrotantium corpore perturbatio: delirant enim & difficilem habent anhelitum, & stomachi angustiam, atque alia quæ prius diximus, patiuntur. Vnus quidem hic modus est morborum solutionis, quem non modo nos Crisim nominare instituimus, manifestioris doctrinæ gratia, sed omnes etiam qui nos antecesserunt, eodè nomine Crisim nominabant. Alter verò modus est, qui hæc quidem omnia seruat, vno autem tantum modo differt, quia non integrè à morbo liberat. Nominatur verò, & hic nonnunquam quidem Crisis simpliciter, sicuti & prior: aliquando etiam cum additione, Crisis imperfecta, vel Crisis defecta. Quicumque autem morbi paulatim finiuntur, solui quidem in præsentia dicuntur, per Crisim autem finire nequaquam; quamuis aliquando per abusionem hoc etiam Crisim nominari dixerimus. Sed nunc singulis trium eorum, quæ diximus, claritatis causa, sit proprium nomen impositum: Crisis quidem simpliciter, morbi solutio subita: Defecta verò Crisis, subita morbi diminutio. Solutio autem simpliciter, quæ in longiori tempore, & paulatim facta est. Sicuti verò vel effatu digna euacuatio, vel omnino decubitus cum veloci perturbatione necessariò in Crisibus fiunt: ita in solutionibus neque agitatio aliqua, neque euacuatio, neque decubitus accidunt. Tres quidè hi sunt modi commutationis morborum, cum à morbo liberari debet ægrotus. Tres verò alij proportionaliter oppositi istis existunt, cum non moriturus est: Vel enim subito moritur vnà cum turbatione & agitatione, & quibusdam excretionibus, vel decubitus effatu dignis: Vel in ortem non subiit quidem ex istis, sed multò deterius euasit; vocentur autem hæ duæ Crises non bonæ, cum nihil refert, siue hoc modo, siue malas Crises nominemus: Scorsum verò, prima quidem perfecta, Secunda verò imperfecta: Tertia quidem

Subita mutatio ad salutem, semper fit superveniente, aut committente excretionem aliqua, vel abcessu. Per turbatio non solum Crisim præcedit, sed hanc eandem commiscetur.

Secunda bona Crisis species, quæ simpliciter talis dici potest: aliquid quando in perfectam Crisim, aliquid in defectam. Morbi quæ paulatim finiuntur, solui dicuntur.

Crisis abicienda. Crisis simpliciter est subita morbi solutio.

Alteram Crisim salutarem, est subitam morbi diminutionem. Simplex solutio bona.

species malæ permutationis, quæ paulatim fit vsq; ad mortem, & marasmus. i. marcor, nominetur. Hæc igitur tria alijs tribus opposita sunt. Quartus modus est subitæ mutationis ad peius, sine magnis excretionibus, vel decubitibus: quam nequæ Crisim appello. Quod igitur hunc modum ab alijs differre dicimus, quos cum agitatione, ac perturbatione, & effatu dignis excretionibus, aut decubitibus fieri dicebamus, vniciq; manifestum est: differt enim, sine his fieri accidentibus, quæ prius iudicatoria nominauimus, & que absque excretionem, vel decubitu: & fieri cum illis. An verò rectè, vel non, huic modo mortis nomen Crisis detrahimus, hoc est de nomine, non autem de re ipsa contendere. Ego autem quatuor modos docui inuicem differentes, & singulis proprium nomen manifestioris doctrinæ gratiâ imponendum censi. Siquis verò melius, vel manifestius scit nominare, de eius nuncupatione minime disceptauerimus: docere verò utile aliquid haudquaquam in isto consistit, sed in dignoscendo hos singulos modos, cùm adsint, & futuros prænoscendo. Neque etiam, si horum modorum causas explicare tentarem, deinde quispiam eisdem causis, tanquam non rectè habentibus, contradicens, putaret se aduersus ipsos modos differere, rectè opinaretur. Cognoscere enim, quod tot sunt modi, quibus sanentur, aut moriantur ægrotantes, ac quod dictis nominibus nominantur, atque vbi præsentem fuerint, ipsos dignoscere, futuros verò præcognoscere, hæc ipsa ad medendum conferentia sunt: atq; expedit quidem nomina concedere, dignotiones verò, ac præcognitiones experientia explorare.

Ex dictis liquidò constat Senarius, aut Septenarius numerus mutationum in morbis: quarum tres ad Salutem, quatuor ad mortem desinunt. Cæterum, ijs mutationibus, quæ sensim & lentè, ac eodem ferme tenore in morbis fiunt, omisis, de Criticis tantum mutationibus à nobiscum Galeno in præsentiarum agatur. Criticæ mutationes, sunt numero quatuor. Prima mutatio, siue prima species Crisis, est subita mutatio ad integram salutem: Secunda species, est subita mutatio ad mortem: Tertia, est subita mutatio ad meliorem statum: Quarta, est subita mutatio ad peius, siue deteriorem statum. Mutatio ergo omnis, quæ non est subitanea, & vehemens, Critica non est. Vnde Galenus comment. 3. Prognost. tex. 1. ait: Iudicatio enim per morbos de toto translatitia, appellatur.

Quatuor
Crisis species.

latio-

latione dicta est, signans præcipitem in morbo mutationem, quæ quadrifariam existit: aut enim statim ægri vindicantur à morbis; aut magnam obtinent in melius mutationem: aut statim moriuntur: aut multò deteriores euadunt. Itaque duas primas iudicationes, simpliciter nominant Iudicationes: proximas duas magna ex parte cum adiectione, malam iudicationem, aut prauam iudicationem, aut aliquid tale, verbo Iudicationis adiicientes, quandoq; verò & sine adiectione simpliciter.

Hic, & lib. 2. Aphorif. 23. quatuor Crisis species proposuit Galenus: quarum duas ad salutem tendentes, quia bonas, simpliciter Crises appellat; alias duas ad mortem tendentes, malas, prauas, tametsi eas aliquoties Crises simpliciter dici posse, confiteatur. Quòd autem Crisis omnis debeat esse subita mutatio, præterquam quòd passim id à Galeno demonstratum fuerit, Ratio vltius rem persuadet; cum in hoc Crisis à lenta mutatione distinguatur: Omnis autem velox mutatio, Crisis appellatur; vt loquitur Galenus lib. 3. de Dieb. Decret. cap. 5.

Quòd deniq; bona Crisis, Crisis simpliciter dici mereatur, est Galeni doctrina lib. 3. de Crisib. cap. 2. vbi inquit: Sola igitur subita ad sanitatem conuersio simpliciter Crisis nominatur. Licet autem hic de prima Crisis specie, quæ repente ad sanitatem terminatur, loqui videatur, non tamen illam Crisim, quæ ad meliorem statum tendit, omninò excludit: alibi tamen hanc defectuosam nuncupat; quia ad absolutam sanitatem non terminatur. Crisis sanè mala, etsi iudicium dicatur; quia tamen bono fine, respectu ægri, caret, talem denominationem non, nisi vix, meretur.

Quatuor præfatas Crisis species ante Galenum proposuit Hippocrates lib. 1. Epidem. Sect. 3. seu iuxta Galeni ordinem, Commentario 3. hac serie: Insuper est animaduertendum, & cognoscendum, quæ sint his temporibus futura iudicia ad salutem, vel ad perniciem: aut momenta ad melius, vel ad peius. Galenus in Commentario sequenti ordine loquitur: Hoc loco significatum dictio- nis, Iudicij, docet, quod breuiter dicas, morbi repentinam esse mutationem. Nam fieri mutationem quadrupliciter, ipse dilucidè significauit: ad salutem, vel perniciem: aut momentū ad melius, vel peius, insigne quidem. Prætermisit verò Hippocrates dicere, insigne, vt quòd in communi significato dictionis, iudicij, contineatur.

Species enumerata sumuntur ab ipsa Crisifessetla. tur: Et hæ sunt quatuor veræ Crisis species, quæ videlicet ab ipsa formali ratione Crisis desumuntur. Diximus enim Crisim esse motum, siue mutationem. Legitimæ ergo eius species sunt motus specifici iam enumerati.

Species Crisis minus præcipuæ.

Alia Crisis species accidentales.

Deficientes, & perfectæ Crises.

Die 12. & 16. nullam vidit Crisim Galen.
Die 7. bona Crisis est frequens die sexta, mala.

Crisis 7. die coringens optimas habet frequenter conditiones.

Crisis diei sexti malas habet conditiones; veluti Crisis duodecimi diei.

Quoniam omnis Crisis vel bona est, vel mala, facilis, vel difficilis, multæ species à bonis, malisue conditionibus modisue desumptæ à Galeno proponuntur lib. 1. de Dieb. Decretor. cap. 2. Species Crisis, quas à diebus venatur, in principio Capitis proponit. Iudicia enim (inquit) seu Crises ipsæ omnibus diebus accidunt, sed neq; pares numero, neq; ex æquali fide. Hoc intercedit discriminis inter illas, quod aliæ bonæ, aliæ malæ eueniunt: quædam cum pluribus & difficilioribus symptomatis, & maiore certamine: nonnullæ statim ab initio tutò inuadunt. Quin etiam in hoc plurimum differunt, quod hæ deficientes, illæ perfectæ sunt: nec minùs, quod aliæ certis statutisq; diebus iudicatæ priùs, fiunt: aliæ repentè, & ex improviso non idiotis modò, sed etiam artificibus eueniunt. Tot sunt Iudiciorum differentia: tot etiam Dierum Decretoriorum. In duodecimo enim, & decimosexto nullum vnquam iudicatum vidi. In septimo ne vel enumerare quidem omnes adhuc possum. In sexto iudicantur, sed cum difficilibus symptomatis, & periculo maximo: ad hæc absq; fide, imperfectè, obscurè, sine notis, & ad malum.

Postquam Crisis malas, bonasque differentias speciesue à differentia dierum bonorum, malorumq; desumpsit Galenus, paulò post in eodem capite prolatam modò doctrinam optimè hac serie exposuit: Nam, quod in tot annis septimum diem iudicantem, subinde simul & absolutè, fideliter, tutò, manifestè, conspicuè, & salubriter: Sextum è contrario viderim; non paruum quoddam discrimen ostēdit. Porro, quod ego quidem duodecimum nunquam viderim iudicantem: alius autem quispiam rarò simul & imperfectè, infirmè, cum periculo, obscurè, sine signis, & malè: neque hoc exiguum dierum differentiam indicat. Multi siquidem morbi sunt, qui in septimo die iudicantur absolutè, pariter, & securè, tuto, apertè, cum bonis signis, & dextrè: in duodecimo rari quidem

adeo, vt nobis visi sint nondum : & sicui aliquando ante nos in duodecimo die Crisis euenisse visa est, vel imperfecta, vel infida; vel periculosa, vel obscura, vel sine signis, vel omnino ad malum accidere visa est.

Proposita modò verba præclare explicat ibidem Galenus, se-
quenti serie. Voco imperfectam indicationē, cū ex morbo quip-
piam relinquitur: inidam seu incertam, cū morbi recidua con-
tingit: periculosam, quæ cum symptomatis grauib; accidit: ob-
scuram, quæ citra excretionem, vel abscessum quempiam euiden-
tem euenit: Sine signis fieri dicitur, quæ à nullo priore indicata
est: mala, quòd in ægri perniciem omnino desinat non opus est, vt
dicam.

*Imperfecta
Crisis qua:
qua infida;
qua peri-
culosa: que
obscura;
qua sine si-
gnis: quæq;
mala.*

Rursus absolutam voco, quæ nihil relinquit morbi: Fidam, fir-
mam, securam, quæ non amplius redit. Tutam, quæ sine pericu-
losis symptomatibus accidit. Sic manifestam, cui excretio quæ-
dam, vel abscessus insignis, ac conspicuus adest: Cum bonis signis
accidit Crisis, quæ à contemplatorio die prius indicata est. Bon-
nam esse Cr. firmam, quæ ad sanitatem desinit, non puto quempiam
latere. Verum, si hæc ita apparent, maximam esse dierum iuticem
differentiam nullus reclamabit.

*Qua abso-
luta, fida,
firma, se-
cura, tuta,
manifesta,
cum bonis
signis, &
denum bo-
na.*

His bonæ, malæq; Crisis conditiones exposuit Galenus, & mul-
tò sanè sublimiori stylo, quàm hi, qui Galeni doctrinam, suam fa-
ciunt, nullâ, vel modicâ factâ mentione Galeni: inter quos non
vltimum locum tenet Daniel Sennertus, qui non Galeno magis,
quàm Recentioribus scriptoribus passim adhæsit. Bona Crisis, vt
in cap. iam citato, & alibi docuit Galenus, die Critico fieri debet:
Et hæc est bonæ Crisis prima conditio.

*Sennertus
vulgaribus
scriptori-
bus quam
Galeno
magis ad-
dictus.*

Secunda conditio bonæ Crisis est, vt sit cum bonis Signis: & ta-
lis erit illa, quæ prius fuit indicata die contemplatorio, siue indi-
ce. Vt si signa apparuerint coctionis in Urinis, aut Sputis, aut alui
excrementis die quarta, est signum optimum, quòd vnâ cum reli-
quis bonis signis, idest tolerantia ægri, validisq; viribus, & absen-
tia prauorum symptomatum, Crisim futuram die septima prænu-
ciat. Idem de vndecimo die, respectu decimiquarti: & de decimo-
septimo respectu vigesimi, dicendum.

*Bona Cri-
sis prima
conditio.
Secunda
bonæ Crisis
conditio.*

Tertia conditio, vt Crisis sit tuta: Est enim tuta, quoties nulla
præuere, aut superueniunt periculosa symptomata: In omni sanè

*Tertia bo-
na Crisis
conditio.*

Crisi fit magna turbatio, & vehementia quædam præcedunt symptomata, quæ tamen nullatenus metuenda, quoties signa coctionis die indice apparuere. Quod autem Signa coctionis bonam

Signa coctionis bona Crisi præcedunt.

Crisim præcedere debeant, ab Hippocrate est indicatum lib. 1. aphorism. 12. loquendo de Sputo in Pleuritide; & lib. 4. aphorismor. 71. sequentia scripsit Quibus septimo die fit Crisis, ijs nu-

Bona Crisis tres conditiones ex Galeno.

becularubea quarto die in Vrina apparet, & alia ex ratione. Ibidem, & alibi passim, eandem est amplexus sententiam Galenus,

& clarissimè lib. 4. aphorism. comment. 22. dum inquit: Siquidem ut bona fiat Crisis, coctionem præcessisse oportet, & secretionem

sequutam fuisse, tandèq; euacuationem. Comment. citati aphorismi 71. lib. 4. etiam ait: Solis enim Coctionis signis in diebus con-

templabilibus apparentibus, bonæ fut ure iudicationes indicantur. Nèc solum nubeculam rubram, sed multò magis albam in Vrinis

Substantia bona Vrinarum, huiusmodi bonus color, coctionis signa sunt.

die decretorio à contemplabili indicato, præmonstrare docuit: Imò colores bonos in Vrinis, & substantiam pariter bonam, aliaq;

laudabilia die contemplabili contingentia, eandem habere præmonstrandi virtutem affirmavit. Nam signa Coctionis semper bonum significant, veluti cruditatis signa malum: Vnde Hippocr. 1.

Epidem. sec. 2. ait: coctiones, iudicationis celeritatem, salutisq; securitatem significant. Cruda verò, & incocta, & quæ in malos abs-

cessus conuertuntur, iudicationum carentias, vel dolores, vel temporis longitudinem, vel mortes, vel reciduas ostendunt. Ga-

lenus commentario 12. lib. 1. aphorism. inquit. Coctionis igitur signa semper bona sunt, iudicationis verò signa non semper. Licet ergo nox, aut dies præcedens Crisim grauis sit, ut loquutus est lib.

Quibus Crisis fit, nox grauis ante accessionem.

2. aphorismor. 13. Hippocrates (vigilant enim magna ex parte, & grauitè se habent, ac feбриunt vehementius ægri, quanto magis

iudicatio appropinquat. Plures verò eorum propè iudicationem spirant difficulter, ut loquitur Galenus comment. citati aphorismi

71. lib. 4.) non est quod timeamus quidpiam, signis coctionis apparentibus die indice. Nam Coctio præcedens, viatricem significat Naturam: facultatem nimirum concoctricem, & Calorem na-

tium præcipuum Animæ Instrumentū, ad suas functiones obeundas; ut testatur Philosophus lib. 2. de part. animal. c. 7. & Galenus

iuxta Hippocratis placita libro 3. de causis pulsuum cap. 9. & li-

bro 1. aph. comment. 15. Caloris natiui facundia ex pulsu maximè percipitur, qui, si validus fuerit, & constans, benè de futura Crisi sperandum. Coctio quidem excrementorum, & validus pulsus, Caloris Natiui perfectionem arguunt. Proinde Galenus libro 9. Meth. med. cap. 5. Sanguinis missionem, constante virium robore, persuadet, non solum sexto, septimoue febris continentis die, verumetiam sequentibus. Vnde vni virium robori, non verò dierum numero, attendendum docet; quemadmodum plenè monuit libro de Curandi ratione per sanguinis missionem cap. 9. Quoties ergo signa Coctionis præcessere, & vires naturales, animalesque fuerint constantes, nihil timendum; etsi turbatio aliqua corpori contingat: quæ sanè non tanta est, nec tam vehemens, quanta est illa quæ malam Crisim antecedit. Nam certamen remissum est, quando natura longè morbum, huiusque causam superat, hancq; & illum faciliè deuincit. Vnde symptomata superuenientia, Crisi imminente, nec numerosa sunt, nec toleratu difficilia. Nam pulsus validus, & signa coctionis in Urinis, alijsue excrementis, omnem spondent Naturæ victoriam contra morbum, morbiq; causam, hanc deturbando, & illum sedando. Inò tam boni ominis pulsus validus, & Urina cocta, à Galeno perhibentur, vt ambo hæc signa simul concurrentia non solum in febribus acutis tutæ Crisis præfagia statuatur, sed certa indicia medendi, & euacuandi veniam Medico tribuentia. Vnde Galenus cit. cap. 5. lib. 9. meth. med. postquam de Sanguinis missione, & aquæ frigidæ vsu in febre continente amplè loquutus est, sequentia scripsit: Maxima verò continentium febrium remedia hæc duo sunt, detractio sanguinis, & potio frigida. Verum illa (idest sanguinis missio) nullo non tempore, modò vires sustineant: hæc (idest potio aquæ frigidæ) cum & in pulsu, & Urinis, concoctionis euidentes cernuntur notæ, febris autem est maxima. Attendenda verò cum venæ secundæ indicationibus, sunt, tum quæ eam præcedunt, tum verò quæ omninò excipient. Nam si præcedat ciborum cruditas, tanto tempore differre venæ sectionem iubebis, quantum satisfacere, tum ad eorum concoctionem, tum vt excrementa descendant, videbitur. Sin sequetur necessariò vacuatio quæpiam (vt menstrua purgatio, aut hæmorrhoidalis fluxus) tantum illi de eo quod superfluum est relinquendum, quantum est per eam euacuandum. Hæc integrum

*Præcipuè
permittens
Sanguinis
missionem.
Septimo
die sangui-
nè mittit.*

Phlebotomia, & aqua frigida continentis febris remedia.

Aqua frigida potio coctionis signis apparentibus, utilis est.

Cruditas ciborum Phlebotomiam prohibet.

icbur ijs, quæ antea protulimus, addunt.

*Quarta
bonæ Cri-
sis cōditio.*

Quarta conditio bonæ Crisis est, vt sit manifesta. Manifesta autem dicitur Crisis, quæ per euacuationem, aut abscessum fit. Euacuatio, est excretio materiæ noxiæ per aliquas vias extra corpus.

*Excretio
quid.*

Namq; quælibet superfluitas, prout præparata est, & viæ, per quas deturbari debet, benè dispositæ sunt, à vincente natura expellitur

*Septē spe-
cies euacuationis
Criticæ.*

eò quò commodiùs videtur. Idcirco alui fluore, Naturæ iudicio, molito, causa morbifica nō rarò euacuatur; aliàs Vrinæ profluuium, aut hæmorrhoidali fluxu, aut menstruali, aut hæmorrhagiâ, aut sudoribus, aut sputis, aut vomitu. Omnes etenim hæ excretionēs manifestæ sunt, & non rarò Criticè natura superante in morbis fieri conspiciamus omnes Praxi Medicæ addicti. Verùm causa morbifica non est aliquādo ita benè disposita ad exitum extra corpus, vel natura non est adeò valida, vt cum impetu materiam superfluam externat, vel viæ non sunt patentēs ad transitum eide m materiæ superfluę concedendum. Proinde natura quod potest perficit: idest, non potens causam morbificam extra corpus omninò relegare, eam ad aliquas partes magis imbelles, quàm sint partes relegates siue expellentes, propellit; ibidemq; superflua materia sistens, partem in tumorem eleuat; & talis transmissio humoris ad partem aliquam, in qua aliqualem efficit vt plurimùm tumorem, abscessus dicitur; & Criticè non rarò contingit: & quidem sæliciter, cessante, vel saltem diminuto primario & præcipuo morbo, à quo pars potissimùm affecta, tunc liberari consuevit.

*Abscessus
quid.*

*Medicus
natura
imitator.*

Medicus, dum medetur, geminum modò expositum naturæ conatum sectatur. Præparat enim humores morbum efficientes fouente s;que, eosque postmodum solutiuis remedijs euacuat: & quidem, quotiescunque natura impotentiâ laborat euacuatione m moliendi. Similiter quando causa morbifica purgantium medicamentorum debitæ propinationi integrè non cessit, cogitur Medicus Naturam abscessum molientem imitari, humorem superfluum reuellendo, deriuando, & euacuando, mediantibus præcipuè scarificationibus, vesicatorijs, frictionibus, dolorificis ligaturis, & cauterijs. Excitantur enim non rarò in cruribus, dum caput vitio partium infernarum, vt hepatis, lienis, aut vteri, infestatur, reuulsionis ergò, vlcera mediante cauterio: ex quibus vlceribus diu relictis apertis, superuacanea materia, quæ sursùm vehēbatur, & caput

put ferire solebat, paulatim extrorsum manat. Natura etenim tunc à Medico veluti docta, huic euacuationi per infernas vias assuescit. Aliàs cogitur Medicus superfluitates capitis, purgantibus non cedentes, præsidij derivantibus euacuare, simul & reuellere. Huius rei gratia spatulis admouentur Cucurbitulæ cum magna flamma, & scarificatione profunda, apponendo prius collo cucurbitulas, & consequutiue partibus inferioribus versus spatulas, & lumbos, vt hac arte humores in capite contentos, & ad anteriores partes, vt oculos, os, nares, imò & aures, & inde quandoq; ad fauces, & guttur, prolabentes, retrorsum auertantur reuellanturque, & simul euacuentur. In eundem finem vesicatoria spatulis, & collo apponuntur, quoties repetitæ cucurbitulæ, post vniuersales euacuationes, non profunt. Et quoniam molestum esset Cucurbitulas, aut Vesicatoria singulis diebus apponere, idcirco Medici excogitarunt usum Setonis, siue Sedi, in collo inter primam & secundam vertebra: quo artificio diu noctuq; aliquid saltem humoris superflui retrorsum transmittitur ad partes externas, & minus nobiles; aut saltem minoris interiorisue vsûs. In vertice adhuc capitis supra Suturas, Coronalem, & Sagittalem, in eundem finem vlcera excitantur ferro, scarificando nimirum leuiter ipsam cutem, & iterum apponendo illico cucurbitulas, vel Causticum potentiale admoueat. Caustici verumtamen vsus in illa parte ad reuellendum, & euacuandum non est adeò tutus, ac in posteriori parte: Primò, quoniam causticum in excarnea illa parte faciliè ad pericranium penetraret, idque læderet; imò & cranium ipsum alteraret, læderetq; adhuc duram matrem, cuius portio est ipsum pericranium. Secundò, quoniam Medicus hoc genere præsidij, naturam abscessum molientem imitatur. Sed natura abscessum infra morbum, & non supra efficit, teste Hippoc. lib. 2. Epidem. Medicus ergo, qui est naturæ Minister, Imitator, & Spectator, infra morbum, seu partem morbo affectâ, materiâ morbificâ, mediantibus præfatis auxilijs deponere debet. Cæterû euacuationis, aut reuulsionis ergo, commodissimè cucurbitulæ cum scarificatione suturarum regioni, adhibentur, vt in phrenitide satis, superque compertum habeo. Sed hæc, occasione abscessûs, & excretionis, dicta sunt.

*Caustici
inustio
supra suturas
capitis,
periculosa.*

Cæterum, quòd Crisis bona fiat per excretionē, vel abscessum,

*Crisis, cō-
muniter,
per excre-
tionem, vel
abscessū fit.*

vt diximus, est doctrina Galeni lib. 3. de Crisib. cap. 2. vbi sequen-
tia scripsit: Sola igitur subita ad sanitatem conuersio, simpliciter
Crisis nominatur. Et quidem omninò fit per manifestas quasdam
excretiones, aut effatu dignos abscessus: quicunq; .n. aliter quieue-
rint, malignius retrocedunt. Nos tamen cum eodem Gal. alibi,
Crisim bonam infantibus benè dormientibus cum insensibili per-
cutem euacuatione contingere credimus. Comment. enim 3. Pro-
gnost. textu 1. hæc habet: Didicistis præterea, vt omnis iudicatio
cum quadam euidenti fiat euacuatione, aut abscessu: rarò enim
pueruli tantummodò per somnum altiore, ac longiorem celeres
in melius fecerunt mutationes: quas nonnulli etiam volunt nomi-
nari iudicationes, alij nequaquam comprobant.

*Quintæ
Crisis bo-
næ cōditio.*

Quinta Crisis bonæ conditio est, vt sit fida. Et talis Crisis dici-
tur illa, quæ nullas relinquit in corpore superfluum humorum
reliquias. Nam quoties aliqua humoris morbofi pars superstes in
corpore latet, relapsum in morbum, seu recidiuam minatur: vt ha-
betur lib. 2. Aphorism. 12. Quæ relinquuntur in morbis post iudi-
cationem, recidiuas facere consueuerunt. Humor quidem super-
fluus in corpore relictus, cum inutilis sit, & in corporis substan-
tiam conuerti nequeat, necessariò putrescit; & eò quidem celerius,
quò locus, in quo fuerit collectus, calidior est, & minùs perspira-
bilis. Ad fidam Crisim, reuocanda est absoluta à Galeno descri-
pta: similiter & segura, ac firma.

*Fida, ab-
soluta, se-
cura, &
firma Cri-
sis.*

*Sexta cō-
ditio bonæ
Crisis.*

Sexta bonæ Crisis conditio, vt fiat ratione speciei morbi, natu-
ræ ægri, & ætatis. Acuti enim morbi per euacuationem, siue ex-
cretionem, sæpiùs terminantur: morbi verò longi per abscessum.
Si naturâ deniq; biliosâ & sanguineâ æger fuerit præditus, & febre
laboret ardente, per hæmorrhagiam non rarò Crisis fiet: Si autem
biliosâ & pituitosa febre, sæpiùs per vomitum, aut alui fluorem. In
ætate pariter Iuuenili morbi acuti per vomitum, & hæmorrhagiam
sæpè terminantur: in senibus per alui profluuium. Vt ergo Crisis
absolutè dicatur bona, debet non solum supradictas quinque
conditiones habere, sed insuper speciei morbi, temperamento, &
ætati ægri correspondere.

*Crisis ma-
la bonæ
Crisi ad-
uersa.*

Crisis malæ conditiones, iam dictis bonæ Crisis conditionibus
opponuntur: & utræq; ex Galeni verbis à nobis ex cap. 2. lib. 1. de
Diebus Decretor. superius traductis, ferè patebunt. Ego de his

modò mentionem feci, vt ostenderem à bonis, malisque conditionibus, species quasdam Criseos posse constitui. Nam vna, quæ ad salutem tendit, bona dici potest: opposita verò mala. Bona similiter potest esse absoluta, opposita imperfecta. Et sic de cæteris paulò antè dictis, proportionè seruata, dicendum.

Qui volet vltèriùs alias quasdam Crisis species ex varietatè mor- *Crisis species à causa morbifica semiotica desumptæ.*
 dorum, quibus Crises fiunt, rimari, Crisim diuidet in eam, quæ fit per excretionem, & in eā quæ fit per abscessum. Et Crisim per excretionem factā iterum subdiuidet, in Crisim factam per hæmorrhagiam, in Crisim factam per vomitum, in Crisim factam per sputum, in Crisim factam per sudores, in Crisim factam per alui fluorem, in Crisim factam per Vrinæ profluuium, in Crisim factam per hæmorrhoidas, siue podicis venas, & in Crisim factam per menstruas purgationes. Crisis pariter quæ per abscessum fit, subdiuiditur in varias species: Nam humoris transpositio transmissione à parte infestata, varia est pro varietatè partis affectæ, aut inclinationis humoris ad hanc, illamue partem.

C A P V T IV.

De Signis Criseos in genere.

PRæcipuus huius Libri Scopus est, Signorum Criticorum exactissima disquisitio. Nam mediantibus Signis Criticis, quamplurima de futuro ægritudinis euentu, summa cum certitudine Medicus, instar Vatis, pronunciare poterit. Signa verò Critica, siue indicatoria, sunt illa quæ nobis iudicij, siue Crisis naturam, & modum ostendunt. Suntq; in triplici differentia. Quædam enim dicuntur antecedentia siue præcedentia, & sunt illa, quæ in futuræ Crisis cognitionem nos plenè manuducunt. Secundum locum obtinent Signa illa, quæ concomitantia appellantur; quoniam Crisim ipsam, dum fit, concomitantur. Tertium occupant locum Signa illa, quæ consequentia, siue subsequētia dicuntur, quoniam Crisim subsequuntur. De hoc triplici Signorum genere, distinctis capitibus, fusiori oratione agemus.

Signa critica sunt in triplici differentia.

CAPVT V.

De Signis, quæ Crisim præcedunt.

Signa præcedentia, in duplici sunt differentia.

Imminente Crisim prodentia signa, in duplici sunt differentia: quædam Vniuersalia, quædam peculiariora.

Excretio & abscessus dicuntur modi quibus Crisim fit.

Signa Crisim præmonstrantia in duplici sunt differentia: quædam diem, siue tempus quo Crisim futura est, præostendunt: quædam modum, quo Crisim ventura est. Signa quibus Crisim imminentis modus detegitur, primo loco exponemus: Posthæc autem signa, quibus diem, in quo Crisim superuenire solet, comprehendimus, proponuntur. Ratio etenim persuadet, prius proponenda Signa excretionis Criticæ, & Critici abscessus, quam signa temporis, quo Crisim contingere consuevit: quoniam prius euacuationis, ac abscessus naturam & modum præscire debemus, quam tempus futuræ euacuationis, vel abscessus. Nam ignorata excretionem, & abscessum, tempus excretionis, & abscessus nos penitus latebit. Signa imminet Crisim prodentia in duplici sunt differentia: quædam vniuersalia dicuntur; alia particularia & specifica. Vniuersalia dicuntur illa signa, quæ in vniuersum, genus, siue communiorem modum Crisim præinducunt: Peculiariora, quæ generis species. Capite 3. huius Libri præmonuimus Crisim in duo subdiuidi genera; quorum vnum Excretio dicitur: alterum Abscessus. Excretio in varias, quas ibidem enumerauimus, species distribuitur: Abscessus etiam in plures. Excretionem, & Abscessum, modos, quibus Crisim fit, appellare licet: vti testatur Galenus lib. 3. de Crisib. cap. vlt. vbi, postquam Hippocratis plures sententias de Abscessu, & Excretionem in medium produxit, sequentia scripsit: Et hæc quidem etiam in Prognosticis ab Hippocrate dicta sunt, indicantia modos, secundum quos Crisim fit. Signa, quæ Excretionem in vniuersum, non hanc, aut illam Excretionis speciem præinducunt, vniuersalia appellantur. Signa autem, hanc, aut illam excretionis speciem prænotantia, peculiariora. De abscessu in genere, & specie, pari modo dicendum: cum quædam sint signa futuri abscessus in vniuersum, alia speciei Abscessus. Quid euacuatio, siue excretio sit, quidque Abscessus, Capite 3. abundè dictum est.

Generalia, siue vniuersalia signa Euacuationis, siue Excretionis

Cri-

Criticæ defumi solent à morbi specie; à motu morbi; à parte læsa, siue malè affecta; à natura ægri; ab ægri ætate: ab Anni tempore: à Regione; & à Cæli statu. Morbi ergo calidi per excretionem siue Euacuationem Criticam terminari debent; frigidi verò morbi, vt plurimum per Abscessum. Etsi quandoque per excretionem, veluti calidi, per abscessum. Morbos porrò calidos per Excretionem iudicari par est; quoniam in morbis calidis humores sunt calidiores, tenuioresq; quàm in frigidis: adeòq; magis turgentes: Vnde exitum per aliquam viâ spontè quærunt; eosq; ita benè dispositos natura, iam vexata, deturbare molitur. Præterquàm enim quòd humores in calidis morbis facilè ad exitû disponuntur, viâ quæuis, & ductus etiam angustiores corporis, vi caloris dilatantur, & amplificantur adeò, vt feruenti & noxio humori iam præparato, & à bono segregato, congruus pateat exitus. Hippocrates has ob causas rectè docuit, Causonem per Hæmorrhagiam, aut Sudorem, non verò per abscessum iudicari. Causo enim siue Causus, siue Causon, est febris non solum ardens, sed continens; in qua massa sanguinaria tota flagrat. Morbi frigidi, cum calidis sint contrarij, per abscessum sæpiùs iudicantur. Vbi autem calor deficit, humores magis magisque refrigerantur, incrassantur, & non rarò viscidiores efficiuntur, adeòq; ad motum inepti. Præterea viæ omnes, ac meatus Corporis, angustiores, vi frigoris omnia cogentis & coarctantis, sunt.

Secundum, à quo signa vniuersalia desumantur, est motus morbi; qui si acutus, siue celer & vehemens fuerit, morbum constituit acutum; qui ideò dicitur, quòd citò, & cum vehementiâ sua tempora penetret, perficiatque. Diuturnus verò, siue longus, siue Chronicus morbus, dicitur ille, qui tardo motu peigrit. Acuti itaq; per Excretionem, ni facultas succumbat, & Chronici morbi per Abscessum iudicari, vt plurimum, consueuerunt. Dixi, vt plurimum, quoniam quidam morbi acuti per excretionem non iudicantur: & quidam morbi acuti per abscessum iudicantur: imò quidam morbi Chronici per Excretionem. Quòd aliqui morbi acuti per excretionem rarò, aut nunquàm iudicentur, patet: Nam Apoplexia, & Tetanos Conuulsionis species, si qui alij, sunt morbi acuti, qui tamen per excretionem non iudicantur; sed ad mortem quasi semper terminantur. Quòd acuti per abscessum aliquan-

Fundamēta vniuersalium signorum Criticorum

Calidi morbi per excretionem, frigidi per abscessum terminantur.

Febris ardens per excretionem iudicatur.

Causo quid.

Secundum fundamentum signorum vniuersalium est motus morbi.

Morbus acutus.

Morbus diuturnus quis.

do iudicentur, patet ex Hippocrate in Prognostic. sect. 2. tex. 64. qui textus hac serie scriptus est : Quibus autem abscessus fiunt ex pulmonijs, aut circa aures, ac suppurantur: aut ad infernas partes, ac fistulantur, ij supersunt. Et textu 67. sequenti, hæc habet: Abscessus autem, qui ad crura fiunt in pulmonijs vehementibus ac

Peripneumonia abscessu aliquando indicatur.

periculosus, omnes utiles sunt. Pulmonia enim nomine ab Hippocrate potissimum intelligitur Peripneumonia, siue Pulmonum inflammatio, quæ omnium Medicorum calculo, est in acutorum morborum genere. Præterea in acutis & malignis febribus frequentissimi fiunt abscessus: nam Glandulae ponè aures quandoq; ob humorem superfluum ad eas translatus, intumescunt: aliquando glandulae in axillis posita: quandoque glandulae Inguinum. Ad corporis deniq; circumferentiam, & ad cutem usque, plures transmittuntur humores, adeoq; ibi sistentes variorum abscessuum differentias constituunt: vt Carbunculos, Furunculos, Erysipelata, Variolas, Morbillos, siue maculas modò rubras, modò citrinas, modò nigras, modò violaceas: non rarò Vesiculas, Herpetes, & alia id genus. Vidi sanè ego iam à vigintisex annis, Anno videlicet 1626. quendam ægrum (Figeaci in Quercia Gallia Provincia) febre continente correptum, cui, postquam Prisanā quandam solutiua, quam auidè tempore sitis hauriebat, præscripsi, tumor vniuersorum pedum tantæ molis superuenit, vt his partibus ita inflatis, à febre tandem fuerit liberatus. Galenus huic doctrinae fundamentum præbet comment. 1. libri de humoribus, sequenti serie. Et verò etiam tubercula, & pustulae excitantur, cum natura partes corporis intimas expurgat, vt nonnunquam per excretionem, sic etiam per depositionem ad cutem. Subtiliores enim dilutioresque humores extenuans natura, per halitum digerit: ex crassioribus autem cuti, ac magis etiam pelliculae, quæ densior est, inhaerentibus, pustulae oriuntur: idq; illis potius accidit, quorum densior sit cutis, & durior.

Tubercula in cute.

Quod deniq; diuturni, siue Chronici morbi, aliquoties per Excretionem terminentur, constat Hippocratis testimonio lib. 3. Epid. in quo nonnulla proponit huius rei experimēta. Sectione quidem 3. eiusdem Libri, decimum proponit ægrum, Nicodemum videlicet Abdera agentem, qui cum ex Veneris, & potius usu in febrem incideret, vigesimoquarto die multam Urinam, & albam reddidit,

Nicodemus vigesimoquarto die sudore indicatus.

dit, in qua multa subsidebant: sudor ei toto corpore copiosè calidus emanauit. Sine febre iudicatus est. Octauus ægrotus Abderæ degens, fuit Anaxion, qui in febrem acutam incidit: Præterea assiduus dextri lateris dolor eum cruciabat, tussim habebat aridam: &c. Sub finem historiæ Hippocrates sequentia scripsit: Vigesimo-septimo redijt febris, tussijt, multa excreuit concocta, in Urina multa subsidebant alba, desijt sitire, dormiuit. Trigesimoquarto sudauit corpore, cessauit febris, in totum est iudicatus. Ecce Pleuriticus 34. die iudicatus, & quidem mediante sudore, atq; Urinæ profluuium, non secus ac Nicodemus, 24. die consimilibus euacuationibus à febre liberatus est. Ægrotus nonus rem eandem restatur: Fuit is Heropytus Abderæ degens, cui caput dolebat, nec decumbebat, quod tamen fecit paulò post: Hic ad superiorem viam habitabat. Captus est febre ardente, & acuta &c. In calce huius historiæ sequentia scripsit Hippocrates: Circa diem centesimum alius fuit turbata multis biliosis, durabantq; diu multa talia, dein de dysenterica cum dolore. Reliqua leuia fuerunt. In summa febres cum reliquerunt, discessitq; surditas. Centesimo est absolutè iudicatus. Febris ardens.

*Anaxion
trigesimo-
quarto die
sudoribus
iudicatus.*

*Heropytus
centesimo
die alui
fluore in-
dicatus est.*

Hic obiter notandum, Hippocratem pro principio morbi non intellexisse tempus, aut horam decubitûs, sed tempus læsionis sensibilis actionum: quo ante decubitû ægrotant multi; vt in hac historia testatus est, dum ait, Caput dolere Heropyto, etiamsi nonnisi postea decumberet. Certum etiam est, vnà cum Capitis dolore (eundem Heropytum) febre fuisse correptum. Historia 13. hanc doctrinam confirmat Hippocrates, inquiens: Apollonius Abderæ morbum rectus diu sustinebat.

*Principiū
morbi non
est desu-
mendū à
tēpore de-
cubitûs, sed
à tempore
læsionis a-
ctionum,
sensibilis.*

Ad rem rediens Hippocrates Ægroto septimo, Abderitanæ Virginis historiam proponens, hæc scripsit: Abderæ Virginem, quæ in vestibulo Templi decumbebat, febris cepit acuta & ardens: siticulosa erat, & insomnis, &c. In calce historiæ sequentia scripsit: Vigesimo-septimo multum sudauit, febre caruit, surditas eam reliquit: restabat pedum dolor, cætero fuit exactè iudicata. Ægroto 7. libri 3. Abderitanam Virginem vigesimo-septimo die per sudores iudicatam, & à febre liberatam narrat. Videtur Laurentius non legisse hunc locum, cum hanc Virgine septuagesimo die iudicatam narret. Eundem errorem ex Laurentio hausit Claudinus. Sectione

*Æger
quadrage-
simo die
sudoribus
liberatus.*

*Pythion
Perirrhæa
40. die sa-
natus.*

*Alter 40.
die.*

*Alter o-
ctogesimo.*

1. lib. 3. Epidem. Ægrotum proponit tertium in Dealcis orto decumbentem; & in fine historię inquit: Quadragesimo die alius pituitosa, alba, subcrebra deiecit: multum toto corpore sudauit, absolutè est iudicatus. Ægrotus primus lib. 3. qui Pythion dicitur, Vrinarum multitudine superueniente, quadragesima die sanatus est. Ægroto 10. lib. 1. Epidem. ait, Clazomenium igne, idest febre, fuisse correptum, die quadragesima mediantealui fluxu, perirrhæa, & parotidibus, fuisse liberatum. Ægroto 6. eiusdem sect. 3. lib. 1. Epid. refert, Cleonactidem die octogesimo, superueniente copioso sudore, liberatum fuisse à febre.

*Morbi a-
cuti 14.
diebus in-
dicantur.*

*Sympto-
mata di-
cuntur ca-
sus.*

*Die vnde-
cima, no-
na, septi-
ma, &
quinta,
multi in-
dicati.*

*Sextus
quosdā in-
dicat mor-
bos, sed nō
benè.*

*Respiratio
libera in
acutis, qui
cum febre
sunt, est
bona.*

Præfati quidem morbi, quanquàm acuti in principio dici meruerint, ijdem dum in longum tempus tardo motu protraherentur, acutien, nisi per interualla, deposuere, & Chronicorum naturam sunt induti. Vnde acuti, nonnisi per conuersionem, vt in nostræ Pathologiæ libro 1. docuimus, sunt appellandi: Nam morbi acuti simpliciter iudicantur intra dies quatuordecim; vt loquitur Hippocrates lib. 2. Aphorif. 23. Galenus. a. in Commentario rem totam confirmans, ait: Quod verò sit necessarium ob morborum magnitudinem, ac casuum (siue symptomatum) vehementiam, vel citò vires prosterni, adeò vt homo moriatur: vel ad noxiorum humorum excretionem excitatas, si modò quos inuaserint exuperent, bonam sequi iudicationem: Sin autem exuperentur, malam; vnicuique manifestum est. Propterea igitur fieri non potest, vt in longum tempus iudicatio differatur in morbis acutis. Terminum igitur in hisce omnibus Hippocrates posuit duas Septimanas, tanquam nullus eorum vltiùs progrediatur. Verùm ante quartumdecimum diem multi possint iudicari. Etenim vndecimus, nonus, septimus, & quintus, multos visi sunt iudicasse in libris Epidemiorum. Iudicat autem & sextus nonnullos, sed non benè.

Paulò post in eodem Comment. Galenus, quasi per modum obiectionis, ex Hippocratis Prognosticis sententiam ab aphorismo iam citato, valdè diuersam, sequenti serie introducit. Spirationis autem facilitatem existinare oportet perquàm magnā vim habere ad salutem in omnibus morbis acutis, qui cum febre sunt, & in quadraginta diebus iudicantur. His verbis visus est Hippocrates mutasse sententiam, morbos nimirum acutos, non spatio quatuordecim, sed potiùs quadraginta dierum, iudicari. Manifestè

stè enim hîc , sicuti in Aphorismo , de morbis acutis loquitur : imò non absolutè & in genere , in præsentî contextu de morbis acutis agit, sicuti in aphorismo, sed de morbis acutis, qui febrem habent comitem . Vnde Galenus textum Hippocratis exponens, inquit: Adiecit enim (Hippocrates) qui cum febre sunt , vt eos (morbos acutos scilicet qui comitem habent febrem) à Conuulsione, & Tetano, idest distentione neruorum, & Cholera, idest bilari, disiungeret, & quicumq; alij morbi sine febre acuti sunt.

Conuulsio, tetanus, & cholera, sunt morbi acuti sine febre.

Vt hanc apparentem contradictionem aphorismi , & Sententiæ Prognosticæ , discutiat Galenus , in commentario contextus Prognostici , præsupponit in primis duplex esse acutorum morborum genus : Siquidem , inquit , nonnulli simpliciter ac primùm vocantur acuti, quidam ex conuersione. Morbi simpliciter acuti dicuntur , qui propriè tales sunt , quales esse dicuntur . Particula , primùm, apud Galenum idem est, ac per se. Morbi verò acuti ex conuersione dicuntur illi, qui protrahuntur in longum , vt ad quadragessimum vsque diem , & fortassis vltteriùs . De hoc morbo acuto per conuersionem, & de morbo acuto per se , satis distinctè loquitur Galenus in Comment. citati aphorismi 23. lib. 2. hac serie. Quicumq; verò iudicationes sunt veluti imperfectæ , ijs finem imponit aliquis alius dies ex eorum numero , qui deinceps sequuntur , de quibus, qualesnam sint, in libris Prognosticis Hippocrates docuit: & hîc de ipsis aliquid in sequenti docebit aphorismo . Est autem & harum imperfectarum iudicationũ terminus , quidam vltior, vltra quem non amplius fieri progressus potest , dies quadragessimus. Quicumq; morbi intra diem quartumdecimum integrè iudicantur , hos solet Hippocrates acutos simpliciter nominare : Quicumque verò imperfectè iudicati, seruati fuerint, in sequentium iudicatoriorum dierum aliquem vsq; ad quadragessimum , hos non solet simpliciter acutos nominare , sed appellatione composita his omnibus verbis, acutos, qui in quadraginta diebus iudicantur. Verùm manifestius illi declarant, qui eosdè morbos ἐν μετὰ τὰς σεντα, idest , ex decidentia vocant . De his igitur in Prognostico scribit Hippocrates in hunc modum : Oportet autem existimare spirandi facilitatem magnam habere vim ad salutē in omnibus acutis morbis quicumque febres habent adiunctas , & in quadraginta diebus iudicantur.

Morbus acutus, duplex est.

Crisis imperfecta, alio die critico terminatur.

Galenus Hippocratem exponit.

*Morbus
acutus ex
decidentia
dupliciter
fit.*

*Tria mor-
borum ge-
nera à dif-
ferentijs
temporum
sumpta.*

*Exponitur
Hippocra-
tes.*

*Quatuor
Crisis spe-
cies.*

*Medicus
reliquias
ab imper-
fecta Crisi
relictas a-
liquando
evacuabit.*

Præter dictam diuisionem morbi in acutum simpliciter, & acutum ex decidentia, in modò citatæ sententiæ Prognosticæ Commentario Galenus aliam insinuat diuisione n hac serie: Conuersio enim per iudicationes imperfectas fit acutorum morborum, non solum in hos (idest in morbos, qui ad quadragesimum vsque diem protrahuntur) sed etiam in alios diutinos, maximè marcorem, quartanam, suppurationem, tabitudinem, aquam inter cutem. Verùm Hippocrates excipit à præsentī oratione etiam illos (idest diutinos siue longos) in solis simpliciter acutis morbis, qui cum febre sunt, & item ex conuersione in quadragesimum perueniant diem, optimum esse indicium dicens, spirationis facilitatem, non in omnibus, qui sine febre sint, acutis, neq; diutinis: Ita vt tria sint omninò genera morborum, quantum in ipsam agitur temporis differentiam. Alij enim acuti sunt, qui in quatuordecim iudicantur diebus; quibus diutini opponuntur: aliud ambiguum, & velut in confinio positum, tertium genus; cuius terminus decretoriorum dierum quadragesimus dies est.

His ita positis, Galenus tam in Aphorismi citati, quàm in citatæ Sententiæ Prognosticæ, Commentario, ambos Hippocratis contextus verissimos esse docet. Afferit enim in Aphorismi Comment. omnes morbos acutos quatuordecim diebus iudicari, aut absolutè, aut imperfectè: idest, tempore illo quatuordecim dierum, morbum ad integram salutem desinere, vel ad meliorem statum mutari: vel ad mortem, vel ad peiorem statum. Hæ enim sunt quatuor veræ Crisis species, quæ ab ipso motu siue mutatione, à Causa efficiente Criseos manante, desumuntur. Sufficit enim, vt morbus acutus aliquâ harum specierum Criseos mutetur. Si autem non ad perfectam sanitatem, nec ad mortem fuerit facta transmutatio, saltem ad meliorem, peioremue statum fiet: & Crisis quæ aliquo horum duorum vltimorum modorum fit, perfectè terminatur, noua alia, vt plurimum, superueniente, spatio quadraginta dierum: in quo sensu loquutus est Hippocrates sententiâ citatâ Prognosticor. cuius rei extant exempla in Ægrotis Epidemicorum. Et si alia Crisis non superueniet ad reliquias materiæ morbificæ (dum ad sanitatem fit progressus) in corpore, post primam, eamq; imperfectam Crisim, etsi ad meliorem statum desinentem, relictas, deturbandum, ipsa natura paulatim superstitem superuacua-

neæ materiæ portionem euacuabit. Et Medicus naturam imitatus, non rarò, ope Medicamentorum, idem opus perficit, humores superfluos præparando, rursusq; euacuando, & naturam roborando. Verùm si fuerit facta omnimoda, fermè, morbi acuti in alium conuersio, succedens, alterius à primo, naturæ erit; adeoq; alia indiget speculatione. Exempli gratia, febris ardens, & consequenter putrida, nonnunquam in hæcticam febrem, aut quartanam, aut tertianam notham, aut hydropem, Chronicos morbos, definit; veluti Pleuritis in Empyema, Apoplexia in Paralyfim. De hac, inquam, conuersione non est loquutus Hippocrates, sed de illa tantùm, quæ fit in morbis acutis, febrem habentibus comitem, qui medij sunt inter verè acutos, & diutinos. Vnde respectu merè acutorum morborum, longi dici possunt: respectu autem merè diuturnorum, acuti; sed ex conuersione, siue potius decidentia, vt cum alijs loquutus est Galenus. Et quidem rectè; quoniam morbus acutus febrem habens comitem, dum imperfecta Crisi diminuitur, non rectè dicitur conuerti: Nam reuerà in alium specie, aut genere distinctum morbum non conuertitur, quamdiu manet, post Crisim illam imperfectam, eiusdem febris idem tenor, & eadem causa; bene tamen acutus ex decidentia dicitur; quia à suo illo acumine, & veloci motu decedit, & tardiori motu, ià semiuictus, progreditur.

Nostram hanc expositionem confirmat Galenus in Aphorismi citati commentario, hac serie: Sedi, & ipsa rerum natura suffragatur sermoni, quo dicitur acutos morbos habere terminum iudicationis quartumdecimum diem. Nullus enim inuentus est vnquam ab initio velociter motus; hunc transgredi terminum, qui non aliquod ex iam dictis quatuor iudicijs vnum acceperit. Sicuti quidam morbi motus leues, ac parui circa primos dies existentes, quarto, aut quinto die continui, vehementes, & acuti fieri incipientes, ad decimumseptimum terminarunt. Alij verò (motus scilicet, vel morbi) sexto, aut septimo die ex acui incipientes, ad vigesimum terminarunt: adeò vt morbi continui acuties nunquam possit plures, quàm quatuordecim, obtinere dies. Ex ijs verò morbis, qui motus habent inæquales, multi extenduntur vsq; ad aliquod tempus ulterius prænitum. Dico autem inæquales habere motus, eos, qui aliquot diebus vehementiores fuere, postea sine aliqua significatione torpuerunt; deinde rursus ad aucti continuitatem accepe-

Morbi acuti, tales quandoque fieri incipiunt quarto, vel quinto, vel sexto, vel septimo die. Inæquales morborum motus sunt qui vehementiam, modò torporem habent.

runt. Si quis igitur, vt dixi, faciat in ægrotâtibus obseruationem, omnes inueniet, qui per duas integras septimanas velociter mouentur, nunquam ad vltiorem progredi terminum. Hîc enim optimè Hippocratis sententiam de morbo acuto simpliciter dicto exposuit Galenus, concludens quatuordecim diebus iudicari (Reptinæ autem mutationes acutorum sunt, vt habetur lib. 3. de Crisib. cap. 3.) Dies verò decretorios non à numero dierum morbi desumendos esse monet, sed à prima die acuminis & vehementiæ morbi; quod acumen, si continuò perseueret, ad Crisim efficiendam necessariò excitabit naturam. Si autem quibusdam diebus acuminis continuitas adsit, & alijs diebus acuminis remissio, & rursus vicissim talis alternatio contingat, est inæqualis morbi progressus, propter quem Crises vt plurimum pretrahuntur.

Dies Critici non à numero dierum simpliciter, sed à numero dierum acuminis morbi desumuntur.

Galenus demùm, in Sententiæ Commentario, de Crisi quadragesimo die facta, sequentia scripsit: Quod verò dictum est ab Hippocrate; & in quadraginta diebus iudicantur, vt connumerentur cum simpliciter proprièque acutis, acuti ex conuersione tales fiunt quoties inter initia acutè ægrotauerint, postea verò quatuordecimo die, aut etiam, ante, non integrè iudicati fuerint, sed ita, vt morbi quædam reliquiæ ad quadragesimum vsq; diem extendantur. Sed hæc de Textuum Hippocratis concordantia modò sufficiant.

Expanitur Hippocrates.

Cur respiratio bona, in febribus.

Quanquàm vix sit huius loci, sententiam præfatam Prognosticam exponere, non pigebit tamen textus rationem propalare. Ergo spirationis facilitatem Hipp. vice naturalis respirationis posuit: Et naturalem respirationem, bonû signum in ipsis acutis febribus, tam simpliciter, quàm ex decidentia dictis, esse docuit; quia nobis indicat partes in thorace contentas, vt Cor, Pulmones, cæterasq; ambientes, & potissimùm Præcordia (Maiores enim siue Veteres, Præcordia, ac septum transuersum, idem appellauerunt, vt loquitur Galenus in Commentario præcedentis Sententiæ vigesima-quartæ): imò verò & partes quasdam his adiunctas, Ventriculum scilicet, Lienem, & Iecur, esse omnis doloris atque inflammationis expertes. Concludit ergo perquàm optimè Hippocrates, respirationem liberam esse salutare signum in morbis acutis: nam illa

Præcordia quæ.

Respiratio libera quid denotat.

perseuerante, calor natiuus non adeò extinguitur, & virtus vitalis benè se habet ad sua obeunda munera: Estque ideò spes optimâ

futura salubris Crisis; ni natura, ægri, aut Medici erroribus fuerit interpellata. Sententiam enim iam antea transcriptam expressit Hippocrates post vigesimam quartam, quæ hac serie habetur: Spiritus autem (Spiritum hoc loco, vniuersam vocat respirationem) qui creber est, significat dolorem, aut inflammationem in regionibus, quæ supra præcordia (siue phrenas) sint: qui verò spiratur magnus, multoque interposito tempore, delirium indicat: qui verò frigidus (spiritus scilicet, aut aërea quædam subtilisue substantia) de naso, & ore expiratur, admodum exitialis iam est. Sed de his hæc sufficiant. Modò ad reliqua signa vniuersalia futurae excretionis Criticæ accedamus.

Respiratio crebra, magna, frigida, quid indicat.

Tertium fundamentum nobis præostendens futuram euacuationem, à parte affecta desumitur. Si autem Hepatis pars conuexa inflammatione laborat, per excretionem Crisis fiet: Inflammatio enim est morbus calidus, & per euacuationem Criticam terminabilis. Nec solum pars, euacuationem in vniuersum significat, sed hanc, aut illam euacuationis speciem. Vnde inflammata conuexa hepatis parte, non solum euacuatio Critica expectanda, sed Hæmorrhagia per narem dextram, si bona est futura; aut Perirrhia, siue Urinæ profluvium, aut bonus sudor, aut vomitus, aut alui fluxus: qui quidem fluxus alijs euacuationibus in affectibus cauitatis hepatis tutior est, vt ex Galeno de euacuatione, febris tertianæ superueniente, mentionem faciente, colligitur. Cæterum, cum mortalium nemo tam exactè hanc doctrinam tetigerit, ac Galenus, eius verba ex capite 3. lib. 3. de Crisib. huc transferre placuit.

Tertium fundamentum signorum vniuersalium.

Inflammatio hepatis, qua Crises superueniunt.

Galenii textus.

Primum quidem & maximum inter omnia, est considerare coctiones ex Urinis, & alui excrementis, & sputaminibus: Siquidem ego millies, dum Crises fierent, cum interesssem, neminem vnquam vidi intereuntem, qui præcedentibus coctionibus Crisim habuisset. Non tamen æqua signorum omnium dignitas existimanda est, sed in morbis quidem Thoracis, atq; Pulmonis, præcipuè sputamina sunt animaduertenda: non tamen tunc Urinarum contemplatio negligenda: Sed & alui excrementa sunt inspicienda. Si verò tantum febricitent, sine alicuius visceris affe-

Magna vis signorum coctionis, teste Galeno. Sputa, Urina, & facies, quomodo obseruari debent.

*Quatuor,
instantis bo-
na Crisis
signa.*

*Morbi
mos.
Excretio,
speciei
morbi cor-
respondere
debet.*

ctu, vt sine inflammatione Hepatis, vel Renum, vel Vesicæ, vel Splenis, maximè Vrinis animum oportet adhibere: Sicut, si circa Ventriculum passio sit, primum excrementis alui: deinde neque Vrinæ sunt negligendæ. Semper enim, cum febris affuerit, vel ex sola humorum putredine accensa, vel ex membro inflammationem patiente, præcipuè Vrinas inspiciendas censeo, atque inde coctiones agnoscendas, sicuti & priùs definiuimus. Primum quidem & maximum instantis (siue imminentis) bonæ Crisis indicium, sunt coctiones. Secundum autem, quod ab aliqua die indicatoria antea indicetur, cui annexa est diei iudicantis potentia. Deinceps autem inspicere oportet, & speciem morbi, & morem: speciem quidem, si tertiana, vel quotidiana, vel febris ardens, vel Pleuritis, vel Peripneumonia: morem autem, si moderatus & mitis, vel prauus atq; malignus. Deinde si formæ (siue speciei) morbi excretio respondeat. Si enim sit febris ardens, vel sanguis ex naribus profluat, vel post vehementem rigorem, sudor multus calidus per totum corpus emanabit, aut per vomitum, aut per aluum biliosa excernentur. Ita (siue similiter) & Tertianæ vomitibus, & excrementis alui biliosis, & sudoribus multis toto corpore fluentibus, iudicabitur. Plurimum autem pituitæ in quotidianis febribus excernetur, & multi in toto corpore sudores fient. Iudicat & Phrænitidem sudor bonus, & præcipuè, si ex capite multus, & calidus fluxerit, sudante simul reliquo corpore: contingit autem aliquando, quod etiam per sanguinem è naribus fluentem Phrænitidis iudicatur. Non tamen Lethargus, aut Peripneumonia, fluxum sanguinis amant. Inter ipsas autem Pleuritis medium obtinet locum: minùs enim, quàm febris ardens, & Phrænitidis, magis autem, quàm Peripneumonia, atq; Lethargus, profluio sanguinis (narium) soluitur. Soluit autem (abundè) Lienis, & Hepatis inflammationes sanguis è naribus profluens; cum hæc viscera vnà cum acutis febribus habent inflammationes. Et omnes quæ in hypochondrijs fiunt calidæ atq; acutæ inflammationes, fluxu sanguinis iudicantur. Oportet autem per directum fluere sanguinem, ex dextrâ quidem nare, Hepate patiente, vel locis in dextris hypochondrijs positis, laborantibus. Ex sinistra autem, Liene, & locis vicinis. Iuuat autem & sudor bonus omnes, quæ sunt in hypochondrijs, inflammationes calidas, & acutas. He-

patis verò deuexæ (siue gibbæ) quidem partes inflammationem patientes, tribus præcipuè modis Crisis obediunt, fluxibus sanguinis è nare dextra, & sudoribus bonis, & Vrinis abundantibus. Concauæ autem partes excrementis alui biliosis, atq; sudoribus, nonnunquàm verò & vomitibus. Magis autem expetunt per Vrinas expurgari, quam deuexæ Hepatis partes, omnia ea, quæ vel in partibus Renum, vel Vesicæ laborant: sicuti loca, quæ ad thoracem, & pulmonem pertinent, sputaminibus. Sudores verò omnibus febribus proprij sunt, & præcipuè incenditibus (siue ardentibus.) Iuuant autem non parùm, & efferuentes inflammationes (siue Phlegmonas) quando (sicut & antea diximus) vnà cum coctionibus emanauerint. Iudicant autem & quotidianas febres, simul vomitibus, atque excrementis alui pituitosis adiunctis. Et quartanas etiam, si atra simul, ac varia excernuntur: Semitertianas verò, si biliosa, simul, & pituitosa. Parotides autem iudicant Lethargos, & reliquos omnes Capitis affectus. Alijque decubitus (idest Abscessus) omnes febres diurnas securè iudicare consueuerunt. Sed nondum de diurnis morbis dicere proposuimus: nam repentinæ mutationes acutorum sunt morborum: quorum optimam, qualis sit, nunc enarramus, quòd videlicet omninò sine coctione non est, & quod in aliquo die iudicatorio sit, ac præterea ab aliquo iudicatorio præindicata fuit, & etiam Crisis motum, seu speciem (seu excretionis speciem) facit morbo conuenientem.

Præter hæc autem te hortor hoc loco, vt ægrotantis ætatem, atque naturam, nec non antecedentem victum, locumque in quo ægrotat, & anni tempus, atque præsentem temporis statum consideres. Si enim, quemadmodum morbus fortè est biliosus, hæc etiam singula æq; biliosa sint, oportet bilem Cuius expurgari: sicut, si pituita superabundauerit, pituitam oportet euacuari: Varijs autem humoribus superfluentibus, variam etiam oportet esse euacuationem. Cùm verò hæc vniuersa benè tibi fuerint explorata, tunc euentus iam tibi sunt considerandi. Si enim, dum ægrotans iudicatur, febris soluitur, atque alijs accidentibus liberetur, & melius fuerit coloratus pro ratione euacuationis, cum melioribus pulsibus, & ad surgendum robustior, hæc optima Crisis est: si verò ex his aliquid desit, tantum ab optima deficit, quanta est eius, quod deficit, vis.

*Repentina
mutatio-
nes, siue
Crisis, solis
morbis a-
cutis con-
gruunt, pau-
latim mu-
tationes
diutinis.*

*Quatuor
bona Crisis
conditiones.
Humor su-
perfluentis a
natura ex-
cernitur in
Crisi.*

*Signa con-
sequentia
bonæ, ma-
læq; Cri-
sim.*

*Primum
signum bo-
næ Crisis.*

Galenus hoc capite statim nonnulla proponit signa imminentis bonæ Crisis, siue Iudicij. Et quamquàm nos omnia superius plenè proposuimus, non pigebit cum Galeno hîc, ex ijs quædam repetere. Primum ergo & omnium maximum signum, sunt concoctiones quæ in Vrinis, deiectionibus aluinis, atq; sputis considerantur. Experienciâ enim probat Galenus, concoctiones excrementorum, siue excrementa cocta, esse maximum signum imminentis bonæ Crisis: nam cùm millies iudicijs, siue Crisibus; dum fierent, interfuerit, nunquàm quempiam eorum mori deprehendit, qui iudicati sunt, præcedentibus concoctionibus. Nos verumtamen monet, non omnia signa Iudicatoria in omnibus morbis indiscriminatim, æqualem obtinere dignitatem. Nam in omnibus affectibus inter-

*Sputa affe-
ctus partiū
in thorace
contenarū,
præcipuè
inducant:*

*Vrina, &
fæces mirus
præcipuè.*

*Vrina pot-
tissimum i
febris*

*primarijs,
imò &*

*symptoma-
ticis, inspi-
cienda: de-
inde deie-*

ctiones.

In alui af-

fectionibus,

primò de-

iectiones:

deinde V-

rina.

Cæterum, si æger solummodò febricitat, citra alicuius visceris, exempli gratiâ, Iecoris, Lienis, Renum, Ventriculi, aut Vesicæ, phlegmonem, Vrinæ tunc potissimum inspiciendæ sunt, non tamen negligendæ deiectiones. Si verò Ventriculus aliquo laborat affectu, deiectiones, siue alui excrementa, primo loco, idest maiori cum sedulitate, inspicere oportet: Vrinarum tamen contemplatio non omittenda.

Iterum febricitantium Vrinæ maximè inspiciendas docet Galenus: nec solum in febris putridis Vrinæ contemplandæ sunt; sed & in alijs febris, quæ Phlegmonem alicuius partis consequuntur.

Posthæc, verbo innuit Galenus, se alibi ostendisse, quantum ponderis habeant signa ex sputis, deiectionibus, & Vrinis, desumpta. Libro autem 1. de Crisib. cap. 7. rem plenè sequenti serie exposuit: Quodcunq; igitur concoctionis signum superuenerit, breuem simul, & salubrem morbum fore significat. Tale sanè etiam est in Pleuriticis sputum. Quippe vniuscuiusq; corporis partis excrementum, eum, qui illi inest, affectum demonstrat: si concoctum quidem fuerit, salubrem: si verò crudum, morbosum. Sic itaq; hæc etiam

etiam dicta sunt (ab Hippocrate Sectione 2. Prognostic. tex. 13.) Egestio Alui optima est, mollis & compacta, & quæ eâdem horâ, qua in secunda valetudine deijci solebat, excreta. Copia verò egestionis, ijs, quæ ingesta sunt, respondeat. Talis enim si fuerit exitus excrementorum, inferior utiq; venter rectè valebit. Quinetiam sputum si fuerit exquisitè simile sanorum sputo, respirationis instrumenta exquisitè sana esse demonstrabit. Quod si verò aliquo modo impediatur, & à naturali habitu recedat, tantundem illa instrumenta læsa esse ostendit sputum, quantum utique ipsum à naturali specie formaue abest. Quod verò illi, quod secundum naturam se habet, contrarium est, crudum existit, & magnam laborantium locorum imbecillitatem demonstrat. Quod si etiam vitiosæ causæ signum aliquod habuerit, quemadmodum nigrum, perniciosissimum hoc est. Pari ratione & in vrinis se res habet. Nam quæcunq; harum, sanorū Vrinis maximè similes sunt, hæ quidem satis robustum esse venosum instrumentorum genus ostendunt. Quæ verò crudiores fuerint, ipsorum instrumentorum imbecillitatem significant. Quæ verò sanorum Vrinis sunt maximè contrariæ, hæ quidem omninò sunt crudæ; & magnam vniuersi generis venosi imbecillitatem indicant. Quæcunque verò exuperantis causæ etiam prauitatem ostendunt, veluti quæ nigræ sunt, hæ extremè exitiales sunt. Hæc igitur tria Signorum genera (idest, Sputa, deiectiones, & Vrinæ, siue sigaa ab his tribus desumpta) propriam cuiusq; membri coctionem significant, demonstrantue: Inferioris quidem Ventris, quæ secundum naturam se habent deiectiones. Venosi autem generis, Vrinæ: Instrumentorum verò respirationi inferuentium tantum, excreationes, Quemadmodum autem hæ ipsorum locorum, à quibus excernuntur, indicia præbent, eodem, arbitror, modo etiam Vrinæ, Renum, & meatuum per quos Vrina defluit (communiter Vreteres appellantur) Vesicæ, & Penis. Sed Vrinæ quidem, quæ in harum partium morbis accidunt (Fuchsius ait, excernuntur) Hippocrates seorsim in aphorismis (ut lib. 4. Aphorism. 75. 76. 77. 78. 79. 80. 81.) scripsit. Quæ v. acutis affident ægritudinibus, in Prognosticis: quoniam hic liber (ut iam sæpius ostendimus) de solis est morbis acutis. Et cum eodem libro compleuisset omnem de Vrinis sermonem, postea in fine (Sectione scilicet 2. tex 37.) subiunxit: Ne decipiaris autem, si Vesi-

*Etū demon-
strat.*

*Faces b.o
na.*

*Sputum
bonum.*

*Vrina bo-
na.*

*Vrina
cruda.*

Notabāt.

*Vrina non
seper ve-
narum,
sed instru-
mentorum
Vrina sta-
tum indi-
cant.*

Nota hac.

*Coctio-
nis
signum
semper bo-
num.*

*Secundum
signū bonæ
Crisis.*

*Tertium
bonæ crisis
futuræ si-
gnum.*

*Quartum
imminētis
Crisis bo-
næ signum.*

ca quopiam vitio affecta, aliquam ex his vrinam reddiderit: non enim totius corporis signum, sed ipsius per se vesicæ. Sicuti igitur Vesicæ meminit, factum in ea sermonis exemplo; ita & Renes, & Vasa deferentia (Vreteres scilicet) Vrinam, & Penem, subaudire oportet. Maxime verò id ipsum demonstrant, quæ ab ipso in Aphorismis sunt scripta. Sicut enim Vesicæ, ita & Renum ægrotantium signa conscribit. Quibus, inquit, (libro 4. Aphorismorum 76. in Vrinâ crassa, carunculæ parvæ, aut veluti capilli exeunt, ijs à Renibus excernuntur. Hæc igitur tria signorum genera (Vrinæ scilicet, alui excrementa, & sputa) ut dixi, singula quæque propriam concoctionem demonstrant: Vrinæ quidem, eius, quæ fit in venis: deiectiones verò, eius, quæ fit in ventre: sputamina autem, eius, quæ fit in respirationis instrumentis. Fieri autem non potest, quin semper bonum aliquod magnum coctionis signa ostendant.

Cum transcriptus Galeni contextus clarissimus sit, ad primamque imminentis bonæ Crisis conditionem attineat, secundum iam imminentis Crisis Signum exponamus: Hoc enim est, Iudicium, siue Crisim ab aliquo die indice præindicari. Est enim diei Criticæ facultas, diei indici annexa. Ut ergo præsciamus diem iudicatorium bonum, coctionis aliqua Signa die indice apparuisse debent. Signa porro Coctionis illis diebus indicibus apparentia sælicissimum spondent euentum. De Die indice in sequentibus agemus.

Tertium boni Iudicii indicium est, quando species morbi ex se lethifera non est; vel quando morbus est boni moris: Verbi gratiâ, Tertiana ex sua natura non est mortiferus morbus, sed salutaris. Morbus etiam acutus, etsi periculosus, si boni moris est, salutarem spondet Crisim: ut si Peripneumonia, aut Pleuritis, symptomata habeat mitia, & quæ boni moris esse dicuntur, bonam minatur Crisim.

Quartum Indicium est, ut speciei morbi excretio correspondeat. Diarrhææ autem, aut Lienteriæ, aut Herniæ, aut alijs multis, non congruit, nec correspondet. vlllo pacto hæmorrhagia; sicuti nec febris quotidianæ. Sed huiusmodi euacuatio probè competit feбри ardenti: Nam ardens febris, continens dicta, à bile in vasis maxime ut plurimum putrescente, & excandescente, quasi semper generatur. Sanguis ergo bile refertus, sursum ad caput suo pte inge-

nio facile capeffit, & venas vniuerfas Capitis replens, & pungens, exitum quærit; quem denuò per narium venas, quæ tunc aperiuntur, commodè confequitur. Propter humoris etiam biliofi tenuitatem, & vim penetrantem, facile hic ipfe impetum ad varias partes efficit: Vnde nunc sudorem, nunc vomitum; nunc alui fluxum, pro naturæ optione, concitat. Eandem ob rationem tertiana febris modò per sudores, modò per vomitum, aliquando per alui fluorem iudicatur. Quotidiana autem febris ex pituita producta, per crebras euacuationes per aluum, & aliquando per vomitum, ac copiofos sudores iudicatur. Pars etenim eius vi caloris, siue naturalis, siue febrilis, attenuata, ad habitus corporis superficiem, facile penetrat, & sudorem excitat. Cùm tamen, maiori ex parte, crassus fit talis humor, commodiùs per alui fluorem, quàm aliter, iudicatur. Phrenitis autem cùm fit Phlegmone membranarum Cerebri, Cerebriq; conſequenter, non eſt mirum, ſi per Hæmorrhagiam aliquando iudicatur. Sanguis enim ille inflammatus, & bilioſus, exitum quærit: & ſi per nares non excernitur bilioſus humor, & ichores, per sudores bonos fæliciter malum iudicatur. Malus enim ſudor morbum minimè ſoluit. Bonus autem ſudor Phrenitidem ſoluens dicitur ille, qui die Critico fit, quiq; non frigidus, ſed calidus, è capite laborante copioſè profluat, ſicuti & à corpore vniuerſo. Hippocrates Sect. 1. Prognostic. tex. 29. Sudoris perfectionem, & defectum, hac ſerie propoſuit: Sudores optimi cenſentur in omnibus acutis morbis, ſi in die iudicatorio ſiant, febrimque integrè finiant. Boni etiã, vbi vniuerſo corpore æqualiter inſudante, ager morbum facilius ſuſtinere videtur. Contra, inutiles, qui id efficere non valent. Peſſimi omnium ſunt frigidi, & vbi duntaxat caput, aut facies, aut ceruix inſudat. Lethargus, quia pituitam habet cauſam, hæmorrhagiam non amat, ſed potiùs pituitæ per os, aut nares excretionem, aut parotidas. Peripneumonia pariter rarò per hæmorrhagiam iudicatur, ſed per ſputamina potiùs: aliquando per alui fluxum, aut vrinæ profluuium purulentum. Pleuritis verò medium locum inter ardentem febrè, Phrenitidem, Lethargum, & Peripneumoniã occupat. Porrò minus, quàm ardens febris, & Phrenitis, magis quàm Lethargus, & Peripneumonia, per hæmorrhagiam iudicatur.

Iecoris, & Lienis phlegmonæ, hæmorrhagiã, ſeruata reſtitu-

Ardens febris, nunc hæmorrhagiã; nunc ſudoribus; nunc vomitu; nunc alui fluxum iudicatur.

Tertiana modò sudoribus, modò vomitu, modò alui fluore iudicatur.

Quotidiana deiectionibus, aut vomitu, & copioſis ſudoribus.

Phrenitis hæmorrhagiã, aut ſudoribus iudicatur.

Sudores optimi, qui.

Peſſimi ſudores.

Lethargus parotidibus, aut excretionem per os, aut nares facta iudicatur.

Peripneumonia ſputis, rarò hæmorrhagiã, vel alui, vrinæ fluxu terminatur.

*Iecoris li-
nisq; inflā-
matio, ha-
morrhagia
quandoque
termina-
tur.
Bona, ma-
laq; hamor-
rhagia.*

dine; quandoque iudicantur: habent enim hi affectus febrem acutam comitem: febribus autem acutis hæmorrhagia familiaris est. Aliarum etiam partium hypochondriorum Phlegmonæ, ob eandem rationem, hæmorrhagia quandoq; iudicantur. Hæmorrhagia tamen horum affectuum, si rectitudinem seruat, profutura est, secus minimè. Vnde Galenus lib. de curandi rat. per sang. miss. cap. 15. ait: Quæcunq; sanguinis eruptiones per rectitudinem fiunt, maximam ægrotantibus commoditatem afferunt. Quæ contra sanguinem excernunt, nihil iuuant; aut etiam nocent; quod scilicet interdum citra mali leuamen vires exoluant. Neq; enim Lienis magno existenti è dextra nare erumpens sanguis, neq; iecori è sinistra, vllam adfert vtilitatem.

*Inflamma-
tio gibba
partis he-
patis, ha-
morrhagia
aliàs sudo-
ribus, aliàs
vrinis, in-
dicatur.*

Gibba autem, siue conuexa iecoris partes dum Phlegmone tentantur, aliquando hæmorrhagia, aliquando sudoribus bonis, more aliarum inflammationum, iudicium percipiunt, veluti etiam multis vrinis: Cominodè enim per vrinas expurgantur ea quæ in gibbis hepatis partibus continentur, quòd inde exeat vena caua; per quam transmittuntur superfluitates vnà cum sanguine; & rursus à sanguine separantur eadem superfluitates, & ad renes, per emulgentes venas relegantur, & illinc per vtretercs ad vesicam, in qua molestiam, ob quantitatem excedentem, & qualitatem acrem excitant; suscitantq; idcò naturam ad sui exclusionem per vtretram.

Diuretica.

Propter facilitatem qua excrementa ex gibbis hepatis ad renes transfuehuntur, medicamenta diuretica facilè deturbant ad vias vrinæ, quæ in iisdem gibbis continentur superuacanea; dummodò hæc sint in mediocri quantitate: nam si in magna fuerint copia, non per vrinā, sed per secessum euacuanda veniunt; docente Galeno lib. 7. Meth. med. cap. 23. & vltimo. Libro autem 13. Meth. med. cap. 15. contra Attalum Methodicum, qui Theagenem Cynicum inflammatione iecinoris laborantem relaxantibus cataplasmatis enecauit, agens Galenus sequentia profert: Nam, sicut iecoris cauum per alium purgatur, seu paulò supra diximus, sic gibba eius per ea, quæ modicè vrinas mouent, cuius generis est Apium. Precedente autem tempore vbi Phlegmone iam concoquitur, etiam valentioribus vti licet, Assaro, & Celtica nardo, & Phu quod vocant, & Petroselino, & Smirnio, & Meo, &c.

*Historia
Theagenis
hepatis in-
flammati-
one laborā-
tis.*

*Iecoris ca-
uum per
alium ex-
purgatur.
Prouocan-
tia vrinas.*

Deinde in capite illo 3. lib. 3. de Crisib. à nobis transcripto (quod

(quod modò interpretor) docuit Galenus partes illas quæ circa Renes, & Vesicam sunt, multò magis, quàm gibba Hepatis, per vrinas expurgari, veluti ea, quæ iuxta thoracem, & pulmonem sunt, per sputa. Per has vias quidem respirationis commodissimè, quæ in thorace superfliuant, euacuantur: sicuti per vrinas quidquid in vrinæ instrumentis superfluum est. Et si exactè, modum, quo partes corporis ab excrementis liberari consueuerunt, hoc capite Galenus euulgauerit, lib. 7. Meth. med. cap. 23. & vltimo, indicationes quæ à partis læsæ natura desumuntur, proponens, de euacuationibus, quibus partes liberari solent, apprimè loquitur. A figura verò (inquit) indicatio ipsius modi euacuandi excrementi suggeritur, ad hunc modum: Ventriculus vomitu, deiectioneque inanitur. Intestina deiectione tantum, sicuti etiam Iecinoris caua. Renes verò, & Vesica, ac Iecinoris gibba, si multo vitioso succo sunt referta, per deiectiones, & pharmaca deiectoria (Catoterica, & Hypelata Græci nominant) expurgantur; sin mediocri, per Vrinales meatus: Cerebrum verò per palatum, & nares, & aures: Pectus, & Pulmones per asperam arteriam, & fauces. Et paulò post ait: Iam ad vacuationes quoque non nihil situs indicat, dum societatem laborantis particulæ, cum alijs docet. Nam, nisi illud compertum haberemus, quod cauo iecinoris subijcitur ventriculus, & ieiunum: tum quod ieiuno ipsi tenue intestinum succedit: id verò colon excipiat: ac colon, quod appellant rectum: utique inuenisse illud non licuisset, quod Iecur, & per aluum, & per vomitum, expurgari possit. Cæterum aptior sit prior euacuatio, tanquam vsu iam callentibus intestinis iecinoris superflua tolerare.

Prudenter sanè Galenus vltima adiecit verba: nam intestina, quotidie è iecore superfluum humorem biliosum, per meatum ad duodenum, è vesicula fellea protensum accipiunt: imò per venas mesaraicas in intestina commodissimè varia effunduntur indies excrementa, tam biliosa, quàm pituitosa, quàm melancholica, quàm serosa. Intestina ergo assueta quotidianæ receptioni superfliuantium è iecore transmissarum, easdem faciliè tolerant; nisi quando in magna copia, aut diuturno tempore, aut vtroque modo, ad eadem intestina confluunt: tunc enim, si illa excrementa quæ ad intestina deturbantur, acredinis aut salsedinis participantia sunt, inter nos intestinorum parietes aliquando radunt, & exulcerant, & dy-

*Via per
quas varia
partes eua-
cuantur.*

*Via per
quas par-
tium læsa-
rum excre-
menta eua-
cuantur.*

*Iecur per
vomitum,
& alui flu-
xum expur-
gari potest.*

Lienteriam procreāt. Si autem acredine, & omni vi radendi vacant,
 Lienteriam, aut Diarrhæam. Quoties verò Hepatis superfluitates
 vomitu euacuantur, molestiam ventriculo, ventriculiq; orificio,
 exquisito sensu prædito, inferunt. Vnde, etsi Oesophagus, antiquis
 stomachus dictus, non solum cibi, & potus ingressui, sed etiam su-
 perfluitatum, quæ sunt in ventriculo, mediante vomitu, egressui à
 natura fuerit fabricatus, & destinatus, ut cum Galeno in nostra
 docuimus Pathologia, vomitus tamen multò molestior est, quàm
 euacuatio deorsum per intestina facta: Nam intestina crassiora,
 gratiâ excretionis excrementorum sunt constructa, & graciliora
 intestina causâ receptionis, tam chyli, quàm excrementi è ventri-
 culo deorsum expulsi: cum tamen ventriculum chylicatio-
 nis ergò natura efformauerit. Ad hæc, ventriculi orificium, exqui-
 sitissimo, & peracuto sensu præditum est, grauiori verò, & hebe-
 tiori intestina, saltem crassa. Proinde acria, & molesta excremen-
 ta è iecore in ventriculū effusa, & vomitu eiecta, orificiū sensibile
 mordent, & ventriculi Oeconomiam potenter euerunt: intestinis
 verò copioso mucō interiùs obductis non tam faciliè nocent. Dedit
 sanè suo more, hanc ob causam Galenus eodem capite 23. Libri
 7. Methodi medendi, ab acuto, & tardo, siue hebeti sensu indica-
 tiones desumpsit, aiens: Non spernenda verò indicatio est, & ea,
 quæ sensus partium acuitas, hebetudoq; suppeditant: quando om-
 ne medicamen contemnunt, quæ tardi sunt sensus, etiam si non
 leuiter mordeat. At, quæ acuti sunt sensus, eorum vires dolore
 resoluuntur. Expedi igitur, has, nec confertim, nec semel, valen-
 tibus auxilijs mederi tentes, sed tuto potius in tempore. At, ubi
 tardus est sensus, in his etiam celeriter obire, quod iustum est, li-
 cet, semel vsus remedio, quod sit idoneum. Pulchrè sanè Purgan-
 tium acrium vsus immodicum pro corporibus valdè sensibilibus
 (qualia sunt biliosa, & viuidiora, ac tenera corpora) vetat Ga-
 lenus; quoniam faciliè à talibus remedijs læduntur: nec secus
 ac partes acuto sensu præditæ ab humoribus morsum, aut pun-
 ctionem inducentibus. Ex aduerso, corpora duriora, obæsa, &
 frigidiora, quæ obtusioris sunt sensus, purganda sunt forti reme-
 dio, & confertim, & pluribus vicibus, si opus fuerit: remedij por-
 rò vehementiam faciliè tolerant, sicuti partes robustiores, & obtu-
 sioris sensus, transitum copiosorum & mordacum humorum. Con-
 clu-

*Vomitus
deiectione
inferna
molestior.*

*Indicatio
ab acuta,
& tarda
sensatione.*

*Purgantia
remedia
qui tole-
rant, &
qui non.*

cludendum ergo cum Galeno, aptiorem esse euacuationem superfluitatum hepatis per intestina, eâ, quæ fit per vomitum, ob allatas modò rationes.

Denique docet Galenus, sudores febribus omnibus esse familiares, & proprios, sed præcipuè incenditibus, siue ardentibus communiter dictis. Licet Galenus strictè in hoc loquutus fuerit, & rei rationem solito more non proposuerit, eius doctrinam sequenti ordine interpretari possumus, dummodò prius in medium adferam verba ipsius ex lib. 1. de Crisib. cap. 7. quæ sequenti ordine scripta reliquit: Nam cuiusq; partis in corpore superfluitas, eam, quæ illi inest, dispositionem ostendit: si cocta quidem fuerit, salubrem: cruda autem, ægram. De sputis, fæcibus, & vrinis, dum hæc protulit, loquutus est Galenus.

Cùm constet ergo, excrementa, quæ ex quibusdâ partibus exclusa sunt, earundem partium robur, & imbecillitatem prode-
re, esseque sanitatis, aut morbi earundem partium signa; Sudores rectè dicuntur febri superuenire, eiusq; euentum, siue bonum, siue malum, prædicere. Febres enim sunt vniuersales morbi, cùm sint totius corporis calida intemperies: Vniuersale igitur excrementum, quod in toto corpore, utpotè visceribus, & habitu eiusdem includitur, febres, & potissimùm ardentes, siue continentes fuerint, siue continuæ, indicat, & totius corporis robur ac imbecillitatem prodit. Sudoris enim materia est sanguinis serum, & aliorum humorum superflui ichores, cum quibus biliosi, putridiue, atque attenuati humoris superflui portio, pro naturæ robore, per cutis poros eijcitur. Cùm ergo sanguis in venis & arterijs, tam viscerum, quàm totius habitus corporis, contineatur, cùmque per venas & arterias calor præter naturam à corde, & adhuc hepate (prius hepar, & viscera incalescunt, quàm corporis habitus) ad extimam usque corporis superficiem transfundatur, rationi consonum est, serositates, & tenues inutilesque humores, sanguini commixtos, eundemque sua acredine, ardore, alijsque prauis qualitatibus cõtaminantes, naturæ iudicio aliquandò, quandòque irritatâ naturâ, ad habitum corporis relegari, & his penitus euacuatis morbum solui: malè autem expulsi sudores, febris confirmationem significant. Febrem ardentem, mediante sudore solui docet Hippocrates lib. 4. Aphorism. 58. Si febre, inquit, ardente laboranti rigor

*Sudor feb-
rib. fami-
liaris.*

Notas.

*Febris est
morbus
vniuersa-
lis.*

*Materia
sudoris.*

super.

Rigor superueniens ardentem soluit febrem.

Rigor superueniens quandoq; malus, ut causa, malus etiam ut signum.

Quid prædicat rigor.

superueniat; solutio fit. Loco autem, sudor, posuit, rigor; quia rigor in continentibus febribus, absq; eo quod ei succedat sudor, malus est. Vnde idem Hippocrates aphor. 46. eiusdem libri 4. inquit: Si rigor incidat febre non deficiente, ægro iam debili, lethale est. Rigor enim tunc malus, ut causa, quia corpus imbellem exagitat: malus, ut signum; nam rigor est signum imminens alicuius euacuationis, aut per sudores, aut per vomitum, aut per alui fluorem, teste Galeno comment. citati aphor. 58. libri 4. Ostensum enim est, inquit, in sermone de rigore, etiam ob flauam bilem, quæ per membra sentientia veloci motu defertur, fieri rigorem, post quem videlicet, & alui soluuntur, & sudores, & vomitus biliosi superueniunt. Cùm ergo bilis, ex qua febris ardens habuit ortum, expurgatur, soluitur febris. Nam febrem ardentem fieri nouimus, quando æstiuo tempore venæ exiccatae acutos, ac biliosos ad se icheres attraxerint. Hæc enim vltima verba sunt doctrina Hippocratis, quam ab hoc mutuatus est Galenus. Concludendum ergo, rigorem superuenientem febri, facultate existente imbelli, esse pessimum omen: quia, ut dixi, natura imbecilla rigore magis exagitur; & sic, ut causa, nocet: Præterea malam est signum; quia cùm natura tunc sit imbellis, nullam, ut plurimum, molitur euacuationem.

Boni sudores qui.

Sudores mali.

Bonos sudores, malosq; indicat Hippocrates aphor. 36. lib. 4. aphorism. dum inquit: Sudores febricitanti si inceperint, boni, & tertio die, & quinto, & septimo, & nono, & vndecimo, & quarto-decimo, & septimodecimo, vigesimo, & vigesimo septimo, & trigesimo quarto. Hi enim sudores iudicant morbos. Qui verò non ita fiunt, laborem significant, & morbi longitudinem, & recidiuam. In Aphorismi Commentario monet Galenus, alui Criticum fluxum, vrinæ Criticum profluvium, & abscessum ponè aures, & articulos, posse identidem iisdem diebus contingere. Voluit tamen Hippocrates de solis sudoribus Criticis in aphorismo loqui: qui quidem sudores in peracutis sæpius tertio, & quinto die, quàm quarto superueniunt: nam quando prima accessio vehementissima est, credibile est, quòd secunda, quæ tertio die in putridis biliosis superuenit, vehementissima adhuc sit futura; & cùm in maioribus exacerbationibus Crises fieri consueuerint, verisimile est, quòd natura aliquam die tertio molietur euacuationem: Nam in peracutis

cutis morbi tertia dies quartam anticipat, eò quòd morbi qui in diebus imparibus accessiones habent, citius iudicentur; tardiùs qui paribus. Si autem die tertia Sudor non erumpet, quinta die, in qua tertia continger accessio, Crisis superuenire commodè potest. Cum ergo in morbis peracutis, & breuioris consequenter temporis, Crises, quæ per sudorem fiunt, multò frequentius tertio, & quinto die, quàm quarto, superueniunt, quartum diem in Aphorismo præterijt Hippocrates, quamuis quartus sit primus decretorius dies; vt in commentario testatur Galenus. Docet deniq; in cõment. Gal. à nonnullis in aphorismo positum fuisse diem trigessimum primum loco diei trigessimiquarti, sed fortassis trigessimum quartum diem, maiorem habere vim Criticam, quàm habeat trigessimus primus. Rursusq; docet, Hippocratem non meminisse diei quadragesimi, fortassè quia hunc diem, principium morborum longorum existimauit, qui non admodum per sudores iudicantur. Nam & trigessimum primum, & trigessimum quartum, & ante ipsos, vigesimum septimum rarò inueniemus per sudores iudicare; vt loquitur in Cõment. Galenus, qui sub principium, de morbis, qui vltra dies in aphorismo enumeratos, loquens, ait: Morbi enim istis diuturniores, non admodum solent per sudores iudicari, sicuti neq; omninò per excretionem, sed vel per concoctionem, vel per abscessus.

Non est omittendum, quod Galenus in Capite translato 3. Libri 3. de Crisib. ait. Sudores nimirum non solùm iudicare febres ardentes, sed insuper phlegmones, dummodò cum signis concoctionis superueniant. Sanè res est ardua, signa coctionis, & cruditatis in sudoribus deprehendere. Nam Medici signa coctionis, & cruditatis aspectu quotidie in Sputis, Urinis, & Facibus notant: in sudoribus autè minimè; cum nihil nostris oculis appareat, præter liquorem quemdam aqueum ex corpore emanantem. Quòd si alicui placeret, sudores coctos appellare aqueas illas guttas è corpore manantes, quoties calidi percipiuntur; crudos verò sudores liquorem, frigidum exeuntem, non omninò satisfacere videtur: Nam sudores diaphoretici, quales multis mox morituris superuenire obseruauimus, calidi sunt, imò copiosi; quæ tamen duæ conditiones sudori optimo, & Critico pariter competunt.

Rem hanc hac serie Ego definio. Sudores, ex se, Medico coctionis, aut cruditatis indicium vix subministrant. Dicuntur tamen

Cur tertio, & nō quarto die in peracutis sudores superueniant.

Quartus dies est primus decretorius.

Trigessimus primus loco 34. posuere quidam.

Cur non meminit quadragesimi.

Morbi vltra 34. diē producti rarò per sudores, aut excretionem terminantur.

*Quomodo
sudores di-
cuntur ha-
bere signa
coctionis.*

sudores habere signa concoctionis, quoties in Urinis, aut Sputis, aut fortassis facibus, notæ coctionis obseruantur. Quotiescunque ergo prænotantur in his excrementis concoctionis indicia, & rursus die Critico superuenit Sudor, Medicus audacter pronunciare poterit, Sudorem illum esse coctum, adeoque optimum. Quod autem coctus sit, patet ex eo, quod calor natiuus sit robustus, & materiæ morbificæ prædominetur; vt colligere licet ex coctione reliquorum excrementorum. Huic doctrinæ fauet Hippocrates. Libro enim 3. Epidem. Sect. 3. Egroto octauo, Anaxionem proponit acuta febre laborantem: qui Anaxion assiduo dextri lateris dolore, & consequenter Pleuritide, torquebatur. Primis diebus urinas boni coloris, multas etiam, effluentes, reddebat. Die octaua Basilicam venam ei secuit Hippocrates. Die vndecima aliquantum circa caput sudauit, & quæ è pulmonibus mediante tussi exhibant, liquidiora erant. Decimo & septimo die caput pauca concocta expuere, leuatus est. Vigesimo sudauit, febre liberatus est: à iudicio rectius habuit. Vigesimo septimo redijt febris, tussijt, multa excreauit concocta; in urina multa subsidebant alba, desijt sitire, dormiuit. Trigesimo quarto die, toto sudauit corpore, cessauit febris, in totum est iudicatus.

Hic exponitur crudititas pleuritidis in principio, coctionis rudimentum in augmento, & aperta coctionis signa in statu.

Ex varijs mutationibus in Anaxione Pleuritide vexato factis, colligere possumus, præcessisse varia coctionis Signa, antequam trigesimo quarto die sudoris interuentu integrè fuisset liberatus. Urinæ enim primis diebus, idest, ante sextum diem, vt in historia notat Hippocrates, quanquam contento caruere, boni erant coloris: aliquod ergo coctionis rudimentum obtinuere: die pariter vndecima circa Caput modicè sudauit, & liquida expuit: quæ duo simul superuenientia coctionis adhuc rudimenta arguebant; sudor tamen solus nequaquam; liquida illa, tametsi cruda, vndecimo die, tussi mediante, per os eiecta, obscuram concoctionem humorum, Pleuritidem causantium, arguebant: erat enim adhuc Pleuritidis in suo principio. Decimo septimo autem die pauca, sed cocta expuit: quod fuit certum indicium factæ transmutationis morbi à principio ad suimet augmentum: nam in hoc manifesta apparent signa quædam coctionis in salutaribus morbis. Sudor autem die vigesima, post appaerens coctionis indicium in sputis die indice, idest decima septima, superuenit, & Anaxionem à febre liberauit.

Vigc.

Vigefimoseptimo sputa apparuere perfectè cocta, quæ in magna copia, & sine difficultate educebantur: & talis perfectæ coctio, & copiosa ac facilis expuitio, Pleuritidis statum arguebant. Verùm Crisis illa sudoribus facta die vigesimo, tametsi fuerit indicata, non erat perfectæ, sed imperfectæ, vt comprobauit recidiuatio febris facta die vigefimoseptimo, propter partem materiæ morbificæ in corpore relictam. Quæ enim relinquuntur in morbis post Crisim, reuersionem facere consueuerunt, vt loquitur Hippocrates lib. 2. Aphorism. 12. Non enim potuit fieri absoluta perfectæque Crisis die illa vigesima, quoniam die indice, videlicet die decimaseptima, non apparuit exquisita Vrinarum, aut Sputorum concoctio. Si enim sputa fuissent exquisitè cocta, in magna copia expuerentur: quod non factum fuit. Præterea dies indices, dum morbus protrahitur, non habent tantam indicandi virtutem, quātam habent priores; sicuti nec posteriores dies Critici, siue Decretorij tantam excernendi vim, quantam priores; vt docet Galenū lib. 1. de Crisib. cap. 18. hac serie: Age iam hoc die (idest 17) supponamus expuere pauca quidem, sed cocta: huic in die vigesimo possibile est aliquam aduenire Crisim, non tamen perfectam, ob talem causam, quoniam non eandem vim habent, neque inter indices primi cum posterioribus, neque primi Decretorij cum vltimis decretorijs: at valentiores quidem primi sunt, in longum autem iam producta ægritudine, imbecilliores redduntur. Oportet igitur procedente morbo, & tum præcipuè, quando admodum crudus extiterit, magnam fieri transmutationem, vt secunda Crisis speretur. Magna autem est permutatio, cum perfectè cocta minguntur, atque expuntur. Talia verò non supponebantur in die decimoseptimo affuisse. Quare nec fieri potest, vt hic agrotus in die vigesimo liberetur, & perfectè Crisim habeat: sed mutationem aliquam effatu dignam fieri sat est: poterit enim in aliquo ex sequentibus Decretorijs diebus integra solutio aduenire.

Cum res ita se habuerit, Authore Hippocrate, & expositore Galeno, atque suffragante ratione, non est mirandum, si post imperfectā Crisim, vigesimo die ortam, fuerit aliquid materiæ morbificæ in corpore Anaxionis relictum, quod paulatim à die vigesima vsque ad vigesimamseptimam putrescens, atq; efferuescens febrem de nouo excitauerit. Caterum, quia calor natiuus extra-

*Recidina
causa.*

*Dum mor-
bus protra-
hitur, dies
tam indi-
ces, quam
decretorij
vim indi-
catoriam,
& Criticā
paulatim
amittunt.*

Recidina.

Vigesima-septima velut idex trigessimiquarti.

Sputa thoracē, urina vasa, sudores corporis habitū, liberant.

Sudorum signa coctionis in alijs apparent excrementis.
Horophontis historia.

Grauida historia.

Historia decumbentis in Dealcis horto.

neum toto illo dierum decursu superauit, materia morbifica plenè concocta apparuit die vigesima-septima : nam sputa, & vrinæ, perfectæ coctionis signa habuere : Itaque cum vigesima-septima dies Crisim non ediderit, sed instar diei indicis diei trigessimiquarti apparuerit, Crisim futuram die trigesima-quarta tantum prænuñciauit : quæ denuò sæliciter sudoris liberalis interuentu successit : humores etenim superflui thoracem vexantes, & febrem in vicino corde fouentes, copiosa expuitione excernebantur : humores superflui in venis contenti, & febrem acutam fouentes, per vias vrinæ excluderentur : & tandem, humores superflui habitum corporis occupantes, sudoribus sunt exclusi.

Sudores ergo Critici, febres omnes materiales, tam ex sola humorum putredine, quàm inflammatione peculiarium partium ortas, iudicantes iuuantesq; signa coctionis habere debent, non latentia, sed manifesta; quæ scilicet in alijs, non seipsis, visuntur excrementis, prout in exemplo allato Anaxionis ostensum est, & in alijs ægrotis videre licet. Ægroto enim tertio, Libri 1. Epidem. Hippocrates inquit : Horophontem febris acuta corripuit. Deinde, postquàm varia accidentia die octaua superuenientia enumerauit, ait, Horophontem facilem habuisse noctem : Et consequenter ait : Vrinæ erant melioris coloris, & residebant in ijs pauca. Die nono sudauit, iudicatus est, intermisit : Die 14. recidiuatio facta est, sed die 17. postquam pars materiæ deorsum ad Lienem, & rursus ad crura descendit, sudor superueniens morbum iudicauit. Item, Mulier quædam, quæ in littote decumbebat (vt habetur in Ægro 13. trimestri fætu erat grauida, eamque Ignis (idest febris) corripuit. Et post multos labores circa decimumquartum vomuit biliosa, flaua, subcrebra, sudauit, febre liberata est. Melidix altera fæmina decubuit iuxta templum Iunonis, febre acuta fuit correpta, vrinæ perpetuò boni quidem coloris, cæterum tenues. Et paulò post ait : in vrinis subsedit album, læue : sudauit, iudicata absolutè est die vndecimo. Libro 3. Epidem. Sect. 1. Ægroto 3. narrat Hippocrates, eum, qui in Dealcis horto decumbebat, die vndecimo sudasse, & à febre per bīdium fuisse liberatum : sed plenè iudicatum narrat die quadragesimo : Quadragesimo, inquit, aluus pituitosa, alba, subcrebra, deiecit : multum toto corpore sudauit, absolutè est iudicatus. Sectione 3. eiusdem

libri 3. Epidem. Ægroto 6. narrat Periclem tertio die vrinam minuisse coctas : Et quarto die , inquit , circa meridiem sudor prorupit toto corpore multus & calidus : sine febre iudicatus est , neque redijt. Abderitana Virgo vigesimo septimo die sudoribus iudicata est , postquã vrinam boni coloris septimo die reddidit , & hæmorrhagiam habuit die 17. & hæmorrhagiam simul , ac Sudores die vigesima. Nicodemus etiam post vrinam coctas , vniuersali sudore iudicatus est . Larissea Virgo sexta die sudoribus iudicata est , postquam suspensum in vrina apparuit.

Ex his exemplis satis constat , Signa coctionis Sudorum Criticorum, esse illa coctionis Signa, quæ in alijs conspiciuntur excrementis. Certum præterea est, Sudores in omnibus febribus fore salutare, dummodò signa coctionis concomitantia habeant. Febres etenim omnes sunt morbi vniuersales, vt superius docuimus: commodè ergo per sudores , qui ex vniuerso corporis habitu manant, diffluuntque, iudicantur. Acutarum porrò febrium causa est humor putrescens in vasis, vel in toto corpore, teste Galeno lib. 4. Aphor. Comm. 37. Nã quibusdã, inquit, humoribus putrescentibus, ostensum est febres acutas fieri. Hi verò putrescunt sæpius quidem in toto corpore ; sæpius verò in vasis solis. Cùm ergo hæc aliquando duo contigerint, humores, qui sunt in vasis, putrescere, & eam quæ solida corpora regit, naturam (quæ secundum Hippocratem est calor naturalis) vel extingui omninò, vel proximam esse extinctioni : quæ quidem ex his euacuantur, frigida sentiuntur: eam verò quæ fit ex putredine, caliditatem nihil prohibet vehementissimam esse : atque ideò signum est exitiale, ostendens in animalis corpore humorum multitudinem superabundare, tantam habentium frigiditatem, vt neq; à calore nativo, neq; à febrili calefiant. Tepidis siquidem existentibus febribus contingit saluari hominem, concocta in processu temporis multitudine humorum frigidorum, atque euiecta à natura . Acuta enim febris, causa est, & signum perniciosissimum : causa quidem, quia prompta est ad dissoluendum corpora : Signum autem ; quoniam humorum multitudinem esse frigidissimam ostendit, vt quæ neque à calore febrili transmutetur. Febris verò, quæ non est acuta, sed moderata, permittit tempore longiori à natura multitudinem concoqui, cùm non anticipet dissolvere hominem : non est autem Signum, adeò

Periclis historia.

Historia Virginis Abderitane.

Nicodemus. Virgo Larissea sexto die iudicata.

Febres acuta ab humoribus putrescentibus in vasis, aut toto corpore, nascuntur.

Sudor frigidus in febre acuta lethalis: in lenta nequaquam.

perniciosum, sicuti vehemens febris. Contingit enim in tepida febre, etsi modicè frigida multitudo fuerit, incalefactam permanere.

*Humor
putrescens
in habitu
Corporis,
ardentem
Febrem
generat.*

Hactenus Galenus in Commentario istius Aphorismi: frigidi sudores cum acuta quidem febre, mortem; cum mitiori autem, longitudinem morbi significant. In transcripto enim contextu dilucidè monuit Galenus, humorem putridum in habitu corporis contentum, efficere non rarò acutam febrem: quæ, quanquàm, ut plurimum fomitem habeat humores putridos in vasis conclusos, causam quandoq; habet humores extrauasatos vnà cum inclusis. Vnde ipse lib. 3. de morbis Epidemicis, comment. 3. tex. 33. ait: Nam quibus hominibus in iecinoris, & ventris regionem, maximèq; in eius os prauus humor decubuit, hos febres ardentes sollicitauerunt: quibus in Cerebrum peruenit, Phrenitis. Sint hi humores putridi, quos febris ardentis causam statuit Galenus, antècedens, aut coniuncta causa, quod perindè modò nobis est; qui Galeni doctrinam sequuti, libenter admittimus humores in habitu corporis posse putrescere, & ardentem generare febrem. Similiter in foco putredinis, aut in habitu corporis, aut utrobique; dum putrescunt humores, qui febres intermittentes procreant, commodissimè, sudoribus, & alijs euacuationibus à Galeno in contextu propositis, euacuantur. Multò tamen sælicius febres acutæ Sudoribus iudicantur; cum non in prima corporis regione, sed in vasis maioribus, aut in habitu corporis, aut utrobique, earum causa contineatur.

*Sudores
mali qui.*

Caterùm, quoniam Sudoris boni naturam exposuimus, sudorem malum obiter exponamus. Sudores mali sunt illi, qui non fiunt diebus Criticis, nec signa habent coctionis præcedentia, aut concomitantia; qui non sunt vniuersales; qui frigidi, aut fatidi, aut visceri & lenti. Hæc doctrina ex se conspicua, vltiori indagatione non eget.

Obiectio.

Sed aliquis obijciat, sudorem particularem non esse malum. Nam Hippocrates lib. 4. Aphorism. 38. ait: Qua parte Corporis sudor est, ibi significat morbum.

Solutio.

Hanc obiectonem in Commentario diluit Galenus hæc serie: Si per totum animalis corpus morbus extenderetur, ex toto etiam æqualis fieret euacuatio. Fiunt enim sudores, vel naturâ humiditatem

tatem superfluam euacuante (quando & optimè iudicium fit) vel quando non continetur in corpore, morbi ratione. Sed, siue hoc, siue illo modo fiant, membrorum patientium humiditatem euacuant. Supponit enim Galenus, Hippocratis doctrinam esse verissimam, quotiescunq; morbus est in aliqua parte; Dolorem quidem capitis idiopathicum, vel potius humores superfluos, morbum doloremq; in capite generantes, notat sudor superueniens: qui si boni sudoris conditiones habuerit, bonus erit; quanquam particularis; quia in capite solo supponitur esse morbus, morbiq; causa. Si a. morbus fuerit vniuersalis, & humor pariter morbum efficiens per corpus vniuersum diffundatur, sudor tunc particularis non est vlllo modo profuturus: nam sudor vniuersalium morborum debet esse vniuersalis, vt omnis materia per corpus vniuersum sparsa euacuetur. Cum ergo febres sint vniuersales morbi, nonnisi vniuersali sudore, eoq; tempestiuo, iudicantur.

Dixi sudorem frigidum esse malum, cum Hippocrate, citato aphorismo 37. lib. 4. Aphorif. & Galeno in Commentario à nobis fermè transcripto: nam mortem in acutis febribus indicat; in mitioribus, morbi longitudinem. Sudores enim frigidi non exalidissimis partibus efferuntur, sed potius ex partibus frigidis, vt potè natiuo calore destitutis. Licet enim calidissima febre quis laboret, cutistamen, aliaq; partes natiuo calore destitutæ, frigiditatem contrahunt, adeoq; humores in his frigidiores facti, dum per cutem transmittuntur, frigidi persentiuntur: Nam nec à calore natiuo, nec à calore febrili vincuntur. Malum ideò exitum in acutis præcipuè, huiuscemodi erumpentes prænunciant. Si fatidi etiam, aut viscidi fuerint Sudores, caloris natiui imbecillitatem prorsus arguunt. Vbi enim viscidi sunt humores per cutem excreti, signum est imbecillitatis caloris natiui, qui dictos humores, nec subigere, nec incidere, nec attenuare potuit: similiter quoties humor per cutem excretus factorem expirat, signum est, talem humorem à natiuo Calore nullatenus regi, sed ingentem in corpore putredinem arguere. Quæ de Sudoribus dixit Hippocrates citato Aphorismo, eadem scripsit in Prognosticis, Sect. 1. Sudores, inquit, optimi sunt in omnibus acutis morbis, qui in Diebus iudicatorijs fiunt, & febrem perfectè submouent. Boni verò sunt, qui per totum corpus fiunt. Qui verò tale quid non effecerint, incom-

Sudor frigidus malus.

Fatidi sudores caloris extranei sunt febiles. Viscidi sudores mali.

Optimi sudores ex Hippocrate.

modi

Pessimi sudores.

Sudores etiam calidi circa caput mali, sed frigidi peiores.

Sudoris syncoposi exemplum.

modi sunt. Pessimi autem sunt frigidi, & qui tantum circa caput, & faciem fiunt, & circa Ceruicem. Hi enim cum acuta quidem febre mortem præsignificant, cum mitiore verò, longitudinem morbi. Alia subsequenter ad hæc in Prognosticis subiunxit, non Hippocrates, sed Dioscorides, vt testatur Galenus. Cur Sudores, etiam calidi, circa Caput, & Ceruicem, mali sint, reddit rationem Galenus; quia nimirum Syncopem minantur: & si frigidi appareant Sudores istis in locis, eandem Syncopem non minantur, sed eam in suo principio adesse demonstrant. Sudoris Syncoposi meminit Galenus Comment. 1. Prognost. tex. 4. hac serie: Igitur adolescentem Medicus quidam nuper incipientem sudare syncoposè, demisit in balneum: tum autem sudoris copia effluente, Medicus gauisus est, tanquam exquisitè oportuum tempus coniectasset: paulò post mortuo ægro, Medicus à familiaribus, tanquam ægrum interfecisset, accusabatur. In Historijs Epidemicis, de Sudoribus frigidis, qui morituris superueniebant, abundè loquutus est Hippocrates.

Cætera Signa Vniuersalia.

Quatuor conditiones bonæ Crisis.

Hæc signa obseruanda.

HActenus plenè exposuimus vniuersalis excretionis modum, & tria præcedentia fundamenta, aut Signa, à quibus hæc eruuntur; breuiter reliqua cum Galeno, Capite illo 3. lib. 3. de Crisib. à nobis transcripto, proponemus. Ab Ægri enim natura siue temperamento; ab eius ætate; ab Anni tempore; à Regione: & à Cæli statu, hæc petenda monuimus. Ante finem citati cap. repetit Galenus quatuor prius proposita signa Crisis bonæ mox futuræ. Primò, Signum coctionis ante Crisim apparet: Secundò debet Crisis fieri Die Iudicatorio. Tertiò, debet à die indice præindiciari. Quartò, Iudicium debet esse congruum speciei morbi. Hanc congruentiam confirmant Signa, à Natura, Ætate, præcedente Victu, Loco, Anni tempore, & Cæli statu. Exempli gratia, ardente febre, eaque legitima, infestetur aliquis: in Crisi futura, absq; dubio, humor qui excerni debet, est biliosus; quoniam is est qui in corpore redundat: Crisis ideoq; citius in hoc morbo, quam in alijs, superuenire debet: Et præsertim, si æger fuerit Naturæ, siue Temperamenti biliosi: si ætatem agat biliosam, luue:

Iuuenilem nimirum: Si cibis calidis, & siccis, bilemq; generantibus, præcedentibus temporibus fuit enutritus: Si in Regione calida morâ contrahit, in qua homines biliosi euadunt, & potissimû, si locus regionis calidæ, in quo degit æger, Austrum, & Orientem, non verò Septentrionem, aut Occidentem respicit. Situs enim varius loci, etiam in Regione calida, aëris temperaturam variat. Nam locus respiciens Austrum, & Orientem, multò calidior est loco respiciente Septentrionem, & Occidentem: Loca tamen hæc non sunt consideranda tantum ratione distantiae quam habent, v.g. ab Austro, & propinquitatis cum Septentrione, aut viceversa; sed præterea ratione inæqualitatis Terræ. Ergo si locus mansionis ad radicem Montis positus, Austrum respiciat, homo inibi agens biliosior erit altero, qui in aduerso Montis pede, Septentrione namque respiciente, habitat. Denique æger propositus febricitet Æstiuo tempore, quo bilis maximè in corporibus generatur; & præsertim si Cæli status calidus fuerit. Cæli enim status, siue constitutio (cuius frequens est mentio apud Galenum) libro 9. Meth. med. cap. 5. exponitur ab eodem Galeno sequenti ordine: Voco Cæli statum ipsam ambientis nos aëris temperiem: sub qua & Anni tempus, & Regio comprehenditur: quando horum quoq; vtrumq; ex ambientis aëris temperie indicationem mutuatur. Quanquam rem optimè exposuerit Galenus, Cæli status per se sumptus, est præsens aëris temperies, quæ varia esse potest. Nam licet Æstas ex sua natura sit calida, & sicca, tempus tamen, quo quis febricitat, potest esse frigidum, & humidum: pluiæ enim magnæ & vehementes, longæ, aut frequentes, in ipsa æstate aërem non rarò efficiunt frigidum, humidumque. Aquilo etiam tunc efflans, Aërem refrigerat; veluti Zephyrus pariter diuturno tempore spirans. Ver ex sua natura temperatum, æstiuo tempori simile quandoq; fit. Hyems frigida, & humida naturaliter, vel tota, vel aliqua eius pars, Autumnus, aut Veris temperiem sæpissimè æmulatur. Eodem adhuc die, aut Æstiuo, aut Autumnali, aut Hyemali, aut Vernali, contrariæ contingunt aëris dispositiones: quæ quidem à Studio Medico non negligenter, sed accuratissimè sunt obseruandæ. Nam aëris diuersa constitutio Crisi perficiendæ, aut prohibendæ, non modicè confert: similiter remediorum administrationi consentit, aduersaturuc.

*Situs loci
varius aë-
ris tempe-
riē mutat.*

*Cæli status
quid.*

Quotiescunq; igitur consentiunt omnia præfata ; idest , quoties febre ardenti quis corripitur , eiusdemq; febris motus est celer , & vehemens, Parsque affecta calidi est temperamenti; natium corporis temperamentum est calidum : Ætas percurrit Iuuenilis: Alimenta sunt calida: Regio calida: Situs loci calidus: Tempus Anni calidum: Aëris status calidus: Crisis intra breue tempus expectanda, & quidem mediante aliqua euacuatione biliosa, vel biliosi sanguinis, aut per secessum, aut vomitum, aut sudores, aut fortassis hæmorrhagiam : fieri etiam potest, vt bilis per vias vrinæ expurgetur . Natura etenim commodiorem viam sibi facile eligit , vt noxiam deturbet sarcinam: Medicus verumtamen studiosè præimari debet viam , per quam Natura superfluum humorem deturbare molitur . Si autem humor turgeat, & fuerit prætenus , commodè per cutem sudorifica euacuatione excerni poterit. Si verò bilis fuerit immodicè assata , & ad vitellinæ saltem bilis naturam redacta, vix per sudores, ob sui acquisitam crassitiem, euacuabitur, sed per vomitum potius, aut alui fluorem. Bilis autem in venis immodicè perassata, & consequenter incrassata, inepta est , quæ per vllam viam euacuetur ; quia in vasis sistens obstructions parit , nec est fluida , aut disposita, vt impetu Naturæ extra corpus per vllos ductus transmittatur. Oculatus idèò Medicus bilem , tunc nimio ardore concretam, refrigerantibus, & aperientibus benignioribus, & nō calidis, tēperabit, attenuabitq; . In hoc casu proderit Decoctū Radicis Graminis, Radic. Acetosæ, & Oxylapathi, Foliorum Acetosæ, Endiuia, Borraginis, Oxalidis, Quinq; Capillarium , Quattuor Seminum frigidorum maiorum, Semin. Acetosæ, & Scariolæ; addendo Decocto debitam Syrupi Violacei quantitatem . Hoc enim, aut consimili benigno Remedio, humores biliosi disponuntur adèò benè, vt Naturæ conatui facilè obtemperent . Nam Natura vacuationem alacriter molitur, quoties humores superuacanei sunt præparati, siue cocti: Si autem Natura imbellis est, idèòq; segniter dispositam superfluitatem deturbat , opituletur ei tunc Medicus mediocrium medicamentorum purgantium administratione. Rem totam comprehendit Galenus Comment. 1. in Lib. de Humorib. hac serie : Ac ne illud quidem est omittendum , cū humores redundantes mouentur , & omnem in partem corporis feruntur, necdum in aliqua parte corporis firmati sunt, tunc ad eos expel-

Modi varij futura Crisis in ardente Febre.

Remedium præparans bilē superassatam.

Natura imbellis parce euacuans dispositos humores, a Medico inuanda.

expellendos naturam incitari, & aliquo, qui velut inanum porrigat, & motum illum ad ventrem deducat, indigere. At qui vna in parte firmati sunt humores, priusquam concoquantur, mouere non oportet. Tunc enim Natura quoque nobis ad euacuationem est adiumento. Hæc enim post concoctionem humores excernere, & quod superfluit, rei, cere videtur: quo sanè tempore iudicationes fiunt. Cùm igitur Natura perfectè euacuat, nihil est præterea faciendum, cùm verò modicè, & imbecillius facit, tum, quod deest, addere debent ij, qui Medicinam faciunt. Qua in re illud intelligendum est, rarò contingere, vt ab vno membro ad aliud humores confluant. Sæpius verò accidit, vt vna in parte, in qua concoquantur, toto morbi tempore, vsq; ad morbi solutionem, conquiescant. Hæc Galenus per se clarus.

*Tenaces,
& impari
humores
præparadi.*

*Post coctionem
fiunt
crises.*

*Rarò ab
vno mem-
bro in al-
liud fluunt
humores.*

Quod si contingat, morbum non esse biliosum, sed potiùs pituitosum, & reliqua concurrentia iam antea enumerata, aduersa temperie ad pituitæ procreationem dotata esse, tunc non biliosa, sed pituitosa excretio, iudicij interuentu, expectanda: & quidem in hoc morbo multò tardius, quam in bilioso. Si morbus fuerit mixtus, idest, si causam habeat biliosum humorem, simul & pituitosum, aut melancholicum, vel omnes simul, excretio Critica futura mixta erit: nam non vnus, sed plures humores morbum fouentes excernentur, vt sæpius conspici licet in febre semitertiana: in quotidiana notha; & similibus morbis, à varijs simul humoribus ortum ducentibus.

*Humores
morbi effi-
cientes cri-
ticè eua-
cuari de-
bent.*

Post omnia in prædicto capite 3. libri 3. de Crisib. monuit Galenus, Medicum, dum modò cuncta in capite dicta diligenter mente comprehendat, absq; difficultate vlla, posse futurum morbi eventum prænunciare. Imò & consequentia bonæ Crisis Signa paucis, in capitis calce, complexus est Galenus. Postquam enim desijt febris, eiusq; symptomata, vi Crisis factæ; si meliori colore præditus est ille in quo Crisis facta fuit: si pulsus sit satis validus, si ad motum sit promptus, Crisim factam, optimam esse pronuntiabit. Nam bonus color, humorum puritatem indicat, sicuti quivis color cognatum humorem. Vnde Hippocrates libro de Humoribus, in exordio ait: Color humorum, vbi non est humorum reciprocatio, veluti efflorescit. Quæ verba hoc pacto interpretari licet: Color in cute delitescens ostendit humorem, dum modò humores

*Signa sub-
sequentia
bonæ cri-
sim.*

*Bonus co-
lor cutis
quid indi-
cat.*

*Humorum
reciproca-
tio quid.*

intus contenti non perturbentur. Id est, si humores propter Animi passiones, aliasue causas, contra naturalem consuetudinem introrsum non repelluntur, aut extrorsum raptim euocantur, nobis humorem in corpore prædominantem, morbumq; efficientem, aut effecturum, indubiè indicabit. Reciprocatio enim humorum, nihil est aliud, quàm humorum, aliquam ob causam de nouo accedentem, perturbatio. In ira etenim, ac gaudio, spiritus, & sanguis ad exteriora recurrunt. Similiter, dum Solis, aut ignis ardori aliquis exponitur, cutis incallescit, & sanguis, ac spiritus è penitioribus partibus, ad hanc, attenuati, euocantur. Diffuso similiter febrili calore ad extimas corporis partes, sanguis, spiritusq; feruentes ad easdem expanduntur. In immodico pariter motu, siue labore, fit sanguinis, & spiritus ad corporis superficiem impetus. Proindeq; in ira, gaudio, externa, internaq; corporis vehementi calefactione, faciei, & reliqui corporis color, venustus est, pulcher, viuus, & rubicundus; esto ille, cui aliquid, aut plura horum contingere, ex sua natura sit pallidi, liuidiue coloris. Contrarij colores ob contrarias pariter nascuntur causas. Nam homo naturaliter rubicundus, aut speciosi coloris, pallidum, aut liuidum, aut viridem, aut album, aliumue prauum colorem facile acquirere, quotiescunque metu afficietur, aut mæstitiâ, aut in otio diu deget, aut frigus patietur immodicum; Hoc enim intus humores, & fluentes spiritus pulsu quodam recedere cogit: in metu autem, & mæstitia introrsum naturæ ingenio, vt patientibus partibus opem ferant, recurrunt. In iræ etiam principio Spiritus, & sanguis ad interna retrahuntur, quo tempore facultas irascibilis in seipsam cogitur, colligitur, atque vnitur; vt videlicet postea multò maiori, atque vehementiori cum impetu, in externum obiectum vindictæ deferatur, atque prorumpat. In hoc autem primo motu spiritus, & sanguinis ad internas partes, irati pallidi conspiciuntur: At in secundo iræ motu, quo Spiritus, & sanguis, antea ad interiora retracti, iterum extra expanduntur, veluti ad vindictæ obiectum, vt de eo victoriam reportent, corpus rubicundum, & non amplius pallidum apparet. In ira ergo, cum duo contrarij humorum, & spirituum motus, vnus ad intra, alter ad extra, reperiantur, verè in eadem fit humorum reciprocatio, ratione cuius modico tempore diuersi in corpore conspiciuntur colores.

In ira principio spiritus & sanguis ad interiora colliguntur, rursus ad exteriora.

Lucem non modicam iam dictis adfert Galenus, Comment. citati textûs 1. libri de Humorib. hac serie: Rectè autem fecit Hippocrates, cùm addidit, vbi reciprocatio non sit: propterea quòd cùm humores sunt aliquo affectu perturbati, non est nobis integrum, de coloribus ab illis excitatis, rectè, & verè iudicare. Vt enim mare cùm crescit, cùmq; decrescit, quod fieri omninò solet in reciprocationibus, & purpurascit, ventisq; agitaturn, accuratè naturam suam non videtur seruire: sic humores, cùm intra corpus se receperint, & non fusi sint, sensu oculorum percipi non possunt. Cùm verò nulla reciprocatio est, hoc est, cùm in toto corpore sunt equaliter fusi, tunc color, qualis sit humor noxius, & redundans, nobis indicat: vt si aliquam euacuationem Medicus molitur, noxium humorem educat, vt ipse Hippocrates sexcentis in locis, noxium humorem, & non alium, priùs esse euacuandum præcepit. Id autem, qua ratione faciendum sit, in libro de Natura Hominis scriptum est.

His ostendit Galenus, Hippocratem loquutum de coloribus cutis, qui ab humoribus, in ægris reduntantibus, proueniunt, quoties ijdem humores non sunt perturbati, aut agitati valdè; vt sic, nactâ humoris redundantis, mediante colore, naturâ, tutò queat Medicus humorem peccaminosum, & non alium, euacuare. Sententiæ Hippocraticæ vtilitatem in calce Commentarij his verbis commendat Galenus: Quod igitur hac sententia cōtinetur, ad morborum curationem, futurorum præfagitionem, & præsentis sanitatis tutelam, pertinet. Hippocratis non mediocrem diligentiam, circa doctrinam de Coloribus, tã corporis, quàm excrementorum, Galenus paulò ante in eodem Cōmentario scriptis hac serie commendauit: Sed mihi non sit verisimile, Hippocratem modò de successione ætatum, deque earum mutatione, & colorum variatione verba facere: sed de ijs coloribus, quos quotidie in corporibus egrotantium intuemur: quosque spectare Medicum oportet; vt ipse Hippocrates in libro Præfagiorum ad hunc modum præcepit: In primis, inquit, ægri faciem spectare conuenit, sitne ea beneuolètiū faciei similis. Deinde, totius quoque faciei color attendendus, viridisne sit, & non niger, & liuidus. Tum paulò post: An totius faciei sit immutatus color. Ad hæc, sitne reflexa, an liuida, an pallida palpebra, aut labrum, aut nasus. Præterea verò in sexto de vul-

In humorum reciprocatione non est de colore cutis iudicandum.

Fluxus & refluxus maris rectè reciprocatio dicitur.

Colorum vtilitas.

De colore cutis in ægris loquutus est Hippocrates.

Doctrina colorum necessaria.

Medicus diligenter facies ægri, & partium in ea contentarum

*colorē ani-
m iduerte-
re debet.*

*Quia hæc
pa's Me-
dico semper
effcoſpicua.*

garibus morbis Libro : Alij, inquit, ad manum sunt humecti, alij prærubri, alij præpallidi, alij liuidi, & cætera generis eiusdem. Sic de sputo, de vrina, de alui deiectionibus, deque alijs ipse censuit. Admonet igitur Medicum, videat, sitne color sanguineus, an pallidus, an flauus, an albus, an niger: vt planè noscat, quisnam humor redundet in corpore: Siquidem color eum humorem, qui in sit in corpore, consequi consuevit. Consequutiue ad hæc Galenus excipit colores ex reciprocatione humorum ortos: eius verba paulò ante de reciprocatione transtulimus.

*Ex colore
experamen-
tum digno-
ſcitur.*

*Viride pro
pallido, &
aruginoso
accipitur.*

*Color niger
omniū pes-
simus in æ-
gris, linidus
ad eñ pro-
ximè acce-
dit; rursus
viridis.*

*Color to-
tius corpo-
ris immu-
tatus malū
ſignum.*

*Signa ma-
la in oculis
deprehensa.*

Colores, qui nobis humoris huius, aut illius, in corpore redun-
dantiam indicant, fusè proposuimus in nostræ Physiologiæ libro
2. qui de Humoribus agit. Ex Galeno tamen Comment. primi tex-
tûs libri de Humoribus, sequentia introducere placet: Notas, in-
quit, ex quibus temperaturam noscimus, supeditat color: idem
noxæ magnitudinem indicat, vt si vlcus omninò siccum sit, pro-
pter eius facultatis, quâ corpus alitur, imbecillitatem: non vnus in
eo color erit perpetuò: sed pro humorum, qui in corpore sint, va-
rietate, magnitudineq; noxæ, variabitur: vt exempli causâ, si ama-
ræ bilis humor in corpore redundarit, color pallidus apparebit: si
humor sit melancholicus, tum aut liuidus, aut in alterutra viridis
significatione; cum viride modò idem, quod pallidum, modò idem
quod æruginosum, significet: vt interim maior noxa liuidum colo-
rem, qui propè ad nigrum accedit: minor rubrum, & viridem effi-
ciat. Hoc cum in singulis corporis partibus clarè, tum verò in facie
euidentiùs perspicitur: Siquidem pessima coloris commutatio ha-
betur, quæ ad nigrum tendit, vtpotè refrigerato iam sanguine: vt
facere solet, cum foràs effusus in grumos coit: moderatior verò,
cum ad viride vergit: id quod diuturnis in morbis sæpè cernitur,
sed tamen in principijs perrarò: Quocirca eo tempore maximum
periculum impendere significat, vt scriptum reliquit Hippocrates.
Etenim cum totius corporis color immutatus sit, tum & malum, &
perniciosum putandum est. Ad hoc tamen alia quoque signa acce-
dunt, vt cum oculi lucem refugiunt, in cuius rei causa est inbecil-
litas eius facultatis, quæ ad aspectum pertinet: vt cum propter in-
firmitatem continentis facultatis lachrymas emittunt: vt cum di-
storquentur, quòd laborante neruorum origine, musculi oculos
mouentes conuellantur: vt cum alter oculus minor, quam suapte

naturâ esset, reddatur, quòd facultatem, ipsum gubernantem, inde esse extinctam intelligamus. Iam verò in malis etiam habendum est, cùm alba oculorum esse rubra videntur: sicut cùm venulæ in eis, aut liuidæ, aut nigræ sunt. Nam vt rubræ propter plenitudinem, aut inflammationem quandam partium ad Cerebrum pertinentium, videntur: sic nigrescunt, & liuent, dum refrigerantur: refrigerantur verò dum extinguuntur. Quocirca fit, vt huiusmodi colores perpetuò perniciosi censeantur.

Facultas gubernans est ipse calor natus.

Verùmenimverò, bonus faciei color, si multum mæstitiæ adiunctum habeat, in malis esse consuevit. Putant enim persæpe Medici, faciei bonum colorem significare, aut sanguinis è naribus eruptionem Criticam, aut abscessus secundum aures futuros; & tamen falluntur: præsertim verò, si habeant multam mæstitiā coniunctam. Neque enim vsu venit, vt ægroti ita bono colore sint, sicut ij, qui optimè valent; sed magna vi caloris valde rubri effecti, hoc consequuntur, vt similes ijs, in quibus bonus est color, esse videantur. Nam quod valdè rubrum est, idem est ad melancholiam pronum: cuius apertum signum est mæstitia: quæ si multa sit, id ipsum multò magis confirmat. Quamobrem cùm facies florida videatur, ægrotus verò mirum in modum mæstus sit, tum calidam admodum affectionem, quæ sanguinem exurat, ideoque atram bilem gignat, in cerebro esse planè constat.

Bonus faciei color cum mæstitia malum signum.

Color valde ruber ad melancholiam pronus.

Interdum verò etiam calidissimus sensus nobis insuetus in habitu corporis exoritur, cùm humores calidi cæteris excellunt; vt etiam frigidissimus, cùm frigidi dominantur (loquitur enim hîc Galenus iuxta ea quæ habentur lib.4. Aphorism. 39. Et qua parte corporis insignis, aut caliditas, aut frigiditas fuerit, in ea morbum esse necessarium est: hæc siquidem exit à temperie naturali, quæ sanitas est) atque vbi pituita redundat in corpore, candidiores; vbi bilis, pallidiores homines videntur: Sique purior bilis sit, flauiores. Color enim ab humoribus, non à solidis animantis partibus prouenit, cum humores se in intimas corporis partes receperunt: id quod eis contingit, aut propter frigus, aut rigorem, aut aliquam animi perturbationem: quo in numero sunt, timor, magna tristitia, aut pudoris initium. Si horum nihil adsit, humores in intimas corporis partes se nunquam recipient: sicut neq; vnquam facto in cutem impetu violentius, eam adurent, nisi animum occu-

Caliditas, aut frigiditas in cute, quid indicat.

Candor, pallor, flauedo.

Color ab humoribus, non à solidis partibus prouenit.

*Humorum
reciproca-
tio unde.*

pet aliqua perturbatio; aut calor immodicus extrinsecus animal obsideat. Proinde rectè dictum ab Hippocrate est, vbi non est humorum reciprocatio. Etenim in ijs, qui vehementer commoti sunt, aut irâ perciti, aut pudore affecti, veluti reciprocantibus humoribus, seq; intro retrahentibus, animum ad colorem adhibere non oportet. Quod si nulla vis frigoris, aut caloris, aut nulla perturbatio earum, quas nunc dixi, ambientem nos aërem infestum habeat, certè humores ex colore cutis verè dignoscuntur. Fit enim interdum, vt Medici, atque hi quidem non vulgares, redundare sanguinem in corpore arbitrentur, falsi nimirum coloris mutatione, & tamen non redundat. Sed illa coloris commutatio, aut ab aëris nos ambientis calore, aut ab iracundia, aut etiam à febre, profecta est: quandoq; etiam esse imminutum sanguinem putant, nec tamen id verum est: id quod vsu venit, cùm is à frigore compulsus in partes intimas se recepit. Potes autem id ipsum in mari persæpè contemplari, quod cùm agitur, maius, cùm tranquilum est, minus multò videtur.

Similitudo apta.

Tranquillorū humorum veri colores in cute apparent.

Colore ex albo & limido mixtū efficit crudus humor, pituita vera sicciore.

Varij recessus humorum à sanguine ob coctionis defectum, aut vstionis excessum.

Regula in sanguinis missione obseruanda.

Cùm igitur Corpus seipso albidius sit factum, neq; vlla adsit perturbatio, tunc pituitosum humorem abundare plerumq; indicat: cùm verò sit pallidius, aut magis flauum, biliosum. Sic etiam, si ad rubicundius vergat, quàm naturæ status ferat, redundare sanguinem: Si ad nigrius, atrâ bilē ferè significat. Sunt etiam, quorū color plumbum imitetur: alij, quorum ceu mixtio ex albo, & limido quædam: atq; huiusmodi quidem colores crudum abundare humorem declarant, qui in genere quidem ille pituitæ continetur, minus tamen, quàm quæ consueto vocabulo pituita appellatur, humidus est. Huncque Humorem Praxagoras vitreum nominat. At sanguis in medio horum, & biliosorum est. Eorum autem aliqui, prius quàm alimentum sit accuratè in sanguinem conuersum, velut semicocti sunt: aliqui omninò incocti: alij à forma sanguinis parum absunt: aliqui rursus velut postremi ad gignendum sanguinem, excessum caloris consequuntur: quorum alij parum absunt à sanguine: alij plus, alij plurimum. Quo sanè tempore, si vacuatione opus sit, tunc secare venam poteris, hac adhibita distinctione: vbi parum in vtramq; partem (idest ad humores crudos, & humores adustos) recesserint, audacter mitti sanguis poterit: vbi plus, cautiùs agendum: vbi plurimum, planè abstinendum

dum : qua in re sapè coloris sanguinis mutationem intueri oportet , ac modò sanguinis profluentis , modò verò etiam ægrotantis hominis. Sed & animi defectio solet esse in multis affectibus euacuationis terminus : itemq; fluentis sanguinis tenor labascens , & pulsus commutati.

Quibusdam interpositis , monet adhuc Galenus , mediante corporis colore redundantem humorem dignosci. Et de redundantis euacuatione, sequenti serie loquitur : Et humor noxius, neque alius ante illum, euacuandus est : vt si, exempli causâ , pituita redundet, eam euacuabis : si bilis flaua , aut atra infestum hominẽ habeat, pituitam non attinges, sed bilem infestam educes. Simili quoq; modo , cum sanguis redundât it , aut eius serum, eius erit facienda euacuatio . Vnus enim quisq; humor in corpore redundans proprijs notis distinguitur. Monet rursus Galenus , bilis notis præsentibus, bilem Cholagogis euacuandam. Idem de reliquis humoribus dicendum . Hanc enim humorum euacuandorum distinctionem à Medicis sedulò obseruandam docet : nam euacuato vno humore, loco alterius , ægri euacuationem nõ faciliè tolerant : è contra, faciliè ferunt euacuationem redundantis humoris. Facilitas verò tolerandi euacuationem factam, nobis indicat , humorem superfluum, & non alium , fuisse euacuatum ; vt Hippocratis testimonio in Aphorismis, in Comment. textûs 1. Libri de Humorib. Galenus insinuat.

*Purgandus
solummodo
humor pec-
cans.*

Quòd autem humor superabundans, & non alius, euacuari debeat, pulchrè à Galeno insinuat lib. de purgantium Medicamentorum facultatibus cap. 2. vbi hæc scripsit : Sed protectò si , quod nigram , aut flauam bilem educit , dederis , ventris tumorem nequaquam minues. Atq; ita vt singulum quodq; medicamentum, proprium quendam humorem è corpore trahat , apparet.

*Sola hy-
dragoga
hydropicis
profunt.*

Cæterum Commentario citati tex. 1. libri de Humorib. multa alia ex Physiologia repetit Galenus : Vt , sanguinem ex contrarijs coalescere partibus , quatuor nimirum humoribus : in eodem sanguine sita esse, siue fibras , quibus amissis non ampliùs concrescit. Totius Corporis colorem vitiosum, à Iecoris , aut Lienis vitio dependere : Colorum notitiam magno nobis esse, & ad curationem, & ad dignotionem morborum , adiumento : præsertim tamen ad hoc munus valere colores, eos, qui in facie , in oculis , in lingua, &

*Ex quibus
cõstat san-
guis . Fi-
brarũ eius
vñus.
Vtilitas
colorum.*

*Humoris,
& succi à se
crepantia.*

vrinis conspiciuntur: Humorem, & succum differre, quòd ille, sit humiditas quædam in corpore animantis contenta, succus verò, qui ex plantis exprimitur: Quatuor elementis quatuor humores correspondere: Sanitatem in æquitate humorum, idest in proportionem & temperatura, consistere: Massam sanguinariam, sanguinem à domino dici: Elementa potestate, non actu esse in mixto: Solum aërem in corporibus animantium cerni iuxta suam naturam (antea enim supposuit Galenus, quatuor Elementa esse potestate, non actu, in corporibus nostris: Nolim. a. inquit, quemquam cogitare, corpora ex quatuor Elementis absolutè esse conflata, quandoquidem illa, vt potestate sint in corporibus, actu tamen nullo modo insunt: sed quæ ex ipsis, intercedentibus alimentis, gignantur; vt sanguis, pituita, & flaua, atraq; bilis. Et paulò post, ait: Aërem verò elementū in solis corporibus animantiū cernitur iuxta suam naturā: vt in respirationibus, & pulsibus licet intueri. Vult. n. Galenus, aërem attractū vi inspirationis, & transpirationis integrum in corpore esse, donec iterū expiratur vnà cū fulig. nosis vaporibus:)

*Solus aer
integer in
corpore ex-
tat.*

*Ætates
anni tem-
poribus res-
pondent.*

*Prima
qualitates
misceantur.*

*Quatuor
humores
proxima
sunt homi-
nis elemen-
ta.*

*Quatuor
qualitates
generatio-
nis causa.*

*Notanda
hæc.*

*Cur nullū
pituita re-
ceptaculū
constituitur.*

Puerum correspondere Veri; Iuuenē Æstati; Senem Autumno: De-crepitum Hyemi, & Regionem Anni temporibus: Totas qualitates primas per totas misceri in mixtis, ex Hippocrate. Propria, & proxima nostri corporis elementa, esse quatuor humores; omniū communia, calidum, frigidum, humidum, & siccum: quatuor has qualitates subiectam substantiam immutante, vt inter se commutentur elementa: Elementa inter se mutari, vt humores procreentur: Quatuor humores in nobis semper reperiri: à Calore nativo temperato sanguinem in venis procreari: à Calore immodico reliquos humores: vnde calida alimenta bilem, frigida pituitam procreant: in ætatibus, Regionibus, & Anni temporibus, idem, quod de Alimentis, dici debet: Sanguinem à Liene, & Vesicula Fellis expurgari: crassum, terrecumq; humorem, in Iecore mutationem fugientem, à Liene attrahi: Pituitam esse semicoctum alimentum, & paulatim à naturā alterari; ideoq; nullum ei à natura fuisse constitutum receptaculum; sicuti Bili vtriq; Calidum, frigidum, humidum, & siccum, bifariam dici, vel absolutè, vel per exuperantiā: Commune esse omnibus partibus, quæ ad humores aliquos gignendos, aut ad vsum aliarum partium, aut ad propagationem generis, aut ad fatum alendum, vtilis, vt ille humor sit quædam veluti redun-

dan-

edantia alimenti partis illius, in qua ipse generatur. Neque enim particula ideo humorem gignit, quia nōrit quam ad rem is humor vsui futurus sit animanti: alioqui tali esset mente, atque intelligentiā prædita, qualem in ijs arbitramur inesse oportere, qui Rempublicam gerunt: sed eam mentem atque intelligentiam habet animantium opifex; ipsa verò particula, cū alijs naturalibus potentijs, tum verò alteratrice, quā sibi alimentum assimilat, regitur, & gubernatur: In vasis seminarijs sanguinem exalbescere, quia inflexibus eorundem vasorum sanguis diū stagnat, atque moratur: vnde vasa albicantia humorem alimentitiū sibi assimilant, & quod superfluum est, reijciunt: in alijs autem vasis, quoniam sanguis longam in ijsdem moram non contrahit, in albam substantiam non mutatur: Animi actiones ab humoribus, & omnino à corporis temperaturā immutari: Ex humorum redundantia plures nasci intemperies, quæ cōto sunt numero; quarum quælibet per contraria vinci debet. Humorū redundantiam, & prauas qualitates, omnia morborum genera afferre solere: redundantiam quidem, Podagram, aliosque varios: prauæ qualitatis ratione, innumeros: Vrinās crassas iumentorum vrinis similes, esse crudorum, crassorumq; humorum sobolem; pessimosque esse morbos, in quibus vterque humor, idest crudus, & crassus, redundat; qui quidem ambo semitertianam febrem afferre solent: Varios deinde morbos ab humoribus, qualitatibus distinctis, dependentes, ibidem enumerat Galenus: Crudum humorem esse similem puri in vrina subsidenti; à pure tamen differre, quod pus sit grāueolens, & glutinosum: crudus verò humor colorem habet, & crassitudinem, puri similes: sed neque grāueolens est, neq; glutinosus; ac tale quidem est id, quod ventriculo, ac venis nondum concoctum continetur. Sunt porrò crudorum humorum duo genera: eorum alter tenuis, & aqueus est: alter crassus & glutinosus, estque in partibus corporis impactus: Tenuem verò, & aqueum, euacuare expedit prius, quàm à calore febris exalciat, pungatq; ac mordeat: at crassum, & glutinosum concoquere, & fluidum reddere prius (sunt Galeni verba) quàm medicamento purges. Hoc enim scitum est, corpora, cū purgare quis velit, fluida esse faciendā, vt censuit Hippocrates. Cū igitur Homo se cibis largiùs expleuerit, necesse est crudi humoris plurimum in corpus animantis rapi:

*Semen est
reducatia
testiū, san-
guis iecoris,
chylus. vē-
tricoli.
Nota hæc.*

*Cur ex san-
guine in va-
sis semina-
rijs sit se-
men.*

*Animi mo-
res corporis
temperatu-
ram, & hu-
mores se-
quuntur.
Nota hæc.*

*Vrina, iu-
mentorum
vrinis simi-
les, quid
denotant.*

*Crudus hu-
mor a pure
differt.*

*Duplex
crudorum
humorū ge-
nus; vnum
tenuē, alte-
rum crassū
illud sta-
tim expur-
gandū, hoc
prius præ-
parandū.*

*Ex largo
cibocrudus
humor.*

idque multis de causis, & quod deterius in ventriculo, venisq; concoquatur id, quod plus est: & quod plus in corporis molem subit, quia plus sit, & quod citius, quam par est: propterea, quòd ventriculus venis: venæ autem cæteris omnibus animalis partibus per-

*Pueri ob
crapulam
crudos hu-
mores con-
gerunt.*

*Calculi
causa.
Euacuatio
crudorum
humorum
cerebri.*

*Curandi
ratio circa
humores
maximè
versatur.*

*Dolor sex
modis ab
humoribus
fit.*

*Humores
præparati
præparandi.
& rursus
purgandi.*

*Plethora
vena se-
ctio, caco-
chymia
purgatio
debetur.*

*Signa se-
quentia
Crisim bo-
nam.*

mittunt, ut quod nondum confectum est, rapiant. Hunc autem humorem, qui crudus propriè nominatur, pleriq; Pueri propter crapulam, plurimum coaceruant: ex quo facilè calculus gignitur: cum is humor sit, ceu materia, ex quo fiat lapis: efficiens verò causa, calor censeatur. Fit etiam ex naribus, & ore in circuitibus ordinatis, & inordinatis, humorum crudorum excretio, quâ Cerebrum expurgatur: qui sanè humores, à pure, ut diximus, differunt. Cum igitur curandi ratio potissimùm in humoribus versetur, certè eos neq; tenues esse, neq; crassos, neq; multos, neq; nimis calidos, neque frigidos, neque mordaces, neque corruptelæ obnoxios, neque veneni naturam imitantes, expedit. Etenim cum aucti sint, morbos gignunt, & dolores inuehunt. Ac dolores ex humoribus excitari sex modis planum est; aut ex calore, aut ex frigore, aut ex crassitudine, aut ex tenuitate, aut ex mordacitate, aut ex copia. denique, cum, inquam, supra modum aucti sunt, & euacuationem postulant. Augentur autem interdum eadem de causâ, à qua geniti ab initio sunt: quo sanè tempore duplex est nobis curationis proposita ratio, ut alterentur, & ut euacuentur: quin etiam in Aphorismis ostendimus, cum corpus plethoricum est, venæ sectione: cum malis redundat humoribus, medicamento purgante euacuandum esse. Post hæc docet, crudos humores in Pueris ob voracitatem generari: & humorum cruditatem in adolescentibus esse imbellis valetudinis causam.

Hæc, occasione boni Coloris Ægri post Crisim factam, ex Galeno libenter proponere volui: quoniam ad Crisis cognitionem, & affectuum præter naturam, cognitionem, curationem, atque Prognosim, vim habent, non solum præcipuam, sed maximam. Probus ergo corporis color post Crisim factam, Crisis integritatem commonstrat: Signum enim est, naturales facultates vigere, & in corpore prædominari. Pulsus præterea validus, facultatis vitalis robur indicat: veluti ad motum alacritas, facultatis animalis integritatem. Sed tempus est, ut ad signa futurarum specierum excretionis criticæ, descendamus.

CAPUT VI.

De Signis imminentium Specierum Excretionis Criticæ.

Multa superiori Capite de Generalibus signis, vel signorum generalium fundamentis, diximus; modò cuiusvis futuræ speciei Excretionis Criticæ præcedentia signa distinctè proponemus. Criticæ Excretionis septem species superius enumerauimus. Tres per sanguinis exitum fiunt: & vna dicitur Hæmorrhagia: Estque sanguinis è naribus fluxus. Secunda, Hæmorrhoidalis excretio appellatur: Estq; sanguinis è venis hæmorrhoidalibus, in podice, siue extremitate intestini recti, sitis, effluxus. Tertia, est menstrua purgatio; quæ est sanguinis ex venis vteri euacuatio. Sunt quatuor aliæ species Excretionis Criticæ, quæ circa humores prauos, & à sanguine distinctos, versantur; quæ pro diuersitate viarum, per quas fiunt, diuersa obtinere nomina, diuersamque rationem. Quoties autem humores superflui sursùm capessunt, & per os euacuantur, huiusmodi euacuatio Vomitus nominatur: Si deorsum per intestina, & extra podicem percurrant humores, Diarrhæa: Si per vias Vrinæ, Perirrhia: Si per habitum corporis, & cutem, Sudor. His quatuor possumus addere expuitione: Et sic octo species Euacuationis Criticæ statuere possumus.

Antequam cuiusvis speciei signa proposuero, obseruandū censeo, dari quædā generalia signa, quæ quamlibet Crisim, aut plures species præinducant. Signa mox futuræ motionis Criticæ vniuersalia, paucis complexus est Hippocrates lib. 2. Aphorism. 13. vbi inquit: Quibus Crisis fit, his nox, quæ accessionem præcedit, grauis: quæ verò subsequitur, leuior ferè solet existere. Grauis enim siue molesta est nox præcedens Crisim, teste Galeno in Cōment. quoniam natura tunc turbatur; separando nimirum prauum humorem à bono, eumque ad excernendum præparando. Grauitas enim hæc noctu fit manifestior: nam hoc tempore dormire consueuimus. Somno igitur à turbatione interrupto, clariùs grauitas illa percipitur: licèt similis fiat interdiu turbatio, quando nocte sequente est iudicatio futura. Grauitas illa, nocte, dieque, temporeue

Septem species euacuationis criticæ communiter propositæ.

Octaua species est signorum expectoratio.

Signa cōmunia omnibus imminentibus crisis.

Crisim præcedere, contingens, nihil aliud est, quàm animi, corporisq; anxietas & inquietudo, quæ vnamquamq; Crisim præcedunt.

Signa præcedentia, plures species, sunt rigor, altus pulsus, durus pulsus, oculorum caligo, & anxietas.

Præter molestiam superuenientem egro in Crisi præludio, sunt quædam signa pluribus speciebus Criseos communia: Exempli gratiâ, Rigor superueniens feбри ardenti, ex se vix certam euacuationis speciem prænunciat: quoniam cum sudor non semper sequitur; sed quandoq; vomitus, aliàs alui fluxus: non rarò harum euacuationum duæ. Rigor Tertianæ febris, etiam à bile pendentis, veluti ille qui ardenti feбри accidit, præcedit, aut sudorem, aut vomitum, aut alui fluxum, aut harum euacuationum aliquas; quæ pro naturæ arbitrio, aut inclinatione succedunt, dum morbo, causæq; morbificæ eadem natura præpollet. Similiter indiscriminatim, altus Pulsus, est omnis mox futuræ excretionis indicium, sicuti & vehemens pulsus. Caligo denique oculorum, & anxietas, æquè vomitum, ac hæmorrhagiam præinducant.

Confusa signorum Criticorum recensio; quæ etiam habetur lib. 1. aph. comment. 12.

Vniuersalia signa, & peculiaria, motionis Criticæ promiscuè proposuit Galenus libro 2. de Crisib. cap. 2. hac serie: Antecedit autem huiusmodi Excretiones, & abscessus, non mediocris perturbatio in corpore ægrotantis. Nam & difficiles tolerantia, & vigilia, & deliria, & graues somni, & difficiles anhelitus, & vertigines tenebrosæ, & difficiles sensus, dolores Capitis, Colli, & Stomachi, & multorum aliorum membrorum: nonnullis verò aurium sonitus, & vani ante oculos apparent splendores, & lachrymæ inuoluntariæ effluunt, & vrina retinetur, & labrum agitur, aut aliquid aliud tremulum fit, obliuio, & præsentium ignorantia, & vehemens accidit rigor, & plurimum accessio consuetam anticipat horam, & multus æstus, sitisq; intolerabilis sequitur: clamant & saluunt, sicuti furentes, neque possunt in eodem situ recumbere: deinde repentè multus sudor erumpit, aut vomitus aliquis non paucus insequitur, aut venter subitò soluitur, aut abundans fit fluxus sanguinis, aut hæc omnia simul contingunt: vnde non paruus inuadit timor inspicientes. Hic autem (veluti lib. 1. aph. 12.) indistinctè Galenus signorum vniuersalium, & particularium congeriem exposuit, vt ostenderet ob terrorem cuidam vulgari homini, similia accidentia in ægro quodam conspicienti, incussum, Crisim nomen inuentum fuisse: Ipse enim spectator ignarus, re ita cogente, ita pronunciauit, quòd iudicium tunc de vita ægrotantis ageretur.

Inuentio nominis crisis.

tur. Sed distinctiùs de his in sequentibus.

Obseruandum præterea, imminentem Crisim, quæ per excretionem fit, dupliciter prænosci: Primò, mediantibus Signis cuiusvis speciei Excretionis: Secundò ex absentia signorum aliarum Excretionum. Distinctis nos sectionibus singularum specierum signa enumerabimus.

*Dupliciter
futura crisi
signis digno-
scitur.*

SECTION I.

De Signis mox futuri Vomitus.

Galenus exactè hanc doctrinam nobis reliquit lib. 3. de Crisib. cap. vltimo, sequenti serie: Vomituum autem signa sunt oris ventriculi morsus, simul cum dolore capitis, & vertigines obortæ, cum ijs, quæ obijciuntur oculis, tenebrosis, & cum agitatione labri inferioris, & multo ac tenui sputo defluente. Hæc verò omnia accidunt, cum biliosus & mordax humor in ventre, ac stomacho collectus fuerit, & ventriculi os momorderit (quod etiam Prisci Cor nominabant) & cum ipso totum stomachum intus atque infra distraxerit: vnde & labrum in ipsis agitur, & sputum tenue defluit, & tenebrosa quædam oculis obuersantur, & hallucinantur, & vertiginem patiuntur, & caput dolent, euaporante re aliqua ex humore bilioso, & præterea facta in nervis compassione. Hæc Galenus.

Signa futuri vomitus.

De signis præcedentibus vomitum, Hippocrates lib. 1. Epidem. sect. 2. tex. 56. hac serie loquutus est: Qui verò totius Capitis grauitates, & oris ventriculi morsus, ac stomachum anxium habent, isti biliosa, & pituitosa euoment. Ita enim extant hæc apud Galenum lib. 3. de Crisib. cap. vltimo: sed apud Hippocratem, textus sequenti ordine habetur: At verò quibus totius capitis grauitates, tum autem cordis dolores, & fastidia sunt, biliosa post, ac pituitosa vomunt. In Prognosticis, sequentia similiter habentur: Quicunque autem in febre non mortali dixerit se dolere caput, aut aliquid tenebrosum apparere ante oculos: si oris ventriculi morsus huic acciderit, vomitus biliosus subsequetur. Si verò rigor inuaserit, & partes, quæ sunt infra præcordia, frigida fuerint, celerius adhuc aderit vomitus. Si verò etiam aliquid biberit, aut comed-

Signa futuri vomitus ex Hippocrate.

rit circa hoc tempus, multò etiam citius euomet. Ex ijs, verò, qui primo die dolere cæperint, quarto die grauatur magis, quàm quinto, septimo verò die liberantur: plurimi verò ipsorum dolere incipiunt tertio die, conflantur autem quinto maximè, liberantur autem nono, aut vndecimo die. Quicumq; verò quinto die dolere cæperint, & alia secundùm rationem priorem ipsis affuerint, quatuordecimo euadunt. Fiunt autem hæc Viris quidem, ac Mulieribus, in tertianis præcipuè: Iunioribus verò fiunt quidem & in his, magis verò in febribus continuis, & legitimis tertianis.

Modò singula signa vomitûs mox futuri, iuxta Galeni ordinem exponamus. Primum signum, est Cardiognos, id est Cordis morsus: Ventriculi enim orificium, Cor Antiquis dicebatur: nam hoc læso, cor Vicinum è vestigio patitur; inde Lipothimia, aut Syncope, aut palpitatio, aliæue Cardiacæ passiones. Vnde etiam eiusdem orificij ventriculi dolor ex morso proueniens, Cardialgia, id est Cordis dolor, appellatur. Causa efficiens huius morsûs, atque acerbissimi doloris oris ventriculi, est humor biliosus, isque non rarò superaffatus, & infensissimus; de quo loquens Hippocrates, lib. 1. Epidem. sect. 2. inquit: Circa caput, & collum, & dolores, & grauitates cum febribus, & sine febribus. In Phreniticis quidem neruorum distentiones, sed & æruginosa euomunt, & quidam ex his citò intereunt. Textus hic apud Galenum extat capite ultimo lib. 3. de Crisib. sed in Epidemijs, loco, æruginosa, habetur vox, virulenta. Vt ut sit, flaua bilis dum aduritur, in æruginosam conuertitur, & hæc verè virulenta dici meretur; quæ ideò, siue per os, siue per anum excernatur, periculum inuehit: nam pungit, radit, & veluti adurit. Rectè idcirco Hippocrates notauit, quosdam statim à vomitionibus huius virulenti excrementi interijssè, ipsum Cerebrum scilicet, eiusque membranas, tenente Phrenitide, à flaua bile profecta; ut in comment. 2. Epidem. tex. 54. loquitur Galenus: qui etiam insinuat, non mirandum, si impensè exiccatis meningibus, & Cerebro, conuulsiones tunc patiantur Phrenitici: quorum quidam, simul atque contracti sunt vi conuulsionis, & virulenta vomuerunt, è vestigio agunt animam.

Secunda causa morsûs oris ventriculi, est exquisitus sensus tactûs, quo fruitur. In eo enim inserti sunt duo insignes rami à sexta neruorum coniugatione dimissi, in quibus, vnà cum ipsa membrana in-

Primum signum futuri vomitûs, est oris ventriculi morsus.

Prima causa morsûs, & doloris oris ventriculi.

Flaua bilis affata in æruginosam conuertitur.

Secunda causa morsûs oris ventriculi.

na interiore ventriculi, fit acutissima sensatio. Quare immodicè irritata illa pars, ad rei noxiæ exclusionem se colligens, vomitum prouocat. Geminam expositam causam proponit Galenus Comment. 3. Prognostic. tex. 30. inquit: Ventriculi verò ostiolum (appellatur id, vt constat, etiam Cor, propter magnitudinem neruorum, quos habet, sentientium, nihil latet, quod in eo infestet: ita fit, vt mordens biliosus humor, cardiogmon, id est Cordis, seu oris ventriculi morsum, committat: & ob eam rem biliosa vomitio accidit. Tale enim etiam Thucydides indicauit, dum ait: Et cum in cor inhæsit, subuertit id, ac purgationes bilis, quæ à Medicis sunt appellatæ, subierunt. Verbum enim, subuertit, de impetu dixit in vomitionem, statim etiam nominans Cor, ventriculi ostiolum: & ob eam rem, morsum eius, cardiogmus, & cardialgias appellitant. Hic etenim cardiogmum, & cardialgiã idem significare insinuat Galenus; tametsi paulò ante in eodem textu, Cardialgiã Cordis dolorem esse pronunciauerit, quo etiam in sensu nos Cardiogmum in hoc opere accepimus; sed causatiuè, vt aiunt: nam Cardiogmos, etsi Cordis morsum significet, Cordis siue orificij ventriculi, dolor dici meritò potest; cum immediatè dolorem concitet, & causa prima siue immediata rei, effectus sue, huius nomen, non rarò, ex hominum instituto, induat. Cæterum, vox Cardiogmos, iuxta cōmunem interpretationem, cordis morsum significat; vt patet ex Aphorismo 65. lib. 4. Aphorism. qui Græcè sic habetur. *Ἐν τοῖς πυρετοῖς περὶ τὸ καὶ λελυκαῖνα ἰσχυρὸν, καὶ καρδιωγμὸν, κακόν*: id est: In febribus circa ventriculum vehemens æstus, & stomachi morsus, malum. Itaque Cardiogmos, cordis morsum magis propriè, quàm dolorem, significat. Galenus, tametsi Cardialgiã, & Cardiogmon, vt paulò ante vidimus, confuderit, rem penitiùs in comment. iam citati Aphorismi tangens, sequenti serie exponit: Quod non solum ei visceri, quod ex seipso secundum naturam pulsatur, Cardia, hoc est Cor, nomen fuit apud Antiquos, sed etiam ori ventriculi, pro confesso habetur apud omnes: Sicuti etiam quod Cardialgin, idest Cordis dolorem, huius partis dolores appellant. Verbum autem Cardiosein, idest corde morderi, plurimi exponentium Aphorismos, pro Cardialgein, idest Corde dolere, acceperunt: nonnulli ipsius Cordis, hoc est visceris, motum quendam palpitacioni similem, per

Thucydides.

Cardiogmos & Cardialgia aliquādo confunduntur.

Aphorism. 65. lib. 4.

Ventriculos, cor dicitur.

Cardiogmon verbum, idest Cordis morsum, intellexerunt. Fortis itaq; ventriculi æstus à flua bile in ipsius tunicis ebulliente generatur. Rationabiliter autem ijs, qui ita sunt affecti, & ventriculi mordetur os; atque ob id malus est casus (casus enim idem est apud Galenum, ac symptoma ex lib. 1. Aphorism. comment. 12.) Siquis verò per Cordis morsum, crebrium & velocem Cordis motum, eum præcipuè, qui palpitationi similis sit, intellexerit, extremum ex eo malum significatur, & vim vitalem (seu principium vitale, quod est Cor) maximo incendio laborare. Sed hæc de Cardialgiæ, & Cardiogmi conuenientia, ac discrepantia, sint satis.

Antequam primum, iam antea expositum, imminētis vomitûs signum deferam, obseruandum sedulò est, orificij ventriculi morsum, ex sola bile ortum, non semper præcedere vomitum. Quod patet primò ex Hippocratis verbis, ex sect. 3. Prognostic. traductis. Si quis, inquit, per febrem non exitiosam dixerit, caput dolere, aut etiam tenebricosum aliquid ob oculos obuersari, aut si oris ventriculi morsus in eo extiterit, biliosa vomitio aderit. Non enim voluit Hippocrates, capitis dolorem oculorum caliginem, & ventriculi morsum, simul & coniunctim præcedere vomitum, sed horum vnum, aut alterum (etiam simul præire queant) ut patet ex particula disiunctiua, *ἢ*, idest, aut. Secundò, doctrinæ huius veritas, ex ipsa rei naturâ colligitur: Non enim semper biliosus humor vomitum excitat, sed pituitosus, serosus; imò ipsa alimenta ventriculo parum grata; veluti potus non arridens, venenum, & similia. Habemus enim ex Hippocratis doctrinâ, superiùs ex libro 1. Epidem. traductâ, biliosa, simul & pituitosa per vomitum excerni: Denique experientia compertum est, pinguis quævis vomitum quibusdam concitare; alijs hoc genus edulij, alijs aliud: imò sordida quædam oculis obiecta vomitum aliquibus non rarò prouocant. Sufficit ergo quandoque, vice doloris, aut morsûs orificij ventriculi, anxietatem præcedere vomitum, cum non omne id quod vomitum excitat, mordax sit, & biliosum, salsumue, sed modò acidum, modò insipidum, modò vinctuosum, aut pingue, modò nimium. Nec mea hæc doctrina Galeno aduersatur, qui, ut vidimus, capitis dolorem, morsum orificij ventriculi, tenebricosam vertiginem, labri inferioris agitationem, siue tremulum motum, & saluationem, copulatiuè, signa imminētis vomitûs esse voluit.

Nam

*Casus est
symptoma.*

*A sola bile
non fit
vomitum.*

*Non est
necesse, ut
omnia si-
gna vom-
itus simul
semper co-
currant.*

*Præter bi-
lem, alia
quamplu-
rima vo-
mitum ex-
citant.*

*Dubio oc-
curritur.*

Nā hæc omnia simul conuenire possunt in morbis biliosis, cuius naturæ sunt Febres continentes, & biliosæ, quarum excretionem Criticam vomitu venturam exponit potissimum Galenus, dicta, proponens signa. Hippocrates de vomitu quidem febricitantium loquitur loco citato Prognostic. qui, tametsi disiunctim signa proposuerat futuri vomitûs biliosi, non proinde negauit omnia simul concurrere, bile maximè dominante. In morbis autem non purè biliosis proposita vomitûs signa, simul minimè concurrunt.

Secundum signum imminentis vomitûs, est repentinus dolor Capitis: qui dolor, ut plurimum, à bilioso humore, alioue cognato, ut falso, aut fuliginoso, nascitur: nam ab humoribus frigidis non tam dolor, quàm grauiamen capiti inuehitur; quanquàm vim inducendi dolorem iisdem negare non ausim; ut experientiâ patuit in Galeni persona, dum atrocissimo dolore colico, à pituitoso humore vitreo, orto, afficeretur. Dolor autem Capitis in febribus biliosis subito contingens, vnà cum orificij ventriculi morsu, & oculorum caligine, futurum prænunciat vomitum. Dixi vnà cum ventriculi morsu, quoniam dolor capitis superuenire potest, absque eo quòd Crisim fore prænunciet. E Pulmonibus enim, & Thoracis cavitare, fuliginosi & vrentes quidam vapores ad caput subleuantur, qui in hoc dolorem non rarò pariunt. Ut autem Medico compertum sit, an è Pulmonibus, an è ventriculo vapores calidi sursum ad caput ascendentes, & in hoc dolorem excitantes, eleuentur, animum aduertat necessum est ad ventriculi statum: cuius orificium si mordetur, aut dolet, signum est certissimum, capitis superuenientem dolorem, à biliosis vaporibus è ventriculo ad caput sublatis, nasci. Si autem in ventriculo nullum extet doloris vestigium, è pulmonibus, aut vasis, sursum causa doloris attollitur. Quod si alicui videretur, vapores illos è pulmonibus sursum non ferri, quia suâ acrimoniâ dolorem in pulmonibus æquè, ac ventriculo, excitare deberent, qui tamen dolor tunc non adest, Responsio in promptu est apud Gal. Comm. 3. Prognost. tex. 30. Pulmones obscuro sensu esse præditos; ideoq; eos non persentire tales vapores fuliginosos, qui tamen sursum elati, meninges valdè sensibiles citò suâ acrimoniâ, & calore intenso, feriunt.

Tertium signum imminentis vomitûs in febribus salubribus, de quibus loquutus est Hippocrates sententiâ citatâ Prognostic.

*Secundum
signum fu-
turi vomit-
us.*

*Medicus
scire debet,
vtrum ca-
pitis dolor,
à vaporibus
è pulmonibus
subla-
tis, an ab
ijs qui è ven-
triculo effe-
runtur, pro-
uenit.*

*Dubio oc-
curritur.*

*Tertium
signum fu-
turi vomit-
us.*

(appellauit autē iam hunc morbum, inquit Galenus in Comment. sapenumerò. περιστροφία, id est, salubrem;) est vertigo tenebricosa, quæ nihil aliud est, quàm apparens circumgyratio eorum quæ oculis obijciuntur, vnà cum tenebricositate; aut caligine: ita vt visio fiat obscura, & nubibus quasi impedita: non tamen adeò, quin res visæ circumrotari videantur: imò & caput ipsum circumagi videtur, teste Gal. com. 4. acutor. tex 42. Causa vertiginis est circumrotatio Spiritûs flatulenti, aut sublatorum vaporum in ipsis Cerebri ventriculis: flatulentus verò Spiritus, ab intemperie frigida Cerebri oritur; nisi quando per consensum infernarum partium, vt ventriculi, vteri, pulmonum, aliarumue, is idem, vel fuliginosus vapor procreatur; sicuti fit in casu nostro. Vaporibus enim fuliginosis tetrisque sursum sublatis, caput repletur; vnde in ventriculis Cerebri magna spirituum & vaporum agitatio, turboque. Spiritus denique animales impuri, vtpote quibus tetri vapores commiscuntur, ad oculos transmissi, humoris ChrySTALLINI luciditatem obscurant: indeq; visûs obscuritas. Vniuersam doctrinam de Signis morbi futuri vomitûs fermè proponit Galenus, comment. citati textûs 30. sect. 3. Prognost. hac serie: Secunda verò, vt agro dolenti caput, obuersetur quiddam ob oculos *σπορῶδες*, id est tenebricosum, quod utiq; significat atrum, & flauæ bilis synceræ exhalatione confectum. Hæc enim plenius calefacta, &, vt ita dicatur, superassata, atram exhalationem, ceu fuliginem quandam, ad caput remittit, ob quam capitis dolores infestant. Quantum verò eius ad oculos permeat, turbulentior em reddit in eis humorem, splendidum ex natura, ac purum (ChrySTALLINUM intelligit): ita vt fiat conditio quædam similis ei, quæ circa purissimum, ac lucidissimum aërem, euenit, recipientem statim in se, aut tumidum quandam, aut fuliginosum nigrorem. Hanc igitur exhalationem lentiens à Cerebro permeans ad oculos visorius Spiritus, quemadmodum per suffusiones, visa (vt ait) tenebricosa committit. At verò cum talis exhalatio de sedibus quandoq; etiam subeat pulmonis, eam interstinguimus ab illa, quæ de ore ventriculi redundat, cordis dolore, id est, Cardialgia. Tales enim humores latent pulmonem, vt qui vel omninò non sentiat, aut difficulter sentiat: ventriculi verò ostium (appellatur id, vt constat, etiam cor) propter magnitudinem neruorum, quos habet, sentientium, nihil latet, quod in eo infestet.

Quar-

Quartum signū futuri vomitūs in febribus non exitiosis; siue salutaribus, est frequens agitatio labri inferioris. Causam huius rei in prædicto commentario citati tex. 30. exponit Galenus sequenti serie: Alicubi Hippocrates scripsit, quod infernum labrum idipsum indicet, haudquaquam quiescens, sed quodammodo intremiscens, propterea quod si bilis mordeat internam oris ventriculi tunicam, ita commouetur labrum: didicimus enim ex dissectione, vnam esse omnem hanc tunicam perpetuam per omnia sibi, & omnis ventriculi, & gulæ, & linguæ, & palati, & omnis oris. Hæc igitur est, quæ & labra concutit, quoties ab acriore bile collecta in ore ventriculi mordetur: talis enim humor præ leuitate fluitare naturâ assolet. & ob eam rem ad stomachum (idest, ad ventriculi officium, aut œsophagum) redundat, relinquens ventriculi fundum, ac faciliè vomitur.

*Quartum
signum vo-
mitus.*

*Tremor
labri un-
de.*

Citauit enim Galenus Hippocratem, quasi hic, labri inferioris tremorem constituisset vomitūs imminentis indicatiū: Sed non aulli tenent, Hippocratē nihil hac de re dixisse lib. de Vict. rat. in morb. acut. & Galenum solum in Commentario textūs 44. sect. 2. eiusdem libri, rem hanc insinuasse. Verè tamen Hippocrates idipsum insinuat, dum ait: Manuum tremor, atque interdum labij inferioris concussio. Loquitur enim Hippocrates de symptomatibus superuenientibus febribus acutis, in quarum decursu facta fuit magna mutatio victūs: solebant enim nonnulli Medici in ediam omnimodam, in morborum exordijs, ægris imperare. Sed exiccata corpora, tertio, vel quarto, vel quinto, vel sexto die, repenti plenioribus edulij reficere cogebantur; qui quidem transitus ab omni abstinentia ad copiosum alimentum, antequam morbi vigor præteriret, ingens inuexerat incommodum. Nam propè morbi vigorem, aut in ipso vigore pleniorē victum præscribebant: cum tamen tunc victum minuere debèrent. Hæc ergo magna victūs mutatio, innumera produxit mali moris symptomata. Non mirum ergo, si vomitūs signa tunc apparuerint, cum ex inedia magna bilis amaræ & crudæ copia, in ventriculo, cerebro, & hepate generetur. Cruda quidem (inquit Galenus in Comment.) flaua admodum est, & acris, & malè olens. Bilem igitur incoctam ait ad ventrem de necessitate confluere, quæ ob prauam victūs rationem, tum ex capite, tum ex thorace trahitur, idq; cum fame agros ne-

*Varia ma-
li moris
symptoma-
ta, ex erro-
re in victu
oriebatur.*

*Cruda
bilis.*

cant, nullo vtili solatium ventri præstantes, atque cum ex inedia ad validos cibos propè vigorem intempestiuè trāscunt. Iuxta hæc, idem Galenus in calce Commentarij, inquit: Concussio autem labri inferioris, morsum in ore ventris (id est ventriculi) vehementem significat. Quò fit, vt tale symptoma, vomitûs acrium humorum etiam signum sit. Constat ergo contra quosdam, Galenum non perperam hac de re citāsse Hippocratem.

Quintum vomitus signum.

Quintum imminentis vomitûs signum, est Πυαλίσμος, id est frequens saluatio, siue sputatio, siue spuitio, materiæ tenuis, & veluti aquosæ, quoad consistentiam, quæ imbibita est in vniuersa tunica interiore ventriculi, quæ interiùs coextenditur œsophago, ori, & labijs tenùs, vt nos docuit Galenus, cuius verba superiùs traduximus: Bilis enim, & varij ichores in ventriculi capacitatem supernatantes, ob sui tenuitatem, leuitatemque, facillè superiùs ad os, sese insinuando internæ tunicæ, gliscunt, vehunturque.

Causa sputationis frequentis.

Postquam enim tunicæ substantiam paulatim ore tenùs irrigant, ij, qui supernatant fluctuantque, eisdem facillè consequuntur: vt in filtro quotidie fieri conspiciamus; dum enim aliquo liquore, Catina, discus, aliudue consimile vas, semirepletur, & lobus laneus vnâ ex parte liquori immergitur, cætera verò pars lobi superiùs ad vasis labrum, & paulò extra protenditur, & semel madefcit, post se liquor in lobo imbibitus catinæ, aut disci liquorem consequutiue deducit, vsquequo vniuersus liquor fuerit exhaustus. Videmus etiam, quoties animaduertere placet, vasa quædam liquoribus plena, suos continere liquores, etiam aliquando tumefcentes, donec vasis labrum ad liquorem vsque, vel à li-

Varia exempla modum quo vomitus fit exponētia.

quore inchoando ad labrum exterius, madefiat: per hanc partem, eodem vasis liquore, aut alio quouis, priùs madefactam, priùs & veluti spontè, liquor vniuersus facillè exit. Idem experimur, dum è disco, alioque rotundo vase, liquorè aliquè in aliud effundimus: id enim, vt commodè fiat, digito, stylo, aliaue consimili re, eodem in liquore submersa, tantillum liquoris ad labrum vsque, instar fili, aut lineæ, deducatur, & rursùs inclinato paulatim, & absque impetu, vase, totus liquor per partem illam priùs madefactam effundetur. Si ergo omnia latera interioris tunicæ ventriculi, Oesophago, simul & ori, coëxtensæ, à tenui, & penetrante humore tuerint semel irrorata, non mirandum, si humorem in illa tunica im-

imbibitum stagnantes in ventriculi capacitae humores perfacile consequantur, & vomitum excitent. Natura denique tenuium humorum, ut bilis, & ichor, sursum sponte hos euehit. Vnde Hippocrates lib. 4. Aphorism. 4. ait: Æstate superiores potius ventres, hyeme verò inferiores purgandi. Ideò enim purgationes per vomitum æstate magis, quàm hyeme, laudat Hippocrates, quoniam, qui tunc humor superabundat, flaua bilis est: Et omninò tota natura animalis propter ambientem caliditatem magis ad superiora mouetur, ut in Commentario loquitur Galenus. Quælibet autem superfluitas, eò, quò vergit, ducenda est per loca conuenientia, docente Hippocrate in principio libri de Humoribus: Et lib. 1. Aphorism. 21. Quæ educere, inquit oportet, quò maximè vergunt, eò ducenda per loca conuenientia. Cùm ergo humor biliosus vnà cum varijs ichoribus, æstate generetur, sitque ex sua natura igneus, & calor natiuus, quem naturam appellauit cum Hippocrate Galenus, tunc ignescat, sursumque omni tempore vergat, rectè purgatio per vomitum magis, quàm per secessum, instituitur. Nam rarò tunc crassa, & mucosa pituita generatur: quæ, cùm hyeme procreetur, tunc deorsum commodius purgatur, veluti omnis humor crassus, & ponderosus. Vnde Hippocrates eodem libro 4. Aphor. 9. Melancholicos autem plenius per inferiora, eadem ratione contraria apponentes. Plenius autem, idest fortius, per ventrem inferiorem iubet humorem melancholicum purgandum; quia terreus hic humor ad inferiora naturaliter declinat, sicuti flaua bilis ad superiora, cùm hac sit leuis humor, & spontè continuò fluitet. Quoniam magnà ex parte graciles sunt biliosi, hos magis per superiora purgari laudat Hippocrates Aphor. 6. lib. 4. dum inquit: Graciles, & facile vomentes, purgare superius magis, cauentes hyemem.

Cur æstate purgandum per vomitum.

Natura motum debet Medicus imitari.

Hyeme per inferiora purgandum.

Graciles per superiora purgandi.

Si vellemus vertiginem ab oculorum caligine distinguere, non quinque tantum, sed sex signa imminentis vomitus, iuxta Galeni doctrinam lib. 3. de Crisib. cap. ultimo, constituerentur. Libro enim 1. Aphorism. Comment. 12. Lib. 1. de Crisib. cap. 2. de tenebricosa solum vertigine loquutus est. Libro tamen 3. de crisibus cap. ultimo vertiginis meminit, & tenebricositatis oculorum. Caterum quia rara est vertigo sine tenebris, pro vno signo, vertigo, & oculorum caligo, accipi possunt.

Dubio occurrit. Solius caliginis oculorum meminit.

*Sextum
vomitûs si-
gnum.*

Sextum ergo Signum imminentis vomitûs, eruitur ex textu superiùs traducto ex Hippocrate lib. 1. Epidem. Sect. 2. tex. 56. in quo ait, imminente vomitu stomachum anxium esse. Hanc stomachi anxietatem proposuit Hippocrates lib. de Vict. rat. in morb. acutis, Sect. 2. tex. 44. in cuius Commentario Galenus ait, anxietatem, & inquietudinem, esse familiaria symptomata inediae, & intempestivæ propinationi alimentorum. Consimili modo, inquit, & ἀπορία, id est anxietas, inquietatioq; commune est utriusque symptoma, & ob longam inediam, quæ ventrem ichoribus replet, & propter cibum intempestivum gravantem. Ventriculi enim anxietatem, & fastidium, & inappetentiam, consequitur semper totius corporis inquietudo, ita ut in lecto tunc requie careant ægri. Sed inquietudo omnem fortassis Crisim antecedit.

*Septimum
vomitûs si-
gnum.*

Septimum Signum, quod ex Hippocrate eruitur, est frigiditas partium infernarum Hypochondriorum; quasi diceret, tunc inum ventrem refrigerari, & consequenter pedes, quod humor biliosus, & calidus vnde quaque ad ventriculum recurat; cui tunc vexato, ut natura opituletur, sanguis, & spiritus ad interiora recurrunt, vnde externarum partium frigiditas. Galenus Comment. 2. in Librum de morb. acut. tex. 54. extrema, quoties ventriculi os patitur, refrigerari docet: Corporis, inquit, extrema, quæ sunt pedes, & manus, promptè perfrigere, malè habente ventris ore, haudquaquam nos præterit; utpote cum vel propter longam inediam vehementer à mordentibus mordetur ichoribus, vel ob importunam cibi multitudinem gravatur. Patitur autem utrumque ex eâ, quæ ante dicta est, victûs ratione, quâ Medici, ægros primis diebus ubi fame exiccauerint, tunc (id est circa febris ardentis vigorem) cum tenuiter cibandum sit, ad frumentacea repentè transeunt edulia.

*Octavum
signum vo-
mitus.*

Octavum vomitûs Signum, est quædam lachrymatio, quæ à bilioso humore ad caput sublato facilè excitatur; quod talem humorem è Cerebro deturbare per varias vias conetur Natura. Capitis enim repentinum dolorem, tenebricosam vertiginem, in auribus sonitum, cum tunc generet biliosus ille humor, potest pariter lachrymas excitare acres, mordentesque, oculos: imò in ipso capite, & vultu præsertim, si non ruborem, saltem calorem solito intensiorem excitat: uti facit quivis humor calidus fursùm in caput

put impetum faciens : vnde ante hæmorrhagiam, calor, rubor, & lachrymæ.

Nonum Signum, sed Sudori, & Diarrhææ commune, est rigor; qui quidem si vnâ cum cæteris superuenerit, iamiam vomitum præ foribus adesse significat: vt ex traducto à nobis Hippocratis textu 30. Sect. 3. Prognostic. constat; & ex Galeno in Commentario, vbi hæc habet: Quòd si rigor quoque prehendar tunc hominem, magis etiam vomitio non solum citius, sed etiam bilis erit copiosioris: cùm soleat rigor magna ex parte bilis efficere vomitionem; quemadmodum, cùm de ea ageretur, est demonstratum. Quinetiam, si quid bibat, aut esset per illud tempus homo, adhuc citius deuomet, quia pariter cum bile ingesta cibaria in ventriculo corrumpuntur. Hæc enim pronunciauit Galenus, postquam in eodem Commentario de labri inferioris concussione à bile facta, loquutus est. Particula enim, tunc, ab ipso in contextu posita, significat rigorem aduenientem labri concussioni, vomitum accelerare.

Nonum signum vomitus.

Rigor est vomitus signum.

Decimum Signum imminētis vomitūs, est durus pulsus, imò & inæqualis, teste Galeno, lib. 3. de Crisib. cap. vlt. vbi de Pulsu, prout mox futuræ Crisis signum esse potest, de eo hac serie loquitur: Quòd si Pulsus vndosus fiat, & insigniter mollis, adhuc amplius sudores expectare oportet. Durus autem pulsus, vomitus magis, quàm sudores, præostendere solet. Altus enim omnis excretionis indicium est, sicuti & vehemens. Si verò magnus fuerit, motus ad exteriora potius, quàm ad interiora, signum existit. Cùm verò vterque duplex sit, hic quidem qui ad exteriora, per fluxum sanguinis, atque sudores: alter autem ad interiora, per aluum, & stomachum. Vndosus quidem pulsus, sudores; magnus autem simpliciter, fluxum sanguinis præostendet. Motu verò ad interiora superante, cùm non aderunt signa vomituum, per ventris excrementa Crisis fiet. Si verò vomituum Signa, per vomitum potius: Si verò eadem signa vomituum affuerint, & venter insigniter subducatur, per vtraq; (id est) vomitum, & alui fluxum, fiet Crisis. Inæqualis autem pulsus in pluribus quidem Crisibus fit, & præcipuè, cùm non sunt sine pugna, & periculo: multò verò magis, cùm biliosi humores ad ventriculum confluunt, præsentibus etiam alijs vomitūs signis.

Decimum proximi vomitus signum.

Pulsus vndosus, mollis sudoris præuincius. Durus pulsus.

Altus pulsus, & vehemens.

Systole, diastole superas, excretionem per interiora, diastole systole superas, excretionem per exteriora, & per sudores & hæmorrhagiam, significat.

*Vndecimū
vomitū sī-
gnū.*

Vndecimū imminentis vomitū Critici signū, est absentia signorum aliarum excretionum Criticarum, vt Diarrhææ, Hæ-
morrhagiæ, Sudoris, & Perirrhæ: Hæmorrhoidarum, & menstruæ
Euacuationis.

Qui volet inter vomitū signa recensere Sitim (sitim, fateor, &
æstum, inter signa Crisis recensuit Galenus lib. 3. de Crisib. cap.
2.) & oris amarorem, per me licet: etsi huiusmodi signa paruum
habeant vim prænunciandi vomitum. Hærendum ergo Hippocra-
ti, & Galeno, qui præcipua vomitū signa proposuerūt. Ille enim
in Coacis Prænotionibus, quæ locis à nobis citatis dixit, breuiter
pronunciauit, aiens: Quibus autem anxietates sunt, & oris ven-
triculi morsus, & multum saliuæ, his vomitus fit. Breuiloquus
Hippocrates loco trium vltimatum vocum posuit, ἐμετος, id est,
vomitus.

Prognosis ex Vomitu.

*Salubris
vomitū sī-
gua, sicuti
& insalu-
bris.*

BOni, prauique Vomitū concomitantia Signa proposuit
Hippocrates lib. Prognost. Sect. 2. cuius Textus 38. hac
serie scribitur: Vomitus autem vtilissima est, quæ pituita,
ac bile, permixta quàm maximè est: & non crassa valde; neque
multa: synceriores enim deteriores sunt.

*Syncerum
quid.*

Syncerum, Græcè ἀκραιον, est id, quod est impermixtum cum
aliena materia. Etenim Vinum dicimus syncerum, quocum aqua
permixta non est, aut perquam exigua permixta est. Flauam
etiam bilem intueri licet interdum crassam, ac summè flauam vo-
mitione reiectam, & item deorsum deiectam, quam sanè nonnulli
nominant vitellinam: Sapè verò humidiorē ac minùs flauam,
quæ magis propriè Croceæ nominatur, permixtam habens in se
tota pituitosum humorem tenuem, aut aquosum quoddam excre-
mentum; vt in comment. loquitur Galenus: Flaua enim illa bilis,
vitellina dicta, si ei nihil humoris pituitosi, aut aquei, commix-
tum est, sed per se pura extat, syncera, & impermixta dicitur: simi-
liter si pituita per se est sine bilis commixtione, syncera, & imper-
mixta appellatur. At verò permixtum, quod syncero opponitur,
dicitur id, quod in sua specie non est solitarium, & merum, sed al-
terius rei particeps; vt constat in allato exemplo à Galeno: Bilis
enim

*Vitellina
bilis syncer-
a sicuti
pituita me-
ra.
Permixtū
syncero op-
ponitur.*

enim flaua tenuis, & non intensè flaua, sed crocei coloris, non est syncera, sed permixta cum tenui pituita, aut serosâ, siue aqueâ substantia. In hac enim commixtione neuter humor syncerus apparet, cum ambo inter se quodammodo permisceantur. Biliosus enim syncerus, multam caliditatem: pituitosus indicat frigiditatem (commixti ergo sese inuicem corrigunt, & temperatum quid quodammodo constituunt): Quinetiam synceri humores crassiores existunt, pituitosus quidem propter frigiditatem quasi concretus: biliosus verò propter exuperantiam caloris enaporatus, & tanquam affatus: Hæ enim duæ causæ contrarię crassitudinis sunt, calidum admodum, siue res impensè calida; ac frigidum, siue res admodum frigida: calidum enim increffat, quòd tenuiora per enaporationem à crassiori parte separet; frigidum autem adstringendo, siue cogendo, & condensando, tenuiora increffat. Sicut enim calida resoluunt tenuiora, & affando increffant; ita propter frigus, tenuiora etiam, vnâ cum crassioribus, concrefcunt.

*Synceri
humores
crassiores
vi caloris,
alter vi
frigoris.*

Sententia 39. hæc serie scripta est: Si verò vomitio fuerit porracea, aut liuida, aut nigra, quicumque ex his fuerit color, malum esse censendum est. Vomitio autem nigra, iuxta Hippocratis doctrinam, synceram atram bilem, quâ liquor, qui excernitur, satur est, indicat; adeòq; magnam in corpore adustionem: Vomitio liuida, liquorem excretum modica bile atrâ tinctum denotat. Vomitio porracea, siue porri colorem habens, in febricitantibus potissimum, mala est. Rem in Commentario, sequenti serie præclare exponit Galenus: At verò gignitur in corpore, quemadmodum crocea bilis præter naturam habentibus, ita porracea altera, præter naturam; constatque quòd hæc sæpenuerò in ventriculo gignatur propter quorûdam cruditatem esculentorum, aut olerum, qualia Beta, Cæpa, Brassica, sunt; atque, quòd etiâ interdû talibus nequaquam ingestis, ratione egrotationis in venis gignatur, ac decumbat, aut in ventrem superiorem, aut in inferiorem, calorem in corpore indicans præter naturam, atque excrementi proprietatem talis temperamento, qualis prædictorum Olerum succus est.

*Vomitio
nigra cur
mala.
Vomitio li-
uida, &
porracea
cur mala.*

*Porracea
bilis cause.*

Textus 40. Si verò idem homo, omnes vomit colores, exitiale admodum iam est. Galenus rem hac serie exponit: Siue de prædictis coloribus, porraceo, liuido, nigro, sit proditum verbum, omnes, siue etiam de alijs coloribus vnâ cum ipsis, quicumque præter

*Vomitus
variorum
humorum
præuus est.*

naturam habentur colores, vtrouis modo exitiosissimum est, indicans eadem particula, omnes, in corpore multas haberi difficiles affectiones.

*Vomitur
liuidus, &
grauoleus
imminētis
mortis in-
diciū.*

*Duplex
causa nigri
coloris ex-
cremētōrū.
Fætoris
causa.*

*Fætor pes-
simū in
excremen-
tis signum.*

Textus 41. Ocyssimam verò abolitionem indicat vomitio liuida, si graue olet. Colorem liuidum prauum esse, paulò ante diximus. Est enim signum perniciosissimum in vomitu, & deiectione, vrinis, & sputis, quoties socium & comitem habet fætores. Quoniam liuidus color, sicuti niger, vel ab adustione immodica humorum nascitur, vel à frigore prædominante, & caloris natiui extinctione. Fætor autem, caloris extranei prædominium, & caloris natiui extinctionem arguit. Liuida ergo excrementa per vomitum excreta, si fateant, pessimi sunt ominis.

Textus 42. Omnes autem subputres, ac fætidii odores, in omnibus vomitionibus, mali sunt. Putredinem malam esse in excretionibus, rectè docet Hippocrates, cum hæc à caloris præter naturam dominio ortum ducat. Ingentis autem putredinis indicium est fætor. Vomitur ergo omnis subputridus, & fætidus, malus est. Hætenus de vomitūs signis, tam præcedentibus, quàm Prognosticis.

SECTIO II.

De Signis Criticæ Diarrhææ.

*Galenus
nulla po-
sunt pecu-
liaria diar-
rhææ si-
gna.*

Galenus, etsi in omnium rerum Medicarum indagatione diligentissimus fuerit inuestigator, ita parcè de futuri fluxūs Critici per aluum signis loquutus est, vt nullum constituerit peculiare signum, cap. illo vltimo libri 3. de Crisibus, in quo studiosissimè specierum Criticarum præcedentia signa recenset. Sola ergo signa Aluinæ euacuationis Criticæ, ad duo tantum contraxit: Quorum primum, est præsentia communium signorum, vt inquietudinis, vigiliæ, inappetentiæ, rigoris, aut refrigerationis extremorum, pulsūs duri & inæqualis. Secundum signum futuræ Diarrhææ, est absentia signorum aliarum excretionum, sed præsertim, Vomitūs, Sudoris, & Perirrhææ. Hæc sola ex Galeno haurire possumus.

*Signa
diarrhææ
ex Hippo-
crate.*

Hippocrates autem in Coacis Prænotionibus, sequenti ferie futuri fluxūs alui signa enumerauit: Quibus verò ructus adsunt, &

fla-

flatus, strepitus, ac eleuationes siue inflationes ventris, his fit alui exturbatio. Græca enim vox ἐρεΰγμος, ἐρεΰξις, & ἐρυγή, latinè ructus eructatione dicitur: Estque halituosi spiritûs & flatûs in ventriculo collecti per os excretio. Si flatulentus ille vapor deorsum per intestina ad anum deuoluitur, & exeundo nullum edit strepitum, flatus silentes ab Hippocrate dicitur: Si verò cum strepitu & sono erumpit, crepitus: Si in ventre siue intestinis coërcetur flatus, vniuersus venter inferior inflatur, eleuatur, & intumescit. Sed inflatam aluum soluunt murmurilla (Græci βορβορυμῆς nominant) à flatibus, simul & humoribus agitatîs, excitata, & ad infernas partes declinantia. Murmurillum autem, est paruus strepitus, ex flatibus & humoribus, vt dixi, ortus; qui quidem dum deorsum tendit, nobis deiectionis Criticæ spem dare consuevit. Vt enim, tonitrua in nubibus excitata, nimbium breui fore promittunt, ita strepitus ille obtusus ventris, subito ortus, alui exturbationem pollicetur. Χελιδὺς ἐκ τάρσεως, in textu Græco habentur, idest, alui exturbatio: quæ quidem verè adest, quoties vi quadam, ac impetu, multa in intestinis contenta, semel & repentiè erumpūt, profluuntque deorsum ad podicem, & deinde extra corpus. Sicuti porro ventri, per aëra vagantes, pluuiarum descensu silent, ita flatus humorum copiâ per intestina ad podicem profluente cessant.

*Ructus
quid.*

*Flatus si-
lentes.
Crepitus.*

Murmurillum.

*Alui ex-
turbatio
quid.*

*Similitu-
do optima.*

In febribus quidem ardentibus flatus, nonnisi ex incongruo intempestiuoque cibi, potûsq; vsu, rarò generantur: nam tunc in corpore æstuante, quidquid flatulentum est, ignis febrilis actiuitate resoluitur, atque dissipatur. Si ergo deficiunt, sudoris, vomitûs, & profluuij vrinæ, aliarumque euacuationum indicia: & borborigmos siue murmurillum repentiè superueniat, futuræ Diarrhææ indicium aderit. Maximè verò, quoties vrinæ parcissimæ sunt, & veluti bilistincturâ priuatæ: quod tunc serum, & ichores vniuersi, vnâ cum bile ad intestina ex hepatis cauitate, & reliquis primæ regionis corporis partibus, & non rarò ex vniuerso venarum genere ad intestina confluant. Ex hoc humorum ad intestina, cum impetu, & agitatione, concursu, copiosi vapores, vnâ cum flatu, suscitantur, qui ructum, borborigmium, flatum silentem, aut sonorum, aluique eleuationem siue inflationem efficiunt.

*Causa bor-
borigmi, si-
ue murmu-
rilli.*

Quod vrinæ tunc modicæ sint, rationi consonum est; quoniam ad aluum omnis humor recurrit; & quando ita res accidit, vrina

*Quare vrinā
supprimatur, im-
minente
diarrhæa,
& viceuer-
sa.*

veluti f'pprimitur; & si qua redditur, tenuis fortassis erit, & bile priuata; hæc nimirum per venas mesaraicas ad intestina, vnà cum sero, & ichoribus; currente: sicuti viceuersâ contingit, aluum omninò suppressi, aut parcè fluere, quotiescunque per vrinæ vias fit feri, & superfluitatum copiosa euacuatio. Vnde Hippocrates lib. 4. Aphorism. 83. & ult. pronunciauit: Mictio noctu plurima facta, paruum significat deiectionem. Distributo enim ventris humore, inquit in Commentario Galenus, minor, parciorue fit alui deiection: id est, quando humoris superflui pars vnà cum sero, & sanguine, ultra iecur in venam cauiam diffunditur, rursusque per vias vrinæ permeans euacuatur, & altera pars eiusdem humoris per ventrem deijcitur, hæc copiosam non efficit deiectionem, propter humoris in duas regiones distributionem. Ex aduerso, si vnà cum humoribus superfluis cibus ipse non probè cōfectus deorsum ad podicem, & rursus extra deturbetur, aluus præhumida erit; adeoq; plura deijciet; vrina verò paucior excernetur. Ex alui humiditate, & siccitate; curatiuæ indicationes desumendæ sunt. In quibus igitur supra modum humida aluus deprehenditur, ijs potum minorem exhibebimus; ac & præterea superfluo humori viam ad vesicam parabimus. In quibus verò siccior est aluus, quam par est, plus dabimus potus, & distributionem liquoris ad vias vrinæ, quantum fieri poterit, prohibebimus.

*In alui
fluxu potus
esto parcus.
& diureti-
cus: in sicca
aluo potus
liberalis,
& non diu-
reticus.
Cur vrina:
tenuis, &
aquosa.*

Dixi, vrinæ, imminente alui profluuiò, aut sudoribus, non solum parcè excerni, aut omninò suppressi, sed biliosâ tincturâ tunc destitui; atq; adeò tenues esse, & veluti aquosas. Verum non propterea censeo, similes vrinæ solummodò, imminere alui profluuiò, apparere: cum quotidiana nos doceat experientia, consimiles vrinæ in magnis obstructionibus, in quibus, retentis bile, alijsque humoribus, fit tenuioris feri transcolatio, excerni: sicuti, quoties fursum ad caput biliosus humor capeffit, & Phrenitidem efficit, aut surditatem, aut dolorem: aut quando per vomitum omnis bilis euacuatur.

*Aliud
diarrhææ
signum:*

Præter signum Profluuij alui ex pluribus aggregatum, ab Hippocrate propositum, & à nobis hætenus diligenter expositū, aliud signum addere possumus, lumborum videlicet dolorem: cum enim Mesocolon, siue pars Mesenterij, cui crassa intestina copulantur, à ligamenti vertebrae lumborum colligantibus nascatur, quoties-

cunque.

cunque ad intestina per venas mesaraicas ex prima corporis regione, aut ex vniuerso corpore, superflui humores concurrunt, eadē venæ mesaraicæ necessariò replentur; à repletionē abbreviantur, siue de longitudine aliquid amittunt; ideoque vnà cum nervis, & arteriis, veluti contrahuntur; inde quid simile concussioni oritur. Nam tunc Mesenterium humoribus refertum, veluti intumescit, & solita carens extensione, vt hanc eandem recuperet, natura id ipsum ad pristinam longitudinem prouocans, dilatat. Ex huiusmodi dilatatione partis membranosa, nervosa, arteriosa, & venalis, necessariò dolores, iuxta vertebra, præsertim lumborum, excitantur: Et non rarò in ipso mesenterio, & intestinorum regione.

Dolor lumborum ante alui profluuiū, unde provenit.

Præterquàm enim quòd ratio satis persuadet, dolorem in lumbis, alui profluuium præcedere, Experienciā compertum est, lumbos dolore præaffici, antequàm Diarrhæa superueniat: vt testatur Hippocrates libro 1. Epidem. Egroto Septimo, hac serie: Metonem febris ardens corripuit, lumborum grauitas dolorosa. Postridiē vbi aquam bibisset satis multam, ab aluo probè prodijt. Teretiā, capitis grauitas; secessus tenues, biliosi, subrubri.

Ratio & experiētia docent lumborum dolorem præcedere.

Prognosis ex Alui profluuiō.

Quoniam id quod mediocrē est, extremorum temperantia dicitur, mediocres, adeoque bonas per aluum factas deiectiones primo loco, deinde reliquas à bonis recedentes, proposuit Hippocrates Sect. 2. Prognosticorū, cuius Sectionis textus hac serie scribitur: Deiectio autem optima est, si mollis, constansque est, & eo tempore excreta, quo secundā valitudine afflueuit, si copia ex ratione ingestorum ciborum est. Si enim talis excernitur, inferior venter benè valet.

Naturalis deiectio per aluum.

Galenus in Commentario rem clarè exponens, ait: A consistentia (id est, à crassitie, aut tenuitate, aut mediocri inter nimium crassum, & nimium tenue, siue liquidum excrementum) quantitate, & tempore, quo deiectiones excernuntur, dignotionem fecit optimarum deiectionum: non tamen deterrimarum ex his solū, sed adiecit eis indicia à colore, atque ab odore, & ad hæc sonitu per excretionem adiuncto. Itaque consistentiam obtinent per naturam

Excrementa optima à consistentia, quantitate, tempore excretionis, colore, & odore, mediocribus, talia dicuntur.

turam

turam, vbi non omninò duræ sint, quemadmodum lapides: neque extremè humidæ, vt diffluere queant, sed in tantum molles, quoad constantes permaneant. Copia verò earum, proportionè respondeat ingesto cibo, oportet. Ac tempus, quo vacuantur, assuetum ægro. Cæterùm addendum est, vt color, & odor naturalis feruetur: quæ quidem ipse Hippocrates non adscripsit, ceu ex ijs, quæ sunt prodita, præter naturam, hæc quoq; intelligere possis: id enim illi esse in consuetudine, sæpenumerò docuimus, vt ex contrarijs indicet contraria, præmissis appellationibus eorum. At verò benè valere ventrem dixit inferiorem, tanquàm conferens eum cum thorace, vt intelligamus ventriculum ipsum, & item ieiunum simul cum intestino omni, per ventrem inferiorem.

*Ventrem
inferiorem
appellat
ventriculū
& omnia
intestina
simul.*

Post hæc aduertit Galenus, non omnes deiectiones contrarias naturalibus iam descriptis deiectionibus, arguere statum præter naturam inferioris vētris, ventriculi scilicet, & intestinorum. Nam licet deiectiones aliquoties colorem, & odorem habeant, à ciborum assumptorum colore, & odore distinctos, & consueto tempore non deturbentur, & in quantitate aliquando excedant, & liquidiore adhuc appareant, non inde, absq; distinctione, inferendum, Ventrem inferiorem non esse sanum. Rei huius rationem reddit Galenus sequenti serie: Itaq; contingit benè valere ventrem inferiorem: à iecore verò, aut liene aliquid in eum confluens variare non solum colorem secundum naturam, verum etiam consistentiam, atque odorem eorum, quæ deijciuntur. Porro quandoque permutabitur copia illorum, permixtione decumbentium humorum, neque seruabitur tempus excretionis assuetum. Ergo simillima naturali deiectio indicat, non solum inferiorem benè valere ventrem (id quod ipse dixit) sed etiam nihil in eum defluere ex visceribus prædictis. Quæ verò deiectio se habet præter naturam, significat interdum ventrem solum esse affectum, sæpè verò confluentis aliunde materiæ in eum indicia habet. Atque hæc multiplicia sunt, eò quòd iecur non solum sua ipsius excrementa, ichorasque, & humores præter naturam, demittit in ventrem, sed etiam corporis totius: quandoquidem venter per id omnibus corporis partibus copulatur, ac per illud recipit excrementa earum: quæ quandoque quidem decumbunt purgantia omne corpus, aut partem vnā, aut duas, aut plures pariter: sæpè verò accidentia

*Deiectio
præter na-
turā qua-
rum partiū
affectum
indicat.*

sunt

sunt indicantia affectionem, aut corporis totius, aut partis alicuius, aut aliquarum. Sed animaduertamus sermonem eius sequentem de talibus docentem.

Textus 14. hac serie habetur: Si verò deiectionis fuerit humida, expedit, neq; stridere, neq; crebrò & paulatim excerni: frequens enim surrectio lassitudinem, & insomnium facit. At si vniuersim, & sæpè deijciatur, periculum defectionis animæ imminet.

Cuius enim perspicuum est, vt in Commentario testatur Galenus, humidam siue madentem deiectionem provenire ex alterutra harum causarum: vel scilicet, quòd Chylus in ventriculo contentus non transfertur ad iecur; vnde necessariò ad podicem, & rursus extra corpore eijcitur: vel eadem euacuatio liquida est; propterea quòd iecur, aut lien, aut cerebrum, aliæ pars sese in ventrem exonerat, id est, superfluos humores ad vètram transmittit. Humida autem deiectionis defectu distributionis alimenti ad iecur orta, mala est; quia vel hepar imbecille est adeò, vt ad se alimentum trahere nequeat: vel venæ mesaraicæ, quæ sunt hepatis manus, factæ sunt ita angustæ, vt alimento transitum dare nequeant. Angustæ enim redduntur; vel quia ab humoribus crassis, aut multis, obstruuntur; vel quia præ nimia siccitate in sese collabuntur, vt in tabe fit. Potest etiam ex partis inferioris ventriculi læuitate, quæ Lienteria malè dicitur, provenire: quoniam ventriculus ita læuigatus, & planior interiùs factus, non amplius alimenta probè amplectitur, aut retinet, vt caloris nativi operâ subigantur, & alterentur, concoquantur. Vnde moram in ventriculo non contrahentia, deorsum cruda delabuntur, & breui exeunt.

Quotiescunque alius liquida est propter humores è iecore, liene, totius corpore ad eam effusos, fieri potest, vt bona sit deiectionis: Potest tamen contingere, vt mala sit. Bonam esse docet Galenus, quoties ea mediante, iecur, lien, aut totum corpus expurgatur. Malam esse liquidam deiectionem, docet idem Galenus, quoties accidentis ratione fit, aut quoties ea quæ è iecore in ventrem permeant, signa bonæ affectionis, siue salutaris non habent. An bona, an verò mala sit deiectionis, multa sunt vtriusque signa. Bona igitur deiectionis dicitur illa, quæ fit sine stridore (stridor enim hoc in loco, est sonus in exitu excrementorum factus, à flatuque humori permixto ortus atque instrumentorum angustia, teste Gale-

*Humida
deiectionis
duplex
causa.*

*Angustie
venarum
duplex
causa.
Lienteria.*

Bona deiectionis indicia.

*Immodica
euacuatio
Critica,
mala.*

no lib. 1. de Crisibus c. 11. & lib. 3. de symptom. caus. cap. 2.) quæque non crebrò ac pedetentim fit, sed interposito tempore; id est, per interualla, & vniuersim, id est copiosè. Deiectionis tamen quantitas nimium excedere non debet: Nam immodica euacuatio, etiam Critica, vires exoluit: vti compertum est, id sæpius ab immodico sanguinis fluxu contigisse. Vt ergo deiectionis omninò bona censeatur, fieri debet cum ægri tolerantia. Vnde Hippocrates lib. 1. aph. 2. ait: In perturbationibus ventris, & vomitibus spontinis, si talia purgentur, qualia purgari oportet, confert, & leuiter ferunt: sin minus, contra. Sic & vasorum inanitio si talis fiat, qualis fieri debet, confert, & benè tolerant: sin minus, contra. Inspicere itaque oportet, & regionem, & tempus, & ætatem, & morbos, in quibus conueniat, aut non. Eodem lib. 1. Aphorismorum 25. nonnulla ex dictis repetit, inquit: Si qualia oportet purgari, purgentur, confert, & facilè ferunt: si contra, difficulter. Facilitatis tolerantia, & vtilitatis euacuationis exempla varia proposuit in Epidemijs Hippocrates; nonnulla etiam in aphorismis: vt lib. 6. aph. 14. Hydrope detento, si aqua è venis in ventrem confluxerit, solutio fit. Et libro 7. aphorism. 29. Si leucophlegmatia detento fortis diarrhæa superuenerit, morbum soluit. Et libro 6. aph. 17. Si lippitudo adsit, ab alui profluuiò capi, bonum. Libro 4. aph. 28. Quibus biliosæ deiectiones, surditate superaeniente cessant; & quibus surditas, biliosis factis, cessat.

*Tolerantia
facilis, est
bonæ euacuatio-
nis
indicium.*

*Exempla
tolerantiæ.*

*Mala de-
iectionis
indicia.*

Mala deiectionis aduersas habet conditiones: fit enim non rarò cum stridore, estque crebra, & parca. Et hæc accidentis rationem habent: nam talis euacuatio symptomatica est, & mali moris, quæ alia inuehit praua symptomata, vt lassitudinem, & insomnium, vt in contextu testatur Hippocrates. Quin etiam sæpè & multum excernere, ceu vires exoluens, criminatur Hippocrates. Vnde lib. 6. aph. 27. inquit: Quicumque Empyi, aut hydropici vruntur, aut fecantur, si pus aut aqua vniuersim effluerit, omninò moriuntur. In Coacis etiam Pranotionibus, ait: liquida deiectionis, & confertim, semelque effluens, & paulatim, mala. Altera enim (id est paulatina) vigilias; altera exsolutionem virium inuehit. Eodem libro sequentia etiam protulit: Alius in febre ardente affatim prorumpens, mortis periculum adfert. Talem quidem euacuationem damnat Hippocrates, quando signa coctionis antea non apparuere, vel quando vires sunt prostrata,

Eua-

Euacuatio deinde per aluum facta, mala non rarò dicitur; quia quæ è iecore ad eâ traijciuntur, sunt malæ affectionis signa. Intempestiuè quidem eiecta excrementa, morbi, causæue morbificæ malignitatem arguunt: & si colorem, aut acrimoniam, aut sætorem excedentem habeant, pariter morbum arguunt prauum. Omnes ergo deiectiones in principio morbi factæ, sunt intempestiuæ, quia eas signa coctionis non præcedunt. Vnde Hippocrates lib. 4. Aphorism. 22. Morbis quibuslibet incipientibus, si atra bilis vel supra, vel infra exierit, lethale est. Et præcedente Aphorismo 21. Deiectiones nigræ, qualis est sanguis niger, spontè venientes, siue cum febre, siue sine febre, pessimæ: & quanto colores magis prauifuerint plures, peius: cum medicamento verò melius, & quanto colores plures non prauifuerint. Itidem, Aphorismo 23. inquit: Quibuscunque, ex morbis acutis, aut diuturnis, vel ex vulneribus, siue quouis alio modo extenuatis, nigra bilis, siue uti sanguis niger desubter exierit, postridiè moriuntur. Aphorismo autem 22. atra bilis euacuationem in principio morbi lethalem esse dixit Hippocrates; quia quando aliquis morbus incipit, si quid excernitur, nihil tunc excernitur naturæ ratione, siue iudicio: sed excretiones illæ, sunt casus, siue accidentia, siue superuenientia symptomata, quæ sunt signa dispositionum præter naturam, corpus nimium instantium, atq; irritantium. Atra enim bilis acris est, corrosiva, & acida, terramque, dum in eam cadit, fermentat. Non mirum ergo, si in principio morbi suam exercet malignitatem, naturam irritando, & stimulando ad sui exclusionem. Vnde in principio, non cocta, excreta, pessimum est signum, pessimaque causa.

Galenii verba in Commentario hac de re, sequenti serie habentur: Quo enim in tempore à causis quidem morbum facientibus natura granatur, adest autem cruditas humorum, tunc aliquid benè euacuari est impossibile: siquidem oportet coctionem præire, subsequi verò discretionem, & postea euacuationem, ut bona sit Crisis, siue iudicium. Hæc autem nos ipse (id est Hippocrates) docuit in primo lib. Epidemior. (Sectione 2. tex. 45.) ita inquit: Coctiones iudicij celeritatem, salutisque securitatem significant: cruda autem & incocta ad malos abscessus conuersa, iudicationis carentiam, vel dolores, vel longitudinem, vel mortes, vel eorundem finalium reditus. Quando igitur post morbi coctionem ali-

Præua qualitas, prauifuerint morbi soboles. Omne alui profusum in morbi principio malum.

Nigræ deiectiones malæ. Varij colores, nisi ex medicamento, mali.

Atra bilis deiectio in principio mala.

Ut fiat crisis quid prærequiritur.

Coctio, & cruditas quid indicant.

In principio morbi cruda sunt omnia.

quis humor vitiosus excernitur, tunc corpus à natura expurgatur. Et propter hoc atra bilis, & alius omnis huiusmodi humor, ubi signa coctionis in morbi processu apparuerint, bonam significat euacuationem. Si verò aliter excernantur sine Signis coctionis, exitialis est casus. Quare, cum in morbi principio semper sint signa cruditatis, mala semper erit humorum talium euacuatio.

Cur atra bilis euacuatio, in principio morbi, est lethalis. Quando humoris melancholici euacuatio bona.

Abundè sanè his exposuit Galenus, cur lethalis sit atræ bilis euacuatio in principio morbi apparens: Est sanè talis euacuatio intempestiua; quia ante humorum coctionem fit: insuper causæ morbificæ malignitatem ostendit illa excretio; causa quidem morbi, iam relata, est affectus verè præter naturam: Est enim humor ex afflacione sanguinis biliosi, aut melancholici, genitus. Est ergo eius deiectionis tunc tantum bona, quoties in vigore morbi, post coctionis signa, contingit: quo etiam tempore bonæ erant nigræ illæ deiectiones, de quibus loquutus est Hippocrates citato aphorismo 21. Licet autem multi morentur ex ijs, qui talem patiebantur fluxum, nonnulli tamen euaserunt; quoties scilicet flaua, erant, & rufa, excrementa, tam in morbi principio, quàm incremento, & nigra in statu apparere. Galenus in Commentario rem sic exponit: Plurimas verò huiusmodi deiectiones in Pestilenti hoc morbo longo conspeximus, quæ non magis in ijs, qui exitio proximi erant, quàm in alijs saluandis apparebant: non tamen vel in principio, vel incremento morborum conspiciebantur. Tunc enim, quæ euacuabantur, erant & flaua, & rufa, colore, colliquamenta: quæ verò mox apparebant, nigra erant, veluti sanguinis sæx: siue ipso superaffato habuissent generationem, siue aliquam extraneam putredinem adepto, illis, quæ in ventriculo fiunt, cruditatibus proportionalem, quando ad vitiosos humores, corruptio terminauerit. Quare ab initio quidem nunquam ad bonum fiunt huiusmodi deiectiones, magnam visceris (id est hepatis) læsionem (iliàs, æstuationem) ostendentes: ad morbos verò in vigore consistentes sequuntur sæpius, Naturâ superfluitates expurgante. Non tamen istud in hoc aphorismo adiecit Hippocrates, quamuis alibi quidem (Libro videlicet 2. Epidemior. Sectione 1.) dixerit in vniuersum, quæ sequuntur: Signa iudicatoria non statim appareant.

Ex lib. 2. Epid. sect. 1. Signa critica in principio morbi apparere nequeunt.

Galenus in commentarij principio, iuxta Antiquorum opinionem

nem, docet nigras deiectiones quandoque agris superuenire: huiusmodi tamen deiectiones, non atrabilarias vocat, sed nigras, tantum: quoniam id, quod excernitur, est sanguinis limus, qui similis est fæci, quæ subsidere solet vinis crassioribus iam in dolio, aut cado consistentibus: Nigra hæc, si diutius in corpore moretur, & neque per aliquem sensibilem effluxum, neque occultum, excernatur, verum transmutetur, atque putrescat, fit bilis nigra exquisitè. Antequam verò hæc genita sit, Splen trahit eam (id est, nigram bilem nigro sanguini similem) quæ est veluti sanguinis fæx, hepar expurgans: quemadmodum in Commentarijs de Potentijs naturalibus (sunt Galeni verba) est demonstratum. Abutitur itaque, & hoc melancholico humore ad sui nutritionem Splen, & quam rursus ipsa fecerit, superfluitatem, totam expellit ad ventrem, vnam cum alijs superfluitatibus excernendam. Si quando igitur neque Splen benè expurgauerit, & ille qui in hepate continetur sanguis, multum huius limosæ superfluitatis habuerit; accrescet debilitas visceri ita, vt in seipso continere superfluitates non possit, & tunc illæ, quæ nigrae vocantur, fient deiectiones.

Humoris melancholici descriptio. Ex eo putrescente, aut affato, fit atra bilis.

Splen succo melancholico nutritur.

Deiectionis nigrae causa.

Ex his Galeni verbis, & ex alijs paulò antea ex eodè eius Commentario à nobis traductis, constat, nigras deiectiones periculum portendere, nisi præeuntibus signis coctionis, debitoque tempore, id est in morbi statu, superueniant. Et non solum atræ bilis, ex asatione, aut putrefactione in hepate genitæ, excretio mala est, sed ipsius etiam naturalis melancholiæ, siue fæcis sanguinis, deiectio: quoniam huiusmodi humoris excretio malam affectionem inesse significat. Est enim indicium imbecillitatis hepatis, vel lienis: huius quidem, quod debitè suo non fungatur officio: nam iuxta consuetum ordinem à Natura præscriptum, sanguinem fæculentum ex hepate non allicit, vel quia obstructus est, vel quia tumore schirrholo laborat. Hepar verò aliquando imbellè est adeò, vt etiam à se humorem illum melancholicum ad lienem, omni vitio vacuum, deponere nequeat. Verum, quando Splen malè affectus, nequaquam ad se humorem melancholicum præ imbecillitate, attrahit, hepar quantumvis validum, imbellè tunc redditur, inutili onere grauatum: quoniam copiosa fæx sanguinis in eo coercita, vel ipsum obstruit, & indurat, vel aggrauat, vel aliter labefactat, debitam eius nutritionem prohibendo. Bono quidem, utpotè pu-

Deiectio nigra quando bona.

Deiectio nigra cur mala.

riori, sanguine nutritur : à fœculento ergo sanguine malè nutritur : adeoque labefactatur. Simile autem simili , & non dissimili , conseruatur .

Addidit in Aphorismo Hippocrates, pessimum esse signum, quoties multi prauis colores in deiectionibus spontinis apparent . Galenus rem exponit hac serie: Assumpto tamen medicamento, quod vim habet purgandi nigra, talia deijci nihil mirum. Sic itaque plures deiectionum colores præter naturam , sponte quidem euacuat, multarum atq; malarum in corpore dispositionum sunt signa : à medicamento autem ducti, vim habente plures humorum species euacuare, nihil absurdum significant.

Varij colores in deiectionibus spontinis mali : in deiectionibus medicamento factis non prauis.

Quidquid de praua deiectione humoris melancholici , siue hic sanguinis fæx fuerit, siue atra bilis, id ipsum Aphorismo 23. à nobis traducto confirmat Hippocrates. Aphorismi sensum ex Galeno sic accipite: Siue atra bilis (de qua egit Hippocrates aphor. 22.) siue nigra, quæ sanguini nigro assimilatur (de quibus ambo, id est nigra bile, & sanguine, Aphorismo 21.) ijs, qui ad extremam extenuationem venerint, apparuerit, postridiè moriuntur. Est enim in talibus ægris natura imbecillis adeò, vt non possint concoquere, neq; discernere, neque excernere ea, quæ ita praua existunt. Propter morbi igitur magnitudinem, cum contineri nequeant in corpore, effunduntur, & idcirco difficilia sunt.

Cœtio, separatio, & excretio, seriatur in nigra deiectione non sunt.

Post hanc Prognosin, Hipp. distinxit deiectiones nigras, sanguini denigrato siue nigro similes, à bile merè nigra, quæ atra dicitur, quæq; adustionis interuētu generatur. Vterq; namq; humor, sua habet propria signa. Deiectio a. nigra nigro sanguini similis, concrefcit, & coagulatur, quia est sanguis melancholicus. Licet a. atra bilis eiecta, deiectioni nigræ in exitu similis videatur, longè tamè à nigra deiectione, sanguini denigrato simili, distat. Nā atra bilis propriè dicta, fusa semper absq; concretionem, aut coagulationem manet, fulgentemq; more carbonum, habet nigredinem; & præterea mordax est, sicuti acetum, & terram abradit, atq; fermentat ; quorum omnium nihil nigris deiectionibus, sanguini nigrificanti similibus, adest. Hæ enim, etiam ante exitum, non rarò concrefcunt .

Sanguinis melancholici, & atræ bilis discrepancia.

Dysenteria ab atræ bile lethalis.

Propter modò dictas atræ bilis prauas qualitates, Aphorismo 24. sublequenti, ait Hippocrates : Difficultas intestinorum, si ab atræ bile inceperit, lethalis est. Galenus in Commentario inquit:

Ab illa, quæ à quibusdam pallida, ab alijs bilis flaua nominatur, maxima ex parte incipit intestinorum difficultas (ita enim Latinis dicitur id, quod Græcis Dysenteria) ab asis prius in summa parte, propter humorum acrimoniam, intestinis; postea verò ex eis adeò, vt exulcerentur. Hanc igitur intestinorum difficultatem sæpè sanauimus. Quæ verò ab atra bile fit, insanabilis est prorsus, cum nihil differat à Cancro vlcerato. Cùm igitur hic Cancer in summa parte corporis (id est in superficie) consistens, sit aut cum difficultate sanabilis, aut omnino insanabilis, quamuis possit continuò medicinam (siue remedium) habere insidentem (id est supra se firmiter annexam, in forma emplastri, cataplasmati, vnguenti, aut olei): rationabile est, illum cancerum, qui occupat intestina, non solum, quia nihil illi continuò adhærere potest, verumetiam, quia semper ab alimenti superfluitatibus tangitur, esse penitus insanabilem.

A bile cõmuniter fit dysenteria.

Sed doctrine Hippocratis de prauitate nigrarum deiectionum, opponet aliquis eundem Hippocratem, deiectionem nigram laudantem subsequenti aphorismo 25. eiusdem Libri 4. Aphorismi. qui hac serie habetur: Sanguis quidem supra, qualiscunque fuerit, malum: infra autem nigra deiecta, bonum est. Vult Hippocrates testè Galeno in Commentario, omnem sanguinis euacuationem per os factam, esse malam, siue hic sanguis, qui per os excernitur, spumofus fuerit, siue rubeus, siue niger, siue aquosus, siue crassus. Nigri tamen sanguinis excretionem per inferiora, bonam esse dicit: cùm tamen, vt dixi, hanc, in præcedentibus aphorismis, tanquàm pessimam, repudiauerit.

Obiectio.

Omnis sanguinis excretio per os, mala.

Galenus bifariam huic contradictioni in Hippocratis verbis apparenti, respondet, Hippocratem non absolutè nigri sanguinis deiectionem laudare, sed respectu sanguinis per os excreti esse bonam: Id est, sanguis, qui per podicem euacuatur, minus malum indicat, quam ille, qui per os: Quanquam enim excretio sanguinis per intestina, quasi semper mala sit, in parua tamen quantitate delabens, dùmmodò mediante lento eius descensu concrefcere queat, non tam ingens malum portendit, ac sanguis per os excretus, & sanguis copiosè deorsum per intestina irruens. Quando ergo sanguinis nigri per inferiora deiectionem, bonum portendere pronunciauit Hippocrates, particulam, bonum, non propriè intelligi voluit, sed impropriè: quasi diceret, melius esse nigrum sanguinem

Solutio 1.

per

per inferiora, quàm superiora excerni. Reuera enim hoc eligibilis, quàm per os quocunque modo sanguinem ferri; vt in Commentario loquitur Galenus.

Solutio 2.

Quamquàm iam dicta expositio, apparentem in verbis Hippocratis repugnantiam sufficienter diluere videatur, aliam Galenus in Commentario solutionem exhibet: Hippocratem nimirum, non de descensu sanguinis per intestina loquutum, sed de nigro sanguine, qui per hæmorrhoidas euacuatur: qui quidem melancholicas passiones sanat. Galenus ita sentiens, ait: Sic itaque nobis intelligentibus sermo talis erit. Sanguis supra, qualiscunque fuerit, malum: infra verò per hæmorrhoidas, bonum, quando nigra euacuantur: hoc est, quando hominis natura multum talem accumularit sanguinem. Aliter autem non est assuefaciendum ei, quæ sit per hæmorrhoidas, euacuationi, vt quæ periculosam habeat vtramque immoderantiam, siue supra modum sanguis excernatur, siue extoto supprimatur. Hanc interpretationem Hippocrati lib. 6.

Utilitas hæmorrhoidalis fluxus temperatissimi.

Phagedæna quid. Quid therminthus.

Epidem. Sect. 3. conformem esse docet Galenus. Hippocratis Sententia, quæ est 37. dictæ Sectionis, hac serie scribitur: Mariscis (id est hæmorrhoidibus) laborantes, neque morbo laterali, neque pulmonario, neque Phagedæna (Phagedænæ sunt vlcera corrodentia) neque furunculis, neque therminthis, (Sed Therminthorum, inquit Galenus in Commentario, nomen nigras quasdam pustulas, in tibijs maximè orientes, significat, à figuræ, coloris, magnitudinisque similitudine, quam cum Therminthorum, id est Cicerum, fructu habent, deriuatum) fortassè verò neque lepris, fortassè neque alijs.

Niger fluxus quo laborabat Bononia Pater Stephanus.

Antequàm hinc digrediar, quod compertum est, idq; scitu dignum, vobis referam. Hic Bononiæ à P. Stephano Desij, natione Hungaro, Missionario, & Congregationis Oratorij, iam à sexennio (Anno videlicet 1646.) accersitus, deprehendi, præter Sciaticâ, qua antecedentibus temporibus frequenter infestabatur, ipsum laterali morbo, & quidem hyemali tempestate, corripitur. Febris acuta, & tussis, ægrum impensè exercebant. Procedere morbo deiectiones superuenire planè nigra, sed copiosissimæ: in suprema superficie harum copiosarum deiectionum supernatabant sanguinis concreti, & planè nigri, coagulata quædam frustra, quorum aliqua magnitudinè excedebant Splenis Hædi, aut Agni. Per plures dies istiusmodi deiectio

per-

perseuerauit. Cùm vires mirum in modũ essent prostratæ, Confessionis de Hiacyntho drachmam semis, pro vice, in modico iure dissolutam, exhibebam. Denuò, præter omnium spem, à tantis malis liberatus est, etsi hyemis rigor multum obstaret. Præfatus Pater quadragesimum annum attigit, mediocris erat staturæ, & quidem quadratæ, ac temperamenti sanguinei; cuius hepar fuit accensum adeò, vt varis, facies, & frons vniuersa, essent sædè contextæ. Cùm in exitu sanguinis, aut ante exitum, nullum persentiret in regione intesti inorum dolorem, inde illicò conieci, Dysenteriam non adesse, nec euacuationem fuisse hæmorrhoidalem: cùm tantus sanguis nigricans tot diebus ex hæmorrhoidalibus venis, aut intestinis, excerni non posset. Intuli ergo, ex hepate in intestina transfundi: Et licèt hepar calidum fuerit, in atram bilem humor melancholicus non migravit; quoniam Homo pinguiusculus, etsi modicè, ratione otij, erat. Vnde pituita otij ope genita, sanguinis feruorem compescebat. Sed hæc de hac Historia, ne animus statim despondeat Medicus, tali superueniente euacuatione.

*Remediũ
ad vires
reficiẽdas.*

Ad Prognostica regredior. Textus 15. Sectionis 2. hac serie scribitur: Sed pro copia ingestorum ciborum deiciat bis, aut ter, die, noctu semel, oportet. Plurimum verò subeat prima luce, quemadmodum homini fuerat consuetum. Sententiæ huius superfluitatem arguit Galenus, qui inquit: Abundè enim fuerat dixisse: quemadmodum homini fuerat consuetum.

*Euacuatio
in Aegris
cõsuetudi-
ni respon-
dens, bona.*

Textus 16. Corpulenta reddatur deiectio, morbo eunte in indicationem, oportet. Galenus in Commentario ait: Corpulenta scilicet redditur deiectio, quæ aquosa, ac tenuis est: haudquaquam verò, quæ corpulenta, duraque existit. Quocirca sermo est de humida statim inter initia deiectione.

*Corpulẽta
Deiectio,
qua.*

Tex 17. Subrufa verò, nec admodum graueolens esto. Naturalis quidem deiectio, vt Galeno, & omnibus Medicis conspectum est, subrufa est; quoniam de iecore bilem in ventrem descendentem suscipit; quæ quidem bilis cùm quantitate modica sit, modicâ tincturam deiectionibus præbet. Si enim syncera, aut multa decumbit bilis, rufam reddit, aut flauam, deiectionem: Si verò nullo modo bilis peruenit ad intestina, vt in arquatis, seu ijs, qui morbo regio laborant, deiectio erit candida: defectu nimirum tincturæ, quam bilis ad intestinum duodenum decumbens, excrementis tribuebat.

*Deiectio
naturalis,
subrufi est
coloris.*

*Syncera
Bilis syn-
cerũ præ-
stat colorẽ.
Arquari.*

Tex.

*Lumbrici
commo de
inferius e-
uacuatur.*

Tex 18. Ac Lumbricos quoque teretes, eunte in iudicationem morbo, descendere vnà cum deiectione idoneum est. Si natura, (inquit Galenus in Commentario) pariter cum cæteris excrementis, hos quoq; pellit deorsùm, melius est, quàm si sursùm, & quoties aliter post appareat ratione accidentis. Lumbrici enim, ex se, nihil boni arguunt, cùm putrefactionis sint soboles: si tamen in corpore sint geniti, per infernas vias vnà cum deiectione, quã per supernas, eos euacuari præstat. Vidi quamplurimos peste correptos in Gallia, tam Tolosæ, quàm in circumuicinis Prouincijs, annis 1627. 1628. 1629. 1630. 1631. quibus per os lumbrici teretes, & oblongi, viui excernebantur. Vt plurimum omnes moriebantur: & si qui euaserunt, maximâ diligentia à me adhibitâ, sanati sunt.

*Autoris
experien-
tia.*

*Veter esto
mollis, &
mediocri-
ter carno-
sus.*

Textus 19. At verò in quouis morbo venter mollis, corporatusque sit, necesse est. Mollis, inquit Galenus, hoc est λαπαρός, opponitur intento, aut repleto: corporatus verò, hoc est εὐογκος, opponitur absumpto, siue extenuato. Loquutus enim est primo loco Hippocrates de ijs, quæ in ventre continentur, ratione quorum, mollis, aut durus, seu intentus, aut repletus, dicitur. Secundo autem loco de ipsa ventris substantia: quasi dixerit in hunc modum: At verò in quouis morbo modicè venter inanis sit, & corporatus ex propria sui ipsius substantia, haudquaquam tenuis, siue extenuatus secundum musculos, aliasque partes, oportet.

*Aquosa
Deiectio
cruditatis
indiciū.
Candida
siue pitui-
osa deie-
ctio.
Chloron,
viride, &
Croceum
significat.
Spumans
deiectio à
flatibus,
aut calore
provenit.*

Textus 20. Si autem aquosa admodum, aut candida, aut admodum crocea, aut spumans deijciatur, hæc omnia mala sunt. Aquosa deiectio inquit Galenus, cruditatis indicium est. Candida verò, ut superius iam dictum est, haudquaquam decumbere croceam de iecore bilem in ventris sedes significat. Porro admodum chloron, id est viridis, aut crocea (id enim vtrius modo veritas, licebit) quia hæc gemina significat, ut antea dictum iam est, in altera rubiginosæ, significabit. Cæterum, spumans deiectio interdum spiritum flatuosum humore permixtum esse solutum difficili, quandoque caloris copiam indicat. Ita enim per exteriora corpora fieri cernitur, in mari incurfantibus ventis, in lebate expellentis præ copiâ caloris.

Textus 21. Malè etiã est, si exigua, glutinosa, candida, subcrocea, læuisque sit. Duas Hippocrates in hoc contextu deiectiono-

num species proponit, teste Galeno in Commentario. Prima species, est Deiectio exigua, ac glutinosa, & candida. Secunda, est Subchlora, lævisque. Hæ ambæ ex Galeno in Comment. inter se differunt ratione vehementiæ maioris, aut minoris causarum, à quibus generantur: Dissident verò inter se, in quantum exigua (sunt Galeni verba) ac glutinosa, candidaque deiectio, pinguedine absumptâ ab igneo calore, non tamen vehementer maligno, efficitur. Subchlora verò, vel (vt alij vertunt) subcrocea, ac lævis, absumptâ quoq; pinguedine consistit, sed aut propter caliditatem vehementiorem, aut quia pinguedo ipsa vetusta, ac velut semiputris existat. Itaque exterior (id est pinguedo animalium, quæ diu in ollis, siue testis conseruatur, & putrescendo subcroceum acquirit colorem) non solum pinguedo, sed etiam septum, mutare spatio temporis priorem colorem, ac perspicuè subcrocea reddi perspicitur. Si verò subuiridis sit de rubiginosa bile, (id enim, vt antea dictum est secundum voculæ chloras, id est viridis, aut crocæ, significatū est) vehementis cōsumptionis indicium est. Exigua ergo deiectio, iuxta Galeni interpretationem, fit ob febrium malignarum vehementem feruorem, à quo, ipsa pinguedo, & quidquid pingue in corpore est æstuante, colliquatur: hoc autem colliquamentum, siue id quod liquefactum est, copiosum esse nequit, quàm diu animal viuit: nam animal tam magnam colliquationem sustinere diuturno tempore, pluribus diebus, non posset. Præterea non est in corpore, tam magna pinguedinis copia, quæ copiosas deiectiones diuturno tempore efficere posset. Paulatim ergo fusa pinguedo in parua quantitate excernitur: imò glutinosa excernitur eadem pinguedo, ob insignem calorem, eam ita condensantem: Nec solùm glutinosa est eadem illa parca deiectio, sed præterea albicans, siue candida, propter adipem, qui recenter funditur, liquaturus. Coniunctim ergo, & ad modum vnius signi accipienda sunt tria illa Hippocratis verba: exigua, glutinosa, & candida. Horophonthis in historiâ, à nobis superius commemoratâ, scribitur, ipsam ardenti febre laborantem, statim in morbi principio, exigua, glutinosa, & candida deiecisse. Talis deiectio Electro similis dicitur Hippocrati, lib. 4. Epidem. tex. 92. in historia famulæ, quam nuper emptam vidit.

Discrepantia inter geminas deiectiones ab Hippocrate propositas.

Deiectio cur parua, & glutinosa.

Cur candida.

Ad secundæ partis sententiæ diligentiorē inuestigationem

*Subchlorō
varia si-
gnificat:
estq; calo-
ris soboles.*

accedamus : Subcrocea, lævisq; fit : Id est , deiectionio quæ subcrocea est, & lævis, præcedenti deiectione peior est ; quia à vehementiori calore, & malignitate, quàm præcedens , fit. In Græco autem textu habetur *ὁ τοχλαρον*, quam vocem nonnulli subpallidum, nonnulli subcroceum, alij subuiride, interpretantur. Accipiat vox illa ad cuiusque placitum, quouis tamen in sensu caloris excessum arguit: Dum enim pinguedo, aut adeps, putrescit, subcroceum acquirit colorem : Quoties ergo interiùs pinguedo. impensè putrescit, non est mirum, si subcroceum, vi immodici, & putredinosi caloris, acquirat colorem : nam ab immodico calore funditur, & ab eodem putredinoso nouum accipit colorem . Si verò subchloron pro viridi accipiat, similiter intensissimum arguit in corpore calorem, qui fundit, liquat, & consumit totum corpus.

*Læuitas
excremen-
ti prauum
signum.*

Cæterum, si subcrocea, aut subuiridis deiectionio, adhuc lævis fuerit, perniciosior erit. Læuitas enim illa immensam malignitatem denotat : nam indicium est , omnem partem materiæ æqualiter esse colliquatam, corruptam, & omni prauitate saturam ; veluti ex aduerso contingit, quoties natiui caloris operâ ipsa alimenta læuigantur, & secundum omnem sui partem subiguntur, illustantur, atque perficiuntur. Galenus in Commentario rem hanc hac serie describit : At verò læue redditur quidquid de corpore excernitur, aut quod habeat æqualem concoctionem, vt nulla eius pars effugerit naturæ alterationem ; aut propter vehementem consumptionem, vt nulla materiæ pars imperpeffa supersit . Vt igitur, quicquid bonum est, id omne melius redditur, quoties æquale sit : ita quicquid malum est, id omne euadit deterius, si æquale existat.

*Calor na-
turius, est
Natura.*

Vtrumque enim per omnem materiam apparet, quæ aut naturæ comptum recepit, aut turpitudinem prauitatis. Hic enim pro Natura intellexit Galenus calorem natiuum; qui sicuti omnem utilem & alibilem materiam perlustrat, ita calor putredinosus, intensus, & malignitate roboratus, dum vincit, omnia peruadit, & integrè corrumpit, & ita æqualiter, vt nihil relinquat intactum, sed omnia plenè fædat. Consimiles deiectiones colliquat iux familes sunt febribus Pestiferis dictis, teste Galeno commentario 3. in Librum 3. Epidem. tex. 57. Hippocratis hæc sunt verba. Vnoque verbo, qui longis morbis, vel acutis tenebantur, ventris vitio omnes præcipuè mortui sunt : cunctos namq; venter sustulit. Galenus ait : Et

pestis quoq; illa longissima, quæ nostra ætate vulgata est, ex ijs quæ per aluum vacuantur, omnes prope peremit. Quæ euacuabantur, erat colliquatio : Quod quidem esse symptoma, videtur in perpetuum febris, quam pestilentem priuatim vocitant, cum mortales, vel citra pestem, corripiat.

Sed cum Galeno animaduertendum, visciditatem excrementorum non à solo excedenti calore procedere, sed etiam à qualitate quorundam alimentorum, quæ naturaliter glutinosum procreant succum; cuiusmodi sunt Cochleæ, Pedes Vituli, Suis, Bouis, Veruecis, veluti venter, intestinaq; eorundem animalium. Vt ergo Medicus exactè percipiat, à quâ causâ glutinosa generantur excrementa, examinare debet, an vehementi febre afficiatur æger. Et si ita res fuerit, glutinosa fortassis excrementa deijciet. Sed posito, quòd ante deiectiones glutinosa alimenta assumpsit, modus discernendi inter glutinosa excrementa, quæ vi febris talia euadunt, & glutinosa excrementa, quæ cibi soboles sunt, est, quòd illa, quæ vi febris excernuntur, sunt in permodica quantitate : quæ ratione alimentorum ingestorum, in magna copia, vtpote correspondente alimentis præassumptis. Sed quoniam aliquando in colliquantibus febribus fit copiosa glutinosi excrementi deiectione, in eo distinguitur à deiectione, alimentorum ratione factâ, quòd immodicè fateat : Deiectione autem alimenta ingesta consequens, quia crudis humoribus ut plurimum constat, non fatet nisi permodicè. Galenus in Commentario rem hanc hac serie explicauit: Cæterum, ut lentor sæpenumero fiat in ijs, quæ iam calefacta admodum sint, perspicuum est : nonnunquam etiam qualitas esculentorum tales reddit humores : Sed hi quoties commouentur ad excretionem, haudquaquam exigui sunt : deiectione verò glutinosa, quæ sensim excernitur, ab his abest, tribuitur verò modicæ consumptioni. Sed interdum vehemens consumptio deiectionem reddit vniuersam viscosam (legitur & ἀπὸ αὐτῶν γλίσχρας, id est, vniuersam viscosam, ut benè notatur in Codice Basilienfi, etsi in Veneto hæc sint omissa) sed talis admodum graueolens est. Ita interstinguitur ab humore crudo, quippe qui graueolens non est. Lentor in textu Galeni ponitur loco visci, aut glutinosi.

Textus 22. Exitiosiores verò his sunt, si nigræ, aut liuidæ, aut opimæ, aut fætidæ sunt deiectiones. Galenus clarè rem hanc, ut

Viscositatis duplex causa.

Modus distinguendi causâ visciditatis.

In vehementi colliuatione fit non raro copiosa deiectione.

Nigræ, liuidæ, pingues, fætidae deiectiones, lethifera.

sequitur, exponit : Nigræ deiectiones ab atra bile syncera tinguntur : liuidæ verò, vbi modica modicè ipsis permiscetur. Porro optimæ deiiciuntur, quoties pinguedo ab ignito calore consumitur: Graueolentes verò deiectiones, putredinis indicia sunt.

Æruginosa, omisit Galenus.

Hippocratis textum hùc transtulimus, sicuti habetur apud Galenum : Verùm, in Operibus Hippocratis reperitur vox, æruginosa, quam omisit Galenus : Et textus hoc ordine habetur : His verò magis lethalia fuerint Stercora nigra, aut pinguis, aut liuida, & æruginosa, & maleolentia. Ita Codex Venetus. Sed Hippocrates Foëssij operâ notatus, hac serie loquitur : His verò magis lethalia sunt nigra, aut pinguis, aut liuida, aut æruginosa, aut fatida. Foësius sanè Phrasim Græcam exactè obseruauit: Nam Græcè habetur: *τετρεων δὲ θανατωδὲς ἴσται ἀν' ἐν, τὰ μέλαινα, ἢ λίπα, ἢ πέλεια, ἢ ἰώδεια, ἢ κακὰ ὀνία*. In rigore quidem particula, ἢ, idem est Latinè ac, Aut, Vel. Multis tamen placet, ab Hippocrate varijs in locis, hanc voculam disiunctiuam, scilicet, Aut, Vel, in contrario sensu, copulatiuè accipi pro particula, Et. Vtut sit, non est contemnenda vox à Galeno omissa, æruginosa: Deiectiones enim æruginosæ, bilis viridis ad intestina descensum arguunt: & æruginosa hæc bilis maximi incendij soboles est.

Bilis æruginosa canis.

Optimæ deiectiones in contextu Hippocratis relatæ, ab alijs dicuntur pingues: Vox enim Græca, *λίπα*, vtramque admittit interpretationem, significationemue. Fiunt hæc, quoties pinguedo, & caro colliquantur. Ætius Tetrab. 3. Sermon. 1. cap. 38. pingues excretiones assimilari ait flauæ bili, quæ per vomitum, aut secessum reijcitur. Sed fortassis deiectio colliquatiua erit fatidior, flauior, crassior, adiposior, oleosiorue.

Pinguis excretio.

Nigra deiectio in febre, tertiana. Quarta die si mul exacerbata, letalis.

Malam esse nigram deiectionem, cum Hippocrate, & Galeno superius ostendimus: & libro de victus rat. in morbis acut. Sect. 4. tex. 57. eandem deiectionem lethiferam esse docuit Hippocrates, in febribus, tertiana, quartaq; die exacerbatis: Quantum autem, inquit, ad signa attinet, nigra deiectio mortem indicat: Quæ verò sanæ deiectioni similis est, cum omni die apparuerit, salutem. Bonam autem deiectionem paulò ante in contextu synceram appellauit Hippocrates; quasi diceret, deiectionem sanam esse, cui nihil ferè morbosii excrementi permixtum sit. Monens autem Medicum de exacto ægri examine, ait: Inspiciendum quoque, vtrumne de-

iectio nigra admodum colore fuerit, vel syncera, qualis sanorum existit.

Ambigit nemo, descriptas modò ab Hippocrate deiectiones, esse pessimas: Fieri tamen potest, easdem aliquando non fore lethiferas, teste Hippocrate, libro 4. Aphorismorum 47. ubi sic loquitur: Excretiones in febribus non intermittentibus liuidæ, & cruentæ, & fætidæ, & biliosæ, omnes malæ: commodè tamen si prodeant, bonæ. Sed eadem quoq; est eorum, quæ per aluum, & urinas excernuntur, ratio. Si quid verò, quod non iuuat, per hæc loca excernatur, malum.

In hoc aphorismo Hippocrates complexus est prauitatem excrementorum, quæ per os, per secessum, & vias urinae, excernuntur. Primo tamen loco de praua excretionem per os, siue vomitu fiat, siue expuitione, quadam cum celebritate loquitur; & veluti secundariò, de ijs quæ per secessum, & urinae vias deturbantur: tametsi prauas deiectiones quouis modo factas, siue per os vomendo, expuendone, siue per podicem, siue per urinae vias, siue etiam per aures, nares, oculos, & vlcera quauis, comprehenderit. Hac excrementorum vitia in Prognosticis, Aphorismis, Coacis Prænotationibus, Prorrheticis, Epidemijs, & alibi communiter damnat Hippocrates.

Sed examine dignum, quod in Aphorismo iam citato, & transcripto, cautè pronunciauit, inquit: Commodè tamen si prodeant, bonæ. Postquàm deiectiones qualitate prauas vituperauit Hippocrates, his verbis sententiam lenire, atque temperare voluit. Malignitatem ergo, secundum eius doctrinam, exuunt relata excrementa liuida, cruenta, fætida, & biliosa, per quamcumq; viam euacuata, dummodò commodè prodeant, siue excernantur. Quid autem sit commodè prodire, siue excerni, Galenus in Aphorismi citati Commentario, his paucis complectitur: Indicia verò, quòd benè excernatur materia superflua, ab Hippocrate descripta, maxima quidem sunt, & coctio, & bona tolerantia, cum ipsis verò, & morbi species, & post ipsam tempus anni, Regio, Ætas, Natura ægotantis. Rectè sanè duo præcipua indicia iuuantis excretionis primo loco proposuit Galenus, coctionis signa, & tolerantiam euacuationis. Signa coctionis, ut ipse varijs in locis retulit, semper bona sunt, id est, semper salutaria: quoniam concoctricis virtutis ro-

*Deiectio sanorū syn-
cera, siue pura, & impermixta dicitur. Nigra, liuida, fætida, cruenta, & biliosa deiectio. nes, si commodè prodeant, non sunt mala.*

Exponitur aphorismus.

Euacuatio commodè facta, semper bona.

Euacuatio commoda facta, quæ.

Coctio excrementorū, & euacuationis tolerantia, tempestiuā euacuationē indicat.

*Bona tolerantia si-
gnificat.*

bur indicant. Quotiescunque igitur in dictis excrementis per os, aut vrinas, aut secessum, excretis, signa coctionis apparent, salutem spondent: Et quoniam quandoque non ita Medico conspicua sunt coctionis signa in iisdem excrementis, quæ excernuntur, ad signa excretionum per alias corporis vias factarum, recurrendum; quæ si coctionem prodant, benè sperandum. Semper tamen ad Ægri tolerantiam animum aduertere debet Medicus. Tolerantia enim bona est, quoties tales euacuationes faciliè fert æger: fert eas iucundè æger, quoties faciliè excernuntur superflua, & ex horum excretionem eidem agro leuamen accedit: quod leuamen morbi remissionem ex euacuatione ortam, & virium recuperationem, subsequitur. Dum autem vires concidunt, & prorsus labefactantur persequerantibus istiusmodi deiectionibus, malè cum agro agitur. Ex aduerso, si cum iisdem euacuationibus vires, antea oppressæ, reficiantur, optima spes futuræ salutis adest: Et præsertim, quando species morbi sanabilis est, & iuxta eius naturam fit euacuatio. Concurrunt ad facilem, aut difficilem euacuationis tolerantiam, præter morbi speciem, Anni tempus, Regio, Ætas, & Natura ægri: de quibus in superioribus fusè egimus.

Præuicoloris euacuationes per quamcumque viam factæ, ex se perniciose.

Quod autem euacuationes præuicoloris exitiosissimæ sint, testatus est in præcedentibus, cum in Coacis Prænotionibus, tum alibi, Hippocrates; quem ubique sequitur Galenus: qui de nigra excretionem, per expuitionem factam, loquens, ait: Si nigra est screatio, exitiosissima est: Sed sicuti Hippocrates euacuationes præuicoloris, quoties agro conferunt, non damnauit Aphorismo 47. libri 4. à nobis paulò ante transcripto, similiter nec eas criminatur Sectione 2. Prognosticorum, Sententiâ 51. quæ hac serie habetur: Omnes autem Screationes malæ sunt, quæ non sedant dolorem: pessimæ autem nigre, ut descriptum est: quæ verò sedant dolorem, omnibus meliores sunt: Hic autem, etsi de sola screatione expressè loquutus fuerit Hippocrates, quod de eâ dixit, idem de alijs euacuationibus pronunciandum voluit, teste Galeno in Commentario, qui hac serie loquitur: Communis hic quoque sermo est in omnibus, quæ ex corpore excernantur: de quibus, alijs libris, atque etiam in Sententijs (libro videlicet 1. Aphorismorum 2. & alibi) dixit, quod facilitatem potissimum spectari conueniat. Sapè enim valuit Natura, prauam vincens affectionem, expurgare corpus: &

Præuæ euacuationes non semper damnandæ.

Secessus tenues, biliosi, mordaces, valdè pauci, nigri, graecolentes prodibant. In vrinis subsidentia alba, leuis. Sudauit. Iudicata est perfectè vndecimo die.

Experientia confirmatur, quæ dicta sunt.

Mihi sanè compertum est, plures ægros, grassante Pestilentia, in Gallia, annis à me superiùs enumeratis, post prauos vomitus, aut deiectiones æquè prauas, præter spem, sanitati pristinae restitutos. Nec in illa solùm contagiosa lue, dum pestiferos ægros, æquè familiariter, ac alios consuetis morbis correptos, curarem, sed in quamplurimis, ardenti malignaue febre laborantibus, deprehendi, quamplurimos sanari post prauas euacuationes, per os, aut secessum, aut vias vrinae, factas. Hoc tamen semper obseruauit, quoties alui prauo fluxu aliquis laboraret, signa quædam spem salutis non rarò datura, in vrinis apparuisse: & vice versa: Et, non apparentibus coctionis signis, in aliqua excretionem prauam, mitigari ex saeuientibus symptomatibus aliqua, quotiescunque causam morbificam superare conabatur Natura. Non est quòd hìc amplius prauarum vrinarum exempla, quibus integra successit sanitas, proponam; cùm idem de vrina, quod de deiectione, pronunciandum sit.

Diversitas colorum in deiectionibus, diuersas arguit affectiones.

Diversitas colorum in vna sola deiectione, quandoque apparet; aliàs vnus color in vna, alius in altera. Strigmentum quid.

Textus 23. Si verò versicolores sunt, diuturniores quidem, sed nihilominus exitiales sunt. Hæ strigmentosæ sunt, ac biliosæ, & cruentæ, & porraceæ, & nigrae, quæ nonnunquam simul, interdum vicibus excernuntur. Galenus in commentario rem hac serie exponit: Quæ versicolores sunt deiectiones, multas adesse indicant affectiones, & ob eam rem tractu temporis egent ad coctionem. Si enim multæ existunt affectiones, aliquas earum diuturnas esse verisimile est: si secùs, at prorsus occurrunt naturæ, quæ tanquam cum multis pugnatura inimicis, multum temporis consumat necesse est. Versicolores deiectiones, de quibus Hippocrates, & Galenus, agunt, sunt ipsæ in contextu enumeratæ strigmentosæ, biliosæ, cruentæ, porraceæ, & nigrae, vt ipse Breuiloquus Hippocrates significauit, inquit: Hæ strigmentosæ sunt, ac biliosæ, & cruentæ, & porraceæ, & nigrae: quæ quidem deiectiones colore variæ, simul & vnica excretionem apparere possunt, vel in vnica deiectione vnus color, in altera alter, & ita de reliquis. Quid strigmentosa deiectio sit, ex vocis significatione clariùs euadet. Strigmentum enim nihil est aliud, quàm sordes, quæ ex corporibus raduntur. Celsus,

Hip-

Hippocrates Latinus dictus lib. 2. cap. 6. de alui strigmentis, Hippocratem sequutus, hac serie loquitur: Alius quoq; varia (varias deiectiones intelligit) pestifera est, quæ strigmentum, sanguinem, bilem viridem, aliquid modò diuersis temporibus, modò simul & in mistura quadam discreta tamen repræsentat. Vnde strigmenta olei dicimus ceromata (κερώματα, πάθος) id est, sordes olei, quæ ex victorum Athletarum corporibus raduntur. Vnde Plinius libro 15. Naturalis Historiæ cap. 4. ait: Notum est, Magistratus honoris eius octogenis sestertijs strigmenta olei vendidisse.

Ex his liquidò constat, strigmentum esse quoduis crassamentum è superficie abrasum, seu vi quadam seiunctum. Strigmentum idè, siue ramentum, dicitur communiter Medicis id, quod ab internæ intestinorum superficie, vi acris, salisue humoris, alteriusue rei corrodentis violentiâ separatur. Ramentosæ igitur, siue strigmentosæ deiectiones, sunt illæ, in quibus, non mucus tantum, aut pinguedo (vt loquitur alibi Galenus) intestinorum internæ superficiei tenaciter hærens, sed vterius primæ superficiei interioris tunicæ abrasa fragmenta conspiciuntur. Igitur cum talis abrasio ab humore bilioso in acutis febribus communiter (aliàs tamen à salso, aliàs ab atra bile, quandoque à veneno corrodente, aliaue re acri per os ingesta) proueniat, rectè Hippocrates Strigmentosam damnat deiectionem: quòd hæc causæ vehementiâ prodat, & perniciosi signi in malignis febribus vicem gerat.

Quid strigmentum.

Dubitare fortassis aliquis posset, cur Hippocrates, dum versicolorum deiectionum prauitatem prænunciat, inter colorata excrementa, strigmentosa, siue ramentosa enumerat, cum potius substantiâ, seu consistentiâ, à naturali statu, quàm colore, declinare videantur.

Obiectio.

Ego sanè huic difficultati, à me excogitatæ, responderem, Ramenta præfata suum habere albicantem colorem pituitæ con similem, cum sint mucus pituitæ similis, cui sanguinis filamenta non raro commixta sunt: imò quædam laminæ interioris, ac superficialis tunicæ intestinorum. Bilis enim in acutis febribus prædominâs, non solum ad intestina cõfluens, mucosum humorem, his semper in sui tuitionem adhærentem, ab ipsdem separat, sed interiùs penetrans ab internis eorundem parietibus superficialem tunicam mordet, abradit, laceratque, eiusque frusta quædam dilaniat, quæ vnâ cum

Solutio.

Dysenteria generatio.

muco, tantilloque sanguine, è subiectis venulis ab eadem bile corrosis emanante, per podicem, sola, vel cum fecibus excluduntur. Ita enim communiter Dysenteria legitima, quæ intestinorum vlcus est, introducitur.

Vitellina deiectio mala.

Biliosas deiectiones synceras, flauas potissimum, intellexit Hippocrates in contextu, eas damnando. Flaua enim bilis affata, & syncera, est prauum signum, quod calorem intensissimum arguat: Rufa etiam æstum prodit.

Omnis cruenta deiectio mala.

Cruentæ deiectiones, quas etiam meritò repudiat, omnes malæ sunt. Cruenta scilicet deiectio loturæ carnis, animalis recenter mactati, similis; quia ab hepatis imbecillitate provenit: Cruenta, deiectio crassa, & splendescens (quam fortassis hîc intellexit Hippocrates); quia hæc insignem in corpore adustionem prodit, teste Galeno lib. 3. de Symptom. causis cap. 2. Cruenta deiectio nigra, sed non splendescens; quia hepatis, aut lienis, aut vtriusq; vitium arguit; vti in superioribus fusè exposuimus.

Porraceæ, & nigræ pariter deiectionis prauitatem, abundè superiùs explicuimus.

Dictas ergo deiectiones versicolores, exitiales meritò vocauit Hippocrates; quia vnumquodque ex dictis excrementis à pessima pendet causa in acutis febribus, diuersasque arguunt in corpore affectiones, tam varia excrementa. Si tamen omnes præfati colores in excrementis appareant, appareantque signa coctionis in vrinis, & adest tolerantia, ita vt nimis sæua symptomata non urgeant, adsitque aliqua spes salutis; hæc tamen, non nisi post longum tempus, restitui potest. Rationem in Commentario assignat Galenus, vti adhuc fecit lib. 1. de Crisib. cap. 11. in calce: Varium autem excrementum, inquit, varijs corpus affectibus detineri indicat: ab hoc igitur, & diuturnum, & malignum existit: Multi enim, varijsq; affectus ad coctionem longiori indigent tempore, periculumque afferunt multitudini æquale. Nam simplex affectus faciliùs concoquitur, & minùs est, quàm multiformis, periculosus. Sic quidem de excrementis iudicare oportet. Dicto autem capite, de Coctione, & cruditate excrementorum alui agens Galenus; omnia comprehendit, quæ in Commentarijs transcriptorum Textuum Prognoscos dixit; imò quædam addidit, vt rufam deiectionem in morbi declinatione bonâ esse, quæ tamen alijs præcedentibus morbi

Rufa excrementa in declinatione salutaria, quia causa morbi integrò exit.

bi temporibus mala censetur.

Caterum, rationem reddit longitudinis, & perniciiei morbi, in quo excrementa varij coloris, variæque consistentiæ, deijciuntur. Pernicies ex iisdem portenditur; quia causæ malignitatem, & robur indicant, tam variæ qualitates eorundem excrementorū: Longitudinem morbi, etiam si ad salutem terminetur, præmonstrant; quoniam varij sunt affectus: id est, causæ dictorum colorum variæ sunt: Affectiōis enim nomen, non pro morbo tantum, sed pro humoribus, in contextu intellexit Galenus: nam causa morbi, & non morbus, nisi improprie, concoquitur. Licet enim ipsa caloris, frigoris, siccitatis, & humiditatis, dominantis alteratio, sub coctione Medica contineatur, secundarum tamen qualitatum, ut crassitie, tenuitatis, acredinis, visciditatis, & consimilium, quæ humoribus conueniunt peccantibus, præparatio, coctio congruentiis dicitur. Calor ergo natiuus in se vnicus, tot affectus, id est tot varios prauosque humores, malignasque causas, eosdem heterogeneos precreantes, vix domare potest: vnde modico, ut plurimum, tempore à tam potentibus & diuersis hostibus victus, necessarii succumbit: quod si tam varios affectus superaturus sit, non reuera, nisi diuturno tempore, id efficere potest. Nam ut corpus à tot diuersis hostibus liberet, tempore eget longo, frequentiq; auxilio, ut vnumquemq; superet, & plenè conuincat. Ut enim facilius, & breuiori tempore, vnicus, quàm numerosus hostis, vincitur, ita vnicus affectus, quàm plures, à natiuo Calore citius faciliusque superatur. Quòd varij insint affectus, quoties in deiectionibus tot apparent colores, nemo est qui ambigit: Ad sunt enim, humores varij, prauique, obstructionem, & incendium efficientes: Estque in iisdem humoribus quædam malignitas: quæ rursus, ingrauescente morbo, augetur; Febrisque maligna inde nata humores heterogeneos partim adurit, partim attenuat, partim incrassat. Humores vicissim prauum incendium febrile fouent: incrassatus adustione humor, obstruit, adurit, corrodit: attenuatus, & inflammatus humor, corpus accendit, & colliquat: colliquamenta rursus incrassantur, & viscida, pingua, aut oleosa, non raro apparent. Præter dictas affectiōes, aliæ subnascuntur variæ, ut vigilia, inquietudo, sitis, aliæque symptomata, morbi, & causæ morbificæ vehementiam prodentia.

Causa morbi rectius, quàm morbus, concoquitur.

Calor natiuus plures hostes vix domare potest.

Nomine affectiōis, & causæ, & morbus, inò symptomata, intelliguntur.

*Tota hac
sententia
de flatibus
cum crepi-
tu, & silē-
tibus, qui
ambo ex-
eunt, ac de
iisdem re-
tentis agit.
Flatus re-
tent i incō-
moda.*

Sententia 24. Flatum sine sonitu, crepituque prodire, optimū est. Melius verò est, ipsum exire cum sonitu, quàm condi, ac reuolui. Quòd si ita exierit, indicio est hominem vexari dolore, aut delirare: nisi spontè ita dimiserit flatum. Sententia hæc non est obscura: nam clarè refert, melius esse flatum sine strepitu, quàm cum strepitu per podicem exire: & vtilius esse eundem flatum cum strepitu exire, quàm si in corpore fuerit retentus: nam retentus, intestina distendit, doloremque idcirco parit. Si denique flatus vaporosus intus còërcitus, fætidus, aut acris sit, eadem intestina pungit, nimiumque alterat; & sic etiam dolores inuehit acerbos, qui humores deinceps è vicinis partibus ad eadem intestina attrahere valent. Galenus in Commentario hac serie rem exponit. Flatus, nonnulli cum sonitu, deuorato pudore, excernunt: alij verò deligerent prius mori, quàm aliquid tale committere. Hos igitur, quoties audientibus multis dimittunt flatum, scire oportet è duobus alterum, aut non satis intelligere, quæ gerant, aut propter vehementiam doloris agere aliquid contra arbitrium, & voluntatem. In alijs verò, qui præsentès paruipendant, nullum malum significare, flatum cum sonitu, censendum est. Sed salutaris in his est, vbi sine sonitu excernatur: Etenim flatus cum sonitu prorsus indicat, aut flatuosi copiam spiritus, aut angustiam opificiorum. At verò, quoties spiritus copia non admodum fuerit, & item opificia, per quæ excernitur, laxa planè sint, tunc sine sonitu in talibus flatus excernatur, oportet.

*Deuorato
pudore, nō-
nulli cū so-
nitu flatus
emittunt, &
alij mortē
prius exo-
ptarēt, quā
flatū emit-
tere.
Flatus cū
sonitu cau-
sa.
Flatus si-
lētis causa.*

*Flatus ge-
neratio.*

Rectè omnia Galenus, qui flatūs generationem lib. 3. de Symptom. caus. cap. 2. exponit. Flatus enim in ventris cavitatibus generatur ex pituitosis quibusdam succis inibi à deficiente calore in halitum solutis. Halitus autem hic, siue flatus cum sonitu emissus, caloris imbecillitatem arguit; aut viarum, per quas egreditur, angustiam: Et si copiosus fuerit flatus, copiosam arguit mineram, id est, humoris crassi, & pituitosi vberem prouentum. Quòd si flatus silens, id est sine sono, exit, argumento est, calorem natium esse ita vegetum, vt omnem domauerit superfluam materiam, liberofque ideo reddiderit alui ductus, siue intestina, quæ ex se ampla, angustiora reddebantur, ob lentum, copiosumque humorem, intestinorum internis parietibus adhærentem, vniuersumque intesti-
norum meatum angustiores reddentem.

Quod dixere Hippocrates, & Galenus, melius esse flatum exire, quàm interiùs recondi, verissimum est. Quoniam retentus flatus malus est vt signum, simul & vt causa. Retentio quidem flatûs, est malum signum; quia facultatis expultricis imbecillitatem arguit: Si enim valida esset, flatus excluderet. Eadem etiam retentio flatûs quandoq; indicium est angustiae viarum, quæ vel obstructæ sunt, vel compressæ. Quandoq; flatûs retentio vtrumque indicat, id est, facultatis expultricis debilitatem, simulque cavitatis intesti-
 norum angustiam. Retentio etiam flatûs mala est, vt causa; quoniam, vt superiùs ostendimus, dolores, imò torsiones inuehunt re-
 tenti flatus. Galenus lib. 6. de locis affectis cap. 2. rem fusè expo-
 nit, vbi ab humoribus frigidis, crassis, ac viscosis, aut à flatuoso
 spiritu in corpore crasso densoque genito, & non exeunte, sed re-
 tento, dolorem, non solum in intestino colo, sed etiam graciliori-
 bus generari ait. Et duplici quidem de causa vehementem in his
 dolorem tunc excitari docet; & quia intemperiem introducunt hu-
 mores, & quia flatus intestina distendunt. Dolor enim ex flatibus
 veluti circuire videtur; vt eodem capite loquitur Galenus. Flatum
 porro non in amplioribus cavitatibus tantum, sed etiam in occul-
 tis meatibus, à crassis, mucosive humoribus nasci, satis luculenter
 ostendit Galenus Cōmentatio 4. in librum Hippocratis de morb.
 acut. tex 21. hac serie. Verùm inflatio bifariam fit, nempe colle-
 cto in quibusdam cavitatibus, vel sensui expositis, vel ratione con-
 templabilibus, flatuoso spiritu. Fuerunt sanè, qui aliquando tu-
 mores præter naturam in musculis secuerunt, tanquàm pus in imo
 reperturi; sed nihil aliud, præterquàm spiritum, qui totam per car-
 nem minutatim disseminatus esset, iouenerunt. Præterea & throm-
 bi soli (id est sanguis extranatus, & in grumos conuersus) ali-
 quando ab ijs, qui ita secant, vel viscosa humiditas, vel mucosa
 est repeita. Verùm, in talibus tumor vel ex thrombo, vel mucore
 erat, carne ad hunc affici modum apparente, spiritus autem in ea
 per minuta est disseminatus. Orthopnoeam ibidem à flatu retento
 in pulmonibus, aut pectore, non rarò oriri docet adhuc Galenus.
 In Coacis sequentia habentur: In febribus flatulentus venter ma-
 lo est, si quidem inclusus flatus non excidit. Communiter flatus
 ventris, cruditatis soboles est, & intùs detentus, varios parit cru-
 ciatus, novosque affectus. Detenti flatus intestina distendunt, &
 motus

*Flatus re-
tentus ma-
lus, vt si-
gnum, ma-
lus vt cau-
sa.*

*Retentio
flatûs, ma-
la, vt cau-
sa.*

*Bifariam
dolorẽ ex-
citant hu-
mores fri-
gidi, & fla-
tus.*

*Nō in ma-
nifestis ca-
uitatibus
tatum, sed
in occultis
meatibus
nascuntur
flatûs.*

*Varia in-
cōmoda à
retento fla-
tu.*

Afotus Peristalticus quid, & quotuplex.

motus intestinorum peristalticus, & naturalis, impeditur. Intestina quidem ita distenta ob retentum flatum, ampliora ut plurimum euadunt; unde eorundem motus peristalticus, & naturalis, cohibetur. Motus enim peristalticus Antiquis dicebatur contractio, siue constriction transuersarum fibrarum intestinorum: mediante qua constrictione intestina ex se, quidquid in ijs est, expellunt: dum verò dilatantur, in se aliquid admittunt. Hic peristalticus motus, vel est naturalis, vel præter naturam. Naturalis dicitur, quoties superne deorsum fit: id est, quoties vi fibrarum transuersarum intestina in superiori parte prius se colligunt, contrahuntq; & rursus consequutiue in omnibus subsequenter partibus eadem constriction fit, ut deorsum, & fæces, & flatus, atq; superfluos humores, instar manûs, comprimendo exprimant. Hunc motum deorsum iuuat potissimum septum transuersum. Musculi abdominis æquè intestina sursum comprimunt, ac deorsum. Motus peristalticus præter naturam est, quando inferne sursum intestina à suis villis siue fibris contrahuntur. Et in tali motu ab infernis intestinorum partibus inchoato, sursumq; procedente, flatus retenti, chylus ipse, & stercora, quandoq; per os euacuantur. Vulgò hic affectus, Ileus, siue Cordapsus dicitur.

Ileus doler.

Flatus voluntariè, vel inuoluntariè emittuntur.

Reliqua pars Sententiæ Hippocratis non obscura est. Voluntariè enim aliqui flatum excernunt, etiam coram hominibus: quod communiter à malè morigeratis fit. Intus etiam, siue desipiens, deliransue, aut mentem habens occupatam, flatum cum strepitu emittit, non intelligens quid agat. Dormientes quidem, etsi non delirent, flatus cum strepitu, etiam nescientes, sæpè deiiciunt. Quoties denique dolor intestina occupat, hæc quandoq; contrahit, & ex hac contractione fit flatuum deorsum expressio: quæ quidem quouis modo facta, retentioni eorundem flatuum longè anteponenda est.

Dolor causa crepitus.

Hactenus producta oratione de Alui varijs deiectionibus egi. Quoniam ex his potissimum, & vrinis, facultatum naturalium flatum, plenius, quàm aliundè, rimatur Medicus: Vnde paræmia emerfit:

Stercus, & Vrina, Medici sunt fercula prima.

Verùm, si ea, quæ de alui deiectionibus in fine Coacarum Prænotionum, in Prorrheticis, & alibi sparsim apud Hippocratem

habentur, huc transferre vellem, liber hic in immensum cresceret. Quare, cum ex ijs, quæ hætenus de hoc argumenti genere dicta, sunt, ad aliorum omnium plenam fortassis intelligentiam, sufficiant, ad aliarum Specierum Criticarum signa præcedentia, proponendum.

S E C T I O III.

De Signis Perirrhæ.

Superfluos Corporis vniuersi humores per vias vrinæ euacuari, non est quod dubitemus; cum quotidiana experientia id demonstret, idque doceat Hippocrates Libro 1. Epidemior. Sectione 2. hac serie: Multis autem, & vrinæ fluxiones cum dolore biliosæ, aquosæ, ramentosæ, purulentæ, cum stillicidio, non renales, sed his alia pro alijs. Galenus in huius contextûs commentario, ait: Nam vult Hippocrates ipse (libro 2. Epidem. Sect. 1.) non solum decumbendo, sed etiam effluendo fieri abscessum. Ita etiam per renes nonnunquam, & vesicam, nullo illos laborantes suo affectu, repurgatur totum corpus: quemadmodum in hoc accidit statu. Quamobrem in progressu sermonis dicit Hippocrates ad verbum. Solum verò, bonum, maximumq; inter signa, quæ fiebant, quodque multos maximis periculis liberauit, hoc fuit, quibus ad stranguriam diuerterent, & in hoc abscessus fierent. Atque id ipsum est, quod hîc commemorat Hippocrates, non nephriticæ quidem, sed his alia pro alijs: etenim totius corporis excrementa, in renes, & vesicam defluerunt: atq; ita excretiones sunt nephriticis excretionibus affimiles consequutæ.

Difficilia sanè intellectu, sunt verba illa Hippocratis in contextu relata, sed his alia pro alijs. Sensus, vt reor, horum verborum est, stranguriam (siue parcam, sed frequens vrinæ profluiû) tempestate ab Hippocrate descripta, contingentem, vicem gerere doloris nephritici, ex proprio renum vitio orti, & stranguriæ pariter, vesicæ labe, natæ. Vnum enim pro alio tunc fit: id est, dolor, stranguria, purulenta dejectio, & reliqua in contextu ab Hippocrate, pronunciata, quæ omnia ex eluione ad vias vrinæ criticè effluente, nascuntur, vicem subeunt consimilium affectuum, qui vt plurimum

*Per vias
vrinæ totû
corpus ex-
purgatur
criticè.*

*Abscessus
pro decubi-
tu humoris
in vnam
partem, &
pro fluxu
extra cor-
pus accipi-
tur.*

*Exponun-
tur Hippe-
cratis ver-
ba.*

*Instrumenta
urinae.*

mum generantur à virio iam antea introducto in urinae instrumenta, quae communi Medicorum consensu, sunt renes, vretes, vesica, & urethra. In Critica enim illa eluione ad urinae vias effluente, symptomata superueniunt consimilia symptomatibus, quae viarum urinae vitia consequuntur. Rectè ideo Hippocrates inquit, has affectiones; ab acris, putridisue humoribus, tempore Crisis ortas, vicem gerere affectuum instrumentorum urinae. Dolor enim, stranguria siue stillicidium, purulenta deiection, & ramenta, ab ulcere vesicae, vel saltem aliorum urinae instrumentorum, ordinariè nascuntur. In urinae Critico profluio talia quidem symptomata ab acris humoribus, naturae pulsus, ad vias urinae deturbatis, emergunt. Nam in urinae vijs quaedam fit ab humoribus acris abrasio, denique excoariatio; in partibus excoariatis quaedam suppuration: interea in hac molitione, dolores non deficiunt, nec stranguria ab acrimonia materiae, quae humorum ichoribus, siue sero, quod urinam praecipue constituit, orta. Acris enim & mordax materia naturam semper ad sui exclusionem stimulat.

*Etià urinae
male, critica
esse
possunt.*

Testatus est, & clariùs, Hippocrates eadem Secciónè 2. Libri 1. Epidem. molestum illud urinae profluuium multos à morbis criticè liberasse: haec sunt ipsius verba: Solum verò bonum, & maximum inter ea, quae fiebant, signum, & quod plurimos in maximis periculis constitutos liberavit, quibus ad urinae stillicidium conuertebantur, & ad hoc abscessus (id est effluvia humorum superfluum) fiebant. Accidit autem plerisque urinae stillicidium, maximè his aetatibus (id est Pueritia, & Pubertate praecipue): fiebat & alijs multis, tum credè obambulantibus, tum in morbis. Statim verò etiam magna quaedam mutatio omnium his fiebat. Alui enim, etiam si humectae essent, maligno modo mox sistebantur, cibosque omnes libenter sumebant. Et febres postea mites erant. Verùm urinae stillicidium his diuturnum, & laboriosum erat. Urinae verò his erant multae, crassae, variae, rubrae, purulentae cum dolore. Atque hi omnes superstites manserunt, & nullum ex his mortuum noui.

*Malò modo
sistebantur,
quia
intempestiue,
cui corpus
non erat
satis purgatum.*

*Abscessus,
non decubitus
tantum,
sed effluuium
humorum
significat.*

Galenus hunc textum hac serie exponit: Dixerat etià antea, stranguriosa his, & non nephritica, accidisse, etsi communitatem quandam habeant, sed alia pro alijs. Nosque diximus, ubi per renes excrementa purgantur totius corporis, urinae illos stillicidium corrumpere, cum ob alia, tum praecipue propter confluentium urinarum

acre.

acredinem : quæ etiam nunc in causa fuit . Tenendumque rursus memoriâ est , hîc quoq; abscessus dicere illum in stranguriam factos , licet per effluxionem , non autem decubitus , de toto emanarent corpore infesti humores . Vt enim repurgatur non raro per ventrem , vniuersum corpus , & item quoque per renes , & vesicam . Sed erat his stranguria diuturna , & cum dolore per stranguriam repurgabatur totum corpus . Has autem partes erat necessarium , per quas acres excernebantur vrinæ , affici : quia vellicabantur scilicet , continuaque excretionem sollicitabantur : vnde etiam in ipso vrinarum transitu offendeabantur . Eiusmodi autem symptomata , ob excrementorum , quæ expurgabantur , copiam , longiori tempore illis perdurabant .

Alii fluxu, & vrina profluvio totum corpus expurgatur.

Vrinæ verò erant copiosæ , crassæ , variæ , rubentes , purulentæ , cum dolore , quod superfuitatem humorum vitiosorum totum corpus deponeret . Quo factum est , vt saluarentur omnes . Cum autem varia ea essent , non mirum , si varietas quædam fuit vrinarum , vt hæ omnes similes non essent , sed alijs aliæ .

Cur autem copiosæ fuerint dictæ vrinæ , ratio in promptu est , quia vniuersi ichores , humoresque superflui ad vias vrinæ tunc confluebant ; inde crassities ; indeq; variæ vrinæ . Rubræ erant , quia sanguinis crudi aliquid cum vrinis emittebatur : purulentæ propter vlcus .

Vnde varietas vrinae.

Hippocrates Crisim per vrinas fieri , experienciâ ductus , affirmavit ; sed nec ipse , nec Galenus vllibi , certa indicia futuræ Perirrhæ nobis reliquit . Prænoscitur tamen , quoties Criticâ turbatione superueniente , absunt aliarum specierum excretionis iudicia , adsunt coctionis signa , & antecedentibus diebus vrinæ erant copiosæ , & crassæ . In hypogastrio , siue imo ventre , & in vesicæ regione , grauitas quædam propter vrinæ copiam in vesica contentam , per sentitur , vnâ cum quodam ardore , & pruritu extremitatis pudendi . Senili ætati , quàm cæteris , Perirrhæa est magis familiaris : Hyeme pariter , quàm Æstate , frequentius superuenit ; quoniam ob cutis densitatem , in senibus , & temporibus frigidis , serum , quod est sudoris , & vrinæ præcipua materia , vix per sudores euacuatur . Vnde in venis serum veluti coercitum , per vias vrinæ commodissimè excernitur : Et per nullam aliam viam humores superflui in vasis contenti , quàm per vrinæ vias , commodius , euacuantur .

Signa future Perirrhææ.

Cuncta vasa per vrinas , quam per alias vias , integri se exonerant.

tur. Vnde non solum corpus vniuersum Perirrhæa expurgatur quotidie, sed variæ corporis partes; vt lien, qui humorem melancholicum in se quandoque superflue accumulatum, per vias vrinæ abijcit: Materia item purulenta in Pleuritide, Peripneumonia, alijsue Thoracis affectibus, genita, & per os non euacuata, aliquâdo deorsum ad vias vrinæ relegatur, & rursus euacuatur.

Pulmo & thorax per vrinæ vias & aluum se exonerant.

Certant inter se Medici, per quas vias pus in thorace collectum, & Empyema constituens, deorsum ad vias vrinæ deponatur. Quod autem deorsum euacuetur, id affirmavit Hippocrates lib. 3. Epidem. Sect. 3. Galenus lib. 6. de locis affect. cap. 4. Quorum hic conceptis verbis ait, pulmonis vomitum per vrinas, thoracis per intestina expurgari, vt ipse experiëntiâ comprobauit: imò in capitis citati fine ait: Quoniam autem Erasistratus putat solum spiritum in arterijs contineri, hæc quæstio eius Sectatores non parum vrget: nobis verò nihil difficultatis affert, vtpote intelligentibus, quod læuis arteria (arteriam venosam intelligit) pulmonis, quantum puris ex erupta vomica suscipit, id in sinistrum cordis sinum deferre potest, quod inde in magnam ipsius arteriam incidens, per renes transit in vesicam: hoc tamen non ita crebro euenire videtur, vtpotè pure prius in asperas arterias magna ex parte transumpto. Laurentius hanc opinionem quadam Hollerij experiëntiâ, & alterâ suâ, confirmat.

Verior opinio.

Aliorum tamen mens est, pus per cordis dextrum ventriculum, & rursus per aortam euacuari non posse: quia spiritus vitalis in sinistro cordis ventriculo genitus, & in aortam effusus, puris factorem, & impuritatem, nequaquam ferre posset. Dicunt ergo, à vena azygos, siue sine pari, pus illud veluti fugi, & illinc per quendam eiusdem venæ rimum satis amplum, ad renes porrectum, transmitti. Cui sanè opinioni, quàm alteri (pace Galeni dixerim) libentiùs subscribo.

Partes quæ alui fluxu, & quæ perirrhæa purgantur.

Galenus dicto Capite, iuxta suam opinionem, sequentia scripsit: Igitur cum vrina expurgantur gibbæ hepatis partes, atq; omnes quotquot sunt his superiores: per aluum verò pars iecinoris remota, intestina, ventriculus, lien. Præter has aliæ quædam fiunt purgationes, sed rarò, vt cum thorax, & pulmo, per aluum purgatur: quæ infra septum transuersum positæ sunt partes, per vrinas. Rectè Galenus addidit particulam, rarò; quoniam reuera rarissi-

rissimè confert, aut sit alui fluxus in morbis thoracis, raròq; per vrinas quæ in thorace continentur superflua, euacuantur, & præfertim purulenta.

SECTIO IV.

De Signis instantis Sudoris.

IN superioribus de Sudoribus plura diximus, & Signum ab Hippocrate, Aphorismo 58. libri 4. Aphorismorum, relatum proposuimus. Tale enim signum, est rigor Febri ardenti superueniens; qui rigor morbum soluit, vt ille loquitur. Monuimus tamen, sudorem rigori succedentem, non autem ipsum rigorem, soluere morbum: Diximusque, rigorem ibidem cum sudore confundi, vel illum pro hoc, in aphorismo accipi.

Rigor morbum soluit.

Nemo est, qui doctiùs, clariùsque, signa imminentis sudoris proposuit, quàm noster Galenus libro 3. de Crisib. cap. vltimo, hac serie: Si igitur præter rationem (id est præter consuetum morum) alius comprimitur, vel vrina, iam propè crisi existente, rigorem sperare oportet. Si is adueniat, distinguendum est, nunquid sudor post ipsum sequatur, vel vomitus, vel subductio ventris, vel aliqua horum, vel omnia. Et primum quidem ad morbi ideam est inspiciendum. Si enim exquisitè incendens fuerit, statim certior erit, & rigoris præcognitio: quòd enim incendit, biliosum est. Dictum est autem in præcedentibus, quod humor iste, quando vehementiùs mouetur, rigorem facit. Post hæc autem & illud considerandum est, nunquid vrinis tantum, vel etiam aluo compressâ, rigit: Si enim ambobus, necessariò sudor multus subsequitur. Si verò vrinis solis, considerare oportet, nunquid alui excrementa plura, quàm priora, vel pauciora, ante crisi exierint: si enim plura, manifestiùs motus naturæ ad hunc locum est agnoscendus: si pauciora, ad sudores. Si verò & vomitûs signa affuerint, per has ambas excretiones iudicabitur: & vel magis per earum alteram, quæ magis præualebit, vel æquè per vtramq; quâdo æqualia quodammodo indicia affuerint. Si verò signa vomitûs non affuerint, solos sudores expectare oportet: & magis, quando ægrotantes delirauerint, incescente accessione, & partes exteriores calidiores,

Rigorẽ sequitur vomitus, aut alui fluxus aut sudor, aut omnes simul.

Signa omnia sudoris.

Pulsus vndosus.

Pulsus durus.

Altus, & vehemens.

ac rubidiores extiterint, & vapor quidam calidus exeat, qualis antea non aderat. Quòd si pulsus vndosus fiat, & insigniter mollis, adhuc ampliùs sudores expectare oportet. Durus autem pulsus, vomitus magis, quàm sudores, præostendere solet: altus enim omnis excretionis indicium est, sicuti & vehemens. Si verò magnus fuerit, motus ad exteriora potiùs, quàm ad interiora, signum existit. Cum verò vterque duplex sit, hic quidem, qui ad exteriora, per fluxum sanguinis, atque sudores: alter autem ad interiora, per aluum, & stomachum: vndosus quidem pulsus, sudores, magnus autem simpliciter fluxum sanguinis præostendet. Motu verò ad interiora superante, cum non aderunt signa vomituum, per ventris excrementa crisis fiet: si verò affuerint, per vomitum potiùs: si verò ea affuerint, & venter insigniter subducatur, per vtraq; fiet crisis.

Signum ex insomnijs desumptum. Urina rubra.

Mirabilis est Laurentius, afferens signa à Galeno enumerata, esse à Recentioribus inuenta, & addita rigori. Galenus præter relata signa, libro de dignotione ex Insomnijs, addit aliud. Qui, scilicet, sudores habiturus est, somniat se lauare, & natare in lacu aquæ calidæ. Auicenna dictis addit signis, intensum urinæ ruborem: qui color indicat serum esse bile valdè saturum. Bilis hæc ad cutem cum sero perueniens, pungit vellicatq; neruosas, membranosasq; partes, sed præsertim panniculum carnosum dictum. Hinc vniuersi corporis rigor. Sudor ergo commodè superuenit ardentibus, alijsque biliosis affectibus; hosque soluit. Bonos, malosq; sudores, fusè in superioribus exposuimus.

SECTIO V.

De Signis imminentis Hæmorrhagiæ.

Hæmorrhagia vere critica omnibus inflammationibus prodest.

Hæmorrhagia, etsi in lata significatione, omnem comprehendat sanguinis per quamcunque viam excretionem, à Medicis plerisq; accipitur pro exitu sanguinis per nares. Hæc euacuatio multos à febribus ardentibus, alijsque quàmplurimis inflammationibus, capitisque doloribus, liberat. Vt verbo dicam, hæmorrhagia, plerisque inflammatione, siue biliosa, siue sanguinea, laborantibus prodest, siue hæc inflamma-

tio viscera infestet, siue externas quasdam partes; siue eadem inflammatione vnus fuerit partis, siue plurium. Hæmorrhagiæ imminentis Signa proponuntur ab Hippocrate lib. 1. Eepidem. Sect. 2. tex. 55. hac serie: In ardentibus autem, cæterisque febribus, quos colli dolor, temporum grauitas, caligo oculorum, vel Hypochondrij etiam contentio, neq; cum dolore corripit, his è naribus sanguis erumpit. Fusè eadè scripsit doctrinam in Prognosticis, Sect. 3. textu 33. hoc ordine. Quibus verò per talem febrem dolet caput, & pro tenebris ob oculos offusis, hebetudines subeunt oculorum, ac splendor obuerritur: & pro otis ventriculi morsu circa hypochondrium, aut læuâ partè, aut dextra, aliquid contenditur, neque cum dolore, neque cum inflammatione: sanguinem de naribus in his fluere, pro vomitione expectandum est. Magis verò, & hîc in Iuuenibus sanguinis fluorem expectari oportet: agentibus verò trigesimum annum, aut etiam senioribus, minùs: sed vomitionem in talibus expectare oportet.

Eadè Sectione 3. Prognostic. textu 11. de Hæmorrhagia futura sequentia scribit Hippocr. Capitis autem dolores vehementes, continui cum febre, siquod ex indicijs extiterit exitiosis, lethales admodum sunt. Si verò sine talibus indicijs dolor vigesimum transeat diem, & febris detineat, expectari oportet sanguinis è naribus eruptionem, aut alium quempiam abscessum ad inferas sedes. Sed, quoad dolor fuerit recens, expectari oportet sanguinis eruptionem è naribus: aut suppurationem, si dolor alioqui circa tempora, ac frontem sit.

Galenus in Commentario rem hanc hac serie explicat: Inordinatiùs loquitur rem, quæ ad præsentendum maximè conducit, sed recto ordine textitur hunc in modum: Capitis dolores vehementes, & continui cum febre, siquod ex indicijs extiterit exitiosis, integrè lethales sint: si verò exijs, quæ didicisti, de ægro tanquam conualituro quicquam speres, à principio quidem ad septimum diem sanguinis è naribus fluorem expectato: procedente verò tempore, id etiam eueniet: Pus verò erumpet è naribus, aut auribus, in salutem ægri. Si verò ad vigesimum extendatur diem, doloris accidens in capite, tunc etiam sanguinis fluorè expectabis rariùs: magis verò suppurationem, aut abscessum ad inferas sedes expectato. Sed per illud tempus, quo sanguinis fluorem expectabis,

*Continui
dolores ca-
pitis lethales.*

*Tempus
morbi, quo
fit hæmorrhagia.*

augebit tibi expectationem, si in temporibus, aut frontē, dolor vehemens perseueret.

Textu 12. consequutiue sequenti serie loquitur: Magis autem expectari sanguinis oportet eruptionem in iunioribus trigintaquinque annis: in senioribus verò suppurationem. Galenus in commentario sequenti ordine loquitur. Finitio ducta ab ætate est, quo magis expectes sanguinis è naribus fluorem. Causa verò perspicua est, ac sæpenumerò prodita, quod ætas ad quintum, & trigessimum annum, plurimum gignat sanguinis. Accedit ad hoc, vt sanguis per hanc ætatem calidior, ac biliosior habeatur: at (vt antea dictum iam est) id quoque ad sanguinis eruptionem à natura factam idoneum est. In senioribus verò vltra trigessimum quintum annum expectanda magis suppuratio est.

Libro 3. de Crisib. cap. vltimo, Galenus adhuc clariori stylo futuræ hæmorrhagiæ signa exprimit, inquiens: Propria verò Signa profluuij sanguinis, quidam fulgoris motus oculis apparentes, quoniam humor est flauus: obtusiones autem, quoniam multus, & totus simul elatus ad superiora spiritus, meatus obserat. Ita autem, & oculi lachrymantur ob fluxûs multitudinem: quod etiam accidit in inflammationibus oculorû. Eodem modo rubidi aliquando videntur, cum malis nonnunquam, & naribus. Proprium verò signum sanguinis fluxûs è naribus, est etiam præcordiorum tensio sine dolore: nam, & hoc non paruum indicium est sanguinis ad superiora tendentis, sicuti etiam difficultas anhelitûs: nam, & hæc sanguine transeunte in thoracem fit. Si verò præcordia cum dolore extendantur, non fluxum sanguinis futurum, sed aliquam ibi adesse inflammationem, significant. Sed, & dolores capitis, quamuis commune signum existant vomituum, & fluxûs sanguinis: qui tamen velur mordaces sunt, vomituû: qui verò quodammodo grauant, atq; extendentes, pulsantesque, & calidi, sanguinis fluxum propriè significant. Sic etiam viscerum in præcordijs existentium inflammationes, causæ sunt vnâ, ac signa sanguinis fluxuum, quando morbus per excretionem debet terminari: Quod si ad latus diuersum sanguinem fluere non est bonû: secundum directum verò est bonum: vt docet Hippocrates, & experientia monstrat: iam tibi facillimû, est narem, ex qua fluxurus est sanguis, prædicere, vbi causam iam fluxuri sanguinis inueneris. Dex-

*Ad finem
vñq; iuuen-
tutis san-
guis auge-
tur, & ca-
lidus est,
ac biliosus,
adeoq; ad
exitu præ-
ptus.*

*Fulcoris
motus oculi
apparen-
tes, à bile
prouenit.
Visiois ob-
tuse causa.
Lachry-
ma.
Oculi, ma-
la, & na-
sus erube-
scunt.
Hypochon-
driorû ten-
sio.
Dispnaa.*

*Dolor ca-
pitis mor-
dax vomit-
û, grauius
pulsansq;
hæmorrha-
giam præ-
cedit.
Bona, ma-
laq; hæ-
morrhagia.*

tra enim præcordia ex dextra nare bonam crifim afferunt, finiftra verò ex finiftra. Didicifti verò priùs, & bonarum, & malarum crifium figna. Quid igitur difficile eft, narem, ex quâ profluet fanguis, prænofcere, cùm membrum patiens poffis exquisitè dignofcere: & crifis morem non ignores: & figna, quæ fluxum fanguinis indicant, fint euidenter manifefta? Præter hæc omnia, & ætas, & tempus anni, & regio, & agrotantis natura, futurum fanguinis fluxum poffunt manifeftare. Sanguinis igitur fluxûs, & vomitûs propria, & manifefta funt figna: poft hæc verò fudorum.

Ætas inuenilis hæmorrhagiæ apta.

Vix Textibus transcriptis quidpiam addi poteft. Nam nullius excretionis criticæ præcedentia figna ita exactè Hippocrates, & Galenus recenfuere, ficuti futuri vomitûs, & hæmorrhagiæ. Et fi quid breuitas Hippocratica hac in re habet obfcuritatis, à Galeno luculenter inueftigatur. Primum fignum futuræ Hæmorrhagiæ ab Hippocrate in Epidemijs recenfitum, eft colli dolor; qui quidem à fanguine cum impetu ad caput afcendente, & colli iugulares venas, tam interiores, quàm exteriores, aliasque minutiores, nimium diffendente, & accendente, nafcitur. Nec folùm venæ, & arteriæ tunc alterantur, & diffenduntur, fed cæteræ partes, vt membranae mufculorum, mufculique ipfi, fibris, & venulis pleni quos vapores quidam ardentes fumantesque, è vafis, & exilioribus meatibus erumpentes, peruadunt, penetrant, infeftant. Non mirum, ergo, fi à fanguine feruente, furfum vehementi impetu confcendente, adurentibusque vaporibus, collum, fuppositis partibus anguftius, intumefcat, doleatque. Vt enim maior fit agitatio, & æftus maris, in faucibus æftuarij, quàm in anteriori, citeriorique parte, ita pariter contingit, quoties è corpore lato per collum ad caput cum impetu confluit fanguis feruidiffimus.

Primum fignum infantis hæmorrhagiæ, eft colli dolor.

Secundum fignum hæmorrhagiæ, eft temporum grauitas; quæ quidem à fanguine copiofo, quo venæ temporum funt refertæ, oritur. Nec tempora tunc grauatiuo dolore, fed infuper extendente, & pulfante fiue lancinante, & calente (fi ita loqui fas eft) infeftantur: grauamen enim, & tenfio vaforum, ac membranarum, in febricitantibus, fanguinis copiam indicant: Pulfatio frequens fit in arterijs temporum, quæ tunc immodicè comprimuntur à venis, alijsque vicinis partibus repletionem laborantibus.

Secundum fignum eft temporum grauitas.

Tertium fignum, eft oculorum caligo. Caligant quidem oculi, quia

*Tertiū si-
gnum, est
oculorū ca-
ligo.*

quia copiosissimorum vaporum ad caput delatorum portio non-
exigua, per neruos, opticos dictos, exire tentat; hosque ita semiob-
struens, spiritibus animalibus ad oculos liberum negat descensum.
Obstructio ergo neruorum, visum hebetat; & pars vaporum, quæ
in oculi corpus transcurrit, eundem visum nō mediocriter contur-
bat; cū vapores illi inclusi humori chrySTALLINO obuersentur, eiusq;
luciditatem obscurant. Hanc ob causam Hippocrates rectè pronū-
ciauit, hæmorrhagiæ prænuncium esse oculorum caliginem. Qui-
dam Interpretes rem variè exponunt: Nam nonnulli oculorum
caliginem præcedere dicunt; vt videre licet in textu translato ex
libro 1. Epidem. in quo oculorum caligo habetur: Alij autem lo-
co caliginis oculorum, visus habitudinem scribunt, vt habetur
libro 3. de Crisib. cap. 11. & vltimo, vbi Galenus citatam Pro-
gnoseos Sententiam introducit. Sed hæc diuersitas dicendi modi-
ca est: Nam vox Græca *αμβλυωμής*, idem est ac hebetudo, ob-
tusio visus, retusa oculorum acies, cæcutientia. *Αμβλυς* enim,
idem est, ac obtusus, hebes; & propriè de ferro dicitur, cuius acies
est obtusa: Transfertur ab acie ferri ad aciem oculorum. Potest di-
cta vox Græca etiam dici caligo. Libro autem 1. Epidem. Senten-
tiâ à nobis translata habetur. *Σκοτιώδεις*, id est caligo vertiginosa.
Video tamen in hoc eodem textu cap. vltimo lib. 3. de Crisib. hæc
haberi verba: Et tenebræ oculis oboriuntur. Qui sensus nō est om-
ninò repudiandus; nam visus hebes etiam si à fuliginibus non pro-
cederet, tenebrosus dici potest.

*Splendoris
oculorum
causa.*

Dixit in Sententia Prognos. Hippocrates, non semper appare-
re hebetudinem oculorum, sed hanc, aut splendorem. Splendoris
causam, sanguinem biliosum statuit Galenus. Græcè enim habentur,
ἢ μαρμαρυγὰν παραίνονται, id est, aut splendores ob oculos
obuersantur: vel, vt habet Codex Fœsij: vibrantesque splendo-
res obuersari videntur.

*Quartū si-
gnum futu-
ra hæmor-
rhagiæ, est
dolor capi-
tis.
Eiusdē do-
loris causa.*

Quartum Signum, est dolor Capitis, qui eandem cum colli do-
lore causam habet, id est sanguinem feruentem, vaporesque co-
piosissimos, capitis, tam internas, quàm externas partes, replen-
tes, distendentesq; simulq; suo feruore phlogosim concitantes,
Meninges distenduntur præ nimia, repletione vasorum ipsarū
insertorum: feruor sanguinis insuper easdem accendit; ita vt cæ-
dem exquisito præditæ sensu, illicò ex obiectis improporionatis

molestiam concipiant; quæ molestia dolor est, isque grauatiuus, lancinans tamen, siue pulsabilis; & absq; dubio pungitiuus. Nam meninges membranæ sunt, sicuti pleura: quare cùm in hac inflammata dolor punctorius percipiat, similiter in menyngibus pari affectu infestatis. Nec solum meninges, sed pericranium, duræ menyngis germen, tunc patitur: patiunturque, quæ idem contegunt, partes; cùm capitis vniuersæ partes sanguinem, & humores ab infernis partibus, pro cuiusq; naturâ, æquè suscipiant.

Meninges æquè ac Pleura, dolore punctiuo afficiuntur.

Quintum signum hæmorrhagiæ mox futuræ, sunt lachrymæ, eæque inuoluntariè profusæ. Caput quidem in ardentibus febribus perpetuò vapores copiosissimos, vi nimij feruoris humorum, vniuersi corporis, sursùm sublato, humoresq; ipsos tenuiores, aut attenuatos, suscipit: quos susceptos, tanquàm superfluos, quoquo uersum, facultatis expultricis ope, per consuetas vias, deturbat. Consuevit autem Cerebrum superfluitatibus refertum, aliquando per oculos sese exonerare. Lachrymæ ergo tunc, ob humoris ad oculos delabentis vbertatem, nobis nolentibus, emanant: imò humoris redundantia ophtalmiam, siue oculi inflammationem efficere videtur, pruritumque oculis, ratione caloris immodici, si non acredinis, infert. De lachrymis inuoluntarijs hæmorrhagiam præindicanibus hac serie loquitur Hippocrates lib. 1. Epidem. Sect. 2. Quibus inuitis per febres acutas, atq; adeò ardentes, lachrymæ effluunt, in his, dum cætera exitialiter se non habeant, sanguinis ex naribus profluuium expectandum est. In his siquidem, qui malè habent, non sanguinis eruptionem, verùm mortem portendunt.

Quintū signum, sunt lachrymæ.

Cur lachrymæ præter voluntatē emanant.

Prognostica sententia Hippocratis.

Sextum imminentis Hæmorrhagiæ Signum, non semper, sed quandoque apparens, est quoddam delirij præludium. Nec mirum; cùm spiritus animalis, cerebrumq; principum facultatum sedes, ambienteq; partes, veluti incendio æstuent. Ex hac ergo intemperantia error in imaginatione saltem cōtingere potest; vti accidit ei, cuius historiam scripsit Galenus Libro de Præcognitione ad Posthumum cap. 13. & vltimo, hac serie: Quintum namque morbi diem iuuenis quidam agebat: ac licèt idoneum tempus sanguini detrahendo præterijssè videretur, quia tamen nec anni tempus, nec ægrotantis ætas, nec virtutis imbecillitas, nec deniquè victus, qui morbum antecefferat, aduersabatur, sed vno consensu omnia sanguinis missionem significabant, Medici venam incidere

Sextū hæmorrhagiæ signum.

Historia Iuuenis, scitu, & obseruatione dignissima.

decreuerunt: idque tempestiuum fore cæteri arbitrabantur. Ego verò diligenter omnia contemplatus, quæcunque ab Hippocrate tradita sunt signa illorum, quibus fluxurus est sanguis, benè quidem eos in opinionem mittendi sanguinis venisse dixi, verù n.

Natura non interpellata à Medicis rectè sapè agit.

Naturam id, quod se grauaret, expellere festinantem, breui admodum, etiam si nihil ipsi egerint, idem vltra factura n. Dum Medicis hæc admiranda videntur, æger è lecto se sustulit tanquam profiliturus, interrogatusque, cur exili re voluisset, cum nihil adesset, ob quod id facere debuisset, rubri coloris serpentem per laquearia repentem à se visum expauisse respondit, ne, si aliquo modo aberrasset, supra se ferretur, atque idcirco se è lectulo aufugere velle. Reliquis nihil hoc ad futurum sanguinis fluxum conferre visum est: mihi verò cum alia singula perpendenti, tum ruborem, qui prius in dextra nasi parte ad malam vsque, obscurus fuerat, auctum valdè intuenti, sanguinis paulò post à dextra nare fluxuri manifestum id attulit indicium: atque ideò cuidam ex ægrotantis familiaribus summissa voce præcepi, vt vas aptum sanguini recipiendo sub veste promptum haberet: atque inde ad Medicos conuersus, alta voce dixi: Si parumper expectaueritis, sanguinem è dextra nare fluentem videbitis. Riserunt illi, quod antedictis, à dextra nare adiecissem. At, inquam, vel vtrumque cucinat, oportet, vel alterutrum me decipiat: nam, & quòd sanguis fluxurus sit, & quòd è dextra nare venturus, arte Medica præsciri potest. His dictis, eum, qui vas sub veste occultum habebat, inter obseruandum admonui, mentem adhiberet, quid ægrotus ageret, ac, cum sanguinem erumpentem videret, accurrens vas supponeret. Vix hæc dixeram, cum ecce digitum è naso sanguinolentum iuuenis extraxit: tum familiaris accurrens, vas subiecit: quod cū fieret, magno (vt scis) clamore oborto, Medici quidem omnes dilapsi sunt. Ego verò tibi rerum mearum studioso, quo pacto id præsciuissem, idque ex Hippocratis monumentis, exposui: atque insuper illud etiam addidi, vehementem sanguinis fluxum expectandum, eò quòd Naturæ impetus vehemens, & morbus adhuc crudus esset: Consueuisse verò hisce de causis immoderatas exinationes fieri. Atq; ideo, cum parumper adhuc morari vtilius esse laboranti cognoscerem, puerum, qui me sequebatur, ad accipendam magnam cucurbitulam misi, idq; reliquis inscijs faceret, iussu.

Hæmorrhagia signa.

Morbo crudo, dum modo vehemens sit, hæmorrhagia superuenit, & opio sa.

Cele-

Celeriter itaque, cū multum sanguinis in vase collectum vidissem, altero vase postulato, sanguinem, qui fluxerat, excepi: quem ut comperi, librarum quatuor & dimidiæ pondus æquare, ægrum capite in scapulas dimisso collocaui, ac naribus frigidam poscam attraheret, præcepi: fronti spongiam aquâ mulsâ madentem imponui: brachia, & crura vinculis obstrinxi, quæ cū minùs conferrī viderentur, postremò cucurbitulam in præcordijs ad dextrum latus adegi: statimque sanguinis fluxum cohibui: quod remedium etiam ex Hippocratis arte sumptum fuisse te docuimus. Atq; idcirco, & hæc, & alia omnia, quæcunque medicando peregi, literarum monumentis commisimus. Nam, quomodo rigorem, alui profluuium, vomitum, immodicam urinæ multitudinem, suppressionemue, sudores, abscessus secus aures, aut ad alia loca, delirium, dementiam, ac demum alia omnia ægris obuenientia, præcognoscere conueniat, scripsimus. Quædam verò, sicuti prius dicebam, is, qui prius ista nouerit, per seipsum excogitabit: quemadmodum, & nos in filio Boëthi fecimus, Amante foemina, & Atrienfi timente.

*Remedia
contra pro-
fusam Hæ-
morrhagiam.*

Flauius Boëthus Vir erat Consularis Romæ, isteq; Peripatheticus, qui Galenum pro altero suo filio Cyrillo recidiuam patiente acciuit. Cyrillum hunc clam comedisse cibū, dū mater balneo uteretur, diuinavit Galenus. Qui solita perspicacitate munitus, Iusti uxorem mæstitia tabescentem vocatus adiuit, & ex pulsu deprehendit, ipsam, Pyladis Histrionis amore, torqueri: quòd nimirum mulieris pulsum varijs modis subsultasse agnouerit, vbi nunciatum esset, Pyladem eo die saltasse. Sed credibile est, Galenum ægræ libidinem ex eiusdem ægræ ancilla expiscatum esse: cū ipse Galenus fateatur, se varia de ægræ rebus ex ancilla audiuisse. Ut sit, noster Galenus Erasistratum imitatus, suam diligentiam in Arcanis industriâ Medicâ scrutandis exhibet. Erasistratus, ut cap. 6. libri de Præcognitione ad Posthumum, refert Galenus, Noueram à Priuigno amari cognouit ex pulsu. Atrienfis cuiusdam meminuit Galenus; qui Atrienfis famulus erat viri cuiusdam diuitis: Herus huic seruo imperans, ut rationem redderet pecuniarum, quas administrauerat, Seruus pecuniarum summæ non parum decesse sciens, mæstitiâ afficitur, & præ moerore vigilabat, animumque despondens tabescebat. Galenus accitus nouit per-

*Flauius
Boëthus.*

*Galenus in
diuinando
perspicacis-
simus fuit.
Qua ratio-
ne depre-
henderit
Galenus
Iusti ux-
orem amore
torqueri.*

*Historia
Atrienfis
serui tabe-
scentis.*

optimè hunc febre vacantem , sicuti Iusti vxor erat , dum Pyladis amore capta esset , ex animi perturbatione malum omne emerfisse : & , cùm iussu Galeni , Herus Seruo indiceret , sibi sufficere superstitēs pecunias , tertio die ab hac benigna prolatione Heri , seruus conualuit. Et hæc de vltimis contextûs Galeni verbis.

*Septimum
signum hæ-
morrhagiæ
mox futu-
ra.*

Septimum Hæmorrhagiæ mox futuræ indicium , esto aurium tinnitus , qui à nimia plenitudine oritur : Capite porrò sanguine , & vaporibus referto , partes eius omnes dilatantur ab eodem sanguine , aut vaporibus exitum quærentibus . Non mirum ergo , si tunc quandam persentiant aures molestiam , cùm per has etiam Natura sordes quotidie excernere consueuerit . Per has enim , per os , & nares , manifestè euacuantur Cerebri superfluitates.

*Octauum
signum.*

Octauum Signum , esto nariû titillatio . Sicuti enim in colis , siue membri virilis extremitate pruritus quidam , appetente vrinæ exitu , nascitur , ita pariter naribus contingit , quando Natura per harum venulas sese exoneratura est.

*Nonum si-
gnum , non
tamē sem-
per appa-
rens.*

Nonum Hæmorrhagiæ Signum , esto nafi , & vniuersi vultûs , rubicundus color , à copioso sanguine , eoque tenui , sursùm ad caput sublato , ortus . Galenus non semper , sed quandoque hoc signum præcedere hæmorrhagiam Capite vltimo lib. 3. de Crisibus dictauit.

*Decimum
signum.*

Decimum Signum Hæmorrhagiæ , est Hypochondrij tensio , siue distensio , cum fugaci difficultate respirandi . Hippocrates Libro 1. Epidem ait , præcordia intenduntur : vt habetur apud Galenum Libro 3. de Crisibus , cap. vltimo . Sed Hippocrates Venetijs impressus cum Annotationibus Mercurialis , habet , Præcordiorum distensio . Codex Foësijs , Præcordiorumque contentio . Sanè , duos comittunt hi Interpretes errores . Primus est , quòd Præcordij voce , loco Hypochondrij vtantur ; cùm Præcordium , & Septum , transuersum , siue Diaphragma , sint idem , vt ex Galeno alibi intulimus : quòd fit , vt malè præcordium pro Hypochondrio vsurpent : cum hoc ab illo discrepet . Secundus error est , quòd in plurali loquantur , cùm in singulari loquutus fuerit Hippocrates . Nam Libro 1. Epidem. ait : ἡ τῶν ὑποχονδρίων ξυσπικία , id est , & hypochondrij contentio . Et libro Prænotionum , siue Prognosticorum , ἐν τῷ ὑποχονδρίῳ , id est , in hypochondrio . Multum enim refert hæc scire : quoniam non est necesse , vt in ambobus hypochondrijs fiat

*Interpretû
Hippocra-
tis errores.
Præcordiū,
& Hypo-
chondriū ,
differunt.
Præcordiū,
& septum ,
transuersū ,
siue diaph-
ragma , sunt
idem.*

contentio, quoties sanguis criticè erupturus est; sed dextrum hypochondrium quandoq; , aliàs verò sinistrum, quoties ratione lienis potissimum hæmorrhagia superuentura est. Hæc distinctionem posuit optimè Diuinus Senex textu citato Prognosticorum, determinans contentionem illam fieri in dextra parte, aut sinistrâ hypochondrij: pro dextra dextrum hypochondrium, pro sinistra sinistrum intelligens.

Fit ergo distensio quædam subita hypochondrij, sed magis ordinariè dextri, quia sanguis in hepate, huiusque venis impensè feruet, & ob feruorem attenuatus maiorem acquirit locum: vasa idè omnia magis, quàm antea, amplificantur, tendunturque; tensa intumescunt, & hepar consequutiue intumescere cogitur; tumidius profundiusq; factum, eleuatur, eleuatum maiorem acquirit locum. Vnde fursùm aliquantisper præ tumore extensum, diaphragma, vnum ex præcipuis respirationis instrumentis, attingens, eiusdem diaphragmatis liberum impedit motum: hinc respirandi difficultas, sed fugax, vt dixi, siue brevis; quoniam distensio, eius causa, etiam fugax est, & parùm durabilis. Motus autem impetuosus sanguinis in hepate, & venis, durat solummodò, quàm diu è iecore, & vasis, feruidior tenuiorque sanguis fursùm ex his in thoracem, & rursùs ad caput transcendit: quod sanè permodico tempore perficitur. Distensio illa hypochondrij sine dolore fit; quia non ab Hypochondriorum inflammatione, sed solummodò à fugaci dilatatione vasorum, hepatisque, nascitur.

Prædictis omnibus signis addere licet signorum aliarum excretionum absentiam, veluti magnum pulsum.

Ad hæc omnia non parum conferunt, & ætas, & tempus anni, & Regio, & ægrotantis Natura: quæ omnia si calida fuerint, Crisim per Hæmorrhagiam breui fore præmonstrant, dummodò propo-
posita hæc tènus signa appareant.

Quasdam Sententias doctrinam expositam confirmantes, ex Hippocratis lib. 1. Prorrheticorum huc transferre placet.

Textus 55. Sect. 3. hac serie scribitur: Hypochondrij tensio, cum capitis grauitate, & surditate, & quæ splendores perturbant, sanguinis denunciant profusionem. Galenus in huius textûs commentario ait, inter signa hæmorrhagica, reposita fuisse ab Hippocrate, in Prognosticis, tenebrosa, Verba hæc in hoc textu posita, &

quæ

Sinistrum hypochondrij distenditur, dum ratione lienis hæmorrhagia superuenit.

Hepar tumidum, diaphragmatis liberum motum impedit.

Respirandi difficultas fugax.

Motus impetuosus sanguinis in hepate, & venis, non diu durat.

Distensio hypochondrij, quando cum, aut sine dolore.

Alia signa Hæmorrhagiae.

Ætas, anni tempus, Regio, & ægri natura, etiâ hæmorrhagiæ præmonstrant.

Varia sententia Hippocratis, de Hæmorrhagiæ futura.

quæ splendores perturbant, idem significant, ac tenebrosa oculis opponi instante hæmorrhagia.

Textus 56. Vndecimo die sanguinis, stillicidij instar, fluores difficiles. Galenus in commentario ait: Cum autem omnes è naribus stillationes difficiles sint, quoties crassæ, & nigræ distillationes fuerint, maximè perniciosas has reperies. Si verò tale quippiam diebus quibusdam, vel indicatorijs, vel iudicatorijs, contingat, certius præostendisse licet.

*Stillicidiū
sanguinis
nigri, &
crassi è na-
ribus, per-
niciosum.
S. gñū hæ-
morrhagia.*

Textus 57. Qui in horroribus simul iudicatoriè sudant, postri- diè verò, vbi inhorruerint, præter rationem vigilant, hos sangui- nis eruptionem incursum puto.

*Rigor lan-
guini flu-
xionem si-
stir.*

Textus 58. Quibus principio largum sanguinis profluuium, ri- gor fluxionem sistit. Galenus in commentario ait: Est, quando ri- gorem moderatum videmus prægressum sanguinis profusionem in corporis plenitudine: turbationem etenim in ipso faciens, na- turam ad excernendum, quod infestat, irritat. Magna igitur ex parte sudores, vomitusq; bilioforum, & deiectiones, ex rigore fiunt, contingit verò, & interdum, vt dixi, per sanguinis profu- sionem, copiam euacuari.

Textus 59. Sin copiosa superuenerit sanguinis profusio, in- contrarium reuellitur: Ex hæmorrhagia rigores longi. Sententia hæc obscura est, nec Galeni interpretatio integram præbet clarita- tem. Vbi morbum non sedauerit sanguinis eruptio, exceperitque eam rigor, utroque modo longus redditur: tum quia difficulter corpus recalescit, tum quia pluribus diebus perdurat, magna quidem ex parte per circuitum, quandoque verò, & vagabun- dè. Hic, iuxta Galeni mentem, sensus est verborum Hippocra- tis, sed parùm perspicuus: nam dubitatur, an de morbi longa du- ratione, eiusdemq; periodica, aut erratica repetitione loquatur, an verò de rigoris lōgitudine, & repetitione regulari, aut erratica.

*Explica-
tur Hippo-
crates.*

Ex ipsius ergo Hippocratis verbis claritas expiscanda. *Ὅταν
ἔξ ἀρχῆς αἰμορραγία λαύρα, ῥίγος ἴσῃσι ῥύσῃ*: id est. Quibus ab initio, siue à principio hæmorrhagiæ copiosæ, siue multæ, rigor fluxionem sistit. Et rursus ait: *ἐξ αἰμορραγίας ῥίγες μακρά*: id est, ex hæmorrhagia rigores longi. Hinc patet, textum Hippo- cratis à nobis ex Galeno desumptum, esse prorsus truncatum: ad- eoq; perobscurum.

Textus 60. iuxta ordinem à Galeno obseruatum: Quibus capitis, ac ceruicis dolor, & totius corporis cum tremore infirmitas, ab ijs sanguinis eruptio liberat. Quin etiam ista tempore dissoluuntur.

Sanguinis eruptio quos morbos sanat.

Textus 53. Quibus è naribus copiosa, violenta, & multa fluūt, ad conuulsiones hi interdum deducuntur; venæ autem sectio soluit. Nō simpliciter, & absolutè, in sanguinis eruptionibus conuulsiones ascesci asseruit Hippocrates, sed interdum. Galenus in Commentario rem hac serie confirmat: nempe, & nos sæpius vidimus in hæmorrhagijs huiusmodi conuulsos aliquos, non solum ob exuberantem vacuationē, quam *ὁπείπερ* vocant, sed etiam propter refrigerationem, si Medici caput refrigerauerint; sanguinis profusionem retinere volentes. Quod autem in dictionis calce dictum est, venæ sectio soluit, ante sanguinis profusionem adhibita. Constat autem, quod grauata sanguinis multitudine Natura, excitata quidem sit ad ipsius euacuationem, sed modum obtinere non valens, vocatam à Recentioribus Medicis *ὁπείπερ*, id est superuacuationem, fecerit. Potest autem; & vehementius ipsius hæmorrhagiæ auxilium, sectionem venæ dixisse: nempe, & nos sæpius auxilium experti sumus, perspicuè immoderatam sanguinis lationem sistentes. Quod autem manum recto tramite nari, vnde sanguis abundè fluit, respondentem secare, manūsque eiusdem humeralem venam ferire oporteat, liquidò constat omnibus. Si verò ex nare vtraquē fluxerit sanguis, secare ambas nihil prohibebit: non enim per eas vacuationis, sed reuulsionis gratiā, sectionem facimus. Hæc Galenus per se clarus. Ego sanè non rarò vidi quosdam ad Orci fauces reductos propter immodicam hæmorrhagiam, etiam Criticam; nec mirum, cum magna ex sanguinis, & spiritus euacuatione oriatur inanitio. Natura enim quandoque tanto cum impetu euacuationem materiæ morbificæ aggreditur, vt laxata semel lora sine auxilio retrahere nequeat. Non solum ergo parca hæmorrhagia malum est signum, sed & copiosa malum signum, malaque causa, virium iacturam inuehens.

In hæmorrhagijs cur aliquando fiat conuulsio.

Sectio venæ hæmorrhagiæ sistit.

Hæmorrhagia immodica, etiam Critica, cur mortem sepe afferat.

Textus 52. Ventris quoque palpitationes cum hypochondrij tensione sublonga, & tumente, sanguinis indicant eruptionem; inhorrescunt autem hi. Sectione 1. Prognosticorum de pulsu in hypochondrijs loquens Hippocrates, ait: Si verò pulsus in hypochondrijs

Signū hæmorrhagiæ incertum.

*Pulsatio in
hypochon-
drio, quid
indicer.*

po chondrio insit, perturbationem, aut dementiam indicat. Monet Galenus, pro pulsu ventris, palpitationē intelligi. Nonnulli verò, pulsum in contextu nominatum, accipi volunt pro motu Aortæ, siue magnæ arteriæ spinam perreptantis. Græcâ vox, Παλμοί, in contextu habetur, & Latinè, Palpitationes sonat. Caterùm siue in hoc sensu, siue pro pulsu accipiatur, non est futuræ hæmorrhagiæ certum indicium, quoties ventri inferiori superuenit. Nam palpitatio, aut pulsus in multis persentitur Hypochondriacis, quibus proinde nulla superuenit hæmorrhagia. Tenenda ergo solummodò Hippocratis electior sententia, Sectione I. Prognosticor. posita, vbi de oedemate duro, & dolente, id est, de inflammatione, siue phlegmone hypochondriorum, loquitur: Accidit, inquit, his in prima circuitione, etiam sanguinis è naribus fluor, atque admodum iunat, sed requirendum est, num doleant caput, an hebetudines subeant oculorum: si quid enim horum fuerit, eò (id est hæmorrhagiam significat breui futuram) tendet. Magis tamen in Iunioribus quinto & trigésimo anno, sanguinis fluorem expectare oportet. Iuuenibus, qui trigésimum quintum annum nondum attigère, hæmorrhagiam facilius, quàm Senioribus, superuenire ait, quia copioso præditi sunt sanguine Iuuenes, iuxta & Adolēscētes; viribus insuper pollent, & calidiores cæteris sunt. Quæ omnia Criticam promouent hæmorrhagiam.

*Iuuenes, &
Adolēscē-
tes, cur pro-
niores ad
Hæmor-
rhagiam,
quàm Senes.*

*Hæmor-
rhagiæ si-
gnum.*

*Menstrua
& Dysen-
teriā, quæ
possint pro-
nocare.*

*Concutien-
tia caput,
quæ.*

*Menstruo-
rū futuro-
rum signū.*

*Rigoris
vis.*

Textus 51. Et per nares sanguinem profundere sperandum est ea, quæ caput concutiunt; & quæ sonitum faciunt, sanguinem profundere, vel muliebria (siue menstrua) deducere, tum aliàs, tum si in spina æstus insequetur: fortè verò, & Dysenteriam facere. Concutientia caput, secundum quorundam opinionem, teste Gal. in Cōment. sunt omnia symptomata capitis: secundum alios, sunt temporalium venarū palpitationes, pulsationes vel tremulæ, vel vibrantes, quæ corpus quodammodo, sed maximè caput, concutientes, hæmorrhagiam aliquando, aliàs menstrua prouocant.

Textus 60. Quibus ex rigore febres lassitudinariæ fuerint, muliebria his decurrunt: ceruix autem in his dolens, sanguinis indicat eruptionem. Rigor enim, de quo sæpè loquitur Hippocrates, hoc habet, vt totum corpus concutiat; vnde naturam ad superflui euacuationem excitat, adeòq; sanguine redundante, mulieribus menstruam purgationem, dummodò tempus adfuerit eiusdem

purgationis, quæ per circuitum repetit. Purgatio quidem menstrua extra circuitum, debitamue periodum, superueniens, vix bona est, sed potius indicio est, Naturam præ molestia morbi, ad talem euacuationem cogi. Critica ergo vt sit, consueto tempore vt superueniat, est necesse. Si verò ceruix à rigore, vel rigoris tempore, doluerit, signum est vergentis sanguinis ad superas partes: quo tempore non menstrua purgatio, sed sanguinis per nares profusio expectanda.

Textus 49. Quæ ex naribus cum surditate, & ignauitate, siue torpore, parua est stillatio sanguinis, difficile quippiam habet: Vomitus his confert, ventrisque perturbatio. Sanguinis stillam, tantquam irritatæ, & non viuentis Naturæ, indicium, vbique damnat Hippocrates: vt libro 1. Epidem. constitutione Temporis tertiâ, vbi de audentibus febribus verba faciens, mox ait: Quibus quidem benè, ac largè sanguis per nares erupit, per hoc maximè seruabantur: & nullum noui, qui in hac constitutione mortuus esset, si rectè ipsi sanguis profluxisset. In Philisco enim, & Epaminone, ac Sileno, quarta, ac quinta die parum de naribus stillauit, & moriebantur. In Coacis Prænotionib. eadem de stillicidio habetur doctrina: Oculorum rectitudo in morbo acuto, & motus velox, & somnus turbulentus, & vigilæ, & quandoque sanguinis è naribus stillationes, nihil boni. Et alibi in eodem opere, ait: Quæ in diuturnis exigua apparent sanguinis velut effluuia; mortifera. Et alibi in eodem opere: Vndecimum diem agentibus substillam sanguinis mala sunt: idque cum aliàs, tum si bis fiat, & redeat. Item: Perexigua stillicidia, mala. Item: Exigua quædam superapparere, velut sanguinis substillam, vrinas, sudores, vomitus, deiectionesque eiu smodi; est quidem omninò malum, sed eò peius, quò frequentius reuenterint. Et alibi: Qui ab initio, & continenter sunt Comatosi, vnà cum Capitis, Lumborum, Ceruicis, Hypochondrij, dolore, somni expertes; etiamne Phrenitici? Substillum narium in his mortiferum; idque cum aliàs, tum verò quartum diem agentibus, aut ineuntibus morbum. Mala etiam proluuies alui prærubra. Et alibi: Si quis in febre laboriosa, cum perhorruerit, nonnihil criticè exudarit, indeque febris acuta exarserit, funestum: idq; cum aliàs, tum si in hoc negotio sanguis stillarit. Et alibi: Si lateris morbo substillum incidat sanguinis è naribus; graue malum. Et

H h h

alibi:

Menstrua extra debitam periodu vix sunt bona.

Purgatio menstrua Critica, quæ.

Ceruix dolens à rigore, quid indicet.

Stillam sanguinis pestimum Signum.

Larga sanguinis hamorrhagia die critico superueniens, communiter bona.

Nulla parua euacuatio, bona.

alibi: Quæ cadunt in Peripneumoniam prærubra multum stillicidia, mali sunt ominis.

Hæc de sanguinis stillicidio, occasione textûs traducti 49. dicere volui, quoniam res est non parui momenti. Eundem text. 49. repetit Hippocrates in Coacis Prænotionib. hac serie: Quibus ad surditatem, atque torporem, substillum accedit narium; aliquid præ se fert mali: Profuerit autem hos vomere, alioque turbari. Eandem hanc sententiam in iisdem adhuc Coacis præscripsit.

Sed scire par est, cur tam frequenter stillicidium sanguinis in febribus reprobauerit Hippocrates. Primo, parca hæmorrhagia (sicuti quævis exigua euacuatio) damnatur; quia nihil paucum est Criticû, vt cû Galeno consentiunt pleriq; Medici: Secundo, exigua hæmorrhagia, mala est, aut mortifera, vt signum, mala denique aut mortifera, vt causa. Stillicidium mortiferum est, vt signum, prout experienciâ compertum est; ex qua experientia axioma modo propositum, nihil paucum est Criticum, emanauit. Ratio confirmat istiusmodi signi prauitatem: est porro certum indicium, vel oppressæ præter modum, vel adhuc fatiscantis Naturæ. Substillum sanguinis, causæ etiam mortiferæ rationem obinet, vt bene notat Duretus: quoniam ex irrita contentione naturæ, frustra que tentato sanguinis profluio, maior infirmitas comparatur; ipse autem morbus vires acquirit cundo, vnde grauiorum symptomatum accessione natura iam effœta corrumpitur in totum, & ad interitum cum certa desperatione perducitur.

Vt hæc doctrina dilucidior videatur, sciendum est, τὰ ἐπιφαινόμενα, id est, superapparentia, signa scilicet de nouo contingentia, varias habere conditiones, vt bona, malaue dicantur. Non de omnibus Epiphænomenis, sed de Excretionibus tantummodo hîc loquor: cuiusmodi sunt in pleuritide sputa; pus è vomica siue Aposthemate excretum; deiectiones, in alui morbis: vrinæ in venosi generis incommodis, &c. Ex quorum qualitate, copiâ, & excernendi modo (vt Duretus optimè post Galenum refert) significatio fit rerum, aut benè, aut malè gestarum in partibus, vnde manant; & ex quibus argumenta ducuntur breuitatis, aut diuturnitatis, secundi, aut sinistri iudicij. Galenus, vt dixi, rem hanc declarans lib. 3. de symptomat. caus. cap. 4. ait: Siue namque ex naribus, siue auribus, siue palato, siue oculis, siue faucibus, siue vtero,

siue

*Nihil
paucum
criticum.*

*Stillicidiû
sanguinis
malum vt
signû, ma-
lû vt cau-
sa.*

*Quæ ex-
cernuntur
statû par-
tium è qui-
bus emo-
uentur, in-
dicant.*

siue ex reliquorum quouis, excernatur quid: tum quantitas eius attendenda est, tum qualitas, itemque excernendi modus.

Hoc posito, sanguinis è naribus stillicidium, pessimam excretionem esse constat, quoniam quantitate peccat deficiente; quæ ob sui exiguitatem debitæ atque necessariæ euacuationi minimè correspondet. Si autem parca excretio corresponderet causæ morbificæ magnitudini, eandem causam integrè, aut bona ex parte, è corpore eueheret, & ratione sequelæ, morbum omninò suppresserit, vel eius vehementiam magna ex parte hebetaret adeò, vt natura morbo longè superior euaderet. Ratione ergo parcissimæ quantitatis excretæ, parca illa hæmorrhagia pessimi signi instat se habet.

Si denique qualitatem perpendamus, sanguis stillatim excretus prauus est, & colore, & consistentiâ: vt visum est in Philisco, qui sanguinem excreuit non solum merum, sed crassum, & paucum quinto febris die, & sexto defunctus est, docente Hippocrate lib. 1. Epidem. Ægrotò primo. Galenus in Commentario rem exponens, inquit: In stilla verò si accipiamus purum sanguinem, rubrum (quando eius hic est peculiaris color) falsi quippiam cogitemus. Rubri nam stilla haud est in morbo exitiali visa vnquam, sed atrii semper. Proinde verisimile est, hunc ipsum atrum dicere Hippocratem, merum, intelligereq; vehementer atrum.

Dictum à nobis cum Galeno in superioribus est, mera, siue meraca, siue syncera excrementa, praua esse: Impermixta enim talia sunt: id est, aliorum humorum commixtione carent. Nec humores hîc accipimus pro quattuor humoribus communiter dictis, sed in ampliori sensu, pro quouis humore: Et ita humorum ichores, siue serositates, humoris nomen obtinent. Non solum ergo syncerus, siue merus, siue meracus dicitur humor melancholicus atrabilarius, quòd sit expertus commixtionis pituitæ, bilis, & sanguinis, sed adhuc sui ichoris siue feri. Fit enim plerumque talis humor ex bile multum viridi, & æruginosa, tanquam ex materia: Efficiens eius causa, est intensus calor, non calefaciens modò, sed adurens, & exhauriens, siquid feri in eadem æruginosa bile superstes erat. Vnde inter humores præter naturam nullus inuenitur atra bile meracior: cum hæc meracissima sit in vtraque meraci significatione, & quòd alterius humoris commixtione va-

Quantitas, qualitas, & excernendi modus, in excretis obseruari debent.

Stillicidium, ratione quantitatis malum.

Stillicidium, ratione qualitatis malum.

Stillam verò sanguinem in morbo letalisfaro nunquam visam.

Synceri humores, non illis tantum dicuntur, qui aliena mixtionis sunt expertes, sed ille etiam cuius serum vi caloris, aut frigoris est exhaustum.

Materia, & efficiens causa atra bilis.

*Generatio
sincerorū
humorum
caloris ar-
dore facta.*

cet, & quòd omne eius serum sit exhaustum. Permodicum sanè serum in bile viridi, siue æruginosa, eius materiali causa, remansit. Vnde & eadem æruginosa, ex porracea, aut vitellina genita, meracet, meracae, veluti porracea, & vitellina: imò flava fermè ipsa. Pallida autem sola mixta est, quia sero multo diluta: Sero autem, febrili calore, exhausto, absumptoue, eadem pallida in flavam migrat: flava, accedente intensiori calore, in vitellinam: vitellina adhuc superassata in porraceam, aut æruginosam: æruginosa verò immodicè torrefacta, in atram bilem, omnium maximè syncerā: Non est autē alterius humoris, aut proprii feri particeps.

*Gutta san-
guinis ni-
gricantis
per nares
stillantes,
ardorē in-
dicant in-
ternum.*

Probè sic cognito humore syncero, vi caloris genito, ad stillicidium syncerum redeamus, quod prauum est, atq; mortiferum signum, ratione qualitatis. Niger enim sanguis in ardentibus febris per nares stillatim excretus, indicium est summi ardoris, vel potiùs adustionis, & vniuersi incendij massæ sanguinariae, Necetaris suauissimi. Stillicidij nigri perniciēs hac inuestigatione detegitur: Sanguis, qui sursùm ad caput fertur, tenuior est sanguine ad infernas, lateralesq; corporis partes delato; quia quod sursum petit, quasi sponte, tenuius est ijs, quæ deorsùm vergunt. Si ergo sanguinis ad caput delati portio per exigua per nares exclusa, nigra est, & crassæ consistentiæ, à fortiori reliquus sanguis, inferiùs, partim spontè delabens, partim distributus, crassior nigriorq; caloris adurentis operâ, esse debet. Et consequenter guttæ synceræ adusti sanguinis è naribus stillantes, firmum lethiferi exitus argumentum esse debent. Massa porro sanguinaria tota flammans, & in crassam substantiam, eamque nigricantem conuersa, naturam quandam atræ bilis amulam consequitur. Vnde non indicium modò adustionis esse solet, sed causa perniciosissima naturam molestantis, nimiumque exercens, proripiantq; sua quadam acrimonia. Atra enim bilis, etsi sapiùs ex bile adusta, eaq; æruginosa, nascatur, generatur tamen ex melancholico sanguine superassato. Sanguis ergò impensè adustus, naturæ atræ bilis est particeps.

*Atra bilis
generatio.*

*Sanguis
merus stil-
larim ef-
fluens, est
sanguis ad-
ustus.*

Concludendum ergo, sanguinem merum stillatim per nares emissum, & ab Hippocrate insinuatum, esse sanguinem adustum; ut id ipsum testatur Galenus, & ratio facillè persuadet. Non est tamen negandum, quandoq; stillam sanguinis esse pessimum signum,

signum, tametsi nondum sanguis fuerit superaffatus. Primò enim morbi die, non ratò secundo, stilla sanguinis non multum adulti superuenit: Et sapè quidem veneni irritantis vehementia, quæ Natura ad excretionem stimulat. Vidi sapissimè innumeros ægros Peste correptos, intempestiuo stillicidio laborantes, quibus profectò nullatenus profuit. Sanguis, qui excernebatur, crassus erat, & in ipso exitu cōcrescebat: imò dum multis venam propria manu secarem, animaduvertebam per largam scissuram, nihil, aut permodicum sanguinis concreti exire. Quod sanè non à nimia adustione sanguinis proueniebat, cū ægros quàmplurimos non multum vigeret febris, sed potius à veneno, calorem natium latè superante, & deuasante; sanguinisque concretionem, vi quadam occultâ, procurante. Fortassis propter maximam caloris natui iacturam subito factam frigus superuenit; cuius viiute sanguis concrefcit, & sero, propter concretionem, destitutus, fluere, nisi lentè atque guttatim, nequit. Et cū sero carere videatur sanguis ille, merito iterum dici potest. Et hæc de Excreti specie.

*Pestiferis
stillicidiū
intempesti-
um non
profuit.*

*Sanguis à
veneno
concrefcere
potest: tum
etiam ob
frigus.*

Tertium, quod in excretis obseruandum docuit Galenus, est modus excernendi; sub quo modo tempus excretionis comprehenditur, & pars, per quam ipsa excretio fit. Sanguinis autem, si illa adhuc, quoad modū, praua est. Nam sanguinis stillicidium fit, quoties scūque idem sanguis guttatim, & pigro lapsu exit, quod accidit, vel quia malignis et proliis humoribus Natura non dominatur; vel quia eadem Natura à malignis copiosisque humoribus diu multumque oppressa, tandem fatiscit, & sub tam graui onere succumbit: quæ omnia ex corporis torpore siue segnitie sapè dignoscimus. Segnitie autē illa in principio morbi orta, est symptoma virium nimis oppressarum; quod accidit non ratò ex eo, quod neruorum principium madefactum est, vt in Austrina tempestate contingere solet; vel quia in paroxifinis febrium pestilentialium maligna iniasmata Cor opperunt, & Cerebrum, eaque non mediocriter labefactant. Prouecto autem morbo, segnitie superueniens, symptoma est virium efictarum, propter iam exhaustum spiritum, tam vitalem, quàm animale, & calorem natium prorsus ab hoste superatum. Natura ergo sic oppressa cū suo dominatu humores malignos, copiososque, non teneat, dum irritatur, aut fatiscit, guttarum sanguinis exitum cohibere mi-

*Modus
excernēdi
in excretis
obseruan-
dus.*

*Sanguinis
stillā mala
quoad mo-
dum.*

*Stillicidiū
quid, &
quas ob
causas fiat.*

*Segnitie
corporis in
principio
morbi qua-
le sympto-
ma.*

*Segnitie
causæ.*

Hæmorrhagia vera, & salutaris.

nimè potest. Sanguis ergo non cum delectu, nec copiosè, sicuti criticè fieri consuevit, sed guttatim, & consequenter prauo cum exitu excernitur; & cùm nalis excretio, sympto natis, non Crisis, rationem habeat, Medicos, quoties apparet, primo intuitu non modicè deterret.

Stilla sanguinis cur mala.

Non solum ob prauum, indebitumque excundi modum, sanguinis stilla mala est, sed præterea quia debito tempore nunquam ferè accidit: Fit enim, quasi semper, in morbi principio, aut augmento; Critica verò euacuatio, vt salutaris sit, in morbi statu superuenire debet. Naturæ ergo irritatæ & oppressæ indicium, est stilla sanguinis, intempestiuo tempore apparens, veluti naturæ do-

Stilla sanguinis diebus indicibus, aut Criticis apparens, certum est indicium mortis.

Aqua calida hæmorrhagiā excitat.

Stillicidiū damnat Hippocrates.

Explicatur Hippocrates.

minantis signum, sanguis liberaliter die critico effusus. Sed fateri cogimur, stillam sanguinis diebus indicibus, aut Criticis apparentem, esse certum mortis indicium; vt videre est in historia Philisci, cui stilla sanguinis superuenit die quinto, & die sexto interijt. Metoni die quarta bis sanguinis stilla superuenit: Sed Hippocrates die quinto caput calidā aquā fouendo Iherusalem exsternuit hæmorrhagiā, sine qua de Metone actum esset. Stillicidium die vndecima superueniens in Coacis damnauit. Damnat ut diebus indicibus, & Critici stillicidium, quia huiusmodi mortis certitudinem præmonstrat. In Coacis stillam quarto die superuenientem damnat Hippocrate, in quibus: Si cui ardentè febricitanti, & quantum morbi diem agenti, sanguis fluat è naribus; grauissimum habet malum: nisi quid aliud bonum accesserit. Idem si fiat quinto, minùs periculosum. Vt autem rectè intelligantur verba illa, nisi quid aliud bonum accesserit, ad memoriam reuocanda Metonis historia. In hoc enim, postquàm die quarto sanguinis stilla apparuit, die quinto liberalis hæmorrhagia visa est, veluti post hanc imperfectam Crisim crebra hæmorrhagia. Legenda denique alia Hippocratis Sententia in Coacis, quæ hac serie scribitur: Quibuscunq; febrium initijs, oborta sternutatione, sanguinis stillicidia sunt è naribus; si quidem vrina quarto die hypostasin habeat albam; vacationem morbi septimo fore ostendit.

Stillicidiū sternutatione consequens vñd cum signis coctionis in vrin, bonum est omnis.

His demonstrat Hippocrates, in morbi principio nullam fieri feliciter Crisim: omnia enim tunc cruda. Stillicidium tamen à superueniente sternutatione, boni successus præludium esse potest, dummodò signa coctionis in vrinis quarto die appareant.

Stil-

Stillicidium enim per se mali est ominis, sed dum sternutamentum sequitur, & in vrinis extat album sedimentum, malignitatem, & omnem perniciem deponere videtur; quia hæc signa virium robur indicant. Sternutatio enim est Cerebri concussio, facta ad rei noxiæ exclusionem: quæ, quoties fit, argumento est, cerebrum non esse valdè oppressum, nec suo robore destitutum: cum contraria inesse conijci liceat, quando ægri in principio febrium ardentium Comatosi decumbuat. Stillicidium ergo, quod sternutationem consequitur, & post quod signa coctionis in vrinis apparent, non est prauum, nec lethiferum, sed indicium Criticæ & salutaris hæmorrhagiæ die septimo futuræ. Signa enim coctionis semper bona sunt, teste Hippocrate lib. 1. Epidem. vbi, iuxta Galeni citationem, inquit: Maturationes excrementorum omnes vndique tempestiæ, aut bonæ: Et decretorij abscessus considerandi sunt. Concoctiones, celeritatem portendunt iudicij, securitatemq; salubrem. Cruda verò, & incocta, atq; in malos abscessus conuersa, aut acrisias, aut dolores, aut diuturnitatem, aut mortem, aut recidivas.

Sternutatio, quid. Sternutatio, quid indicet.

Signa coctionis semper bona sunt.

Concoctio quid indicet: quidq; Cruditas.

Sub excretionis modo continetur euacuatio morbo congrua. Vnde non solum stillicidium, sed hæmorrhagia, calamitosa est in hydrope, & in morbis frigidis, serè semper.

Hæmorrhagia in quibus morbis mala. Conclusio.

Concludendum ergo denuò, stillicidia esse ex se formidabilia ratione quantitatis, & ut plurimum, ratione qualitatis, semper verò ratione modi excernendi.

Textus 45. sect. 3. Prorrhæ. Ceruicis dolores, impensè rubri oculi, sanguinis eruptionem ostendunt.

Hæmorrhagia signa.

Textus 33. Sanguinis ad latus diuersum eruptiones, malæ: ut si cum lienis magnus fuerit (tumor scilicet phlegmonosus) dextra ex nare fluat: atq; res in hypochondrijs ita habet. Cum sudore deterius id existit. In Coacis Prænotionibus eadem sententia hac serie habetur: Sanguinem è diuerso fluere; malum est: ut in Liene magno è dextris. Atque similiter in Hypochondrijs. Adiecit Hippocrates, hypochondrijs: quoniam situs ipse hypochondrij sinistri rectitudinem lienis in eo conclusi, cum nare sinistra clarè confirmat, sicuti situs recti hypochondrij, in quo maiori ex parte reconditum est hepar, huius rectitudinem ad narem dextram. Et hæc de Diagnosticiis, Prognosticisque Signis mixtim ex Hippocrate transcribere volui.

Sanguinis fluxus è contraria parte, malus.

Rectitudo narium cum dextro & sinistro hypochondrio.

S E C T I O VI.

De Signis Excretionis Hæmorrhoidalis.

Euacuatio hæmorrhoidalis, inter Criticas euacuationes ponitur.

Fluxus hæmorrhoidæ vix peculiari signo prænosciuntur.

Modi varij, quibus indicantur morbi acuti.

Fluxus hæmorrhoidalis, tum iuuenes, tum alios, à varijs morbis liberat.

Vene hæmorrhoidales aliæ externæ, aliæ internæ: per has cacochymia, per illas corporis pleniora ex-purgatur.

Hæmorrhoidali fluxu tempestiuo, qui morbi curantur.

Sanguinis euacuatio per venas hæmorrhoidales dictas, inter Criticas euacuationes, quæ solis acutis morbis frequentius accidunt, locum concessere Medici, experientiâ ducti. Sed quia rarò Crisis acutis hæc viâ superuenit, Hippocrates ipse, & Galenus, præcipui, aut soli Medicinæ Principes, prænuncia hæmorrhoidum signa neglexerunt. Et meritò, quoniam, præter absentiam signorum aliarum euacuationum Criticarum, vix peculiari vllò signo hæmorrhoidalis euacuatio mox futura prænosciuntur. Vnde inter solemnes euacuationes Criticas hanc non enumeravit Hippocrates in Coacis Prænotionibus, dum inquit: At verò morbi acuti iudicantur sanguine prorupto è naribus in tempestiua Crisi: sudore item multo; atque purulentâ urinâ, & vitreâ, laudabili prædita hypostasi, quæ cumulatè funditur: tum abscessu etiam commemorabili; nec non mucosa & cruenta aluo repente citata (dysenteriam intelligit); Postremò vomitionibus minimè malis in Crisi. Verum, vt dixi, experientiâ compertum est, Iuuenes, & multos in sequenti ætate constitutos, à febribus, alijsque malis liberatos fluxûs hæmorrhoidalis interuentu. In iuuenili autem, & consistenti potissimum ætate, multis vtriusq; sexûs erumpit ex hæmorrhoidalibus venis menstruatim sanguis, quia in illis ætatibus multum melancholici sanguinis generatur: qui præ suo pondere libentius deorsum, quàm suisum, inclinat. Lib. 3. nostræ Physiologiæ, monuimus, venas hæmorrhoidales in internas, & externas dirimi: Et per internas cacochymiâ, sed præcipuè melancholicum humorem, ex vena porta delatum, excerni: per externas verò, quæ sunt ramuli rami hypogastrici descendentes, corporis vniuersi plethoram commodissimè minui. Et ita non solum melancholici affectus, sed omnes viscerum inflammationes, & febres, hæmorrhoidali fluxu, tempestiuè, & debitè superueniente, curantur. Hippocrates lib. 4. Aphorismorum aphor. 25. Sanguinis nigri, id est melancholici, per internas vias, id est venas hæmorrhoidales, euacuationem laudat. Item lib. 6. Aphorism. 11. ait: Melancholicis, &

Ne-

Nephriticis hæmorrhoides superuenientes ; bono sunt . Aphorismo 21. eiusdem libri 6. sequentia etiam habentur : Insanis , si varices , vel hæmorrhoides superuenerint , insanix solutio . In Coacis Prænotionibus sequentia habet : Quæ Apoplecticis veniunt hæmorrhoides , salutare : pestifera autem perfrictio , atque stupor .

*Melan-
cholicis,
Nephriti-
cis, & In-
sanis, &
Apoplecti-
cis, hæmor-
rhoides
profunt.*

Notandum hic est , sicuti hæmorrhoids pro hæmorrhagia , hac in latiori significatione acceptâ , accipitur ab Aristotele lib. 1. de Generat. animal. cap. 19. ubi hæc habet : Ut igitur in aluo diarrhæa ex cruditate est ; sic in venis aliæ hæmorrhoides , ipsaque in primis menstruum.

Ex Coacis Prænotionibus vnum colligere possumus signum , instantem fluxum hæmorrhoidum prodens : Estque lumborum dolor . Dolorifica in lumbis mala , sanguisua . Græcè enim habetur vox , *ἀλγοπρόξα* , quæ licet benè latinè sonet , sanguisua , optimè tamen hæmorrhoidalis , vel hæmorrhagicus fluxus dici potest . Vult enim Hippoc. dolores in lumbis excitatos , esse prænuncios fluxus sanguinis per infernas vias , vel dolorifica illa lumborum mala sanguinis fluxum deorsum excitare . Et quoniam nō per hæmorrhoidales solum venas , sed etiam vteri , sanguis profunditur , idcō dolor lumborum , æquiuocum , & non peculiare signum fluxus hæmorrhoidalis statuitur . Peculiare tamen fortassis euadet , si homini melancholico , & melancholicam agenti vitam , contingeret .

*Hæmor-
rhoids, &
hæmorrha-
gia confun-
duntur ab
Arist.*

Sententiam citatam , alterâ , quæ est trigesima octaua Sectionis 3. libri 1. Prorethet. confirmare videtur : Lumbis , inquit , dolentibus stomachi dolores accedentes , signa eruptionis sanguinis puto , notamque progressam . Galenus sententiam hanc exponens , inquit :

In his igitur vacuationem per hæmorrhoidas expectare oportet . Posses autem non solum id fore prædicere , sed & propter hæmorrhoidum retentionem ea fuisse conijcere , magisq ; si eius , qui hæc patitur , temperaturam videas melancholicam , ut tibi ex dictis non solum futuri , verum & præteriti , & tertio præsentis sit . Nempe cum ab alijs distinctus fuerit lumborum dolor , & cardialgia , præteriti quidem erit prænotio , quod & antea fuisse illi per hæmorrhoidas vacuationem noueris : futuri , quod & nunc erit : præsentis autem affectionis perspicua sunt symptomata , nempe copia in venis aceruata , tenue quoddam serum in ventrem confluens , Cardialgias parit , in os ipsius ascendens , quod omnium ferè præ-

*Hæmor-
rhoidalis
fluxus in-
dicium.*

tium maximè sentiendi facultate præstat. Plurima autem abundantia portio ad infernum repens locum, in quem & primùm deferri consueuerat, lumborum dolores efficit.

Lumborum doloris causa.

Rectè Galenus Lumborum dolores hæmorrhoidibus dicauit, dummodò melancholiæ redundantis signa affuerint: Nim hæc signa, lumborum dolores, qui menstruas pariter purgationes antecedunt, ad hæmorrhoidas contrahunt. Sed non futuras modò hæmorrhoidas nobis indicant isti lumbares dolores, sed insuper ex iisdem conijcimus copiam sanguinis in lumbaribus

Lumborum dolores quid indicent.

Cardialgia à quibus fiat.

æquè, ac alijs descendantibus venis tam magnis, quàm exiguis, contineri, quoties quadam Cardialgia laborat æger: Quæ quidem cardialgia, siue orificij ventriculi dolor, prouenit à serosis quibusdam humoribus sursùm refluentibus, vtpotè regurgitantibus, infernis vasis nimium refertis, id quod in ijs tenuius est, & maximè obediens facultati expultrici vasorum superfluo onere grauatorum. Verùm, quia lumborum dolores vnà cum Cardialgia, mulieribus etiam, quibus menstrua deficient, aut mox futura sunt, æquè benè, ac ijs, quibus erupturæ sunt hæmorrhoides, familiares sunt, semper obseruanda in viris, hæmorrhoidarum capacibus, sunt signa melancholiæ dominantis; quæ si adsint, vnà cum lumborum doloribus, & cardialgia, certiores nos faciunt de futuro hæmorrhoidali fluxu, deque repletione vasorum inferiorum, imò quandoque venarum mesenterij, & lienis. Cardialgia deniq; vnà cum lumborum doloribus, nobis indicare potest ægrum præteritis temporibus hæmorrhoidali fluxui fuisse assuetum.

Cardialgia, vnà cum dolore lumborum, quid indicare possit.

Dolor lumborum hæmorrhoides præcedens, quomodo fiat.

Sed vnde dolor ille lumborum hæmorrhoides præcedens, ortum habeat, paucis exponere par est. In iuuenili, & consistenti ætate, cum copiosus generetur humor melancholicus, Natura, quod inutile est, paulatim deponit deorsum ad venas, collectioni, & euacuationi talis humoris destinatas: quando in venis descendantibus versùs podicem, & in reliquis vicinarum partium, facta est non exigua sanguinis collectio, venæ repletæ amplificantur, partesque quæ intumescere possunt, vt lumbares muscoli interni, tunicae intestini recti, & quandoq; ipsius mesenterij, tumidiore fiunt; ex hoc tumore nascitur quædam contractio ligamentorum intestini recti, & aliarum omnium partium. Hinc neruosis, & membranosis partibus dolor accedit: augetur multum dolor ex ipso-

rum vasorum distensione, simulque infestantis humoris praua qualitate. In lumbis porrò maximus persentitur dolor ex arteriarum micantium molesto appulsu, & oppressione muscutorum interius lumbis adiacentium. Opprimuntur enim à distensione magnarum venarum lumbarium, quæ à nimia sanguinis copia oritur. Arteriæ præterea dolorem lumbaribus musculis, & valde tumefactis, inferunt: feriendo nimirum carnem, fibris, neruulis, membranisque munitam; non secus, ac partibus inflammatis accidit.

Quomodo partes inflammatae ex arteriarum pulsu doleant, docet luculenter Galenus in Commentario Aphor. 2 1. libri 7. qui hac serie scribitur: A forti in vlceribus pulsu, profluuium sanguinis. Galenus in Commentario inquit: In vlceribus inflammatis pulsus fit, non ferente carne incumbente arterijs, illarum motum, sed dolente, quando se attollentes exciderint: Est enim huiusmodi pulsus, sensus quidam cum dolore ex arteriarum motione factus, quas neque ab initio sentiebamus, cum membra se haberent secundum naturam, tum quia eorum adhæsus non est molestus, tum quia in spatio laxiore mouentur. Membris verò inflammatis, & loci angustatio, & dispositio dolorifica, tristem afferunt laborantibus sensum, ex motu arteriarum: quem non solum Medici, sed omnes homines pulsum appellant. Videntur autem, & hic arteriarum motus augeri in talibus dispositionibus. Ostensum siquidem est in Commentar. de petētijs naturalibus, quòd est quædam in ipsis etiam vis, aliena excernens, quæ & sudores indicatorios facit, & profluvia sanguinis, & alui inferioris deiectiones, & quæcunq; alia huiuscemodi. Secundum hanc igitur vim nonnunquam vehementius Natpra operans, magnum, & violentum arteriarum efficit motum, appetens illa, quæ molestant, expellere: atq; ita profluuium sanguinis facit.

Quamuis lumbarès interni musculi, cæteræque partes inferiores, quarum vasa sanguine referta sunt, formali phlegmone non laborent, phlogosi saltem infestantur non obscura: Nam tanta sanguinis copia in vasis consistens, diutinam moram, absque eo, quòd aliquem concipiat feruorem, & incendium, contrahere nequit: multi inde fiunt Lumbiqueruli. Et reuera, nisi intra modicum tempus sanguis erumpet, varias patietur æger ærumnas, tam in inferioribus partibus, quam superioribus: In inferioribus qui-

Partes inflammatae quomodo doleant ex arteriarum pulsu.

Expulrix facultas, quæ molestant inferrunt, excludit.

Lumbiqueruli. Ob retentum sanguinem, cur

tam in inferioribus quam superioribus partibus, multa mala fiat melancholicis, & hypochondriacis.

Via, per quam sanguis melancholicus expurgari solet ex hepate.

Obstructionum, pertinacium causa.

Copiosa fit hæmorrhagia ubi adest sanguinis copia, & magnus impetus.

Varia incommoda ex hæmorrhoidum retentione oria.

dem, quòd hæc nimio, eoque inutili grauentur onere, à quo cum-cta vasa, præ sui copia, si non sui crassitie, obstruuntur. Superiores duplici modo; tum quia id quod deorsum affluxit, secundum tenuiorem, saltem, sui partem, sursùm refluit ad vasa, ad intestina, ad ventriculum, aliquaque ex parte ad Cor, & Caput: Vnde multa melancholicis emergunt mala, prout quotidie hypochondriacis, suo dispendio & maximo damno, euenire compertum est. Tum denique, quia sanguis melancholicus superfluus, qui ex hepatis cavitare per ramum mesentericum, aliquando splenicum, deorsùm transmitti, & denuo euacuari consuevit, non ampliùs, præcluso itinere, descendit, aut excernitur, sed in hepatis cavitare, & venis mesaraicis stabulatur, in ijsque pertinaces, & eradicari difficiles efficit obstructions: imò in venam cauam, eiusque propagines, irruit, totamque coinquinat massam sanguinariam. Ex ipso enim liene inflammato sanguis in vasa maiora, mediantibus anastomosibus, migrat, sursùmque quandoq; ad sinistræ naris venulas cum impetu ascendit, & earundem venularum ora recludens, extra copiosè, dum criticè, erumpit. Non est ergo mirandum, si sanguis melancholicus ad lienem non delatus, ex vena porta, eiusque ramis, & radicibus, in venam cauam cum reliquo sanguine facilè tranat, suoque commercio sanguinem vnuersum coinquinat. Sed ab his omnibus angustijs agrum liberat sanguinis per podicem liberalis excretio. Vnde in Coacis inquit Diuinus Senex: Quæ ex lumborum dolore cientur hæmorrhagiæ; largæ. Ideo enim, vrgente lumborum dolore, fit sanguinis copiosa profusio deorsùm, quia arteriæ lombares magnæ sunt, adeoque magnum inibi edunt pulsum, licet à partium lumbarium plenitudine quoquo modo opprimantur: à vehementi verò, & magno pulsu partes vicinæ repletionem laborantes, pulsantur, comprimuntur, & excitantur ad expressionem copiosi sanguinis in proprijs vasis occlusi. Et cum venæ hæmorrhoidales non multùm à lumbis distent, sanguinem superfluum, molestiam enutrientem, Natura eò propellit; & tandem referatis ijsdem hæmorrhoidalibus venis, extra corpus excernit.

Caterùm, sanguis ille cacochymus inde non exclusus, sed ibidem sistens, necessariò impuram constituit lacunam, ex qua, tantquam ex corrupta minera, ad partes supernas, tam thoracis, quàm

capitis, fumus eleuatur prauus, varios, pro sui varietate, excitans affectus: Nam caput replens, vel hæmorrhagiam excitat, vel paraphorica, vel cataphorica, vel cephalalgica, & catarrhoica generat symptomata, præter alia innumera in interpositis partibus, quæ mediæ sunt inter saburræ loca malè affecta, & ipsum caput. In ventriculi enim orificio, vt diximus, cardialgiam excitat id, quod sursum capeffit: Lien, & iecur, tumiditatem quandam acquirunt; diaphragma ob hypochondriorum tumiditatem, & vapores tetros ipsum ferientes, adhuc læditur: Vnde respirandi difficultas. Cor ob eosdem vapores ex illa eluione susceptos, nūc palpitat, nunc deficit; & pulmones ipsi istis vaporibus pleni, thoracis motum non nisi segniter consequuntur. Hippocrates in citima superiori Sententiæ Coacæ, rem hanc iusuat, inquires: Quibus ex dolore lumborum anadrome fit ad caput, torpidæ manus, cardialgiæ, auriumque flatus sonori; hæmorrhagiæ largæ; tum alui profusè feruntur, ac mentes perturbatæ vt plurimum. Duretus obscuritate gaudens, ipsa voce Græca, *αναδρουν*, est vsus: Ille enim Græcanifans, quamplurimas passim voces Græcas, latinè non expositas, vt, more quorundam, linguæ Græcæ peritus videatur, suis commiscet latinis Phrasibus: cūm satiùs esset, interpretandi claritatem, quàm inanem auram affectare. *Αναδρουν* igitur latinè idem est ac excursus, recursus, sublatio in altum, ascensus, seu ascensio. Vfus est denique voce, Paraphorica, Duretus, quam inexpositam reliquit, sicuti vocem, Cataphorica, Paraphora enim est error mentis: Paraphoros, insanus, cuius mens à ratione aberrat, vel animi impositus, vel delirans. *Παραφώρας*, errabunda mente, insanè, aut non satis sana mente, vel titubanter. Cataphora idem est, ac veteruosa ad summum delatio (ex 1. Prorrhet.) qua ægris sopori graui simile quid obuenit, fiuntq; tum omnis sensûs, tum vocis expertes, ex libro 1. de diebus decretor, cap. 4. Cephalalgica, sunt symptomata dolorifica capitis. Catarrhoica, sunt symptomata in excretis, & præsertim excretiones humorum è cerebro ad palatum. Hæc omnia symptomata, aliaque varia, in capite generantur ob humores attenuatos in inferiori ventre, sursumq; rursus in caput delatos. In Coacis, multa mala è lumborum doloribus emergere narrat Hippocrates; qui in textu vltimo à nobis transcripto, *αιμορροια* vsurpat pro hæmorrhagia, sicuti in alijs passim sententijs fecit: à

*Citima est
max conse-
quens sen-
tentia.*

*Multi in-
dosti, vt
dosti vi-
deantur,
Græcis pas-
sim viun-
tur vocu-
lis; etsi na-
que has,
neque la-
tinas rectè
perpendat.
Parapho-
ra, & Pa-
raphorus,
quid.
Catapho-
ra, quid.
Cephalal-
gica sym-
ptomata.
Catarrhoica.
Hæmor-
rhois pro hæ-
morrhagia ac-
cipitur ab
Hippo-
crate.*

quo proculdubio eundem loquendi modum mutuatus est Aristoteles, de quo supra loquuti sumus.

Signa instantium hæmorrhoidarum.

Præter dolorem lumborum, multi, quibus hæmorrhoidæ mox sunt futuræ, quendam in ano persentiunt pruritum; imò pruriginoso dolore alium non rarò vehementiorem, veluti quoddam excernendi desiderium. His præsentibus, vnà cum communi turbatione critica, & vacuitate signorum aliarum excretionum, verisimile est, hæmorrhoides in foribus esse. Quarum securitatem, aut fraudem obseruandam docet Hippocr. lib. 1. Epid. sed expressius lib. 6. Epid. sect. 3. aiens: Qui sanguinem per ora venarum, quæ in ano sunt, profundere solent, neq; morbo laterali, neq; pulmonis inflammatione, neq; vlcere exedente (phagedænam dicunt,) neq; furunculis corripuntur, neq; tuberculis, quæ à cicerum similitudine therminthi dicuntur, ac fortassis ne lepra quidem, forteque, neq; alijs id genus. Intempestiuè tamen curati multi, breui huiusmodi morbis correpti sunt, eamque ob causam perniciosè habuerunt. Quod & in reliquis abscessibus, velut fistulis contingit, qui aliorum medela sunt. Et in his quidem videndum est, quibus in morbis, quæ facta sunt liberant, eosdem si ante fiant prohibere. In fine libri de humoribus eadem habetur sententia: vbi tamen loco, qui, ponitur, quæ, post, fistulis.

SECTIO VII.

De Signis instantis Menstruæ Purgationis.

Excretionem Criticam sanguinis per muliebria loca in hunc vltimum locum reseruauimus; quia mulieribus solis, & non viris, hæc euacuatio propria est. Hippocrates libro 1. Epidem. febres acutas, menstruis purgationibus tempestiuè aduenientibus, iudicatas refert. Constitutione temporis tertia, hac serie rem narrat. Mulieres porrò multæ quidem ægotârunt, pauciores autem, quàm viri. Et pauciores etiam mortuæ sunt. Plurimæ verò agrè pariebant, & post partus insuper ægotabant, & hæ potissimum peribant: velut Telebuli filia, quæ sexta à partu die mortua est. Plurimis itaque in febribus menses apparebant. Quibusdam verò ex naribus sanguis erupit: & virginibus multis id primum factum est. Quibusdam & ex naribus sanguis, & menses proruperunt: velut Datharsei filia virginis tunc primum apparuerunt,

& san-

& sanguis largus è naribus fluxit. Neque vllam mortuam noui ex his, quibus aliquid probè factum esset. Et pluribus interpositis, inquit: Magnus itaq; fuit morborum numerus: atque ex ægris præcipuè interibant adolescentes, iuuenes, ætate florentes, quiq; erant glabro corpore, cute subalbida, extenso, & nigro capillitio, & nigris oculis, ociosè & segniter vitam degentes, voce alta, exili, aspera, balbi, iræ præcipientis & acerbæ, plurimæque huiusce generis mulieres peribant. At verò hoc in statu ex quatuor maximè signis seruabantur ij, quibus aut ex naribus benè sanguis profluxisset: aut vrina multa, in qua quod desidebat, copiosum, & laudabile erat, per vesicam processisset: quique aut per aluum turbulenta, biliosa, tempestiuè demitterent, aut in difficultatem intestinorum delaberentur. Multisque vsu venit vt non ab vno ex descriptis signis iudicarentur, sed vt plurimi per omnia percurrerent, & grauius habere viderentur. Sed hi omnes, quibus ista contingerent, incolumes euaserunt. Mulieribus item, & Virgunculis eueniunt paulò ante memorata signa omnia. Decernebat autem, si quibus aut horum quippiam optimè fieret, aut liberaliter muliebria apparerent, nullaue (quod sciam) ex his quibus horum quid optimè factum esset, interiret. Philonis namque filia, cum liberaliter ex naribus sanguis effluxisset, quod septimo die intempestiuus cænasset, mortem obiit.

*Qui, quæq;
interibant.*

*Multi
seruabatur
aduentu
hemorrhagiae,
Perirrhææ, diarrhææ,
aut dysenteriae,
sive difficultatis
intestinorum.*

*Purgatione
menstrua
plures indicabatur.
Cæna longa
crisim bonam euertit.*

In prima parte Coacarum Prænotionum, quæ de febribus est, non dissimilem doctrinam Diuinus Senex nobis reliquit, inquires: Septimum diem morbi agentibus, aut nonum, aut decimum quartum, sanguinis profluvia è naribus, vt plurimum tollunt febres. Similiter etiam alius biliosa liberaliter ducta, aut dysenterica. Quin etiam genuum, coxarumue labores; aut benè cocta sub Crisim, & crassa, largaque vrina. Idem quoque facit in Foemina profluuium menstruale. Libro 5. Aphorism. 57. periculum innuit, quotiescunque naturaliter sanis mulieribus menstrua non erumpunt, inquires: Menstruis abundantibus morbi eueniunt, & subsistentibus accidunt ab vtero morbi. Libro 3. Aphorismorum 28. de Crisi adueniente pueris intra dies quadraginta, intra septem menses, intra annos septem, & circa pubertatem, verba faciens, quandoq; salutarem Crisim fæminis, dum menstrua erumpere incipiunt, superuenire docuit. Textibus verò libri 1. Epidem. à nobis

*Eadem
quinque
evacuatio-
nes critica
alibi laudantur.*

*Aphorif.
57. lib. 5.*

*Crisis fit
7. & 14.
mense, &
anno.*

bis

Virgo Larissa.

bis transcriptis, de Critica, & salutari menstruorum profusione, fæminis acuto (non chronico, de quo lib. 3. Aphorism.) morbo laborantibus loquutus est. Libro 3. Epidem. habetur historia virginis in Larissa ardente febre correptæ, cui tunc menstrua erumpere cœperunt: Et licet sexto die larga sanguinis è naribus profusione, & sudore multo calido per totum corpus effuso, superuenientibus, esset iudicata, menses tamen, qui febris decursu, & post Crisim prodire, absque dubio non exiguum inuexere leuamen. Nam sine his, sexta die absoluta, & perfecta crisis facta non fuisset. Mulier etiam in Thaso acuta febre laborans, die tertia nocturno tempore, multum sudorem calidum per totum corpus exclusit, & iudicata est: circa iudicationem menses multi prodierunt. Virgini etiam in Abderis ardenti febre correptæ menses primùm descendebant. Decimaseptima die sanguis per nares fluxit multus. Vigemaseptimâ sudauit multum, à febre libera.

Mulier Thasia.

Virgo Abderitana.

Primum signū menstruæ profusionis, est lassitudo spontanea.

Secundum signum est lumborum æstus, siue ardor.

Tertium signum est rigor. Rigor mulieribus unde fiat.

Plura de re hac dici possent, sed quoniam doctrina est non Medicis modò, sed plerisque, tam viris, quàm mulieribus, notissima, satiùs duxi, eam contrahere, quàm protrahere. Deueniendum ergo ad signa, quæ nobis menstrua mox erumpenda præiudicant. Hippocrates lib. 1. Prorrhetic. sect. 3. tex. 50. à nobis superiùs, sectione de hæmorrhagia transcripto (pro quo 50. perperam Typographus posuit 60.) Lassitudinem statuit præcedens Signum profusionis menstruæ. Quibus, inquit, ex rigore febres lassitudinariæ fuerint, muliebria (siue menstruæ purgationes) his decurrunt. Lassitudo, de qua hîc loquitur Hippocrates, est spontanea, quæ plenitudinis soboles est: diciturque quibusdam grauitas, siue grauamen, ob quod pigrius solito redditur corpus. Textu 51. eiusdem libri à nobis transcripto, rachitidis, siue spinæ æstum siue ardorem, mox futurorum menstruorum signum esse docet: monet tamen, hoc idem signum instantem dysenteriam prodere. In Coacis eandem sententiam hac serie repetit: Percussum caput, aurium Echo, hæmorrhagiam cient; aut mulieribus muliebria deorsum effunduntur: idque cùm aliàs, tum si inde rachis incandescat æstu: fortassis etiam dysenterica sunt hæc. In iisdem Coacis Prænotionibus sequentia scripsit: Quibus à rigore febris est laboriosa; promouentur muliebria. His dolens Cervix hæmorrhagiam cient. Rigor enim prouenit mulieribus ex biliosa cacchymia, è venis vteri, & partium

tium ambiētium expreſſa , quæ ad lumbares partes priùs tranſmittitur , in quibus ideò rigor incipit , & ſuſum ad doſſi partes , & Ceruicem prorepit , cacoſhymiam ad iſtas partes ſenſim tranſmiſſas , conſequens.

Vt hæc doctrina vterius eniteat , ſciendum eſt , rigorem eſſe concuſſionem , & vibrationem quandam , vt teſtatur Galenus Libro de Tremore , Palpitatione , Conuulſione , & Rigore , cap. 6. Si quid rei inſpiciamus , Rigor eſt perfrictio dolorifica , cum quadam inæquali totius corporis concuſſione. Libro 4. de ſanit. tuenda cap. 2. cum , fermè , ſimiliter hoc modo deſcribit : Rigor eſt inæqualis totius corporis concuſſus , & turbatio. Libro cit. de Tremore , Palp. &c. cap. 6. à Galeno dicitur Rigor eſſe ſenſibilis , ſubita , vehemens , & violenta perfrictio , in ſtatum præter naturam deducens : Calorem enim natiuum tunc refrigerari docet : quod ſaltem verum eſt , ſi ambitus corporis calor conſideretur : qui ſanè rigoris tempore nimium opprimitur . Quoties autem cacoſhymia è ſua minera ſuſcitur , & quoquouerſum diffunditur , Calor natiuus habitus exterioris corporis , vt ſuppetias internis partibus adferat , eaſque à ſuperfluitatum iniurijs vindicet , conſeſtim conſertimq; intus recurrit , & reliquo calori natiuo adiunctus impetum in rem moleſtam faciens , partem eius non exiguam ad habitum corporis impellit ; quandam non rarò portionem ad ventriculum , quæ hinc per vomitum excluditur ; quandam quandoque partem ad inteſtina , quæ ruſus per podicem excernitur ; alijs vicibus bilioſa materia plenitudini annexa ſuſum ad caput citiſſimè fertur , & venarum narium extremas reſerans oras , hæmorrhagiam excitat : Si autem in mulieribus menſtruæ purgationis periodus inſtet , menſtrua purgatio breui proruptura eſt . Rigor quidem , & vomitum , aluiq; fluxum , & ſudores , & hæmorrhagiam , ac menſtrua prouocat : dummodò tempus congruum inſtet , & ſigna appareāt coſtioneis . Qui Galeni doctrinam cap. citato Libri de Tremore , &c. prælibauit , huic doctrinæ miniuè refragabitur : quoniam rigoris tempore calor natiuus per plures inſultus noxia extrorsum propellere contendit , & viciſſim ab humoribus , vias omnes obſtruentibus , prohibitus , & vi in altum ſiue profunditatem corporis repulſus , ad proprium principium , Cor , refugit : inde ruſus in hoſtem violento cum impetu erumpens , ſeſe parumper explicat , Sed reniten-

*Rigoris
varia de-
ſcriptiones
ex Galenq.*

*Dum cacoſhymia
e venis diſ-
funditur ,
calor nati-
uus partiū
externarū
intus pe-
cunat , ut
hoſti occurrat ; eumq;
à corde pro-
pellat , &
auertat.*

*Rigor vo-
mitu , diar-
rhæam , ſu-
dorem , hæ-
morrhagi-
am , &
menſtrua
ciat.*

*Caloris
natiui co-
natus tem-
pore rigori-
s.*

*Rescuius
natura est
perpetuò
moueri,
quiete mor-
ritur.*

*In rigore
commodè
per aliquā
viā excerni-
tur id,
quod natu-
ram mole-
stat.*

te causâ morbificâ repulsam accipiens, ad interiora recurrit. Sed ne quiete pereat, rursus in hostem nouam molitur eruptionem: & ita vicissim calor natiuus, & causa morbifica, aduersis impetibus, & repulsibus pugnant, donec fortior aduersarium superet. Quamplurimos in febrilibus accessionibus ob acrem conflictum, tempore rigoris maximè initum, perijsse docet Galenus, & frequens confirmat experientia. Quotiescunque verò victrix natura morbi causam domuit, per sudores, aut aliter, eandem sæliciter excludit. Concludendum ergo, in rigore vehementes fieri motus, adeoque tunc commodè per aliquam conuenientem viam excerni quod molestiam Naturæ infert.

*Menstruo-
rum prorup-
tior uñ in-
diciū.*

*Hæmor-
rhagia vi-
cem supplet
menstruo-
rum defi-
cientium.*

*Ex sup-
pressionē
menstruo-
rum, & hæ-
morrhoidū,
horrenda
nascuntur
symptoma-
ta.*

*Suppressio
menstruū
quando in-
curabilis.
Signa pro-
ruptura
menstruæ
purgatio-
nis.*

*Horror à
rigore dif-
fert.*

His præhabitis, ad Sententiam Coacam redeamus, quæ dictabat, febrem laboriosam (id est, lassitudinariam, seu lassitudinem comitem habentem) quam rigor præcessit, esse signum prorupturæ menstruæ purgationis, aut hæmorrhagiæ, quæ vicem supplet deficientium muliebrium; quæque salubriter cietur, quando factus est humorum impetus ad caput. Nam hæmorrhagia tunc non superueniente, multa de nouo mala in capite, & interpositis partibus, quæ videlicet inter vterum, & caput sitæ sunt, emergunt. Ex menstruorum equidem suppressione, effera, atque perhorrenda enascuntur symptomata, quæ numero inferiora non sunt ijs, quæ ex hæmorrhoidum suppressione oriri monuimus: imò mulieribus contingentia ex menstruorum intempestiua suppressione, mala, tam ferina quandoque sunt, vt citissimè mortem inuehant, aut vitam ærumnis plenam foueant. Plurimorum accuratissimam descriptionem habet Hippocrates Libro 1. de Morbis Mulierum, ubi post sextum menstruæ suppressionis mensem, hanc eandem incurabilem esse refert.

Non febrilem modò rigorem, sed horrorem, eruptionis menstruæ prænuntium esse docet Diuinus Senex, diuersis in Sententijs Coacis. Quæ, inquit, in horrore, sunt lassitudine, & capitis grauitate; muliebria ijs prorumpunt. Et alibi post hæc: Crebri horrores, cum lassitudine, & capitis grauitate, & colli dolore, muliebria cient profusè. Atque id sub Crisim obortum, mouet tussiculam cum rigore. Et si in horrore muscoli, artusque, ac vniuersa corporis compago, non moueantur, sicuti in rigore fit, sed ipsa corporis superficialis pars, virtutem tamen habet ciendi menstrua, quia

habitum exteriorem corporis commouens, vicinas consequenter commouet; & partes subinde omnes, ac venæ, nimia plenitudine, lassitudinem pariente, ob menstruum retentionem, laborantes, contentos mouent humores; qui aliquantisper moti suum cursum ex instituto naturæ præscriptum ad vias euacuationi destinatas inflectunt, diriguntque. Antequàm tamen ita ad exitum per loca muliebria disponuntur humores, causa horroris ex venis exprimitur, & ad cutem delatâ, atque natiuo calore ad interiora recedente, horror accedit; qui non secus ac rigor, à lumbis in mulieribus incipit. Rigorem à lumbis mulieribus exordiri docet Hippocrates lib. 6. Epidem. hac serie: Rigores incipiunt mulieribus quidem magis à lumbis, & per dorsum, & tunc in caput: Verùm & Viris posterius, quàm à priori parte. Horrent exteriora magis, quàm interiora corporis, vt cubitorum, femorum. Sed etiam cutis rara: id verò pilus indicat. A quibus autem alijs rigent fortasse vlceribus, incipit ex vasculis; id est (vt in Commentario loquitur Galenus) ex humoribus prauis intra vascula contentis. Hanc doctrinam in Aphorismis, vbi maxime suam ipsius sententiam explicat, vt in Commentario loquitur Galenus, planius exposuisse videtur. Libro etenim 5. Aphorism. 69. hac serie loquitur: Rigores incipiunt mulieribus, ex lumbis magis, & per dorsum perueniunt ad caput: Viris verò parte corporis posteriore magis, quàm anteriore, veluti ex femoribus, & cubitis: Sed & cutis ijs rara est, id quod pilus indicat. Galeni doctissima expositio hinc locum meretur: Rigores, inquit, omnes incipiunt quidem cum sensibili frigore: paratiores autem non solum ad suscipiendam, sed etiam sentiendam frigiditatem, sunt dorso partes: quare non absque ratione hinc rigores inchoant, & hi citius fiunt Mulieribus, quoniam Fœmina est naturâ frigidior, atque imbecillior. Recurrit autem hinc rigor incipiens, ad principium neruorum, scilicet caput, celerrimè facta per spinalem medullam compassione, quoniam & ipsa, naturâ frigida est, sicut & Cerebrum, & propter substantiæ molliem, vt Cerebrum, alterationem facillè suscipit. Ex partibus autem anterioribus rigores non inchoant, quoniam calidiorem habent, quàm partes posteriores, temperaturam: huiusque argumentum sumit ex cutis raritate: rursusque raritatis ex pilorum multitudine. Dictum est autem à me de generatione pilorum sufficienter in Commentarijs de temperaturis.

*Horroris
causa.*

*Rigores in
mulieribus
à lumbis in-
choantes,
sursum ad
caput pro-
repunt: in
viris à co-
xis & cu-
bitis.*

*Cur à dorso
parte rigor
incipiat.
Rigor, cur
fœminis ci-
tius fiat.*

*Rigor, cur
nō inchoet
à partibus
anteriori-
bus.*

*Pili cur co-
piofiores in
partibus
anteriori-
bus, quàm
posteriori-
bus.*

*Rachidis
fitus, &
compositio.*

*Grauitas
lumborum
unde pro-
ueniat.*

*Dolor, gra-
uitas, &
tensio, signa
grainaria
menstru-
aduenien-
tium.*

*Rigor, vel
horror, do-
lor acer-
bior, &
æstus, cum
felicitant,
adueniunt.
Signa mē-
struorum
enariata
nō semper
apparet an-
te eruptio-
nem men-
struorum in
quibusdam
feminis.*

Argumentum caloris, est pilorum multitudo, qui in anterioribus corporis partibus multò feracius, quàm in posterioribus, crescunt: quia partes nobiles, & calidæ, Cor, & Hepar, ad anteriores, quàm posteriores partes corporis multò magis inclinant. Vnde posteriores, quàm anteriores partes, multò promptius refrigerantur, quoties calor natiuus (fluens scilicet) exteriora deserens, ad interiora recurrit: vel quoties ab externo frigore corpus alteratur. Præterea, partes posteriores magna, numerosaque continent ossa, ex sua natura frigida. Rachis enim instar carinæ retro sita est, quæ septem Cernicis vertebris, duodecim dorsi, quinq; lumborum, quibus os sacrum, quinque aut sex ossibus coalescens, licet addere, constat. Posteriores ergo partes facilè frigoris impressiones suscipiunt.

Menstruæ purgationis signa compendiosè Galenus hac serie proposuit Lib. 3. de Crisib. cap. vlt. Grauitas enim lumborum effatu digna, & dolor, & tensio hîc menstrua antecedit. Grauitas lumborum à plenitudine oritur; lumborum quippe vertebris etiam vena caua descendens cōextenditur, cuius inferior pars repletionē, menstrua periodo appetente, laborat; veluti venæ spermaticæ, & hypogastrica propago, quæ in vteri corpus disseminantur. Ex eadem repletionē dolor, & corporis vteri tensio nascuntur. Eodem quippe modo in menstruis prorupturis, ac hæmorrhoidibus, ratiocinandum.

Vt rem definiam, dolor, & grauitas, ac tensio in lumbis, in vteri regione dolor pariter, & tensio, quàm hypogastrij tensio consequitur, appetentibus menstruis, quasi ordinariè percipiuntur. Præter exposita signa, fæminis febre vexatis maior æstus in lumbis, vteriq; regione, doloreque acerbiores, Rigor, aut horror, instantibus menstruis, aut his suppressis, præterquàm in grauiditate, vt loquitur Hippocrates lib. 5. Aphorif. 61. superueniunt. Æstum alicuius notæ, aut dolorem, aut rigorem, horroremue, non semper menstruam eruptionem præcedunt, vt quotidiana docet experientia. Nam multæ mulieres sanguine puriori, & omni penè cacoehymia vacuo, refertæ, nihil molestiæ ingruentibus menstruis percipiunt; & solummodò ex humiditate pudendum irrorante, & sensim in femora delabente, crumpentia menstrua animaduertunt. Sed de his satis.

APPENDIX.

De quibusdam rarò contingentibus Excretionibus Criticis.

IN superioribus dictum à nobis fuit, præter septem enumeratas Excretionis Criticæ species, octauam dari, quæ sputatio dicitur. Sed nihil nos moratur hæc Excretio, quoniam nulla habet signa præcedentia certa, præter, fortassis, signorum aliarum excretionum vacuitatem, quæ menstruis prorupturis, hæmorrhoidibus, & alijs ferè omnibus, cõgruit. Sufficit ergo solemniorum, & frequentiorum Euacuationum Criticarum signa præcedentia, proposuisse. Verumtamen licet quædam aliæ Euacuationes prænuncijs careant signis, non proinde desinunt esse Criticæ: vt conflat ex Hippocrate Libro de Crisib. siue Iudicijs, vbi ait: Capitis morbo vehementer affecto, si pus per aures, aut nares effluxerit, morbum soluit. Et in Coacis Prænotionib. ait: Ex capitis dolore liberat pus è naribus effluens, aut sputa crassa, & inodora. Liberat quoque & vlcera eruptio: interdum verò, & somnus, ac alui fluxus. Per sputa crassa, & inodora, intellexit Hippocrates mucum, crassamque pituitam coctione subactam. Mucus enim, vel pituita tenuis, coctione crassescit, & per os, aut nares reiecta, dummodò inodora sit, boni est ominis; quia omni caret putredine. Libro 6. Aphorism. 10. sequentia leguntur. Caput dolenti & circumdolenti, pus, aut aqua, aut sanguis fluens per nares, aut os, aut aures, soluit morbum. In Coacis, Crisim cruenta expuitione factam laudat, inquires: Quibuscunque mulieribus, oborta febre, dolor mammarum incidit; inde nata sputi cruenti non sæculenti expurgatio, molestiam omnem exoluit. Licet alibi sputum cruentum damnet Hippocrates, hîc id criticum statuit, & rationabiliter; quia sputum cruentum cum dolore mammarum, indicat menstruæ purgationis suppressionem, & consequenter plenitudinem: Quam ob causam febres acutæ frequenter superueniunt. Febrili ardore sanguis attenuatur, & feruet, sursumque non segniter percurrit, & à febre ad cursum concitatur: & vbi subsistit, ibidem morbum efficit. Quoties ergo in mammis stabulatur, eas infestat, in ipsâque do-

Sputatio, octaua Excretionis species.

Sputatio non habet signa certa.

Euacuationes Criticæ ignobiliores.

Pus per aures, aut nares effluens, capitis dolorem soluit.

Sputa crassa, & inodora, quæ.

Sputum cruentum aliquando criticum.

Doloris mammarum causa.

*Mamma,
cum Vte-
ro, & tho-
racis par-
tibus, socie-
tatem ha-
bent.*

dolorem excitat: qui dolor mammarum à febre. i. febris, superue-
niens, memoriam renouat societatis thoracis, mammarum, vocis,
& genitalium, vt loquitur Hippocrates lib. 2. Epidem. Mammis
porrò, & vtero, per vasa ijsdem communia, societas intercedit: &
quoniam eadem mammæ cum thoracis partibus societatem ha-
bent, facilis ex ijsdem mammis fit transitus sanguinis redundantis
intra thoracem. Vicina quidem sunt mammarum, & partium tho-
racis vasa, & mutua n officiorum cō nunicationem præstant. San-
guis ergo ille copiosus commodè per os purè expuitur; dico purè,
quia merus sanguis, nulli sputo, præsertim albo, permixtus, ex-
cernitur, isque fortassis concretus; quia, si è venis internis thora-
cis in thoracis cavitatem effunditur, concrefcit, & à pulmonibus
fugitur, vt per os deturbetur. Si tamen sanguis ille ad gutturis ve-
nas percurreret, aut ex pulmonibus immediatè excurreret, ante
expuitionem non concrefceret, sed rubicundus & purus eijceretur,
& non obscurus, aut sæculentus, aut puniceus.

*Vomitio
sanguinis,
sterilibus
ad concipi-
endū pro-
dest.*

Extat adhuc in Coacis hæc Sententia: Sterilibus vomitio san-
guinis, ad concipiendum prodest. Vomitum verò sanguinis da-
mnat absolutè Hippocrates alibi in ijsdem Coacis, sed hoc in lo-
co est Criticus. Quoniam is menstrui sanguinis retentioni super-
ueniens, sæminam ab omnibus angustijs liberat, & ad integram
sanitatem reuocat. Sanguis porrò tunc vomitu excretus, vel rubi-
cundus est, vel niger; si rubicundus, ex pulmonibus, aut ipso ven-
triculi corpore effunditur. Sanguis enim copiosè ex pulmonibus
ad guttur, & fauces, impetu reiectus, quandam vomitûs speciem
parit: maximè verò, quoties gulam attingit. Ex corpore pariter
ventriculi sanguis rubicundus reijci potest: Si tamen aliundè tran-
sflatus sanguis in eius cavitatem conquiescit, in grumos degenerat,
& grumosus vomitu reijcitur. Serositas quidem à lumbaribus ve-
nis in menstruorum suppressione ad ventriculum transmissa, vo-
mitum ciet, & Cardialgiam: similiter sanguine eò transmissa, san-
guineus citatur vomitus. Facta quidem menstruorum cohibito-
rum anadrome, siue ascensu ad hepar, si in eo sanguis subsistit, hy-
dropem parit: Si ad pulmonē, ibidemq; stabuletur, peripneumo-
niam, empyema, phthisimque excitare consuevit: ad Cor tran-
sflatus, syncopen, & mortem. Sin altiùs ad caput rapiatur, recur-
ratue sanguis, omne genus mali, quod capiti accedere solet, pro-
ducit;

*Quomodo
diagnosca-
tur, ex qua
parte san-
guis euo-
matur.*

*Cardialgia
causa.*

*Ex men-
struorū sup-
pressorum
anadrome
ad varias
partes, va-
riq morbi
fiunt.*

ducit; aliaque varia in alijs partibus. Vnde Hippocrates in Coacis Prænotionibus ait: Salutare est, muliebria non cohiberi. Nam inde veniunt Epilepsiæ: quibusdam autem profluvia longa ventris, ut arbitror; nonnullis etiam hæmorrhoides. Et alibi in eodem opere: Lumborum tensio, atque pedum, ex muliebrium abundantia (id est suppressa) in suppurationem abit. Tum quæ ab aluo variè pigro lapsu exeunt ægrè, viscida, fædi odoris, strangulatoria præter illa iam dicta, suppurationem inducunt. Tales autem arbitror nonnihil delirare.

*Suppressio
mensium,
varia ge-
nerat sym-
ptomata.*

Excretio illa sanguinis per os, expuitione, aut vomitione, facta, vices completas suppressionis menstruorum, ut profit, gerere debet: id est, quantitas excreti sanguinis, cohibita quantitati respondere debet. Sputum enim unum, aut alterum cruoris, non est Criticum: & sputum cui stamina quædam sanguinis permixta sunt, quale est Peripneumonicorum, non est sputum sanguinis propriè. In Coacis, de sanguinis sputo loquitur hac serie Hippocrates: Quicumque sanguinem spumofum spuunt, dextrum hypochondrium dolentes, de hepate spuunt, & multi pereunt. Et paulò post, ait: Sanguinem spuuntibus confert, ut sint sine febre, & tussiant, ac doleant leuiter, & ut sputum tenue fiat ad dies bis septè. Febrile verò, & tussire, ac dolere pertinaciter, & sanguinem recentem semper spuerè, incommodum est.

*Sputum
cruentum,
ut sit Cri-
ticum, quid
requira-
tur.*

*Sanguinẽ
spuuntibus,
quæ conse-
rant.*

De sanguinis vomitu idem pronunciandum, de cuius bonis, malisq; conditionibus, in Coacis, ut sequitur, loquitur Hippocrates: Quibus est vomitus sanguinis, febris multa, & dolor circa mammam, thoracem, & dorsum: quibus hæc omnia fiunt, breui moriuntur. Quibus autem non omnia, neq; valdè, tardius. Inflammati autem sunt diebus quatuordecim, ad summum. Et paulò inferiùs, inquit: Qui spumofum sanguinem vomunt, dolore intra Septum transuersum non existente, de pulmone vomunt. Et quibus quidem magna in ipso vena rumpitur, multum vomunt, & in periculo versantur: Quibus verò minor, minus educunt, & securiores sunt. Hic de sanguinis vomitu, qui ex ruptione vasorũ pulmonis oritur, verba fecit Hippocrates. Sanguinis verò Critica vomitio, venarum anastomosium, siue apertionem, consequitur. Multum ergo refert scire, an via excretionis sit idonea, nec ne: similiter an sanguis sit ruber, an nigricans, an liquidus, an crassus. In

*Prognosis
ex vomitu
sanguinis.*

*Sanguinem
è pulmoni-
bus vomitu
excernt
quomodo
dignosca-
tur.*

*Stillicidia
sanguinis
prærubra
cur mala
in calidis
pulmonum
morbis.*

*Hæmor-
rhagia in
quartana,
& morbis
chronicis,
mala.*

*Crisis in-
terdum fit,
dum copio-
sus sanguis
fuit ex
partibus
vulceratis,
Cancro, &
Carbun-
culis.*

*In Apo-
sthemati-
bus nonnun-
quam fit
Crisis.*

*Excretio
Lumbrico-
rum, calculi-
orum, aut
arena, cri-
tica ali-
quando est.*

morbis enim pulmonum calidis, Peripneumoniâ potissimum, prærubra stillicidia sanguinis in Coacis damnantur, non ratione exiguitatis euacuationis tantum, sed præterea ratione coloris veluti punicei, qui oritur ex absorptione feri sanguinis ab ardore nimio. Scire adhuc refert naturam morbi: Nam: Quibus in febribus quartanis sanguis ex naribus fluxerit, malum est; ut habet Hippocrates Libro 6. Aphorismor. 82. Idem de morbis Chronicis, iuxta eiusdem Hippocratis mentem, pronunciandum.

Crisis quandoque fit, quoties sanguis satis copiosus ex quibusdam vlceratis partibus effluit: Salutare porro est, sanguinem ex Cancro, & Carbunculis effluere. Hippocrates sanguinis fluxum in quibusdam vlceribus laudat. Galenus Lib. 14. Methodi Medendi cap. 9. fluxum sanguinis in Cancro abscisso probat. Libro autem 4. de Morbis, Crisim in vlceribus fieri præclare docet Hippocrates, hac serie: Humoris enim agitatione corpus, & vlcera incallescunt, & tale quid immoderatus labor efficit. Vlcera autem quinto die inflammatione sedantur, & secundum horum dierum rationem, pro vlcerum magnitudine, etiam tertio die, & quinto, & septimo, & nono, & vndecimo. Sanè quoties vlcera inflammatione laborant, per hæmorrhagiam commodissimè iudicantur; sicuti omnes inflammationes: Loquor enim de hæmorrhagia, quæ fit, non per nares, sed per ipsum vlcus apertum.

In ipsis Aposthematibus quandoque Crisis fit, quoties collectum in parte tumida sanguinem accensum, calor natiuus temperat, domat, concoquit, rursusque partem, unâ cum pure morden- te & exitum quærente, suo perforat impulsu, ut rei molestæ detur exitus. Sitotum hoc opus natiuo calori, nullâ factâ concoctricis, aut expultricis facultatis mentione, tribuendum dixi, non est, quod quispiam ignarus hunc dicendi modum mihi vitio vertat, cum Hippocrates natiuum calorem omnium operationum auctorem, & opificem in nobis statuerit; Galenus modò huic omnem agendi authoritatem, modò facultatibus naturalibus vim non exiguam regendi corpus, concesserit.

Crisis aliquando fit, quoties feliciter Lumbrici, corpus nimum vexantes, per anum deturbantur: imò, quoties calculi, aut sabulum, vel arena, extra vesicam tempestiuè excluduntur, æger inde conualescit.

Dysenteriam criticè superuenire, superius cum Hippocrate monuimus. Præter ea, quæ Libro 1. Epid. & alibi, hac de re promulgauit, Libro de Iudicationibus hæc habet: Si tenuioris intestini morbus superueniat, vinum frigidum copiosum, inerat, paulatim propinato, quoad somnus, aut crurum dolor oboriatur, quem etiam febris, aut intestinorum difficultas (id est dysenteria) soluit. Sed de Criticis euacuationibus hæc sufficiant.

Dysenteria critica. Vini frigidum, copiosum, & inerat vis.

CAPUT VII.

De Signis aduenientis Abscessus.

CRISIM cum Hippocrate, & Galeno, bifariam fieri diximus, vel materiam morbificam extra corpus effundendo excernendoue, vel eandem causam deponendo à parte, aut partibus, quas infestat, ad aliquam partem ignobiliorem. Et quoniam hic duplex iudicandi modus est valdè solemnis, Crisis ipsa propriè sumpta, congruè satis in Excretionem, & Abscessum, tanquam in duas, easque legitimas, species diuiditur.

Bifariam fit Crisis.

Crisis diuisio.

Abscessus duplici in sensu accipitur ab Hippocrate in Epidemijs: Libro enim 1. Sect. 2. nunc pro humorum effluuio extra corpus, nunc pro alicuius humoris delatione & decubitu ex vna parte in alteram, accipitur. Pro Excretionem Abscessum sumi testantur hæc ipsius verba: Quum verò tempus produceretur, & dolores essent multi, ac colliquatio mala, his abscessus succedebant, aut maiores, quam ut ferre possent, aut minores, quam ut quicquam prodesse: sed statim recurrerent, & ad peius euaderent. Galenus in Commentario ait: Vbi multa est inconcoctorum humorum copia, abscessus fiunt: qui parui si sint, nihil conducunt: sin autem magni, vires ijs non sunt pares. Quod autem etiam hoc loco vacuationes per effluxum, abscessus vocet: proxima oratione clare significat. Proxima oratio Hippocratis, de qua loquitur Galenus, sunt subsequencia verba: Quæ hos infestabant, hæc erant, Dysenteria, Tenesmi, Lienteria, & fluxiones alui: nonnullos etiam Aqua inter cutem, quæ vel hæc habebat adiuncta, vel non habebat. Et paulò inferius idem Hippocrates ait: Vnum verò bonum, maximumque inter signa, quæ fiebant, quodque multos à mani-

Abscessus duplex acceptio.

Abscessus quando fit. Abscessus parui & magni damnantur à Galeno.

Euacuationes humorum, abscessus dicitur Hippocrati, & Galeno.

factis periculis vindicauit, hoc fuit, quibus ad stranguriam diuerterent, & in hoc abscessus fierent; accidit autem plerisque stranguria in his ætatibus potissimum. Galenus in Commentario ait: Nosque diximus, ubi per renes excrementa purgantur totius corporis, vrina illos stillicidium corripere, cum ob alia, tum præcipue propter confluentium vrinarum acridinem: quæ etiam nunc in causa fuit. Tenendumque rursus memoriâ est, hîc quoque abscessus dicere illum in stranguriam factos, licet per effluxionem, non autem decubitum, de toto emanarent corpore infesti humores. Vt enim repurgatur non raro per ventrem vniuersum corpus, & item non raro per renes, & vësicam. Sed erat his stranguria diuturna, & cum dolore per stranguriam repurgabatur totum corpus. Has autem partes erat necessarium, per quas acres excernebantur vrinae, affici: quia vellicabantur scilicet, continuaque excretionē sollicitabantur: vnde etiam in ipso vrinarum transitu offendeabantur. Eiusmodi autem symptomata ob excrementorum, quæ expurgabantur, copiam, longiori tempore illis perdurabant. Et paulò post Galenus in Commentario horum verborum: (Maturationes excrementorum omnes vndique tempestiua, aut bonæ, & decretorij abscessus considerandi sunt) ait: Sed abscessus etiam ex effluxione, id quod in primis est elaborandum; aut abscessus ex decubitu in partes ignobiliore: nam alterum est hoc propositum, ubi abscessum per effluxionem assequi nequeamus. Libro 2. Epidem. de duplici illa abscessus significatione loquitur, hac serie: Abscessus, aut per venas, aut per ossa, aut neruos, aut cutem, aut alias emotiones. Boni autem sunt, qui infra morbum fiunt, veluti varices, lumborum grauitates, si ex superioribus partibus ad infernas demittantur. Optimi verò potissimum sunt inferni, & longissime infra ventrem, & remotissimi à morbo; & qui per effluxionem fiunt, velut sanguis è naribus, pus ex aure, sputum, vrina, quæ per effluxionem fiunt.

Ecce sicuti Abscessus, Græcè, ἀποσείω, tam de Excretionē humoris extra corpus, quàm de decubitu, aut translatione humoris ab vna parte in alteram, in qua subsistit, dicitur. Et hæc est prima significatio ambigua abscessus. Vel dicamus, Abscessum primò pro decubitu humoris in aliquam partem, in qua sistit, tumoremque aliquem vt plurimum excitat, accipi. Secundò, pro excretionē

Vrina stillicidium, etiam dolorificum, criticum, quandoque esse solet, & abscessus dicitur Hippocrati. Diarrhæa, aut dysenteria, aut vrina excretionē totius corporis expurgatur.

Abscessus barbarum accipitur.

Boni abscessus.

Abscessus prima acceptio. Secunda significatio abscessus.

humoris extra corpus. Tertiò, Abscessus pro migratione vnius morbi in alterum, sumitur ab Hippocrate Libro 1. Epidem. Sect. 2. vbi hæc habet: Quibusdam autem non paucis, ex alijs febribus ac degenerationes (alia versio habet, secessus) in quartanas fiebant. Græcè enim habetur vocabulum, ἀποσείσις, id est degenerationes, siue secessus, siue migrationes, siue transmutationes. Quartò, Abscessus idem est, ac Aposthema, aut Tumor suppuratus; vt habetur Sect. 1. Prognostic. Sententiâ 37. Abscessus minùs faciunt illi tumores, qui in ventre sunt, quàm qui in hypochondrijs. Minimè verò, qui subter Vmbilicum sunt, in suppurationem vertuntur. In textu Græco extat vox, οἰδηματᾶ, id est Oedemata. Oedema enim solet Hippocrates nominare omnem tumorem præter naturam, recentioribus Medicis vocantibus vnum tantummodò tumorem, qui, premendo, dolore vacat, & mollis est, inquit Galenus in Comment, tex. 29. Sect. 1. Prognostic. qui hac serie habetur: Oedema in hypochondrio durum & dolens, pessimum est, si in vniuerso sit hypochondrio: si verò altera parte sit, sinistra minori cum periculo est. Hæc citavi, vt religiosè textûs verba obseruarem. Oedema enim communiter hodie pro tumore laxo, molli, & albicante, doloreq; vacuo, accipitur, cuius causa est humor pituitosus. Verùm apud Antiquiores Medicos pro omni tumore præter naturam accipiebatur. Et in hac laxiori significatione loquutus est Hippocrates, quando inquit, tumores, qui in hypochondrijs fiunt, faciliùs suppurari, quàm hos, qui sunt versùs vmbilicū. & minimè suppurari tumores, qui sunt sub vmbilico; quia partes sub vmbilico remotiores sunt à partibus calidis, quàm superiores ventris, & hypochondriorum partes. Tumores verò, qui verè suppurantur, sunt Phlegmonosi, siue à syncero sanguine ortum ducant; siue à sanguine, qui aliorum humorum commixtionem habet. Quoniam ergo partes tumoris à se inuicem auellūtur, separantur, & abscedunt, vt ingressui copiosi humoris ad easdem affluentis, necessariò cedant, & locum, vi oppressæ, & dilatatæ, tribuant, tumor inde natus, rectè abscessus nuncupatur. Suppuratio etiam non imalè dicitur, cùm Galenus Commentario penultimi textûs à nobis citati, vtatur hac voce, ἐκπύωσις, id est suppuratio, aut suppurationes, vt vocem ἀποσείσις exponeret.

Tertia significatio.

Quarta significatio.

Oedema, quid Hippocrati.

Oedema, quid communiter.

Phlegmonosi tumores soli suppurantur.

De Abscessu in prima significatione accepto, nobis cum Hip-

Quid proprie abscessus.

pocrate sermo erit. Nam abscessu multi iudicantur, non secus, ac Excretionem. Abscessum tamen hoc in loco accipimus cum Hippocrate Libro 2. Epidem. sect. 1. pro quouis decubitu, siue depositione humoris ab vna parte in alteram; ita tamen, vt in hac altera moram contrahat, saltem aliquam. Postquam ea quæ iam antea à nobis ex Lib. 2. Epidem. sect. 1. translata sunt, scripsit, subiunxit subsequencia: At Abscessus, quibus hæc non fiunt, sunt velut dentes, oculus, nasus, sudor. Sed & quæ sub cutem ascendunt foras tubercula, velut putrescentia, & quæ suppurantur, aut vlcus, aut eiusmodi pustulæ, aut squamæ, aut defluuium capillorum, vitiliginis, lepræ, aut eiusmodi, quæ abscessus sunt acervatim, ac repente fluentes, & non semirepentes, & quæcunque alia dicta sunt; etsi non pro rationis Excretionis morbi dignitate fiant; veluti Temeni Nepti, ex morbo forti ad digitum decubuit, qui cum non sufficeret ad suscipiendum morbum, recurrit; mortua est. Abscessus autem per venas, aut per aluum, aut per nervos, aut per cutem, aut iuxta ossa, aut secundum spinalem medullam, aut secundum alias effluxiones, os, pudendum, aures, nares. Hic Hippocratis contextus continuus est textui superius à nobis transcripto, qui hoc ordine incipit: Abscessus vel per venas, vel per nervos, vel per ossa, vel alia diuerticula (siue emotiones, vt alia versio habet.) Boni autem sunt, qui infra morbum fiunt, veluti varices; & reliqua à nobis transcripta.

Quoniam ambobus citatis textibus tota fermè abscessus natura, licet obscure, exponitur, per capita, sed breuiter, singula examinare decet. Abscessum ergo per venas fieri sapièter dixit, & quidem primo loco; quia, siue abscessus accipiat pro effluxu humoris extra corpus, siue pro decubitu siue depositione humoris à parte in partem, semper quasi per venas fit; id est humores per venas currunt, tranantur ab internis partibus ad externas; & vicissim ab externis ad internas; & per vtrasque ad cavitates manifestas, vt videre est in Diarrhæa, quæ nascitur ex humoribus effusis ex venis mesaraicis in intestinorum capacitatem: Pariter ex Cerebri, seu potius piæ matris vasis humor superfluous in Cerebri cavitates effunditur, & illinc ad varias partes. Transferuntur autem humores extra venas tripliciter. Primò, quando per venas rarefactas transudant, & transcolantur humores; & hæc translatio humoris, di-

Abscessus, siue pro effluxu humoris, siue pro decubitu, sumatur, quasi semper fit per venas.

Tripliciter humores feruntur extra venas.

πιδόσις Græcis dicitur. Secundò fit translatio, quoties venæ, ruptione, incisione, erosione, contusione, aut alio quouis modo, diuiduntur, & talis diuisio διαρίσις appellatur. Tertiò fit humorum translatio, dum ora venarum referantur, ita vt extra venas effluere queant humores inclusi; & talis translatio per ἀναστροφὴν fieri dicitur.

Diapedesis, quid.
Diarexis, quid.

Dixit etiam Hippocrates, Abscessum fieri per tonos. Τόνοι (ex Erotiano in Onomastico) sunt corpora extensa cum carnibus; vt venas, & neruos, & huiusmodi, τόνους appellat, ἀπὸ τῆς περιστάσεως, quod est circumextendi; aliquando autem neruos solum, nonnulli autem membranas dixerunt. Hæc Erotianus. Existimant tamen nonnulli, è textu Hippocratis delendam esse vocem, τόνων; quia in eodem textu mentionem fecit neruorum. Toni, iuxta aliorum opinionem, sunt nerui recurrentes: Nam sect. 4. eiusdem Libri 2. Epidem. habentur hæc verba: Duo verò toni à Cerebro. Vallesio placet, etsi toni neruos significant, hîc tamen tonos accipi pro neruis motorijs, musculis insertis, ex quibustendines tandem fiunt; quia mediantibus his partes continentur in tono. Per hos autem neruos, secundùm fibrarum rectitudinem, deriuantur succi, qui in ipsis neruis abscessum efficiunt, qui abscessus sæpiissimè causa est resolutionis extremorum, id est Crurum, aut Brachiorum. Pro resolutione extremorum, Paralytim, quæ latinè resolutio dicitur, ego intelligo. Si verò corrumpantur nerui crurum, claudicatio inde emerget, modò in sinistro, modò in dextro pede (pedem intelligo crus vniuersum, non imum tantum) prout ex Spinali medulla humor ex cerebro in eandem lapsus, per dextri, aut sinistri lateris, aut vtriusque, neruos diffunditur. Rei exemplum lib. 4. Epidem. habetur: Fullo collum, caput, septimâ manus stupida: nonâ, crus stupidum: Tussis cessauit.

Abscessus per τόνους fiunt.
Τόνος, quid Erotiano.
Varia de tonis sententia.

Tonus quid Vallesio.

Resolutio extremorum, quid.
Claudicationis causa.

Fullonis casus.

Erotiani interpretatio de tono, optima.

In solis etiam membranis abscessus fieri potest.

Mihi verò singulariter arridet Erotiani interpretatio; tonos videlicet accipi pro neruis, venisque, carnibus coëxtensis, aut pro membranis tantùm musculos circumambientibus. Hæc interpretatio rationi consona est; quoniam in membranis, neruis, & venis, ac arterijs musculorum simul, abscessus fieri potest; imò in solis membranis, veluti in Pleura, Menyngibus, & Perioestio, cæterisque membranis, & tunicis, abscessus fieri potest. In alterutro ergo sensu rectè toni interpretari possunt, nec superflue in Hippocratis

textu vox hæc posita est, etsi postea in cōtextu neruorū meminerit.

*Abscessus,
quādo fiat
in ossibus.*

Abscessum per ossa fieri docuit: quotiescunque autem per perio-
stium, siue membranam ossa tegentem, humor aliquis superfluus
ad eadem ossa penetrat, in iisdem abscessum facit. Dum enim ta-
lis humor ossa subit, in iisdemque diu stabulatur, denuò corrup-

*Dentes in-
flammati
possunt.*

*Dentes nō
consumun-
tur ab i-
gne, ex Pli-
nio.*

*Ratio cur
Serapio
neget in os-
sibus fieri
abscessum.
Ossa, & pi-
li cur non
fateant.*

*Mercuri-
alis opi-
nio de ossiū
abscessibus.*

*Mercuri-
alis re-
fellit.*

*Historia
militis, lue
Venereæ
laborantis.
Vera sen-
tentia de
ossiū ab-
scessu.*

puntur. Dentem inflammati sui ipsius exemplo docet Galenus.
Plinius rem admiratione dignam refert, dentes ab igne non con-
sumi, cū tamen à pituita consumantur. Auicenna Fen. 2. 1. Tra-
ctat. 1. c. 4. in ossibus abscessum fieri affirmat. Serapio tamen con-
trariam sententiam amplectitur; in ossibus nimirum nullum fieri
aposthema, nec consequenter abscessum; quia ossa præ duriti-
æ extendi nequeunt, aut in tumorem attolli; tum quia, si aquæ im-
mergantur ossa, aquam non imbibunt; Ergo nec in corpore nostro
humores superfluos, à quibus abscessus fieri posset, absorbent. His
addamus Aristotelis doctrinam sect. 13. Problematum, Problem.
9. vbi nec ossa, nec pilos fætere ait, quia humoribus excrementi-
tijs carent.

Mercurialis hanc litem hoc pacto temperare nititur. Ossa pue-
rorum muco plena, flexibilia sunt, & extensibilia, adeoq; absces-
sum pati possunt, per se, & secundum totam sui substantiam: Os-
sa verò adutorum, quia multò duriora, propter periochia absces-
sus patiuntur.

Meo sanè iudicio Mercurialis, mediâ incedere viâ cupiens, ni-
hil dicit. Nam Puerorum ossa, propter humores ad ea per perio-
stium translatos, abscessu tentantur, sicuti adultis contingit. Præ-
terea, per se, & secundum totam suam substantiam, abscessu ten-
tari possunt adutorum ossa, ut visum fuit in milite illo, virulentâ
lue Venereâ correpto; & ita sæuiter, ut eius ossa, præ eorundem
mollitiæ, in quamcumque partem flecti potuerint: & multò qui-
dem facilius, quàm puerorum ossa. Statuendum ergo, in ossibus
abscessum fieri posse: nec de abscessuum essentia esse, ut in molem
omnibus conspicuam, attollatur pars abscessu tentata. Sufficit
enim, internas ossis partes putrefieri, & corrumpi ab humore eò
transcurrente, ut idem humor locum sufficientem sibi acquirat, ad
abscessum efformandum. Interiores enim, aut laterales ossis par-
tes semel corruptæ, comminuuntur, & modicum comminutæ oc-
cupant locum.

Quod dictum est de ossibus aquâ immersis nihil aquâ haurire, difficultate caret. Nam hoc concessio, nihil contra nos concluditur. Ossa enim in corpore permeabilia sunt, quod humore pingui nutriantur, calore fruuntur, tam insito, quàm influente, & à circumpositis partibus foueantur. Mortuo autem animali, ossa, ex sua natura, dura, & sicca, frigidaque, iam omni fotu destituta, & frigori exposita, densiora redduntur, atque duriora. Vnde non multum fatere solent aëri exposita, dummodò exhaustus sit omnis superfles humor.

*Obiectioni
satisfit.*

*Ossa mor-
tuorū den-
siora &
duriora
sunt; nec
multum
fatent.*

Dixit denique Hippocrates, abscessum fieri per nervos; quæ doctrina confirmatione non eget; cùm quotidiana experientia abundè manifestet, omne nervorum genus abscessibus laborare. Conuulsiones enim ex repletionemata, & Paralyse, medietatem corporis, aut aliquam humanæ compaginis partem infestantes, nervorum abscessum, tanquàm causam, agnoscunt: quoties autem nervi immodicè propter humorem ad eos translatum, aut decumbentem, obstruuntur, tument, & contrahuntur: indeq; Conuulsio frequenter nascitur nimis saeva. Paralysis etiam, causam agnoscit, abscessum: Nervi enim porosi sunt; atque adeò humoribus bibaces.

*Abscessus
in nervis
fiunt.
Causa Cō-
uulsionis
ex reple-
tione, &
Paraly-
seos.*

*Nervi
sunt porosi.
Per cutem
fit absces-
sus.*

Per Cutem denuò abscessum fieri docuit Hippocrates, idque experientia comprobatur; afficitur enim omni tumorum genere: proindeque eius actiones (præter has communes, nullas habet peculiare) attractio, retentio, coctio, & expulsio, frequentissimè læduntur. Abscessus etiam, pro euacuatione acceptus, per cutem fit: cuiusmodi sunt sudor, & insensibilis euaporatio, ac sordes crassiores, quibus camisiæ maculantur.

Addidit in fine Sententiæ Hippocrates, vel alias emotiones, siue, vel alia diuerticula, vel alia emissaria; quasi diceret, per alias vias, à iam propositis distinctas, humorem noxium à parte affecta deferri, & abscessum procreare. Cùm autem operosum esset, omnes vias, per quas Natura sese à superuacaneis humoribus exonerat, liberatque, recensere, paucis eas complecti voluit. Viæ quidem, quibus Natura nostra ad expurgandos cunctos superuacaneos humores utitur, in duplici sunt differentia: quædam sunt abditæ & secretæ, de quibus Hippocrates Lib. de Alimento, & Lib. 6. Epidem. Sect. 5. in quorum ultimo inquit: Ad-
inuenit Natura sibi ipsi accessus non cogitatione, partim quidem,

*Via du-
plex, per
quâ natu-
ra super-
fluos hu-
mores ex-
purgat.*

vt conuiuere, partim verò, & lingua subministrat, & id genus alia quæque. Inerudita Natura, & indocta, quæ opus sunt, efficit. Galenus in Commentario ait: Accessus Naturæ appellauit perinde, ac si & vias, aut impetus ad agendum dixisset, non vt nos prius mente voluentes, & prius, eligentes facimus, ita & ipsâ faciente.

Conuiuere, quid.

Conuiuentia, oculis utilis est.

Interpretatio textus.

Expositio textus.

Septē vias inferiores, per quas Cerebrū se expurgat.

Conuiuere igitur (sic autem dicitur, cum quis clausas palpebras citò iterum aperit) statim ortis animalibus, & à nullo edoctis illi-
cò inest. Certum est autem, huiusmodi actionem maximam oculis utilitatem afferre: fatigarentur enim palpebræ, si toto vigiliæ tempore paterent: multaque exterius in oculos, ipsorum tunicae, violentia inciderent. Idem Galenus exponens reliqua textus verba ait, bimum puerum, cui bis, aut ter panis ostendebatur, panis ipsius nomen adiijciendo, linguam solius naturæ ope dimouere, vt panem vocet corpus illud, quod panis coram eo dicebatur: idè Hippocrates rectè inquit; partim verò & lingua subministrat. Præterea protulit, & id genus alia quæque: quasi diceret, pariter animal mouere se, suasq; partes ad nutum ope musculorum; absque eo, quod tales actiones à quopiam didicerit, aut musculorum naturam, situmue cognouerit. Multa alia in nobis Natura facit absque Magistro.

Subtiliter ergo Hippocrates subiunxit verbis citatis Lib. 2. Epidem. vel alia diuerticula; solita breuitate plura paucis verbis comprehendens. Longum sanè esset, omnes vias, etiam patentes, recensere, simul & explicare: multò verò difficilius abditas vias inuestigare, cum hæ nobis incognitæ sint, easque tunc Natura inueniat, sibiq; paret, quotiescunque res vrget: Non solum ergo arcanas vias, sed plures adhuc patentes, verbis istis (aut alia diuerticula) quasi sub quodam velamine complexus est Hippocrates. Libro quidem de structura Hominis, circiter quatuordecim vias enumerat, sicuti quatuordecim res quibus constamus. Libro de Glandulis, & Libro de locis in homine, septem vias, per quas deorsum superfluitates Cerebrum deponit, statuit, nares, aures, oculos, thoracem, Oesophagum, spinalem medullam, & venas. Ad sua denique emunctoria, glandulas retrò aures positas non nihil oppressum relegat Cerebrum. Hippocrates Lib. de locis in homine, ait: Ducit itaque sicca corporis pars humiditatem ex capite, & simul transitus, siue meatus, magis ducenti, siue ei quæ ducit, pa-
tent,

rent, quàm ei, à qua ducitur. Cùm enim ipsi meatus, sicci existant, ex eo sibi quæstum parant, simulque humores naturâ deorsum ferri solent, si vel modica necessitas contingat. Hinc viæ innumeræ colliguntur. Per superiores vias, cranij scilicet futuras, se adhuc Cerebrum exonerat. Prolixum ergo foret, hæc, & consimilia, quæ de corde, hepate, liene, renibus, cæterisque partibus corporis dici possent, recensere. Græca verba, quibus usus est Hippocrates, sic accipite: ἀποσάσις, ἢ διαφλίξις, ἢ τόνων, ἢ δ' ὀσέων, ἢ νεύων, ἢ δ' ῥευματος, ἢ ἐκ τρώπιων ἑτέρον: id est: Abscessus, vel per venas, vel per tonos, vel per ossa, vel neruos, vel cutem, vel alia diuerticula, siue alias emotiones.

Via superiores cerebri.

Iuxta Hippocratis doctrinam, viarum occultarum, quas sibi Natura quandoq; oppressa patentibus ductibus egens parat, memini. Aliæ viæ, per quas frequentissimè Natura rem molestantem propellit, quoniam omnibus conspicuæ, nos non morantur. Quis, quæso, ignorat, intestina, Diarrhææ, & Dysentericæ vias; aut vesicam, & eius collum, urinæ iter extremum, aut nares; per quas hæmorrhagia fit; aut Oesophagum, per quem vomitus: aut tracheam arteriam, per quam sputa excernuntur: aut venas, per quas ex locis muliebribus, & ano, sicuti ex naribus, profluit sanguis: imò ipsius cutis pori, per quos sudor egreditur, multis conspicui facti sunt, ablata epidermide: maximè verò, dum abstracta cutis igni apponitur. De Euacuationibus Criticis, quæ per has vias fieri solent, abundè in superioribus dictum est.

Patentes viæ per quas fit euacuatio.

Postquàm compendiosè Hippocrates, vias, per quas abscessus fiunt, proposuit, eorundem abscessuum bonas condiciones paucis explicat. Dicit itaque, Abscessus illos esse bonos, qui infra morbum, seu partem morbo præcipuè laborantem, fit. Secundò statuit, Abscessus illos esse optimos, qui inferni sunt, & longissimè infra ventrem apparent, ac remotissimi à morbo, siue parte, morbo principaliter affecta. Tertiò Abscessus laudat, qui per effusionem fiunt, hîc, si vllibi, locum occupant, bonus, melior, optimus. Bonus enim abscessus est, qui fit infra morbum; quia facilius, & integrius, copiosiusque, humor morbum fouens, deorsum, quàm sursum, fertur: tum quia deorsum semel depositus humor superuacaneus, difficulter sursum recurrere potest, cuius contrarium sæpè accidit, quoties sursum, siue supra morbum, siue par-

Boni abscessus.

Optimi abscessus.

Abscessus qui fit per excretionem per optimus.

tem morbo affectam, humor ascendit. Denuo abscessus ad superiores partes factus non est ita copiosus ac integer, sicuti ille, qui ad inferiores. Bonum abscessum exemplis Hippocrates illustrat, lumborum grauitatem, & varices in medium proferens. Ad lumbos sanè (siue pro quinque lumbaribus vertebris, siue pro musculis lumbaribus, siue pro vtriusque simul accipiantur) faciliter deorsum fertur humor quiuis crassus, cuiusmodi sunt pituitosus, & melancholicus; qui inibi sistentes grauitatem pariunt, & dolorem, tam in ipsis vertebrarum articulis, quàm in musculis: Et quandoque humor ille crassus ab articulis vertebrarum, dum motu præcipuè agitantur, in magnas lumborum venas per occultas vias transmittitur. Vel potius ex Galeno, Commentario 3. in lib. Hippocratis de Articulis tex. 4. humor crassus, & glutinosus in maximam lumbarem venam, id est in venam cauam descendantem, & lumbaribus vertebris coëxtensam, ex supernis partibus transmittitur, & prout viribus constant partes, illinc deorsum vel ad inguinis venas, vel ad poplitis, vel ad crurum, propellitur, & venæ istæ talibus humoribus refertæ dilatantur, & fiunt varices. Vel si ijdem humores in lumbis manent, lumborum grauitas, & dolor inde emergunt.

*Lumborum
varia ac-
ceptio.*

*Humor
pituitosus
crassus, &
humor me-
lancholicus
facile de-
orsum fe-
runtur.*

*Quò pel-
luntur hu-
mores cras-
si.*

Varices.

*Similitu-
dinem be-
nè expo-
nens.*

Si humores illi ad partes infra ventres sitas, id est magnos pedes, ita è lumbis sæliciter deturbentur, ibique sistant, abscessus generabitur melior eo, qui in lumbis fit; imò optimus Hippocrati dicitur ille, qui in pedibus fit, vt varices, alijque consimiles: & eò melior censendus est abscessus, quò à ventre remotior est: ita vt ille, qui in cruribus fit, bonitate superet eum, qui in poplite, & hic eum qui in inguinibus, aut coxis, femoribusque: quoniam quò longius à ventre materia morbifica semouetur, deponiturque, eò magis naturæ robur elucet. Sicuti enim robustior censetur aliquis longè à se proijciens lapidem, aut quid simile manu comprehensum & proiectum, eo, qui ultra permodicam distantiam eundem lapidem proijcere non posset, ita Natura validior æstima-
manda, quo longius à parte præcipuè læsa causam morbificam depellit. Vnde bono abscessu, meliorique etiam abscessu, optimo ab Hippocrate nuncupato, longè præstantior est ille, qui per effluxum fit; id est, excretio humoris morbifici extra corpus: quia humor excretus longissimè à parte affecta promo-

tus proiectusque conspicitur; nec ampliùs vllam corporis partem infestat.

Non est negligenter prætereundum, quod ab Hippocrate dictum est de ventre, quando statuit Abscessus illos optimos esse, qui infra ventrem fiunt, & remotissimè à morbo, siue parte malè affecta: Nam aliquis mediocri doctrinâ imbutus, illicò, ventris nomen audiens, inferiorem tantùm, communiter ita dictum, sub intelligeret: cùm tamen non solum hunc, sed insuper superiorem, id est thoracem, insinuauerit Diuinus Senex, prout ex eius libro de Articulis, Sect. 3. colligere possumus. Spinæ autem (inquit) vertebræ, quibus ob morbos trahuntur, vt gibbum efficiant, plerumque solui nequeunt; præcipuè vbi spina supra septi transversæ coniunctionem gibba fiat. Infra verò quædam soluuntur, cùm varices in cruribus fiunt: illic autem magis gibbam spinam soluunt varices, qui in vena poplitis oriuntur: fiunt etiam & in venis inguinum. Hic Hippocrates ventrem superiorem insinuat, mentionem faciens spinæ supra septum transversum sitæ: loquitur enim, teste Galeno in Comment. de gibbositate vertebrarum thoracis.

Et in vltimæ Partis contextûs Hippocratis Commentario Galenus sequentia habet: Quædam (ait Hippocrates) vitia infra thoracem, nempe ad lumbos, à varicibus, vel torminibus soluuntur, cùm succi, qui ea faciunt, primò ferantur in venam maximam ipsius spinæ, deinde in eas, quæ ab eadem ductæ, ad crura intendunt. Huiusmodi autem in thorace nulla vena est, quæ possit vitiatos succos recipere, quandoquidem vtrinque octo costis vna alimentum subministrat: sed superioribus duæ aliæ tenues, scilicet ab vtroque latere vna: quæ omnes per thoracem distribuuntur, dissipanturque. Idcirco, si succus aliquis ad ipsas ex tuberculis transferatur, excerni non potest, præterquàm quòd agrè etiam admittitur. Succus enim qui cruda, & dura tubercula faciunt, glutinosi sunt, & crassi, quare non faciliè per tenues vias feruntur: sed vena, quæ ad lumbos est, latissima est, & sanguinem ad venas omnes transmittit. Ergo, cùm hos crassos ac glutinosos succos receperit, si affectæ partes viribus adeò valeant, vt, quod superat, expellant, ad venas hinc sitas transmittit: quo fit, vt lateſcant (id est, latiores fiant) & in varices assurgant: vbi quidem succi crassiores fuerint, id accidit in inguine protinùs: sin mediocriter crassi, in

Venter, & thoracem, & inum comprehendit.

Vena poplitis quàm crurum, rectitudinem maiorem, cum spina feruat.

Varices, & tormina in intestinis, morbos superiorum partium iudicant.

Cruda tubercula à glutinosis crassisque succis gi-gnuntur.

Ex humoribus crassioribus fit varix in-

*inguine: ex
minùs cras-
si in popli-
te.*

poplite. Namq; vbi primùm, eò quòd crassi sint, & glutinosi, conferti subsistunt, ibi venam distendunt, dilatantque. Etenim, quibus citra causam hanc varices in cruribus oriuntur, videre licet venas pro portione succorum crassitudinis latecentes, vbi crassissimi sint, latissimas, cuiusmodi venæ sunt in inguine: vbi minùs crassi, minùs latas, quales in poplite. Interdum enim, quum maiores venas obstruunt, hunc affectum excitant: interdum ad inferiores concurrunt, quæ angustiores sunt. In vniuersum autem in varicibus crassus sanguis continetur, nam id vitium plerumque à succo melancholico, interdum etiam ab alijs crudis crassisque, concitatur.

*Varix
semper à
crasso san-
guine na-
scitur.*

*Tormina
intestinis
accedūt ab
humore a-
cri: siue pu-
re a tuber-
culo spine
transmisso.*

Rursus Hippocrates inquit: Solutum quoque iam id vitium est à torminibus diuturnis. Galenus in Commentario ait: Vbi succi, qui præter naturam in corpore sunt, ad intestina transferuntur, tormina fiunt, quum abradantur intestina ob succos acres, qui ad ipsa confluunt, nempe, vbi tubercula suppurant, neque enim aliter ob suam crassitudinem confluere ad intestina potuissent. Sed in suppurationibus crassi succi extenuantur, & naturam affectæ partis ad expellendum excitant id, quod in ea contentum iam molestum est.

*Abscessus
crurum Pe-
ripneumo-
nia super-
ueniēs, bo-
nus.*

*Sputū pu-
rulentū loco
flauū bonū.
Clauditati-
s causa.*

Nec ex his tantum colligitur, Hippocratem nomine ventris thoracem comprehendisse, sed insuper ex ijs, quæ in Prognosticis de Abscessibus in Peripneumonia, siue Pulmonum inflammatione, hac serie habentur: Abscessus autem, qui ad crura fiunt in Pulmonijs vehementibus, ac periculosis, omnes vtiles sunt: optimi verò, qui, vbi scretio iam in mutatione est, fiunt. Si enim Oedema (.i. tumor) ac dolor fiat, & scretio, pro flaua, purulenta existat, ac foras excernatur, ita securissimè & homo supererit; & item abscessus ocysimè citra dolorem desistet. At si scretio (.i. sputum) non rectè excernatur, nec vrina videatur bonum habere sedimentum, periculum clauditis in articulo, vel multi negotij imminet. Galenus in huius textus Comment. Hippocratis sententiam ex lib. 2. Epidem. à nobis transcriptam, in medium adfert, vt vnâ Sententiâ alteram roboret. Libro quidem 2. Epidem. abscessum optimum dixit, qui in partibus à morbo remotissimis, & infra ventrem fit: de nullo tamen morbo, abscessu iudicato, ibidem loquutus est, sed loco citato de Articulis, gibbositatis meminit, & in

modò traducto à nobis ex Prognosticis contextu , expressè de Peripneumonia, abscessu iudicatâ, loquitur, affirmatq; abscessum in cruribus factum utilem esse Peripneumonicis; vtilissimum verò, si screationem coctam, siue sputum coctum subsequatur. Sputatio enim cocta & copiosa est optimum signum triumphantis naturæ, & quoties sputo cocto apparente fit abscessus ad crura, in tuto sunt ægri res: sed si nulla appareat scretio seu sputatio, abscessus in crure factus, etsi utilis ratione Peripneumoniæ, claudicationem pariet; quia humor in articulum depositus est, isque crudus. Libro 1. Epidem. sect. 2. Abscessus in articulos maximè fieri docuit Hippocrates. At verò causa talium abscessuum est articulorum amplitudo, facile suscipiens decumbentes fluxiones. Ad id quoque conducere quidquàm potest motio eorundem articulorum: omnes enim humores ad sedem commotam & calefactam faciliùs permeant, ut habet Galenus in Commentario.

Quòd de screatione, siue expuitione cocta loquutus fuerit Hippocrates, patet ex istis contextûs verbis, ubi scretio iam in mutatione est. Spuitio enim cruda esse potest, & non multum utilis: Cocta ergo esse debet, & copiosa, ut bona censeatur. Nam scretio aliquando cocta non prodest, quando parca perseverat. Parca enim esse potest, vel propter facultatis, quæ thoracem mouet, imbecillitatem; interdum propter crassitudinem & lentitiam screationis: quandoq; propter amborum concursum, tum virium debilitatis, tum etiam qualitatis puris. In contextu verò mentionem fecit Hippocrates vrinarum; quæ, si vnà cum screatione, crudæ fuerint, claudicationem confirmant.

Post dictum textum Hippocrates sequentia profert. Si autem abscessus euanescent, ac retrocedunt, nequaquàm egrediente screatione, ac febre detinente, difficilis morbus est: periculum enim delirij, mortisque imminet. Ut periculum indicaret Hippocrates, non est contentus solo verbo, euanescent, sed addidit, retrocedunt: Et optimo ductus genio; quia euanescere, quod idem est ac citò desistere, ac velut de repentè, bifariam accidit. Id enim interdum cōtingit propter humoris depositi tenuitatem, & partis, in qua humor subsistit, laxitatem raritatemque, & item circumuenientis nos aëris caliditatem, atque adhibiti parti laboranti resoluētis medicamenti potestatem, ac virium ægri firmitatem siue

Non excernere sputum in peripneumonia, malum.

Articuli, quia imbelles, & quia cavitates quasdam habent, currentes ad eos humores faciliè suscipiunt.

Parca expuitio triplicem habet causam.

Abscessus qui retrocedendo euanescent prauus.

Tumores bifariam euanescent. Cur bene euanescent tumores.

*Cur mali
tumores ci-
tò euane-
scunt.*

robur. Si enim omnia prædicta cōcurrant, moles præter naturam, siue tumor ex humoris decubitu ortus, citò discutietur, & salubriter euanesceat. Sed magna ex parte tumores ex decubitu orti euanescent, remeantibus humoribus, eosdem committentibus, aut in eandem sedem siue partem, vnde commoti sunt, quod est propriè retrocedere Hippocrati; aut ad aliquas alias sedes, siue partes, in profundo corporis positas. Tanquàm igitur ex causis maximè contrarijs moles præter naturam euanescent, finem habent maximè contrarium: nam causæ paulò ante allatæ, virium robur, partis raritas, & reliquæ, citissimè contristantium humorum resolutionem indicant: aut sanè deterrimam affectionem, eisdem humoribus in partes præcipuas remeantibus. Signa autem recessûs humoris, paucis exposuit Hippocrates, inquiens: Nequaquàm egrediente screatione, ac febre detinente, difficilis morbus est. Constat enim quòd secesserint in profundum ad sedes præcipuas superflui humores: Si enim discussi essent, non in super febricitarent ægri, ac faciliè scereant. Itaque verisimile est, in pulmonem, omnem secessisse fluxionem; & ob hanc rem Peripneumonicos delirare contingit; quia ad caput ex pulmone multi tunc transmittuntur calidi, adusti; vapores.

*Signa re-
trocedentis
humoris.*

Ante expositos iam Hippocratis textus, extant & aliæ de Abscessibus Sententiæ; quarum sequens vna est: Quibus autem abscessus fiunt ex Pulmonijs, aut circa aures, ac suppurantur, aut ad inferas sedes, ac fistulantur, ij supersunt (apud Galenum ita Hippocrates loquitur.) Apud Hippocratem textus sic habetur: Quibuscunque ex inflammati pulmonis morbis, abscessus circa aures fiunt, & suppurantur, aut ad infernas partes, ac fistulantur, hi superstites euadunt. Fistula enim, ob similitudinem fistulæ Musicalis, ita dicta, est longum & abditum, intus reconditum vlcus callo vndique obductum. Cætera textus verba clara sunt.

*Quid fistu-
la.*

Rursùs ait: Consideranda verò & talia sunt in hunc modum. Si febris detinet, & dolor non desijt, & screatio non excernitur ex ratione: neque biliosæ fuerint alui deiectiones, neque solutiores, ac synceriores fiant: nec vrina admodum multa & crassa, ac multum obtinens sedimentum: promittitur verò salutaris ab omnibus alijs salutaribus signis: his tales fore abscessus sperandum est. Hippocratis textus apud Galenum sic habetur: Sed quoniam

quan-

quandam inuoluit obscuritatem, textum eundem clariori modo ex Hippocrate sic accipite: Verùm huiusmodi sic considerare oportet. Si, & febris detinuerit, & dolor non sedatus fuerit, & sputum pro ratione non prodierit, neque biliosæ, neque solutæ faciles, & meracæ alui egestionibus fuerint, neque vrina valdè multa, & multam subsidientiam habens: indicatur autem superstes futurus (æger scilicet) ab omnibus reliquis salutaribus signis: tunc abscessus huiusmodi fore sperandum est.

In hac Sententia Hippocrates signa futuri abscessus in morbis Peripneumonicis proponit. Galenus præclare rem omnem exponit hac serie: Itaque exordiamur, & nos à prima parte (id est, à textu iam transcripto; nam textum, siue sententiam sequentem, quam deinceps exponemus, secundam partem appellat) in qua summa est, morbum esse concoctum difficilem, non tamen exitiosum: non enim, si concoctus facilis sit, per abscessum, sed aut per excretionem, aut sensim soluetur concoctus: neque si exitiosus existat, aliquis abscessus bonus apparebit. Quocirca medius inter mitiores sit, & exitiosus, oportet. Igitur Hippocrates meritò ex his indicij, quædam mala, quædam bona, adscripsit: quæ particulatim iam prosequor, incipiens à primo, de quo statim inter initia dixit ita: Si febris detinet: id est,prehendit hominem, ita ut nunquam intermittat: & dolor non desijt; nam ubi desierit, nihil amplius opus est abscessu ad solutionem, eò quòd morbus placidior habeatur: Et scretio, dixit, non excernatur ex ratione, prorsus enim morbus non requirit abscessum, quoties screationibus purgetur (his ostendit Galenus, expuitione iudicari morbum); tum deinceps, ait: Neque biliosæ fuerint alui deiectiones: antea enim dictum iam est, ut per morbos biliosos abscessus nunquam fiant: oportet enim crassam haberi, ac crudam humorum materiam, ut morbus plus temporis eduret (crassi enim humores, ut alibi docet Galenus, morbos chronicos siue longos efficiunt) nec per excretionem, sed aut per abscessum, aut solam concoctionem (& consequenter paulatim) curetur.

Quod deinceps in Sententia præscripta positum est, non est nimis obscurum. Vbi enim est alui deiectio copiosa, biliosa, & syncera, non est expectandus abscessus, sed potius indicatio per excretionem. Galenus in eodem Commentario sequentia habet:

*Hippocratis
Exitus.*

*Quoties
humores
facile co-
quuntur à
natura,
morbus per
excretionem
indicatur,
aut sensim
soluitur; si
tamen non
adsint si-
gna lethalia,
abscessus
super-
uenire po-
test. Si præ-
terea adsint
signa, mors
in foribus
est.*

*Morbi bi-
liosus ab-
scessu non
indicatur.
Crassus, &
crudus hu-
mor chro-
nicus cau-
sat morbos.*

Acuti morbi per excretionem, diutini per abscessum indicantur.

Morbi in quibus sunt abscessus, à crudis crassisque humoribus nascuntur.

Morbus humoralis salutaris, tripliciter abigitur.

Abscessus quando ad infernas, aut supernas partes fiunt.

Galenī expositionis sententiæ Hippocraticæ.

Acuti enim morbi per excretionem potius iudicari, diuturni per abscessum, adsolent. Et rursus ait: Hoc loco totius compendium sermonis perstringam, ut ex ipso pateat utilitas in Operibus Artis. Itaque instituit Hippocrates scrutari de morbis euntibus ad abscessum. Hi verò morbi sint omninò ex crudis, crassisque humoribus, oportet, non tamen exitiosis: tales enim ubi diutius immorantur, committunt abscessus, nisi per σύμμεσιν, id est concoctionem (ita enim nominare adsolent Hippocratici) eorum solutio præueniat. At verò indicia concoctionis erunt, si vrinæ copia excernatur, quæ multum obtineat sedimentum. Vbi verò sedimentum multum est, vrina quoque ipsa crassior est, quàm soleat per naturam.

Ut rectè Galeni verba percipiantur, reuocanda in memoriam illa quæ alibi scripta sunt, videlicet, morbum omnem salutarem, & ab humoribus causatum, triplici viâ abigi: vel per excretionem Criticam, vel per abscessum, vel per paulatinam humoris concoctionem, & excretionem (qui modus, solutio simpliciter dicitur) vel coeuntibus abscessu, & excretionem paulatim factâ.

Post supradictam Sententiam, aliam non minùs necessariam subsequenter Hippocrates hoc modo pronunciat: Abscessus autem fiunt, hi quidem ad infernas regiones, quibus aliquid Phlegmatis circa hypochondria adsit: illi verò ad supernas, quibus hypochondrium quidem flaccidum, ac doloris expers persistit. Difficultas autem spirandi aliquo tempore facta, desierit sine occasione alia.

Postquàm superiori Sententia modum dignoscendi futurum abscessum dictauit Hippocrates, in hac sententia modum proponit dignoscendi, vtrum supra thoracem ad adenas, siue glandulas sub auriculis, an infra hypochondria futurus sit abscessus. Galenus præclarè hanc Hippocratis Sententiam hoc ordine exposuit. Occasiones Græcè πρὸς τοὺς; consuevit Hippocrates nominare causas euidentes. Quoties igitur spirationis repentinè eueniens difficultas per prædictas affectiones, rursus de repentinè desistat: habeatque id, ut & eueniat, & desinat sine euidenti causa; significat tendere humores ad caput: quemadmodum ad infernas sedes, calor quidam eueniens in hypochondrijs. Non enim pituitosum humorem existimari conuenit nunc intelligi ab eo per dictionem, in qua ait, quibus aliquid Phlegmatis circa hypochondria adsit,

nam mu'tò melius est intelligere , de calore præter naturam flammido proditum esse phlegma. Is euenit ob ignem sacrū, aut phlegmonem, id est inflammationem propriè nominatam. Quod si fuerit è contrario , vt flaccidum quidem & doloris expers sit hypochondrium , humores verò tendere fursùm versùs prædicta spirationis difficultas indicet , abscessum erupturum supernis sedibus expectato.

*Phlegma
hic pro in-
flammatione
accipitur.*

Hæc promiscuè in medium proferre coactus sum , etsi de signis futuri abscessus deinceps fusiùs, & distinctiùs sim scripturus . Redeamus ergo ad expositionem textûs libri 2. Epidem. vt tandem cum Hippocrate varias abscessuum differentias absoluamus . Sed textus illius primi verbulum, nondum examinatum explicare par est. Postquàm autem de legitimo abscessu loquutus est Hippocrates, abscessus per effluxionem , id est per excretionem facti , quædam proposuit exempla , inquit : Et qui per effluxionem fiunt, velut sanguis è naribus , pus ex aure , sputum , vrina , quæ per effluxionem fiunt. Nos antea diximus , abscessus per effluxionem factos, id est excretionem humorum extra corpus , bonitate excedere abscessus in corpore factos, siue decubitum humorum ad aliquam partem . Constat adhuc alijs abscessibus per decubitum factis anteponendos esse illos , qui ad infimiores partes fiunt : imò, qui extra corpus , vt videre licet in decubitu siue translatione humoris noxij à corde ad sua propria emunctoria , adenes siue glandulas in axillis sitas. Cæterùm Hippocrates in contextu abscessûs per effluxionem facti exempla, paulò ante allata proponens, in Sententiæ calce repetit hæc Græca verba , κατ' ἐξουον , id est , per effluxionem, siue per excretionem, siue secundùm excretionem ; quæ repetitio difficultatem parit non exiguam , cùm paulò ante easdem voces excretionibus per nares, aures, os, & vrinæ vias, factis , præposuerit. Doctissimus Vallesius rem hoc pacto intelligi vult; Certè illud, quæ per effluxionem fiunt, potest intelligi apposituè , aut intelligi de sputo , & vrina. Hæc scilicet esse tales abscessus, cùm fiunt cum effluxione decretoria . Nam quotidiana mictio, & spuitio , non est abscessus . Mercurialis , qui quondam Primariam & Eminentem Cathedram, quam in hac Celeberrima Vniuersitate Bononiensi possideo, pridem occupauit, Vallesij interpretationem (suppresso eius nomine) reiiciens , putat Hippo-

*Non so-
lùm ab-
scessus in-
fra vètres,
sed etiam
extra sunt
boni.*

Dubium.

*Vallesij
sententia.*

*Mercurialis sen-
tentia.*

cratem per κατ' ἐξουρ intellexisse solas vrinas , quæ morbos iudicant , ad distinctionem vrinarum copiosarum , quæ febricitantibus superueniunt, quoties à febrili incendio pinguedo , adeps, & caro colliquantur . His enim colliquantis , oleosum quid , aut pingue vrinis commiscetur, quod vrinarum quantitatem auget: & vrinæ ita adauctæ, quandam veluti Perirrhæam æmulantur: mendacem tamen, atque omninò damnosam.

*Authoris
sententia.*

Existimo tamen ego, Vallesium à scopo veritatis minùs recedere ; Et Hippocratem intelligendum esse de sola critica excretionem sputi, & vrinæ, naturâ vincente , molitâ , alijs quibuscunque euacuationibus , vel ordinarijs, vel prauis, omninò seclusis.

Dixit in textu Hippocrates, abscessum , id est excretionem criticam per aures fieri ; quod experienciâ frequenti compertum est. Nam Cerebro (eiusque membranis) inflammato , aut aure inflammationem patiente, non rarò fit suppuratio, post quam copiosum exiens pus, morbum iudicat. Hippocrates lib. 6. Epidem. Æstate, & in ætate iuuenili , quàm in Senibus , & Hyeme , pus citius prodire docuit: imò lib. 3. Aphor. 24. Puris ab auribus exitum , inter proprios puerorum morbos recenset . Libro demùm 4. Epidem. fertur cuidam pus ex auribus sæliciter exilijsse. Hippocratis verba sunt hæc : Emyris filius febricitabat , & ex aure fluebat purulentum, circa octauam non satis scio . Hippocrates incertus fuit an die octaua morbi, an septima, incepit puris ex aure effluxio ; quæ ægrum iudicauit, quòd Cerebri, & ipsius auris succos exhauserit.

Emyris filius puris exitu per aurem iudicatus.

Altera Pars Textûs.

Quibus hæc non fiunt , huiusmodi abscessus sunt , velut dentes, oculi, nasus, sudor, &c.

Postquàm Hippocrates exempla abscessûs per effluxionem, siue per Criticam euacuationem proposuit, ad exempla descendit abscessûs per decubitus siue depositionem facti . At abscessus, inquit, quibus hæc non fiunt: id est, abscessus, qui non per effluxionem fiunt, sunt velut dentes; id est , vt qui ad dentes, oculos, nasum, aut sudore fieri consueuerunt. Decubitus enim humoris superflui à parte malè affecta ad has partes , sæpè morbos iudicat . Abscessus in dentem facti exemplum proponit

*Abscessus quada-
temp a.*

Hip.

Hippocrates lib.4.Epidem.sequenti serie:Quibusdam etiam dens fuit corrosus, præcipuè tertius ex supernis. Præ omnibus autem hic reperitur corrosus,in hunc dolor,& quibusdam etiam circumfuppuratio; quibus autem in aures fortiter tussientes magis, quàm illi. Et subsequenter de exitu puris ex aure, sic loquitur: Quibus autem in suppurationem cum febribus, liberat septima dies.

Dens corrosus criticæ.

Hieronymus Mercurialis vir sanè doctus, prolixis discursibus præfata exempla examinat, & sudorem per depositionem, & per excretionem fieri concedit? Sed sudore excretorio, siue pro euacuatione, quantumvis copiosâ, accepto, ægros plenè iudicari negat. Quapropter, cùm plerumque morbos imperfectè iudicet; eum inter abscessus per depositionem siue decubitus factos, ab Hippocrate ritè recenseri autumat. Vt hanc opinionem plenius persuadeat, Petri Aponensis, & Aristotelis autoritate utitur. Ad secundum autem, inquit Mercurialis, dicendum est, abscessus per sudorem posse dici per effluxionem; & non per effluxionem, si per effluxionem intelligamus perfectam illam effluxionem, quæ solet ex toto morbū auferre: certè sudor non est huiusmodi; quia, etiamsi copiosissimus, interdum tamen, imò verò plerumq; fit, vt sudor nunquam perfectè finiat morbum, sed imperfectè, vel si soluat, redit. Nam inter alia exempla, Petrus Aponensis Commentario in 22. Problema Sectionis 2. narrat se habuisse quendam, qui in febre tertiana copiosissimè sudauit, sed non abstulit ex toto morbum: imò verò, inquit ille, hunc perdurâsse quatuor annis, in quibus singulo manè in aurora sudauit. Hoc dico, vt intelligatis, sudores, etiam copiosissimos, non esse veras effluxiones. Cur autem ita sit, audite Aristotelem Sect. 2. Problematum, Problemate 22. qui quærens rationem propter quam, cùm quotidie, imò singulis momentis, in corpore nostro fiunt euacuationes, tamen grauitas corporis non adimitur, nisi per sudorem, inquit idcirco esse, quia per insensibiles, & quotidianas euacuationes non educitur humidum illud viscidum, quod facit grauitatem. Cur autem per has expurgationes non euacuetur hic humor, duas esse dicit causas; quarum vna est, quia vbi fiunt insensibiles euacuationes, meatus angustissimi sunt, vt per eos non possint penetrare succi crassi & visciidi; altera causa est, quia ex paucō humido viscido & crasso fit plurimum halitus; siquidem ex vna parte aquæ, fiunt decem

Mercurialis autumat sudorem non fieri per integram effluxionem.

Historia de tertiana.

Humor crassus, & viscidus parit grauitatem corporis.

aëris . Sic vult dicere Aristoteles, ex vna parte humoris viscidī fit copiosissimus halitus. Adeò vt licet quotidie fiant insensibiles excretionēs , nihilominus parum est quod euacuatur illius materiæ, quæ facit grauitatem. Secus autem est in sudore, primùm; quia sudor exit per vias latas & patētes. Vnde fit, vt per illum plus euacuetur illius materiæ, à qua fit grauitas . Eadem etiam ratione dicebat Aristoteles , vomitu multo magis tolli lassitudinem , quàm sudore : siquidem per vomitum euacuatur copiosus ille humor viscidus , & crassus , quia multò propior est hic succus ventriculo, quàm cuti . Quæ omnia eò tendunt , vt intelligatis sudorem non esse perfectam effluxionem : quia etsi euacuatur per sudorem materia morbosa, non tamen copiosè id fit , quemadmodum per vomitum . Vt iure hac ratione Auicenna postposuerit huiusmodi abscēsus per sudorem, sanguinis fluxui, etiam alui fluori, & vomitui.

Nisi ex perantiquis, & Medicinæ Principibus, vix quidpiam meis scriptis adijcere soleo ; quoniam solidæ Antiquorum doctrinæ, quàm plurimorum recentiorum Rapsodijs, & inani iactatiæ, multò lubentiùs hæreo . Ex Mercuriale tamen ad longum, præter solitum morem, antecedentia , ad verbum transcripsi ; vt vobis plenè pateat, quantum à veritate Medica distet.

Mercurialis refutatur primo.

Primò quidem à veritate ipse declinat; admittens, ante scripta sua verba , sudorem esse totius corporis vniuersale excrementum, negans tamen postea, sudore iudicari vniuersum corpus: cùm constans sit apud Galenum , & sequaces , doctrina , alicuius regionis corporis excrementa per peculiare vias euacuari: vt thoracis excrementa per trachæam arteriam, & ita de reliquis , prout fusè superiùs dictum est . Si ergo sudor est totius corporis excrementum, vt Mercurialis apertè pronunciauit , & statuit , eo totius corporis morbus, febris nimirum, iudicari potest.

Secundò refutatur Mercurialis.

Secundò , Hippocratem deserit , qui , vt superius deduximus, inquit , rigorem febris ardenti superuenientem , soluere morbum. Diximus cum Interpretum Torrente , sudore rigorem subsequente, non rigore, febrem solui . Ergo contra Hippocratem asseruit, plerumque copiosissimis sudoribus non iudicari morbum.

Tertiò rejicitur Mercurialis.

Tertiò, aduersatur experientiæ, quæ non Medicos tantùm, sed plebeios quosuis, certos reddit de frequenti Crisi , eaq; saluari, & integra, sudoribus peractâ.

Quod

Quod in medium ex Petro Aponensi produxit, veritati prorsus repugnat; quoniam impossibile est, Tertianā febrem ad quadriennium protrahi, cum septem circuitibus, siue septem paroxysmis, aut inuasionibus, terminetur, iuxta Diuini Senis pronunciatum: tum quia impossibile est, morbum à tenui humore bilioso ortum, tam diu durare: nam tenuis humor facilè quoquoersum permeat, euacuatur, dissipaturque. Est ergo hæc falsa experientia, Petri Aponensis figmentum (cui, nullo præposito examine, Mercurialis fidem adhibuit) febrem tertianam ad quadriennium protractam fuisse. Fuit sanè hæc febris, vel tertiana notha siue spuria, vel semitertiana, vel quid simile, ab humoribus crassis suam accipiens prolixitatem. Febres quidem Chronicæ humorales (vt cæteri morbi Chronici consimiles) quasi semper, tales fiunt, quoniam, ab humoribus crassis, aut viscidis, & pituitosis, aut melancholicis fouentur. Dixi, quasi, quia quandoque imbellis Natura causa est prorogationis morbi, quòd cibum non probè conficiat. Cibo namque malè concocto, crudi crassique humores generantur, qui nouum, etiam leui morbo, fomitem quotidie contribuant.

Testimonium ex Aristotele à Mercuriale deductū, eidem Mercuriali aduersatur: cum Aristoteles, conceptis verbis, significauerit corpus sudoribus, non effluuijs, leuari. Quare (inquit Aristoteles) cum corpus assidue fluat, effluxusque ipse de excrementis proueniat, corpus leuari non possit, nisi sudauerit? An quia minus excernitur quàm satis sit? Cum enim ex humore mutatur in aërem plus de minori existat, necesse est. Humor enim quicumque copiosius cum se discernit, redundat, diutiùsque ob eam rem perfectò excernitur. Lenta item, glutinosaque excrementa, vt cum humore propter missionem excerni possunt, ita cum spiritu nequeunt: quæ quidem res maximè officere potest. Hinc etiam vomitus magis, quàm sudores, corpora leuant; quoniam ea ipsa excrementa educunt; vt qui crassiores corpulentioresque sint, vtque cum carni quidem procul is locus sit, qui lentam illam, glutinosamque materiam continet. Ita que non sine magno negotio dimouendi datur facultas. Ventri autem è vicino est: aut enim in eo consistit, aut propè. Quo fit, vt difficilè queant aliter educi. Ex his Aristotelis verbis clarè constat, sudoribus corpus leuari: quod non aduenit ope continui effluuij, quia hoc continuum effluuium,

Petrus Aponensis perstringitur.

Petri Aponensis error notatur.

Diuturnorum morborum causa.

Non rectè Mercurialis Aristotelem citauit.

Corpus assidue fluere, est aliud remedium per curam semper euacuari.

Sudoribus corpus leuatur ex Philosopho.

siue

siue insensibilis euaporatio materiæ prætenus per cutis meatus facta extra corpus, sensum fit, & parcè: imò ex ipso Mercuriale per angustas vias fit, cùm per latas fiat sudor.

*Exponitur
Aristoteles.*

Nec obstat, quod dicit in contextu Aristoteles, vomitu, quàm sudoribus, corpora magis leuari. Nam hoc verissimu n est, quoties crassi humores in ventriculo, & vicinis partibus, stabulantur, de quibus clarè loquitur ipse Aristoteles, dum ait, vt qui crassiores corpulentioresque sint. Verùm quoties humor biliosus in venis, & corpore redundat, commodissimè per sudores euacuatur. Sudores ergo inter abscessus per depositionem factos reposuit Hippocrates; quia supra cutem, vt plurimum manent sudores, nisi abstergantur: quod non est necesse, vt fiat in hæmorrhagia, vomitu, alui profluvio, & perirrheæ, in quibus totaliter extra corpus, quod superfluum est depellitur, idq; affatim. Sed hoc non impedit, quò minùs inter abscessus, qui per effluxionem fiunt, enumerari queat sudor. Nec mirum est, Mercurialem abnegasse, sudoribus iudicari ægros, cùm eandem vim vrinæ profluvio abstulerit: imò ausus est pro se Galenum citare; cùm tamen libro 3. de Crisib. cap. vii. & alibi passim, morbos vrinæ profluvio iudicari idem Galenus asseruerit. Nonne præterea Hippocrates lib. 1. Epidem. clarè monuit, quàm plurimos vrinæ dolorifico stillicidio iudicari, seruarique?

Mercurialis notatur.

Dubium excitatum de sudoribus, circa reliqua adhuc versatur: videlicet, an rectè dictum sit, abscessus per depositionem ad oculos fieri, & ad nasum; cùm ex oculo effluant lachrymæ, & ex naso mucus, aliusue humor. Vnde his in partibus fieri abscessum per effluxionem constat.

Abscessum per effluxionem, & depositionem patiuntur oculi, nasus, aures.

Cui dubio occurrendum censeo, vtroque modo abscessum ad nasum, oculos, & aures fieri. Quòd per effluxionem, patet ex modò dictis experienciâ quotidianâ confirmatis: Patet deniq; ad easdem partes fieri abscessum per depositionem siue decubitum: nam in naso fit Polypus, & Ozena: in oculis Ophthalmia: in auribus Inflammatio: in dentibus corruptiones: quæ omnia mala, licet partem, in qua sistunt, infestent, partem tamen, è qua humores feruntur, subleuant.

Ait postea Hippocrates, Sed & quæ sub cutem abscedunt foras, tubercula, velut humentia, & quæ suppurantur; aut vlcus, aut eiusmodi exanthemata, aut squamæ, aut defluuium capillorum, vitilignes, lepræ; aut eiusmodi quæ sunt acervatim finentis, & non

semirepentis, & quæcunque alia dicta sunt. Dixi ego antea, quæcunque ad cutem ex interno corpore transcurreunt, si sub cute, aut in ea subsistant, abscessus nomine comprehendi. Hoc Hippocrates clarè indicauit verbis his: Sed & quæ sub cutem abscedunt foras; id est, quæ ab internis partibus ad cutem vsque (sub qua vtplurimum continentur) transferuntur superflua. Hæ nimirum redundantia, superfluitatesque, cutaneos excitant affectus: qui sanè varij sunt; vt tubercula varia, quæ *φύματα* in Græco textu Hippocrati dicuntur: quæ quidem phymata, in ampliori significato, omnes comprehendunt tumores: hoc tamen in loco humentes, id est, omnes tumores ad veram suppurationem, aut ad quid simile suppurationi, terminatos, præsertim apostemata, melicerides, atheromata, steatomata, de quibus in nostra Pathologia, achores, aliosque consimiles, liquidum quid continentes.

Phyma generice sumptum tuberculū generice acceptum significat.

Non negligenter verba Græca ab Hippocrate prolata, prætereunda sunt: ἐστὶ ἐξω φύματα ἰοιταγγαί καὶ ἀεκρωοῦντα, ἢ ἔλκος: id est: foras phymata, siue tubercula (abscedentia) velut humentia, vel potius rancida, & quæ suppurantur, aut vlcus. Has etenim Græcas voces idè examino, quoniam vox Græca *ταγγαί* idem latinè sonat, ac rancores, quasi quis diceret, res quædam rancida; sicuti oleum dicitur Alexandro Aphrod. 2. Problematum, Problem. 70. qui voce *ταγγή* vitur: & Paulus Ægineta voce *τάγγος*. Laridum etiam rancidum communiter dicitur, quoties putredo natium calorem superat, sed veluti lentè, & sine vehementia. Vnde non immeritò steatoma, abscessus ita dictum ob similitudinem seui, & fortassis rancidi, *τάγγη* dici potest; veluti meliceris, abscessus vel tumor, melleam substantiam, sed rancidam continens: Sicuti atheroma, abscessus mollem quandam substantiam, pultis instar. Achores pariter hoc nomine comprehenduntur; veluti quicquid tumor rancidulum quid includens. Phymata verò, siue tubercula suppurantia dicta, sunt phlegmonosi tumores, qui ad suppurationem tendunt.

Tange, & tango, rancorem significat. Steatoma.

Meliceris.

Atheroma.

Et pariter sub tuberculo latè sumpto, alij tumores non suppurati, nec rancidam materiam includentes, continentur. Fecit Hippocrates mentionem vlceris, quod est continui solutio, à vitioso humore, praua qualitate, præsertim acri, atque mordaci, salsaue prædito, facta: & in habitu corporis, ac alibi, ob humoris prauum decubitus siue translationem fit.

Quid vlcus

Exan-

Exanthemata Plinio, & reliquis latinis Papula dicuntur.

Manardus perstringitur.

Exanthematum diuisio.

Fuchsius reprehenditur.

Manardus Galeno contrarius. Morbillo-rum duplex genus.

Morbillo-rum subdiuisio.

Morbilli in febribus ardētibus.

Exanthematum in contextu meminit Hippocrates. Multi multa de exanthematibus hoc sæculo pronunciant. Plinio, exanthemata dicuntur papulæ, quas Manardus libro 7. suarum Epistolarum, Epistolâ 2. tumores, & affectus cutis spontè florentes dicit: quæ quidem descriptio non exanthematibus modò, sed alijs cutaneis tuberculis affectibusue conuenit. Fuchsius tamen Manardum sequutus est in sua Praxi. Valleriola lib. 1. Enarrationum Medicinalium, Enarratione 8. contra Manardum affirmat, Herpetes non esse exanthemata, de quibus est loquutus Galenus. Communiter Exanthemata diuidunt nostri Doctores in Morbillos, & Variolas: has appellantes sublimes & conspicuos in cute prominentes tumores; qui reuerà, tubercula (si tuberculum instar diminutiui, non in laxiori sensu pro omni tumore præter naturam, accipere placet) rectè dici possunt. Morbillos, latos & humiles, imò planos tumores vocant, si Fuchsium excipiat, qui contra omnes, variolas latas esse autumat, morbillos verò sublimes: Cùm tamen variolæ, sensûs iudicio, eleuatæ conspiciantur in pueris: morbilli verò, tam in his, quàm in alijs, plani. Herpetes, morbillos esse statuit Manardus, in quo longè à Galeno recedit. Morbilli sunt in duplici differentia: quidam plani omninò sunt, qui pueris, post, aut ante variolas erumpunt: & variolarum vicem in quibusdam gerunt: quoniam impurum seminarium in vtero Matris à puero contractū imbibitumque, vtrouis modo, Naturæ iudicio, ac impetu, ad cutem transmittitur; quandòque integrè, vt inde plena salus emergat; quandoq; non plenè ad cutem transmissâ virulentâ materiâ, mors, aut imperfecta sanitas. Hos morbillos adhuc in duas dispescunt species: Vna est illa, in qua latæ, & circulares, orbicularesue maculæ, cutis partibus, in quibus conspiciuntur, quoad planitiem, penè coëquales videntur. Altera, media est inter hos morbillos, & variolas, in qua prominentiæ quædam exiguæ, & variolis minores, quibusdam in cutis partibus erumpunt, rursusque in planitiem desinunt; in alijs verò cutis partibus maculæ quædam videntur omninò planæ. Sed de his in Praxi fusiùs.

Altera morbillorum differentia, est illa, quæ in febribus ardentibus (siue continentes hæ, siue continuæ fuerint) frequenter in cute conspicitur. De his plenius libro de Peste à nobis scripto ante vigintiduos annos, Anno videlicet 1629. In ordinaria sunt-

similiter praxi res hæc abundè exponitur.

Compendio, exanthematum interpretationem, plurimorum iudicio congruam, deduximus. Sed quoniam vix relata doctrina, fido Hippocratis interpreti, Galeno, cohæret, huius de exanthematibus doctrinam transcribere placet, ut unusquisque, matura mente præditus planè intelligat, quântum Galeni doctrina ab Arabum, Arabumque sequacibus, quorum fortassis opinionem breuiter exposuimus, distet: Noster ergo alter Hippocrates, Galenus, Lib. 5. Meth. med. cap. 12. in quo de vlceribus, quæ in aspera arteria generantur, & lactis quod apud Tabias in Regno Neapolitano habetur, perfectione loquitur, de Exanthematibus sequenti serie factur: Cæterum, qui ex Pestilentia hoc vitio laborârunt, propterea mihi facilè sanati videntur, quod præsuccatum ijs, præpurgatumque totum corpus fuerit: quippe cum & vomuerint ex ijs nonnulli, & omnibus venter profluxerit: Atque, cum ita vacuati essent, qui euasuri erant, ijs pustulæ, quas exanthemata vocant, nigræ toto corpore confestim multæ apparuerunt, vlcerosæ quidem plurimis, omnibus certè siccæ. Eratque intuenti perspicuum, reliquias eas esse sanguinis, qui in febris putruerat: quas veluti cinerem quempiam natura ad cutem trussisset; sicuti alia ex superuacuis nonnulla trudit. Verùm medicamentis ad eiusmodi exanthemata opus non fuit, cum siderent sua sponte, ad hunc modum. Alijs quidem, quibus videlicet exulcerata summa pars fuit, decidit ipsa vlceris crustula, quam Ephelcida nominant, deincepsque quod reliquum fuit, propinquum sanitati erat, ac post vnum, duosue dies, ad cicatricem peruenit: Alijs, quibus scilicet vlcerata summitas non est, exanthema quidem ipsum, & asperum, & scabiosum erat, decidit verò veluti squamma quædam; ac dehinc omnes fuere sani. Nihil itaque miri, si etiam ij, quibus eiusmodi exanthemata in pulmone sunt orta, propter vlcerum siccitatem sunt sanati. Quod namque in cæteris vlceribus vniuersis supra monstrauimus curationis esse propositum, hoc iam ijs, quæ ex Pestilentia sunt orta, præstò fuit. Omnia namque sicca, & aspera fuere, plurima quidem scabiei, quædam verò etiam lepræ similia. Ergo cum experientia rationi attestetur vlcerum curationem hunc vnum habere finem, ut siccentur, poterit quispiam ex ijs, qui sanguinem ex pulmone reijciunt, seruare permultos ita, ut nos fecimus. De exanthematibus adhuc loquitur

Qui in pestilentia euasunt, benè purgati fuere sursum, & deorsum.

Materia exanthematum est sanguis putrefactus in cinerem versus. Ephelcids quid.

Exanthemata pulmonis sanata.

Scabiei, aut lepræ similia exanthemata pestis.

Galenus lib. 6. Epidem. Comment. 2. Hippocratis verba exponens.

Lata pustulæ exanthemata dicuntur.

Hippocratis contextus hac serie inibi habetur: Lata pustulæ non admodum pruriginosæ: quales Simon hyeme habebat; qui cum ad ignem inungeretur, aut calida lauaretur, iuuabatur. Vomitus non iuuabant. Puto, si quis calida fomenta adhibuisset, vtilitatem percepisset. Alia versio sequenti ordine habetur: Lata exanthemata non valde pruriginosa, qualia Simon habebat hyeme, qui cum ad ignem inungeretur, aut calida (aqua) lauaretur, iuuabatur. Vomitus non conferebant. Existimo, si quis calefaceret, iuaret. Gale-

Tubercula facili, difficilisq; indicij.

nus in huius textûs commentario sequentia scripsit: Vt de tuberculis dicebamus, quæcunque ex calido humore nascuntur, celeris videlicet ea indicationis, ac minimè lata: ex frigido verò, lata, atq; diuturna: eadem ratione, & de pustulis differendum est; neq; enim toto genere, sed humoris ipsas generantis qualitate, à tuberculis differunt. Egerminant autem, naturâ corporis altiores sedes repurgante, vt nonnunquam per excretionem, ita & per depositionem ad cutaneas partes. Subtiliores siquidem, dilutioresque suc-

Crassus humor, densaque cutis pustularum causa.

cos extenuans natura discutit: crassioribus autem cuti, sed potius pelliculæ, epidermis, quæ vocatur, vtpotè densiori inhaerescantibus pustulæ exoriuntur: idque magis illis incidit, quicunque densiore, ac duriore cute sunt, difficilis est enim per ipsam pinguiorum tenaciorumque succorum transitus. In hunc modum igitur, & Simoni hyeme latas pustulas effloruisse narrat, quo tempore corpus lationibus vsus, aut propè ignem perunctum, insigniter calefactum fuit: alio tempore autem, succi id genus pustularum auctores interius latitabant. Deinde inquit Hippocrates, ipsum nullum ex vomitibus fructum percepisse. Vtrum verò ipse Hippocrates, an alius

Succi ad cutem vergentes per eandem euacuamur.

quispiam, vomitionibus vti consuluerit, non declarauit: verum neq; id scire nobis necesse est: tantum illud nouisse satis sit, succos ad cutem vergentes, per eam esse euacuandos: nam iterum ad intima corporis reuulsio ipsis valdè longinquæ est, vt per aluum, aut vomitum euacuentur. Sed forsan me dicere putabis, nunquam purgatione per aluum in talibus vtendum esse. Ego .v. non id dico: nam in libris de Arte curandi, in quibus corporibus permulta humorum copia est, ijs vtilis esse purgationes didicisti: priusquam enim ita redundantem materiam, aut venæ scissione, aut purgatione quis eduxerit, si fouens, hoc est calidis vtens, ipsam discutere

Si succus prauus in corpore abundet purgandum, & sanguis mitterendus.

conetur, plus attrahet, quàm per cutem euacuabit. Sed cuti inhærentium succorum curatio prorsum per fatus, & calida medicamenta præstatur: ac præcipuè, si latæ pustulæ fuerint. Signum est enim earum succum non calidum, non tenuem, sed admodum crassum, ac frigidum esse. Iam verò & tuberculorum superius notitiam habuistis, quod videlicet in acutum fastigiata, & veluti turgentia, calidorum succorum germina sunt, contra sese habentia, frigidorum. Ipsa verò turgere ex pruritu, atq; dolore, dignoscere licet: moderatè enim calida pruritus solum excitant, sed vehementius calefacientia statim mordent, atq; contristant.

Ex dictis, alijsq; Hippocratis, & Galeni contextibus colligere licet, quid nomine exanthematum intelligi debeat: quod vt distinctius percipiatur, ante omnia supponendum id, quod Græcis Phyma dicitur, latinis tuberculum nuncupari: adeoq; phyma, tuberculumue, pro notæ molis, siue magnis tumoribus præter naturam, tam in intimis corporis partibus, quàm in externa superficie natis, vt plurimum accipi: eademq; tubercula ab exanthematibus distinguui. Vix est inter doctiores qui dubitat, tuberculum pro tumore præter naturam alicuius molis, propriè, & vt plurimum sumi, licèt in laxiori significatione minores complectatur tumores, quoties tuberculum tuberi diminutiuum constituere placet. Quòd deniq; tubercula ab exanthematibus distinguantur, colligitur ex Hippocratis doctrina, lib. 3. aphor. 20. qui hac serie habetur: Vere etenim infantiæ (siue mania, siue furores) melancholiæ, morbi comitiales, & sanguinis fluxiones (hæmorrhagiæ scilicet) & angina, & grauedines, & rauedines, & tusses, & lepræ, & impetigines (siue lichenes) & vitiligines, & pustulæ vlcerosæ plurimæ, & tubercula, & morbus articularis (siue arthritis). Græco autem in contextu habentur: *Ἐξανθήσεις, ἐλκώδεις, πλείσται, καὶ φύματα*: id est: Exanthemata vlcerosa multa, & tubercula. Si quis autem vocem, *Ἐξανθήσεις*, pro pustulis tantum accipere cupit, esto: Saltem huiusmodi pustulæ inter exanthemata numerantur, vt deinceps clariùs exponam. Galenus lib. 6. Aphorism. Comment. 9. tubercula etiam ab exanthematibus distinguit; Aphorismus hac serie scribitur: Latæ pustulæ non admodum pruriunt. Alter interpret hanc versionem amat: Latæ pustulæ non valdè pruriginosæ sunt. Galenus in Commentario sequenti serie loquitur: Sicuti tubercula omnia duplicem

Discurientia, & attenuantia pro pustulis cutis.

Calidorum, & frigidorum tuberculorum nota, & causa.

Pruritus simplicis, & dolorosi causa.

Phyma est tuberculum.

Morbi Vere eruptentes.

Tubercula ab Exanthematibus discrepant.

habent differentiam: quoniam quædam tendunt in acumen, & altum petunt: quædam ad maiorem extenduntur locum, non tamen in altum attolluntur: sic & pustulæ nonnullæ sublimes, nonnullæ latæ fiunt. Sublimiores autem pustulæ, atq; tubercula, à calidiori humore generantur, humiliores autem à frigidiore. Quare ob duplicem causam latæ pustulæ non admodum pruriunt: distantur .n. in latitudinem extentæ, & facientem ipsas humorem minùs acrem habent. Ecce Galenus tubercula ab Exanthematibus distinguens. Sicuti enim in Aphorismo Hippocrates habet, *πλατεια εξαθηματα*, id est, latæ pustulæ; pariter & Galenus in textu Græco *εξανθημάτων*, & deinceps, *εξαθηματα*, habet. Et Exanthemata, pustulæ Interpretibus dicuntur: veluti *φύματα* (quâ voce Galenus etiam in Commentario vtitur) tubercula.

Ex dicto Galeni Commentario constat, tubercula ab exanthematibus, non qualitate humoris, tam hæc, quàm illa generantis, nec figurâ, sed quantitate, siue mole, distingui; quòd tubercula, magna; exanthemata verò, parua semper notentur. Vnde æstimandû in citato Galeni comment. in secundam Sectionem libri 6. Epidem. mendum irrepisse, dum *ποσότητος* loco *ποσότητος* scribitur. Galenus siquidem tubercula ab exanthematibus toto genere non distingui affirmavit; quod nollem dictum, si sola qualitate humoris distinguerentur. Nam humorum diuersa qualitas est, quæ exiturarum (siue hæc tubercula, siue exanthemata fuerint) genericam discrepantiâ potissimùm constituit. Legendus ergo Galeni contextus superiùs scriptus, vt sequitur: Eadẽ ratione & de pustulis differendû est: neq; enim toto genere, sed humoris ipsas generantis quantitatẽ, à tuberculis differunt. Rectè ergo *ποσότητος*, id est, quantitate, (scilicet differunt) loco *ποιότητος*. i. qualitate, collocari debet. Nam reuera tuberculorum imaginem sequuntur exanthemata, cum inter exanthemata, more tuberculorum, quædam acuminata figura protuberent, quædam lata: Et sicuti inter calida tubercula, quædam sunt acuminata, vt phlegmones, quæ à sanguine promanant, & alia lata, vt erysipelata; similiter inter exanthemata, quæ sunt minuta tubercula, inueniuntur quædam sanguinea, quæ sunt exiguæ phlegmones, cuiusmodi sunt multæ saltem variolæ, scabiesq; sanguinea, & quædam lata, vt sunt morbilli, qui non rarò erysipelata perexigua repræsentant. Sicuti etiam lata tubercula,

*Sublimes
pustula à
latis differunt.*

Tubercula quantitate, non qualitate humoris ab exanthematibus differunt.

cula, & non acuminata, ab humore frigido pituitoso, aut melancholico, nascuntur; ita similiter exanthemata lata ab humore frigido, quæquidem exanthemata non nisi modicum pruritus excitant: quo genere exanthematum vexabatur hyeme Simon ille relatus ab Hippocrate. Hyeme liquidem pituita cæteris humoribus prædominari consuevit: Simoni ergo lata exanthemata pituitosa superuenire; sed quia ferocitas quædam biliosa, vel fuligines in parte affecta detentæ, pituitæ commiscebantur, vel ipsius pituitæ porriūctula computruit, inde pruritus exiguus nascebatur; qui cessabat, quando vi caloris, cutis pori aperiebantur, & exanthematum causa attenuabatur, rursusq; resolebatur. Quoties autem humor exanthemata procreans, calidior est, acriorq; saliorue, pruritus excitat satis vehementem.

*Pituitosa
exanthema
hyeme cur pruritus
excitant.*

Cum liquidò constet, tubercula (maiora scilicet) ab exanthematibus, siue perexiguis tuberculis, distingui, par est modò inuestigare, quid propriè exanthematis vox significat, & quo in sensu accipi debeat. *Ἐξάνθημα* porro idem est, ac id, quod effloruit, aut efflorescentia: verbum enim *ἀνθίω*, idem est, ac floreo, *ἀνθήμα*, florum emissio, vel productio, vel efflorescentia: Vnde per Metaphoram papulæ siue pustulæ per habitum corporis erumpentes, exanthemata siue efflorescentiæ, non incongruè Hippocrati, Galeno, & Paulo Æginetæ, lib. 4. cap. 8. dicuntur. Hippocrati etiam lib. 2. Epidem. *ἰκθήματα* dicuntur: *Θηλάζουσα ἔστι ἰκθήματα ἀνὰ τὸ σῶμα πάντη ἔχεν. ἔπειτα αὐτὰ το σθλάσουσα, κατέστη δερτὸς*: id est; Quædam lactans, pustulas per corpus ubiq; habebat. Postquam autem lactare cessauit, sedatæ sunt per æstatem. Libro adhuc 3. Epidem. sect. 3. Pestilentis constitutionis mala enarrans, idem Hippocrates, ait: *Ἐκθήματα μεγάλα*: id est, pustulæ magnæ: vel, ut alter interpretis habet, papulæ magnæ. Galenus in horum verborum commentario, *ἰκθήμα* sequenti serie exponit: Apertum est ab *ἰκθιν*, quod est *ἔξορμαν*, id est, erumpere deriuatum esse *ἰκθινιάσι*, id est, papulis, nomen, in ijs, quæ sponte extuberant in cute. Hæc constant superfluis, scilicet humoribus. Atq; qualitatē etiam non iniuria subsequuntur, cum tenues humores, exulcerationem potius, quàm tumores, creent: at crassi in tumorem pellem attollant. Liquet autem quæ nunc in cute spontè sunt genita, eiusdem esse generis, cum illis, quæ in genis, & vlceribus prædixit excrefcere. Ero-

Quid Exanthema.

*Ecthima
quid.*

*Tenues
humores
exulcerant,
crassi tu-
morem in
cute exci-
tant.*

cianus in suo Onomastico eandem habet explicationem: *Εκθύη*, inquit, erumpit: *ἐκθίωσι*, excurrunt. Nec interpretes Græcarum vocum ab hac expositione discedunt, apud quos *ἐκθίω* idem est, ac cum impetu erumpo: *ἐκθύμα*, quod per cutem quasi erumpit, aut efferuescit, pustula, papula: Et tam verbum, quàm nomen, ita ab Hippocrate intelligi communi consensu asserunt. Et iuxta Hesych. *ἐκθύσω* idem esse, ac efferuesco, euomo, protinùs autumant. Nec hi solum, sed præstantissimus Interpres Foësius *ἐκθύματα*, secundùm Hippocratem, pustulas esse ait in summam cutem erumpentes. Et Vallesius in sua versione, ut Hippocrati, & Galeno, ac ple-
risque Interpretibus consentiret, loco, *Echymata*, posuit *exanthemata*.

*Fernelius
notatus.*

Cæterùm Fernelio placuit Medicinæ Principes deferere, dum *Echymata* in angustissimo sensu accipit, aiens, ea ex sanguinis feruore prodire, & extuberare: ea tamen ab Epiniotide, & termintho distinguit: licèt tria hæc genera, tresue species, pustulas appellet sanguineas. Galenus veruntamen non à solo sanguine, sed insuper humoribus frigidis *exanthemata*, quæ cum *echymatibus* confunduntur, nasci docuit in comment. Historiæ Simonis superiùs relatæ. Lib. etiam 4. de sanit. tuen. cap. 4. ex varietate *exanthematũ* in cute apparentiũ, succorum in intimo corpore latitantium redundantiã colligit. Eius verba sic accipite: Si cum *exanthematibus* lassitudinis affectus consistat, ex his facilis inuentu erit excrementi species. Ecce Galenus *exanthemata* statuens redundantium interiùs humorum certa signa. Cùm ergo quatuor humores alternatim, aut simul, peccare queant, *exanthemata* cuiusvis humoris naturam ostendere poterunt, quia ex quouis humore nascuntur *exanthemata*. Cæteroquin enim humores varios non repræsenterent.

*Perampla
exanthematis
significatio.*

Missio ergo Fernelio, perpendere par est vocis, *exanthematis* latitudinem. Si verò vocis significationi hærendum, omnia, quæ in cute, aliena progerminant, præter insignis magnitudinis tubercula, *exanthemata*, pustulæue dici possunt. Nam his in cute ortis ab humoribus ex interioribus partibus delatis, eadem cutis veluti nouis floribus onusta, conspicitur: quamquam ijdem flores corruptionis humorum soboles extent. Nec est necesse ad hoc, ut *exanthematis* nomen mereantur pustulæ, in cute promineant exiguorum tuberculorum instar, ut patet ex Galenico contextu superiùs transla-

to ex cap. 12. libri 5. meth. med. in quo quædam exanthemata, aspera tantum fuisse, & instar squamarum decidisse docuit. Vnde libro de Medicinis facile parabilibus, cap. 5. ait: Exanthemata verò sunt ulcerationes factæ in summa cutis, subrubicundæ, & asperæ. Hippocrates denique lib. 5. Epidem. mentionem facit exanthematum, pustularumque, quæ cum culicum moribus comparauit. Textus hac serie habetur: Euphranoris filio exanthemata, velut morsus culicum, exiguum autem tempus, postridiè febricitauit. Fœdissima versio sic habetur: Euphranoris filio pustulæ culicum moribus non abssimiles eruperunt; verum pauco tempore durauerunt: postridiè febris inuasit. Lib. 7. Epidem. eiusdem historiæ fit hac serie repetitio: Euphranoris filio pustulæ, siue exanthemata, culicum moribus non abssimiles, eruperunt. Eodem lib. 7. fortassis de planis istis pustulis loquitur, dum sequentia scripsit: Timonactis infanti, ferè bimestri, pustulæ in cruribus, coxis, lumbis, & ino ventre, tumoresque admodum rubicundi extiterunt.

*Culicum
moribus
quædam ex-
anthemata com-
parauit Hip-
pocrates.*

Hinc inferre licet, Exanthematum nomine, non prominentes solum, sed planas pustulas, quæ Hispanis Tabardillo, Gallis Pourpre, Italis Petecchie, dicuntur, comprehendi. Maculas autem istas, modò rubras, modò flavescentes, modò violaceas, modò Pallidas, prout hic, aut ille humor, peccat, prædominaturque, non culicum, sed pulicum moribus, aut puncturis, comparant, nec ineptè, nostri sæculi Medici. Vnde febris, cui hæc superueniunt, nomen ab Hispanis inditum, febris punctularis: alijs, febris purpurea. Italis febris Petecchialis, aut peticularis. Puncturas autem illas, peticulas vulgò nuncupari testatur Diomedes Amicus, Medicus Placentinus suo in Tractatu de Variolis, in lucem Veneti, misso, Anno 1596. Hic autem Bononiæ, à vulgo, & Medicis, Petecchie iam à decénio vocari audio, latinè verò à Medicis Petecchias. Dixi pustulas illas planas pulicum moribus ritè assimilari; quoniam reuera pulicum morsus omninò similes sunt istis pustulis planis, quæ multis ardentibus, malignisque, pestilentibusque superueniunt febribus.

*Pulicum
moribus
exanthemata quæ-
dam assimi-
lantur.*

Præterea, ex Hippocratis, & Galeni doctrina abundè colligitur, solos morbillos, & variolas exanthematum nomen non meruisse; cum præter eosdem morbillos, & variolas, alias innumeras pustulas exanthemata complectantur.

Exanthemata latius patèr, quàm morbillos, & variolas.

Obiectio.

Sed fortassis nobis opponet aliquis, planarum pustularum, quas solas, morbillos hodie Medici nominant, nullam fieri in Hippocratis Operibus mentionem: cum quintus, septimusq; Epidemiorum libri, ex quibus historiam de morbillis, deduximus, non sint genuini Hippocratis, asserente Galeno lib. 3. de difficultate respirandi, & in exordio primi Commentarij libri de humoribus.

Solutio.

Huic Galeni authoritati hoc pacto respondendum censeo. Supposito, quod non sint Hippocratis duo prædicti libri; sicuti nec quartus, perinde nobis est. Sufficit enim quod sint alicuius Hippocratis Nepotis lucubrationes, ex Patris, & Aui scriptis collectæ: imò nobis modò sufficit, quod fuerint compositi dicti libri ab aliquo antiquo Authore Græco; sit enim Athenarum mentio lib. 5. Epidem.; sitq; Abderitanæ Ciuitatis; quæ sanè operis vetustatem confirmat. Addamus & his quandam doctrinam, tanquam Hippocraticā, ex 7. Epidemiorum à Galeno citari, vt libro de Pulsibus abundè referam. Sanè vix credendum, distas planas pustulas Hippocrati ignotas fuisse, cum ille pestiferis morbis abigendis diligenter, Atheniensium precibus ad id coactus, incubuerit. Morbilli enim pestilentibus febribus, & malignis, saltem multis, superuenire consueuerunt. Deniq; liber 5. Epidem. vtilissimus est, quod de Praxi Medica multò fusiùs, quàm reliqui libri Epidemici, pertractauerit. Demùm de exanthematibus expressè loquutus est Hippocrates libro 2. Epidem. alijsq; in locis à nobis citatis; quibus absq; vllò dubio, peticulas, petechiasue, culicum pulicumq; morsibus planè consimiles, exanthematum (vt vocis etymon inferi) nomine, præter alia comprehendit.

*Angustior
exanthematis
significatio.*

*Exanthemata
quæ
doque ante
febrem.*

Exanthema in angustiori significato, solas pustulas extraordinarias, febribus vehementibus superuenientes, aut has immediatè præcedentes, complectitur. Nā de his præcipuè loquitur Hippocrates in Epidemijs. Proinde à squammis, & vitiliginibus exanthemata distinguit lib. 2. Epidem. Imò alibi Herpetes proprio nomine indigerat, tumoresq; biliosos appellat Galenus. Dixi, post Hippocratem, in historia filij Euphranoris exanthemata quandoq; ob materiæ morbificæ malignitatem ante sensibilem, aut saltem vehementem febrem apparere; quibusdam etiam malignis superuenientia, mox disparent, quia retrocedunt.

Sed hæc modò de exanthematibus sufficiant, quorum examen
adco

adeò prolixum pigro non arridebit Lectori. Nos verumtamen, fauente Numine, in Praxi nonnulla proferemus omiffa.

Examinatâ exanthematum naturâ, supersunt adhuc quædam Hippocratis verba, solito nostro more inuestiganda: squammarum in contextu ipse meminit; quæ quidem tali donantur nomine, quòd aliquo modo veras piscium squammas referant: sunt enim squam- *Squammas*
mæ corpora quædam sicca laminarum instar, nascunturque in cute *quid.*
non rarò, quoties escharæ vlcere nimium exiccantur, aut partes cutaneæ vlcere non infestantur, sed asperæ, & scabiosæ redduntur. Has meritò inter cutaneos affectus recensuit Hippocrates nam prauum humoris ab internis partibus ad cutem transmissi, sunt soboles. In cute enim ab humoribus, ad eam ab internis partibus transmissis, nascuntur modò tubercula, modò pustulæ, aliàs vlcera; prout hic, aut ille humor quantitate, aut qualitate, aut utroq; modo peccat. Galenus capite 12. citato libri 5. Methodi med. Exanthemata quædam instar squammarum decidisse refert. Vnde iuxta ipsius do- *Squammas*
ctrinam in exanthematum censu locum habent squammas. *sunt exanthemata.*

Inter abscessus adhuc numerauit Hippocrates non solùm sicca vlcera, & squammosa, in vniuerso corpore apparentia, sed insuper capillorum defluuium. Non quòd capilli propriè sint abscessus, *Defluuium*
sed quia humor prauus ab internis partibus deturbatus, & eorundem capillorum radicibus adiectus, quendam sub cute generat ab- *capillorum*
scessum; qui, cùm prauus sit, capillos non nutrit, sed potius cor- *cur abscessus dicitur*
rumpit, abscessumq; aliqualem in capitis exteriori parte procreat, *Hippocrati.*
& quodammodò quid vlceri arido consimile.

De Vitiligine.

QUod attinet ad Vitilignes, non est dubitandum, quin abscessuum numero sint adscribendæ: earum in mea Pathologia memini. Vitiligo enim inter morbos in numero addito, sed toto genere præter naturam; veluti lapis in vesica; grando, & suffusio in oculo, lumbrici, pus, verrucæ, lepra, leuce (hypopiam inter hos morbos idem enumerat, quæ est oculi affectus, quasi subpus diceret; quando nimirum pus sub oculo nascitur, affectus Hypopia appellatur.) aliq; consimilia, collocari debet, teste Galeno lib. de different. morb. cap. 8. Græcis hic affectus

*Vitiligo
quid.*

ἀλπος nuncupatur. In mea Pathologia protuli, vitiliginem esse affectum quendam habitus corporis, ex deprauata alimenti assimilatione ortum; quæ descriptio perfectior euadet, addendo voci alimenti, melancholici, aut pituitosi. Nam ex alterutro alimento vitiligo fit. Vnde communiter eadem, in albam, & nigram, tanquam in proprias species, dirimitur. Fit enim Vitiligo, quoties caro pituitoso, aut melancholico humore ita nutritur, ut suam ferè naturam amittat, alterutrius humoris colore in cute apparente. Caro autem rubicunda esse debet, ratione tamen prauis humoris pituitosi, aut melancholici, in alienam degenerat naturam.

*Vitiliginis
duplex
duplex
causa.*

*Nutritio
est cōtio-
nis species.*

Modum, quo vitiligo producitur, plenè explicat Galenus lib. 3. de Symptom. causis, cap. 2. sequenti serie: Naturalium actionum prima, ac propemodum omnium maximè necessaria, nutritio est, quæ alteratricis actionis quædam est species. Est enim & coactio, quæ in ventre agitur, alteratio: non secus autem, & quæ in venis: quibus accedit ea, quæ in quaq; est particula: post quam

*Nutritio
re est assi-
milatio.
Variè nu-
tritio ladi-
tur.*

*Atrophia
causa.
Præua nu-
tritio.*

quarta est, quam assimilationem vocant, nomine quidem à nutritione diffidens, re autem non diffidens. Frustratur autem & nutritio, cum vel prorsus non fit, vel intra iustum modum, vitiosèue fit: idq; vel culpâ nutritivæ virtutis, quæ alteratricis est species, vel materiæ defectu, vitioque: defectu quidem in atrophijs, quæque ob defectum, quæq; ob priuationem nominantur: Vitio verò, ut in elephantiasi, & leucis, caeterisq; id genus: accidit enim dum agglutinetur carnibus nutrimentum, ubi pituitosior sanguis est, carnem quoq; effici magis pituitosam: neq; enim idem est, carni esse, & pituitosæ carni esse: sicuti nec carni esse, & melancholicæ carni esse: nec biliosæ, atq; temperatæ esse, & à primis qualitatibus nominanti, humidiori, & sicciori, & calidiori, & frigidiori. Centiorem fidem sermoni nostro adhibebis, si animalium carnes, tum sanguine præditorum, tum exanguium æstimabis: adhuc etiam reptilium, quæcunque veris tempore gigni cernuntur, maximèque ex ijs, quæcunque viridium herbarum colorem præferunt. Ceterum horum caro simillima ipsis herbis est: aliorum alba, & exanguis, veluti locustæ, & polypodis, atque aliorum alia quædam: neque enim nominare facile est eorum differètijs; adeò infinitæ multitudinis sunt.

*Leuces ge-
neratio.*

Ergo, cum (sicuti diximus) caro longo tempore, pituitoso simul ac glutinoso sanguine nutritur, caro quidem adhuc manet, mutatur

tamen

tamen eius forma, & in alteram speciem vertitur, fitq; media quædam inter sanguineam, exanguemq; carnem. Vbi autem talis est reddita, accidit ei, vt de cætero allatum sibi nutrimentum non magis, vel tentet in rubram carnis speciem mutare, quàm polypodes, & locustæ: ita fit, vt tum alba, tum pituitosa tota, quam citissimè euadat, cùm nec ipsa possit nutrimentum ad ruborem vertere, & simul pituitosum illud affluat. Ergo qualem ab initio locusta carnem habet, ferèq; omnes ostreae, talem ex transmutatione habent, qui leucis fadantur: ita enim carnis vitium nominant, à colore scilicet albo nomen imponentes: sicut nigræ, & callosæ carniab Elephantis nomen ferunt: fit itaq; eodem, quo leuce, modo, melancholico nutrimento ad carnem longo tempore confluente. Vitiliginum autem generatio cum prædictis vitijs similis est generis: non tamen sub ijs tota caro vitatur, sed in summo corpore veluti squamæ quæpiam, vitiliginis infiguntur: albæ quidem, ex pituitoso, nigræ ex melancholico succo exortæ. Quàm magnam verò vim habeat nutrimentum ad carnis mutationem, etiam ab Aristotele est traditum, vbi meminit Regionum, in quibus pecora, tam colore, quàm cæteris differentijs sensibilibus, mutantur, atq; alterantur.

Elephantiasis generatio.

Vitiliginis generatio.

Galenus translato in contextu de affectibus agit præter naturam, nutriti facultati superuenientibus. Est enim nutritio re idem, ac assimilatio: Est videlicet assimilatio nutrimenti cum alito, seu actio, qua mediante alimentum in aliti substantiam transmutatur; quemadmodum in nostræ Physiologiæ lib. 2. cap. 4. & lib. 6. cap. 4. docuimus. Triplicis substantiæ nostri corporis, spirituosæ nimirum, humoralis, & solidæ iactura per cutis poros, aliasque patentiores vias, vt os, nares, podicem, &c. assiduè fieri consuevit. Nutrix Animæ facultas, Animaue ipsa, illatum viuenti damnum resarcire cupiens, medio alimento in deperditæ substantiæ locum aliquid sufficit. Namque Galenus lib. 4. de simplic. medicament. facult. cap. 10. nutritionem sequenti serie describit: Quippe nutritio est euacuati repletio. Ibi siquidem Galenus perquam optimè, æquè, ac appositè, nutritionem definiuit; quoniam nutrimenti naturam iuxta communem Philosophorum opinionem proposuit. Sanè verò fortassis (inquit in principio Capitis) & pingue ipsum dulce est; & quicquid nutrit, ex genere est dulcium. Euenit autem id illis non ab re, sed secundum ipsam quantum fieri potest nutri-

Nutritio quid.

Nutritio quid.

Pingue quodammodo dulce, & hoc est quod nutrit.

menti substantiam: quippe nutritio est euacuatæ repletio. Atqui quod euacuatum est familiare erat: quamobrem, & quod nutrit, familiare sit necesse est. Porro, si familiare, necessariò iucundum, amicumq; fuerit, protinus etiam, vt ad id, quod nutritur, moderatè calidum. Sed in hoc non parua est maioris, minorisq; ratio, quando nimirum nec ad cibos accedimus planè secundum naturam affecti: solum enim corpus eorum, qui cibum desiderant, inanitum sit oportet, si exacti futuri sint familiaris ipsorum qualitatis cognitores. Nam, si præter id calidiores, quàm conueniat, aut frigidiores euaserint, seu toto corpore, seu pertinentibus ad linguam, ac ventrem, locis, non solum quæ nutrant, verumetiam, quæ refrigerent, aut exalfaciant, postulabunt. Proinde sanè cibi quoq; illi aliàs alij videntur iucundiores. Nam cum duplex sit genere iucundum, alterum quod impleat id quod euacuatum est, cuiusmodi est nutrimentum: alterum quod medeatur ei, quod alteratum est, id quod iam medicamentum est: euenit utiq; cibis, vbi non modò vacuatis exhibentur corporibus, sed etiam qualitate aliqua mutatis, vt duobus nominibus delectent, vt cibi scilicet, & vt Medicinæ. Sed, vt medicamenta quidem refrigerando quædam, & exalfaciendo, & exiccando, & humectando, ex ratione iuuabunt, & proderunt: Vt nutrimenta verò sola ea, quæ cognata sunt, & familiaria totis nutriendorum substantijs. Protinus verò istis adest, vt moderatè scilicet sint ad ea, quæ nutriuntur, calida. Quàmobrem nec eduliorum, nec medicamentorum, vna est animantibus omnibus species: Siquidem pro sua vnaquaq; familiari substantia simul, & affectione delectantur, tum iuuantur ab vtrisque.

Hanc doctrinam ad longum scripsi, quia omninò necessaria, eiusq; in Praxi Medica vsus valdè frequens. Descripsit enim Galenus hoc in loco nutritionem in ordine ad contrariam inanitionem: idèq; nō expressè eam appellat assimilationem. Libro etiam 1. de facultat. natural. cap. 5. Eandem nutritionem facta comparatione ad Austionem, hac serie descripsit: Nutritio autem ipsdem partibus appositio quædam est, sed sine ampliacione. Non enim nutritionem, simplicem alimenti appositionem, quæ eiusdem alimenti assimilationem præcedit, esse voluit Galenus, sed appositionem nouæ substantiæ partibus similinæ: quæ tamen nouæ substantiæ appositio ampliores non reddit partes, sicuti facit auctio, de

qua

*Inanito
corpori so-
lus cibus
sufficit: al-
terato &
inanito si-
mul, cibus
alterans.*

*Iucundum
quod assu-
mitur du-
plex.*

*Alimenta
medica-
mentosi.*

*Nutritio
quid.*

qua immediatè ante modò translata verba Galenus hac serie loquitur: Auctio verò solidarum animalis partium, quarum efformationem iam diximus, augmentum, ampliatioq; in longum, latum, & profundum est. Non dixisset Galenus, efformatas partes mediante auctione ampliari extendiue in longum, latum, & profundum, nisi in aliti substantiam alimenti substantia fuisset conuersa, & consequenter partibus nutritis assimilata. Nam nutritio auctione naturâ prior est, etsi tempore simul celebrentur. Eodem lib. 1. de facult. naturalib. cap. 8. hanc nostram expositionem sequenti serie confirmare videtur Galenus. Quod enim in nutrimenti affluit specie, cum id corporis eius, quod nutritur, omni parti affigitur, actio ipsa nutritio est: causa verò huius ipsa facultas. Et alteratio quidem hîc quoq; ipsius actionis genus est, non tamen talis, qualis erat in generatione. Ibi namque, quod os non erat, postea factum est os: in nutritione verò ei, quod iam factum est, id quod affluit, efficitur simile. Ita non immeritò alterationem illam, nominamus generationem, hanc adassimilationem. Nutritionem hîc alterationem quandam appellat Galenus; sicuti & ipsam generationem: hoc tamen cum discrimine; quòd generatio alteratione constet, simul & efformatione; nutritio verò sit veluti quædam alteratio, quæ versatur circa partes iam efformatas effigiata sue. Si quidem, præludij instar, cit. cap. 5. libri 1. de facult. natural. tria naturæ perfecti animalis opera exponens, effigiatum nimirum in vtero animal, rursusq; in lucem editum, deindeq; sufficienter auctum, ac tertio loco nutritum, actiones, quibus hæc opera producuntur, enumerans, ait: Actiones, quæ tribus his operibus respondent, necessariò tres sunt, vna scilicet cuiq; generatio, auctio, nutritio; verùm generatio simplex quædam actio naturæ non est, sed ex alteratione, formationeq; composita. Vt enim os fiat, item nervus, vena, & reliquarum quælibet, alteratam esse oportet substantiam, vnde animal fit, substantiam: vt verò congruentem figuram, & posituram, & cavitates quasdam, & vel enata, vel adnata, aliaq; id genus, habeat, effingi eam oportet, quæ alteratur, materiam: quam vtriq; animalis materiam appellans, veluti naus ligna, & imaginis ceram, minimè errabis. Eodem lib. 1. de facult. natural. cap. 4. facultatis siue potentiae mentionem faciens, eam ad aliquid dici, cum sit actionis, veluti operis, siue effectûs producti causa,

Quid auctio.

*Nutritio-
nis causa
est nutritrix
facultas.*

*Nutritio,
& genera-
tio discre-
pant ab
inuicem.*

*Genera-
tionis, au-
ctionis, &
nutritionis
opera, siue
termini.*

*Generatio
quid.*

*Facultas
ad aliquid
dicitur.*

*Quia substantiam
cause agē-
tis ignoramus, eam
appellamus facultatem.*

Actio nutritricis est assimilatio.

Caro est crassescens sanguis.

causa, affirmat. Primum enim, inquit, actionis ipsius, potentia est causa: deinde etiam operis ex accidenti quodam. At verò, si causa ad aliquid (est enim vnus eius, quod ab ea fit, reliquorum nullius) planum est potentiam quoq; in relatione ad aliquid dici. Ac, quod agentis causæ substantiam ignoramus, facultatem eam, siue potentiam appellamus, in venis quidem potentiam quandam sanguinis factricem dicentes, in ventriculo concoctricem, in corde pulificam: ac in singulis reliquarum particularum propriam quandam eius, quam edunt, actionis. Actionem verò propriam potentiae nutritiæ, adsimulationem esse statuit Galenus l. bro. 1. citato de facultatib. naturalib. cap. 10. Videor enim, inquit, monstraturus tum instrumenta ipsa, quæ ad naturalem nutrimentum molitionem comparata sunt, tum eorū facultates propter hanc esse conditas. Nam cum actio huius facultatis adsimilatio sit, nec fieri possit, vt adsimilentur, mutanturq; inter se vlla, nisi societatem aliquam, cognationemq; in qualitatibus habeant; idcirco primum quidem nec quodq; animal quocunq; cibo nutriri potest: deinde nec, quibus nutriri potest, ijs vtique protenus. Atque huius necessitatis causâ pluribus alterationis nutrimenti instrumentis cuique animali est opus. Siquidem vt flauum rubrum fiat, & rubrum flauum, vnâ, & simplice alteratione est opus: vt verò album nigrum reddatur, vel nigrum album, omnes, quæ in medio horum sunt, alterationes requiruntur. Ita, quod mollissimum est, non potest vno statim impetu durum fieri, nec quod durissimum, illico mollissimum: pari modo, nec quod grauissimè olet, odoratissimum: nec contrariò, quod odoratissimum est, grauissimè fieri olens extemplo potest. Quo pacto igitur ex sanguine os fiet, nisi is prius & crassetur plurimum, & dealbetur: aut quomodo ex pane gignetur sanguis, nisi & paulatim deponat alborem, & sensim accipiat ruborem; quippe caro ex sanguine non magno negotio fit: si enim eatenus naturæ operâ crassescat, vt constantem substantiam habeat, nec etiam sit fluidus, prima, & recens concreta caro iam existet: At verò, vt sanguis os fiat, longo huic tempore, multo, etiam opere, ac mutatione est opus. Quòd autem, & pani, multò magis lactucæ, & betæ, & similibus, quo sanguis ex ijs fiat, permulta alteratio requiratur, satis id quoque patere arbitror. Atque hæc quidem vna causa est, cur multa sint ad alterationem nutrimenti instituta organa. Altera autem

tem est excrementorum natura. Sicut enim herbis planè nutriri non possumus, tamen si pecudes ijs nutriuntur; ita radícula quidem nutrimur, verùm non ita, ut carne: hanc enim totam natura nostra propemodum vincit, mutatque, & alterat, ac sanguinem salubrem ex ea creat: in radícula verò, quod quidem conueniens est, & trāsmutari potest, quanquā agrè planè, nec sine plurima concoctione, omninò minimum est: sed tota paulò minus excrementosa est: & pertransit quidem concoctionis instrumenta; cæterùm exiguus ex ea in venas assumitur sanguis, nec is in totum utilis. Quare alteram rursùm secretionem, eorum scilicet, quæ in venis sunt, excrementorum, desiderauit natura: quibus etiam alijs opus erat vijs, per quas ducerentur ad exitum, quò scilicet salubribus succis minimè officerent: præterea, quibus exciperentur, veluti receptaculis quibusdam, in quibus postquā satis magna collecta vis esset, mox excernerentur. Ergo hoc secundum particularum in corpore genus, quod nutrimenti excrementis sit destinatum, inuenimus. Est, & aliud tertium genus, pro bonis succis vndique per totum corpus deferendis institutum. Estque id veluti viæ quædam numerosæ per totum corpus sectæ: vnus namque omnibus cibis introitus per os est, at non vnum est quod nutritur, sed plurima, ac plurimùm inter se distantia. Ergo admirationi esse cuiuspiam non debet instrumentorum numerus, quæ nutritionis gratiā natura condidit. Alia namq; idoneum cuique particulæ nutrimentum alterando præparant, alia separant excrementa, alia transmittunt, alia suscipiunt, alia expellunt, alia salubrium succorum in omnem partem ferendorum sunt viæ. Quare si vniuersas naturæ facultates intelligere velis, singula iam dictorum organorum tibi sunt consideranda. Principium verò doctrinæ eorum, tum ea naturæ opéra, quæ propinqua fini habentur, tum particulæ, particularumq; facultates sunt.

Caro probè nutrit, non ita olera.

Variorum instrumentorum corporis variegationes.

Sequenti cap. I I. eiusdem libri I. de facultatib. naturalib. vitiliginis generationem plenè exposuit hac serie: Itaque denuò nobis reuocandus ad memoriam is finis est, cuius causa tot, ac tales particulas natura instituit. Et nomen quidem rei, ceu priùs diximus, nutritio est: ratio verò eius nominis est, ad id quod nutritur, eius quod nutrit, assimilatio. Porro, hæc ut fiat, agglutinatio siue adhærentia præcedat, oportet: sicut etiam, ut illa fiat, appositio. Post-

Nutritio quid.

Assimilatione præ-

quā

*cedit ad-
herentiam
alimenti
cum parti-
bus nutriē-
dis, adha-
rentiam
appositio
alimenti.
Ros est id
quod asper-
gitur par-
tibus.
Vt differūt
Anasarca,
& leuce.*

quàm enim succus is, qui omnem animalis particulam nutriturus est, à vasis excidit, in totam eam primùm dispergitur, mox adiungitur, deinde agglutinatur, demum assimilatur. Porro differre inter se assimilationem, atq; adhærentiam, docet vitiligo illa, quam Græci leucen dicunt; Sicuti etiam adiunctionis, atq; agglutinationis differentiam prodit genus illud hydropis, quod *ἀνασάρξ* vocant. Non enim affluentis humoris inopia, veluti quæ Græcè *ἀποφύσις* dicuntur, & tabes, eiusmodi hydropis generatio provenit (videtur enim tum caro his humida madensque esse, tum solidarum quæque partium similiter affecta) verùm affluentis nutrimenti appositio quædam fit: quod tamen propterea, quod aquosius adhuc est, nec ad succum sufficienter redactum, nec lentitiam, glutinis; consistentiam, quæ naturalis caloris ope provenit, adeptum, adhærentiam consequi non valet, defluente nimirum, ac delabente, ob tenuis, & crudi humoris exuberantiam, à solidis corporis particulis, nutrimento. In vitiligine autem, quæ *λευχή* dicitur, adhærentia quidem nutrimenti facta cernitur, non tamen assimilatio. Patetq; obiter id, quod paulò supra proposuimus, rectè esse dictum, debere fieri primùm quidem appositionem, mox agglutinationem, deinde ei, quod nutriendum est, assimilationem. Ac propriè quidem nutrimentum est, quod nutrit: quod verò veluti nutriens est, nondum tamen nutrit, cuiusmodi scilicet est, quod agglutinatur, vel quod apponitur, id propriè nutrimentum non est, sed æquiuocè. Quod autem in venis est, atq; hoc etiam magis (æquiuocè scilicet) quod in ventriculo est, id tanquàm nutriturum aliquando fit, si probè concoctum fuerit, nutrimentum appellatur. Ad hunc modum, edulia quæque, nutrimenta vocamus; non utiq; quod iam animal nutrant, neq; quod talia sint, qualia sunt; quæ nutriunt: Sed quod nutritura sint, si probè sint concocta. Id nāq; est, quod ab Hippocrate dicitur (libro de Alimento, circa principium): Nutrimentum quod nutrit (sunt Hippocratis verba): nutrimentum, quod veluti nutrimentum est; nutrimentum, quod nutriturum est. Siquidem, quod iam assimilatur, nutrimentum appellant (Hippocrates): quod verò tale est, quale illud, nempe appositum agglutinatumue genus, veluti nutrimentū: reliquum omne, siue id in venis continetur, seu ventre, futurum nutrimentum.

*Nutrimē-
tum, velu-
ti nutri-
mentum,
quod nu-
triturū est.*

Ideo hanc de nutritione doctrinam, quæ Physiologica est, huc trans-

transferre placuit, vt omnes abscessus, de quibus hactenus egimus, & reliqui, de quibus sumus acturi, plenius intelligantur. Omnia porro subcutanea, & cutanea vitia, ab improba materia non plenè coctioni, nutritioniq; subacta, vt plurimum proueniunt. Vitiligo ergo à praua procedit partium nutritione, teste Galeno, cit. cap. 2. lib. 3. de Sympt. causis, vbi inquit: Deprauatus verò cibus (sic ver- tit Copus) facit Elephantem, leucas, id est, vitilignes, atque alios huiusmodi morbos. Eodem capite post citatum textum, de vitili- gine verba faciens Galenus, hac serie rem concludit: Igitur longè melius fuerit, vt dicamus, alimentum esse causam. Id enim pronunciauit intrepidè Galenus contra quosdam, qui existimabant, ipsam carnem esse leuces causam.

*Vitiligo
unde pro-
cedit.*

Non est negligenter omittenda Copi versio, quæ hæc habet: leucas, id est, vitilignes: Quæ sanè versio nec Galeno, nec rationi congrua est. Nam textus Græcus vitiliginis non meminit, sed solius leuces; vt ex his verbis constat: *Μοχθηρία δὲ, ὡς ἐν ἑλεφαντίῃ καὶ λεύκας, ὅσα τ' ἄλλα τοιαῦτα*: id est, vitio verò, vt in Elephan- tiasi, & leucis, cæterisq; id genus. Perperam ergo post Copum errat Segarra, dum inquit: leuce idem est, ac vitiligo: malè inquam Segarra leucen; & vitiliginem, tanquàm rem eandem, confundit; cùm leuces solius meminerit Galenus loco iam citato, & cap. 9. lib. 1. de facultatibus naturalibus, modò à nobis transcripto: Cumq; expresse leucen, & vitiliginem, tanquam res specie distinctas pro- posuerit Galenus cap. cit. 2. lib. 3. de Symptom. caus. & lib. 14. Methodi med. cap. 17. hac serie: Quædam namq; ex mutatione consistunt solidarum partium: sicut myrmecia, & leuce, & vitiligo (Græcè enim habentur *καὶ ἡ λεύκη, καὶ ὁ ἄλπος*; id est, & leuce, & vitiligo) & ossis caries, quam sphacelon vocant, & elephas, & sca- bies, & lepra: Galenus autem, & meritò, hos affectus citato loco reposuit inter res toto genere præter naturam.

*Segarra
cum Copo
perstringi-
tur.*

*Vitiligo,
& leuce
differunt.*

Libro Introductorij, qui Medicus dicitur, cap. 13. discrimen et- iam inter vitiliginem, & leucem ponitur. Et quoniam doctrina ibi extans clarè quosdam cutis affectus exponit, eam huc transferre placuit: Morbus, quem Græci *ἐλεφαντίασην* vocant, ab Elephantis similitudine nomen sortitus est. Nam, qui hoc vitio laborant, cutem crassam, duram, Elephantorum modo asperatam habent. Originem mali excitat pituita crassa, & atra bilis, vel mucosa ma-

*Elephan-
tiasis un-
de dicitur,
& fit.*

ximè disseminata. Hi enim humores ferinum ipsum denunciant. Quare solum veratrum, siue nigrum, siue album, præsentaneum elephantiasis est remedium. Impetiginis duæ species sunt, quæ cūtem molestant: vna tolerabilis, mitiorq; est: altera effera, quæ difficilius tollitur. Squamulæ in his ex cute abscedunt, sub quibus locus rubicundior, serèq; exulceratus apparet. Gignitur affectus à pituita falsa, & flaua bile, ceu in falluginum vasis fictilibus, ex cute secedunt squamæ. Succurritur Medicamentis pituitam mouentibus, & quæ extrinsecus corpori illinuntur. Lepra quoq; cutis vitium est, sed magis subalbidum, asperiusque apparet. Ea verò asperitas, est veluti psydraciorum erumpentium. Psora verò, id est, scabies, exulcerata magis est. Pituita falsa vtrumque malum propriè pròducit. Medicamenta pituitam cientia, tum quæ extrinsecus illinuntur, quibus ad lepram, & scabiem titulus est, ijdem succurrunt. Vitiligo, quam *αλφες* vocant, duas habet species, albam, & nigram. Hæc ab atra bile generatur, ob quod magna ex parte medicamina melancholiæ dicata conueniunt. Alba à pituita non falsa. Leuce habet quiddam simile vitiligini albæ, sed magis colore terram albissimam refert: à lepra variat, quòd lenior hinc cutis, minusque aspera, quàm sit in illa. Omnia huiusmodi curant medicamenta pituitæ trahendæ idonea, tum smegmata foris adhibita.

Psydracium, de quo in hoc contextu fit mentio, à Galeno exponitur hac serie libro de Medicinis paratu facilibus, cap. 5. Psydracia sunt parua exanthemata facta in capite, similia vesicis eminentibus in superficie. Libro autem de Tumoribus præter naturam, cap. 15. postquam achores, & ceria, siue fauos descripsit, in hunc modum loquitur. Quinetiam his minores tumores præter naturam in cute fiunt, myrmeciarque, & acrochordones, & psydraces, & epinyctides, omnibus notæ affectiones. Libro qui Introductio siue Medicus dicitur, cap. 15. sequentia habentur: Psydracion communi vocabulo circa corpus totum, & circa album oculi fit. Est autem velut pustula in summo rubicundum.

Ex cap. 13. citato, libri Introductionis, clarum ponitur discrimen inter leucen, & vitiliginem. Quare Priscorum autoritatibus, Copi, & sequacium versio aduersatur; imò, & rationi, vt paulò ante diximus. Nam leuce rem albam significat. Vnde Critonis quoddam Emplastrum pro Achoribus, apud Galenum lib. 1. de medi-

cam.

Lichen duplex est.

Lepra.

Psora.

Vitiligo duplex.

Leuce.

Psydracia quæ.

Psydracion quid.

Leuce à vitiligine differt.

cam. secundum locos cap. 8. leuce, id est album nominatur. Et dum album colorem corpus acquirit, leuce laborat. Proinde vniuersum corpus albo colore atque tumore præditum, leucophlegmatia, hydropis specie, affici dicitur: quoniam humore pituitoso corpus nutritum albescit, pituitæ album colorem referens. Vnde libro Definition. Medic. leuce corporis in album colorem mutatio est præter naturam.

Leuce quid.

Præterea vitiligo, vti diximus, quid commune est nigro, alboque cutis, carnisque subiectæ affectui; cum leuce albidum quid semper significet. Leuce etiam, vt plurimum, est vniuersalis toti corpori, vitiligo autem non ita, sed intermixtus est alijs coloribus naturalibus, aut alienis, aut vtrisque.

Si tamen alicui placet vti nomine leuces loco vitiliginis albæ, quoties sermo erit de albicante cutis colore, ex alimenti pituitosi agglutinatione, & adhærentia, ac conuersione orto, à Galeno fortassis non recedet. Nam in leucophlegmatia, quæ est quædam leuce, alimentum partibus non adhæret tenaciter, nec agglutinatur, sicuti in vitilagine: nec pituita in leucophlegmatia tenax est, & viscida, sicuti in eadem vitilagine, in qua nutrimentum illud glutinosum partibus apponitur, adhæretque; in leucophlegmatia, pituita tenuis est, & fluida nimis; ideòque partibus non adhæret. Vnde vniuersi corporis maxima mollities. Cæterum, qui volet leucem cum vitilagine confundere, vti ego ipse in mea Pathologia post alios feci, per me licet, dummodò rerum discrimina obseruentur.

Leuce quandoque pro vitilagine sumitur.

De Lepra, Lichene, & Psora.

IN citato, & transcripto textu lib. 2. Epidem. meminit Hippocrates lepræ, quam abscessibus ritè adiecit. Lepra ex libro Definition. Medicar. est cutis mutatio in habitum, qui præter naturam sit, cum asperitate, & pruritibus, doloribusque, nonnunquam & squamis decidentibus, interim secus, plures etiam hæc corporis partes depascitur. Elephas est affectus, qui cutem crassam, atque inæquabilem reddit: liuor adest, tum cuti, tum oculorum albis, exeduntur partes manuum, ac pedum summæ, ex quibus sanies liuida, ac fætida emanat. Impetigo est summæ cutis asperitas cum multa prurigne.

Lepra quid.

Elephantiasis quid.

Impetigo quid.

*Lepra est
morbus cō-
positus par-
tis simila-
ris.*

Galenus libro de different. morb. cap. 5. Erysipelata, Phlegmonas, Oedemata, Phygethla, Phymata, Strumas, Elephantiasies, Scabies, Lepras, Vitilignes, tumoresq; duos, morbos esse partis similis, compositos nimirum ex intemperie, & humore fluxo, plenè docuit. Eodem lib. cap. 8. inter morbos in numero addito, & toto quidem genere præter naturam, lepras reponit, veluti leucas, poros, vitilignes, steatomata, atheromata, fauos, acrochordonas siue verrucas pensiles, pus, hypopiam, suffusionem, grandinem in oculo, calculum, lumbricos, minutos vermes, quos ascarides vocant, & quidquid in abscessibus continetur. Commentario deniq; in librum de Alimento, ait: Præterea verò scito, quædam esse toto genere præter naturam, quorum omnium est triplex differentia: quædam ex solidarum partium mutatione fiunt; vt myrmecia, vitiligo, leuce, & alphas, elephas, scabies, & lepra.

*Lepra est
morbus to-
to genere
præter na-
turam.*

Lepram in cute potissimum nasci cap. 17. libri Isagogici, siue Introductionis, affirmat author eiusdem libri, siue is fuerit Galenus, siue Herodotus: Cutem, inquit, totiusq; corporis partes, exagitant lepra, Pfora, Alphas albus, Alphas niger, leuce, Impetigo simplex, Impetigo agrestis, Dracontiasis (est vlcus, in quo dum corpus mouetur, neruus occultatur) Acrochordones, Thymi (Thymus est asperæ carnis extuberatio, cuius similis circa genitale, ac sedem oritur. Ita accipitur hoc in loco, etsi quandoq; significet tumorem præter naturam; aliquando glandulam, aliquando carneam excrementiam, siue in præputio, siue sede ortam), Myrmecia (Myrmecia est exigua excrementia callosa, & magna ex parte rotunda: & quia in scalpendo, & attritu, mordentis formicæ sensum efficit, à latinis formica nuncupatur), clauī, calli. Libro de succorum bonitate & vitio cap. 1. impetiginem, & pforam, & lepram, inter cutaneos affectus recenset. Eandem habet sententiam lib. de Tumorib. præter naturam cap. 13.

*Cutanei
affectus.*

*Dracon-
tiasis quid.
Thymus.*

*Myrmec-
ia.*

*Humor
melanchol-
icus lepra
causa.*

Quod attinet ad causam lepræ, eam statuit humorem melancholicum libro cit. de bonitate, & vitio succorum cap. 14. inquit: At, quorum alimentorum succus malus melancholicus fuerit, cancri his, & lepræ, & pforæ, & quartanæ febres, & melancholiæ, & decolorationes decidunt nigrae, vnà cum lienis tumore non dissimili: quin & nigras plerisque varices, & hæmorrhoidas, attulit huiusmodi succus. Libro 3. de Alimentor. facult. cap. 2. idem refert.

Libro de Tumoribus præter naturā cap. 13. eiusdem lepræ causam, humorem melancholicum statuit. Postquam enim capite præcedenti 12. eiusdem libri docuit, atram bilem, dum in carnem decumbit, & mordax est, circumiectam cutem perrodere, vlcusq; efficere, modestiorem verò, siue minus ferocem, cancerum sine exulceratione, subsequenti cap. 13. iam cit. sequentia scripsit: Quæ verò depascuntur, attinguntque, quæ circum sunt, ipsum continens sanum corpus perrodentia, hæc omnia Phagedænica vocantur (vlcera). Ex ambobus autem composita, scilicet vlcere ipso, & circumiecto tumore, Phagedænam nominant. Depascitur herpes quoque, quæ circum sunt perrodens, sed solum cutis exulceratio est. Phagedæna verò cum cute, quæ subiecta sunt, attingit quoq; Chironia verò, & Telephia vocare vlcera superuacuum est. Sat enim est omnia communiter Caccœthe, id est, maligna, appellare. Scabies quoque, & lepra, melancholici affectus sunt solius cutis: vt, siquidem in venis quoque, & carne fiant, cancer nominatur. Libro etiam 7. Aphorismorum 20. inter affectus melancholicos lepram collocat, aiens: Si timor, & mæstitia longo tempore hominem habere perseuerent, tale est melancholicum. Aliter etiam melancholicas dicemus passiones, cancos, Elephantes; propterea etiam scabies, lepraq; & vitilignes nigras. Libro deniq; 2. de Symptom. caus. cap. 6. Pruritus causam exponens, dicit eundem pruritem esse prurituosorum humorum sensum. Pruriginosa autem excrementa, nitrosa, & salsa, vel amara nuncupare licet, vt ait; licetq; eadem excrementa nitrosa, & salsa, vel amara in corporibus genita, externis comparare rebus, quæ consimili sunt prædita facultate: cuiusmodi sunt vrtica, scilla, muria, & mare, aliaq; id genus, quæ in nobis molestum sensum parere valent. Exactè satis pruritus, & molesti sensus varios gradus, variasque causas, sequenti serie exponit: Quippe, inquit, illotos, & sordidos, & qui cruditate laborant, & qui nutrimenta mali succi comedunt, hos pruritus exercet: multòq; magis scabiosos, & leprosos, propterea quòd in his affectibus, & copiosior, & crassior est vitiosus succus: quo utique & diutius, & magis scabiunt, quàm vlli alij, qui citra talem affectum pruriunt: nec tamen iuuantur, nec si seipsos immodicè scabendo excorient; propterea nimirum, quòd eiusmodi succus infixus in ijs manet, ac, (vt sic dicam) cuti impactus hæret: non enim

Phagedæna quæ.

Herpes quid.

Chironia, & Telephia vlcera.
Cancer.

Metus, & mæstitia melancholica signa.

Pruritus causa, & natura.

*Pruritus
est dolor.*

adeò exiguus, & tenuis est, sicut in illotis, aut sorde affectis, sed plurimus, & crassus; interim verò & glutinosus. Omnia igitur eiusmodi symptomata (non de pruritu tantum, qui symptoma est in deprauato sensu tactus, est enim sensatio dolorifica, sed de alijs symptomatibus in motu, loquutus est dicto in Capite Galenus, vè de Tussi, Sternutatione, Singultu, & Rigore, quos vehementes

Varij motus expultricis facultatis.

motus expultricis facultatis appellat: pandiculationem, & oscitationem, eiusdem expultricis mediocres motus: horrorem verò eiusdem virtutis expultricis, adhuc magis mediocrem motum) à vitioso succo proueniunt. Dissident inter se causæ tum qualitate, tum

*Pruritus
causa.*

magnitudine, itemque quiete, & motu. Quippe tenuis, salsus, immotusq; succus, in ijs est, qui pruriunt (intelligit hos, qui simplici, & parum diutino pruritu vexantur): Paucus, tenuis, mordens, &

*Molestia
ulcerosa.
Causa leprosa
& scabiei*

*Horroris
causa.
Rigoris
causa.*

immotus, in ulcerosis affectibus: Multus, salsus, crassus, & immotus in lepris, & scabie: Paucus, tenuis, & mordax, cum exiguo motu, in horroribus. Quod si vel vehementius mouetur, vel copiosior, mordaciorue est, concutientem rigorem infert, non horrorem: maximum quidem, qui plurimus est, & mordacissimus, & vehementissimè motus: minimum verò, qui propter vnum aliquid horum, mediocriter auctum, ex horrore in rigorem transire facit. Sanè complures aliæ inter maximum, minimumq; rigorem differentia sunt, excessu, & defectu inter se dissidentes: propterea quòd causa magis, minùsue moueatur, itemq; quòd magis minùsue sit mordens: ad hæc, quod in causæ quantitate sit diuersitas: his amplius, quòd causa, quæ rigorem facit, vel omnibus prædictis differentijs, vel aliquibus, vel aliqua sit adaucta. Atque hæc quidem omnia symptomata, causa circa cutem, & quæ sub eâ sunt carnes, aceruata, incidere consueuerunt. Tusses autem, & sternutationes, & singultus, alibi: illæ quidem, in pulmone & faucibus consistente causa: hæc verò, in naso: singultus, cum in ventriculi ore, siue officio subsistit.

*Tussis,
sternutationis,
& singultus
sedes.*

Ex citatis contextibus satis constat, quid lepra sit; quam corporis partem afficere consuevit; & quæ eius causa. Cutis enim est, quæ maximè à lepra afficitur, etsi præter cutem subiecta caro, eadem leprâ diu protractâ, inquinetur. Causam lepræ statuit Galenus, humorem melancholicum, non naturalem, sed eum, qui præter naturam est, quiq; propriè atra bilis nuncupatur, ortum ducens

*Lepra
causa.*

ex nimio feruore, & veluti affatione humoris melancholici naturalis, aut humoris biliosi, vt in nostra Physiologia abundè docuimus.

Hic non est praterendum discrimen communiter admissum, inter Impetiginem, Psozam, & Leporam. Impetigo, vt libro Definitionum Medicarum habetur, est summę cutis asperitas cum multa prurigine. Galenus Commentario in librum Hippocratis de Alimento, Impetiginis duas ponit species. Impetigo quoque, inquit, affectio cutis est. Eius sunt duę species, altera Cicur, & mitior; altera agrestis, & molestior: In his squamę à cute abscedunt, & locus qui sub squamis est, rubicundior videtur, & propè ad vlceratum accedit: Morbus autem ipse à falsa pituita, flauaque bile exoritur. Agrestis adhuc impetiginis mentionem facit Galenus lib. 6. de compositione medicament. per genera, cap. 2. & libro de Theriaca ad Pisonem, cap. 18. & penultimo, vbi de Salis Theriacalis dotibus verba faciens, inquit: Præcipuum verò Saliste habet, quod morbos cutem infestantes curat; albam dico vitiliginem, lepram, impetiginem, quam feram vocant: & demùm omnia sub cute posita excrementa resoluit. Libro de Medicam. facilè parandis, pro feris Impetiginibus remedia scribit. Vtrum fera impetigo à lepra differat, sub dubio est: Nam hinc feram à lepra distingui docet Galenus, cum hos ambos affectus, tanquàm distinctos, proposuerit. Cornelius verò Celsus Galeno antiquior, Impetiginem absolutè cum lepra confundere videtur: Lichenem tamen, in mitiorem, & feram distinguit. Λείχην, lichen autem vox Græca, apud Medicos latinè scribentes, Impetigo dicitur. Celsus vero lichenem vocat papulam: Et impetiginis descriptio ab ipso data, leprę prorsus congruit.

Impetigo quid.

Impetiginis duę species.

Impetiginis causa.

Salis Theriacales.

Impetigo fera à lepra vix differt.

Ego sanè existimo, feram impetiginem, feramue lichenem, parum à lepra distare; cum in ferro lichene cutis scabra sit ob pullulantes pustulas squammis obductas. Verùm, quia pustulę quędam in summitate rubicundę squammis obduci possunt, talis fortassis affectus fera impetigo non malè dicetur. Eiusmodi enim affectus ex tenuibus simul, & crassis nascitur humoribus; cum lepra ex solis crassis fieri dicatur. Mitior verò impetigo, siue Lichen (cum torrente enim Medicorum latinè scribentium, & non cum Celso, etsi latino, loquor) annexos habet furfures potiùs, quàm squamas.

De impetiginis in lepram, & Psozam transmutatione, præclare

*Impetigo
in Pforam,
& lepram,
migrat.*

loquitur Galenus lib. 5. de Compositione Pharmacorum secundum locos cap. 5. cui titulus: De Lichenosis, Impetiginosisue Tumoribus: Et hæc inquit affectio ex mixto quoque generatur humore, serosis nimirum, ac tenuibus, & acris succis, cum crassis permixtis: quapropter etiam facile in Pforam, id est, scabiem, & lepram transit. Indigetque etiam ipsa Pharmacis fortiter resiccantibus. Postquam verò in Pforam, aut lepram transierit, ultra hoc, quod resiccantibus indiget pharmacis, etiam repurgantia, & exterforia expostulat: denotat. n. Galenus, Pforam, & lepram, esse affectus multò grauiore ipsâ Impetigine,

Mentagra.

Sub impetigine, scabiem lvi venereæ accidentem comprehendit quibusdam placuit; sicuti Plinio Mentagram, in qua non squamis, sed sædo colore cum furfuribus, vultus, demptis oculis, rursus collum, deinceps pectus, & manus afficiuntur. Huius Impetiginis meminit Galenus libro de Pharmacis facile parabilib. cum pro ea, seorsim à communi impetigine, remedia præscripserit.

Ex dictis constat, Impetiginis à lepra, & Pfora discrepantia: Assignanda ergo est illa, quæ inter has duas intercedit.

*Pfora est
ipsa scabies.*

*Discrepantia inter
Pforam, &
lepram.*

Id quod Græcis Ψώρα, Pfora dicitur, latinis communiter scabies appellatur. Pfora, quàm lepra, magis exulcerata est, referentur Authore libri Isagogici. Volunt etiam aliqui, cutem solam in Pfora affici, in lepra verò prætercutem, suppositam carnem inquinari: Addunt, cutem in Pfora furfuraceam esse, in lepra verò, utpotè grauiori morbo, squamosam. Ad hæc, Pfora peculiarem non obseruat figuram, cum lepra ut plurimum circularem habeat figuram, dum cutem erodendo depascitur ferinus humor eius causa. Sed meo iudicio parùm discriminis intercedit inter hos affectus, cum utriq; communis sit cutis asperitas, pruritus, & squamæ, siue paruæ sint instar furfuris, siue magnæ, instar squamarum piscium. Galenus autem lib. 4. Aphorismor. Comment. 77. Aphorismum, in quo de vesicæ, & venarum scabie dignoscenda ex furfuribus urinæ commixtis agit Hippocrates, exponens, sequentia scripsit: Sicuti. n. cutis superficies (quam cutem superiorē, siue epidermidem vocant) in scabie, lepra, atq; lichenibus tenue quid abijcit (quale quod serpentum senectus nominatur); Sic ubi in partibus interioribus ea, quæ est veluti cutis tale aliquid patitur, symptoma quoq; morbi erit simile. Hac ratione igitur & venæ ipsæ, atq; vesicæ, scabie labo-

rantes, furfurēos cortices vnā cum vrinis emittent. Ecce Galenus docens, furfures esse quid commune lepræ, scabiei, & lichenibus: quare vix in externis cutis excrementis distinguuntur. Nam, vt ex lepræ descriptione superius allata ex libro Definitionum Medicarum, constat, non semper in ipsa lepra cutis squamis scateret, & squamæ quandoq; in ipsa Psora conspiciuntur; vel, si mauis, escaræ, quando exulcerata est cutis. Inò, sicuti pruritus adeò est in lepra vehemens, vt scalpendo non amitescat, sed potiùs exacerbetur, & ex tanto cutis, & carnis attritu supernascentur varia vlcera, & tumores quidam Phlegmonosi; ita pariter in Psora contingit, in qua cutis mutata est in statum toto genere præter naturam, non secus ac in lepra. Vnde cum lepra, & Psora morbi sint valde congeneres, nonnulli Psoram, mitiorem lepram appellant.

Lepra, & Psora vix differunt.

Psora quidem dupliciter accipi potest, vel genericè, vel specificè. In genere accepta, omnem complectitur scabiem, à quocunq; humore prouenientem; in quo fortassis sensu loquutus est Auicenna, Psoram diuidens in non excorticatam, & excorticatam; sædam, & non sædam; humidam, & siccam. Lepra sub Psora ita genericè accepta, tanquam species continetur: ideoq; eadem lepra nihil aliud erit, quàm sæda, & insignis, id est, agrestis, & mali moris Psora siue scabies, quæ in Elephantiasim migrare potest: quo in sensu lepram, Psoram in nostra Pathologia appellauimus. Psora specificè accepta, esto ad placitum quorundam mitior lepra.

Psora biformem accipitur.

Dum lepram sub Psora, siue scabie genericè accepta contineri dixi; lepram propriè dictam, & hætenus à nobis examinatam, intellexi: nam lepra impropriè dicta, quæ ab humore pituitoso nascitur, non est scabies, sed vitiligo, aut quid vitiligini simile. Huius impropriæ fit mentio libro de Affectionibus, in quo sequentia habentur: Lepra, & Pruritus, & Scabies, & Impetigines, & Vitiligo, & Alopeciae, à pituita fiunt. Sanè de lepra alba, quæ vitiliginosa est, Polybus author istius libri loquitur. Huius naturæ fuit lepra illa, quam Saluator Mundi in Euangelio miraculosè deleuit, vt testatur Arnobius de Christi miraculis verba faciens; qui quidem lepram illam, vitiliginem esse censet: quæ fortassis vitiligo insignis erat, vniuersalis, & scabiei pituitosæ soboles. Licet enim vitiligo, sicuti diximus, à pituita viscida & lenta ortum ducat, eiusdem pituitæ vbertas tanta esse potest, vt prauum reddat corporis habitum,

Lepra in sacra pagina, cum vitiliginē confunditur.

imò scabiosum, ob portionem humoris putrefactam; sædam verò scabiem subsequuntur non rarò maculæ istæ vitiliginosæ in cute. Vnde, cùm confirmata esset illa Euangelij vitiligo, non immeritò lepra dicta est, etsi ordinaria vitiligo tale nomen non sortiatur. Lepra autem Græcorum alterius est naturæ: nam quanquam à pituita salsa in melancholicum fortassis humorem conuersa, ex parte nasci queat (in quo sensu loquutus est Author Introductorij superius citatus, falsam pituitam, lepræ, & Psoræ causam statuens); atrabiliarium tamen humorem, crassum, acrem, & tenacem, calidum siccumque, causam agnoscit ordinariam. Præterquam quòd huius doctrinæ veritas ex hæcenus dictis liquida euadat, lib. 2. Prorethicon in calce, lepram ab atra bile fieri asseritur. Quia doctrina ibi habita ad prædicendum utilis, in vsum nostrum huc transferre placet: Impetigines, inquit, & lepræ, albicantesque vitiliginæ, si iuuenibus quidem, aut pueris horum aliquid contingat, aut sensim se prodens diuturnitate temporis augetur: in ijs quidem eæ pustulæ abscessus esse minimè existimandæ sunt, sed morbi. At quibus ex his aliquid subito, multumque contingit, id certè abscessus dici possit. Oriuntur autem albicantes vitiliginæ ex maximè quidem lethali morbo, velut quæ tabes dicitur. Lepræ verò, & Impetigines, ex ijs, qui ab atra bile fiunt. Ex quibus quæ valdè iuuenibus contingunt, & recentissima quæque sunt, ea faciliùs curationem recipiunt, tum quæ in summè mollibus & carnosissimis corporis partibus nascuntur.

Lepra, Psora, Impetigo, & vitiligo quandoque morbi, quandoque symptomatica dicuntur.

Ex hoc contextu plenè percipimus, quando lepra, & ceteri relati affectus cutanei, morbi nomen merentur, & quando præterea abscessus dicendi. Morbi enim maximè tunc appellandi, quoties paulatim, & sponte, id est, nullo præcedente morbo, erumpunt; Abscessus verò, quoties copiosè, repentèque in cute emergunt, quia ad hanc alicuius morbi causa confertim à natura ab internis corporis partibus ad superficiem deturbatur. In prima præcipuè significatione loquutus est Hippocr. lib. 3. Aphor. aphor. 26. dum inquit: Vere etenim furores, & morbi melancholici, & comitiales, & profluvia sanguinis, & angina, & grauedines, & raucedines, & lepræ, & tussis, & impetigines, & vitiliginæ, & pustulæ vlcerosæ plurimæ, & tubercula, & articulorum dolores. Hic aphorismus contrarius videtur aphorismo nono eiusdem libri, qui, vt sequitur,

iacet:

iacet: Autumno morbi acutissimi, atque exitiales maxima ex parte. Ver verò saluberrimum, & minimè exitiale. Galenus verumtamen aphorismos hos concilians, ait, vigesimum confirmare nonum, præsertim quoties verè vernaes vere contingunt. Nam, inquit, hoc ipso tempore profundum corporis expurgatur, vitiosis humoribus à partibus principalibus ad cutem peruenientibus: Sic igitur & lepræ, & vitiliginis, & impetiginis, & pustulæ quædam vlcerosæ multæ generantur, &c. Prædicti affectus, abscessus, & symptomata dici possunt, dum Criticè alijs superueniunt morbis.

Dubio occurrit Galen.

Nobis opponet aliquis textū libri de Affectionibus, siue passionibus, in quo manifestè habetur, relatos affectus non esse morbos. Textus hac serie scribitur: Lepra, & Pruritus, & Scabies, & Impetiginis, & Vitiligo, & Alopecia, à pituita fiunt. Sunt autem talia, turpitudine magis, quàm morbi.

Obiectio.

Responsio est, falsum esse, quod in textu habetur: Nam cuius apertum est, lepram esse pessimum morbum, qui facillè quandoq; in Elephantiasim transit, sicuti hæc in lepram, teste Galeno. Equè falsum est, quod post translatum textum habetur: furunculos nimirum, & carbones à pituita fieri, cum à crasso feruenteq; sanguine, omnium arbitrio, nascantur.

Solutio.

Idem erit Responsum ad textum habitum libro de Alimento, qui idem asserere videtur: Sed Galenus in Commentario, cuius verba superius in medium protulimus, manifestè docet; lepram, Pforam, aliosq; affectus à nobis relatos, esse toto genere præter naturam.

Author Definitionum Medicarum visus est dictam doctrinam libri de affectionibus prælibasse, dum vitiliginem à rebus præter naturam his verbis excludit. Secundum naturam sanitas est. Præter naturam morbus. (Quod autem est natura, id nec secundum naturam, nec præter naturam iam est: ut gracilis admodum, ac siccus: vel crassus iam, & præpinguis: vel qui naso est ad unco, aut simo: vel cæcis oculis: vel qui varus, aut vatiæ est. Nam, qui ita se habent, non sunt secundum naturam affecti: nam symmetriam euasere: Verum nec præter naturam rursus, non enim impediuntur functionibus administrandis. Esse autem non natura eiusmodi est, ut neq; secundum naturam, neq; præter naturam, neque natura existat: tales sunt vitiliginosi, aut acrochordonibus, myrmecijf-

Obiectio.

ue, ac similibus præditi: hæc enim nec secundum naturam sunt mala, siquidem à naturali statu excessere: neq; verò præter naturam, cum naturales minimè impediunt actiones: Verum neq; natura sunt: non enim ea fuere à principio genita; neq; à prima generatione consistere: non natura ergo ut sint, relinquitur. Enim verò, quod constat natura, ei, quod secundum naturam: & quod non natura, ei, quod præter naturam habet, ratione proximum est.

Solutio.

Sed hæc doctrina stare nequit; nam si in vitiligine suam naturam dispositionem caro sub cute contenta inuauit, manifestissimè in statum præter naturam migravit; necessariòq; status hic morbosus erit, & consequenter vitiligo morbus censenda est. Caro autem naturaliter rubra, in vitiligine fit alba, suamque prorsus naturam amittit. Exempla autem in textu allata authoris opinionem non confirmant, sed enervant. Qui enim immodicè crassus est, morbo laborat in magnitudine, sicut laborabat Nicomachus Smyrnæus. Immodicè gracilis & siccus, morbo in quantitate diminuta, & intemperiei. Moles sanè corporea nimium excedens, motricis facultatis actionem lædit, motū scilicet: qui ideò vix edebatur in Smyrnæo. Velle verò talem monstruosam corporis molem, ad omnes motus ineptam, naturam appellare, aut secundum naturam esse, idem est, ac naturæ symmetriam prorsus ignorare. Quis obsecro in naturæ operibus vel modicè instructus, qui non vltro admittet, naturam semper conari temperantiam, & mediocritatem, quosuis semper excessus in corporibus nostris, quâ potest prouidentia, declinando. Nec monstruosam ergo corpoream molem, nec tabidum corpus, nisi labefactata & impedita, progignit natura. Reliqui affectus in iam allato contextu libri Finition. Medicar. eandem patiuntur censuram; ut ex nostra Pathologia liquidò constat. Cum autem eos non naturam, vocet author, idem est, ac eosdem sub statu præter naturam contineri, cum naturalem præterierint symmetriam, ut ipse author præsupponit.

*Galenus
exponitur.*

Qui dicti libri Definitionum Medicarum Authorem, Galenum esse volunt, citatum textum hoc pacto interpretari possunt: Galenum velle, vitiliginem, facta comparatione ad graues ægrotudines, non multum lædere actiones vitales, & animales dictas, esse tamen rem quandam ad res præter naturam declinantem, cum naturæ limites excesserit. Possumus vltcrius dicere, Galenum loquutum

fuisse

fuisse de rarioribus maculis in sola cute apparentibus; quæ, si supposita caro sana est, vix morbus dicendæ.

Examinatis hætenus ab Hippocrate propositis abscessibus libro 2. Epidem. concludendum eosdem quandoq; inutiles esse, quando nimirum parce erumpunt; aliquando tamen, dum videlicet copiosè, & naturæ iudicio apparent, profuturos, siue eos nullus præcedat morbus, siue morbos illi sequantur acutos. Sicuti autem inter Criticas euacuationes, nulla parca bona est, similiter nullus abscessus exiguus; cum copiosæ causæ morbificæ permodica portio ab affectis præcipuè partibus ad viliores transmittatur. Nec solum considerandus naturæ imperfectus motus, inutilem sarcinam ad superfluitatum receptacula, aut viliores partes transmittens, sed præterea partis recipientis capacitas. Quandoq; quidè, dum natura, à partibus aut parte affecta causam morbificam feliciter propellit, humorem in angustam, & modicæ molis partem prolabi contingit. Pars, præ exiguitate, incapax est receptionis tanti humoris ad se fluentis: proinde in ipsis partibus affectis, & in via, manet maxima humoris morbifici pars, ad easdemq; recurrit, qui effluebat, & ob ingentè fluxum pars recipiens obruitur. Vnde Hippocrates libro 2. Epidem. inquit: Atque si non sint pro ratione excretionis morbi indigna, velut Temeni nepti, ex morbo forti ad digitum decubuit, qui cum non sufficeret ad suscipiendum morbum, recurrit. Mortua est.

Exigui abscessus, nisi fuerint numerosissimi, non decernunt utiliter.

Dum criticè sit abscessus pars recipiens non debet esse exigua, sed magna, & capax receptionis fluentis humoris.

Hieronymus Mercurialis casum narrat non spernendum: Memini, inquit, me quondam Patavij aliquem curasse, in quo factus erat in grauíssimo morbo abscessus in digito: quem cum ego maximè formidarem, iussi adhiberi ignem (ignitum scilicet ferrum pro igne intelligit) & sanatus fuit: Siquidem potētissimus fuit ille ignis, cum ad attrahendam, tum ad consumendam materiam, quæ alioqui non poterat in eum locum decumbere. Hæc ille, & quidem rectè: nam ubi in grauíssimis morbis abscessus non fiunt secundum exigentiam morbi; huiuscemodi abscessus sunt formidandi. Vnde Medicus congruis medicamentis, ferro, & igne, materiam morbificam attrahere, atque consumere debet, cum minima pars corporis tantæ materiæ suscipiendæ sit omninò incapax: imò verò, etiam si capax fuerit pars recipiens, ne materia ad eam recumbens iterum recurrat, vel ad partem affectam à qua deferebatur, vel ad

Mercurialis observatio.

aliquam aliam ex ijs, quæ sunt in itinere, aut alibi, attrahentibus remedijs vtendum. Bubonibus ideò pestilentibus, siue retrò aures, siue sub alis seu axillis, siue in inguinibus appareant, solebam sine mora cucurbitulas cum magna flamma, iterum, & tertio apponere.

*Abscessus
remediorū
ope augen-
dus, ni spō-
rè crescat.*

Quod si non inde sufficiens incrementum susciperent, laxantibus, & attrahentibus utebar remedijs: pars enim relaxata & emollita, facilè, & sine renitentia humores ad se currentes suscipit: & multò magis, quoties ijsdem emollientibus, aut laxantibus, aut suppurantibus, aliquid ex attrahentibus remedijs adiicitur. Quòd si nondum in maiorem molem prædictorum remediorum ope bubo apparens assurgeret, & metuendus esset humoris recursus ad partem nobilem, lanceola, vel ferro ignito, vel Caustico potentiali bubonem aperiri curaueram. Similiter, in pestilentibus, malignis, & ardentibus febribus procedendum, quoties exanthemata potissimum, aut quid simile, in cute apparent; tunc autem laxantibus, aperientibus, rarefacientibus, & discutientibus vtendum. Galenus lib. 2. Meth. Med. cap. 13. mentionem faciens febris à crudis succis orta, quam ventriculi dolor aut offensa comitatur, phlebotomiam

*Vice Phlebotomia,
& purgationis, ex-
tremorum
frictionem,
& cutis
unctionē,
ubi crudi
humores
febrem ef-
ficiūt, præ-
scribit Ga-
lenus.*

*Ictericia
quid.*

tunc prorsus repudiens, veluti purgationis (ob imparatos videlicet humores) vsum, ad solam pedum, & brachiorum frictionem supernè deorsum factam, & deinde olei laxantis, quale est Sabinum, vsum, tantum recurrit. Si verò hyems adfuerit, post frictionem, cutis litum ex oleo Chamomillæ factum laudat. Libro etiam 9. de Medicament. secundum locos cap. 1. de morbo regio agēs, sequentia scripsit: Fiunt quidem IctERICI ratione bonæ iudicationis in febribus; proriente nimirum ad cutem bilioso humore. Et facilè sanè hic curantur balneis aquarum potabilium, & olei discussorij affricatu, omniumq; rarefacientium cutem: quale est Anethinum oleum, & Chamæmelinum, ac Cicinum. Post hæc etiam, vnguenta faciunt, gleucinum, crocinum, deinde Irinum, & Amaracinum. Balneo enim aquæ dulcis siue communis, cutem laxandam, & humectandam optimè præcipit Galenus; vt sic omnes pori aperiâtur, & materia in ijsdem inclusa humectetur, & fluidior reddatur. Rursus, vt talis materia, vi balnei laxantis & humectantis, ad exitum disposita, insensibiliter disentiatur, & dissipetur, rarefacientibus, discutientibusq; vtitur, vt oleo Anethino, & Chamomillæ, ac oleo Cicino (quod apud Ægyptios parabatur, & apud nos in vfu

non est): Et quædam vnguenta, quia tenaciùs, quàm olea, cuti adhærent, ea adhuc præscribit: sed quia acria, & consequenter calida, ut plurimum, sunt, ipso Galeno teste lib. 5. de simplic. medic. facult. cap. 14. ijs non utendum, nec sunt in usu: habent enim non solum aperiendi, sed detergendi vim; quæ quandoq; ad abigendum cutaneum malum necessaria est, dummodò febris non adsit. Quoniam hodiè balnea in raro apud nos sunt usu, cutem laxare oportebit Decocto Maluæ, aut Althææ, tepido: & rursus, blandâ manu, oleum Chamomillæ, aut liliorum, aut anethinum, tepidè admouebitur. Decoctum tepidum cum ipsa manu, vel cum pan- no leni & suavi excipiendum, dum eò blandè cutis obducitur. Deficiente consimili decocto, aut aqua, litus fiet ex oleo Amygdalarum dulcium, aut Butiro recenti sine sale, aut oleo communi, fed maturo: Deinde rarefaciens oleum, aut aqua admouebitur. Rarefaciens autem medicamentum moderatæ est caliditatis, & siccitatis, consistentiæ verò tenuium partium, docente Galeno lib. 5. de Simplic. Medic. facult. cap. 14. Sed hæc obiter de Remedijs.

Præsenti Capiti Titulum præposui de Signis abscessuum, antecedentibus. Itaq; tempestiuum erit de enumeratorum abscessuum signis aliquid dicere. Sed quoniam ipsi signa sunt interioris statûs, quæ oculis obijciuntur, vix signa habent præcedentia, præter suas causas. Declinans porro ætas, & ipsa Senectus, in quibus magna humoris melancholici, in iuuentute geniti, copia colligitur, causæ erunt melancholicorum morborum, tam internorum, quàm externorum, quòd difficulter collectus in corpore frigidior humor melancholicus dissipetur. Rem hanc præclare exponit Galenus Comment. 3. Prognostic. tex. 28. ubi inquit: Vt enim per tempora calefactos ætate admodum humores, & ut ita dicatur, feruefactos, siue bullientes necesse est gignere atrabiliarium humorem: quem excipiens collectum in corpore Autumnus, utpote frigidus, nequaquam patitur similiter extorsum diffari, neque facillè vacuari: ita per ætates ætas inclinans efficit. Nam, quantum in ætatis vigore ferbuit humorum, atq; in atram mutatum est bilem, id hæc difficulter discutiens, febres potius quartanas committit: opusque est tempore longiore per hanc ætatem, ut corpustali repurgetur bile: ita fit, ut adusque senectutem in medio atrabiliarij omnes morbi in his magis exuperent, in illis minùs, Elephantes, Cancris, Lepræ, Melancholiæ, Febres quartanæ.

Balnei substitutū in febribus, nullatenus negligendum.

Declinans ætas, & senectus signa abscessuum. Sicuti autumnus humorem atrabiliarium in ætate genitum colligit, ita excipit, sic declinans ætas, & humores adustos in iuuentute genitos.

Tem-

*Tempus
est signum
abscessu.*

*Veris ope-
ra in cor-
poribus
nostris elu-
cent.*

*Exerci-
tium veri
simile.*

*Natura
in morbis
varijs mo-
dis corpus
expurgat.*

*Exercitiū
est absces-
sum, mul-
torumque
morborum
causa, in
corporibus
impuris,
aut plenis.*

*Hyems si-
gnum ab-
cessuum.*

Tempus praterea causa est, & signum, multorum abscessuum, vt. constat ex aphorismo 20. libri 3. aphorism. in quo Hippocrates varios recenset morbos, qui Vere emergere consueuerunt. Ideò autem vernali tempore multos suscitari morbos dicimus, quòd natura conetur, quidquid in corpore collectum fuit superfluitatis, antecedenti hyeme, & præ cutis densitate, retentum, è visceribus extrorsum deturbare. Aëris autem tepor verno tempore contingens, cutis poros dilatat, & internos humores attenuat. Vnde natura has suppetias tum sortita, faciliè humores magis attenuatos ad motum concitat, & extra corpus, nisi dum immodicè aggrauatur, per aliquas transmittit vias. Et quidem (inquit. Galenus in Commentario) verno tempore, calor aëris ambientis humores diffundens educit ad cutem; quæ res ipsi exercitationibus persimilis existit. Nō solum autem exercitationum effectibus, sed etiam ipsius naturæ, Veris opera similia sunt. Huius .n. opera sunt tum occultam per totum corpus facere transpirationem, per quam excernuntur superfluitates, tum etiam corpus in morbis varijs modis expurgare.

Hic Galenus aliud insinuat signū, & causam cutaneorum, aliorumque affectuum, exercitationem, quam Veri similem esse pronunciat: quoniam in exercitio calor augetur, pori, ductusq; omnes ideò dilatantur, humores funduntur, & à natura extra corpus, si potest, proijcere consuevit. Galenus in Commentario, rem, vt sequitur, exponit: Tale quid etiam Vere contingit, quale in exercitationibus videmus fieri. Ecce enim hæc quoq; sunt saluberrimæ. Verum si hominem pituita plenum, vel flaua bile, vel atra, vel sanguine ipso, volueris exercere, ei morbum comitalem, aut apoplexiam exercitatione contrahes: aut si hæc mala non eueniunt, periculum imminet, ne rupto aliquo in pulmone vase, in morbum incidat insanabilem. Multi verò cum febricitare cepissent, propter exercitationes acutissimis morbis fuere correpti. Quibus verò vicem purgationis humorum, qui sunt in profundo corporis, exercitatio supplauerit, ad cutem euocans, malorum humorum abundantiam, vlcera, & scabies inde generat: & hoc innuens dicebat Hippocrates lib. 6. Epid. sec. 5. Si impurgatus laboraueris, vlcera erumpent.

Galenus in dicti Aphorismi Commentario, lepram esse morbum familiarem hyemi refert: hyems ergo signum esse potest cutaneo.

neorum affectuum : nam quæ tunc ad cutem transmittuntur excre-
menta , circa eam diu quiescunt , propter exiguorum meatuum ,
sive pororum , conniuentiam , ratione frigoris externi ortam.

Signum similiter , & causæ cutaneorum affectuum , potest esse
olerum , cibiq; prauis succi , diuturnus vsus ; vt testatur Galenus lib.
de succorum bonitate , & vitio , cap. 1. imò & aquæ corruptæ fre-
quens potus , succos præstantiores in corpore corrumpere quit , pe-
stemque ipsam introducere.

*Cibus , po-
tusque prau-
us cuta-
neos affe-
ctus exci-
tant.*

Licet ex hætenus dictis erui possint signa futuri abscessus , sequen-
ti tamen Sectione de signis abscessuum , qui solis acutis superue-
niunt morbis , breuiter differendum.

De Signis , quæ Abscessum acutis morbis superuenientem produnt.

Hætenus toto hoc Capite promiscuè de abscessibus , qui
per excretionem , & per decubitus fiunt , peregrimus ; &
nonnulla proposuimus signa , abscessum per decubitus
prodentia. Sed quoniã de Abscessibus , qui chronicis longisue mor-
bis , simul & acutis , communes sunt , loquuti sumus , paucis de so-
lis ijs , qui acutis , etiam protractis siue prolongatis morbis super-
ueniunt , modò agendum . Vt enim in merè acutis , ut plurimum
excretionem Crisis fit , in diuturnis aut productis morbis , abscessu
contingit . Febres enim acutæ cum à tenui , calida , & consequenter
mobili , fluidaq; materia foueantur , quoties natura constans est , &
valida , talem materiam domat , & criticè excernit . Si autem natu-
ra imbellis est , aut humor crassus ; morbus protrahitur , fitq; Chro-
nicus , raròq; per excretionem criticam iudicatur , sed per absces-
sum , aut simplicem solutionem . Imò quoties natura valdè imbel-
lis est , & humor morbum fouens crassus & tenax , vix paulatim co-
quitur , domaturue materia morbifica , nec abscessus salutaris expe-
ctandus , sed mors , aut transitus in grauiorem morbum . Qui enim
Cacochymia laborant , & in Chronicam incidunt ægritudinem ,
alterutrum experiuntur : mortem scilicet , aut transitum in hydro-
pem , aliumue lethalem morbum .

*Humor
tenuis Cri-
ticè euac-
uatur ,
constante
natura .
Natura
imbellis ,
& crassus
humor
Chronicos
morbos ef-
ficiunt .
Natura
valdè im-
bellis , &
humor te-
nax mortē
adferunt.*

Signa autem abscessum in communi præindiciantia proponun-
tur breuiter ab Hippocrate , libro Prognostic. Sect. 3. Textus 23.

hac serie habetur: Si qua verò febris prorogatur, saluè affecto homine, nec dolore detinente, aut ob inflammationem, aut ob aliquam aliam occasionem euidentem, expectari oportet abscessum cum ædemate, ac dolore in aliquem articulum, maximeq; inferiorem. Antea in eodem Opere Prognostico, quædam pronunciauit Hippocrates de abscessibus, qui circa hypochondria, thoracem, ac pulmonem, imò crura, apparent, quique capitis perseverantem dolorem consequuntur: modò autem eosdem abscessus in vniuersum, nulla definita parte, in qua fiunt, aut à qua humor deriuatur, examinat. Primis enim his verbis (si qua verò febris prorogatur.) Primum indicat signum futuri abscessus: Vult enim dicere, quòd in febribus statim, & primis diebus, non fit abscessus, sed procedente tempore, & productis, siue protractis iisdem febribus.

Protractio febris est abscessus indicium.
Triplex causa prorogationis febrium.
Prima.

Triplex enim causa prorogationis febrium à Galeno proponitur in Commentario. Prima, est aliqua peculiaris pars affecta, quæ curatu difficilis est. Si enim peculiare quædam partes inflammatione, aut dolore afficiantur, copiosum semper humorem, quem postea domare, aut conficere nequeunt, ex circumuicinis partibus attrahunt: attracti humores corrumpuntur, & corrupti vapores inde ad Cor elati, accensam antea febrem continuò fouent. Pars similiter, quæ ante inuasionem febris, aliquo affectu laborabat, præ imbecillitate, tempore febrilis æstus faciliè superfluos humores in-

Secunda.

æstuante corpore turgentes suscipit, febremque rursus refouet. Secunda causa prorogationis febrium, sunt humores crudi, & crassi, & incocti, qui coctionem, præparationemue non recipiunt, sed naturam ipsam agentem labefactant, imbecillioresq; in suis operibus reddunt. Magnas enim, in vasis præsertim exilibus, pariunt obstructions, adeòq; sanguinis, & spiritus liberum transitum quoquouersum impediunt, & ob impeditam trãspirationem, putredo, quæ febrem excitat, generatur. Non ineptè his addi potest humorum etiam tenuium magna copia, quæ cum non nisi per vices euacuari potest medicamentorum ope, febrem protrahere potest; maxime verò, quia eius aliqua pars præ nimio calore affatur, incrassaturque. Tertia prorogationis febris causa, est error commissus, vel à Medico, vel ab Ægro, vel ab Assistantibus, aut defectus ortus propter externa: v. g. propter tempus aduersum, terram, conditionem, domicilium prauum, conflictationem, solitudinem,

dinem, angorem. Debet enim Medicus fungi suo officio, debent & astantes, debetq; externa esse ritè comparata, vt in primo aphorismo, libri 1. à Præceptore pronunciatum est. Multi sanè Medici intempestiuè phlebotomantes, aut pharmaca contra ordinem, & Methodum Medicam ægris propinantes, leues morbos, sanatuq; faciles, chronicos efficiunt. Æger ipse Medico semper reluctans, & suo appetitui proteruè addictus, leuem breuemq; morbum, grauem reddit, & chronicum. Ancilla Bauderoni Medici quartana laborans, viuendiq; rectam respuens normam, octennio quartanaria vixit, & tandem hydrope correpta miserè interijt. Non obscuros quotidie errores committunt astantes in potulentis, & esculentis, quoties suo placito ægros reficiunt. Tempus anni febres quandoque protrahit, vt videre licet in autumnali, hyemaliq; tempore. Terra vliginosa & frigida eundem effectum quandoq; parit. Loci situs, siue conditio terræ, vim etiam magnam habet. Domicilium verò Meridiem respiciens, sicut & Aquilonem, prorogationis ansam præbet: veluti domicilium impurum, opacumque, & vetustum, ac in humili loco situm. Animi pathemata non modò febres protrahunt, sed non rarò generant, mortemque acciunt. Cæterum, si Medicus rectè medetur, si astantes nullum committunt errorem, sique circa externa nullus appareat defectus, nullaq; denuò pars in corpore affectu laborat curatu difficili, & febris prorogatur, prorogationis causa erunt necessariò humores crudi, crassique, & non rarò virium imbecillitas. Hos igitur humores crudos, dummodò naturales vires sint constantes, & firmæ, assiolet natura in partem quandam ignobiliorem expellere, quoties per excretionem pellere iuxta corpus non queat; vt in Comment. loquitur Galenus. Sæpè enim (inquit idem Galenus) dictum iam est, quòd humores corporis calidiores, tenuioresque, paratissimi sint ad excretionem: crudis verò, & crassis, aut per abscessum, aut per sympepsin, id est, concoctionem, natura medeatur. Porro id ipsum, vt per concoctionem medeatur, excretio quædam est, quæ ex vrina, magna ex parte, rarò per alium, efficiatur.

*Errores a-
grorū da-
mino sunt.*

*Virium
imbecilli-
tas febrem
protrahit.*

*Crudi hu-
mores ab-
scessū pro-
creant, aut
paulatim
coquantur.*

Particula textûs (saluo affecto homine) idem significat, ac ægrum habere signa semper salutaria toto febris decursu. Reliqua ex dictis clara euadunt.

Textus 24. hac serie iacet: Talis autem abscessus magis, ac mi-

In quibusdam affectionibus fit critica excretio.

In quibusdam affectionibus mors supervenit, aut eadem humor coquitur.

In medys affectionibus fiunt abscessus.

Si hac legisset Durerius, non dixisset Galenū nolle abscessum a tenui humore fieri.

Duplex causa abscessus.

Indicium abscessus est imminutus.

In senibus non fit abscessus.

nori tempore euenit iunioribus, quàm trigessimū annum agentibus. Galenus in Commentario ait: Sæpenuerò dictum est, quòd morbi, quos humores committunt calidiores, cum ægri viribus valentioribus per excretionem iudicentur. His contrariæ sunt affectiones, in quibus facultas debilis est, & humores frigidi, quæ nec excretionē, nec abscessu iudicantur, sed aut corrumpunt ægrū, aut perquàm longo temporis spatio vix concoquuntur. Porro inter has mediæ intercidunt affectiones, quæ per abscessum iudicantur. Has affectiones, in quibus abscessus fiunt, medias esse docet Galenus; quoniam, vt abscessus fiat, non sunt necessariae vires validæ, & humores simul calidi tenuesque, vti in excretionē critica hacambo requiruntur. Neque, quando humores crassi sunt, & vires imbelles, abscessus fieri possunt. Sed abscessus non rarò nascuntur, quando humores sunt calidi tenuesque, & vires imbelles: calidi enim humores, qui ob virium imbecillitatem non extra corpus excernuntur, ad aliquam corporis partem seponi possunt à viribus etiam modicis. Si igitur humores calidi sint (inquit Galenus) non oportet facultatem validam haberi, si abscessus quispiam futurus est: Si verò frigidi fuerint humores, facultate opus est valida ad abscessum. Sic autem ex duobus extremis oppositis; virtute nimium valida, & humore calido tenuique; nec non viribus imbelibus, & frigidis humoribus, resultat quid medium compositum ex extremis; ita vt bimembre medium, in quo abscessus fit, rectè statuatur. Abscessus enim fiunt, vel quando virtus imbellis est, & humor calidus ac tenuis, vt antea diximus; vel quando virtus est valida, & humor frigidus crassusque. Virium robur, aut imbecillitas, ex actionibus colligitur, quæ validæ sunt, aut imbelles. In præsentī sententiā virium robur ab ætatibus colligit Hippocrates, qui doctissimè monet, abscessus in iunioribus, quàm senioribus, frequentius citiusque fieri; quia iuniores senioribus robustiores sūt, & in iisdem, quàm in senioribus, humores sunt magis calidi, magisque tenues, & ad motum aptiores. In ijs verò, qui senes propriè nominantur, abscessus non fiunt, ob virium scilicet imbecillitatem, humorumque frigiditatem, crassitiemque. Qui autem annum excedunt trigessimū, seniores (Iuuenibus scilicet) non simpliciter & absolute senes appellantur.

Sententiā 25. Considerandum verò statim de abscessu est, si viginti.

geli-

gesimum diem detinens febris transcendat. Hic loquitur Hippocrates de vigesimo morbi die, ut in morbo acuto, sed producto, indicet abscessum fieri; cum saepius crisis per excretionem fiat ad quartumdecimum morbi diem, qui terminus est acutorum morborum. Vnde Hippocrates lib. 2. aphorismor. 23. Acuti morbi quatuordecim diebus iudicantur. In hac autem Sententia indicat Hippocrates, primis diebus Criticis in morbo acuto non fieri Crisim per abscessum; sed circa, aut post vigesimum diem, morbo scilicet in longum protracto. Proinde in Coacis Prænotionib. ait: Quibus inueteratio est morbi, abscessum dolorificum imis in partibus expectare oportet, potissimum verò iunioribus. Eodem in Opere sequentia etiam pronunciauit. In diuturnis febribus, aut phymata fundi solent, aut in articulis abscessus oriri. Libro 4. aphorism. 44. Quibus febres longæ, ijs tubercula ad articulos, vel dolores fiunt.

Protractio febris est abscessus indicium.

Sententia 26. Senioribus verò per febrem longiorem minus fiunt abscessus. Galenus in Commentario ait, meritò hoc ab Hippocrate pronunciatum; quia in morbis iudicandis per abscessum, facultatem habere firmitatem quandam, nec prorsus ad extremam concidisse infirmitatem oportet: & ob eam rem, in quantum processerint per ætatem, abscessus minus fieri accidit: Senibus verò non minus, sed minimè accidunt. Nunc verò non γέροντας, id est, senes, dixit Hippocrates simplici ratione (siue absolute) sed cum ijs, qui trigésimum agant annum, conferens γειραιέπους, id est, seniores nominauit eos, qui prouectiores, quàm hi, per ætatem existant; ut iam antea dictum est.

In senioribus raro fiunt abscessus: in senibus nunquam.

Textus 27. Oportet autem talem expectari abscessum per febrem continuam: in quartanam verò discessuram esse, quoties intermitat,prehendatque errabilem modum, atq; ita agendo autumno propinquet. Febris continua (teste Galeno in Commentario) est illa quæ non desinit ad integritatem, id est, est illa quæ ad puram remissionem, siue ad infebrecitationem non terminatur quotidie, aut tertio, quartoque die, intermittentium febrium more. Si verò quandoq; continua intermittit, præsertim, sub ætatis finem, in quartanam, aut erraticam febrem transit. Causam, & modum generationis quartanæ, & erraticæ febris in Commentario plenè exposuit Galenus; nos verò in nostro de Febribus libro. Licet quandoque in intermittentibus febribus abscessus fieri queat, in ijs

Febris continua quid.

Continua quandoque in fine ætatis in quartanam, aut erraticam degenerat.

Abscessus in continuis nascitur febribus.

tamen quæ continuò vexant, frequentissimè, ideò hîc Hippocrâtes in continuis abscessum nasci docuit.

*Iuuenibus
abscessus
fiunt, se-
quenti æ-
tate quar-
tana con-
tingunt.*

*Pueri, &
adoleſcen-
tes multũ
sanguinis
colligunt.
Ad 30. aut
35. annum
bilis gene-
ratur.*

*Utra
iuuentem
frigidiora
redduntur
corpora.*

Textus 28. Quemadmodum verò in iunioribus, quàm trigessimum agentibus annum, abscessus fiunt; ita quartanæ potius annum agentibus quadragesimum, aut etiam senioribus accidunt. Hic contextus intellectu facilis est, dummodò quæ antea à nobis exposita sunt, ritè percipiantur. Cùm verò de ætatum mutatione hîc agere videatur Hippocrates, supponendum, quod in nostra docuimus Physiologia, pueros ratione sui temperamenti multum sanguinis habere, veluti adolescentes rectè viuentes; tàm hos tamen, quàm illos, ratione voracitatis, & præposterî modi viuendi, crudorum succorum copiam non exiguam colligere. Adolescentiâ vero transactâ, homines, maximè verò ij, qui prauè viuunt, præter sanguinem, amarulentum colligunt humorem, qui pallida, flauaq; bilis appellatur; qui humor in nonnullis ad trigessimum annum, alijs ad trigessimum quintum vsque, generatur. Primus enim terminus conuersionis ad habitum frigidiorẽ, trigessimus est annus: nouissimus verò trigessimus quintus. Non enim vna est meta conuersionis calidi habitûs in frigidum, propter varietatem temperamentorum, & modi viuendi, ac casuum superuenientium. Vnde Hippocrates quandoq; (vt in his contextibus) iuuenturj terminum statuit trigessimum annum, sapiùs tamen trigessimum quintum. Quoniam ergo humores cineritij siue melancholici, post iuuentutem, calidam & siccam ætatem, in corpore relinquuntur, & quotidie colliguntur, doctissimè pronunciauit Præceptor, quartanâ infectari homines circa quadragesimum annum, & vltra.

*Hyeme,
quàm alijs
temporibus
frequentius
fiunt ab-
scessus.*

Textus 29. Sciendum autem, quòd abscessus hyeme potius fiât, ac tardiùs desinant, & minùs retrocedant. Abscessus hyeme potius, quàm reliquis temporibus, euenire, ideò dixit; quia hyeme humor frigidus crassusue, quàm cæteris anni tempestatibus, copiosior est, nec per cutem, æquè, ac reliquis temporibus, humores euacuantur; quia hyeme cutis densior est, & minùs perspirabilis, minùsq; in ea humores superflui attenuantur, disponunturue ad exitum. Abscessus autem, etsi quandoq; ab humore nascantur tenui, vt iam antea dictum est, vt plurimùm tamen à crassis frigidisq; excitantur. Congruè ergo hyeme, in qua non exigua pituitæ vberitas emergit, apparere solent. Dixit præterea abscessus factos tardiùs desinere

siue terminari hyeme, quàm cæteris anni temporibus: quia humor tunc abscessum causans, frigidior est, crassiorque, & ambientis aëris frigus intensus est. Vnde difficultas attenuandi, incidendi, & discutiendi superfluum humorem nascitur. Discutiatur enim omnino oportet, decumbens humor, ut abscessus curetur. Dixit tertio Hipp. abscessus, hyeme, quàm reliquis anni temporibus, minus retrocedere: & quidem propter relatas causas, frigiditatem videlicet, & crassitiem humoris, & aëris frigiditatem, quosuis meatus corporis condensantem, coarctantemque. Ad retrocessum verò, necessaria est mobilitas, siue facilitas ad motum; ad quam facilitatem tenuitas, aliqualis saltem, in humoribus prærequiritur. Humor verò frigidus crassusque; difficulter mouetur, adeoque vix, aut nullo modo, nisi prius attenuetur, retrocedit. Ob dictas causas hyeme, quàm cæteris temporibus, Podagrici, & Arthritici omnes, difficilius curantur, maioresque patiuntur cruciatus. Humor autem crassus articulis affixus, nec repelli, nec resolui potest.

Podagrici hyeme difficulter sanantur;

quia humor crassus est, qui vix repercuti, aut resolui potest.

Vrina cruda, sed cætera signa bona, abscessum minantur.

Præter ea, quæ in hac tertia Sectione Prognostic. de abscessibus pronunciauit Hippocrates, Sectione 2. eiusdem libri, textu 34. hæc habet: Qui tenues crudasque diutius urinas mingunt, si cætera, ut in conualuturis, indicia fuerint, in ijs abscessum ad sedes infra præcordia expectare oportet. Morbi enim concoctu difficiliore (inquit Galenus in Commentario), ut qui ex crassioribus, frigidioribusque humoribus fiunt, per abscessum iudicari assolent: qui verò ex calidioribus tenuioribusque, excretionem. Quoties ergo plus maneant temporis urina nequaquam concocta, definiendum, utrum nequaquam duraturus longitudine ægrotationis sit æger, an iudicandus per abscessum. Merito sanè dubitat Galenus, an, apparentibus toto morbi decursu urinis crudis, duraturus sit æger: nam continua cruditas urinae mortem minatur, & non crisin. Prudens verò Medicus mortem tunc prædicet, si facultates imbelles fuerint: si verò facultates fuerint validæ (quæ res ex actionibus dignoscetur) tunc spes salutis per abscessum habenda: & quoniam humores sunt frigidi crassique, deorsum, quàm sursum, facilius vergunt; adeoque in inferioribus partibus abscessum procreant: contra quàm quandoque in acutis contingit, in quibus humor calidus tenuisque, sursum volans, parotides generat.

Cruda urina. & vires imbelles, mortem præstigiunt.

A tenui humore fit quandoque abscessus.

Ex libro 6. Epidem. Sect. 2. huc etiam de Abscessu sententiam transf.

transfere conuenit. Si eorum, quæ excernuntur, superfit pars aliqua, tunc in abscessum morbus est facilis. Vult Hippocrates, abscessum quandoq; fieri, quando excretio critica cohibetur: Cùm enim tota materia morbifica non fuerit critica excretionem euacuata, rectè natura humorem residuum ad aliquam partem traiecit, in qua abscessus ideo nascitur.

Imperfectam euacuationem subsequitur quandoque abscessus.

Spontanea lassitudo in febribus, est indicium abscessus.

Genus musculorum, & articuli sedes lassitudinis.

Cur in articulo facile fiunt abscessus.

Lassitudo quid.

In parte dolente facile abscessus nascitur.

Libro 4. Aphorism. 31. futuri abscessus indicium, spontaneam lassitudinem esse asserit. Febricitantibus, inquit, lassitudinem habentibus, in articulos, & circa maxillas potissimum abscessus fiunt. Lassitudinem veram ob multos motus nasci in Commentario docet Galenus; spontaneam verò lassitudinem propter humorum aberrantium motum. Ambarum verò lassitudinum locus affectus est communis: qui locus affectus non alius est, quàm totum genus musculorum in corporibus nostris. Quæ verò, inquit Galenus, ex motibus multis lassitudines accidunt, ijs propria & peculiaris est caliditas articulorum: quare in his nihil mirum, ad articulos abscessus decumbere: vt qui vnà cum musculis laborauerint, atq; vltra modum concaluerint. Spontaneis autem lassitudinibus, vna sola ratione fluxiones, vt decumbant ad articulos, euenit, sicuti & omnibus alijs ferè morbis, qui per abscessus iudicantur: quod scilicet ipsi spatia ampliora idonea habeant ad superfluitates suscipiendas. Rariores igitur in cæteris morbis fiunt abscessus; in lassitudinibus verò plures, & præsertim spontaneis, & maximè omnium, quæ à plenitudine sunt. Vera lassitudo est ille calor molestus in articulis, & musculorum tendinibus ad eosdem articulos potissimum terminatis, vnà cum dolore & molestia, à laborioso motu accensus. Talis affectus, qui frequens est in ijs qui sua corpora immodicè exercent, vera lassitudo, hîc, & alibi, Galeno dicitur. Et in hac quandoq; circa articulos abscessus fieri conspiciamus. Lassitudo verò spontanea ab humoribus nascitur superfluis, qui quidem corpus aggrauantes, in articulos, tanquàm in loca capacia, ex musculis, horumue vasis facile transcurreunt; cùm cæteri meatus repletionem laborent, adeo vt tantam humorum superfluitatem continere nequeant.

Sequenti Aphorismo 32. adhuc futuri abscessus indicium ponit, partem dolentem, in qua post Crisim abscessus fit, si humor superfluous non integrè fuit deturbatus. Quibus autem, inquit,

cua-

eualescentibus ex morbo pars aliqua dolet, ibi fiunt abscessus. Sæpius enim scripsimus, dolorem, & calorem vim habere attrahendi humores ad partem, quam afficiunt. Quando ergo humores morbum facientes non satis fuerint expurgati, sed quasdam reliquerint superfluitates, non mirum, si ad partem aliquam dolentem eadem superfluitates transmittantur, & abscessum faciant. Dolor enim partis, futuri abscessus signum est: Labor verò tempore Crisis ortus, causa. Labor enim vehementem significat motum, & dolorem, & læsionem, ut in principio Commentarij huius Aphorismi loquitur Galenus: qui rursus inquit: Nam in vehementioribus moribus vires fiunt imbecilliores, & caliditas maior accenditur, dolor autem iam fluxione decumbente perficitur. Hic igitur, id est, dolor, uti diximus, est signum abscessus qui fit. Caliditas autem, atq; imbecillitas ad locum affectum prouehit superfluitates. Vult, ut existimo, Galenus etiam in vehemente motu Critico vires labefactari, & calorem accendi, uti in quouis magno labore contingit. Et has ob causas, dum humor morbificus non integrè euacuat, quidquid eius in corpore permansit, ad aliquam propellitur partem, in qua si dolorem excitat, dolor, futuri abscessus in eadem parte, indicium erit. Credo quidem, Hippocratem de dolore, qui de nouo in aliqua parte suscitatur, non de dolore, qui morbum aliquem quandoq; præcedit, loquutum; quia huius ultimi doloris sequenti Aphorismo meminit Hippocrates, hac serie: Sed si ante morbum aliqua pars doluerit, ibi morbus statuitur. Certum enim est, quod pars corporis continuis doloribus vexata, superueniente corpori aliquo morbo, absq; fermè renitentia, morbificum humorem, si non integrum, bona ex parte, recipit; dummodò receptionis tanti humoris capax fuerit. Facile ergo in tali parte abscessus nascitur.

Galenus lib. 3. de Crisib. cap. vlt. abscessus futuri signa hæc serie scripsit: Si verò ad abscessus conuertantur morbi, communia quidem omnium indicia sunt, salutariter se habente ægro, quòd neq; morbus soluat, neq; vrina multa, & multam habens substantiam, sed cruda, & tenuis appareat. Propria verò indicia (vbi morbus non fuerit valdè diuturnus) si subita difficultas anhelitus laboranti superueniens, mox quiescat: eamq; grauitas capitis, ac dolor subsequatur, & grauis somnus, ac surditas, huic in glandi-

*Labor
quid.*

*In labore,
siue vehementiori-
bus mori-
bus, vires
redduntur
imbelles.*

*Signa fu-
turi ab-
scessus ex
Galeno.*

bus post aures necesse est abscessus fieri. Si verò morbus iamdiu durauerit, neque vllum ex his signis affuerit: sed in aliquo ex locis inferioribus, vel grauitas, vel tensio, vel inflammen, vel dolor apparuerit; huic abscessus ad partes inferiores est expectandus. Exemplum verò vtriusq; abscessus ex vno morbo assumens Hippocrates in Prognostic. (Sect. 2. textu 67. quem nos exposuimus Cap. 7. huius libri, pagina 460.) qui possunt eius sermonem diligenter inspicere, edocuit, quo pacto oporteat de omnibus abscessibus ratiocinari.

Si quæ de abscessibus hîc desiderantur, habentur supra passim in huius Capituli prima parte, paginis 460. 461. 462. 463. 464.

C A P V T VIII.

De Signis Crisim per Excretionem concomitantibus.

Tale Caput à quibusdam proponitur, sed, meo iudicio, frustra, quoniam ipsa excretio Critica, & Abscessus Criticus (quas solas Crisis causas statuunt) dum fiunt, nullo vltiori egent signo ad sui dignotionem. Præterea in Capite, cui talem præfigunt Titulum, non tam de Signis agunt comitantibus Crisim, quàm de bonæ Crisis cõditionibus; quas condiciones (non illas quas superius hoc libro exhibuimus, sed quasi alias) nos etiam cum ipsis proponemus, expositâ priùs quâdam Sententiâ, quæ apud Hippocratem habetur libro 6. Epidem. Sect. 2. textu 33. Transitus, inquit, aperiri, vt nares, & alia, quibus opus est, & vt conuenit: & qualia, & vbi, & quando, & quantum oportet, vt sudores, & alia planè omnia.

Hic aureus Textus per capita examinandus. Sed priùs scire oportet id, quod Hippocratem mouit ad constituendas tam methodicas medendi regulas. In antecedenti quidem textu de Oculis fluxu lachrymali laborantibus, loquutus est, methodumque, tam continuum ex oculo humoris fluxum curandi, proposuit. Antecedens Textus hic est: Sicut oculis fluxu laborantibus, si aliter videtur conducere, in fauces retrahere conuenit. Et vbi cruciatio confert, & quæcunque alia eiusmodi. Pro oculis fluentibus intel-

Igit Galenus diuturnas oculorum fluxiones: quando nimirum ex ijs fluit extra tenuis quidam liquor. Sabinus verò, vt refert Galenus, Hippocratem de sola Rhyade loquutum censet. Rhyas autem est excauatio anguli maioris oculi. Monet ergo Hippocrates, si ita videtur, humores ad fauces reuellendos esse conuenientibus remedijs, vt masticatorijs, & consimilibus rebus calidis, habentibus vim attrahendi ex cerebro ad os, humores, ad oculos continuò decumbentes. Errhynis similiter vti possumus, vt ad nares trahatur humor. Abstinentum tamen ab Apophlegmatismis, quoties timetur descensus humoris ad pulmones: & tum aliò humor est reuellendus; vt ad spatulas, mediantibus Cucurbitulis, frictionibus, vesicatorijs, & similibus; imò sudoribus, & alijs euacuationibus vtendum, vt deinceps in expositione Textûs transcripti 33. dicitur.

*Rhyas
quid.
Medela
pro lachry.
mantibus
oculis.*

*Deriuatio
ad spatulas
fiat, quan-
do masti-
catorijs nõ
vtendum.*

Cæterum, particula illa textûs (si aliter videatur expedire) videtur præsupponere aliquid aliud in Curatione. Licet enim in omni fluxione humorum, quæ sistenda est, medicatio, sanatioque, si rectam medendi methodum amplecti volumus, à reuulsione inchoanda sit, quandoq; tamen peritiores Medici, pro leuioribus præsertim affectibus, Topica siue localia remedia partibus admo-
nent. Hæc Topica varia sunt: nam quædam repercuriunt, siue re-
tropellunt humorem fluentem ad partem; & frigida sunt, atq; ad-
stringentia. Sunt & alia ab his diuersa Topica, quæ vim habent
aperiendi poros, siue exiles meatus exteriores partis, & attenuandi
fluxum siue impactum humorem, & denuò insensibiliter resoluendi,
siue dissipandi; & hæc calida sunt, & rarefacientia, ac tenuium
partium. Sunt adhuc nonnulla, quæ vim habent concoquendi
humorem impactum; & calida modicè sunt, atq; humida. Visus
est Hippocrates præsupposuisse ante omnia, huius vltimi remedij
vsum, sicuti faciunt, quandoque, vt dixi, doctissimi Medici. Gale-
nus alicubi lemmas (lippas vocant alij) circa palpebras congestas
coctionis indicium esse docet; humores verò tenues à natura tem-
perantur, & mediocriter incrassantur: hæc temperatio, & incrassa-
tio, maturatio est, coctioque. Si verò coquentibus non cedit affe-
ctus, siccantibus, & resoluentibus vtendum. Si tamen aliter vi-
deatur, expedire, id est, si medicatio curatione non videatur perfi-
ci posse vfu siue admotione istorum localium, ad alium curandi
modum recurrendum, vt infestans affectus sedetur: tunc ergo ad

*Varia re-
media lo-
calia.*

*Resoluen-
tia calida
sunt, &
sicca.*

*Ructus,
quibus
prouocan-
tur.*

*Ructus
quid.
Sabinus
vas angu-
sti oris ad
bibendum,
ut prouo-
cetur ruc-
tus, pre-
scripsit.*

*Beneficiū
ex ructu
emergens.*

fauces, siue ad os, mediantibus apophlegmatismis reuellendum; & ubi eructatio conuenit, & quæcunque alia, celebranda. Quando autem flatus deorsum per podicem non erumpunt, per os prouocandi ijs præsertim qui cruditæ laborant, & lienosis, & hypochondriacis, & mulieribus quæ ex utero strangulantur, & colicis, ac uuluis, & multis nephriticorum; qui omnes flatibus obnoxij sunt; ut inter alios doctè cum Schola vniuersa affirmat Vallesius. Quoniam multi eructatione, quæ est flatuum ex ventriculo ascendentium per os eruptio, subleuantur, Sabinus apud Galenum Commentatio in præsentem textum, ex vasculo angusti oris bibentem, ructus mouere iubet. Vnà enim cum liquore, qui ex tali vase in gulam effunditur, descendit adhuc aër, qui in locum effusi ex vase paulatim liquoris subibat, & aër vnà cum liquore haustus naturam ad sui exclusionem prouocat; & vnà cum eodem aëre, qui liquori hausto commixtus erat, natura præclusum in ventriculo flatum commodè eructat. Accedit & alia causa potior eructandi (ut non malè Vallesius refert), quòd qui ex tali vase tam strictæ ceruicis potant, sunt extenta ceruice, & hianti ore, & œsophago, ac tota gula vsq; ad ipsum ventriculum; & ventriculum totum inter deglutendum sursùm tunc potantes commouent, quo motu flatus, qui inerat, ad os ventriculi trahitur: interim humor, qui hauritur per patulam gulam, ad fundum eiusdem ventriculi descendit, ac proinde cessante potu, & subsidente in sese ventriculo, expellitur flatus, qui ad eius os eruperat, & supernatabat. Paulus Ægineta Sabinum sequutus, flatuosos talibus vasis strictæ ceruicis in potu uti iubet, quòd non leue com nodum inde recipiant: fuitque multorum opinio apud Galenum, eructationem non solum flatuosis prodesse, sed etiam ventriculi orificio. Itaque, inquit Galenus, quicumq; Hippocratem istud solum (sententiam de eructatione, non præcedentia verba intelligit) per se sibi ipsi notasse aiunt, ubi eructatio confert, ipsum censere putant, ut interdum ructus mouendos esse consulamus: hosque illis, quorum venter inflatus est, conuenire affirmant; atq; illis potissimum, in quibus flatuosus spiritus per inferna exhalare non potest. Quinetiam & os ventriculi infirmum, per eructationes, tanquam per propriam exercitationem, corroborari aiunt: eructationesq; citare consulunt non per medicamina, solum, sed etiam ipsum assiduè ructare studentem, cum quem-

libet

libet exiguum spiritum in ore ventriculi sentiat. At Sabinus ex vasculo angustioris bibentem ructus mouere iubet. Quæ ructui conferunt medicamina, seu quæ ructum prouocant, flatumue discentiunt, sunt calida & extenuantia, vt Anisum, Feniculus, Caruus, Cyminum, Rutha, Cinamomum, Vinum generosum, aut Aqua st. illatitia ex Vino facta, quæ Aqua Vitæ, aut ardens, communiter dicitur, & consimilia.

Post eructationem, alia necessaria remedia pro oculis celebranda iubet Hippocrates, vt sequenti Sententia 33. à nobis transscripta, & nunc exponenda amplius exponit.

Transitus aperiri, vt nares, & alia quibus opus est, & vt opus est; & qualia, & vbi, & quando, & quantum expediet, velut Sudores, & alia planè omnia. Quoniam clarissimè & exactissimè hanc Sententiam exposuit Galenus, eius expositionem hùc transferre operæ pretium est: Id, inquit, per se quidem memoratu dignum est: conducit enim omnes superuacuum excretorios meatus aperiri. Et cum superioribus verbis (id est, cum sine textûs 32. iam expositi) coniungi potest, duplicem sic vtilitatem præbens, propriam quidem in oculis rhyademorbo vexatis: communem verò omnium affectibus, in quibus retrahere (id est, reuellere) aut deripare conuenit. Nam si reuulsione quidem opus sit, ipsam autem facere vereamur, deriuare sanguinem, ac totum corpus inanire conuenit. Sed quæ deinceps scripta sunt, persæpè iam ab ipso in omni euacuatione commoda esse didicimus. Oportet enim, cum euacuatio requiritur, non simpliciter ad ipsam accedere, sed prius definientem, qua ratione facienda sit, & quæ debeat esse euacuanda materia, per quam regionem, quo tempore, & quâ mensurâ. Nunc verò etiam reminiscentiæ causâ de singulis breuiter agamus. Illud quidem, vt conuenit (siue vt opus est) tale quoddam significat. Transitus recludendi sunt, non simpliciter, quidem, ac vtcunque, sed vt conuenit: id verò modum significat, quo euacuationes facimus, vt in ijs quæ in ventre sunt, per Clysterem, per glandulam, per subducens medicamentum (id est, per medicamentum purgans, per os assumptum): & in horum singulis per quædam certa: nam & Clysteres, & glandulæ, & subducentia vocata medicamenta, multiformiter componuntur. Eæ igitur particulæ, vt conuenit, tale quiddam significant. Hæc verò, qualia, euacuando-

*Reuulsioni
deriuatio
substitu-
tur.*

*Quæ ad
euacuatio-
nem prære-
quiruntur.
Verba, vt
conuenit,
exponun-
tur.*

Qualia.

rum

rum qualitatem innuit, hoc est, nunquid aquosa, & tenuia euacua-
 re melius sit, an pituitosum succum, an biliosum, an melancholi-
 cum: & horum, num aliquem, an & omnes. Ea vox, vbi, partem
 corporis, per quam euacuare oporteat, indicat. Et si namque per
 inferiora faciendam esse euacuationem cognoscamus; nihilomi-
 nus, per quam ex inferioribus partibus facienda sit, definire opus
 est. Propterea & quidam loco huius vocis, vbi, quā, scripserunt,
 per quam partem significantes, vtrum per vesicam, an aluum, an
 vterum: item per superiora, vtrum per nares, aut os: & quādam
 etiam per omne corpus, euacuatio, & quæ per sudores, & quæ per
 latentem vocatam transpirationem. Ea vox, quando, euidenter
 tempus, quo sit euacuandum, declarat; vtrum, scilicet ab initio,
 ante morbi concoctionem, quando, vt ipse inquit, materia turgēt,
 & natura animalia regens, ad humorum excretionem compellitur:
 an post vexantium humorum concoctionem: nam, & hoc ipse,
 quemadmodum & prius dictum, in Aphorismis docuit. Illud ve-
 rò, & quantum conuenit, in calce sermonis dictum, materiæ eua-
 cuandæ quantitatem ostendit, quam sibi proponere, & coniecturā
 percipere, Medicum oportet. Deinde loco exempli illud ponitur,
 vt sudores. Quamuis enim ægrotantibus conducere sudor videat-
 ur, attamen & ipse modo eget: immodicus enim vires debilitat.
 Cū in sudoribus verò excessus multitudinis noxius sit, multò sa-
 nè magis in ijs, quæ euomuntur, aut deijciuntur, aut per matricas
 (id est, hæmorrhoides) aut vterum euacuantur.

Egregiè totum Hippocratis contextum ita exposuit Galenus.
 Suadet enim Hippocrates in prædicto oculi fluxu, veluti in cunctis
 alijs materialibus, siue humoralibus morbis (quoties euacuatione
 indigent corpora) exitus, siue transitus esse recludendos: exitus
 enim siue transitus aperire, est euacuationem moliri: & exitus siue
 transitus modò appellat ipsas vias euacuationi aptas: cuiusmodi
 sunt nares, os, narium venæ (fortassis aures, cū per has natura
 sese quandoque exoneret); os vesicæ, & vterus, os vteri, intestina,
 ac podex, hæmorrhoides, & cutis vniuersæ pori. Per has enim
 vias corporis superfluitates euacuari solent. Dū easdem aperire
 iubet Hippocrates, non omnes supponit aperiendas, sed has, qui-
 bus opus est, id est, quarum tantū aperiens opus est. Et ipsa
 aperiens molienda, vt opus est: id est, modus aperiens eligendus
 est,

Vbi.

Quando.

Quantum.

Omnis im-
 modica
 euacuatio
 mala.

est, cum varijs diuersisq; modis apertio fieri queat. Nam narium venæ aperiri possunt, dum nasus percutitur; ut contingere non raro videmus, dum pugnis sese nonnulli percutiunt. Ex naribus etiam sanguis effunditur, facta punctione, aut scarificatione earundem. Per nares item pituita extrahitur vi variorum medicamentorum. Similiter alius exoneratur, modò clystere, modò supposito, aliàs remedio purgante, quod per os sumitur. Vrina pariter prouocatur Diureticis, aut fomento facto supra vesicæ regionem; aut immisso cathetere in vesicæ collum atq; orificium, dum modò vterum obstructione non impediatur vrinæ exitus. Sudor non vno modo elicitur, sed nunc potionis sudorificæ vsu, nunc hypocausto, nunc inunctione cutis facta cum rebus laxantibus, rarefacientibus, & aperientibus; aut morâ factâ sub Sole, aut iuxta ardentissimum ignem. Constat ergo, quodlibet euacuationis genus, non vno, sed diuersis modis fieri. Quare non vnico euacuandi modo in omnibus vtendum, sed eo solùm, qui huic, aut illi congruentior est; ita ut vni Clyster conveniat, alteri purgatio; vni portio sudorifica ad sudorem eliciendum; alteri motus violentus.

Quodlibet euacuationis genus varijs modis celebrari potest.

Non vnico euacuandi modo in omnibus vtendum, ut faciunt Empirici.

Præter modum iam propositum ad debitam euacuationem pharmaco, aut etiam sudorifico, aut diuretico moliendam, necessario prærequiritur humorum præparatio congrua, facienda cum Iulepis, Aquis, Decoctisq; idoneis.

Præparatio remedia ante euacuationem propinanda.

Post hæc, qualitas humoris, qui euacuandus est, dignoscenda: ut si redundet bilis, hæc, & non pituita, expurganda. Via præterea, per quam materia euacuanda est, diligenter obseruanda. Præui enim humores in hepate geniti, per vterum non sunt expurgandi, sed per secessum, & vrinas. Multum idè refert scire, quò deducendus humor. Scire rursus debet Medicus, quando euacuatio celebranda. Et tandem quantitatem considerans, non vltra debitam euacuationem quidpiam moliri debet, sed solius quantitatis redundantis exclusionem. Nam, ut lib. 2. aphorism. 51. habetur, omne nimium naturæ inimicum. Immodica ideo euacuatio damnatur, sicuti parca ei aduersa, supposito quòd superstites adhuc in corpore sint superuacanei humores.

Qualitas humoris euacuandi consideranda.

Via, siue vbi.

Tempus siue quando.

Quantitas euacuationis.

In oculorum malis, errhinæ præscribunt Hippocrates, & Galenus.

Antequàm vterius progrediar, hîc sedulò obseruandum documentum practicum non contemnendum. Hîc enim Hippocrates in oculorum morbo euacuationem per nares æquè, ac per os, ap-

probat; quod etiam alibi suadet Galenus, dummodò Errhinum non è valde longinquo attrahat: quasi diceret, non vehementissimis vtendum errhinis. Hoc monere volui, quia inter Medicos Praxim exercentes nonnulli inueniuntur, qui in oculorum morbis errhina, & nasalìa purgandi vim habentia statim repudiant. Sed hæc obiter.

Præfatas Hippocratis Sententias de normis obseruandis in euacuationibus, hæc expressè traduxi, quoniam visus est Laurentius Sententiam 33. adaptasse euacuationi Criticæ; cum tamen Hippocrates de artificiosa euacuatione Medici industria celebranda, clarè loquutus fuerit. Est tamen tanta proportio inter hanc euacuationem, & Criticam, vt vnâ intellectâ, altera facilè percipiatur; quòd omnes propositæ conditiones in Critica euacuatione requirantur. Vt enim Crisis accidat, prosperæ euacuationi non absimilis, eam præcedere necessariò debet, humorum peccantium præparatio coctione, quæ fieri incipit in morbi augmento, & in Statu perficitur. Coctionis Signa præuidentur in urinis, sputis, & alui excrementis. Præparationi humorum copulanda est transituum præparatio, id est, reclusio, & debita amplitudo, vt per eosdem, tanquam per vias congruas liberè noxius humor transeat: Quare euacuatio, quæ non præparatis humoribus, & non apertis meatibus superuenire consuevit, non est Critica, sed symptomatica. Vltra hæc, quatuor conditiones superiùs expositæ, qualitas, vbi, quando, & quantum, in bona euacuatione Critica apparere debent.

*Ante br-
nam Cri-
sim debent
humores
esse cocti.*

*Non hu-
mores tan-
tum, sed
via ad e-
uacuandum
præparan-
tur.*

*Qualitas
humoris,
qui eua-
cuatur in
Crisi per-
pendenda.*

Qualitas quidem humoris consideranda: nam si bilis peccat, hæc iam præparata, & non alius humor à triumphante natura deturbatur. Vnde Hippocrates libro 1. aphorismor. 2. In alui perturbationibus, & spontè factis vomitibus, si quidem talia purgentur, qualia purgari oportet, confert, & leuiter ægri ferunt: sin minus, contra. Hinc liquet oleosas, & meracas omnes excretiones, quæ nulum habent coctionis indicium, esse prauas. Licet enim, quod præter naturam est, excerni debeat, vt tamen cum utilitate excernatur, præparatum, tam in primis, quàm secundis qualitatibus esse debet. Proinde nigra, liuida, flaua, viridia, ferruginosa, crassa, & tenuia nimis, semper fermè damnanda. Scio tamen, aquarum excretionem, hydropicis sæpè, alijsque humidis, vtilem fuisse. Præter qualitatem, vbi, id est, pars, per quam euacuatio fit, obseruan-
da.

*Vbi, siue
via per
quam fit
euacuatio
obseruanda.*

da. Non enim pars nobilis debet esse via, per quam humores educuntur, sed potius meatus, & sentinae, aliaeque partes, per quas humorum effluuium fieri consuevit: debetque excretio fieri obseruata rectitudine, quae inter partem transmittentem, & recipientem intercedit. Proinde in lienis tumore haemorrhagiam è nate dextra factam damnat author libri 1. Prorrhetic. Euacuationes verò omnes per conferentia loca fieri debent: & quae aliter fiunt, humoris ferocitatem, & naturae impotentiam arguunt. Præter qualitatem, & ubi, quando, examinari debet in Critica euacuatione. Quando, tempus significat, quo Crisis accidit. Si die Critico contingit, bene sperandum, si non Critico, secus. Præterea, si in principio morbi, aut ante humorum coctionem superuenit, mala. Si verò in statu, cum Signis coctionis bona. Superest exponenda particula, quantum; Expedit humorem peccantem solum, acruatim, & integre excerni. Excretio autem Critica, si parca fuerit, aut nimia, ferè lethifera. In superioribus cum Galeno Comment. 2. in librum 1. Prorrhetic. tex. 47. diximus, nihil paucum Criticum. Hippocratis Sententia iacet, ut sequitur: Si vomitus exigui, biliosi que fuerint, malum, tum alias, tum si ægri superuigilauerint: narisque in his stillans, malum est. Galenus in Commentario ait: Excerni pauca in ægris vnum quoddam ex Signis est, quae ex toto prauitatem habent, siue sanguis per nares excernatur, siue deorsum per ventrem: siue per vomitus tale quippiam, quod superfluum sit, excernatur: idem & in sudoribus est, & ijs, quae per vterum excernuntur: nihil etenim eorum, quae decretoria existunt, exiguè secerni conuenit. Sed, quae, ita vacuantur, omnia duorum alterum subeunt: nam vel, quod non queant tolerari ob copiam, ab affectis effunduntur partibus: vel imbecillitatem ostendunt naturae, quae proponit quidem superflua excernere, sed nequit. His ostendit Galenus, parcam euacuationem esse ut plurimum symptomaticam; quando scilicet natura pondere inutili grauatur, vel ratione quantitatis excedentis, vel ratione prauae qualitatis materiae morbosificae. Et quantumuis materia preparata fuerit, si natura imbellis est, eam non acruatim, sed per partes eiecit: unde relapsus timor: Nam quae relinquuntur in morbis post iudicationes, recidivas facere consueuerunt, ex aphorismo 12. libri 2. Varijs præterea in locis parcam euacuationem damnat Hippocrates, ut sudores

Conferentia loca.

Quando siue tempus Crisis.

Euacuationis Criticae quantitas obseruanda.

Cur exiguae euacuationes in morbis acutis factae, prauae dicuntur.

res miliares circa ceruicem, & clauiculas in Prognosticis. In Coacis sudatiunculam cum febre vituperat. In Coacis etiam, & lib. 1. Epidem. Sect. 3. & alibi, sanguinis exigua stillicidia prorsus, tanquam exitiosa repudiat.

*Copiosa
euacuatio
critica,
mala.*

*Astidius
sudor in a-
cutis non
est repro-
bandus.*

*Exponitur
mens Hip-
pocratis.*

*Vrina co-
cta non
quam na-
ta.*

Paulò ante, immodicam euacuationem tempore Crisis factam, exitiosam diximus; quia omne nimium naturæ inimicum. In maxima quidem euacuatione calor natiuus impensè dissipatur. Sectione 2. libri 1. Prorrhetic. tex. 23. Hippocrates multum sudorem damnat, inquiens: Sudor multus, si cum febribus acutis fiat, inutilis. Galenus in Commentario inquit: Ad nomen, Multus, mentem potissimum conuerte: quoniam sæpiùs, qui in acutis morbis astiduè sudant mediocriter, quanquam cunctentur quidam, trahantque, non tamen moriuntur. Si verò multus fuerit sudor, qui febrem non soluat, quòd ægri virtus citò exoluetur, liquidò ostendit. Nec de infelici sudore tantum dicto in libro loquutus est Hippocrates, sed de vrinis etiam coctis, mirum dictu: dum ait: Et vrinæ coctæ, malæ. Vult dicere (iuxta quorundam Antiquorum opinionem) vrinas coctas, quæ morbu non solvunt, esse malas. Galenus verò in Comment. refert, in multis exemplaribus extare hæc verba, vrinæ etiamnum coctæ, non adiecto nomine, malæ; nempe paulò post, inquit, tum his, tum deinceps dictis vrinis adiectum est nomen, malæ. Imò Rufus Ephesius apud Galenum, in eiusdem textus Commentario, contra Zeuxim generosè ait, scripturam quidem esse vitiatam, qua scribuntur οὐρα πικρά, id est, vrinæ coctæ, & sequentia verba dictis præferenda. οὐρα ἐπικρά, id est, vrinæ quæ cum labore excernuntur. Quæ sanè lectio rationi congrua est: Nam in libris Epidemior. nullus eorum, qui mortem obierunt, coctas vrinas excreuit. Sectione etiam 2. Prognostic. coctam vrinam plurimum laudat. Sed hæc de ijs, quæ in excretionem Critica obseruanda sunt, modò sufficiant.

C A P V T IX.

De Signis Abscessum Criticum comitantibus.

Q

Vi etiam hanc doctrinam efformârunt, non abscessus comitantia Signa, sed salutaris potius expiscantur. Hippocrates lib. 6. Epidemior. Sect. 2. paucis comprehendit ea, quæ

quæ in abscessu considerata sunt. Postquam enim de euacuationibus, & abscessibus, nonnulla dixit, sequentia scripsit textu 16. Consideranda hæc, quò, & vnde, & propter quid. Galenus clariùs quam alij, hanc sententiam, vt sequitur, explicat: Solisne vltimis, an omnibus antedictis de abscessibus è regione, & non è regione factis, hoc subiunctum sit, in incerto est. Quod dicitur autem ipsum huiusmodi est. Considerandum esse inquit, & locum, in quem abscessus decubuit: hoc enim ex ea voce, quò, significatur: & membrum ex quo, & hoc ea vox, vnde, significat: Præterea causam, propter quam abscessus oboritur, hoc rursùm duæ illæ dictiones, propter quid, ostendunt. Scire namq; oportet, nunquid à natura concocto morbo, aut vexante adhuc humore crudo ex vno membro in alterum delapso, abscessus obortus sit. Hæc ille. Minutiùs verò rem perpendens, existimo cum Galeno Comment. 2. in lib. 6. Epidem. meliorem esse abscessum, qui in partibus inferioribus sit, eo, qui in partibus superioribus; quia partes superiùs positæ sunt nobiles, aut his inseruientes. Deniq; in Sect. 1. lib. 6. Epidem. text. 17. ait: Qui quidem (tumores scilicet in articulis) si è superioribus partibus infra vmbilicum in inferioribus articulis constiterint, probari debent: Sin supra, haud perinde morbum discutunt, nisi suppurauerint oedemata. Vult .n. Hippocrates (inquit Galenus in Comment.) ex superioribus locis in inferiora vmbilico factos abscessus salubres esse: non huiusmodi autem, haud salubres; sed eorum malignitas aliquantulum obtunditur, si oedemata suppuraerint. Vñs est autem & hoc loco oedematis appellatione in communi significato omnium præter naturam tumorum, vt & antea dictum est. Hippocrates, & Galenus hoc modo intelligendi veniunt: Quoties partium superiorum morbi abscessus faciunt ad articulos, qui infra vmbilicum sunt, bonum est: Si autem abscessus supra constiterint, non adeò bonum est, nec similiter soluitur morbus, nisi suppurent. Porro partes infra vmbilicum minimè (aut saltem tardè) suppurantur, ex eodem Hippocrate in Prognosticis. Superiores verò partes, quia calidiores, faciliùs suppurantur, meliusq; internas partes expurgant. Cæterùm si neutri abscessus, superiores videlicet, & inferiores, non vertuntur in suppurationem, inferiores abscessus tutiùs liberant, quàm superiores. Dicto iam contextu innuit Hippocrates, abscessum in inferioribus articulis factum, fieri

Locus abscessus considerandus.

Locus è quo humor abicitur, similiter. Causa propter quam. Abscessum in inferioribus partibus, quàm superioribus fieri melius est.

Oedema significat omnem tumorem.

Abscessus articularum pedis non absolute respectu partis obfessa boni sed meliores sunt dum suppurantur.

Bonus abscessus.

in parte inferiori, ignobiliore, & procul à morbo; vti cap. 7. fusiùs cum eodem Hippocrate diximus. Præter hæc, pars in qua abscessus fit, debet esse totius humoris morbifici capax: ob quem defectum multi moriuntur. Vnde Parotides in Paraplecticis suspectæ habentur in Protrheticis. Item libro 1. Epid. sect. 3. agro nono, habetur, quod Crito abscessum habuit in magno pedis digito, nocte delirauit, postridie interijt. Lib. 3. Epidem. Sect. 3. Caluus larrissæus femur dextrum doluit, quanto die circa meridiem mortuus est celerrimè, & acutissimè. Temeni neptis Cap. 7. memini.

Abscessus partis inguinalis.

Vnde quid.

Particula, vnde, partem transmittentem humorem, vt dictum est, indicat. Dicunt nonnulli rectitudinem inter transmittentem partem, & illam, quæ humorem recipit, requiri: ita vt, si dextra pars affecta fuerit, ad dextram partem humor sit transmittendus. Vnde Herophon lienis tumore affectus, præter spem liberatus est, quod in crure sinistro obortus fuerit abscessus. Hanc rectitudinem in euacuatione, non minùs, quàm in abscessu necessariam esse, contendunt multi. De rectitudine hæc aliquid subobscurè innuit

Rectitudo in abscessu & euacuatione obseruanda.

Hippocrates lib. 6. Epidem. Sect. 2. Textu 12. Secundum rectum, & costarum dolor, & hypocondriorum contentiones, & lienis elationes, & ex naribus eruptiones, & aures secundum rectum. Horum plurima huiusmodi & in oculos. Libro 2. Epidem. de re eadem paulò clariùs loquitur: secundum rectum, inquit, & laterum intentio dolorosa, & intentiones hypochondriorum, & lienis eleuationes, ex naribus fluxiones. Rectitudinem obseruandam tam in euacuatione, quàm in abscessu docuit dictis in contextibus Hippocrates. Verùm textu 13. citatæ Sect. 2. libri 6. Epidem. dubitat, an rectitudo necessaria sit, inquiens: Vtrum igitur omnium, aut quæ quidem ab inferis sursùm, qualia quæ iuxta maxillas, aut etiam oculum, aut etiam aurem. Quæ verò à superis deorsum, non secundum rectum. Atqui & in Angina rubores, & costarum dolores secundum rectum. Euidenter hîc Hippocrates docet, abscessus à superioribus partibus ad inferiores factos, non fieri semper secundum rectitudinem, etsi boni sint. Galenus autem Commentario citati textûs 13. testatur Hippocratem dubitasse de necessitate rectitudinis, inquiens: In secundo de Morbis Popularibus non est adiecta hæc dictio, per quam dubitat, vtrum ex inferioribus in superiora abscessu facto, semper membri rectitudo vtiliter seruetur:

Non semper rectitudo seruatur dum deorsum fertur humor abscessum procreans.

tur:

tur: ex superioribus autem in inferiora corrumpuntur, ac fiunt quidam non secundum rectam rationem abscessus. Commentario sequentis textus 14. Galenus adhuc asserit; dubium fuisse in re eadem Hippocratem. Angina, inquit, laborantibus costarum dolores secundum rectum fieri prefatus, deinceps quærit, an in abscessibus ad inferiora corporis depulsis semper situs rectitudo seruetur, nec ne, quemadmodum in proximo ante hunc sermone in dubium reuocauit. Et longè post in eodem Commentario, inquit: Quærere namq; videtur Hippocrates, vtrum quæ infra iecur ex superioribus delabuntur, vt in testes, & varices è regione fieri melius sit: aut, licet non è regione fiant, superiorum tamen partium vitijs, æquè auxiliari queant. In nonnullis planè, neq; an è regione facta sint, dignosci potest: vt quod varices è regione facto abscessu furorem curauerint: neq; enim perspicere licet, in dextrisne Cerebri partibus, an in sinistris, affectu oborto, in furorem acti fuerint: quemadmodum neq; si diutius tussientibus sine lateris dolore abscessus in testiculum fiat. Atqui forsan, & in his loci recta oppositio seruatur, etsi vtra pulmonis, aut cerebri pars affecta sit, haud certò sciamus: quin & melancholiam, sanguinis, per venas sedis effusio, plerumq; sanare potest: neq; tunc nobis loci passi rectam oppositionem cognoscentibus. Sanguinis quoq; ex vtero copiosum profluuium, multos curare morbos, omnibus in aperto est: Sed neq; hîc an ex dextri vteri venis, an ex sinistri, an ex utroque, excretio facta sit; agnoscere possumus. In his itaq; affectibus cognitu difficilis est, aut omninò ignota, in membrilanguentis recta oppositio: in quibus verò ipsam dignoscere licet, & in ijs Hippocrates, vt videtur, considerandum esse ait, num semper ex abscessibus ad inferiora transmutatis, meliores illi sint, qui secundum rectam oppositionem fiunt.

Non semper rectitudo inter partem recipientem, & transmittentem obseruari debet.

Ex dictis liquet, quosdam abscessus, & quasdam euacuationes, vtiliter fieri, non seruata rectitudine partium. Nec mirandum; nam omnia in corpore sunt confluxilia. Rectitudinem tamen seruari, melius esse puto, quàm omnimodam oppositionem: cum ipsa natura eandem vt plurimum obseruet; vti Hippocrates clarè expressit lib. 2. citato Epidem. vbi rectitudinem lateris, in hepatis, & lienis affectibus obseruari docet. Nam affecto hepate parotis dextra excitatur, aut hæmorrhagia, siue sanguinis fluxus è nare dex-

ten. De lienis tumore idem pronunciandum.

*Rectitudo
quid.*

Rectitudo in corporibus nostris est correspondentia rectitudinis dextrarum partium cum dextris, sinistrarum cum sinistris: superiorum cum superioribus, inferiorum cum inferioribus. Superiorum terminus est hepar, quod à quibusdam, superioribus, saltem secundum conuexam sui partem, adscribitur, estque inferiorum terminus à parte superiori, teste Galeno Comment. tex. 14. vltimò citati, qui, vt sequitur, iacet: An & ea, quæ infra iecur, aut supra distribuuntur, vt quando in testes, & varices. In Commentario, vt dixi, postquam iuxta Hippocratis mentem, hepar statuit superiorum partium, æquè ac inferiorum, terminum, longè post in Commentarij corpore Galenus ait: Quin etiam iecoris ipsius deuexum concavo longè periculosius est: & nonnulli ipsum inter superiores corporis totius partes, quemadmodum & os ventriculi, reponunt.

*Conuexum
hepatis, &
os vetriculi
inter
partes su-
periores
numerantur.*

Exposuimus particulas, quò, & vnde: supersunt exponendæ aliæ textûs particulae, & propter quid, quibus indicatur abscessus causa. Si enim apparentibus Signis coctionis, abscessus superueniat, benè sperandum, secùs verò, quando abscessus sine coctionis Signis in excrementis, apparet: irritatur enim à crudo humore ad sui exclusionem natura, proindeq; prauis illi abscessus morbum, perfectè non iudicant, suntq; è numero Signorum decretoriorum non decernentium. Parca quidem materiæ morbificæ portio è parte affecta, aut morbi fonte, transmittitur ad partem abscessu laborantem. Hippocrates propterea lib. 2. Epidem. ait: Varices caluorum nisi fuerint magni, maniaci. Non de caluicie agit, quæ ordinariè à siccitate nascitur, docente Aristotele lib. 3. de generat. animal. propè finem, & Hippocrate libro 6. Epidem. Sect. 3. statim in principio, vbi ait caluitiem fieri consumpto Cerebro, id est exiccato, vt in textûs commentario docet Galenus: Sed de Caluitie quæ à corruptis humoribus melancholicis oritur. Si denique irritata natura aliquid excernere, aut in aliam partem deponere conatur, & à conatu diuertitur, humore sistente in corpore, aut parte præcipuè affecta, aut eodem recurrente, pessimum Signum est, teste Galeno, comment. textûs primi, libri 1. Prorrheticorum. Cum itaq; inquit, stillatio è naribus semper malum Signum sit, absolutissima morbi malitia significatur, si quarto fiat die: videtur

*Boni, &
mali ab-
scessus.*

*Caluities
melancholice.*

*Stillatio
sanguinis
mala.*

siqui.

liquidem natura collectam in cerebro abundantiam conata esse, vt expelleret, sed nequiuiffe. Talium autem Signorum genus deter-
rimum esse constat; nempe quæ vel tubercula, vel pustulæ ex imo
ad cutem enata recurrerunt, grauissima omnium existunt: Sudores
quoque, qui cæperunt quidem, sed protinùs cessauerunt, prau-
i sunt: Deiectiones itē, & quæ per hæmorrhoidas sanguinis eruptio-
nes, vel in mulieribus per vterum vacuantur. Omnia siquidem hæc
deteriora his sunt, quæ nullo apparēt pacto, si vbi cæperint, cessent.
Contingit enim interdum coquentem adhuc contristantia natu-
ram nondum ad horum expulsionem excitari, in illis verò, quæ
cæperunt quidem, sed protinùs desierunt, apparet veluti excitatio
quædam, conante natura excernere, quæ molesta sunt, atq; ita ob
imbecillitatem, quod proposuerat, perficere nequeunte. Hippo-
crates deniq; lib. de ratione victus in morb. acutis stillicidium san-
guinis damnat, inquiens. Æstiuo, ac autumnali tempore in mor-
bis acutis, sanguinis destillatioq; repentina, vehementiam, ac mul-
tam inflammationem circa venas significat, & in posterum diem
tenuium vrinarum apparitiones. Et paulò post. In iudicatione
verò perniciosum, si non multus acervatim concitatus sanguis, re-
dundantiæ exitus faciat per nâres, aut per sedem: aut abscessus,
aut hypocondriorum dolores, aut ad testes, aut ad crura dolores
inducat. Quod alibi obscurè, hîc clarè protulit Hippocrâtes; do-
cens stillationē sanguinis prouenire ab inflammatione siue Phlo-
gosi, siue vehementi ardore sanguinariæ massæ in venis, & arterijs
inclusæ: à cuius feruore vasa irritata aliquid humoris pungentis,
vrentisque excludere conantur. Non enim stillationem illam præ-
cessit capitis grauitas, aut dolor: vnde repente superueniens, inten-
sum sanguinis æstum significat. Aduertendum tamen sanguinis
stillam non esse semper perniciosam, cum nullum præindicauerit
damnum in ægro ad quem Cynicus Hippocratem conduxit lib. 4.
Epid. qui æger capite grauatus erat, sed decimoquarto die iudica-
tus est salubriter.

*Omni ex-
cretio cri-
tica, cobi-
bita, mal a.*

Et si Galeni doctrina de retrocessu, æquè vera, ac clara sit, ali-
quis tamen obijcere posset, quandoq; Signa decretoria sine villo
ægrorum detrimento recurrere, vt sudamina quædam, & papulas
in cute, quæ subito enascuntur, & quasi subito delitescunt.

Obiectio.

Huius obiectionis solutio eruitur ex Galeno, cōment. 2. Progno-
stic.

Solutio.

stic. in expositione textûs 68. vbi statim docet, euanescere, & desistere, inter se differre, quòd desistere, sit aliquid generalius, quod retrocessum, & euanescētiā complectitur: Euanescere verò, citò desistere, ac velut de repente, significat. Id igitur (id est subita humoris euanescentia) accidit interdum propter humoris tenuitatem, & partis laxitatem, & item circumuenientis nos aëris caliditatem, atque adhibiti medicamenti potestatem, ac virium ægri firmitatem. Si enim omnia prædicta concurrant, moles præter naturam citò discutietur. Sed magna ex parte talia euanescere accidit, transmeantibus, committentibus ea, humoribus, aut in eandem sedem, vnde cominota sunt, quod propriè nominat Hippocrates retrocedere (Græcè *παλινδρομεῖν*) aut ad aliquas alias sedes in profundo corporis positas. Tanquam igitur ex causis maximè contrarijs moles præter naturam euanescent, finem habent maximè contrarium, quod indicat, aut citissimam contristantium humorum liberationem, aut deterrimam affectionem, eis in partes præcipuas remeantibus. Hæc igitur omnium abscessuum communia censentur.

*Abscessus
quandoque
salutariter
evanescent.*

Hæc legenti indicant, quosdam abscessus salutariter euanescere, propter causas à Galeno propositas; non propter humorum recursum; cum hic periculosus sit: euanescentia autem humorum subito facta, salutaris. Cognoscemus nos tumores, aut papulas non recessisse, sed ob humorum resolutionem evanuisse ex ægri præstantiori, aut saltem non deteriori statu.

Sicuti abscessus quandoque evanescent propter humoris fluxi, & tenuis insensibilem resolutionem; ita pariter quædam euacuationes subito desistentes, bonæ esse possunt; quia humores peccantes fluidi sunt, tenues, pauci, & validæ vires. Humor quidem biliosus quandoque in tam modica quantitate peccat, ut leui concitato fluxu facilè deturbetur.

Bonos, malosque abscessus exposuimus. Sed non omittendum, abscessus quandoque bonos esse, quanquam non superueniant in partibus inferioribus, & valde remotis: sufficit enim, quod fiant in partibus externis. Proinde Bubones sub auribus, si non dolorifici fuerint, tensi, & rubri, nec non sub axillis, sæpissimè prosunt; quoniam hi Cor liberant, illi quandoque Cerebrum, aliàs Pulmones, nonnunquam alias partes.

*Abscessus
boni etsi à
parte affe-
cta non
multum
remoti.*

Vt tota hæc de abscessibus doctrina claudatur, Sententia Hippocratis lib. 2. Epidem. huc transferenda est. Abscessus igitur horum, inquit, non fientes facere, fientes autem declinare. Hos autem excipere, si eant, quales oportet, qui verò non valdè, cooperari, eos .a. auertere, qui omninò inutiles fuerint, præcipuè autem hos futuros, sin aliter, cum nuper incæperint.

Hic de abscessuum indicationibus loquitur Hippocrates; quorum quidam boni sunt, quidam etiam mali, quidam fientes, quidam futuri. Fientes verò cum impetu, & acruatim fiunt, aut lentè siue paulatim. Si ergo boni, id est, qui si fierent, salutes forent, nondum fiunt, faciendi siue prouocandi sunt: fientes autem, aut futuros, si mali fuerint, declinare. Bonos autem abscessus fientes, ut conuenit, & opus est, excipere tantum, id est, finire ut fiant, nullum adhibendo remedium: bonos verò abscessus fientes, sed non valdè, id est, non satis celeriter, sed lentè cooperari, id est iuuando ipsam naturam, conari, ut rectè, perfectèq; fiant. Abscessus prorsus inutiles, aut fortassis noxios, omninò auertere, aut prohibere, ne fiant. Bonum autem fuerit futuros, antequam cæperint, auertere; quod si id fieri nequit, saltem prohibendi, quàm primum cæperint.

*Curatiue
indicationes
abscessuum.*

Hæ regulæ inter medendum diligenter obseruandæ. Galenus lib. 1. 1. Meth. Med. cap. 20. docet, ex vsu balnei non leue subleuamen febricitantibus, qui Podagra, aut Arthritide laborant, adferri. Maxima, inquit Gal. salutis pars ægro ex balneo comparabitur, ipsis infirmis partibus, quæ superuacua sunt, excipientibus. Assolent enim nonnunquam, & citra balneum superuacanea in partes infirmas confluere: à balneo verò magis, utpotè, tum succis ipsis per id liquatis, tum vijs, per quas meent, patefactis: ambo. n. hæc ex moderato calore proueniant necesse est, ut tum humores liquentur, tum viæ dilatentur. Cum ergo Podagra, & Arthritis superuenientes febribus, his plurimum prosint, has easdem affectiones Medicus, urgente necessitate, excitare debet remedijs laxantibus, ut balneo, aut fomento. Testatur Auerrhoës lib. 7. Colliget, cap. 3. se à grauissimo morbo liberatum fuisse, cum humor superfluous in articulos decubuisset. Refert Galenus in quadam Peste, pestiferam materiam ad pedes decumbere solere, eosdemque pedes ab eadem materia consumi, quibus consumptis, agri incolu-

*Balneo
aut fomento
tis quando
in febribus
utendum,
ut podagra,
aut
arthritidis
excitetur.*

*Pedibus, &
genitalibus
ob abscessus
in peste or-
tos, amissis,
aëri super-
stites man-
sere.*

*Castor, &
Pollux Pa-
rotidas
comparan-
tur.*

*Triplex
remedium
Aristotelis
pro absces-
sibus.*

mes euadebant. Thucidides, & Lucretius narrât, in grauissima illa Atheniensium Peste, materiam pestiferam ad genitalia decubuisse, & ijs amputatis, & consumptis, ægros superstites euasisse. Poterimus ergo & nos vesicatorijs vti ad abscessuum prouocationem; possumus vtiq; Cucurbitulis, & ligaturis: Galenus lib. 3. de medicament. sec. loc. cap. 2. ad parotidum excitationem attrahentibus vti-
tur remedijs, quæ apposita nisi suffecerint, cucurbitularum vsum suadet, veluti & fomenta. Annitimur enim, inquit, vt affligens humor ex profundo ad cutem attrahatur, præsertim si in capite affectio sit firmata, humoribus videlicet in ipso firmatis. Parotides verò med ocriter tumentes, salutare sunt. Vnde Cassius Problemate 20. & Author libri Definition. Medic. aiunt, Parotidas à veteribus appellatas fuisse, Castorem, & Pollucem, quia sicuti hæc duo Altra, dum apparent, aëris serenitatem pollicentur, sic Parotides sanitatem promittere solent, nisi recurrant: in quo casu mortem, non salutem, indicant. Sed ne in acutis retrocedant, cauendum. Aristoteles Sect. 1. Problem. 34. triplex remedij genus pro abscessibus proponit, Medicamenta, ferrum, & ignem. Medicamentis curandos abscessus, qui sub axillis, & in inguinibus fiunt, dicitur. Ferro curandos vult abscessus, qui in parte solida non existunt, & sunt acuminati: Igne verò curandos docet abscessus ortos, non in carnosiss, sed venosis partibus; quique latè sunt, processuq; multiplici eruperunt. Rectè sanè pro his vltimis ignem, id est, ignitum ferrum, præscribit; quoniam ignis, serpens malum radicitus consumit, & escharam obducendo, hæmorrhagiam, quæ alioquin venarum diuisionem sequeretur, potenter cohibet. Sed de his satis.

CAPVT X.

De Signis consequentibus Crisim.



Vi hoc Caput peculiariter scribunt, non alia habent Signa Crisim consequentia, quàm Signa salutaria, aut conditiones bonæ Crisis factæ, si Crisis fuerit salutaris; Signa insalubria, si Crisis facta fuit insalubris. Nos Capite septimo huius libri Salutaris Crisis cum Galeno bonas conditiones sufficienter exposuimus. Quare ijs hîc supersedendum puto. Vt tamen Crisis bonæ, iam celebratæ, indicia vnicuique aperta sint, in mentem re-

uocanda doctrina à nobis exhibita in nostræ Pathologiæ lib. 3. Docuimus etenim cum Galeno, Symptoma in tria dirimi genera; Actionem nimirum læsam, Affectum corporis, & ea, quæ vtrumque consequuntur, excreta, & retenta dicta. Hæc tria sunt morbi soboles, quæ quamdiù apparent, tamdiu corpus integra vacat salute. Ex aduerso, quocunq; tempore, facultatum omnium, animalium, vitalium, & naturalium, actiones liberæ sunt, & integræ, affectus Corporis natiuam referunt descriptionem; & quæ excerni debent, debitè, & naturali more excernuntur, retinenda retinentur, Signa sunt salutaria, vtpotè omnium facultatum integritatem demonstrantia. Critico igitur impetu transacto, Medicus actiones omnis generis examinare debet, & primo loco animales; quarum integritas facultatis animalis perfectum demonstrat statum. Integreprehenduntur, si mens pacata fuerit, & tranquilla, ita vt rectè ille, qui Crisim passus est, ratiocinetur. Vnde Hippocrates lib. 2. aphorism. 33. inquit; In quouis morbo mente constare; & benè se habere ad ea quæ offeruntur, bonum: contra verò se habere, malum: Quasi diceret Hippocrates, bona Signa (quantum in se est) in ægris esse, mente constare, & appetitum permanere. Quod autem constare mente, bonum sit Signum, hinc cognoscas: Quæ ad Cerebrum attinent, atq; membranas eius, piam, duramq; matrem, & spinalerū medullam, nec non & septum transversum, & omninò partes neruolas, quæ præsertim sunt iuxta Cerebrum, sana esse, omninò significantur ex mentis constantia: sicuti &, quæ ad ventrem, & hepar, & Cor ipsum, vbi adest promptitudo ad illa, quæ offerantur alimenta, vt in Comment. loquitur Galenus, qui ratus est omnium facultatum animalium, vitalium, & naturalium integritatem paucis istis Hippocratis verbis comprehendere. Facit enim Ventriculi, Hepatis, & Cordis mentionem. Vtcunq; sit, si benè æger ratiocinetur; si imaginatio nullam patitur labem; si memoria à naturali statu non recedit; si motus & sensus perfectè à naturali statu non multum remoti videntur, prout in ægro exercentur, facultas animalis sua fruitur integritate. Verùm post Crisim quantumuis bonam, æger non ita currere potest, sicuti in statu sano. Sufficit enim quod ad vtramq; lecti spondam sine labore sese voluere queat, sequè in lecto naturali decubitu extremitatibus modicè flexis contineat, placidèque, & sine labore dormiat. Nam ex

Signa varia bonam Crisim consequentia.

*Somnus
bonus,
quid.*

aphorismo 1. lib. 2. Aphorism. In quo morbo somnus laborem facit, mortale. Si verò iuuat, non mortale. In Coacis prænotionibus hac etiam serie de somno loquitur: Somni profundi, nec turbulenti, firmam, & stabilem Crisim significant: turbulenti verò, & cum dolore corporis, inconstantes sunt. Magna sanè boni somni vis, vt in Hygeinè referam: Ideo Aphorismo adhuc 2. lib. 2. Aphor. Hippocrates inquit: Vbi somnus delirium sedat, bonum. Ad somnum porrò ineundum suauem, animi tranquillitas necessario prærequiritur, Cerebri quædam moderata, & natua temperies, suauis quædam materia, quæ ad ipsum Cerebrum benignos transmittat vapores; & denuò necessitas ipsa dormiendi, vt corpus somno reficiatur, spiritus deperditos reparando, & alimentum corpori necessarium perficiendo.

Si peracta Crisi, pulsus inuenitur æqualis, & in omnibus moderatus, corporis calor suauis, facilis respiratio, viuidus corporis color, & animi alacritas, argumento sunt, facultatem vitalem nulla præter naturam habere obrui. Si verò post Crisim Signa hæc bonitatis integritate careant, res ægri in tuto esse nequeunt.

Naturalis facultas suam acquisiuit perfectionem quoties appetitus vrget, & consuetudo more coctio alimentorum, ac distributio commodè celebrantur. Contraria relapsum minantur.

Quod attinet ad excreta, præsertim verò fæces, & vrinas, si similes fuerint ijs, quæ in statu sano redduntur, perfecta fuit facta Crisis; si verò aliquid alieni retinent, relapsum spondent.

Quoad corporis qualitatem, quam affectum appellauimus, optima erit post Crisim, si corporis color bonus fuerit, & figura eius integra, & moles mediocris. Hippocrates libro 6. Epidem. ait: In magnis malis facies si sit bona, Signum bonum, in paruis contraria significans bonæ significationi, malum. Bonam faciem appellat Hippocrates eam, quæ simillima est faciei beneualentium. Sed in memoriam reuocare oportet aphorismum 28. libri 2. aphor. Febricitantium non omninò leuiter permanere corpus, & nihil minui: vel etiam plus quàm ratio postulat, contabescere, malum. Illud enim morbi longitudinem, hoc verò imbecillitatem significat. Optimè Hippocrates, teste Galeno in aphorismi Commentariis, suo adiecit sermoni hæc verba (non omninò leuiter) vt paruam febrem à magna distingueret, & simul ostenderet, in qua ex his cor-
pus

pus comminuitur siue extenuatur : innuitq; extenuationem debere fieri non in corporibus leuiter , siue modicè febricitantibus , sed in ijs corporibus quæ non omninò leuiter , sed grauitè , aut grauissimè febricitant . Contingit enim, inquit Galenus , cùm in tempestate frigida quispiam ex plenitudine laborat , non collabi corpus , neq; extenuari , cùm febres paruæ sunt : Sed cùm maiores sunt febres , & corpus non collabitur , nec extenuatur , permultam quandam esse repletionem significatur . Cur autem corpus repletum maneat , sicuti in statu antecedente febrem , & non comminuitur , aut extenuetur vi superuenientis febris grauis , aut grauissimæ , in Commentarij calce à Galeno explicatur : dualq; permanentionis corporis in sua repletionem , quâ , ante febris accessum fruebatur , causas proposuit , cutis densitatem , & humorum crassitiem . Nam , inquit , permanere (id est , corpus in sua integritate molis , sicuti antea) ex cutis spissitudine accidit , & crassitudine humorum : & propterea longitudo morbi significatur . Contabescere (id est , extenuari , nam de vera Tabe non est loquutus in Aphorismo Hippocrates , Galeno ipso teste) autem nonnunquàm contingit ; ob humorum tenuitatem , & cutis raritatem : nonnunquàm verò & ob solam virium imbecillitatem .

Corpora in magnis febribus non extenuantur propter cutis densitatem , & humorum crassitiem .

Causa extenuationis corporum .

Extenuationis corporis causas varias in Commentario proponit Galenus , hac serie : Nam maiores febres magis & citius corpora extenuant ægotantium , sicuti & diurnitas morbi , & ex ætatibus , puerilis , atq; decrepita , sed vtraq; diuersa ratione : in pueris enim propter caliditatem atque humiditatem , multum diffluunt atq; vacuantur corpora : in decrepita verò ætate hoc idem patiuntur propter virium imbecillitatem . Ex Regionibus autem , & anni temporibus , ac constitutionibus , calidæ quidem , ac siccæ , magis euacuant : humidæ verò ac frigidæ magis adstringunt , ac dissari corpora , atque euacuari non sinunt . De sensibilibus autem vacuationibus quid dicere oportet ? Neminem enim ignorare arbitror , quòd ex profluuiis sanguinis multo , atque sudoribus plurimis , & vrinæ multitudine , vel vomitu , vel alui excretionem , citò corpus extenuetur . Accedit autem dictis causis & inedia : vigilæque , & curæ sufficienter extenuant , vt & plures motiones : sed hæc rarò febricitantibus adsunt : nam magna ex parte iacent quiescentes . Verùm aliquando contingit moueri aliquos , qui in itinere cæperint febricitare ,

Varia causa ex Galeno .

Febricitantes quādoque non decumbūt in lecto.

citare, vel vrgente necessitate, vel studio domum reuifendi. Quinetiam ex delirio quidam ægroti iugiter exurgentes, & decumbentes, aut continuò partem aliquam corporis commouentes, aut etiam delira loquentes, intra paucos dies extenuantur. Hæc quidem omniā ægrotos reddunt macilentos, sicuti & contraria his corpus in maiori mole conseruant. Signum autem nullum ex his est virium imbecillium, sed singula sunt tantummodò causæ. Nam sicuti ab ijs corpus cum ratione extenuatur, sic & vires destruuntur.

Imbecillitas virium causa extenuationis.

Absq; his autem corpus præter rationem extenuari, Signum est virium imbecillitatis Hippocrates (in Aphorismo) inquit: Quam & in valdè senibus (siue decrepitis) pro causa assignantes, celerrimè ipforum corpus extenuari dicebamus. Neq; mirum videri debet in ijs qui ita se habent, imbecillitatem quidem causam esse extenuationis: extenuationem verò esse Signum virium imbecillitatis. Hoc enim contingit in omnibus agentibus, & patientibus. Hæc quidem est Sententia Hippocratis, semper existimantis, eam, quæ est citra rationem, extenuationem, Signum esse imbecillitatis virium.

Hippocrates exponitur.

Nos verò adiiciamus eius sermoni, & aliam dispositionem, quæ causa est in febribus extenuationis. Est autem hæc humorum quidem tenuitas, corporis verò raritas. Cùm enim hæc ambo conuenierint, celerrimè corpora extenuantur per eam, quæ difflatio insensibilis nominatur: sicuti in dispositione contraria, crassitudine humorum, & corporis spissitudine, neq; fit humorum euacuatio, & permanere corpus, & nihil tunc minui de ipsius mole contingit. Hanc itaq; dispositionem ostendit Hippocrates in prima parte Aphorismi, per ea verba, longitudinem morbi significat.

Humorum tenuitas, & corporis raritas extenuationis causa.

Hæc Galeni doctrina ad medendum, & prædicendum, omninò necessaria est; & conformis est ijs quæ apud Hippocratem extant de cadauerosa illa facie, deq; salutari, in principio Prognosticorum. Pro re certa habendum, quòd in acutis morbis debet corpus aliquantulum extenuari, & extenuatum post euacuationem Criticam esse debet, vt ex faciei ægri, Medico, & Astantibus patente, dignoscitur: quæ si post euacuationem tumida, liuida, aut aliter malè colorata, appareat, Signum est, Crisim factam non fuisse completam. Vnde Hippocrates lib. 2. Epidem. Sect. 5. Si cui febricitanti facies die Critico extenuetur, sequenti die soluetur omninò morbus. In Coacis prænotionibus eadem fermè sententia

Ex facie status ægri post Crisim dignoscitur.

habe-

habetur. Nam si facies ex tumefcente residens facta fuerit, perfecta Crisi, & vox ægri blandior, & respiratio rarior, & facilior, perfecta erit morbi solutio. Si tamen facies ultra modum extenuata, fuerit post Crisim, huic minimè fidendum.

Prudenter ergo Medicus circumspèctus post Crisim, huius eiusdem perfectionem, aut imperfectionem pronuntiabit astantibus ægri parentibus. Nam quandoq; bona apparent Signa in vna facultate, alterâ remanente læsâ. Præterea, etsi æger bene se habere videatur, atq; à febre immunis, aliquid alieni in vrina, aut excrementis cæteris apparens, imperfectam, & non integram salutem indicat. In libris Epidem. varia huius doctrinæ exempla habentur.

Ex ijs quæ in commentario aphorismi pronunciauit Galenus de humorum crassitie, & cutis, aut corporis spissitudine, quæ morbi longitudinem fouent, confirmatur periculum ardentis febris hyemali tempore ortæ. Nam præterquàm quòd talis febris à fortissimis causis generetur, cum eius generationi obstat hyems frigida & humida, cutis spissitudo aut densitas fuliginum calidarum, per habitum corporis, & poros eiusdem euacuatio, multum prohibetur. Sed hæc obiter. Et hic terminus esto Signorum Criticorum, tam antecedentium, quàm comitantium, & subsequen-
Febris ardens hyeme, quam alijs temporibus periculiosior.

C A P V T XI.

De Diebus Decretorijs.

Postquàm Crisis naturam, species, & Signa inuestigauimus, operæ pretium est eiusdem Crisis causam, non minori sedulitate, expiscari. Communiter Scriptores, litis inter naturam, & morbum ortæ, Arbitrum, æquumq; Iudicem, adeoque causam, statuunt Diem Decretorium dictum; cuius diei rursus causam laboriosè perquirunt. Nos Scholæ Medicæ consuetudinem obseruantes, eadem, quæ reliqui Scriptores, examinabimus.

S E C T I O I.

An sit Dies Decretorius.

Ante omnia, diei varias significationes exponere par est. Dies igitur, Astrologorum Decreto, in naturalem, & artificialem di-

Diei duplex acceptio.

Dies naturalis.

diuiditur. Dies naturalis, est Tempus comprehendens viginti-quatuor horas æquales; quæ Galeno *ισμεραια*, id est, æquinoctiales, dicuntur. Dies hæc, diem communiter dictum, simulq; noctem, comprehendit: Nam est Solis circuitus, siue conuersio, primi Mobilis raptu facta ad idem punctum, à quo exordita est: Seu est temporis spatium, quo Sol raptu primi Mobilis motus, circa terram conuertitur, & ad idem punctum notatum, à quo incæpit, recurrit. Integra hæc Solis conuersio exordium ducit, vnde hominibus placet: non quod hominum arbitrio subiecta sit Solis conuersio, aut conuersionis exordium, quod in se nullum est, cum circulari motu, eoq; indefinente, à mundi creatione Sol conuertatur. Sed vt, respectu nostri, aliquis in tali conuersione ordo statuatur, necessum est res sublunares principio & fine potitas, Solis, & Lunæ conuersionibus metiri. Quibusdam ergo, vt Atheniensibus, placuit hunc diem naturalem à Solis occasu incipere, & terminari ad simile punctum occasus subsequenteris diei artificialis. Et sic dies naturalis erit conuersio Solis ab Occasu ad Occasum. Hebræi diem in eodem sensu obseruabant; vt ex Genesi liquet, vbi dicitur: Factum est Vespere, & Manè dies vnus. A die autem, tanquàm digniori parte, totum illud tempus 24. horarum denominationem suscipit. Babylonij integram Solis conuersionem ab Ortum ad Ortum, diem constituere naturalem. Vmbri, & Arabes conuersionem à Meridie ad Meridiem. Ægyptij, quos Germani, Belgæ, Angli, Galli, Hispani, in suis horologijs conficiendis imitantur, conuersionem à media nocte ad mediam noctem. Romani verò suum diem à media nocte ad mediam subsequentem constituebant: nec Ægyptiorum meminit Aulus Gellius lib. 3. Noctium Atticarum, cap. 2. ex quo hanc doctrinam de diebus variarum Nationum communiter eruunt Scriptores. Medici, horam, aut tempus illud, quo sensibilibiter æger in sua, aut suis actionibus læditur, siue lectum obseruet, siue non, principium naturalis diei, quo ipsi in suis computis, & non artificiali vtuntur, statuunt.

Caterum conuersio illa Solis, qua terræ ambitum raptu primi mobilis circuit, serior est tardiorue ipso primi mobilis circuitu, quod Sol tunc proprio motu motui raptus, obliquè licet, renitatur, & minuta in semicontrarium discurrat, perficiatque 59. & secundas octo; vti Fracastorio, & alijs quibusdam placet.

Dies Artificialis, aut Ciuilis, est totum illud tempus, quo Sol supra nostrum Horizontem permanet. Nox pariter, est totum illud tempus, quo Sol in opposito nostri Horizontis sub terra latet. Artificialis dies dicitur, quòd Artifices præsente Sole sua obeant munera, & nocte vt plurimum dormiant. Vnde etiam fortassis ipsa nox artificialis dicitur. Dies hæc eadem, Ciuilis appellatur, quòd homines maximè tunc ciuili vtantur commercio: Noctem & homines Ciuili quiete consumunt.

Dies artificialis.

Sed fortassis Fracastorius, & alij, parùm solerter ciuilem diem cum artificiali confundunt: cum Ciuilis dies apud Aulum Gellium libro 3. Noctium Atticarum, dicatur tempus incipiens à media nocte, siue ab hora sexta noctis, & terminatum horâ sextâ subsequenti noctis. Macrobius libro 1. cap. 3. & alij, hunc ciuilem diem in partes varias distribuunt. Prima dicitur media nox, seu potius mediæ noctis inclinatio, seu tempus immediatè mediâ noctem consequens. Sequitur Gallicinium, id est, gallicantus, siue tempus quo galli cantare solent. Post hoc, Conticinium, id est, tempus, quo galli conticescunt, siue à cantu cessare solent, & homines requiescunt. Sequitur Diluculum, siue tempus, quo dies cognosci à nobis incipit. Rursus sequitur manè, quòd est tempus, quo dies clarus apparet. Postea Meridies, id est, diei medium. Sequitur tempus occiduum, siue serum diei, quo Sol ab Occidente non est multum remotus. Subsequitur suprema tempestas, id est, Solis Occasus. Inde Vespera, siue Vesper, tēpus à Stella post occasum apparente ita dictū. Catullus ideo lepidè de hac Stella cecinit:

Dies ciuilis est dies Romano- rum 24. horis constans. Diem ciuilis, & naturalis distributio ex Macrobio.

Vesper adest, Iuuenes, consurgite, Vesper Olympo

Expectata diu vix tandem lumina tollit.

Sequitur Crepusculum Vespertinum, id est, dubia quædam lux inter tenebras, & lucem. Postea prima Fax noctis, id est, primum tempus noctis, quo primum faces, aut candelæ, claritatis gratiâ, accenduntur. Sequitur Nox Concupia, quæ talis à cubando nuncupatur. Demùm Intempesta, id est, pars noctis, quæ non est idonea, vt in ea negotia vlla perficiantur.

De Artificiali die Isidorus libro 3. de Origin. cap. 50. hac serie loquitur: Sol Oriens diem facit, Occidens noctem inducit: nam dies est Sol supra terras: nox est Sol sub terra. Ex ipso enim sunt horæ; ex ipso dies, cum ascenderit, ex ipso etiam nox, cum occide-

Dies artificialis ex Isidoro.

rit. Libro 5. eiusdem Operis cap. 30. eandem doctrinam confirmat, inquiens: Dies est præsentia Solis, siue Sol super terras, sicut nox Sol sub terris: vt enim dies, aut lux sit, causa est, aut super terram Sol, aut sub terris. Vult, vt existimo, Isidorus, Solem sub terra, seu in altero Horizonte, nostro, opposito, Solem lucere: nam quamdiu ibi latet, in nostro Horizonte non lucet.

Quoniam nos deinceps de die Critico sumus acturi, artificialem tetigisse sufficit. Naturalem ergo diem Medici in quatuor dirimunt partes: tempus videlicet matutinum, meridianum, vespertinum, & nocturnum; quæ tempora cum anni temporibus analogiam habent. Vnde Galenus Comment. 1. in lib. 6. Epidem. inquit: Diem namque toti anno proportionem respondere censet Hippocrates; vt matutino tempori Ver simile sit, Meridiei Æstas, Vesperti Autumnus, Nocti Hyems. Dictum est autem, & de his vberius, vbi secundi morborum Popularium voluminis eam partem declarauimus, cuius initium est, Ascarides Vesperti. Hæc Galenus in Comment. textus 15. citatæ Sect. 1. lib. 6. Epidem. qui textus hac serie habetur: Ab initio exacerbationes considerandæ sunt, & in omni morbo: veluti vesperti exacerbari; & annus ad Vesperam, & Ascarides. Non solum in hoc, sed textu lib. 2. à Galeno citato, & subsequenti tex. Autumno acutissimi morbi, & maximè lethales, &c. Hippocrates proportionem insinuat, quam partes diei cum anni temporibus obseruant; quam proportionem Galenus amplè sine dubio in Comm. cit. text. libri 2. Epid. explicauit: Sed Commentarius iste primus Galeni in dictum librum desideratur. Verum, vt Vernali tempore sanguis dominatur, ita tempore matutino: vt in æstate bilis, ita in meridie; vt in Autumno melancholia, ita vesperti: vt hyeme pituita, ita nocturno tempore. Proinde morbi à sanguine manè exacerbantur: morbi à bile circa meridiem: morbi à melancholia, circa vespertinum tempus: morbi à pituita, nocturno tempore: quanquam omnes exacerbationes vesperti, quàm reliquis diei partibus sæpius excitentur. Nam vt Autumnus inter Anni partes sanitati minus fauet, magisq; nocet, morbos enutrients ferinos, & lethales, ita vespertinum tempus inter alias diei partes. Merito ideo Hippocrates, tam lib. 2. Epidem. quàm libro 6. Autumno Vespertinum diei tempus comparat.

His præhabitis, videndum, an sit admittendus dies Criticus, siue

Diei naturalis, quod utuntur Medici. diremptio in quatuor partes, quatuor anni temporibus correspondentes.

Exponitur proportio quatuor temporum diei cum quatuor anni temporibus.

siue Decretorius. Ægrè fert Galenus lib. 1. de Diebus Decret. c. 3. proteruiam quorundam, qui dies decretorios repudiabant: Illi autem non alio argumento dies Criticos ab usu Medico abigere conabantur, nisi quòd in virtute eorundem dierum non conuenirent Medici antiquiores. Futile sanè argumentum, multos in errorem præcipitans: Nam vix extat quidpiam, in cuius inuestigatione non fuerat inter Philosophos orta lis aliqua controuersiam inuoluens. Dicere propterea, quòd res illæ, circa quas tantæ suscitantur lites, admitti non debeant, non est ratiocinari, sed vehementer insanire. Galenus ergo dicto capite istorum nugatorum incuriam inscitiamq; damnat, Nam omnes Medici vnanimi consensu confirmant Diem septimum, vndecimum, decimumquartum, & consimiles, esse verè decretorios dies, vt ipse ab adolescentulo obseruauit in innumeris agris, vtq; passim experienciâ obseruauit Diuinus Hippocrates, vt testantur Historiæ Epidemicæ, & doctrina eius selectissima in Aphorismis, & Prognosticis reposita. Fatetur verumtamen ingenuè Galenus, dubiam esse decretoriam virtutem quorundam dierum, vt constat ex ipso Hippocrate; qui quosdam dies, tanquam decretorios, in Epidemijs proposuit, quos tamen in Prognostico, & Aphorismo circumcidere videtur, vt Galenus cit. cap. 3. libri 1. de diebus decretorijs loquitur. Cùm ergo experienciâ multorum cogniti fuerint plures dies decretorij, hi admitterendi sunt, etsi quidam dies, non æquo omnium iudicio, decretorij dicantur.

Oscres dierum Criticorum perstringitur.

Contra hanc veritatem, Hippocratis, & aliorum, Censorem se exhibet Cornelius Celsus, Asclepiadis nugæ, elegantiam, non doctrinâ, defendens. In Lectoris gratiam eius verba subijcio. Libro igitur 3. sui opusculi Medici, cap. 4. ait: Est autem alia de diebus ipsis dubitatio; quoniam Antiqui potissimum impates sequebantur, eosq; tanquam tunc de agris iudicaretur, indicatorios nominabant. Hi erant dies tertius, quintus, septimus, nonus, vndecimus, quartusdecimus, vnus & vigesimus: ita vt summa potentia septimo, deinde quartodecimo, deinde vni & vigesimo daretur. Igitur sic agros nutriebant, vt dierum imparium accessiones expectarent, deinde postea cibum, quasi leuioribus accessionibus inflantibus darent; adeò vt Hippocrates, si alio die febris defisset, recidiuam timere sit solus. Id Asclepiades iure vt vapum repudiavit;

Cornelius Celsus nuce.

neq; in vllò die, quia par, aut impar esset, his vel maius, vel minus periculum esse dixit. Interdum enim peiores dies pares fiunt, & opportunius post earum accessiones cibus datur. Et paucis interpositis, idem Celsus ait: Atq; idem alio loco quartum quemq; diem, vt in vtrumq; efficacissimum, apprehendit, id est, quartum, septimum, vndecimum, quartumdecimum, decimumseptimum, in quo & ab impari ad paris numeri rationem transit: & ne hoc quidem propositum conseruauit, cum à septimo die vndecimus, non quartus, sed quintus sit: adeò apparet, quacunque ratione ad numerum respeximus, nihil rationis sub illo quidem authore reperiri. Verum in his quidem antiquos tunc celebres admodum, Pythagorici numeri fefellerunt: cum hinc quoq; Medicus non numerare dies debeat, sed accessiones intueri, & ex his coniectare, quando dandus cibus sit. Hæc Celsus, & perperam. Vt sanè mirum in modum sibi, dum hæc scripsisset, placuit, ita in recensendis Hippocratis sententijs aberrauit, vt Diuini Senis mentem nullatenus fuerit assequutus. Asclepiadem enim, quem paulò ante dixerat vicem exhibuisse tortoris, Hippocrati temerè antetulit. Fallitur deinde, cum vigesimum primum diem Criticum ex mente Hippocratis appellat; cum hic expressè vigesimum constituerit diem Criticum. Ignorat ergo, quid in mente habuit Hippocrates, & multò magis, dum credit Hippocratem sequutum fuisse Pythagoram, concedendo vim agendi numero, cum expressè Naturam, non numerum, morborum Medicum statuisset Diuinus Senex. Sed cum natura certis diebus vehementius contra morbum insurgit, & pugnam indicit, meritò hi dies obseruandi sunt. Multi enim ex plebe obseruant, & Medico fideliter referunt, ordinariè tertiam, aut quartam accessionem in febribus tertianis, esse multò vehementiorem antecedentibus, & subsequenteribus. Non solum ergo accessiones (in quibus potissimum Crises fiunt) sed accessionum numerus perpendi debet, vt rectè medeatur Medicus, alimenta præscribat, & futura prædicat. Hæc omnia latuere Celsum; qui præterea finxit, Hippocratem, tribuisse imparibus potissimum vim decretoriam, cum tamen decimoquarto, & vigesimo, & alijs paribus, eandem concesserit virtutem, vt videre licet lib. 1. Epidem. Sect. 3. textu 13. hæc serie: Quæ diebus paribus accedunt, paribus iudicantur; quorum verò sunt in imparibus accessiones, imparibus iudicantur. Denuò

Celsus perstringitur.

Crises in accessionibus fit.

Paribus, & imparibus diebus fiunt accessiones, & Crises.

quàm

quàm erroneè vndecimū diem à septimo numerandum asseruit, cuius Hippocratis aphorismū hac de re legenti constabit; vbi vndecimū per quartum à septimo compleri habetur.

Concludendum ergo contra proteruos, perutilem esse doctrinam de diebus decretorijs. Futuram enim Crisim, eamq; bonam, *Utiles sunt dies Critici.* die septimo, & non sexto, pronuntiabit scientificè Medicus, quoties coctionis Signa in vrinis quarto die visa sunt. Et Signa die Critico apparentia, siue bona fuerint, siue mala, nos certiores reddunt de futuro morbi euentu, quàm Signa alijs diebus contingentia. Deniq; Crisim factam die septimo anteponimus Crisi factæ alijs diebus etiam decretorijs; quoniam in hoc, quàm in alijs, Crises sunt frequentiores, & perfectiores. Recidivas etiam iuxta diei naturam, & euacuationis modum, ac quantitatem, dignoscemus. Hæc autem omnia ad prælagiendum conferunt. *Septimi magna vis.*

Ad curandum, multum etiam confert scire dierum decretoriorum naturam: nam victus non debet esse adeò tenuis pro ijs, qui perfectam Crisim passi sunt, sicuti pro alijs, qui imperfectam, aut in quibus tardè Crisis expectanda est. Medicamenta etiam purgantia non danda diebus verè Criticis & imparibus, iuxta Hippocratem libro 4. de Morbis. *Die Critico nō purgandum.*

Cum ergo experiētiā constet, dies decretorios esse; scire modò oportet, quid Dies Decretorius? Is sanè est, in quo de lite & pugna inter naturam, & morbum orta, decernitur; adeò vt si natura plures habeat ex sua parte testes, siue bona validaq; Signa, quàm morbus mala, morbum in hoc conflictu sit superatura: Si autem morbus plura, & validiora Signa mala, testium instar, quàm natura bona, habuerit, naturam necessariò victurus sit. Pugilum quidem instar se habent natura, & morbus. Dies enim decretorius, siue decernens, tanquàm arbiter & Iudex censetur à multis: decernere enim nihil est aliud, quàm iudicare, & sententiam ferre: Vnde Senatum, & Principum decreta. Dies etiam decretorios, iudiciales, siue iudiciarios appellare possumus; quia in his morborum iudicia, siue Crises fiunt, non secus ac Pragmatici, iudiciales, siue iudiciarios dies, vocant eos, in quibus iudicia fiunt; quos ideo dies fastos appellant, sicuti nefastos dies, illos, in quibus lege nihil sancitur, qui dies, Iustitium, siue tempus à iudicandi munere vacuum, dicuntur. *Dies decretorius quid.* *Dies fasti, & nefasti.* *Iustitium.*

Dies Decretorius communiter vigintiquatuor horis constat.

Anni dies quot.

Nox die comprehenditur.

Vrina aquea febris protractiōnem indicat.

Mensis, & anni dies, noctes etiam comprehendunt.

Confectio ex capitibus papaueris Galeni.

Diem verò Decretorium ex vigintiquatuor horis componi docet Galenus, libro, Ad eos qui de Typis scripserunt, cap. 7. non autem libro de Typis, vt perperam nonnulli alios sequuti, & Galenum minimè legentes, citant; cùm liber de Typis, quinque tantum contineat capita. Citato ergo cap. 7. sequentia scripsit: Persuasum autem & tu quoque habebis rem hanc sic se habere, si primum memoriâ repetas, & horum recordationē in promptu semper habeas, nos in præsentia diem, tempus id vniuersum appellare, quod diem noctemque comprehendit: id ipsum quidam nycthemeram (quasi noctediem dicere velis) appellant; & ea ratione dicunt annum constare diebus trecentis, & sexagintaquinque, & quarta etiam parte vnius. Horæ itaque quatuor & viginti, diem vnum absoluunt: duos autem, octo & quadraginta: tres, duæ & septuaginta. Libro 9. Methodi cap. 1. vbi de Diaria, eiusque causis loquitur, inquit: Dictum enim supra est, vigintiquatuor horas esse sic appellatæ diei spatium, utique vt cum nomine diei nox quoque vna comprehendatur. Libro 10. Methodi cap. 2. Diariam (ita dictam, quod vno die duret) intra vigintiquatuor horas desinere, & terminari dicit. Libro 1. de Crisib. cap. 16. de primo die morbi verba faciens, in eo Signa bona apparere docet, aitque deinceps: In primo quidem die (sic verò me vbique intelligas, totum ex die, & nocte tempus in viginti ac quatuor horas partitum accipientem) vrina quidem sit exquisitè aquea, febris verò debilis: hæc ergo in longum tempus protrahetur, &c. Libro 2. de Crisib. cap. 2. sequentia scripsit. Dicendum iam igitur, quo pacto quispiam in primo die morbi naturam exactè dignoscat. Diem autem per totum hunc sermonem nostrum in eo accipiemus significatu, vt non solum lucem, sed noctem etiam complectatur: sicuti & mensem ex triginta diebus constare dicimus: non id tempus tantum, quo Sol suprâ terram fertur, appellantes: sic enim annum quodammodo dicimus trecentos, & sexagintaquinque dies complecti. Libro 7. de compositione Medicament. secundum locos cap. 2. Titulo, Confectio ex capitibus Papaueris Galeni, is idem modum macerandi Papauerum capita docens, ait: Præmacero autem ea non ad triduum, velut Heras, sed neque statim ablatas coquo, sed si quidem humidiora & molliora fuerint, ad vnum diem. Accipienda est autem in omnibus huiusmodi sermonibus etiam nox: quemadmodum etiam annum die-

rum trecentorum sexagintaquinque; solemus dicere. Hic enim, et si de Crisibus nulla fuerit facta mentio, dies pro naturali accipitur à Galeno. Libro de Septimestri Partu, eundem obseruat loquendi modum Galenus, aiens: Quatuor autem & viginti horarum intervallum, diem appello: ita enim & annum trecentis, & sexagintaquinque diebus, & quartâ insuper diei parte constare dicunt: mensurum tempus vigintinouem, & dimidio. Nam mensem nominari spatium, quod ab vno Lunæ coitu cum Sole usque ad alterum intercedit, nemo est qui nesciat. Huic autem dierum numero adjici etiam quandam particulam, quæ sit totius diei quingentesima septuagesima sexta, demonstravit Hipparchus, quæ tamen adeo parua est, ut de ea considerare superuacaneum ad præsens propositum esse videatur. Postea exponens quendam Hippocratis textum de Septimestri partu, ait: Perspicuum enim est, nos æquinotiales horas in huiusmodi omnibus sumere consueuisse, quarum vigintiquatuor, diei, ac noctis, spatium conficiunt, quod *νοχθιμικρον*, hoc est, noctidiale, ab Astronomis nuncupatur. Hæ enim omnes horæ æquales inter se sunt, eò, quod adeò exiguum est id, quod variationem affert, ut nonnulli ne esse quidem quicquam illud arbitrentur. Verum Galenus libro 1. de Medicamentis per genera, cap. 2. de die artificiali, & distincta ab eo nocte loquitur. Itaque, inquit, sunt ex ijs, quæ propter caloris vim exulcerant: quemadmodum etiam ex illis, quæ exedentia, seu putrifica Latine, Septica Græcè, nominantur, alia simul, atque corpora contigerint, potestate suam ostendunt: quædam duabus, tribus, aut quatuor horis, opus habent: nonnulla diem totum, vel etiam post eum, noctem, vel maius deinde spatium requirunt.

Annus, & mensis.

Diei artificialis meminit Galen.

SECTIO II.

De Decretoriorum Dierum numero, & virtute.

Galenus libro 1. de Diebus Decretorijs, cap. 2. docet, singulis diebus Crises fieri, licet non æquè benè. De singulis ergo diebus singulatim nobis agendum. Galeni tamen verba prius in mediū deducenda: Iudicia. n. inquit, seu Crises ipsæ omnibus diebus accidunt, sed neque pares numero, neque ex æquali fide. Hoc intercedit discriminis inter illas, quod aliæ bo-

Omnibus diebus Crises superuenire potest.

na, aliæ malæ eueniunt. Quædam cum pluribus, & difficilioribus symptomatis, & maiore certamine: nonnulla statim ab initio tutò inuadunt. Quin etiam in hoc plurimùm differunt, quod hæ deficientes, illæ perfectæ sunt: nec minùs, quod aliæ certis, statutisque diebus indicatæ priùs, fiunt: aliæ repentè, & ex improviso non idiotis modò, sed etiam artificibus eueniunt. Tot sunt iudiciorum differentia: tot etiam dierum decretoriorum. Hippocrates lib. 1. de Morbis Vulgarib. siue Popularibus, siue Epidemicis, Paribus, Imparibusq; diebus Crisim fieri docuit. Quæ, inquit, diebus paribus inuasiones (siue accessiones, siue exacerbationes, siue paroxysmos) habent, ea diebus paribus decernunt. Quorum verò accessiones imparibus diebus fiunt, ea imparibus iudicantur. In Prognosticis conformia dictis hoc ordine scripsit: Febres autem iudicantur iisdem numero diebus, & ex quibus supersunt homines, & ex quibus intereunt. Fit huius eiusdem sententiæ repetitio libro de Iudicationibus siue Crisibus: Febrium verò, inquit, iudicationes iisdem numero diebus contingunt, quibus homines moriuntur, & quibus superstites euadunt, Libro 2. Epidem. fit etiam eiusdem Sententiæ mentio.

Morbis qui diebus paribus exacerbantur, diebus paribus indicantur: qui diebus imparibus accessiones habent, similiter imparibus iudicantur.

De Primo, & Secundo Die.

Primus, & Secundus morbi dies, Critici sunt, in doctrina Dioclis, quem summoperè laudat Galenus. Sed idem Galenus distinctione utitur, ut rei veritas plerisque aperta sit. Libro igitur 1. De Dieb. Decret. cap. 9. rem, ut sequitur, declarat. De primo die in morbis, & secundo, non diximus in superiore sermone, etsi Diocli hi quoq; decernere de morbis visi sunt. Quomodo igitur de hoc intelligendum sit, distinctione docebimus. Nam si præceps, ac subita in ægrotantis corpore perturbatio, morbi solutionem præcedens, Crisis siue iudicium nominatur, neq; primum diem, neque secundum, decretorios esse censebimus; quia illa velut fluctuatio (siue perturbatio) quæ solutionem præcedit, nequaquam in his diebus est conspicua: Si verò solutionem simpliciter, iudicium voces, hi quoq; erunt decretorij. Certè omnes febres diariæ solutionem partim in primo statim die, partim in secundo, nanciscuntur. De significato igitur quæstio hæc magis est, quam de re ipsa.

Cum distinctione, Diocli respōdet Gal.

ipsa. Hoc est peroptimum Galeni responsum ad Dioclis doctrinam. Alibi enim docuit Galenus, morbi solutionem, Crisim dici Hippocrati. Quodammodo ergo primus, & secundus dies morbi, Critici dici possunt. Et si de Crisi mala sermo sit, non est dubium, quin his diebus contingat, cum in his vehementissimi morbi ad statum siue vigorem statim peruenientes, hominem iugulent. Salutares autem Crises vix primo, aut secundo die superueniunt; ut omnibus ferme placet: Sed meo iudicio, quandoque in his Crisim fieri non est impossibile. Nam quoties morbo vigente Signa coctionis adesse possunt, Crisis etiam salutaris superuenire potest: Sed primo, & secundo die morbus vigere potest, & coctionis Signa adesse possunt. Ergo primo; & secundo die Crisis, etiam salutaris, superuenire potest. Maior propositio est Galeni, qui passim Signa perfectæ coctionis, in statu maximè, non in principio, aut augmento, apparere docet; docetque simul, Crisim, ut plurimum, in morbi vigore, siue statu, siue robore, siue vehementia fieri. Minor propositio, quæ duo continet, videlicet morbum primo die vigorem obtinere posse, & eodem die coctionis etiam perfectæ Signa apparere posse, probatur ex Hippocrate, & Galeno, quorum ille, loquendo de quibusdam febribus continuis, eas statim florere dicit: florere enim, est vigorem siue statum habere. Et Galenus Hippocratem exponens, ait, hunc non retulisse particulam, statim, ad primum inuasionis morbi punctum, quod principium est, sed ad primum diem, aut ad hunc, & alios, secundum, & tertium, ita ut primo die morbus vigere queat, & multo magis secundo. Libro 1. Epidem. Sect. 3. textu 10. ait: Continua quibusdam incipiens floret, & viget maximè, infestatq; grauius: circa iudicium verò, & in iudicio minuitur. Nonnullis molliter incipit; & submissim, sed increfcit in dies, & exacerbat: sub iudicium verò, & in iudicio abundè elucet. Quibusdam etiam leniter incipiens, augetur, & exacerbat, & simul atq; aliquandiu vigerit vsque ad iudicium, & sub iudicium, rursus se remittit. Vsu veniunt hæc omni in febre, & in omni morbo. In principio enim textus de febribus, tam continuis, quàm intermittentibus, loquutus est Hippocrates; ideoque dictos mores omnibus febribus, imò omnibus morbis contingere refert. Galenus lib. 1. de Crisib. cap. 7. hunc textum citans, & exponens, ait: Atque idcirco quædam statim, cum incipiunt, statum

Primo, & secundo die Crisis superuenire potest.

Florescere est statum habere.

Morbi quidā dum incipiunt florescunt.

accepisse dicuntur; quemadmodum in primo Epidem. ubi inquit Hippocrates: Statim enim continua est, quibus incipiens florescit, ac viget: Nam verbum id, incipiens, hoc loco non dicitur de vero morbi tempore, alioqui repugnaret ei florescere, atque vigere, sed de eo, quod subsequitur principium exquisitè dictum, quod, ut plurimum, ad tertium extenditur diem. Omnino enim febris hæc, ubi principium illud indivisibile fecerit, deinde hoc pacto incremento

*Principium
ad tertium
morbi die
exièditur.*

quodam vsa fuerit, proprium recipit statum, quædam in prima statim die, quædam in secunda, quædam in tertia: non tamen in primo insultu primæ accessionis posset aliqua febris habere statum. Sed siue in primo die, siue in secundo, istum habeat; atque hinc usque ad integram solutionem extendatur, nullum sensibilem alterius accessionis insultum accipiens, hæc statim ab initio proprium habuisse statum diceretur. Et hoc est, quod ab Hippocrate dicitur: Statim enim continua est, quæ incipiens florescit, ac viget. Tale igitur est; Si sputum in laterali morbo (sunt Hippocratis verba aphor. 12. lib. 1.) statim post apparuerit incipiente morbo, eum facit brevior, &c. Hic enim obseruare debemus, quod alibi à nobis dictum est, principium aliquando accipi pro primo morbi insultu: secundò, pro tribus primis morbi diebus: tertio, pro toto cruditis tempore. Hippocrates verò, cui Galenus consentit, quando febris continua primâ die floret, principium pro primo insultu accipit: Potest ergo prima die statum habere. Quòd denique in primo dierum quaternione, id est, primis quatuor diebus, à morbis quibusdam homines liberentur, & ab alijs iugulentur, testatur Hippocrates in Prognostic. Sect. 3. tex. 2. inquiens: Simplicissimæ enim febres, ac Signis firmatæ securissimis, quarto die, aut citius desinunt: maleficentissimæ verò, ac Signis affligentes difficillimis, quarto die, aut citius, interimunt. Galenus in Commentario per simplicissimas febres, intelligendas monet placidissimas, ac mitissimas, haudquaquam maleficas. Propter consuetudinem loquendi Græcorum, Hippocratis dictionem, tamen si primo intuitu claram, explanauit Galen. Simples, inquit, dicuntur homines (hoc est iuniores) & qui malefici sint in quadam simulatione, quemadmodum est Simia callias, id est, formosa. Dicuntur etiam, & ij, qui sunt probis imbuti moribus. Sed enim primi frequens vsus apud authores Græcos, secundi verò rarior est. Itaque dicunt interdum

Sputum.

*Principium
tripliciter
accipitur.*

*Febres
perperacutæ
primis
quatuor
diebus in-
dicantur.*

*Simplices
dicuntur
callidi, at-
que etiam
sinceri.*

& ita,

& ita, non solum simplicem, sed etiam & simplicitatem, de affectione bonis moribus prædita. Dinarchus igitur in Daonem ita dixit: Gubernans adolescentius rem suam Cephalion, & naturâ probus erat, ac simplex. Demosthenes aduersus Æschinem cum Iudicibus disputans, ait: nunc verò ob vestram simplicitatem, & indulgentiam poenas dat, & hæc quoties libet. Plato libro de Republica tertio: Igitur rectus sermo, conuenientia, honestas, concinnitas, ac simplicitas comitatur: non inscitiam intelligens vocatam simplicitatem, sed reuera rectum, ac bonis moribus paratum intellectum. Itidem in Euthydemo simplicem dixit eum, qui simplices habeat mores, & honestos: Et, vt demiratus est, hic est adolescens, ac simplex.

Ex dictis paulò ante, satis liquet, quosdam morbos primis ipsis diebus à natura domari; multos autem morbos perimere ægros, cuiusmodi est Pestilentialis Febris, Apoplexia, & consimiles. Libro 7. Aphorismor. 50. sequentia habentur: Quibus Cerebrum sphacelatum est, in tribus diebus pereunt: Si verò hos euaserint, sani fiunt. Non enim sphacelum hîc pro corruptione partis intelligit Hippocrates, sicuti sæpiùs libro de fracturis, & articulis, fecit, sed pro sola gangræna, siue magna inflammatione sphacelum generante, vt in commentario monet Galenus. Libro 5. aphorism. 6. similiter de Tetano loquitur: Quicunq; Tetano corripiuntur, in quatuor diebus pereunt: Si verò hos effugerint, sani fiunt. Galenus in Commentario ait: Tetanus morbus peracutus est, vt qui compositus sit ex emprosthotono, id est, ad anteriora tensione, & opisthotono, id est, ad posteriora tensione, ita quòd citiùs in ipso sit iudicatio, non tolerante naturâ longiori tempore tensionis laborem. In primo igitur dierum iudicatoriorum passio iudicatur. Fortassis per (primo) hîc intelligit Galenus diem quartum: potest etiam intelligi tertius: nam quandoq; tertium, aliàs quartum diem, primum nominare consuevit decretorium.

Secunda minoris propositionis argumenti pars, est, quòd primâ die morbi Signa coctionis, etiam perfectæ, adesse possint: Quæ doctrina probatur autoritate Galeni, qui librò 1. de Crisib. cap. 16. sequentia scripsit: Quid enim si aliquis primo statim die nullum habens Signum periculosum, verùm insuper omnia salutaria, acutè quidem febricitet, vrinam autem mingat benè coloratam, ac me-

*Exempla
morborum,
qui quatuor
diebus
primis iudicantur.*

*Primo
morbi die
Signa coctionis in
vrinis adesse possunt.*

diocriter crassam? an non in propatulo est Medico, qui in artis operibus est exercitatus, hunc in primis quatuor diebus Crisim habiturum: & eò magis, si nebula aliqua, vel suspensio, ibi afforet: atque etiam tanto plus, si bona subsidentiâ? Nonne hæc sunt perfectæ coctionis Signa? Idem Galenus libro 2. de Crisibus cap. 3. probans febrem tertianam in prima accessione cognosci; sequentia scripsit: Si verò etiam ipso ægroto mingente, vrina subrufa, vel subflaua, & crassitudine mediocris apparet: ac paulò post, vel albam nebulam, vel suspensionem bonam fecerit: iam non etiam lapidis simpliciter fores, sed is, qui molaris appellatur; si quidem hanc tertianam esse ignoraueris, & exquisitam tertianam, & quæ ultra quartum circuitum non progredietur; rufiore verò vrina existente, neq; suspensione aliqua, neq; nebulâ in primo circuitu apparente, ad septem circuitus extendetur. Inter omnes autem tertianas illa simplicissima est, quæ, cum omnia illa nuper à me dicta exquisitæ tertianæ Signa monstrauerit, in vrinis etiam subsidentiâ albam, & læuem, & æqualem, statim fecerit in primo die (& hæc etiam perfectissimæ coctionis Signa ab omnibus æstimantur): neque enim hæc ultra tertium progredietur circuitum. Accedamus ad ipsum Hippocratem à Galeno citatum lib. 1. de Crisib. cap. 7. qui libro 1. aphorismor. 12. ait, quemadmodum in morbo laterali, si circa initia statim sputum appareat, morbum breuiat. Signa coctionis posse etiam primo die apparere, docuit in lib. 3. de Crisib. cap. 4.

Signa coctionis in sputis primis diebus.

Prima morbi die fit Crisis.

Concludendum ergo, cum prima die quidam morbi ad statum peruenire, & Signa perfectæ coctionis apparere queant, posse eadem prima morbi die Crisim fieri. Diariæ etenim ipsæ vix terminantur, nisi facta quâdam euacuatione per cutem, aut alias vias. Cur igitur in febre tertiana exquisita, & continua salutaris, apparentibus coctionis Signis, non æquè fiet Crisis? omnis autem velox mutatio, Crisis appellatur, vt loquitur Galenus libro 3. de Dieb. Decretorijs cap. 5. Sed apparentibus coctionis Signis prima die, velox mutatio fieri potest, vt apparet in Diaria. Ergo Crisis.

Omnis euacuatio in morbi principio, mala.

At verò, quia rarò contingit, coctionis Signa in primo morbi die apparere, statutum est, euacuationes quasuis in principio morbi apparentes, non esse Criticas, sed potius symptomaticas. Vnde Hippocrates libro 4. Aphorism. 22. inquit: Morbis quibuslibet incipien-

ci-
 pientibus, si atra bilis vel supernè, vel infernè exierit, lethale.
 Galenus in Commentario, inquit: Quando aliquis incipit morbus,
 si quid excernitur, nihil tunc excernitur ratione naturæ: sed sunt
 omnia symptomata earum, quæ præter naturam sunt in corpore,
 dispositionum. Quo enim in tempore à causis morbum facienti-
 bus natura grauatur, & adest cruditas humorum, tunc aliquid uti-
 liter euacuari, est impossibile. Siquidem oportet coctionem, præ-
 ire, subsequi verò discretionem: & postea euacuationem, ut bona
 sit crisis, siue iudicium. Hæc autem nos ipse docuit in primo lib.
 Epidem. ita inquit: Coctiones iudicij celeritatem, salutis securi-
 tatem significant: cruda autem, & incocta, ad malos abscessus con-
 uersa, iudicationis carentiam, vel labores, vel diurnitatem, vel
 mortes, vel eorundem malorum reditus. Quando igitur post mor-
 bi coctionem aliquis humorum vitiosus excernitur, tunc corpus à
 natura expurgatur. Et propter hoc atra bilis, & alius omnis huius-
 cemodi humor, ubi Signa coctionis in morbi processu apparue-
 rint, bonam significat euacuationem. Si verò aliter excernatur
 sine Signis coctionis, exitialis est casus. Quare cum in morbi prin-
 cipio quasi semper, sint Signa cruditatis, mala erit talium humo-
 rum euacuatio.

*Coctio præ-
 requiritur
 ad bonam
 Crisim.
 Coctio, &
 cruditas.*

Licet in Aphorismo solius euacuationis atræ bilis, acris, mor-
 daxis, & acidæ, ex humore melancholico putrefacto, aut bile su-
 perassata, genitæ, Hippocrates meminerit, Galenus, & optimè,
 sententiam ad quamcunq; cuiuscunque humoris crudi euacuatio-
 nem, initio morbi factam, extendit.

Tempore Galeni non deerant ex Dioclis discipulis, qui primum
 diem Criticum ab Hippocrate dici lib. 1. Epidem. Sect. 3. tex. 14.
 afferebant, quia inibi Hippocrates inquit: Circuitum verò, qui iu-
 dicant imparibus diebus, primus, tertius, quintus, &c.

Obiectio.

Responsum in promptu est, Hippocratem non de primo die,
 sed de primo circuitu, secundo, & ita de reliquis, loquutum fuisse,
 uti ex Galeni Commentario, sed clariùs ex lib. 3. de Dieb. Decret.
 cap. 8. colligitur. Quapropter, inquit, ab acutis denuò incipiamus,
 omnium consequenter decernentium dierum causas inuestigantes.
 Iam quidem in primo febres diarias solui contingit; non tamen
 iam cum certamine, & perturbatione effatu digna, quâquam non-
 nulli Hippocratem quoque dies decretorios in Epidemion primo

Solutio.

enu-

enumerantem , & primi meminisse putant , duplici nomine errantes . Circuitus enim primus , & non dies primus , manifestò scriptus est in parium , impariumq; dierum Catalogo . Quemadmodum igitur in parium enumeratione , primum circuitum præfatus , quartum diem inducit: ita in mentione imparium , tertium . Adhuc verò magis ignorant, quòd à fronte Operis Prognostici scriptum reliquerit de facie emortua, &c. Ex hac vltima parte textûs Galeni , constat Sectatores Dioclis voluisse Hippocratem introducere authorem Crisis factæ primo die . Quoniam inquirunt, ex Hippocrate vna die & nocte iudicatur facies quædam macilenta , Hippocraticæ faciei similis: id est , spatio vigintiquatuor horarum , ob magnum fluxum, vigilias, inediamue, & consequenter subita n^u mutationem , ægri facies veluti cadauerosa facta est . Galenus ergo dicit, per verbum, iudicatur, intelligendum verbum, probatur, & cognoscitur . Sed hæc de diebus, primo, & secundo morbi, quorum ille tertij fortassis diei index dici poterit, vt ex cap. cit. 3. libri 2. de Crisib. & aphorismo 12. libri 1. aphorism. colligi potest. Tribus enim accessionibus (id est , tribus diebus) tertiana terminatur, quoties primo die Signa coctionis in vrinis apparere . In Pleuritide pariter , in qua prima die sputa apparent cocta , benè sperandum in secunda accessione, quæ vt plurimum in Pleuritide fit tertia die, teste Galeno lib. 1. de Crisib. cap. 7. Galenus attamen videtur primum diem constituere indicem quarti, quando lib. 2. de Crisib. cap. 2. ait, quartum diem conari morbos soluere, qui primo die non cessârunt. Libro autem 3. de Dieb. Decret. cap. 8. vim decretoriam secundo diei , veluti primo , negat , videturque tamen in morbis paribus eum constituere, veluti quarti indicem, sicuti hunc sexti. Et in hoc Crisim contingere refert , quia intra peracutorum terminum continetur: quæ sanè ratio secundum diem , & primum, decretorios constituit; quoniam æquè ac sextus , & septimus , intra acutorum terminum continentur. His adde, quæ Galenus ibidem habet: Adeo autem violenti quid habet ad Crisim accessionis vehementia , vt omnibus ferè diebus peracutos morbos iudicatos esse videre liceat . Ex hac Galeni doctrina , primus , & secundus dies decretorij erunt; cum in his æquè, ac alijs, accessiones fieri soleant, & in accessionibus Crises.

*Primus
dies tertij
index.*

*Tertiana
tribus ac-
cessionibus
termina-
tur.*

*Primus
dies quarti
index.*

*Primus, &
secundus
dies decre-
torij.*

De Die Tertio.

Dies Tertia morbi, in morbis qui imparibus diebus iudicantur, Critica est, teste Galeno, citato cap. 8. lib. 3. de Dieb. Decretorijs. Principium autem, inquit, dierum qui cum agitatione quadam acutè morbos mutant, tertium à principio statuere oportet, veluti prius etiam dictum est: qui nullam iam cum prima septimana communionem habet, sed ex coincidentibus existit. Siquidem quaternio, quod septimana in duas partes secta, absolvitur, ideoq; permagnam facultatem obtinet, in priore sermone dictus est. Tertius verò, & quintus, licet alia nulla ratione, quàm quod iudicia cum accessionibus fiant, coincident, non minùs quarto die decernunt: quoniam hoc ipsum & ab experientia testimonium habet: & ratione contemplantibus non obscura eius causa est. Nam perturbationis violentia, naturam ea quæ molestant, etiam antè tempus propulsare compellit: quippe virtus ipsa est alienorum expultrix. Quemadmodum in Opere de Naturalibus facultatibus antea demonstratum est. Tempus autem actionis (id est, expulsionis) post finem alteratoria (id est, concoctricis) facultatis est: tunc enim functionem (expulsionem intelligit) obire omnibus secundùm naturam absolutis, ostendebatur, cum illa (id est concoctrix) ab actione destiterit. Verùm antè perfectam coctionem interrim quæ offendunt, amoliri cogitur (expultrix scilicet facultas): ut interdum concoctione iam absoluta, moratur adhuc, & lentè propter imbecillitatem munus subit (expultrix scilicet). Vtrumq; autem in ventriculo clarè licet contemplari: instigatus enim, coctionis tempus non expectat, sed protinus etiam idoneum cum eo, quod molestat, excernit: & ubi iam satis concoxerit, interdum lentè, accunctanter superfluum, imbecillitatis vitio, expellit. At, cum naturali habitu fruitur, perfectæ concoctionis tempus, ipsius recrementorum expulsionis terminus est: quæ neque præuertit, neque præsentem adhuc moratur. Cæterùm, ut in ventriculo, sic in singulis totius corporis partibus alienorum expultrix facultas esse ostendebatur: quæ, meo sanè iudicio, & Crisim in morbis efficit: atq; propterea optimæ fiunt Crises, cum iam omnia in animantis corpore concocta fuerint. Præuenire autem Crisim, quod Hippo-

*Tertius dies pri-
mus decre-
torius.*

*Vis quarti
diei.*

*Tertius,
& quintus
sunt Coin-
cidentes
Critici.*

*Natura
est, quæ a-
liena ex-
cernit.*

*Irritantur
quandoque
partes, ut
antè tēpus
cogantur
bonū, cum
malo pro-
miscuè ex-
cernere.*

*Facultas
expultrix
est causa
efficiens
Crisis.*

*Septem
cause præ-
cedem Cri-
sim exten-
dentes.*

crates lib. de humorib. *προειρηγουσθαυ*, quasi dicas prærumpere, appellare consuevit, malum est: nam idonea simul, cum ijs, quæ lædunt, excernuntur: Fitque hoc natura incitata, vel ab exterioribus quodam, vel ab ijs, quæ in ipso corpore continentur. Extrinsecus igitur est Medicus, qui parum rectè quippiam fecerit, æger, famuli, atque alia, quæ propriè exteriora nominantur. In ipso autem corpore sunt morbi ipsi, eorumque causæ, & accessiones.

*Dies in-
tercidentes
qui.*

Quoniam difficile est, vnam Medicinæ partem completè describere, quin ei aliarum partium aliqua commisceantur; ideo hîc Galenus ex libris de Naturalibus facultatibus, aliquid in medium trahit, vt ad vnguem percipiamus Crisis perfectæ, & imperfectæ discrepantias. Docet tamen ante omnia, sicuti in principio eiusdem Capituli, à nobis in fine præcedentis Discursus, de primo morbi die, citati, fecit, Diem tertium morbi acuti, in quo diebus imparibus fiunt accessiones, esse Criticum; & quidem primum diem Criticum, sicuti quartum, primum diem Criticum in morbis, qui accessiones habent diebus paribus. Tertium verò coincidentem diem ipse appellat, veluti quintum. Diei intercidentis varijs in locis meminit. Libro autem 2. de Diebus Decretorum. cap. 2. dies intercidentes considerandos esse ait. Doctissimus Lalamantius, Commentario dicti Capituli, intercidentes, vt sequitur, interpretatur: *παρεπιπλησας ἡμερας*, alij intercidentes, alij interrepentes, & intercalares latinè conuertunt. Sic autem dicti sunt, quòd inter indices, & indicatorios intercitant, interrepant, & intercalentur; in eosque Crisis incidat, aut propter aliquod erratum admissum circa ægrotum; aut quia materia, vtpote acris & maligna de se, & citra vim cælestem, ad excretionem parata est: eòque naturam ante tempus ad sui excretionem stimulat. Nam aliàs, si materia non ita maligna naturam non vrgeat, & ad excretionem non satis parata vim cælestem expectare potuerit, Natura aliquo die, vel indice, vel iudicatorio, vi cælesti morbum iudicabit. Inde ergo quod legitimus dierum Criticorum ordo interruptitur, & in eos Crisis vi morbi incidit, intercidentes, interruptentes, & intercalares dicti sunt. Egregiè sanè omnia; sed meo iudicio Interpretes in Codice Veneto, melius Coincidentes, quàm intercidentes, dies illos pronunciant; quia tertius dies ex Galenio in horum dierum numero recensetur, is tamen inter diem indicem, & Criticum, non intercalatur, nec intercident: cum

ante tertium nullum admittat diem indicem, aut Criticum Scholæ Galeni. Tertius verò coincidit cum primo die verè decretorio; qui quartus est. Rectius ergo Coincidentes vocantur illi dies, quàm intercidentes: & appositè à quibusdam Prouocatorij dicuntur; quia natura non rarò illis diebus intempestiuè ad euacuatiōnem prouocatur.

Prouocatorij dies melius Coincidentes, quàm intercidentes nuncupantur.

Dies Coincidentes in prima septimana, sunt tertius, quintus, & sextus (hunc enim addit Galenus Comment. textûs 1. Sectionis 3. Prognosticor. & libro 2. de Dieb. Decret. cap. 2.): in secunda nonus, & fortassis decimustertius: in tertia fortassis decimus nonus. Verùm omnes ferè dies, præter verè Criticos, & Indices siue contemplabiles, Coincidentes, intercidentesue dici possunt. Nam Galenus lib. 2. de Diebus Decret. cap. 6. in decretorios, & Coincidentes dies distinguit omnes: Decretorios verò in Septenarios, & Indices, siue Contemplabiles. Et cap. 11. lib. 1. de Diebus Decret. octauo die Crisim, quæ sexto die in paribus diebus non fit, fieri refert. Libro etiam 2. de Diebus Decret. cap. 6. ait Crisim die nona factam præstantiorem esse eâ, quæ octauo die fit. Verba Galeni ex dicto capite 6. subiungere placet: Nam, inquit, cùm duplex sit dierum Decretoriorum, cùm utilitas, tum natura, eorum quoque duplicem doctrinam instituit Hippocrates. In Aphorismis quidem, & Prognostico, eorum, qui secundùm quaterniones, & hebdomadas inuicem complexi sunt, mentionem faciens: in primo autem Epidemiorum, non horum modò, sed etiam aliorum omnium Coincidentium: quorum causam Coincidentiæ in sequentibus dicturi sumus. Nunc autem, quòd naturâ, & usu, inter se differant, ostensuri sumus. Naturâ sanè inter se differunt, quòd omnibus ritè præstitis ad quaternionum circuitus, Crises maxima ex parte perueniunt (alia versio habet, omninò perueniunt). Erratis autem quibusdam admissis, in intercidentes transferuntur Crises. Vsu verò differunt, quòd ad futuræ Criseos cognitionem, circuitus per quaterniones sufficit. Cæterùm ad iudicandum de facta iam Crisi, omnium ferè etiam intercidentium vim, & facultatem cognitam habere oportet: ita vt tutiorem, v.g. Crisim esse quæ nono, quàm quæ octauo accidit die; minùs fidam quæ octauo die, quàm quæ nono contingit, iudicemus. Proinde fidæ Criseos, aut infidæ cognitio, ad probam victûs rationem instituendam ipsi, qui iam iudi-

Naturâ, & usu inter se differunt Coincidentes, & quaternarij.

cati sunt, confert. Lib. 2. de Dieb. Decret. cap. 2. sequentia de decretorijs scripsit. Nam si (vt ante dixi) ad experientiam deuenierit septimanas ninis quàm potentes inueniet: proximè his quaterniones: inspiciet autem dies intercalarios, tertium puta, quintum, sextum, nonum, qua ratione fiat, vt decernere possint.

Rectè discrimen statuit Galenus inter verè Decretorios dies, & coincidentes. Si enim nullus à Medico, aut ab astantibus, aut ab ægro, in morbi decursu fuerit commissus error, & omnia externa fuerint ritè præparata, sique morbi, aut causæ morbificæ vehementia non vrgeat, Crisis die conuenienti, vt plurimum continget: Verbi gratia, si coctionis Signa in vrinis, aut facibus, aut sputis, quartò die appareant, septimo Crisis superueniet: idem de vndecimo, die indice, in ordine ad decimumquartum, dicendum; & de decimo septimo, in ordine ad vigesimum. At verò diebus intercidentibus (communiori more Intercidentis vocabulo vtor) nulla superueniet Crisis, nisi errore aliquo præcommisso: nec ad Crisis futuræ præcognitionem, diei intercidentis cognitio necessaria est; quaternionum verò pernecessaria. Ad factam verò Crisim omnium cognitio necessaria est: vt sciamus, tutiorem esse, quæ in quaternionibus fit Crisis, quàm quæ in intercidentibus: & tutiorem esse, quæ nono intercidenti, quàm quæ octauo intercidenti: & eam quæ quinto, quàm quæ tertio.

Crisis in quaternionibus contingens tutior est Crisi intercidentium dierum.

Quartus, & septimus in qualibet septimana sunt verè Critici.

Redeamus modò ad expositionem eorum, quæ superiùs ex capite 8. lib. 3. de Dieb. Decret. traduximus. Docuit enim inibi Galenus, sicuti & alijs in locis iam antea à nobis citatis, diem tertium esse decretorium, non absolutè, sed Coincidentem decretorium: non enim cum prima septimana vllam habet communionem societatemue, vt dicit Galenus. Nam qui in prima septimana, sicuti in alia quauis ad vigesimum vsque diem, vim habent Criticam, est dies medius, qui quartus dicitur, & dies septimanam terminans, qui septimus appellatur. Coincidunt ergo aliqui dies, in quibus quædam fit euacuatio Critica, aut Criticæ similis, non aliam ob causam, nisi quod Crises in accessionibus, siue exacerbationibus, fieri soleant. Cùm ergo in his intercidentibus perturbationes quædam, quæ in accessionibus fieri solent, aut quæ accessiones quædam sunt, sæpissimè fiant, Critici dicuntur. Cur autem sæpè perturbationes vehementes, quandoq; etiam Crises, dictis diebus interci-

den-

dentibus accidant, duplex statuitur à Galeno in contextu causa: Interna vna, externa altera. Externa quadruplex est; vt habetur non solum hîc, sed Aphorismo 1. libri 1. Aphorismor. Medicus videlicet, æger, Astantes, & externa. Interna triplex est: morbus, morbi causa, & accessiones. Error Medici ignorantis futuram Crisim sæpè præuertit. Æger pariter parum obediens. Astantes similiter contra Medicinæ regulas sapissimè peccant. Multa tamen contingunt aliundè errata, quæ externa dicuntur. Exactissimè errores circa has quatuor causas externas contingentes, exponit Galenus lib. 1. de Dieb. Decret. cap. 11. hac serie: Hac itaque ipsa (fusè antea de erroribus Medicorum, & extrinsecus aduenientibus, propter contingentia externa, egit) Hippocrates in ipso statim Aphorismorum initio complectitur his verbis: Oportet autem non solum se præstare opportuna facientem, sed & ægrum, & assidentes, & exteriora. Si placet, inquit, (.i. Hippocrates) nostrorum scriptorum explorare, & examinare veritatem, Tu primum, Medice, omnia ritè gere; deinde ægrotus in omnibus se tibi præbeat morigerum: nihilq; præ intemperantia peccet. Ad hæc, Adstantes nihil ipsi ei delinquant: vt ne vel iram, hoc ipso, quòd errant, ægrotò concitent: vel moerorem, eò quòd intempestiuè quid nuntient; vel etiam noxam, siue offensam, eò quòd minùs inculpatè & accuratè in apparatu se gerant, inferant. Quin apparatus omnis ante Criseos tempus promptè & expedite fiat; obsonia pulchrè parentur; quæ ministerij sunt, ritè præstentur & inculpatè. Est insuper & quartum genus eorum, quorum rationem habendam esse præcipit Hippocrates. Nominat autem ipsum vno complexus nomine, exteriora: Ac licèt id nomen multiplex sit, ipsum tamen omni culpa vacare decet. Etenim pluuia, tonitrua, fulgura, vicinorum tumultus, canum latratus, insultus latronum, ruina domus, defluens desuper aqua, fluius inundans & irruens, incendia, plagæ inflicte, atque eius generis omnia, exteriorum nomine comprehenduntur. Paulò ante exactius de externis egit: & multò ante copiosius errores Medici Crisis eruptionem impediētes narrat. Erratorum, inquit, autem quædam admittuntur ab ipso ægrotò, quædam ab ijs admirandis Medicis, qui putant, nihil ab eo arte dignum gestum esse, qui ad ægrotum accedens, & sese succingens, non vel cataplasma apposuerit, vel vnxerit, fouerit, clystere indiderit, venam

*Septē causas accessio-
num, & Crisis die-
bus inter-
cidenti-
bus.*

*Errores
externi
varij.*

*Errat
Medicus
prescribē-
do singulis
in visita-
tionibus
varia re-
media.*

inciderit, cucurbitulas admouerit, confriuerit, cibum exhibuerit, enutrierit, vel quid aliud eiusmodi fecerit. Hi enim quotiescunq; ad agrum accedunt, toties peccant. Fieri igitur non potest, tot in-

*Natura
motus re-
gulares
sunt; nam
natura est
qua mede-
tur.*

terea erroribus admissis, vt Crisis septimo die, ad quem parata tendebat, eueniat: quandoquidem naturæ motus statutis periodis pro sui ratione contingit: interim ab exterioribus peccatis circuitus seruari prohibetur. Sic itaque Hippocrates vndequaq; admirabilis (libro de Alimento) inquit: Naturam omnino sufficit. Peccatur in hanc extrinsecus cataplasmate, inunctione & totius, & partis in-
 spersione. Sic etiam Medicum naturæ ministrum appellat (Hippocr. lib. 1. Epidem. Sect. 2. tex. 5 1.); reuera Medicum quendam, non Pharmacopolam quendam ex triuio: tantum enim hic à iusta naturæ ministri appellatione abest, vt etiam maximè contrarium nomen ipsi magis conueniat; inimico videlicet, & naturæ ipsius, & agrotantium hosti iure appellato. Postquam eodem cap. Galenus exposuit, vti vidimus, quatuor illas externas causas errorum, qui Crisim impedire, aut tardare, aut accelerare possunt, sequentia in confirmationem eorum, quæ modò dixit, scripsit: Hæc igitur genera quatuor (causarum scilicet) quæ particulatim etiam multiplicia sunt, dum naturæ motus impediunt, frequenter circuituum ordinem interturbant, & interrumpunt. Nam vbi quartus dies manifestum & euidentem Signum decretorium attulerit; si neq; Medicus quid peccauerit, neq; æger, neq; ministrorum quispiam: imò si neque extrinsecus error vllus admissus sit; septimo die necessario Crisis occurret.

*In decli-
natione vi-
morbi ne-
mo mori-
tur.*

Errata à Medico præcipuè, & ægro commissa, periculo plena esse docuit Galen. lib. 3. de Crisib. cap. 5. vbi apertè ipse ait, neminem vnquam vi morbi in declinatione periisse; sed si periere aliqui, ob errores ab ægris, aut à Medicis commissos, eosdem obisse, propter experientiam, & rationes à Galeno ibidem allatas. Propter quorundam autem Medicorum doctissimorum intempestiuum curandi modum, Hippocrates lib. 1. Epidem. constitutione 1. inquit: Circa hæc te exerceas oportet, vt morbis auxiliieris, & non noceas. Alia versio habet: Exerceto circa morbos duo, vt pro sis, aut ne-

*Ars mor-
bo, ægro, &
Medico
constat.*

quid noceas. Idem Hippocrates sequenti sententia 5 1. Sect. 2. lib. 1. Epidem. sequentia de ægro, & Medico, ac morbo, appositè scripsit. Ars huius tribus constat, Morbo, Ægro, & Medico Artis (in-

qui-

quibusdam Exemplaribus, inquit Gal. reperitur, Medicus, Naturæ, non Artis, Minister) administro: Ægri est vnà cum Medico morbo reluctari. Tria esse (inquit Galen. in comment.) vniuersa inquit, in quibus, & per quæ curatio conficitur. Primus, morbus: deinde Medicus. Oppugnant sese mutuò, & vt ita dicam, inter sese depugnant, ac dimicant, Medicus, & morbus: Morbum enim studet Medicus euertere: ille contra, vt ne sit inferior, propositum est. Tertius est præter illos, æger: qui si quidem Medico sit audiens, & faciat imperata, socius in certamine efficitur huic, morbo hostis. Qui ab eo si desciuerit, ac quæ dictat morbus, exequatur, duobus nominibus Medico facit iniuriam, vno quidem, quòd destituerit solum, altero, quòd duos fecerit, qui erat ante vnus: enimuero duo necesse est, vno præstet. Porro aperte imperata facit morbi, deserto Medico æger, vbi cum ei interdicit Medicus frigida potione, ille à febris ardore adducitur, vt istud committat; itidem si lauet, aut vinum bibat, aut eiusmodi aliud; à quibus abstinere eum volebat Medicus. Næ morbum ille scilicet augebit, faciundis ijs, quæ illi placent: atq; Medicum prodet, faciundo quæ non vult. Multa alia de erroribus in agro commissis habet Galenus cap. cit. 11. lib. 1. de Dieb. Decret. ex quo sequentia deduco. Itaq; morbi, qui prorsus sine periculo sunt, ob delicta diuturni esse solent. Qui morbi incolumitatem pollicentur, non tamen sine periculosis symptomatis, ob errata lethales fiunt. Quin etiam illi morbi, qui omni periculo vacant, multis magnisq; deinceps erroribus commissis, in lethaliū naturam incidunt. Nec mirum esse puto. Cum enim in sanis delicta grandia morborum lethaliū causæ fiant, quid in ægrotis expectandum est?

Verùm, quod paulò ante cum Galeno de quadruplici causarum externarum genere ex dicto capite traduximus, breuiter notandum. Hæc igitur genera quatuor, inquit, quæ particulatim etiam multiplicia sunt &c. Vult enim dicere, Medicum esse multiplicem (idem de agro, & assidentibus, ac externis dicendum): & quidem ita res est. Nam multi reperiuntur ignari, qui ideò theoriam morbi cum ipsa curatione copulare nequeunt: Nonnulli Scientiam & Præcepta quæuis spernunt, seque multum præstare credunt, si posthabita omni ratione, soli incumbant praxi. Alij ex aduerso soli theoriæ operam nauant, parùm, aut nihil obseruantes in ijs, quæ sanam-

*Æger
morbo fa-
uens, &
Medici
imperium
respuens,
sibi met no-
cet.*

*Varietas
Medico-
rum.*

inte-

integramq; praxim contingunt, perficiuntque. Multi verò, vel leuissimè prælibârunt quippiam in Theoria & Praxi. Nonnulli medicamentorum fatraginem inerudita Methodo, Pharmacopolarum ritu, præscribere solent. Quidam denuò docti inueniuntur, & in Praxi celebranda valdè Methodici. Sed horum est minor numerus. Vnde non mirandum, si indocti, inexperti, audaces, impudentesque, qui non re, sed nomine Doctores nuncupantur, mille committant errores inter medendum, vt qui quadam imbuti inerudita medendi consuetudine, negligenter intacta omittunt, quæ toties Hippocrates, & Galenus obseruanda commendant, Sexum, Naturam, Ætatem, Consuetudinem, Anni tempus, Cæli statum, loci situm, & Regionem. Inter ægros pariter pauci inueniuntur benè morigerati, & Medico integrè obtemperantes: Sed multi suo prauo indulgentes genio. De assidentibus non est quod loquar, cum hi maiori ex parte sint parùm officiosi, & ad integrum ministerium minimè prohi. Externi denuò casus innumeri sunt. Quare raræ contingunt Crises, & siquæ superueniunt, imperfectæ vtplurimùm visuntur propter errorum cumulum in qualibet classe dictarum quatuor causarum coaceruatum. Sed hæc de externis causis, quæ Crisim impediunt, aut naturæ ordinatos motus interturbant.

*Accessio
est causa
internæ
pugnæ na-
turæ indi-
cens.*

Modò exponendæ sunt internæ causæ interruptionis Criseos, quæ vnâ cum dictis propositæ sunt à Galeno, lib. 3. de Diebus Decret, cap. 8. vbi solemniter de accessionibus loquitur: Cæterum (inquit) accessio vnum est de numero eorum, quæ naturam stimulant, & veluti prouocant, eam nec consistere, nec conquiescere permit- tens, verùm concitans irritansque, &, quasi dixeris, pugnam indi- cens. Vnde in acutis morbis diebus imparibus Crisis. In his etenim accessiones sunt. Quæ igitur causa sit, quamobrem in acutis tertio quoq; die, vtplurimùm fiant accessiones, in diuturnis autem, vel quotidie, vel quarto quoque, neque inuenire facile est, neq; necessarium in præsentia disquirere. Quod verò ita eueniat, perspicitur. Si enim eo, quo & deprehenduntur, ordine ipsos collocauerimus, secunda ab initio accessio in tertium diem recidet: Tertia accessio ad quintum diem: quarta accessio ad septimum diem: quinta ad nonum; omnes accessiones in imparibus. Cum ergo Natura non semper rato, & stato tempore insurgat, morbosque iudi-

cet,

cet, sed concitata plerumq; aliàs ab alijs causis, à quibus, in acutis morbis, accessio maximè cōtinua efficitur (ostensum verò est, ipsam in impares incidere) meritò in imparibus diebus permultæ Crises acutorum morborum cōtingunt; non quòd hi dies primariam vim decernendi habeant (semper enim hùc oportet animum adhibere) sed per accidens quoddam sic euenit. Prædictum verò, opinor, iam est manifestò illud accidens. Nam quia in morborum accessionibus Crises vt plurimum fiunt, hæ autem in impares dies incidunt; ideo in acutis morbis in imparibus diebus Crises eueniunt.

Cur diebus imparibus fiunt Crises.

Post hæc, Galenus docet, numerum impari non habere decernendi facultatem, alioquin diebus paribus nunquam Crisis contingeret. Motui autem Lunæ omnem vim decernendi tribuit Galenus. Ideòq; in septimanis magnas mutationes causari ait: post deinde in quaternionibus exiguis fieri docet mutationes. Ad hæc etiam, inquit, Crisim accessione vt plurimum indigere, ad hoc vt fiat; Item accessiones tertio quoque die in acutis fieri. His etenim positis, acutos morbos in imparibus diebus potissimum iudicari erit necesse. Propter hanc igitur causam, tertius, & quintus, meritò decernunt, non quòd ex Lunari circuitu decernendi vim & facultatem sortiantur, sed quòd vel tertius dies accessionis violentia Crisim quarto die futuram præuertat; vel profectò, quòd dum natura quarto die lassæ, nec vsquam concitata conquiescit, quinto tandem ad Crisim commouetur. Nam ipse quintus vero decretorio (id est quarto) tardiùs iudicare, tertius verò paulò magis anticipare deprehenditur. Ambo autem idcirco vim iudicandi habuisse, quòd cum sint vero decretorio vicini, accessiones eius ipsi exceperunt. Iam verò & nonus etiam in medio duorum decretoriorum, septimi dico, & vndecimi, collocatus, vel non factam iam septimo Crisim, vel in vndecimo futuram sibi vindicat, sed rariùs quidem septimi, frequenter verò vndecimi. Etenim peculiaris & propria septimi diei Crisis nunquam ad nonum, nisi fortè multi errores commissi sint, perueniet. Hoc autem ipsum in Commentarijs de Crisibus demonstrabitur. At vndecimi diei Crisis contra se habet: ipso enim eodem vndecimo fit Crisis, etiam cum omnia ritè facta fuerint, & violenta noni diei fuerit accessio. Porro verò quòd eiusmodi dies propter vehementissimas accessiones intercidant, euidenti demonstratione hinc colligas, quòd in productis prolonga-

Numerus non indicat, sed Luna ex Galeno.

Cur diebus Coincidentibus non raro Crises eueniunt.

*In longis
morbis ac-
cessionum
vehemen-
tia hebetat-
ur, adeoq;
interciden-
tium vis
Criticæ
corrumpit.*

*Accessio
in peracu-
tis, singulis
diebus Cri-
sim efficit.*

*Synocha
febris uni-
ca constat
accessione
à principio
ad finem.*

*Hemitriti-
cus est
peracutus
morbus.*

*Cur die
sexto Cri-
sis sit.*

tisque morbis non similiter eueniat. Nam in productis, siue diu-
turnis, vt accessionum vehementia soluitur, & languescit, ita &
dierum quoque coincidentium numerus, in illis exoluitur. Adcò
autem violenti quid habet ad Crisim accessionis vehementia, vt
omnibus ferè diebus peracutos morbos indicatos esse videre liceat.
Vltimus enim ipsorum dies decernere natus, septimus existit: & an-
te hunc non quartus modò, sed etiam tertius, quintus, & sextus,
Crises aliquando excipiunt. Quin, & de primo, an decerneret, in-
ter Medicos, vt dicebatur, quæsitum est. Reliquus itaq; secundus
ab ordine decretorio indubiè elapsus est: Sit autem, si vis, elapsus
& primus. At tertius, quartus, quintus, sextus, septimus, omnes
decernunt. A omnes dies post morbi principium in peracutis,
propter accessionum vehementiam decernere videntur. Ergo sex-
tus etiam, etsi nec inter decretorios, qui circuitu (siue certa perio-
do) constant, nec impari numero ascribatur, tamen & ipse persæpè
decernit; quoniam intra peracutorum terminum continetur. Vni-
uersi autem tales morbi alterum è duobus habent, aut Synochon,
id est, continentem febrem (ita enim eà appellant, quæ à primo in-
sultu & inuasiõne eundem tenorem sine manifesta declinatione, ad
Crisim vsque, vt dictum est, seruat); vel febrem aliam, quæ etsi
manifestas habeat declinationes, & accessiones, non tamen tertio
quoq; die manifestas tantum habet, verum in ipsorum quoque
dierum medijs, siue interpositis diebus, qualis est hemitriticus, id
est, semitertiana. Proinde prima peracutorum morborum diffe-
rentia, velut vna quædam est accessio. Quamobrem nihil, quan-
tum ad accessionem pertinet, impares paribus præstabunt, cum fe-
bris singulis diebus æqualis existat. Secunda verò, quæ modò di-
cta est, peracutorum differentia, etsi tertio quoque die magnas
habeat accessiones, & veluti principia circuituum, tum qui inter-
medius dies est, tum & ipse plerumq; (de peracutis, inquam, lo-
quor) adfert paroxysmum, vt etiam magnis aliorum quorundam
morborum accessionibus nihilo sit inferior. Cum igitur morbus
ad septimum, v. g. diem ruit, eòq; cursum suum destinat, & pro sui
ratione in eodem iudicari debet; mediæ verò accessionis (de acces-
sione quæ die intermedio infestat, loquitur) magnitudo, naturam
ad Crisim ante suum tempus venire, siue insurgere, compellit, vel
etiam quippiam eorum, quæ extrinsecus adueniunt, ipsam irritat:

Sic

Sic vtrique Crisis sexto die prærupet: Sed hæc profectò tanto peior est eâ, quæ in septimo futura erat, quò magis ipsam præuertit. Pessimam verò etiam est sexti diei Crisis, sed alia quapiam ratione, quam nos pluribus in libris de Crisibus persequemur. Nam illius Operis proprium est bonas Crises à malis interstinguere. Hic tantùm de Diebus Decretorijs tractare consilium est. Sed quoniam constitui semel de sexto die omnia percurrere, hoc quoque adhuc summam adiungam. Quidam morbi inuadunt secundum diem primo grauiorem habentes, quartum tertio, & totas siue vniuersas accessiones in diebus paribus: qui longorum quidem morborum naturam sapiunt, vt in Commentarijs de Crisibus demonstrabitur: iudicium tamen præuertunt, vt acuti, propter accessionis vehementiam. Hi etiam secundo die interficiunt, & quarto, sed sexto plurimos: Etenim in secundo die natura quodammodo valida adhuc est: item in quarto valida adhuc magis, quàm in sexto, sed nòdum incertamen venire audet: At in sexto accessionis vehementia frequenter eam ad certationem prouocat. Quare alterum è duobus naturâ sustinet: vel in ea concidit, & prius quàm, quæ offendunt, excreuerit, extinguitur: vel plurimum ex eis (humoribus scilicet superfluis) propulsat, reliquum verò adhuc non potest, verùm imbecilla, & defatigata prorsus cadit, & languida iacet. Deinde, si quo modo postero tempore recreari, ac refici potuerit, paulatim morbum concoquit: quòd si morbi reliquæ eiusdem naturæ robore maiores sint, tamdiu æger superuiuet, quamdiu naturâ adhuc sufficere potest: morietur tamen postea. Iam verò de diebus Coincidentibus abundè dictum est. Hactenùs Galenus.

Præclarè, vt solet, Galenus hoc Capite 8. libri 3. de Dieb. Decretor. dierum coincidentium, siue intercidentium, vt cum vulgo loquar, naturam enucleauit, pulchrèq; irritamentum naturæ ab accessionibus, siue exacervationibus illatum, explicauit. Licet autem textus per se clarus sit, clariora tamen reddemus nonnulla, quæ aliquam alicui parerent difficultatem. Dixit Galenus, accessionem esse vnam causarum, quæ præcocem excitat Crisim diebus Coincidentibus. Sciendum ergo, quid accessio? Galenus libro 1. Aphorism. Comment. 12. eam, vt sequitur, describit: Per accessionem autem te oportet nunc intelligere deterius tempus totius circuitus, quod est à primo insultu, vsq; ad tempus consistendi, siue status;

Accessiones paribus diebus adueniunt.

Secundo, & sexto die multi moriuntur.

Modus dignoscendi an æger morietur, necne.

Accessio, siue paroxysmus quid.

sicuti reliquum tempus declinationis melius. Est igitur, vt ex hac Galeni doctrina colligitur, Accessio, morbi exacerbatio, quæ quidem quatuor constat temporibus partibusue, principio, augmento, statu, & declinatione, non secus ac ipsi morbi: quod Galenus subinnuit docens, accessionem comprehendere vigorem, & quandam declinationem. Dixit præterea Galenus, accessionem esse partem circuitûs, quod quidem verum est; quoniam est illa pars, quâ de nouo morbus infestat. Eodem Commentario Galenus circuitum ex Hippocrate hac serie describit: Quod autem circuitum (Græcè periodum) vocet similem ad idem reditum, neminem puto dubitare. Libro de totius morbi temporib. cap. 8. & ultimo; circuitum in accessionem & remissionem diuidit. Remissio enim est secunda pars circuitûs, qua non amplius vexatur ager, vt in accessione ficit. Libro de Typis cap. 2. Typum, & circuitum; vt sequitur, describit: Typus est ordo intensiõnum & remissionum: Periodus, seu circuitus est tempus intensiõnum & remissionum in morbis factum. Accessio causam habet; humorem intus latentem, & infestantem naturam, sua quantitate, aut qualitate, aut quantitate, & qualitate simul; qui deò eandem naturam, si valida fuerit, ad sui expulsionem prouocat. Si natura succumbit, et si cœcis stimuletur, insurgere nequit ad excludendum id, quod eam molestat. Accessiones quibusdam in morbis non apparent; cuius naturæ sunt Atrophia, id est nutrimenti cessatio, resolutio siue Paralysis; Elephantiasis, & alij morbi his proportionem respondent. Accessiones & remissiones, infrequentius licet, habent multi morbi; maximè verò inflammationes, sed humores potissimum febres, exæptis, quæ Synochæ dicuntur, quæ vnica constant accessione. De febrium accessionibus solum in præsentiarum nobiscum Galeno agendum.

Crises in contextu, diebus imparibus Coincidentibus erumpere docuit Galenus; quia in morbis acutis accessiones diebus imparibus superueniunt. Sed quoniam diebus paribus, vt sexto, & octauo, quos inter coincidentes collocauit Galenus, accessiones siue perturbationes, & Crises fieri solent, aliam addit rationem, cur diebus coincidentibus Crises superueniunt; estque hæc, quia coincidentes Diebus verè Criticis vicini sunt. Crises etiam diebus imparibus fieri docuit Hippocrates libro 4. de Morbis. Sed libro 1.

de Morbis Popularibus, siue Vulgaribus, siue Epidemicis Sect. 3.
 Crises diebus paribus, a quæ, ac in imparibus fieri monuit, & quidem tempore accessionum, vt ex his eius verbis apud Galenum liquiddò constat: Quæ diebus paribus accedunt, paribus iudicantur: quorum verò sunt in imparibus accessiones, imparibus iudicantur. Alia versio, hac multò melior, vtpotè textui Græco magis conformis, extat, vt sequitur, in Operibus Hippocratis: Quæ diebus paribus inuasiones siue exacerbationes habent, ea diebus paribus iudicantur: quorum verò accessiones imparibus diebus fiunt, ea imparibus iudicantur. Galenus in Commentario ait: Sæpiùs diximus, fieri in accessionibus iudicia, tum quòd in ijs (accessionibus scilicet) humores vehementer moueantur, & veluti ebullientes erumpant sanguinis eruptione, siue hæmorrhagiâ, vel sudoribus, vel vomitibus, vel deiectionibus, vel hæmorrhoidibus, vel menstrui mulieribus: tum propterea, quòd id temporis ad excernenda illa (id est superflua) impellatur natura: simul, quòd grauata est, & afflcta, ad excernendum irritetur: simul, quòd illis magis fufis (siue attenuatis) & discretio noxiorum humorum promptior, & iudicium fiat procliuius. His satis exposuit Galenus rationes, propter quas Crisis in accessionibus contingit. Sed cur diebus imparibus fiant accessiones & Crises, non dixit, tribuens vim omnem Criticam Lunari motui. Ad Hippocratem ergo recurrendum, qui huius doctrinæ causam refert libro 4. de Morbis, hac serie: Imparibus autem diebus illam ob causam febris dimittit, quòd paribus diebus corpus ex ventriculo attrahit, imparibus verò dimittit. Ventriculus autem in homine sano foras transulittit. Ac propterea necessario diebus imparibus morbi iudicantur, istâq; ratione cum quis febre detinetur, sanus euadit. Istamque ob causam agrotos assero diebus imparibus maximè affligi, idq; ex ratione quadam. Conturbatur equidem homo cum febricitat, istiusq; rei indicium est horror, qui subinde per totum corpus impetu quodam fertur. Quod sanè minimè contingeret, nisi humor conturbaretur, & ab ipso copiosior, aut parcius secerneretur, & alius alium superaret. Maximè verò etiam conturbatur diebus imparibus cum agrotat, tuncq; horror præcipuè contingit. Hippocrates naturæ regulares circuitus tempore incolumitatis diligenter obseruans, rem deinceps statui agro adaptat. Statuit ergo, in statu sano assumpta alimenta.

Crises paribus, & imparibus diebus fiunt.

Accessio, & natura sunt Crisis causa.

Cur diebus imparibus Crises, & Accessiones superant iuxta Hippocratis doctrinam. Horroris causa.

toto die in ventre contineri, ibidemq; concoqui, primò scilicet in ventriculo, in quo chylus generatur: secundò in hepate, in quo sanguinis massa conficitur. Die verò sequenti, quæ est secunda, digeritur, siue distribuitur per corpus vniuersum, & quatuor fontes nominatos (Cerebrum, pituitæ fontem; Cor, sanguinis; Folliculum fellis, bilis; Lienem, aquæ, dicto in libro constituit; sicuti quatuor humores, sanguinem, pituitam, bilem, & aquam, omissa melancholiâ) quidquid vtile in ingestis cibus erat: quod verò crassum, & inutile supererat, eodem secundo die per secessum deturbatur.

Quatuor
fontes, &
quatuor
humores
ex Hippo-
crate.

Alimentum
primo die
coquitur:
secundò ad
partes al-
bas trans-
mittitur:
cibus secun-
do die as-
sumptus
tertio ad
partes præ-
paratus
mittitur,
& tunc te-
nuia ex-
crementa
à partibus
propellit
ad ventri-
culum, &
vesicam.
Vnde ter-
tio die
accessio, &
Cr. ss.

Saliva
prepara-
tionem ali-
menti in-
ore, eiusq;
coctionem
in ventri-
culo inuat.

Cibus secundo die ingestus, similiter moram toto die in ventre contrahens, præparatur; & die sequenti, qui tertius est, in corpus vniuersum, & fontes secundum tenuiores, vtilioresque sui partes, euahitur. Humiditas cum hoc cibo, de nouo superueniens, humiditatem præexistentem in corporis partibus, quæ alimentum primo die præassumptum, & in corpus secundo die digestum, diluebat; & instar vehiculi ad partes omnes vehebat, veluti trudit, & in ventriculum ex corpore, & fontibus remeare cogit, & quidem tertio die: (quo tertio pari progressu cibus assumptus in ventre cōmoratur, & ex ventre postridiè, vt præcedentibus diebus fiebat, à corpore, & fontibus attrahitur, exclusis per podicem fæcibus: cibus hoc secundo die assumptus, tertio sequenti in corpus mittitur, indeque tenuia excrementa ad ventrem pellit): Hic ergo liquor aqueus, & partibus amplius inutilis, cum alimentum in iisdem in-erassetur, apponatur, hæreatque vt assimiletur, in ventriculum bona ex parte remeans, vnà cum crassis stercoribus per secessum protruditur. Secundum verò aliam sui partem humor ille serofus per vias vrinæ euacuatur. Humor autem aqueus in liene (qui ex fontibus vnus est) contentus, partim per ventrem, partim per vias vrinæ euacuatur: Bilis pariter portio è suo fonte abigitur, ad aluum, vt per eam excludatur: similiter ex Cerebro, quod pituitæ fontem esse dixit Author, liquor ille inutilis, vnà cum tenui quadam salua, per os, & nares, aut per alterutram viam ex parte euacuatur, & os ipsum ac amygdalas irrorat; quandoque totus ferimè in ventriculum delabitur, vt vnà cum reliquis alui excrementis propellatur: imò portio quadam tenuis residui alimenti in tertiâ coctione elaborati, præter aqueam serositatem, in ventriculum amandatur, vt ingerendorum mox alimentorum coctionem, præ-

parationemq; iuuat, non aliter, ac fermentum, massæ commixtum, panis absolutionem iuuat: Vacuus enim ventriculus ex corpore attrahit, sicut ex hoc vicissim corpus egestate laborans. Comptum enim cuius est, saluā, quæ tertie coctionis in cerebro factæ quædam est soboles, alimentis, quæ cum voluptate assumuntur, commisceri, & sine hac alimenta ab hominibus nō desiderari appetiue.

Hic est ordo, qui à natura in statu salubri obseruatur circa ingesta alimenta, & potulenta. Si ergo alimenta, & potulenta irregulariter ingerantur, in tertia coctione, si non in secunda, multum inutilis & superflui liquoris procreabunt, qui non euacuatus febre accendit; & si tertio die, aut alijs imparibus à natura extra corpus euelletur, benè cum ægro agetur; secus autem si intus occlusus putredinem concipiet, & accendetur. Hanc verò ob causam Hippocrates rectè ea, quæ ex ipso antea transtulimus, pronunciauit, veluti ante illa, quæ sequuntur. Quæcūq; febris de corpore hominem corripuerit, necesse est tertia die humorem affligentem exire de corpore, aut in alio quopiā impari die, iuxta rationē antea relatam.

Hic obseruanda Hippocratis dictio: nam citato lib. 4. de morbis, absolute pronunciauit, Crises diebus imparibus, in quibus accessiones fieri consueuerunt, contingere. Libro tamen 1. Epidem. docuit, Crises diebus paribus, æquè ac imparibus, fieri.

Hæc apparens contradictio facile diluetur, si dixeris, Hippocratem lib. 4. de Morbis pronunciaſſe absolute id, quod ut plurimum, siue frequentissimè accidit. Crisim verò frequentius diebus imparibus, quàm paribus superuenire, nulli dubium est; maximè verò ubi febres continuæ sunt, in quibus tertio, & quinto die Crises frequentissimè fieri conspiciamus; die verò quarto rarissimè; ut videatur bis tantum Archigenes in toto tempore vitæ suæ Crisim quarto die obseruasse; Galenus vsq; ad horam, qua libros de Crisibus scribebat, semel tantum, ut ipse testatur libro 3. de Crisib. cap. 4. ubi sanè quarta die Crisim superuenire ijs, qui Synocho laborant, ingenuè fateretur. Peracutas enim febres, in Synochas, & continuas, quæ per tertium diem exacerbantur, ille diuisit capite iam cit. & cap. 8. libri 3. de Dieb. Decretor. Et Synocham quidem febrem, vnicam esse accessionem, loco ultimo citato docuit. Sed Synochi rarò eueniunt, ut ille loco iam citato de Crisibus monet. Cum ergo hæ sint febres peracutæ, in quibus circa primum circuitum Cri-

*Diebus
imparibus
fit euacua-
tio.*

Obiectio.

Solutio.

*In conti-
nuis febribus dic-
ta quarta bis
Crisis visa
fuit ab
Archige-
ne, semel à
Galeno.*

ses videntur, sed rarò in Syncho, frequentissimè in continua, quæ tertio quoq; exacerbatur, quæq; frequentissimè accidit, non malè Hippocrates, quasi absolute diebus imparibus Crisim fieri dixit, etsi quandoq; in paribus videatur; vt lib. 1. Epidem. docuit, & Galenus insinuat lib. 3. de Crisibus, cap. 4.

Galenus, vt vidimus, docuit, Crises fieri in accessionibus, quod intelligendum, vt plurimum, & frequenter: Nam die leniori, id est, quarta, in peracutis continuis, quæ tertio die exacerbantur, vidit ille semel, Archigenes bis, Crisim contigisse.

In Synocha febre Crisis fit.

Causa naturam ad euacuationem prouocantes.

Quod si denique Crisim febre Synochæ denegare quis veller, quod in hac accessiones non videantur, longè deciperetur. Quoniam, vt lib. 3. de Dieb. Decret. cap. 8. & alibi passim docuit Galenus, Synochi vnica constant accessione, & statum habent, siue vigorem valdè longum, vt cap. 4. lib. 3. de Crisib. & alibi ipse adhuc monuit. Ergo in ijs Crises fieri possunt, & quidem quarta die. Non enim à solis accessionibus intermittentibus natura concitatur ad exclusionem rei noxiæ, sed à morbi quandoq; vehementia, siue magnitudine, aut à malignitate, aut acrimonia, aut magna copia eiusdem rei noxiæ, siue causæ morbificæ, vt docuit Galenus lib. 3. de Dieb. Decret. cap. 8. Sufficit ergo sola morbi magnitudo, siue vehementia, aut causæ morbificæ malignitas, aut acrimonia, aut immodica copiâ, ad excitandam euacuationem, quam, si coctionis Signa non præcessere, timere debemus; quia, licet ea æger quodammodo subleuetur, ægro nocet, quod promiscuè bonus malusque succus euacuentur, & priuentur consequenter corporis partes congruo alimento, quo reficerentur. Ventriculus sanè al quo prauo humore infestatus, cogitur non solum hunc, sed viles simul, fursùm aut deorsùm eijcere; simile quid omnes corporis partes, prauis humoribus vexatæ, moliantur: bonum autem succum cum malo rejciunt. Si autem euacuationem præcedant coctionis Signa, certum erit, bonum succum ab inutili fuisse secretum. Talem ideo euacuationem facile fect æger; quia, præterquàm quod ab inutili sarcina fuerit liberatus, succo bono in corpore retento, vires recreantur, refocillanturque.

Huc vsq; cum Galeno asseruimus, diem tertium esse Criticum, modò ex Præceptoris monumentis quædam adferamus testimonia, præter ea, quæ ex libro 4. de Morbis paulò ante traduximus. Li-

bro 4. Aphorism. 36. sequentia scripsit: Sudores febricitanti si incaperint, boni tertio die, & quinto, & septimo, & nono, & vndecimo, & quartodecimo, & decimo septimo, & vigesimo primo, & vigesimo septimo, & trigesimo primo, & trigesimo quarto. Hi enim sudores iudicant morbos. Qui verò non ita fiunt, laborem significant, & morbi longitudinem, & recidivam. Galenus in Commentario hæc habet: Non sudores tantum, sed Alui deiectiones magnæ, & urinæ multæ, & iuxta aurem abscessus, vel aliquem alium articulum, in dictis optimè apparent. Notat insuper Galenus; Hippocratem loquutum tantum de diebus iudicatorijs, qui sunt infra quadragesimum; quia morbi ad quadragesimum diem; & ultra, protracti, adeoque longiores facti, non admodum solent per sudores iudicari, sicuti neq; omnino per excretiones; sed vel per concoctionem, vel per abscessus. Si denique, inquit Galenus, fuit Hippocrates, qui diem quartum (quem primum decretorium diem Gal. appellat) præterijt, hanc ob causam existimo illud fecisse; quoniam morbi plurimi peracuti, qui cum sudore indicantur, tertio, & quinto die magis, quam quarto, iudicium suscipiunt. Rariores enim sunt, qui die quarto iudicantur: & hoc à me fuit inventum per experientiam; ob hoc ipsum plurimum querente; quoniam dies quartus fuerat ab Hippocrate in aphorismo prætermissus. Hoc autem videtur accidere, quoniam morbi peracuti primam accessionem vehementissimam habent, & ipsi proportionalem diem tertium. Didicimus autem; quod in vehementioribus accessionibus iudicia fiunt, & quod morbi, qui in diebus imparibus accessionem habent, citius iudicantur; qui paribus, tardant.

Boni sudores quibus diebus fiunt.

Ultra quadragesimum rara est Critica evacuatio.

Libro 1. Epidem. Sect. 3. pares, imparesque dies Criticos sequenti serie proponit: Est autem primus decretorius circuituum, qui diebus paribus iudicant, quartus, sextus, octavus, decimus, decimus & quartus, vigesimus octavus, trigesimus, quadragesimus, octavus, sexagesimus, octogesima, & centesimus. Circuituum verò, qui iudicant imparibus diebus, primus, tertius, quintus, septimus, nonus, undecimus, septimus decimus, vigesimus primus, & vigesimus septimus, & trigesimus primus. Porro sciendum est, ut si aliter iudicentur extra hos præscriptos, significant recidivas fore, fiantque perniciales. Insuper est animadvertendum, & cognoscendum, quæ sint his temporibus futura iudicia ad salutem,

Dies Critici tam pares, quam impares.

*Febres inter-
mittentes Critice
quòdoque
soluuntur.*

vel ad perniciem; aut momenta ad melius, vel peius. Præterea errantes febres, quartanæ, quintanæ, septimanæ, & nonanæ, quibus iudicentur circuitibus, considerandum. In quibusdam Exemplaribus inquit Galenus, post sextum scriptus est decimusquartus, deinde vigesimus: in aliquibus post hunc vigesimusquartus: in nonnullis trigessimusquartus, ab hoc quadragesimus, sub quem sexagesimus, octogesima, centesima. Galenus in Commentario docet, impares dies rectè recenseri, pares verò nequaquam, quia vigesimoseptimus, & decimus, nequaquam decretorij sunt. Pythion tamen apud Hippocratem in principio libri 3. Epidem. dicitur iudicari die decimo.

Ceterum plures Crises tertio die fieri habetur lib. 4. Epidem. frequentius tamen egros tertio die mori, quàm liberari docuit. Tymachares lib. 5. Epidem. iudicari dicitur. Tertio è contra die periit Crito, ut habetur lib. 1. Epidem. Sect. 3. veluti famula Onesidemi, ut habetur lib. 5. Epid. Harpalus etiam, ut habetur lib. 7. Epidem.

Ad prædicendum utile erit animum adhibere ad ea, quæ habet Galenus lib. 1. Epidem. Comment. 3. tex. 18. in historia Philisci. In Philisco verò, inquit, Signum accidit lethale, quòd ad sudorem non discutientem febrem, tertio die nigræ urinae, & sitis accesserint, linguaq; insuper inaruerit, & implacidus fuerit tota nocte, vigilauerit, delirauerit. Hæc cum ita essent facta, quarto ait die exacerbata fuisse, & urinas iterum nigras fuisse. Quare fac memineris, ubi quartus, perinde, ut tertius, grauia habeat symptomata, & Signa in morbo acuto, breui expectandum iudicium esse: si paribus diebus inuadebat, potius in paribus: si verò imparibus, in his. Atque, ubi iudicium, illic scilicet & mors, in morbis quidem exitalibus. Et verò ad sextum diem Philiscus periit, quòd accessiones paribus diebus haberet.

Docet autem Galenus, obseruanda esse symptomata, quæ tertio die, & quarto superueniunt; quæ si grauia fuerint, timendum: si bona, benè sperandum. Ceterum his ambobus diebus melius est à magnis abstinere remedijs, quàm eadem celebrare: ut indicauit Hippocrates libro de Fracturis Sect. 3. tex. 33. ubi fractum membrum extendendum, & ligandum primo die iubet: Tertio autem, & quarto die ab omni arcta ligatura, alioque vexante remedio, abstinentum. In vniuersum, inquit, enim omnia vulnera tertio, &

quarto

*Philiscus
sudores frigidus,
& stilla sanguinis
habuit, vcl
extremorum
frigidaatem.*

quarto die minimè vexanda sunt, omnisque opera scalpelli fugienda est his diebus, omniaque alia, quibus vulnera irritantur. In summâ enim vulnera plerâq; tertio, aut quarto die recrudescunt, tum quæ ad inflammationem & sordes tendunt: aut febrem inferunt: quo præcepto nullum aliud tradi potest utilius. Nam quæ sunt in medendi arte grauissima, quibus id non sit commune?

Non enim pertinet ad vlcera tantum, sed ad alios quoq; morbos quàmplures, Libro de Articulis Sect. 4. tex. 32. consimilem scripsit doctrinam. Eodem autem die, inquit, restituendi sunt (articuli scilicet dislocati) vel certè posteriori, tertio, aut quarto minimè; siquidem quarto die malum recrudescere maximè videmus. Vbi ergo non protinùs recondantur, his diebus supersedendum est.

Propter tertium ergo, & quartum diem, in quibus ab irritantibus quibusuis remedijs abstinendum, remedia magna duobus primis diebus adhibenda esse docet Hippocrates Aphorismo 29. lib.

2. Cum morbi inchoant, si quid mouendum videtur, moue: cum verò consistunt, ac vigent, melius est quietem habere. Et aphor.

10. lib. 4. Purgandum in valdè acutis, si materia turget, eadem

die: tardare enim in talibus malum est. Aphorismo 24. libri 1. ab his non recedit: In acutis morbis rarò & in principijs, medicamentis purgantibus vti decet; & hoc cum præmeditatione faciendum. Hæc Diei tertij occasione dixi: Nam in acutis, primis duobus diebus magna remedia celebrari debent, diebus tertio, & quarto, in quibus non rarò morbi recrudescunt, quies habenda. Si hoc in dislocationibus articulorum, & fracturis, ac vulneribus obseruandum præscribit Hippocrates, multò sanè magis in acutis obseruari debet, vt ipse innuit, dum ait: Sed ad alios quoq; morbos còplures.

Hæc Diei tertij occasione dixi: Nam in acutis, primis duobus diebus magna remedia celebrari debent, diebus tertio, & quarto, in quibus non rarò morbi recrudescunt, quies habenda. Si hoc in dislocationibus articulorum, & fracturis, ac vulneribus obseruandum præscribit Hippocrates, multò sanè magis in acutis obseruari debet, vt ipse innuit, dum ait: Sed ad alios quoq; morbos còplures.

De Die Quarto.

Galenus Commentario citati textûs 14. lib. 1. Epidem. in quo pares, iuxta & impares dies decretorios recensuit, sequentia scripsit: Ostendimus verò in lucubrationibus de Diebus Decretorijs, omnium esse decretoriorum dierum validissimos, qui quaterno, aut septeno circuitu fiunt: Moderatiores his esse, qui intercalantur. De his vltimis nos occasione tertij diei, abundè egimus: nunc verò occasione quarti de quaternionibus, & septenarijs.

Die tertius, & quartus Critici sunt: & diebus imparibus humores còturbantur, etiam in ulceribus, ex lib. 4. de morbis.

Die 1. & 2. morbi euacuandum: & aliud quodque opus celebrandum.

*Dies in
decretorio-
s, & non
decretorios
diuiditur.*

Secundum Galeni doctrinam dies in vniuersum diuidere possumus in decretorios, & non decretorios. Non decretorios vocat lib. 1. de Dieb. Decret. cap. 4. dies illos, qui nullam decernendi siue iudicandi notam habent. Hos non decretorios, aliqui appellant vacuos; quia carent omni decernendi virtute, quâ septenarij, indices, & intercidentes pollent: Medicinales præterea, quia in his purgare corpus absque periculo licet, dummodò omnia ad purgandum prærequisita appareant; vt coctionis Signa, virium robur, & reliqua. Hos dies vult Laurentius esse sextum, octauum, decimum, duodecimum, decimumoctauum. Sed contra Galeni mentem, qui capite 4. citato libri 1. de Dieb. Decret. diem sextum, medium inter septimum, & dies non decretorios collocat: imò libro 1. de Dieb. Decret. cap. 5. diem sextum, & septimum, à quarto indicari docet. Præterea, vt vidimus in die tertio, idem Galenus sextum inter coincidentes decretorios reposuit. Denuò si decimum, qui vndecimo præest, & sextum, qui septimo, vacuos, & Medicinales, nominat, cur non decimumtertium, decimumsextum, & decimumnonum?

*Laurentius
notatur.*

*Dies decretorios
in tres
classes di-
uiditur.*

*Septimus
dignus om-
nium for-
tissimus.*

*Quartus
dies Criti-
cus est, &
index se-
ptimi.*

*Vndeci-
mus Criti-
cus, & in-
dex deci-
mi quarti.*

*Decimus-
septimus
Criticus,
& vigesi-
mi index.*

*9. 5. & 3.
ac 6. soli
Coinciden-
tes Galeno
dicuntur.
Decimi-
terij vis.*

Dies decretorios, siue hos, in quibus morbi iudicantur, vt in die tertio diximus, diuisit Galenus in tres classes, septenarios scilicet, quaternarios, & coincidentes; quos epilogicè cap. 8. lib. 2. de Dieb. Decret. hac serie enarrat: Quin magis ad dictorum coherentiam denuò reuertor, prius vniuersis, quæ prædiximus, in summam vnâ redactis. Decretorius itaque fortissimus omnium, est dies septimus; prænunciat eum dies quartus, hæc duo habens; vt decretorius minor sit, & septimi index. Deinde vndecimus, & decimusquartus eandem proportionem, & naturam, ad inuicem conseruant, quam cum septimo quartus. Deinde frequenter quidem decimusseptimus ad vigesimum, rarò autem decimusoctauus, ad vigesimumprimum eandem rationem habet, quam cum septimo quartus, & vndecimus cum decimoquarto. Hi ergo, vt Hippocrates dixit in Prognosticis, per quatuor aucti ad viginti perueniunt. Coincidunt eis nonus, quintus, & tertius. Plurimos quidem nonus iudicat: secundam vim obtinet quintus: & post hunc tertius. De sexto prius diximus, vt malo decretorio. Decimus tertius certè omnium decretoriorum imbecillimus: omnium verò, qui non decernunt, fortissimus, tanquam in medio quodam vtrorumque

virtutis situs. Cum vehementissima itaque pugna sunt Crises, sicuti etiam antea diximus, quæ usque ad diem decimumquartum veniunt, cum minori, quæ ad vigesimum usque pertingunt. Inde usque ad quadragesimum adhuc etiam magis earum vehementia exoluitur: ab illo autem die perfectè exoluta redditur dicta vehementia. Codex Basilienfis, quàm Venetus, clariùs vltimas lineas retulit, vt sequitur: vehementissimæ itaque sunt Crises, sicut etiam antea diximus, quæ usque ad diem decimumquartum veniunt: minùs ijs, quæ ad vigesimum usque pertingunt: inde ad quadragesimum productæ, adhuc etiam minùs vehementes euadunt: in illo autem perfectè soluuntur.

Crises procedent morbo languescunt.

Præclarè & distinctè, suo more, Galenus tres ordines dierum decretoriorum proposuit: Decretorios videlicet maiores, minores, & Prouocatorios, siue Coincidentes dictos. Hos tamen vltimos, neque hoc capite octauo, neque capite 6. præfati libri 2. de Dieb. Decret. propriè decretorios appellat, sed vtroque Coincidentes. Verè ergo decretorios in duas classes distribuens, primos, appellat maiores decretorios; secundos, minores decretorios. Dies decretorij maiores sunt illi, in quibus frequentissimæ, & perfectissimæ (sicuti etiam malæ) Crises visæ sunt: cuiusmodi sunt septimus dies, decimusquartus, & vigesimus, qui principes, & dignitate primi inter decretorios idè censentur. Decretorij minores dicuntur illi, in quibus minùs frequenter Crises contingunt. Huius naturæ est quartus cuius dies, principem decretorium antecedens: vt quartus in prima septimana, quartus in secunda septimana, & quartus in tertia septimana. Quartus in prima septimana est omnibus notus: quartus in secunda septimana est ille, qui communiter vndecimus morbi dies nuncupatur: quartus in tertia septimana est ille, qui decimusseptimus morbi dies vocatur. Hi tres dies, sicuti tres principes, à Luna suam decernendi virtutem, in Galeni doctrina, suscipiunt, multò tamen minorem, quàm principes; quoniam hi Lunæ quadris, in quibus notabiles fiunt mutationes, correspondere videntur; quartus verò dies, quia in septimanæ medio suum obtinet locum, non nisi mediocrem à Luna acquisiuit virtutem.

Dies Decretorij maiores, & minores.

Dies Decretorij suâ à Luna accipiunt virtutem.

Quartus dies cuiusvis septimanæ, præter Criticam siue decretoriam, quam possidet, virtutem, alio in ægris fungitur officio. Nam futurum morbi euentum die septimo (ni præpediat eundem euen-

Dies index, & cōtēplabilis.

tum error aliquis, die septimo, aut antecedentibus, commissus) nobis præindicat: vnde dies Index dicitur: diciturq; Contemplabilis; quia diligenter contemplando cuncta Signa in morbo apparentia die quarto, Crisim futuram iri, aut non futuram die septimo, pronuntiare poterimus. Si autem in vrinis acutè febricitantium nullum appareat coctionis Signum quarta die, nullumq; prauum superuenerit Signum, constanter Medicus prædicere potest, nullam die septimo fore Crisim, sed morbum futurum longiorem, dummodò non fuerit morbus perperacutus, siue extremè peracutus. qui primo circuitu, siue primis quatuor diebus, aut circiter, terminari consuevit; cuius naturæ sunt Tetanus, Apoplexia, Cholera Morbus, Cerebri Sphacelon, Angina, Pestis, Conuoluulus. Præterea obseruando ea, quæ quandoque die quarto contingunt, Crisim die septimo futuram indubiè prædicere valemus. Nam si Signa coctionis in vrinis v.g. apparuerint die quarta, bona Crisim die septimo expectanda, vt testatur Hippocrates lib. 4. Aphorism. 71. Quibus septimo die fit Crisim, ijs nubecula rubra quarto die in vrina, apparet, & alia ex ratione. In Commentario Galenus aduersatur quibusdam Interpretibus, qui asseriebant, vltima illa Aphorismi verba, & alia ex ratione, intelligenda esse de alijs bonis Signis, quæ vnà cum vrinâ bona adesse possunt, quæq; vnà cum bona vrina firmam Crisim die septimo fore spondent: cuiusmodi sunt somnus mediocris, & suavis, libera respiratio, naturalis in lecto accubitus, vultus serenus, & reliquæ, de quibus Hippocrates in Prognostico. Hanc interpretationem rejicit Galenus; quia ægri magna ex parte vigilant, & grauiter se habent, ac feбриunt vehemètiùs, quanto magis iudicatio appropinquat. Plures verò eorum propè iudicationem spirant difficulter. Non igitur Signum quod ex vrinis apparet talibus indiget casibus siue symptomatibus, ad firmiorem futuræ iudicationis spem, sed multis alijs, quæ frequentius, quàm istud ex vrina desumptum Signum, apparent. Vult ergo Hippocrates, inquit Galenus, vnà cum Signo bono in vrina, alia ex ratione intelligamus, quæcunque futuras iudicationes siue Crises ostendunt. Sunt autem hæc, quæ in diebus ab ipso vocatis indicibus, & contemplabilibus fieri consueuere, vel in vrinis, vel in excrementis alui inferioris, vel sputis. Seniper enim omnia talia iudicationes significant, non tamen bonas semper. Solis enim coctionis Si-

gnis, in diebus contemplabilibus, apparentibus, bonæ futuræ iudicationes indicantur. Præter hæc, docet Galenus, nubem albam in vrinis quarto die apparentem, multò magis futuram Crisim significare, quàm significet nubes rubra, eodem die quarto apparentis, & antea non visa: multò adhuc melius futuram Crisim bonam prænunciat, suspensum album, æquale, atque consistens, quàm nubes alba. Et bona prædictio completa erit, si vrina, quæ tenuis erat, mediocriter crassa efficiatur, & quæ alba fuit, pallida reddatur. Rubæ verò nubeculæ, de quibus loquutus est Hippocrates, rarò fiunt, & color rubeus, tam in vrina, quàm in sedimento apparens, etsi salubre signum sit, morbi tamen diuturnitatem significat, teste Hippocrate in Prognostico, vbi de subrubeo vrinæ, & sedimenti colore agit.

Sola cognitionis Signa diebus indicibus apparentia bona Crisim futura indicant.

Proponitur à Galeno in Commentario dubium, vtrum vrina in alio die indice apparens, cum nube rubea, vt loquutus est Hippocrates, Crisim futuram significabit die proximè Critico, sicuti dies quartus, in quo incepit talis vrina apparere, Crisim die septimo futuram prænunciat. Dubij solutionem ex practica obseruatione potius, quàm rationibus petendam docet Galenus: Nam, inquit, quantum, ad rationes attinet, sunt ad vtrinq; partem argumenta, & magis ad alteram, quòd non significabit, nisi morbus valde vehementer moueatur. Nam, si quarto die fiat, æquale tempus prioris, id, quod sequetur, assumens, non est impossibile, vt iudicationem ostendat. In vndecimò autem apparens, non mihi admodum videtur tribus solis egere diebus, sed etiam pluribus. Verissimum siquidem est, colorem talem aliquid suffragari solutionibus. Ego quidem rarò Signum tale in alijs diebus vidi, præterquam in quarto. Cui igitur in septimo apparuit, hic quartodecimo fuit iudicatus: cui autem in quartodecimo, hic in vigesimo. Apparuit etiam cuidam alteri in vndecimo, qui in decimo septimo iudicatus est: rursus cuidam alij in eodem vndecimo, qui vigesimo die fuit iudicatus. Si verò vrinæ color die vndecimo fuerit factus melior, & alba apparuerit nubecula, decimoquarto Crisim fore non negat Galenus lib. I. de Dieb. Decret. cap. 7. vbi ait: Vndecimo verò die coloratiores simul vrinæ reddantur (quæ scilicet antea erant albicantes, aut aqueæ), & quasi albæ nubeculæ in ijs innatent, prius non visæ: hæc non mediocris spes est verè Medicis, morbum in decimo-

Dubium.

Solutio.

Nubecula rubra in vrina apparens die septimo, Crisim die 14. futuram iri significauit.

*Prior-
es Indi-
ces secu-
rius, quàm
posteriores
Crisim
præindi-
cant.
Post vige-
simū diem
Indices e-
uanescent.*

quarto discussum iri: euenit tamen subinde, solutionem in dierum quendam sequentium incidere. Galeni experientia nobis persuadet, dies indices posteriores suam indicandi virtutem paulatim amittere; sicuti dies indicati siue Radicales, & Principes dicti, in quibus frequentissimè Crises fieri solent, pariter amittunt. Vt ergo dies septimus maiorem habet decernendi vim, quàm decimusquartus, ita dies quartus morbi, qui est septimi index, fortior est die morbi vndecimo, qui est decimiquarti index. Et sicuti decimusquartus fortior est vigesimo, ita vndecimus, qui est decimiquarti index, fortior est decimoseptimo, qui est index vigesimi. Post vigesimum diem, indices videntur suam amittere indicandi virtutem. Decrementum virtutis Criticæ dierum Radicalium, simulq; virtutis indicandi dierum indicum, enunciat Galenus lib. 1. de Crisibus cap. 18. vbi hæc habet: Age iam hoc die (id est; decimoseptimo) supponamus expuere pauca quidem, sed cocta; huic in die vigesimo possibile est aliquam aduenire Crisim, non tamen perfectam, ob talem causam, quoniam non eandem vim habent, neq; inter indices primi cum posterioribus, neq; primi decretorij dies cum vltimis decretorijs: at valentiores quidem primi sunt, in longum autem iam protracta ægritudine, imbecilliores redduntur.

*Quartus
id, quod se-
ptimo die
futurum est
prænuñciat.*

*Quartus
sexto in-
dex.*

Quod futurum euentum, bonum, malumue, septimo die, quartus dies, instar speculatoris prænuñciat, multis in locis docet Galenus. Libro autem 1. de Dieb. Decret. cap. 4. loquendo de septimo, ait: Et vtplurimum quartus eum (id est septimum) prænuñciat. Nam, si vrinæ in illo planè, vel sputi, vel deiectionis, vel appetitûs, vel mentis, vel sensûs, vel alterius cuiusdam similis, manifesta contingit mutatio; illam (mutationem) vt non similis in septimo iudicatio comitatur, quomodo fieri possit? bona (scilicet iudicatio) si ad salutem; mala, si ad peiora portendat (id est, mutatio quarta die facta). Et paulò post idem Galenus ait: Etenim, qui in quarto die ad peiorem statum recidunt, pleriq; sexto moriuntur. Vnde cap. 5. sequenti libri 1. de Dieb. Decretor. quartum diem indicem statuit sexti, & septimi diei. Sextus autem Crisim, potissimum malam, vtpotè malis Signis quarto die præindicatam, sibi non rarò arripit, nec ad septimum diem peruenire permittit. Sæua enim symptomata quarto die suscitata, mortem minantur, aut summum saltem vitæ periculum, die sexto, aut septimo. Eodem libro

1. de Dieb. Decret. cap. 8. quartum diem Contemplatorium in prima septimana, sicuti vndecimum in secunda, esse docet: Iterum ergo, inquit, protrahentes eundem ægrotum, quarto die Signum Decretorium habuisse ponamus, quemadmodum paulò supra de vndecimo statuimus, huic septimo die Crisis expectanda est. Contemplatorius enim in secunda septimana, vndecimus; in prima quartus: & indicare natus est, sicut vndecimus quartumdecimum, ita quartus septimum, qualisnam erit. Eodem lib. cap. 13. in quo de modo prædicendi futurum morbi euentum loquitur, etiam ait: Vt enim quartus septimi, sic vndecimus decimiquarti index est. Lib. 1. de Cris. cap. 18. vndecimū decimiquarti, & decimumseptimum vigesimi diei indicem nominat. Libro 2. de Diebus Decretorijs cap. 2. eandem doctrinam repetit. Libro 1. cit. de Dieb. Decret. cap. 11. de quarto sequentia refert: Vbi siquidem morbus acutus nullum periculosum Signum referat, & quarto die euidens quædam concoctionis nota comparuerit, septimo Crisis futura est. Et paulò post ait: Nam periculosus symptomatis præsentibus, vñ cum aliqua concoctionis nota quarto die apparente, iudicium, si paribus diebus accessio fiat, sexto expectandum est, quòd si hunc excefferit, octauo: Si in imparibus, septimo: bonis Signis apparentibus, die septimo morbus discutietur: Etenim lethalia Signa cum notis concoctionis nunquam euenerint. Hæc autem non minùs, quàm periculosa, & salutaria, inspicienda sunt: quia, si quarto apparuerint, septimo aderit mors. Dictum autem est, hoc nominari Crisim malam. Animum hîc aduertat necesse est, lethaliū Signorum, tum magnitudini, eum copiæ. Si namque multa, magnaq; die quarto euenerint lethalia Signa, accessionibus distinguendum erit de morte futura: ad hæc, cognoscendum hominem sexto die moriturum esse, modò accessio diebus paribus facta sit: Si imparibus, septimo. Interdum sextus hominem iugulat, etiam si accessio contigerit in imparibus propter morbi celeritatem, & magnitudinem, & symptomatum quarto die euenientium copiam. Quamobrem accidentium magnitudo, quæ ex potentia sumitur, exactè dignoscenda est. Verum, quomodo hæc ab illa, quæ ab imaginatione aestimatur, distinguenda veniat, in libris de Cris. narratur. Omnia in omnibus confundere, & conturbare non oportet, sed, quantum ad dies tantum decretorios propriè pertinet, huc

Vndecimus decimiquarti & decimusseptimus vigesimi est Index.

Lethalia Signa; & Signa concoctionis, simul esse nequeunt.

Qua futuram mortem præindican.

transferendum est. Cùm enim accuratè admodum acutos morbos obseruassemus, quartum diem septimi esse indicem ex sua naturaprehendimus. Ex sua natura, inquam, hoc est, si nullum rarum, & magnum incidat, vel extrinsecus, vel ex ipsa morbi conditione, vel etiam ægrotantis habitu, quartus omninò septimum indicat. Caterùm, si quid extrinsecus præter opinionem accadat,

*Quartus
ex sua na-
tura est se-
ptimi in-
dex.*

quo de postea mentionem facturi sumus: vel morbus vehementer, vel obscurè ad iudicium propellatur; & ægrotantis vires, aut validæ, aut imbelles extiterint: attendendum est, distinguendumque, æger periturusne sit ante diem septimum, an post hunc de ipso decernetur. Siquidem, vbi malum aliquod extrinsecus præter spem euenerit, & morbus non simpliciter acutus, verùm peracutus sit: ad hæc vires ægri imbecillæ: Signum malum, quod in quarto die apparuit, septimum diem non expectat, verùm sexto æger huiusmodi morietur, præsertim si paribus diebus accessiones acceperit.

*Signa
moris fu-
tura die
sexto.*

*Signa
moris fu-
tura die
septimo.*

Quòd si nihil extrinsecus erratum sit, & morbi motus haud ita præceps, ac velox, & æger validus, si quidem manifestum in quarto die malum indicium fuit, septimo interitus comitabitur: Si verò obscurum, excedet hunc quoque. Iam verò, si accessiones, siue paroxyismi, paribus diebus cõtigerint, octauo; Si imparibus, nono æger decedet. Quæ porrò manifesta, quæ obscura iudicia vocitem, in libris de Crisibus exactiùs monstratum est: quinetiam in hoc libro, sermone procedente, indicaturi sumus: priùs autem ad reliquas distinctiones reuertor.

*Octano,
quandoque
nono æger
moritur.*

*Crisis fa-
lutaris Si-
gna.*

Appareat enim euidenter bonum aliquod in quarto die Signum: & nullius periculi circa ægrotum sit suspicio: fieri non potest, quò minùs septimo die fiat iudicium, si nihil extrinsecus peccatum fuerit. Quænam igitur sunt, quæ committuntur peccata? quædam sanè ab ipso ægroto videlicet, quædam à Medicis his admirandis, putantibus, si quis introgressus ad ægrum, deinde succingens se, vel cataplasma imposuerit; & reliqua, quæ in die tertio transtulimus, dum errores Crisim diebus verè Criticis impediētes exponeremus.

Quædam hoc **II**.capite lib.**I**.de Dieb. Decret. continentur, obscuritatem quandam inuoluentia; quæ ideò claritatem exposcunt. Nam, inquit Galenus, periculosis symptomatis præsentibus, vnà cum (aliqua) concoctionis nota, quarto die apparente, iudicium, si paribus diebus accessio fiat, sexto expectandum est; quòd si hunc

excefferit, octauo: si in imparibus, septimo. Bonis Signis apparentibus, septimo die morbus discutietur: etenim lethalia Signa cum notis concoctionis nunquam euenerint, &c. Sanè mirandum est, Galenum statuisse, Signa coctionis copulari periculosis symptomatibus, quæ mortem minantur: cum tamen postea docuerit, lethalia Signa cum coctionis Signis nunquam coniungi: Et summa cum ratione: nam ubi in acutis febribus coctionis Signa in vrinis elucet, argumento sunt, naturam vicisse & superasse morbum, morbiq; causam: in quo casu nulla amplius infestant periculosa symptomata, sed, si quæ præfuere, mox deficiunt, atque euanescent. Vnde Galenus libro 1. de Crisib. cap. 8. Signa coctionis à Signis decretorijs dirimens, inquit: Coctionis igitur Signa (sæpius enim quæ vtilia sunt, repetere conuenit) nunquam malè apparent: Decretoria autem, est, ubi malè apparent. Neq; enim in augmentis, neq; in principijs, sed in statibus illa apparere conuenit. Libro 3. de Crisibus cap. 5. de optima agens Crisi, ait: Cum enim post Signa optima, atque exquisitam concoctionem factæ fuerint (Crisis), necesse est, vt optimæ sint: quoniam & sola coctio Crisis celeritatem, & salubrem securitatem ostendit: neque enim vel animo concipi potest, quod post morbi exquisitam coctionem, Crisis mala sequatur. Ex Hippocratis libro 1. Epidem. transtulit verba illa, Coctio, Crisis celeritatem, & salubrem securitatem ostendit: secundum quam sententiam lib. 3. de Crisib. cap. 3. sequentia scripsit: Primum quidem, & maximum inter omnia, est considerare coctiones ex vrinis, & alui excrementis, & sputaminibus: Siquidem ego millies, cum, dum Crises fierent, interesssem, neminem vnquam vidi intereuntem, qui præcedentibus coctionibus Crisim habuisset; & reliqua quæ sequuntur.

Signa coctionis nunquam malè apparent. Signa decretoria, nisi in statu, malè apparent.

Nūquam Crisim malam vidit Galenus quoties præuisa sunt coctionis Signa.

Cum experienciâ compertum fuerit, Signa coctionis salutem semper, atq; morbi breuitatem, portendere, vt post Hippocratem confirmat Galenus, quomodo vnâ compatiuntur Signa coctionis, & Signa periculosa; atq; consequenter malâ? Vt hanc difficultatem plenè diluamus, in memoriam reuocandus malorum Signorum census, de quo in Prognosticis, Prorrheticis, & Coacis Prænotationibus, ac Aphorismis Hippocrates. Galenus libro 1. de Crisib. cap. 14. triplicem constituit ordinem Signorum ad Prognosim manducantium. Quorum quædam bona sunt, alia quidem mala.

*Signa Prognostica tripli-
cia.*

*Signa co-
ctionis, &
cruditatis.*

*Signa sa-
lutis, &
mortis.*

*Signa de-
cretoria.*

*Signa co-
ctionis bo-
na sunt,
cruditatis
mala.*

*Signa sa-
lutis.*

*Signa
mortis.*

*Pessimum
Signorum
est virium
imbecilli-
tas.*

*Decreto-
ria nō de-
cernentia
aut morta-
lia, aut
difficiliter
decernunt.*

Primus Signorum Prognosticorum ordo est ille, qui Signa coctionis, & cruditatis comprehendit. Coctionis verò, & cruditatis Signa, sunt alui excrementa, sputamina, & vrinæ, prout hæc omnia vel cruda sunt, vel cocta. Secundus ordo, Signa complectitur Salutis, & Mortis dicta. Mortem autem, inquit Galenus, atq; salutem portendentia sunt, quæ vnà cum istis excernuntur, & quæ per totum apparent corpus, de quibus latius in libro Prognosticorum Hippocrates scribit. Tertius ordo continet Signa illa, quæ Critica, siue Decretoria communiter nuncupantur. Quod attinet ad Signa Coctionis, semper bona esse censentur. Signa verò cruditatis, mala, quia vel longitudinem morbi, vel mortem, perseuerantia portendunt. Signa salutis, & mortis, sunt ea, quæ vnà cum Signis coctionis, & cruditatis excernuntur, & quæ in corporis habitu apparent. Signa verò salutis in excrementis, sunt omnia coctionis indicia in iisdem apparentia, debita quantitas, congruusq; excernendi modus, omni dolore, & molestiâ vacans; quibus tempestiuum tempus excernendi adijcere licet. Lethalia verò, vel saltem mala in excretis Signa, sunt, in sputis viriditas, liuiditas, nigrities, flauities intensa, fætor, crassities, &c. In vrinis, fætor, albedo & splendor, ac tenuitas maxima: Nubecula nigra, aut suspensum, sedimentumue nigrum, liuidum, viride, farinæ crassiori hordei, aut furfuribus simile: In alui excrementis, visciditas, liuiditas, nigrities, intensa flauities, candor intensus, colorum varietas: mala etiam sunt acria, adurentia, & vlcerantia excrementa, veluti pingua: Spumosa similiter improbantur, veluti aquea. In habitu corporis, sudores frigidi, fætidie, aut glutinosi, erumpentes, mali; sicuti parci, aut nimis liberales. Color croceus, aut niger, aut liuidus. Hæmorrhagia parca, aut multum liberalis. Extremorum, vt manuum, pedumque, frigiditas. Facies Hippocratica. Exitiosum tamen Signum, omniumq; pessimum, est virium imbecillitas, teste Galeno lib. 3. de Crisibus, cap. 10. Si enim relatas euacuationes prauas comitetur virium prostratio, de agro actum est. Expiratio similiter frigida, lethalis semper est.

Dictis Signis malis addere possumus Signa decretoria, non decernentia Hippocrati dicta lib. 2. Epidem. vbi de ijs sequentia pronunciauit: Decretoria, quæ non decernunt, quædam mortalia sunt, quædam verò difficulter decernunt. Signa porro decretoria in vni-

uersum indifferentia sunt ad bonum, malumue exitum prænu-
ciandum: nam modò vtiliter superuenire possunt, aliàs inutiliter.
At cruditatis, & coctionis Signa semper stabilem habent propriam
potestatem, siue statim in primo die, siue in sequentibus, apparue-
rint: vnumquodq; enim horum Signorum, vnum, atq; idem sem-
per significat: vt, v.g. vrina, quæ benè colorata est, & albam, & la-
uem, & æqualem habet subsidentiam, coctionis est Signum: tenuis
autem vrina, & quæ nullam subsidentiam habet, semper est crudi-
tatis Signum. Et, quæ quidè coctionem significat, bona est sem-
per; quæ verò cruditatem, non bona. Si tamen capitis dolorem,
aut delirium, aut vertiginem tenebrosam, aut difficilem anhelu-
tum, aut anxietatem, aut grauem somnum inspexeris, aut vigilias,
aut temporum grauitatem, aut hallucinationes, aut faciei, & ocu-
lorum ruborem, aut lachrymarum inuoluntarium fluxum, aut in-
ferioris labri agitationem, aut stomachi fastidium, aut nauseam,
aut æstum, sitimue vehementem, aut oris ventriculi dolorem, aut
difficilem decubitûs tolerantiam, aut hypochondriorum retractum,
siue potius tensionem citra dolorem; quæ omnia sunt solummodò
Crisis Signa, nihil in his stabile, neque malum, neq; bonum potè-
ris præcognoscere. Pari modo vomitus, ventris profluuium, vrinae
profluuium, sudores, hæmorrhagia, menstruæ purgationes, hæmor-
rhoidalis fluxus, parotis cateriq; abscessus, quæ omnia sunt Signa
decretoria, simul & causæ, boni quandoq; omnis sunt, quandoque
mali. Omnia sanè hæc Signa, vt bona censeantur, debent appare-
re Signa coctionis in vrinis, aut sputis simul & vrinis, si malum
possideat regionem pectoris, vt faciunt Peripneumonia, & Pleuri-
tis; aut in alui excrementis & vrinis, si ventrem inferiorem malum
occupet. Primum quidem, & maximum instantis bonæ Crisis in-
diciu, sunt coctiones. Secundum autem, quod ab aliqua die in-
dicatoria antèa indicetur, cui annexa est diei iudicantis potentia;
inquit Galenus lib. 3. de Crisib. cap. 3. Sine ergo Signis coctionis,
Signa quæuis decretoria in ægris apparentia, bona non censenda,
sed mala potius. Vnde Galepus lib. 1. de Crisib. cap. 8. de ijs de-
cretorijs Signis sequentia pronunciat: Etenim hæc, si absq; coctio-
nis Signis apparuerint, sunt pessimarum dispositionum indicia.
Eodem enim capite eadem decretoria Signa, quæ Signa simul sunt,
& causæ, & quæ Signa tantum causarum sunt, in statu superuenire

*In vni-
uersum de-
cretoria
Signa, nec
bona, nec
mala.*

*Signum
coctionis,
& crudi-
tatis cer-
ium quid
indicat.*

*Signa de-
cretoria,
simul, &
causæ.*

*Maximū
instantis
bonæ Cri-
sis indi-
cium sunt
coctiones.
Secundū
quod præ-
indicatur.
Signa de-
cretoria si-
ne Signis
coctionis
mala.*

Signa decretoria in principio, & statu mala.

Signa decretoria intempestiva, quid indicant.

Signum malum triplex.

Turbata vrina triplex.

Quæ inter tres turbidas pessima, & quæ minus mala.

docet, quoties bonam spondent Crisim. Neque enim in augmentis, neq; in principijs, sed in statibus illa apparere conuenit, inquit Galenus. In principio autem vt appareant, non est proficuum; quia in principio morbi, humores morbum efficientes sunt crudi, nequaquam verò cocti. Signa verò coctionis, ne ipsa quidem inuadunt vnquam in primo statim morbi principio, inquit Galenus lib. 1. aphorism. Comment. 12. quam etiam sententiam ipse confirmat cap. 8. iam citato libri 1. de Crisibus. Signa ergo decretoria intempestiuè apparentia, causæ morbosicæ acrimoniam, aut malignitatem, morbiue malum morem plenè patefaciunt.

His omnibus prænotis, aliquid amplius exponendum, vt rectè intelligatur Galenitextus aliquantisper obscurus. Signa ergo mala possunt esse simpliciter talia, & alia possunt esse his peiora, & in supremogradu alia pessima. Simili modo coctionis Signa possunt esse bona, aut meliora, aut optima. Varia bonorum, malorumque Signorum, gradibus distinctorum, exempla, apud Hippocratem, & Galenum extant. Hic lib. 1. de Crisib. cap. 12. postquàm bonæ vrinæ conditiones exhibuit, de quibusdam à bonitate ad defectum declinantibus loquens, docet turbatam vrinam esse triplicem. Prima, est illa, quæ turbida redditur siue mingitur, paulò post tamen residet: id est, humores, qui cum vrina confusi erant,urbationemque causabant, modico tempore post mictionem, à liquore, siue ipsâ vrinâ, separantur, & ad matulæ fundum, vbi rursus quiescunt, præcipitantur: Inde vrina claritatem acquirit in sua substantia. Secunda species vrinæ turbidæ; est illa, quæ turbida redditur, siue mingitur, & turbida semper in matula permanet. Tertia species vrinæ perturbatæ, est illa, quæ clara, & pura mingitur, postea verò conturbatur. Præua quidem ex dictis (inquit Galenus) tercia: mitis autem prima: media verò inter vtramq; secunda. Quoniam quæ statim residet vrina, id est, quæ statim confusos humores ad fundum deposuit, parum aliquid inæqualis turbulentix in sanguine superesse demonstrat: quæ verò vrina turbida semper manet sibi similis, vigere adhuc, quæ est in sanguine, agitationem à feruore nimio optam; ostendit: quæ verò vrina extra corpus conturbatur, cùm clara redderetur, debet incipere concoqui (vel, vt alia versio habet; nondum concoqui incæpit) quare optimo iure ea pessima est; nam & longiori tempore, & virtute, siue facultate concoctrice

forti

forti indiget ad coctionem. Sed quæ turbulenta mingitur, statimq; subfidentiam bonam habet, morbum, seu potius morbificam causam, haud ita multò post concoquendum significat; atq; idcirco mitior est. Medio autem loco se habet secunda vrina, quæ nimium turbida mingitur, & turbida perseverat: nam eadem, vt quæ vigente sit conturbatione humorum in vasis à febrili calore orta, quantum malitiâ superatur ab ea, quæ clara mixta rursus conturbatur, tantum superat eam, quæ turbida mixta paulò post clarescit, propter confusorum humorum ad matulæ fundum depositionem. Quæ verò vrina ad summum incocta est, id est, quæ summè cruda est, modò dictas omnes vrinæ differentias malitiâ longè vincit: Est *Vrina exquisitè aquosa*, nam non incipit concoqui, sicuti inchoat turbulenta vrina; neque est in spe, vt concoqui debeat, sicuti est vrina, quæ clara redditur, & paulò post perturbatur: sed est velut desperatæ coctionis. Huiusmodi aquosa vrina venosi generis imbecillitatem arguit. Venæ enim, sed præcipuè hepatis, adeo cruditate laborant, vt earum affectus, dum vrina præfata aquæa excernitur, talis censeatur, qualis est in ventriculo extrema ipsa cruditas. Quoties verò statim à potu istiusmodi vrina ad vesicam vsque transcurrit, & exemplò extra corpus effluit, affectum parit, qui hydrops in matellam à quibusdam, ab alijs Diabete, à quodam alio antiquo Medico, inquit Galenus, Profluuium in vrinas, appellatur. Hæc igitur passio (id est Diabete) inquit Galenus, talis est, qualis circa aluum lævitas intestinorum, mortificatio (vt diceret quispiam) vtriusq; virtutis, & retentricis, & alteratricis, siue concoctricis: & hæc inter omnes vrinas crudas pessima est. Est & alia vrina tenuis, eaq; aquosa, sed vino albo prætenui similis, quæ non ita citò excernitur ac præcedens: & quoniam tantillum ichoris à rufa bile suscipit, non ita mala est, ac modò descripta. Concoctricis enim, sed non retentricis imbecillitatem arguit: modò autem descripta vrina vtriusq; facultatis imbecillitatem.

Ex his habemus, dari varios Signorum malorum gradus, quorum quidam malitiâ longè alios excedunt. Idem, quod de his, statuendum de Signis coctionis: Nam quædam sunt levis coctionis indicia, quædam mediocris, & quædam perfectæ; vt apud Galenum in varijs in locis videre licet. Libro autem 1. de Crisibus, cap. 17. sequentia scripsit: Perfecta igitur coctio est, quando in vrinis

Vrina exquisitè aquosa summè cruda est.

Vt alimentum cruda deiectione

ventriculi magnam indicant cruditatē,

sic vrina extremè cruda in Diabete

vasorum imbecillitate indicat.

Vrina tenuis duplex est.

Tres gradus coctionis in vrinis.

Vrina perfecta cocta,

sub-

*Vrina le-
uiter co-
cta.*

subfederit aliquid album, & læue, æquale, & continuum. Debilis autem coctio est, quando ex aquosa, mediocriter subpallida facta fuerit. Et quidem si turbulenta apparuerit, & talis permanferit, hæc quoq; obscuræ, & debilis coctionis est Signum: & rufa etiam, ac tenuis, ex eodem genere est. Sed nihil horum iam principium morbi esse finitum ostendit. Vt enim vrinæ nobis demonstrent principium morbi transiisse, eundemque morbum in augmento

*Vrina
mediocri-
ter cocta.*

esse, manifestiora coctionis Signa habere debent: vt solam nebulam albam, aut suspensum siue sublimamentum, æquale, continuum, & album: aut saltem nebula rubea apparere debet, vel subfidentia, siue sedimentum rubeum; vel si nullum adfuerit contentum in vrinis, vrina ipsa debet esse benè colorata, & mediocris crassitici. Quod de vrinis dictum est, idem proportionem seruata, de sputo, & ijs, quæ per aluum excernuntur, dicendum. Tussire au-

*Tussis cru-
da quid.*

tem, & nihil expuere in Pleuritide v. g. assimilatur vrinæ extremè crudæ, quam aqueam Galenus appellauit. Liuidum verò, & crudum sputum rursus excretum, imbellis coctionis rudimentum est, & morbi principium nondum præterisse significat.

*Sputum
leuiter co-
ctum.
Sputum.*

Sputum paucum, & coctum (quod videlicet est album, & mediocris consistentiæ) morbi augmentum indicat: copiosum & coctum, statum.

Modò reuertamur ad expositionem textûs Capituli 11. lib. I. de Dieb. Decret. in quo Galenus dixit, si quarto die periculosa symptomata, simul & coctionis nota, appareant, Crisim superuenturam sexto die, si accessiones paribus diebus fiât: vel si sextum diem præterierit, futuram iri die octauo: Si autem imparibus diebus accessiones fiant, die septimo Crisim expectandam. Dicendum, existimo, Galeni doctrinam esse verissimam; Signa nimirum coctionis, & periculosa symptomata, quarto die simul coire posse. Sed cum periculosa symptomata possint esse simpliciter talia, aut magis periculosa, aut periculosissima, sciendum est, Signa coctionis, & symptomata simpliciter mala, posse esse simul. Verùm Signa coctionis, vt cum Galeno diximus, vel sunt leuia & simpliciter talia, vel meliora, vel optima. Ex his, leuia coctionis Signa sunt, quæ vnâ cum periculosis symptomatibus quarto die conuenire possunt. Recentiores Interpretes hæc expositio non latuit. Nam in Codice Veneto Galeni contextus continet per parenthesim, particulam (aliqua) quæ in Codice Basiliensi non reperitur: Textus enim sic

*Leuia co-
ctionis ru-
dimenta,
cū pericu-
losis sym-
ptomati-
bus esse
possunt: Per-
fecta co-
ctionis Si-
gna nun-
quam.*

scribitur : Nam periculosis symptomatis præsentibus vnà cum (aliqua) coctionis nota, &c. Potest ergo vrina tenuis, & tantisper pallida, comitari periculosa symptomata : potest pariter vrina, quæ turbida redditur, & turbida manet, simul cum prauis symptomatibus die indice apparere. Dicitur autem vrinæ obscurum coctionis rudimentum habent; vt Galenus paulò ante citatus, docuit cap. 17. lib. 1. de Crisibus. Et sanè, multorum damno, millies obseruauimus, turbidam vrinam, ita perseverantem cum exitiosis copulari symptomatibus in ardentibus febribus.

*Vrina
turbida.*

Dixit ergo Galenus, quoties aliqua coctionis nota, & periculosa apparent symptomata die quarto, Crisim expectandam die sexto, si diebus paribus fiant paroxysmi siue accessiones; quia die sexto accessio de nouo superuenire debet, cum par sit: vel si non sexto die, saltem octauo, quia etiam dies par est. Crises verò in ipsis morbi accessionibus fieri consueuerunt, vt docuit Hippocrates lib. 1. Epidem. inquit, eodem die, quo accessiones siue exacerbationes accedunt, Crises fieri; quod scripsit etiam Galenus lib. 3. de Crisib. cap. 3. & alibi, vti in superioribus nos amplè exposuimus. Hippocrates id ipsum indicauit lib. 3. Epid. sect. 3. vbi de ijs, qui ardente febre laborabant, agens, ait: Accessiones plerique diebus paribus habebant; quod sanè rarum esse docet Galenus in Commentario; quia, inquit, febres ardentes, adeòq; omnes alij morbi acuti, vt hæ, diebus imparibus exacerbantur. Et quamquàm Galenus nihil præterea inibi dixit, ratio in promptu est, cur ardentes diebus imparibus potius, quàm paribus, exacerbentur; quia scilicet ab humore bilioso vera ardens generatur, qui humore tertio quoq; die commouetur, & paroxysmum efficit. Dixit præterea Galenus, die septimo Crisim superuenturam, si diebus imparibus exacerbationes repetere solent: quæ doctrina nulla eget inuestigatione.

*Diebus
paribus in
ardentibus
fiebat ac-
cessio.*

*Humor bi-
liosus ter-
tio quoque
die moue-
tur, & pa-
roxysmum
facit.*

Monuit Galenus in contextu, Crisim salutarem septimo expectandam, si salutaria adfuerint Signa: quæ doctrina de sexto, & octauo pariter die intelligenda venit. At quomodò septimo die (idem de sexto, & octauo dicendum) per Crisim morbus discuti, aut solui potest, si periculosa symptomata die quarto apparuerint? Responsum antea dedi Signa illa nō fuisse valdè periculosa; adeoque ea potuisse desistere à quarto die ad septimum, & coctionem interea auctam fuisse superante naturâ morbificam causam. Quod si

*Dubio oc-
curritur.*

Signa bonæ coctionis, & lethalia nō, quam si-mul esse possunt.

ex aduerso coctionis rudimentum, quod die quarto apparere incæpit, euauerit, & periculosa symptomata, in valdè periculosa, siue ad nodum periculosa, siue ὀλεθρία, id est, lethalia, & exitiosa ac copiosa degenerent, æger dubio procul morietur die septimo, aut ante, id est die sexto, qui septimi diei Crisim, etiam in morbis, qui imparibus diebus exacerbantur, præcipit: Rectè autem Galenus inquit, lethalia Signa, quæ κινδυνώδη, & ὀλεθρία, appellantur, nunquam cum Signis coctionis concurrere: benè tamen Signa periculosa simpliciter, in quo casu, si leuia fuerint coctionis Signa, morbus ut plurimum præualeat, & die critico, ut quarto, aut septimo, aut reliquis dum apparent, adesse dicuntur Signa decretoria non decernentia. Si verò probæ coctionis Signa cum istis simpliciter periculosis adfuerint, salutaris expectanda Crisis: Nam Signum vnum forte multis debilibus fidelius est; ut docet Galenus lib. 1. de Crisib. cap. 13. Signum verò optimæ coctionis salutarem spondet Crisim, quidquid minentur delirium, anxietas, aliaq; Signa decretoria, quæ tunc non aliam, quam apparentem induunt malitiam.

Signum vnum forte multis debilibus præualeat.

Dubium.

Sed in admirationem prouocabit aliquem, id, quod à Galeno in contextu prolatum est, non minori sedulitate perpendenda esse concoctionis Signa, quam periculosa, & salutaria: quia, inquit, si quarto die apparuerint, septimo mors aderit. Hæc, inquam, doctrina mira est, cum Hippocrates contrarium docuerit lib. 4. aphorism. 71. inquit, spem esse futuræ Crisis die septimo, quoties die quarto nubecula rubea in vrina præapparuit. Et Galenus ipse in Comment. scripsit: Solis enim coctionis Signis in diebus contemplabilibus apparentibus, bonæ futuræ iudicationes indicantur.

Solutio.

Respondendum, Galenum Hippocrati nō esse aduersum: Nam quando Hippocrates dixit, Crisim expectādam die septimo, quando die quarto nubecula rubra in vrina præuisa est, non intellexit, vnā cum tali vrina periculosa adesse symptomata, sed salutaria potius, siue miſia Signa. Si verò coctionis debilia rudimenta quarto die inchoant, cum præcedentibus diebus nulla coctionis vmbra visa fuerit, & vnā consurgant lethalia symptomata, aut perseuerent, quæ ante quartum diem superuenere exitiosa Signa, eaque copiosa, in foribus, id est, die quinto, sexto, vel septimo, mors est. Et hoc, inquit Galenus, malum iudicium dicitur.

Optimè autem in contextu docuit Galenus, non minoris consi-

dera-

derationis esse Signa coctionis, quàm Signa periculosa, & salutaria. Nam sicuti Signa periculosa, & salutaria, in varios gradus distinguuntur, ita & coctionis Signa. Vires autem, siue potentiam, siue virtutem, cuiusvis Signi, tam periculosi, quàm salutaris, & concoctionis præcipuè, minutim, & exactissimè Medicus prædicere cupiens, tam salutarem, quàm lethalem, morbi exitum, ac statum, aliorumq; morbi temporum durationem, examinare debet. Id non solum Galenus commendauit, cum hoc capite 11. lib. 1. de Dieb. Decret. tum cap. 13. libri 1. de Crisib. sed diligenter obseruauit; ut constat ex doctrina modò allata, quando dixit, debilia Signa concoctionis, quarto die, & non ante, apparentia vnà cum copiosis & lethalibus Signis, mortem die septimo prænunciare.

*Vis, siue
potestas Signorum
minutim,
perpendi
debet.*

Prudenter præterea commendat obseruandam diligenter esse, cum magnitudinem, tum copiam siue numerum lethaliū Signorum: nam si multa, & magna Signa lethalia die quarto apparuerint, & morbus celeriter moueatur, die sexto Crisis superueniet, aut saltem septimo; si in minori fuerint numero, si non adeò magna, si motus morbi non sit adeo celer, vlteriùs protrahetur morbus, & non tam citò hominem iugulabit.

*Signorum
magnitudo,
numerus & morbi
motus
minutim
considerari
debent.*

Plurimum ergo refert, accidētium siue symptomatum magnitudinem, quæ ex potentia sumitur, exactè dignoscere, ut in contextu monuit Galenus. Magnitudo symptomatum, quæ ex potētia sumitur, nihil aliud est, quàm potentiam, seu vires, seu naturam, cuiuscunque symptomatis accuratè perpendere, & intelligere. Nā potētia, siue vis, siue virtus, siue robur, aut natura vniuscuiusq; symptomatis, est id, vnde vnūquodq; symptoma, aut leue, aut graue, aut grauissimū nuncupatur, & consequēter magnū, maius, & maximū.

*Potentia,
siue, robur
symptomatum
examinari
debet.*

Magnitudo symptomatum antequàm sensu à nobis in morbis percipiatur, per modum Theorici præcepti, in gradus varios operâ imaginationis & intellectûs, diuidi debet. Hos gradus mente conceptos, gradibus symptomatum sensu ipso comprehensis, facillè adaptamus. Incidimus enim quandoque in ægros quosdam, in quibus maxima elucent symptomata, qualia antea mente concipiebamus. Necessitatem accuratè examinandi vim cuiusq; Signi, aut symptomatis, latè narrat Galenus lib. 1. de Crisib. cap. 13. (sicuti lib. 3. cap. 10.) hac serie: Idcirco necessarium est Signi cuiusq; naturam exquisitè considerare, si quis rectè vult præcognoscere, ut ex

*Signi cuius
natura exa-
menda.*

*Varij gra-
dus Signo-
rum.*

*Signa
natura.*

vi vniuscuiusq; præcognitionem faciat. Neque enim quæ plurima sunt, illa omninò paucioribus sunt potentiora: sæpè. n. Signum vnum forte multis debilibus fidelius existit. Hæc igitur etiam admirabilis dicebat Hippocrates in libro Prognosticorum Sect. 3. tex. 37. Signa oportet ediscentem omnia, iudicare vires eorum inuicem comparantem. Quare & rationabiliter secundum vires eorum tradit disciplinam, non simpliciter, deinceps bona Signa connumerans: deinde rursus mala, annotans autem in appellationibus vniuscuiusque naturam, perniciosum & graue nominans, & grauius, & grauissimum, & minus graue, & magis graue: sic & prauum, & prauius, & prauissimum, & mortiferum quoque, per Iouem, & malum simpliciter, nonnunquam verò, valdè, adiciens vtriq; Signorum generi, & ijs quæ nunc dicta sunt praua, & ijs, quæ bonum aliquod ostendunt. Nam & in illis hoc quidem optimum dicit, hoc verò minus: Tale verò est & quod dicit (bonum) valdè (&) magnam habere vim ad salutem. Nonnunquam verò nihil ex his addens, quod temporis indicium erit, & longæ solutionis meminit, nobis, ut arbitror, de hisce omnibus ratiocinandum relinquens, quæ neq; omninò praua sunt, neq; penitus extra periculum, sed cum quidem forti salutaria: cum debili autem periculosa. Hæc igitur non solum legendæ sunt in Hippocratis libris, sed & memoranda sapius, atq; obseruanda in agrotantibus. Nam ex continua inspectione exquisitam eorum potestatis habemus notitiam. Semper autem mente reuoluere oportet, ac considerare, quænam sunt Signa optima, quæ pessima, & quæ in medio confinio horum veluti gradus quosdam habentia, nonnulla quidem optimis, nonnulla, verò deterrimis proximiora: & quæ quidem minus, quæ verò magis sint proximiora, vel remotiora (Codex Basilicnsis non Leonicensium, nec manuscriptos Codices sequitur: Vnde post particulam, magis, habet sequentia: eò quòd alternatim modò propè illa, modò procul reperta sunt.): & quænam exquisitè media ponenda sint, inter bona, & mala Signa. Deinde considerandum, quænam semper mala sint, & quæ continuò bona: & quænam in totius morbi temporibus permutantur, cum aliquando bona fiant, aliquando mala, & nonnunquam fida, nonnunquam verò infida. Etenim hoc ab Hippocrate dictum est admiratione dignum (lib. 2. aphorism. or. 27.): Quod ijs, quæ non secundum rationem leuant, non oportet

oportet credere, neq; vereri valde mala, quæ venerunt contra rationem. Quod nisi quis nouerit, nequaquam poterit manifestè præcognoscere: sed aliquando instante Crisi nihil à vulgari quopiam differre videbitur, sed simul perturbabitur, ac compauescet de futuris: nonnunquam verò existimans liberatum esse à morbo ægotantem, atq; ei victûs libertatem permittens, magni alicuius mali occasionem afferet: Omnino autem malè victum instituet, futurum morbi statum non præcognoscens. Nisi quis enim ad hunc respiciens statum, ab initio victûs modum adhibuerit, fieri non potest, quin magnum malum aliquod ægotanti afferat.

Status morbi prænosendus, ut rectè victus statuatur.

Ex Hippocrate hanc de Signis animaduersionem sedulò exhaust Galenus; quia, vt ipse versùs principium citati cap. 13. docuit, nullum datur vnicum Signum ita fidele, quod possit exquisitè ostendere futura morborum tempora: In dicto autem Capite Galeni scopus est, Signorum naturam exactè examinare, vt vigorem siue statum morbi, simul & reliqua eiusdem morbi tempora, præsentiamus prænoscamusque. Nam ex præcognitione futuri statûs morbi pendet rectus modus præscribendi victum, vt varijs in locis, sed potissimum lib. 1. aphorismorum cum Hippocrate, docet Galenus: Libro 10. Methodi, cap. 5. Galenus sequentia scripsit: Sunt igitur tibi à primo statim die in omni ægro spectanda duo illa, quæ Hippocrates iussit, à quibus cibandi consilia peras, morbi summus vigor, & ægotantis vires. Postea si transiri summum incrementum sine omni cibo potest, in cibi abstinencia hominem seruabis: Sin exiguum adminiculum requirat, abundè erit sola mulsa: quod si maius desiderat, quàm sit ex mulsa, ptisanæ cremor satis erit. At si fas non est summum morbi incrementum, aut tenui victu, aut inediâ, transmitti, id agendum, vt homo statim in primæ accessionis inclinatione cibetur. Aliquos verò (sicco & calido temperamento præditos, qui ex Solis ardore, inediâ, & laboribus, febrem contraxerunt), vt dictum est, & cum inuasura adhuc est, & cum incipit accessio, cibabis. Sint porro hi sicco temperamento, ac calido, aut à primo ortu, aut certè illo tempore, oportet: tum viribus necessariò imbecillis: neq; enim fieri potest, vt abundè siccum calidumq; corpus, cum febricitet, viribus sit valentibus.

Cur Signorum symptomatum, ne vires sedulò investigatur.

Duo capita ex quibus ordo cibandi desumitur.

In declinatione accessionis, inò i principio, quandoque cibandum.

Sicuti igitur, vt ad rem redeam, non reperitur vnum Signum adeò fidum & certum, quod nobis morbi tempora, & varios casus

Syndrone. in ijsdem contingentes temporibus, præostendit, similiter nec inueniri potest vna congeries, aut concursus Signorum ab experientia desumptus, quem Empirici *συνδρομῶν* appellant, qui valeat nobis rem futuram præmonstrare: quia si ad hunc concursum recurreretur, tot fierent Signorum concursus, vt Empiricorum nemo eos numerare, aut obseruare, aut memoria complecti posset. Quòd autem non detur vnum Signum a deò fidum, quod nobis futura morbi tempora, eorundemq; temporum symptomata varia prænunciare possit, patet ex eo, quòd nondum à quopiam tale Signum inuentum fuerit, propterea, quòd Signum nullum tam diuersa præindicare valeat. Si verò consimile ab Antiquis repertum esset, non dixisset statim in principio libri 1. Aphorismorum, Hippocrates, Artem esse longam. Quæ quidem propter dignoscendi, & prænoscenti difficultatem potissimum longa est. Debet ergo ille, qui futura prænoscere cupit, Signorum vires, siue potentiam, aut naturam, diligenter scrutari, vt in Prognosticis fecit, & docuit Hippocrates; qui quidem non simpliciter Signorum doctrinam ibidem instituit, quasi ordine quodam, & distincta serie, primum bona Signa, & deinde his opposita mala Signa enumerans, sed vtrorumque potius Signorum, tam bonorum scilicet, quàm malorum vires inter se exactissimè confert, easdemq; vires congruis dimetiens vocabulis, hoc Signum perniciosum, illud Signum graue, alterum grauius, aliud grauissimum appellat, vt in contextu latè Galenus enarrat. Interdum verò vtrique generi Signorum, tam bonorum scilicet, quàm malorum, adijcit particulam, valdè; hoc scilicet Signum valde bonum appellans, illud Signum valdè malum nuncupans. Exemplum manifestum extat Sect. 1. Prognostic. tex. 28. vbi spirationis facilitatem, valdè magnam ad salutem vim habere dixit. Interdum verò, inquit Galenus, nihil horum adijciens Hippocrates: id est, neq; bonum, aut malum, neq; valdè bonum, aut valdè malum, quod temporis, id est diurnitatis, & longæ solutionis morbi Signum sit, meminit etiam in ijsdem Prognosticis Sect. 2. tex. 27. inquiens: Si vrina fuerit subrubra, ac subsidentiam salutaris. Signa ventra, quando bona, quando mala.

Signum vnum tam varia indicare nequit: Ergo plura examinanda sunt.

Cur ars longa.

In acutis febribus respiratio libera, est valde bonum. Signum.

Vrina subrubra, aut subrubra habens subsidentiam salutaris.

Signa ventra, quando bona, quando mala.

diurnitatem solutionis morbi significant, absolutè non prænunciare bonum, neq; malum: sed quoties vnà cum facultate valida, siue viribus robustis, adfuerint, bona Signa æstimanda: cum viribus verò imbellibus, mala Signa.

Post hæc hortatur Galenus Medicos, vt quæ de Signis dicta sunt, frequenter legant, imò memoriæ mandent, & in ægris sæpè obseruent, vt ex frequenti, siue cerebra inspectione exquisitam virium eorundem Signorum notitiam adipiscantur. Semper verò animo reuoluere, ac considerare oportet, quænam sint optima Signa, quæ verò pessima, & quæ in horum medio sita sunt: quoniam ex hoc triplici Signorum genere, tanquàm ex præcipuis fontibus, futura prædicere solemus. Optima autem, & pessima Signa, clariùs, quàm intermedia, prænunciant futura: Intermedia ergo attento studio semper contemplanda: quia hæc varios constituunt gradus, siue ordines, inter optima, & pessima Signa. Vnde quædam horum intermediorum optimis Signis proxima sunt adeò, vt bona Signa dici mereantur: alia verò paulò remotiora ab optimis, minùs bona censenda: & his remotiora, multò minùs bona. Similiter alij Signorum ordines iuxta aliud extremum, id est propè pessima Signa constituendi: nam quæ Signa pessimis proximiora sunt, mala sanè dici debent, vel minùs pessima: quæ verò his remotiora sunt à pessimis, adhuc mala sunt, sed minùs mala quàm præcedentia, quæ pessimis proxima collocauimus. Quæ verò à pessimis magis remota sunt, quàm quæ iam vltimo loco retulimus, multò minùs mala sunt. Nonnulla verò Signa visuntur, quæ media exquisitè censentur inter optima, & pessima, quæ idèò absolutè dici nequeunt bona, aut mala, sed veluti neutra. Rursus Galenus considerata esse monet illa Signa, quæ semper mala sunt, & quæ semper bona. Sanè exteriora in ardentibus febribus continuò algere, & interiora aduri, cum vrgentia sitis, semper malum Signum censi debet, sicuti expiratio frigida. Signa verò coctionis semper bona sunt. Deinde examinanda Signa, in mutationibus temporum morbi orta, quæ quandoque bona, interdum mala esse possunt: cuius rei gratiâ Hippocrates lib. 2. aphorism. 27. sequentia pronunciauit: His, quæ non ex ratione leuant, non oportet fidere: neque multum formidare mala, quæ præter rationem eueniunt. Plurima enim talia stabilia non sunt, neq; multum durare, & per-

*Studium
Signorum
commendat
Galen.*

*Varij Si-
gnoru gra-
dus inter
optima, &
pessima ob-
seruandi.*

*Signa me-
dia exqui-
sitè.*

*Signa sem-
per bona,
& alia
sæpè ma-
la, obser-
uanda.*

*Instabili-
bus non fi-
dendum.*

manere

manere consuevere. Galenus in Commentario hanc doctrinam, ut sequitur, exponit: Cùm morbus inuadit vehemens, & mox subito quiescit, non modò per sudorem, aut vomitum, aut alui excretionem, aut profluuium sanguinis, corpore non euacuato, sed ne viso quidem Signo coctionis, existimandum est Signum infidum, talem quietem esse: sicuti etiam si quis præter rationem spiret difficulter, vel deliret, vel febricitet vehementiùs, vel magno rigore corripiatur: nam & hæc quoq; firmitatem non habent: tantùmq; abest, ut malum aliquod significant, ut nonnunquam bonum iudicium haud ita multò post futurum enuncient. In aphorismo quidem Hippocrates loquutus est præcipuè de Signis, quæ modò bona sunt, modò mala. Dum ergo magnus siue vehemens morbus aliquem inuadit, & post aliquod tempus vehementiam deponit, remissis nimirum sæuis symptomatibus, quæ morbi vehementiam augebant, fouebantque, & ægrum infestabant, ignarus Medicus, more Idiotarum, illicò naturæ triumphum contra morbum decantat, cùm tamen tum lateat anguis in herba, ut in parœmia est. Nam licet symptomata quieuerint, & mitiora facta sint omnia, nihil adhuc tutum est, cùm causa morbifica nondum euacuata fuerit, sudoribus, aut vomitu, aut hæmorrhagiâ, aut alui profluuiio, aut profluuiio vrinæ, aut hæmorrhoidali, aut menstruali fluxu. Quies ergo illa sæuiorum symptomatum tempestati succedens, infida est, & nullatenus tuta: quoniâ impossibile est morbum discuti, indiscussâ, & remanente causâ. Sicuti ergo præter omnem rationem est, cessationi dictorum symptomatum confidere, similiter præter rationem est formidare difficilem respirationem, delirium, inquietudinem, rigorem, aliaque consimilia symptomata, veluti inopinatò, superuenientia, dummodò adfuerint bonæ coctionis Signa. Signa enim illa, quæ timebantur tunc, innoxia sunt, & bonæ Crisis prænuncia. Rigor autem ardentibus febribus superueniens, dummodò viribus constet æger, & quædam coctionis indicia adfuerint, indicium est mox futuræ solutionis morbi per sudores, qui eundem rigorem consequuntur. Si verò febricitans imbellis fuerit, talis rigor superueniens pessimus est. Si deniq; delirium, respirandi difficultas, & consimilia symptomata in principio morbi, aut in augmento, aut in ipso morbi statu superueniant, nondum apparentibus coctionis Signis, mala Signa censentur. Quædam ergo Signa modò mala,

modò

Signa quædam modi boni, modò mali deprehenduntur.

*Veluti si-
eta sym-
ptomatum
cessatio,
mala.*

Symptomata præter rationem apparentia, non metuenda.

Rigor imbelli superueniens pessimus.

modò bona esse possunt; & quædam modò fida, modò infida. Celsatio enim symptomatum post bonam euacuationem Criticam, est *Fida, & infida Signa.* fidum Signum, nullâ verò præcedente euacuatione debitè factâ, infidum Signum.

Libro 1. Prorrheticorum Sect. 2. textu 17. repetit quod in aphorismo dixit Hippocrates, inquiens: Perniciosa sine Signis leuantia, mortem indicant. Galenus in Commentario ait: Sine Signis, inquit, vel excretionis, vel concoctionis: non autem aliud docet, quàm vniuersale illud in aphorismis ita scriptû: Quæ non ex ratione leuant, his fidendum non est: nec valdè formidanda, mala, quæ præter rationem eueniunt. Præsens siquidem dictio ab vniuersali recedens, eorum quæ vniuersali subiecta sunt quippiam edocet: de perniciosis siquidem duntaxat pronunciat, non de prauis omnibus: neq; enim prorsus, quicquid prauum fuerit, mox idem perniciosum existit. Demonstrauimus siquidem in Prognostico, malorum Signorum differentias non paucas dictas esse, in quibus Hippocratem ipsum ex nominum priorum adiectione, magnitudinem horum indicare ostendimus. De prauis igitur simpliciter, & non perniciosis, nosse id duntaxat satis est, non esse his fidendum, si absque Signis desierint: redibunt siquidem, sed non tollent hominem. Quæ verò eò prauitatis deueniunt, vt & inter perniciofa censeantur, quòd hæc quidem mediocriter prauis infida magis sint, nequeantq; securè, & cum fiducia sine manifestis Signis sedari, in libris de Iudicationibus est latissimè à me demonstratum. Nempe vbi talia tractu temporis laesionem habitualement indissolubilemq; confecerint, reuertentur pro malitiæ suæ magnitudine, periculi magnitudinem afferentes. Nam causæ aliquæ eorum, quæ in corpore procreantur, potentiâ virtuteque, tum virus rabidorum canum, tum lethalia ea medicamenta repræsentant, quæ etsi in affecto loco nullum protinùs, quod notabile sit, pariant symptoma, post quatuor tamen, vel sex menses, vel longinquioris temporis usuram, hominem perimunt. Scimus autem nonnullos, & à cane rabido morsos, qui postea tum aquas formidauerunt, tum à morsûs initio post duos, vel tres, vel quatuor, vel multò plures menses, interierunt. Noui fanè & quendam, qui exacto anno eam incurrit affectionem, quam *ὑποπόβω*, id est aquæ timorem, vocant. De quo Medicis omnibus summa in solidis animalis partibus siccitas esse videba-

Omnia praua Signa non sunt perniciofa.

Praua simpliciter, & symptomatica, si redeant, hominem non tollent.

Perniciofa symptomatica sine euacuatione cessantia, sunt Signa infida.

Morsus canis rabidi, & quadam assumpta venena, etsi nulla statim appareant symptomata, paulatim enecant. Hydrophobi.

*Mutatio
substantia
solidarum
partium in
vitiligine,
& morfu
canis ra-
bidi fit.*

*Ergregium
exemplum.*

*Aegritudo
apparēter
parua,
quandoque
perniciosa,
ut binis
exemplis
hic ostēdit
Galen.*

debat : atque vnà adaucta naturalis caliditas , in igneam conuer-
sa. Affectionem hanc caninum virus parit longo tempore , paula-
timque , atque ob id immedicabilior existit , quòd partium solida-
rum substantia in aliam transeat conditionem , veluti in vitiligini-
bus, leucis appellatis, fieri consuevit: nempe & alius descendit hæc
præter naturam affectio. Cùm autem hæc alterent quidem solida
corpora, sed nondum alterauerunt , simul vt vacuata sunt, solido-
rum quoque alteratio cessat: interdumque die vno, interdum verò
citiùs etiam ad naturalem redeunt habitum. Nempè cum affectio
fit , & nondum facta est , breuiter, separatâ efficiente ipsam causâ,
sedatur : si verò completa ea fuerit , etiam si euacuata fuerint , quæ
affectionem procreauerint humida, nihil in sanatione rationis am-
plius existit. Simile quippiam in lignis ipsis contingit , quæ proxi-
mè mediocrem ignem sunt appositæ , calefiunt siquidem valdè,
sed nondum inuruntur: quæ si priùs ab igne separaueris , quàm ac-
cendi inuriq; incipiant , celeriter contractam caliditatem exuunt,
deponuntque : si verò tantùm in se exceperint , vt inuri incipiant,
etiam si ab igne tollantur, nihil minùs inuruntur . Quòd si lignum
humidum in ignem eundem conijciatur , non protinùs accenditur,
vt si vel stuppam , vel calamum siccum , vel ellychnium conieceris;
etsi post paulò lignum huiusmodi sustuleris , breui post intervallo
deponet eam , quam ab igne contraxerat , alterationem . Non est
igitur absurdum , vt talis in corpore paulatim progenitus sit hu-
mor , qualis est & rabientium canum , & tractu temporis longiore
corrumpentium medicamentorum, ita, vt pleròq; Medicos lateant:
quomodò in eo , qui ob lassitudinem , vt videbatur , maximè mo-
dicam, febrijt, qui post quartum diem vrinam secreuit , substantiâ
quidem tenuem , sed colore nigram , vt in vtroq; eam quæ ex pau-
co atramento scriptorio aquæ multæ diluto confurgit, misturam
repræsentaret: Atque modo alio si non atramentum ipsum dilutum
intellexerimus, certè eam quæ à multis ἀσβόλη appellatur , fuligi-
nem. Visus est æger hic quarto die benè habere; ita vt sequentibus
diebus lauaret: deinde die septimo vespere cùm febre cæpisset, ta-
befactus obiit. Docetur autem in præsentī dictione, id quod opti-
mis Medicis opem affert , non vulgaribus . Neque enim pernicio-
rum morborum Signa hi nouerunt. Adolescens præterea qui-
dam excernebat cum febre imbecilla rubidam proluuiem non

paucam: sæpiusq; die vno, nocteq; cum tepida febre: qui hinc mediocrius habere est visus, ita vt tertio die à febre immunis esse videretur. Ego itaque urinas ipsius, quæ tum tenues, tum albæ, aquæ instar, essent, conspiciens, iocinoris infirmitatem permanere conieci, præcepiq; vt occurrerent huic idoneis, tum epithematis, tum esculentis, & ratione viuendi vniuersa. Deridens verò me Medicus quidam à Thessalo edoctus, qui nō solū ipse nunquā urinas contemplatus erat, sed & contemplantes, fullones appellabat, prohibuit ne homini præsidium ferretur, sola post inanitionem refectio vtendum esse inquiens. Sed morbus septimo à principio die superueniens patuit omnibus esse hepaticus. Talia igitur omnia, quæ valdè vtilia sunt, prætermittunt expositores, tempusq; interdum circa dictūculas nullo pacto vtilis, conterunt.

Docet Galenus in corporibus nostris prauos quosdam humores, procedente tempore, tantam acquirere inalignitatem, quantam possident Venenum ex morsu Canis rabidi in corpore relictum, nec non assumpta venena, quæ hīc, & alibi, lethalia medicamenta appellat. Nam, vt in corpore, temporis decursu, propinata venena, quantumuis leuiora, & portiuncula spumæ canis rabidi in vulnere dentibus inflicto relictæ, vires acquirunt ad eò validas, vt hominem demum è medio tollant, ita & prauī humores in corpore latentes maiorem in dies prauitatem acquirunt, cuius virtute aliqua nascitur ægritudo prorsus indelebilis, etiam si post huius firmitatem procreationem ipsa causa integrè eradicetur, & extra corpus feliciter deturbetur. Illud .n. axioma, ablata causâ tollitur effectus, dictum puta de causa effectuum, qui nondum in corpore altas egere radices, sed in fieri sunt, siue fientes. Ablatâ siquidem talium fientium morborum causâ, tolluntur & ipsi morbi: nam non amplius partes solidæ alterantur, sed post diem vnum, aut breuius tempus, ad naturalem habitum redeunt. Si .v. præfatæ causæ solidas corporis partes alterauerint ad eò, vt dicantur partes alteratæ, & non alterari, frustra euacuatur causa: quia morbus non est amplius in fieri, sed in facto esse. Febris v.g. hectica, est intemperies calida & sicca solidarum cordis partium, estq; iam in facto esse, non amplius in fieri, cū in habitum defierit, auferatur quantum placuerit causa, quæ hanc procreauit, non proinde confirmata Hectica tollitur, donec hominem è medio tollet. At verò ablata

Ex urina tenui, & nigra præcedentis ægri periculum coniecit; ex aquea urina, & rubicunda tenuiq; deiectione, huius ægri.

Ablata causa tollitur effectus, quomodo intelligitur.

*Calor ipse
præter na-
turam est
intempe-
ries, quæ nõ
nisi per
gradus ro-
latur, sicuti
per gradus
introduc-
tus est.*

febrium putridarum causa, cessant & eadem febres putridæ, non eodem quidem temporis momento, sed interdum transacto die, interdum verò citiùs, vt in contextu monuit Galenus: cuius hanc doctrinam non videntur legisse illi, qui causam continentem in febribus, alijsq; intemperiebus, statuerunt.

Qui cupit ergo prædicendi scientiam apprimè callere, exactè incumbat necesse est cognitioni naturæ Signorum. Præter ea quæ de his, citatis iam locis docuit Galenus, lib. 3. de Crisib. cap. 4. multa, de cognitione idæ morbi, ac magnitudinis eiusdem, ac motûs, & moris, ac similium, discurret. Nonnulla etiam de reciduatione, & bonis Signis Criseos refert libro 1. de Dieb. Decret. cap. 1. Lib. 1. de Crisib. cap. 12. multa de bonis, malisque vtinis.

Capite citato 11. libri 1. de Dieb. Decret. cuius occasione tam multa de die quarto, & Prognosi ex eodem die dependente, diximus, docuit Galenus, diem quartum ex sua natura esse indicem septimi diei. Ex sua natura, inquit, nisi quid extrinsecus, aut vi morbi, causæue morbificæ, superueniat, quod impediet eiusdem diei quarti conatum. Vnde adueniat diei quarto vis indicans, in sequentibus exponemus.

De vi indicante Quarti Diei.

*Dies indi-
ces, siue
contempla-
biles.*

Quartum diem, indicem septimi, sicuti vndecimum decimiquarti, & decimumseptimum vigesimi, docuit manifestè Hippocrates lib. 2. aphorism. 24. hac serie: Septenorum quartus est index. Alterius septimanæ octauus principium. Est autem, & vndecimus contemplabilis: ipse enim quartus est secundæ septimanæ. Rursus verò, & decimuseptimus contemplabilis: ipse siquidem quartus est à quatuordecimo, septimus verò ab vndecimo. Hæc Hippocrates immediatè post hunc Aphorismum 23. (Acuti morbi in quatuordecim diebus iudicantur) de diebus Criticis pronunciauit, vt nobis persuasum foret, Crisim acutis morbis, & non chronicis, contingere. Libro Prognosticorum Sect. 3. de Diebus Decretorijs, loquitur sequenti serie: Febres, siue sanus ab his quis euadat, siue pereat, æquali dierum numero iudicantur (id est, eodem die, quo bona Crisis fit, mala etiam fieri consuevit). Vt enim saluberrimæ febres, quæ videlicet tutissimis ful-

*Bona Cris-
is, & ma-
la eodem
die fieri
consue-
runt.*

ciuntur notis, die quarto, vel antea, iudicari solent: ita malignissima quæque, & quibus periculosissima Signa adsunt, die quarto, vel citius, interficiunt. Primus itaque earum insultus ita finitur: Secundus quaternarius in septimum diem producit: Tertius in undecimum: Quartus in decimumquartum: Quintus in decimumseptimum: Sextus in vigesimum. Hi autem ex acutissimis morbis per quatuor in viginti, ex additione, perueniunt. Verum huiusmodi supputatio, per dies integros nimirum fieri non potest: quippe cum nec annus, nec menses ipsi integris numerentur diebus. Deinde eadem ratione, atq; additione, primus circuitus ad quatuor & triginta, alter ad quadraginta, & tertius ad sexaginta dies perueniet. Immediatè post hos Hippocratis contextus, inquit Galenus lib. 2. de Crisib. cap. 6. Atque in his duobus Commentarijs (id est in Prognostico, & Aphorismis) omnes decretoriorum dierum circuitus, hebdomadis, & quaternionibus ascribit. At in primo Epidemiorum libro (comment. 3. tex. 14.) omnium deinde meminit hisce verbis: Est autem primus circuitus decretorius circuituum omnium, qui paribus diebus decernunt, quartus, sextus, decimus, decimusquartus, decimusoctauus, vigesimus, vigesimusquartus, vigesimusoctauus, trigessimus, trigessimusquartus, quadragessimus, sexagesimus, octogessimus, centesimus, centesimusvigessimus. Eorum, qui imparibus circuitibus iudicant, primus est tertius, quintus, septimus, nonus, undecimus, decimusseptimus, vigesimusprimus, vigesimusseptimus, trigessimusprimus. Hippocrates igitur, inquit Galenus, omnes hoc sermone (id est in textu hoc lib. 1. Epidem.) Decretorios Dies manifestò comprehendit. Recordationi siquidem, ac memoriæ præparatio hæc conuenit. Demonstratum enim à nobis sapius est, Epidemiorum libros Prognostico prius, & Aphorismis scriptos esse, quòd in memoriam rerum prius obseratarum suggerant. Itaque in hoc Commentario (Epidemior. scilicet) omnes Decretorios Dies per seriem conscripsit: in illis (Prognostico scilicet, & Aphorismis) eos tantum, qui maximam virtutem habent, & naturæ suæ ratione perfecti sunt (sicut in sequentibus ostendetur); & insuper non mediocrem usum ad futuri statûs, iudicijq; prænotionem exhibent.

*Circuitus
integris
diebus non
constant.*

*Dies Cris-
tici pares,
& ipares.*

*Cur aliter
in Epide-
mijs, aliter
in Prognos-
ticijs, &
Aphori-
smis loquun-
tur est Hip-
pocrates.*

In textu Epidemiorum quidam Interpretes in Codice Veneto omiserunt diem octauum, Foëssianus verò Codex, cum veteri In-

*Octauus
dies.*

terprete, rectè eius meminit; cum in eo Crises superueniant, vti superius nobis significauit Galenus. Cæterum ex dictis Hippocratis contextibus, quos in maturissima ætate inter Aphoristicas, & Prognosticas Sententias reposuit, facillè colligimus duos decretorium dierum ordines inter se complexos, quorum primus quaterniones constituit, secundus septenarios, siue hebdomadas. De diebus Coincidentibus, æquè ac de iam dictis scripsit textu traducto ex libro 1. Epidem. vt testatur Galenus, & veritas patet.

*Dierum
Coincidentium
meminit Hip-
pocr.lib. 1.
Epidem.*

*Dies in-
dex, & con-
templabi-
lis quid.*

Vt clariùs res procedat, Aphorismus citatus 24. exponendus, secundo loco Sententia Prognostica. Indices (inquit Galenus in aphorismi Commentario) & contemplabiles (index, ἰνδὲξ, & contemplabilis, θεωρητὴς, in aphorismo appellantur) solet Hippocrates nominare dies, in quibus aliquod Signum apparet futuræ iudicationis indicatiuum, in altero aliquo indicantium dierum, quos ipse in Prognosticis vnâquamque septimanam in duas diuidens partes, per quaternarios digessit. Primum ergo quaternarium septimi diei, si quis ab initio numeret, indicem esse ait. Vndecimum. a. quartidecimi, quoniam & hic (vndecimus scilicet) secundâ septimanâ in duas partes diuisâ, index prouenit. Eâdem ratione, & decimussseptimus vigesimi est index; quoniam ex diuisione tertiæ septimanæ in duas partes, efficitur: illud tantum interest, quod hanc tertiam septimanam secundæ coniungit, quamuis primam à secunda separauerit: nam eius (id est, secundæ septimanæ) initium, diem octauum esse dixit, non tamen tertiæ (id est, hebdomadæ) quintumdecimum; quemadmodum nonnulli post ipsum existimârunt: quoniam neq; vigesimum primum terminum statuit: sed principium quidem tertiæ septimanæ, quartumdecimum, finem autem & terminum, vigesimum. Veritatem huius doctrinæ experientiâ didicit Hippocrates, vt post iam dicta affirmat Galenus.

*Cur tertia
septimana
à secunda
non diuis-
mitur.*

Cur autem Hippocrates duas primas hebdomadas ab inuicem seiunxit, tertiam verò hebdomadam secundæ copulauit, Galenus in Aphorismi Commentario dicit se daturum seiunctionis, & conjunctionis præfatæ rationem in Opere de Diebus Decretorijs. Igitur libro 2. de Dieb. Decret. cap. 9. & Commentario citatæ sententiæ Prognosticorum, docet duas primas septimanas à se inuicem separari, ne secunda hebdomada in diem decimumtertium terminetur, qui dies ignauus est, & Critica fermè vacat virtute. Cum

*Cur secun-
da septi-
mana à
prima se-
paratur.*

ergò

ergò experiētiā compertum fuerit , Crises die decimoquarto , & non decimotertio superuenire; hinc conficitur rectē ab Hippocrate, secundam septimanam à prima seiungi , constituendo secundæ septimanæ initium, octauum morbi diem , non verò septimum , qui est primæ septimanæ terminus . Non est autem dies septimus primæ & secundæ septimanæ communis, sed soli primæ, quam claudit, peculiaris.

Ratio verò, cur secunda septimana, & tertia copulentur, est, quia *Cur tertia septimana secunda copulatur.* alioqui Crisis non in vigesimum, sed in vigesimum primum incidet: neq; etiam quadragesimo, sexagesimo, octogesimo, centesimo, centesimo vigesimo, sed quadragesimo secundo, sexagesimo tertio, octogesimo quarto , centesimo quinto , centesimo vigesimo sexto, Crises superuenirent , quod ab Hippocratis longâ experiētiâ remotum est: Vigesimum enim diem, quadragesimum, sexagesimum, octogesimum, centesimum, centesimum vigesimum, veros esse dies Criticos, quia ita comperiit, voluit. Neque multum refert, quòd *Dubio occurratur.* vigesimum primum diem, Criticum lib. 1. Epidem. nuncupauerit: quoniam inibi non rem exactè examinavit , nec vltimò de hac eadem re deliberavit. Quæ in Prognosticis Sect. 3. tex. 1. hac de re Galenus scripsit, sunt quæ sequuntur. Caterum cognouit non primus solum, sed etiam maximè admirandus Hippocrates decretoriorum dierum naturam : atque etiam indicauit causam generationis eorum , quam nos quoque Tractatu de Diebus Decretorijs docuimus , validiorem indicantes esse circuitiōnem Decretoriorum *Septenarij, & quaternarij* Dierum, septenarium: secundam verò potestate, quaternarium, eò, *ternarij* quòd septenarius bipartitò secetur : denunciari autem futuram iudicationem in septenarijs circuitiōnibus à quaternarijs: Quartum enim diem septimi, vndecimum verò quartidecimi indicem esse, quos Hippocrates, Indices, & Contemplabiles nominat. Sanè tali modo numerari vult septenarios : Duos deinceps primos (septenarios) per disiunctionem, sequentē. v. tertium per copulationem. Itaque disiunctio est , quoties in alium diem desinente primo septenario , mox sequens (septenarius) ab altero (id est , ab octauo die) incipit: Copulatio verò, quoties vnus dies vtriusq; septenarijs communis est desinente in eum (communem diem) primo septenario, proximo verò (septenario) ab eo ipso (die vltimo præcedentis septenarij) incipiente : Et ob eam rem vigesimum diem tertij septenarij

*Vigesi-
mus, & nō
vigesimal-
primus est
Criticus.*

narij nouissimū (id est vltimum) esse perhibuit Hippocrates. Quod si hic quoq; (id est tertius septenarius) ex d. siunctione numeratus esset, primum & vigesimū, non vigesimū, validiorem esse oportebat. Sed constat quod non ita eueniat: vigesimus enim & sæpenu-merō, & validè iudicationem efficere cernitur. Igitur cū tres septenarij viginti impleant dies, tum autem quartus septenarius à primo & vigesimo inchoetur (vigesimūseptimū inter Decretorios lib. 1. Epidem. enumerauit); ex septenarijs deinceps tribus viginti implentibus dies, meritō Hippocrates (commentar. 3. Prognost. tex. 3. & 5. & lib. 1. Epidem. comment. 3. tex. 14.) quadragesimū diem, non quadragesimūsecundū, decretorium esse dixit: itidem & sexagesimū, & octogesimū, non sexagesimūtertium, neque octogesimūquartū. Hæc igitur circuitionum per septenarios digestio est.

*Dies quar-
tus est vl-
timus pri-
mi quater-
narij, &
primus se-
cundi.*

Immediatè post hæc, secundam, & tertiam sententiam Sect. 3. Prognostic. exponit Galenus sequenti serie: Numeratio verò per quaternarios huic (id est enumerationi septimorum) subsequens est. Diducto enim quouis septenario in duos in eo (contentos) quaternarios, quartus ab initio morbi dies, finis erit primi quaternarij, initium verò secundi: tum autem quaternarius deinceps tertius ab octauo inchoabitur die; quia secundus septenarius ab eo ipso (id est, octauo die) incipit: ita fit, vt vndecimus dies finis sit tertij quaternarij, initium verò quarti. Porro quintus quaternarius à quattodecimo inchoabitur die; eò quod & tertius septenarius (ab eodem diē decimoquarto exorditur): igitur ad septimumdecimū finis eius peruenit; qui rursū (decimūseptimū) duobus quaternarijs, quinto, ac sexto, communis est, in quos (quintum & sextum quaternarios) tertius septenarius diductus est. Itaque vigesimus dies ægrotationis, finis trium septenariorum, & quaternariorum sex, habetur.

*Vndeci-
mus duos
constituit
quaterna-
rios; sicuti
decimūse-
ptimus.*

Galenī hæc expositio, vix aliā eget. Dixit enim cum Hippocrate, vigesimū diem tribus impleri septimis, siue septenarijs, siue hebdomadibus, dummodò dies non fuerint integri. Idè enim decimūquartū morbi diem secundæ & tertię septimanæ communem facit; ita vt sit secundæ septimanæ vltimus dies, & tertię septimanæ primus. Secunda autem, & tertia septimana, ratione huius vinculi, ex decimoquarto resultantis, coniunctæ, copulatæue

meritò dicuntur. Sola ergo prima septimana integra est: Secunda verò, & tertia non omninò completa.

Sola prima septimana est integra. Dubio occurratur.

Dixit rursus cum Hippocrate Galenus, viginti dies sex quaternionibus impleri; quod sanè, primo statim occurfu, à ratione alienum videtur: cùm numerus vicenarius, siue vigesimus, Arithmeti-
corum calculo, quater quinque, aut quinquies quatuor, tantum complectatur. Verùm Galenus omnem à dictione Hippocratis obscuritatem remouet, vnamquamque trium septimanarum, ab Hippocrate ad viginti dierum constitutionem descriptarum, in duas diuidens partes. Primus ergo septenarius in duos dirimitur quaternarios, non tamen integrè diuersos. Primus igitur quaternarius primos quatuor morbi dies comprehendit: quartus tamen dies, quamuis vltimus primi quaternarij, primus est secundi quaternarij, & septimus dies est vltimus, ac quartus secundi quaternarij. Quoniam fortassis res hæc ab omnibus non plenè comprehenderetur, numerum ipsum binorum quaternariorum hebdomadæ primæ recenseamus: Primus morbi dies, secundus, tertius, & quartus: Ecce primæ septimanæ primus quaternio. Secundus hæc serie numeratur: quartus, quintus, sextus, & septimus. Huius secundi quaternionis primus dies, est quartus, qui adhuc erat vltimus, primi quaternionis. Secunda hebdomada in geminos pariter quaterniones hoc pacto dirimitur: Octauus morbi dies, nonus, decimus, vndecimus: & hic est secundæ septimanæ primus quaternio. Secundus hac serie disponitur, vndecimus, duodecimus, decimus tertius, decimus quartus. Primus dies huius secundi quaternionis est vndecimus, qui vltimus erat primi quaternionis. Tertia hebdomada in duos similiter quaterniones sequenti ordine diuiditur: decimus quartus morbi dies, decimus quintus, decimus sextus, decimus septimus: Et hic est tertiæ septimanæ primus quaternio. Secundus quaternio sequenti modo constituitur: decimus septimus, decimus octauus, decimus nonus, vigesimus. Eadem obseruata proportione fit quaternionum enumeratio, ad centesimum, & vigesimum morbi diem, continuando cum primis tribus hebdomadibus enumerationem.

Quaternionum constitutio.

Nec dixisse sufficit, viginti dies morbi sex constare quaternionibus, sed reddenda ratio, cur tam insolito numerandi stylo Medici, vt dies indices rimentur, vt consueuere. Sanè artificiosa hæc die-

Ratio constitutionis sex quaternionum, viginti dierum.

Partes autem de proximis suis totis indicant: Ergo quaternarius de vicino septimo.

Cur quaternarii non sunt integri.

Quaternio non est periodus, sed periodi dimidium.

rum enumeratio necessaria est, vt rem quotidie contingentem debite percipiamus. Videmus enim experientia edocti, diem medium cuiusvis septimanæ bis in hebdomada repetitum, vt hæc in duos quaterniones separetur, esse verum indicem, & contemplabilem: Nam cum in medio septimanæ collocetur, vtriusque partis, & antecedentis, & subsequenter naturam quodammodo sapit: ideoque quod primo morbi die non fuit discussum, quartus abigere satagit, & insuper septimi diei molimen præinducat: Est .n. quartus dies vtriusque extremi particeps: nam media sui parte tribus antecedentibus diebus copulatur, secundum alteram medietatem tribus diebus subsequentibus. Appositè ergo Criticus constituitur, quatenus antecedentem morbum abigere conatur: index verò septimi, quatenus explorator sequentis ternarii dierum, cum quibus, sicuti cum antecedentibus tribus diebus, cognitionem quandam, propter relatum antea cum vtriusque copulam, contraxit. Si verò integri quaternarii constituerentur, nihil præindicarent, quoniam in dies non Criticos caderent. Primus verò quaternarius octauum diem indicaret, & dies duodecimus decimum sextum, decimum sextus vigesimum. Galenus lib. 2. de Dieb. Decretor. cap. 9. probans quaterniones integrè multiplicatos non efficere perfectum circuitum, cui vis Critica insit, ait: Sed & ipse quaternio, si eius compositionem in se faceret, octauum, duodecimum, & decimum sextum, fortes decretorios efficeret. Quapropter ipse quartus ne periodus quidem euidenter est, sed periodi velut dimidium. Etenim septimanâ dupliciter diuisâ quartus sectionem accipiens, primi quaternionis terminus est, secundi initium. Eandem doctrinam scripsit lib. 4. aphorism. 71. vbi probans, quartum posse futuram Crisim die septimo prænunciare, dummodò morbus valde vehementer moueatur, & nubecula rubea in vrina eodem quarto die appareat, inquit: Nam si quarto die fiat, quod sequitur tempus, tempus æquale priori assumens, non est impossibile, quòd iudicationem ostendat. Putat enim, & optimè, tantum bonitatis & perfectionis ab vrina, & sua nubecula sequentibus tribus diebus acquiri, quantum tribus antecedentibus iam acquisiuit. Propter hanc æqualitatem temporis, rectè ibidem docuit Galenus, in diem decimum quartum incidere, quando coctionis Signa die septimo apparere inchoant, & in diem vigesimum, quoties decimo quarto. Sed hæc de quarto die, prout Index est, sufficiant.

De Quarto, vt Decretorio.

Galenus libro 1. de Diebus Decretorijs, cap. 5. quartum diem, decretorium appellat, sed videtur eum posuisse in vltimo loco, sed ante tertium diem, & decimumoctauum. Nam ante omnes, septimum, & sextum diem, propter frequentem Crisim in ijs contingentem, collocat. Septimum etiam, tanquam præcipuum, primum statuit. Septimi naturam, inquit, decimusquartus maxime imitatur. Proximi his sunt nonus, vndecimus, & vigesimus. Propè hos verò decimusseptimus, & quintus; post hos quartus; hunc sequuntur tertius, & decimusoctauus. Ex his constat, Galenum tribuisse quarto diei vim Criticam, sed imbellem. Eum tamen decretorium esse vult libro 3. de Dieb. Decret. cap. 8. & 11. Et libro 1. de Crisib. cap. 16. Libro autem 2. de Dieb. Decret. cap. 2. expressius de eo pronunciat, quæ sequuntur: Vbi enim prima hebdomada bifariam diuisa, quartus Sectionem recipiens, qualis finis futurus erit, prænunciat, & secunda similiter, quomodo non quis intelliget septimanam quamq; perfectam quandam esse periodum, cum medium ab utroq; extremo ex æquo similem obtineat? Nam quartus morbos, qui primo die non cessârunt, soluere conatur: vndecimus rursùm quos septimus non discussit. Quòd, si morbus maior sit, quàm vt quarto die Crisim accipiat, dies quidem quartus præparat, finem verò imponit septimus. Pari modo, qui septimo non desierunt, vndecimus dies soluere molitur: atq; sic vel ipse decernit, vel ipsi decimoquarto præparat. Lib. 4. Aphorism. 36. diem quartum primum decretorium appellat Galenus. Clarè quidem quarto vim Criticam tribuit Hippocrates lib. Prognost. Sect. 3. tex. superiùs citato & transcripto, in quo ait, mitissimas febres, quæ Signa habent securissima siue tutissima, quarto die, vel priùs finiri: malignissimas verò febres, quæ cum Signis grauissimis accidunt, quarto die, aut citiùs occidere. Vult enim, vt in reliquis diebus Criticis contingit, quarto die, nunc bonam, nunc malam Crisim superuenire: quod experientiâ comprobauit Hippocrates, qui lib. 3. Epid. Sect. 3. tex. 77. narrat, sicuti Pericles Abderæ mediante sudore quarto die salubriter iudicatus est. Eadem Sect. tex. 76. fertur. Caluus Larissæ quarto die extinctus. Caterùm Galenus lib. 3.

Qui digniores inter dies Criticos.

Quartus est Criticus.

Qualibet septimana est perfecta periodus.

Quartus, & vndecimus indicant, & indicant.

Quartus primus decretorius.

*Quarto
die in bi-
liosus, rarò
Crisis vi-
detur.*

de Dieb. Decret. cap. 8. & lib. 3. de Crisib. cap. 4. & lib. 4. Aphorism. 36. quarto die Crisim rarò contingere dicit; quia febres biliosæ continuæ, ut plurimum tertio die, qui vehementiæ primi diei correspondet, exacerbantur; tum quia rarò per hæmorrhagiam synochus quarto die iudicatur, etsi hoc die conuenienter iudicari deberet. Loquutus sum de continua biliosa, quia intermittens tertiana sæpè quarta accessione, & consequenter quarto die, iudicatur, ut frequenter experientia nos docet. In febribus autem intermittentibus, non dierum, sed accessionum considerandus est numerus, ut constat ex textu 8. Sect. 3. Prognostic. & lib. 4. aphorism. 59. & lib. 1. Epidem. Sect. 3. Comment. 17. Sed hæc de die quarto dicta sunt.

*Accessio-
nes, & non
diès in in-
termitten-
tibus fe-
bribus ob-
seruanda.*

De Die Quinto.

*Quintus
dies est
Criticus.
Vicitus ra-
tio est ma-
gna Medi-
cina pars.*

*Vnctio
corporis ex
oleo calido
quando fie-
ri debet.
Ar. omeli.*

Dictum abundè est in Die Tertio; & Quarto antecedentibus, diem quintum esse Criticum, sed Coincidentem. Hippocratis & Galeni varia testimonia hac de re transcripsimus. Galenus lib. 4. aphorism. 36. sequentia scripsit: Veruntamen ipsum (quartum scilicet diem) nunc prætermisit vel ipse Hippocrates, vel qui primus librum scripsit. Si verò omnino Hippocrates illum præterijt, hanc ob causam existimo illud fecisse; quoniam morbi plurimi peracuti, qui cum sudore iudicantur, tertio, & quinto die magis, quàm quarto, iudicia suscipiunt. Libro 11. Meth. Med. cap. 15. die quinto Crisim contigisse narrat: & contra Methodicos quædam decernit; ut quòd non leuissima Medicinæ pars est scientia ordinandi vicitus: quòd malè agerent, solam sanguinis missio- nem in principio adhibentes, reliquam omnem ægri curationem vicitui mandantes: quòd corpus ægri post tertiam accessionem oleo perfunderent, cum præsentè plethorâ quauis, aut cacochymiâ, id fieri non debeat, quia ad partem oleo calido inunctam humores in magna copia facillè trahuntur. Mulsâ verò, vel alicâ, vel sorbitione, post perfusionem ægrum alebant, deinde verò alternis diebus cibabant ægros. Sed cataplasma ex artomelite, id est, Pane, & Melle, Hypochondrijs admovebant. Sicubi verò alius adstricta fuerat, Clystere hanc ducebant. Malè isti gregales Medici olei perfusione, & cataplasmatibus utebantur pro hypochondrijs: nam quar-

to aut quinto die inflammationem in hepate, aut ventriculo, concitabant. Postea, sequentia eodem Cap. scripsit Galenus: Sanè accidit, ut in eiusmodi morbis diuites potius, quàm pauperes, perperam curentur. In diuitibus enim, propter ipsorum delicias, duplex peccatum non rarò committitur, & quòd sanguis non mittitur; & quòd à Medicis scilicet adhibetur diligentia, ut quotidie aliquid circa ægrotantis corpus fiat. Ac inter initia quidem sanguinis missionem maior eorum pars propter molliem non admittit, tamen si magis, quàm pauperes, redundantia sanguinis affectibus sint obiecti, ut qui magis tum cibus se impleant, tum in otio viuant. Medici verò, qui eos curant, ubi summum remedium (id est sanguinis missio) est omissum, aliorum remediorum usu saturos se, quòd deficit, putant. Et paucis interpositis: Cogunt eos præcordijs (hypochondrijs potius) aliquid quotidie admouere, sed nec inuitis profectò ipsis Medicis; ut qui facere semper aliquid videri velint, quòd sic se maiorem mercedem accepturos sperant. Itaque accidit, ut illo ipso tempore phlegmonæ diuitibus incipiant, quò iam pauperibus morbus propemodum perductus est ad finem: quippè misso in propositis febribus inter initia sanguine, non pauperibus modò, verum etiam diuitum seruis, plurimis quidem quinto, aliquibus septimo, Crisis contigit, nemini seriùs. At diuites, qui & sanguinis copiam, & excrementorum plus, quàm pauperes, & serui habent, cum sanguinis mittendi prætermisere remedium, ac quotidie, tum calido oleo perfundantur, tum laxantibus cataplasmatibus utantur, phlegmonem nimirum aliquam, vel in iecinore, vel in ventriculo, vel reliquorum istius viscerum aliquo, contrahunt, alij in quarto, alij in quinto, omnes planè in sexto. Hanc doctrinam, cuius Medico necessariam, transcribere volui, ut cuius apertum sit, quàm magnam vim interpellandi Crisim habeant Medicorum errores præ inscitia frequentes.

Ex dictis constat, frequentes Crises fieri quinto morbi die. Ex lib. 1. Epidem. comment. 2. infert Galenus lib. 2. de Dieb. Decret. cap. 3. quinto die Crises fieri quandoque perfectas, aliàs imperfectas. Eodem libro cap. 5. ex Hippocrate etiam infert, quintum, septimum, & nonum diem, subito & vniuersim decernere. Libro 3. de Dieb. Decretor. cap. 8. apertè quinti vim Criticam exponit, aiens: Huius rei gratia (quia scilicet in morbis acutis tertio quoque

*Diuitibus
quàm pau-
peribus
maior san-
guinis co-
pia extra-
hi debet;
& cur.*

*Medici
mercenary
multa præ-
scribunt
remedia.*

*Pauperes,
& serui ci-
tius, quàm
diuites sa-
nantur.*

*Causa die-
rum Coin-
cidetium.*

*Diem
quartum
verè de-
cretorium
appellat.*

*Nonus
dies septi-
mi, aut vn-
decimi
Crisis sibi
arripit.*

*Metop. 5.
die sana-
tus.*

die accessiones fiunt, & in accessionibus Crises) tertius, & quintus meritò decernunt; non ex Lünari circuitu potentiam decernendi sortiti; sed vel quòd ob violentiam accessionis tertius Crisim quarto die futuram præuertat: vel &, per Iouem, quòd natura, dum quarto die lassâ, nec incitata conquiescit, quinto ad iudicium commoveatur: nam hic vero decretorio (id est quarto) tardius venire, tertius paulò magis anticipare conspicitur. Atq; ambo Crisim obtinuisse, quòd vicini ambo verè decretorio (quartum diem verè decretorium appellat) accessiones susceperint. Iam verò, & nonus inter duos decretorios, septimum, & vndecimum, medius, vel non factum in septimo die iudicium, vel vndecimo futurum ipse sibi vendicat: rarius quidem septimi, sæpè vndecimi, Crisim assumit, &c. Exemplum Crisis factæ die quinto, esto Meton, qui hoc die per fluxum sanguinis narium iudicatus est; vt habetur lib. 7. Epidem. Sect. 3. Sed, vt ibidem habetur, Erasinus die quinto mortuus est. Philistes quoq; in Thaso, die quinto mortuus est, vt habetur lib. 3. Epidem. Sect. 1. Libro 4. de ratione victûs in morbis acutis tex. 62. Hippocrates de ijs, quæ quinto die contingere, sequentia scripsit: Cum autem in febribus quinta die terrificum quippiam fuerit, vel venter repentè liquida deiecerit, & animæ defectus prehenderit, vel vocis priuatio, vel conuellatur æger, vel singultiat, ex his angi, grauiterq; affici consuevit, sudoresq; circa tum mustacem, tum faciem, tū ceruicem, ab occipitio esse consueuerunt. Qui autem hæc patiuntur; spirituosius paulò post moriuntur. His quidem superuenientibus Signis nullum bonum intermiscetur, sed omnia mala sunt. Vnde his apparentibus propinqua mors, vt docuit Præceptor, aut si quis alius fuit libri citati author. Vocabulum, spirituosius, tanquam ænigma est, vt in Commentario refert Galenus: Nam potest significare spirituum copiam, quibus venter inflari potest: veluti magnam, & frequentem respirationem. Verum in utroq; sensu malum tunc Signum æstimari debet.

*Præ-
symptoma-
ta die
quinto.*

*Spirituosius
quid.*

De Die Sexto.

IN Die Tertio, & Quarto, diem sextum cum Hippocrate, & Galeno, inter Criticos collocauimus. Nam morbi, qui diebus imparibus, & morbi, qui paribus exacerbantur, non rarò die sexto iudican-

dicantur: ratò tamen ad salutem, frequentissimè ad mortem. Pro- *Sextus est Tyrannus.*
 inde Tyranno cum assimilât Galenus lib. I. de Dieb. Decret. cap. 4.
 vbi de eo hac serie loquitur: Sextum autem diem, quantò paucio-
 res in eò iudicantur, quàm in septimo, tantò quoq; maligniorem
 inuenio, vt qui ferè ex aduerso natura septimo oppositus est. Ete- *Prognosis de sexto.*
 nim qui in quarto ad peiorem statum recidunt, plerique sexto mo-
 riuntur. E contrariò rursùs, si bona conuersio contingat, septi-
 mum Crisis expectabit. Et si ratò interim ad meliora conuersio-
 nem in quarto die euenientem sextus incipiens iudicârît, incredi- *Sexti de-
fectus.*
 bile est quanta cum perturbatione, periculo, & metu hoc fiat, quasi
 æger statim adeò fato sit functurus. Nam si in delationem animi,
 quam Cataphoram dicunt, incidunt, Sopori graui, quem Caron
 appellant, simile quid ipsis obuenit: fiuntq; tum omnis sensus, tum
 vocis expertes. Et si quæ excretio proueniat, animo consternan-
 tur, pulsus ipsorum concidunt, color abit, tremunt, collabuntur.
 At septimus dies semper, pro excretionis portione, reficit ipsos ma- *Septimi
laudes.*
 gis, ac recreat. Atque igitur sexto die maligna, acria, fatida ma- *Deiectio-
nes mala
sexto.*
 gnâ ex parte tum deijciunt, tum vomunt. Sudores rari quidem,
 qui æquales, & toto manantes corpore, & calidi: quales si quando
 oboriuntur, sæpenumerò intercipiuntur. Timor inuadit spectan-
 tes eius rei ignaros. Interdum Parotides malignæ, vel etiam Ar-
 quatus (Ictericitia, siue morbus Regius dicitur) vel alius quidam ab-
 scessus, alterum certamen, quo discutiatur, requirens, emergit. Si *Icterus est
abscessus.*
 verò & per vrinas quandoq; iudicet, nec ipsas bonas inueneris: et-
 enim crudæ, decolores, tennæ, boni nihil, quod subsidet, haben- *Vrina
mala.*
 tes, sed nunc quasi testaceum, nunc arenosum, in totum inæquale,
 incoctum, ipsa copia tantum in sexto die, quibus apparet, condu-
 cens. Atque hæc huius diei moderatissima, leuissimaque sunt ope- *Sexti vi-
tia.*
 ra, si quis saluari debet: plurimos autem confestim in syncopen
 coniecit, vel suffocauit largo sanguinis profluuiò, vel euacuatione
 parùm moderata, item vel quadam catoche, vel infania, quam *Septimus
dies beni-
gno Regi
assimila-
tur.*
pariar Græci appellant: alios in manifestam perniciem iniecit, ar-
 quatos inducens, parotidas non bonas excitans, & marcoribus in-
 sanabilibus interim inuoluens. Demùm, quod mali genus non
 adfert? Mihi quidem frequenter in mentem venit, septimi dici na-
 turam Regi assimilare, sexti verò, Tyranno: Ille siquidem prouidet,
 tanquàm bonus aliquis Princeps, ijs, quos iudicat, vel supplicij par-

*Sextus
Tyrannus
pernicio-
sus.*

tem adimat, vel illustret victoriam: Sextum verò diem è contrario finxeris, vel perniciè illius, quem iudicandum accepit, gaudere, vel salute dolere, quærereq; vbi animum expleat, & malè ægrum, qui in ipsum incidit, tractet, & lōga punitione inuoluens exerceat. Quibusdam interpositis diem sextum diem decretorium, sed malum nominat.

*Septimi
encomia.*

Sequenti Capite 5. eiusdem libri 1. de Dieb. Decret. diei sexti malignitatem copiosè satis exponit: Etenim, inquit, septimum diem, & frequenter soluere, & perfectè, & cum fide, & salubriter, sine periculo, & clarè, & cum bonis Signis: Sextum diem frequenter quidem & ipsum, sed non septimo similiter: nam & pauciores ipsum iudicare, & solutionis modo plurimum differre: neque enim bonas salubresq; ipsas solutiones esse, verùm, malitiosas plurimas: neque, si bonas solutiones, omninò & perfectas: imò neque si perfectas, statim etiam cum fide, quia nonnunquam morbus reuertitur, exactè licèt solutus esse videatur. Quinetiam cum periculo, & obscurè sextum diem iudicare, idq; ei maximè proprium esse, hoc quoque diximus,

*Sextus
malitiosus.*

Nullus, quantumvis facundus Orator, diei sexti Criticam imperfectionem plenius describere valeret, quàm binis citatis Capitibus fecit Galenus. Qui quidem virtutem Criticam, post Hippocratem, ei concessit: sed virtutem illam fallacem, & perfidam esse refert; ita vt Crisim bonam in eo contigisse vix admittat sine reversionis aut reciduationis periculo. Et facta excretionum Criticarum enumeratione, nullam bonam sexto die apparere docuit. Ante omnia docet, sexto die ægrum moriturum, si quarto die, quem sexti, & septimi indicem constituit, ad peiorem statum declinat.

*Deterio-
ratio in
quarto die
mortem
prænuñciat
sexto.*

Facile enim quarto die mutatio ad peius fit, quando morbus magnus, & κακὸς, id est malignus, celeriter mouetur. Nam primo ipso quaternione huiusmodi morbus acerbè, & implacabiliter ægrum exercet, viresq; adeò frangit, vt hæ diutius persistere nequeant. Proinde sexto die, naturà prorsus succumbente, necessariò æger morietur. Imò quandoq; apparentibus quibusdam bonis Signis quarto die, sextus dies septimi munus præoccupans, cum perturbatione, & periculo Crisim tentat, intempestiuus, quàm par est, naturam ad pugnam contra morbum excitans; cum tamen naturæ iam semifractæ vires nondum recreatæ fuerint; adeoque lon-

gè eas superent morbi insultantis atq; ferocientis vires. Meritò ergo Hippocrates lib. 4. Aphorism. 29. ait : Febricitantibus si sexto die rigores fiant, iudicationem habent difficilem. Difficilis sanè sexti diei Crisis est, vt ostendunt graua illa symptomata à Gale-
*Rigores sexto die, difficilem Crisim prænu-
 ciant : in-
 accessioni-
 bus enim,
 Crises fiut.*
 no in contextu enumerata, quæ omnium virium collapsum indi-
 cant. Nam certum est, naturales pati, cum non integrè humor mor-
 bificus subactus fuerit integro facultatis concoctricis examini : nec
 sua sponte expultrix facultas ad non præparati humoris exclusio-
 nem insurgat. Retentrix enim facultas confusum ex bono, & pra-
 uo succo humorem, antequàm mitigetur quod noxium est, & ab
 utili secernatur, amittere cogitur; cui in subsidium iens expultrix,
 quod molestiam infert, nullo præeunte delectu, deturbat. Ex hac
 igitur imparata naturæ cum morbo pugna, seuiissima superueniunt
 symptomata, facultatem vitalem, iuxta, & animale vexantia.
 Concidit porrò pulsus, vt abolitus videatur, adeò languidus, par-
 uus, & rarus efficitur; cuiusmodi est solutarum virium pulsus. Talis
 enim pulsus causam habet, languentem, & veluti prostratam fa-
 cultatem vitalem in corde residentem. Fiunt deniq; ægri decolo-
 res, quòd Cor patiat, & interiùs spiritus, & humores recurrant,
 vt suppetias eidem cordi impensè laboranti contribuant. Tre-
 munt etiam ægri, quia nerui, per quos spiritus animalis ad efficien-
 dum motum permeat, ab humore aliquo crasso, & lento obstruun-
 tur; vel certè, quia spiritus omnis ita est exhaustus, vt non nisi per-
 exiguus ad partes nouendas transmittatur. Vbi enim vitalis spiri-
 tus deficit, consequutione quadam, animalis, qui ex eo protea-
 tur, mox absumitur, cum non ampliùs restauretur. Ægri non ra-
 rò collabuntur; quoniam artus, siue pedes, manusque, cunctaque
 alia membra, facultate, & spiritu animali destituta sunt; vel quia
 cunctæ viæ facultatis & spiritus obstructæ sunt; vel quia præ frigore
 calorem permodicum natiuum longè excedente, concresecunt, in-
 durantur, & meatus ordinarij omninò obcæcantur, sua amittunt
 consueta officia. Et spiritu præterea Vitali suffocato, vel exhau-
 sto, in Lypothimiam, aut Syncopen incidere consueuerunt, dum
 euacuatur, siue per vomitum, siue per secessum, siue per hæmor-
 rhagiam, siue per sudores.
*Pulsus languidi causa.
 Cur decolo-
 res fiunt ægri.
 Tremoris causa in ægris.*
Casus ægri unde.
*Lypotho-
 mia, &
 syncope unde.*

Si verò contingat ipsos ægros veluti in somnum rapi, quoties-
 cunq; prauis istis symptomatibus diuexantur, perinde afficiuntur,
 ac si

ac si Caro laborarent. Primò enim Cataphorâ correpti ægri, in
Cataphora Carum incidunt. Cataphora enim ex Herodoto apud Oribasium
quid. lib. de Cucurbitulis, scarificat. Hirudinibus, Deriuatione, & Re-
 uulsione (qui liber contiguus est consimili libro Galeni in sexta
 Classe sui Operis) est inclinatio in somnum. Ex Galeno Com-
 ment. 3. in lib. 1. Prorhetic. Cataphora est, delatio in somnum: in
 principio enim Commentarij textûs primi, *Coma* similiter secun-
 dùm Hippocratem definit: Est enim *Coma* delatio in somnum,
Coma quod apertis quidem oculis vigilare nequeant *Comatosi*. Et si ocu-
quid. los clausos habeant, non proinde semper dormiunt, sed quando-
 que vigilant. Causam rursûs, & species Cataphoræ (Cataphora
Coma, & Cataphora enim, & *Coma*, sunt synonyma apud Galenum) proponens, in-
sunt idem. quit: Fieri autem Cataphoram, id est in soporem delationem, vt
Causa ca- in quibusdam docui Commentarijs, atq; ijs, quos de affectis locis
taphoræ. feci, interdum quidem grauato ob utilis succi copiam cerebro, vt
Ebrius. in ebriosis: interdum verò & propter pituitosum humorem: vel &
Coma vi- propter agrè separabilem absque humore frigiditatem. Cùm au-
gil. unde. tem vigilantia *Coma* iunctum fuerit (*Coma* vigil dicitur hæc con-
 iugatio ex vigilia & somno emergens) succi mordentis permixtio-
 ne fieri hanc affectionem ostendi. In libris igitur Epidemiorum,
 siue ex coordinatis, siue ex ijs, quæ simul enunciantur, quis nomi-
 nare voluerit, demonstratæ sunt *Comatis* differentia: Atq; vnâ de-
 monstratum est, Hippocratem distinctè interdum quidem profun-
 dum *Coma*, interdum verò somniculosum, & interdum vigilans,
 vel quippiam dixisse. Libro autem 3. Epid. comment. 1. tex. 7. Ga-
 lenus sequentia de *Comate* scripsit: Solidum scripsi librum inter-
 pretans significationem huius dictionis, *Coma*, in quo indicatur,
Quid coma propensionem delationemque in somnum sic appellâsse Hippocra-
ex Hippo- tem. In somnum autem propensionem voco, cùm vigilare ægri ne-
crate. queant, non apertos habentes oculos, sed conuiuentes: vel altis so-
 mnis, vel tenuibus (siue mediocribus) vel vigilijs detineantur. Qui-
 busdam interpositis, inter præcipuas *Comatis* causas, humidita-
Comatis tem recenset: & quandoq; *Coma* ab imbecillitate provenire do-
causæ. cet, inquit: Quinetiam propter infirmitatem virium talis affe-
Mox mo- ctus fit, adeò iam emorientium, vt apertas palpebras seruire non
rituri ocu- valeant. Ac ita affecti hoc habent, vt postquàm oculis conuiue-
los seruire rint, aut nihil prorsûs, aut parùm dormiant, sed vigilant, nec attol-
apertos ne- lere
queant, præ
imbecilli-
tate.

lere tamen palpebras queant. Quod quidem vitium ab eo, quod committit humiditas, & alior, pulsus distinguunt potissimum, languidissimi, tardi, rari, & parui. In consimilem ergo Cataphoram, siue Coma præ imbecillitate obueniens, ægri quandoque die sexto incidunt. In Carum pariter, seu in affectum Caro similem, quandoque cadunt. Carus enim est affectus Cataphoræ grauior. Est autem deperditio, aut amissio sensus & motus in vniuerso corpore, si respirationem excipias, quæ in Caro conseruatur, in Apoplexia amittitur: qua in re ambo affectus inter se discrepant.

Carus quid. eius ab apoplexia discrimen.

Docuit rursus Galenus, Catochen siue Catalepsim aliquoties superuenire, Libro 4. de Causis Pulsuum cap. 15. docet Catochen, & Catalepsim, eundem significare affectum. Est enim vigilans quidam sopor, ex libro 3. de locis affect. cap. 5. Corpus enim veluti congelatur, & oculi semper aperti manent. Libro 2. Aphorismor. Comment. 3. Galenus Catochi causam referens, ait: Fit autem huiusmodi somnus (de Coma antea loquebatur) refrigerato primo sensitivo, hoc est, Cerebro ipso: quæ refrigeratio cum fortis fuerit, mista quidem humiditati, facit Lethargicas passionem: cum siccitate verò, eas, quæ Græco vocabulo *καταληψις*, id est, congelationes, nominantur. Maniæ in contextu meminit Galenus, quæ delirium est sine febre, ab atra bile progenitum. Parotides malignas appellat magnas, duras, aut tensas, inflammatas, & dolentes: quæ accidentia virtutem labefaciunt, quia corpori vniuerso molesta. Notum cuius esse existimo, Parotides esse tumores ortos in glandulis sub auribus sitis. Testacei sedimenti mentionem fecit: quod fortassis est quid simile testis siue corticibus quorum minutissimè contritis, quod in vrina pessum it, & sedimentum constituit. Reliqua quæ in Galeni contextu exarata sunt, expositione minime egent.

Catochea & Catalepsis idem quid.

Lethargia & Catalepsis causa.

Mania quid. Parotides maligna.

Sedimentum testaceum quid.

Galenus adeo perniciosum propalat diem sextum, vt vix credat Larissecam Virginem lib. 3. Epidem. constitutione temporis tertia Criticè die sexto liberatam fuisse, mediante scilicet hæmorrhagiâ copiosâ, sudoreq; copioso & calido, & toto corpore æqualiter erumpente. Galenus in Commentario sequentia scripsit: Etatem puellam attigisse mensum, ex ipsis liquet Hippocratis verbis, menses tum primùm prouenerunt, & ipsum etiam fuisse morbum ex humorum copia, iudicatumq; die sexto esse, quod dolores in dies

Larissea virgo die sexto Criticè ianua.

pares incurrissent, vt ipse scripsit. At mirum, non reuertisse morbum, cum sextus dies non iudicet vnquam fideliter. Quare nouum hoc & rarum illi accidisse indicauit, cum scripsit hæc, huic non repetijt, sed iudicata est, tanquam debuisset repetere. At verò causam etiam cur non redierit, scripsit, addendo, dum febricitaret, &

*Menstrua
post Crisim
perseuerat.*

iam iudicata esset, menses primum illi prouenerunt. Nam vacationis perseueratio diebus post iudicium, satis erat, vt firmum seruaretur iudicium, quod die sexto præcesserat per sanguinis eruptionem, & sudores, & maximè quòd nulla esset princeps pars in-

*Signa Ple-
thoræ in
virgine il-
la.*

flammata, neq; maligna humorum abundantia. Ipse certè plethoricum vitium esse significauit, cum dicit, perpetuò in facie ruborem inuisse, in oculis dolorem, in capite grauitatem. Planum ergo erat, solam requiri vacationem, quam natura tertio die incæpit,

*Tertio die
alui fluor.*

consummavit sexto. Nam per naturam, non vt morbi symptoma, ventris vacationem accidisse ipse dilucidè his verbis indicauit: tertio die alui multa reddidit aquei coloris, proximisq; diebus talia cominodè: hoc adiectum ab ipso Hippocrate denotat, quæ of-

*Lingua
fuliginosa
quid.*

fensebant, excerni. Notat præterea Galenus, linguam fuliginosam & aridam (sic autem appellat, inquit Galenus, tinctam quasi fuligine quadam, quæ sicca erat ex vaporibus) non esse omninò, id est absolutè, exitialem, siue exitiale Signum. Demùm obseruat frequentia Hippocratis verba: Quarto die, vrina tenuis & pauca,

*Suspensio
stata in v-
rina, deli-
rium indi-
cat.*

habebat suspensionem claram, non subsidebat: sub noctem delirauit. Statim, inquit Galenus, subiecit, delirauit, inueniens, quòd eiusmodi suspensiones delirium comitantur; quanquam in præfagijs, vbi omnia, quæ accidunt vrinis, est persequutus, nullum fecit præfagium ex eis delirij. Quare Signum hoc videtur per seipsum, delirium nunquam denunciare, sed casu nonnunquam commo- strare, quia statuosiorem esse sanguinem indicat. Nam nullæ planè, si stutus ipfit, deferuntur ad ima vasa suspensiones.

*Die sexto,
& octauo
quadam
tempestate
Crisis fie-
bant.*

Vix ultra posset suâ eloquentiâ Galenus dici sexti Crisim dam- nare. Ceterum Hippocrâtes lib. 4. Epidem. narrat in quadam tempestate morbos circa Pleiadum occasum, id est, Autumnali tempore, die sexto, & octauo iudicari: Iudiciū n. erat, morbos istius tempestatis acutissimos fuisse, & paribus diebus exacerbatos. Hip- pocratis verba sunt hæc: Sexta die, Virgini iudicata, sexta reuente- runt; iudicata verò sunt per sextam. Omnia in his temporibus, sex-

ta, & octaua die iudicabantur circa Pleiadum occasus. Et paulo post: Ex vicinis Thestoris famula, ex ystorij sine causticis: secessu bilioso, multo; præcordio (seu potius hypochondrio) intenso. Sexta die, ex suppressione alui ipsi tenuia, multa, vna vice egressit: & statim sudauit, & iudicata est. Librum verò 4. citatum Epidem. non negat Galenus esse Thessali Hippocratis filij. Libro 3. de difficult. respir. cap. 1. imò libro 1. de Dieb. Decret. cap. 4. sequentiâ scripsit. At quoniam secundus, quartus, & sextus Epidemion liber, vel ipsius Hippocratis est, vel eius filij Thessali, pauca etiam inde sumemus. Sed hæcenus de Sexti Dici viribus.

De Die Septimo.

Galenus libro 1. de Dieb. Decret. cap. 4. statim Diei Septimi triumphos aequè extollit, ac sexti opera damnat. De Septimo ergo hac serie præfatur. Primum itaque omnium Dierum Decretoriorum Septimum dicimus, non numero videlicet, & ordine primum, sed potentia, & dignitate: omnes enim summam decretoriorum notas occupat. Etenim plurimos iudicat, & absolutè, item cum manifesta excretionem, vel abscessu, sine periculo vehementi: & ut plurimum quartus eum prænunciat. Nam si vrinæ in illo planè, vel sputi, vel deiectionis, vel appetitus, vel mentis, vel sensus, vel alterius cuiusdam similis manifesta contigit mutatio, illam ut non similis in septimo indicatio comiretur, quomodo fieri posset: bona, si ad salutem: mala, si ad peiora portendat? Plerumque igitur bona iudicia eueniunt in die septimo: Etenim hoc ei præter cæteros accedit, quamquam nonnulli etiam in eo moriuntur, & euidenti conuersione ad peiora pergentes, in sequenti quodam decretorio intereunt. Sextum autem diem; & reliqua, quæ superius de die sexto transtulimus. Non fusior est Galenus in diei sexti opera criminando, quam in septimi laudando. Præcipuum enim diem Criticum eum ita passim appellat, ut operosissimum esset omnia loca, in quibus eius magnam decernendi vim præparat, integrè congerere. Instar omnium, præsens locus ipsum supra reliquos omnes decretorios extollit: nec mirum, quod septimanæ sint, quæ maxima polleant decernendi siue iudicandi virtute; ut constat in quauis septimana ad vigesimum vsque. Septimus enim, Deci-

Præcipuus decretorius est dies septimus.

*Septimus,
decimus-
quartus, &
vigésimus
sunt prin-
cipes De-
cretorij.*

*Quartus
est decre-
torius.*

*Præcur-
sor Prin-
cipum decre-
toriorum.*

*Quarto
modo dies
septimus
prius in-
ter omnes
est.*

*In quidam
temporibus
die sextæ
& octavæ
multæ Cri-
ses sunt.*

musquartus, & Vigésimus, sunt tres principes Dies Decretorij: antecellit tamen septimus. Quapropter ipsum non numero, & ordine, siue situ, sed potentiâ, & dignitate, id est, præstantiâ & perfectione, primum decretoriorum omnium dierum appellat. Ratione sitûs loci dierum, diem quartum, primum decretorium nominavit lib. 4. aphorism. 36. & Hippocrates ipse id innuere videtur in Prognosticis, inquires: quarto die, aut citius, mitiores quasdam febres iudicari ad salutem; perniciosissimas verò ad mortem: primumq; quaternarium, primum insultum, primumue circuitum appellat. Septimi sanè diei maiestatem, vel hoc vnum indicat, quòd, more Principum, præcursorem habeat eius aduentum prænunciantem: Præcurzor hic, siue Nuncius, est dies quartus: Decimiquarti diei prænuncius est vndecimus; decimuseptimus vigésimi. Modi prioris apud Aristotelem in Postprædicamentis quatuor sunt: Primus modus est, quando aliquid tempore prius est altero: & si antiquius est, vetustius eo, quod tempore posterius est. Secundus modus est, quando retrò non com meat consequutio; vt si duo sunt, benè sequitur, vnum esse; cum ex duabus vnitatibus duo componantur; non tamen vicissim benè concluditur, est vnum: Ergo duo. Tertiò aliquid ordine dicitur primum; vt in Orationibus, exordium prius est narratione; litteræ priores syllabis: in scientijs principia reliquis, quæ sequuntur, & in demonstrationibus; termini, & medium, antecedunt totum syllogismum, sicuti & Enunciatio; quæ etiam, termini, potestate saltem, priores sunt. Quarto prius aliquid esse dicitur, quòd est melius, & præstantius. Hoc quarto modo diem septimum, primum omnium decretoriorum merito appellauit Galenus. In eo enim innumeræ Crises fieri solent, vt ex historijs constat Epidemicis, Galeni, & omnium Medicorum certa experientia.

De Die Octauo.

Diem Octauum Criticum esse, quoties diebus paribus sunt exacerbationes, testatur Hippocrates lib. 1. Epidem. Sect. 3. tex. 14. Et libro 4. Epidem. vt in die septimo diximus, die sexta, & octaua, multi decernebantur morbi. Galenus libro 1. de Decretor. cap. 11. docet, si paribus diebus accessiones fiant,

quar-

quartoq; die Signa coctionis appareant, Crisim expectandam die sexto; vel si hunc praterijt, die octauo. Sed parum prosperam. Crisim die octauo contingere docet ipse, eodem libro 1. de Dieb. Decret. cap. 5. vbi sequentia scripsit: Si aliquando autem in octauum diem, vel decimum subita morbi solutio incidat, similis ferè ei est, quæ in sexta accidat: verum rarò in his soluitur; nec cum fide, nec benè, nec perfectè; insuper ad hæc obscurè simul, & citra notas. Dixit, vt existimo, Galenus, malam Crisim octauo, & decimo celebrari, quando accessiones diebus imparibus accidere consueverunt: nam quoties diebus paribus accessiones fiunt, certum est, bonas Crises die octaua, & decima celebrari, iuxta Hippocratis experientiam.

Octauo, & decimo die Crises contingunt.

De Die Nono.

Sæpius cum Hippocrate, & Galeno diximus, diem nonum esse Criticum, siue Decretorium intercidentem: decernit enim quandoq; præripiendo diei vndecimo Crisim, quæ in hoc eodem fieri deberet: quandoq; Crisis septimum præteriens, in nonum cadit. Est autem nonus dies potentissimus intercidentium dierum. Vnde Galenus lib. 2. de Dieb. Decret. cap. 7. ait: Ergo in tota æstate interim plures, quàm quadringentos homines acutè ægrotantes vniuersos, vel septimo, vel nono die, Crisim habuisse conspexi: in alio rursus anno quosdam decimoquarto, quosdam vigesimo, plurimos post morbi reuersionem: in alio permultos sanguinis fluxum quinto die habuisse, perfectè septimo, vel nono die iudicatos esse. Vidi etiam in Autumno aliquando omnes vndecimo iudicatos. Sed hic quidem Autumnus bonam Crisim attulit. In alio autem omnibus sexto die non bonum iudicium accidit. Cum tot Crises nono die superueniant, sitq; ille habeat in medio duorum Criticorum dierum, septimi præpotentis, & vndecimi satis validi, leui cum fundamento docuit Auicenna lib. 4. part. 2. Sect. 2. cap. 6. tertium, & quintum esse potentiores nono; non alio innixus argumento, quàm quòd dies, quò plus à principio discesserunt, eò sunt debiliores. Imbelle sanè argumentum, cum ex eo sequeretur, diem septimum esse imbecilliorẽ quinto, sexto, imò quarto, tertio, & secundo die, cuius contrarium experientia quotidie suggerit.

Nonus inter Coincidentes potenter decernit.

7. 9. 14. 20. 11. & 6. Crises plurima visa sunt.

Auicenna perstringitur.

De Die Decimo.

*Decimo
salutaris
Crisis, sed
quadrage-
simo ter-
minata.*

*Strangu-
ria Criti-
ca, & sa-
lutaris.*

Pythion lib. 3. Epidem. statim in principio, Decimo die sudauit, spura subcocta: iudicatus est: vrinæ circa iudicium subtenuēs. Quadragesimo à iudicio die suppuratio circa sedem, & stranguriosus factus est abscessus: probabile multitudine vrinarum quadragesima sanatum. Galenus in Commentario ait, die decimo bonum iudicium esse factum, sed non absolutum; cum quadragesimo die, quod reliquum fuit, in duplicem abscessum eruperat, per secessum scilicet, ad modum dysenterix, & per vias vrinæ, ad modum strangurix: quo modo lib. 1. Epidem. Sect. 2. tex. 41. multos liberatos narrat Hippocrates: Solum verò, inquit, bonum, maximumque inter Signa quæ fiant, quodq; multos à maximis periculis vindicauit, hoc fuit, quibus ad stranguriam diuerterent, & in hanc abscessus fierent. Nomine abscessus intelligitur hinc excretio: sicuti eodem libro tex. 8. abscessum in dysenteriam fieri dixit. Libro 3. Epidem. Sect. 3. tex. 74. alium Pythionem in Thaso, decimo mortuum refert. Decimo, inquit, manè sine voce, multum frigus, febris acuta, multus sudor, obiit: diebus huic paribus labores. Decimus verumtamen dies adeò rarò iudicat, vt à iudicatorijs diebus eum excluderet Galenus lib. 1. Epidem. Sect. 3. tex. 14. inquit: Ex paribus partim rectè dixerunt, vigesimooctauum, & decimum, qui nequaquam decretorij sunt.

De Die Vndecimo,

*Dies vn-
decimus
satis patè-
ter decer-
nit.*

*Indices
paulatim
vim decre-
toriam a-
mittunt.
11.9.7. &
3. multo in-
decati.*

EX ijs, quæ hætenus de Diebus Decretorijs diximus, constat, vndecimum diem esse Criticum, & insuper Indicem decimiquarti. Hoc interest discriminis inter quartum, & vndecimum, quod hic potentiùs decernat, vt superius cum Galenò monuimus. Proximè enim ad vim decretoriam septimanarum accedit vndecimus: sed fortassis et si in secunda septimana hic quartus numeretur, non ita exactè decimiquarti Crisim prænunciat, sicuti quartus septimi; quia paulatim, procedente morbo, indices, & decretorij soas amittunt, virtutes. Galenus lib. 2. aphorism. Comment. 23. sequentia de vi Critica scripsit: Etenim vndecimus, nonus, septi-
mus,

mus, & quintus, multos videntur iudicasse in libris Epidemiorum. Libro 1. Epidem. constitut. 3. sequentia scripsit: Multi circa Arcturum vndecimo die iudicatione absoluti sunt; neq; his, quæ ob iustam causam fieri solent morborum reuersiones, recurrerunt.

De Die Duodecimo.

Galenus libro 1. de Dieb. Decret. cap. 2. sequentia scripsit: In duodecimo enim, & decimosexto, nullum vnquam iudicatum vidi. In septimo, ne vel enumerare omnes adhuc possum. In sexto iudicantur, sed cum difficilibus symptomatibus, & periculo maximo: ad hæc, absq; fide, imperfectè, obscurè, sine notis, & ad malum. Hanc fuisse Hippocratis, Archigenis, Dioclis, Philotimi, & Heraclidis Tarentini, aliorumq; veterum sententiam, monet. Rursusq; ait: Nam quod in tot annis septimum iudicantem subinde, simul & absolutè, fideliter, tutò, manifestè, conspicuè, & salubriter: sextum è contrario viderim, non paruum quoddam discrimen (inter decretorios dies) ostendit. Porro, quod ego quidem nunquam duodecimum viderim iudicantem; alius autem quispiam raro, simul & imperfectè, infirmiter, cum periculo, obscurè, sine Signis, & male. Neque hoc exiguum dierum differentiam indicat. Multi siquidem morbi sunt, qui in septimo die iudicantur absolute, pariter & secure, tutò, aperte, cum bonis Signis, & dextrè: in duodecimo rari quidem adeò, vt nobis visi sint nondum: &, si cui aliquando ante nos in duodecimo die Crisis euenire visa est, vel imperfecta, vel infida, vel periculosa, vel obscura, vel sine Signis antecedentibus, vel omninò ad malum accidere visa est. Eodem libro cap. 4. repetit se nunquam vidisse duodecimum, & decimosextum iudicantem siue decernentem. Capite 5. eiusdem libri adhuc ait: Quemadmodum in his (id est octauo, & decimo) morbus subito non soluitur, ita nec ijs, quos statim recensemus, duodecimo, sextodecimo, & decimonono. Medicus inter hos ordines dierum subito non soluentium; octauo dico, decimo, duodecimo, decimosexto, decimonono, quos iam retulimus; & tertio, quarto, quinto, sexto, septimo, nono, vndecimo, decimoquarto, decimosexto, decimo octauo, vigesimo, decimotertio maxime videtur mihi esse positus; nec scilicet ita reijciendus, sicut hi, qui secundæ sunt notæ (id

*Septimus
potens.*

*Septimus
potens.*

*Duodeci-
mo, nec de-
cimosexto
vidit Cri-
sim ullam
Galenus.*

est qui non decernunt) nec ita solvere morbos natus, sicut ij, qui primæ sunt notæ (id est, Decretorij).

De Die Decimotertio.

Dies Decimustertius nec est omninò Criticus, nec non Criticus, sed medius inter Criticos, & non Criticos, vt iamiam in die duodecimo Galenum id referentem introduximus. Quandoq; enim Crisis decimiquarti hoc die decimotertio inchoare visa est, sed decimoquarto, non huic, tribuenda est ex cap. 8. l. b. 1. de Dieb. Decretorij. Lib. 2. de Dieb. Decretor. cap. 8. imbecillimum omnium Decretoriorum Dierum esse refert.

Obiectio. Sed obijciat aliquis febrem tertianam septem circuitibus, qui decimotertio die terminantur, absolui. Ergo die decimotertio Crisis regulariter continget. Tertianæ exquisita, septem circuitibus, cum longissima est, iudicatur, inquit Hippocrat. lib. 4. aphor. 59. In Coacis Prænotionem eandem, sed paulo aliter, repetit; Tertianæ exacta, quinque, aut septem periodis, aut nouem ad summum, iudicatur. Vtroque autem loco extat Græca dictio, *ἀπὸ τριῶν*, id est iudicatur.

Solutio. Ad hæc responsio est facilis; non diebus, sed accessionibus numerandum esse febrium intermittentium decursum. Vnde septem circuitus integrè numerandi non sunt, sed accessiones tantum, omissa remissionis parte circuitus. Commodè ergo septima, aut quinta, aut nona accessione, tertiana iudicari potest; imò quarta, et si rarius. Licet enim ab humore bilioso, à quo ardens fit, nascatur, quandoq; in quarta accessione solui potest, cum morbi iudicentur diebus, in quibus accessiones contingunt.

De Die Decimoquarto.

Galenus libro 1. de Diebus Decretor. cap. 5. ait; Septimi naturam decimoquartus maximè imitatur. Libro 2. de Dieb. Decret. cap. 2. septimum decimoquarto similem facit. Hoc enim, inquit, si tibi persuaseris, ac dein experientia perdidiceris septimo die Crisim esse tutam simul, & perfectam, si ne periculo, cum bonis Signis, & crebram; ad hæc ei, quæ decimoquarto euenit, assimilem,

lem, in super quartum diem septimi esse indicem, vnde decimum vero decimiquarti. Libro 3. de Dieb. Decret. cap. 1. ait: Circuitus septimani validissima sunt præditi virtute. Hinc conficitur, decimum quartum diem, qui est secundæ septimanæ vltimus, esse in decernendo potentem, vt ex varijs historijs Epidemicis, & ipso Galeno, abundè percipiet veritatis amator. Est enim decimus quartus, dies radicalis, sicuti septimus, & vigesimus, qui tres septenarij meritò dicuntur, & radicales à Barbaris: quoniam Crises, quæ his diebus superueniunt, diebus indicibus præinducuntur, & reliquas perfectæ Crises notas habent. Vt ergo morbi peracuti die septimo iudicantur, ita acuti die quartodecimo, aut citiùs. Ideo Hippocrates libro 2. Aphorism. 23. scripsit: Acuti morbi in quatuordecim diebus iudicantur. Quoniam de virtute Critica decimiquarti nemo hætenus dubitauit, vt ex Galeno colligitur lib. 1. de Dieb. Decretorijs cap. 3. & lib. 2. de Dieb. Decret. cap. 4. aiente: Etenim vsque ad decimum quartum nulla de diebus est inter Medicos dissensio, non est de eo vltior protrahendus sermo. Est enim Criticus, quia secundæ septimanæ dies vltimus, & consequenter septimus. Non enim quatenùs arithmeticè par est, tanta pollet decernendi virtute, sed quatenùs septenarijs duobus primis, qui omnibus potentiores sunt, constat.

4. 11. 7. 14.
Septimani
circuitus
potentes.

Septimus,
decimus-
quartus, &
vigesimus
radicales
dicuntur,
& quare.

De Die Decimoquinto.

Hic Dies adeò est obscuræ notæ, vt vix eius meminerit Galenus, etsi diligentissimus indagator veritatis. Facit noctis decimæ quintæ mentionem lib. 1. de Dieb. Decretorijs cap. 7. non quòd vllam ei concesserit decernendi virtutem. Archigenes diem decimum quintum tertriæ hebdomadæ primum statuit, quia vigesimum primum, & vigesimum octauum, Dies Decretorios esse statuit, & decimum octauum vigesimi primi indicem.

Archige-
nes de 15.

Decimiquinti meminit Hippocrates libro 2. Epidem. Sect. 2. vbi inquit: Hieroni facta est iudicatio decima quinta die. Item lib. 4. Epidem. Fæminam quæ in Bulagoræ Villa depurgata est, & ex splene, id est ex inflammatione splenis, febricitare cæpit, introducit, eique decimo quarto rigorem, & mox sudorem accidisse narrat. Proinde tamen iudicata non est. Licet enim decimus tertius, & de-

Crisis fa-
cta 15. die.

cimusquintus dies sint impares, dies tamen decimusquartus duobus septenarijs constans, semper quasi accessiones & Crises arripit, atque adeò prædicti dies propè tam validum Diem Decretorium extantes, obscuri manent, & veluti ineites. Si enim Signa Crisis, decimoquarto futuræ, contingerent die decimoquinto, bona Crisis non fieret; quia fides exquisita iudicij à die sigillatur ac obsignatur ex Galeno lib. 1. de Dieb. Decret. cap. 7. Hippocrates lib. 1. Epidem. comment. 3. agroteo 5. ait: Quintodecimo vomuit biliosa (erat Vxor Epicratis) flaua, satis multa; sudauit, libera à febre; sub noctem verò febris acuta, vrina crassa cum candido sedimento. Ecce vt Crises etiam imperfecta toto hoc die cum fructu persistere non potuit.

De Die Decimosexto.

IN die duodecimo Galenum introduximus, adimentem decimosexto æquè, ac duodecimo, omnimodam discernendi potestatem.

De Die Decimoseptimo.

DIximus in antecedentibus, hanc diem esse tertiæ septimanæ quartum; adeòq; vi Critica frui, more quaternionum, esseq; insuper vigesimi diei indicem. Hunc diem vi Critica pollere, docet Galenus ex Historijs Epidemicis libro 3. de Dieb. Decret. cap. 3. & quidem accuratè; quoniam de hoc, & vigesimo die, non parua lis orta est inter Archigenem, & alios plures Medicos Hippocraticos: quia ille diem decimooctauum indicem statuit vigesimi primi, quem, & non vigesimum, decretorium esse voluit. Ex aduerso, cum Hippocrate plerique consentiunt, decimumseptimum esse Criticum, simulq; vigesimi indicem. Galenus ergo citato iam loco, ex lib. 1. Epidem. Sect. 2. Constitut. 4. tex. 18. sequentia transiit: Crisis conuenienti admodum ordine plurimis his contigit decimoseptimo die cum remittentibus. Et paulò post ex eodem lib. 1. Epidem. Tempest. 2. textu 83. sequentia transfert: Quippe Fratres duo Epigenis eadem simul horâ febricitare incæperunt. Decubuerunt iuxta theatrum. Natu maioris morbus sexto, Iunioris

Diocles, & Archigenes decimooctauum indicem, & vigesimum primum Criticum esse voluerunt.

Germani Fratres eadem hora febricitare incæperunt: unus septimo, alter sexto indicatus.

ris septimo die iudicatus est : remisit diebus quinque ; alteri , sex diebus alteri . Inde eadem utrique horâ reuersus est . Post vniuersus morbus utriq; pariter decimosextimo die in Crisim incidit . Sequentia ex eodem libro 1. Epidem. transcripsit : Plurimis sexto die iudicium de morbo euenit . Remissiones eius diebus sex durârunt . Areditu quinto die Crisis subsequuta est . Hic manifestè obseruat Crisim post remissionem accessisse die quinto , hoc est , decimosextimo , à morbi exordio . Sed his adhuc subiungit Hippocrates : Quibus septimo die Crisis aduenit , septem quoq; diebus remissiones habuerunt : Post recidiam tertio die iudicati sunt ; hoc est , hi quoq; agri in vniuersum decimosextimo Criticè sanati sunt ; vt ex Hippocratis verbis clarè colligitur . Post hæc rursus idem Hippocrates sequentia scripsit : Quibus iudicium quinto die obuenit , & febris septem diebus remisit : deinde reuersa triduum eos exercuit , rursus die vno remisit , altero redijt . Et his decimosextimo die de morbo iudicium contigit , vt ex dictorum dierum recto computo vnicuique perspicuum fit : Quinetiam , inquit Galenus , alios quosdam sexto die Crisim passos scribit : sex item diebus morbum remisisse : deinde reuersum tribus diebus occupasse : postea remisisse rursus die vno : altero ipsius recidiam accidisse : idest , decimosextimo , in quo iudicium factum fuit . Verùm alios quosdam sexto die iudicatos esse commemorat : septem diebus morbum cessasse : post hæc repetijse : & quarto die , hoc est , in summa decimosextimo , Crisi fuisse discussum . Cæterùm non contentus toto hoc sermone Hippocrates , etsi eo ipso posset magnopere ostendere decimosextimi diei fortitudinem in iudicio , intulit : Nulli agroto hac ratione recidiam esse factam cognoui . Quare , inquit Galenus , non solum frequenter decimosextimus , sed etiam firmiter , idoneus est . Non igitur est ex decretorijs Coincidentibus , sed validis , & primis annumerari debet . Hæc prolixè inuestigauit Galenus , non solum , vt probet decimosextimum esse Criticum , sed vt præterea conficiat eum esse vigesimi indicem , & vigesimum , non vigesimum primum , esse decretorium . Stabilita enim hac doctrina , corruebat Dioclis , & Archigenis opinio , quæ decimo octauum Criticum , simulq; vigesimi primi indicem statuit .

Sexto die multi iudicati.

Dies remissionis una cum diebus febris enumerat.

Decimosextimus est validus decretorius.

Cæterùm , verba vltimo loco ex Hippocrate translata , non sunt eius contextui valdè congrua , vt ex his eius verbis constat : Neque

quempiam noui superstitem fuisse, quem recidiuæ ritè factæ non repetierint: omnesq; seruabantur, quos equidem noui, quibus hoc genus recidiuæ euenerunt. Neque agrotantium hoc modo quemquam noui, quem recidiua iterum repetijt. Plurimi, qui perierunt ægri, sexto die sunt defuncti: vt Epaminundas, Silenus, & Philiscus Antagorei filius. Hæc melius rem exponunt, quàm verba hæc à Galeno citata: Nulli ægroto hac ratione recidiuam esse factam cognoui.

Difficultas. Sed animaduersione digna sunt, quæ ex Hippocrate in antecedentibus transtulit Galenus. Frequentissimè enim die sexto facta fuit Crisis ad meliorem statum, quamuis recidiua deinceps apparuerit, non solum in morbis recipientibus iudicium die sexto, sed etiam septimo. Cur ergo tam feruenter Galenus, vt in die sexto vidimus, in diem sextum perorauit? quocunque enim modo febris remiserit, periculum abesse significat, vt testatur Hippocrates lib. 4. Aphorism. 43. Sed remittebat modò per sex, modò per septem dies, dum ad meliorem statum die sexto Crisis fieret. Ergo periculum abesse remissio illa significabat; vt experienciâ compertū est.

Altera difficultas. Notandum præterea, Galenum enumerâsse vnâ cum diebus, in quibus morbus ægrum malè exercebat, dies remissionis, & febre vacuos, vt decimumseptimum Criticum constitueret; cùm tamen alibi contrarium obseruet vsum numerandi dies ægritudinum. Non enim dierum, sed accessionum numero febres dimetitur intermittentes, vt superius monuimus. Vnde Hippocrates non quatuordecim, aut quindecim diebus tertianam terminari docuit, sed septem circuitibus, aut septem accessionibus. In quartanæ similiter decursu, quis inter morbi dies enumerare auderet intermedios binos dies febre vacuos? Imò, quod durius est, & longè difficilius, Galenus lib. 1. de Dieb. Decret. cap. 13. & vltimo, exponens aphorismum 23. lib. 2. in quo quartumdecimum absolutè acutis terminum statuit Hippocrates, docet eosdem morbos quandoque, tanquàm submersos lento, grauiq; motu, in primo quaternario procedere; celeremque suum motum inchoare vel primo, vel in secundo quaternione; adeoq; decimoseptimo, aut vigesimo decerni. Sed reuerà hunc diem decimumseptimum, aut vigesimum morbi, esse decimumquartum acuti: quoniam soli dies, in quibus celeriter, & vehementer morbus mouetur, numerandi sunt, relictis primis diebus,

bus, in quibus morbus lento gradu procedebat. Hæc sanè, saluâ *Solutio de-*
Galenî pace, mihi non mediocrem pariunt difficultatem, dum eiuf- *sideratur.*
dem Galenî sententiam amplector, & tueor.

Verùm Hippocrates lib. 2. Aphorism. 36. manifestissimè diem
decimumseptimum inter decretorios enumeravit: eumq; diem in- *Decimus-*
dicem statuit lib. 2. Aphorism. 24. quem in antecedentibus citavi- *septimus*
mus, & transcripsimus: Contemplabilis, inquit, rursùs decimusse- *est verè*
ptimus, quippe quartus est à decimoquarto, septimus verò ab vn- *decretorio,*
decimo. Licèt enim diem vigesimum ibidem expressè non nomi- *& index.*
nauerit, perinde est; quoniam statim in aphorismi exordio ait: Se-
ptenorum, siue septimorum, siue hebdomadis, quartus est index.
Sed decimusseptimus, ex ipso, est tertiæ, hebdomadæ quartus. Ergo
& index. Tertiæ verò hebdomadis vltimûs, est vigesimus. Ergo
decimusseptimus est vigesimi index, vt quartus septimi, & vndeci-
mus decimi quarti. Libro 1. de Dieb. Decretor. cap. 13. docet Ga-
lenus, Crisim, quæ quandoq; decimumquartum præterijt, decimo-
septimo aduenire. Libro denique 2. de Dieb. Decret. cap. 4. alijs
Hippocratis testimonijs diem decimumseptimum decretorium es-
se, & indicem, docet.

De Die Decimooctauo.

STante Doctrina antecedenti de Die decimoseptimo, dies deci-
mooctauus decernendi, simul atq; indicandi potestate desti-
tuitur. Libro 2. de Dieb. Decret. cap. 4. varijs historijs Epidemicis
hanc doctrinam confirmat Galen. Nullum enim fortius argumen-
tum eo, quod ab experientia desumitur. Cùm ergo certa experien-
tia in varijs ægris variarum tempestatum comprobauerit Hippo-
crates, diè decimoseptimo, & vigesimo, plures bonas, malasque
Crises contigisse, decimo autem octauo, nec vigesimo primo, vllas
superuenire, decimooctauus, & vigesimus primus ex albo decre-
toriorum dierum delendi erunt. Quòd autem decimumseptimum
cùm decimooctauo conferret Hippocrates, quodq; illum hoc om-
nimodè potentiorẽ experientia ostendisset, non modica lis inde
orta est. Iuxta tamen vtramque sententiam, Hippocratis nimirum,
& Dioclis ac Archigenis, Galenus libro 1. de Dieb. Decret. cap.
13. & vlt. sequentia scripsit: Considerandum autem hîc totius mor-

*Videatur
Galen. de-
cimoocta-
uo, & vi-
gesimopri-
mo tribue-
re vin-
Criticam.
Dubio oc-
curritur.*

bi motus, aliaque symptomata omnia, & indicia, vtrum decimose-
ptimo, vel etiam decimooctauo Crisis speranda sit, an longius pro-
gressura: interdum enim in his quoq; iudicatur, plerumque vigesi-
mo, interim vigesimoprimo. Index autem amborum est decimus-
septimus, & magis vigesimi: decimooctauus autem solius vigesi-
miprimi. Hac enim de decimooctauo, & vigesimoprimo, in gra-
tiam grauissimorum Virorum, Diochis, & Archigenis, non ex
propria sententia, pronunciauit Galenus, qui expressè duos dictos
dies omninò abigendos à censu decretoriorum dierum docet.

De Die Decimonono.

Die decimanona nemo, quod sciam, iudicatus est in Epidemijs:
adeoque nullam ei Criticam virtutem concedit Galenus.

De Die Vigesimo.

*Vigesimo,
quadrage-
simo, & o-
ctogesimo,
nonnulli
iudicati
sunt.*

*Errabun-
dè, & sine
Crisi de-
sire qua-
dà febres.
Recidua.*

*Morbus
regni: ma-
le accens,
aduenien-
tibus va-
cuationi-
bus cessa-
bat salici-
ter.*

Dies vigesimus acerrimum inter multos certamen excitauit:
Eum Criticum esse experienciâ comprobauit Galenus lib. 4.
Aphorism. 71. & in Opere de Diab. Decretorijs. Et Hippocrates
lib. 1. Epidem. Sect. 1. Tempestate 1. tex. 36. sequentia scripsit: In-
ter eos autem, quibus erant breuissimi morbi, ij ad vigesimum diem
iudicatione soluebantur, plerisq; verò ad quadragesimum, nonnul-
lis etiam ad octogesimum. Est vbi ne sic quidem, sed errabundè,
& nulla obseruata iudicatione quibusdam desinerent. Horum
quoque plurimis, quæ non longo post interuallo remisissent, febres
reuerfiones fecerunt, iisdemq; dierum ambitibus post ipsas reuer-
fiones iudicabantur, earumq; nonnullæ ægros ita produxerunt, vt
sub hyemem affligerentur. Ex his autem omnibus, qui in hac tem-
poris constitutione descripti sunt, solis tabidis lethalia cōtigerunt,
in alijs verò febribus nequaquam obuenerunt lethalia vlla. Eodem
lib. Sect. 2. tempestate 3. tex. 65. ait: Erant qui sexto die morbo re-
gio afficerentur: sed his purgatio profuit per vesicam, vel turbata
aluus, vel larga sanguinis eruptio: vt Heraclides, qui apud Aristo-
clidem decumbebat; cui per nares sanguis erupit, aluus fuit turba-
ta, & per vesicam est purgatus: Vigesimo autem die iudicatus est
longè aliter, ac Phanagoreon seruus, qui, cum nihil horum ipsi eue-
niret,

niret, perijt. Ecce Heraclides vigesimo die feliciter iudicatus triplici superueniente Critica euacuatione, hæmorrhagiâ, alui profluuiio, atq; vrinæ pariter profluuiio. Die autem sexto morbus regius, siue Icterus, multis superueniebat, sed ante tempus debitum; nam vt Criticè superueniat, dies septimus expectari debet. Vnde Hippocrates lib. 4. Aphorism. 62. Quibus in febribus morbus regius ante diem septimum accidit, malum. Morbus regius, inquit Galen. in Comment. fit aliquando iudicatorius, deponente naturâ in totum corpus, & præcipuè in cutem, flauam bilem: aliquando etiam symptoma, hepate malè se habente. Ipsius verò hepatis vitia, ex quibus morbus regius solet aduenire, tria sunt, scirrhus, inflammatio, & obstructio. Verùm scirrhus quidem diutinus morbus existit: inflammatio verò, & obstructio, etiam repentè fieri possunt. In Commentario postea docet Galenus, impossibile esse ante diem septimum bilem ad cutem Criticè euacuari. Vnde inferitur, die sexto semicriticè, si non symptomaticè, bilem in hepate collectam ad cutem fuisse deturbatam: Sed per alias vias corpus rursùm Criticè euacuatum idoneè fuisse. Eodem lib. 1. Epid. Sect. 2. tex. 84. sequentia scripsit Hippocrates: Quibus autem tubercula (erant parotides) secundùm aures essent, his die vigesimo iudicabantur: restincta omnibus sunt, quibus non suppurârunt, sed ad vesicam deflexerunt. Cratistonastræ, qui apud Heraclium habitabat, & Scymni Pictoris ancillæ, suppurârunt parotides, & obierunt. Quibusdam septimus dies iudicium attulit, nouem diebus remissiones fuerunt: post repetitionem morbi quarto die Crisis aduenit, in vniuersum videlicet vigesimo. Ad hos deinceps addit nonnullos (inquit Galenus lib. 2. de Dieb. Decret. cap. 3. vbi Hippocratis textum clarè transcribit): Quibus septimo die Crisis apparuit, sex diebus remissiones, mox repetitio morbi, deinde septimo iudicium. Summatim vigesimo. Postea paululùm progressus Hippocrates (tex. 85.) ait: Hyeme sub Solstitium Brumale, & vsque ad Æquinoctium, febres ardentes perdurabant, & Phrenitides: multi diem suum obibant: iudicia tamen variârunt: & plurimis die ab initio quinto iudicabatur, quarto intermittebat, repetebat, ab recidiva quinto iudicabatur: numerus dierum totus quatuordecim. Atq; pueris plerisque, ætate etiam prouectioribus, iudicabatur. Nonnullis iudicabatur vndecimo, repetebat quattodecimo; iudicabatur

Triplici euacuatione Critica superueniente Heraclides sanatus est. Morbus regius ante septimum in febribus apparens, malum. Icteri causa.

Parotides vigesimo die sanatae sunt vrinæ, profluuiio.

Recidiva Criticè terminata.

Recidiva decimo-quarto iudicata.

Recidiva vigesimo terminata.

*Quadra-
gesimo re-
ciduat ter-
minata.*

exactè vigesimo. Quòd siqui superrigerent circa vigesimum diem, his iudicabatur quadagesimo. Superriguerunt autem pleriq; sub iudicium primum. Aliqui superriguerunt à principio sub iudicium, & in recidiuis vnà cum iudicio.

*Res rara
parotides
crudas per
infernas
euacuatio-
nes termi-
nari.*

*Parotides
matura e-
rant, sed
humor in
venis oc-
clusus, qui
febrē cau-
sabat, non
erat coctus:
mortuus
ideo ager.*

Duo ab Hippocrate, textu superiori 84. notatu digna, cum Galeno in commentario, obseruanda. Nam parotidas, inquit Galenus, curatas esse citra suppurationem, excretionibus per regionem inferiorem, exemplum est parùm frequens. Eius tamen nouitatem excedit, quod in hoc sermone scripsit, Cratistonaetem, & Pictoris ancillam, cum tubercula secundum aures suppurassent, perijsse. Nam cum hac doctrina pugnat altera Hippocratis superius tex. 45. scripta: Coctiones celere iudicium, & securam sanitatem promittunt. Galenus consequutiue huic obiectioni sic respondet: Sed ne nunc quidem causæ februm, quæ intra venas continerentur, erant concoctæ Cratistonaetæ, & ancillæ pictoris; nam non obirent. At parotides erant tamen maturæ, quod infrequens esse, & debere memoriâ teneri dicebam. Nam posse fieri quapiam in parte priuatim concoctionem, toto morbo non concocto, non est dubium. Huic doctrinæ affinis est altera, quam habet Galenus lib. 1. de Crisib. cap. 18. in historia Anaxionis febre acuta, & luteris dolore affecti; ut habetur lib. 3. Epidem. Sect. 3. tex. 79. In Abderis erat Anaxion, qui habitabat circa portas Thracias. Febris acuta inuasit hominem: lateris dextri dolor continous aderat: tussis sicca, neq; expuebat primis diebus: sitibundus erat, & peruigil; urinæ benè coloratæ, tenues, & multæ. Sexto die delirauit, à concalescentionibus nulla fiebat doloris remissio. Septimo die grauius se habuit: nam, & febris intendebatur, neq; dolores minuebantur, & tusses infestabant: difficilemq; habebat anhelitum. Octauo die ve-

*Anaxioni
secta vena
liberaliter
octauo die.*

*Trigesimo
quarto
Anaxion
pleuritide
laborans,
per sudorē
sanatur a
recidua.*

nam in cubito secui: sanguis multus effluxit, qualem oportuit: dolores remissi sunt; tusses tamen siccae insequabantur. Vndecimo autem die febres factæ sunt minores, parum circa caput sudauit: tusses, & quæ exibant a pulmone humidiora erant: decimoseptimo capit quædam pauca concocta expuere, leuatus est. Vigesimo sudauit, febre liberatus est: post hanc Crisim leuatus est: siticulosus verò erat, neq; à pulmone bonæ erant expurgationes. Septimo & vigesimo febris rediit, & tussijt; eduxit concocta multa: urinis subsidentia multa & alba, sine sici restiit, & benè spirans factus est.

Quar-

Quarto & trigesimo die sudauit per totum corpus: sine febre restitit, atq; ex toto iudicatus est. Huic sanè, inquit Galenus, & alia, quemadmodum supposuimus, videntur aduenisse. Et de vrinis, quamuis non pluries (quemadmodum consueuit in alijs ægrotis) sed bis saltem mentionem faciens, in principio quòd tenues essent: in septimo & vigesimo die subiungens, vrinis subsidentia multa, & alba: palam facit, inquit Galenus, tum primum exquisitè coctas vrinas minxisse: propterea igitur (vt & antea dixi) in die vigesimo Crisim quandam habuit, sed imperfectam quidem, quoniam in

Vigesimo Crisis imperfecta facta est.

decimoseptimo cepit quædam cocta expuere, non tamen integra Crisis subsequuta est; quoniam nec exquisita coctio vrinarum, aut sputorum: propterea igitur inquit; Erat autem siticulosus, atque ex pulmone non erant bonæ expurgationes. Hic igitur nobis ad memoriam reuocans, quod rectè dictum est (lib. 2. aphor. 12. & lib. 2. Epidem. Sect. 3.) Quæ relinquuntur in morbis post Crisim, reuersionem facere consueuerunt: vnde ait in historia præfata Hippocrates: Septimo & vigesimo redijt febris, tussijt, eduxit concocta, multa, vrinis multa subsidentia alba, sine siti restitit. Nam cum antea dixisset, quòd in tempore intermedio post vigesimum diem, & sitis remansit, & à pulmone nō erant bonæ expurgationes, deinceps inquit, quòd in septimo & vigesimo die, facta reuersione, febricitauit, sine siti autem restitit, & bona expuere cepit, in vrinis subsidentiam habebat multam, atque albam. Hoc igitur est quòd prius dicebatur, quòd videlicet in morbis febrilibus tale quid accidit, quale in ijs, quæ suppurantur, inflammationibus. Sicuti enim ibi (id est lib. 2. aphor. 47.) docetur ab Hippocrate: Cum generatur pus, & dolores, & febres, præcipuè contingunt: ita & hic, dum concoquuntur humores, qui febrem inducunt. Sic igitur, & in Anaxione, quantum ex prima illa Crisi defecta (facta die vigesimo) relictum erat, hoc rursus efferuescens in coctionis tempore, illam febrem generauit (vigesimo septimo die), quæ antecessit secundam Crisim factam die trigesimo quarto. Hoc verò à naturali calore, non autem febrili, prouenisse, dierum natura non minimè indicabat: Primum enim vndecimus bonam, sed obscuram incæpit coctionem: deinde decimusseptimus Signum coctionis manifestius ostendit; deinde vigesimus Crisim, imperfectam: Post hunc verò septimus & vigesimus integræ coctionis indicia dedit. Propterea

Quod in suppuratione contingit, in febribus pariter.

Vndecimus. Decimusseptimus. Vigessimus. Vigessimus septimus.

subinferens, ait Hippocrates cit. lib. 3. Epidem. in illa Anaxionis historia: Quarto & trigesimo die sudauit per totum corpus, sine febre restitit, atque ex toto iudicatus est. Lique enim, quod in trigesimoquarto die, qui septimus est post septimū & vigesimum, concoctæ sunt simul, & excretæ omnes agritudinis causæ, per vrinas quidem, quæ febres faciebant; per sputamina verò, quæ thoracem infestabant. Oportet autem huius meminisse sermonis, & ob præsentia, & ob illa quæ dicenda sunt: & hæc tria inuicem differre arbitrandum, & obscuram coctionem, & manifestam, atque perfectam. Obscura enim in vndecimo; manifesta verò, in decimoseptimo; perfecta verò in vigesimoseptimo facta est: post quem in omnibus septem diebus subsequētibz morbus solutus est: & totum hoc tempus status fuit.

Per sudores etiam tenuiores humores febrē causantes euacuantur.

Obscura, manifesta, & perfecta coctio.

Hæc Galeni doctrina distinctè nobis indicat, coctionem humorum requiri, vbicunque peccant: diuersos enim morbos humores diuersi, aut non diuersi, sed diuersa loca in corpore occupantes, quotidie procreant, quorum omnium concoctio necessaria est, vt ægro sanitas restituatur. Igitur cum æger Pleuritide laborans, gemino infestetur morbo, & inflammatione pleuræ siue membranæ interius succingentis costas, & febre simul acuta, suam causam & mineram in venis, & arterijs habente, non solum coctio humoris in phlegmone, sed alterius humoris in vasis occlusi, requiritur, vt æger saluetur. Res visa fuit in Anaxione, cui octauo die venam in cubito secuit Hippocrates, quod die septimo malè se habuerit. Vndecimo quædam coctionis rudimenta apparuere; quia eo die incipit liquida quædam expuere. Decimoquarto non conualuit, sed decimoseptimo sputa excreuit pauca, sed cocta, quæ indicabant Pleuritidem fuisse in augmento, & extra principium. Die vigesima facta fuit Crisis, siue subita mutatio, non ad integram salutem, sed ad meliorem statum, vt ostendit recidiua facta die vigesimoseptimo, in quo perfectæ coctionis Signa apparuere, tam in sputis, quam in vrinis. Sputa ergo coctionem indicabant materiæ fouentis inflammationem siue phlegmonem; subsidientia, siue sedimentum album & copiosum in vrina apparens, coctionem materiæ fouentis febrem: Cum vtraque materia vtrumque morbum, phlegmonem scilicet pleuræ, & febrem committens, paulatim euacuaretur, & integrè concoqueretur vsq; ad diem septimum sequentis heb-

hebdomadæ, qui erat morbi trigefimusquartus, in hoc natura triūphans vltimam manum operi adhibens iudicio morbum vtrumq; superauit, sudorem excitans copiosum, calidumque, per vniuersum corpus. Sic enim morbi vtriusque seminaria protinùs abacta sunt.

Non sine ratione Galenus superiùs admiratur, crudas parotidas nullum coctionis rudimentum in se præmonstrantes, curari per excretiones factas deorsùm per vias vrinæ: nam cùm parotides essent abscessus, morbiq; distincti à febre, concoqui maturarique deberet materia in eis inclusa, æquè ac illa, quæ febrem in venis fouebat, vt Criticè sanarentur. Nam, vt in superioribus sæpè præmonuimus, siue Criticè, & salubriter, siue per simplicem solutionem morbus terminetur, coctio humoris inclusi semper necessaria est. Maiorem adhuc admirandi ansam tribuit aliud Hippocratis effatum, parotides ad suppurationem peruenisse in Cratistonacte, & Picoris (aut Fullonis, vt loquitur quidam) ancilla, hos tamen postea perijsse. Solutionem rei dedit Galenus, ægros hos obijisse ratione febris, cuius causa in vasis occlusa coctionem non recepit: proindeq; febris naturam longè superans, ægros enecauit præfatos. Anaxion verò, etsi duplici morbo laboraret, quia tamen denudò, tam in sputis, quàm in vrinis simul, Signa apparuere coctionis, & consequenter salutis, perfectè conualuit.

Duo in præfatâ Anaxionis historiâ notanda. Primum, Galenum nullum aliud posuisse Signum imperfectæ Crisis factæ vigesimo die, præter sitim, quæ remansit vsq; ad vigesimumseptimum diem. Et quidem iuxta Hippocratis doctrinam, qui lib. 6. Epid. Sect. 2. Sententiâ, siue textu 8. inquit: Quoniam eorum, quæ profuunt, quid intus relinquitur, idcirco sitis intus remanet, & oris siccitas, ac insuauitas, & cibi fastidium. Eadem ergo accidentia sine Crisi apparentia, semper humorum superfluitatem indicant: vt ex hac, & alia Hippocratis doctrina lib. 4. aphorism. 17. colligitur: Non febricitanti, inquit, cibi fastidium, oris ventriculi morfus, vertigo tenebriosa, & oris amaritudo, purgatione per superna opus esse significant.

Secundum, quod obseruari debet, est, quòd Galenus pronunciauerit, humores superfluos intus in corpore relictos, tempore, quo concoquantur efferuescere vi natiui caloris, non verò febrilis.

Dubio occurrir.

Sitis, cibi fastidium, & oris insuauitas indicant humorem morbificum non fuisse purgatum integrè.

Id ipse nō aliundē colligit, quā ex eo, quod diebus indicibus coctionis Signa apparuere, & diebus verē Criticis facta fuerit Crisis. Hęc doctrina suauiter, & benignē interpretari debet; nimirum, tunc calorem natium prædominari materiæ morbificæ, & calori febrili putredinoso. Nam à solo calore natiuo feruorem istum excitari, coctionemq; humoris celebrari, est contra ipsummet Galenum lib. 2. Aphorism. 47. vbi pus malè olens à putredinoso calore fieri docet: veram alimenti coctionem à calore natiuo; pus verò

Pus non à solo calore natiuo generatur.

laude dignum, ab utroque calore, naturali scilicet, & febrili simul. Galeni verba sunt hæc: Pus ex sanguine ortum habet, qui semimalam (vt quispiam dixerit) habet transmutationem. Nam mala simpliciter, cum putrefactione, fit olida: sicuti, quæ simpliciter optima, est ipsa nutritio partium animalis: at, quæ pus generat, medium inter has obtinet locum: neq; à solo calore extra naturam, neque à

Dolor, & febris dum pus fit vnde.

solo calore secundum naturam procedens. Mixtus enim quodammodò ex utrisq; est calor inflammationis. Fit autem dolor, extentâ simul, ac calefactâ præter naturam inflammata particulâ. Febres verò sequuntur principio (id est Corde) concalefacto: & hæc ambo contingunt ex quadam veluti ebullitione, atq; exustione sanguinis; qui, vbi ex toto exustus fuerit, residuū eius fit pus, quemadmodum ex lignorum exustione cinis: atque idè tempore illo dolores sedantur, ac febres, præsertim cum pus fuerit excretum, vtpotè iam consumpta quidem materia, extinctaque illa ignea caliditate.

Doloris, & febris cessatio.

Vrinarum sedimentum à calore natiuo, & præter naturam.

Galenus ubique vrinarum sedimentum cum pure comparat. Sicuti ergo pus conficitur ex sanguinis crassiori parte putrefacta, resoluta per poros parte tenuiori, & maximè biliosa, caloris natui, simulq; caloris præter naturam opera, similiter sedimentum vrinarum, non à calore naturali solo, sed ab hoc præcipuè, & à calore præter naturam simul generatur ex humore putrefacto, & febrem generante. Et sicuti in Phlegmone dolor à distensione partis, simul & calore, oritur, & distensio ab humore incluso ebulliente siue efferuescente, maioremque locum idè quærente, ita in febribus continuis & ardentibus fit. Sanguis autem vniuersus immodicè in vasis feruens, eadem vasa distendit, cum rarefactus maiorem exoptulet locum. Ex hac autem vasorum distensione dilatationeque, simulque ardore vaporum fuliginosorum adurentium, & exitum

Dolor quidam interius in vasis continè febricitantium vnde.

quæ-

quærentium, nascitur interna illa anxietas, & inquietudo tanta, ut ægri in vno loco diu stare nequeant: sese enim voluunt, reuoluuntque, quasi semper, in lecto. Ad hanc verò anxietatem & molestiam, accedit & alia præcipua, quæ in cordis ventriculis nascitur propter consimilem, aut multo maiorem efferuescentiam, quæ quidem perpetuò fouetur à vaporibus calidis ex vasis ad cor continuò transmissis. Phlegmone verò, sola dum vexat, febrem efficit symptomaticam, partes paulatim calefaciendo, donec tandem calor ille præter naturam ad cor perueniat: per vasa etiam ex parte inflammata quidam calidi & adurentes vapores ad cor transferuntur, qui calorem adaugent præter naturam, in corde, iam accensum. Ut ut sit, quidquid ex massa sanguinaria inflammata corruptum est, & putrefactum, caloris potissimum natiui operâ mitigatur, subigitur, & in quandam substantiam, vasorum albedinem referentem, redigitur, vnàq; cum vrinis rursùs excernitur; & cum puri probè confecto, materia illa à vasis integrè subacta, & cum vrinis excreta, assimiletur, & pus nequaquàm à solo calore naturali, sed ab hoc, simul & calore præter naturam, conficiatur, hinc est, ut humor ille, qui sedimentum in vrinis dicitur, à naturali, simul & præter naturam calore in talem statum & naturam redactus fuerit. Verùm, quia sedimentum album, læue, & æquale, naturam longè superiorem esse morbo demonstrat, ideò Galenus feruorem illum humorum à calore natiuo, vtpotè præcipua causa, non à calore febrili fieri docuit. Dum enim viget vasorum natura, fit superfluum humorum quædam concoctio, in quantum iidem humores concoqui possunt, ut à bonis succis separentur integrè, rursùsque excludantur.

*Vnum ex
ardentis,
aut veho-
mentis fe-
bris Signis
est, in vno
lecti loco
quiescere
non posse.*

*Galenus
exponitur.*

Hæc omnia, vnà cum Anaxionis historia, non mediocrem adferunt claritatem ijs, qui tempora morborum, & perfectas imperfectasque Crises discernere cupiunt.

De Die Vigesimo, & Alijs.

Etsi, quæ dicta sunt, sufficerent, alia tamen testimonia ex Hippocrate, cum Galeno lib. 2. de Dieb. Decret. cap. 4. in fauorem diei vigesimi, addere placet. Etenim, inquit Galenus, vsque ad decimumquartum nulla est de Diebus inter Medicos dissensio.

*De Die-
bus Decre-
torijs vsq;
ad deci-
mumquar-
tum, nulla
controuer-
sia.*

Ve-

Verum sequentium hos ordo totus ab illis confunditur; quia nonnulli non adeo experientiae mentem, sed rationi soli adhibent; quo factum est, ut integras hebdomadas putent esse complicandas. &c. Ordinem verò dierum experientiâ comprobatum ipse ex Hippocratis varijs textibus Epidemicis in medium profert. Lib. 1. Epidem. Sect. 2. tex. 76. hæc habentur: Phreniticis autem, quæ supra sunt scripta, omnia non acciderunt. Iudicabantur ferè die vndecimo; nonnulli vigesimo. Eodem lib. Sect. siue Comment. 3. textu 20. Herophon, qui primis diebus Signa videbatur habere lethalia, nono die sudavit, iudicatus est, & acuta febris, qua laborabat, remisit: quinto rursus die, idest decimoquarto, redijt febris; simulque splen intumuit: die decimoseptimo per sudorem iudicatus est. Textu sequenti 21. Philini Vxor, quæ filiam pepererat, quæque ex naturæ præscripto purgata erat, decimoquarto die à partu, igne siue febre ardente correpta est: decimoseptimo die intumuit, vigesimo obiit. Textu 22. sequenti, Epicratis vxor ægrotabat instante partu: tertio die filiam peperit. Postridie partus eam febris acuta inuasit: & rursus vndecimo sudavit, minxit melius colorata, quæ multum habebant sedimenti, commodius habuit. Et rursus: Circa diem vigesimumseptimum febre erat libera: Vrina sedimentum habuit. Et rursus: Quadragesimo die pauca vomuit biliosa, iudicata est: & ab igne liberata prorsus est die octogesimo. Textu 23. Cleonactides octogesimo per sudores & vrinas iudicatus est: quam antea sexagesimo per vrinas iudicatus fuerit, sed imperfectè. Textu 24. Meton die quinto per hæmorrhagiam iudicatus est. Textu 27. Quadragesimo die Clazomenius iudicatus est per alui profluuium tenue, & per vrinas: sicuti antea Crisi imperfecta, die vigesimo. Libro 3. Epidem. Comment. 1. tex. 23. quidam in Dalcis horto decumbens vndecimo die sudavit à febre liberatus: decimoquarto redijt febris: quadragesimo per alui fluxum, & sudores iudicatus est. Comment. 3. tex. 77. Quarto die per sudores Pericles iudicatus est. Textu 78. Abderæ Virgo in Templi vestibulo decumbens, vigesimoseptimo die, per sudores iudicata est. Textu 80. Abderæ Heropyto, centesimo & vigesimo, mediante alui fluxu, & rursus mediante dysenteria iudicatus est. In textu Hippocratis biscentesimus, non centesimusvigessimus, legitur: Galenus tamen, & rectè, centesimumvigesimum enumerat. Nam

post

Vndecimo, & vigesimo die Crises.

Nono Crisis.

Decimoseptimo Crisis.

Vigesimo Philini Vxor obiit.

Vndecimo Crises.

Vigesimo septimo Crises.

Quadragesimo Crises.

Octogesimo Crises.

Sexagesimo Crises.

Die quinto Crises.

Quadragesimo Crises.

Vigesimo.

Vndecimo.

Quadragesimo.

Quarto.

Vigesimo septimo.

Centesimo vigesimo.

post centesimum alui fluxus, referente ipso Hippocrate, diu durauit: & rursus dysenteria successit. Textu 81. Nicodemus Abderæ vigesimoquarto per vrinas, & sudores iudicatus est. Textu 86. Dealcis vxor vigesimoprimo die mortua est. Refert præter hæc Galenus, Hippocratem lib. 3. Epidem. scripsisse in quadam tempestate omnes superstites ægros octogesimo iudicatos fuisse. Docet insuper plures etiam obiisse in relatis omnibus superiùs diebus, in quibus bona sæpiùs Crisis visa est.

Constat, in ordine decimiseptimi, & vigesimi, omnes iudicatos fuisse tam primo, quàm secundo libro Epidem. neminem verò in ordine decimioctauo, & vigesimi, demptâ solâ Dealcis vxore, quæ vigesimum excessit, & vigesimoprimo mortua est. Examinat Galenus reliquos libros Epidemicos, vt probet, in ordine decimioctauo, & vigesimoprimum, nullum fuisse iudicatum. In secundo autem, quarto, & sexto lib. Epidem. qui vel ipsius sunt Hippocratis, vel Thessali, eius filij, nemo istis diebus, aut alijs eisdem correspondentibus, iudicatus est. At verò in 2. Epidem. vigesimus, & quadragesimus, Decretorij inueniuntur. Quarto Epidem. de morbis agit peracutis, qui ad vigesimum diem rarò perueniebant: ad vigesimumquartum semel aliqui processere. Vnde vigesimus, & vigesimusquartus in illo libro reperti sunt decretorij. Libro 6. Epidem. non fit mentio decimioctauo, aut vigesimoprimum. Si iam, inquit Galenus, & quinti libri meminisse conuenit, cuiuscunque fuerit, hæc etiam 50. sunt vniuersi ægri, nullus autem ipsorum vel decimioctauo, vel vigesimoprimum, vel, vt summatim dicam, in alio quodam huius generis die iudicatus est. Vnde ipse lib. 1. Epidem. Comment. 3. tex. 22. vxoris Epicratis, quæ octogesimo die iudicata est, historiam exponens, ait: Quare fac memineris, id quod experimenta attestantur, diem quadragesimum, & octogesium decretorios esse: & mendacium est, nec experientia approbari, integris hebdomadibus Decretoriorum dierum rationem iniri, alioqui enim alter & quadragesimus, id est quadragesimusecundus, sexagesimustertius, & octogesiumquartus iudicia, non quadragesimus, sexagesimus, octogesium afferrent.

Certum enim est Hippocratem alterius ordinis non meminisse in Epidem. in quibus vsu, & experientiâ dierum omnium virtutem exactissimè acquisiuit, & exposuit. Alter enim ordo, de quo

quan-

*Vigesimo-
quarto.*

*Vigesimo-
primo vni-
ca mala*

*Crisis su-
peruenit,*

*vti secundo
die, & vi-*

*gesimose-
cundo, &*

*alijs omni-
bus fieri*

potest.

*Facta e-
numera-*

*tione om-
niũ libro-*

rum Ep d.

*& Autho-
rum eoru-
de narrat*

*decimo-
octauo, nec*

*vigesimo,
Crisim vl-*

*lam visam
esse.*

*Mentiu-
tur, qui in-*

tegras heb-

*domadas
enumerat.*

quandoque Galenus loquitur, est ille qui comprehendit decimum-octauum diem, & vigesimumprimum, necnon alios his respondentes. Si autem vigesimusprimus esset decretorius, similiter quadragessimusecundus, & non quadragessimus (idem de reliquis dicendum ad centesimumvigesimalum & sextum diem) quod est contra

*Exponitur
Galenus.*

Hippocratis experientiam. Ergo solus retinendus est ordo ab Hippocrate vsu & experientia inuentus, qui est ordo decimiseptimi, & vigesimi: Nam decimiseptimus vigesimalum indicat, & decretorius est inuentus: imò duplicatus alium veluti procreat Diem Decretorium, trigesimalumquartum; sicuti dies vigesimalus multiplicatus quadragesimalum, sexagesimalum, octogesimalum, centesimalum, centesimalumvigesimalum.

*Vigesimus
perfectum
efficit cir-
cuitum.*

Vnde Galenus lib. 2. de Dieb. Decret. cap. 9. vigesimalum statuit perfectum circuitum, septimum non adeò, quia multiplicatus circuitum quidem non ignobilem, decimumquartum, constituit; ter tamen actus integrè, vigesimalumprimum; quater, vigesimalumoctauum, & sic de reliquis. Vigesimalus ergo est perfectus circuitus, trigesimalusquartus decimoquarto correspondens, quod eodem modo, quo hic in ordine ad vigesimalum componendum se habet, ita trigesimalusquartus ad quadragesimalum, minus

*Trigesi-
musquar-
tus est cir-
cuitus.*

perfectus. Quod autem trigesimalusquartus circuitus sit, patet ex Hippocrate, qui in Prognostico, Sect. 3. ait: Post hos eadem ratione, eademq; additione, primus ad quatuor & triginta dies peruenit. Primum enim (inquit Galenus) dixit trigesimalumquartum post vigesimalum, ut circuitum, non ut Diem Decretorium: quoniam & vigesimalusquartus, & vigessimuseptimus, & trigesimalusprimus, post vigesimalum est decretorius.

*Vigesi-
musquar-
tus. 27. 31.
sunt, De-
cretorij.
Cur vige-
simus Cri-
ticus.*

Cur autem, inquit Galenus libro 3. de Dieb. Decretor. cap. 9. & vigesimalus, & vigesimalusprimus, multò magis vigesimalus, decernat, explicabo. Primum, quoniam huiusmodi morbus diuturnus iam est, ipsas accessiones dies pares excipiunt. Deinde, quod septimana, non integris septem diebus constet. Sanè cap. 9. citato, libri 2. de Dieb. Decretor. docuit Galenus, Crisim vehementiam paulatim procedente tempore exolui, & imbecilles decretorios obscurari: & vigesimalum, ut perfectum circuitum, vim Criticam retinere. Primos autem Dies Decretorios, & indices, imbecilliores reddi, morbo in longius exacto, docuit adhuc Galenus lib. 1. de Crisib. cap. 18.

*Crisis ve-
hementia
paulatim
desinit.*

Opponunt aliqui Hippocratem, qui diem vigesimumprimum Criticum nominavit lib. 4. aphorism. 36. qua de re Galenus, fa-
 teor, nihil in Commentario dixit, præter sequentia: Non parua au-
 tem est de diebus scriptis in aphorismo discordia, cum alij alios
 pro arbitrio scribant. Hinc colligitur, vel à Diocle, vel ab Archi-
 gene, Galeno antiquioribus, vel ab aliquo eorum doctrinam co-
 lente, vigesimumprimum, loco vigesimi, in aphorismo repositum
 esse. Sed hætenus de Diebus Decretorijs. *Obiectio.*
Solutio.

S E C T I O III.

De Causa Dierum Decretoriorum.

Hippocrates vsu & experienciâ comprobavit, quosdam dies
 esse Decretorios, alios nequaquam. Sed cur his diebus,
 & non alijs, Crises fieri contingat, causam non inuesti-
 gavit: existimans fortassis rem ita arduam, nec à se, nec ab alio,
 posse assequi; vel quòd ipsi Naturæ, corporis moderatrici, omnem
 decernendi potestatem tribuerit. Naturæ, inquit, morborum Me-
 dici. Obseruavit tamen septenarios esse potentes Criticos, & ab
 indicibus diebus indicari: tertio die in acutis biliosis accessiones
 fieri, & in accessionibus Crises: inuenitq; ideò impares, quàm pa-
 res, fortiores in decernendo. Qui post Hippocratem floruêre Me-
 dici, maximè verò Galenus, non mediocri Studio Dierum Critico-
 rum causas indagare conati sunt. Varias variorum hac de re sen-
 tentias breuiter expendere par est.

Prima Opinio.

Non modò decretoriam Dierum virtutem, si talem habent,
 sed plerarumq; rerum, à numeris emanare, affirmare non
 sunt veriti, qui Sectam constituêre Pythagoricam. Plutarchus enim
 nonnulla hac de re Pythagoræ placita refert libro 4. de Philoso-
 phorum placitis. Aurelius Macrobius libro 1. in Somnium Scipio-
 nis cap. 6. Marcus autem Varro apud Aulum Gellium libro 3. No-
 ctium Atticar. cap. 10. latè septenarij numeri virtutes prosequitur.
 Aulus ipse Gellius Climacterici anni, occasione Epistolæ Gratula-
 toriæ Cæsaris Augusti ad suum dilectum Caium, quòd idem Cæ-

far facillimè annum sexagesimum tertium Climactericum euaserit, meminit. Ludovicus Cælius Rhodiginus libro 12. Antiquarum lectionum cap. 6. & sequentibus ad caput vsq; 16. inclusiuè, vt loquuntur, multa scitu digna de numeris scripsit. Pythagoras siquidem, quem ex Arithmeticeis nonnulli imitantur, in numeris maximam esse vim credidit, in eosq; ideò referenda omnia, vt Sy-

*Duo prin-
cipia à Py-
thagora
constituta.*

derum ambitus, & animalium productiones, & reliqua. Duo ille statuit principia, quorum primum est, definita vnititas, ab ipso sic appellata: Secundum principium, est indefinita Dualitas. Definitam vnitatem, bonorum, indefinitam Dualitatem, malorum exordium, & causam, esse docebat. Vnitatis siquidem natura insita, circumferentiæ, id est, aëri, temperiem, Animis virtutem, sanitatem corporibus, domibus, & Ciuitatibus pacem, & animorum gignit conspiratum. At Dualitas aduersa omnia. Aëri hyemem contribuit, Animis malitiam, aegritudines corporibus: Ciuitatibus

*Malum
in Repu-
blica vn-
de.*

*Impar im-
pari per-
mixtus
suam sem-
per vim
seruat.*

seditiones, & domibus dissidia inducit. Omne siquidem malum inter homines ex disparili inoritur voluntate. Hinc ex consequentibus numeris, Parem quidem demonstrauit indigum, ac deficientem, atq; imperfectum. Imparem verò plenum, ac perfectum, quòd vnitatis definitæ, siue Monados naturam sequatur, sicuti par dualitatem. Etenim pari permixtus impar, vim suam seruat perpetuò; conduplicatus verò idem Impar, Parem gignit: Ita vt Impar fecundus sit, habeatque principij vim, diuisionis æqualis & ipse nescius, vnitatem videlicet semper in eo redundante, quæ diuidi nequit.

*Impar
mas, &
forma nū-
cupatur.*

Par verò imparem producit nunquam, neq; est indiuisibilis, cum in duas medietates secari possit. Imparem deniq; marem, Parem verò fæminam, vocari voluit: sicuti Imparem formæ, Parem verò materiæ rationem habere. Namq; Pythagorici Imparem Patris, & Parem Matris appellatione venerantur: veluti Macrobius lib. 1. in Somnium Scipionis cap. 6. refert. Atque ideò dixisse Virgilium:

Numero Deus Impare gaudet.

Numeros ergo non solum principia rerum, sed efficientes causas, & essentiam esse statuunt Pythagorici. Criticorum ideò dierum causam, numerum esse volunt imparem: maximè verò septenarium, & nouenarium. Si vnius cuiusq; numeri à Pythagoricis æstimati vires indagare cuperem, in immensum opus hoc cresceret.

*Respondetur
Pythagori-
cis.*

Quare Pythagoricis respondendum, numerum non posse vi-

cem

cem causæ dierum Criticorum subire; quia numerus quantitas est, eaq; indiscreta, adeoq; continuâ ignobilior. Sed constans est Peripatheticorum sententia, quantitatem non habere agendi, aut efficiendi virtutem. Hinc conficitur, numerum imperfectam quantitatem, nullam habere efficiendi vim. Quare numerus Crisim nequaquam efficiet.

Aliquibus fortassis placeret cum distinctione respondere: Numerum non in abstracto, sed in concreto habere actiuitatem, & vim effectricem. Sed sic nihil determinant. Nam si ab ipsis petiero, quid sit numerus ille concretus, qui actiuitate pollet, tanquam muti, nihil respondebunt. Numerus verò duplex est ex Philosopho libro 4. Physicor. cap. 12. Vnus numeratus, & alter numerans. Numerus numeratus, sunt ipsæ res numeratæ: Numerus numerans, qui formalis appellatur, bifariam dicitur: vel enim est ipsa Anima rationalis, quæ sola, & non Brutorum, numerat, resq; singulas ab inuicem discernit: vel est medius quidam numerus, quo, tanquam instrumento, Anima nostra numerat: cuiusmodi est, vnum, duo, tria, quatuor, quinque, &c. Estque hic numerus Mathematicus ex multis vnitatibus cum ordine quodam ab ipso intellectu collectus. De hoc autem vltimo est controuersia, non de numerato, nec de Anima. Est enim quoddam accidens à numero numerato prorsus distinctum. Estque solùm intelligibilis, vt lib. 1. Posterior. cap. 23. Philolophus innuit. De numerato Sacra Pagina loquitur, dum in ea dicitur Deus fecisse omnia numero, pondere, & mensura. Numero quidem omnia à Deo facta disposita sunt, id est, perfectione, certis limitibus, ipsdem determinatis.

Galenus aduersus Pythagoricos lib. 3. de Dieb. Decret. cap. 8. hac serie scripsit: Non quòd dies ipsi primariam decernendi virtutem habeant, sed quia per accidens aliquod sic eueniat. Et paulò post: At si dierum numerus ipse decernendi facultatem haberet, non frequenter diebus imparibus, rarò paribus, verùm perpetuò imparibus, nunquam paribus, de acutis morbis iudicium fieri oporteret. Neque enim septimi, vel quarti numerus, Crisis author est: Sed quod Lunâ innouante, & immutante terrena, motuum quoque circuitus, ad hos principes numeros venire contingat, meritò in ipsis tanquam stata alterationum tempora inueniuntur. Quippe non à numeris, sed à Lunâ mutationes terrenis adueniunt. At cum

Dubio occurratur.

Numerus est duplex. Numerus numerans duplex.

Deus numero pondere, & mensura, omnia fecit.

Quarto, & septimo diei vim Criticam tribuit Luna ex Galeno.

in motu mutans consistat, tempus mutationibus necessariò coniunctum est; quare etiam numerus necessariò. Non igitur, quod omnis par numerus fæminam, impar masculum, referat, acutorum iudicia imparibus diebus accidunt. Neque enim impar absolutè pari fortior est: neq; si fortior, iam fæmininus imbecillior: Neque si fæmininus quidem hic, masculus autem alter sit, acutos morbos in masculis numeris iudicari, diuturnos in fæmininis, rationi consentaneum est. Omnia siquidem, quæ de numerorum virtute nugantur, tam facilè absurda esse deprehendimus, vt mihi subinde mirari subeat, Pythagoram illum tam sapientem Virum, numeris tantum tribuisse. Atque nunc aduersùs ipsos etiam nobis nugari non vacat. Nam satis est ad rem institutam terrena Lunam alterare, & in septimanis potissimùm magnas parere mutationes: post in quaternionibus exiguas. Ad hæc Crisim accessione plurimùm indigere: item accessiones tertio quoq; die in morbis acutis euenire: his etenim subiectis acutos morbos in imparibus diebus magis ad iudicium tendere necessitas erit.

Cur imparibus diebus Crises sunt.

Docet apertè Galenus, Lunam esse, quæ Crisim efficit. Luna enim in suo motu periodos habet, siue circuitus, qui ad primos dignitate numeros dierum, quaternarium, & septenarium cuiusvis hebdomadæ perueniunt. Id est, Luna à sui circuitus exordio, quod est prima eius à Sole digressio, semiquadram primo perficit, rursùs quadram: & ita deinceps, donec quatuor suas quadras perficiat: in suis verò semiquadris, & quadris solemniter res sublunares, quæ innouari, mutariq; aptæ sunt, quasi statò & fixo tempore, alterari siue innouari, mutarique deprehenduntur. Licèt enim Luna ab exordio sui discessus à Sole, vsq; ad suum reditum, siue coniunctionem iterum cum eodem Sole continuò in hæc inferiora agat, suos in ijs effectus manifestiùs in quadris, qui circuitus sunt notabiles, promit, quàm in alijs diebus: & quoniam semiquadra, siue medium cuiusvis quadræ, particeps est præcedentis, & subsequen-

Medium quadræ est ex eorum particeps.

tis partium totius quadræ, in ea similiter aliqualis Lunæ effectus, multò tamen minor eo, qui in quadræ terminò, elucet. Quaternarius, & septenarius numerus vim habent nullam alterandi, aut immutandi inferiora corpora, sed Luna est quæ agit in suis maximè istis periodis septenarijs, & quaternarijs: & hi numeri istis circuitibus, tanquam eorundem circuituum siue periodorum accidentia,

affident . Et ita expositus maneat Galeni textus ille : Neque enim septimi , vel quarti numerus Criseos causa est (alia versio habet , causa est) & auctor : Sed quia Lunâ innouante & immutante hæc terrena (imò & maximè aquatilia) motuum quoq; circuitus ad hos primos numeros venire contrigit , meritò in ipsis statuta alterationum temporaprehenduntur . Mutationes enim non à numeris , sed à Luna rebus terrestribus contingunt .

Sequentibus adhuc verbis rationem reddit Galenus , cur necessariò Lunam inferiora mutantem numerus comitetur : At , inquit , quia id quod mutat in motu est (est hæc versio clarior eâ , quam superius scripsimus) tempus necessariò mutationibus coniunctum est . Quare & numerus etiam necessariò . Per , id quod mutat , intelligit modò Galenus Lunam , quæ , more reliquorum corporum cælestium , in hæc agit inferiora , in quæ imperium habet ; quâ verò mutat , agit : nam mutare , agere est . Quod deniq; mutat , aut agit , mouens est , siue est in motu , siue actu mouetur . Omne verò corpus naturale mouens mobile est , ex Aristot. lib. 3. Physic. cap. 2. Et motus ipse est in mobili , tanquàm in subiecto , ex eodem Aristotele , eodem lib. 3. Physic. cap. 3. Ad motum verò tempus necessarium est ; & ita necessarium , vt neutrum ab altero seiungi queat : nec mirum , cùm re ipsa tempus motus sit , teste Themistio in citati cap. Commentario , imò ex ipso Arist. lib. 4. Physic. cap. 11. tempus est numerus motus , secundum prius , & posterius .

*Tempus
& motus
copulatur.*

*Tempus
quid.*

Concludendum ergo , numerum adnexum periodis Lunæ , ad efficiendam Crisim se habere eodem prorsus modo , quo Musicus ad generandum , ambulandum , dormiendum , & orandum . Petrus autem Musicus , eò quòd Musicus sit , necessariò Musicam sibi habet annexam : sicuti quâ albus , necessariò ei connexa est albedo : sed nec Musica , nec albedo , sed Petrus est , qui generat , ambulat , dormit , comedit . Appositè ideò Galenus lib. 3. de Dieb. Decret. cap. 11. aduersus eos , qui nugantur de numerorum dignitate , ait : At quid ad rem propositam spectat , si Pleiades septem sint , Dionem laterali morbo laborantem , septimo die de morbo iudicium sustinuisse ? etenim aliàs nono , aliàs decimo die Crisim habuit . Quid autem similitudinis est , si septem Nili sint ostia , Theonem pulmonis vitio ægrotantem , septimo die iudicatum fuisse ? Nam aliquando quarto , interdum quinto morbi die iudicium accipit .

*Numerus
septena-
rius nul-
lam habet
vim Crisi-
cam.*

Meritò sanè Galenus Pythagoricorum, Arithmeticorumque nugas repudiat; cùm ridiculum sit, velle Dionem septimo die Criticè sanari, quòd Thebarum sint portæ septem, vt citato cap. notauit Galenus, & Nili ostia septem. Quam, quæso, in Dionem hîc Bononiæ ægrotantem transmittere possunt decernendi virtutem septem Thebarum portæ, maximè verò, cùm non ampliùs extent? Nugatoriè ergo illi vnionem, siue vnitatem matris expertem appellant, formam definitam; Dualitatem materiam infinitam, audaciam &c. Imò ad tantam deuenière superstitionem numerorum cultores, vt quidam existiment, Pentaphyllon, id est Quinquefolium, tantam habere virtutem ratione numeri quinarij, vt venenis resistere, ac dæmonia fugare pellereue queat. Præterea folium eius vnum bis in die ex vino sumptum, quotidianam; tria folia tertianam; quatuor quartanam, sanare referunt: vt testatur Lalamantius, qui Anno 1557. scripsit. Sed hæc de prima Opinione sint dicta.

*Pentaphylli vis
eximia secundum
quosdam.*

Secunda Opinio.

Secunda Sententia est Auerrhois libro 3. Colliget cap. 9. dicentis, Dierum Criticorum causam esse coctionem, quæ Diebus Criticis, & non alijs, fit.

*Auerrhoes
perstringitur.*

Sed hæc Sententia falsa est; quia supponit solam Crisim bonam & perfectam Crisis nomen mereri: cùm tamen præter bonam, in qua humorum coctio requiritur, detur mala Crisis, vt cum Hippocrate, & Galeno sæpiùs hætenùs monuimus. Secundò, quotidie, dummodo Signa coctionis appaerent, Crisis fieret, quod tamen veritati contrarium deprehenditur. Tertiò, in simplici solutione morbi Crisis fieret, præsertim quando vltima pars superflui humoris cocta appareret. Sed hoc est contra Hippocrateni, & Galenum, Ergo & Auerrois Sententia.

Tertia Opinio.

Avgerius Ferrerius Tolosanus Medicus, simul & insignis Mathematicus, ad amussim Arithmeticam, causam Dierum Criticorum refert. Morbi acuti ad impares dierum numeros tendunt, maximèq; ad impares, qui totius naturam induunt; cuiusmodi

modi sunt septenarius, & nouenarius. Numeri omnes denario clauduntur. Et impares in eodem denario contenti, vel ternarium, vel quinarium, vel septenarium, vel nouenarium componunt. At ternarius numerus, & quinarium, nouenarii partes sunt: Super sunt ergo duo impares numeri, Septenarius, & Nouenarius, qui alium nullum intra denarii limites imparem componunt. Acuti ergo morbi septenarij, & nouenarij iudicabuntur. Partes verò numerorum de proximis suis totis indicant: Sic Architectus ex fundamentis parietes, ex parietibus tecta colligit. Fit itaq; in nostro casu, vt tertius de quinto indicet, & quintus de nono. Quaternarius verò numerus, quia septenario propinquior est, quàm sit ternarius, altera septenarii pars, de eodem septenario indicat. Finitâ prima decade ad alios dictis addendos numeros, qui impares, aut pares fortes, vt decimumquartum, & decimumoctauum, procreabunt, accedendum. Morbi longi in paribus iudicantur: pares numeri, qui totius naturam induunt, in primo denario, sunt quartus, sextus, octauus, & decimus. Secundus de quarto indicat, tertius de sexto, quartus de octauo; de decimo quintus. Hoc subtile Ferrerij commentum hùc transferre volui, ne id doctus ignoret Medicus: quia tamen Pythagorismum plenè sapit, eandem, quam Pythagore sententia, censuram patitur.

Partes numerorum de proximis suis totis indicant

Quarta Opinio.

I Aquilus, quem sequitur Cattagena 2. de Febre Pestilentiali, cap. 18. Et Amatus Lusitanus Centur. 1. causam Criticorum Dierum statuit disproportionem, & disconuenientiam Dierum Criticorum cum primo die. Proinde nascitur inter naturam, & morbum discordia Diebus Criticis; & ex tali pugna resultat Crisis. Si ab huius Sententiæ assertoribus quæret aliquis, vnde illa discordia & disconuenientia Dierum Criticorum cum primo die morbi, manat; respondebunt, nullam rei huius rationem dari posse. Respondum ergo aliud à nobis non merentur, quàm quòd nugantur, opinionem nullâ rationis umbrâ suffultam gratis statuentes, & ad quandam Musicam reducentes.

Absurda opinio.

Quinta Opinio.

FRANCISCUS Valleriola libro 3. Locorum communium cap. 7. Galeni, & Astrologorum sententiam respuens, Crisis coëfficientes causas statuit varias, Expultricem facultatem, morbi impetum atque motum, humorum noxiorum substantiam, modum, qualitatem, copiam, demùm vim, & potestatem Naturæ medicatricis morborum, Denique Sympathiam quandam abditorem, & arcanam. Quibusdam interpositis ait: Quòd itaq; in Septimo Crisis peracutorum morborum accadat, id cum motui seu impetui morbi, qui acutie sua celerrimè naturam ad excretionem exagitat, tum verò præcipuè dierum naturæ, ac potestati, iure est adscribendum. Septenarij namq; in omni rerum natura, nedum in iudicijs morborum conficiendis, magna est vis, atque abdita quædam dignatio & potestas. Id astruxit libro de Septimestri Partu Hippocrates, primum, & secundum dies, nedum in morbis, sed & in fatibus potentissimos esse affirmans.

*Valleriola
reycitur.*

Sanè Vir hic doctissimus in statuendo Crisis causas, factus est obliuiosus. Nam dum è Promptuario Medico, & Naturæ sinu, Crisis causas eruere tentat, concausas multas conglobatim promit, vt iam antea vidimus, sed paulò post, iam citata verba scripsit, quibus statuit dies ipsos impares præcipuam Crisis causam. Hoc enim est à Promptuario Medico longè decedere, & in Pythagoræorum sententiam incidere. Quare argumenta contra Pythagoram superius constructa huius Viri doctrinam facilè euertunt.

*Hippocrates
exponitur.*

Præterea ipse non leuiter peccauit, Hippocratem in sui auxilium trahens: cùm ne per somnium quidem septenario numero, citato libro de Septimestri Partu, aut alibi, vim magnam, atque abditam dignationem, & potestatem, concesserit: Textus Græcus est qui sequitur: αἱ μὲν δὴ αὖτις ἐπισημώταται εἰσὶν ἐν τοῖς παλαιῶν, αἱ τε παλαιῶν, καὶ ἐβδμήται, πολλαὶ μὲν, περὶ νέσων, πολλὰ δὲ καὶ τοῖς ἐμβρύοις. Id est, hæc quidem igitur dies significantes aut significatiuæ sunt, hæc; primæ, & septimæ, multum quidem in morbis, multum in embrionibus (siue fatibus). Ἐπισημοί autem idem est, ac signatus, seu cui signum, seu nota impressa est. Dicatur adhuc insignis, nobilis, illustris: Sed quid ad rem? Nam ex iam scriptis

ver-

verbis nemo rectè inferet, Hippocratem numero septenario magnam tribuisse virtutem. Sed septenarium numerum esse notam, & indicium, ac characterem maximæ virtutis pullulantis & emergentis, tam in morbis, quàm in prægnantibus. Quòd autem hic sit verborum Hippocratis sensus, ex antecedentibus verbis eiusdem textûs constat. At verò, inquit, mulieribus sætuum conceptiones, & abortiones, & partus, eodem tempore iudicantur, quo & morbi, & sanitas, & mors cunctis mortalibus contingunt. Sed istorum omnium alia quidem diebus, alia mensibus, alia dierum quadragenarijs, alia annuo spatio, de se significationem præbent. Hic non obscurè indicat Hippocrates, prædicta omnia dare quandam sui significationem; id est, in effectum, & operis exitum ruere, modò sæliciter, modò infæliciter, circa enumerata tempora dierum, aut inensium, aut quadragenariorum, aut anni, annorumue. Nichil ex dictis fauet Valleriolæ. Nam tametsi Hippocrates præter ea quæ hic protulit, doceat, hominis vitam septem diebus dispensari, libro de Principijs, non ideò numeris, vt numeris, vim vllam concessit. Fateor verumtamen ipsum non repudiâsse numeros; quia instrumenti instar vtiles sunt, vt accessionum febrilium, ipsarumq; febrium circuitus varios non negligenter obseruemus. Commendat enim Hippocrates filio suo Thessalo Geometriæ, & numerorum studium in sua quadam Epistola, quæ exorditur hac serie: Ad cognoscendam Geometriam, & numerorum scientiam, mi Fili, multum studij adhibeto. Non enim solùm vitam tuam illustrem, & ad multa commodam, in humanarum rerum statu efficient, sed etiam Animam acutiorem, & clariorem reddent, ad omnium, quorum vsus in Medicina expetitur, vtilitatem consequendam &c. Reliqua curiosus videat,

*Geometriæ
studium
commendat
Filio, quia
figurarum
cognitio
vulcerum.
que cura-
tioni con-
fert, sicuti
Arithme-
tica stu-
dium ad
computa-
tionē die-
rū morbi.*

Sexta Opinio.

Hieronymus Fracastorius Veronensis, Vir sanè acerrimi ingenij, Causam Dierum Criticorum ad humorem melancholicum refert. Vt hanc suam sententiam stabiliat, varia varijs Capitibus præsupponit Libello, quem de Causis Dierum Criticorum composuit. Capite ergo 6. sequentia profert: Principio illud non ignorandum est, duo esse, quæ potissimùm ad eam expulsionem fa-

M m m m

ciunt,

*Duo ad
Crisim
prærequi-
runtur; cō-
coctio hu-
moris pec-
cantis, &
stimulatio
in partibus
orta ab
humore
corrupto.*

ciunt, quæ Crisis dicitur; alterum, est displicentia stimulusque, quem corruptus, iamq; inimicus humor in membra ingerit; alterum est digestio, hoc est præparatio illa, quæ requiritur, si expelli debet: vtrumque enim cum simul conuenit, tum maximè propulsatio humoris corrupti fit: quapropter rectissimè Galenus dicebat, in paroxysmis, & circa morborum status, maximè videri Crises: in paroxysmo enim stimulus, atq; irritamentum fit maximum; circa status verò concocta digestaque materia est: accidit tamen quandoque, tantum esse irritamentum, vt quanquam nec planè digestus sit humor, foras tamen pellatur, conatu quodam maximo à natura facto; quòd enim ea vis insit membris, vt nocentia repellat, manifestum est, quanquam quo principio, & quo pacto id fiat, non ita est manifestum. Nos hanc doctrinam cum Galeno proposuimus, dum exponeremus præcoces Crises diebus intercidentibus prouenientes, iam propter externos, aliàs propter internos errores, sed & frequentissimè quidem propter exuberantem humorem furemtem, ac immodicè naturam ad expulsionem vrgentem. Minor Fracastorium hîc referre, quòd non sit manifestum, quo principio, & quo pacto furens ille humor expellatur: Cùm cognitum sit, facultatem expultricem ad humoris furentis, & partes vexantis exclusionem suscitari.

*Perfringitur Fra-
castorius.*

*Rarò vnus
humor in
massa san-
guinaria
corrumpi-
tur, quin
aliquis al-
ter coin-
quinetur.
Bene com-
mixti hu-
mores su-
perflui
morbum
vnum effi-
ciunt: non
bene com-
mixti, aut
non facien-
tes for-
ma vnâ
morbos cō-
positos.*

Sequenti Capite 7. præsupponit, rarissimè fieri, vt transeunte in humores vitio aliquo, vnus tantum humor corripitur: nam vt plurimum vel duo, vel plures, vitium idem concipiunt, aut simul, aut post. Quippe ea in massa sanguinis, quæ intra venas continetur, confusi commistique sunt, & reliqui vocati humores, Cholera, Phlegma, & Melancholia. Igitur propter vicinitatem confusio- nemque eorum rarissimè fit, vt infectionis causa communis pluribus non fiat. Si enim contagio, & putrefactio in causa est, aut liquefactio, aut obstructio, aut aliud id genus, agrè fit, vt vitium ad vnum tantum sese applicet. Incipientibus autem ijs humoribus vitari, tum quod corruptum est, secernitur, quantum fieri potest, à reliquo quod sincerum est, ita operante Naturâ, cui ea vis inest.

Cap. 8. ait: Accidit autem dum corruptos humores natura separat, & actu facit, ita interdum commisceri eos inuicem, vt vnâ conficiant formam, vnumque motum dent, ac morbum vnum, qui rationem dominantis insequitur: vnde Cholera nothæ, & pituitæ

nothæ, & melancholiæ nothæ contingunt, à quibus & morbi dominantur nothæ tertianæ, nothæ quotidianæ, nothæ quartanæ. Sæpissimè verò non vnam omnes formam constant, nec vnum motum dant, nec morbum vnum, sed plures, vnde & morbi compositi fiunt.

Si igitur, qui peccat humor, *simples*, & vnus tantum sit, aut plures quidem, sed in formam vnam redacti, tunc nulla Dierum Criticorum ratio est expectanda, sed paroxysmi soli considerandi sunt, *humores superflui simplicem morbum efficiunt.* & eorum dies, in phlegmate quidem quotidianæ, in cholera tertianæ, in melancholia quartanæ, in quibus cadent quidem suæ Crises, sed vt accedit materiam digestam esse, quod certam diem nullam per se habet, propter quod in tertianis, quæ puræ sunt, videmus, & quintam indifferenter, & septimam, & nonam, & in summam omnes impares dare Crises; nec Hippocrates aliud in his præcipit attendendum esse, quàm dies impares. At verò vbi & plures peccant, & non sub formam vnam commisti, sed confusi solum propriam naturam seruantes, tunc sperare possumus certas dies videre, *Accessio est causa irritans Crises intermit- tētibus potissimum.* in quibus Crises permultæ fiant, certas, in quibus rarissimæ, alias dies medio modo se habentes, quorum omnium causam, & certam rationem habere possumus; actalis maior est morborum pars; quoniam vtī rarò est humorem simplicem peccare, ita & plures ad vnam formam conuenire perrarum est: quare in multis morbis aut Crises videri possunt certis diebus, aut motus saltem humorum. Illud verò interest inter humores, quòd ad eam missionem conficiendam, quæ vnius formæ est, aptissimum est phlegma, quoniam humidum liquidumque est, ac benè miscibile, ineptissima melancholia, quoniam siccior terrestriorque est, & ad miscendum durior; nihil tamen prohibet & phlegma seorsum morbum facere, & melancholiam ad vnam formam venire. *Commisti humores formā veluti vnam sortiuntur: confusi propriam seruant naturam.*

Cap. 9. ait: Plures igitur cum humores in morbis peccant, non autem sub forma vna, accedit quidem interdum, vt vnusquisque illorum manifestum prodat paroxysmum, Cholera quidem tertianarium, phlegma quotidianum, melancholia quartanarium, vnde & morbi manifestè compositi fiunt. Interdum verò accedit, vt non omnes manifestum dent paroxysmum, sed aliqui illorum latentiorē ædant. Dico autem latentiorē paroxysmum, non quòd humor non moueatur, sed quòd motus ille suboccultus sit, quod nonnullis de causis accedit: sæpè enim qui mouetur humor, non multus *Piuita facile alijs commiscetur humoribus.* *Plures paroxysmi in eodem agro à diuersis humoribus: vnde morbi compositi.* *Paroxysmus suboccultus vna.*

est, & vix perceptibile est, quod exacerbat: Sæpè sensim & per moras putrescit, vnde nec horrorem incutit, nec calorem acrem apportat: Sæpè & superuenit maiori febri. At verò & cùm non paucum est quod mouetur, & repente inuadit, non sensim, & per particulas,

Hemitritaus vnde.

Manifestum paroxysmum edit, qui principaliter peccat humor: latentem, qui minus peccat.

Vnde accessio, & remissio.

Dies placidissima quæ.

Acerbissima dies.

Melancholia Crisis causa.

nec maiori alteri morbo superuenit, tum manifestum affert paroxysmum, & manifestæ fiunt compositæ pluresq; febres, & hemitritæ, aliæ quidem ex cholera & phlegmate, aliæ ex cholera, & melancholia. Sed certè non frequenter admodum fit, vt peccantibus pluribus humorum, manifestos quisq; motus prodat, verùm sæpius id videri accidit, vt vnus manifestum edat paroxysmum, alius latentiore; manifestum quidem ille, qui principaliter peccat, latentiore, qui non principaliter, sed quasi per sequelam quandam. Ex his ratio omnis Criticorum Dierum pender: peccantibus enim humoribus magna ex parte morborum pluribus, & ijs quidem non facientibus formam vnã, vnoquoque autem motum suum pro natura faciente, cholera quidem per tertias, melancholia per quartas; inde fit, vt quibusdam diebus humores, qui peccant, simul omnes commoueantur, quibusdam aliqui solum, quibusdam nulli: quare & dierum accidit quasdam placidissimas in morbis esse, alias acerbiores, alias acerbissimas. Placidissimæ illæ sunt dies, in quibus nulli humores mouentur, quod quidem fieri potest, quanquàm phlegma quotidie motum faciat, ob id, quod phlegma ipsum, vt plurimum formam vnã cum alijs conflatur, & illorum motum consequitur. Acerbiores sunt dies, in quibus vnus humor mouetur: Acerbissimæ, in quibus omnes. Aptissimæ igitur dies illæ sunt ad Crises faciendas, in quibus concursus fit humorum omnium: acerbissimus enim tum paroxysmus fit, ac stimulus, & irritamentum naturæ maximum, quod præcipuè sequi ad agendas Crises dictum est supra. Porro quoniam nec Crisis fit, nisi digesto præparatoq; humore, perfecta autem absolutaq; digestio non est, donec quod crassius est, ac segnius digestum ipsum non sit: crassior verò & segnior omnibus est melancholia: inde fit, vt potissimum circa melancholiæ & motus, & digestiones attendantur Crises, &c.

Superfunt præter iam relata, reliqua pars noni Capitis, & Septem integra Capita, in quibus prolixissime suam opinionem prosequitur Fracastorius. Et quoniam paucis complecti nequit, quod ab illo de hac re proponitur, coactus sum ipsius quædam integra

verba

verba in medium transferre. Vult enim, vt vidimus, causam Criseos esse humorem melancholicum, quando nimirum cum motu aliorum humorum peccantium concurrit, id est, quando vnà cum alijs paroxysmum efficit: non verò quando ipse solus mouetur, seu paroxysmum causat. Credit enim Fracastorius, humorem melancholicum semper fermè in morbis vnà cum alijs humoribus principaliter peccare, aut subpeccare: & quoniam vnà cum alijs humoribus formam facere ineptus est, per se quidem mouetur, & suas periodos seruat, interdum quidem manifestè, quod tum accidit, cum & multus est, & principaliter peccat; vt plurimum autem latentius, cum scilicet subpeccat ille, & putredinem ex alio principio recipit.

Humor melancholicus semper in morbis peccat, aut subpeccat.

Exèplo rem totam illustrare conatur: Peccet principaliter Cholera, non pura, sed cum phlegmate sub forma vna commixta, cum melancholia verò vicinitate sola, & confusione, subpeccet autem melancholia, ac non multa, nec valdè crassa, sed subtilior, & in summa, quæ citò terminum dare possit: Igitur putrescente cholera, simul quidem & eadem die computrescet & melancholia, morosusque satis erit paroxysmus ille primus (vt potè duorū humorum): secunda autem dies quietissima redibit, in qua nullus humorum motus fiet, at tertia dies paroxysmum quidem cholerae sentiet, Crisim tamen non faciet, tum quia stimulus nondum maximus, tum quia totum nondum digestum est: quarta autem dies motum habebit melancholiae, sed latentiorē; quia non multum est, quod tunc mouetur de melancholia, partim quidem, quia subpeccabat solum; partim quia putrefactio eius quodammodo pendet à Cholera, qua cessante in die quarta aliquem quidem motum dat melancholia ob concepta putrefactionis semina, sed paruum & latentem; quoniam origo, & fomes putrefactionis quiescit: quinta verò dies cholerae motum videbit, sexta nullius: at verò septima acerbissimum omnium paroxysmum apportabit, concurrentibus simul humoribus, qui peccabant, omnibus, ac largiùs melancholia, quoniam ex alterius contagione & impulsu, non parum motionis recipit: qua die, quoniam & digesta est melancholia, fuerat enim subtilis & pauca, nata citò terminum recipere, continget etiam Crisis: Stimulus enim acerbissimus in ea fit, & totum digestum est; in alijs autem diebus, aut stimulus absuit, aut digestio.

Fundamenta sua opinionis stabiliz.

Fallitur: nam bilis tertia die sapè Crisim excitat.

Capite 10. sibi obijcit Fracastorius hos motus latentes melanchol.

Obiectio.

Solutio.

choliæ, quarto potissimum die apparentes, fictitios fortassis à quibusdam iudicari, cum tales motus Hippocrates & Galenus non perspexerint. Respondet ille, se sæpissimè tales motus in morbis conspexisse: imò & alios Medicos ita animaduertisse huiusmodi motus latentes, vt mirarentur diem quietis (quartam scilicet) esse inquietam, morosamque, ægrumq; iactari, & conqueri, nescientes vnde hæc contigissent. Vidit & ille alios Medicos, qui quòd quartanarios quosdam motus in certis morbis percepissent, dubitabant ne febris in quartanam desineret, cum tamen nec quartana subsequuta fuisset, & ægritudo suo tempore absoluta. Ille verò qui prius motus illos considerauit, nec in admiratione ducebatur, nec quartanæ aduentum timebat; quin sæpè monuit, dies, quas alij quietissimas expectassent, morosiores esse futuras. Existimat denuò ille hos motus latentes quarto die in febribus contingentes, notos fuisse Hippocrati, Galeno, & Alijs, ad causam tamen non animaduertent.

Dies Critici à melancholia.

Per assignatum exemplum, inquit Fracastorius cap. 11. melancholiæ motus sunt 4. 7. 10. 13. 16. 19. 22. 25. & 28. Caterum, quia iure dubitare possent omnes, dictum exemplum statuere quartum & septimum diem Criticos, non tamen vndecimum, decimumquartum, vigesimum, & vigesimumprimum, ille, vt hos etiam Criticos statuatur, præmittit quæ sequuntur: Melancholiæ modi, & conditiones multiplices sunt: sæpè enim pauca est, sæpè multa; interdum crassior, interdum tenuior; modò tenacior, modò soluta magis: modò calidior, modò frigidior: similiter se habet & cholera. Ex hac diuersitate fit, vt putrescente cholera, quandoq; simul & eadem die computrescat & melancholia, modò in initio paroxysmi, modò in medio, modò in fine, quod tum maximè fit, cum & pauca est, & subtilior, & calidior, magisque admista cholera; tunc enim citissimè in ipsam transit affectio: interdum non simul & eadem die moueri melancholiam accidit, sed secunda solùm die, interdum & tertiâ solùm, fortasse autem & quartâ solùm. In acutis autem morbis prima die motus fit vtriusq; humoris: acuti namque morbi à tenuiori, & pauca, & calidiori materia fiunt; in tardis autem morbis, quos chronicos vocant, quoniam crassiorem illi, & multam, & tenacem, frigentemq; materiam habent, moueri quidem melancholiam accidit nonnisi die tertiâ; & , si materia crassissima

Acuti morbi vnde.

sima

lima sit, fortassè non nisi quarta. In mediocribus autem morbis, quorum & materia media est quantitate, crassitie, & alijs, die quidem secunda repit in melancholiam putredo. Igitur si prima die cum cholera simul, & melancholia commoueat, quod in acutis fit morbis, quartanariæ quidem periodi erunt 4. 7. 10. 13. rarò enim vltra hos protenditur status in acutis. Si ergo quàm acutissima sit ægritudo, tum Crisis in quarto die fieri potest: in his enim materia & paucissima est, & subtilissima, & feruens. Si verò acuta quidem sit ægritudo, sed tamen inter acutas segnior, ad decimumtertium eius status protendetur. Si verò mediocriter acuta sit, ad septimum: in medio autem cum sit, qui mediocriter acutus est morbus, media autem sæpiùs, quàm extrema, contingant, inde fit, vt in genere acutorum dies septima maximè Critica sit: rariùs enim est morbum quàm acutissimum esse, rariùs quoq; si acutus est, vt ad decimumtertium perducatur statum: si tamen quãdoq; ad decimumtertium protogetur Crisis, totus dierum progressus ita se habet. Prima quidem dies tristis est & inæqualis, duos enim habet motus: secunda placidior redit, si non duplex sit febris, &c. Et hic est primus Dierum ordo apud Fracastorium.

Dies Critici in acutis.

Capite 12. secundum ordinem ille exponit, vt sequitur: Si verò non prima die, sed secunda solùm, motum dederit melancholia, quod in mediocribus morbis accidit, tum quartanariæ periodierunt 2. 5. 8. 11. 14. 17. 20. vltra autem in mediocribus rarissimè producit status. Critici autem sunt, vndecimus, decimusquartus, decimusseptimus, vigesimus: Sed vndecimus Criticus quidem est, si in hoc genere materia non multa sit, & acutis proxima: Si verò in eodem genere crassior sit, & chronicis vicinior, tum Crisis ad vigesimum protendetur, &c. Et hic est secundus ordo dierum, qui minutius ab ipso exponuntur citato capite.

Secundus ordo Dierum Decretorium, iuxta Fracastorium.

In fine dicti Capitis tertium dierum ordinem hac serie promittit: At si tertia solùm die motum recipiat melancholia, quod in Chronicis morbis fit, in quibus crassa valdè & tenax, & multa materia est, periodi quidem erunt 3. 6. 9. 12. 15. 18. 21. 24. 27. 30. rarò autem vltra contingunt Crises. Maximè autem Criticus horum erit vigesimusprimus; mox vigemusseptimus; mox decimusquintus. Si enim materia crassa quidem, ac tenax sit, pauca autem in eo genere, ad decimumquintum status erit: Si verò crassa, ac valdè

Tertius Decretorium ordo.

mul-

*Galenum
laudat.*

multa, ad vigesimumseptimum: Si verò eo in genere mediocris, ad vigesimumprimum, quod idcirco sæpiùs euenit, quoniam in medio est. Sequentibus Capitibus adhuc suam opinionem latius exponit: & in calce ait: Si à Parente Medicinæ Galeno, quem in reliquis, vt Deum veneramur, & colimus, hac vna in re discedere ausus sum, supple, me excusare poterunt.

Plus laboris in referendo, quàm reiiciendo hanc intricatissimam Fracastorij opinionem, impenditur. Sanè nollem ex ipso tot verba excerpere, nisi me ad hoc excitaret studiosa curiositas. Ad hæc, non ineptè ille quandam humorum confusionem, & in vnum quandoq; coalitum exposuit. Quæ doctrina aliquid lucis adferet ijs, qui hemitritæum, aliasq; complicatas febres percipere cupient.

*Experien-
tia aduer-
satur Fra-
castor.*

Cæterùm ipsa opinio, quia experientiæ, & rationi aduersatur, prorsùs reiicienda. Dierum enim Decretoriorum ordines experientiâ ab Hippocrate inuentos, & Galeni, ac multorum experientiâ comprobatos tales, quales Hippocrates indicauit, euertit, & suo modo ex ijs, quos vult, eligit, alios ad placitum reiicit. Diem ille decimumtertium, tanquàm Criticum recenset; decimumsextum, decimumnonum, decimumquintum, duodecimum, & vigesimumquintum; Criticos facit, quostamen omnes rectè sentientes repudiant.

*Morbi
melancho-
lici per so-
lutionem,
rarò per
Crisim ter-
minantur.*

Secundò, rationi aduersatur statuens causam dierum Criticorum, seu Criseos, humorem melancholicum, lenti & segnissimi motûs ob innatam crassitiem, & frigiditatem: quas ob causas melancholia, omnium Medcorum calculo, non acutos, sed chronicos morbos efficit, & quoties bili commiscetur, biliosos morbos, ex sua natura breues, protrahit, & chronicos reddit; adeoq; Crisibus minimè obnoxios.

*In quibus-
dâ morbis
nullatenus
melancho-
lia peccat.*

Quòd denique tertio ad omnis morbi generationem humor melancholicus concurrat, à ratione, & experientia alienum est. Febris etenim tertiana à sola bile efficitur, sicuti quotidiana à pituita. Vnde exhibendo medicamentum bilem euacuans, bilis euacuatur, & à tertiana liberatur æger: à quotidiana pariter, euacuata pituita, ægri liberantur. Vnde Hippocrates libro de Natura Hominis, vti in nostra exposuimus Physiologia, redundante vno humore, docet purgans Medicamentum talem humorem ad se allicere, & euacuare: Supponitque vnum humorem superabundare, reliquis

in

in sua proportionē stantibus. Cur ergo necessariò in morbis humorem melancholicum principaliter peccare, aut subpeccare docet Fracastorius? Quis, obsecro, tam obtusi est ingenij, qui credat in leucophlegmatia hydropis specie, totum corpus occupante, humorem melancholicum habere prædominium, aut subdominium: quis in febre diaria, aut alijs innumeris, tale admittet prædominium?

Quartum argumentum contra Fracastorium, hoc esto: Humor, qui difficillimè omnium putrescit, & mouetur, nequit esse præcipua Crisis causa. Sed humor melancholicus difficillimè putrescit, & mouetur. Ergo humor melancholicus nequit esse præcipua causa Crisis. Maior patet. Nam humor istiusmodi vix accessiones, in quibus Crises fiunt, parit. Minor ratione, & experienciâ probatur: Quartana causam agnoscit humorem melancholicum: & experienciâ constat, eiusdem quartanæ accessiones ad quartum quemq; diem protrahi, non aliam ob causam, nisi quòd putredinem non facilè contrahat. Ratione etiam liquidum fit, humorem melancholicum difficulter putrescere & moueri. Nam quod frigidum est, & siccum, difficilius, quàm reliqua, putrescit; vt in lapidibus, arena, & consimilibus videre licet. Sed humor melancholicus frigidus est & siccus. Ergo difficilius, quàm cæteri humores, putrescit. Difficilius denique mouetur, quia terreæ est naturæ. Ob hunc difficilem melancholici humoris motum Hippocrates lib. 4. aphor. 9. eundem humorem per aluum, & non per vomitum, medicamentis deturbandum præcipit. Melancholicos verò, inquit, plenius per inferiora; eadem ratione contraria apponentes. Galenus in Comment. ait: Quia autem ad inferiora declinat hic humor (melancholicus) propter grauitatem, non sineratione ipsum iubet per ventrem inferiorem euacuari; sicuti flauam bilē per superiorem; cum sit leuis humor, & spontè continuò fluitet. Commune quidem est ambobus, vt ducantur quòd vergent per loca conuenientia, &c.

Quintum argumentum ex modò dictis deducitur. Si humor melancholicus esset præcipuus stimulus & causa Crisis, omnis euacuatio Critica deorsum fieret: vel certè quæ per vomitum, hæmorrhagiam, & sudores terminaretur, nunquam bona foret; quia non per conferentia loca euacuatio contingeret. Modò autem apud Hippocratem, & Galenum vidimus conferentem locum, siue viam, euacuationis melancholiæ esse intestina, quibus adde meatus urinarios.

Fracastorius fingit, humorem melancholicum attenuari adeò, vt commodè per omnes vias euacuari queat. Sed ille longè decipitur, cùm Hippocrates humorem melancholicum, non crudum, sed præparatum, & attenuatum, per inferiores tantùm vias euacuandum esse præcipiat. Vix sanè, aut nullatenùs humor melancholicus ad tenuis bilis, & serositatis aqueæ naturam reduci potest. Fortassis fuliginosos vapores vocauit humorem melancholicum tenuem: in quo sanè fallitur: nam fumosi vapores melancholici humoris naturam nondum induunt, cùm sint leues, & biliosæ fortassis naturæ; à quibus ideò, & non ab humore melancholico, vt perperam supposuit Fracastorius, accessionum acerbitas sæpius fit. Vnde Galenus lib. 9. Meth. cap. 2. ait: Verùm, cùm à feruentibus humoribus vapor attollatur plurimus, effluat autem foras exiguus, hunc, qui relictus est, febrem seruare est necesse; neq; id modò propterea, quòd ipse vapor manet, sed etiam propterea, quòd quæ proxima sunt adurit. Ita enim de acuta febre, in qua potissimum Crisis fit, doctissimè loquutus est Galenus; cuius doctrina quia veritati consona, Fracastorij imaginariæ, & verè melancholicæ opinioni, anteponenda est. Sunt enim vapores illi acres in vasis, & corpore densiori, aut obstrueto retenti, qui morosum anxiumque reddunt ægrum: quæ quidem morositas etiam in ipsa quotidiana, ob accensam & putrefactam pituitæ portionem, relucet.

Exploditur Fracastorius.

Vapores feruentes febrem fouent, & humores, ac partes adurunt.

Fracastorius reijcitur.

A tenui humore nascuntur febres acutæ.

Humor melancholicus Crisim remora.

Demùm, parùm consonanter docuit Fracastorius, humores crassos, tenaces, & multos, esse in causa cur ad vigesimumseptimum Crisis protrahatur. Parùm, inquam, consonanter hæc pronunciauit; quoniam febres acutæ, in quibus Crises contingunt, nunquàm à copiosis & crassis humoribus generantur, sed à calido potiùs, & tenui. Morbi acuti ex calidiore materia ortum habent, inquit Galenus Comment. 2. in lib. 1. Protrheticorum, textu 16. humor autem calidus in nobis, est sanguis, & bilis: & hæc ab omnibus constituitur ardentium febrium causa: etsi non ignorem, notham ardentem à falsa pituita quandoq; promanare. Caterùm Galeni, omniumq; Medicorum sententia est; humorem crassum non acutas febres, in quibus maximè Crisis fit, sed longas, & chronicas efficere: humoremque crassum, non Crisi, sed paulatina coctione superari, & excerni. Vnde humor melancholicus Criseos remora, quàm stimulus & causa, congruentiùs nuncupari debet. Multa alia

contra

contra Fracastorij opinionem dicere possem, sed prolixitatem vitans, nihil ultra dicam.

Septima Opinio.

Philosophi quidam Criticam virtutem proportioni, quæ inter agens, & passum reperitur, adscribunt. Vnde septima die Crisim contingere non alia est causa, quàm proportio naturæ cum humore, quem postquàm examinavit, superavit, & concoxit, rursus eundem, ut quid inutile, expellit septimo die, vel duplicato tempore, decimoquarto; & ita de reliquis.

Hæc Sententia, etsi aliquid veritatis contineat, rem tamen, de qua agitur, non integrè penetrat. Verum quidem est, inter naturam, & humorem intercedere proportionem agendi, & patiendi, vnà adhuc cum debita temporis requisiti ad agendum & patientium proportionem. Sed hæc omnia singulis diebus concurrere possunt; adeoque singulis diebus Crisim efficere possent. Ergo alia Crisis causa perquirenda est.

Hæc opinio rejicitur.

Octaua Opinio.

Est magnifica Astrologorum Iudiciariorum opinio, cuncta in sublunari mundo Astrorum beneficio regi. Septem Planetis potissimum omne regimen contribuunt: Hos autem in duas dispeſcunt classes. Primæ classis sunt Iuppiter, Sol, Venus, & Mercurius, temperati, salutare, benefici, & fortunati Planetæ ab illis dicti. Secundæ Classis sunt, Mars, & Saturnus, iam dictis in suis effectibus aduersi: Nam infauti, infelices, infortunati, horribiles, malefici, & intemperati dicuntur. Si Luna cum vltimis coniungatur, dies coniunctionis erunt infelices, & lethales: Si cum primis, id est, beneficiis, dies erunt fausti, & salutare. Ita Ægyptij, & Chaldaei prius Planetas diuiserunt, Syderumque varios aspectus, influxus, & coniunctiones, euentuum omnium, & humanarum actionum causas constituerunt. Quædam de his refert Macrobius libro 1. in Somnium Scipionis cap. 19. in fine. Fusiùs tamen rem hanc ex Phauorino Philosopho aduersus eos, qui se Chaldaeos, seu Genethliacos appellant, examinat Aulus Gellius lib. 14. Noctium.

*Benefici Planetæ.
Malefici Planetæ.*

Anticarum. Cælius Rhodiginus lib.7.lectionum antiquarum cap. 10. De Solis verò siue Apollinis Encomijs multa ex antiquis refert Macrobius lib. 1. Saturnaliorum cap. 17. Abrahamus Auenefre, si quis alius, hanc doctrinam extollit adeò, vt septem errantia Sydera, Planetas dicta, septem mundi Gubernatores appellet, qui, tanquàm instrumenta quædam, per Cælos aberrantes, aliorum omnium syderum, Stellarumue fixarum influentias coaceruant, & in se recipiunt, moxque in sublunaria dispensant, effunduntque. Et propter hanc præpotentem Planetarum virtutem, eosdem, Medicos nuncupant; quoniam ab iisdem sanitas, aut mors pendet. Mercurius Trismegistus libro de Ægrorum decubitu, beneficam, maleficamq; astroꝝ virtutem in ægris obseruandam præcipit, inquiens: Medicus ægri decubitum explorare debet: Quòd si horam, qua agrotare capit, exquisitè deprehendere nequeat, spectare debet, quomodò Cælum affectum sit, & ad quam Stellarum Luna rationem habeat, oppositam scilicet, vel quadratam: Cum maleficis enim si conformetur, noxium morbum facit, cum beneficiis salutarem.

*Planeta-
rum admi-
randa vis
ex Aue-
nesre.
Trismegi-
stus.*

Ptolomæus.

Ptolomæus maximus Renouator opinionis Chaldaeorum, Ægyptiorumque, in primo sui Quadripartiti, inquit: Erraticarum Stellarum, atq; fixarum circumuolutio, calores, ventos, niues in ambiente aëre efficit. In suo rursus Centiloquio cap.6. ait: Super ægrotis Criticos dies inspicere, ac Lunæ peragrationem in angulis figuræ sexdecim laterum: vbi enim eos angulos benè affectos inueneris, benè erit languenti, contra, si malè affectos inueneris. Claudinus rectè huius figuræ sedecim angulorum expositionem cum Bononiensibus Mathematicis sanè doctissimis, prosequitur. Constant enim hi cum Antiquis istis Astrologis, maximè verò Ptolomæo, Lunæ peragrationem in Zodiaco per angulos figuræ sedecim laterum, computatam ab eo loco, in quo erat primo morbi die, Criticorum dierum causam constituunt. Et cum nunc bona, nunc mala Crisis in morbis deprehendatur, malæ, & bonæ Crisis causam, eiusdem Lunæ in iisdem angulis constitutionem (vt aspectum, vel coniunctionem) beneficam vel maleficam esse asseuerant. Vt igitur Lunam per Zodiacum discurrentem dierum Criticorum causam illi statuunt, in eodem Zodiaco quandam imaginantur figuram sedecim laterum, & sedecim simul angulorum, ita nimirum diuiden-

*Figura se-
decim la-
terū, quam
in calo i-
maginatur
aliqui.*

tes vniuersum Zodiacum in sedecim partes æquales : quarum partium quælibet gradus cōtinet vigintiduos, ac insuper gradus vnius medietatem. Relatæ figuræ anguli in tres Classes diuiduntur: Nam quidam anguli dicuntur pleni, quia, dum in his Luna extat, plenas integrasque vires occupat possidetue. Huiusmodi anguli quatuor sunt numero, suntque, quartus istius figuræ angulus, octauus, duodecimus, & decimus sextus. Primus horum angulorum, qui quartus est, primæ parti, seu primo ægritudinis loco quadrangulus est, sed sinister: Secundus angulus eidem diameter, seu oppositus: Tertius, quadrangulus eidem, sed dexter: Quartus & vltimus, coniunctionarius. Distant præfati quatuor anguli ab inuicem nonaginta gradibus. Hi anguli pleni diebus Criticis radicalibus respondent; quia ad hos angulos Luna in sua peragratione septimo quoque die, quatuor quadras efficiens accedit.

Anguli pleni.

Secunda classis constituit angulos quatuor, semiplenos dictos; qui ideò semipleni nuncupantur, quoniam, quàm diu Luna in his discurret, semiplenas eadem possidet vires: talis naturæ sunt anguli, secundus, sextus, decimus, decimus quartus, qui ab inuicem distant gradibus quadraginta quinque. Hi anguli Diebus Indicibus respondere creduntur, & his, quam possident, vim tribuere.

Anguli semipleni.

Tertiæ classis anguli, semipleni dimidiati appellantur; quoniam in his Luna discurrens, vires exercet semiplenas dimidiatas, siue semidimidiatas. Et hac ratione dies intercidentes à Luna constitui credunt. Quanquam contrarium censeat Galenus, qui apertissimè docet, septenarios, & quaternarios solos à Luna suam decernendi virtutem accipere, Coincidentes verò ab externis, internisue erroribus copiosissimè à nobis superius, diebus tertio, & quarto, expositis. Anguli semipleni dimidiati sunt numero octo: primus, tertius, quintus, septimus, nonus, vndecimus, decimus tertius, decimus quintus: quorum quisque hinc inde à lateribus sui semipleni positus est.

Anguli semipleni dimidiati.

Dierum Criticorum Coincidentium causa sunt errores.

Quòd deniq; Lunæ benefica, vel malefica in angulis præfatis constitutio, sit causa bonæ, & salutaris, vel malæ Crisis, Iudiciarij etiam sequenti modo fanciunt. Lunæ benefica, vel malefica constitutio, referente Conciliatore, different. 103. & 104. est Signi aliquius ex duodecim, quæ in Zodiaco sunt, aduersa, vel conueniens morbo idiotropia, seu qualitas. Verbi gratia, Luna benè, imò fa-

Idiotropia id est proprius mens.

uenter

uenter & beneficè cōstituta dicitur, quamdiu in Signo morbo contrario, secundum vnam, aut duas qualitates, discurrere deprehenditur: vt si morbus fuerit calidus & siccus, & Luna hoc tempore,

Cancer frigidus, & humidus.

Libra calida, & humida.

Aries calidus, & siccus.

quo æger tali laborat morbo, in Cancro, Signo frigido & humido, discurrit, res ægri in tuto fore credendum: Sicuti quamdiu Luna Libram, calidum & humidum Signum, peragrat, ægro laborante morbo frigido & sicco. Malè autem Luna constituta dicitur, quamdiu in Signo discurrit morbo conuenienti: Id est, si æger morbo corripitur calido & sicco, & Luna eodem tempore per Signum item calidum & siccum, vt Arietem, pergit, res ægri in tuto esse non censentur.

Alij aliter virtutem illam Astrorum, quæ in hæc inferiora distribuitur, enucleant. Benefica, inquiunt, dicitur Lunæ constitutio, si benefici Planetæ in angulo, actu, & sua corporali præsentia ei cōiungantur: Si eam beneficis aspectibus illustrent: Si ab iisdem, ante, vel retrò circundetur lumine, aut corpore: Si collocata sit in earundem Stellarum beneficarum auctoritatibus, id est in earum finibus, domicilijs, altitudinibus, & triangularitatibus: Si in similitudinibus; si in cardinibus, vel cardines subsequentibus: Tãdem si benè. Præter hæc omnia, sit affectus hospitator anguli. Si verò Luna contrario modo cum beneficis syderibus fuerit disposita, & maleficis fuerit adnexa, aut cum ijs habeat affinitatem, quam aliàs cum beneficis prædictis modis, habuit, influentiæ eius omnes in hæc inferiora, in quibus imperium habet, maleficæ erunt, & metuendæ.

Malefica influentiæ unde.

Propter eximias virtutes, quibus Planetæ ornantur, & ob eorundem simul in sublunaria summam potestatem, singulis Planetis peculiare adscribunt morbos Genethliaci (Genethliacus idem est ac Natalitius, id est, qui ex die, & hora natiuitatis, quos Horoscopus vocant, fortunam hominis, ac successum pronunciat) vt Saturno frigido & sicco, ac melancholico, terreoque, febrem quartanam, Leporam, Scirrhum, Cancrum, Strumas, Vlcera maligna, Incubum, Melancholiam, Hepatis, & Lienis obstructions, Hæmorrhoides, Varices, Herniam, Vteri suffocationem. Ioui calido & humido, aëreoque, Cephalalgiam sanguineam, Synochas febres, Ephemeræ febres, Anginas, Pleuritides, Peripneumonias, Phlegmones, Apoplexiam. Marti calido, & sicco, igneoque, Febres ter-

Genethliacus quid:

Saturnini morbi.

Iouiales morbi.

Martiales morbi.

tianas, Hemitritæos, Phrenitidem, Maniam, Hæmorrhagiam, Choleram morbum, Isterum, Dysenteriam, Erysipelata, Exanthemata, Herpetes, Carbunculos. Soli, calido & sicco mediocriter, Continuum febrem, Palpitationem Cordis. Veneri frigida & humida mediocriter, Oedemata, Priapismum, Satyriasmum, Gonorrhæam, imaginariam Venerem, insaniam ex amore, Luem Veneream. Mercurio non habenti aliud temperamentum, quàm Planetæ, cui

*Solares morbi.
Venerei morbi.*

*Mercuriales morbi.
Lunares morbi.*

coniungitur, Vertiginem, tussis siccas, linguæ vitia. Lunæ frigida & humida, Epilepsiam, Arthritidem, Hydropem, Paralyismum, Lethargum, Coma, Caron, Catarrhum. Similiter peculiares tribuunt ægritudines duodecim Zodiaci Signis.

Sed hanc opinionem paruo negotio multi scriptores reiiciunt. Primò, quia nostram tollit libertatem, cum doceat, astra in nos necessariò agere, nosq; in hoc, & illud necessitate quâdam ab Astris in nos deriuata, veluti compellere: cum contra hoc verissimè dicatur: Sapiens dominabitur Astris. Quòd si aliquis asserere veller, libertatè à Iudicarijs non tolli, audiat Phauorinum Philosophum apud Aulum Gellium lib. 14. Noct. Atticarum cap. 1. Iam verò id minimè ferendum esse censebat (Phauorinus), quod non modò casus, & euenta, quæ euenirent extrinsecus, sed consilia quoq; hominum ipsa, & arbitria, & varias voluntates, appetitionesque, & declinationes, & fortuitos repentinosq; in leuissimis rebus animorum imperus, recessusque, moueri, agitariq; desuper è Cælo putarent; tanquàm si fortè ire in balnea volueris, ac deinde nolueris, atq; id rursùm volueris, non ex aliqua dispari variaq; animi agitatione, sed ex necessaria quadam errantium syderum reciprocatatione contigerit: vt planè homines, non quod dicitur λογικὰ ζῶα (id est rationalia animalia), sed ludicra, & ridenda quædam τρυφᾶτα (τρυφᾶται: funambulus, id est, qui neruis, seu funibus nerueis inambulat, dicitur) esse videantur, si nihil sua spontè, nihil arbitrato suo faciunt, sed ducentibus Stellis, & aurigantibus. Hæc Gellius.

Phauorinus apud Gellium.

Funābuli.

Secundò non rectè Philosophantur Genethliaci, quibusdam Stellis maleficam vim tribuentes, & tantam quidem, vt Pestem, aliosq; morbos, & mortem humano generi inferre possit. Sicuti enim furor esset (vt aliqui loquuntur) naturam corpus nostrum dispensantem, morborumq; medicatricem, morborum causam statuere,

*Cæli non
sunt male-
fici.*

tuere; ita Cæli benignam virtutem maleficij accusare: cùm Cælum beneficè in inferiora agat. Vnde eius Physici, & realis, non Mathematici contactus cum inferioribus necessitas, referente Philosopho in Meteoris, veluti in Opere de Cælis, de Generat. & Corruptione. Cæli enim suo motu & lumine calorem in his inferioribus producant, vi cuius omnia fouentur. Ideò in Plenilunio noctes calidiores esse experienciâ est compertum. Cùm ergo in Saturno lux eadem ratione, ac in reliquis Astris, insit, calefaciet, & non refrigerabit. Est enim Saturnus, vt reliqua Astra, corpus homogeneum, & eiusdem rationis, cui inesse nequeunt contrariæ qualitates, cùm Cæli omni qualitatibus contrarietate vacent. Respondent Astrologi, Saturnum, vt reliqua Astra, dupliciter agere, & communi ratione lucis, & ratione peculiarium influentiarum occultarum. Per lucem ipsum pollere calefaciendi virtute; per influentias refrigerandi. Quæ sanè distinctio in corporibus homogeneis, vt iam dixi, non habet locum; cùm in similibus inesse nequeant duæ facultates contrariæ. Si influentias astris in Physiologia nos concessimus, id ex Astrologorum sententia fecimus.

*Explodū-
tur Astro-
logi.*

*Errores in
rebus sub-
lunaribus
à materia
peccante
emergunt.*

Concludendum ergo, Cælos esse beneficos, & vniuersales rerum sublunarium causas, in quas, iuxta Philosophum, mediante motu, & lumine agunt. Quod si in sublunaribus error aliquis, aut defectus deprehenditur, is non Cælis, aut Astris, sed materiæ qualitate, aut quantitate, aut utroque modo peccanti tribuendus est: Sicuti non formatrici seminis facultati, sed materiæ qualitate, aut quantitate peccanti tribuit Philosophus monstra.

*Stella in-
finita in
Cælis.*

Tertiò, impossibile est, vt Astrologi Iudicarij omnia, quæ comminiscuntur, præstent; cùm infinitus sit Stellarum numerus, & consequenter impossibile omnium vires expiscari. Cognitarum ideò Stellarum vires, & influxus, ac effectus, incognitarum infinitarumque Stellarum influxu impediri immutarique possunt; cùm omnia Sydera, secundum Iudicarios diuersas habeant influentias; quas, quidquid iactitent illi, nulla vnquam obseruatione sunt consequuti. Infinitarum enim, diuersarumque rerum, & quæ nunquam comprehenduntur, non datur Scientia: Cùm ergo Stellæ infinitæ sint, & diuersæ virtutis, quis eas enumerare, & dignoscere potest? Hominum enim omnium, & multò magis Astrologorum Iudiciorum, finitus est numerus.

Præterea perperam illi natalitia, siue horam, & diem natiuitatis, tam diligenter inquirunt, vt exinde vniuscuiusque varios morborum euentus, & futuros omnes contingentes casus, mediamentibus Astrologicis Instrumentis, explorent: cum multò plus referat horam conceptus, & conformationis corporis, quàm partus scire, referente Ptolomæo. Sed horam conceptus scire perdifficile est, horam autem conformationis, impossibile. Nam non simul, sed successiue animalis partes in vtero efformantur. Quæ verò sit pars, quæ primò efformatur, ipse nouit euidenter, qui plasmanit eam, Creator, vt loquitur Galeus libro, An omnes particulæ animalis, quod foetatur, fiant simul. Solus ergo rerum omnium Creator futuros euentus nouit.

Hora conceptus, & conformationis difficulter dignoscitur.

Denique posito quòd Genethliaci aliquid ex Astris præcinere debeant, tria ex ipsorum principijs impensissimè obseruare oportet, vt loquitur Cælius Rhodiginus libro 7. lectionum Antiquarum cap. 10. Primum, est hora illa initialis, qua se in lucem vitalem è vulua matris prompsit infans: vel quiduis aliud, super quo Vaticinium concinnandum, fieri sit captum. Secundum, est Cæli Status, Syderumq; positus, ad ipsam illam horam subtiliter applicitus. Tertium, quid eiusmodi ratio Cælestis, Sydereaque, meditetur, agatur, argumentis inerrantibus, aut experimenti certitudine, perinde ac vngues nôrint suos, necessariò scire debent. Hæc autem omnia scire impossibile videtur. Quomodo enim primum illud momentum, quo in lucem editus est infans, scire potest Astrologus? vt enim aliquam eius cognitionem consequeretur, necessarium foret, ipsum prodeunti infanti præsto esse Astrologum, Astrolabio rectè instructum, quo Cælestis è vestigio concipiatur mensus: hoc verò ne fiat plurima obturbant. Sæpè tenebrarum nocumentum, & interpellatio. Quandoq; Cælum nubilum: Interdum & hominis inopia, absentiaue. Sed demus, horum nihil officere; ni Astrolabium ipsum tanta fuerit arte, peritiæue cōfabricatum, vt nusquam subsultet, ac ne in minimo quidem fallax comperiatur, voti esse nequit compos Astrologus. Organum verò id genus omnibus absolutum numeris, aut rarò, aut nunquam inuentum. Hinc conficitur, horam natiuitatis incertam esse, & ex aspectibus Planetarum, ac influentijs, ac coniunctionibus, nihil colligi certi de morbi euentu, aut humanis casibus. Quod de natiuitatis hora dictum est, idem

Tria principia à Genethliacis proposita.

Principia illa nunquam obseruari possunt.

Rarò fidele Astrolabium,

de hora decubitûs, aut sensibilis læsionis ægri dicendum. Sunt enim, qui ignotâ natiuitatis horâ, ad horam decubitûs recurrere solent Astrologi, vt hac cognitâ ex Astris, mediante pariter Astro-labio, salutem prædicant, aut mortem.

*Validum
Phauorini
argumen-
tum cõtra
Iudicia-
rios.*

Rursûs ex Phauorino apud Gellium, colligitur hoc argumen-
tum: Si ex diuersitate aspectuum, aut coniunctionum, aut influen-
tiarum Syderum, diuersitas exitûs, & casuum humanorum inferri
posset, cur illi, qui in varijs, dissitisque Mundi Regionibus, & sub
diuersis consequenter aspectibus nati sunt, hiantibus terris, aut la-
bentibus tectis, aut oppidorum expugnationibus, aut eadem in
naui fluctu obruti, eodem genere mortis, eodemque ictu tempo-
ris interirent? Argumento à contrario desumpto, quæri similiter
potest, cur diuersas inclinationes, diuersumq; euentum obtinent il-
li, qui eodem temporis momento nati sunt, & qui sub eodem aspe-
ctu, aut coniunctione, aut ijsdem influentijs in eodem terræ tractu
in lucem editi sunt.

*Prænotio
futurorum
soli Deo
conuenit.*

Alia habet varia argumenta Phauorini, Gellius: inter quæ hoc
est, quod è medio tolleretur id, in quo maximè à Dijs discrepant
homines, si hi quoq; res omnes post futuras prænoscerent. Aliud
argumentum est Chaldæorum principium, obseruationes circa Sy-
dera, non valere sub alijs Cæli regionibus.

*Elegans
Phauorini
apud Gel-
lium peror-
atio contra
Iudicia-
rios.*

Demûm sequentibus argumentis orationem clausit Phauorinus.
Aut aduersa, inquit, euentura dicunt, aut prospera. Si dicunt
Astrologi prospera, & fallunt, miser fies, frustra expectando: si
aduersa dicunt, & mentiuntur, miser fies frustra timendo. Si vera
respondent, eaque sunt non prospera, iam inde ex animo miser fies,
antequam è fato fias. Si fœlicia promittunt, eaq; euentura sunt,
tum planè duo erunt incommoda: & expectatio te spei suspensum
fatigabit, & futurum gaudij fructum spes tibi iam deflorauerit.
Nullo igitur pacto vtendum est istiusmodi hominibus res futuras
præfagientibus.

*Sæpi Pa-
tres Astro-
logiam iud-
iciariam
repudiant.*

Rectè ergo iudiciariam Astrologiam S. Basilii Vanitatem ap-
pellat occupatissimam. S. Ambrosius inutilem & impossibilem.
S. Cyprianus vanam, falsam, ridiculam. Quam ideò suis tempo-
ribus neglexerunt, & prorsûs repudiârunt magna illa Ingenia, Py-
thagoras, Democritus, Plato, Panoecius Stoicus, Archelaus, Ari-
stoteles, & tandem Marcus Tullius lib. 2. de Diuinatione, vbi ait:

*Tullius in
Chaldaeos.*

Quàm

Quàm multa ego Pompeio , quàm multa Crasso , quàm multa ipsi Cæsari à Chaldæis dicta memini, neminem eorum, nisi Senectute; nisi domi : nisi cum claritate esse moriturum ; vt mihi permirum videatur quemquam extare , qui etiam nunc credat ijs , quorum prædicta quotidie videat, re, & euentis refelli.

Sed quid dicemus ad illos, qui nobis obijciunt , Astrologiam tantoperè ab Hippocrate commendari, vt sequentia confirmant, quæ lib. de Aere, Aquis, & Locis scripta reliquit : Medicum Astro- rum exortus considerare oportet, præcipuè verò Arcturi , & Pleia- dum: Morbi enim in his maximè diebus perimunt homines. Sed & periculosissima sunt ambo Solstitia ; periculosum & Æquinoctium vtrumque . Itaque neque illis temporibus Cathartica exhibere, neq; vrere , neque secare oportet , priusquàm prætereant dies decem, aut plures. Libro 2. de Diætâ etiam ait: Astrorum ortus , eorundem occasus agnoscere Medicum oportet , vt inde mutationes totius mundi, ex quibus morbi hominibus oriuntur, obseruet . Et libro 1. de Principijs, siue de Carnibus, sequentia scripsit: De rebus sublimibus in cælo non est institutum dicere , nisi quatenus ex ijs sanitas, & morbus, & ex ijs bonum, & malum , ex ijs vita , & mors. Libro 1. de Diætâ : Omnia eueniunt per cælestem ac Diuinam necessitatem, & quæ volunt, & quæ nolunt . Libro de Natura Hominis , ab eadem necessitate omnia contingere docet . Vnde libro de Aere, Aquis, & Locis &c., id est, Diuinum, in morbis ponit. Platonem in Timæo potissimum suadet, vt diligenter inspiciamus, quid ex vario Astrorum occurſu, circuitu, aspectu , cuiq; nostrum euenturum sit. Astra namq; alia frigus, alia calorem inducunt, & cuilibet animanti peculiare subest in Cælo astrum.

Ad has omnes authoritates communiter respondent multi, nihil aliud voluisse Hippocratem, Platonem, & Aristotelem, quàm Cælum esse mutationum omnium in rebus sublunaribus contingentium Vniuersalem causam; quod quidem ex Philosopho, in hæc inferiora, mediante motu, & lumine agit. Vnde lib. 1. Meteoror. cap. 2. mundum hunc inferiorem Cælo attiguum esse docuit.

Ego existimo Hippocratem commendare Studium ortus & occasus Syderum Medicis, propter alterationem in aëre circa eosdem ortus & occasus factam . Ad aëris enim dispositionem respexit Hippocrates, vti Nautæ, & Agricola, qui incognitis Syderum aspe-

*Tempore
Arcturi,
Pleiadum,
Solstitio-
rum, & Æ-
quinoctio-
rum per dies
decem à
purgatibus
abstinen-
dum.*

*Plato de
Timæo,
quid Diui-
num.*

*Obiectioni
occurritur.*

*Cur astro-
rum cogni-
tionem Me-
dici com-
mendant
Hippocra-
tes.*

atibus, aut conjunctionibus, multa ex ipsa aëris dispositione colligunt. Aër enim necessariò à nobis inspiratur, transpiraturque: adeòq; cùm naturalis causa sit, necessariò sui bonam, malamue dispositionem nobis communicat. Vnde illud, το δεινόν, .i. quid Diuinum, in morbis contingens, ab aëre procedit. Vt enim aëris dispositiones variae à Medico percipiuntur, vtile erit Solstitiorum, & Aequinoctiorum ortum scire; quoniam circa hæc tempora, circa Canem, circa Vergilias siue Pleiades, & circa Arcturum, maximæ fiunt in aëre mutationes; & consequenter morbi. Non porrò tam Astra, quàm mutationes qualitatum aëris, causas statuit morborum Hippocrates, prout plenissimè docuit lib. 3. Aphorism. 1. Mutationes temporum potissimùm pariunt morbos: & in ipsis temporibus magnæ mutationes, aut frigoris, aut caloris; & alia pro ratione eodem modo. Et aphorismo 4. eiusdem libri: Per anni tempora, quando eodem die modò calor, modò frigus fit, autumnales morbos expectare oportet. Et aphorismo 8. eiusdem libri 3. Constantibus temporibus, si tempestiua tempestiuè fiant, morbi stabiles, & boni iudicij accidunt. Inconstantibus autem instabiles, & mali iudicij. Plerorumq; deniq; morborum causas, aëris constitutionem, dicto passim libro, esse asseuerauit. Sed de Astrologorum sententia abundè dictum est.

Mutationes temporum potissimum pariunt morbos.

Nona Opinio.

Avgustinus Niphus Sueffanus quandam formauit opinionem de Causa Criseos, quæ ferè eadem est, ac illa iam relata Astrologorum. Peculiariora tamen quædam ipse proponit: vt morbum esse quadruplicem, in intemperie, in vnitatem, in numero, & ex his omnibus compositum. In quo sanè peccat, cùm omiserit morbos in conformatione, in magnitudine, & situ, atque connexu. Nec melius processit asserens, Crisim contingere omnibus humoralibus morbis: Nam licet verum sit, Crisim humoralibus tantum morbis conuenire, non tamen in omnibus humoralibus morbis Crisim fieri contingit; cùm multi per simplicem solutionem terminentur; vt cum Galeno in principio huius libri diximus. Multa alia de re Astrologica suo modo proponit, quæ damnanda sunt, cum Iudiciariorum doctrinam sapiant.

Non omnis humoralis morbus Crisim terminatur.

Decima Opinio.

Galenus noster nunquam satis laudatus, vim decernendi siue iudicandi in morbis humoralibus, ex Astrologorum sententia, Lunæ tribuit, si morbi fuerint acuti: Soli verò, si ad multos menses, & annos prorogetur morbus. Vnde Solem anno, Lunam mensibus præfici docet. Luna tamen Mensibus præesse dicitur, prout Mensis quisque in quadras, septimanaeq; dirimitur. Sol verò Mensibus etiam præest, prout anni spatium constituunt, & per integros menses enumeratio fit, sicuti per septimanas in Lunæ peragrato. Vnde Galenus lib. 3. de Dieb. Decret. cap. 7. sequentia scripsit: Circuituum verò alij numero quodam dierum constant, alij mensium. Iam verò, qui dierum numero constant, septimani sunt, & Lunæ modo incedunt: qui autem mensium numero, ad Solem referuntur, eodem modò, ac Sol euenientes. Iterum enim ab Hippocratis verbis initium sumendum, Æstiuos morbos dicentis (lib. 3. Epidem. tex. 88. & ult. quem vide) hyeme solui, Hyemales ætate (videmus & nos sæpè autumnales morbos Vere pariter solui). Hoc siquidem longorum morborum, & quasi dicas annalium, Iudicij statum tempus est, quemadmodum acutorum decimusquartus dies. Tempus enim, quod à Mensis principio ad vsq; plenilunium est, totius Lunaris circuitus dimidium existens, eandem rationem habet cum interuallo, quod ab hyeme ad æstatem vsq; intercedit: Quin etiam à Plenilunio ad vsq; occultationem (siue cum Sole coniunctionem) tempus, spatio, quod ab ætate ad hyemem vsq; porrigitur, proportionem respondet. Sed horum vtrumq; bifariam sectum, in acutis morbis Septimana est: in diuturnis clarissimorum Syderum exortus: quorum ratione Ver, Æstas, Hyems, & Autumnus describuntur. Non etenim pari dierum numero hæc (id est, Anni tempora) secundum vllius Astronomi sententiam diuisa sunt, verum manifestis circumflui aëris mutationibus distinguuntur. Rursus & alio modo. Quemadmodum Septimana acutorum morborum decretoria est, sic temporis annui mutatio diuturnorum morborum erit solutoria: Vt in hyeme quidem constitutum morbum Ver soluat: in Vere conflatum, Æstas: simili ratione per Æstatem contractum, Autumnus: in hoc paratum, hyems, &c.

*Sol annis
Luna mē-
sibus præ-
est, & quo-
modo.*

*Æstiuū
morbi hye-
me curan-
tur, & e
contra.*

*Lunaris
mensis, cū
toto anno
cōparatio.*

*Anni tē-
pora mani-
festa aëris
mutatione
distinguan-
tur.*

*Morbi
annui cu-
ratio.*

Periodus, id est, Circuitus, seu, vt Cicero etiam vertit (prout benè notat Lalamant.) ambitus, anfractus, & reditus, certa est errore, siue discursu Solis, aut Lunæ descripta Cæli dimensio. Anfractus Solis dicitur Annus, propter Zodiaci ambitum: dicitur annus reditus Solis, quia eadem Signa per annos singulos certa lege metitur, inquit Macrobius lib. 1. in Somnium Scipion. cap. 6. Galenus hoc capite docet, Circuitus quosuis constare certo quodam numero dierum, aut mensium. Circuitus ex dierum numero conflati, siue ij septimanam vnam, aut mensem vnum expleant, siue non, ad Lunam pertinere dicuntur Galeno. Circuitus verò, qui mensium numero constant, siue ijdem menses annum vnum, aut plures expleant, siue non, ad Solem pertinent. Videtur Macrobius exactius descripsisse hos circuitus lib. 1. in Somn. Scip. cap. 6. iam antea citato, vbi sequentia scripsit: Sol quoque ipse de quo vitam omnia mutantur, Septimo Signo vices suas variat; nam à Solstitio

*Circuitus
dierum.*

*Circuitus
mensium.*

Ab hyemali Solstitio ad æstiuale ad Septimum Signū Sol accedit.

Triplex est circuitus, anni, mensis, & diei.

Prima pars cuiusvis conuersionis est humida: secunda calida: tertia sicca: quarta frigida.

hyemali ad Solstitium æstiuum septimo peruenit Signo, & à Tropico Verno vsq; ad autumnalem Tropicum Septimi Signi peragratione producit. Tres quoq; conuersiones (ita circuitus appellat) lucis æthereæ per hunc numerum (septenarium intelligit) constant. Est autem prima, maxima: Secunda, media: minima, est tertia. Et maxima est anni secundum Solem; media, mensis secundum Lunam: minima diei secundum ortum, & occasum. Est verò vnaquæque conuersio (id est circuitus) quadripartita: & ita constat septenarius numerus, id est ex tribus generibus conuersionum, & ex quatuor modis, quibus vnaquæq; conuertitur. Hi sunt autem quatuor modi: fit enim prima (pars) humida: deinde (id est secunda) calida: inde (id est tertia conuersionis pars) sicca: & ad vltimam (quartam partem circuitus intelligit) frigida. Et maxima Conuersio, id est, anni, humida est Verno tempore; calida æstiuo: sicca autumno; frigida per hyemem. Media autem Conuersio Mensis per Lunam ita fit, vt prima sit hebdomas humida; quia nascens Luna humorem affolet concitare: Secunda calida, adolescente in ea iam luce (calorem lux producit) de Solis aspectu: Tertia sicca, quasi plus ab ortu (id est à sua prima separatione, & discessu à Sole, cui coniuncta erat per triduum) remota: Quarta frigida, deficiente iam lumine. Tertia verò conuersio, quæ est diei secundum ortum, & occasum, ita disponitur, quòd humida sit vsque ad primam de qua-

tuor partibus partem diei: calida vsque ad secundam: sicca vsq; ad tertiam: quarta iam frigida. Oceanus quoq; in incremento suo hunc numerum tenet. Nam primo nascentis Lunæ die fit copiosior solito, minuitur paulisper secundo, &c. In vno hic defecisse videtur Macrobius, quòd artificialem diem, non naturalem, in quatuor diuiserit partes: cum multo congruentius dies naturalis in quatuor partes, quatuor anni, & quatuor mensis partibus correspondentes diuidi queat, quàm artificialis. Nam vltima artificialis diei pars sicca esse debet, sed permodicè frigida: imò matutinum tempus vespertino, seruato naturæ ordine, frigidius est, cum nocti frigida immediatè succedat. Commodius ergo integra Solis conuersio, siue circuitus, primi mobilis raptu spatio vigintiquatuor horarum facta, quæ diem constituit naturalem, in quatuor partes diuidetur, quàm artificialis: quoniam prima eius pars Veri, secunda Æstati, tertia Autumno, & quarta, quæ nox est, hyemi perappositè correspondet, sicuti in superioribus à nobis dictum est. Spatio autem diei naturalis, singulis duabus horis Sol violenta conuersione vnum transcurrit Zodiaci Signum.

*Diei di-
uisio qua-
litate*

*Sol horis
duabus Si-
gnū vnum
transcurrit.*

Galenus cap. hoc 7. lib. 3. de Dieb. Decret. quod modò exponimus, vt probet, Crises numero Mensium, & annorum fieri virtute Solis, sicuti in Septenarijs dierum, vi Lunæ, Hippocratis doctrinam ex lib. 3. Epidem. transtulit: cui alteram Hippocratis doctrinam in calce libri de Natura Hominis positam adhibere nos possumus. Vt autem in anno quandoque hyems maximè viget, aliquando Ver, nonnunquam Æstas, aliàs Autumno: sic & in homine, semel pituita multum valet, postea sanguis, mox bilis, & prius flaua, deinde atra. Huic clarissimè attestatur, quod si eidem homini idem medicamentum (vomitorium scilicet, vt Helleborus) quater in Anno dare volueris, hyeme pituitosissima ille tibi euomet. Vere humidissima, æstate biliosissima, autumno nigerrima. Porro his ita se habentibus, conuenit, vt morbi, qui hyeme augentur, Æstate finiantur; qui verò Æstate inualescunt, vt hyeme desinant, præterquam quæ dierum circuitu soluuntur (dierum verum circuitum aliàs explicabo) à morbis, qui Vere oriuntur, autumno expectanda est euasio: at ab autumnalibus Vere liberari necesse est. Id autem nouisse oportet, quod necesse est, vt morbus, qui hac anni tempora excesserit, iam annuus euadat. Vult Hippocrates, vt in

*Morbus
vnius tem-
pestatis
anni sana-
tur in op-
posita.*

Commentario refert Galenus, quòd morbi, qui inueterascunt, nec per dierum circuitus, sed mensium fiunt, tempore illi contrario, in quo inuasere, solutos iri; vt id sit mense septimo: qui vbi neq; sic soluantur, in annum morbum transire ait. Id autem vocabulum, annuus, potest eum indicare, qui post annum à primo suo ortu soluendus sit: potest & illum, qui per septem annorū circuitus, quemadmodum & alij per septem mensium. Libro 3. aphor. 28. sequentia quoq; retulit: Plurimi puerorum affectus iudicantur, alij ad quadagesimum diem, alij ad septimum mensem, alij ad septimum annum: nonnulli ad pubertatem vsq; (quæ ad decimumquartum annum protrahitur). Qui verò morbi pueris permanserint, nec in

*Morbi
confe-
scentes.*

*Morbus
Comitialis
quādo cu-
ratur, &
quādo non.*

pubertate finierint, aut fæminis, cū menstrua erumpunt, confenescere consueuerunt. Libro 2. Aphorismor. 45. consonanter dictis ait: Quicumque Iuvenes morbo Comitiali laborant, mutatione maximè ætatis, & temporum, & locorum, & victuum quoque, liberantur. Cū enim morbus Comitialis frigidus sit & humidus, mutatio facta ad contraria, calida & sicca, ei prodest. Adeòq; atas calida & sicca remedio est, sicuti tempus calidum & siccum, locus calidus & siccus, victus calidus & siccus, vel saltem valdè temperatus. Quoniam circa decimumquartum annum Epilepsia sanationem recipere potest, Hippocrates lib. 5. aphorism. 7. sequentia scripsit: Epilepsia, quibus ante pubertatem contingit, sanationem recipit: Quibus verò post vicesimumquintum annum, eos ferè comitatur ad mortem vsque.

*Dies qua-
dragesimus
est primus
decretor-
ius Chro-
nicorum
morborum.*

*Post qua-
dragesimū
diem nu-
merus se-
ptenarius
mensium,
& annorū
considerā-
dus venit.*

Habemus ex Hippocrate, quosdam diuturnos morbos quadraginta diebus iudicari, quosdam septem mensibus, quosdam septem annis, quosdam quatuordecim annis, vt loquutus est citato iam aphorismo 28. lib. 3. in cuius commentario docet Galenus, Hippocratem de diuturnis morbis loquutum esse, aiens: Plurimi autem pueris diuturni morbi iudicantur: nonnulli quidem in quadraginta diebus, nonnulli verò in septem mensibus, quidam in septem annis. Ex diebus autem quadagesimus, primus morborum diuturnorum est iudicatorius, vltimus verò eorum morborum, qui ex transitione siue decidentia sunt acutorum; sicuti etiam supra notauimus. Quicumque verò hunc transcendunt numerum, secundum Septenarij rationem habent iudicium: non septem iam diebus connumeratis, sed primū quidem mensibus, deinde annis: Et quidem qui

qui hoc tempus transcendunt, ad quartumdecimum annum perueniunt, est manifestum. Cæterum, dum hyemis morbos æstate sanari docuit Hippocrates, id ideò dixit, quia hyemales morbi frigidi contraria tempestate calida, cuiusmodi est Æstas, curationem recipiunt. Contraria enim contrariorum sunt remedia, ex ipso Hippocrate libro de Flatibus. Præter hanc tempestatum anni contrarietatem, septem mensibus vim Criticam tribuit Hippocrates, cuius sententiam confirmat Galenus. Nam morbus hyemalis non simpliciter Æstate soluitur, sed septimo mense: Imò verò quarto mense curationem recipere possunt ægri, prout ex Hippocratis doctrina superiùs abundè exposita colligitur. Docuit enim centesimo & vigesimo mutationem Crisimue in morbis fieri: Sed hic dierum numerus quatuor explet menses. Centesimus adhuc dies quarti mensis particeps est. Vnde in eo Crisis fit. Octogesimus dies est in tertio mense: Sexagesimus in secundo mense, in quo Crises contingunt, vt experientiâ Hippocratis compertum est.

*Contraria
contrarijs
curantur.*

Sed quoniam secundo mense (nisi fortè ratione nouem septenariorum quibus sexaginta dies constant) Crisim fieri repugnare videtur numero binario, cui nulla tribuitur decernendi virtus, existimo mutationem fieri mense secundo propter manifestam in ære introductam mutationem, quæ naturam benè, maleuè ad euacuandum disponit. Capite autem 7. lib. 3. de Dieb. Decret. non solum morbos vnus tempestatis anni in contraria tempestate, cum Hippocrate, solui asseruit Galenus, sed præterea morbos vnus tempestatis in immediatè subsequenti tempestate abigi; & quidem ob diuersitatem quorundam Syderum illis temporibus apparentium: vel ob maiorem minoremue Solis illustrationem. Morbus autem Vernalis, media Æstate solui potest; & ita de reliquis tempestatibus, in duas partes diuisis singulis. Licet enim secundum duas qualitates vicinæ Anni partes non sint contrariæ, sunt saltem secundum vnâ. Certum enim est singulis mensibus æris temperiem, & nostram pariter mutari: ad quod proculdubio non mediocriter concurrunt illustrium Syderum ortus & occasus, quibus varis partes anni definiri determinariq; solent, Astronomorum saltem iudicio. Vt enim ortus Cosmicus Pleiadum siue Vergiliarum, Æstatem, occasus Cosmicus earundem, Hyemem inchoat, ita Caniculæ ortus dimidiatam Æstatem. Nepæ occasus, & Vindemiato-

*Considerande sunt
Signorum,
& Syderum mu-
tationes.*

ris ortus, medium Ver ostendunt. Occidit enim Nepa Columellæ lib. 11. cap. 2. Idibus Martij, Vindemiator sexto Nonas apparet. Et Anguifer, Græcis ὀφιδόχορ, manè occidit 11. Calend. Iunij. Longum esset reliqua Sydera cum Astronomis referre. Rem ergo feriam vlteriùs persequamur.

Solis effectus varij.

Luna magna vis.

Lunaris mensis diuisio in quadras, & semi-quadras.

Galenus lib. 3. de Dieb. Decret. cap. 2. Solis & Lunæ virtutes copiosè extollit, vt sequitur: Omnium certè superiorum Astrorum potentia fruimur: Verùm qui maximè hūc Orbem exornat, & concinnat, & disponit, est Sol: Quippe Veris, Æstatis, & Hyemis author alius nemo extat: nec alius tam manifestò, vel ex terrestri limo animalia generare potest, neq; fruges maturare, neq; ad coitum, & generis propagationem animantia prouocare. Magna sanè & Lunæ opera in hanc rerum substantiam apparent, verùm Solis effectibus posteriora. Etenim menses hæc perpetuò disponit, idque euidenter adeò in marinis animalibus: quanquàm & ipsum Solis beneficio habet. Nouum enim ipsa lumen sortitur, cum Sole primùm fruatur. Tanta verò eius portio semper illuminata est, quantum Sol aspicit. Prorsùs autem deficit, lucisq; expers redditur, vbi terra suo interuentu ipsam obtenebrat. Quapropter vt illa distat à Sole, omnes mutationes suscipit: etenim plena est, cùm diame- tra est: æqua portione diuisa; seu semilunaris, Græcè dichotomos, cùm quadrangula est: vtrinq; gibba, cùm triangula: & falcata speciem refert, vbi sexangula est. Atq; tunc primùm noua est, cùm post Solis congressum apparet: obscurata omninò, cùm Solis lumine circumuallatur. Igitur fructus auget, incrassatque, animantia implet. Ad hæc menstruorum statum tempus mulieribus conseruat. Item Comitialium (Epilepsiæ scilicet) circuitus custodit, inde, quod Solis plùs, vel minùs participat: omnia siquidem, quæ facere nata est, vbi falcis figuram representat, languida fiunt: valida omnia, cùm plena fuerit. Quapropter & fruges interea adauget, maturatq; celerrimè: mortua corpora putrefacit: Somnoque sopitis sub eius lumine, vel aliter diutius immoratis, pallorem, & capitis grauitatem conciliat. Vt igitur Luna Solis auxilio in omnibus indiget, ita Sol ad nullam rem maximam, vel alterius cuiusdam Astri, vel ipsius Lunæ, operam desiderat. Rursùs docet, Solem esse instar maximi Regis, Lunam verò vt Hyparchum, id est Subprincipem, aut Viceregem. Luna enim terrestrem gubernat

regionem, non quòd cæteros planetas potentiâ exuperet, sed vicinitate tantum. Tandem in calce capitis docet Lunam particulares cuiusq; mensis dies disponere, licet non ex se, sed ex Solis aspectu eandem facultatem consequatur.

Luna mensi, & diebus præst.

Mutuatur ergo Luna suum lumen, & vires potissimum à Sole, & Mensi, mensisq; partibus præst. Mensis enim triplex est: Vnus Synodicus, id est, Coniunctionis siue consequutionis dictus, qui est numerus dierum, aut totum tempus, quod est inter vnam Lunæ cum Sole coniunctionem vsq; ad alteram: continetq; mensis hic dies vigintinouem, duodecim horas, & quadraginta minuta. Recentiores autem quadraginta illa addidere minuta. Secundus Mensis Periodicos Græcis dicitur, Latinis Mensis peragrationsis, siue peregrinationis, qui est totum illud tempus, quod Luna consumit, vt redeat ad idem Zodiaci punctum, à quo discessit: Estque septem & viginti dierum, atq; octo horarum. Tertius mensis Græcis Phaseos, id est Apparitionis, & illuminationis dicitur. Estque tempus interiectum inter primam Lunæ apparitionem, & eius occultationem, id est, totum interuallum, quo Luna à nobis videtur. Estq; hic mensis satis inæqualis, quia, quò minus occultatur Luna, eò longior erit; quò verò diutius occultatur, seu in coniunctione cum Sole manet Luna, eò est breuior. Verum ut plurimum constat hic mensis vigintifex diebus, & duodecim horis, vt Medicorum nonnulli referunt; sed Alstedius in suo Elementalī Astronomico refert, esse ferè vigintiocto dierum. Periodicum Mensem absolute vigintiocto dierum esse docuit.

Mensis est triplex. Mensis coniunctionis.

Mensis peragrationsis.

Mensis apparitionis.

His præhabitis fiunt variæ formæ siue configurationes, siue Schematismi Lunæ in suo à Sole discessu, & ad Solem accessu. Si quidem Mensis peragrationsis in quatuor diuiditur quadras, quarum quælibet septem fermè diebus constat. Prima quadra à Lunæ discessu à Sole, vsque ad septimum diem protrahitur; & Luna in huius quadræ termino semiplena est: & dichotomos, quasi in duas partes æquales diuisa, Græcis dicitur. Altera quadra ad decimumquartum terminatur, quo tempore Luna plena est, atque Soli opposita. Tertia quadra ad vigesimumprimum extenditur. Quarta ad vigesimumoctauum fermè, siue vsq; ad absolutam Lunæ occultationem.

Varia positiones, siue situs Lunæ in ordine ad Solem. Galen. lib. 3. de Crisibus c. 5.

Luna adhuc septem permutationibus, siue configurationibus,

quas *φάσεις* vocant Græci (vt loquitur Macrobius lib. 1. in Som. Scip. c. 6.) toto mense distinguitur: quum nascitur, cum sit dichotomos, & cum sit amphicyrtos, cum plena, & rursus amphicyrtos, ac denuò dichotomos, & cum ad nos luminis vniuersitate priuatur. Primus autē Schematicus Lunæ, est eius ortus siue apparentia, postquàm à Solis congressu abscessit; & tunc falcis formā obtinet, vnde falcata dicitur; & quia cornua ostendit, corniculata; & Sextilem tunc habet aspectū ad Solē. Græcis forma illa nouæ Lunæ *μωοειδής*, aut *μωοειδής*; nuncupatur. Et hæc est prima Lunæ *φάσις*: notaturq; asterismo, siue Stellæ figurâ, aut, si mauis, figurâ rotæ calcaris: distatque à Sole tribus Signis: nã, vt refert Alstedius, Sextilis aspectus est, quando planetæ distant interuallo trium Signorum. Sed aliter, & verius, Sextilem describit Paulus Dariotus Medicus & Mathematicus: Sextilis aspectus est, cum centra duorum corporum Planetarum, duobus Signis, siue sexta Zodiaci parte, hoc est gradibus sexaginta, distent: Vnde Sextilis dicitur, qui mediocris & imperfectæ amicitie dicitur: quoniam Signa eo aspectu communicantia vnâ tantum qualitate concordant. Galenus lib. 3. de Dieb. Decret. c. 5. de aduentu, & vltimo discessu Lunæ hac serie loquitur. Cæterum aëra nos ambientem magnas suscipere mutationes, dum Luna primum occultatur, & rursus primum apparet, nemo mortalium ignorat: maximè ij, quibus hoc studij est, agricolæ, & nauæ, qui *στασις*, id est, statum aëris tunc vocant, cum Luna primum apparens, secundum aliquem ventum ster. Rursus augetur adeò Luna, vt dimidiata fuerit, & dichotomos tunc appellatur, quasi dissecta sit in duas æquales partes, quarum vna manifestè lucida apparet: *ημίτοιμος* etiam dicitur, quia medium iam iter à nouilunio ad plenilunium exegit, nonaginta gradibus distat à Sole. Die vndecimâ Luna adhuc est lumine Solis vsq; adeò illustrata, vt vtrinque gibba perspiciatur, & proximè ad luminis plenitudinem accedat: Vnde tunc *ἀμπίκυρτος*, id est, vtrinque gibba, & curua nuncupatur. Distat hoc tempore centum trigintaquinque gradibus à Sole. Denuò decimoquarto die, dum Soli è diametro Luna est opposita, ab eodem Soli integrè illustratur, illuminaturque. Ideoq; Luna plena esse dicitur, & Græcis *παισιλως*. Consimiles Luna à Plenilunij tempore decrescens, declinanq; ad alterum cum Sole congressum, Schematicos demonstrat. Quarta siquidem à Plenilunio die,

Ortus Lunæ.

Dichotomos quilibet.

*Amphicyrtos quid.
Oppositio Lunæ, siue Plenilunium.*

fit ἀμφικυρτός, sicuti vndecimo die ante Plenilunium contigit. *In amphicyrto habet triū, siue trigonum aspectum.*
Tertio verò Septenario apparet διχότομος, sicuti contigit die se-
ptimo incrementi Lunæ. Postea falcata apparet, sicuti apparuit in
suo ortu, & μωειδής dicitur. Denuò Luna occultatur, & totum
occultationis tempus, Coniunctio dicitur; quoniam tunc Soli pro-
xima adeò est Luna, vt præ nimio fulgore Solis non videatur. *In dichotomo habet aspectum quadratum, siue quadrangulum.*

Hic omittenda non est distinctio inter Mensem Coniunctionis,
& Peragationis, quæ confusissimè, & perobscurè à plerisque pro-
ponitur, à Macrobio tamen lib. 1. in Somn. Scip. cap. 6. præclarè, vt
sequitur: Luna octo & viginti propè diebus totius Zodiaci ambi-
tum conficit. Nam etsi per triginta dies ad Solem, à quo profecta
est, remeat, solos tamen ferè vigintiocto in tota Zodiaci circuitione
consumit; reliquis (diebus) Solem, qui de loco, in quo eum reli-
quit, abscefferat, comprehendit. Sol enim vnum de duodecim Si-
gnis integro mense metitur. Ponamus ergo Sole in prima parte
Arietis constituto, ab ipsius (vt ita dicam) orbe emerisse Lunam,
quod eam nasci vocamus. Hæc (id est Luna) post vigintiocto dies,
& horas ferè septem, ad primam partem Arietis redit, sed illic non
inuenit Solem. Interea enim & ipse (Sol) progressionis suæ lege
vlteriùs abscessit: & idè ipsa (Luna) necdum putatur eò, vnde
profecta fuerat, reuertisse; quia oculi nostri tunc non à prima parte
Arietis, sed à Sole eam senserant processisse. Hunc ergo diebus
reliquis, id est duobus, plus, minusue consequitur, & tunc eius or-
bi denuò succedens, ac denuò inde procedens rursùs dicitur nasci.
Inde ferè nunquam in eodem Signo bis continuò nascitur, nisi in
Geminis, vbi hoc nonnunquam euenit, quia dies in eo Sol duos
supra triginta altitudine Signi morante consumit: rarissima in alijs,
si circa primam Signi partem à Sole procedat. Huius ergo viginti-
octo dierum numeri Septenarius origo est. &c. Mensis quidem
Peragationis, vt rectè cum Mathematicis monet Macrobius, est in-
teger Lunæ per Zodiacum factus circuitus, seu reditus Lunæ ad
idem punctum, à quo discessit. Mensis verò Coniunctionis est
præter relatum Zodiaci integri cursum, consequutio eiusdem Lunæ
ad Solem, qui non ampliùs extabat in loco, in quo eum Luna reli-
quit: Et quoniam denuò in tali consequutione Soli coniungitur, di-
citur Mensis hic Coniunctionis, & Consequutionis: diciq; potest
reditus Lunæ in Zodiaco ad Solem, vbiq; eum inuenerit. Men-
sem *Mensis Coniunctionis dicitur reditus ad Solem à quo discessit. Et quia Luna Solem sequitur, peragato Zodiaci cursu, dicitur Mensis Consequutionis.*

sem Peragratiōis facit Macrobius vigintiocto dierum, & septem ferè horarum, contra communiorem doctrinam, quæ tenet, quòd Luna vigintiseptem diebus, & tertia diei parte, vniuersum Significari ambitum peragit.

In coitu, & plenilunio magna mutatio- nes in aë- re.

In dichotomo me- diocres mutatio- nes.

Falcata permodi- cas muta- tiones effi- cit.

Luna gibba paruas minimalq; in aëre parit muta- tiones.

Vehementiores mutationes in rebus sublunaribus eueniunt, quando Luna cum Sole coit, seu quando iam occidit Luna, & So- li vicina est, & non amplius nostro obijcitur visui. Potentissimè adhuc hæc inferiora immutat Luna, quando plena est: tunc enim contrarias Lunæ affectiones, eadem plena, ab inuicem dirimit; in- crementa nimirum, & decrements eiusdem. Plenitudo autem in- crementa Lunæ vltimò terminat, & in sequenti momento primum decrementum accedit: Plenitudo autem quasi momentanea est: id est, nonnisi temporis quasi momento perseuerat. Multò minùs inferiora siue sublunaria immutat Luna, quando quadrata est, & dichotomos, tam in incremento, quàm in decremento: sunt enim duo dichotomi, vnus in incremento Lunæ, alter in decremento. Multò adhuc minùs aërem, & reliqua sublunaria, in quæ imperium Luna habet, immutat Luna falcata, tam in suo ortu, quàm occasu, quàm quando est dichotomos, siue dimidiata. Sed minimè om- nium hæc inferiora immutat Luna, quando gibba apparet. Vnde manifestè colligitur, quartum diem cuiusuis septimanæ multò im- becillius septimo decernere.

Galenus hanc doctrinam lib. 3. de Dieb. Decret. cap. 3. dilucidè hac serie scripsit: Validè igitur potenterq; hunc orbem immutat, & cum ipsa (Luna) cum Sole congregitur, & ad hæc, cum pleno or- be lucet. Minùs vehementer immutat dum *διχοτομος*, id est dimi- diata, est. Obscuriùs, & adhuc minùs vehementer, dum & *ἀμφί- κυπρος*, & *μνοειδής*, id est gibbosa, & curuata in cornua. Nam va- lidissima eorum, quæ priùs erant, mutatio committitur, dum Luna cum Sole coit, ac eius lumine circumuallatur, quippe quæ priùs ap- parebat, nunc nulli conspicitur. Dein diametra (siue opposita So- li) Lunæ statio, tanquam distinguens, in binasq; partes secans con- trarias maximè Lunæ dispositiones (id est incrementi, & decre- menti), aliarum omnium est validissima. Quòd verò incremen- tum diminutioni (Plena Luna inter accretionem est, atq; diminu- tionem) maximè sit contraria dispositio, ostendere non est opus: Deinde post hunc congressum (id est, coitum Lunæ cum Sole) &

Plenilunium, duæ dichotomi, medium vtraq; secans, augmenti tempus prior, diminutionis altera. At omnium extremæ imbecillimæq; aëris nos ambientis conuerſiones ſeu immutationes in ſalcatis, & in vtrinq; (id eſt in gibboſitate præcedente, ac in gibboſitate ſubſequenti Plenilunium) gibbis apparitionibus fiunt; magis autem in vtrinq; gibbis, nulla ſiquidem in eis magna mutatio, ſicut in ſalcatis apparet. Quare nec Aratus malè ipſas neglexit, tanquàm imbecillas exiſtentes: conuenitq; eos laudare, qui de eis ſcripſerunt, tanquàm ne, vel minimum quidem omittentes. Ergo peculiarem eximiamque immutandi hæc inferiora vim habet plenilunium, & hoc maiorem adhuc Lunæ cum Sole coitus. Nam in plenilunio celerrimæ ſubitæq; fiunt mutationes. In Coniunctione autem variæ (ſiue inæquales) & diuturnæ. Priuſquàm autem Luna è radijs Solaribus emergit, nihil queas de aëris immutatione affirmare. At verò totum hoc occultationis tempus longum eſt, & diuturnum, & integri ferè vnius Signi. Lunæ autem immutatio ab incrementi tempore ad decrementum, inomentanea eſt, & veluti puncto temporis diſterminata, diſtinctaque. Certum eſt enim, Lunam hanc immutationem quaſi momento temporis percurrere. Non igitur abs re mutationes, quæ plenilunio fiunt, breues ſunt, & momentaneæ. Quæ verò coniunctionis tempore, diuturnæ. Nam totum illud tempus, quo Luna occultatur, & diſparet, ſibi ipſi ſimile eſt, & præterea primæ illuminationis tempus occultationi finitimum eſt, tum quia apparentis Lunæ portio, modica & exigua eſt, tum quia luminis eius vis obſcura eſt, & vix ſenſibilis, nec non etiam quia breue eſt admodum tempus, quo illa ſupra teriã fertur.

Potenter aërem, aliaq; corpora ſublunaria, alterari, quoties Luna cum Sole coniuncta eſt, & quoties itidem plena, docuit in contextu Galenus. In plenilunio inferiora corpora alterari, omnes docti conſtitentur, experiuntur & ignari. Sed Lunam maximè, & præpotenter in coitu hæc inferiora immutare, ſi nulli difficultatem hætenùs peperit, mihi ſanè modò. Doctiſſimus Lalamantius hiſ ambobus temporibus, Interlunij ſcilicet, & Plenilunij, mutationes, alterationeſue in inferioribus fieri dicit, quia tunc temporis Luna plurimum luminis de Sole haurit. Vtroque enim habitu (id eſt, dum eſt cum Sole in congreſſu, & dum Soli oppoſita eſt, adeoque plena) plena eſt, docente Plinio lib. 18. cap. 28. Sed interlunio

*Gibba Luna imbel-
lis.*

Dulium.

*Lalamantij
ſolutio.*

omne lumen, quod à Sole accipit, cælo regerit (id est, in cælum reijcit, refertque), còq; frigefacit; quia scilicet lumine destituta à nocturno frigore minùs nos defendit. Et id est, quod Ioannes Picus Mirandula cap. 5. libri 3. dicit: Agit, inquit, in nos Luna Soli congregiendi eo modo, quo quis agit nihil agendo. Nam destituens corpora suo lumine, nocet illis: Sed eadem adolescens plenius alit, & succulentius implet. Quod & idem eodem libro repetit cap. 6. Quod verò ad Plenilunium attinet, mutatum ipsa lumen ipso plenilunio latè refundit.

Altera scilicet.

Ego verumtamen respondendum aliter censeo, magnas in sub-lunaribus fieri mutationes in interlunio, siue coitu, siue congressu, siue intermenstruo, vt loquitur Varro, siue Lunâ silente, vt loquitur Cato, siue Combustâ, vt alij loquuntur; non quòd tunc Luna in hæc inferiora multum agat, cùm eius virtus, siquam habeat, à vicino absorbeatur Sole, aut penitus obscuretur, sed quia inferioribus nullam fermè virtutem contribuit. Vnde priuatiuè magnas alterationes in inferioribus à Luna, dum in coitu est, fieri dicendum. Cùm enim suistum radijs inferiora non collustret, refrigerantur impensius, quàm quando eius lumine fruuntur. Est autem Mensis (vt ex Macrobio superius transtulimus, & post Macrobiū Lalantius, & alij rectè affirmant) Lunæ annus, intra quem ipsa Cæli ambitum lustrat: quo scilicet toto tempore ea ipsa id facit, quod Sol toto suo anno. Vt autem Sol in suo ad nos accessu Æstatem, & discessu Hyemem, ita Luna in suo menstruo cursu, crescendo Æstatem, decrescendo hyemem efficit. Imò in suo eodem menstruo cursu quatuor partes, anni quatuor correspondentes, efformat. Nam prima eius quadra Veri; secunda, quæ cæteris calidior est, Æstati; tertia Autumno; & quarta Hyemi respondet. Dum enim Luna cum Sole coiens lumine fermè priuatur, hyemem ipsam afferre, & frigefacere dicitur, quoniam à nocturna frigiditate nos tunc multò minùs tuetur, quàm cùm lumine plena suos in terras eiacularur radios, & veluti æstiuam parit tempestatem.

Quatuor Luna quadra quatuor anni temporibus correspondent.

Non immeritò igitur Mensibus præesse, aut Menses regere dicitur Luna; vel quia, vt est apud Virgilium lib. 1. Georgic.

Ipse Pater statuit, quid Menstrua Luna moueret.

Vel quia eadem Luna mensem inchoat, & terminat. Vnde Ouidius in calce libri 3. Fastorum, de Martio loquens cecinit:

Luna

Luna regit Menses, huius quoq; tempora Mensis

Finit &c.

Vnde Aristoteles libro 4. de Partib. Animal. cap. 5. ex Lunaribus incrementis Echinos, cæteraq; id genus animalia, utpotè Cancros, Ostreas, Conchas, Conchilia, pleniora fieri, & vberiore lumine facta succulentiora euadere, humiditatis viuificæ, & Lunarior caloris beneficio. Aulus Gellius ab Anniano Poëta, vindemiam in suo fundo faciente, vocatus vnà cum alijs, sequentia memoriæ tradidit. Ibi tum cænantibus nobis magnus Ostrearum numerus Româ missus est: quæ cum appositæ fuissent, & multæ quidem sed inuaberes, macræq; essent, Luna (inquit Annianus) nunc videlicet senescit: eâ re Ostrea quoque, sicuti alia quædam, tenuis exuetaq; est (sed fortassis melius, tenuia exuetaq; sunt). Cum quæreremus, quæ alia item senescente Luna tabescerent: Nonne Lucilium, inquit, nostrum meministis dicere?

*Anniani
conuiuium.*

Luna alit Ostrea, & implet Echinos, muribus fibras,

Et pecu (melius, pecui) addit.

Eadem autem ipsa, quæ crescente Luna gliscunt, deficiente, contra, Lunâ deficiunt. Aelurorum quoq; oculi ad easdem vices Lunæ, aut ampliores fiunt, aut minores. Id etiam, inquit, multò mirandum est magis, quod apud Plutarchum in 3. in Hesiodum Commentario legi. Cæpe tum reuirescit, & congerminat decedente Lunâ: contra autem inarescit adolescente. Eam causam esse dicunt Sacerdotes Ægyptij, cur Pelusiotæ Cæpe non edant; quia solum olerum omnî, contra Lunæ aucta atque damna, vices minuendi & augendi habeat contrarias. Addit his Plinius libro 2. cap. 42. minimum animal formicam, syderis vim sentire, & inter lunio cessare. Idem Plinius eodem libro cap. 102. docet Lunam accedentem corpora implere, abscedentem inanire. Hominum etiam sanguinem cum lumine eius augeri, ac minui. Idem etiam fieri solere tradunt in medullis, & Cerebellis animalium. Crescendo enim lumen, & cum lumine calor etiam, & humiditas in Luna augescunt: decrescendo imminuuntur & decrescunt. Ex multitudine quippe luminis multitudo profluit, & caloris, & humiditatis, non eius dico, quæ ab elementis inferioribus proueniens, in sublunaribus corporibus reperiatur, quæ item aquosa sit; fluxa, excrementitia, & frigiditate sua torporem afferens, sed eius, quæ cæle-

*Sola inter
olera, Cæ-
pa decre-
scit crescē-
te Luna,
& hac de-
crescente,
crescit.
Pelusiotæ
ideò Cæ-
pam non
edunt.
Formica.
Humores,
crescente
Luna, cre-
scent, & c
contra.*

stis sit, vitalis, fœcunda, & caloris Lunaris beneficio viuifica. Tam igitur crescente Lunâ humiditates in corpore fluunt, sed crescente bonæ, & salutare, decreſcente ſuperfluæ, & noxiæ: quæ ratio mouiſſe videtur Ariſtotelem, vt libro 2. de Generat. Animal. cap. 4.

*Decreſcē-
te Luna
tempora
frigidiora,
& humi-
diora.*

*Menſtrua
decreſcen-
te Luna
ſuperne-
munt ex
Ariſt.*

*Menſtruo-
rum tempus.*

diceret, Tempora decreſcentis menſis humidiora & frigidiora. Lunâ quippe decreſcente, viget humiditas, non à Luna proueniens, ſed ab elementis inferioribus, quibus tunc Luna minùs reſiſtit, tum quia eius calor debilitatur, & infringitur, tum quia ſub Horizonte magnam noctis partem deliteſcit. Ideò Ariſtoteles etiam libro 7. Hiſtoriæ Animal. cap. 2. profluuium menſium Lunâ decreſcente contingere memoriæ prodidit; vt fecit lib. 2. de Generat. Animal. cap. 4. & rationabiliter, quòd ſcilicet corpora animalium frigidiora tum eſſe contingat, cum continens nos aër talis, id eſt frigidus, efficiatur. Medici tamen communiter in prima Lunæ quadra iuniores euacuari ſtatuunt; in poſtrema ſeniores: fœminas ætate medias, in medijs Lunæ diſpoſitionibus. Et è quopiam Poëta, inquit Lalamantius, hunc citant Verſiculum:

Luna vetus Veteres, Iuuenes noua Luna repurgat.

Galenus cap. 2. lib. 3. de Dieb. Decret. eaſdem virtutes, ſi non plures, Lunæ concedit. Rei Ruſticæ ſcriptores omnes vno ore adoleſcentis Lunæ plantationi commodum tempus exiſtimauerunt, quòd largiore humore ſemina veluti cibata & fœcundata citiùs quoq; adoleſcant. Decreſcentis verò tempus eſſe idoneum cædendæ materiæ, quoniam tum omnis cædua ſylua, & materia ſiccior eſt, humido ſcilicet excrementitio decreſcente. Sic enim materia in vſum fabricæ cædenda difficiliùs marcet, & cariem ſentit ægriùs. Vnde Heſiodus nouam Lunæ diem arboribus conferendis, ſicut & decimam tertiam, dicit eſſe accommodam. Cuius dicti Plutarchus hanc cauſam reddit, quòd inſita vis pleniori lumine Lunæ etiam in radices plenior diffundatur. Tota deniq; Plinij lib. 18. cap. 32. & Varronis, Lunaris obſeruatio, his paucis conſtat: vt ſcilicet decreſcente Lunâ frumenta metantur, cædantur ligna, tondeantur oues, capilli, emafeulentur Verres, Capri, Arietes. Nouâ autem Lunâ, eaq; ſub terra exiſtente, ſupponantur oua, calcantur muſta, ſeminaria verò, cum ſupra terram eſt, fiant. In ſumma, Diophanes nihil eſſe ſerendum, niſi Lunâ crescente, putat.

Hæc poſteriora ex Authoribus cum Lalamantio eruere placuit:

quo-

*Tempus
plantatio-
nis.*

*Tempus
ſæſionis
arborum.*

*Tempus
meſſis, ton-
ſuræ, conſi-
ciendi vi-
num, tēpus
ſeminandi.*

quoniam Medico varijs in occasionebus prodesse possunt. Sed vt Galeni mentem consequamur, satis liquet, ipsum cum Astrologis tribuere vim omnem Criticam Lunæ, quæ potenter inferiora corpora in suis quadris, mediocriter in quartarum medijs immutat, alteratque. Ita vt vim magnam decernendi dies vltimus quadræ, qui septimus est, habeat, mediocrem verò virtutem medius quadræ dies, qui quartus est. Quoniam tamen Lunaribus mensis, in quo magis regulariter mutationes in his inferioribus fiunt, atque deprehenduntur, est Peragrations, vigintiseptem diebus, & octo horis constans, adeoq; vigesimoprime die potius, quàm vigesimo, Crisis fieret, conatus est Galenus lib. 3. de Dieb. Decret. cap. 9. Mensem quendam, quem medium nuncupauit, efformare, vt sequitur:

Septimus.

Quartus dies.

Mensis Peragrations vigintiseptem diebus & octo horis constat: Mensis Apparitionis vigintisex diebus, & mediâ insuper diei parte. Circuitus verò Lunæ (qui mensem Peragrations constituit) in Signifero, siue Zodiaco accommodatissimus est vniuscuiusq; rei proprijs principijs: menstruale verò tempus, quo Luna conspicitur, ambientem nos aërem immutans, omnibus ex æquo hominibus communem effectum ostendit. His positis, duos dictos menses Galenus commiscet, & ambos commixtos in duas dispescit medietates æquales: & vnâ medietatem constituit mensem medium inter mensem Peragrations, & Mensem Apparitionis, ita vt illo sit paulò breuior, hoc verò paulò longior. Copulati enim dicti duo menses, dies constabunt quinquagintatres, & horas viginti. Qui hunc numerum in duas æquales partes diuidere volet, inueniet quamlibet partem siue medietatem, continere dies vigintisex, & horas vigintiduas. Est ergo communi Mense Apparitionis, decem horis, maior; Mense verò Peragrations minor octo horis. Huius mensis septimana constat sex diebus, decem & septem horis, ac media horæ parte. Vnde paulò breuior est septimanâ Mensis Peragrations, quæ constat sex diebus, & viginti horis. Est autem paulò maior septimanâ mensis communis, quæ constat sex diebus, & quindecim horis: dummodò Mensis Apparitionis fuerit vigintisex dierum cum dimidio: Nam si contingat ipsum constare vigintisex tantum diebus, tunc eius septimana erit sex dierum, & duodecim horarum. Si verò fuerit longior, vt vigintiseptem, aut vigintiocto, aliter septimanæ eius constituentur. Mensis verò Medij tres septima-

Mensium Peragrations, & Apparitionis commixtio. Mensis medius Galeni.

næ constituunt viginti dies , quatuor horas , & mediam horæ partem . Hæ autem horæ vigesimum diem excedentes , eidem vigesimo , quàm vigesimoprimo diei , propinquiore sunt . Ergo Crisis in vigesimum , & non vigesimumprimum incidet .

Roffenius. Sed hæc Galeni sententia de Mense medio , paucis probatur ; quia , vt aiunt , apprimè saluatur vis Critica diei vigesimi , simul & vigesimiprimi per Mensẽ Peragratiõis , cuius tres septimanę constant viginti diebus , & duodecim horis . Ita post multos Mathematicos Galenum repudiat Ioannes Antonius Roffeni , Medicus , & insignis Mathematicæ in hac Vniuersitate Bononiensi Professor , in suo de Diebus Criticis , & Annis Climactericis libro , quem mihi ante decennium , anno nimirum 1643. dono dedit .

Galenus
Mensis
describitur. Meo verumtamen iudicio , perperam in hoc Galenum reiiciunt . Nam primò quod illi asserunt , id ipsum in quæstione est ; & ab eodem Galeno proponitur citato cap. 9. libri 3. de Dieb. Decret. vbi docet , Mensis Peragratiõis tres hebdomadas ex viginti diebus , & media diei parte constare ; adeòq; talem numerum non esse magis vicinum diei vigesimo , quàm diei vigesimoprimo : Atque ita vigesimo , tanquam die pari , in morbis longis Crisem superuenire , die verò vigesimoprimo , quoties diebus imparibus accessiones fiunt . Per hæc eadem , quæ in quæstione sunt , respondent Aduersarij , leges bonæ & legitimæ responsionis violenter omittentes . Secundò malè Galenum reprehendunt , fictitium appellantes Mensẽ , ab eodem excogitatum ; cum nihil aliud fecerat Galenus , quàm obseruanter imitari doctiorum Mathematicorum (præsertim Magni Hyparchi) constitutionẽ ; quæ talis fuit , vt ex duobus Mēsi bus in æqualibus commixtis copulatisue , verus statueretur Lunaris mensis . Vnus verò dictorum mensium triginta constabat diebus , alter viginouem : Ex his copulatis exurgit dierum quinquagintanouem numerus ; cuius medietas constituit viginouem dies cum dimidio . Hanc doctrinam imitatus est Galenus . Cum ergo hanc intactam omiserint aduersarij , temerè Galeno figmentum adscribunt .

Vigesimus
mensis
est
Criticus. Quia tamen Lunam , causam præcipuam , & solitariam Criseos admittere vix possum , Crisim vigesimi , non Lunæ , sed naturæ , & ordini rerum tribuere malo . Vidimus enim in Hippocratis doctrina , nec dies , nec hebdomadas , nec menses , nec annos integrè recenseri : Vnde tres septenarij non integri , viginti dies constituunt .

Quod

Quod autem à quibusdam, & Laurentio præsertim, dicitur, vigesimum præripere vigesimiprimi Crisim; quia motus naturalis, contra quam in animali fit motu, in fine, quàm in principio, velocior est, teste Philosopho libro 5. & 8. Physicor. & lib. 1. ac 2. de Cælo, contra doctrinam, & experientiam Hippocratis militat; qui vigesimum; & non vigesimumprimum, Criticum comprobavit; ut in superioribus abundè docuimus. Cum ergo vigesimusprimus non sit Criticus, non congruè dicitur vigesimum eius Crisim præripere; quia natura celerius in fine suæ actionis, quàm in principio mouetur.

Laurentius perstringitur.

Quod attinet ad sententiam Mathematicorum Ægyptiorum à Galeno propositam, eam, utpotè figmentum, admittere non debemus. Nam tametsi vltro consiteamur, Lunam in hæc inferiora magnas diffundere virtutes, vix tamen concipere possumus, quomodo Crisis die septimo contingere poterit Lunâ existentē in Sextili, aut Trigono, aut opposito aspectu, aut etiam in congressu cum Sole, quo tempore in hæc inferiora vix agit. Ut enim Crisis à Luna in quaternionibus, & Septenarijs, in quibus solennes quædam, ut asserunt, fiunt mutationes, efficeretur, necessariò quilibet æger primo ipso Lunæ die in morbum incideret, ut vnâ procedentes morbus & dies Lunæ, quarta, aut septima, aut vndecima, aut decimaquarta, aut decima septima, aut vigesima die Crisim exiretur. Patet sequela: Nam alioqui nulla fieret Crisis: quomodo, quæso, fieret in corporibus mutatio repentina & vehemens à causa, quæ non est. Quadrangulus verò aspectus, quo fruitur Luna septimo Mensis die nondum accessit, & tamen septimo morbi die, qui fuit Lunæ primus, aut secundus, aut tertius, aut quartus, aut quintus, aut sextus, Crisis orta est salutaris, aut insalubris. Similiter duodecimus morbi dies potest esse Lunæ septimus. Sed duodecimo, ex Galeno, non fit Crisis. Potest etiam morbi dies esse septimus, & Lunæ primus, aut secundus, in quibus, ex Galeno, nulla fit Crisis. Planum ergo est, Crises, iuxta dictam opinionem, non fieri nisi in quadra, aut semiquadra Lunæ: cuius tamen contrarium quotidiana docet experientia.

Astrologorum opinio facile refellitur.

Denique, si Luna suo lumine & motu potenter inferiora mutaret, Crisimq; in humoralibus morbis excitaret, octauo die, veluti nono, & decimo, Crisis commodius, vehementiusq; prodiret, quàm

Validum argumentum.

die

die septimo, in quo Luna non adeò lucet, sicuti dictis iam diebus: Duodecimo pariter, quàm vndecimo, & decimoquinto, decimo-sexto, & sequentibus, quàm vigesimo, potentiùs & frequentius contingeret.

Præterea, si ex se, & sua natura, Luna Crisim efficeret, singulis diebus contingeret. Non est enim potior ratio, cur magis vno die, quàm altero, hunc effectum produceret.

*Luna est
remota, &
vniuersa-
lis causa
Crisis.*

Addamus & his, vltra vigesimum morbi diem, quaternarios vim decretoriam amittere, si 24. excipias, & 27. 34. Vltra verò quadragesimum morbi vicenarius dies decernit: quod indicio est, Crisim non à sola Luna fieri: Sed Lunam esse causam vniuersalem: quæ quidem in bonis aspectibus existens, si dies Criticos comite-
tur, Crisis productionem non mediocriter iuuabit.

*Galenus
mens ab
Astrologis
remota
erat.*

Quòd autem dicta opinio non fuerit Galeni, ex duobus patet capitibus. Primò, quòd diem septimum potentissimum dierum Criticorum statuerit: quod tamen non esset verum, si ipse Crisis authorem Lunam constitueret. Nam Luna potentissimè in Plenilunio alterat, minùs verò potenter die septimo, siue in tetragono, siue quadrangulo, qui septimo morbi diei correspondet: Sicuti plenilunium decimoquarto. Secundò Galenus lib. 3. de Dieb. Decret. cap. 10. expressè narrat, se ob amicorum persuasiones hanc opinionem exhibuisse.

Vndecima Opinio.

*Natura
est causa
efficiens
Crisis.*

*Natura
morborum
Medica.*

VAlēdictis Numeris, Astris, & multorum varijs cogitationibus, hætenùs in antecedentibus discussis, tempus est, vt nostram de Dierum Criticorum causis sententiam interponamus, proximamq; exhibeamus. In vijs ergo Hippocratis, & Galeni persistens, Crisis efficientem; & peculiarem causam, non aliam esse, quàm ipsam Naturam corpus nostrum regentem, & in eo (ni materiæ inundatio, aut praua dispositio, impedimento fuerit) omnia debite dispensantem, existimo. Hippocrates hoc clarè insinuat libro 6. Epidemior. Sect. 5. vbi inquit: Naturæ Morborum Medicæ. Galenus in Commentario inquit: Verborum igitur Sententia, si quis simpliciter, quod dicitur, accipiat, perspicua est, suam ipsius mentem Hippocrate declarante; se videlicet non esse ex illorum

coetu, qui Naturam arte carere arbitrantur, sed eam esse artificem, animalibusq; consulere. Verùm hoc loco per id nomen Naturæ, vim quandam intelligere conuenit in his ipsis corporibus, quæ ab eâ reguntur, inhabitantem. Paulò post ait, sat esse scire, rectè Hippocratem opinatum fuisse, Naturam esse morborum Medicam, absq; eo, quòd quispiam curiosè eiusdem Naturæ, aut Animæ essentiam indaget. Authorem ergo proximum & peculiarem Criseos vocet, qui uolet, Calorem natium, præcipuum Animæ instrumentum, aut facultates omnes Animæ, vnà cum eodem calore, aut solam expultricem, quam Crisis authorem conceptis uerbis statuit Galenus libro 3. de Dieb. Decret. cap. 8. inquit: Caterùm, ut in ventriculo; sic in singulis totius corporis partibus, alienorum Expultrix facultas esse ostendebatur: quæ meo sanè iudicio, & Crisim in morbis efficit, atque propterea optimæ fiunt Crises, cum iam omnia in animantis corpore concocta fuerint. Sanè hæc Galeni uerba, aliaque in superioribus à nobis citata, quæ Naturæ circuitus, regulares esse asserbant, clarè demonstrant, facultatem concoctricem, & expultricem, omnem efficere bonam Crisim: nam ut bona hæc euadat, superflua omnia, siue superuacanei humores, primò à Natura, à facultate uidelicet concoctrice, concoqui præparariue debet; rursusq; ab eadem secerni; ut postmodum à Natura, id est Expultrice facultate, longè morbum superante, deturbentur. Causa enim morbifica, quantitate, aut qualitate, aut utroq; modo peccans, est quæ morbum fouet, & Naturâ, mediante accessione, turgentia, alioque modo, ad sui exclusionem stimulat. Vnde non immeritò materialis Crisis causa quibusdam dicitur; sicuti efficiens Crisis causa, ipsa Natura, quæ superfluum materiam extra corpus, aut ad aliquam ignobilem partem expellit. Alio Galeni suffragio rem eandem roborare placet, qui lib. 3. Epidem. comment. 1. tex. 29. sequentia scripsit: Tertium quidem est hoc iudicium, ubi molita nunc etiam est Natura per sudorum excretionem in die Decretorio soluere morbum, ut & in prioribus, qui æquè decretorij erant. Hic nihil de Luna Galenus.

Non propterea Astrorum operam reiicimus; Sol enim, & Luna, ex Philosopho, generant hominem; sed existimamus, Solem, Lunam, & reliqua, si vis, Astra, vel ut uerbo dicam, Cælum, tanquam uniuersalem communemue causam, in ægros, sicut in aliacuncta, influere.

*Natura
varia ac-
ceptiones.*

*Facultas
expultrix.
Crisis cau-
sa ex Ga-
leno.*

*Causa ma-
terialis
Crisis.*

*Natura
diebus De-
cretorijs
Crisim
molitur, ex
Galeno.*

*Cælum est
causa uni-
uersalis.*

Quod

*Septenarij
vis non
pendet à
die quo
Deus quie-
uit ab om-
ni opere.*

Quod numero Septenario, & quaternario dierum magis regula-
riter Natura operetur, id vi legis à Deo præscriptæ fieri vix dubi-
to. Quidam tamen referunt, vim Criticam diei septimo inditam,
in memoriam diei septimi, quo, post Mundi creationem, requieuit
ab omni opere Creator omnium Deus: Quam sanè opinionem ad-
mittere nollem, cùm dies Criticus sit dies laboris, & non quietis,
in ægris. Dies verò septimus est dies duelli, & acris conflictus Na-

*Número-
rum præci-
pius ter-
narius, &
vnitas, nu-
meri prin-
cipium.*

turæ, & Morbi. Sanè si vis aliqua numeris tribuenda esset, omni-
bus palmam præriperet Ternarius numerus, & vnitas: hæc, quia
est vnus solus Deus, à quo omnia pendent: Videmus enim omnes
numeros ab vnitatem multiplicata, tanquam à re eos componente,
dependere: Ternarius verò, quia est Sanctissima Trinitas constans
tribus Personis, Patre, Filio, & Spiritu Sancto. Septimus verò dies
nullatenus accedit ad dignitatem vnus Dei, & Sanctissimæ Trini-
tatis. Ergo nec Septenarius numerus ad Vnitatis, & Ternarij nu-
meri prærogatiuam. Vel ergo lege Dei sancitum est die septimo
Crises frequentius, quàm alijs diebus, fieri; vel certè Natura regu-
lariter agens, vi virtutis ei à Deo inditæ, numerum quaternarium,
& Septenarium sibi elegit, vt in his luculentiùs operetur, quoties
inutili sarcina conflictantur ægri. Hactenus de Dierum Critico-
rum, seu potiùs ipsius Criseos Causis.

C A P V T XII.

De Quibusdam Dubijs.

DVBIVM PRIMVM.

ANsam dubitandi multis præbuere quædam Hippocratis
loca, sibi, apparenter saltem, aduersa. Libro Prognosti-
cor. Sect. 3. tex. 10. sequentia scripsit: Pari modo, & Mu-
lieribus iudicationes fiunt à partu. Galenus in Commentario sta-
tim inquit: Principium numerationis tibi fiat, non quo die cape-
rint febricitare, sed quo pepererint. In quibusdam igitur circa se-
cundum, aut tertiam incipiunt diem à partu, ex quo multi nume-
rant futuram iudicationem. Sed res non ita se habet: sed ex quo
pepererint, numerationem fieri oportet dierum. Ita paucis, de

*A die
partus cõ-
putatio
dierũ Cri-
corũ fieri
debet.*

hac re, difficultate non vacante, deliberauit Galenus; etsi prolixè in Commentario alia multa examinauerit.

Alia ex parte, extant quædam Historiæ Epidemicæ, in quibus Hippocrates clarè docet, non à partu, sed à prima sensibili febris inuasionè, dierum computum esse exordiendum, vt futura Dies Critica obseruetur. Libro enim 1. Epidem. Sect. 3. Ægroto 4. ait, Philini Vxorem in Thaso, quæ filiam pepererat, purgatam esse ex præscripto Naturæ, & cætera rectè habentem: decimo & quarto à partu die ignis inuasit cum rigore. In sequentibus ille dies morbi à decimoquarto, & non à partu, enumerat: & dictam Fæminam vigesimo morbi die obiisse narrat. Item sequenti Historiâ 5. tex. 21. refert, quemadmodum postridie Partûs Febris acuta inuasit Vxorem Epicratis, & ab hoc die inuasionis febris numerat omnes dies, vsque ad octogesimum, quo illa à febre omninò liberata est. Textu 28. in Historia Vxoris Dromeadæ, quæ filiam enixa est, cæteris ritè consequutis, ait: postridie partûs rigor capit, & febris acuta. Sexto febris die mortua est.

A die febris computationē alibi facit Hippocrates.

Christophorus à Vega, Franciscus Vallesius, & Ludouicus Lemosius, Hispani, ij; doctissimi, variè de re hac certant. Vega Sententiam Prognosticam, reiectis historijs Epidemicis allatis, amplectitur: ideòq; à partu, non à febre, dierum computationem exordiendam docet; quia iudicationes morborum maximè solent euenire in diè motus humorum: in mulieribus autem enixis humorum motus potius sequitur partum, quàm febrem, propterea quòd in partu motus humorum maximus est, ac validissimus. Itaq; iudicationes omnes quæ fiunt, vel per manifestas excretiones, vel per abscessus effatu dignos, in diebus partui respondentibus, euenire rationabile est. Sic numerauit Hippocrates comment. 2. lib. 1. de Morbis Vulgarib. inquit tex. 68. Plurimæ autem (mulieres) grauem siue difficilem partum habuerunt, & à partu in ægritudinem inciderunt; qua quidem potissimùm moriebantur: vt Thelebuli filia, quæ sexto à partu die defuncta est. Libro 3. Epidem. Sect. 3. tex. 73. ait: Mulier quædam, quæ apud frigidam aquam in Thaso ægrotabat, postquàm filiam peperisset, nec esset purgata, tertio à partu die febre correpta est; acuta: horrida. Octogesimo obiit. Eodem libro 3. Epidem. Sect. 2. tex. 7. ait: Quædam mulier quæ apud Pantimedem degebat, ex abortione infantis primo die

Vega opinio.

igni correpta est. Et postea ait: Septimo interijt. Eâdem Sect. 2. tex. 8. ait: Alteram ex abortione ad quintum mensem Oecetæ vxorem ignis corripuit. Et in fine Historiæ ait: Septimo mortua est. Sequenti tex. 9. ait: Mulierem, quæ decumbebat in Mendacium foro, primum enixam cum dolore masculum, corripuit ignis. Et in fine ait: Quartodecimo die sanguis de naribus: defuncta est.

*Lemosius,
& Phry-
gius per-
stringuntur.*

Ex iam dictis libri 1. & lib. 3. Epidem. locis, Lemosius, & Phrygius, post Vegam, colligunt, Hippocratem à partu, & non à febre exorsum fuisse dierum enumerationem. In quo sanè posteris irrident. Nam legenti constabit, Hippocratem nihil tale decreuisse in historia istius mulieris, quæ ad frigidam aquam ægrotabat. Præterea mulier apud Pantimedem, & Oecetæ vxor, non partum, sed abortum, qui extra quæstionem est, expertæ sunt. Et eodem abortûs die febre sunt correptæ, vt ipse Hippocrates luculenter ostendit: & à febre æquè saltem, ac ab abortu, computationem dierum est exorsus. Mulier, quæ in Mendaciorum foro cum dolore peperit, eodem tempore febre correpta est; & ab eodem die, nulla facta mentione partûs, dies enumerat. Ex his ergo locis nulla ratione dicti Auctores potuere colligere, Hippocratem à partu, & non à febre, dies enumerâsse. Ad libitum ergo hoc finxere.

*Locû Pro-
gnosticum
simul, &
historias
Epidemi-
cas probat
Lemosius.*

Lemosio placet vtraq; Hippocratis dictio; illa Prognosticorum, quia partus suam exoptulat Crisim per euacuationem: febris similiter suam, vt innuit Hippocrates in historijs Vxoris Phyllini, Vxoris Epicratis, & Vxoris Dromeadæ. Vnde à partu fiet computationis initium, similiter & à febre suum, cùm sint distincti affectus. Galenus ergo rectè docuit, à partu computationem dierum fieri: & si superueniat febris, non solum ab hac, verumetiam à partu.

*Vallesius
Vegam
reijcit.*

Vallesius libro 10. Controuers. cap. 4. Vegæ, sui Magistri, opinionem facile reijcit; non à motu materiæ, qui in partu fit, & qui neutram dispositionem constituit, sed à febre principium computationis desumendum esse: alioquin in omni febre ab humorum commotione principium desumendum esset: quod falsum est. Nam ante febrem agitantur humores, ex qua agitatione Capitis dolor, lassitudo, & fastidium nascuntur. Potuisset Vallesius Galenum citare, qui apertissimè docet. (Lib. 1. de Dieb. Decret. cap. 6. ait: Non enim idem sunt capitis dolor & febris: sicut nec vigilia, & cibi fastidium, & totius corporis grauitas, vel lassitudinis sensus:

verum singula hæc, diuersa quædam à febre existentia, febrem denunciant. Ante hæc, ait: nam morbi initium tempus illud ipsis putandum est, cum manifesto febricitare incipientes decubuerint) hominem non censerî agrum, quoties iam dictis accidentibus infestatur, sed tum tantum, quando functiones solito more exercere non potest, propter harum sensibilem læsionem. Magnæ ergo mutationes non propter materiæ lationem fiunt, inquit Vallesius, sed propter concoctionem, aut putrefactionem, quarum neutra in partu contingit.

Auicenna libro 3. Parte 21. Sect. 2. cap. 6. ait: Et si pepererit, mulier, deinde accidat ei febris: tunc si non computetur ex febre, & non nisi ex partu est illud error. Ex his constat, Auicennæ placuisse, modò à partu, modò à febre, quoties aliquo sequentium dierum accidit, principium computationis fieri debere; prout Interpretes Auicennæ confirmant. Nam inquit, si Partus naturalis est, atq; febris illi succedat, ex febre debet fieri computatio. Si partus est non-naturalis, ex eodem computatio fieri debet, & non ex febre, quocunq; die febris fiat ante expurgationem lochiorum. Naturalem partum illi appellant illum, in quo nec grauiâ symptomata, neque excrementorum accidit retentio; sed symptomata leuia fiunt, & rectè succedit expurgatio.

*Auicenna
opinio.*

Sed Vallesius autumat, hanc distinctionem esse aduersam Hippocrati, qui computationem facit à die febris in historia mulieris, quæ apud aquam frigidam in Thaso habitabat, cui partus erat non-naturalis, cum non esset expurgata.

Vallesius tamen non longè ab hac sententia recedit, aiens, in naturali partu, in quo nimirum debitè purgantur puerperæ, febres, nisi ex causa procathartica, superuenire non posse. Si tamen febris huic naturali partui superueniet, à febre, & non à partu, computatio fieri debet. Si verò partus est non-naturalis, à partu, & non à febre, computum faciendum esse docet: cum febris tali partui accidens ab eodem pendeat, eo modo, quo febris quædam, symptomatis instar, pendet ab inflammatione, aut magno vlcere, vulnere, alioque morbo. Si verum tamen à causa procathartica, & non à partu non-naturali, superueniet febris, ab hac computandum esse docet, & non à partu.

*Vallesij
opinio.*

Hæc est Vallesij sententia, eaq; satis implicata. Ab Auicennistarum

starum sententia se recedere fingit, in eam tamen sensim relabitur; præterquàm quòd maiorem rei obscuritatem addiderit. Vult ille, Partum naturalem esse eum, in quo puerpera integrè purgata est; & in hoc eodem nullam, nisi à causa procathartica, febrem superuenire posse. Postea tamen affirmat, si febris superueniet, ab hac, & non à partu, computationis principium desumendum esse. Quæ in re implicantiæ latent. Nam statuit ille febrem superuenire non posse mulieri quæ purgatur intra terminum purgationis. Cur ergo statuatur in partu naturali computationem à febris inuasiōe, & non à partu, faciendam, non capio. Nam si febris aliqua à causa procathartica superueniet, diaria erit, & consequenter omni fermè dierum computatione vacans. Quàm diu præterea benè expurgatur puerpera, nulla febris periculosa, aut longa timenda est. Si verò de febre, quæ post lochiorum integram purgationem superuenit, loquitur Vallesius, parùm appositè. Nam vltra purgationum tempus, non est ampliùs quæstio de partu; tunc enim omnis dierum computatio à solius febris superuenientis principio, & non à partu, inchoanda.

*Vallesius
perstringitur.*

Dixit præterea Vallesius rectè computationem factam fuisse à primo febris die in Vxore Philini, quia partus erat naturalis; nam purgata est ex præscripto naturæ, & cætera ritè disposita erant. Ego satè libenter admitto congruè ab Hippocrate factam fuisse computationem dierum ab inuasiōe febris: sed animaduerto, Vallesium negligenter examinasse Hippocratis contextum, & multò negligentius Galeni Commentarium in eundem contextum. Ait enim Hippocrates: Huic Cor (ventriculi scilicet orificium, ut in Comment. docet Galenus) & hypochondrium dextrum, muliebrium dolores, purgatio desita est. Ecce Hippocrates clarè docens purgationem cohibitam fuisse, etsi vsq; ad decimum quartum; & consequenter primis diebus, debite purgata fuerit, ut retulit idem Hippocrates. Hæc autem suppressio, & febris, & modò relatorum, ac aliorum præterea symptomatum in contextu enarratorum, causa fuit præcipua: ut in Comment. confirmat Galenus, inquiring: Mulieri enim huic ex retenta à partu purgatione, & morbus constitit, & mors. Et paulò post ait: Illud certè in omnibus mulieribus, quarum impedita est à partu purgatio, sciendum est, & memoriâ tenendum, esse, quæ in extremum mortis discrimen veniant. Perpau-

*Vallesius
refutatur.*

cas admodum, quæ modicè infestatae sunt; propterea quòd plurimis vterus inflammetur: quibusdam in ipso partu sanguis effusus, diuersa sit qualitate, his biliosus, illis melancholicus, alijs virulentus, aut pituitosus, aut mediocriter bonus: sed exquisitè inculpatus haud vnquam; nam eius optima portio in fætus incrementum est insumpta. Demonstrant naturam eius symptomata, quæ consequuntur cohibitam à partu purgationem: id quod huic accidit, de qua hoc loco verba fiunt. Rigor, acuta febris, sitis, biliosus affluxus, delirium, vigilæ, biliosi sunt humoris indicia abundantis. At verò conuulsiones, & palpitationes, & similis vrina iumentorum, crudi ea sunt, & crassi species. Itaq; morbi sunt pessimi, in quibus vtri-que memorati succi abundant; quibus succedere demonstrauius febrem semitertianam. Galenus etiam in historia mulieris, quæ apud frigidam aquam ægrotabat, consimilia dictis scripsit, hac ferie: Itaque videbitur, suppressâ à partu purgatione, incidisse mulier in morbum: quippe menstruum suppressio, non tamen perinde, vt si à partu supprimantur, officit: quod non abundantiam modò, sed insignem etiam humorum pariat prauitatem: Nam meliorem sanguinem ad se fætus nutrimenti causâ alliciens, relinquit; deteriore, causa est, vt prægnantes prauis humoribus impleantur, quos à partu euocat Natura. Quod cum Maiores animaduertissêt, *λογίῳ κενώσιν*, id est, puerperarum à partu vacuationem, excretionem sanguinis vocitauerunt. Est verò etiam menstrua vacuatio, non solum vacuatio, sed purgatio. Verùm non est æquabilis tamen multitudo vitiosorum humorum, neque pari spatio mensuis circuitibus congeritur, quanta dum partum gerit. In vniuersum, verò melancholicus apparet sanguis, quem à puerperio euacuant. Proinde etiam conspiciuntur vrinae omnibus infectæ esse, vt si fuligo quæpia in eas incidisset. Vnde Hippocrates in historia hac inquit, Die vndecimo vrinae multæ, tenues nigræ. Equidem, inquit adhuc Galenus, quandam noui, quæ talibus vrinis magnâ copiam euacuatis, auxilium percepit.

Vtteriùs Vallesius (post Auicennam) contra Galenum asserit, non à die quo peperit mulier, computationem dierum fieri debere, sed à primo tempore, quo dolores partus inuaserunt, quod tempus protrahitur quandoque ad plures dies. Verùm non Galeno solum, sed Hippocrati etiam aduersatur Vallesius. Nam Hippo-

Variis humoribus puerperio euacua:ur.

Praua Signa.

Semitertiana ex tenuibus simul, & crassis humoribus fit.

Abundantiam, & prauitatem humorum cohibita menstrua pariunt.

Lochia.

Melancholicus sanguis in puerperio apparet. Vrina nigra in puerperio: quandoque profuit.

Dies doloris ad quintum diem protrahitur ex Vallesio.

*Vallesius
perstringitur.*

crates à die febris inchoans enumerationem, diei partûs, & non antecedentium dolorum mentionem facit; Mulier, inquit lib. 3. Epidem. quædam, quæ apud frigidam aquam in Thaso ægrotabat; postquam filiam peperisset, nec esset purgata, tertio à partu die febre correpta est acuta, horrida. Multo tamen ante partum febriculosa decubuerat, cibumq; fastidierat. Hic enim partum accipit pro exclusione fatûs. Et clarissimè lib. 1. Epidem. Epicratis vxor, quæ ægrotabat apud Archegetem, instante iam partu rigore correpta est, non incaluit, vt ferebant; postridiè eadem erant; tertio die filiam peperit; cæteraq; ritè consequuta sunt: postridiè partûs eam febris acuta inuasit, cordis dolor, & muliebrium. Malè ergo ex

*Lemosius,
& Phrygius
perstringuntur.*

hoc loco Lemosius, & post Lemosium Phrygius, colligunt à prima hora doloris & molestiæ, computandos esse dies partûs, cum diebus antecedentibus, quibus hæc fæmina malè se habuit, dicat Hippocrates, instante iam partu; & postea referat, postridiè partûs.

Demùm Vallesius Hippocratis doctrinam Epidemicam, quæ doctrinæ allatæ Prognosticæ aduersari videtur, rejcit, dicens, quod Hippocrates in Epidemijs scripsit, non vt Præceptor, sed vt Obseruator: in Aphorismis verò, & Prognosticis, vt Præceptor. Hunc Vallesij errorem cæcutienter nonnulli sunt amplexi. Et quidem, perperam: nam ex dictis, alijsque consimilibus historijs, collegit Hippocrates vim Criticam Dierum Decretiorum, quos postea in Aphorismis, & Prognosticis, tanquam rem certissimam, scripsit. Nonne die vigesimo febris, & non partûs, obiit Philini vxor: nonne octogesimo die Epicratis vxor sanata est: octogesimo obiit mulier apud aquam frigidam; sexto die Dromeadæ vxor: mulier in mendacium foro decimoquarto etiam mortua est? Ex his constat, computationem à principio febris factam, ab Hippocrate tenacissimè obseruandam esse: quod fecit ipse Vallesius in vxore Philini, qui sibi contradicens, reliquas historias sua illa frigida interpretatione repudiavit.

*Vallesius
rejcitur.*

Existimo igitur, Hippocratem in Sententia Prognostica, simul & in Epidemijs, optimè loquutum: In Prognosticis, quoniam ille nihil aliud inibi dicit, præterquàm quòd mulieribus à partu fiunt iudicationes siue Crises; quod verissimum est. Nam post partum superuacanei humores copiosè, & affatim excerni solent, quoties Natura sui iuris est: secùs autem, cum febre, alijsq; affectibus puer-

*Conciliantur
locus
Hippocratis.*

pera corripitur. Galenus similiter intelligendus est, dum à partu, & non à febre dierum computationem faciendam iubet, vt Crisis, quæ à partu fit, obseruetur, seu potius, vt Crisis, quæ ex partu est, notetur. Græcus enim textus habet; ἐκ τῶν τοκῶν, id est ex partu. In partu enim maxima mutatio fit, maximaq; euacuatio Critica, hanc mutationem sequitur. Conceptus enim, abortus, & partus, in mulieribus eodem tempore iudicantur, quo & morbi, & sanitas, & mors mortalibus contingunt, inquit Hippocrates libro de Septimestri partu. Partus ergo morbo, qui iudicatur, rectè assimilari potest. Hæc quidem interpretatio integram relinquit Hippocratis doctrinam Epidemicam, quæ à febre superueniente, & non à partu, computationem faciendam docuit: & meritò, quoniam febris illa est nouus morbus, ex suppressione Criticæ euacuationis lochiorum superueniens. Galeni etiam doctrina, vt dixi, hoc modo saluatur: quoniam reuera à partu semper computandi dies euacuationis istius Criticæ lochiorum. Partus enim ipse, vnà cum euacuatione lochiorum, Crisis est. Vnde prægnationem, morbis quoad Criticam rationem, cōparat Hippocrates libro cit. de Septimestri Partu.

Partus eodem modo quo morbus iudicatur.

DE BIVM II.

ANsam dubitandi præbuere ea, quæ Hippocrates varijs in locis de reuersione, siue reciduatione dixit. Nam recidiua videtur esse alter morbus à primo morbo distinctus, cum remissionis interuallum, modò multorum, modò paucorum dierum intercedat inter primum morbum, & recidiuam. *Difficultas.*

At verò communiter asseritur, recidiuam, & primum morbum, efficere vnum numero morbum, dummodo recidiua ab eadem materia morbifica, à qua morbus antecedens dependebat, renascatur. Vidimus enim in varijs historijs Epidemicis, morbum per aliquot dies remisisse, & iterum recruduisse, deinde remisisse, & rursus exacerbasse. In memoriam reuocetur Anaxionis historia. Dicunt ergo, dies omnes exacerbationis morbi constituere morbum acutum: omnes verò dies simul sumptos, id est, dies febris, simul & remissionis, constituere vnicum morbum, sed longum, siue diuturnum. Galenus lib. 1. Epidem. Comment. 1. tex. 36. docet, in his morbis recidiuas iisdem circuitibus, quibus antea, iterum

rum iudicatas fuisse. Res hæc ex historia duorum Epigenis fratrum satis elucet.

*Recidivæ
author.*

Quodd ab eadem interna causa morbi primò excitati recidivæ nascatur, patet ex lib. 2. Aphorism. 24. Quæ relinquantur in morbis post iudicationes, recidivas facere consueverunt. Recidivæ quidem author; est omnis materia morbi nondum euacuata. Signum autem certum, quodd materia morbi nondum euacuata sit, est, quando Signa coctionis non apparent. Licet enim Symptomata non amplius sæviant, si coctionis Signa non adfuerint recidivæ expectanda; ut in superioribus cum Galeno in lib. 1. Prorethet. monuimus, dum de morfu Canis rabidi loqueretur. In Prognostic. Sect. 3. tex. 22. eandem doctrinam Hippocr. repetit, inquiens: Si quibus febris desinit, non cum indicijs solutorijs, neque in diebus decretorijs, recidivam expectare oportet. Adhuc Hippocrates recidivam expectandam docet, si alio die, quàm diebus Criticis ab ipso enumeratis, iudicium fieri contingat. Porro, inquit lib. 1. Epidem. Sect. 3. tex. 15. sciendum est: ut si aliter iudicentur extra hos præscriptos (dies scilicet decretorios, quos antè recensuit) significant recidivas fore, fiantque perniciales morbi. Lib. 4. Aphorif. 36. eadem doctrina habetur. Tumores etiam repentè evanescentes recidivam indicant ex tex. 68. Sect. 2. Prognostic. Similiter inconstantia Anni tempora recidivarum causæ sunt, ex lib. 3. aphorif. 8. Quando etiam diebus paribus Crises superueniunt, recidivæ timenda, ex lib. 2. aphor. 61. Febricitantem, nisi diebus imparibus febris reliquerit, solet reuerti. Libro 2. Epidem. item ait: Nisi in die legitima febris dimiserit, recidivare necesse est. Legitima autem dies potissimum est impar, aut qui imparis vim habet, ut decimusquartus, & vigesimus.

*Crises die-
bus pari-
bus factæ
sunt sus-
pectæ.*

*Computa-
tio dierum
in recidi-
vis.*

*Coctionis,
& crudi-
tatis Si-
gna docent
tempus
morbi hu-
moralis.*

Concludendum ergo cum Medicinæ Principibus (etsi cum renitentia id admittam, ut in superioribus innui) dierum Criticorum computationem fieri comprehendendo omnes dies, tam febriles, quàm febris expertes, à primo die usque ad ultimum. Quodd si primum morbi diem Medicus ignorat, tunc ad coctionis, & cruditatis Signa, & ad symptomatum lenitatem, & vehementiam, animus adhibere oportet: ex quibus conijcere poterit præsens morbi tempus.

DV BIV M III.

DVbitandianfam præbet incertitudo temporis, quo Crises apparet. Nam homines tribus morbi temporibus, principio, augmento, & statu, moriuntur, sananturque, saltem vi artis. Videmus porro quandoq; adhibitis remedijs morbos in principio, augmento, & statu, veluti iugulari, & omnino fisti. Videmus pariter aliquid Criticum, vel certè Crisi simile, ijsdem temporibus apparere. Vt res clarior euadat, in memoriam reuocanda morborum vniuersalia tempora, Principium, augmentum, status, & declinatio, de quibus nos libro 1. nostræ Pathologiæ in fine, & libro 1. huius tertiæ Partis cap. 18. Principium ergo in prima Significatione, idem est, ac primus insultus sensibilis (non verò insensibilis Phycus) morbi, qui simplex est, & latitudine caret (vt loquitur Galenus lib. 1. de Crisib. cap. 19.) à quo dierum Criticorum enumeratio religiosè fieri debet. Secundò principium accipitur pro toto illo tempore trium, aut quatuor primorum dierum morbi, si morbus est alicuius durationis. Nam qui perperacuti sunt morbi, & sanabiles, primis quatuor diebus omnia percurrunt sua tempora. Tertio principium accipitur pro toto tēpore cruditatis materiæ morbificæ. Has tres principij acceptiones habet Galenus cit. lib. 1. de Crisib. cap. 19. Post principium, est augmentum, secundum morbi tempus, in quo fit solemnis mutatio: Nam sensibilibiter augetur morbus, & Natura causæ morbificæ coctionem aggreditur. Augmento succedit status siue vigor, quem, si natura morbum superat, humorem morbificum coquendo, sequitur declinatio. Si verò in statu æger moritur, nulla subsequitur morbi declinatio. Si autem morbificus humor à Natura tum superatur, sequitur, vt iam dixi, declinatio. Et hæc est Temporum diuisio desumpta ab humore morbum efficiente.

Quandoq; ab ipso Galeno diuiditur morbus materialis in quatuor tempora, desumpta ab humoribus efficientibus tumorem. Primum tempus est, quando humor ad partem fluit, & tumorem excitat. Secundum tempus est, quando tumor augetur. Tertium, quando tumor statum accipit, & æqualis permanet. Declinatio, quando minuitur.

In principio, & augmento morbi iugulantur.

Quatuor morbi tempora.

Principij triplex acceptio.

Alia temporum diuisio.

*Tertia
diuisio.*

Tertiò morbū iuxta suā essentiā aliqui diuidunt in quatuor tempora. Sic principium intemperiei v.g. erit prima eius pars: augmentum, quando magis magisque intenditur: Status, quando iam intensā est: declinatio, si detur, quando essentia morbi minuitur. Quod de intemperie dicitur, idem de reliquis morbis dicendum.

*Quarta
diuisio
morbī in
suas etas-
tes.*

*Principiū
diuisibile,
& augmē-
tum, vnum
efficiunt
tempus in
tumoribus.*

Quartò, Tempora morborum statuuntur ex symptomatum natura. Nam in principio morbi symptomata leuia sunt: in augmento, morbi, & causæ morbificæ sæuiunt: in statu sunt sæuissimæ: in declinatione cessant.

Galen. lib. de morborum temporibus c. 1. loquendo de tumoribus, ait: Tempus itaq; nullum inflammationis generationi singulariter proprium attribuitur ab eo, quod augmenti est, diuersum, sed vnum est vniuersum à primo insultu vsque ad statum, affectu crescente. Sic habet etiam de Erysipelatis, omnibusq; alijs. Subsequenter de febre, quid simile refert: eam nimirum à primo insultu ad statum vsque augeri. Et paulò ante de inflammationibus simul, atque febribus verba faciens, docet horum affectuum principium esse eiusdem speciei cum reliquis partibus, & has à principio, ratione solius magnitudinis, differre.

*Quatuor
inflammationis tem-
pora.*

Libro de totius morbi temporibus cap. 3. distinctè variorum morborum tempora exponit. Docet enim totum generationis inflammationis siue phlegmones tempus, quo nimirum humores ad partem influunt, esse principium. & postea ait: Cum autem influxus cessauerit, & quod in particula inflammatione obfessa continetur, putrefieri inceperit, calor quidam ob putredinem nascitur, & fusio magis propter calorem, vnde etiam spiritus (id est tenuis vapor) generatur: atq; qb hac ambo particula magis, quàm antea distenditur, etiam si nihil influat: Secundum hoc tempus est inflammationis augmenti. Porro cum in pus iam vertitur, maximi videlicet dolores partem tunc apprehendunt; nam in puris generatione dolores, febrisque magis, quàm iam factò, infestant: vocatur autem huiusmodi tempus vigor affectionis. Si autem fluor (melius, humor) qui suppuratur, vel digeritur, minorem tumorem, & tensionem reddat, huiusmodi est declinationis principium. Sic quidem in inflammatione tempora diuiduntur. In febre, quæ ex illa provenit, eadem tempora consistunt.

Quæ ex humore citra inflammationem proficiscitur (febris), hu-

morum molestantium cruditatis tempus, principium ponendum est. Vbi concoqui coeperint, initium finiri; Secundum autem tempus, quod ascensum nominant, accedere. At cum ipsa concoctio maximè conficitur, vigor. Inde rursus declinatio, quâ quidem, & symptomatum magnitudo, & humorum copia cessauit; restat verò modicum in ea humorum adhuc, qui concoctionem requirant. Et quibusdam interpositis, ait.

Tempora febris.

In declinatione est humor crudus, sed modicus.

In præsentia verò tantum dixisse modò sufficit, quòd vlcerum quoque eadem sunt tempora. Primum enim sanies aquosâ, incoctâ, & tenues ex ijs defluunt: (Et hoc est principium): inde pauciores, & crassiores, (& hoc est incrementi tempus): Postea iam pus tenue, (& hoc est tempus statûs, seu vigoris): Postremò, minus quidem copîa, sed crassius, & albidum magis redditur. Quapropter nullus morborum, qui soluuntur, est, qui non quatuor hæc tempora percurrat: non tamen ex quodam alio, quam cruditatis, & concoctionis Signis, quæ excrementis deprehenduntur, cognitio ipsorum constat. Nam quis ignorat ventriculum malè concoquendi munus obijssè, deiectiones nondum in chylum mutatas contemplatus? Quis nescit vrinam in vasis ipsis concoctione esse frustratam, aquosam conspiciens? Quis tenue sputum in pleuritide, vel peripneumonia redditum similiter intuens, non intelliget morbi adhuc esse principium? Sic etiam in Lippitudine, principio quidem copiosus humor, tenuis, & incoctus plurimùm defluit: deinde (id est tempore augmenti) paucior, crassiorque, notam quandam concoctionis accipiens: Postea temporis processu (id est in statu) copia decrescere, consistentia verò ad crassitiem spectante, adeò concoctionis Signa augentur, vt etiam palpebræ dormientium inde conglutinentur. Is humor, & ipse primùm tenuis, & copiosus, temporis etiam spatio paucior, & crassior euadens, morbi concoctionem, eiusque declinationem ostendit. Quinetiam humorum, qui è cerebro per palatum, & nares defluunt, initium quidem est, cum aquei, tenuesque, item copiosi, & acres apparent; extremam enim hæc cruditatem indicant. Concoctionis notæ iam sunt, crassior & minus acris, & modicus humor descendens. Quod si mucosus, & blena, vt dicunt, simul egrediantur, certius iam hoc est concoctionis indicium: quemadmodum si crassiora, paucioraque reddantur, multò magis concoctionem innuunt. Atque hæc sanè mor-

Vlcerum quatuor tempora.

Tempora humorum morborum ex cruditate, & coctione dignoscuntur.

Lippitudinis, siue ophthalmia quatuor tempora.

Catharri quatuor tempora.

borum tempora sunt, ex quibus ægri seruantur. Hæc appositè Galenus de modo dignoscendi quatuor morbi tempora in quibusuis ferè morbis.

*Crisis bona
semper in
statu fit:
rarò benè
in aug-
mento.*

Quancquàm dictæ morborum in sua tempora diuisiones, à Medico obseruari debeant, ab eo tamen præcipuè obseruanda est illa diuisio, quæ à cruditate & coctione humoris morbifici desumitur, vt futuram prænoscat Crisim. Nam dum humores concoquuntur, & superantur à Natura in statu, tunc bona Crisis fieri consuevit: mala verò in augmento, & statu morbi, quandoq; autem in principio, coctionis Signis non apparentibus, non rarò accidit. Galenus lib. 3. de Crisib. cap. 10. ait: Diximus optimas Crises in statibus fieri; in augmentis verò, si salus sit subsequutura, vel imperfectas, vel non securas: in morituris autem, vel subito interimere, vel magnam ad peius facere mutationem.

*Cui ex
pluribus
diebus Cri-
sis tribuen-
da.*

Præter hæc obseruandum est, quoties duobus, aut tribus diebus Crisis celebrari deprehenditur, Crisim tunc tribuendam diei Critico, & quidem fortiori, si plures concurrunt dies Critici, vt ex Galeno colligitur libro 1. de Dieb. Decret. cap. 8.

DVBIVM IV.

QUæritur à multis, quomodò prænosci possit dies, & hora Mortis à Medico? Galenus lib. 3. de Crisib. cap. 10. expressè rem hanc examinat, eamq; cognitu difficilem esse narrat.

*Mala
Crisis vix
prænoscu-
tur, bona
autem fa-
cile.*

Ideoq; antequam se Medicus accingat ad prænosendum, vtrum malæ Crises futuræ sint, & secundò, an hoc die, & non alio; & tertio, an statim hominè interficient, an tantum nocebunt, prius exercitari oportet (inquit Galenus) in optimarum Crisium præcognitione: deinde in ijs, quæ non sunt optimæ, sed bonæ tamen; ac deinceps ad malas descendere. Sicuti enim in his est plurima incertitudo, & coniectura, ita in bonis scientia, & firmitas præualet. Determinati siquidem sunt, atq; ordinati naturæ motus, cum valida fuerit, & materiæ dominatur, & suis proprijs rationibus operatur: indeterminati verò, atque inordinati, atq; idè incogniti, quando succumbit (natura). Cur autem quandoque intempestiui assultus fiant, causam esse dicit morbi violentiam, quæ irritatrix, & acuta est. Natura enim talem irritatricem violentiam tolerare nequit;

*Intempe-
stiu assul-
tus causa,
& Signa.*

vnde

vnde statim ad expellendum id, quod infestat, properat: Sicut & in ijs, quæ ventrem, aut stomachum mordent, torquent, frigesciunt, & grauant, siue quouis alio modo stimulant, licet aperte inspiciere: Quæ enim supernatant, per vomitus expellere tentat: quæ verò inferiora occupant loca, (id est fundum, & parietes) per sedem excernit. Et hoc est quidem maximum Signum Crisis intempestiua. Quæ enim tempore opportuno fiunt Crises (quod sanè idem est, ac in statu morbi, & coctionibus) etiam si nullum adsit irritamentum, in calidis, & magnis morbis videmus accidere. Quæcunq; verò *προεκήρυγται*, id est prærumpunt (vocat autem sic Hippocrates lib. de Humoribus omnia, quæ ante statum ad Crisim ruunt) ob aliquod irritamentum id patiuntur; & tanto deterior fit, quàm illa, quæ in statu fit, quanto magis anticipauit. In exitiabilibus autem morbis eodem modo se res habet: Neq; enim Crisis, statim tempus expectat, aut admodum rarò: sed maxima ex parte in augmentis interficit, vel in principijs. Et, si aliqua dies indicatrix futuram Crisim præostendit, simul malam futuram præostendit. Age enim in quarto die visa sit primùm nebula in vrinis nigra, vel suspensio nigra, vel tale aliquid huiusmodi: sint verò & omninò alia Signa, & accidentia perniciofa: morietur quidem omnino hic ægrotus. Sed, si in imparibus quidem accessio facta fuerit, septimo die Crisis accidet: Si verò in diebus paribus, in sexto. Certiorem verò tibi expectationem faciet morbi motus: Si enim acutè moueatur, Crisim accelerantem con significat, hoc est, in sexta venturam: Si verò tardè, ad septimam differetur. Cùm verò dies indicatrix nullum de mala Crisi futura Signum ostenderit, neq; eius præcognitio facilis est. Oportet tamen hîc animaduertere ea Signa, quæ à me dicentur. Est autem primum, & maximum in morbis mortalibus Signum, quòd sine Crisi mors sit subsequutura, virium imbecillitas: Nam virtus ita prostrata, ad pugnam contra morbum non excitatur. Secundum verò, si nullum adsit Signum, vel minimum, coctionis: & præter hæc, si magnus sit morbus, atq; malignus, atq; etiam celeriter moueatur. Cùm enim hæc affuerint, omninò absq; Crisi Mors subsequetur.

Mortis autem dies præcognoscitur, quanto superat morbus naturam, considerando, & grauiore accessiones inspiciendo. Si enim effatu dignus fuerit excessus (morbi supra naturam) & parùm resistere

In morbis lethalibus Crises mortalitatem expectant, sed in augmento, aut principio interficiunt.

Signa mortalia die indice.

Non apparet villo Signo die indice vix mala Crisis prænoscentur.

Certa mortis Signa sine Crisi, maxima virium imbecillitas: cruditas: morbus malignus celeriter motus.

Modus dignoscendi diem mortis.

*Quomodo
venanda
hora mor-
tis.*

stere adhuc vis naturæ videatur, mors citò subsequetur: Si verò contraria affuerint, tardiùs. Sit igitur, gratiâ Exempli, multus quidam excessus, non tamen manifestus, an ad vnum diem, vel duos extendi poterit: hoc verò distinguetur accessionum circuitibus. Quo enim die debet accessio fieri, in illo morietur. Et, quâ eiusdem diei horâ accideret, iam est dignoscere faciliè, si meminerimus in vniuersum eorum, quæ paulò ante diximus, in quibus morbis principia accessionum maximè afferunt mortem, in quibus verò status, & declinationes. Particulatim verò in singulis ægrotantibus præcedentium dierum recordatio, tibi plurima monstrabit. Si enim ex ipsa morbi idæa quispiam nequeat prænoscere, in qua parte maximè accessionis morietur, ea quæ in superioribus diebus contingere, ad memoriam reuocans, qua maximè eorum parte grauissima, atq; exitialia accidentia sustinuerunt, hic etiam poterit de futuris coniecturari. Sit rursùs verè cognitum, quod morbus sit exitialis, & non multa virium prostratio: primùm ex hoc constat, mortem non esse propinquam: deinde inquirendum est, si possit fieri Crisis: Huius verò inuentio habetur ex contemplatione Virtutis quomodò se habeat, atq; ipsius morbi motus, ac præterea Signorum coctionis. Si enim Virtus robusta fuerit, & morbus velociter moueatur, & aliquod Signum coctionis affuerit, non est extra rationem, quòd Natura tentabit Crisim. Quòd si Virtus quodammodò labet, ac morbus tardum motum habuerit, nullumq; affuerit Coctionis Signum, in hoc subsequi Crisim non contingit. Quod autem, si morbus sit fortior Virtute, non necessariò Virtus ipsa sit debilis, nos alio ostendimus libro, &c.

*Quando
tentat na-
tura Cri-
sim, &
quādo non.*

In transcripti iam textûs principio, bonas, malasq; Crises inter se Galenus confert: & futuras Crises malas summa cum difficultate prænosci docet. Vnde prudente & exercitato Medico opus est, qui primò scire valeat, nunquid futuræ sunt; & posito, quòd superuenturæ sint, secundò prænoscere debet quo die; & tertio an confestim ægrum interficient, an solummodò lædent. Bonarum verò Crisium prænotiones certæ sunt, & stabiles; quoniam Natura, quæ bonam molitur Crisim, valida est, & sui iuris; ideoq; materiæ morbificæ prædominatur, suosq; motus, & circuitus, à re nulla impedita, regulariter possidet. Ex aduerso in malis iudicijs Natura est imbecilla, & à materia morbifica veluti obruitur, ideoq; incertos,

inor-

inordinatosq; habet motus, & consequenter incognitos, aut saltem cognitu difficiles. Cùm ergo nonnisi ex bonarum Crisium prænotione malæ Crises prænoscantur, in bonarum Crisium prænotione, de qua Galenus lib. 3. de Crisib. cap. 4. se Medicus exerceat oportet. Rectum enim est index sui ipsius, & obliqui.

*Videndum
hoc caput.*

Cæterum, quoties natura in malignis morbis omninò vincitur superaturæ, iudicium efficere nequit; imò nec resistere: & si præsumper ad pugnam exurgit, confestim tamen vincitur à morbi violentia, quæ eandem naturam, etiam inuitam, ad pugnam vocat, & irritat: Irritata enim sese accingit ad expulsionem eorum, quæ irritant, quòd ea tolerare nequeat, & perindè quidem atq; solet in ijs, quæ orificium ventriculi, & ventriculum ipsum infestant. Nam, sicuti ventriculus ad noxiorum expulsionem irritatur, similiter & partes cæteræ corporis: Vnde quoties hæ ante coctionem humorum superfluatorum, & ante vigorem morbi, in quo eadem coctio celebrari consuevit, irritantur, intempestiuum fit iudicium, veluti tempestiuum, quoties excretio fit apparente coctione, & in morbi statu, quo tempore Crisim fieri in ardentibus febribus, dum Natura sui iuris est, & à rebus valdè molestis non irritatur, sed humorum morbifico, quem vincit, prædominatur, fieri conspiciamus. Iudicium verò, quod ante vigorem fit, eò deterius est iudicio, quod in eodem vigore contingit, quò magis anticipat. Intempestiuorum ergo iudiciorum causa interna, est causæ morbificæ malignitas, aut morbi violentia, aut accessio, vti in superioribus latè docuimus.

*Dum bona
Crisis fit
irritatio
etiam ne-
cessaria est,
sed non a-
deo violen-
ta est ac il-
la, qua in-
tempestiue
naturam
exercent.*

Postea ergo perniciosorum etiam morborum iudicia intempestiua esse docuit; quòd videlicet vigoris tempus non nisi rarò admodum expectent, sed maxima ex parte in morbi augmentis, aut principijs interficiunt. Quibus verò Signis perniciofa hæc iudicia prænoscantur, deinceps ostendere pergit Galenus in contextu, loquendo de contento nigro in vrina apparente die indice. Reliqua per se clara sunt: Sicuti tria illa, quibus prænoscutur mors sine Crisi in perniciosis morbis futura.

Pergit rursus Galenus diei, & horæ, in quibus æger moriturus est, prænotionem expiscari: Et duobus ex capitibus hanc prænotionem erui docet: quorum primum est, quod debet Medicus dignoscere iam quantum morbus naturam superat: Secundum est, quod tenetur scire Medicus grauiore siue maiores accessiones,

*Quæ scire
debet Me-
dicus, ut
mortem
prædicat.*

qui.

quibus æger infestari solet. Si igitur morbus plurimum superat vires, & hæ parum resistunt, mors in foribus est. Si contingat, morbum superare naturam, siue vires, non tamen plurimum, & has easdem vires multum resistere, tardior erit mors. Supponamus præterea excessum illum, quo morbus naturam superat, esse satis notabilem & magnum; quomodo tunc Medicus prænoscere poterit, an prorogabitur mors ad vnum, vel ad duos dies? Respondet Galenus, rem ex accessionum reditu dignosci: Nam æger morietur eo die, quo accessio siue paroxysmus aduenire solet. Quo .n. die accessio futura est, eo morietur æger, vt loquitur in contextu Galenus.

*Dies mor-
tis.*

Nec diem mortis tantum prænoscere sufficit, sed præterea prænosci debet hora diei, quâ æger morietur: Quæ quidem facile dignoscetur, dummodo in animum reuocentur ea, quæ Galenus docuit cap. 9. lib. 3. de Crisib. Docet autem inibi, sine vlla Crisi quosdam mori in accessionum principio, quosdam in augmento, alios in vigore accessionis, & alios in eiusdem accessionis declinatione. In ipsa autem accessionum inuasionem multi moriuntur propter magnam aliquam phlegmonem, partem principem obsidentem, aut propter multitudinem, aut crassitudinem, aut tenacitatem humorum intrò confertim confluentium, vt meatus spiritus omnino obturent. Suffocatur enim tunc natiuus calor ab humorum aceruo, impediante aëris per meatus internos transmeatum, & ab eorundem humorum fumo, etiam calorem naturalem extinguente. Quandoq; in augmento, & vigore accessionis ægri moriuntur, à nimia accessionis vehementia oppressi, atq; superati. At verò in declinatione præ virium imbecillitate quâdoq; ægri moriuntur. Nam in fine accessionis calor natiuus ad exteriora corporis immodicè expansus, atque diffusus omnino resoluitur. Vnde nonnulli ventrem tunc exonerantes, mortui sunt.

*In quatuor
temporibus
accessionis
mors super-
uenire po-
test.*

*Cur in
principio
accessionis
quidam
moriuntur.
In augmē-
to, & vi-
gore mo-
riuntur al-
liqui.*

*In decli-
natione
cur mo-
riuntur.*

Itaque æger moritur, aut quando febris & calor ipse natiuus ad intima corporis reuocatur, vt in accessionis principio contingit, vel quando ad exteriora vergit, vti in augmento, vigore, & declinatione accessionis euenit.

Caterum, præter iam dicta, vltcrius præsentire oportet, quæ accessionis parte grauius infestabatur æger præcedentibus morbi diebus: nam si in principio accessionis multò magis, quàm subse-

quen-

quentibus temporibus, Natura opprimebatur, eodem tempore futura accessionis mortiferæ morietur æger. Simile pronuncandum prius examinatis reliquis accessionum præcedentium partibus. Si verò febris accessionibus careat, saltem aliquâ diei horâ multò magis, quàm alijs infestare; Dum autem vires sensim languescunt, consimili horâ, quâ eadem febris magis infestare solebat, æger morietur. Plinius Mortis horam constituit maris refluxum siue recessum, quæ Sententia à paucis amplectitur.

*Horæ
mortis
quomodo
venanda.*

*Tempore
refluxus
mors acce-
dit iuxta
Plinium.*

Hæc Galenus de modo prænoscenti diem, & horam mortis; Modum prænoscenti salutem Crisim, eventumq; bonum, exponit lib. 3. de Crisib. cap. 4. in quo multa effatu digna ipse refert; quæ omnia ex hæcenus dictis facillè colliguntur.

DE CRISIBVS.

Ansam litigandi magis, quàm dubitandi, mihi præbet Prosperus Martianus, Medicus Romanus, qui in suis Notationibus in lib. de ratione Victus in morbis acutis, Galenum in recensione dierum Criticorum, non solum spernit, sed arguit, quòd diem Medicum vigintiquatuor horis constare contra Hippocratem affirmaverit, cum Hippocrates dies acceperit pro vulgaribus. Nec solum diem pro artificiali, qui est tempus ab ortu Solis ad occasum extensum, accipit Martianus, sed pro tempore primum morbi insultum, & Solis occasum intercedente.

Diem primum morbi pro tempore, quod à principio morbi ad Solis occasum excurret, accipit Martianus.

Sigillatim ad Martiani argumenta respondendum, eius verba minutim examinando. Cum igitur, inquit, tanti existimaverit Hippocrates ea, quæ ad numerum parem, & imparem spectant, plurima Artis parte priuantur illi, qui dies singulos ab ea hora inchoantes, in qua æger primum laborare capit, nullam ferè diem habent, quæ simpliciter par sit, aut impar. Quia si quis v. g. in meridie à morbo corripiatur, diei pars ante meridiem impar erit, par verò post meridiem, & è contra, si pars, ante meridiem par fuerit, reliqua pars impar erit: quare nec quo die, iuxta Hippocratis præcepta, purgare expediat, determinare poterunt, nec symptomatum superuenientium virtutem iudicare. &c.

Summa cum iactantia Martianus inscitæ Medicos arguit, dum splendidis verbis eos Prognosticæ fundamento carere promulgat.

*Martiani
vanitas.*

Sed vtinam sui ingenij imbecillitatem prius animaduertisset, antequam cunctos Medicos ignorantia titulo, in re tam graui, fœdare conaretur. Sanè hæc eius in Galenum, aliosque omnes Medicos, iurgia, quàm argumenta magis feriunt, etsi vtraque solius vanitatis indicia extent, & omni carentia robore. Dum enim ille refert, Medicos, qui dies singulos in morbis inchoant ab hora, in qua primum æger laborare capit, nullam habere diem simpliciter parem, aut imparem, longè errat. Nam nullus Medicorum, quod sciam, singulos morbi dies à prima morbi hora inchoare dixit, sed primum solummodò morbi diem à tali prima morbi hora, seu à certo quodam diei tempore exordium desumpsisse aiunt: secundum verò diem non à prima hora morbi, sed à primo morbi die: sicuti tertium à secundo, quartum à tertio, & ita de reliquis. Perperàm ergo Martianus imponit Medicis, qui nunquam tam ridiculam doctrinam excogitarunt.

Martianus perstringitur.

Martiani nugæ.

Quando ait, Medicos, qui à prima morbi hora exordium computationis dierum Criticorum eruunt, non habere simpliciter parem, aut imparem diem, non minori inscitia loquutus est. Nam ille tres constituit diei artificialis partes; Meridiem, tempus Meridiem antecedens, & tempus consequens; & nugatur paritatem in his, modò imparitatem constituens, cum Medici paritatem, & imparitatem inter dies, non diei partes, acutissimè animaduertant.

Prima dies morbi potest esse hora quæ drans ex Martiano.

Dies artificialis est dies Medicus iuxta Martianum.

Longè post, ait: Quapropter cum Hippocrâtes in enumeratione dierum in morbis vulgarem vsus sit sequutus, primam diem appellans totum illud tempus, ex quo æger laborare incæpit, vsque ad occasum Solis: reliquos verò subsequentes accipiens à Solis exortu terminantes in occasum, ab eius computandi modo non est recedendum. Quandoquidem si Galenus quamlibet diem ex vigintiquatuor circiter horis constituit, nec à Præceptore edoctus, neq; ab experientia permotus id fecit, sed quia alia ratione causam dierum Criticorum assignare non potuit.

Vt nouæ huic doctrinæ robur aliquod adjicere videatur Martianus, omni carens fundamento, æquiuoca, & falsa accumulare non veretur. Dicit enim, Hippocrâtem in enumeratione dierum in morbis, vulgarem vsus sequutum esse: quæ verba distinctione regent: Nam in enumeratione Symptomatum morbi, maioris claritatis gratia, diei artificialis meminit, prout à nocte distinguitur.

Nec

Nec solius diei artificialis, vt malè supponit Martianus, meminit Hippocrates, sed præterea noctium artificialium; vt patet ex libro 3. Epidem. Ægroto 11. vbi loquendo de Oeceatæ vxore, inquit: Tertio die plura, ac peiora: nocte nihil dormiuit: quarto delirauit. Et sequenti Ægroto 12. in historia mulieris, quæ decūbebat in mendacium foro, ait: Iterumque nocte superriguit: & paulò post nocte grauius se habuit. Item in quarta historia, quæ est de Philista, ait: Dolor nocte grauior: & paulò post; noctem habuit molestam. Eodem libro 3. Epidemior. Sect. 1. loquendo de eo, qui in Dealcis horto decumbebat, ait: nocte non dormiuit; & in die sequenti quinto: nocte nihil dormiuit, delirauit. Libro 1. Epidem. in historia penultima Sect. 3. loquendo de muliere, quæ in littore decumbebat, ait: nocte cum molestia non dormiuit, alius turbata est biliosis, meris, paucis. Hæc enim die tertio contigisse docuit. Postea ait: Quinto acuta febris, hypochondrij dolor, prauè delirauit, excrementa alui biliosa, nocte sudauit, febre liberata est. Ægroto 12. ait: Quidam calescens cænauit, & potauit largiùs, vomuit cuncta, nocte febris acuta, hypochondrij dextri dolor, submollis in partibus externis inflammatio, noctem molestè transegit. Et paulò post: Sexto vesperi multum delirauit, nec nocte dormiuit: & die septimo, noctem similiter laboriosam habuit. Ægroto 11. Postridie eius diei, quo riguerat, alius commodè reddidit: vrinæ crassæ, albæ, turbidæ, cuiusmodi sunt, quæ in matellis subsederunt, cum agitata fuerint: repositæ multo tempore non subsidebant: nocte non dormiuit. Tertio die circa meridiem superriguit, febris acuta, vrina eadem, hypochondrij dolor, fastidiosa, nocte magna cum molestia non quieuit, sudor vndiq; frigidus, è vestigio calor illi redijt. Hæc contigere Dromeatæ Vxori. Ægroto 10. qui est Clazomenius, die quarto de nocte desipuit. Ægroto nono ait: Critori in Thaso, recto ambulanti, pes dolere ex pollice vehementer cepit: decubuit eodem die, horrescens, fastidiosus, parùm calens: nocte desipuit. Ægroto octauo ait: Erasimus qui propè Bootæ torrentem habitabat, igni est à Cæna correptus: noctem habuit molestam. Diem primum quietè, noctem laboriosè transegit: altero die omnia exacerbata sunt: nocte delirauit. Tertius dies laboriosus fuit, multum delirauit. Quartus fuit molestissimus, nocte nihil dormiuit, insomnia, imaginationes.

Diei artificialis patet & noctis ad symptomatum recognitionem meminisse Hippocrates.

Noctem quinti diei sudor Criticus agræ liberauit.

Vrina iumentorum vrinis similes.

Critorus dum ambularet cepit agrotare.

Martianus perstringitur.

Nocturne grotæ nonnulli incipiunt.

Dies Critici noctes complentur.

Ex his constat, Hippocratem non solum die vulgari, sed nocte usum, ut plenè exponeret, pleraque symptomata, quibus ægri, quos visitabat, afficiebantur. Idque fecit, non quod hunc artificialem diem Criticum constitueret, sed diem potius naturalem: ut mox probabo, postquam monuero Lectorem de grauissimo Martiani errore, dum primum morbi diem appellat tempus illud, quod inter morbi inuasionem, & Solis occasum intercedit, & diem accipiendum esse ab ortu Solis ad occasum, & hunc diem esse Criticum in Hippocratis doctrina. Sanè ridiculum est, & ab Hippocratis mente valdè alienum, horæ quadrantem, aut breuiusculum tempus, quod posset aliquis ante Solis occasum agrotare, pro die in re Medica accipere; cum ipse Hippocrates libro de Septimestri Partu, quem in sui fauorem citat Martianus, expressè mediam diei partem à die distinguat, & diei partem culam, à media diei parte. Cum igitur à mente, & consuetudine Hippocratis longè recesserit Martianus, protenus deferendus est, & in sua inscitia relinquendus. Præterea non solum in die, sed in ipsa nocte, & consequenter post Solis occasum, quis agrotare potest; ut quotidiana experientia nos docet, & testatur Hippocrates citato Ægroto duodecimo, Sect. 3. lib. 1. Epidem. Ergo à nocte tunc, & non à die, Dierum Decretorum computatio fieri debet, contra Martianum, qui noctes à diebus morbi excludere videtur, & dies tantum artificiales Criticos appellare; quanquam nocturno tempore Crisis fieri possit, ut testatur Hippocrates in historia citata mulieris, quæ in littore decumbebat, quæque noctu sudauit, & à febre liberata est.

Quod autem dies Critici noctes comprehendat, patet ex multis historijs Epidemicis, in quibus solius diei, & non noctis, fit mentio; & quando occurrit aliquid de somno, dicitur dormiuit, aut non dormiuit, aut male dormiuit, aut quid simile. In doctrina pariter Aphoristica, & Prognostica, dies Criticos, noctes non nominando, recenset. Menses quoque diebus, non noctibus metiri consuevit Hippocrates libro de Septimestri, & Octimestri Partu. Astronomi annum tot diebus constare dicunt. Hinc constat, Hippocratem in enumeratione dierum Criticorum diem naturalem intellexisse, etsi, ut exactius posteritati, quæ in ægris obseruabat, exhiberet, diei artificialis frequentissime meminisset. Quod autem dies naturalis inchoandus sit à primo morbi sensibili insultu, manifeste

varijs in locis ostendit Hippocrates. Crito superius nominatus, ambulans factus est æger, & postridiè mortuus est. Similiter lib. 5. Epidem. tex. 45. quendam introducit adolescentem, qui à cursu per viam asperam gangræna in calcaneo fuit correptus; in cuius historia dies numerat decretorios ab illo cursu; vt patet ex his eius verbis: Dies autem omnes à cursu vixit viginti. Nonne hoc est, ab hora, aut tempore sensibilis læsionis exordiri dierum computationem.

*A quo tẽ-
pore enu-
merandi
dies morbi
iuxta Hippo-
cratem.*

Quod autem nox præcedens diem artificialem, possit esse principium primi diei Medici, patet ex illo, qui calefcens cænavit, & nocte febre acuta laboravit. Patet etiam ex Erasini historia: is enim à cæna igni siue febre est correptus, & noctem habuit molestam. Vix autem dubitari potest; hos post Solis occasum cænasse; cum noctu cænare soleant omnes Nationes. Insuper, non in cæna, sed tardius caperunt isti agri febricitare. Et si aliquis contentiosus pro Martiano primam noctem (quæ fuit primum morbi tempus) pro primo morbi die accipere vellet, id indoctè ex suo cerebro depromeret: quoniam ex Hippocrate Erasinus noctem illam primam molestam habuit, & diem primum quietè transegit. Si verò nox, quæ fuit primum ægritudinis tempus, molesta fuit, dici non potuit primus dies artificialis, qui fuit mitis, nequaquam verò molestus. Si adhuc pro Martiano tenaciùs vellet intercedere contentiosus, asserendo Hippocratem pro prima illa die quietà accepisse diem vulgarem ab ortu Solis ad occasum, quo in sensu diem accipi Martianus decrevit; & huic diei noctem subsequenter, non antecedentem, copulari; Responsum præsto est, concedendo diem illi, prout à nocte distinguitur, accipi, sed eidem diei, vt ex eo, simul & nocte dies naturalis, & Medicus resulet, non subsequenter noctem, sed antecedentem adnectendam. Nam si nox subsequens vnà cum præcedente ei adijceretur, dies talis ex duabus noctibus, & vno die constans, naturalem diem multum excederet. Si autem nox subsequens sola ei diei adijciatur, quid fiet de prima morbi nocte, quæ diem minimè constituit, vt paulò ante ex Hippocrate docuimus? Superest ergo, vt primus morbi dies suum desumat exordium ab illa noctis hora, aut tempore, quo incæpit sensibilibiter ægrotare æger: qui dies ad simile tempus subsequenter protrahitur.

*Nox potest
esse princi-
pium diei
naturalis,
& Medici-
ci.*

*Dubio oc-
curritur.*

Obiectio.

Solutio.

Diem artificialem, & subsequenter noctem simul, ad diem natu-
ralis,

*Non sub-
sequens
diem arti-
ficialē, ad
naturalis
diei consti-
tutionem
concurrere
potest.*

*Martia-
nus per-
stringitur.*

ralis, & Medici constitutionem coire, quoties morbi contingentia, aut incidentia id subindicat, patet ex historia mulieris superius relatæ, quæ nocte sudauit, & à febre liberata est. Si placeret alicui hanc noctem in qua Crisis contigit, esse principium sequentis diei, perinde nobis, est.

Quod attinet ergo ad id, quod fuit Martiani præcipuus scopus, partem quamuis primi diei, in qua ante Solis occasum morbo æger correptus est, habere rationem diei, merum est figmentum. Nam præterquàm quòd ridiculum esset quadrantem vltimum horæ vltimæ diei artificialis, in quo aliquis morbo corripì posset, pro die accipi, doctrina est contraria principijs Hippocratis, qui nullibi id docuit; imò contrarium. Nam primos septem morbi dies, siue primam hebdomadam, integrè (deficientibus fortassis quibusdam particulis vniciue, vt in Prognosticis monuit) numerat, alias verò hebdomadas non ita. Similiter libro de Septimestri Partu, menses septem partus enumerando docet plus quàm viginti dies superesse, vt septimus compleatur mensis. Vult ergo Hippocrates, primos menses integros esse, & si notabilis fuerit defectus, hunc in vltimum incidere mensem. Et quod ita rem fieri ratio persuadeat, docti omnes nôrunt, imò & mulierculæ grauidæ, quæ primos menses integros recensent, vltimum non ita. Nam sufficere aiunt ad nonum peruenire mensem, non eum completè percurrere.

*A Mar-
tiani im-
postura
vindica-
tur Gale-
nus.*

Quod dixit Martianus, Galenum suam sententiam de diebus naturalibus, & decretorijs experienciâ non didicisse, longè fallitur; cum nihil magis cordi Galeno fuerit, quàm dies Criticos experientia explorare etiam ab adolescentulo. Vnde testatur se vidisse, vna in æstate quadringentos ægros, septimo, & nono die iudicatos: dicitq; ingenuè se Hippocratem in doctrina Critica, veluti in reliquis sequutum. Parùm ergo oculatè Galenum Martianus perstringit, qui sine eodem Galeno, nec Hippocratem intèllexisset, nec ex re Medica, nisi permodicum fructum collegisset. Hic ergo huius Libri finis esto Pridie Vigilæ S. Matthæi Apostoli An. 1652.



NELLANI (aliàs NIGELLI)

GLACAN, VLTONIENSIS

HIBERNI,

SEMEIOTICA.

LIBER TERTIVS,

De Pulsibus.

CAPVT I.

De Necessitate huius Doctrinae.



On mediocris est doctrinę de Pulsibus vtilitas, cum Pulsus Vitalis Facultatis, & roboris, tam Cordis, quàm vniuersi corporis, certissimus nuncius extet. Præsentem ergo eiusdem facultatis Vitalis dispositionem quamcumque, siue naturalem, siue præter naturam, nobis demonstrat, & futurum in morbis euentum non rarò. Vt autem sanitatis integritatem ex pulsu dignoscimus, ita ex eodem statum sanum ab ægro discernimus. Vnde Medico sanitatem conseruanti, & iam lapsam rescienti, pulsus cognitio protenus necessaria censetur. Pulsu namque corporis potissimum intemperiem, maximè verò calidam, quotidie venamur Medici: vt contra quosdam Methodicos, eosque proteruos, docet Galenus lib. 10. Methodi cap. 4. in summo fine, affirmans non solum intemperiem calidam & siccam ex pulsu, vrina, & ipsius caloris qualitate dignosci, sed insuper discerni posse, an in humoribus adhuc in fine accessionis supersit aliqua putredo, nec ne. Ex vigore denique, aut imbecillitate pulsus, futuram præsentimus sanitatem, aut mortem; veluti ex alijs pulsus dispositionibus, futuras quandoq; euacuationes Criticas. Pulsus autem, vndosus, & mollis factus, futuri sudoris indicium est. Recessus verò pulsus ad inte-

Pulsus cognitio necessaria.

Tria febris Signa, Caloris qualitas, pulsus, & vrina.

Varia vtilitates doctrinæ de pulsibus ad prædicandas euacuationes Criticas.

rriora,

riora, vomitum, aut alui fluorem superuenturum quandoq; præindicat: quas euacuationes in principio accessionum febrilium non raro fieri conspiciamus, veluti in ipso accessionum vigore, aut declinatione, sudores. In ipsa verò curatione pulsûs notitia apprime necessaria est. Nam cibandi ratio non solum in ordine ad morbi statum à Medico consideratur, sed præcipue & primario in ordine ad vires, quæ si ex pulsu imbellès fuerint deprehensæ, posthabita omni aliâ consideratione, reficiendæ sunt; vti testatur se fecisse.

In principio, angmento, & statu accessionis febrilis alimentum, quandoque aëris propinabat Galen.

Maxima febricitantium Signa pulsus, & urina.

Acampus doctrinam de pulsibus spernit.

Cur Hippocrates de pulsibus non scripsit.

Galenus cit. cap. 4. lib. 10. Methodi, vbi ante febriles accessiones, in principio accessionum, & in alijs subsequentibus temporibus, pro virium exigentia, squallidis aëris cibum contra Methodicorum consuetudinem tribuebat. Libro 1. de different. februm cap. 7. monuit, se tractatum de Pulsibus scripsisse: in quo, inquit, exercitatum oportet, quicumque ad præsentis Operis (de febribus) lectionem animum sit appulsurus, &c. Item libro 1. de Arte Curatiua ad Glauconem cap. 2. ait: Maxima quidem in omnibus febricitantibus Signa, in pulsibus, atq; vrinis consistunt. Libro 3. de Præ sag. ex pulsib. cap. 7. proprios pulsuum trium generum febris explicauit. Et in Synopsi sedecim librorum de Pulsib. cap. 30. docet Galenus, pulsuum prodesse ad futuræ Crisis prænotationem; vti cum eodem Galeno diximus lib. 2. huius Operis Sectione de Vomitu.

Simon Acampus Medicus Neapolitanus Comment. in lib. 1. Galeni de differ. febr. doctrinam de Pulsibus, tanquam superuacaneam, respuit; & Hippocratem, quod eam omiserit intactam, laudat. Galenus lib. 3. de Crisib. cap. vlt. sequentia habet: Sed Signa ex pulsibus sumpta Hippocrates, vel quia non nouerat, vel quia non magni momenti existimauit, idcirco non est exequutus. Libro de Præ cognitione ad Posthumum, cap. 12. docet, Hippocratem non excoluisse Scientiam de Pulsibus.

Sed quidquid dixerit Acampus, Pulsuum utilitas in maximo est, & fuit, vsu. Hippocrates quidem eam omisit, tanquam doctrinam Iuuentuti parituram summos labores. Galenus ipse lib. 1. de dignoscendis Pulsib. cap. 1. ingenuè fatetur se, non nisi post multos annos ad cognitionem contractionis arteriæ peruenisse. Imò eodem capite sequentia scripsit: Equidem, vt verum dicam, ad exactissimam quidem & absolutissimam cognitionem requiri totam humanam vitam putem. Hippocrates ergo, ne terrorem Ty-

ronibus incuteret, prudenter à descriptione doctrinæ de Pulsibus abstinuit. Non tamen proinde rectè inferitur, doctrinam de Pulsibus ipsi fuisse ignotam, qui pulsus meminit lib. de Alimento, hac serie: Venarum pulsationes, & respiratio spiritûs, iuxta ætatem & consonantia, & dissonantia sunt, & morbi, & sanitatis Signa: & sanitatis magis, quàm morbi, & morbi, quàm sanitatis. Hæc testantur Hippocrati doctrinam de Pulsibus cognitam fuisse. Dixit autem, & peroptimè respirationem, & pulsum inter se consonantes, id est naturalem statum obseruantes, sanitatem, quàm morbum, magis ostendere: dissonantes verò, magis morbum, quàm sanitatem, indicare. Hippocrates libro de Humoribus pulsus meminit; sicuti libro 7. Epidem. in Pythodoro: pulsus, inquit, non defecit. Libro de flatib. Pulsus, inquit, fiunt circa tempora. Libro de Iudicationib. Si venæ pulsârint, inquit, & facies sana fuerit. Libro de locis in homine: Venæ temporum semper pulsant. Lib. Prognostic. Si verò pulsus erit in hypochondrio. Libro 7. aphorism. 21. Ex forti pulsu in vlceribus. Lib. 2. Epidem. Sect. 5. Cui vena in cubito pulsârit, insanus, & iracundus est: cui verò quieuerit, stupidus est. Galenus ipse lib. 1. de different. Puls. cap. 2. testatur, Hippocratem habuisse pulsum notitiam. Omnium itaque, inquit, quorum ad nos memoria peruenit, primus nomen pulsus Hippocrates literis prodidit, atque Artis, quam complectitur, non videtur ignarus esse; non tamen hanc Artis partem multum elaborauit: neque cuilibet arteriarum motui hoc tribuit nominis: quem videtur imitari Erasistratus.

*Pulsus
Hippocratis
cognitus.*

*Variis in
locis, pul-
sus memi-
nit Hippo-
crates.*

*Hippo-
crat. pulsus
ignarus ex
Galeno.*

Galenus cum ruri extra Romanam Urbem cum filio Imperatoris (Imperator ipse in Germaniam se contulit) longo tempore egisset, & otio frueretur sufficienti, ingens opus de Pulsibus scripsit. Nimirum quatuor libros de differentiis Pulsuum: quatuor libros de dignoscendis Pulsibus: quatuor libros de causis Pulsuum: quatuor libros de Præfagitione ex Pulsibus: & tandem Synopsis sedecim librorum de Pulsibus. Sed antea scripsit alium librum de Pulsibus ad Tyrones. Præter octodecim libros, scripsit aliū de usu pulsum. Ei adhuc, etsi perperam, adscribitur Libellus, cui Titulus, Compendium Pulsuum, sesquiduabus fermè paginis constans, Opusculum ieiunum, & Galeno indignū: & indignè à Conciliatore Different. 80. citatum, ut probet arterias non simul cum corde dilatari, nec simul constringi, sed vicissim.

*In expedi-
tione Im-
peratoris
ad Germa-
niam, Ga-
lenus longo
fructus otio
magnum
de pulsibus
opus scri-
psit.*

CAPVT II.

De Natura Pulsus.

Trifariam
pulsus ac-
cipitur.

ID quod Græcis *σπύγμος*, Latinis Pulsus appellatur; dictus à verbo, Pello, quòd aliquid videatur introrsum, & extrorsum vicissim pelli. Pulsatio siue Pulsus apud Galenum lib. 1. de Different. Puls. cap. 2. bifariam accipitur. Primò, pro palpitatione. Vnde Ægimius quemuis arteriarum motum, palpitationem nuncupabat. Secundò Pulsus dicitur omnis motus sensibilis arteriarum: ita sentiebant Pythagoras, & Herophylus. Tertiò pulsus accipitur pro motu quodam, qui in partibus inflammatis persentitur; vt testatur Galenus lib. 4. de Different. Puls. cap. 1. Cum duplex sit rei cuiusque definitio, vna nominis, altera rei, communem consuetudinem sequuti, vtramq; pulsus exhibere placet. Definitio nominis apud Galenum lib. 4. de Differ. Puls. cap. 2. hac serie habetur: Sensibilis ergo motus, quem quibusdam in partibus corporis per totam vitam animaduertimus, pulsus appellatur. Definitionem pulsus essentialem sequenti serie scripsit Galenus eodem lib. 4. de Different. Puls. cap. 4. Nos verò dicemus, actionem esse pulsum peculiarem, præcipuè Cordis, deinde arteriarum, quæ distentione, & contractione mouentur à facultate vitali, quo caloris natui mediocritas retineatur, generetur autem in Cerebro spiritus animalis. Singulæ huius definitionis partes exponendæ sunt.

Definitio
nominis
pulsus.

Definitio
essentialis
pulsus.

Cerebri
motus, et-
iam est
pulsus.

Pulsus dicitur actio, ratione cuius conuenit cum reliquis actionibus totius corporis, quæ omnes vnum constituunt genus. Actio ergo benè loco generis in definitione posita est. Galenus citato cap. Pulsus, & rectè, motum appellat. Est sanè localis motus, quò Cor, & arteriæ dilatantur, & contrahuntur: Et Pulsus pro motu acceptus, cum Cerebri motu conuenit, cum palpitatione, & cum tremore. Pulsus, naturalis motus, aut non voluntarius, dici potest ex Galenò citato cap. Et meritò inuoluntarius motus appellatur, vt ab animali distinguatur motu. Dicitur etiam naturalis, in lata naturalis actionis significatione, qua vitales actiones, naturales dicuntur, etsi altioris ordinis. Coctio sanguinis arterialis, & spiritus vitalis, est Cordis actio vitalis, quæ sanè naturalis ritè dicitur. Pulsus similiter ab expultrice, & attractrice Cordis facultatibus, quæ

quæ naturales simul, & vitales sunt, efficitur. Præterea in ipsa definitione, vitalis facultas pulsûs Author dicitur. Ergo Pulsus est actio naturalis, quæ vitalis minùs præcipua dicitur; quia facultas pulsfica ministra est, vt quæ præcipuæ vitali spirituum confectrici subseruit.

*Pulsifica
facultas
est vitalis.*

Pulsus, dicitur peculiaris actio, vt à communibus totius corporis actionibus, attractione, coctione, retentione, & expulsionē, ac nutritione, cæterisque quibusvis, distinguatur. Deinde inquit: Præcipuè Cordis, deinde arteriarum, vt pulsûs instrumenta demonstret. Cor autem est præcipuum, & primarium, non solum instrumentum, sed etiam subiectum pulsûs: deinde verò arteriæ, quibus Cor mouendi virtutem communicat.

*Arteriæ
vim pul-
sandi tri-
buit cor.*

Rursus ait, quæ dilatatione, & compressione (dilatio Græcis diastole, contractio systole appellatur) mouentur, vt Pulsûs formam constitutiuam statueret, vtque patefaciat pulsûm non esse simplicem motum, sed compositum ex motu dilatationis, & contractionis, inter quas intercedit duplex quies. Contractione quidem fuliginosi vapores extra corpus per cutem propelluntur, & dilatatione externus aër intus in arteriarum corpora attrahitur, vt calor natiuus temperetur, & quidquid eius à fumosis vaporibus extinguitur, commodè ventiletur.

*Pulsus for-
ma.*

Huius actionis, siue compositi motûs, causam, postmodum assignat Galenus, dum inquit (à facultate vitali:) Est enim vitalis facultas in Corde residens, pulsûs efficiens causa, vt communis Medicorum fert opinio. Et meritò quidem vitalis facultas pulsûs causa dicitur, vt hic ab alio Cordis pulsu, qui palpitatio appellatur, distinguatur: nam palpitatio non à facultate vitali, vt pulsus, fit, sed à spiritu quodam flatuoso, in Corde incluso, & exitum quærente: qui spiritus non est naturalis causa, sed præter naturam accidens.

*Vitalis fa-
cultas est
causa pul-
sus.*

Demùm ait Galenus; quò calor natiui mediocritas retineatur, generentur autem in Cerebro spiritus animales. His Galenus finalem pulsûs causam, propter quam efficiens causa operatur, exprefcit. Calor natiuus varijs modis extinguere potest, vel à suo contrario, frigore, vel alijs de causis. A frigore rarò extinguitur; quia dum aër impensè frigidus inspirationis operâ attrahitur, in Pulmonibus aliquantisper tepefcit, antequàm ad Cor, calor natiui fontem, perueniat; nisi fortassis aër ultra modum frigidus fuerit, &

*Finalis
causa pul-
sus.*

*A nimio
frigore ca-
lor natiuus
extingui-
tur.*

*Pulsus, &
respiratio.*

*Ventila-
tionis du-
plex com-
modum.*

*Respiratio-
nis neces-
sitas.*

diuturno tempore inspiretur; vti factum non rarò est, dum in locis
niuosi nonnulli aberrantes, aut quiescentes, versabantur: quo tem-
pore Pulmonum, & Cordis calor ab aëre frigidissimo diu inspira-
to superatur, & omninò extinguitur. Idem partium corporis calo-
ri contingit; maximè verò, si nudæ aëri intensè frigido expositæ
fuerint. Pulsus ergo, & respiratio, huiusmodi iniuriâ adeò vehe-
menti accedente, calorem natiuum ab extinctione vindicare ne-
queunt: benè tamen ab alijs iniurijs, quibus non rarò obrui consue-
uit. Perit ille noster igniculus, calor natiuus, vel quia immodicè
accenditur, vel quia suffocatur: vtriq; incommodo præstant auxi-
lium, pulsus, & respiratio, huius vsûs gratiâ à Natura constituti.
Accensus calor in corde aëris frigidiusculi inspiratione contempe-
ratur, & impeditur, ne vltius flagret substantia ignea, & aërea,
deperatq; concentus, & proportio primarum qualitatum. Spiri-
tus similiter vitalis, cui influens hæret natiuus calor, calorq; stabi-
lis, fixusque partium aliarum corporis, inflammati, pulsûs auxilio
tepscunt, & contemperantur: quòd arteriarum, ad cutem termi-
natarum, dilatatione aër sufficienter intorsum attrahitur, quo &
præfatus spiritus, vicinæque partes contemperantur: adeòq; calo-
ris natiui conflagratio, & rursus in ambientem aëra resolutio dissi-
patione prohibetur. Præter contemperationem caloris natiui, ope
refrigerantis aëris introducti, factam, iuuatur idem calor leui im-
petu introducti aëris: Nam ab hoc impetu flabellatur, ventilaturue.
Ex hac ventilatione duo calori accedunt commoda: Primum est,
quòd calor natiuus ad interna, & deorsum ad suum pabulum de-
ferri cogitur, & ne in sublime feratur, & dissipetur, impeditur: adeo-
que augetur, & fouetur; vt habet Galenus libro de Vtilitate Respi-
rationis cap. 3. Secundum commodum est, quòd separetur tunc à
calore fumosus ille vapor, qui eum exinguebat; præparaturq; vlti-
mus hac ventilatione idem vapor, vt mox per contractionem inte-
grè excludatur. Idem videmus fieri in igne, cui admoti folles, aut
lenia flabella, dum effumat, profunt. Tunc enim flamma deor-
sum ad pabulum recurrere cogitur, & ne in sublime semper fera-
tur, prohibetur, eodemque tempore à puriori igne fumus, cineresq;
segregantur. At verò, quoniam solius frigidi aëris per arterias in-
troducti commercio calor natiuus non seruaretur, sed à fuliginosis
vaporibus, alijsq; excrementis intus detentis suffocaretur, sagax

Natura ad talium inutilium excrementorum exclusionem, Cordis gratiâ, respirationem præscripsit; reliquarum verò partium corporis, simulq; Cordis, arteriæ contractionem, siue constrictionem. Expiratione siquidem fumosus vapor ex sinistro Cordis ventriculo per arteriam venosam ad pulmones, & inde per trachæam arteriam ad os, & hinc extra corpus protruditur. Extra verò arterias, inclusus vapor fuliginosus ad cutem per ora arteriarum vi contractionis propellitur. Si verò intus detinerentur vapores isti fuliginosi fumosique, sua caliditate adurenti calorem simul, & humores accenderent, si non adurent, vti faciunt in ijs, qui febrè continua correpti iacent. Calori præterea natiui, sua quantitate, fumosi isti vapores nocent; quoniam hunc, non expurgati, offuscant, & obruunt, suffocantque; vt videre licet in ijs qui laqueo strangulantur. In ijs enim à fumosis tetrisque vaporibus omnis spiritus conculcatur, obruiturque: Vnde & illi suffocantur.

Rectè ergo Galenus Pulsus finalem causam, & vtilitatem, statuit caloris natiui contemperationem, mediante dilatatione, & contractione cordis, & arteriarum; cum per dilatationem refrigeretur simul ventileturq; ab introducto aëre, & mediante contractione vapores fuliginosi extramittantur. Cæterum, quia solus Pulsus hæc officia perficere non posset, prouida Natura respirationem, simul homini tribuit; quæ, & pulsus in eo conueniunt, quod æqua intentione ad caloris natiui conseruationem concurrant. In modo quidem operandi, & in vsu, pulsus ac respiratio conueniunt: facultate licet, & instrumentis discrepent.

Respiratio, & pulsus conueniunt, & discrepant.

Quoniam causa conseruationis spiritus vitalis, ex quo, simul & aëre, spiritus animalis generatur, dici queat spiritus animalis generans causa, ideò perappositè à Galeno in definitionis calce additum fuit: generetur autem in Cerebro spiritus animalis. Sed hic finis Pulsus remotus est; proximus verò, natiui Caloris contemperatio. Galenus lib. 8. de Placitis Hippocratis cap. 8. quatuor relatos Pulsus vsus (veluti & respirationis) in medium profert: videlicet, quod calorem natiuum refrigeret, quodq; ipsum euentet, ventiletue, quod spiritus animales reficiat, & quod demum fuliginosa excrementa extrorsum expellat: quæ omnia, mediante arteriarum dilatatione, & contractione, facultas vitalis perficit.

Quatuor vsus pulsus.

Pulsus ergo definitio iam data optima est, cum genere constet & dif.

& differentiâ, causarumq; quatuor genera complectatur; materialem, quæ est cor, & arteriæ: formalem, quæ est dilatatio, & contractio: efficientem, quæ est facultas vitalis: & finalem, quæ est caloris nativi temperatio, & spiritus animalis generatio.

*Duobus
occurritur
dubijs.*

Quod si vellet aliquis obijcere, cerebrum suo dilatationis, & contractionis motu, ad spiritus animalis generationem sufficere, respondeo, ipsum ad immediatam spiritus animalis generationem sufficere, ad mediatam nego.

Quod si ulterius vrgeret aliquis, cerebrum attrahere dum constringitur, & expellere dum dilatatur, in quo à cordis motu distinguitur, docente Galeno libro. de Instrumento Odoratus cap. 4. Respondeo perinde nobis esse quomodo suo illo naturali motu trahat, aut expellat, dummodo has ambas actiones edat. Locus sanè Galeni mendo scater, vel intelligendus est de attractione, & expulsionem, quæ fit per cranij suturas. Nam tunc eius compressione fit per suturas attractio, & expulsio per nares dilatatione: licet manifestius dilatatio per nares aërem attrahat, & fuligines per eandem sua compressione expellat.

Obiectiones.

Obiectio 1. **O**bjiciet aliquis primò, Pulsum non esse actionem peculiarem Cordis, & arteriarum; cum sit actio naturalis, eaq; composita ex attractione & expulsionem: quæ duæ actiones, attractio, & expulsio, communes sunt omnibus corporis partibus.

Solutio. Respondeo, Pulsum esse actionem naturalem altioris ordinis, id est, facultatis vitalis; quæ naturalis facultas dici potest, cum Naturæ inclinatione, & non voluntatis arbitrio, moucantur Cor, & arteriæ à vitali facultate. Cum igitur talis motus actione à sola Cordis facultate pendeat, meritò Cordis, & arteriarum peculiaris dicitur.

Obiectio 2. Obijcies secundò, Galenum esse sibi contrarium: Nam in definitione ait, pulsum esse peculiarem actionem primò cordis, deinde arteriarum: Et sic vult, cor primò moveri, & secundò arterias. Atque adeò, dum cor dilatatur, arteriæ constringentur. Cum tamen Galeni doctrina constans & firma sit, eodem tempore Cor, & arterias moveri; ita vt dilatato corde simul dilatentur & arteriæ, & contracto

tracto siue constricto corde constringuntur & arteriæ: vt habetur lib. 4. de differ. puls. cap. 6. & lib. 1. de Præfagit. ex puls. cap. 3. & lib. 6. de Vsu part. cap. 1. & lib. de Pulsib. ad Tyrones. Quibus in locis Galenus Herophili sententiam amplexus est; & loco primò citato Erasistratum reprehendit. Suam doctrinam experienciâ confirmat: Si quis in homine sano & benè se habente alteram manum pettori admoveat, aliam verò carpo, percipiet haud dubiè, simul & eodem tempore dilatari Cor arteriasque, simulq; comprimi. Libro 7. de Anatomicis administrationib. c. 6. narrat se vidisse in animali viuo dissecto cor simul & arterias vno eodemq; tempore dilatari, & vicissim vno eodemq; tempore comprimi siue constringi.

Cor, & arteriæ simul dilatatur, & simul contrahitur.

Ratione suam hanc doctrinam confirmat Galenus. Nam facultas Pulsatilis, cùm sit naturalis, & Cordi insita, cum ratione agere nequit. Sed si prius Cor, quàm ipsas arterias Cordi alligatas, dilataret, non esset naturalis, & cum ratione ageret. Ergo vno & eodem tempore, adeòq; simul Cor, & arterias dilatabit, simulq; vicissim comprimet constringetque.

Huic Galeni doctrinæ addere possumus, quòd si arteriæ constringerentur eo tempore, quò Cor dilatatur, arteriæ ad Cor reijcerent quidquid ex Corde antea hausere; quod est præter Naturæ ordinem. Dum enim cor dilatatur, necessariò etiam dilatatur arteria venosa: Et quando constringitur, simul etiam & eadem arteria. Ergo similiter dicendum in alijs. Vna præterea, eademq; facultas simul & eodem tempore duos contrarios motus efficere nequit. Sed dilatatio, & constrictio sunt duò contrarij motus. Ergo simul, & eodem tempore fieri nequeunt. Rectè ergo Galenus lib. de Pulsib. ad Tyron. cap. 1. inquit: Igitur omnes inter se arteriæ, & Cor, habent eandem pulsandi rationem.

Respondeo, Galenum in definitione Pulsûs nolle Cor primò prioritatè temporis, moueri, sed prioritatè Naturæ: quoniam facultas pulsifica, Cordi, & non arterijs, insita est. Cordis porrò temperies est, quæ talem fouet facultatem: arteriarum verò temperies à temperie Cordis dissita est, vt in nostra docuimus Physiologia. Nihilominus tamen cùm semper arterijs cor suam communicet pulsandi facultatem, arteriæ simul cum corde mouentur, & idem semper erit vtriusq; motus. Reliqua, quæ de conuenientia motûs cordis & arteriarum ex Galenò in obiectione allata sunt, à nobis liben-

Solutio.

libenter admittuntur , quidquid post Erasistratum dixerit in contrarium Auicenna.

*Compresso
corde, ar-
teria leni-
ter compri-
muntur.*

Vt autem nullus dubitandi locus omittatur intactus , animadvertendum est , dum cor comprimitur , arterias non omninò , sed leniter eodem tēpore comprimi , vt ex corde Aorta sanguinem arterialem , & spiritum vitalem , recipiat; pulmones verò sanguinem & spiritum per venam arterialem ex eodem corde . Dum verò dilatatur cor, dilatantur & vasa ; & sicuti cor tunc per venam cauam sanguinem recipit, & per arteriam venosam aërem, arteriæ tunc in sua dilatatione ex habitu corporis aërem alliciunt, & ex vicinis venis vaporem sanguineum , & ex alijs partibus aliud quid . Sed de his in nostra Physiologia abundè dictum.

Obiectio 3.

Obijcies tertio, malè dictum, Pulsus à facultate vitali fieri, cum ex Aristotele lib. de Respirat. cap. 20. à nativo calore Cordis in humidum agente , vel à calido spiritu intus incluso , & exitum quærente ipse pulsus fiat: At pulsatio, inquit, quam Cor perpetuò facere videtur , & motioni persimilis est , quam tubercula cum dolore (inflammationes siue phlegmones intelligit) efficiunt , quòd sanguini mutatio ipsa præter naturam sit . Ea verò sit , vsque dum sanguis concoctus sit, & in pus conuersus. Hæc etiam affectio (pulsatio scilicet) feruori (siue ebullitioni) similis est . Fit enim feruor, cum humor caloris operâ inflatur (id est attenuatur , rarescitque). Nam humor propterea sese attollit , quòd in molem assurgat ampliore . Cæterum quies in tuberculis (phlegmonibus) agitur , si putrefactio non perspiret , humore crassiusculo reddito , feruor verò residet , si per labra vasculi humor excidat . In ipso autem Corde tumefactio humoris , qui semper è cibo accedit , vltimam Cordis tunicam eleuantis , pulsum facit: atq; hoc semper sine vlla intermissione fit : nam semper humor , ex quo natura sanguinis oritur , continuè influit: primùm enim in corde gignitur : id quod in prima generatione liquidò constat . Nam venis nondum distinctis sanguinem habere cernitur : & ob id iunioribus magis , quàm senioribus , pulsat : vtpotè quibus diuaporatio maior fiat . Quin etiam venæ omnes & simul inter se pulsare assolent , quia omnes ex corde sua initia trahunt, cor autem semper mouet. Quare & illæ semper mouent, & simul inter se cum illud mouet. Palpitatio igitur est compellentis frigoris repulsio. Pulsatio verò est humoris concalescentis inflatio.

*Pulsus
causa ex
Aristotele.*

*Maiores
pulsus in
iunioribus,
quàm se-
nioribus.*

*Palpitatio
quid.
Pulsatio
quid.*

His

His suam de pulsu mentem aperuit Aristoteles, qui manifestè pulsum à continua sanguinis efferuescentia, & attenuatione in corde facta pulsum fieri docuit, non secùs ac in inflammationibus siue phlegmonibus fit, dum pus generatur. Sanguis enim extrausatus calorem concipiens putredinosum, attenuatur in primis, & attenuatus maiorem acquirit locum: Vnde ibi feruens, Pulsum efficit. Licet, iuxta Medicos, pulsus inflammationum fiat ab arterijs oppressis in parte inflammata.

Non est hîc prætereundum quod docuit, arterias omnes simul moueri, & vnâ cum corde, contra quàm voluit Erasistratus, qui putabat, arterias cordi vicinas priùs moueri, deinde remotiores arterias, quas venas etiam cum Hippocrate appellat Aristoteles. Quidam enim Antiquorum non pro omnium arteriarum motu pulsum accipiebant, sed pro manifesto tantùm.

Præter relata, adhuc Aristoteles lib. de Spiritu cap. 4. sequentia de Pulso scripsit: Pulsus autem peculiaris quispiam, præter hos, (id est, præter motum respirationis, attractionis, & coctionis alimenti) motus est, & quadamtenùs accidentarius esse, nec finem habere videtur, ob quem fuerit institutus. Et vt calore vehemente in humidum agente, necesse est quæ in flatum resoluuntur partes ob versationem bullas excitare, ita pulsum quoq; fieri in animalis corpore par est: statimq; per initia primum consistit pulsus: nam ijs, quæ prima sunt, coæuus calor est. Et fortalsè actionem caloris in materiem, quæ generationi animalis substernitur, id ipsum consequi est necesse. Et paulò post, ait: Cæterùm, quod dictum est, non finis cuiuspiam gratiâ fieri, sed actionis necessitatem sequi, caloris ipsius scilicet in humidum, id omninò ita habere videtur.

Galenus varias de hac re sententias proponit lib. 1. de causis Puls. cap. 2. hac serie: Videtur porrò perpetuò cum omnibus arterijs cor motum illum pulsatilem, vt vocant, dum superstes animal fit, habere: vbi interiit, nec vllam arteriarum, nec verò ipsum cor amplius pulsare videas; quod fuisse tum quandam constat causam, à qua moueretur: At quæ hæc sit, non proclive inuentu est: Vnus natium calorem; Alius contentionem; Alius temperamenti proprietatem: Hic vniuersam structuram corporis: Ille spiritum tantùm. Est qui quædam horum: Alius etiam omnia simul affirmat. Et verò quidam etiam facultatem quandam nullo præditam cor-

Arteria simul cum corde mouentur, ex Aristotele.

Pulsus per accidens fit ex Aristotele.

Variæ opinioniones de causa pulsus.

pore introduxerunt, quæ peculiaribus instrumentis motûs, quæ retulimus, vtatur, vel omnibus, vel pluribus, vel vno. Hanc causam, quæ pulsus molitur, quæcunq; illa sit, licet eius nos fugiat essentia, quod facultatem habeat pulsus efficiendi, facultatem illam vocauimus: vt quamlibet, puto, aliam facultatem solemus nominare. Ecce adhuc Galenus ipse quasi dubius de efficiente Pulsus causa.

Solutio.

Quoniam tamen Galenus in Pulsûs definitione facultatem vitalem causam efficientem pulsus clarè constituit, non est dubium, quin eius sententia talis fuerit: vt ipse planè docuit lib. 2. de Præfagit. ex Pulsib. cap. 7. vbi ait: Corpus Cordis facultatem quandam obtinet, quæ distendit, & contrahit, non temerè illam quidem, nec fortuito à natura donatam, neq; otiosam, sed tuendi gratiâ innati caloris. His constat, pulsum non à feruente spiritu, sed à facultate vitali fieri. Ordo quidem in pulsu seruatus, non ab humoris feruentis attenuatione, sed à facultate regulariter procedente conseruatur. Nam à tali feruore dilatatio arteriæ quasi semper foueretur, constrictio autem siue compressio arteriæ, nunquam; aut ratò fieret: sicuti in phlegmone à sanguine extravasato orta, quam tuberculum in suo contextu nominauit Aristoteles, notare licet; quæ, quamdiù impensè feruet ille sanguis extravasatus in parte inclusus, & non insensibiliter, aut sensibiliter euacuatur, tensa manet, siue distenta adeò, vt nusquam deprimatur comprimaturue. Et ita ex parte Aristoteli responsum est. Aduersus quem potenter militat Galeni experimentum libro, An sanguis natura in arterijs contineatur, cap. vltimo, vbi hac serie loquitur: Arteriam vnâ è magnis & conspicuis quampiam, si voles, nudabis: primòq; pelle remotâ, ipsam ab adiacenti suppositoq; corpore tamdiù separate non graueris, quoad filum circum immittere valeas: deinde secundum longitudinem arteriam incide; calamusque & concuum & perurum in foramen intrude, vel æneam aliquam fistulam, quo & vulnus obturetur, & sanguis exilire non possit. Quoadusq; sic se arteriam habere conspicias, ipsam totam pulsare videbis. Cum primùm verò obductum filum in laqueum contrahens, arteriæ tunicas calamo obstrinxeris, non ampliùs arteriam vltra laqueum pulsare videbis; etiamsi spiritus, & sanguis ad arteriam, quæ est vltra filum, sicuti priùs faciebat, per concauitatem calami feratur: quod, si propterea pulsabant arteriæ, pulsarent etiam nunc partes

quæ

*Fortè argumentum
contra A.
Aristotelem.*

*Probat
Galenus
facultatem
mouendi
per tuni-
cas arte-
riarum, non
per caui-
tatem à
corde
transmitti.*

quæ sunt vltra laqueum: Sed non pulsant. Igitur perspicuum est, quoniam moueri posse desinunt, non per spiritum in concavitatibus discurrentem, sed ob virtutem in tunicas transmissam, arterias à corde moueri. Nam quæ Erasistratus de motu arteriarum prodidit, falsa prorsus sunt. Ante enim quàm nudata arteria, in partibus, quæ vltra laqueum sunt, moueri desistat, videre licet (quod nec fieri antea oportebat, quàm ea laqueo obligaretur) totam vno tempore moueri, non autem hanc quidem partem prius (vt vult Erasistratus) illam verò posteriùs. Atque hæc ipsi vehementer absurdum contingunt. Nam, si prius, quàm sanguis in arterias veniret, aliquis forsitan concessisset celeriter adeò spiritum in arterias ferri, vt quænam pars arteriarum prius, & quæ posteriùs attolleretur, sensum lateret: cùm plenæ sanguine fuèrint, fieri non potest, vt spiritus tam citò, sicut ante, à corde in extremas arterias perueniat, &c.

Erasistratus perstringitur.

Ex his non obscurè colligitur refutatio sententiæ Aristotelis, veluti sui nepotis Erasistrati, qui non simul, sed successiue arterias moueri propter spiritus prius ad arterias cordi vicinas, deinde paulatim ad alias remotiores, à corde transmissos, statuit.

Denuò, cùm Aristoteles lib. cit. de Spiritu, respirationem ab interno aliquo principio fieri concedat, necessariò pulsui causam aliquam, à qua fiat, concedere debet; cùm per pulsum transpiratio fiat, siue ipsamet transpiratio totius corporis correspondens respirationi in opere, & vsu. Affines esse respirationem, & transpirationem, ipse in capitis citati principio docuit, aiens: Cùm autem motiones in arteria contenti spiritus, tres sint, respiratio, pulsus, & tertia, alimenti (id est sanguinis) aduectio elaboratioq; (spiritus enim sanguinem vehit, eumque confici iuuat), de quaque harum dicendum est, &c. Et in decursu Capitis, inquit: Quòd igitur respiratione intus habeat initium, manifestum sanè est, siue ea facultas animæ sit, siue anima ipsa sit dicenda, siue alia quæpiam corporum miscella, quæ per ea (corpora scilicet) talem attractionem efficiat. Ecce Aristoteles affirmas, respirationem, sicuti & pulsum, esse motum spiritus in arteria contenti; & tamen eiusdem respirationis causam statuit animam, animæque facultatem, aut temperamentum peculiare. Similiter alimenti elaborationem à facultate fieri non differtur, etsi motio spiritus sit. Idem ex necessitate de Pulsu statuere

Aristoteles conuincitur.

Respiratio causam habet per se.

*Ex libro
de Spiritu
colligitur
Aristotele
voluisse
hepar ante
cor forma-
ri.*

debet, quem per initia generationis statim in constitutione cordis emergere ille docuit, respirationem verò, postquam animal in lucem editum est. Dicto autem capite naturalem facultatem primò in fœtu efformando elucere docet, secundò pulsum; &, vt dixi, post editum partum, respirationem. Ex hoc loco colligitur, Aristotelem non absolutè docuisse, cor ante hepar efformatum esse, imò è contra, si quæ sit prioritas efformationis, hepatis potius, quàm Cordi, concedi debet.

Obiectio 4.

Obijcies quartò, Posito, quòd facultas vitalis sit causa Pulsûs, malè tamen vna sola constituitur eius causa; cum duplex facultas pulsum efficiat: vt colligitur ex Galeno lib. 2. de Præfagitione ex Pulsib. cap. 8. vbi ait, pulsum dicrotum fieri concertantibus mutuò duabus facultatibus; & quæ distendit, & quæ contrahit Cor.

*Gentilis
Fuligina-
tis Demō-
stratio.*

Huic authoritati accedit argumentum Gentilis, quod ab ipso demonstratio dicitur. Facultates distinguuntur per actiones, & actiones per obiecta. Atqui dilatatio, & compressio cordis, & arteriarum, sunt diuersæ actiones. Ergo necessariò fieri debent à diuersis facultatibus. Minor propositio probatur. Dilatatio est actio, quæ versatur circa aëris attractionem, quod est quid iuuans ipsum cor; compressio verò siue contractio cordis, & arteriarum, versatur circa excrementorum expulsionem, quod est quid nocens. Sed ista obiecta sunt contraria, & specie diuersa: Ergo & actiones, & consequenter facultates, quæ sunt actionum causæ.

*Aliud ar-
gumētum.*

Aliud argumentum eorum est. Instrumenta, mediantibus quibus fit dilatatio, & constrictio, sunt distincta. Ergo & facultates. Sed fibræ rectæ sunt dilatationis instrumenta: transversæ verò rectis aduersæ, compressionis & expulsionis. Ergo dilatatio & compressio sunt distinctæ actiones; cum apertum sit ipsa instrumenta esse distincta.

Solutio.

Ad Galeni authoritatem respondent aliqui, nomine duarum facultatum ab ipso intelligi duos diuersos fines, propter quos dilatatio & compressio fiunt. Sed ego dicere malletm, Galenum nomine facultatis tunc intellexisse duas causas alterantes, siue mutantem pulsum. Quòd autem causa, præsertim efficiens, facultas, vis, virtusq; dici possit, ambigi non debet; & colligitur ex cap. 2. lib. 1. de Causis Puls. superius citato, in quo facultatem pulsum efficientem, causam cum antiquis vocat: Et in fine Capitis, effectricem faculta-

tem.

tem. In contextu verò citati cap. lib. 2. de Præfagit. ex Puls. clarè satis meam hanc expositionem innuit Galenus hac serie : Vt etiam Dicrotus, qui ex genete est intrò retractotum : comitatur tamen nonnunquàm & ille Cordis inæqualem intemperiem : atq; adeò, cùm collectus sit in multis eius partibus ingens excrementorum fuliginosorum aceruus. Nam si vnà contingat, vt quædam omninò sint præcalidæ, aliæ fumosâ fuliginè præfocentur, ad contrarios profiliant motus ; vt alteræ distentionem moliantur, alteræ conficiant, &c. Galenus dicroti causam, eamque geminam, hîc exponit. Licet enim ab inæquali intemperie, eum fieri asserat, duas tamen ponit causas, quæ dilatationem moliantur, & compressionem ; partes enim calidæ dilatationem, partes quæ veluti suffocantur à magna fuliginum copia, compressionem. Calor enim, qui refrigerationem indicat, dilatationem molitur maximam & celerem ; in quantum fieri potest. Calor ergo perpetuam dilatationem vrget, atq; molitur : extinctio verò caloris, quæ procedit à fuliginum aceruo, earundem fuliginum euacuationem postulat : adtòque compressionem efficit frequentem. Duæ ergo hæ causæ quasi contrariæ, incendium, & suffocatio, siue extinctio, quæ à fuliginibus procedit, inter se certare videntur. Et ita Galeni mens exposita videtur ; maxime verò, cùm ipse vnus solius facultatis vitalis pulsficæ semper meminerit, & præcipuè citato lib. 2. de Præfagit. ex Puls. cap. 2. vbi de pulsu etiam bis feriète, cuiusmodi est dicrotus, agens, ait : Corpus Cordis facultatem quandam obtinet, quæ distendit, & contrahit, non temerè illam quidem, nec fortuito à natura donatam, neq; otiosam, sed, sicut alijs locis demonstraui, tuendi gratiâ innati caloris. Hæc in contractionibus fuliginosum excrementum effundit, in distentionibus allicit refrigerium. Hîc vnâ solam dilatationis siue diastoles, & contractionis siue systoles, statuit Galenus efficientem facultatem. Pulsus enim ille naturalem definiuit, eiusque vnicam constituit causam facultatem vitalem. Dicroti verò & aliorum pulsuum præter naturam, quatenus talium, causæ sunt præter naturam.

*Dicroti
causa.*

*Dicrotus
quatenus
pulsus, ab
unica fa-
cultate vi-
tali effici-
tur ; sed
quatenus
dicrotus
est, dupli-
cem habet
causam,
sua gene-
rationis,
eamq; præ-
ter natu-
ram.*

Ad primum argumentum respondetur, maiorem distinguendo. Quoties actiones erunt adæquatæ, certum est, per eas distingui facultates : Si verò actiones fuerint inadæquatæ, falsum est per eas distingui facultates. Sed diastole siue dilatio, & systole siue con-

*Solutio
primi ar-
gumenti.*

tractio

tractio siue compressio, sunt inadæquata actiones, cum vidissim & partialiter ad vnicum finem proximum, caloris scilicet natiui con-
temperationem in partibus concurrant, ad spiritus verò animalis
generationem, tanquam ad finem remotum.

*Solutio se-
cundi ar-
gumenti.*

Ad secundum argumentum respondetur, concedendo antee-
dens, & negando consequentiam. Nam diuersitas quædam in-
strumentorum non arguit facultatum diuersitatem: v. g. facultas
motrix, & numero vnica diuersis vtitur fibris inter tensionem, &
contractionem. Cæterum musculosum genus integrè acceptum,
proculdubio diuersitatem arguit facultatis animalis à facultate vi-
tali, aut naturali.

Objectio 5.

Obijcies quintò, malè à Galeno omissam fuisse in definitione
pulsus geminam quietem, vnam, quæ sequitur diastolen, & antee-
dit contractionem, & alteram quæ sequitur contractionem, & ante-
cedit dilatationem. Nam ab hac duplici quiete desumuntur pulsus
quædam differentia, vt pulsus frequens siue creber, & pulsus rarus.

Galenus hac de re deliberat libro 1. de dignoscendis Pulsib. cap.
10. hac serie: Quæ de Pulsus partibus principibus dicenda erant,
ferè iam percurrimus: nam duæ, quæ reliquæ sunt, per accidens
potius, non propriè, nec per se partes pulsus sunt, arteriæ interna
& externa quies. Ex hoc Galeni contextu multi inferunt, quietes
non esse essentielles partes pulsus, sed potius accidentales.

*Bina ar-
gumenta.*

Quam sententiam ipsi confirmant sequentibus argumentis. Si quietes
essent essentielles partes pulsus, nullus pulsus sine his reperiretur.
Sed reperitur pulsus dicrotus quietibus carens. Ergo quietes
non sunt essentielles pulsus partes. Secundo, si quietes essent es-
senciales pulsus partes, ponerentur in Pulsus definitione. Sed non
ponuntur. Ergo non sunt essentielles pulsus partes.

*Contraria
opinio, te-
nens quie-
tes esse
partes es-
senciales
pulsus.*

*Primū ar-
gumētum.*

*Quies in-
terna con-
tractionem
sequitur,
externa
dilatatio-
nem.*

Altera ex parte quietes videntur esse essentielles pulsus partes.
Primò, quia fiunt à facultate vitali propter eundem finem, propter
quem fiunt motus. Nam sicut dilatatio fit, vt refrigeretur, & ven-
tiletur calor natiuus, ita paritèr externa quies, quæ est spatium tem-
poris, in quo quiescit arteria post dilatationem, antequàm eadem
arteria contractionem incipiat. Et quemadmodum contractio, siue
constrictio, siue compressio arteriæ fit ad expellenda fuliginosa
excrementa, similiter & interna quies, quæ contractionem sequitur,
& dilatationem antecedit. Cum enim hac quiete compressio perfici-
ciatur,

ciatur, sicuti externa quiete dilatatio, Signum est, externam quietem refrigerationis, & ventilationis gratiâ fieri, non secus ac ipsam dilatationem; & internam quietem non aliter, ac ipsam contractionem gratiâ expulsionis fuliginosorum vaporum.

Secundò, si quietes per accidens tantum interuenirent ad dirimendos contrarios motus, eodem semper modo se haberent, eandemue inter se seruarent proportionem: Sed non seruant; cum quandoque longiores siue maiores sint, aliàs multò breuiores; variantur enim pro exigentia finis, & vsûs. Nam quo maior est necessitas refrigerandi, quàm expellendi, quies externa longior est internâ, sicuti ipsa dilatatio contractione longior est: & interna quies externâ longior est, quoties maior expellendi fuligines, quàm refrigerandi, necessitas vrget; Sicuti & ipsa compressio dilatatione longior euadit.

*Secundum
argumen-
tum.*

Vt seligere valeat vnusquisq; ad placitum, quam voluerit, opinionem, præsupponendum ante omnia, quietes dupliciter accipi. Primò, pro mera priuatione motuum, in quo sensu definitionis partes esse nequeunt: imò in hoc sensu per accidens ad pulsum se habent. Et in hoc fortassis sensu nonnulli credunt, Galenum fuisse loquutum, quòd quietes ita acceptæ videantur solummodò motus contrarios pulsus à se inuicem dirimere. Secundò, quietes accipi possunt pro detentione arteriarum in loco.

*Quietis
duplex si-
gnificatio.*

His positis dico, quietes per accidens, & non per se esse partes pulsûs, si cum motibus conferantur: nam indubium est binos motus esse formalem rationem, eamq; constitutiuam pulsûs: quietes verò, si in ordine ad finem considerentur, esse pulsus quasdam appendices, & partes minùs præcipuas. Vt enim superiùs tactum est, quietes à natura constituuntur ad perficiendum id, quod à motibus inchoatum est, opus: nam quies externa, quæ dilatationem consequitur, causa est cur commodiùs attrahatur ambiens aër, & refrigeretur, ac ventiletur calor noster natiuus. Quies verò interna contractionem consequens, eiusdem contractionis opus, fuliginum excretionem iuuat, & instar complementi perficit. Ambæ ergo quietes, etsi non simpliciter attrahant aërem, aut fuliginosa excrementa deturbent, sunt ad melius & commodius esse: vnde per consequentiam quandam, & non primò, à natura intenduntur. Vtiliores tamen sunt, ut dixi; nam natura in quietibus aliquo modo refi-

*Sanior o-
pinio, &
Solutio.*

*Quies ex-
terna, aë-
ris attra-
ctione ve-
luti pro-
trahit: ve-
luti inter-
na, fuligi-
nosos vapo-
res expul-
sionem.*

citur,

citur, & suum commodius sequitur intentum. Si enim statim à dilatatione, nulla intercedente quiete, contractio succederet, aëris externi attractio interPELLARETUR, aut certè imperfecta esset. Quies enim externa aëris attractionem longiorem copiosioremq; efficit: nam attractus, saltem ope quietis, diutius intus retinetur.

*Quorundam
interpretatio
refellitur.*

Ex hac responsione satis constat, in quo sensu Galenus dixit quietes per accidens esse pulsus partes. Nimis enim violenter alii qui Galenum interpretantur, dum inquirunt, per accidens, non accipi à Galeno quatenus opponitur ei, quod est per se, sed quatenus opponitur ei quod est primò. Quæ sanè interpretatio est frigida valdè; cùm Galenus in allato contextu expressè dixerit, quietes non esse partes per se pulsus. Cur ergo ausi sunt dicere, Galenum velle, quietes esse partes per se pulsus? Si sanè essent partes essentielles pulsus, eas in definitione non omisisset Galenus. Sunt ergo præcipuæ appendices, quas sub ipsis motibus, quos ultimò complent, comprehendit Galenus; quæ veluti essentielles pulsus partes sunt, quanquam non præcipuæ.

*Solutio
primi ar-
gumenti.*

Quod in primo argumento oppositum est, pulsus dicrotum quiete carere, falsum est. Nam duo motus contrarij necessariò quietibus dirimuntur: alioqui non essent contrarij. Ad secundum argumentum iam responsum est, Galenum implicitè comprehendisse quietes sub suis motibus; cùm sint horum appendices.

*Solutio 2.
argumēti.
Quietes à
facultate
pulsificæ
sunt.*

Quanquàm verissimum sit ab ipsa facultate pulsificæ quietes, tanquàm motuum appendices fieri, Hercules Saxonia nullo nixus argumento à duabus distinctis facultatibus eas manare docuit. Nos tamen Galenum sequuti, ab vnica facultate ambos motus pulsus fieri monuimus, putamusq; ab eadem vnica facultate illas motuum appendices procedere. Frustra enim, & sine necessitate multiplicat Saxonia facultates, constituendo duas pro duabus relatis quietibus, & duas pro bino motu. Sanè facultas illa, quæ pulsus ipsum, id est dilatationem, & contractionem efficit, sufficit ad productionem quietum: quoniam id quod ex necessitate naturæ, & ad eiusdem naturæ bonum sequitur aliquid aliud, non eget causâ distinctâ ab illa, quæ primum & præcipuum effectum producit. Sed quietes, de quibus egimus, ex necessitate naturæ, & ad bonum ipsius naturæ, sequuntur aliquid aliud, id est dilatationem, & contractionem. Ergo non egent distinctâ causâ à causâ eorundem.

*Saxonia
perstringi-
tur.*

motuum, quos sequuntur: maximè verò, quia ad eundem finem producendum tendunt. Exemplo res clarior euadet. Vt leuitas introducatur, non eget alia causa distincta ab ea quæ calefacit; quoniam ex calefactione, quæ est præcipua actio causæ calefacientis; ipsa leuitas necessariò resultat. Ergo à pari, cùm quietes necessariò resultent inter duos motus contrarios, qui vicissim à Facultate vitali per se fiunt, non ab alia producentur causa, quàm ab hac eadem Facultate.

Sed in fauorem Saxonix aliquis dicet: Sicuti Facultas retentrix concessa est corporis partibus ad retinendum alimentum iisdem partibus applicatum, similiter Cordi, & arteriæ facultates quietes efficientes concedendæ sunt. *Obiectio.*

Respondeo, maximam esse disparitatem inter retentricem facultatem alimenti, & quietes pulsum: quoniam nutritio postulat alimentum diu & tenaciter partibus adhærens, ne fame periret animal. Et hic retentricis facultatis finis est. Finis verò naturæ in pulsu non est nutrire, sed calorem natium temperare, aërem attrahendo, & fuligines deturbando: cui officio duplex motus, duplexq; quies præest. Finis ergo facultatis retentricis, & quietum in pulsu, est longè dissimilis: Si enim daretur facultas aliqua, quæ cordis, & arteriarum quietem alicuius momenti pareret, animal ad incendium, & mox ad interitum deduceret. Concludendum ergo, ab vnica facultate pulsifica motus primariò fieri, & necessitate sequelæ quietes, quæ propter eosdem fines, ob quos motus, fiunt: vt constat ex Galeno, qui apertè docet, quietem vsui satisfacere, sicuti motum celerem & magnum. Ideò, vbi magnitudo, & celeritas vsui satisfacere nequeunt, quietes multò minores natura efficit; vt nimirum magno pulsu, celeri, & denuò crebro simul coeuntibus, caloris natui contemperatio sollicitetur. *Solutio.*

Sed denuò instabit aliquis, quietes præfatas non esse quid positium. Nam si tale essent, dicerentur esse motus, aut actiones. Sed neutrum dici potest. Ergo non sunt quid positium. Patet, quòd non sint motus, cùm quietes motus intercipient, & his opponantur. Patet etiam, quòd non sunt actiones; quoniam Philosophus lib. 3. Physic. cap. 3. patenter docet, actionem & motum re non distingui. *Obiectio.*

Quidam ad hanc difficultatem respondent, quietes in pulsu esse

*Quietes
ad eundem
finem ad
quem mo-
tus cédunt.*

*Solutio
iuxta
quosdam.
Quietum
amborum
munus.*

veras & positivas actiones: Nam sunt conservatio quædam effectuum supra propositorum: id est, quies externa est conservatio quædam contemperationis caloris natiui, ortæ ab introducto aëre vi dilatationis arteriarum: & quies interna est conservatio continuatioq; expulsionis fuliginum, quæ vtraq; conservatio pendet à vitali cordis facultate pulsfica. Qui hanc tuerentur opinionem, dicunt falsum esse, omnem actionem esse motum; quia, inquit, conservatio est actio, quæ multoties fit sine subiecti mutatione, ut videre licet in aëre illuminato: quippe lumen per continuam actionem luminosi conservatur, absq; eo, quod mutatio aliqua in aëre tunc oriatur; cum aër non aliter se habeat quàm prius in alio tempore illuminationis, neq; aliter, quàm in primo instanti. Ergo non omnis actio est motus. Ergo quietes, quæ conservaciones sunt, siue detentiones Cordis & arteriarum in loco; pendent in esse & conservari à facultate vitali. Quod quietes sint reales actiones, patet ex Aristotele, qui Naturam posuit principium motus & quietis. Galenus pariter lib. 1. de motu musculi. cap. 8. & lib. de trem. rigore, & palpitatione, docet, quod quiescere est agere. Exemplo autem avis in aëre stantis, aut se in vno loco detinentis, ostendit, aliud esse agere, aliud verò movere. Nam avis illa, cum non mutet locum, non movetur, agit tamen. Similiter brachium distentum & rigidum, cum musculos extensos habeat, necessario agit, sed non movetur; quia locum non mutat. Sicuti ergo facultas animalis motrix agit conservando rem in loco, & non proinde movet, pariter & facultas vitalis.

*Quies ex
Aristotele,
& Galeno
est actio.*

Alia solutio.

Sanè, etsi libenter admittam quietes in definitione pulsus, sicuti in definitione naturæ, & in muscularis distentis; & in aëre quasi suspensa in aëre, non esse priuationes, sed reales & positivas actiones, nimis violentum mihi videtur, actiones à motu realiter distinguere, ita ut actio sine motu esse queat, licet non sine actione motus, ut aiunt. Mullem ergo positivam quietem nominare actionem; & motum quendam obscurum, quàm motum, & actionem realiter ab invicem distinguere, quamvis ratione patenter distinguantur. Ridiculum sanè est, velle à facultate motrice aliquam edi actionem à motu distinctam; cum ideo motrix dicatur, quod eius actio sit merus motus. Plus profectò vigoris à facultate adhibetur continuitati extensionis brachij, & detentionis avis in aëre, quàm lo-

cali mutationi vtriusque: Vnde non immeritò sensus motus talis extensio nuncupatur. Sed de hoc dubio hæc sint satis.

Obijcies sextò, nos frustra Doctorum lites hucusque inuestigasse, falsò supponentes, dilatationem & compressionem Cordis & arteriarum, esse peculiare actiones Cordis, & arteriarum; quia à plurimis Antiquis statutum est, dilatationem solam à pulsatili fieri facultate, contractionem verò, siue compressionem, non à facultate procedere, sed esse meram motus cessationem, à sola gravitate partium arteriæ & cordis in se concidentium pendentem: non aliter ac in respiratione fieri cernitur; cuius vna pars inspiratio à facultate quidem musculos mouente fit, mediante thoracis dilatatione: Thoracis tamen compressio, qua expiratio completur, non à facultate, sed ab eiusdem thoracis gravitate procedit: fit enim illa compressio, relaxatis, & quiescentibus musculis, quibus antea dilatatio fiebat. Confirmant aliqui autoritate Galeni, compressionem thoracis non à facultate, sed à gravitate procedere: Nam Galenus libro 2. de motu musculor. cap. 7. docet, nullum muscolum septo transverso appositum esse, sed solum nobis expirantibus thoracem in suum locum decidere. Decidentia verò non fit à facultate, vt ipse etiam testatur lib. 1. de motu musculor. cap. 7. Ergo similiter arteriarum erit decidentia siue concidentia, à sola gravitate corporis arteriæ nata. Asclepiades apud Galenum lib. 4. de differ. puls. cap. 10. ita de contractione sentit; quamuis nullam facultatem dilatandi cor & arterias admiserit, vt testatur Galenus lib. iam cit. cap. 12. Sed cor & arterias distendi à spiritu influente, dum eo implentur.

Obiectio 6.

Asclepiadis opinio.

Alij verò contrariam sententiam mordicùs tuentur: Compressionem nimirum à facultate fieri, dilatationem verò à firmitudine partium arteriæ, quæ spontè ad naturalem statum ita redit. Rem exemplo confirmare nituntur. Virga v.g. vt flectatur, facultas valida ad talem flexum & compressionem necessaria est; rursus verò se solâ, suaq; firmitudine dilatatur, nullaq; accedente facultate. Ergo cor & arteriæ, quæ sunt dura corpora, spontè similiter, & suoptè ingenio, absque facultatis vllius interuentu, dilatantur. Hæc sententia fuit Herophili, vt testatur Galenus lib. 4. de differ. puls. cap. 10. qui Herophilus id ideò dixit, quòd animaduerteter post mortem in cadaueribus arterias esse distentas siue dilatatas.

Aliorum opinio.

Arteria post mortem dilatata.

Solutio.

Verum nos Galeni sequimur sententiam, qui lib. 4. de different. puls. cap. 12. in sequentia prorumpit. At verò familia Athenæi, vt dixi, omnis, vtrumq; motum in functionibus habet, & distentionis, & contractionis. In qua etiam nos sententia sumus: neq; tantum de arterijs, & corde, sed etiam de thorace: quippe quem etiam demonstrauimus agere distendendo se, & contrahendo. Distinguo autem tum in thorace, tum in arterijs, lationes in medium statum ab extremis, quæ nunc citra actionem, nunc cum illa fiunt. Eandem sententiam habet Galenus lib. de vsu puls. cap. 5. & 7. His soluitur, quidquid in binis relatis sententijs ex Galeno allatum est. Nam nunquam ipse voluit à sola thoracis grauitate, absq; facultatis auxilio, compressionem thoracis fieri. Et multò minus, arteriæ deciditiam à grauitate arteriæ progredi voluit. Cum enim pulsus propter magnum vsu à natura sit constitutus, necessario à facultate aliqua fieri debet. Etenim æqualem semper tenorem dilatatio & contractio seruarent, si fierent eo modo, quo voluere Herophilus, & Asclepiades: cuius tamen contrarium experimur: Nam dilatatio augetur vsu aucto, similiter, & compressio, vt in progressu dicemus.

*Ad locum Galeni.**Pulsus à facultate fit.**Solutio.*

Exemplum illud de virga vi plicata ridiculum est adeò, vt responsum non mereatur: cum res inanimatæ permodicam habeant similitudinem cum animatis. Functiones quidem omnes in corporibus viuentibus à facultatibus fiunt.

Si omnia, quæ pulsus definitionem contingunt, inuestigare vellem, integrum componere librum necessum esset. Nam de varijs tantum variorum Authorum definitionibus Pulsus egit Galenus lib. 4. de different. puls. decem & septem constante Capitibus.

CAPVT III.

*De Differentijs, sine Speciebus Pulsûs.**Fontes è quibus prima pulsuum genera eruantur.*

EXposita Pulsus essentiâ, modò par est, eiusdem pulsus species, saltem præcipuas, enumerare, cum Galeno libro de Pulsib. ad Tyrones, & lib. 1. de different. Puls. Galenus in tradendo pulsuum genera aliquantisper varius est: Nam lib. de Pulsib. ad Tyrones, à pulsu in quantitate motûs; lib. 1. de differ. puls. cap. 3. à pulsu desumpto à tempore motûs, exorditur. Vt cunq; sit, Pulsuum

suum prima saltem genera à quatuor veluti fontibus desumuntur: à motu dilatationis, & contractionis: à duplici quiete hos binos & contrarios motus successuè dirimente: ab ipsa arteria, quæ mouetur, & mobilis locum ideò tenet: & à facultate arteriam mouente. Hanc doctrinam habet Galenus lib. 1. de different. puls. cap. 3. ubi pulsuum genera appellat communitates has, siue fontes, è quibus pulsuum omnium primæ differentiæ eruuntur.

Dicamus ergo, primam pulsûs differentiam genusue (à Galeno enim Genus, Species, & Differentia sæpè confunduntur) à motus quantitate desumi. Cum enim arteria corpus sit mobile trina constantis dimensione, longitudine, latitudine, & profunditate (quam altitudinem quandoq; vocat Galenus), quoties distenditur dilataturæ, trinam in spatio efficit dimensionem: quæ quidem dimensio varias procreat pulsuum differentias; sed primò tres, quarum prima, magnus dicitur: secunda, paruus: tertia verò, medius inter paruum & magnum, qui ideò mediocris nuncupatur. Mediocris hic in magnitudine pulsûs, est ille, qui naturalis est; qui nimirum mediocris est longitudinis, latitudinis, & altitudinis siue profunditatis. Quando à mediocri statu, motus siue pulsus arteriæ recedit, vel excellit in trina dimensione, & fit præter naturam, & magnus; vel à mediocritate deficit, & paruus, ac consequenter præter naturam fit. Tres ergo dimensiones auctæ, longitudo, latitudo, & altitudo siue profunditas, magnum pulsum constituunt: Et magnus pulsus dicitur absolutè, qui his tribus constat dimensionibus. Oppositus huic, paruus appellatur, qui scilicet multum à mediocritate deficit, paruas habens dimensiones. Quoniam, vt vidimus, dimensio triplex est, Pulsus magnus in tres adhuc species diuiditur: Potest enim dimensio in longitudine sola excedere naturalem pulsum, absq; eo, quòd in latitudine, aut profunditate superueniat excessus; & huiusmodi pulsus, longus dicitur. Si verò sola augeatur latitudo, tum Pulsus latus nuncupabitur. Si sola altitudo, pulsus altus. Atq; ita tres erunt species magni Pulsûs. Similiter ex opposito tres species parui pulsus admittendæ, dictis omninò oppositæ. Pulsus enim paruus est, qui tres dimensiones habet exiguas: vnde brevis, angustus, & humilis percipitur. Brevis pulsus longo aduersatur: angustus lato: humilis alto siue profundo. Hi pariter pulsus seorsim inueniri possunt. Ex his colligitur, medio-

*Primum
genus pul-
suum.*

*Magnus
pulsus
quid.*

*Pulsus
paruus
quid.*

*Pulsus
mediocris
triplex.*

*Pulsus in
longitudi-
ne triplex;
in latitu-
dine tri-
plex: in
altitudine
triplex.*

crem siue naturalem pulsum, pari modo in tres dirimi species. Prima, est pulsus medius inter pulsum longum, & breuem. Secunda, pulsus mediocris siue medius inter latum & angustum. Tertia, pulsus medius inter altum & humilem. Rursus ex quavis dimensione tres nascuntur pulsum differentiae. Ex longitudine nimirum, longus pulsus; pulsus mediocriter longus, & pulsus brevis. Ex latitudine, Pulsus latus: pulsus in latitudine mediocris; & pulsus angustus. Ex altitudine siue profunditate, pulsus altus; pulsus mediocriter & naturaliter altus: & pulsus humilis. Haec pulsum sunt in vna dimensione acceptorum differentiae. At differentiae pulsum ex trina dimensione complicatae, sunt vigintiseptem numero, quas in sequenti tabella praec oculis habes.

TABELLA.

*Graciles
pulsus sunt
in quibus
longitudo
reliquis
duabus di-
mensionibus
prae-
stat: turgi-
di pulsus
in quibus
duae reli-
qua longi-
tudine
praestant.*

1	Longus	Latus	Altus	Magnus
2	Longus	Latus	Moderatus	
3	Longus	Latus	Humilis	
4	Longus	Moderatus	Altus	Gracilis
5	Longus	Moderatus	Moderatus	Gracilis
6	Longus	Moderatus	Humilis	
7	Longus	Angustus	Altus	Gracilis
8	Longus	Angustus	Moderatus	Gracilis
9	Longus	Angustus	Humilis	
10	Moderatus	Latus	Altus	Turgidus
11	Moderatus	Latus	Moderatus	
12	Moderatus	Latus	Humilis	
13	Moderatus	Moderatus	Altus	
14	Moderatus	Moderatus	Moderatus	Medius
15	Moderatus	Moderatus	Humilis	
16	Moderatus	Angustus	Altus	
17	Moderatus	Angustus	Moderatus	Gracilis
18	Moderatus	Angustus	Humilis	

19 Breuis	Latus	Altus	Turgidus
20 Breuis	Latus	Moderatus	Turgidus
21 Breuis	Latus	Humilis	
22 Breuis	Moderatus	Altus	Turgidus
23 Breuis	Moderatus	Moderatus	Turgidus
24 Breuis	Moderatus	Humilis	
25 Breuis	Angustus	Altus	
26 Breuis	Angustus	Moderatus	
27 Breuis	Angustus	Humilis	Paruus.

Hæc tabella iuxta Galeni mentem lib. 1. de different. pulsuum cap. 4. posita est: non verò iuxta quorundam opinionem, qui post primas nouem complicationes longitudinis, cum reliquis dimensionibus, alias nouem à latitudine inchoant; & alias adhuc nouem ab altitudine.

Pulsus magnus, est dilatatio in trina dimensione naturalem hominis pulsum excedens, sicuti pulsus paruus dilatatio in trina dimensione, multò inferior exiguiorue naturali agri pulsu. Si quatuor simul digitis leuiter carpo applicatis arteria occurrat, talis pulsus longus dicitur: quia secundum plures sui partes ad longitudinem percipitur, cum in statu sano à duobus tribusue digitis secundum longitudinem perciperetur. Pulsus breuis huic oppositus dignoscitur ex eo, quod arteria non nisi vnicui, aut vix duos Medici pulsum tangentis digitos feriat. Pulsus, latus esse dicitur, quando magnam partem pulparum digitorum ferit secundum sui latitudinem. Angustus lato oppositus, dicitur pulsus, quoties ad latera se vix expandit, & digitorum pulpam non nisi exiliter, & secundum longitudinem, ferit. Altus siue profundus dicitur pulsus ex Galeno libro 2. de dignoscendis pulsib. quando arteria gibbosa tactui occurrit: dum verò arteria tactui plana occurrit, tunc humilis dicitur, & alto oppositus. Pulsus ergo magnus esse deprehenditur ex Galeno lib. 3. de dignosc. puls. cap. 2. quando arteriam ad plures partes siue dimensiones tactu distendi percipimus. Pulsus paruus, quando ad exiguas partes. Pulsus mediocris siue naturalis, mediocritatem tactui in omni dimensione representat. Inter vi-

Inter viginti septem descriptos pulsus, duo nominibus proprijs gaudent, magnus, & paruus. Pulsus longus, latus, altus, breuis, angustus, humilis, quid.

gintiſeptem in tabella deſcriptas differentias , magnus & parvus proprio gaudent nomine : Nam cæteræ complicatæ nominibus carent proprijs. Et hæc de primo pulſuum genere.

*Secundum
genus pul-
ſuum.*

Secundum genus pulſuum à qualitate motus , ſeu diſtenſionis , ſeu , vt alij loquuntur , à tempore quo diſtenſio fit , deſumitur. Propriè enim (inquit Galenus lib. de Pulſ. ad Tyrones cap. 3.) ad motum pertinet celeritas , & tarditas : quarum hæc (id eſt tarditas) motus eſt exolutus : illa (id eſt celeritas) motus incitatus . De his faciendum iudicium ex comparatione naturalis pulſûs. Itaq; (inquit Galen. lib. 1. de differ. pulſ. cap. 4.) hoc genus efficit tres numero differentias pulſuum : celerem , qui fit , cùm modico tempore mouetur arteria : tardum , cùm multo : moderatum (& naturalem) cùm mediocri. Ex arteriæ magno impetu , pulſûs celeritatem dignoſcimus : ex remiſſiori arteriæ impetu , tarditatem ; teſte Gal. lib. 4. de dign. pulſib. cap. 1. Idem Galenus lib. 2. de dignoſc. pulſ. cap. 1. & Ariſtoteles lib. 6. Phyſicor. celerem , & tardum motum colligunt ex proportionem temporis cum ſpatio , per quod motus fit. Vnde celer motus breui tempore certum ſpatium percurrit : tardus , longiori tempore idem ſpatium perficit . Clarius tamen à tactu percipitur impetus , impetuſq; remiſſio , quàm hæc proportio , dummodò leuiter manus carpo applicetur.

*Tertium
genus pul-
ſuum.*

Tertium genus pulſuum à qualitate iſtûs , ſiue occuſus arteriæ , deſumitur. In qualitate occuſûs (inquit Galen. lib. de Pulſ. ad Tyron. cap. 3.) vehementia conſiſtit , & remiſſio : vehementia quidem , cùm violenter tactus (ſiue pars tangeas pulſum) impellitur : cùm debiliter (digitorum tangentium pulpæ impellantur) remiſſio. Galenus lib. 1. de differ. pulſ. cap. 5. de hoc genere loquens , ait : Iam nunc ad tertium pulſuum genus , quod in contentione conſiſtit , deſcendamus , & huius etiam differentias exponamus . Sunt autem tres , vnus validus contentione , qui vehemens vocatur ; alter imbecillus , quem languidum appellant : medio inter eos proprium non eſt nomen , ſed hunc quoque explicamus definitione.

Vehemens pulſus dignoſcitur ex eo , quòd vi validæ facultatis arteria à digitis compreſſa magnum faciat impetum contra pulpæ eorundem digitorum ; quas quidem repellendo aliquantulum , eadem arteria excauat. Languidus , ſiue remiſſus , ſiue imbellis , ſiue debilis dicitur pulſus , quando imbecilliter manui tangenti occur-

rit.

rit. Nam dum arteria comprimitur à Medici manu, non ampliùs eius motus percipitur.

Quartum genus pulsuum à qualitate corporis arteriæ desumitur. Galenus libro de Pulsib. ad Tyrones cap. 3. ait: Mollicitudo autem, & durities, sunt tunicæ arteriæ qualitates: mollicitudo, cum arteria quasi carnosior in occurso (digitis tangentis manûs) apparet: durities, vbi veluti sicciior rigidiorq; in modum corij. Cum dura sit arteria chordæ instar, vt ex Galeni vltimis verbis constat, debet pulpas digitorum in sua dilatatione excavare, sed non tanto cum inpetu roboreque, ac in vehementi pulsu. Mollis verò pulsus palpando, & suspensa manu dignoscitur. Galenus lib. 1. de different. puls. cap. 5. ait. Quartum genus, quod in arteriæ consistit corpore, diuiditur etiam in tres differentias, vocaturq; à Medicis plerisque, maximè ab Iunioribus, plenum, & vacuum, & quod inter vtrumq; medium est, ne hic quidem sortitum est nomen. A nobis non ita, sed alter durus, alter mollis appellatur: annunciatq; vterq; arteriæ statum. Et paulò post, ait:

*Quartum
genus pul-
suum.*

*Plenus, &
vacuus
pulsus sunt
durus, &
mollis,*

Aliud genus erat pulsuum, arteriæ infusionem, vt aiunt, declarans. Tres & huius generis differentię pulsuum finguntur, quarum vnus plenus, alter vacuus appellatur; nam medius vtriusque nomine peculiari gaudet. Plenus ergo pulsus est, vt definit Archigenes, qui arteriam ostendit pleniorē, & occursum (manui) humidè tumidum. Vacuus, qui arteriæ eleuationem facit bullosam, vt digitorum impressioni egressus per vacua occurrat. Hæc quinq; Pulsuum genera in vno motu consistunt arteriæ, & singulæ eorum æqualitates, atq; inæqualitates: quarum exponemus differentias, cum de altera agemus inæqualitate, quæ in pluribus pulsibus posita est.

*Quintum
genus pul-
suum.*

Sextum genus pulsuum, à tempore duplicis quietis siue interualli intercedentis duos motus, qui in pulsu sunt, suam suscipit constitutionem. Sicuti enim celer pulsus à breui tempore, quo motus fit, ita pariter à tempore breui, & parum durante quietis desumitur differentia pulsûs, quæ creber siue frequens dicitur; quia scilicet pulsatio frequenter siue crebrò fit, & quies est permodica: huic opponitur pulsus rarus, qui à longo quietis tempore nascitur: dum enim quies longa est, rarus necessariò erit pulsus, sicuti frequens, quando quies parua est. Datur inter frequentem siue cre-

*Sextum
genus pul-
suum.*

brum pulsum, & rarum, mediocritas temporis quietis, quæ naturali pulsui congruit. Hastres differentias, temporis quantitate dignoscimus, ut loquitur Galenus lib. de Pulsib. ad Tyrones cap. 4. Nam creber est, inquit, cum quietis sit breue tempus: rarus, cum longum. Quietem dicas, an ictuum interuallum, an contractionem, nihil intererit. Creber enim, & rarus pulsus tales dicuntur respectu mediocris & naturalis pulsus, qui in suis quietibus nec rarus est, nec creber. Oportet enim sedulo crebrum pulsum à celeri, & rarum à tardo distinguere; cum celer & tardus à tempore motus dilatationis desumantur, & semper celeritas facultatis vitalis robur arguat, frequens verò, & rarus pulsus à quiete eruantur, & naturæ imbecillitatem quàm robur, frequens magis arguat. Potest præterea motus esse celer, & quies longa; & vicissim quies brevis, & motus tardus.

Sicuti pulsus superius relati, à quantitate distensionis, à qualitate distensionis, & modo ferendi tactum per distensionem desumpti sunt, sic pariter tres relatæ differentiæ ex quiete emergentes, externæ quieti suam debent constitutionem: nam hæc sola est, quæ à tactu percipitur; interna verò non tactu, sed ratione, sicuti & ipsa arteriæ contractio secundum ultimam sui partem. Nam solum eiusdem contractionis principium à tactu comprehenditur atq; percipitur, veluti dilatationis vltima pars, non prima, affirmante Galeno lib. 1. de dignosc. puls. cap. 8. & 10. Cæterum, sicuti pro contractione tot pulsus genera, atq; differentiæ constitui possunt, quot hæcenus Galenus ex dilatatione, & arteriæ qualitatibus collegit, sic similiter pro quiete interna, etsi occultâ, statui possunt tot differentiæ, quot pro externa: frequens videlicet, rarus, & mediocris. Nec spernendæ sunt hæ differentiæ ab interna quiete desumptæ. Nam licet eam tactu non percipiamus (Galenus lib. 1. de dignoscend. Puls. cap. 10. & vltimo, docet, externam quietem leui applicatione manûs percipi à tactu, internam fortassis in vehementi pulsu, premendo arteriam, percipi posse: in calce tamen capitis inquit; neq; exactè vnquam dignoscetur.), ex breuitate tamen temporis contractionis, & internæ quietis eam consequentis, aut solius quietis, clarè percipimus refrigerationis vsum maximè vrgere; quia natura ad dilatationem perficiendam, cuius ope refrigeratur, ventilaturq; calor natiuus, quasi contractione neglecta, festinat.

*Celeritas,
& frequen-
tia disse-
runt, sicuti
tarditas,
& raritas.*

*Tot diffe-
rentia pul-
sum ex
contractio-
ne nascun-
tur, quot
ex dilata-
tione cum
Galenob.
tenus col-
legimus.
Nunquam
à nobis e-
xacte per-
cipitur
quies in-
terna, etiã
in vehemē-
ti pulsu,*

Vnde Galenus lib. 1. de differ. febr. ait, arteriās parū in centro quiescere in febribus diarijs; in quibus nimirum refrigerandi necessitas magis vrget, quā expellendi fuligines: sicuti ex aduerso in putridis febribus, in quibus fuliginum retentio maximum naturæ affert damnum, externa quies brevis est, vnde pulsus frequens: interna verò quies longiori tempore durat; vnde pulsus rarus.

Galenus citato cap. 4. lib. de Puls. ad Tyron. dixit, nihil interesse, an quies dicatur interuallum ictuum, an verò contractio: quia ibi discutere noluit quorundam antiquorum opinionem, qui in hac fuere sententia, vt crederent, contractionem esse quietem, & solam dilatationem esse motum; vt ipse Galenus testatur lib. 1. de differ. puls. cap. 6. qui huic opinioni aduersatur, contractionem æquē, ac dilatationem in pulsu admittens.

Hactenū de quinq; primis & simplicibus pulsuum generibus, siue speciebus, siue differentijs. Pulsū enim vacuum, & plenum: *Pulsus plenus Galeni durus dicitur, nec ineptè sub magno continetur.* è numero earundem specierum excludunt ferè omnes, quòd eum sub duro & molli comprehendat Galenus, vt superiùs vidimus, & repetit idem lib. 4. de dignosc. puls. cap. 3. Ergo, inquit, quem plenum tu, ego durum voco: Lib. 3. de diff. puls. c. 6. plenum, magnum vocat. Et sanè in rigore, ipse durus, & mollis, & inter hos geminos, mediocris, pulsus vix dici meretur: quoniam corpus arteriæ, aut alterius rei, vt sit molle, aut durum, motu non eget: secus res se habet in distensionis quantitate, quæ motu non caret. Vnde legitima erit differentia pulsūs magni, & parui, ac mediocris, à quantitate distensionis petiti: sicuti differentia vehementis, & remissi, à qualitate ictūs: & differentia celeris, & tardi, à qualitate motūs: vt loquitur Galenus lib. de Puls. ad Tyron. cap. 3. vbi de duro, & molli, ac mediocri, sequentia pronunciat: Atq; hæc quidem etiam differentia pulsuū vna statim cum arteriæ motu percipitur: non tamen eius est, vt tres antedictæ, propria. Illarum enim differentia celeritatis, & tarditatis posita in qualitate erat motus: vehementiæ, & remissionis (differentia) in ictūs qualitate: magnitudinis, paruitatisque, in quantitate distensionis. Atqui non caret motu distensio: molle verò corpus, atq; durum, vt sit tale, non requirit motum. Quatuor ergo has Pulsuum differentias inueneris in ictu. Hæc Galenus, qui tametsi durum, & molle ad pulsū siue motum non pertinere autumat, differentiam tamen pulsūs cum

Differentia pulsus a quantitate distensionis, à facultate, & a motu desumptæ, sunt legitime.

Pulsus calidus.

alijs, à duro, & molli desumi, & statui vult: imò lib. de arte curat. ad Glaucon. cap. 5. pulsus calidi meminit; sicuti lib. 1. de differ. puls. cap. 23. etsi libro 4. de dignos. puls. cap. 2. à pulsum censu longè reiecerit pulsus calidos, frigidos, humidos & siccos; quos tamen Auicenna cum quibusdam antiquis admisit. At verò, vt paulò ante retuli, libro de Puls. ad Tyrones, quatuor iam relatas differentias, & quintam à quietibus (in ordine tamen ad motum siue pulsum) desumptam absolutè prima constituit pulsum generum; quæ simplicia esse diximus, non quòd pulsus res simplex sit, cum cõposita videatur ex cõtrarijs motibus, sed quia prædictæ differentia suis correspondent simplicibus causis, & compositorum pulsum, de quibus mox, elementa dici merentur.

Cur prima pulsum generum simplicium dicuntur.

Ictus bisariam accipitur.

Ictus mentionem cum Galeno in superioribus feci; quæ dictio in duplici accipitur sensu. Primò, pro ipsa arteriæ motæ occurrente distensione qua tactus feritur: quo in sensu loquutus est Galenus cit. cap. 3. libri de Pulsibus ad Tyrones. Secundò accipitur ictus pro primo arteriæ occurso: quo in sensu loquutus est Galenus lib. 1. de dignos. puls. cap. 2. vbi Empirici introducuntur, qui asserabant ictum se tantum sentire, distensionem autem ignorare arteriæ. Sed de his satis.

Composita Differentia Pulsus.

Duo hæc pulsum genera dicuntur pulsus æqualis & inæqualis, ordinatus, & inordinatus.

Galenus duo alia pulsum genera proponit lib. 1. de differ. puls. cap. 9. Porro, inquit, ad genera iam reliqua duo transeamus: alterum, in quo æqualitatem spectamus, & inæqualitatem: alterum, in quo ordinem, & ordinis perturbationem. Atq; æqualitas, & inæqualitas, tum in vno pulsu fiunt, tum in pluribus: Ordo, & perturbatio ordinis in pluribus duntaxat. Sed enim quòd difficilis est in vno pulsu, neq; facilè animaduertitur inæqualitas, primo loco de ea dicamus, quæ ex multis pulsibus constat: simulq; de ordine, & ordinis perturbatione explicemus, quando finitimum est hoc genus, & affine: mox ad inæqualitatem nos in vno pulsu referamus, de musq; operam, vt omnes eius differentias recenseamus. Ergo quæ pluribus in pulsibus æqualitas, atq; inæqualitas animaduertuntur, quas collectiuas vocitant, in comparatione (in contentione, habet alia versio) omnium differentiarum æstimantur pri-

mi pulsus cum reliquorum differentijs. Nam, pares si omninò maneant, æqualis absolutè is pulsus vocatur: sin omninò impares, inæqualis absolutè. Quæ si in vna sint, vel pluribus pares, & in vna, vel pluribus impares; quatenus pares sunt hæcenus pulsus æqualis appellabitur: quatenus impares, hæcenus inæqualis, &c.

Galenus his apertè promulgat duas pulsuum differentias ex comparatione, aut relatione prædictarum simplicium differentiarum ortas. Æqualitas enim, quæ est plurium consensus, & convenientia, relatio quædam est, sicuti & ordo, quia respectu alicuius ordo dicitur. Duo hæc genera dicuntur Galeno æqualitas, & inæqualitas, ordo, & ordinis perturbatio; quibus, tanquam tertiam differentiam, addere possumus Rhythmum cum Galeno lib. 1. de differ. puls. cap. 3. 8. & 30. Æqualitatem verò, & inæqualitatem in vnica pulsatione, & pluribus pulsationibus reperiri docet: ordinem verò, ordinisque perturbationem in pluribus solummodò pulsationibus.

Æqualitas, atq; inæqualitas, quæ in pluribus pulsationibus animaduertuntur, quæq; Græcis Systematicæ, Latinis Collectivæ dicuntur, ex comparatione primæ pulsationis cum reliquis subsequentibus pulsationibus nascuntur; & quidem in quavis differentia, siue genere pulsuum, aut in omnibus simul. Vnde duplex emergit æqualitas, & inæqualitas Systematica, siue collectivæ. Nam quædam est æqualitas simpliciter & absolutè dicta; altera verò secundum quid. Pulsus æqualis æqualitate collectivæ simpliciter, est æqualitas paritatisve observata inter omnes pulsationes; & omnes differentias pulsuum simul. Vt si prima, secunda, tertia, quarta, & omnes subsequentes pulsationes sint conformes, pares, & æquales inter se, non solum in magnitudine, sed præterea celeritate, vehementia, duritie, frequentia, plenitudine, & calore, tunc aderit pulsus simpliciter & absolutè æqualis. Galenus citato cap. 9. lib. 1. de differ. Puls. de hac re sic pronunciat: Sint omnes vnus pulsus differentia, insequentium differentijs omni in genere pares, absolutè æqualis hic appellabitur. Pulsus æqualis secundum quid, est paritas pulsationum in vno genere pulsûs, aut in pluribus: vt si in sola magnitudine omnes pulsationes sint æquales, etiamsi in alijs differentijs sint inæquales, dicetur pulsus æqualis in magnitudine tantum, adèòq; secundum quid. Si non in magnitudine so-

Æqualitas, & inæqualitas reperiuntur in vnica pulsatione, aut in pluribus.

Æqualitas, & inæqualitas collectivæ duplex.

Pulsus æqualis simpliciter.

Pulsus æqualis secundum quid.

lùm,

lūm, sed præterea in celeritate, & vehementia omnes pulsatione fuerint æquales, in frequentia verò, aut raritate, aut duritie, aut mollitie inæquales, talis pulsus æqualis adhuc dicitur secundū quid; quia secundū omnes pulsum differentias non est æqualis.

*Inæqualis
pulsus sim-
pliciter.*

*Pulsus inæ-
qualis se-
cundū
quid.*

Inæqualis pulsus simpliciter, æquali simpliciter est oppositus, & dicitur imparitas pulsationum in magnitudine, celeritate, cæterisq; omnibus pulsum differentiis. Inæqualis pulsus secundū quid, est imparitas aut inæqualitas pulsationum in vno, aut pluribus generibus pulsum: vt si prima pulsatio fuerit magna, secunda parua, tertia mediocris, quarta magna, aut parua, & ita de reliquis, eiusmodi pulsus inæqualis secundū quid dicitur. Potest in pluribus differentiis simul concurrere eadem inæqualitas secundū quid, æqualitati secundū quid, opposita. Potest ergo pulsus in pluribus pulsationibus vnus, aut pluriū differentiarum esse æqualis, & in alijs differentiis simul inæqualis, vt in contextu docuit Galenus.

*Pulsus inæ-
qualis inæ-
qualitate
collectiua
duplex.*

Inæqualis pulsus inæqualitate collectiua, duplex adhuc est; vnus dicitur pulsus æqualiter inæqualis: alter inæqualiter inæqualis. Neque admirationis habet quicquam, quòd æqualem quandam vocamus inæqualitatem, inquit Galenus lib. 1. de differ. puls. cap. 10. cū id vsu veniat non pulsibus modò, sed & alijs propè omnibus, quæ pristinam naturam immutantia, siue magnitudine, siue qualitate æqualia capiunt incrementa, vel inæqualia. Nam quatenus æqualitatem commutant, vocentur inæqualia: sed quatenus æquam semper mutationem assequuntur, æqualiter dicantur mutari: sed verò, quæ nec pristino constant statu, nec accipiunt parem mutationem, hæc semel inæqualia vocantur. Ergo id ipsum pulsibus accidit, seu paulatim perdatur, & æqualiter ipsorum æqualitas, seu affatim & aceruatim. Ac in vno id genere (pulsus) exempli gratia planum fiat. Sit primo pulsus (magno) secundus paulò minor, & tertius tantò secundò: & verò etiam quartus tertio pari modo, idque ad plures vsq; deinceps perueniat: hos pulsus Græci *μωσῶπιζοντας* vocant, & *μωσῶπας*, hoc est mutilos, & quasi decurtatos, à figuris nomen, quæ in actum terminant, mutuantes.

*Pulsus
murus.*

*Pulsus æ-
qualiter
inæqualis.*

Vult hîc Galenus, pulsum fieri inæqualem, quia statum mutat naturalem, & in varijs pulsationibus æqualitatem non seruat. Quoties tamen hæc inæqualitas in pluribus pulsationibus deprehensa, regu-

regularis est, & proportionem quandam seruat, dicitur æger pulsus habere æqualiter inæqualem. Si verò nulla, aut saltem permodica proportio inter pulsationes varias obseruatur, istiusmodi pulsus inæqualiter inæqualis nuncupatur. Pulsus æqualiter inæqualis naturam exemplo demonstrat: Dum Medicus ægri carpo manum adhibet, primam quandoque pulsationem magnam inuenit: secundam minorem primam: tertiam secundam minorem, & insuper obseruantem parem ab eadem secunda defectum siue diminutionem, cum ea quam secunda à prima pulsatione obtinuit: quarta eandem diminutionis paritatem cum tertia seruat, quam tertia cum secunda; & ita deinceps subsequentes pulsationes, hæc obseruata proportionem minuuntur. Vnde Latinis mutili; & decurtati dicuntur, Græcis myuri, quasi soricis caudam in acutum siue acumen, siue minorem exilitatem procedentem, & terminantem imitantes. Sorex enim caudam habet, quæ tenuior exiliorq; magis magisque ad finem vsq; euadit, æqualiterq; crassitiem amittit, & tenuitatem exilitatemq; paulatim acquirit. Pulsus hic æqualiter inæqualis, dum ita semper minuitur; vel adeò minuitur, vt omnino desinat esse, & non amplius sentiatur; vel minuitur quidem, sed rursus augetur; vel in eadem persistat paruitate. Ille qui minuitur adeò, vt non amplius percipiatur, pulsus deficiens decurtatus appellatur. Pulsus verò, qui minuitur valde, rursus tamen augetur, reciprocus decurtatus nominatur. Dum verò pulsationes paulatim minuuntur, & in acquisita paruitate demum minores, sed æqualiter persistunt, pulsus adesse dicitur decurtatus quidem, sed peculiari nomine carens. Quidam pulsus reciproci decurtati ad parem pristina reuertuntur magnitudinem, aliqui ad minorem: ac nonnulli, quibus ante excessibus imminuti, his augentur rursus; alij minoribus, vel maioribus accessionibus vtuntur. Tot inæqualitatum sunt æquales differentia; inquit Galenus citato cap. 10. lib. 1. de different. Pulsuum. *Sequenti cap. 11. eiusdem libri, Pulsus inæqualiter inæqualis species proponit hæc serie: Inæqualium inæqualitatum quædam nullam prorsus æqualitatem retinent; aliquæ retinēt ad tres vsque, vel quatuor, vel quinque pulsus, sed postea amittunt. In quorum vtriusq; inest ordo, vel perturbatio ordinis: ordo, si circuitus seruent aliquos pares: perturbatio ordinis, si & hos quoque violent.*

*Mutili,
decurtati,
siue myuri.*

*Deficiens
decurtatus.*

*Reciprocus
decurtatus.*

*Pulsus decurtatus
peculiaris.*

*Ordo, &
ordinis
perturbatio.*

Intercurrens, & intermittens, Deficiens, siue finitimus.

Reciprocus deficiens.

Systema unde dictum.

Pulsus inæqualis à pulsu inordinato differt.

Cæterum Galenus post hæc docet, pulsum inæqualiter inæqualem easdem habere differentias, quas æqualiter inæqualis, de quibus iam iam egimus. Et pulsus inæqualiter inæqualis quasdam esse species innominatas refert, quasdam verò nomine gaudentes: Qui nomine gaudet proprio pulsus, sunt duo, intercurrentes, & intermittens. Meminit tamen in eodem capite pulsus deficientis inæqualis, qui similis in vniversum est pulsui decurtato deficienti, siue finienti, siue terminanti in abolitionem motus, aut in summam paruitatem, de quo pulsu paulò ante egimus. Meminit insuper Galenus alterius pulsus, qui reciprocus deficiens dicitur. Pulsus intercurrentes nascitur ex sua inæqualitate crebritatis, vt loquitur Galenus. Quoties verò inter duos naturales pulsus vnus præter naturam intercedit, pulsus adest inæqualis intercurrentes in crebritate siue frequentia; nam permodicè tunc arteria quiescit. Intermittens pulsus ex inæqualitate constat raritatis, & paruitatis, vt loquitur Galenus: in raritatis inæqualitate, quòd quies sit longissimè producta: in paruitatis, quòd distensio minimùm sit dilatata. Vel potius ex pulsum paruitatibus deficientes constant: intermittentes ex raritatibus. Iam pulsibus intermittentibus affines sunt, qui reciproci deficientes vocantur, vbi duorum spatium, vel trium, vel plurium etiam pulsum motu omninò arteria non cieri visa, iterum agitari incipiat. Atque hæ sunt collectiue inæqualitatis species, inquit Galenus in calce Capitis. Systematica inæqualitas à Galeno talis dicitur, quia plurium pulsum differentias habet, non secus ac Musicorum Systema, quod vocum varietatem continet, acutarum, grauium, mediarum, &c.

Modò repetendum paulisper, quod superius cum Galeno cap. **II. libri I. de different. puls.** de pulsu ordinato, & inordinato à nobis dictum est: docuit enim ille ibidem, pulsum ordinatum, & inordinatum, esse pulsus inæqualis inæqualitate collectiua affectiones, seu constituere quasdam differentias in pulsu Systematico inæqualiter inæquali. Sed animaduertendum est, pulsum inæqualiter inæqualem resultare ex pluribus pulsationibus inæqualiter inæqualibus; ordinem verò, & ordinis perturbationem, non ex inæqualitate pulsationum, sed ex inæqualitate, aut æqualitate circuituum. Exempli gratia, sint primus pulsus, & secundus, & tertius, magnitudine pares, quartus verò pulsus sit impar. Eiusmo-

di pulsum magnitudine inaequalem esse liquet; nam quarta pulsatio dispar est tribus primis pulsationibus paribus, & inter se aequalibus. An tamen talis pulsus inordinatus sit, aut ordinatus, nondum clarum est; sed alij quatuor pulsus sunt expectandi: vbi, si tres illi primi horum quatuor sint inter se, & illis prioris circuitus tribus primis pulsibus pares, ac mox quarto prioris circuitus quartus secundi etiam par, eiusmodi pulsus dicitur magnitudine ordinatus; sed cum certitudine talis esse dignoscetur, si omnes subsequentes circuitus duobus primis in paritate correspondent. Quod si non omnes pulsus secundi circuitus, primi circuitus pulsibus sint pares, iste pulsus iam dicitur inordinatus in magnitudine. Eadem est ratio ordinis, & perturbationis ordinis, in celeritate, crebritate, ceterisque differentiis pulsus, ut docet Galenus lib. 1. de differ. puls. c. 9. Quod autem de tribus paribus pulsationibus, & quarta impari dixit Galenus, ut ex his quatuor vnus constituatur circuitus, exempli gratia loquutus est. Nam circuitus ordinati, aut inordinati, in quouis numero contingere possunt, ut docet Galenus lib. de Pulsib. ad Tyron. cap. 6. Etenim quatuor pulsus possunt esse pares, & quintus pulsus impar, ex quibus vnus circuitus nascitur, & subsequentes correspondere huic primo possunt, vel non. Similiter, quinque pulsationes pares esse possunt, & sextus impar: imò sex pares, & septimus impar: octo etiam pares, & nonus impar, & ita de reliquis.

Citato cap. 9. de differ. puls. tertiam quandam differentiam, inter ordinatum, & inordinatum pulsum constituit Galenus; et si reuerà lib. 1. de Pulsib. ad Tyrones cap. 9. expressè docuerit, inter aequalē, & inaequalem, sicuti nec inter ordinatum, & inordinatum, dari medium, in primis verò generibus dari. Sed ipsius doctrinam de illo pulsu medio hinc subijcere placet: Est, inquit, cum tres, vel quatuor inter se circuitus sint impares, & inferiores (id est subsequentes) obtineant proportionem pares. Quare, si fiat, ut quartus (circuitus) primo, & quintus secundo, & sextus tertio, vnde quaque adaequetur, solemus hunc pulsum ordinatum per circuitus appellare: qui quidē inter eos medius, qui absolutē ordinati vocantur, & inordinati intercedit: nam uterque hic contrarij expertus est, ordinatus perturbationis ordinis, inordinatus ordinis. At per circuitus, qui ordinatus est, aliquam ordinis partē, aliquā etiam perturbationis ordinis habet: ordinis, quatenus in omnibus est circuitibus ordo; perturbationis or-

Inter ordinatum, & inordinatum pulsum, datur medius pulsus.

Pulsus inae-
quales, &
inordinati
longa de-
tentione
manus su-
pra arte-
riam digno-
scuntur.

Inequa-
litas singu-
laris, &
simplex v-
nica pulsa-
tionis com-
petit.

Inequali-
tas sim-
plex est
duplex.

Pulsus con-
uulsiui.

Pulsus vi-
bratus.

dinis, quatenus hæc in singulis illis inest. Hactenus Gal. de ordina-
to pulsu per circuitus, ad cuius cognitionem necessario Medicus lōgo
tēpore arteriam contrectare debet: Pulsus enim æquales, & inæqua-
les, in pluribus pulsationibus, & pulsus ordinati, ac inordinati, non,
nisi post plures pulsationes, & pulsationum circuitus, dignoscuntur.

De æqualitate, & inæqualitate collectiua abundè dictum est;
quare ad æqualitatem, & inæqualitatem in vno pulsu accedendum.
Æqualitas in vno reperitur pulsu, similiter & inæqualitas. Et æqua-
litas, ac inæqualitatis differentia in vno pulsu, reperiuntur in
vno genere pulsum, aut in pluribus generibus, aut in omnibus si-
mul. Galenus libro de pulsi ad Tyron. cap. 7. omisâ æqualitate, de
inæqualitate sola loquitur, quæ quod vni accidat pulsationi, singu-
laris, & simplex appellatur. Namque in vnica pulsatione variæ re-
periuntur differentia, quæ tamen à duplici capite desumuntur; vel
ab vnica arteriæ parte, vel à diuersis partibus. Inæqualitas, quæ
diuersis arteriæ partibus contingit, duplex est, vna quæ à diuerso
arteriæ situ, seu à mutua dissensione partium arteriæ, vt loquitur
Galenus citato iam loco, emergit: altera à varietate pulsum in di-
uersis arteriæ partibus nata. Inæqualitas orta ex contentione, fit
sex modis, cum sex motus localis sint species. Arteriæ enim pars
vnâ fursum moueri potest, altera deorsum: item vna antrorsum,
altera retrorsum: similiter vna dextrorsum, altera sinistrorsum. Hæ
sex, vel, si mauis, tres differentia inæqualitatis, in ijs, qui Conuul-
sione laborant, notantur, & pulsus tunc conuulsiui adesse dicitur:
nec mirum, cum nerui arterijs vicini tunc conuellantur, retrahan-
turque ad suam originem, veluti & ipsi musculi. Vibratus pulsus
conuulsiuo similis est. Super sunt (inquit Galenus lib. 1. de differ.
puls. cap. 26.) autem vibrati, & conuulsiui, qui hactenus quidem
sunt inter se similes, quod vnum locum arteria non teneat, sed sur-
sum agitetur, atq; deorsum, naturali sede desertâ. Distant tamen,
vel hoc ipso, quod non adeo is affectus in conuulsiuos cadat, in
vibratos magnoperè; & admodum perspicuè: iam etiam quatenus
ex terminis vtriusq; retrahi, contendique, & conuelli videntur con-
uulsiui, vibrati omni isto vacant. Ad hæc, magna est frequenter
vibratis dissensio, parua semper conuulsiui. Et partes arteriæ
quædam superiora petere, quædam demitti vno eodemque tempo-
re apertè in vibratis conspiciuntur: conuulsiui verò id per paucis,

& obscure accidit. Breuiter, sentias veluti fidem (chordam scilicet) quandam intensam in pulsu conuulsiuo, quæ illi res cum nullo alio conuenit: in vibratis nihil tale animaduertas. Maximè enim iaculis motum eorum, quæ magna vi emissæ, celeri impetu vibrantur, assimiles: nam ita crebram illam, & inæqualem concussionem appellant: qua quidem conuulsiui carent.

Aliter in diuersis arteriæ partibus pulsus fit inæqualis, quoniam arteriæ pars vna celeriter, altera tardius moueri possunt: similiter vna maximè, & euidenter, altera pars obscuriùs, & minùs: vna pars vehementer mouetur, altera languidè: vna pars à tactu dura percipitur, altera mollis: vna plena, altera vacua: magna quies in vna parte, frequentia in altera. Hæ differentiæ pro varietate pulsum, ad tam multiplicem numerum extendi possunt, vt humanum ingenium omnes comprehendere nequeat.

Differentias rursùs desumptas ab vnica arteriæ parte mota exponit Galenus citato cap. 7. libri de Pulsib. ad Tyron. & lib. 1. de differ. puls. cap. 13. & sequentibus. In vna igitur arteriæ parte, quæ scilicet ab vno Medici digito tangitur, potest contingere, vt motus sit in principio celer, deinde in reliquo progressu tardior; & viceuersa, potest distensio primò esse tarda, & deinceps celeris. Poterit ergo motus vnus partis arteriæ esse inæqualis. Huius eiusdem inæqualis motûs tres proponuntur differentiæ. Prima differentia est, quando motus non est continuus, sed ab intercedente quiete interfecatur: Vnde pulsus intermittens, intercisus, & interruptus dici consuevit; quia, cum medio itinere interpelletur, suum motum vnica vice absolueri nequit. Huius naturæ est pulsus caprizans, referente Galeno citato cap. 7. lib. de Pulsibus ad Tyrones. Pulsus hic à Capra se erigente, & rursùs quiescente, ac deinceps se mouente, dum deorsum anteriores pedes, & partes in terram flectit, projicitque, denominationem accipit. Secunda differentia, est pulsus continuus dispar, seu pulsus impar citatus: qui ideò dicitur, quia non pariter citatur aut mouetur. Est enim hic pulsus continuus, & nulla quiete interceptus, sed inæqualis tamen; quia prima pars celerius mouetur, aut vehementius, altera pars tardius, aut languidiùs, & viceuersa, prima pars quandoque tardius aut languidiùs, secunda pars celerius dimouetur. Quod de celeritate, & vehementia dictum est, idem de reliquis differentiis pulsum dicendum.

*Aliud in
aqualita-
tis genus.*

*Differentia
desumpta
ab vna ar-
teria par-
te.*

*Pulsus in-
termittens,
sive inter-
ruptus.*

*Pulsus ca-
prizans.*

*Pulsus con-
tinuus di-
spar.*

*Pulsus re-
current.*

Vnde variæ huius pulsûs differentiæ à Galeno constituuntur. Tertiâ differentiâ, est Pulsus recurrens, siue repetens dictus: in quo scilicet, veluti plures percipiuntur motus absque sensibili quiete eodem dirimente. Dum enim arteria distenditur, quasi illicò recedit, & iterum sine sensibili mora tactui occurrit. Vnde arteria currere, & recurrere, iterumque agitari videtur: ideoque pulsus bis pulsans dicitur.

Dicrotus.

Huius naturæ est Pulsus Dicrotus, siue bis feriens, de quo Galenus lib. 1. de differ. puls. cap. 16. inquit. Dicrotorum genus non item: Sed simul atque omnem distensionem efficit, se paulisper subducit ac mox pulsat iterum: ut intermittentium quies media ictus intercipiat: dicroti, contractio, vel congressus, vel reditus, vel ut libet appellare. Vult autem Galenus non solum hîc, sed libro 2. de Præfagit. ex pulsib. cap. 8. Pulsus bis ferientem adesse, quoties arteria in sua distensione, antequam hanc eandem perficiat, intus retrocedit, & iterum ad inchoatum motum perficiendum resurgit. Vnde dicrotum pulsus duobus constare pulsibus putabant ex Antiquis nonnulli, quos tamen facillè Galenus repudiat cap. iam citato. Præter Dicrotum, alias pulsûs recurrentis siue repetentis species dari affirmat Galenus contra Archigenem cit. iam capite: & fortassis pulsus vibratus non malè sub hac inæqualitate continebitur. Aliqui existimant Pulsus dicrotum fieri instar mallei resiliantis supra incudem, postquam quis incudem malleo percussit. Galenus tamen lib. 2. de dignoscend. Pulsib. cap. 8. semetipsum reprehendit, quod dicrotum ita fieri aliàs crediderit. Pars enim cutis, quæ arteriam à contractione redeuntem recipit, eandem arteriam minimè repellit eo modo, quo incus malleum. Exemplo tamen mallei incudem percutientis quodammodo pulsus dicrotus benè exponitur, sicuti exemplo rami arboris, quem aliquis ad se violenter attrahit: eo rursus dimisso, in suum recurrit locum, sed in eo minimè quiescens iterum extra locum, etsi non adeò, fertur; vicissim locum repetit, & è loco recurrit, breuioribus semper motibus; donec tandem quiescat.

*Dicrotus
exemplis
exponitur.*

Tres modò relatæ differentiæ in plures dirimi possunt, uti facit Galen. lib. 1. de different. puls. quas, sicuti multas alias inutiles, & captu difficiles, libenter omitto.

Galenus libro de Pulsibus ad Tyrones cap. 8. & libro 1. de different. puls. varijs capitibus, compositas quasdam pulsuum diffe-

rentias ex inæqualitate collectiua, simul & singulari ortas proponit. Nos vſitatores, quæ in ægris non rarò deprehenduntur, enumerabimus: quas quidem in vnica pulsatione, ac in pluribus arteriæ partibus, quandoq; percipimus, omiſſis infinitis differentijs, quæ colligi poſſent ex varia complicatione inæqualitatum collectiuarum, & ſingularium.

Primo ergo loco ſeſe nobis offerunt tres pulſuū differentiæ, quæ ſecundùm magis, & minus diſtinguuntur, quæque in mox morituris deprehenduntur, ſi vndosum excipiamus pulſum, qui in humidis etiam corporibus, & in ſudantibus, ac mox ſudaturis percipitur. Tres illæ pulſûs differentiæ ſunt, Pulſus vndosus, Pulſus vermiculans aut vermicularis, & Pulſus formicans. Vndosus pulſus ab vndarum ſimilitudine ideò dicitur: Nam ſicuti vnda modò eleuatur,

& rursùs deprimitur, & vna vnda alteram excipit, ſic ſimiliter in arteria fit; adeò vt non ſimul, ſed ſucceſſiuè à digitis Medici pulſum tangentis pulſus percipiat: vna enim arteriæ pars primò eleuatur, mox ſubſequens, rursùs altera; & ita de reliquis: ſed ita ſubſequentes mouentur, vt præcedens pars deprimatur, quoties ſubſequens eleuatur. Hic pulſus ex duabus inæqualitatibus naſcitur; ex inæqualitate videlicet magnitudinis dilatationis arteriæ in diuerſis partibus: eſt enim magna diſtenſio in vna parte, & in altera fermè nulla, ſed potiùs depreſſio: & hac eſt vna inæqualitas. Eſt & altera in frequentia, quia, cùm non ſimul, & æquè dilatentur omnes arteriæ partes, ſed vna dilatatur, & altera deprimitur, arteriæ quies neceſſariò inæqualis erit: Sicuti & ipſa celeritas motûs. Subſequitur pulſus vermiculans, qui à grefſu vermis nomen accepit: & quia motus vermis, lumbrici videlicet, ſimilis eſt vndarum motui, hic pulſus vndosus dici poteſt: ſed paruus vndosus: Nam in paruitate, non in qualitate ab vndoso diſtinguitur; ſicuti etiam languore, & frequentia, quos comites habet vermiculans. Verùm, ſi languor ingens fuerit, & maxima frequentia, tunc aderit pulſus omnium minimus, formicans dictus; qui ideò dicitur, quia exiguum iſtius animalculi, cumque tardum motum, vel eiufdem animalis exiguitatem æmulatur. Si hic pulſus augeatur, in vermiculantem tranſit: vermiculans non rarò in formicantem migrat. Inæqualis hic pulſus eſt; ſed propter eius exiguitatem, inæqualitas vix percipitur. *Vndosus* ergo, *vermiculans*, & *formicans*, ratione magnitudinis,

Vndosus pulſus.

Pulſus vermiculans.

Formicans pulſus frequentiffimus eſt, ſed verò tardus.

Vndosus, vermiculans, & formicans, ſecundùm magis, & minus diſtinguuntur.

& par-

& paruitatis, seu secundum magis, & minùs, maximè distinguuntur. Galenus lib. 1. de differ. Puls. cap. 25. varias vndosi pulsûs (qui priùs in partibus cordi propinquioribus incipit, & ad arteriæ finem terminatur) differentias proponit, quas, sicuti & alias multas ab inæqualitate simplici desumptas, tanquam inutiles, omittimus. Capite 26. citati libri docet, vti diximus, vndoso pulsui vermiculantem succedere, & formicantem, omnium minimum sæpissimè vermiculanti.

De Conuulsiuo, siue Retorto, siue Spasmoso pulsui, qui inæqualis est; & de Vibrato, siue Turbulento, siue Ramoso, siue Arcuato, etiam inæquali, nec non de Caprizante, superiùs egimus. Exponendæ ideò veniunt quædam aliæ differentiæ inæqualitatis. *Serrans*, siue serratilis, siue ferrinus pulsus est ille, qui instar serræ à tactu persentitur; serra enim dentes habet sursùm, aliosq; deorsùm respicientes, similiter pulsus quandoque, & præsertim in Pleuritide, reperitur, qui inæqualiter tactum ferit, propter inæqualitatem arteriæ, in suo situ, siue sede. Partes enim eius quædam sursùm eleuantur, & eodem tempore aliæ deorsùm feruntur, aut inferius saltem manent. Vnde inæqualitas, quam & alia comitatur quasi in duritie à tensione proueniente, & mollitie.

*Pulsus hec-
ticus.*

Pulsus hecticus, siue fixus, siue habitualis, siue permanens, dicitur ille, qui plures inæqualitates, quas in principio morbi habituales acquisiuit, retinet.

*Pulsus stre-
pens.*

Strepens pulsus est, qui strepitum quædam siue sonitû edere videtur. Ex inæquali arteriæ duritie, & inæquali vehementia nascitur.

*Pulsus tre-
mens, &
palpitans.*

Tremens, atque palpitans pulsus, sunt inæquales arteriæ motus. Nam dum arteria tremit, motum edit tremulum: dum palpitat, palpitantem pulsus. Palpitatio. n. inæqualitatem pulsui infert, & tremor pariter inæqualem efficit pulsus. Qui plures pulsuum differentias curiosiùs, quàm fructuosiùs, desiderat, legat Galeni primum librum de different. puls. in quo quamplurimas inueniet, quæ minùs ingenium recreant, quàm obruunt.

*Varia ac-
ceptiones
Rhythmici.*

De Rhythmo in pulsibus loquutus est Galenus varijs in locis: vt lib. 1. de differ. puls. cap. 6. 7. 8. 29. & 30. Libro 3. de dignosc. puls. cap. 3. Libro 3. de Causis puls. cap. 15. Libro 2. de Præfagitione ex puls. cap. 3. & libro de vsu Pulsuum. Nomen, Rhythmus, à Poëtis vsurpatum esse existimat Plinius. Alij à Musicis vsurpatum credunt;

dunt; ita vt Rhythmus fit apud illos certa quædam proportio vocum, aut sonorum grauium cum acutis: vtunque fit, certum est, quòd Rhythmus est proportionalis respectus vnius rei cum altera. Rhythmus variè ab Antiquis sumebatur, teste Galeno lib. 1. de different. puls. cap. 6. & 7. Qui autem asseriebant se solam distensionem arteriæ persentire, nullamque dari contractionem, sed hanc esse quietem, Rhythmum posuere proportionem inter distensionem, & quietem. Comparato (inquit Galenus cit. cap. 6.) autem ictus (id est distensionis) tempore cum tempore quietis, gignitur Rhythmus, quæ proportio temporis est ictûs ad tempus quietis. Alij, qui præter distensionem, contractionem sentiri affirmabant, Rhythmum statuere proportionem, quam habet contractio, & eius quies, cum dilatatione, & sua quiete, vt habet Galenus citato cap. 7. in quo tertiam aliorum opinionem proponit. Nonnulli enim proportionem, quam habet distensio ad contractionem, siue tempus distensionis ad tempus contractionis, Rhythmum esse statuere: quam significationem Galenus amplexus est; vt patet ex cap. 3. lib. 3. de dignoscendis pulsib. vbi ipse ait: Quia iam in comparatione temporis distensionis, cum contractionis tempore rhythmus consistit, prius paranda separatim nobis vtriusq; temporis notitia est. Hoc verò parum facile est: nam (memoriam si conseruauimus eorum, quæ primo in libro retulimus, vbi quæreremus, ecquid sentire totam distensionem, & contractionem possimus, an pars nos fugiat vtriusq; motûs) sciemus, quàm sit laboriosum, adeoque præter omnem nostram facultatem, vt notitiam comparare omnis harum temporis possimus. Quo loco principium distensionis ostendimus, & finem contractionis non cognosci posse. Et paucis interpositis, ait, se antea de distensione, & contractione egisse, sed de rhythmo agens, perpendenda esse tempora distensionis, & contractionis, quòd arduum est, cum perdifficile sit, aut nullatenus fieri possit, vt integram percipiamus distensionem, & contractionem.

Quamquam arduum sit, tempus distensionis comprehendere, idque ipsum cum tempore, quo contractio fit conferre; Galenus tamen lib. 1. de different. puls. cap. 8. ait: At generis rhythmî non est perinde explicare, quæ sint differentiæ: Cæterum præ omnibus pulsum omnem obtinere modulum quendam, quem rhythmum Græci appellant, est ostendendum: ne deceptus quis pulsum, qui

Quid Rhythmus, secundum quosdam. Quid secundum alios. Quid secundum alios.

Rhythmus est proportio temporis distensionis, cum tempore contractionis.

Eurhythmus est genus ad eum rhythmum, siue bene proportionatum, & arhythmum, siue proportionem carentem pulsum.

Tres arhythmici species.

Paritas, & imparitas in rhythmis.

ἄρρυθμοι appellantur, nomine, adducatur, ut omni esse orbatos rhythmum eos pulsus falsò existimet. Nam ut *ἀτράχηνος* homo, atque Cytharædus *ἄφωνος*, ita etiam *ἄρρυθμος* pulsus vocatur: Vitium enim natiui rhythmici, non absolutam abolitionem significat. Atque contrarius est arhythmico, non eurhythmus (siquidem omnis in aliquo est rhythmico pulsus); sed ille, qui eurhythmus vocatur. Vtriusque porro horum, arhythmici dico, & eurhythmici, eurhythmus pulsus commune est genus. Atque eurhythmus quidem vnus & indiuisus manet: Arhythmici tres sunt omnes differentiae, Pararhythmus, heterorhythmus, ecrhythmus. Qualis verò quisque sit, exemplo discas. Suus est cuique ætati naturalis pulsus: qui iam de his rhythmum seruat, eurhythmus vocatur: qui labefactat, Arhythmus. Atque labefactans, interim rhythmum vicinæ ætatis mutuatur, qui Pararhythmus: interim cuiusvis alterius, ac heterorhythmus hic appellatur: at, qui rhythmum prorsus nullius ætatis retinet, hic ecrhythmus. Idem de naturis, ac anni temporibus, & locis, omnibusque alijs statuendum (pro naturis hinc temperamenta intelligit, quorum quodque suum habet peculiarem rhythmum; sicuti anni tempora, Regiones, situs loci). Suus est enim cuique horum certus quidam rhythmus: qui cum corrumpitur, arhythmum tum intelliges, & quæ eius diximus differentias esse. Iam verò inter omnes rhythmos, hi pari proportionem, illi impari constant: pari, ubi distensionis tempus æquet tempus contractionis: impari, si alteruter eorum excedat.

Hæc per se nota sunt; quæ quidem curiosa magis, quàm proficua videntur: Cum vix vnquam proportio inter contractionis, & distensionis tempora seruetur, nisi fortassis in temperatis pueris. In adolescentia autem, & iuuentute ætatibus calidis, refrigerandi necessitas maior est, quàm excludendi fuligines: adeoque dilatationis tempus longius est tempore contractionis. In sequentibus verò ætatibus, multò frigidioribus antedictis, & in quibus maior excrementorum copia, quàm in illis, acernatur, contractio dilatatione maior est. Vocetur tamen Rhythmus composita differentia pulsuum ad placitum id volentis.

CAPVT IV.

De Causis Pulsuum.

EXpositis Pulsuum generibus, atque speciebus, iam tempestuum erit, pulsuum varias discutere causas: quas ex libro Galeni de Pulsib. ad Tyrones huc transferre placet. Clarè siquidem tribus Capitibus omnes causas alterantes siue mutantessum, ipse recenset. Capite 9. naturales causas pulsuum variantes exponit. Capite 10. causas non naturales. Cap. 11. causas præternaturam. Nos hæc eadem capita transcribemus, postquam causas exposuerimus continentes pulsus, sine quarum notitia frustra iam nominatas causas exponeremus: quoniam naturales, non naturales, & præternaturam causæ, pulsuum alterare, aut mutare dicuntur, quatenus primas, siue immediatas & continentes pulsus causas immutant, teste Galeno lib. 1. de caus. puls. cap. 1. & lib. 3. de caus. puls. cap. 1. in quorum primo continentes appellat causas generationis pulsus. Deinceps summatim colligemus prædictarum differentiarum pulsuum causas ex Galeni libris 1. & 2. de Caus. Puls.

Ters causæ pulsuum generæces, usus, facultas, instrumentum. Cause externa, & interna pulsuum immutant.

S E C T I O I.

De Causis Continentibus Pulsus.

Causarum, inquit Galenus lib. 1. de Caus. Puls. cap. 1. quæ pulsus variant, aliæ generationis eorum sunt, aliæ tantum alterationis. Generationis, tum usus, cuius gratiâ fiunt: tum facultas, abs qua: tum instrumenta (id est arteriæ). Alterationis ceteræ omnes, & quæ præcedentes appellantur: & quæ his succedunt, externæ. Nam triplex est causarum genus, non in pulsibus modò, sed & in alijs cunctis. Vnum, quod primum est (primam causam vocat immediatam, uti facit Arist.) & præcipuum, quod quidem etiam continens appellant, cuius inde appellatio deducta est, quod illorum essentiam contineat, quæ (ut modò diximus) generationis est: Reliqua duo genera (præcedentes causas, & externas, siue procatarticas, ut alter interpretis habet, intelligit) ut fiant pulsus, in causa non sunt, sed causa sunt illorum, qui iam geniti sunt, mutationis. Nam humorum crassitudo, abundantia, lentor, acredo, eff-

Quædam cause interna pulsuum immutantes, quædam externa.

ficere non valent pulsus, alterare valent: Ita frigidum balneum, vel calidum, & hyems, æstasque, breuiter frigus, & calor, alterandorum pulsum sunt, non generandorum causæ. Ac quas nunc commemorauimus, externæ appellantur: quæ has etiam præcedunt, quæ quidem in humoribus sunt, præcedentes. Breuiter sic habeto: quæcunque extra corpus positæ, quicquam in corpore alterant, externæ vocantur: quæ has etiam anteccedunt, præcedentes causæ corporis affectuum. Hi affectus ubi continentes moueant, euadunt præcedentes illarum causæ. Hic Galenus exordium numerandi causas ab ipsa continente, & immediata causa pulsus sumit. Causa altera interna, præcedens siue antecedens dicitur, quia coniunctæ causæ propinquior est, quàm externa. Dicitur hic à Galeno præcedere causam externam, enumeratione factâ ab internis causis ad externam, ante quam alia nulla præcedit.

*Externa,
& interna
causa.*

*Cōstipatio
pororum,
cutis à fri-
gore aeris
aut aquæ,
aut alte-
rius rei fri-
gida ori-
febrem ge-
nerat.*

Rursus ait Galenus: Densetur enim ab occurso externi frigoris cutis, cuius densitas naturalem halitus (id est fuliginosi vaporis) digestionem (id est resolutionem siue dissipationem, siue euaporationem extra corpus) reprimat (id est coërcet, & continet intus); repressus ille (id est vapor fuliginosus in corpore retentus) coaceruetur: tandem accendat febrem, ob quam usus pulsum mutetur, itaque etiam ipsi pulsus: hic externa causa est occurso externi frigoris; cæteræ usque ad usum pulsum omnes præcedentes. Causa igitur externa, intercedentibus causis præcedentibus, quia variat usum pulsum, quæ vna ex continentibus causis est, etiam immutat ipsos pulsus. Neque enim possit vlla continens causa mutari, vt immutabilis maneat effectus eius: sed prius, quàm continentes attingat alteratio, non possunt immutari pulsus. Ideoque principes hæ (id est continentes) & præcipuæ sunt primæ causæ pulsum, cæteræ sunt harum gratiâ: Nam quòd externa illa alteratio ad continentes penetrauit, propterea pulsum causæ dicuntur; cum sua sponte, & per se, alterare illos nequaquam possint. Quare, qui peritus euadere artis de Pulsibus volet, hic versatus in causarum omnibus generibus mirificè debet esse, vt quicquid propositum ipsi sit, explicare pulsum alterationem possit. Principium exercitationis optimum est, vt continentes causas, quamobrem generare quæque pulsum possit, perpendas. Qua enim ratione generandorum eorum sunt origines, eadem etiam alterandorum: Siquidem causarum in quan-

*Non im-
mutantur
pulsus, nisi
mutata
prius causa
aliqua co-
tinue.*

titate,

titate, & qualitate differentiæ, pulsum differentias in qualitate, & quantitate efficiunt. Hactenus Galenus per se clarus.

S E C T I O II.

De Summa Sequentium Caputum.

Capite 2. lib. 1. de Caus. Puls. docet Galenus, quandam dari *Facultas.* pulsûs causam efficientem, quam facultatem vocant, cuius præstantior dispositio ad functionem edendam, virtus est, & robur: deterior, infirmitas, atque vitiositas. Et ita de causa pulsum continente, ex facultate petita, loquutus est. Sequenti cap. 3. de causa pulsum ex usu petita loquitur, aiens, pulsus esse procreatos causâ tuendi calorem nativum vniuersi corporis, eum refrigerando, & è vestigio excernendo, si quid sit fuliginis ex succorum adustione contractum. Sequenti cap. 4. ait: Reliqua, & tertia gignendorum pulsum continens causa, ipsum est arteriarum corpus: nam omnis *Vsus.* facultas, quæ alicuius causâ agit, instrumenta quærit ad opus appositâ: Erat autem hîc accommodatum instrumentum, quod spissis tunicis, & cauum esset intus. Et quibusdam interpositis ait: Itaq; *Instrumenta.* ubi refrigerantem substantiam trahit, arteriarum distenditur corpus: cum fuliginosam expurgat, contrahitur. Iam præpollet modò distensionis usus, modò contractionis: ac consequitur omninò alteram motus partem reliqua. Itaq; cum ex his causis (tribus scilicet continentibus facultate, usu, & instrumentis) pulsus proficiantur, omnes illorum variationes causarum, necesse est, comites sint alterationum. Vnde tot primæ sunt, & generales pulsum differentia, quot sunt causarum. Et facultatis quidem differentia, robur, & imbecillitas: nativus caloris, adustio, refrigeratioque: arteria tunica, duritia, ac mollitudo: atq; præ his omnibus in singulis generibus commemoratorum mediocritates. Verùm mediocritates, naturales efficiunt pulsus, qui medium locum obtinent inter excedentes: excessus verò, pulsus præter naturam: atque alij perspicui sunt. Porro robur facultatis necessariò vehementem pulsum facit, infirmitas languidum: & instrumentorum duritia durum, mollitudo mollem. Non tamen incremento caloris nativi vel imminutioni vnum semper, & idem pulsum genus ex necessitate consequitur. Nec enim celer, quod nonnulli sunt opinati; nec magnus, vel creber semper *Refrigerantem substantiam pro aëre accipit.* *Robur facultatis vehementem pulsum, infirmitas contralanguidum, dura arteria durum; mollis mollem efficit.* *Vsus non habet pulsum proprios.*

incidit, vbi adurit̃ natura (calorem nativum appellat naturam): nec, cūm extinguitur, tardus, vel parvus, vel rarus. Sed de his, qui ambigunt, periñde ac Archigenes, errant, qui in Magnum disputat de pulsūs celeritate, quòd non à robore potiùs, quàm ab imbecillitate proficiscatur facultatis: nam neutrum sequitur necessariò. At tamen peculiaris magis est celeritas quidem robori facultatis, & caloris abundantia, præterea molitudini instrumentorum: tarditas verò contrarijs. Eodem modo valida facultati magnitudo, & copia caloris, tum etiam mollibus instrumentis est familiaris: parvitas verò contrarijs. Crebritas item nulli necessariò de commemoratis adhæret, magis tamen propria facultatis est imbecillitati, copia caloris, duritiei instrumentorum: & raritas item magis ad contraria spectat, non annexa illis est perpetuò tamen.

*Celer pul-
sus, roboris,
copia calo-
ris, & mol-
litiei arte-
ria, fami-
liaris.*

*Magnus
pulsus si-
militer di-
ctis causis
familiaris.*

*Rarus pul-
sus imbe-
cillitati,
copia calo-
ris, & du-
ritiei arte-
ria.*

*Pulsus ma-
gnus, celer,
creter ca-
lori copioso
familiaris.*

*Infirmas
facultas,
aut dura
arteria,
magnum, nec
celerem pul-
sum efficit.*

*Magnus,
& celer
pulsus à va-
lida facul-
tate, molli
arteria, &
copioso ca-
lore iñctis,
fit.*

Sequenti Cap. 5. pulsus à calore procedentes recenset, aiens: Si amplior in corpore sit collectus calor, animanti opus erit cūm maiore respiratione, tum maioribus pulsibus, & quia maioribus, continuo etiam celerioribus, & crebrioribus: Vt qui sitiunt, non multum modò, sed & celeriter potant, ac crebrò: sic qui indigent refrigerio, copiosum simul id, & celeriter, crebroque attrahunt. Quamobrem peculiare dixi esse pulsus copioso calori, magnum, celerem, crebrumque: non tamen necessariò concomitari. Postulant enim, quo tales evadant, facultatem validam, atq; instrumenta mollia. Sin infirma facultas, aut durum sit instrumentum, neq; magni esse, neque celeres possunt, quòd instrumentum sit per duritiam adversus mouentem facultatem contumax: illa verò attollere, quatenus oportet, arterias per imbecillitatem impos. Quare, vt celer pulsus, vel magnus fiat, tria oportet causarum genera inter se conspirent: vt vsus eorum generationis vrgeat, facultas valida sit, mollesque arteriarum tunicae; aut certè non duræ (sed moderatæ.) Vt enim impellere velociter, aut multum progredi, vt maximè concitato motu indigeant, nec senes valent, nec parvi pueri, ita nec imbecilla facultas, etiam si vsus postulet, vel celeriter, vel multum attollere arterias potest. Iam etiam, sicut mollis vesica promptè multum distenditur: dura, ne si admodum quidem etiam, atque etiam contendat: sic arteriarum tunica, mollis quidem perfacile attollitur plurimum, vel facultate infirma: at dura, licet facultas summoperè illam impellat, resistit facultati motrici, renititurque.

Monet post hæc Galenus eodem cap. sedulo obseruandum esse, an tres pulsûs causæ continentes immutatae, aut alteratae simul fuerint, dum percipitur pulsus alteratus, an verò vnica tantum illarum immutata fuerit? Nam (vt loquitur Galen.) si calor increuerit solus (tunc enim vsus, qui continens causa est, necessariò immutabitur), & maneat facultas, tunicaq; arteriarum immotæ, pulsus necessariò maiores, & celeriores fient, vnàq; cum calore, dum ad maximam perueniant distensionem, augebuntur: celerrimi verò ne sic quidem priùs quàm maximam calor distensionem superauerit, apparebunt. Tunc autem vltra maximam distensionem extendetur (calor intensus, quem sola distensio refrigerare sufficienter nequit) cum ab ea (distensione) refrigeratur parcius. Quare celeritate motus resarcitur defectus; itaq; pulsus fiunt celerrimi. Iam verò neq; hæc satisfaciunt calori vehementer incenso, sed, quod ante temporis inter duos motus quiescebat, nunc id præsecat etiam. Subinde etiam tam reddit breue, vt perpetuos putes motus esse, nulla quiete interpellatos. Sed hoc accidit, vbi ad vltimum incensus calor fit. Et cum tres sint in omnibus excessibus rationes opis, omnibus simul vtitur: nam consequitur se refrigerantis substantiæ cum plurimum, tum celerrimè, & maximè continenter: quorum primum maximos pulsus creat, alterum celerrimos, creberrimos tertium. Neque, vbi liberaliter illum magnitudo refrigerat distensionis, irrat celeritatem: neq; crebritatem, vbi ab ambabus auxilium consequitur: alterius enim illarum semper defectus corrigitur altera: magnitudinis, celeritate: celeritatis, crebritate. Quid multis? Crebritatis pulsum causa vna est, prioris actionis defectus. Accidit id cum alijs de Causis, quas deinceps recensebimus; tum de copia caloris, vti modò est ostensum. Propemodum iam, quod erat institutum, confectum est. Declarauimus enim abundantiam caloris nullum cõsequi necessariò pulsum magnum, celerem, crebrum: sed peculiare esse illi in primis, magnum, & celerem, & nonnunquàm crebrum etiam, sed casu. Crediderim in hoc Galeni textu, sicuti alibi, mendum esse, dum dicitur copioso calori peculiarem esse pulsum magnum, & celerem, rursus crebrum: loco ergo, peculiare, debet poni, familiare; vt patet ex dictis, & lib. 3. de Caus. Puls. cap. 2. vbi Galenus ait: Etenim copioso calori in superioribus libris ostendi, magnum pulsum familiarem esse.

Vbi magnus pulsus non sufficit, accedit celeritas; & vbi vsui non satisficit, accedit crebritas.

Crebritatis pulsum causa.

Emendatio.

*Paruus,
tardus, &
rarus pul-
sus, imbelli
calori fa-
miliares.*

Cap. 6. lib. 1. de Caus. Puls. docet, nullum pulsum necessariò sequi defectum caloris natiui. Ei tamen familiares sunt, paruus, & tardus præcipuè, mox etiam rarus. Nam, vt natura, quæ iam pridem refrigerata est, nec multum requirit, nec celere refrigerium, sic nec breuibus interuallis. Breuibus interuallis, idem est, ac crebrum; & longis interuallis, idem quod rarum.

*An inter
vehementē,
& languidū pul-
sum detur
medius.*

Cap. 7. proponit Galenus controuersiam inter quosdam Antiquos ortam: Omnes enim admittebant inter magnum, & paruum pulsum, medium, siue mediocrem, siue moderatum, naturalem dictum. Itidem inter celerem, & tardum, medius moderatusque naturalis est pulsus: sicuti inter crebrum & rarum: inter durum & mollem. At, inquiunt aliqui, naturalis non videtur pulsus, qui inter vehementem & languidum medius est; quoniam validæ facultatis opus est vehemens pulsus, vt languidus pulsus infirmæ facultatis. Constat autem, quòd firmitas non est contra naturam: imò hæc virtus est, & secundum naturam: infirmitas verò facultatis, vitiositas, præterq; naturam est. Vnde illi concludunt, pulsum vehementem esse naturalem, & nullum dari vehementem, qui sit præter, siue contra naturam. Nam quò vehementior est pulsus, eò facultas validior censenda.

*Hæc opi-
nio sanior
est.*

Alij consentiunt quidem validam facultatem naturaliter vehementem edere pulsum, sed dari pulsum præter naturam hoc vehementiorem; adeòq; pulsum vehementem esse medium inter pulsum languidum, & pulsum vehementissimum, coactè ab aliqua causa antecedente, aut externa, factum. Vino enim potato, modicè pulsus fiunt maiores, & celeriores, & vehementiores: quæ sanè vehementia naturalis non est. Hanc ego opinionem libentissimè amplector, etsi rem in dicto cap. Galenus quasi indecisam prætereat.

*Celer pul-
sus vnde.*

Docet ibidem Galenus, celerem pulsum esse familiarem, & non peculiarem, robori facultatis, vsui tam in refrigerando calorem, quàm in generando spiritum animale, & mollitie arteriarum: hæ enim causæ simul, aut seorsim, celerem pulsum efficiunt.

*Vnde ra-
rus, &
tardus, &
paruus.*

Docet denique, quemadmodum augetur pulsus aucto calore; & distensionem fieri maximam, quoties calor factus est intensus & copiosus. Cum verò frigidior iusto factus est homo, primum pulsus fiet rarus, deinde tardus, postremò paruus. Quamdiu enim facultas valida est, paruus non est pulsus, rarus tamen esse potest, & tardus.

Quatuor coniugationes pulsus ortæ ex alteratione vsus, & facultatis.

Cap. 8. docet, quatuor esse coniugationes immutati vsus, & immutatæ simul facultatis. V. g. esto facultas imbellis, & calor ingens, in hac coniugatione pulsus fiunt parui, tardi, & creberrimi. Secunda coniugatio constat ex imbecillitate facultatis, & refrigeratione; in qua pulsus est imbecillus, paruus, tardus. Tertia alterationis coniugatio est, quando calor increfcit, simul & facultas: quam coniugationem comitantur pulsus vehementissimi, maximi, sed non perinde celerrimi, aut creberrimi. Quarta alterationis coniugatio est, vbi coierint robur facultatis, & caloris defectus: Pulsus tunc sunt moderatè magni, sed tardiores, & benè rari, maximè vbi præpollet refrigeratio.

Pulsus magnus molli arteria familiaris. Pulsus paruus arteria dura familiaris.

Cap. 9. causas pulsuum ex differentijs instrumentorum desumptis proponit. Docet enim molli instrumento familiarem esse pulsuum magnum; quia promptè extenditur in omnem partem, facilièq; distenditur arteria mollis. Duro verò instrumento familiaris est pulsus paruus; quia dura arteria non faciliè in omnem partem extenditur, aut distenditur. Quare arteriâ existente durâ, magnus pulsus fieri nequit. Prolixè in reliquo Capite rem hanc exponit Galenus.

Pulsus ab instrumentorum, & facultatis alteratione, procedentes.

Cap. 10. quasdam prosequitur coniugationes instrumentorum, & facultatis, alteratorum: v. g. instrumentorum durities coniuncta imbecillitati facultatis, paruos pulsus, & tardos, & crebros concitat: coniuncta verò durities arteriæ, robori, paruos, atque crebros, non etiam tardos, imò longè interim iusto celeriores efficit: quod, quantum distensionis mediocritati propter duritiem organorum deficiat, tantum à celeritate refarcitur, & à crebritate. Si verò instrumentum molle sit, facultas autem valida, maiores quidem manifestò pulsus fiunt, at aliquanto tardiores, rariorefque. Quod, si ad mollitudinem instrumentorum, infirmitas facultatis adiuncta sit, si quidem æquus vtriusque (id est mollitudinis, & facultatis) simulque modicus fuerit à natura flexus, & moderatos videntur, & naturales planè hi pulsus referre, præter quantum varient mollitudine: sin valdè immodicus sit flexus siue recessus, parui, & tardi, & crebri fiunt. Haud aliter si multò imbecillitas præpolleat: etenim tum quoq; generantur parui, tardi, crebri.

Octo complicationes trium causarum continentium alterationum.

Cap. 11. octo ponit complexiones, siue coniugationes omnium trium causarum continentium alteratarum: Duæ coniugationes,

cùm

cùm remissa facultate, pariter & vsu, modò mollius solito sit instrumentum, modò durius. Duæ alteræ, vbi languescat facultas, & vsus auctus sit, instrumentaq; vel mollia, vel dura: Præterea aliæ duæ, quando valida sit facultas, sed remissus vsus, vnà cum variante instrumentorum differentia: Reliquæ duæ, cùm valens facultas sit, auctus vsus, accedatq; instrumentorum, quam diximus, differentia. Expositionem harum coniugationum legat, qui volet, apud Galenum citato iam capite.

*Celeris
pulsus car-
is triplex.*

Capite demùm 12. docet Galenus vsum exercitationis in causis pulsum: v. g. celer pulsus familiaris est roboti facultatis, vrgenti vsui, & mollitudini instrumentorum: Necessum est ergo internoscere, an ab vna, an à duabus, an à tribus simul relatis causis proueniat, quoties eum in ægro persentimus. Ex dictis hætenùs res tota facillè percipietur, animum aduertens ad vsum auctum, robur, & mollitudinem arteriæ.

SECTIO III.

De Causis Inæqualium Pulsuum.

FVsè rem hanc examinat Galenus toto lib. 2. de caus. puls. Et cap. 1. decreuit, se prius acturum de causis inæqualitatis in pluribus pulsationibus, quàm in vnica pulsatione. Postquàm dicto cap. innuit, se libro 1. præcedenti de causis pulsum, egisse de causis pulsûs vehementis, duri, magni, celeris, crebri, & contrariorum his, causas proponit inæqualitatis collectiuæ, sequenti serie:

*Cause pul-
sum inæ-
qualium
inæquali-
tate colle-
ctiuæ.*

*Vsus mu-
tatus inæ-
quales pul-
sus in plu-
ribus pul-
sationibus
non efficit.*

Sanè, comites sunt eiusmodi pulsus, vt vno verbo dicam, inæqualis intemperiei cordis, atq; vitiorum instrumentorum, vel facultatis. Nam aut opilationes, aut compressiones, aut durities, aut nimios humores subsequuntur: vt nimios nunc humores accipias, qui ad facultatem æstimantur. Positâ hâc doctrinâ, docet, vsum non efficere inæqualem pulsum inæqualitate collectiuâ; & febrium innuens accessiones, in quibus manifestè vsus augetur, asserit, secundum pulsum clarè, siue secundum sensum tactus, à primo non esse dissimilem, aut varium. Ceterùm multo tempore interposito inter febris inuasionem, & vigorem accessionis, certum est, in vigore pulsum esse maiorem, celeriores, & crebriores, quàm in principio. At verò de hac inæqualitate pulsûs, inter diuersa morbi, aut

acces-

accessionis tempora orta, non est quæstio, sed de ea, quæ è vestigio inter paucas pulsationes oritur. Nam licet secunda pulsatio physicè primâ sit maior, & tertia secunda, in augmento caloris febrilis, id nobis manifestum non est, qui inæquales non appellamus eos pulsus, quos ratio impares esse collegit, sed illos solos, quos dilucidè, & è vestigio sensu tactus comperimus tales esse. Horum ergo causâ non est vsus immutatus, sed, vt dictum est, vel nimij humores, *Causæ inæqualium pulsuum in pluribus pulsationibus.* illi inquam, qui in ordine ad facultatem, quam opprimunt, intelliguntur: vel obstructio, vel compressio; vel durities instrumentorum: vel ipsius cordis aliqua inæqualis intemperies: quæ certè excedunt iam lenem morbum. Ergo variationi vsus non succedit collectiua inæqualitas.

Licet ab vsu immutato nō fiat per se inæqualitas collectiua, siue aceruata, aliâ tamen accedente, nascitur quandoq; pulsus inæqualis. Ira enim, quæ est innati caloris veluti quidam feruor, inæquales efficit pulsus, vbi ei timor adiungitur. Iure ergo tunc (inquit Galen.) & inæquales apparent pulsus, cum non tantum à diuersis causis alterentur, sed etiam natura contrarijs. Nam propter vindictæ cupiditatem, alti, magni, celeres, vehementes fiunt: quia verò timor est maior accipiendi mali, quàm spes dandi malum, parui, humiles, languidi, & tardi fiunt. Quare inuicem vtriq; pro causæ præpollentis natura, videntur euariari: ac excellit modò ira, modò metus. Quinimò ipse timor, si quidem ingens sit, quòd lædatur facultas, & alteretur vsus, pulsus reddit inæquales.

*Ira quid.
Timor iræ
fratrum.*

Facultas pulsifica grauiter affecta, pulsus efficit inæquales, quando nimirum omnibus instrumentis non imperat. Imperare non potest quandoque præ nimia sui imbecillitate: aliàs, quia, etsi valida, opprimitur tamen. Dum imbellis est facultas, inæquales efficit pulsus, sed rariùs: dum oppressa est, frequentius. Apposito exemplo rem totam exponit Galenus. Ob oculos, inquit, ponamus duos homines, qui incedunt pedetentim: sit alter horum robustissimus, simul & florentissima ætate; verum pondus portet grauissimum: alter proisus nihil baiulet, at valdè sit imbecillis ex morbo, aut ex senectute: iam nec multum progrediantur hi, nec celeriter: itaq; nihil different in actione: Sed in eo different, quòd æquis plerumq; passibus procedet imbecillis: diuersis validus, ac inæqualibus, & aliàs alijs. Nam ille (id est imbellis) quidem, ne si contendat quidem,

Facultas mutata, sæpe inæquales efficit pulsus.

Et senex, & ager, non raro cespitat; quia crura trunca cum corporis onus graue, difficulter sustinent, feruntque. poterit vnquam, vel magnam, vel celerem actionem obire: robustus verò etiam ferè perinde, interim tamen maiore alacritate celerius aliquantisper, & magis aget; deinde ab onere pressus, ad primam tarditatem, & actionis paruitatem redibit. Idem vsu venit arteriarum actioni. Nam, cum est delapsa in imbecillitatem facultas insignem, pulsus eduntur languidi, parui, tardi: sin illa (id est facultas) quantum in eâ est, valeat, sed alia copia degrauctur, varios tum, inæqualesque efficit: plurimos, cum graui onere pressa sit, languidos, & tardos, & paruos: cum leui onere, plerosque vehementes, celeres, magnos: cum verò nec admodum grauis, nec nimium leuis offensio sit, ferè, vt in copia, contrarios: vt nec plures possis dicere, nec pauciores, vel vehementes esse imbecilibus, vel magnos paruis, vel celeres tardis. Atque hunc in modum pulsus inæquales facultatis noxæ efficiunt.

Siqua sit in toto de pulsibus tractatu doctrina, ad quam animum aduertere debet Medicus, est hæc; quoniam præ mera ignorantia innumeri Medici quotidie errant, nescientes pulsum à facultate omnino, & per se languida, factum, à pulsu vi facultatis per oppressionem tantum, & non in sua essentia, languidæ, edito dirimere. Magnum sanè peccatum: quoniam, facultate apparenter tantum debili, utpote ob graue inutileque humorum onus oppressâ, euacuare licitum est: imò necessaria est, aut phlebotomia, aut purgatio, ad excludendos è corpore superuacaneos humores: cum tamen grauiter erraretur, si, facultate existente imbelli ob caloris natiui extinctionem resolutionemue, vllam moliremur euacuationem. Omne incommodum vitabitur, dummodò pulsum per se debilem, & pulsum ex oppressione debilem percipere valeamus. Suspensis digitis pulsus attingi debet, sed paulatim pulpis digitorum arteria comprimenda est; quæ, si succumbit, & nullatenus se erigit, aut ferit digitos, tunc indubiè censendum, facultatem esse in se valdè debilem & prostratam; ob resolutionem videlicet spirituum vitalium, aut caloris natiui. Si verò arteria mediocriter compressa, veluti vi quadam surgit, & digitum, digitosue Medici quodam cum vigore quandoque ferit, signum est, facultatem esse ex oppressione imbellem, non verò per se, aut in sua essentia.

Capite 2. sequenti proponit Galenus vitia instrumentorum, ex quibus pulsus inæqualitas collectiua quandoque nascitur. Vbi, inquit,

Modus discernendi pulsum per se imbellè à pulsu imbelli ex oppressione.

quit, circumiectas regiones arteriæ, quæ ad hoc creatæ sunt, vt eam distentam excipiant, aliud corpus infederit, non possunt per illud coarctatæ arteriæ satis distendi. Corpus, quod regionem ambientem arteriam implere potest, est inflammatio siue phlegmone, abscessus, scirrhus, & alij tumores, docente Galeno, eodem capite. Quoties verò spatium illud à natura arteriæ concessum, vt per id liberè dimoueatur, aliquo tumore repletur, arteria debito ritu dilatari nequit; atq; vsui non fit satis. Ibi iam, inquit Galenus, violentè agere, & vehementer facultas cogitur, reijcere & propellere illa studens, quæ sua instrumenta obsederunt, & motu prohibuerunt: vbi maiorem prioribus, & vehementiorem, & etiam celeriore necessesse est pulsus euadere: crebrior non nunc primùm, sed statim à principio fuerat. Ostendimus enim in superiori libro, imparium vsui actionum, necessariò comitem esse crebritatem pulsuum. Rectè sanè monet Galenus, naturam vrgente vsu omnes adhibere conatus, vt magnos, celeres, & vehementes edat pulsus; incassum tamen, dum arteria à tumore aliquo præter naturam comprimitur, atque coarctatur. In quocasu multæ perseverant inæqualitates. Imò in corporibus carnosiss, in quibus spatium arteriæ, motui à natura destinatum, carne, aut adipe repletur, accenso vel modicè calore natiuo, inæqualitas facilè nascitur. Vnde Hippocr. lib. 2. Aphor. 44. ait: Qui naturâ sunt valdè crassi, citiùs moriuntur, quàm qui graciles. Non enim in valdè crassis satis fit vsui, cùm arteriæ liberè cieri nequeant: tum ergo corpus transpirabile non est. Scio Galenum in Aphorismi Commentario tribuere potissimùm exilitati arteriarum, & venarum, moriendi celeritatem: Sed in Opere de dignoscendis Pulsib. crassorum meminit, quatenùs in ijs non liberè arteria dimouetur.

Quæ comprimunt arteriam motu prohibent, & sūt inæqualitatis causa.

*In pingui-
bus, & cor-
pulentis
pulsus non
liberè mo-
uetur.*

*Humor superfluum
arteriæ tuni-
cas occupa-
ns, inæqualitatem
parit.*

*Repletio
vasorum
inæqualitatem pa-
rit, quæ
Phlebotomia tollitur.*

Aliam inæqualitatis causam posuit Galenus, humorem superfluum occupantem ipsum arteriæ corpus, siue tunicas. Perseuerat inæqualitas inde proueniens, quousq; humor ille in tunicis imbibitus ad vicinas aliquas partes relegatur, aut discutitur, dissipaturque.

Accidit etiam pulsuum inæqualitas, inquit Galenus, interim ex sanguinis copia, qui aut in venas, aut arterias ipsas sit infusus. At hæc quidem sanguinis missione sedatur facillimè: Etenim copia illa in venis, arterias non secùs, ac tumor præter naturam, vtpote ijs vicinas, premit, & coarctat: vacuata per sanguinis missionem, illicò

venarum tumorem contrahit (id est deprimit, minuitue) statimq; etiam locum arterijs amplum ad motum dat: vbi, quia solitam functionem, nemine interpellante, tenent, simulcum ea æqualitatem naturalem pulsuum recuperant. At verò hic sanguis, qui in arterijs est; quemadmodum occupet spiritus riuos, quid refert narrare? potissimum, si crassus, vel lentus, vel si extremis earum finibus sit impactus: tunc enim, quia nec allicere spiritum (id est aërem) nec reddere valent (fumosum spiritum, vaporemue) diuersas simul, & difficillimas faciunt inæqualitates, præcipuè, si vel propè ipsum cor, vel procul quidem, sed in nobiles partes impingant, obstruantq; illi succi. Quare vt vno verbo dicam, cùm aut validè comprimuntur arteriæ, aut cùm obstruuntur, vt integra omninò facultas sit, inæqualitas quædam corripit pulsus. At si facultas vnà sit affecta cum eo instrumentorum affectu, clarissimum est magis variam oportere inæqualitatem existere: itemq; si ipsum cor infestet inæqualis intemperies, de qua accuratissimè in libris de Præfagitione scribam. At verò, si instrumentorum illæsus sit status, sed magnoperè facultas infirma, inæqualitas illa, de qua iam diximus, non existet, sed mutila, & decurtata, quam vocant, inæqualitas. Ab admotis enim digitis victa facultas, minores semper imbecillioresq; pulsus creat.

Cap. 3. docet Galenus, pro facultatis offensione, varias nasci inæqualitates pulsûs. In primis ille statuit, quod verissimum est, imbecillitatem facultatis esse disparem in varijs affectionibus. Vnde parua imbecillitas facultatis pulsificæ, minores, languidioreque, non autem decurtatos, pulsus efficit: quæ verò imbecillitas est præcedenti tanto maior, vt iam facultati sint oneri applicati digiti, hæc pulsuum decurtatorum author est. Sed, quia duplex est (inquit Galenus) in his ipsis differentia (quidam enim decurtatorum ad pristinum motum reuertuntur, quos decurtatos vocant reciprocos: aliqui illic alicubi permanent, desinuntue) priores scito minorem annunciare imbecillitatem: Adhuc enim quodammodò resistit facultas, & veluti colligens seipsam, & sapè concitans, magnitudinem ita auget pulsuum: auget item contentionem. At, qui perma-

nent in extrema paruitate, nec omninò recipiunt sese (id est, ad magnitudinem non reuertuntur) languidiorem, quàm in his, ostendunt facultatem esse. Sic, si prorsus deficiant, significabunt vltimam, quandam imbecillitatem. Verùm hæc explorari omnia applican-

*Obstruētio
arteriarū
à crasso,
vel lento
humore
facta peri-
culosa in æ-
qualitatē
parit.*

*Mutila
inæquali-
tas à fa-
cultate
valde im-
belli.*

*Imbellis
facultas,
quos edit
pulsus.*

*Decurtatus
pulsus
duplex.*

*Pulsus ve-
rè languis-
sus, & de-
ficiēs, pessi-
mū signū.*

dis digitis arteriæ, nequaquam suspensis, apertissimum est: nam si eleuatis ijs, & mox applicatis, inueniamus in singulis applicationibus motum deficientem, veram abolitionem pulsûs vocamus, non deficientem pulsum. Equidem longè abesse abolitionem puto à deficienti pulsû: illa enim velut est defectus, vt sensus quidem indicat, totius functionis: hic dimidiatæ amissio. Ergo vbi admouenti digitos videatur motus exolutus, & tenenti applicatos paulatim prorsùs desinat, eos pulsus vocamus deficientes: illumq; statum medium numeramus inter decurtatos pulsus, & perfectam pulsûs abolitionem: & quanto decurtatis grauiorem, tanto leuiorem pulsûs abolitionem. Ac hi quidem tres status quantitate noxæ differunt. Quartus reciprocorum est decurtatus; qui est omnium leuissimus. Quintus his addatur, intermittentium, qui præcedit deficientium statum. Et paulò post inquit: Grauius enim facultas offensa est, vbi plures; leuius, vbi pauciores motus deficiunt.

Abolitus pulsus, & deficiens, discrepant à se inuicè.

Iam verò intercurrentium, quos vocant, pulsum affectio contraria est affectioni intermittentium: qui quidem item inter inæquales, qui acruatim fiunt, sunt: inciduntque vbi facultas valens copia humorum, vel instrumentorum oppilatione impeditur. Vt ergo ad repellenda, quæ inolestant, maiores sæpè, & vehementiores edit, celerioresq; pulsus; ita plures quoq; in eiusmodi præsertim statibus, atq; alti pulsus fiunt, itaque portendunt decretoriam excretionem. Porro non solum facultatis infirmitas inducit intermittentem pulsum, sed & instrumentorum valida oppilatio, aut compressio, aut constrictio: vbi in se nihil prorsùs arteriæ allicere valeant. Hactenùs de Pulsum inæqualitate collectiua satis dictum est.

Intercurrentis intermittenti contrarius. Causa re-currentis pulsus.

Alti pulsus quandoque criticam evacuationem prænuñt.

Pulsus intermittens causa.

Ex præmissa Galeni doctrina, & ijs, quæ aliàs in Opere de Pulsibus fusè docuit, colligitur, vsum pulsum nullam per se inæqualitatem collectiuam in pulsibus generare. Facultas enim, & instrumentum, dum immutantur, sunt quæ inæqualitatem pariunt. Facultas quidem triplici modo alterata inæqualitatis author censetur: Et quoties grauatur, & quoties irritatur, & quoties distrahitur. Exemplo robustissimi Iuuenis nimio onere grauati docuit Galenus, facultatem onere, idest humorum copiâ, grauari; & tunc inæquales efficere pulsus; vt modò magnû, modò paruû, nunc celerem, rursùs tardum. Imbellis quidem redditur facultas à grauitate oneris. Imbellis etiam facta facultas ab intemperie, pulsum inæqualem efficere valet,

Pulsus inæqualem efficit facultas grauata.

Sola facultatis imbecillitas raro inaequalitatem parit.

valet, praesertim si eadem facultas labefacta, ab aliquo grauetur onere, aut eius imbecillitas ab inaequali procedat intemperie. Nam sola facultatis imbecillitas inaequalitatem fortassis rariùs inducet. Huius doctrinae fundamentum ex Galeno lib. 2. de Praesagit. ex Puls. cap. 4. sequenti serie eruitur: At cum debilitata duntaxat est facultas cordis, non degrauatur tamen ab humoribus, hinc omninò pulsus parui sunt, & languidi ex facultatis imbecillitate: nulla verò adest illis inaequalitas, nisi quando corpus Cordis inaequali intemperie detinetur. Hæc Galeni doctrina est interpretatio eorum, quæ superiùs dixit, imbecillitatem esse causam inaequalitatis pulsus. Non est tamen dubium, quin facilè à leui quouis onere imbellis facultas grauetur; veluti seni accidit imbelli, cuius crura robore destituta vniuersum corpus sine cespitatione, aut titubatione, sustinere vix possunt.

Facultas irritata inaequalem efficit pulsum.

Secundò, facultas ab irritamento vexata inaequalem efficit pulsum. Vnde halitus venenosus, vaporue putridus, vel acer & mordax, sursum ad Cor, quod ferit, elatus, vitalem facultatem infestat; & cum non æqualiter semper, sed modò intensiùs, modò remissiùs cor lædant, eiusq; Oeconomiam euertant, idem nunc vehementius, nunc mitius agitur, pro noxæ maiori, aut minori quantitate: Atque adeò impensè infestatum vehementer se mouet, leuiùs affectum maiori fruitur quiete. Ex hac ergo infestationis inaequalitate inaequales nascuntur pulsus: sicuti quotidie in multis hypochondriacis, & mulieribus vteri suffocatione laborantibus, conspiciamus.

Facultas distracta inaequales efficit pulsus.

Tertiò, facultas distracta pulsus efficit inaequales: Distrahi dicitur facultas, quando, præter solitum, ad varia officia complenda citatur. Nulli, vt existimo, Medico ignotum est, pulsum ex aduersis motibus coalitum à sola facultate vitali pulsifica perfici, at si vterius ad alia officia, præter naturæ institutum, celebranda, facultas excitetur, pulsus naturalem non seruabit æqualitatem; sed inaequalitatem necessariò consequetur. Cor ergo diuersis, iisque contrarijs, affectum intemperiebus, pulsus concitabit valdè inaequales. Nam eius quædam partes calore præter naturam affectæ, dilatationem siue diastolen magnam, simul atq; celerem, & fortè crebram, refrigerandi gratiâ, exposculât: frigidiores eiusdem Cordis partes oppositos pulsus, paruum, tardum, & rarum requirunt.

Similiter si Cordis quædam partes humoribus superfluis fuerint re-
ferta, aliæ ex aduerso vacuæ, illæ celerem contractionem appetunt,
partes vacuæ, tardam. Non mirum ergo, si in his angustijs facul-
tas pulsifica ad opposita munia citata, inæquales efficit pulsationes.
Sed distractio facultatis pulsificæ, veluti eiusdem irritatio ad gra-
uamen primo loco positum reuocari possunt.

Pulsus inæqualem, seu potius turbatum, ab Amore, animi pas-
sione, fieri, colligunt quidam; etsi nullus detur pulsus amoris, te-
ste Galeno comment. 1. Prognost. textu 8. Narrat tamen ipse libro
de Præcognit. ad Posthum. cap. 5. & 6. quemadmodum ex pulsu
agnouit Iusti vxorem adamasse Pyladem Saltatorem, quod pul-
sum relatæ mulieris subsultasse deprehendisset, dum vnus ex eiuf-
dem Galeni sequacibus retulisset Pyladem histrionem eo die sal-
tasse: cum tamen pulsus obseruauerat quietum, dum distinctis
diebus coram illa relatum esset Morpsum ex histrionibus vnum
saltasse, & tertium histrionem similiter. Sed conijcio Galenum ex
suo cum ancilla dictæ mulieris alloquio, aliquid de amore expisca-
tum fuisse. Deniq; sequutus est Erasistrati ex pulsu diuinationem.
Hic enim, dum pulsus Seleuci, filij Antiochi Regis Syriæ, tetigisset,
eum subsultare, & turbari deprehendebat, quoties accedebat Stra-
tonice, Seleuci nouerca: dum autem hæc recederet, pulsus humi-
liorem inueniebat. Hinc Seleucum deperijsse Stratonicen agno-
uit Erasistratus; & è vestigio Regi arcanum detexit. Rex, vt rem
audiuit, filio permisit suam cum Stratonice explere libidinem, vt
inde salutem repeteret integram.

*Pulsus
amoris quo-
modo agno-
uerit Gale-
nus in V-
xore Iusti.*

*Seleuci
pulsus amo-
ris, quara-
tione ab
Erasistrato
cognitus.*

Instrumentum non debitè dispositum, inæqualitatem, vt dixi-
mus, frequentissimè excitat. Causas inæqualitatis ab arteriæ vitio
natas clarè in superioribus exposuit Galenus.

Causæ vnius Pulsûs inæqualis.

DE Causis inæqualitatis collectiuæ primo loco egimus; quo-
niam ab vniuersalioribus, tanquam magis notis, inchoan-
dum; modò verò de Causis inæqualitatis in vnica pulsatione, nobis
agendum est. Pulsus, siue arteriæ motus, vt in superioribus expo-
suimus, & docet adhuc Galenus lib. 2. de Caus. Puls. cap. 4. tripli-
citer inæqualis redditur; & inde tres emergunt differentiæ: Inter-

*Tres spe-
cies pulsus
inæqualis
in vnica
parte arte-
riæ.*

pellatur

*Intermit-
rens : Im-
par citatus:
Recipro-
cus siue bis
feriens.*

pellatur quindoque, & inde intermittens pulsus: Vel perpetuus siue continuus est pulsus, sed inæqualis & dispar est motus; & inde pulsus impar citatus: Vel fit motûs repetitio; & inde reciprocus, vel, vt alij loquuntur, didrotus, siue bis feriens. Insinuat citato adhuc

*Novem
differentiæ
intermit-
tentis pul-
sus.*

capite Galenus nouem differentias pulsûs intermittentis, qui idè dicitur, quòd motum distensionis intersecet accedens modica quies. Sequenti ordine dictas nouem differentias recenset: Celer celer pulsus; idest, quandoque prima pars distensionis celeris est; cui succedit aliquantula quies: tertio loco motus antea interpellatus repetitur, & cum celeritate absoluitur: Et ita quælibet differentia in tres partes diuiditur: Aliæ ergo octo sunt, celer tardus: celer moderatus; tardus tardus: tardus celer: tardus moderatus. Moderatus moderatus: moderatus celer: moderatus tardus. Galenus primæ differentię causam exponit vt sequitur: Cùm celeriter primùm concitata arteria, deinde parua interposita quiete, residuum denique addat distensionis tardè mota. Hoc enim accidit, cùm vsus vrgeat, & facultas, quantum in ea est, obsequatur, sed aut ab vitio interrumpatur instrumentorum, aut ab humorum insigni abundantia, &c. Docet hîc Galenus, vsus vrgerè, dum celer est vsus in principio, & fine: quia celeritas vsui familiaris est: & vsui tunc vrgerenti obsequium præstat facultas, in quantum potest. At verò, quia facul-

*Causæ in-
termittentis
pulsus.*

tati obstat copia humorum, aut arteriarum oppressio, aut obstructio, motum vnico impetu soluere nequit eadem facultas: proinde in medio motu subsistere, & veluti respirare cogitur: & sic quædam veluti fugax quies percipitur à tactu: mox tamen, vrgerente vsu, motus residuum cum velocitate correspondente primæ partis pulsûs velocitati, perficitur. Celeritas primæ partis distensionis, & celeritas vltimæ, etsi intercedat quies, & magnam copiam humorum denotent, prauæ non sunt, quòd facultatis robor indicent: quoties tamen prima pars distensionis celeris est, & vltima, quæ quietem subsequitur, tarda, res ægri non æquè in tuto sunt. Pessimum verò exitum prænunciat pulsus, qui ante, & post quietem tardus est: Periculi ambiguitatem, siue medium statum inter celerem, & tardum pulsum, indicat pulsus mediocris, siue medius inter tardum & celerem: vt testatur Galenus citato cap. 4. lib. 2. de Caus. Pulsuum: Omnium, inquit, harum nouem differentiarum, à quacunq; causa proficiantur, quæ est vtroq; motû tardo, deterrima

*Prognosis
ex inter-
mittente
pulsu.*

est;

est: Commodissima, cuius celer est vterq; motus. Media, in qua vterq; moderatus. Iam aliæ, quæ intercedunt inter mediam, & extremam vtramque, proportionem. Quin etiam tempus hoc quietis (dirimentis distensionem in duas partes) quod sit in quaq; nouem harum differentiarum longius, hoc est deterius: è diuerso diuturnius motuum tempus meliorem declarat statum. Præterea vtriusq; distensionis magnitudo, optima: contra, pessima est paruitas. Similiter vehementia optima, remissio pessima. Quod si omnia, quæ commemorauimus, mala, in vno pulsu conueniant, hic (i. talis pulsus) illorum scilicet pessimus erit: contra, si omnia commoda, optimus. Ille enim, si copia humorum sit, quæ facultatem oneret, valde declarat superatam naturam esse: si oppilatio arteriarum, cum præcipuarum esse harum, nec remotarum lōgè à principio (Corde), tum hanc oppilationem indicat insignem esse: Si compressio sit, & constrictio, innuit arteriarum locum occupatum penè omnem. At verò commodissimus inter illos, cuius, inquam, vterque est motus celer, magnus, vehemens, ac quietis breue tempus, cum facultatem denunciabit superiorem abundantiam humorum esse, tum oppilationes, & compressiones arteriarum, vel paruas, vel non in nobilioribus partibus, vel procul à principio.

*Celer celer
pulsus in-
ter nouem
differentias
bonus.*

Galenus præclare causas pulsûs intermittentis in vnica pulsatione, & vnica simul arteriæ parte proposuit; & præter causas, Prognosim ex tali pulsu emergentem. Inæqualitatis quidem singularis causæ sunt eadem cum causis inæqualitatis collectiue (vt ex cap. 4. lib. 2. de Caus. Puls. colligitur): aggrauatio nimirum arteriarum, & facultatis; arteriarum obstructio, oppressio; inæqualis Cordis, veluti arteriarum, intemperies. Cæterum obseruandum sedulò, inæqualitatem in vnica pulsatione plus periculi minari, quàm inæqualitatem in pluribus pulsationibus, teste Gal. lib. 2. de Prælag. ex puls. cap. 4. vbi inquit: Igitur de inæqualibus pulsibus hoc in communi omnibus sciendum est, quod in secundo libro de Puls. caus. ostendimus, ex oppilationibus eos, aut cōpressionibus instrumentorum, aut humorum abundantia, ad facultatem quidem collata, aut ex Cordis inæquali intemperie constare: incommodiorem porrò esse vnus pulsûs inæqualitatem, ea quæ in aceruo siue collectione consistit. Hanc doctrinam docuit Gal. lib. 2. de Caus. Puls. & ratione fultus; quia inæqualitas facta in vnica pulsatione, cum tam breui

*Eadè sunt
causæ inæ-
qualitatis
collectiue,
& singula-
ris.*

*Inæquali-
tas vnus
pulsationis
periculo-
sior est inæ-
qualitate
plurium.*

tēpore nascatur, Signum est eā à multò potentiori causa fieri, quàm inæqualitatem collectiuam, siue accruatam dictam: Nam in hac inæqualitas solùm deprehenditur post quasdam pulsationes æquales.

Intermittens pulsus non tantum periculi senibus, & pueris minatur, quantum iuuenibus. Cur pueri, quàm iuuenes in intermittente pulsū minus periclitantur.

Citato lib. 2. de Præfagit. ex puls. cap. 4. intermittens pulsus periculum, habitū ratione personarum, exponit, vt sequitur: Quamobrem intermittentes pulsus minùs habent senes, quàm iuuenes, pernicioles: mox pueri ab illis, quòd (quia cūm concoctrice facultate sint validissima, tum corpore mollissimo, atq; facillè perspirabili) concoquant, digerantq; per halitum intemperies inæquales, copiamque humorum, & crassitudinem. Quare etiam hi in minus periculum veniunt, quàm iuuenes, cūm pulsus intermittant, duobus nominibus: nam, tum, quòd facultate, quæ pulsibus præfidet, imbecilliore, quàm iuuenes, sint, vt à minoribus causis, sicut senes, superentur procliuùs: tum quòd concoctrice firmiore, vt facillè offensa corrigantur. His additur perspiratus facilitas non mediocriter ad tollendos morbos momentum: quod etiam Hippocrates confirmauit. Quibusdam interpositis, inquit idem Galenus: Potrò diuturna est quies, quæ excedit duorum pulsuum tempus: breuis, quæ intra duorum pulsuum tempus manet. Quies verò temporum vnius pulsus inter omnes intermissiones, moderatissima est, mulierque ex ea, senes patiter, & pueri, euaserunt; iuuenum autem ne ex hac quidem vllus. Antequàm Galenus his contextibus concluderet, Iuuenes magis, quàm Pueros, Senes, & Mulieres, periclitari, dum pul-

Rari, & intermittentes pulsus affines. Prognosis ex quantitate quietis intermittens pulsus.

suum habent intermittentem, rei rationem clarè exhibuit. Docet præterea raris pulsibus intermittentes esse finitimos; à raris tamen leccrni, quòd intermittentes pulsus totum perdiderint rhythmum: & quòd maior in intermittentibus est quies, eò maior est arhythmus, & periculum. Vnde ibidem Galenus ait: Itaq; cūm duorum pulsuum, siue duarum pulsationum tempus arteria quiescat, haud scio, an superflus esse quispiam possit. Vnius certè pulsationis tempus, aut paulò ampliùs sæpenuerò conspeximus, intermittente motu articularum, confirmatum hominem esse, præsertim cūm ætatem ageret

Cur senes, quàm iuuenes, facillius intermittentem pulsus tolerant.

senilem. Quanquam hoc absurdum videri possit: Etenim si vel sua spontè (id est, ratione suæ ætatis) imbecillus senex est, laborantque eius etiam ante infirmitatem valetudinis facultates, quem expectemus euentum, si ad ætatis imbecillitatem, altera accesserit ex morbo imbecillitas? Nempe hac de re (difficultati respondet) non est peri-

peri-

periculosum, sed eo potius leue, quòd imbecillæ facultates à paruis sæpè causis, fiat, vt offendantur: at firmæ siue robustæ facultates deijciuntur tantùm à maximis siue validissimis causis. Itaque qui habitu siue constitutione corporis valente sunt, & admodum diu in morbos non inciderunt, periclitantur si incidant: At verò imbecilli, quiq; assiduè obiecti ad omnes causas sunt, facillimè seruātur: quòd scilicet de his nemo, cùm à qualibet causa lædatur, vel minimâ, expectet causam magnam. Robur validiorum omnem excipit causam paruam, vt à solis magnis vincatur. Quamobrem intermittentes Pulsus; Et reliqua à nobis paulò ante transcripta.

Valetudinarij non ita periclitantur, dñs agrotant, sicuti robusti.

Hæc Galeni doctrina ad prædicendum plurimum confert: Ad mirationem quorundam existimantium, intermittentes pulsus periculum grauius in senibus, quàm in iuuenibus, prænunciare, è medio tollit, asserens, verum quidem esse senes iuuenibus multò imbecilliores esse, non proinde tamen pulsus intermittentem tantum periculi in senibus minari, ac in iuuenibus, quia talis pulsus in iuuenibus, ratione suæ ætatis robustissimis, non generatur, nisi validissimæ causæ interuentu; quæ ideò maximam introduxit in pulsu alterationem. Secùs verò res se habet in senibus, & pueris: Nam senes à leuissima alterantur causa, & consequenter eorum pulsus. Est enim senibus familiare temperamentum frigidum, vi cuius in corpore crassi, viscidi, lentique humores procreantur, & obstructions non solum in venis, sed etiam in arterijs proinde nascuntur: à quibus obstructionibus, & in vnica pulsatione, & in pluribus pulsationibus, libera arteriarum distensio impeditur, & intermittencia non rarò efficitur. Similiter pueri ob voracitatem sæpissimè in multas cadunt obstructiones, & intermittētes ideò pulsus habent. Iuuenes verò, quia robusti, & omne superfluum facillè discutiunt, ab obstructionibus sunt liberi. Quare rarissimè contingit eos habere pulsus intermittentes. Cùm ergo senibus & pueris intermittenciæ causa familiaris sit, ipsa intermittencia non tantum periculi in his arguit, quantum in iuuenibus, & quidem iuxta aphorismum 34. lib. I. qui hac serie scribitur. In morbis minùs periclitantur, quorum naturæ, aut ætati, aut habitui, aut anni temporis morbus magis congruit, quàm vbi nulli istorum congruit. Omnes autem Medici vno ore confitentur, senes, & pueros, quàm iuuenes, plus humoris superflui, qui potis est parere obstructionem, coaceruare. Intermit-

Exponitur Galenus.

Aph. 34. lib. I.

tentia ergo in pulsu magis his, quàm iuuenibus, consueta est.

Quanquàm de intermittentia in pluribus pulsationibus notata præcipuè loquutus fuerit citato lib. 2. de Praesagit. ex puls. cap. 4. Galenus, quæ tamen ibi dixit, aptari debent intermittentiæ omni in vnicâ pulsatione : Licet de hac expressius loquatur cap. 6. eiusdem libri.

Pulsus impar citati cause. Capite 5. libri 2. de caus. puls. proponit Galenus causas pulsûs continui, sed disparis celeritatis. Hoc genus pulsûs varias habet species, quarum quælibet suas habet causas. Verùm, pulsus disparis celeritatis, seu impar citatus, easdem habet causas, quas pulsus intermittens. Prouenit autem vel ab inæquali Cordis intemperie, vel ab imbecillitate facultatis vitalis ab onere superfluo grauata, vel ab arterijs obstructis, aut compressis, aut constrictis. Caterùm

Pulsus impar citatus periculum non adeo magnum indicat, ac intermittens. non est pulsus impar citatus, siue disparis celeritatis, indicium tam mali euentûs, ac pulsus intermittens, de quo in antecedentibus; quia non æquè magnum est incommodum, mutari motum è tardo in celerem, aut è celeri in tardum, ac motum impediri à superueniente quiete. At quiete interpellatur motus in pulsu intermittente, in pulsu verò impari citato motus distensionis quiete non incipitur, sed solummodò mutatur à celeritate in tarditatem, aut è conuerso. Vnde conficitur, hunc pulsus disparis celeritatis non præindicare tantum periculi, quantum intermittens, qui non est continuus, præmonstrat.

Impares citati impari prognosim parum. Ipsi verumtamen pulsus impares citati ad inuicem collati, distinctam innuunt prognosim. Nam pulsus initio tardi, si ad finem vsque in celeritatem magis magisque insurgant, minùs onerari facultatem humoribus annunciant: Si verò è contra, pulsus celer in principio, in tardum desinat, causæ magnitudinem indicat maiorem; vt facultatem copiosis humoribus onerari, & instrumenta obstrui. Est autem (inquit Galenus) proprium ijs, qui in contraria affatim mutantur, non solum grauari facultatem, sed etiam obstrui, & premi instrumenta. In contraria affatim mutari dico, si, cùm moueantur celeriter, subito fiant tardi: aut qui ex tardo primo motu euadant celeres. Oriuntur enim hi cum obstructionibus quibusdam, & constrictionibus, sed minùs difficilibus, quàm intermittentibus: tum ex facultate ipsa copiosis humoribus onerata: minùs illa tamen, quàm in intermittentibus; etenim non æquè magnum est incommodum, mutari motum, ac impediri. Hæc Gale-

nus, qui intermittentiam in pulsu maximè damnat: Et meritò, quoniam in intermittente, sicuti etiam in alijs differentijs, a deò quandoq; arteriæ obstructæ sunt, vt nulla pateat via per quam aër introduci queat, aut fuliginosus vapor excerni.

Tertium genus pulsuum in vnica pulsatione, & vnica arteriæ *Bis feriens, siue recurrens, siue dicrotus.*

parte apparens, est bis feriens, siue recurrens dictus, quem sæpè dicrotum cum Archigene vocat Galenus; qui libro 2. de Caus. puls. cap. 6. ait: Porro ad reliquum iam genus inæqualitatis in vna parte positæ, quos dicrotos pulsus vocamus, pergeandum est. Hos diximus non posse esse, nisi vibrati sint: Quamobrem eorum causas nulla ratione exactè inuenias priùs, quàm vibrati causas accuratè perspexeris. Fit autem hic, vbi valida sit facultas, instrumentum durum, vrgeatq; vsus: quorum certè vnum si absit, non fiet vibratus pulsus: quæ enim constituit eius generationem, est violenta distensio duræ arteriæ: nam, nisi ambo hæc sint coniuncta, non vibretur, & vndequaq; concutitur. Quòd si arteria indurata sit sola, nec cogatur distendere eam plurimum facultas, nulla erit planè vibratio, sed hoc tantum, durus, quem vocant, pulsus. Sin plurimùm dilatare arterias facultas studeat, illæ autem moderata mollitudine consequantur, magnus tunc erit, non vibratus, minimèq; durus. Quare, si fiet, vt vibratus sit, planè distendere amplius eas, quàm possint, facultas molietur. Atqui, nisi ab vsu vrgeatur, & compellatur, violentam facultas actionem nunquam obeat. Rectè ergo robusta facultate diximus opus esse, induratis arterijs, atq; vrgente vsu. Et paulò post, ait: Relinquitur igitur, vt vel vsu crescente, vel instrumentis renitentibus, vel vtrisque copulatis, distensio in vibratis pulsibus non assequatur vsu. Atque vsus, abundantia caloribus augetur, vel exhausto animali spiritu. Contumacia instrumenta fiunt per oppilationes, compressiones, & duritiem: atq; hæc durities existit, si inflammata sint, induruerint, desiccata sint, refrigerata, contenta instrumenta.

Galenus, vt patet, tres proponit vibrati pulsus causas, vsu adauctum, facultatem validam, & dura, ac contranitentia instrumenta: quibus addi potest inæqualis Cordis intemperies, quæ quidem in vniuersum triplex est. Nam quædam Cordis partes calida intemperie laborare possunt, & aliæ intemperie frigida, quarum hæc paruam exposcunt dilatationem, calidæ verò magnam. Secundò,

Vibrati pulsus causa triplex.

Vsus vrgentis duplex causa. Causa cur arteria difficulter moueatur.

Vibrati pulsus causa.

Triplex inæqualis intemperies Cordis.

intemperies sola infestare potest Cor, aut vnà cum materia. Itaq; potest vna pars Cordis copiosis infestari fuliginibus, altera nudà intemperie calidà; & sic pars calida dilatationem, pars fuliginibus onerata compressionem siue systolen maiorem. Tertia inæqualitas nascitur ex calida Cordis intemperie, & humoribus frigidis, in eius ventriculis contentis, aut vice versa. Vnde Cor incalescit, simulq; refrigeratur, vel è contra refrigeratum Cor, calidis humoribus alteratur. Hæc sanè inæqualitas, pulsus efficit inæquales Systematicos, & singulares. Quoties autem in Cordis ventriculis humores stabulantur crassi, frigidique, necessariò ora arteriarum cordi vicina obstruuntur, & fortassis ora arteriarum in cutem desinentium. Inæqualitas in arterijs æquè, ac in Corde, elucere potest, vt ex varijs Galeni locis colligere licet, & præsertim citato cap. 6. lib. 2. de Caus. Puls. vbi ait: Cæterum inæqualitas pulsuum in diuersis arteriæ partibus comitatur proximè talem intemperiem, quòd, vbi humidior, simul & calidior sit pars arteriæ, maior illic, citatiorq; fiat pulsus: vbi vel frigidior, vel durior, ibidem minor, & tardior. Iam etiam ad motum priùs concitatur pars illa prior, postea orditur altera. Quare ex eo cum augebit simul vibratos, tum erit finitima causa inæqualis in diuersis partibus arteriarum motus. Igitur pulsus, qui vocatur dicrotus (vt tandem aliquando ad hunc veniamus) ad hunc modum fit: Vbi partes arteriæ, quam attingimus, duriores sint, frigidioresque, ita difficiliùs etiam, moveantur partes vtrinque; quas non attingimus: ac deinde partem mediam præ ipsis in distensione concitatam retrahunt intrò, iterumq; secum attollant: his, necesse est, feriatu tactus. Eiuscemodi pulsus dicrotus est duntaxat, non autem vibratus perspicuè. Alter, qui iuxta, & satis vibratus est, & dicrotus, fit ad hunc modum: Vbi cum vibratione sublata arteriæ pars ea, quæ solà cute tecta est, faciliè attollatur; aliæ autem vtrinque partes crassitudine, numeroq; onerentur corporum incumbentium, adeò vt ne motus quidem earum tangentibus occurrat: necesse tum ex parte hac, quæ aperta est, cum iam sublata, partes illas non manifestas, quæ vtrinq; adhuc sunt, attolli. Itaque mediam, quæ delata iam dudum est, de integro vnà cum illis, quæ vtrinque sunt, attolli, ita vt redeat, & occurrat iterum foris ipsam tangentibus: Proinde eum constat dicrotum futurum, qui in eo tantum vincit vibratum, quòd motus inæqualitatem in magnis obtineat

*Inæqualis
intemperies
arteriarum,
æquè inæ-
quales pro-
creat pul-
sus, ac inæ-
qualis in-
temperies
cordis.*

*Dicroti
causa.*

*Vibratus
simul, &
dicrotus.*

*Dicrotus
in quo ex-
cedit vi-
bratum.*

tineat partibus arteriæ. Cum enim pars omnis, quæ digitis occurrit, nisi quatenus vibratur, æqualiter moueatur, ac partes ex utroque latere ab illa differant, efficitur dicrotus: vibratus, cui nihil supererit amplius, quam quod vibratur, concutiturque paulatim omnes partes, motus in tam magnis partibus diuersitate, quam habet dicrotus, vacat. Planum est igitur ex prædictis, dicrotum interim ex magna intemperie oriundum esse, paruaque duritie arteriæ in eum modum motæ: interim ex ingenti duritie coniuncta cum quadam (inbecilli) intemperie, vel crassitudine, vel abundantia humorum, & carnis.

*Dicroti
causa.*

Qui, præter hæc, plura de dicroto pulsu cupit, legat Galenum lib. 2. de Præfagit. ex puls. cap. 8. Certum enim est, vibratum pulsum, de quo latè Galenus in superioribus, sicuti & dicrotum, in diuersis arteriæ partibus fieri, etsi dicrotus in vna arteriæ parte præcipuè percipiatur. Præter causas dicroti superius enumeratas, Galenus loco citato de Præfag. ex Puls. immediatam proponit, distensionem, siue dilatationem arteriæ impeditam à propositis causis, quæ impedita dilatatio redivit ope facultatis ad inchoatum, sed turbatum motum perficiendum. Et quamvis in vibrato pulsu facultatem validam esse dixerit Galenus; certum tamen est, & rationi consonum, dicrotum pulsum non semper à valida facultate fieri: nam quoties à Cordis inæquali intemperie ejusmodi pulsus nascitur, necessariò vitalis facultas summè patitur, & labefactatur.

*Dicroti
immediata
causa.*

*Dicrotus
non semper
à valida
facultate
fit.*

Galenus lib. 2. de Causis Puls. cap. 7 causas exhibet pulsus caprizantis, aiens: Caprizanti verò, quem vocant, hoc cum dicroto convenit, quod bis pulsatur: non convenit causa. Neque enim cum instrumentorum duritia, necesse illi est, nec cum intemperie, ut coniungatur. Postea docet, caprizantem pulsum fieri, dum motus arceatur, seu dum quies distensionem interpellat, vel ob humorum immodicam copiam, vel ob oppilationem, vel compressionem instrumentorum. Prognosis ex hoc pulsu Galenus ibidem indicat, aiens, indicium facultatis validæ esse, dum ab oppressione se colligit, liberatque, & alteram motus partem, quæ secundum quietem (id est, quæ quietem interuenientem sequitur) est, robustiorem efficit, ita tentans, quod noxam infert, deturbare. Si verò contrarium eveniat, secundam nimirum ultimamque distensionis partem primam minorem esse, malè cum ægro agitur.

*Caprizans
pulsus non
necessariò
ab arteriæ
duritia,
aut intem-
perie pro-
cedit.*

*Caprizan-
tis pulsus
causa.
Prognosis
ex pulsu
caprizante.*

*Vndosi,
vermicu-
lantis, &
formican-
tis pulsus
causæ.*

Capite 8. sequenti vndosorum, & vermiculantium pulsuum differentias, simul & causas Galenus exponit. Hi etenim inæquales pulsus pluribus arteriæ partibus conueniunt, & in vnica distensioneprehenduntur. Sola enim quantitate hos ambos distare docet. Nam vndosus vermiculante maior est, ambo tamen sub vno genere collocantur. Causæ generationis horum pulsuum, sunt facultatis imbecillitas, vel copia humorum, vel summa instrumentorum mollitudo. Arteriæ quidem nimia humiditate imbutæ, simul à facultate distendi nequeunt, sicuti nec, quoties nimis sunt molles.

*Vndosus
non semper
ab imbelli
facultate
fit, sicuti
formicans,
& vermi-
culans.*

Cæterum vermiculans pulsus à facultate languida fit: vndosus ab humorum copia, & arteriarum mollitudine frequentius efficitur; etsi quandoque ab imbelli facultate, vnà cum alterutra dictarum; aut ambabus simul, procedat. Formicans pulsus à languidissima facultate oritur; estque omnium pulsuum minimus, qui ex se perniciem prænunciat. Potest tamen hic superuenire absque eo, quòd necessario eum præcedat vermiculans pulsus, aut hunc vndosus; etsi contrarium asseruerit Auerroës lib. 4. Colliget cap. 18. Hoc tamen commune habent, quòd vna pars arteriæ post aliam moueatur; ita vt multæ intercedant quietes.

*Pulsuum
decurtato-
rum causa,
est imbellis
facultas.*

Capite 9. sequenti Pulsuum decurtatorum, siue myurorum, causam docet esse imbecillitatem facultatis: minuuntur enim magis magisque motus arteriarum, quòd harum partes à Corde sunt remotiores.

*Pulsus pro-
minentis
causæ.*

Subsequenti cap. 10. innuentium, siue circumnuentium, siue prominentium pulsuum causas exponit Galenus. Prouenit enim quandoq; pulsus innuens ab inæquali arteriarum intemperie: Nam partes temperatæ arteriæ facultati mouenti obediunt, intemperatæ verò nequaquam. Galenus verumtamen dicto cap. aliam exponit causam, quam antea pro decurtatis statuit pulsibus, facultatis videlicet imbecillitatem; maximè verò, quoties vnà cum facultate imbelli, extenuatæ sint partes carnosæ, & aliæ, arteriæ corpus ambientes: tunc enim pars arteriæ nullo grauata onere manifestè mouetur, eiusq; motus ideò elucescit & emicat. Comparata enim huius partis distensione (inquit Galenus) alijs vtrinque; minoribus, decurtatum in vtriusq; partibus motum ostendit: Id est, partes arteriæ prominentes, & in sua distensione eleuatæ tactui occurrunt: partes verò arteriæ vtrinque demersæ, vix se tactui offerunt; quia veluti occultantur.

Capite 11. sequenti, causas exponit Galenus inæqualitatis ex arteriæ situ natæ. Ex Hippocrate lib. de articul. Comment. 3. tex. 100. docet, Vterum, dorsi spinam, musculos ipsos, & intestina, distorqueri, quoties pars aliquo tumore præter naturam infestatur. Pars enim quævis nimium repleta, crassior fit, breuiorque; vnde longitudine diminutâ trahit, veluti vi quadam, vicinas ad se partes; inde istarum partium distorsio quædam oritur. Hanc ob causam Vterus sursum, aut ad latus, ligamenti eius, aut alijs vicinis partibus immodicè repletis, & ob repletionem humorum veluti contractis, retrahitur; aliquâ similiter parte intestini tumefacta, vicinæ partes eiusdem ad hanc retrahuntur. Idem de Spinali medulla, & musculis dicendum. Inflammatio enim (inquit Galenus cit. cap. 11. lib. 2. de Pulsib.) scirrhî, abscessus, ac crudorum quorundam generatio tuberculorum, breuiter omnes præter naturam tumores, vicinas partes ad se attrahere valent. Præterea squalida siccitas, frigusq; immodicum, quiddam faciat in modum gelu, & conuulsiua intensio: quorum aliàs aliud arterias distorquet. Præter cætera distorquere inæqualis intemperies censenda est. Has omnes causas in medium produxit Galenus, vt hinc conficeret, affectis musculis, alijsue vicinis partibus, aliquo tumore præter naturam, fieri torsionem vicinarum partium, adeoq; arteriarum ipsis colligatarum.

Vteri, intestini, & aliarum partium distorsio à tumore vicinarum partium, aut eorundem membrorum sæpè prouenit.

Tumores omnes vicinarum partium torsionem causant.

Sequenti cap. 12. Conuulsiui pulsûs causas explicat Galenus; quæ quidem manifestæ sunt. Nam pulsûs conuulsiui causæ sunt tensiones arteriæ ad vtrumque extremum, siue ad vtrumque arteriæ partem. Sed quidam dubitabant, quomodò fieri posset, vt in arteria conuulsio generetur; cùm à Corde, & non à Cerebro, pendeat, eiusque functio sit pulsatio, & non voluntarius motus, mediantibus musculis editus. Hunc scrupulum autoritate Hippocratis, lib. de Alimento, adimit Galenus sequenti serie: Confluxio vna (inquit Hippocr.) est, conspiratio vna, omnia omnibus consentiunt, natura communis: nam nisi hoc esset, duo animalia esset, nec vnum, quisque nostrum. Nunc arterias magnas Cor Cerebro vinculum societatis transmittit, Cerebrum nervos Cordi; quæ quanquam non magni sint, mandatum tamen rationis (id est motum voluntarium) possunt perficere. Ad hæc singulis arterijs fibræ à nervis deductæ ad societatem veniunt, per quas se sinunt inuicem in consensum venire, non modò actionum, sed affectuum etiam. Nec iam quic-

Pulsus conuulsiui causa.

Partium corporis confluxio vna, conspiratio vna, &c. ex Hippocrate lib. de Alimento. Dubio occurrir.

quam habet admirationis, si, cùm vniuersum nervosum genus coniunctum cum arterijs sit, singuliq; eorum ramuli sibi mutuò immixti, principiaq; (vt dictum est) inter se coniuncta sint, communis appareat affectus.

Pulsus tremuli causam proponit Galenus lib. 2. de Præfagit. ex puls. cap. 12. aiens: Quando verò (vt in secundo libro de caus. symptomat. declarauimus) imbecillitatem facultatis consequitur tremor, necessarium est ideò tremulum pulsum etiam languidū simul, & paruum esse. Docet postea Galenus, propter imbecillitatem facultatis tremulos motus tactum aufugere, ideòque, vt cognoscantur, insignem distensionem esse necessariam. Docet præterea, à quibusdam imperitis pulsum tremulum censerī vibratum; verū, quid intersit inter vibrationem, & tremorem, ipse exposuit lib. 2. de caus. symptom. ex quo loco faciliè erit discrepantiam pulsus tremuli à vibrato haurire. Paulò tamen post ipse docet, pulsus tremuli causas esse, facultatis imbecillitatem, arteriarum mollitiem, & habitus corporis gracilitatem: cùm tamen pulsus vibratus non ab imbelli omninò facultate, nec ab arteriæ mollitie procedat. Ex societate nervorum, & arteriarum, quam egregiè Galenus, de pulsu conuulsivo agens, exposuit, faciliè vnusquisque percipiet, pulsus tremulos, æquè ac conuulsivos, admittendos esse.

*Pulsus
palpitantis
causa.*

Pulsus palpitans nascitur à nimia copia flatuum, pulsus instrumenta replentium; qui pulsus mali ominis est, cùm sit Cordis, & arteriarum consequenter, affectio præter naturam. Vnde Galenus lib. 6. de Placitis Hippocratis, & Platonis, ait: Motus Cordis, qui in pulsu fit, est operatio, qui in palpitationibus, est affectio.

*Pulsus
serratis
causa.*

Pulsus serrans, siue serratilis, nascitur à facultate multum onerata, à duro instrumento, siue dura arteria, & ab aucto simul vsu: de quo Galenus lib. 4. de Caus. puls. cap. 7. & 8.

*Pulsus
strepentis
causa.
Pulsus he-
ctici causa.*

Pulsus strepens ab inanitione, siue vacuitate, & duritie arteriarum provenit. Valida tamen tunc est facultas.

Pulsus hecticus in emaciatīs & hecticiis manifestè deprehēditur, qui sanè inæqualitatem continet, cùm ab arteriarum, & Cordis intemperie, facultate imbelli, & gracili habitu proveniat.

Libro 2. de Pulsib. cap. 3. Galenus causas exponit pulsus alti, humilis, lati, angusti, longi, & brevis. In primis ille docet, harum differentiarum inæqualitates in vnica pulsatione, & frequentissimè

in pluribus pulsationibus apparere. Docet denique, tam in fanis, quàm in egris, multò melius clariusue à nobis percipi arteriam, dum distenditur in sua superiori siue exteriori superficie, quàm secundum latera; quia superficies illa superior, seu quæ versùs cutem tendit, nostro tactui vicinior est, nec tot corporibus cooperitur, quot partes arteriæ ad latera, & in obliquum tendentes. Vade colligit Galenus, in ipso naturali pulsu, motum in altum, maiorem semper esse motu in latitudine: quanquàm, si verum fateamur, pulsus naturalis non sit dicendus simpliciter altus, sed mediocris, siue medius inter excessus. Sicuti in eodem naturali pulsu altitudo, aut profunditas, latitudine maior est, & clarior, ita longitudo altitudine, aut profunditate. Si arteria omni alio corpore esset denudata, latitudo, & altitudo, motus essent æquales, sed longitudo vtriusque maior. Notat viteriùs Galenus, altitudinem rei dici ab imo sursum: Profunditatem verò esse illud spatium, quod desuper deorsum perficitur. Galenus tamen altitudinem quandoque cum profundo confundit.

Altitudo latitudine maior in naturali pulsu.

Altitudo, & profunditas opponuntur.

His præpositis, Pulsus alti & humilis, lati & angusti, longi & brevis, crassi & gracilis, magni atque parui, geminas causas proponit Galenus, inæqualem videlicet instrumentorum intemperiem, aut eorundem distorsionem. Siquidem, inquit, quemadmodum n appareant in eiusmodi affectibus (inæquali scilicet instrumentorum intemperie, & eorundem distorsione) motus inæquales, declaratum est. Nos cum Galeno rem hanc fusè superiùs exposuimus. Ille tamen, præter modò relatas causas, quæ non nisi diuturnitate temporis introducuntur, alias addendas censet; cum à neutra dictarum causarum procedat pulsus altus in ira, & paulò ante iudicationes, siue Crises, sicuti nec pulsus latus, qui in euacuationibus Criticis adesse solet.

Pulsus altus in ira nascitur, & ante Crisim.

Deinde docet Galenus, pulsus amittere suam naturalem proportionem in longitudine, latitudine, & altitudine ob maximam crassitudinem, aut gracilitatem; vel usu adauctum. Alii ergo pulsus causas in iratis, etiam naturaliter benè constitutis, docet esse usum adauctum, & facultatis robur, & crassitiem, seu crassitudinem partium adiacentium, prohibentem ne in latum distendatur. Calor quidem adauctus in ira sustollit arteriam commodissimè in altum, ubi eadem arteria minus carne, aut alio corpore tegitur, & quando ad cutem usque liberè dimouetur: Si verò carne, aut adi-

In euacuatione Critica pulsus latus apparet. Alii pulsus in iratis causa.

Pulsus in ira non est altus, quando facultas est debilis. pe, aut his simul (ut in crassis corporibus contingit) arteria fuerit cooperta & onerata, altus pulsus fieri non poterit. Si autem corpus gracile sit, quia arteria in omnem partem dilatari tunc poterit, si valida fuerit facultas, & usus adauctus, pulsus fiet magnus in trina dimensione. In ira tamen, si imbellis sit facultas, altus non nascetur pulsus; magnus tamen, quia in longitudine & latitudine excedit naturalem longitudinem & latitudinem; maxime verò si loca arteriam cingentia semiuacua sint, ut arteriam liberè recipiant.

Humilis pulsus causae. Pulsus humilis, alto oppositus, fit à facultate imbelli, & corporis crassitie, arteriam veluti demergente. Humilis etiam per sentitur pulsus, in multis gracilibus, aut non multum carnosus, propter primam corporis conformationem, in qua arteriae intimè in brachio reconditae sunt.

Pulsus lata causa. Pulsus latus, ad moderatum, siue naturalem collatus, fit, quoties à naturali robore facultas aliquatenus declinat, & latitudo locorum adiacentium fuerit insignis, pondusq; accedit arterijs ex superioribus siue exterioribus partibus. Pondus hoc, inquit idem Galenus, quod accessit arterijs, saepe sunt ipsius cutis rugae, quod accidit senibus, & gracilibus, qui tamen habitu non sunt desiccato: de quo genere sunt illi, qui recenter sunt iudicati, siue criticè euacuati. Saepe adhuc ex humiditate, praecipue si irrigua sint ipsa corpora arteriarum, ut fit in hydropicis: partes enim earum quae in summo cacumine sunt positae, delabuntur, demittunturque, partim in ipsam arteriarum cavitatem, partim in obliquum. Quare haec ascensu necesse est pulsus prohibeantur, quatenus infra arteriae dorsum demittitur. Ac nimirum latitudinem iam bifariam oportet praepollere, cum quod in obliquum delabantur arteriae partes, accomprimant, atq; eo inferiorem regionem dilatent; tum verò, quod imminuta ipsa altitudo sit: quarum certè vel altera reddere pulsus latum valeat, aut imminuta altitudo, aut latitudo aucta: quia verò ambae coniunctae sunt, hinc clara in eiusmodi affectibus, & ampla conspicitur latitudo.

Ruga cutis arteriam grauant. Rectè monuit Galenus, cutis rugas grauari ipsam arteriam: nam cutis crassior fit accedentibus rugis, quarum interstitia exiguis foveis, aut sulcis similia, ipsis cutaneis eisque crassis excrementis, quae vix resolui possunt, replentur: Vnde maius increscit pondus cutis, arteriae incumbentis.

Qui criticè euacuati sunt, gracilitatis aliquid acquisiuisse videntur, quod pleraque vasa à superfluitatibus sint liberata: vnde partes omnes quodammodo in se concident, cutem non ampliùs tendunt, sed eam plurimùm relaxant; quæ ideò quodammodo rugosior efficitur. Ad hæc, in ipsa euacuatione arteria magis comprimitur, quàm dilatatur, sustolliturue: quare altitudinem meritò amittit, & latitudinem in suo motu acquirit.

Quoties arteria immodicè humoribus imbitur, vt in hydropicis fit, etiam grauior efficitur, & ad sublationem ineptior. Vnde in se veluti concidens, & in latera adlabens, latiore potius, quàm altiore efficit pulsum.

*Pulsus hydropicorum
latus.*

Pulsus angustus lato oppositus, ab imbecilli facultate, impotentè arteriam dilatare, non rarò fit: loci etiam angustia angustum reddit pulsum: veluti ea, quæ arteriam vtrinque comprimunt.

*Angusti
pulsus causa.*

Pulsus longus, qui per excellentiam talis dicitur, proprio nomine tenuis & gracilis dicitur, quòd instar tenuis subtilisue fidis, aut fili, arteria quatuor digitorum pulpas feriat. Huius pulsus causas Galenus hac serie proponit: Habitus corporis tenuis (siue gracilis) Pulsus longus circumfusa, aliquantoque sicciore cutis: proinde si laxa, & crassa,

*Pulsus longus
gracilis proprie
dicitur.
Pulsus longus
causa.*

magnam partem motus tegit, tenuis contentaque prorsus omnem conseruat. Vndè liquet, conspirare gracilitatem totius habitus oportere, & duritiem cutis, ad hæc duritiem instrumentorum, tum imbecillitatem facultatis, non vltimam tamen. Nam facultas prorsus languida arteriam sensibilibus attollere nequit.

*Longi
pulsus causa.*

Breuis pulsus, longo oppositus, fit, vbi in parte quapiam parua, arteria sola cute muniatur, & partes ex vtroq; illius latere omnes in profundum affatim demergantur: namq; pars eius illa sublimis, quæ subter cutem est, apertè omnem motum prodat, oportet; profundæ contra, quòd multa obiecta sint corpora, occultentur. Hoc multis spontè suppeditat; in morbosis affectibus, sanè paucis, cum in situ distorqueatur aliquo modo arteria, ac parua sit eius pars conspicua, reliquæ intrò omnes in profundum depressæ sint. Est verò & hic pulsus de illis, qui breues per excellentiam dicuntur: nam proprium huius nomen est crassus, & turgidus: quandoquidem, qui simpliciter breuis est, vel ex corpulentia nascitur, vel ex paruitate. Percurri iam omnes penè, quæ inæqualitatem inducunt, causas: quòd, si qua res parua præterita sit, faciliè inuenias ex com-

*Breuis pul-
sus idea, &
causa.*

*Breuis pul-
sus per ex-
cellentiam
crassus, &
turgidus
dicitur.*

memoratis. Hactenus Galenus, per se clarus.

*Aequalis,
& inequalis
causa.*

Capite 14. sequenti, causam proponit ordinati, & inordinati pulsus. Statuit ergo causam quamcunque, quæ inæqualitatem in pulsibus parit, esse firmam, & fixam in ordinatis pulsibus: in pulsibus inordinatis, non fixam. Denique monet, ordinem, & æqualitatem, esse naturæ familiares. Unde infert, minorem esse offensam, quoties vnum eorum, ordo scilicet solus, aut sola æqualitas, turbatur, aut violatur: maiorem verò esse offensam, quoties vtrumque conturbatur. Cum ergo ordo, & æqualitas, ambo in inordinatis conturbentur, inordinati pulsus mali omninis æstimandi. In ordinatis verò, qui inæquales sunt, vnum dictorum concurrat, inæqualitas scilicet. Æqualis autem pulsus à facultatis robore, instrumentis obedientibus, & moderato vsu pender, inæqualis à contrarijs causis: facultatis nimirum imbecillitate, arterijs contumacibus ad motum, & urgente vsu.

*Cum nunc
distensio
arteria
maior con-
tractione,
nunc con-
tractio di-
stensione.*

Cap. 15. & ultimo præfati sæpè libri 2. de Caus. Pulsuum, meminit Galenus causarum mutati, aut alterati rhythmī. Supponit enim, quod sæpè monitum est, allici per arteriarum distensionem æream quādam substantiam in earundem arteriarum cavitates, ut diffletur & temperetur natiuus calor; mediante verò earundem arteriarum contractione, excrementa excerni, & præsertim fuligines adustorum humorum. Unde infert, maiorem celerioreque fieri distensionem, siue diastolen, siue motum arteriæ versùs partes externas, quotiescunque distensionis vsus instat: maiorem verò, celerioreque contractionem, siue arteriæ motum ad interiora fieri, quando expulsionis vsus magis urget.

His præhabitis, sciendum est in ætatibus, in quibus multi humores insumuntur, distensionem parumper cedere contractioni: in quibus verò pauciores humores insumuntur, quod in senibus fit, longè in his maius esse contractionis tempore distensionis tempus: id est, ab infantiā ad iuventutem vsque, quo toto tempore incrementum quisque fermè suscipit, contractio siue compressio, siue restrictio arteriarum longior est, aut longiori tempore eget, quàm distensio siue dilatatio arteriæ: ex aduerso, in senibus contractionis tempus paulò breuius est tempore distensionis. Ratio est; quia vsus contractionis in ætatibus, quæ iuventutem antecedunt, paulò magis urget, quàm vsus dilatationis: cuius etiam rei ratio est, quia plu-

plures insumuntur in illis ætatibus humores, quàm in senectute; & vbi plures insumuntur humores, ibi plures conficiuntur humores: vbi plures conficiuntur generanturque humores, ibi magna excrementorum copia accumulatur: vbi copiosa accumulatur excrementa, ibi necessitas virget euacuandi eadem excrementa. Cum ergo in tenerioribus ætatibus multus humor necessariò consumatur, vt nutriatur, simulq; crescat puer, multi humores generari debent; adeòq; copiosa excrementa, quæ ad sui excretionem per varias vias naturam stimulant; vt sensibilibiter fieri percipimus in excretionibus, quæ fiunt per aluum, & vrinæ vias; & consimilem euacuationem ratio fieri suadet per cutem, mediantibus arteriarum compressionibus. Senes verò, cum non ampliùs crescant, tanto sanguine non egent, quanto illi, qui crescunt: Quare cum tot humores non conficiant, consequenter nec tot excrementa accumulant. Nec enim appetitu tam acri, quo pueri, fruuntur, pollentue senes. In his ergo dilatatio arteriarum paulò breuior erit contractione: quanquam dilatatio simul & contractio arteriarum in adolescentia, & pubertate, maiores, quàm in senibus, extent. In iuuenili ætatè, quæ calida est, dilatatio contractione manifestè longior esse debet; quia refrigerandi, quàm euacuandi, necessitas virgentior est. Sed hæc de Rhythmis.

*Varius est
rhythmus,
iuxta va-
rietatem
ætatum.*

SECTIO IV.

De Causis naturalibus Pulsuum mutantibus.

SVperius pollicitus sum, postquàm causas differentiarum pulsuum exponerem, me daturum quædam Capita, à Galeno lib. de Pulsib. ad Tyrones scripta, in quibus optimo ordine peculiare causas mutationis pulsuum exposuit; in eademq; Capita ipse per amplam edidit Commentaria libris 3. & 4. de Caus. pulsuum. Primo enim loco naturales causas mutationis pulsuum enarrat: secundo causas non naturales: tertio causas præter naturam. Hæc Sectio causas naturales complectetur, quæ quidem est Caput 9. libri de Pulsib. ad Tyron. quod sequenti serie scribitur: Quando multis modis pulsus variare possunt (neque enim causam propè vllam reperias, quin hos immutet) visum est mihi trifariam mutationis summam differentiam distribuere, deinde separatim de singulis verba facere. Prima igitur mutatio horum naturalis est: altera non illa quidem natu-

*Leuissima
omnis cau-
sa pulsuum
mutat.*

ralis,

ralis, nec tamen iam præter naturam: tertia est præter naturam. Comitantur hæ omnes, naturales differentias: alij enim aliter arteria natura mouetur, quas quidem tenere ante omnes debet, qui cognoscere cupit, qua de causa, ac quatenus mutari pulsus contigit: at proprium cuiusq; ad vnguem experiundo assequaris. Sanè frequenter tangenda arteria est, præsertim integra sanitate præditi, atq; vacui omnis vehementis motus, nec non cæteris in statibus. Verùm, quia omnes experientia assequi non est (etenim multi iam Medicos sæpè desiderauerunt, cum quibus sani nullum habuerunt vsum,) optimum herclè est etiam hîc imperito præstare artificem. Præstiterit autem, si scientiam comparauerit eorum, quæ in multis ex æquo insunt. Est autem quædam, vt summatim dicam, communis Virorum natura, alia mulierum. Etiam, qui calidiore sunt temperamento, quique frigidior, habent hi suam ytriq; communem naturam. Ad hæc omnium communis natura est gracilium, corpulentorum item communis est. Acrarum in singulis est, quas memoraui, communitatibus, quod non assimilè multis sit. Proinde etiam, qui probè commune tenet, rarò à vero aberrat.

Fontes varij è quibus Medicis pulsuum agrotorum in statu sano ignotorum, notitiam expiscatur.

Virorum mulierūq; pulsus. Calidorum pulsus.

Viri mulieribus pulsus ferè habent longè tum maiorem, tum vehementiorem, paulò tardior, satisque rariorem.

Calidi naturà multò habent maiorem, celerior, & crebriorem: vehementiorem non item multò.

Pulsus gracilium.

Graciliores maiorem, rarioremq; multò: vehementiorem paulò. Atq; natura sic differunt.

Pulsus ætatum.

Porro pro ætatibus hoc pacto immutantur. Infantis pulsus creberrimus est, rarissimus senis: omnes, qui inter hos intercedunt, proportionem seruant, prout, vel ad puerum, vel ad senem propius accedunt. Celerrimus item pueri, iuuenisque pulsus; senis tardissimus: reliquarum ætatum pulsus inter hos ambigunt. At senex à puero longè magis raritate, quam celeritate, distat. In vehementiæ, & magnitudinis differentia maximus est, vt in ætatibus, pulsus iuuenum, minimus senum, medius, & paulò maior pulsus puerorum. Iam vehementissimus iuuenum, languidissimus senum, medius est inter hos puerorum pulsus. Atq; pulsus in ætatibus sic habent.

Pulsus temporum anni.

Pro anni temporibus: medio Vere pulsus maximi sunt, & vehementissimi, vt in temporibus: celeritate, & crebritate moderati. Pari

modo, medio Autumno. Progrediens autem Ver nonnihil de magnitudine, & vehementia detrahit, sed auget celeritatem, atq; crebritatem: tandemq; ineunte iam æstate, languidi, parui, celeres, crebrique fiunt. Autumni progressus cuncta imminuit, magnitudinem, vehementiam, celeritatem, crebritatem. Ita ineunte hyeme in paruitatem conuertuntur, & remissionem, & tarditatem, & raritatem. Respondet autem initium Veris fini Autumni: illius finis, initio huius. Æstatis item principium suo, & principium hyemis suo fini. Proinde, quæ pari spatio à media Æstate, & media hyeme in vtramque partem deflexerunt, similiter variant. Porro media Æstas partim conuenit cum media hyeme, partim dissidet. Nam parui vtrobique, & languidi sunt, sed celeres, atq; crebri Æstate; tardi, rarique hyeme; non perinde tamen parui Æstate, vt hyeme, sed Æstate minus: nec ita hyeme languidi, vt Æstate, cæterum minùs hyeme. Ad hunc modum, pro temporibus, pulsus variant.

Initium Veris fini Autumni respondet, & Veris finis initio Autumni. Æstate pulsus non sunt ita parui, sicuti hyeme; nec hyeme adeo languidi, ac Æstate. Pulsus Regionum.

Pro Regionibus perinde, vt pro temporibus. In vehementer calidis, sicut media Æstate, In magnoperè frigidis, vt media hyeme. In temperatis, ita, vt medio Vere: ad horum proportionem in ijs, quæ medium locum sunt sortitæ. Porro aëris nos circumdantis alij status, qui calidi sunt, calidistemporibus: frigidi frigidis: medijs medio Veri respondent.

Prægnantium maiores, crebriores, celeriores pulsus sunt: præterea nihil mutantur.

Prægnantium pulsus.

Iam somnietiam sint, si quid aliud, naturales, qui & ipsi variant pulsus. Initio minores, languidiores, tardiores, rarioreq; reddunt. Postea tarditatem pedetentim augment, & raritatem, præsertim à cibo: at maiores sunt & vehementiores. Tandem ad remissionem & paruitatem redeunt: tarditatem, & raritatem retinent.

Pulsus varij in somno.

Qui expergiscuntur, è vestigio pulsus magnos, vehementes, celeres, crebros, & cum quadam vibratione habent, qui mox medio-critatem assequuntur.

*Pulsus expergiscen-
cium.*

Adscititiæ habitudines corporis perinde, vt naturales, immutant. Nam gracilis naturâ, si quadratus euaserit, huic, qui talis naturâ est, assimilem pulsum habet. Sin autem quadratus, factus gracilis sit, assimilem gracilibus naturâ. Constat verò, gracilitatis, & quadraticorporis, citra facultatis immutationem, æstimandam differentiam esse; itemq; in omnibus alijs: vt vnum id tantum, vbique,

Pulsus acquisiti habitus corporis.

de quo in præfenti disputemus, mutetur. Quæ diximus de quadratis, eadem etiam de corpulentis dicta fuisse est putandum; nisi quod magis sunt intensa.

Iam etiam temperamenta corporis adscititia pulsus ea proportionem mutant, qua naturalia temperamenta.

S E C T I O V.

De Pulsuum mutatione ex Causa non naturali.

*Exercitij
pulsus.*

HÆC Sectio est Caput 10. libri de Pulsib. ad Tyron. quod sequenti serie habetur: Nunc alias mutationes, quæ causas habent non naturales, recenseamus. Exercitationes primò, quæ moderatæ sunt, vehementes, magnos, celeres, crebros pulsus efficiunt. Si multæ sint, & vires excedant laborantis, paruos, languidos, celeres & crebros in summo. Nimirum immodicæ, adeò, ut egrè iam se possit mouere, & multis interpositis quietibus, aut nihil prorsus possit, sed exolutæ vires impensè sint, pulsus mirè paruos, & languidos, tardosque, & raros. Quod si ad virium dissolutionem perueniant, pulsus creant illis proprios. Quales autem excitet pulsus facultas, quæ dissoluitur, dicemus paulò inferiùs.

*Pulsus
balnei calidi.*

Balneæ calidæ, dum sint moderatæ, pulsus creant magnos, celeres, crebros, & vehementes. Immodicæ paruos, & languidos, tamen adhuc celeres, ac crebros. Quod si hîc relinquuntur, paruos, languidos, tardos, atq; raros.

*Pulsus
balnei frigidi.*

Balneæ frigidæ illicò paruos, ac languidiore, & tardos, rarosque pulsus efficiunt: postea, prout id fit, quod induxerunt, omnino, vel torporem inducent, vel robur. Quæ torporem intulerunt, & refrigerarunt, paruos, & languidiore, & tardos, rarosque efficiunt. Quæ exalfecerunt, & robur conciliarunt, magnos, vehementes, celeritate, & crebritate moderatos.

Pulsus copiosi cibi.

*Pulsus parci cibi
& medio-
cris.*

*Pulsus vini,
sive à
vino.*

Cibus largus, ut etiam grauet facultatem, pulsus inæquales, atq; inordinatos concitat. Archigenes vult celeriores magis, quam crebriores. Modicus, magnos, vehementes, celeres, crebros. Parciior quàm qui satis nutriat, non æquè ac moderatus, ceterum minùs mutat, neque id diù.

Vinum pulsus cætera, ut cibus, variat: hoc verò interest, quod illicò immutet, & citius mutatio à vino profecta recedat, quàm il-

la, quæ

la, quæ à cibo: quod item celeritatem ampliùs, & magnitudinem, quàm vehementiam, & crebritatem augeat. Quantò enim vehementius moderatus cibus, constantiusq; robur conciliat, tantum ferè vinum extollit magnitudinem.

Aqua minimam omnium ciborum, & potuum, mutationem inducit, quamquàm perinde, vt cibi, & hæc mutet. *Pulsus aqua.*

Reliqua omnia, quatenus nutrire valent, vel calefacere, vel refrigerare, hætenùs arteriarum motum variant. Ad hunc modum pulsus ex causis, quæ non naturales appellantur, mutantur.

SECTIO VI.

De mutatione Pulsuum ex Causa præter naturam.

HÆc Sectio est Caput I. lib. de Pulsib. ad Tyrones, in quo Galenus Pulsus quorundam morborum satis apertè proponit. Sed quoniam in Praxi Medica morborum Signa sim propositurus, pulsus eorundem, Deo dante, non omitam. Interea pulsuum passionum Animæ ex Galenò sequenti serie accipite: Iræ altus est pulsus, magnus, vehemens, celer, & creber.

Latitiæ magnus, rarus, & tardus est pulsus, at vehementia nihil differt.

Tristitiæ, paruus, languidus, tardus, & rarus est.

Timoris recentis & vehementis celer, & vibratus, & inordinatus est, inæqualisque. Inueteratus iam similem habet tristitiæ. Hæc omnia, si valde diuturna sint, multumque vehementia, pulsus, vt dissoluta facultate, consequuntur. Etenim dissoluunt etiam facultatem hæc omnia, statim, si valida sint; diuturnitate, si non sint valida. *Pulsus iræ. Pulsus timoris.*

Mirandum est, quòd hîc Galenus Animi passiones inter causas præter naturam enumerauerit; cùm sint de numero rerum non naturalium. Sed id ideò fortassis fecit Galenus, quòd res non naturales indebitè, aut incongruè dispositæ, in causas migrent præter naturam; sicuti in naturales, & salubres, quòties debitè dispositæ sunt, *Dubio occurrat.*

CAPVT V.

De modo tangendi Pulsum.

*Conditio-
nes ex par-
te ægri ob-
seruandæ.*

HActenùs Pulsûs naturam, differentias, & differentiarum, specierumque causas, patenter, & copiosè inuestigauimus: Et quæ ad pulsûm dignoscendum sunt requisita, promiscuè, & consequenter inter iam relata, exposuimus; veluti prognosim ex pulsu eruendam. Adeò, vt attentè legenti quæ de pulsibus hucusq; exarauimus, meo saltem iudicio, sufficiant. Nunc ergo quæ ab ægro, sanoue, & Medico obseruari debent, dum hic arteriam tractat, exponere opportunum censeo. Æger in primis omni pathemate animi exutus esto: Nam animi passiones, & mutatio alteratione in aëre facta, sicuti alia quædam externa, pulsûm alterare valent. Secundò, brachium detineatur in naturali situ, absq; eo, quòd sit sublatum, aut depressum, aut nimis extensum, aut obliquè expositum, sed sit semiflexum, ynà cum manu, & digitis. Debet & præterea sustineri, vel à Medico, vel à Lecto, vel ab aliquo alio conuenienti fulcro.

*Triplex
modus tan-
gendi pulsû.*

Medicus scire debet, non vno, eodemque modo pulsûm esse tangendum, cùm triplex sit modus applicandi digitorum pulpas arteriæ ægri, docente Galeno lib. 1. de dignoscendis pulsib. cap. 7. Primus est, quando, veluti suspensa manu ita arteria tangitur, vt nullatenùs comprimatur: quo modo languidi pulsus, celeres pariter, & externa quies dignoscuntur. Si enim à Medicis arteria comprimeretur, nequaquam perciperentur pulsus relati, sicuti nec quies. Secundus modus tangendi pulsûm, primo iam dicto oppositus, est, quando digitis arteria benè comprimitur: hoc modo dignoscimus, an pulsus sit durus, aut vehemens, aut magnus: hi etenim pulsus tactui perspicuè renituntur; adeoq; arteria compressa se vi quadam sustollit, tactumq; ferit, quod in alijs pulsibus vix fieri contingit. Tertius modus tangendi pulsûm, est medius inter geminos iam expositos: quando scilicet manus Medici non fortiter arteriam comprimit, nec molliter, & omninò laxè, aut suspensè, sed mediocriter, siue medio quodam modo. Hac modica compressione potissimum dignoscuntur sanorum pulsus; quorum sanè cognitionem nancisci debet Medicus, vel eos quotidie tangendo, vel saltem co-

gitan-

gitando naturalem cuiusque pulsum, ad quem ægrorum pulsum recta cogitatione conferet, & excessum quemuis exactè obseruabit.

Medicus adhuc, dum ad pulsum tangendum se accingit, manum habeat temperatam, mundam, mollemque, tresque applicet digitos, indicem, medium, & annularem; & quidem pulpas eorundem digitorum ad pulsum dignoscendum applicet, totam verò manum, vt totius carpi calorem, aut frigus, ariditatem, aut madorem, molliem, aut duritiem percipiat.

*Medici
manus tem-
perata esto.*

Denuò aduertat Medicus, ne statim in suo ad ægrum accessu pulsum tangat; quoniam ægri animus in aduentu Medici quodammodo commouetur, adeoque pulsus. Licitum tamen est tunc Medico pulsum tangere, dummodo, post interposita colloquia, eundem iterum tangat: Et quidem tam diu, quamdiu necessum est ad explorationem æqualitatum, aut inæqualitatum, tam in pluribus pulsationibus, quàm in vnica pulsatione. Quoties verò diutius, quàm par est, pulsum Medicus tractat, æger ipse, vel astantium ali-

*Quando
pulsus tan-
gendus.*

quis, in mali euentus suspicionem rapitur: imò, si fæmina est, quæ ægrotat, eaq; Virgo, credunt aliqui,

Medicum, mediante pulsu, Virginitatis ia-

cturam, aut grauiditatem, aut amo-

rem explorare. Sed hic huius

Tertij Semeioticæ Libri

de Pulsibus finis

esto.



NELLANI (aliàs NIGELLI)

OGGLACAN, TIRCONALLENSIS

HIBERNI,

SEMEIOTICA.

LIBER QVARTVS,

De Vrinis.

C A P V T I.

De Necessitate huius Doctrina.



Libro proximè scripto de Pulsibus, statim in Exordio, necessitatem exposuimus Doctrinæ de Pulsibus, & Vrinis. Ex excrementorum porro inspectione interiorum corporis regionum statum, tam naturalem, quàm præter naturam, dignoscimus, & futurum morborum euentum præsentimus. Unde ex sputo, partium in thorace occlusarum,

*Excre-
menta va-
ria varia-
ru partium
statum pro-
dunt.
Aristopha-
nes vrina-
rum me-
minit.*

*Doctrina
de vrinis
tempore
prior est
doctrina de
pulsibus: a-
dicoque di-
gnitate
prior.*

bonam, malumve dispositionem expiscamur: ex facibus, ventriculi, & intestinorum: ex Vrinis, hepatis, & venarum, renum, vreterum, & vesicæ. Sanguificationem enim, quæ in hepate fit, sanguinisque in vasis contenti perfectionem, imperfectionemque, nobis vrina demonstrat. Proinde Medicis antiquitus consuetum erat, faeces inspicere, & vrinas, vt naturalis, & inferioris ventris statum inde venarentur: quod testatur antiquissimus ille Comicus Aristophanes, qui Medicos deridebat priscos; quod faeces, siue stercora, & vrinas attentè inspicere solerent. Hunc morem sequutus est Hippocrates, & cum eo, quotquot successerunt, probati Medici. Hinc inferre licet, doctrinam de vrinis doctrinâ de Pulsibus digniorem esse, quod doctrina de vrinis prius excogitata fuerit, quàm doctrina de Pulsibus; quodque maiorem Medico certitudinem & noticiam vrina, quàm Pulsus, adferat. Plinius lib. 11. Natural. Hi-

stor.

flor. cap. 37. ait: Herophilus, qui primus pulsum notitiam scriptis tradidit, propter difficultatem rei à discipulis fuit desertus. Nisi sanè doctrina de pulsibus fuisset ardua, & nimis obscura, eam non ita præterisset Hippocrates; quin frequentius ex pulsu, tanquam ex Signo, præsentem rimaretur agrorum statum, veluti futurum cuiusq; morbi euentum; ut fecisse visus est, excrementa varia, tam naturalia; quàm præter naturam, variasque actiones, tanquam certa Signa, passim insinuando. Humanum quidem captum effugere videtur, quod antecedenti libro cum Galeno in medium produximus, inæqualem Cordis, aut arteriarum intemperiem, inæqualem efficere pulsum; cum vix, aut nunquam, Signis ullis Medicus, exactè saltem, venari valeat istam Cordis, aut arteriarum intemperiem. Ad hæc, pulsus adeò inconstans est, ut à leuissimis causis alteretur; & modò optimus appareat, mox verò pessimus & lethiferus: sicuti in mox morituris non rarò comperi. At verò vrina certius nobis rem indicat: quare sapissimè Galenus urinam coctam, semper, ut bonum Signum, laudat; crudam verò urinam, tanquàm malum Signum, damnat. Ergo non dignitate modò, sed certitudine, doctrina de vrinis speculationem de pulsibus excedit.

Nollem tamen plurimorum errori adharere, qui in sola vrina, tanquam in speculo, omnium dispositionum imagines, ideasue, contineri existimant: ita ut ex vrinæ inspectione tutum sit pronunciare, an Mulier grauida sit, nec ne; an Capitis grauitate laboret aliquis; an apoplexiâ, aut cæro, aut alio consimili affectu: omnem namque affectum ex vrinatum inspectione dignosci statuunt. Consuetudo tamen hæc ridicula est; cum omni careat fundamento. Nam in morbis thoracis, exempli gratia, sputa potissimum inspicienda docet Galenus; vrinæ verò secundariò, & ratione febris tantum. In alui similiter affectibus facies inspiciendas monet, vrinæ tamen non esse negligendas. Scio quidem, Galenum lib. 6. de locis affectis cap. 4. docuisse, pus è pulmonibus deriuatum, per vias vrinæ expurgatum fuisse, veluti aliàs thoracis, seu pulmonum potiùs, vomitam per secessum: ordinariè tamen recrementa gibbæ partis hepatis per vias vrinæ expurgari docuit, aiens: Igitur cum vrina expurgantur gibbæ hepatis partes, atque omnes, quotquot sunt his superiores: per aluum verò pars iecinoris resima, intestina, ventriculus, lien. Præter has aliæ quædam fiunt purgationes, sed rarò,

Herophilus à discipulis desertus propter obcuritatem doctrinæ de pulsibus.

Vrina est Signum multo certius pulsu, tam ad dignoscendum, quàm prænoscedum.

Solus status hepatis, & venarum, reteru, & vesicae, ex vrina dignoscitur.

Pus in thoracis cavitatem genitum, per vias urinæ, & per secessum expurgari obseruauit Galenus.

vt cum thorax, & pulmo, per aluum purgatur: quæ infra septum transuersum positæ sunt partes, per vrinas. Quorum causam, cum nonnulli ignorent, neque id vnquam in ægrotis accidisse viderint, quod à multis visum est, negant fieri posse (quod abscessu interim in pulmone orto pus expurgari per renes possit: Hæc verba in antiquis Codicibus Græcis non habentur; sicuti nec in translatione latina veteri, sed glossema sunt, quod ab imperito scriptore postea in contextum Galeni positum est). Nos verò pulmonis vomicam per vrinam, thoracis autem per intestina, & aluum expurgari vidimus: quanquàm in primis ex pulmone per renes transitus, nullam reuera dubitationem excitare debet: etenim vt à caua vena, ita ex magna quoq; arteria rami descendunt ad renes (emulgentes intelligit). Quoniam autem Erasistratus putat, solum spiritum in arterijs contineri, hæc quæstio eius sectatores non parum vrget: nobis verò nihil difficultatis affert, vtpotè intelligentibus, quod læuis arteria (arteriam venosam intelligit) pulmonis, quantum puris ex erupta vomica suscipit, id in sinistrum Cordis sinum deferre potest, quod inde in magnam ipsius arteriam incidens, per renes transit in vesicam. Hoc tamen non ita crebrò euenire videtur; vtpotè pure prius in asperas arterias magna ex parte transumpto, itaq; quam ob causam pus in pulmone genitum, cum vrinis (licet rarò) excernatur, iam dictum est. Id verò, quod per ventrem expellitur, aliam, & quidem ratam (quæ in corporum dissectione apparet) habet causam: quippe caua vena, mediante vase quodam, stelechiæ vocatæ (id est venæ quæ arboris caudici proportionem respondet) videtur interdum adaptari. Proinde nihil mirum, neque impossibile est, & ex partibus septo transuerso superioribus pus in ventrem defluere, & ex ijs, quæ eidem supponuntur, ipsum per renes in vesicam peruenire: nam corporum raras constitutiones, par est, vt rara etiam accidentia sequantur.

Docet hîc Galenus, vomicam, siue abscessum pulmonum, & thoracis, per vias urinæ quandoque euacuari, aliàs per secessum: quod sanè rarissimè contingit. Nam ordinariè, tussi præeunte, per trachæam arteriam, & rursus per os, non solum superfluitates in pulmonibus, sed etiam in pleura, collectæ, reijciuntur. Pus enim, & superfluitates in thorace collectas per læuam arteriam, siue arteriam venosam, ad Cordis sinistrum ventriculum, & illinc ad Aortam, siue magnam

magnam arteriam, deinceps per arterias emulgentes, ad renes, & à renibus in vesicam trajici periculosissimum est; quòd puris fetorem, & putrefactionem Cor vix sustinere posset: Spiritus quippè vitalis in Cordis sinistro ventriculo, tanquàm in propria suæ generationis officina, conclusus, & in magnam arteriam rursus effusus, proculdubio coinquinaretur, & vix ideò diu subsisteret homo. Vnde pus per hanc viam è pulmonibus, alijsue partibus trajici, miraculum quoddam naturæ, à Galeno, vt refert, visum, censerì debet; veluti etiam pus per secessum euacuari, aliud veluti miraculum æstimandum est: cùm nulla pateat via, per quam è pulmonibus in intestina pus transferri posset, præter venam arteriosam in pulmonum corpus diffusam. Sed per hanc impossibile videtur quidpiam ad inferiora tranare: quia, vt in nostræ Physiologiæ libro 3. contra Cremoninum docuimus, nihil è ventriculo dextro Cordis in venam cauam remeare posse, propter valvulas è latere venæ cauæ interiùs in dextrum cordis sinum tendentes, Fuchsius enim in Commentario supra citatum Caput, docet, è pulmonibus per venam arteriosam in dextrum Cordis ventriculum pus illius ferri, & illinc rursus in venam cauam, & per quandam venam à vena caua protensam, & aptatam Stelechiæ, id est caudici siue trunco venæ portæ (alij per Stelechiæam intelligunt mesenterium, & non venæ portæ caudicem); & ex vena porta sine vllò labore in intestina trajici. Caterùm ipse Galenus rarò huiuscemodi euacuationem fieri docet: nec mirum; cùm rarissimè inueniatur vena protensa à vena caua ad caudicem venæ portæ, aut mesenterium. Quoties tamen in aliquo homine à prima conformatione talis vena extaret, credunt nonnulli tunc non modò thoracis, sed ipsius ventriculi, lienis, & cavitatis hepatis recrementa per vrinas, etsi contra consuetudinem, euacuari. Ideò enim dixit Galenus, rarò partes infra Septum transuersum collocatas per vrinas expurgari. De modò autem dictis partibus loquutus est, non de gibba hepatis parte, aut de renibus, & vesica; quæ partes, sine vlla controuersia, per vrinas expurgantur.

*Heruens ex hac Galeni doctrina non re-
tè inferre in sanguine circulationem fieri. quia euacuatio puris per secessum fieri nequit, ex eodem Galeno, nisi in quibusdam corporibus in quibus noua vena à caua ad portā protrahitur.*

Ventriculus, lien, & cavitatis hepatis raro per vrinas se exonerant.

Hæc discutere volui, vt, quod priùs insinuaueram, verum esse ostenderem: Vrinas nimirum nobis tantum ostendere hepatis, venarum, arteriarum, renum, vtererum, & vesicæ statum: hepatis quidem, quoniam in eo vrina generatur: Venarum, quia hæ ex hepate

Vrina, quarum partium est Signum.

emergunt, & in eadem, tanquam in promptuarium, massa sanguinaria, cum reliquis suis annexis, siue sequelis, veluti effunditur: Renum, quia ab his allicitur vrinae materia, in iisdemq; tamdiu stabulatur, quamdiu eius separatio à sanguine, suo comite, perficitur. Rursus, postquam à portione sanguinis, vnà cum ea in renes delati, separata est, per vterque ad vesicam, eius receptaculum, in quo aliquandiu reseruatur, transitum facit. Libro 4. de Sanitate tuenda cap. 4. expresse monet Galenus, vrinam esse Signum eorum tantum, quæ sunt in vasis: Nomine vasorum non solum venas in angustiori significato intelligit, sed in latiori, quatenus vena, præter venas communiter dictas, arterias comprehendit: quo in sensu Hippocrates, Aristoteles, alijq; Antiqui, quandoq; loquebantur. Galenus verò expresse lib. 1. de Sanit. tuen. cap. 12. Vrinam ve-

Vrina venarum, & arteriarum excrementum.

In febribus humoralibus, & cur vrinæ diligenter inspicienda.

narum, & arteriarum excrementum esse refert, aiens: Quod autem in venis, & arterijs, excrementum accruatur, eiusmodi planè est, quale in lacte concreto serum. Nisi enim pars materiae vrinae ex arterijs, imò ipso Corde, per emulgentes arterias ad renes deriuaretur, vrina non esset vnum ex præcipuis Signis humoralium febrium; cuius tamen contrarium Medici pleriq; docent, qui magna cum obseruantia vrinas febrium humoralium inspicere, & expendere accuratissimè consueverunt; vt inde veniretur non sanguinis tantum venalis, sed etiam arterialis perfectionem, aut imperfectionem. Hanc doctrinam confirmat Galenus lib. 1. de Crisib. cap. 7. aiens: Nunc verò hoc tantum ostendisse sufficiat, quòd coctionis, quæ in spirandi instrumentis fit, sputa: eius verò, quæ in venis, vrinas: illius autem, quæ in ventre, alui excrementa, Signa statuere oportet. Et quòd in febribus omnibus (quoniam venosi generis sunt passionibus, nam & arterias in hoc genere comprehendimus) ad vrinas præcipuè attendere oportet: in ijs autem, qui laterali morbo afficiuntur, primum quidem sputamina, secundo loco vrinas, quoniam is morbus omninò cum febribus iungitur. In passionibus autem ventris, si sine febre fuerint, sola alui excrementa inspicere oportet: Si autem cum febre, etiam vrinas.

In morbo laterali, quæ Signa inspicienda.

Obiectioni satisfact.

Quod si placeret alicui ex modò citato Galeni contextu, cap. 12. lib. 1. de Sanit. tuen. inferri posse, vrinam esse vasorum, & non hepatis, excrementum, Responsum in promptu est, ex eodem Galeno, cit. cap. 12. lib. 1. de Sanit. tuen. vbi expresse vrinam, hepatis,

venarum, & arteriarum excrementum appellat, hac serie: Quare ad illum hominem potus, qui optimo est habitu, reuersi repetamus ea, quæ inter initia demonstrauius, nempe quod comesse, bibereque nobis necesse est, propterea, quod è corpore nostro aliquid semper defluit: Cum verò edendum nobis, bibendumq; sit, necesse rursus est, excrementorum excernendorum curam, rationemq; haberi. Horum verò cum variæ sint species, aliæ eorum, quæ in ventriculo perficiuntur; aliæ eorum, quæ in iecinore, arterijs, & venis: aliæ eius, quod per singula membra distribuitur, alimenti, sanè cuiusq; suam esse vacationem oportet. Ecce quemadmodum confitetur, vrinam esse hepatis excrementum, vasorum tamen, quatenus in iisdem eadem vrina coaceruatur, eodem fermè modo, quo primæ coctionis, in ventriculo celebratæ, excrementa, dicuntur fæces, tametsi intestinorum excrementa dicantur, quatenus in ijs tandem ab utili substantia segregantur, & exactiorem faciem formam suscipiunt. Libro enim 4. citato de Sanit. tuen. cap. 4. Galenus satis testatur, vrinam nobis indicare statum sanguinis in venis contenti, dum in principio capitis inquit: De ijs verò, quæ intra venas sunt, excrementis, nullum planè, nec manifestum, nec euidens signum habemus, præter solam vrinam. Ibi enim de curatione lassitudinis vlcerosæ agens, docet, ante omnia considerandum esse, num in solidis tantum partibus, an intra venarum sinus, malus succus contineatur. Et post hæc, illam iam transcriptam de vrinis sententiam scripsit. Circa verò medium capitis sequentia de virtute indicandi Vrinæ protulit: Considerandum ad hæc est, non solum de vrinæ multitudine, & qualitate, sed etiam de sudoris qualitate. Et paucis interpositis, ait: Ac sudor quidem, succorum, qui in vniuerso corpore abundant, nota est: vrina eorum tantum, qui vasis continentur. Et paucis interpositis, inquit: Æstimare præterea vrinæ tū consistentiam, tum colorem oportebit. Sed nec quæ in ea pendent, aut sidunt, prætermittere conueniet, sed omnia perpendere. Cuiusmodi enim sanguis sit, qui vasis continetur, ea planè ostendunt quando, si is biliosus sit, serum quoq; eius biliosum esse necesse est, idq; pro vtriusvis bilis ratione. Simili modo pituitosum, si is sit pituitosus. Ergo, vbi crudus is planè est, utiq; tenuis, aquosaq; vrina cernitur, nihil, nec quod sideat, nec quod pendeat, in se habens. At, vbi is concoctus est, hæc in vrina

*Excrementorum
varia species.*

*Vrina
sanguinis
statum in
venis indicat.*

*Sudor
quorum
succorum
nota.*

*In vrina,
quæ consideranda.*

*Sanguinis
concocti in
vrina Signum.*

apparent, atque etiam nubeculae quaedam desuper tenues superstant, veluti quod in summo lacte colligitur (Græcè γρᾶς dicitur) & quod in summo refrigerati iusculi concreuit. Quod si turbida sit, qualis veterinorum (iumentorum) visitur, crudis vocatis humoribus refertas venas indicat, non tamen cessare naturam, sed eos valenter concoquere. Si verò celeris separatio crassi à liquido in ea cernitur, sitq; quod subsidit, album, læue, & æquale, iam iam superaturam eos omnes naturam indicat. Sin cum emingitur, pura sit, protinus verò turbetur, iam crudi succi concoctionem aggredi naturam docet. At, si interposito tempore turbetur, non protinus, sed post aggressuram insinuat. Verùm omnium, quæ turbantur, vrinarum generalis nota esto ipsius crassi à liquidiore separatio, aut properè, aut tardè facta, aut omninò nulla. Ergo, si protenus fiat, & quod subsidit, sit album, læue, & æquale, superiorem longè naturam succis, quos concoquit, ostendit. Sin bonum sit quod subsidit, sed quod post longius interpositum tempus colligatur, etiam naturam temporis spatio superaturam succos nunciat. Si verò, vel omninò nulla separatio, vel id, quod subsidit, malum sit, imbecillitas naturæ significatur, egetq; ope aliqua ad succos percoquendos. Sicuti verò vrina succorum, qui in vasis sunt, qualitatem prodit; ita sudor, aliaque, quæ per vniuersum animalis habitum apparent, eos, qui illic sunt, affectus demonstrant. Quippe superantibus in eo calidis succis, insolito caloris sensu vrgetur: frigoris verò, cum frigidi dominantur, &c.

Vrina turbida quid indicet.

Vrina pura reddita, & postea turbata quid indicet.

Ex vrinis varia Signa.

Ex dictis, alijsq; Galeni contextibus, quos in huius libri decursu in medium referam, liquidò constat, vrinas nobis demonstrare iecoris, & vasorum affectus, nec non Prognosim à Medico pronuntiandam. Hinc non modò necessitas, sed insuper utilitas doctrinæ de Vrinis colligitur. Quòd autem Vrinæ Renum, & Vesicæ affectus, horum euentus nobis indicent, apertissimum est; vt videre licet apud Hippocratem in Aphorismis, & Galenum varijs in locis.

Ordo observandus in hoc 4. libro.

Quoad ordinem in hoc libro observandum, is erit. Primò vrinæ naturam, essentiamue inuestigabo: Rursus eius differentias: Tertiò differentiarum causas: Quartò Prognosim ex vrinis inferendam. Et omnia iuxta Hippocratis, & Galeni placita, qui quanquam expressè hanc doctrinam vnica serie nō examinauerint, multis tamen in locis præclara de vrina, tanquam Signo, quò mediante, Hepatis, & Va-

& Vasorum, Renum, & Vesicæ statum dignoscimus, futurumque plurimorum affectuum exitum præsentimus, pronunciant. Scio quidem, libellum extare de Vrinis, qui Galeno tribuitur, quòd ipse fassus fuerit Commentario 1. in lib. Hippocratis de Humorib. se librum de Vrinis scripsisse. Verosimile tamen est, librum illum à Galeno insinuatum, temporum iniuria deperiisse, & extantem de Vrinis Tractatum non esse Galeni, sed Aëtij, aut alterius Abbreuiatoris doctrinæ Galeni: quia doctrina istius libelli, Galeni Maiestate indigna est; cum exactius alibi sparsim in suis operibus de vrinis egerit idem Galenus, quàm in extante libello de vrinis agitur. Ipse enim Comment. 2. Prognost. tex. 30. docet, se libro de Crisib. (lib. nempe 1. cap. 12.) integrè de vrinæ natura, & differentijs egisse. Libro 1. de different. febr. cap. 6. idem ipse refert. Vnde inferendum, librum præfatum de vrinis non esse Galeno tenaciter adscribendum, etsi doctrina in eo scripta, proscriptionem, nec contemptum omninò mereatur. Sanè Actuarius vnico Tractatu de vrinis, quam quispiam, plenius egit.

*Libellus
verus de
vrinis Ga-
leni, tem-
porū iniu-
ria perdi-
tus.*

*Libellus
de vrinis
extans, nō
est Galeni,
sed alicu-
ius alte-
rius.*

CAPUT II.

Quid est Vrina?

VRina Græcis ὄρεα, aut ὄρον, veluti ὄρημα, & ὄρεον, dicitur, à verbo ὀρέω, idest meo: vocatur etiam vrina lotium, fortassis à lauando, quòd in sua tranatione ex hepate, & vasis, ac meatus quibusuis, ad exitum vsque, omnes vias lauet. Ex hepate enim multos secum defert crudos humores, aliosque superfluos, in venam cauam, illinc per emulgentes ad renes, & ex renibus vnà cum his, siquid ipsis superflui inest, per Vreteres ad vesicam, & ex vesica, siquid in ea est alieni, extra corpus. Quidquid enim superuacanei in his omnibus partibus est, secum deducit vrina extra corpus per vesicæ collum, eodem fermè modo, quo, suppositus, siue iniectus Clyster, faeces, mucum, reliquasque sordes in suo rursus per podicem exitu, intestina abluendo, conducit. Vnde ab Italis vulgari idiomate Clyster, non modò Seruitiale, sed vocabulo satis congruo, lauatiuo, nuncupatur, à lauando nimirum intestina. Serosa ergo, & fluida illa substantia in iecore genita, ipsam hepatis gibbosam partem, & alias omnes, ad collum vsque vesicæ constitutas, in suo

*Vrina vn-
de dicta.*

*Clyster cur
ab Italis
lauatiuo
dicatur.*

itinere

itinere partes à sordibus liberare consuevit. Vnde Galenus præter id, quod ex lib. 6. de locis affect. superius citauimus, lib. 13. Meth. cap. 15. ait; Nam sicut iecinoris cauum per aluum purgatur, ceu paulò supra diximus, sic gibba eius per ea quæ modicè vrinas mouent, cuius generis est Apium. Procedente autem tempore (Phlegmones scilicet, de quo dicto iam cap. loquitur) vbi Phlegmone iam concoquitur, etiam valentioribus vti licet Assaro, & Celtica Nardo, & Phu quod vocant, & Petroselino, & Smyrnio, & Meo: sicut etiam per ventrem vacuare, si cauum afficitur, Cnico (id est Semine Carthami) cibus admixto, & Vrtica, & Mercuriali, & Epithymo, & Filicula (id est Polypodio): omnibus præterea, quæ modicè aluum deiiciunt. Hæc medicamenta ex aqua, vel ex ptissana exhibenda esse docet Galenus. Ego namque, inquit, etiam Filiculæ aliquid in ptissana aliquando incoxi, & nigri Veratri corticem. Etiam clystere vacuare eos conueniet, inter initia, vel sale, vel nitro, vel aphtonitro aquæ mulsæ admixto, contentis: &c.

Hic diligenter obseruanda est Galeni doctrina, aperientibus nimirum, & detergentibus vtendum, dum phlegmone, aut scirrho angustantur hepatis vasa: imò in hepatis scirrho fortiora propinanda docet aperientia, & vetuit præcedenti cap. 14. dicti libri 13. Meth. vsum Mali Punici, aut alterius rei astringentis, quoties bilis, & serositas ex hepate educi debet; quia ex assumptione talium rerum hepatis venæ propter phlegmonem, scirrhum, aut magnas obstructions, factæ angustæ, angustiores adhuc euadunt: & præterea occluditur meatus ille, siue ductus à folliculo fellis in ieiunum intestinum protensus, per quem naturaliter bilis ad intestina reijcitur, vt naturalis clysteris instar sopitam facultatem expultricem intestinorum, ad expellendum, & deponendum omne superfluum excrementum stimulet. Nec solum dictus meatus in intestinum desinens duodenum, per quem bilis expurgari consuevit, ex usu mali punici, aliarumque rerum astringentium, sicuti rei lentæ, vt alicæ, aut consimilis, coarctatur, & occluditur, sed venæ meseraicæ, per quas ad hepar alimentum digeritur. Vnde concludit Galenus omnes meatus obstructos, esse recludendos remedijs idoneis, cuiusmodi sunt ea, quæ tenuis sunt consistentiæ, & qualitatis mordentis. Cæterùm, quoniam à mordentibus phlegmonæ irritantur, ijs, quæ citramorsum detergent, vtendum, cuiusmodi scilicet mulsæ est. At

noui-

*Apij vis
diuretica.*

*Remedia
potentia
diuretica.*

*In hepatis
phlegmone
aut scirr-
rho, quid
agendum.*

*In phleg-
mone aut
scirrho he-
patis cur
ab astringen-
tibus ab-
stinendum.*

nouimus (inquit Galen.) dulcibus omnibus, tum iecur, tum lienem maximè intumescere. Superfunt igitur, quæ culpâ vacant, vt in cibis ptissima: quippe quæ sine morsu deterget, vt in pharmacis oxymeli aqua mixtum. Nam & punicum malum, & cætera quæ astringunt, dum bilis meatus os arctant, bilem ipsam excerni prohibent: atq; inde iecinoris phlegmonis (id est tumoribus sanguineis) sunt incommoda, præsertim ijs, quæ in cauo visceris (hepar intelligit) consistunt: quibus ad angustias, quas facit ipsa phlegmone, etiam ea, quæ ex astringentibus, & lentis fit cibis, accedit. Ac, quæ mordent, ea phlegmonas ipsas, quæ in cauo sunt visceris (hepar intelligit), magis irritant: quippe ijs, quæ in gibbis eius consistunt, mutata iam veniunt ea, quæ assumpta sunt, ita, vt nec quæ adstrictoria sunt, similiter adhuc astringant: nec quod mordens est, similiter mordeat: nec quod propter lentorem in angustis vasis hærebat, similiter etiamnum maneat lentum. Est autem his (id est mordicationi, & lentori) occasio mutationis duplex, & quòd priùs sunt concocta (tum in ventriculo, tum in hepatis cauitate): & quod sanguini, qui in iecinore priùs erat, sunt admixta. Cauo autem iecinoris phlegmone obfesso, protinus etiam venas, quæ in mesenterio sunt, vnâ phlegmone laborare est necesse, quando ex ea quæ ad portam pertinet, omnes sint ortæ protinùs etiam, quæcunq; osculis earum incidunt, vim suam ostendunt.

Iecur, & lien dulcibus intumescunt.

In phlegmone cauitatis iecinoris cur etiam aliæ venæ phlegmone laborent. Vinû granatorum, acidum, & dulce, febricitantibus nocet.

Hæc, fateor, ad puram Praxim Medicam pertinent, sed impatiens tantæ moræ, propter communem consuetudinem Medendi Medicorum huius Tractatus, ea in medium proferre volui. Præscribunt enim febricitantibus intrepidè vinû Granatorum; hi acidum, alij dulce, alij vtriusque qualitatis particeps; etsi acidum, & dulce respuat Galenus: dulce quidem, quòd experienciâ didicerit, ex dulcium usu hepar, & lienem intumescere: acidum astringens, quòd vim habeat occludendi venas mesaraicas, & venæ portæ, ac venæ cauæ exiles radices, veluti porum cholidocum, per quem bilis in intestina deturbatur. Sed hæc obiter.

Dixi cum Galeno, Vrinam, lotium dici, quòd sit liquor hepar abluens, vasa similiter, renes, vretes, & vesicam; vt idem Galenus monuit lib. 7. Meth. cap. 23. aiens: A figura verò indicatio ipsius modi vacuandi excrementi suggeritur, ad hunc modum. Ventriculus vomitu, deiectioneq; inanitur. Intestina deiectione

Vrina, cur lotium dicatur.

*Variarum
ex situ par
tium, varij
modi, qui-
bus se ex-
purgat, in-
dicantur.*

*Medica-
menta hy-
popelata,
& Catore-
tica, quæ.*

*Explica-
tur Gale-
nus.*

*Cur stran-
guria lon-
ga laborā-
tes, omnes
& soli in
quadam
tempestate
euaserint.*

tantum; sicuti etiam iecinoris caua. Renes verò, & Vesica, ac ieci-
noris gibba, si multo vitioso succo sunt referta, per deiectiones, &
pharmaca deiectoria (Græcè hypelata, & Catoterica dicta) expur-
gantur: sin mediocri, per vrinales meatus. Cerebrum verò per pa-
latum, & nares, & aures. Pectus & Pulmones per asperam arte-
riam, & fauces. Medendi præceptum huic doctrinæ congruum
scripsit Galenus lib. 2. de Arte Curat. ad Glaucon. cap. 2. Et qui-
dem laborantibus gibbis hepatis partibus, quòd per vrinam tra-
here oporteat: concauis autem per excretionem inferiorem, situs
ipse visceris indicat: atque etiam thoracem, & pulmonem per tuf-
ses expurgare; ventriculum autem, & stomachum per vomitus:
intestina autem per inferiores excretiones: quemadmodum & Sple-
nem, & renes, per vrinæ locos autem muliebres per menstrua: Ce-
rebrum autem, atque eius membranas, per palatum, & gargareonem,
& nares, & aures. Libro de Constitutione Artis, cap. 18. fusè rem
hanc prosequitur Galenus. Rem eandem tetigit libro de Arte
Medic. cap. 89. Licet autem hîc Galenus retulerit, gibbas hepatis
partes, renes, & vesicam, si copiosus fuerit humor peccans, per al-
uum euacuari debere, id benignè intelligendum & ratione causæ
antecedentis, non verò iam coniunctæ. Nam licet superfluous hu-
mor, tam in gibba, quàm in caua hepatis parte consistens, per se-
cessum expurgari commodè queat, ille tamen, qui vesicæ, aut reni-
bus annexus est, non per secessum, sed vnà cum lotio deturbatur.
Imò ipsa natura quandoq; humores hepatis, & vasorum redundan-
tes non euacuat natura per secessum, etiam post assumptum medi-
camentum purgans, sed per vias vrinæ; quia per has solas decreuit
tunc natura sese exonerare. Vnde Galenus libro, quos, quibus, &
quando purgare oportet, ait: Potest insuper, naturâ ad vrinam ver-
gente, potio quæ subducere aluum debuerat, nihil officere. Nec
iecoris solùm, vasorum, renum, vterum, & vesicæ, sed vniuersi
corporis recrementia per vias vrinæ expurgari docuit: Hippocrates
libro 1. Epidem. Sect. 2. vbi in Tempestate quadam hos solos, qui
longa, & laboriosa stranguria corripiebantur, sanasi docuit. Erant
his, inquit, vrinæ copiosæ, crassæ variæ, rubentes, purulentæ cum
dolore. Omnia hæc, inquit Galenus in Commentario, accidebant,
quòd superfluitatem humorum vitiosorum totum corpus depone-
ret. Quò factum est, vt saluarentur omnes. Cum enim varia ea
es-

essent (i. excrementa quæ excernebantur) non mirum, si varietas quædam fuit vrinarum, vt hæ omnes similes non essent, sed alijs aliæ. Vt enim (inquit Galenus comment. præcedentis textûs 41.) repurgatur non rarò per ventrem, vniuersum corpus, & item quoq; per renes, & vesicam. Sed erat his stranguria diuturna, & cum dolore per stranguriam repurgabatur totum corpus. Has autem partes, per quas acres excernebantur vrinæ, affici erat necessarium; quia vellicabantur scilicet, continuaq; excretionem sollicitabantur. Vnde etiam in ipso vrinarum transitu offendeabantur. Huiusmodi autem symptomata (dolor scilicet, vellicatio, & continua excretio) ob excrementorum, quæ expurgabantur, copiam, longiori tempore illis perdurabant. Et textu 43. concludit Hippocrates hac serie: Atqui superstitites omnes fuerunt, nec vllum perijsse cognoui. Propterea tex. 41. Stranguriam, siue dolorificum vrinæ stillicidum, illa tempestate superuenire solitum, ipse laudauit, inquiens: Vnum verò bonum, maximumq; inter signa, quæ fiebant, quodq; multos à maximis periculis vindicauit, hoc fuit, quibus ad stranguriam diuerterent, &c. Et paulò post: Accidit autem plerisq; stranguria in his ætatibus potissimum; item alijs multis, qui non decumbabant, & in morbis &c. Sed hunc textum libro 2. plenè exposuimus, signa futuræ Crisis per vias vrinæ exponentes. Comment. 2. Prognost. tex. 37. docet, totum corpus per vrinas expurgari. Et idem supponit lib. 4. Aphorism. 74. Quibus spes est ad articulos abscessum futurum, abscessu liberat vrina multa, crassa, & alba reddita: qualis in febribus cum lassitudinis sensu quarto die quibusdam exire incipit. Quòd si ex naribus etiam sanguis profluxerit, breui admodum solutio fit. Galenus in Comment. inquit: Si itaq; Natura valuerit per vrinam expurgare corpus, æger ab abscessu liberatur, humorem ad articulos decubiturum, per vesicam euacuans.

In Stranguria cur dolores sentiantur.

Stranguria multos à maximis periculis liberauit.

Vrina multa, alba, & crassa, cur ab abscessu liberet.

Quòd vrina excrementa in vasis contenta vnà secum ad vesicam deferat, probatione non eget. Galenus verò Comment. 3. Prognost. triplicem exponens causam productionis febrium, errorem nimirum à Medico, aut Ægro, aut Astantibus commissum, vel aliquam partem agram corporis curatu difficilè, vel denuò humores crudos, & crassos, concludit eiusmodi humores quandoq; abscessum efficere, aut certè per sympepsin, id est concoctionem, eosdem

Triplex causa productionis febrium.

Sympepsis quid.

H h h h h

humores

humores à natura vinci, & rursus magna ex parte cum vrina, raro per aluum euacuari. Vnde Comment. 2. lib. 1. Prorethetic. tex. 4. ait: Nempè quomodo succitum arteriarum, tum venarum habeant, vrinae indicant. Multa alia Galeni loca hanc doctrinam confirmant, & praesertim locus citatus de Constitut. Artis Medicae, in quo non modò vasorum, sed renum & vesicae excrementa expurgari cum vrina docet. Constat ergo, vrinam congruè lotium dici; veluti serum, propter similitudinem, quam cum lactis sero habet.

Vrina, cur serum dicatur.

Vnde Galenus lib. 1. de Sanit. tuen. cap. 12. ait: Quod autem in venis, & arterijs excrementum acervatur, eiusmodi planè est, quale in lacte concreto serum. Vrinam enim breuiter describit Galen.

Vrina, humorum est serum ex Gal.

lib. 3. Epidem. comment. 1. tex. 5. aiens: Praeterea vrinam serum esse humorum in venis contentorum, nos ille docuit. Ibi enim, postquam de vrina rubra aliquid pronunciauit, monuit, Hippocratem habuisse quatuor humorum notitiam, veluti feri humorum in vasis contentorum, quod excretum nobis vrina dicitur. Hippo-

Vrina, alimenti vebiculum ex Hipp. Vrina varia definitiones.

crates lib. de Alim. ait, vrinam esse vehiculum alimenti. Aetnarius lib. 1. de different. Vrinar. cap. 4. vrinam sanguinis colaturam appellat. Author libri Definitionum Medicarum, eam, vt sequitur, describit. Vrina est superfluitas excolata sanguinis in magna vena, quae per renes, & vreteras in vesicam delabatur. Alia Definitio ab eodem Authore immediatè scripta, est sequens: Vrina est excrementum, quod in iecore gignitur, discernitur in renibus, per vreteras in vrinariam vesicam deriuatur, excerniturq; inde per eius colulum, *ὀφθηρὰς* nomine Graecis appellatum, ex eo, quod per eam vrina deferatur. Efficiens causa vrinae, est sanguinis generatio in iecore. Miror quòd Nauarrus tribuerit huic Authori sequentem definitionem: Vrina est serofitas à sanguine percolata, & ad vesicam transmissa; cùm aliter ipse Author vrinam definiuerit, vti ex allatis eius verbis constat. Multi sanè vrinam describere conati sunt, sed hoc Authore Definitionum Medicarum, nemo melius eandem definiuit, dummodò verbulum quædam definitioni addatur, quæ maiorem adiicient claritatem. Vrina ergo est excrementum aquosum, serofumq; in iecore genitum, humorumq; vctioni inseruiens, & à renibus allecctum, ac mox ab omni sanguine ibidem secretum, & illinc per vretères ad vesicam, ac denùo ex vesica per vrethram emissum, purificationis sanguinis gratiâ.

Optima vrinae definitio.

Loco Generis in hac definitione ponitur Excrementum ; in quo cum bile , & melancholia , etiam in hepate genitis , conuenit : Ab his tamen discrepat , quòd sit aquosum serosumq; excrementum , quæ duo formalem vrinæ rationem , veluti proximam materiam , constituunt ; quoniam ex aquea substantia , & humorum sero commixtis , & ad vesicam delatis , vrina componitur , atq; resultat : ita ut aquea substantia , & serum se habeant instar materiæ ; forma verò sit id , quòd vrinam in suo esse specifico constituit . Vrinam esse potissimum aquosam substantiam , ex aqua , aut aqueo liquore , & aquosiori alimenti parte genitam , vix est , qui dubitat . Non enim alimentum in ventriculo sine alicuius liquoris conuenientis commixtione coqueretur , cum chylicatio elixatio quædam sit : & multò minùs à Meseraicis venis , ex sua natura non multum amplius , chyli profutura portio ex gracilibus intestinis sugeretur , rursusq; sanguis ex ea in hepatis cavitare præcipuè genitus , per exiles venæ portæ radices , in exiles adhuc venæ cauæ radices tranaret , & illinc in venam cauam effunderetur , nisi vehiculi cuiusdam ministerio ; quod vehiculum liquor aliquis esse debet , aut substantia quædam fluida , quæ angustiores ductus permeans , vnà secum crassius alimentum euehit , estq; hic liquor aqueum quid , quod pro potu sumitur : imò & ipsis alimentis , præsertim liquidis , aquea substantia inest , ex qua pariter vrina procreatur . Vnde Aristoteles lib. 4. Meteorologic. cap. 5. vrinam inter aquæ species reponit , aiens : Aquæ verò species sunt huiusmodi , Vinum , Vrina , Serum , &c. Iridem cap. 11. eiusdem libri inquit : Quæ igitur ad aquam pertinent , magna ex parte frigida sunt , nisi calorem externum habeant , ceu lixiuium , vrina , vinum . Quæ ad terram , magna ex parte calida , ob vim caloris effectricem , ut calx , atq; cinis . Capite præcedenti 10. eandem retulit doctrinam , aiens : Itaq; aurum , argentum , æs , stannum , plumbum , vitrum , & lapides multi nomine vacantes , aqueæ fortis sunt ; quippe cum ea omnia feruore caloris deliquescere solita sint : nonnulla præterea vini genera , vrina , acétum , lixiuium , serum , sanies (siue ichor.)

Galenus lib. 4. de vsu part. cap. 5. manifestè liquorem illum , qui sanguinis comes est , aqueum vocat , eiusque vsum exponit , aiens : Excipit autem ipsum (sanguinem scilicet in caua hepatis parte purificatum , & sursum ad gibbas partes hepatis delatum) illic vna

*Definitio-
nis expli-
catio.*

*Forma, &
materia
vrina.*

*Aquosa
substantia,
ex qua v-
rina gigni-
tur, neces-
sitas, & v-
sus.*

*Aqua va-
ria species,
inter quas
& vrina
numeratur
ab Arist.*

*Liquoris
aquei ex
quo vrina
fit, vsus ex
Galen.*

vena maxima, ex gibbis hepatis enata, quæ ad utramque animalis partem fertur, superiorem simul, & inferiorem: diceret sane, ceu aquæductum quendam plenum sanguine ipsam esse, riuosque quamplurimos à sese manantes habere paruos, & magnos, in omnes particulas animalis distributos. At enim in hac quoque vena multa adhuc humiditate tenui & aquosa plenus est sanguis: Vocat autem ipsam humiditatem Hippocrates (libro de Alimento, in fine) ὄχιμα τροφῆς; hoc est, vehiculum nutrimenti, simul cum appellatione usum quoque eius ostendens: neque enim ex ventriculo in venas commodè transumi poterat chymus iam ex cibis factus, neque facillè pertransire venas, quæ sunt in hepate, & multæ, & angustæ, nisi tenuis quædam, & aquosa humiditas, tanquam vehiculum, fuisset ei admixta. Hunc itaque usum præstat animalibus aqua; siquidem ex ea nutriri nulla particula potest: distribui verò ex ventre, quod nutriturum erat, non poterat, nisi deductum fuisset à quopiam ita liquido.

Aqua vitalitas in animalibus.

Ex dictis constat, urinam esse aqueam quandam substantiam, & hunc eundem liquorem in alimenti ex ventriculo ad hepar, & ex hepate in venam cauam transitu, alimenti delatorem fuisse; sicut eius quædam portio ex vena caua in omnes corporis partes per eiusdem venæ cauæ ramos sanguinem vehit, easdem partes nutriturum. Et hic est liquoris aquosi primus, & præcipuus usus.

Serum duplex.

Dixi, urinam non solum esse excrementum aquosum, sed insuper serosum; quæ doctrina sano modo intelligenda est. Serum enim dupliciter accipitur: Primò, pro ipsa aquosa substantia iam exposita: Secundò, pro peculiaribus quibusdam liquoribus prætenuibus peculiarium humorum, ita ut unusquisque suum dicatur habere serum: Vnde sanguis suo fruitur: Pituita suo: Bilis flava suo: Melancholia suo. Serum hoc, maximè verò si à naturali statu recedit, ichor frequentius nominari consuevit. Serum autem hoc peculiare, intimius humoris, cuius est serum, naturam refert, quàm vulgare illud serum massæ sanguinariæ. Quòd peculiare serum à communi distinguatur, patet ex Galen. Comment. 2. Prognostic. tex. 27. ubi ait: Quoties sanguinis serum pariter cum urina excernitur, colore subrubra apparet: indicat autem exuperantiam sanguinis, non exquisita ratione confecti. Omnes adhuc humores peculiari sero frui docuit idem Gal. comment. 2. in lib. 6. Epidem. tex. 38. ubi Platonis hæc verba scripsit: Ichor autem sanguinis quidem serum, mitis:

Quilibet humor peculiare habet serum.

Serum peculiare à communi differt.

nigræ

nigræ verò bilis, sed acidæ, ferus: Ichoroides autem sanguis vocatur, in se prauam, ac tenuem humiditatem continens, non aqueam, & morfu carentem, sed mordacem, & erodentem. Dicente autem Platone, Ichor verò sanguinis quidem serum, mitis: nigræ verò bilis, sed acidæ, ferus, nobis declaratum est, quemadmodum in lacte serosa quædam humiditas est, veluti colamentum, & circumfluitans crassiorem eius partem, eodem sanè modo in omnibus succis, & humoribus serosum quendam, ac tenuem liquorem reperiri. Different autem inter se, secundum eorum scilicet humorum naturas, quorum serum esse diceretur: & erit infestissimum atræ bilis serum: minùs infestum flaua: minùs autem, quàm hoc, pituita: sed omnium mitissimum est sanguinis serum, & ichor, nihil enim in præsentia refert, hoc, aut illo modo dicere. Verùm, quoniam bifariam sanguinem appellamus, interdum eum à nuper dictis humoribus (pituita scilicet, bile flaua, & nigra) distinguentes, interdum à superante omnes in vasculis succos, sanguinem vocantes, ichoroides sanguis nunc in secunda significatione accipiendus est: quemadmodum & omnes Medici in venæ sectione dicere assolent, interdum serosum, interdum melancholicum, aut pituitosum, aut biliosum, nonnunquam & naturalem sanguinem effluxisse dicentes. Hinc liquet, ichorem dici serum, etsi ichor vsitatiore significatione, non pro tenui, & aqueo liquore simpliciter accipiatur, sed pro liquore, qui venenosa aliqua, & maligna facultate præditus est: vt testatur Galenus in principio iam citati commentarij tex. 38. vbi in rei confirmationem ex Sect. 1. libri 2. Epidem. sequentia transumpsit verba: Et sub cute ichores creabantur, inclusi autem caleſcebant, & pruritus excitabant: deinde pustulæ, vt ambustis, exurgebant, & sub cute vri se putabant. Constat igitur, vt ex ichoribus haud exigua symptomata oriri dicat Hippocrates.

Textus Hippocratis, quem modo iam dicto exposuit Galenus, hac serie scribitur: De sanguine Ichoroide, quòd in pauidis talis, aut in vigilantibus, & siue malus, siue bonus. Quæsitum dignum est, inquit Galenus in Comment. id quod dixit, siue bonus, siue malus. Et idem Galenus respondet, vt sequitur: Optimo quidem sanguini comparatus sanguis ichoroides, malus est: alijs verò omnibus, quibus alterius cuiusdam vitiosi succi ichor admixtus fuerit, longè melior, & optabilior, atq; idcirco bonus est. Plerumque au-

*Serum quod
mitissimū,
quodq; in-
festissimū.*

*Sanguinis
duplex ac-
ceptio.*

*Ichor pro-
prie quid.*

*Sanguis
Ichoroides,
quomodo
bonus, ma-
lusue dica-
tur ab
Hippoc.*

tem & nostræ tempestatis homines, & Antiqui, minus malum, bonum, aut probum, aut laudabile, aut aliqua id genus voce appellare consueverunt, & præsertim, cùm magnus quidam excessus fuerit, valdè prauus ab eo, quod modicè à naturali statu discesserit. Hæc Galeni doctrina cohæret ijs, quæ supra ex eiusdem Commentario 2. Prognostic. de sero sanguinis deduximus: Sanguis quidem serofus ibi dictus, idem est, ac sanguis ichoroides hîc nominatus, si sanguis ichoroides accipiatur pro massa sanguinis, in qua sanguis quartus humor omninò superat, non solum quantitatem, sed qualitatem aliorum humorum. Vnde serum eius vrinæ commixtum, etsi ruborem ipsi liquori, & contento tribuat, salutem tamen portendit, quòd color ille rubeus à sanguine benigno humore procedat. Quoties verò ichor alius in sanguinis massa redundat, Signum est; humorem, cuius est ichor, ceteris præpollere. Verbi gratiâ, flauo, eoq; copioso apparente ichore, concludere licet, bilis reliquis humoribus prædominari. Dum igitur in vrinis ichor flauus abundat, & in extracto ac concreto sanguine consimilis animaduertitur, Medicus intrepidè biliosum humorem reliquos excedere pronunciare poterit. Multum ergo refert hæc scire; cùm in omnibus, saltem humoralibus febribus, ichor aliquis, si non plures, abundet; quod sine dubio Galenum adeò mouit, vt Comment. 1. lib. 6. Epidem. tex. 10. in sequentia proruperit verba: Tanta nempe Signorum ab vrina in acutis febribus vis est, vt & soli ipsi credendum sit: alijs verò accidentibus etiam diuinitio tibi erit firmissima, perpetuoq; veridica. Constat vrinam in morbis humoralibus ex aqueo liquore, & sero, ichorene componi.

Sanguis serofus quomodo ichoroides vocetur.

Ichor in sanguinis massa redundans humoris in ea prædominantis signum est.

Signorum vis ab vrina in febribus acutis.

Vrina sanorum aquè benè fit ex aqueo liquore & sero peculiari, ac vrina agrorum.

Maiores fortassis difficultates est, vrinam sanorum ex aqueo liquore, & peculiari sero componi statuere. Sed, meo iudicio, res omni difficultate caret: Nam humor quiuis naturalis, alios excedens, suo debet frui sero; vt patet ex paulò ante dictis. In statu præter naturam humor quiuis serum habet tanquam sui excessus. Ergo in statu naturali idem pronunciandum. Patet consequentia: Nam in statu naturali semper aliquis quatuor humorum reliquos socios excedit: Vnde quidam dicuntur Cholerici, alij Melancholici, alij Pituitosi, alij Sanguinei. Ergo quemadmodum in excessu humoris præter naturam inest eiusdem humoris serum, sic similiter in excessu secundum naturam. Imò bilis ipsa naturalis, quia prætenus & sero-

serosa, aliquid sui feri, aut suimet, sero aquoso, siue aqueo liquori impertit: Hinc vrinæ tinctura modò pallida, nunc subpallida, aliàs subruffa, quandoque subflaua. Ad hæc, vrinæ nitrositas, commixtionem serositatis aliorum humorum cum aqueo liquore arguit: quam nitrositatem potissimùm in hepate, propter commixtionem præ fatam acquisiuit: Cateroquin ipsa substantia aquea, quæ vrinæ basim constituit, insipida esset, aut saltem dulcis, cuius tamen contrarium demonstrat vrinarum effectus. Abstergendi quidem, resoluendiq; virtute pollent vrinæ, vt quotidiana nos docet experientia, etiam quoties tenellorum puerorum vrinam per podicem, in forma Clysteris injici, aut dum caliginosos oculos eâ lauari, aut articulos dolore laborantes eâdem tepida foveri, Medici suadent. Propter serum sanè aquosæ substantiæ commixtum, & propter huius alterationem in hepate factam, dixit Philosophus, vrinæ calorem extrinsecus accedere.

Vrina quam ob causam nitrosa fiat.

Vrina abstergit resolutaque. Vrina Infantum vni in Medicina.

In definitione diximus, vrinæ materiam, aquosam præcipuè, esse sanguinis vehiculum, ob rationes superius exhibitas.

Dictum præterea est, vrinam in hepate genitam esse, quia aquea & serosa substantia inibi ab alijs duobus excrementis, bile, & melancholia, segregatur, & sanguinem rursus comitatur per venas. Galenus lib. 3. de facultatibus natural. cap. 9. manifestè docet, vrinæ materiam esse hepatis excrementum, inquiring: Tanquàm enim stercus hominum est canibus suauissimum, ita iecinotis excrementorum aliud lienis, aliud bilis vesicæ, aliud renibus est iucundum. Libro 3. de Symptom. caus. cap. 2. eandem doctrinam hac serie repetit: Cùm autem triplex sit in venarum concoctione excrementum, vnum amara bilis, alterum nigra, tertium serosum, &c. Non enim venis præcipuam sanguificandi virtutem tribuit Galenus, sed potius hepatis, tanquam causæ efficiëti, venis verò in hepate contentis, tanquam instrumentis & tubulis, in quibus virtute hepatis sanguis generatur. Libro 5. de usu part. cap. 10. Vrinam hepatis excrementum esse statuit, aiens: In hepar tamen, ita magnum, ac princeps viscus, neruus insertus est minimus, vt quod musculorum ritu haud quaquàm moueatur, neque, vt intestina, sensu exquisitiore egeat. His porrò reliquiarum cibi transitus negotium exhibet: hepar verò à quatuor instrumentis purgatur, duobus quidem renibus, tertio autem, splene, tum quarto, ve-

Vrina cur in hepate genita dicatur.

Vrina materia.

Triplex excrementum in venarum concoctione.

Hepar à quatuor instrumentis purgatur.

*Hepar cur
sensu maio-
re nō indi-
geat.*

*Renēs, splē,
& Cystis
felleæ, cur
à proprijs
excremen-
tis non la-
dantur.*

*Vrina ma-
teria est
excremen-
tum secun-
dæ coctio-
nis.*

*Renēs cur
prope hepar
constitui.*

*Vesica si-
tus, & con-
structio.*

ficâ ipsi hepatis inhaerente. Quare, cum nullus in eo succus mali-
gnus & acris mansurus esset, sensu maiore haudquaquam indige-
bat. Porro hæ quatuor partes (duo scilicet renes, splen, & vesica
fellea) quæ iecur ipsum perpurgant, quod à proprijs excrementis
nihil incommodi essent accepturæ, sensum maiorem non postula-
runt: neque enim trahere huiusmodi excrementa potuissent, nisi
qualitatis communitas quædam cum excrementis ipsis intercessi-
set. Siquidem, cum tot annos quodq; animal superstes sit, in ea
tamen cysti, quæ sedem ad iecur habet, videre est bilis flauæ con-
tineri aliàs plus, aliàs minus: quin & mortuis ipsis ablatas ab he-
pate vesicas simul cum bile diutissimè asseruamus, nihil tractu tem-
poris corpore ipsarum patiente: Ita, vnicuiq; quod cognatum, ac
familiare est, sine dolore omninò, atq; innoxium est. Ergo his in-
strumentis natura sensum acutiorem non adhibuit, ut quæ nihil
vnquam negotij comprehensis in sese excrementis erant habitura.
At maiori vesicæ, quæ lotij receptaculū est, nisi lotium id, quod bi-
liosius, acriusq; est, repentinè excernatur, magnas sæpè noxas afferat.
Non enim, quemadmodum vesica, quæ bilem recipit, ita & huius
substantia corporis, bilis qualitati est affinis, sed vrinarum dunta-
xat, quarum gratiâ à natura constituta fuerat. &c. Excrementum
hepatis, quod à Renibus allici docuit Galenus, non est aliud, quàm
serum, ut omnes consentient Interpretes. Quare concludendum,
vrinæ materiam, esse hepatis, & consequenter secundæ coctionis,
excrementum.

In definitione dictum est, renes urinam ex vasis attrahere, eam-
que à sanguine omninò separare, quæ doctrina est Galeni cap. 10.
iam citato libri 5. de usu part. Hanc eandem doctrinam solemni-
ter exhibet eodem lib. cap. 5. hac serie: Porro cum excrementum
tenue, atq; aquosum, quod *supor*, hoc est urinam, nuncupamus,
adhuc superesset, constructos sanè, quo quidem id secerneretur,
renes propè hepar constituit: ut verò commodè excerneretur, pri-
mum quidem receptaculū, velut cisternam quandam, ipsam ve-
sicam, deinde ad ipsius finem, musculum fabricata est, qui adui-
gilaret, ne superflua intempestiuè esfluerent. Cæterum, cum vesti-
cam in imò quidem præstaret collocare, vnde etiam alimenti su-
perflua euacuantur, renes autem (ut & paulò ante diximus) iuxta
hepar, necesse fuit ex ipsis ad vesicam vias quasdam struere: atque

meatus quidam prælongi, fortesq; extiterunt, quos ὀφρητῆρας, i. vrinarios, nominamus, qui renes vesicæ committunt. Sic igitur & vrinæ vi renum segregantur à sanguine, & illinc per vteras ad vesicam emittuntur, indeq; excernuntur, quo scilicet tempore ratio ipsa iusserit. In fine capitis docet Galenus, non solum ex venali sanguine, sed etiam arteriali, serum à renibus attrahi: imò Lycum Macedonicum ipse damnat, quòd asseuerauerit, vrinam esse excrementum nutritionis renum. Magna quidem vasa emulgentia, venæ, & arteriæ, non in renes, exigua corpora, nutritionis gratiâ, deduceret rerum Conditor: cùm illis nutriendis multò exiliora vasa sufficientem adducerent alimoniam. Superest ergo, vt tam magna vasa educationi feri ex sanguine venali, & arteriali inseruiant, cui muneri obeundo ex Authoris naturæ præscripto destinata sunt. Galeni verba hac serie scribuntur: Cæterum quod & renes ipsi serum sanguinis omne purgare verè asserti sint, declarat vtriusq; vasis magnitudo. Iam verò, si excrementum nutritionis renum est vrina (eò enim amentia Lycus Macedo progressus est, vt id etiam astrueret) cur demum in exigua renum corpora, is, qui nihil agit temerè, Conditor, arterias adeò magnas, ac venas inseruerit, causam nullam dicere poterimus: sed omninò (quod ipse minimè vult) damnanda imperitiæ erit Natura; aut is Lycus nihil veri de actionibus scire palam est conuincendus. Vim attractricem renibus inditam esse docuere Hippocrates, & alij, etsi contrarium tenuerit Asclepiades, vt testatur Galenus lib. 1. de facult. natural. cap. 13. vbi ait: Qui enim attractricem conuenientis qualitatis vim nulli inesse particulæ volunt, ij sapè ijs, quæ euidenter apparent, contraria dicere coguntur: quemadmodum Asclepiadi Medico de renibus contigit: quos non solum Hippocrates, Diocles, Erasistratus, Praxagoras, aliorumque optimus quisque, discernere à sanguine vrinæ crediderunt. In reliquo Capite Asclepiadem denegantem renibus virtutem attractricem arguit: imò ipsum reprehendit Asclepiadem, quòd peculiarem vim attrahendi vnum humorem, & non alium, denegauerit medicamentis purgantibus. Contra enim Hippocratis experimentum Scammioniæ carere vi purgandi peculiari docet, sed parè modo eam euacuare omnes humores, liquareq; corpus, ac quod liquatum est, id fieri operâ Medicamenti purgantantis, cùm antea tale non esset, quale modò apparet, dum eua-

Cur vasa magna emulgentia in renibus posita.

Lycus Macedo arguitur.

Vim attractrix renibus indita.

Asclepiades ab Hippocrate reprehensus.

Scammonia vi peculiari purgandi gaudet.

cuatur: Id est, Medicamen purgans quoduis exhibitum, colliquando sanguinem, & corpus, procreat humorem quem euacuat: nam humor, qui euacuatur, talis non erat antea, qualis modò est factus vi ipsius medicamenti reliquantis. Hanc opinionem nostris temporibus amplexi sunt absurdi quidam homines, qui in medicamenta purgantia euacuare, non attrahendo hunc, aut illum humorem, sed naturam irritando, dicunt.

Asclepiadis nugas rejiciens Galenus, cap. 15. lib. 1. de facult. natural. inquit: Verùm, cùm abundè garrulati simus, neq; id nostra sponte, sed iuxta prouerbum, cum insanis insanire coacti, rursùm ad vrinæ secretionem reuertamur. Vbi Asclepiadis nugas dissimulemus; ac cum ijs, quibus percolari vrinam per renes est persuasum, quisnam eius sit operis modus, considerationem ineamus. Prorsùs enim, aut per se ipsam fertur ad renes vrina, id scilicet melius rata, non aliter, quàm nos, cùm ad forum abimus: aut, si hoc fieri non potest, alia quæpiam ferendæ eius inuenienda est causa. Quænam igitur est ea? nisi enim, sicut Hippocrates censuit (de ossium natura, non longè à principio) renibus eiusmodi qualitatis trahendæ vim quandam dederis, nullam aliam inuenies. Quòd namq; vel hos eam trahere oporteat, vel venas eam mittere, si scilicet per se non feratur, cuiq; patet. Verùm, si venæ contractæ circumplexæq; eam protrudunt, utiq; non illam modò, sed etiam omnem, qui in ipsis continetur, sanguinem, simul cum ea in renes compellent. Quòd si id fieri non potest, sicut monstrabimus, reliquum est, vt renes trahant. At cur non potest id fieri? nempè quia renum situs ei rei repugnat: non enim sic cauæ subiecti sunt venæ, quemadmodum Cerebri excrementis meatus in naso, & palato ipsis colatorijs similes sunt subditi; sed vtrinq; illi sunt adnexi. Iam, si ad eum, quem colatoria modum, quicquid tenuius planèq; serosum est, id promptè transmittunt: quod crassius est, id retinent: utiq; omnem sanguinem, qui in caua est vena, conueniet in eos meare, ita utiq; sicut in vimineum, quod torculari subijcitur, totum conijcitur vinum.

Renes vrinam ad se trahunt.

Tres modi ex Galeno, quibus vrina ad renes ferri debet.

Doctè Galenus docet, aliquo trium modorum vrinam ad renes ferri: vel quia ipsa vrina spontè ad renes fluit & fertur, eo modo, quo quisq; nostrum sese, quò vult, migrat: vel secundo vrina ad renes transfertur, quia venæ eam ad renes propellunt: vel certè tertio

idcò

ideò ad renes vrina tranſit, quia ab ipſis renibus attrahitur. Sed duobus primis modis vrina ad renes non fertur. Ergo neceſſariò tertio modo; id eſt vi renum attrahente ad renes tranſfertur. Quòd primo modo vrina ad renes non deferatur, patet; quoniam vrina non eſt res deliberans & concludens talem motum, cum voluntate careat. Nec etiam dici poteſt, quòd vrina à vena caua ad renes propellatur; quia inde ſequeretur, quòd vniuerſus ſanguis vnà cum vrina propelleretur ad renes, cum vniuerſus ſanguis fluxilis ſit, & tenuis, ibidemq; expurgari deberet: tum etiam, quia ſi à vasis propelleretur vrina ad renes, hi ſubijcerentur venæ cauæ: quod tamen à natura factum non videmus: nam renes ad venæ cauæ latera appoſitos eſſe ex Anatomia obſeruamus. Cerebrum verò tenuiores humores rectà deorſum ad os, & nares proturbat. Ergo, ſi vena caua propelleret vrinam, renes deberent eſſe ſubditi eidem venæ cauæ, ſicuti os, & nares cerebro. Quòd verò ſequeretur, totum ſanguinem ad renes transferri, ſi ipſi renes non haberent vim attrahendi vrinam, probatur exemplo torcularis, & viminei. Vt enim à torculari comprimantur vux, & vinum, quod eſt tenuis liquor, à re crassa ſeparetur, neceſſariò promiſcuè, quod crasſum eſt, & tenue, ſub torculari collocandum. Ergo ſimiliter ſi in renibus fieret ſecretio ſeri à ſanguine, & à renibus ipſum ſerum non attraheretur, relicto in vasis ſanguine, renum examini totus ſanguis eſſet committendus, vt ſerum tenue à ſanguine ſepararetur. Sed hoc fieri nequit, cum per cauam aſcendentem æquè, ac per ſcendentem, ſanguis ex hepate tranſmittatur, vt eo ſuperiores partes nutriantur, & ſanguis arterialis in corde generetur; ſanguis verò per iugulares internas, & externas, ad caput tranſmiſſus, nunquam deorſum, præſertim ad renes, regreditur, quidquid finxerint circulationis ſanguinis ſtructores. Cum ergo totus ſanguis ad renes non transferatur, ſequitur, ipſos renes habere vim præpotentem attrahendi ex ſanguine, quod ſerofum eſt, etſi huic ſero permodicum ſanguinis adhuc ſit commixtum. Lactis adhuc congelati, ſue coagulati exemplo, rem planius exponit Galenus: Quippe, inquit, id totum (id eſt lac coagulatum) cum in qualos coniectum, non totum percolatur; ſed, quantum eius eſt, quàm amplitudo meatuum quali, tenuius, id pronum tranſluit, ac ſerum vocatur: reliquum, quod crasſum eſt, & caſeus fiet, cum non tranſmittant quali meatus, deor-

Verus modus delationis vrinae ad renes.

Vrina cur non poſſit à vena caua ad renes propelli.

Exemplum Torcularis & Viminei.

Exemplo lactis coagulati probat Galenus vrinam à renibus attrahi.

sùm non fertur. Ergo, si ad eum modum percolandum per renes est sanguinis serum, utiq; totum sanguinem ad eos peruenire oportebit: ac non partem eius sanè, partem non. Post hæc omnia concludit Galenus, venas solas non sufficere ad expulsionem, & separationem seri à sanguine, sed renes potentè attrahere idem serum, relicto sanguine in vasis.

*Vena sola non suffi-
ciunt ad
expulsionē
& separa-
tionē seri à
sanguine.*

*Discipulo-
rum Era-
sistrati opi-
nio circa
attractionem
seri.*

Quoniam de seri attractione, vi renum facta, disputatur, proponere adhuc lubet trēs opiniones quorūdam. Antiquorum apud Galenum breuiter agitas lib. 1. de facult. natural. cap. 17. & ultimo. Prima opinio quorundam fuit discipulorum Erasistrati, quam Galenus sequenti serie exhibet: Ergo qui ab Erasistrati ætate non procul fuere, partes, quæ supra renes sunt; purum accipere sanguinem aiunt: aquosum verò eò quòd graue sit, degrauare, ac pessum fluere: hic autem in renibus percolatum, vbi redditus est utilis, ijs, quæ infra renes sunt, partibus mitti. Et ad tempus quidem placebat hæc opinio, ac florebat, veraq; existimata est: procedente autem tempore, ipsis quoq; Erasistratijs suspecta est visa; demumq; ab ea descinerunt.

*Refellitur
istā opi-
nio.*

Absurditatem huius sententiæ binis argumentis ostendit Galenus. Supponunt enim, quod falsum est, serositatem acquirere, grauitatem in vena caua, cum tamen eandem, quam in vena caua habet antea, dum è ventriculo in iecur ferebatur, habuerit. Vnde cum in parem in ventriculo, quam in venis, obtinuerit grauitatem, cur ex ventriculo rectà deorsum non deferabatur? Præterea si aquosus humor notabili polleret grauitate, quomodo ad nutrimenti in corpus digestionem siue distributionem conferre posset? Alterum argumentum est: Si serum ratione grauitatis ad renes ferretur, ij sub vena caua, & non vtrinq; ad eius latera positi essent.

*Secunda
opinio,
prioris ab-
surdior.*

Cum itaq; hæc opinio damnata esset, altera successit multò stolidior, quam hac serie Galen. exponit: Aiunt enim, si effundatur in terram oleum aquæ mixtum, diuersâ vtrumq; viâ iturum, fluxurumque, hanc istâ, illud alterâ: minimè igitur mirum esse, si aquosus humor in renes fluat, sanguineus per cauam deorsum feratur. Ergo damnata quoq; & hæc opinio iam est. Cur enim (hæc est Galeni responsio) cum ex caua innumeræ oriantur venæ, in reliquas quidem omnes sanguis; humor autem serosus in eas, quæ ad renes tendunt, conuertitur?

*Reijcitur à
Galeno.*

Tertiam opinionem sequenti serie narrat Galenus: Rursus igitur (tertium seruatori) omnium pessimam iam dicamus, & quæ à Lyco Macedone inuenta est; viguit autem propter nouitatis gratiam. Ergo Lycus hic, veluti oraculum quoddam ex adyto loquens, renum nutritionis excrementum esse vrinam inquit. At (est Galeni responsum) quod totum id, quod bibimus, vrina fit, nisi siquid cum alio exijt, aut in sudorem, aut per inuisibilem transpiratum abiit, ostendit planè eius, quod quoti die meijmus, copia. Hyeme autem id maximè intelligere licet in ijs, qui in otio degunt, & vino ampliter indulgent, potissimùm, si vinum tenue, ac penetrabile fit: meijunt enim hi celeriter tantum paulò minus, quantum bibunt. Cùm hæc Lyci opinio, nec Erasistrato, nec Asclepiadi, & multò minùs Hippocrati sit cõformis; de Lyco sequentià refert Galenus: Albo igitur, iuxta prouerbum, Coruo est similis, qui nec cum Coruis versari potest propter colorem, nec cum columbis propter magnitudinem: verùm nec idcirco est praterendus. Ergo quod omnes, quæ nutriuntur particulæ, excrementum aliquod creent, vtique non negamus, quod autem soli renes, tantilla corpora, quatuor interim totos, vel etiam plures, habeant excrementi congios, (Congius, siue Congiarium est mensura decem librarum) id nec confessum est, nec rationi consentiens. Quippe cuiusq; maiorum, quàm renes sunt, viscerum, plus esse excrementi est necesse. Verbi gratià, Pulmonum, si modò visceris magnitudini ad portionem respondebit, sanè multiplex erit respectu eius, quod in renibus fit: Quare totum quidem pectus implebitur, animal autem illicò extinguetur. Quod si etiam æquale quis dicat in singulis aliarum partium gigni excrementum, per quas quæso vesicas excernitur? Si namq; renes in ijs, qui vino prolixè indulgent, tres interim, quatuorue excrementi congios faciunt, certè aliorum viscerum multò plures erunt: dolioq; maximo opus erit, quod omnium excrementa capiat. Quanquam sæpenuerò, quantum potauit quis, totum id paulò minus minxit, tanquam quod bibitur, id totum ad renes feratur.

Tertia opinio Lyci Macedonis.

Damnatur à Galeno Lycus.

Congius quid.

Quoniam ab alijs scriptoribus hæc, etsi huic doctrinæ non modicum lucis afferant, omitti plerumq; solent, ea huc vsq; producere placuit. Quoniam his omnibus probè intellectis, vniciq; patens erit, renes vim habere attrahendi vrinam ex massa sanguinaria in

*Duplex
causa cur
renes to-
tum aquo-
sum humo-
rem non
attrahant.*

maioribus vasis recondita, eandemq; vrinam non esse renum, sed hepatis excrementum. Renes veruntamen omne serum, quod est in sanguine, non alliciunt, sed maiorem partem: Et duas quidem ob causas; quarum prima, est naturæ prouidentia: non enim sine vehiculo sanguis ad vniuersas corporis partes per angustissimas venas transmeare posset. Quare prouida Natura aquosi liquoris portionem, quæ sanguinis delationi ad varias corporis partes sufficit, in venis retinet; & suo munere functa eadem liquoris portio per habitum corporis insensibiliter transpirat, aut sensibilibus in-

*Sudor &
vrina, quo-
ad mate-
riam, sunt
eiusdem
natura.*

forma sudoris euacuatur. Sudor enim, & vrina eiusdem sunt naturæ, si vtriusque materiam perpendamus, teste Galeno lib. 10. de Simpl. medicament. facult. Titulo de Sudore: loco ergo, per quem euacuantur, differunt. Quod aquosus humor vt plurimum à renibus attrahatur, & aliqua eius portio sanguinis delationi inseruiat, patet ex Galeno lib. 4. de vsu part. cap. 6. vti in nostræ Physiologiæ libro 3. Titulo de Renibus, plenè exposuimus. Secunda causa, cur renes totum non attrahant aquosum humorem, est, quia eorum virtus attractrix non peruenit ad omnes sanguinis in vasis conclusi partes.

*Secunda
causa.*

*Serum om-
nino in re-
nibus à
sanguine
seccernitur.*

In definitione dictum est, serum omnino in renibus à sanguine secerni; quia modicus sanguis vnà cum sero à renibus allectus, in renum nutrimentum faceffit: & serum rursus transcolatum per vretes ad vesicam amandatur, & inde nostro arbitrio per vesicæ cololum extra corpus: prout Galenus docuit, & rei veritas experimento quotidiano comprobatur. Hæc expressè pronuncio, vt grauem vitæ errorem, in gemina vrinæ definitione ab Hieronymo Capiuaccio data, contentum. In vtraq; enim affirmat, vrinam per colem excerni, quod quàm absurdum sit, constat ex eo, quod mulieres, quæ cole, seu virili membro carent, vrinam æquè benè, ac viri, excernunt.

*Absurda
Capiuacj
opinio de
vrinæ ex-
cretionē.*

*Vrina du-
plex vsus.*

Demum in definitionis calce, secundam vrinæ utilitatem proposui. Primus quidem eius vsus est, sanguinem ex iecore in venas vehere. Secundus vsus, qui eius euacuationem sequitur, est sanguinis purificatio. Si etenim Sanguini commixtum permaneret

*Hydropi-
corum cor-
pus ob co-
piam feri,*

serum, non probè corpus nutriret: Vnde hydropici, qui sanguine aquoso aluntur, aliquandiù miserè viuunt, & tandem moriuntur. Ex suppressione præterea vrinæ sanguis adeò coinquinatur, & fit

caco-

caco-chymus, vt ad nutriendum ineptus, inutilisq; reddatur: nec mirum; cum substantia illa serosa aquea sit, falsuginosa, nitrofaue; imò & amariuscula. Ob bilis porro commixtionem amara fit vrina, & ob commixtionem bilis cum pituitoso sero, aut humore, multum excalefacto, falsuginosa nitrofaue fit. Vrinam ergo, tanquam quid impurum, & inutile, sanguini eximere decet: vt hoc rursus animal commodè nutriatur. Non solùm enim liquor quiuis superfluous sanguini commixtus, sed crudi putridique humores cum vrina euacuantur.

Et sanguinis aquosi non probè nutritur.

Vrina amara, falsuginosa & nitrofa causa.

Quid cum vrina euacernatur.

DE VRINIS PRIMVM.

D Vbitandi non lenem ansam multis præbuere diuersa Galeni loca, quibus vrinam modò ex aquosa substantia, modò ex aquosa & alijs rebus fieri decernere videtur. Hieronymus Mercurialis, qui hanc primariam Cathedram Lecturamue, quam in hac celeberrima Vniuersitate possideo, pridem occupauit, suo de Vrinis libro cap. 3. pro virili affirmat, vrinam, secundùm Hippocratis & Galeni mentem, non aliud esse præter materiam potulentam. Prima ratio Mercurialis est, quòd ea animalia, quæ, vel nunquam potant, vel exiguum, neq; vesicam à natura habuerunt, neq; etiam vrinam generant. Dicebat Aristoteles lib. 3. de part. animal. cap. 8. & lib. 4. de part. animal. cap. 1. ea animalia, quæ pulmonem sanguineum habent, sortita esse etiam vesicam; propterea quod cum siticulosa futura essent, debebant potare, & propterea necesse erat, vt ex potu vrina generaretur, & consequenter vesicam haberent. Quæ verò ta'em pulmonem non habent, neq; bibunt: aut si habent, parum bibunt, quòd fungosus sit: aut potant quidem, sed eis potus loco cibi est, quemadmodum sunt pisces, atq; insecta: vel pennata sunt, & squammigera, aut cortice intacta, quæ omnia vesicâ carent, tum propter humoris exiguitatem, quam capiunt; tum quia, quod capiunt, in pennas, squamas, & cortices absumitur. Quod si reperiuntur aliqua animalia, quæ vesicam non habent, & tamen potant, potus in illis conuertitur, vel in pennas, vt in auibus; vel in squamas, vt in piscibus; vel in crustas, vt in ostreaceis. Itaq; videmus à natura hoc factum esse, vt non habuerint vesicam, neq; vrinam fecerint: vel quia non potant: vel, si potant, quia materia aliò

Mercurialis opinio de vrina generatione.

Prima ratio Mercurialis.

Animalia nunquam, aut parum potantia, cur vesicâ careant.

Animalia multa, vt pisces, insecta, pennata, squammigera, aut cortice intacta, cur vesicâ non egeant.

conuer-

conuertitur, vt clarum videatur, vrinam esse materiam potulentam.

*Secunda
ratio ab a-
nimalibus,
multam,
parumue
bibentibus.
Tertia ra-
tio à sup-
pressione
vrinae.*

Secunda ratio est, quòd animalia, quæ potant, si multum bibant, multam vrinam faciunt, si parum, paucam: quod argumento est, si vrinæ quantitas stat in propria materia, nihil aliud esse, quàm materiam, quæ potatur.

Tertia ratio est ex Experiētia: Medicorum enim in suppressionibus vrinarum maximum præceptum est, vt omninò potus arceatur, ne vrina gignatur. Si hoc est maximum præceptum, ne bibamus, quis non videat, vrinam nihil aliud esse, quàm materiam potulentam?

*Quarta
ratio ab a-
quis ther-
malibus.*

Quarta Ratio desumatur ex ijs, qui aquas thermales potu sumunt (de his loquor, quæ per vrinam ducuntur); videre enim est in huiusmodi corporibus aquas illas per vesicam tales emingi, quales assumuntur; quod Signum est, potum hunc in iecore, & venis nul- lam mutationem suscipere: quod etiam Signum est, eandem esse materiam vrinam, & quæ bibitur, nisi quòd spoliatur accidentibus. Sic Aristoteles appellat vinum aquam libro 4. Meteoror. & Empedocles aquam concoctam seu putrefactam in vite. Hoc argumen- tum Galeni auctoritate roborare nititur Mercurialis: Nam Gale- nus, vt ait, lib. 1. de natural. facult. cap. vlt. loquendo de Biboni- bus, qui Græcis *κωστωρίζοντες* dicuntur, refert hos tantundem per vrinam excernere, quantum ingessere potûs, qui nihil ferè mutatur.

*Alia mul-
ta ratio-
nes, quibus
probat,ur,
vrinam
nil aliud
esse, quam
potulentam
substantiã.*

Præter relata argumenta, Mercurialis Hippocratem, veluti ad- huc Galenum, pro se citat. Nam Hippocrates lib. de Aliment. do- cuit, humiditatem esse alimenti vehiculum, quam sententiam Ga- lenus Comment. 4. in lib. de Vict. rat. in morb. acut. tex. 17. & lib. 4. de Vsu part. cap. 5. exponens, dixit, ab Hippocrate eam humi- ditatem intelligi, quæ cibum à ventriculo ad iecur perducit: quo etiam in loco cum scribat, aquam in animantibus nil aliud efficere, nisi quòd cibum perducit, manifestè monstrat, eandem humidita- tem, quæ cibum perducit, eandem etiam per vrinam excerni. Libro deniq; Prorrhetic. hanc veluti quandam legem statuit, vt semper potus debeat quantitate vrinam æquare, ita vt & crassitie, & men- sura vrina nunquam debeat potum superare. Quòd si hoc verè sta- tutum est ab Hippocrate, facilè est colligere, quòd si quantitas po- tûs & vrinæ est eadem, pariter quoq; esse materiam eandem. Eo- dem libro paulò post scribit Hippocrates, vrinam debere apparere

pro studiorum ratione, & pro vinorum mutatione: quod si verum est, verum est etiam, vrinam nullam aliam habere materiam, nisi potum. Præterea lib. 4. de Vict. rat. in morb. acut. tex. 88. scribit, aquosa pocula in hypochondrijs permanere, neq; in vrinam percurrere, quod signum est, ea potulenta, quæ ad vrinam currunt, nihil aliud esse, nisi ipsummet potum. Postremò, libro 4. de morbis, disputans contra eos, qui potum ad pulmonem ferre putabant, tribus rationibus vtitur: Prima est, quòd si eò pertingeret potus, expleretur pulmo, & per consequens spirandi difficultas necessario induceretur, neq; tunc vox edi posset, cum non esset, quod resonaret; Secunda est, quòd si potus in ventriculum non proficisceretur, cibi sicci atq; solidi, incocti permanerent, neq; distribuerentur per corpus. Tertia & vltima ratio est, quod si rerum potulentarum ductus non esset in stomachum, sequeretur medicamenta purgantia non posse purgare. Quibus habitis, concludens antiquissimus Auctor, inquit, potum in ventriculum descendere; inde rursus in vniuersum corpus distribui. Quòd si potus in vniuersum corpus distribuitur, cum hic idem per vrinam, & sudorem excernatur, clarissimum est ex Hippocrate, vrinæ materiam esse ipsummet potum.

Ex Aristotele quædam citat Mercurialis, quæ sanè vix ad rem pertinent. Galeni auxilium implorans, obliquè satis quasdam eius sententias citat: & primò locum libri 1. de facult. natural. cap. vlt. contra Lycum, vbi Galenus ait, vrinam esse id totum quod bibitur, excepto paucò quodam, quod vel per aluum, vel per sudorem, vel per insensibilem transpirationem eiicitur. Consimilem doctrinam habet libro de Atra Bile cap. 2. Libro 5. de vsu part. cap. 6. eandem confirmat doctrinam, inquiens: Quomodo fiat excrementorum cibi excretio, iam dictum est, potius verò excretio, quam vrinam appellant, deinceps dicendum quomodo fiat. Lib. 6. Epidem. Comment 5. tex. 15. scribit, quòd cum corpus nostrum naturaliter dispositum est in generandis succis, tunc potus commutatur, colore inficitur, atq; sic vrinarum differentias facit: cum verò præter naturam se habet, vrina tunc simillima est potui. Tandem lib. 10. de simpl. medicament. facult. Titulo de Sudore, Vrinam, & Sudorem ex potu fieri docuit.

Mercurialis obliquè citat Aristoteli, & Galenū ad probandam suam opinionem.

Rationibus, & autoritatibus hætenus deductis Mercurialis vsus est, vt omnibus persuadeat, vrinam esse solam potulentam.

Mercurialis refellitur.

substantiam. Quæ sanè sententia nunquam à Medicinæ Principibus excogitata fuit : & loca ex illis à Mercuriale in medium allata solummodò indicant , Hippocratem & Galenum docuisse , potulentam substantiam esse id, ex quo potissimum vrina fit, non quòd denegent vrinam nullà alia constare substantia , quàm potulenta. Nam omnis vrina naturalis , & aquosà substantiâ , & bilioso sero aut excremento constat , cùm naturalis vrina debeat esse aut subpallida, vel subruffa, vel subflaua; quæ tinctura non à potu , sed à bile procedit. Proinde Galenus loco citato lib. 10. de Simpl. medicam. facult. Titulo, Sudor, ait: Vnus & hic est humorum in animantis corpore prouenientium , & eandem habens materiam, quam vrina; & eundem generationis modum. Siquidem utriq; bibito humore constat generatio , ex calfacto simul in corpore, & bilioso nonnihil substantiæ adepto: Verùm sudor est plus elaboratus, utpote qui ad cutem vsq; permeatis omnibus, quæ inter sunt, partibus , peruenit. Attamen sudores inter sese , & vrinas, differre necesse est, tum pro animalium temperaturis , quæ & naturâ , & per ætates non parum à sese inuicem sunt diuersæ , & pro præcedente victûs ratione . Subsequentibus verbis docet ille , vrinæ , & sudorum differentias adhuc manare à Regione, in qua versamur, ab anni tempore , & à Cæli statu , seu ab aëris nos cingentis temperie; cùm ab his, & alijs causis, vrinæ mutantur. Et deinceps inquit Galenus: Cùm ergo sermo fuerit de vrinis, aut sudoribus, aut bilibus, aut sanguine, aut pinguedine, aut adipe, aut quopiam in corpore nato , diuidentibus videlicet nobiseas , quæ in animalibus visuntur, differentias, de sanis corporibus sermo intelligendus est , mediam propriæ ipsorum temperaturæ constitutionem habentibus. Sic ergo quod & sudor salisæ , & saluginosæ vocatæ qualitatis est particeps, gustûs testimonio probatur: Nam sæpenuerò nolentibus in os defluens , dictam qualitatem indicat . Sæpè veidè etiam non obscuram præfert amaritudinem. Attamen & color , eius naturam designat: Nam sicut vrina naturalis modicè est pallida, sic & sudor. Verùm id faciliè cognoscet in ijs, qui lauantur, cùm absque oleo strigili raduntur : nam sudor in cauo strigilis colligitur , colorem , quem dixi , simul & gustum præferens, ac euidenter salsedinem habens, sed obscure amaritudinem.

Sequenti Titulo, de Vrina , Galenus sequentia habet: Dictum quidem

*Sudores,
& vrina à
varijs cau-
sis mutantur.*

*Sud r sal-
sus, & sub-
obscure a-
marus est.*

*Sudoris
color,*

quidem est de tota eius (id est vrinæ) natura in Sermone de Sudore (immediatè iam transcripto). Diciturq; & nunc, quòd quanta est in animalibus bilis diuersitas, tanta item sit in vrinis. Atque omnes quidem (vrinæ) facultate sunt calidæ, sed plustamen animalium calidiorum: minis autem frigidiorum.

Vrina alia calidiores, alia frigidiores.

Sequenti Titulo de Vrina Humana, adhuc ait: At vrina hominis omnium propè aliarum vrinarum est imbecillima, exceptis Porcis domesticis, quibus execti sunt testes. Nam illorum similis est totius corporis temperatura temperiei hominum, & vrina similiter debilis. Verùm montanorum aprorum valida est, vt etiam ex odore apparet, qui utiq; acerrimus est. Sed & in alijs animalibus ex odoribus vim eius conijcere liceat: nam vrinas illas degustare planè est abominandum, cum ne pueri quidem vrinam, vir quidam honestus vita pariter ac moribus ebibere sustinuerit, cum pestiferè ægrotaret in Syria: vbi, cum multi vrinam puerorum, simul & virorum, haussissent, sese hinc seruatos credebant. Caterùm vrina hominum, vt siquid aliud, extergendi vim obtinet: quòd cum alij multi satis indicant, tum maximè fullones, qui sordida vestium eà expurgant, atque extergunt. Hanc eius vim cum & Medici conspexissent, pso-

Porci domestici castrati temperamento humano similes.

ras, & lepras eà detergunt: perfunduntq; vlcera, tum multa humiditate, tum sordibus, & impuritate scatentia, ac multò magis vbi putridum quiddam obtinent. Sed & pudendis, vbi sic afficiuntur, vrinam infundunt, & auribus pure fluentibus. Quin & furfures, & achores eà curant, capiti identidem perfundentes. At nos hæc facere odimus potius, cum ad manum sint, quæ illis conducant, alia medicamina. At vlcera digitorum, pedis maximè, quæ ex illusione atq; offensione essent inflicta, sæpenuerò, vbi nimirum phlegmone carerent, & ipse curauì, eaq; in seruis, & hominibus rusticis, quos iter ingredi absq; Medicis erat necesse. Siquidem linamento (uōto Græci vocant) vlceri imposito, ac insuper linteò circumuoluto, ac ligato, quories meiendi incesset cupiditas, in digitum

Vrina potus multos olim à Peste liberauit.

Vrina usus apud fullones. Vrina facultas in Medicina.

ferri vrinam præcepi, nec ante soluere, quàm benè esset curatus. Nam & si quem alium ruri sine Medico agentem, vrinam vlceribus perfundentem audissem, non vetui, vbi scilicet in partibus thorace inferioribus vsq; ad imos pedes vlcus constitisset. Siquidem vlcera aut capitis, aut faciei, vrina perfundi sinere auersabar. Attamen medicamentum, quòd ex vrina pueri conficitur, quòd quidam vo-

*Chrysocol-
la ad vlce-
ra sanatu
difficilia.*

cant chrysocolam, quia eo ad auri glutinationem vtuntur, ad vlce-
ra difficilia sanatu optimum esse assero. Fit autem id figura phiali
confecto mortario ex are rubro, habente pistillum eiusdem mate-
riæ, in quod meiente puero, pistillum circumages identidem, vt

*Chrysocol-
la conficien-
da modus.*

non tantum à mortario quid deradat, sed etiam à sese nonnihil de-
terat: id quod pluribus deinceps diebus peragitur, donec vrina
crassitudinem acquirat mellis. Faciendum verò id in Sole: nam
facilius in aëre calido eiusmodi ab are quid deteritur: aut si Sol ab-
sit, calidas esse ædes saltem conuenit. Hoc medicamento misto
ijs, quæ curandis vlceribus rebellibus sunt idonea, vtimur, vt di-
xi, ceu optimo: Nihil enim habet abominandum, perinde vt vrina
capiti, alteriue parti infusa. Nam quid commemorem vrinæ po-
tum? Scripsere tamen Medicorum quidam de subsidente in vrina
crasso illo videlicet, & albo, dicentes id mederi erysipelatis. Sanè
ea erysipelata, quæ ignea etiam nunc sunt, & reuera erysipelata, ca-
lidorum, & acrium medicamentorum omnino nullum iuuare po-
test: Quæ verò per refrigerantia remedia refrigère erysipelata, tum
hoc, tum alia multa medicamina digerentia adiuuare valent. Atq;
hoc quidem vti licebit, vbi non in facie, aut propè, erysipelas con-
stitit, verum in artuum quopiam, aut dorso, aut ventre. At vri-
nam pueri orthopnææ gratiâ cibere necessarium non est, cum sint
& alia medicamina, quæ huic medeantur affectui. Quin cum bi-
bisset quidam, affectu liberatus non est: vt non eximium quid præ-
ter alia possideat.

*Vr ne po-
tus i Me-
dicina a-
bominan-
dus.*

*Vrina bile
tingitur.*

Deniq; Galenus lib. 5. de Vsu part. cap. 6. confirmat, vrinam
biletingi, inquiens: At biliosi quidem excrementi, quicquid non
admodum crassum fuerit, cum vrinis permeat: sanguis verò carni
ipsi renum aspergitur, instar facis cuiusdam: inde iam paulatim va-
poris modò in totam ipsam dispergitur, adhærescit; atq; demum
alimentum fit renibus. Hic expressè Galenus ostendit, ab vrinæ
substantia sanguinem cum ea in renes delatum, eisdem renibus, ro-
ris ritu, affundi, rursus apponi; atq; demum assimilari, & vrinam
aquosa biliosaque substantia constantem illinc ad vesicam effundi.

*Renum
corpus cur
densum.*

Cap. 7. eiusdem libri 5. de Vsu part. Galenus sequentia scripsit:
Ne igitur cum vrinis per aliquot foraminum, quæ in renibus ha-
bentur, quemadmodum tenue biliosum, & ita sanguis elaberetur,
densum corpus eorum fuisse præstiterat. Præclarè his docet Gale-
nus,

nus, bilem per renum exiguos meatus ad vteros excerni; & sanguine vnà cum vrinæ materia ex emulgente arteria, & emulgente vena eosdem renes, absq; alterius sanguinis per alias venas delatione nutriri; vti in reliquo capite docuit.

Renes quò sanguine nutriantur.

Non solum Galenus, sed Aristoteles lib. 2. Meteor. cap. 2. & 3. faldedis, & amaroris excrementorum, & præsertim vrinæ, meminit: vti fecit Ruffus Ephesius, qui vrinam appellat nitrosum humorem in vesicam delabentem. Galenus lib. 2. de febrib. cap. 6. tres pituitæ species, dulcem, acidam, & salsam exponens, faldedis causam ad calorem extraneum referre videtur, inquit: Sicuti & altera species est falsa, aut propter putredinem, aut propter salsæ ferossæ humiditatis mixtionem. Aristoteles lib. 2. cit. Meteor. cap. 2. falsum sudorem, & vrinam ex commixtione variarum substantiarum, eo modo, quo lixiuium, fieri docuit; hac serie: Hic enim minimè constat, apertumue est, quoniam pacto è dulci potu falsus sudor proueniat, vtrum abeunte quopiam, ceu parte dulcissima solummodo, an permixto, quo modo in aquis per cinerem colatis euenit. Causa eadem & excrementorum generi, quod in vesicam colligi solet, competere videtur, quippè quod amarum falsumq; euadat, cum tamen, qui bibitur humor, & quem cibus continet, dulcis sit. Itaq; si vt aqua, quæ per cinerem transmittitur, amara sit, sic & vrina, atq; sudor amorem contrahunt: Vrina quidem, quod facultas eiusmodi vnà cum ea deferatur, qualis est falsilago illa, quæ etiam in vasis subsidere videtur: Sudor verò, quia facultas illa pariter cum eo è carnibus sequestretur, humore scilicet, qui sese foras promit, quod tale est è corpore ablucendo deradente: perspicuum est quod in ipso quoq; mari, quod in terrâ cum humore miscetur, falsitudinis causa est. Verum in corpore tale est pars ea cibi, quæ subsidet propter concoctionis vacuitatem: Quibusdam interpositis, contra quosdam sequentia profert: Quæ igitur falsitudinis causæ narrantur, rationem videntur effugere. Nos autem eodem, quo & prius sumpto initio dicamus. Cum enim halitum esse duplicem, alterum humidum, alterum siccum, positum sit, eum eiusmodi affectuum principium esse arbitrari oportere constat. Et quibusdam interpositis, ait: Quæ cum ita habeant, de falsore quoq; causam reddere enitendum est. Itaque eiusmodi saporem ob commixtionem quandam prouenire multis constat indicijs. Quod in cor-

Vrina quid Ruffo Ephesio.

Causa faldedis.

Salsedinis in vrina, & sudore causa, ex Aristotele.

Salsedinis causa.

in cor-

in corpore minimè concoctum est, id falsum amarūq; haberi potest: quod idem etiam prius diximus. Nam cibi humidi excrementum minimè concoctum est. Eiusmodi sunt sedimenta omnia, sed præcipuè illud, quod in vesicam delabitur. Cuius rei indicium est, quòd tenuissimum sit: quæ autem concoctionem admisere, constant, crassaq; sunt. Deinde sudor, in quibus idem illud corpus, quod hunc saporem parit, vnà cum superuacaneo humore excernitur. Pari modo & in hisce, quæ exuruntur, res habet: quod enim calor non euicerit, id omne in corporibus excrementum fit; in exustis, cinis. Quamobrem & mare è terra perusta factum esse nonnulli asserunt: Cæterum ita quidem dicere absurdum est: esse tamen ex tali factum, à veritate nequaquam abhorret. Nam vt & in hisce, quæ diximus, ita in ipso quoq; vniuerso (quod ex ijs, quæ nascuntur, atq; per naturam fiunt, non aliter quàm ex ijs, quæ ignem sentiunt, relinqui solet) esse terram talem animaduertendum semper est. Quinimò & omnem aridæ telluris halitum esse eiusmodi, putandum est; ea enim hanc ingentem halituum copiam suppeditat. Cum autem halitus vapidus cum arido permixtus (vt diximus) in nubem, & aquam cogitur, necessariò accidit, vt semper quædam non parua huiusce facultatis portio intercipiatur, & rursus pariter cum pluuiâ deorsum feratur, idque semper fiat ordinè quodam, quantum fieri potest, vt quæ apud nos sunt, ordinem participant. Vnde igitur in aquam salitudo proueniat; dictum est. Ob idq; imbres, tam quòs Auster affert, quàm qui Autumnalium primi sunt, falsiusculi sunt. Auster enim tam vehementiâ suâ, quàm flatu, æstuosissimus ventus est, & à calidis siccisque locis spirat: quare parum vaporis sibi asciscit, & proinde feruidus extat. Nam etsi eiusmodi non fit, sed vnde spirare incipit, frigidus habeatur, nihilo dum se longius protrahit, propterea, quòd multum siccus halitus è vicinis locis secum rapit, calidus est. At Aquilo, vt qui ab vlginosis flare locis soleat, vapidus est: idèòq; frigidus. Hic tamen, quòd nubes propellat, serenus est; in locis oppositis, pluuius. Pari modo & Auster Afris sudus est, nobis pluuiam importat. Talis igitur facultatis non parum aqua, quæ deorsum ruit, secum aduehit. Atq; per Autumnum falsi imbrès fiunt. Quæ enim plus ponderis obtinent, ea priora deferantur necesse est. Quare quibus eiusmodi terræ copia inest, ij celerrimè descendunt: ob idque mare calidum est.

*Imbres
Australes
cur falsius-
culi.*

*Aquilo,
vbi seren-
us, vbi
pluius.*

*Auster
quibus in
locis sudus,
quibus
pluius.*

Nam

Nam adusta omnia, potentiâ in se aliquid habent caliditatis: calcem, cinerem, sedimenta animalium, humidum, inquam, simul & aridum intueri licet. Et animalium, quæ ventres habent calidissimos, sedimenta calidissima esse usu euenit. Igitur mare hac de causa subinde falsius reddi solet. Et pluribus interpositis, inquit: Porro falsitudinem in rei cuiuspiam admistione consistere, palam est, non ex ijs tantum, quæ dicta sunt, verum etiam si quis vas è cera efformatum in mare demittat, obturato prius re tali osculo, ut nihil interhiet, per quod mare introfluat: quæ enim sese vasi per ceceos parietes insinuat aqua, potulenta euadit. Nam ut terrena portio, ita & quod falsitudinem sua admistione committit, sequestrari, cum percolatur aqua, affolet: id enim tum ponderis (falsa enim, quàm dulcis, grauior est) tum etiam crassitudinis causa extat. Etenim aquæ crassitudo corpulentiaq; tantam afferre differentiam potest, ut nauigia æquo rerum, quæ conuehuntur, onere pressa, in annibus ferè demergi videantur, in mari modicè sese, atq; ad nauigandum peropportunè habeant. Quamòbrem nonnulli eorum, qui in annibus naues onerârunt, ob eam ipsam ignorationem damnum subiere grauissimum. Quòd autem quippiam admistum sit, illud argumento esse potest, quòd eius moles crassiuscula est. Nam mare propè quasi lutum est, tantam rei corpulentæ copiam continet. Si, quis enim aquam indito sale vehementer falsam fecerit, in ea ova, etiam si plena sit, innatant. Hoc idem circa ipsa falsamenta moliri solent. Quòd si in Palæstina sit (ut quidam ferunt) lacus eiusmodi, in quem si à quopiam homo victus, aut iumentum iniiciatur, per summa natat, nec in aquis mergitur: is profectò testimonio fuerit hisce, quæ iam dicta sunt. Aiunt enim adeo amarum falsumq; esse lacum, ut piseis nullus innascatur; & vestimenta purget, si quis madefacta concusserit. Quæ omnia eorum, quæ diximus, signa sunt, nempe quòd corpulentum quiddam falsitudinem pariat, & quòd id, quod inest, terrenum sit. Et enim in Chao-
nia fons quidam aquæ falsiusculæ habetur, qui haud longè ab ortu in amnem dulcem quidem, at piscibus vacantem, influit. Nam, ut aiunt Incolæ, facta ab Hercule optandi, potestate, cum is ab Erythia yaccas abigens rediret, salem propiscibus elegerunt, qui ipsis è fonte fieri solet. Huius enim aquæ portionem quandam postea quàm decoxere, quiescere sinunt, quæ frigefacta, ubi vnà cum calore

Modus extrahendi aquam dulcem ex mari.

Naues onerariæ cur in mari bene nauigantes, in annibus ferè demergi videantur.

Ova etiam plena, in aqua multum salsa supernatant.

Fluuius in Palæstina mirandus.

*Fons mirus in Chao-
nia.*

*Vmbri quo
modo sa-
lem confi-
ciant.*

*Fontes cur
varia sa-
porum ge-
nera præse-
ferant.*

*Varij fon-
tes acidi.*

calore humor euaporauit: in salem non densum grumosumque, sed
niuis modo laxum atq; subtilem verti solet: quod genus salis imbe-
cilliolem, quàm cætera, virtutem obtinet, largiusq; adhibitum, gu-
stum ingerit suauem: colore item non æquè candido existit. Aliud
huic rei proximum Vmbri moliuntur; quendam .n. locum habent,
in quo arundines, & iunci enascuntur: quorum cinerem decoquere
aquâ soliti sunt; donec exiguum superfit humoris; qui vbi refrixit,
in Salis copiam euadere solet. Quicumq; autem amnium fontium-
ue fluxus falsi sunt, eos maxima ex parte aliquando incaluisse, dein-
de ignis principium extinctum fuisse, censendum est; Terram verò,
per quam transmissi colantur, cineris & calcis naturam adhuc reti-
nere. Sunt etiam plerisq; in locis tam fontes, quàm amnium fluen-
ta, quæ varia saporum genera præferunt: quorum omnium causam
esse igneam virtutem, siue facultatem, quæ in eis est, aut innasci-
tur, statuendum est. Nam terra dum ignem sentit, quod plus mi-
nus id pati soleat, varias saporum, colorumque formas contrahit:
quippe quæ aluminis, calcis, & cæterorum id genus virtutibus ple-
na reddatur: per quæ dum transmittitur aqua, quæ dulcis est, per-
mutari solet. Et quædam acescit, quo modo in Sicilia agro Sicani-
co euenire videmus. Inibi enim Oxalme (quam acidam muriam
interpretor) gignitur, qua, vt aceto, in quibusdam epularum gene-
ribus vti solent. Est autem & circa Lyncon fons quidam, cuius aqua
acida est. Circa Scythiam alius, qui amaras euomit aquas, quæ vn i-
uersum amnem, in quem incidunt, amarum reddunt.

Ex hac Aristotelis doctrina, veluti exijs, quæ antea ex Galeni
scrinio deducta sunt, abundè colligitur causa falsedinis, & amaro-
ris, aut alterutrius in vrinis. Chylus enim liquidus in hepar trans-
latus, hepatis calore, & virtute sanguificâ subigitur, examinaturque:
& pars terrea ad lienem relegatur; bilis meraca crassiorq; ad suum
folliculum hepatis adnexum, sanguis verò vnà cum sero in venæ ca-
uæ truncum. Vnde id, quod liquidum valdè, & veluti aqueum in
hepate alteratum, examinatumque fuit; cuiq; tenuior bilis portio,
siue bilis ipsius serum, vnà cum aliorum humorû serositatibus com-
mixtum est, tanquam quid inutile, ad renes, vt plurimum, amanda-
tur, modica verò eius portio vnà cum sanguine ad corporis habi-
tum. Et id, quod ad renes, vteretres, & vesicam, rursusq; per vesi-
cæ collum extra corpus traiecitur, vrina nuncupatur, ex varijs qui-
dem

dem commixta substantijs, cum per varios ductus & caniculos, in quibus diuersas est passa alterationes; & ex quibus aliquid hauit, permeauerit: quò fit, vt dispositionis hepatis, venarum, arteriarum, renum, vtererum, & vesicæ sit index, quod harum partium, sed præcipuè hepatis, excrementum extet; nequaquam verò primæ coctionis, vt asseruisse videtur Mercurialis. Si autem esset primæ coctionis excrementum, perfectionem, aut imperfectionem eiusdem primæ coctionis, & non secundæ, argueret. Præterea per intestina, & non per renes euacueretur. Ex ijs autem, quæ per intestina deturbantur, primæ coctionis status dignoscitur, vt passim in suis Operibus dicat Galenus.

Vrina cur non sit prima coctionis excrementum.

Quod Mercurialis de Aquis Mineralibus, & copioso potu protulit, nihil ad rem. Quoniam tametsi aquæ istæ per vias vrinæ quandoq; adeò claræ, ac puræ excerni videantur, ac assumptæ sunt, non ideò sola potulenta & aquea substantia, vrinæ materia censeri debet, quòd relatæ aquæ medicamenti, & non congruentis potus vicem gerant. Quare à natura, tanquam quid inutile deturbantur, veluti copiosus potus. Liquores etenim isti, quantitate, aut qualitate, aut vtroq; modo noxij, quia tenues, facillè in hepar transferruntur, & illinc ad instrumenta vrinæ attractioni & secretioni destinata. Sunt autem istæ excretiones præter solitam consuetudinem. Nam Aquæ istæ Minerales, & copiosissimus potus, à natura regi nequeunt, quia illæ ratione suæ alienæ qualitatis naturæ vim eludunt; copiosissimus verò potus propter excessum. Natura tamen vtroque potu, qualitate nimirum, & quantitate peccante, vexatæ, quòd potest perficit, dum aquam medicamentosam, aut mineralem, aliosq; liquores diureticos, per vias vrinæ excludit; sicuti redundantem potum. Supposito verò utramque, quòd in eadem ferme quantitate, qua dicti liquores assumpti sunt, redderentur, non proinde Mercurialis concludere debuit, solam potulentam substantiam esse vrinæ materiam. Hæ siquidem vrinæ vix naturales dici possunt, cum à natura liquor qualitate, aut quantitate peccans, vix dometur. Addamus & his abstemios ipsos vrinas reddere salvas, acres, amaras, aliorum hominum more, qui vino vtuntur: quod

Aqua minerales cur clara, ac pure excernantur.

Aqua minerales, & copiosissimus potus nequeunt à natura regi.

Mercurialis rearguitur.

Abstemij vrinas reddunt salvas.

argumento est, vrinam esse quid aliud à substantiâ potulenta distinctum. Aqua etenim pota insipida est, & frigida; vrina tamen salua, aut acris, aut amara. Salua porro omnia, amara, & acris, ca-

*Vrina enr
calida.*

lida sunt, teste Galeno lib. 4. de Simpl. medic. facult. Igitur cum vrina falsa sit, aut amara, aut acris, necessariò calida esse debet, sicuti lixiuium saltem, cui assimilatur. Quòd denuò ex sola potulenta substantia (etsi hæc sit præcipua vrinæ materia) non fiat vrina, patet ex eo, quòd animalia nonnulla extent, quæ meuiat, etsi bibere non consueuerint, inter quæ Cuniculos enumerant. Imò & ipse fætus non bibit, per vrachum tamen vrinam reddit. Licet ergo potissimum vrina ex potulenta, aut liquida materia fieri dicatur, humorum serum ad eius compositionem concurrit: & reuera humorum serū rectè tota ipsa dicitur. Sed hæc de hac Controuersia sufficiant.

DE VRINÆ SECUNDÆ.

*Vrina descriptio
Mercurialis.*

*Sennertus
non bene
percepit
sensum
Mercurialis.*

ANxij sunt multi de loco generationis vrinæ: Vnde quibusdam placet, eam esse primæ coctionis excrementum; alijs secundæ. In neminem quidem incidi Scriptorem, qui eam tertiæ coctionis excrementum esse affirmauerit. Mercurialis Cap. 2. & 3. sui libri de Vrinis, videtur (teste Sennerto) quodammodo velle, vrinam esse primæ coctionis excrementum, etsi non neget, potulentam substantiam in iecore alterari. Dixi, inquit, in iecore, & venis alteratam, propterea quòd licet potus, dum à ventriculo ad iecur demittitur, cum cibo permisceatur, nihilominus in iecore, & vasis efficitur ipsius alteratio, & permistio, quo tempore cibi etiam mutantur, sed aliâ, & longè diuersa mutatione. Paulò enim ante, vrinam hac serie descripsit Mercurialis: Nos verò dicimus, vrinam nihil aliud esse, nisi materiam potulentam, alimenti vehiculum, in iecore, & vasis alteratam, & permistam à calore naturali, aut præternaturali, tandemq; à renibus attractam, & in vesicam depulsam. Hæc ex Mercuriale deduxi, vt intelligeretis, eum non dixisse, vrinam esse primæ coctionis excrementum, vti perperam ei talem opinionem tribuit Daniel Sennertus lib. 1. Institut. Medic. cap. 9. Dixit sanè Mercurialis, vrinam esse alimenti vehiculum, non autem alimentum; eò quia ea pars potûs, siue materiæ potulentæ, quæ in nutrimentum vertitur, non efficitur vrina, sed solum pars illa, quæ peruchit cibum, quæque in iecore multis accidentibus spoliatur, multa etiam alia, ope iecoris, suscipit. Ecce Mercurialis clarè demonstrans, ex potulenta substantia, quæ nutritioni inepta est, effici

in iecore vrinam, quòd in iecore, & vasis alterationem, & commixtionem, ac integritatem ex diuersis rebus suscipiat: imò nec primæ coctionis meminit Mercurialis, vt ex his eius verbis cap. 2. constat: Omnes enim, qui hætenus de vrinis pertractârunt, visi sunt censuisse, vrinam esse excrementum; alij quidem iccoris concoctionis excrementum, alij venarum, alij renum existimârunt. Vnde patet, ipsum non tenuisse garruli Argenterij, & Salust. Saluiani opinionem, quæ talis fuit, vt vrinam primæ coctionis excrementum esse statuerent, ducti ex parte autoritate Galeni lib. 4. de Vsu part. cap. 5. à nobis superius citato, vbi Galenus ait: In vena caua multa adhuc humiditate tenui & aquosa plenus est sanguis: Vocat autem ipsum Hippocrates *ἵχνημα τροφῆς*, hoc est, vehiculum nutrimenti, simul cum appellatione vsum quoq; eius ostendens. Neque enim ex ventriculo in venas commodè transire potest chymus ex cibis factus, neq; facillè pertransire venas, quæ sunt in hepate, & multæ, & angustæ, nisi tenuis quædam & aquosa humiditas, tanquam vehiculum, fuisset ei admixta.

Argenterij, & Saluiani opinio de vrina.

Sed hic textus parùm fauet dictis Scriptoribus: Nam Galenus solummodò refert, tenuem, & aquosam humiditatem chylo commixtam esse, qua, tanquam vehiculo, chylus eget, vt in hepar per angustas venas transmeet. Hæc tamen tenuis substantia à chylo nullatenus separatur, sed ei omninò confusa est, & commixta, sicuti serum ipsi lactis: in hepate verò, in quo perfectior, quàm in ventriculo, fit alimenti coctio, excrementa melancholica, biliosa, & serosa ab alimento, sanguine ibidem procreato separantur aut loco, aut aliter: bilis quidem, & melancholia loco separantur, cum vterque humor in proprium receptaculum trahatur: serum verò sanguini adhuc confusum est, non tamen intimè, sed eo modo, quò facultatæ ingesti cibi partes ipsi chylo iam confecto: sanguini enim serum veluti supernatat. Vnde tametsi in venis vnà cum sanguine contineatur, reuerà tamen serum, & sanguis, res sunt diuersæ, quæ facillè ab inuicem segregantur: vt fieri videmus, quoties sanguis extractus refrigit. Et posito, quòd aquosa substantia esset in prima coctione genita, vrina proinde primæ coctionis excrementum dici non posset, cum non ex solâ potulenta substantia simpliciter in ventriculo alterata constet, sed hæc magis adhuc in hepate alterata, alijsq; rebus simul; vt i in anteriòri dubio abundè docuimus.

Eorundem opinio excluditur.

In hepate perfectior fit alimentorum coctio, quàm in ventriculo.

Serum & sanguis, res sunt diuersæ.

Obiectio 2. Obijciunt vterius aliqui, cuiusvis coctionis duo dari excrementa, crassum vnum, alterum tenue. Ergo faeces sunt crassum, & vrina tenue primæ coctionis excrementum.

Solutio. Respondeo concedendo consequentiam quo ad faeces, negando quoad vrinam: nam tenue primæ coctionis excrementum est quid pituitæ assimilatum, quod ipsas faeces per intestina comitatur.

Obiectio 3. Obijciunt tertio, cuiusvis coctionis duplex solum esse excrementum, crassum vnum, alterum tenue, iuxta Galeni doctrinam lib. 7. de facult. natural. Ergo coctionis, quæ in hepate fit, duo tantum erunt excrementa, crassum vnum melancholia dictum, alterum tenue, fluida bilis.

Solutio. Respondeo, Galenum loquutū de excrementis, quæ immediatè, siue non longè post, loco separantur ab utili succo, non verò de ijs, quæ longè traiciuntur, cuiusmodi est serum, quod quia alicuius est vsus in sanguine, non citò separatur ab eo in hepate. Nihil ergo absurdi est, ex vna coctione plura, quàm duo genera excrementorum resultare.

Obiectio 4. Obijciunt quarto: Excrementum alicuius coctionis debet separari in eo loco, in quo fit concoctio. Ergo cum in secunda coctione, quæ in hepate fit, non separetur vrina à massa sanguinaria, non erit vrina secundæ coctionis excrementum.

Solutio Capiuaccij. Respondet inter alios Hieronymus Capiuaccius, sanguinem perfici quidem in cima hepatis parte, ibidem tamen non omninò depurari: nam licèt ab eo tunc separantur biliosus, & melancholicus humor, non proinde ab eo serum secernitur. Itaque quemadmodum in cima parte iecoris sanguini adimuntur bilis tenuis, & melancholia crassus succus, sic in gibba, siue conuexa hepatis parte ab eodem sanguine separantur serum tenuis humor, & crassus humor, ex quo in vrinis contentum fit. Atque adeò in vnica coctione quadruplex excrementum nascitur, separaturque: duo in prima coctionis parte, quæ in cima hepatis parte celebratur: & alia duo in conuexa eiusdem hepatis parte. Sanè si per verbum, separari, intelligatur serum, tanquàm quid heterogeneum, & à puro sanguine alibili diuersum, efformari clarius & perfectius in conuexa hepatis parte, quàm in cima, doctrina hæc admittenda est: si verò per separari, intelligatur, serum locum omninò diuersum occupare, doctrina est falsa. Nam donec à renibus attrahitur se-

rum, loco omninò à sanguine non separatur, sed sanguini supernatat, cum eoq; quodammodò confusum est. Et hac distinctione posita, commodè argumento satisfit.

Ex his constat, quàm meritò rejiciatur communiter relata opinio, quæ urinam primæ coctionis excrementum esse statuerat. Secunda ergo sententia, quæ urinam secundæ coctionis in hepate, eiusq; venis celebratæ excrementum esse statuit, mordicè amplectenda; ut rationes superiori dubio propositæ ante finem, & propè finem, plenè persuadent. Galenus quidem lib. 3. de Symptom. caus. cap. 2. manifestè docuit, tria excrementorum genera redundare per coctionem in venis factam, bilem nimirum vtramq;, & serum; atq; hoc à renibus attrahi, sicuti à vesica iccinori adiacente bilem amaram, & atram bilem à liene. His manifestè docet Galenus, tria excrementa in hepate in sanguinis generatione nasci. Galenus etenim tria illa excrementa in venis hepatis, huius virtute concoctrice, generari voluit. Nam ab omnibus communiter conceditur, bilem flavam & nigram in hepate procreari. Ergo cum dixerat Galenus serum pari modo in venis procreari, voluit absq; dubio ipsum in hepate suam suscipere generationem: quoniam hepatis par est, & non venæ, quod vim habet generandi sanguinem, hæc is in venis generetur; in quibus ipsa eiusdem hepatis virtute si heterogeneorum segregatio quædam, etsi aliqualis extet in iisdem vasis omnium heterogeneorum, propter loci angustiam, confusio, donec tempestivè excludantur, locoq; segregentur, quæ inutilia sunt. Serum autem non ita à sanguine segregatur, ac melancholia, & bilis; Primò, quia serum vsui est vltiori, cum sanguis non posset extra venæ portæ angustas radices in perangustas venæ cavæ radices effundi, & permeare; nec illinc extra hepatis in venæ cavæ truncum transfundi, nisi feri ipsum vehentis ministerio: Secundò, quia quæ liquidiora sunt, liquidis commixta difficiliùs secernuntur. Sed serum, quod fluido sanguini, dum generatur, commixtum est, tenuè est, & melancholiâ, ac bile multò liquidius: quare paulò difficiliùs à sanguine separatur, quàm bilis, & melancholia. Hæc veritas patens est in ipsa bile, quæ non integrè ad cystim fellis ablegatur; sicuti melancholia ad lienem, sed aliqua eius portio in venis, vnà cum sanguine tranat: quæ rursus vnà cum urina ordinariè evacuat.

Vera sententia.

Triplex excrementum in hepate, in sanguinis generatione nascitur.

Bilis flava, & nigra in hepate procreatur.

Serum non ita separatur à sanguine, ac bilis, & melancholia, duas ob causas.

Rationibus, vt innui, superiori dubio, probaui vrinam non esse solam potulentam substantiam, sed ex varijs rebus in hepate generari: adeòq; eandem vrinam esse secundæ coctionis excrementum.

Obiectio.

Obijciunt tamen frigidè aliqui Galenum, qui lib. 4. de Sanit. tuen. cap. 17. vrinam appellat venarum, & arteriarum excrementum. Libro etiam 1. de vsu part. cap. vlt. vrinam potionis excrementum nominat. Ergo, inquiunt, iuxta Galeni doctrinam, Vrina est excrementum nullius coctionis.

Solutio.

Solutio ex dictis facilè colligitur, Vidimus enim paulò ante, Galenum docentem, tria dari venarum excrementa, bilem videlicet vtramq; & serum: cum tamen secundæ coctionis, vi hepatis celebratæ, sint excrementa. Galenus ergo hepatis excrementa, serum, venarum, & arteriarum excrementum appellat, non quidem, quòd venæ tale efficiant excrementum, sed quia in venis sanguis ab hepate generatur, eiusdemq; hepatis virtute, in ijsdem venis heterogenea efformantur, separanturq; à sanguine homogeneo, & ad corporis nutritionem necessario.

*Galenus
quo sensu
serum ve-
narum ex-
crementum
vocaue-
rit.*

Scri vsus.

Et quanquam de venis & arterijs extra hepar sitis loqueretur Galenus, intellexit tamen, serum adhuc, instar vehiculi, vtriq; sanguini, venali nimirum, & arteriali, prodesse, rursusque, tanquam quid inutile, ad renes deriuari. Atq; adeò, cum in venis, & arterijs serum aliquandiu moram contraxit, tum propter dictum vsum, tum quia nullum alibi receptaculum habuit, donec à renibus ex vena magna & aorta allectum est, dici potest venarum & arteriarum excrementum; veluti & ipforum renum, & vesicæ, propter moram vtrobiq; contractam. Præterea Galenus libro 4. cit. de sanit. tuen. nihil tale habet: imò vndecim capitibus tantum liber ille constat. Nō ulla sanè notatu digna de vrinis, & sudoribus cit. lib. cap. 4. refert Gal. sed quod obiectum est, ex cap. 12. lib. 1. de sanit. tuen. erutum est; etsi parum fideliter: Nam inibi expressè non dicit, vrinam esse venarum, & arteriarum excrementum, sed esse iecoris, venarū arteriarumq; excrementum. Repetamus, inquit, ea quæ inter initia præmōstrauimus, nèpe quòd comēsse, bibereq; nobis necesse est, propterea quòd è corpore nostro aliquid semper defluit. Cum verò edendum nobis, bibendumq; sit, necesse rursus est excrementorum excernendorum curam haberi. Horum verò cum variæ sint species; aliæ eorum, quæ in ventriculo perficiuntur; aliæ eorum, quæ in iecore, arterijs, & venis, aliæ eius, quod per

*Cibi & po-
tus necessi-
tas.*

singula membra distribuitur, alimenti, sanè cuiusq; suam esse vacuationem oportet: sicuti id ipsum ab initio natura instituisse videtur, quæ instrumenta animalibus contulit, alia quæ excrementa ipsa expurgent, ac separent, alia quæ deducant, alia quæ in vnum colligant, alia quæ excernant. Et paulò post ait: Quod autem in venis & arterijs excrementum aceruat, eiusmodi planè est, quale in lacte concreto serum. Hoc renes à sanguine secernentes, ad vesicam transmittunt. Ea porro (id est vesica) id colligit seruatq; ad eundem fermè modum, quem de sicco excremento (fæces in prima coctione ad intestina demissas intelligit) supra retulimus. Hic Galenus triplicis coctionis excrementa enumerans clarè supponit, iecoris venarum, arteriarumq; excrementa quasi eadem esse, etsi magis peculiararia iecoris excrementa recenseat bilem, & melancholiam, sicuti fæces primæ coctionis, nullâ factâ mentione tenuis eiusdem primæ coctionis excrementi, vti aliàs fecit. Non ergo hinc colligi potest, Galenum voluisse vrinam esse venarum, atq; arteriarum excrementum; sed iecoris primariò, secundariò verò venarum; sicuti & ipse sanguis primariò hepatis est opus, secundariò autem, & impropiè venarum.

Excrementorum varia species. Instrumenta varia condita à natura pro excrementis.

Serum quæ ratione hepatis, & quæ ratione venarum excrementum dicatur.

Vltra hæc expressè Galenus citato iam loco varia esse refert excrementorum instrumenta; quædam, quæ expurgant ac separent, alia quæ deducunt, alia quæ in vnum colligunt, alia quæ excernunt. Sanè inter hæc instrumenta meritò numerandæ sunt venæ; quæ, præterquàm quòd sanguinis delationi atq; conseruationi destinatæ sunt, serum, & reliquas sanguinis superstites superfluitates colligunt, deducuntq; potissimùm ad renes. Proindeq; non immeritò serum ipsarum excrementum dici potest; cùm in ipsis ipsum contineatur aliquo temporis intervallo, ex eisq; tanquam ex hepatis ductibus, renes idem alliciant.

Quod obiectum est; vrinam esse potius excrementum, nihil ad rem. Nam certum est, vrinæ præcipuam materiam esse potulentam substantiam, vt in superiori dubio libenter admisimus. Potus ergo, siue potulenta substantia, est causa materialis, eaq; præcipua vrinæ, nequaquam verò efficiens, cùm hæc sit hepar.

Potulenta substantia est causa materialis vrinæ, non efficiens. Instàtia de Sudore.

Sed vrgebit vltèriùs aliquis: Si vrina est secundæ coctionis excrementum, similiter & sudor; quoniam eandem habent materiam, vt testatur Galenus lib. 10. cit. de Simpl. med. facult. Ergo vel sudor

dor erit secundæ coctionis excrementum, vel vrina erit excrementum tertiæ coctionis, quod nemo hæcenus dixit, sicuti nec sudorem esse secundæ coctionis excrementum.

*Solutio
Nauarri.*

Nauarrus respondet, sudorem aliquid distinctum habere, ab vrina, quod in tertia coctione generationem accipit; & ideo eundem sudorem non posse dici excrementum secundæ coctionis, veluti vrinam, quæ nihil continet ex tertia coctione, sed solum, quod nascitur in secunda, quæ à iecore fit.

Hæc solutio non videtur satisfacere.

Sed hæc solutio satisfacere non videtur: quoniam ex Galeno eadem est materia sudoris, & vrinæ, & quod plus est, iisdem qualitatibus, quibus vrina, dotatus est & sudor; vt patet ex eodem Galeno lib. 1. de Sanit. tuen. cap. 12, vbi excrementa tertiæ coctionis exponens, ait: Reliquum excrementorum genus in singulis animalis nascitur particulis ex ipso, vnde aluntur, succo: aliud quidem, cœu semicoctæ quædam reliquiæ, quæ assimilari nutriendæ parti nequirent: aliud quod prius transmittendi alimenti fuit vehiculum, nunc functum officio, humidum tenueq; superest: quale nimirum serosum illud iam dictum; quod ex vasis (id est venis, & arterijs) in vesicam defluit. Huic excremento, nullus certus à natura præscriptus meatus est: expellitur tamen partim actu per ipsa molliora corpora, quæ fluentis eius violentiæ cedunt, potissimum cum à spiritu maiore impetu irruente impellitur, partim etiam per exiguos omnes corporeæ molis meatus, *πύρες* Græci vocant, quorum non modo reliquum corpus vniuersum, sed etiam tota cutis plena est. In hoc contextu satis apertè Galenus sudorem vrinæ consimilem esse docet, vti textu à nobis in antecedenti dubio ex libro 10. de Simpl. medicament. facult. transcripto plenè satis docuit.

*Cutis poris plena.
Sudor vrinae consimilis.*

Vera solutio.

Quid ergo respondendum? Sanè meo iudicio alterutrum subsequendum: Sudorem nimirum esse secundæ coctionis excrementum, quod sui generationem, cum sit seri humorum portio æquè benè ac vrina: esse verò tertiæ coctionis excrementum, si consideremus locum, per quem euacuatur, habitum videlicet corporis, & cutem corporis vniuersi sentinam; non secus ac fæces intestinorum, vrinam vesicæ, excrementa dicimus; quia immediatè per has partes hæc excrementa, quorum eadem partes vltima sunt receptacula, euacuantur. Vel certè dicendum erit, sudorem esse tertiæ coctionis excrementum absolute, quatenus ex sero, & quibusdā tertiæ coctionis excrementis constat.

CAPUT III.

De Vrinarum Differentijs.

Species, siue differentiae vrinarum ex varijs desumuntur capitibus: quædam à substantia vrinæ; quædam à coloribus vrinarum; nonnullæ à contentis in vrinis. Et hæc sunt tria præcipua capita, ex quibus rimari solent Medici solemniores vrinarum species. Et quidem iuxta Galeni præceptum rationi consonum lib. 4. de sanit. tuen. cap. 4. vbi sequentia leguntur. Æstimare præterea vrinæ tum consistentiam, tum colorem oportebit. Sed nec, quæ in ea pendent, nec sidunt, prætermittere conueniet, sed omnia perpendere. Minoris momenti differentiae ab alijs desumuntur rebus: quantitate nempe, odore, sapore, sono, & modo excretionis. Aliæ leuioris momenti differentiae. A sapore non venantur Medici differentias vllas; quoniam turpe esset agrorum vrinæ libare, cum nefas sit sanorum degustare, tamen si Medicis exprobre- tur, opponaturq; à maledicis vsitatum hoc conui- tium:

Stercus & vrina, Medicorum fercula prima.

Sufficit ergo, quod ex sudoris sapore egrorum relatione detecto, venati fuerint Medici vrinæ saporem esse modò falsum, modò amarulentum, modò acrem, modò mixto ex his sapore præditam. Nec parum lucis in hoc Medicis attulit relatio multorum, qui suas, & puerorum vrinæ, instar medicamenti hauserunt.

Inutilis est soni in meiando obseruatio. Vnde ex sono nullæ videntur colligendæ differentiae.

Non tamen inutiles sunt ad Prognosim differentiae, quæ à modo excernendi vrinam desumuntur. Nam guttatim, & stillicidij instar, vrinam reddere, est stranguria laborare, quæ ab obstructione vrethræ, aut fæsedine, acrimoniaue, aut ab expultricis facultatis imbecillitate, vt plurimum proficiscitur, vt in Praxi (Deo annuente) Capite de difficultate mingendi, exactiùs demonstrabo. Facilitas meiendi stranguriæ opponitur; & ni fuerit Diabete, aut ex relaxatione sphincteris vesicæ procedat, vtilis est, vt pote naturæ cõgrua.

Differentiae ab odore vrinæ sumptæ pariter prosunt. Nam vrinæ quandoq; fætidae persentiuntur, aliàs suauissimi sunt odoris: non raro odoris grauis, & insuauis, ac inexplicabilis.

Tria præcipua capita, ex quibus vrinarum differentia desumuntur.

Aliæ leuioris momenti differentiae.

Medici vnde vrina sapore venati fuerint.

Stranguria causa.

Differentia vrinæ ab odore.

*Differentia
vrina à
quãtitate.*

Differentiæ à quantitate desumi possunt. Nam non parum refert scire, vnde magna vrinæ copia procedat: & vnde parcitas.

Cæterum præcipuæ, vt dixi, vrinarum differentiæ è tribus fontibus potissimum, vrinæ substantiâ, eius colore, eiusdemq; contento desumuntur: de quibus accuratè, distinctis Sectionibus, nobis agendum est.

SECTION I.

De Differentijs Vrinæ, à substantia desumptis.

*Quid substantia
vrinae nomine
hic intelligatur.*

*Tres differentie
vrinae à substantia
desumptæ.*

*Tenuis
vrinaque.
Crassa vrina.
Mediocris
vrinaque.*

*Mediocris
vrina quomodo
nonnunquam
crassa, alias
tenuis
appellatur
ab Hipp.*

Non hîc substantiæ nomine intelligendum venit substantiæ genus, quod primum constituit Prædicamentum, sed modus quidam rei corporeæ, qui consistentia quibusdam dicitur, cuius ratione res dicitur tenuis, aut crassa, aut mediocris cōsistentiæ. Cum ergo vrina sit corpus quoddam, qualitate hac, siuè modo, prædita esse debet. Adeoque vrinæ tres erunt constituendæ differentiæ, à substantia siue consistentia desumptæ. Vna tenuis dicitur; huic opposita, crassa: media inter crassam & tenuem, mediocris. Tenuis vrina dicitur illa, quæ rarioris & exilioris est consistentiæ; adeò vt radij visorij eam faciliè penetrent. Crassa, ex aduerso, est illa, quæ densitatem habet immodicam, ita vt radij visorij vix per eam penetrent. Mediocris vrina dicitur illa, quæ in benè sanis conspicitur; quoniam nec tenuis est, nec crassa, absolutè loquendo, sed mediæ consistentiæ inter tenuem, & crassam. Dixi, absolutè, quia alicubi Hippocrates mediocrem vrinam tenuem vocat, aliquando verò crassam, non absolutè, sed facta comparatione cum extremis, tenui nimirum, & crassa. Nam mediocris vrina, si cum crassa comparatur, tenuis dicenda erit: si cum tenui, crassa; non quòd in se tenuis sit, aut crassa. Hanc doctrinam confirmat Galenus lib. 4. aphorism. 69. inquiens: Quæ enim vrinæ secundum naturam sunt, non simpliciter tenues consistunt, sicuti neq; crassæ, sed medium tenent inter vtrumque excessum; & cum mediocritatem habeant, crassiores quidem sunt, atque dicuntur, aquosis; tenuiores verò grumosis. Pro crassa mediocris etiam à Galeno accipitur lib. 4. aphor. 77. vbi ait: Quando vrina tenuis fuerit, haud secundum naturam venæ se habent: cum verò non tenuis extiterit, sed mediocrem habuerit substantiam (in quo significato crassam accipere

opor-

oportet hoc loco) ea quæ simul cum tali vrina excernuntur, circa renes aut vesicam, passionem ostendunt.

Non leuis est inter Medicos Controuersia de vrina crassa. Nam quidam Auicennistæ mordicus tuentur, vrinam crassam à turbida distingui: quia vident oleum esse crassum, sed perlucidum, & nul- latenus turbatum: Vinum similiter crassum est, & non turbatum: crystallus crassa est, & non turbida. Vnde colligunt, vrinam pari- ter crassam à turbida distingui.

*Auicenni-
sta vrinam
crassam à
turbida di-
stinguunt.*

Contrariam amplexi sunt sententiam quamplurimi, asserentes, vrinam turbidam & crassam esse rem eandem: & exempla illa de oleo, alijsq; rebus externis, nihil valere in rebus internis, seu cor- pori inexistentibus. Suam hanc sententiam tueri satagunt Galeni autoritate lib. 1. de Crisib. cap. 12. vbi videtur, vrinam crassam cum turbida confundere. Inibi siquidem in ipso capitis exordio, postquam mediocrem vrinæ crassitiem insinuauit, sequentia scripsit: Nam, quæ hac ipsa (id est mediocriter crassa) crassior est, aut te- nuior, coctionem imperfectam significat: Siquidem altera nondum in humorem conuersa est (id est, non est serum à natura aquea, & cruda in mediocrem consistentiam, vi caloris natiui, & concoctri- cis facultatis, redactum) altera verò adhuc conturbata est. Hic cla- rè crassam, & rursus turbatam vrinam tenui opponit.

*Dicta opi-
nio à mul-
tis explodi-
tur.*

Meo tamen iudicio, etsi hoc verum sit, nō proinde inferendum, Galeno placuisse turbidā, & crassam vrinam esse rem eandem: Quo- niam ex Hippocrate, quem sequitur Galenus, vt in progressu dice- tur, datur vrina nigra, quæ tenuis est: etiamsi talis vrina turbida dici mereatur, quod ex humoris atrii & melancholici commistione talis fiat. Sed his omisiss, dictas differentias ab vrinæ substantia desumptas, vlteriùs in alias species subdiuidere oportet.

*Vera sen-
tentia.*

Si vrinam tenuem secundum magis & minùs diuidere quis vel- let, in infinitum abiretur. Idem de crassa proferendum. Cum Galeno ergo lib. 1. de Crisib. cap. 12. satius est, vtramq; sequenti serie diuidere. Tenuis vrina duplex est; vna, quæ talis redditur excerniturque, & in matula talis remanet, id est, tenuis semper per- seuerat. Altera vrinæ tenuis species illa, quæ tenuis quidem reddi- tur, sed rursus fit crassa.

*Vrina te-
nuis du-
plex est.*

Crassa vrina in duas etiam subdiuiditur species: Vna dicitur il- la, quæ crassa mingitur, & crassa perseuerat. Altera est illa, quæ

*Crassa vri-
na duplex.*

ciassa mingitur, sed rursùs attenuatur, adeoq; tenuis fit.

Vrina mediocris non subdiuiditur.

Vrina mediocris consistentiæ in plures species non distribuitur: nam, quod moderatum est, vnum est, referente Oribasio, lib. de Vrinis cap. 1.

SECTIO II.

De Differentijs Vrinæ à colore sumptis.

Colorum octo differentia ex Gal.

Tot vrinarum differentiarum ratione coloris constitui possunt, quot dantur colorum differentiarum. Galenus libro 1. de Crib. cap. 12. octo proponit differentias vrinæ à colore desumptas: quæ sunt: alba; pallida; rufa; flaua; rubea; liuida; viridis; & nigra. Author libri de Vrinis sex tantum enumerauit: albam, pallidam, rufam, flauam, rubeam, & nigram. Actuarius lib. de differ-

Actuarius decem ponit colorum differentias.

rent. vrinarum, cap. 8. decem posuit differentias: Prima, est alba; secunda, spicea; tertia, aurea; quarta, crocea; quinta, rubea; sexta, vinea; septima, passca; octaua, veneta; nona, viridis; decima, nigra. Auicenna lib. 1. fen. 2. doct. 3. cap. 2. vndecim visus est ad-

Vndecim differentia colorum in vrinis ex Auicenna. Plato decem colorum differentias admittit.

mississe colorum differentias in vrinis. Primus color, est aqueus: secundus, citrinus, seu pale aris: tertius, verè citrinus: quartus, flauus: quintus, rufus: sextus, rubeus: septimus, citrangulus: octauus, igneus: nonus, croceus: decimus, albus: vndecimus, niger. Plato lib. de Natura, qui Timæus nuncupatur, vndecim pariter admittit colorum differentias, etsi inibi vrinarum differentias non perpenderat. Primum colorem rubeum, sanguineum appellauit: secundum, fuluum: tertium, purpureum: quartum, moreum siue luteolum: quintum, flauum: sextum, pallidum: septimum, cæruleum: octauum, glaucum: nonum, viridem: decimum, nigrum: vndecimum, album.

Subdiuisio vrinae albae.

✱ Relatæ species vrinæ in alias adhuc subdiuiduntur, sequenti serie: Alba nimirum vrina, in albam simpliciter, & in albam remissè, quæ subalba dicitur, diuidi solet. Et rursus quælibet harum specierum in alias: vt alba in crySTALLINAM, quæ crySTALLI colorem æmuletur: Niueam, quæ niuis; & aqueam, quæ aquæ. Subalba diuiditur in lacteam, quod lactis colorem repræsentet, huicq; similis sit: in glaucam, quæ perluciditatem cornu habet: & denuò charopam, quæ colorem exhibet colori pilorum subalbidorum Came-

li, vel lapilli, vnguis dicti, similem; qui color cinerum colorem representat. Licet tamen subalbidum, siue remissè album; vocent aliqui lacteum colorem, verè tamen lac album esse videtur, cum aquam puram, quam simpliciter albam, veluti crystallum, & niuem, vocat Actuarius, albedine superet.

Pallidam rursus urinam in pallidam absolutè, & in subpallidam, siue mediocriter & remissè pallidam diuidunt. Pallida vrina, quæ & subrufa est, teste Galeno lib. 1. de Crisib. cap. 12. est illa, quæ Vini albi recentis, & aquosi colorem refert; qui quidem color similis est coloris aquæ puræ, cui tantillum bilis, aut parum ochræ, aut terræ lemnæ commiscetur. Vrina quidem aquosa, & consequenter alba, quæ paucum ichorem ex bili rufa susceperat, vel ex pallida maiorem quantitatem, meritò pallida nominari potest. Subpallida multò dilutior est, multòq; minorem recipit biliosum ichorem. Vnde assimilatur aquæ copiosæ, in qua mediocriter coctum fuerit per modicum hordeum, vt si in libra vna aquæ concoquerentur decem, aut duodecim grana.

Palearis siue spicea vrina est illa, cuius color similis est colori paleæ, aut spicæ triticæ maturæ. Huius vrinæ multi non meminerunt, quia eam cum pallida confundere solebant. Subpalearis siue subspicea vrina est illa, quæ colorem representat paleæ aut spicæ hordei; est enim color hordei multò remissior colore spicæ tritici: nam hordeum, quàm triticum, ad albedinem magis accedit, & albedine remotius est.

Rufa vrina plus tincturæ, quàm præcedentes, à bile suscipit; estque color rufus, qui puri auri colorem præ se fert. Huiusmodi vrina flammea quibusdam dicitur, quòd colorem flammæ habere videatur. Subrufa vrina, dicitur illa, quæ maturi citri, aut impuri auri colorem refert.

Flaua vrina similiter, vel simpliciter & absolutè talis est, vel remissè. Flaua absolutè est illa, quæ colorem habet consimilem colori aquæ, in quâ crocus diu infundebatur macerabaturue. Subflaua, siue remissè flaua, siue subcrocea, vrina est illa, quæ floris Carthami (est enim tanquam Spurius Crocus) aut aquæ in qua talis flos concoctus fuit, colorem refert.

Rubra vrina, vel absolutè talis est, vel remissè. Rubra absolutè Pomorum rubeorum, aut Cerasorum rubeorum colorem refert.

Sub-

- Subrubra.* Subrubra est illa, quæ Boli armeni colorem æmulatur.
- Cruenta.* Cruenta vrina vel talis est simpliciter, vel remissè. Cruenta absolutè est illa, quæ meri sanguinis colorem induit. Subcruenta vrina est illa, quæ colorem obtinet aquæ in qua caro cruda, & recentè mactata, lota est. Hæc autem lotura subrubea est.
- Vinea.* Vinea vrina talis est vel simpliciter, vel secundum quid: vinea absolutè dicitur illa, quæ nigro assimilatur. Subvinea est, quæ colorem æmulatur ipsius hepatis.
- Passæ.* Passæa vrina, simpliciter talis est, vel remissè. Passæa simpliciter est, quæ decocto Passularum in colore similis est. Subpassæa est, quæ colorem imitatur Cerasorum nigrorum.
- Veneta.* Veneta, seu ferruginea vrina simpliciter, dicitur illa, quæ colorem habet æruginis, aut pannorum, quibus Veneti nautæ vestiuntur. Subveneta non omnino æruginosa est.
- Viridis.* Viridis vrina, recentis herbæ, & præsertim Brassicæ marinæ colorem induit. Subviridis, colorem lapidis pretiosi, qui Smaragdus appellatur.
- Oleaginosæ.* Oleaginosæ vrina est illa, quæ oleo similis est. Suboleaginosæ, quæ non adeo olei naturam & colorem imitatur, quam malè quidam oliuæ apprimè maturis assimilant; quoniam hæ nigri sunt coloris, & non oleacei.
- Cyaneæ.* Cyaneam, seu cæruleam vrinam, post oleaginosam ponunt aliqui; estq; Cælestis color, qualis in Turchina visitur.
- Liuidæ.* Liuida vrina dicitur illa, quæ plumbi colorem obtinet. Subliuida siue punicea est, quæ carnis contusæ, seu violarum purpurearum colorem acquisiuit.
- Fuscæ.* Fuscæ vrinam inter liuidam, & nigram aliqui ponunt.
- Nigræ.* Nigra vrina est illa, quæ carbonis extincti, aut atramenti colorem habet. Subnigra est, quæ colorem æmulatur faciei eius qui diu ante Solem in loco aprico stetit.
- Satis exactè has omnes differentias ex varijs authoribus in tabulæ formam ante centum & quinque annos redegit Ioannes Vasseus Meldensis, in suo de Vrinarum iudicijs Tractatulo, typis commissio Lugduni apud Gulielmum Rouillium sub Scuto Veneto, Anno MD. XLIX. Impossibile tamen est, omnes vrinarum differentias à colore desumptas, assequi; quia color, vt superius tactum est, malus minusque suscipit. Quare Philosophus ipse, & Galenus, septem, aut octo

octovsitatoribus, & nobis notis, coloribus sunt contenti: cum ad hos, tanquam ad præcipuos, ceteri omnes faciliè reuocentur. De horum ideò causis, & Prognosi, in progressu, vt res postulabit, agendum.

SECTIO III.

De Differentijs Vrinarum, ex contentis erutis.

Contentum vrinæ in laxiori significato acceptum, est id omne, quod in vrina continetur, tanquam quid distinctum ab ipso liquore colorato. Et ita acceptum, multiplex est, vt videre licet apud Actuarium lib. de Different. Vrinarum, varijs Capitibus, & vt Vasseus superius citatus diligenter obseruauit. Sequenti ergo serie recensentur: Hypostasis siue sedimentum; Enæorema siue suspensum; nubes siue nubecula; bullæ; ramenta; frustula; laminæ; circulus; spuma; pinguedo; pus; arenæ; calculi; pituita; thrombus sanguinis; pili; squamæ siue furfures; semen; vermes. At verò propriè loquendo contentum est portio cruda alimenti, quæ in sanguinem non fuit conuersa, vt colligitur ex Galen. Comment. 1. Prognost. tex. ult. ubi inquit: Quicquid enim alimenti in sanguinis generatione naturæ refugit confectionem, subsidet in vrina, neque, vt sanguis, ab ea (natura) commutatum, neque vt pus præter naturam causæ particeps. Licet enim solius subsidentiae hîc meminisse videatur, quòd hæc frequentius, quàm nubecula, aut enæorema, appareat, contentum tamen in vniuersum intellexit; quoniam in sanis contentum omne ex crudo nascitur humore: sicuti in febricitantibus ex humore crudo, aut corrupto, qui febrem materialem efficit. Humor ille crudus ad pituitam reducitur, etsi lib. 3. de aliment. facult. cap. 6. à pituita distingui insinuet Galenus.

Contentum vrinæ in laxa significatione, quid, & quodplex.

Contentum propriè quid.

Contentum in sanis & febricitantibus unde nascatur.

Commodè ergo contentum in vniuersum diuidi potest in naturale, & præter naturam. Naturale dicitur illud, quod in vrina coctum apparet. Estq; triplex ratione diuersitatis loci: nam si ad matulæ fundum delabitur, sedimentum, siue subsidentia Latinis, Græcis hypostasis, dicitur: Si in medio vrinæ pendet, enæorema Græcis, Latinis suspensum appellatur: Si in suprema vrinæ superficie extat, nubes siue nubecula vocatur. Non sufficit, ad hoc vt contentum naturale dicatur, aliquem dictorum locorum occupare,

Contentum in vniuersum, naturale, & præternaturam.

Contentum naturale triplex.

sed præterea proba frui consistentia, & colore, & æqualiter consistere. Æqualiter consistere, est habere æqualem tenuitatem, aut crassitiem, secundum omnes sui partes. Hippocrates in Prognosticis bonitatem contenti sub nomine sedimenti exposuit, inquit: Urina autem optima est, si sedimentum candidum fuerit, læueque, æquale per omne tempus, donec morbus iudicatus fuerit. &c.

Contentum præter naturam quid.

Contentum præter naturam dici potest quoduis aliud à contento iam descripto diuersum, quemcunque situm in urina occupet. Locum quidem nebulae siue nubeculae occupant varia contenta præter naturam, ut circulus, pinguedo, instar olei supernatans: bullae quaedam, siue spuma, in medio pariter urinae, & in ima eius parte contenta, visuntur præter naturam: quae superius ut plurimum enumerauimus. Sed hæc de differentiis à contento desumptis sufficiant.

Contentorum varia complicationes fieri possunt.

Varias differentias, aut complicationes contentorum cum substantia urinae, & colore, proponit author libri de Urinis cap. 32. & sequentibus usque ad 39. quas quisque proprio Marte agnoscere ualeat, dummodo relatæ superius simplices differentiae, à substantia, colore, & contentis, ei plenè sint cognitæ. Potest enim urina, quoad consistentiam esse tenuis, & quoad colorem rubra: potestque esse tenuis & alba, cum contento alterius coloris.

Alia urinarum differentia.

Sunt insuper urinarum veluti quaedam differentiae, ab ætatibus, temporibus anni, & similibus alijs desumptæ, de quibus abundè Actuarius lib. 1. de Iudicijs Urinar. & nos in huius libri calce. Differentiarum ergo propositarum causas inuestigamus.

C A P V T IV.

De Causis Urinarum.

Instituti ratio non postulat, ut ipsius urinae causas hinc modò subiiciamus, cum tradendo urinae definitionem, eius causas quasuis abundè inuestigauerimus; pro causis ergo urinarum modò intelligendæ veniunt illæ, quæ enumeratas superiori capite differentias efficiunt, constituuntque: de quibus distinctis Sectionibus agendum.

S E C T I O I.

De Causis Differentiarum Consistentiæ,

Superiori Capite à differentijs vinarum à substantia desumptis auspicati sumus; quoniam in naturali vrina prius comparatur substantia, quàm color, qui accidens est substantiæ superueniens, substantiamue consequens: quanquam in vrinis præter naturam contrarium, quandoq; saltem, nasci videatur; colores nimirum prius comparari, quoties ex mixtione quorundam humorum cum vrina procedunt. Nam color tunc ab humore, qui vrinæ commiscetur, prouenit; atq; adeò eiusmodi color est præter naturam vrinæ. Verùm si alicui placeret, talis vrinæ substantiam siue consistentiam antecedere colorem, per me licet, cùm ipsa aduenientis commixtione, consistentia illicò emergat, quam sequi semper color debet. Hæc obiter dixi, vt significem, me rectè modò à causis differentiarum vrinæ, à substantia desumptarum, auspicari.

*In natura
li vrina
substantia
prius com-
paratur,
quàm color.*

Vrinæ ergo tenuis causa, est coctionis defectus; vt colligi potest ex Galeni monumentis; & manifestè ex libro de Vrinis cap. 2. vbi sequentia habentur: Prior quidem (id est vrina, quæ tenuis mingitur, & tenuis permanet) extremam indicat cruditatem: natura enim nondum coctionem tentauit; altera autem (id est, quæ mingitur tenuis, sed turbatur tandem, & efficitur grossa) quæ ex tenui reddita est turbida, indicat naturam iam primò aggressam esse coctionem. Et tenuis quidem vrina ita diuiditur, idq; quod dicimus, significat. Tenuitatem vrinæ ab eadem cruditate nasci docet Galenus lib. 1. de Crisib. cap. 12. inquiens: Nam quæ alba est (vrina) & quæ tenuis, & quæ turbulenta, cruditatem (significat). Sub principium eiusdem capituli, postquàm naturalis vrinæ condiciones declarauit, eandem doctrinam scripsit, aiens: Quæ quidem optimè est cocta, in ijs qui supremum sanitatis obtinent gradum, considerare oportet: talis enim est subrufa, & subflaua, magisq; subrufa, quàm subflaua: statim verò & hæc (id est naturalis) mediocrem crassitiem haber. Nam, quæ hac ipsa crassior est, aut tenuior, coctionem imperfectam significat: Siquidem altera (id est, tenuis vrina) nondum in humorem conuersa est, altera verò adhuc conturbata est. Hoc autem intelligere licet ex ijs, quæ tenues ac puræ ex-

Causa vrinæ tenuis.

Vrina optimè sanorum.

cernuntur, posthac verò vel remanent semper tenues, aut paulò post conturbantur; quoniam utræq; coctione carent. Eò autem differunt, quod altera (.i. vrina quæ tenuis excernitur, & tenuis permanet) nondum concoqui cœpit: altera verò, quoniam flatuosi Spiritus ipsi permixti sunt, perturbatio quædam, veluti in nouis vinis adhuc feruescentibus, inest. In contextu cruditatem tenuis vrinæ causam insinuat Galenus, aiens, quòd tenuis vrina nondum concoqui cœpit; siquidem, vt paulò ante retulit, nondum in humorem conuersa est: quasi diceret, ipsam nondum vrinæ naturalis debitam consistentiam comparasse, sed aqueam, & consequenter prætenuem, retinere. Docuit etenim in contextu, vrinam naturalem, quoad consistentiam, esse mediocrem, id est, nec crassam, nec tenuem, sed in crassitie, & tenuitatis medio stare. Hæc autem mediocris consistentia à perfecta manat coctione, cùm sit exquisitè sani hominis vrina; vt in contextu loquitur Galenus. Vrina verò hominis exquisitè sani debet esse probè cocta. Quò fit, vt vrina mediocris consistentiæ, & coloris subrufi, aut subflauī, quæ sano conuenit, cocta necessariò esse debeat: veluti tenuis, & crassa, à mediocri vrina, tanquam extrema, distantes, crudæ. Galenus siquidem comment. 2. Prognostic. tex. 33. hanc doctrinam confirmat, inquiens: At concoctiones crassiores reddunt non solum vrinas, sed etiam deiectiones, quoties benè in ventre concoquantur, & item screationes in pulmonijs, & costalibus, atq; etiam pituitas per distillationes, & grauedines, nec non per lippitudines, & pus in vlceribus. Ecce Galenus clarè demonstrans, vrinam mediante coctione debitam acquirere crassitiem.

*Mediocris
in vrina
consistētia
vnæ pro-
cedat.
Vrina me-
diocris cō-
sistentia
quæ.*

*Vrina ho-
minis ex-
quisitè sa-
ni cogita-
tione po-
tius, quàm
sensu per-
cipitur.*

*Duplex
sanitas.*

Antequam hinc discedamus, exponendus est Galenus, vrinam mediocris consistentiæ statuens eam, quæ est hominis exquisitè & optimè sani: quæ vrina optimè cocta est. Cæterum talis vrina cogitatione potius percipitur, quàm sensus iudicio, quia ipsa exquisita, optima, & inculcata sanitas, cui eiusmodi vrina tribuitur, cogitatione potius nostrâ, quàm actu, existit, teste ipso Galeno lib. 1. de Sanit. tuen. cap. 3. vbi duplicem proponens sanitatem, vnam summam, exquisitam, & simpliciter optimam, in qua nimirum æqua est contrariorum portio: aliam deficientem, quæ scilicet à prioris perfectione paullum abest, non tamen eatenus, vt animali grauis sit, primam, id est absolutam, cogitatione potius, quàm

quòd

quòd verè extet, vsurpandam esse docet. Vrina ergo illa naturalis à Galeno descripta, nusquam, nisi fortasse temporis momento, sicuti nec ipsa optima sanitas, cui tribuitur, sensui apparet, sed semper ab illa perfectione ad alterum extremorum declinans, iuxta cuiusvis temperamentum (quod ad iustitiam, & non ad pondus, concessum esse quotidianâ experientiâ dignoscimus) redditur; modò crassior, modò tenuior, modò coloratior, modò colore remissior.

Redeundum ad vrinam tenuem, cuius causam, cruditatem esse cum Galeno pronunciauimus. Cruditas quidem vrinæ, à varijs oritur causis, quæ ad duo reduci possunt capita. Prima causa, est imbecillitas facultatis concoctricis siue alteratricis. Secunda, est error in rebus nonnaturalibus commissus, qui in causa est, vt vrinæ coqui nequeant, etsi concoctrix facultas in se valida sit: vnde crudæ redduntur excernunturue. Vrinę tenues excernuntur in hydrope, cachexia, fluxu hepatico, hepatis obstructionibus, alijsq; affectibus, in quibus eius concoctrix facultas, quæ sanguifica dicitur, propter caloris natiui penuriam, & frigida intemperiei introductionem, labefactatur. Quotiescunq; ergo hepar, & venæ, impensius, quàm par est, refrigerantur, toties facultas concoctrix imbelior euadit: Et sicuti chylus non integrè, nec debitè, in sanguinem conuertitur, similiter nec aquosus liquor alimenti vehiculum, in probum serum conuertitur: nam non incrassatur, nec serositatibus rectè adiungitur. Videmus enim senum vrinæ ob intemperiem eorum frigidam, & facultatum imbecillitatem, omni ferè tempore tenues. Temperamentum similiter natiuum frigidum, tenues parit vrinæ.

*Cruditas
vrinæ à
quibus
causis pro-
ueniat.*

*In quibus
morbis v-
rinæ te-
nues ex-
cernantur.*

Est & altera interna causa tenuis vrinæ, obstructio nimirum, renum, vrerum, & colli vesicæ, siue meatus vrinarij. Dum enim lento humore, aut calculo, hæ partes, vel harum aliqua, obstruuntur, fit partis tenuioris vrinæ transcolatio; vnde tenuis eiicitur. Experimur autem perquam frequenter vrinæ excerni tenues propter dictarum partium obstructionem, absq; eo, quòd adsit vlla venarum, aut hepatis cruditas, contra quam voluit Vallesius lib. 3. Controuers. cap. 24. cum verius dixisset, vrinæ tenues ab hepatis obstructione ortas, tales non fieri sine eiusdem hepatis cruditate.

*Senum &
tempera-
mento fri-
gido prædi-
torum vri-
næ, cur se-
rè semper
tenues.*

*Causa in-
terna vri-
næ tenuis.*

Res nonnaturales dictæ, tenuitatem in vrinis non ratò pariunt, tamen si concoctrix facultas læsionem, saltem sensibilem, non patiatur.

*Res non-
naturales
vrinæ te-
nuis cause.*

tiatur. Vrina ideo vigilantium tenuis apparet, & est; quia concoctio alimentorum non probè fit, non propter læsionem sensibilem hepatis, sed quia spiritus influens in tanta copia ad hepar, & venas non effunditur, sicuti in ijs, qui somno recreantur, fieri consuevit. Præterquàm enim quòd tempore vigiliarum spiritus omnis, & calor, ad corporis superficiem concurrant, & rursus secundùm magnam partem extra corpus in ambientem aërem, multi spiritus ad cerebrum vergunt, vt horum auxilio facultates omnes in cerebro residentes, suas edant actiones. Non mirum ergo, si tempore immodicarum vigiliarum malè conficiantur in corporibus nostris alimenta: veluti quoties curis vexamur varijs, & principes facultates impensè occupantur.

Vrina vigilantium cur tenuis.

Alimenta copiosa, vrinæ frigida, & crassa, vrinam tenuem efficiunt.

Cibus deniq; in magna copia sumptus, numerandus est inter causas vrinæ tenuis. Nam tantus cibus concoqui probè nequit: pariter nec eius vehiculum cum sero humorum probè commiscetur. Vt enim alimenta alterentur, commisceanturque, necessum est ea esse calori natio proportionata. Agens enim, vt in passum debite agat, hocq; transmutet, certa requiritur proportio. Vnde calor natiuus hepatis, etsi valeat alterare, & transmutare mediocrem cibum in humores, & heterogenea ab inuicem segregare, nequit tamen immodicum alimentum subigere, examinare, & transmutare. Non mirandum ergo, si post assumpta copiosa alimenta, vrinæ exeant ténues, & crudæ: veluti etiam, quoties alimenta sunt potentiâ saltem frigida; aut crassa & frigida, difficilisq; concoctionis. Potus autem non commutatur, vt decet, vbi cibus non commutatur, teste Galeno libro 6. Epidem. comm. 5. tex. 15.

Aqua copiosa, vrinamq; album, cur vrinæ ténues red- dant.

Piætere copiosus potus aque, & vini albi, est causa vrinæ tenuis: copiosa aqua, quia non alteratur: vinum album, quia diureticum, adeoque cito ad vesicam tranat, nec moram in ventriculo, & hepate, nisi permodicam, contrahit. Vnde vrinæ, quæ sanguinis hepatis, & venarum certum indicat statum, est illa quæ eicitur, postquam sanguis ex cibo factus est, & in vasa maiora transmissus: præcedentes autem vrinæ, quæ ante alimenti in humores conuersionem eiecta sunt, veram coctionem non sunt passæ; vel quia sua magna copia, aut fluiditate, aut tenuitate, aut acrimonia, aut alia praua qualitate naturam ad sui exclusionem, ante tempus debitum stimulant, sollicitantque.

His positis ad causas vrinæ crassæ accedendum. Galenus cap. 12. citato libri 1. de Crisib. crassam vrinam, æquè ac tenuem, à cruditate prouenire docet. Sed hæc doctrina sano modo intelligenda est. Nam vrina crassa, quæ turbata redditur, non semper à cruditate procedit, sed multoties à coctione; vt videre licet in profluvio vrinæ critico. Tunc autem vnà cum ipso vrinæ liquore humor morbificus, non crudus, sed à natura concoctus; & planè mitigatus, excernitur: atq; adeò talis vrina turbida crassaq; necessariò conspicitur, non tamen cruda, sed cocta dicitur, vt colligere licet ex separatione contenti, quod mox ad matulæ fundum demittitur, & sedimenti bonas obtinet condiciones. In febre quãrtana expurgatur quandoq; criticè per vias vrinæ humor melancholicus; qui, tametsi nigrum magis, quàm album representet colorem, & crassam reddat vrinam, non desinit esse coctionis indicium; maximè verò, quoties ab vrinæ liquore ad matulæ fundum, citiùs, aut seriùs seponitur. Propterea rectè monuit Galenus Comment. 2. Prognost. tex. 32. non omnem vrinam crassam, malam ab Hippocrate dici, sed illam tantùm, quæ nimium crassa est.

Soboles ergo cruditatis, aut coctionis defectus, est illa vrina, quæ valde crassa aut turbida semper manet, cuiusmodi est illa quæ iumentorum vrinis similis est, quamq; Leo Roganus, & plures Medici Itali, subiugalem appellant. Hippocrates huius vrinæ meminit lib. 4. Aphorismor. 70. inquit: Quibus febricitantibus vrinæ turbatæ sunt, quales iumentorum, ijs dolor capitis, vel adest, vel aderit. Vrina verò istæ crassæ seu turbidæ, licet potissimùm tales reddantur ex permixtione crassorum humorum, tamen etiam tales fiunt ob amplitudinem atq; breuitatem colli vesicæ, vt ait Mercurialis post Aristotelem Problem. 36. Sect. 10. vbi dicit, iumenta idèò crassas vrinas eijcere, & non tentari calculis æquè ac homines, quia vesicæ collum habent amplissimum. Et quidem optimè hoc dictum: Vesicæ enim collum benè apertum dat exitum omni faci, & mucositati, non solum contentæ in vrina, sed etiam eiusdem parietibus adhærenti. Ob eandem rationem, videlicet ob breuitatem & amplitudinem colli vesicæ, mulieres vrinas crassas eijciunt, & rarò vexantur calculo, teste Hippocrate libro de Aere aquis, & locis.

Non est multum difficile mediocris consistentiæ causam in vrinis statuere, præpositis causis crassarum, & tenuium, ac clararum

*Vrina
crassa non
semper à
cruditate
oritur.*

*Vrina
crassa, quæ
mala Hip.*

*Quæ vrina
crassa à
cruditate
fiat.
Vrina sub
iugalis.*

*Vrina
crassa ca
pitis dol
ris indicium.
Vrina ta
les crassa à
quibus
causis fiat.
Iumenta
cur crassas
vrinas
reddant.*

*Mulieres
cur crassas
vrinas eij
ciant, curq;
rarò calculo
laborent.
Vrina re
mota consi
stentia cau
sa.*

vrinarum. Non alia quidem hæc est, quàm proba coctio, qua humores, simul ac humorum serum elaborantur, vt patet ex Galeno, lib. 1. de Crisib. cap. 12. supra citato, vbi non obscurè optimam depingit vrinam, & naturalem, cuius subsidentiam siue hypostasim deinceps in contextu his verbis constituit: Quantum autem ad vsum refert, facillimum inuenire est, quòd vrinarum, quæ secundum naturam se habent, terminus est in optimè sanis corporibus primum exquisitæ coctionis sanguinis tempus: & qui hanc fuerit contemplatus, deinde veluti regulam aliarum vrinarum sibi statuerit, quænam ipsam mutant dispositiones facillè inueniet. Nam si colorem exquisitè serauerit, subsidentiam verò albam, & læuem, & æqualem, & multam fecerit, sic quidem coctionis etiam Signum exquisitum fuerit; plus autem de humore, qui crudus nominatur, euacuari demonstrat. Propterea & in pueris omnibus ferè, & perfectam ætatem habentibus, qui ociosam vitam degunt, aut quouis alio modo repleti sunt, satis multam habent vrinæ subsidentiam; quoniam in his omnibus plus est de inconfecto, & crudo humore, his quidem propter desidem vitam, illis verò propter satietatem, pueris verò & ob satietatem (voraces enim sunt) & ob id etiam, quod vna ventriculi operatio non potest duobus simul sufficere, augendo scilicet, atq; alendo: antequam ergo in ipso sufficienter alimentum coctum sit, ipsum ad se corpus trahit, atq; hinc fit, vt plurimum crudi humoris coaceruet. Hæc quoq; causa est, vt ijs, qui ex otio, & repletione febricitant, si sanitati restitui debent, necessariò plurimum subsideat: contra ijs, qui ex inedia & labore, ruffæ quidem, & biliosæ vrinæ sunt: soluitur enim morbus prius, quàm aliquid subsideat, plerumque: Sufficit enim in his, & nebula alba, & suspensio bona, talis autem est alba, & læuis, & æqualis: nam & ex ipsis sanis, qui multum laborant, & pauciori cibo vescuntur, ijs sunt vrinæ biliosiores. Hæc Galenus; Ex quo liquet, quid sit vrina proba & naturalis in sanis, & quod sedimentum vrinæ sanorum sit humor crudus, seu pars chyli, quæ coctionem in hepate fugit, & in sanguinem mutari nequit.

✓ *Pueri, otiosi, & voraces, cur in vrina multā habeant subsidentiam.*

Ociosi & repleti febricitantibus, dum sanari debent, plurimum in vrinis subsidere necesse est.

S E C T I O . II.

De Causis Colorum in Vrinis.

*Color quid
Platoni.*

*Quid al-
bum, quid-
ue nigrum.
Colorum
generatio-
nes varia
ex Plato-
ne.*

VT rectius hæc res percipiatur, animaduertendum quod Plato in Timæo, de coloribus dicit: Est autem, inquit, color veruti flammula quædam fulgorq; à singulis corporibus emanans, partes habens visui ad sentiendum accommodatas. Præcipuæ ponit colores, album, & nigrum. Album est, inquit, quod visum disgregat: nigrum verò, quod congregat. Ex mixtione autem ignis cum aqua, seu ex extinctione ignis ab humore, colores varios generari refert. Sanguineus color, rubeus dictus, generatur ex igne spisso, & non corruscante (id est, non ex lumine) extincto ab humore. Splendidum albumque, rubeo mixtum, flauum procreat: mensura autem mixtionis, ut supra diximus, à Djs tantum cognita est. Rubeum cum albo nigroque, purpureum generat. Paulò obscurior pullus luteolusq; (ab Aristotele fuscus dicitur) fit color, quando his inuicem confatis adustisq; magis est adiuncta nigredo. Fuluum flauī fuscīq; temperatione producit. Fuscum verò albi & nigri confusione. Pallorem albi flauīq; copula generat. Splendidum albo adiunctum, plurimaq; obfufum nigredine, cæruleum efficit: Cæruleum cum albo, glaucum creat: Fului nigriq; temperie color viridis nascitur. Cætera fermè ex his omnia manifesta fiunt. Hæc Plato. Ex quo, & ex Aristotele lib. de Coloribus, non erit difficile concipere varias albi & nigri mixtiones.

His præpositis, in vrinis, non secus ac in reliquis omnibus, duos concipiemus oportet extremos, & omninò aduersos colores, album videlicet, & nigrum, ex quorum varia confusione reliqui generantur.

Si hæc benè percepta sint, non erit arduum deinceps tanquam certum obseruare, colorem album à frigore promanare, & nigrum à calore, maiori ex parte. Quapropter, qui colores ad nigredinem accedunt, maiorem denotant ardorem in vrinis, maximè si splendorem, aut fulgorem concomitanter habeant: qui quidem albedinem magis æmulantur, frigiditatis indicia sunt. Vnde conceptis omnibus colorum speciebus, à me superiùs ordinatim relatis, facillè erit vniuscuiusq; causam promptè depromere.

*Color al-
bus à fri-
gore, color
niger à ca-
lore vtriu-
scumque
promanat.*

*Aristotelis
opinio de
generatio-
ne colorū.*

Hæc doctrina est Platonis, loco cit. quam & Aristoteles amplectitur, qui lib. 1. de Colorib. cap. 1. inquit: Nam aër & aqua suoapte ingenio alba sunt: ignis contra & Sol flauo colore censentur: terra rursus naturâ sua albâ est: intinctionis autem causa multicolorem se ostendit. Id confessum facit cinis. Adusto enim humido tincturæ opifice, albus redditur cinis: sed non planè albus, quòd fumo scilicet intingatur, qui niger existit. Ob id & lixiuium flauum efficitur, eo scilicet, quod flammeū est, & nigrum, in aquam colorem inuehente. Atqui niger color consequitur elementa (loquutus est supra de simplicibus coloribus elementorum) quoties inuicem commutantur. Reliqui autem, medij scilicet colores, ex ijs facilè intelligi possunt, reciproca admistione superueniente. Hactenus Aristoteles, qui postquàm in contextu, varios modos, quibus aliquid cernitur nigrum, tradit, deinceps hunc refert Sermonem.

Niger color quando fit.

Tunc verò nigrum colorem effici vsui venit, cùm aer & aqua igne adusta sunt: propter quod & omnia adusta nigrescunt, sicut ligna & carbones extincto iam igne. Eodem modo nigrescit fumus exhalans à laterculo fictili, cùm insitum laterculo humidum secer nitur, & aduritur. Eadem ratio reddit fumum, qui à pinguibus adiposiq; prouenit, nigerrimum, oleo puta, pice, tæda: quòd hæc maximè adurantur, continuasq; partes faciant. Nigra quoq; illa fiunt, per quæ aqua effluit, cùm primo irrigatis, ac perplutis humidum exiccatur: quod in tectorijs parietum est animaduertendum: pari pacto & aquatici lapides, musco contacti primùm, mox arecentes, atrum colorem contrahunt. Ex coloribus igitur tot sunt, actales, qui simplices vocantur.

Nigredo licet ut plurimum à calore fiat; tamen & à frigore fieri potest.

Ex hoc Aristotelis contextu facilè colligitur, nigredinem aliquando fieri, in ò sæpiùs, à calore, aliquando verò frigore, quando aquea pars humoris desiccatur. Eadem est opinio Galeni cap. 12. cit. his verbis: Nigræ verò subsidentia, vel excedentem caliditatem, atq; igneam ostendunt, vel ex frigiditate vehementi mortificationem: sic enim & extrinsecus nostri corporis partes nigro affici colore videmus, partim scilicet ex nimio calore, ut qui se Soli æstiuo exposuerunt: partim ex vehementi frigore, & veluti mortuas: quemadmodum in senibus, aut quibuscunq; alijs supra modum refrigeratis. Ipsarum itaq; totarum vrinarum color niger: atq; enim eorum, quæ in ipsis suspenduntur: aut earum, quæ supra ve-

hunc

huntur, nebularum: ad easdem causas refertur, calorem scilicet immoderatum, aut mortificationem ex refrigeratione vehementi. *Vrina, nigra causa.*
 Pessima igitur est tota vrina denigrata, adeò vt neminem vnquam seruatum viderim ex ijs, qui talem vrinam minxerunt: minùs verò perniciofa, si solùm id, quod subsidet; nigrum fuerit: atq; adhuc minùs, si solùm id, quod in medio iacet: ac multò minùs etiam, si nebula. *Vrina nigra quæ pessima, quæque minus mala.*
 Color verò viridis fit in transitu ad nigrum, & est quoddam veluti proæmium nigri: nam si morbus malignus fuerit, & vomitionibus, & alui deiectionibus, & vrinis viridibus, postmodum nigræ superueniunt. *Color Viridis.*
 Color autem liuidus est solius frigiditatis affectus.

Galenus loco citato de Crisib. multa de alba vrina dicit, & de alijs intermedijs inter albam & nigram, his verbis, postquàm de vrinis crassis egit: Quæ verò ad summum incocta est, has omnes (id est vrinas turbatas) vincit: est autem aquosa exquisitè, neq; iam coqui incipiens, qualis turbulenta: neq; in spe, vt coqui debeat, sicuti quæ paulò post perturbatur: sed velut desperatæ coctionis accidens: quæ talis est, venosi generis passio existit; qualis est in ventriculo extrema ipsa cruditas. *Color liuidus à solo frigore fit.*
 Cùm verò etiam statim transcurrit, vocatur à nonnullis hydrops in matellam, alij diabetem, appellant; quidam verò alius antiquus in vrinas profluuium nominauit. Sed de nominibus alibi consideretur. Hæc igitur passio talis est, qualis circa aluum læuitas intestinorum, mortificatio (vt diceret quispiam) vtriusque virtutis, & retentricis, & alteratricis. *Vrina cruda quæ pessima.*
 At hæc inter omnes vrinas crudas pessima existit. Sed post ipsam est aquosa, quæ, quantum quidem ad cruditatem attinet, priori similis est: sed quia nullum aliud monstrat, minùs perniciofa: illa enim (id est, quæ diabetem facit) non modò virtutis alteratricis, sicuti alba & tenuis, sed & retentricis imbecillitatem summam significat: hæc autem (aquosam intelligit) alterius solius, alteratricis. *Hydrops in matellam, quid.*
 Quanto autem plures instrumentorum cuiusq; generis actiones, & vires impeditæ fuerint, aut ex toto perierint, tanto deterior est morbus: atq; idcirco pessimum est in vrinas profluuium, quoniam duplex est vitium. Praua autem sufficienter est, quæ tenuis & alba est, sicuti aqua: nam simplex quidem est dispositio, sed ultimæ est imbecillitatis indicium. *Vrina alba & tenuis quid indicet.*
 Huic proxima est altera vrina, quæ in multis apparet morbis, vt videatur mixtam habere formam vini

*Vrina vi-
no albo &
tenui simi-
lis genera-
tio.*

abundè tenuis, atq; albi: eius autem generatio est ex ea, quam nu-
per diximus, alba & aquosa, vt quæ paucum ichorem ex bili ruffa
susceperit, nam; etsi exterius in aquam puram ochræ parum, vel
ipsius etiam bilis, inieceris, talis tibi aqua repræsentabitur: hæc

*Vrina op-
tima.*

quidem vrinà proximè accedit ad crudam. Post hanc est subpalli-
da: pallida verò iam, & subruffa est: Si enim in aquam inieceris,
vel ruffi coloris parum; vel pallidi multum, simile tibi videbitur:
hæc verò, quantum ad colorem attinet, concocta iam est: oportet

*Mixtio-
nis quanti-
tas quoad
colores in
vrinis, un-
de addi-
scenda.*

autem tantum eam discedere sua crassitudine ab aquosa, quantum
colore; siquidem benè concoqui debeat. Optima autem omnium
vrina, subruffa, ac subflaua est: quemadmodum & antea diximus:
veluti si etiam extra (.i. corpus) tale quid facere velles, sanguinis
serum, ac bilem ruffam aquæ permiscens. Sermone autem non

*Vrina ine-
dia.*

possum exprimere mixtionis quantitatem: Sed vel ab altero (idest
à Medico) oportet addiscere de optima vrina, aut per te ipsum ex-
perientia percipere; qualis sit vrinæ secundum naturam se habentis
forma, eam in sanis corporibus perquirendo. Nam, cum adhuc
coquitur sanguis, vrina, quæ mingitur, læuem, & æqualem & al-
bam subsidentiam, ac multam facit: iam verò perfecta coctione,
color quidem vrinæ intenditur, minus autem subsidet: & si lon-
giori post hoc tempore hominem à cibo prohibueris, videbis ipsam

*Ruffus co-
lor à flauo
quomodo
differat.*

fieri continuò magis ruffam. Nam & in Commentarijs de Poten-
tijs naturalibus ostendebatur, quicquid alimenti supra modum
calefit, & præsertim si pingue fuerit, & dulce, verti in amaram bi-
lem. Quoniam & flauam; & ruffam, & pallidam nominant huius-
modi bilem: melius est hoc in loco illud rursus annotare, vt ex-
actius quis dicta assequatur; quòd ruffus color ad flauum proximè
accedit: in hoc autem differunt, quòd alter magis ad album (ruf-
fus videlicet), alter (id est flauus) ad splendidum vergit. Nam &

amara bilis aliquando ruffa apparet, aliquando flaua, sæpius au-
tem & pallida tibi videtur esse: Si quidem albior & turbulentior fa-
cta sit, ruffa: Si verò splendens sit, & purior, flaua: nam quod ve-
luti igneum in bile splendet, ipsam reddit flauiozem.

Ex hoc contextu, quem, tanquam vtilissimum studio produxi,
& inserui, liquidò colliguntur causæ vrinarum quoad colorem.
Præterquam autem quòd omnes vrinæ tincturam suscipiant, aut
ratione caloris, aut ob frigoris dominium, hoc fieri accidit duplici

de causa. Primò, quia vrinæ substantia est colore prædita ob aliquam ex dictis causis, videlicet ob remissionem caloris; & defectuosam coctionem, aut ob intensiorem caloris, veluti adurentis serum, siue liquorem. Secundò colorantur vrinæ propter admixtionem alicuius humoris alieni, vi cuius substantia vrinæ, siue ipse liquor seu humor tincturam suscipit, etiamsi in sua substantia nullum habeat alienum colorem.

Duplex causa: ob quam colorantur vrinæ.

Hæc doctrina, ut diximus, conformis est Galen. loco cit. quando aquosam vrinam & albam dicit provenire à defectu coctionis, seu à calore remisso, seu (quod idem est) à frigidityte prædominante. Eadem enim vrina potest fieri alba ex permixtione humoris pituitosi, qui ex sua natura albus est: Sicuti vrina pallida, ruffa, flava, & reliquæ deinceps, fiunt tales ob intensiorem caloris, quia facta intensio primarum qualitatum, fit & secundarum auctio. Compertum præterea habemus, ex fame, siti, nimio exercitio, nimiaque venere, ira, æstu, vigilijs, & reliquis rebus non naturalibus malè administratis, vrinas ex pallida fieri ruffas, flauas, & rubras: imò, si cor ardeat, reddi virides & nigras. Cum tamen statim post cibum, & quamdiu temperatè vitam degimus, vrinæ pallidæ, aut subflavæ permaneant: quæ omnia indicant ab intensioe primarum qualitatum dimanare aliquando variationem colorum: aut ob mixtionem bilis naturalis, aut præter naturam, & torrefactæ; imò & nigrefactæ ob adustionem nimiam: unde vrinæ virides, fuscæ, nigrae &c.

Vrina aquosa & alba unde proveniat.

Vrina igitur alba, ut paulò ante dictum, duplici de causa talis apparet: aut quia non alteratur à calore, aut quia alicuius humoris mixtione albida fit. Primo modo alba fit aut ob incoctionem præcipuè, seu cruditatem, aut ob obstructionē, aut quia bilis, qua antea tingebatur, aliò rapitur, ad caput nimirum, aut vesicam inflammata, in qua pars biliosa durescit, ac splendida & alba ei jicitur: aut ob nimium calorem viscerum, hepatis præcipuè, & renum, ad se nimis attrahentium potulentum liquorem: unde omnimoda incoctio sequitur, & nulla retentio, ut superius cum Galeno diximus: & inde originem accipit Diabete. Aliæ causæ ex supradictis de differentijs vrinæ tenuis per se patent. Vrina alba, quæ hoc modo generatur, tenuis est, & aquea dicitur; cui à quibusdam crystallina, & niuea annectitur.

Causa vrinae albæ.

Vrina lactea causa. Vrina lactea in quibus morbis appareat.

Secunda causa humoris albi est permixtio alicuius substantiæ albæ, vt pituitæ, seminis, puris; talisque vrina lactea dici potest; estq; differens à præcedenti, quòd hæc crassa sit, saltem in principio, antequam humor mixtus in fundum matulæ descendit. Tales vrinæ in morbis pituitosis, vt febre quotidiana, anasarca, & similibus, sæpissimè apparent. Fit enim attractio talium humorum, & non solius seri, aliquando à renibus; quia venæ emulgentes, per quas serum educitur è venâ caui in renes, patentes sunt, & amplæ, sicuti & meatus, per quos delabitur humor melancholicus ad lienem, ad quem etiam sanguis attrahitur vnâ cum succo melancholico, qui sanguis ab omenti venis postea exugitur. Chylis autem fellis bilem sinceram ad se attrahit; quia ductus ad hanc angustii sunt. Hæc doctrina est Galeni lib. 5. de Vsu part. cap. 6. quem probè citat Massarias tractatu de Vrinis. Aliæ differentiæ vrinæ albæ, quia secundum magis aut minus differunt ab his, ad præsentès causas reducuntur, seu ab his fiunt.

Vrina subpallida, subruffa, & subflaua seu citrina & aurea causa efficiens. Vrina flaua, & ruffa generatio.

Calor natiuus temperatus, & suo munere fungens, maximè dum à nullo impeditur obice, cibum & potum benè concoquens & permiscens, vrinam efficit subpallidam, subruffam, aut subflauam, seu potiùs citrinam & auream, qualem habent, qui florida ætate fruuntur, & in quibus non nimium viget bilis, aut calor extraneus. Si autem calor sit vehemens, tincturam dat maiorem vrinæ, vt dixi, aut sanè ob permixtionem alicuius speciei bilis, pallidæ videlicet, ruffæ, aut flauæ. Flaua quidem vrina generatur, dum maxima bilis portio, & præcipuè præternaturalis, ei admiscetur. Si minor quantitas, ruffa fit vrina: Si adhuc minor, pallida: Si minima, subpallida.

Linteamina ictericorum vrinis intincta, & ruffa tunc accipit vrina.

Multum laborat Sennertus, vt probet, colorem istum non provenire semper à flaua bile, sed etiam à fero falso humorû: nam, inquit, in Ictericorum vrinis, quæ intinguntur linteamina, flaua fiunt ob bilem immixtam. At verò in alijs multis flauis vrinis tincturam nullam accipiunt dicta linteamina; quia à fero tincturam tunc accipit vrina.

Verùm hic Vir inaniter desudat: nam Galenus hoc ipsum refert 6. Epidem. comment. 5. tex. 14. Sic verò, inquit, & rubram bilem vocant, quæ sanguinis serum est. Idem affirmat lib. de Crisib. cap. 12. Ergo Sennertus non debet sibi hanc sententiam, tanquam novam, arripere.

Vfus Rhabarbari, Senæ, Croci, aliorumq; multorum, vrinam reddit flauam.

Alia causa vrinæ flauæ.

Rubra vrina, flammea, quæq; splendet, à bile accensa, & adusta causatur. Rubra quæ non splendet, & quæ est veluti aqua, in qua recentes carnes alicuius animalis nouiter mactati lotæ sunt, à sanguine causatur: ideoq; cruenta dicitur: nam sanguis vrinæ permiscetur, propter alicuius vasis, seu venæ ruptionem, aut erosionem, aut apertionem; (maximè circa vias vrinæ) vel propter debilitatem hepatis, & renum, impotentium sanguinem probè conficere, & à sero segregare, & sibi similem reddere: non secùs ac accidit in alui cruento fluore, dum imbecillum extat hepar: vt constat ex Galeno

Vrina rubra splendentis causæ.

Vrina rubra non splendens cur cruenta dicatur eiusq; causæ.

I. Prorrheticon. Et hoc per interualla accidit, criticè, ob sanguinis serosi nimiam quantitatem: & sic proficua vacuatio est. Atq; hæc vrina cruenta propriè dicitur. Quæ autem benè rubra dicitur vrina, ea est, in qua sanguis crassus, verus, & rubicundus quasi dissoluitur. In æquali quidem portione permixtus cum serolo sanguine, intensiorem rubedinem efficit; sicuti accidit in flaua, ruffa, & pallida bile: æqua portio harum bilium non æqualiter tingit, sed minus pallida, magis ruffa, & magis adhuc flaua. Vnde pauca quantitas flauæ ruffum generat colorem: perexigua pallidam: sic & crassi sanguinis exigua quantitas cruentam procreat vrinam, non tamen summè rubram, nisi in maiori quantitate.

Colorum generatio in vrinis pro quantitate bilis.

Vrina rubra generatio.

Vrina in pestilentibus & ardentibus febribus.

Vrina Vineæ, unde procedat.

Vrina rubra non tam sæpè generatur à sanguine, ac à bile flaua, & semiadusta, necnon à bile rubra. Bilis enim rubra vrinam facit in modum vini rubri, & obscuri ac nigricantis. Hanc vrinam sæpè vidi in Pestilentibus ardentissimisq; febribus, vbi sanguis adurit, & iecur cum corde est inflammatum: tandemq; aliquando nigra redditur; maximè vbi carbunculi infestant.

Vrina vinea, quia cum præcedente coincidit (nisi quòd hæc ab intensiore calore fiat) causam habet bilem, sed magis præter naturam factam, cæruleam, videlicet, seu glasteam seu Isatodem, quæ bilis præter naturam species est, sed iam torrefacta nimium; aliquando à copiosa bile rubra, vt apparet in Ictericis.

Vrina passea generatio.

Vrina Viridis causæ.

Passæ vrina huic succedit, quæ, teste Actuário, fit ex bile flaua eximiè torrida, & quasi atra facta: vnde violaceū generat colorem.

Viridis color in vrina sequitur, qui à porracea aut æruginosa bile fit, secundum Actuarium.

Vrina nigra ex calore, quomodo fiat.

Quando vrina nigra ex calore fit, succedit viridi ob nimiam asationem liquoris, & ob permixtionem bilis atræ iam factæ ex bile, aut melancholia naturali, aut sanguine: aliquando ob humoris melancholici vtilem excretionem, factam ob debilitatē splenis, aut alio critico modo, vt in ictēritia nigra non rarò contingit.

Vrina nigra ex frigore.

Quum liuidæ vrinæ sæpè succedat nigra, tunc ex frigiditate fit: quando videlicet propter extinctionem caloris natiui, sanguis grumosus & niger factus per vrinam expellitur: hoc dum fit, vrina prius liuida est, deinde omninò nigrescit.

Dubium Mercurialis.

Hæc sententia, quamuis Galeno conformis cap. 12. lib. 1. de Crisib. oppugnatur tamen à varijs authoribus, & præcipuè à Mercuriali cap. 6. de Vrinis; qui autumat, quamdiu viuimus, non posse in nostris corporibus reperiri tam intensum frigus, vt ab eo possit generari vrina nigra.

Solutio dubij.

Sed fallitur, vt diximus; præterquamquòd videamus aliquando ingentis frigoris effectum in corpore, quando parua, aut nulla fit in iecore sanguificatio ob eius intemperiem frigidam, vt in hydrope. Nonne præterea datur æqualis intemperies, ex decreto omnium Medicorum post Galenum lib. de inæquali intemperie? Vnde febres Lippiriæ, in quibus pars alget & aduritur simul; & non secundum externam superficiem, & habitum corporis tantum, sed secundum partes etiam internas corporis. Ergo non repugnat, nimium refrigerari partes quasdam internas alijs illæsis; & maxime quando sanguis putrescit, & deferitur prorsus ab innato, imò ab omni calore. Ergo potiori iure vrinæ quædam nigræ poterunt fieri vi frigoris; cum sine omni calore sint, dempto externo & extraneo, ex Arist. 4. Meteor. cap. 11. quem ipsemet Mercurialis citat.

Vrina nigra potest fieri vi frigoris.

Ex loco cit. Epidem. & 10. de Simpl. medicam. facult. bilis præter naturam aut est æruginosa, aut prasina, aut

Vrina viridis carulea, fusca, & liuida, causa ex Mercuriali.

carulea, aut glastea. Ex his secundum Mercurialis opinionem, fit color viridis, caruleus, fuscus, & liuidus.

..

I N D E X

Rerum Memorabilium in hoc Opere contentarum;

Ordine Alphabetico digestus.

A

Abscessus, quid communiter, 318. quid Hippocrati, & Gal. 449. quid propriè 452. eius variæ acceptio-
nes 407. 408. 449. 450. 451. eius variæ
differentiæ 324. Abscessus boni, qui
450. 456. 524. 526. Abscessus optimi,
qui 456. 458. qui damnentur à Gal. 449.
Abscessus quando fiant 449. 508. per
quas vias fiant 452. in quibus partibus
commodius fiant 523. in solis membra-
nis fieri possunt 453. quando fiant in
ossibus 454. Abscessus etiam fit per cu-
tem 455. quando ad supernas, infernas
ue partes fiant, dignoscendi modus 464.
Abscessus in quibus febribus nascatur
509. cur hyeme frequentiores, quàm
alijs temporibus 510. cur faciliè fiant in
articulis, partibusq; dolèntibus 512. Ab-
scessus articularum, qua ratione boni
523. Abscessibus quæ erates magis ob-
noxie 508. 509. Abscessus crurum in
Peripneumonia bonus 460. Abscessus
in digito ex Mercuriali 501. Abscessus
patris exiguae malus 524. Abscessus
exigui, & parci, inuriles 501. Abscessus
remedijs augendi 501. quibus remedijs
prouocari possint 530. Abscessuum re-
media ex Aristotele ibid. Eorundem
Curatiua indicatio 529. In abscessu quæ
consideranda 423. 524. Abscessus eua-
nescentis causa 528. cur malus 461. an
aliquando bonus 527. 528. Abscessus
per decubitus quid 466. ad quas par-
tes fiat ibid. Abscessus per effluxionem,
quid 466. Abscessus an fiat ab humore
tenui 511. Abscessus in Pulmonijs boni
324. eorundem in pulmonijs futurorum
Signa 462. 463. Abscessuum Signa 503.
504. 508. 513.

Abstemij cur urinas reddant falsas 817.

Accessio quid 561. 562. eius causa ibid.

Accessiones cur in morbis acutis tertio
quoq; die fiant 558. earum vehementia
cur in morbis longis hebetetur 560.

Accessiones ad inuicem collatæ, quid
indicerent 287.

Acetum concretum sanguinem dissoluit 124.

Acidorum vis in putredine, & malignita-
te 30.

Actiones naturales, quot, & quæ 161.

Actionis finis 212. Actiones à quibus
partibus edantur 162. Actiones perfe-
ctæ, & imperfectæ partium similarium
& dissimilium, quid indicent 162.

Actio valida quid indicet 47. Actio læ-
ta, eiusq; differentiæ, quid indicent 270.

Adamas cur integer transpareat, non verò
in puluerem reductus 215.

Ægri cur sapienti in incremento, & statu
moriantur 282. quando tenuiter, vbi-
riusue cibandi 288. eorundem fatuitas
107.

Æger inebadiens sibi ipsi nocet
557.

Ægri cur fiant decolores 607.

Æger moriturus quemodo dignoscatur
561.

Ægros omnes curari est impossi-
bile 8.

Ægrotare quamdiu non dicatur
homo 24.

Æquinoctiorum cognitio Medico utilis
660.

Aer vnde oriatur 119. Aer solus integer
in corpore extat 360.

Aeris temperiem
quæ mutare possint 351.

Aëris variè
constituti vis in Crisibus, morbis, &
& pharmacis 351. eius mutationes quā-
do potissimum fiant 660. eiusdem mu-
tatio quantum valeat in morbis 665.

Aer variè constitutus varios procreat
morbos 267.

Ætates variæ varios generant morbos
503.

Ætates quatuor anni temporibus
correspondent 360.

- Æthiopes** cur pilos crispas habeant 235.
Affectio quid 403. **Affectio** quædam lassitudini similis 19. 21.
Affectus interni è quot **Signorum** fontibus cognoscantur 263.
Album quid 839. eius causa 840.
Alimentum duplex 484. vtriusq; administrandi necessitas ibid. **Alimenta** humida cur febricitantibus conferant 82.
Alimentum quomodo ingeratur à natura in statu sano 564.
Alui exturbatio quid 379. **alui** fluor lorum carniū similis quid indicet 81. in alui fluxu quæ consideranda circa potum 380. **Alui** profluuium cur in morbi principio malum 385. **Alui** fluxus quale symptoma 3.
Amphicyrtos quid 668.
Analeptice quid 12. 24.
Analogæ attributionis, quæ 65.
Anasarca quid, eiusque, & leuces differentia 488.
Anatomix necessitas in Medicina 86. 259.
Anchinix significationes 210.
Angulorum **Zodiaci** vis in **Crisibus** secundum **Astrologos** 653. eorundem varix classes ibid.
Animæ species ex **Gal.** & **Plat.** 38. earundem comparatio cum varijs animalibus ibid. **Animæ** species, & substantia, ex **Hipp.** 115.
Animalia multa sensibus externis antecellunt homines 172. cur dementiora hominibus 198. **Animalium** alia cur animosa, alia timida 224. **Animalia** fibroso sanguine prædita cur diu iracunda 225. **Animalia** multa cur non egeant vesica 807.
Animi mores à quibus dijudicandi 217.
Animosiratis causa 223. 224.
Annus quot diebus constat 542. **Anni** tempora qua ratione distinguantur 661. eorum temperies 662. **Anni** tempestatu cuilibet quidam morbi sunt familiares 267.
Antidotos quid, & quotuplex 124. **Antidoti** contra venena varia ibid.
Antones van der **Linden** perstringitur 2.
Apij vis diuretica 790.
Apoplexia quid 136. eius **Signa** patho-
- gnomonica ibid. aliquando in **Paralysin** degenerat 329.
Apothepix, & **Apothepitica** ethymon 15. **Apothepia** quid, 24. eius partes, earumq; munus 16. 17.
Appetitus in quibus partibus naturalis, in quibus animalis 162.
Aqua agitata cur non diaphana 215. aqua cur concreseat 18. cur hyeme in puteis calida sit ibid. **Aqua** dulcis quomodo extrahatur è mari 815. **Aquæ** frigida vtilitas in febre continenti 317. eius portio in quibus morbis utilis ibid. **Aquæ** minerales cur clare ac pure mingantur 817. **Aquæ** minerales cur varijs saporibus præditæ 816. **Aquæ** varix species 795. eius vtilitas in animalibus 796. **Aquæ** sudorificæ 23.
Aquilo, ubi serenus, ubi pluuius 814.
Arabū opinio de actionibus principibus cerebri reijcitur 218.
Aibores quando cadenda 674.
Argentius semper **Galeno** contrariatur 216. perstringitur 143. 217. 819.
Arhythmus quid, eiusq; species 744.
Aristotelis opinio de causa pulsus reijcitur 715.
Arithmetica studium Medico utile 641.
Ars quid 212. **Ars** cur coniecturalis dicatur 78. **Ars** factiva duplex 85. **Ars** latè accepta scientias comprehendit 83. **Ars** Medica est media inter eas quæ efficiunt, & conseruant 77. **Ars** Medica, quibus constat 89. cur longa 102. 588. **Ars** à fine suo distinguitur 63. **Artes** alix efficientes, alix conseruantes 77. **Artes** omnes non semper attingunt suum finem 78. **Artes** varix 76. 83. **Artes** per quæ constituantur 63. **Artis** præparatorix munus 14. **Artes** multæ Medico præparant materias 96. **Artifices** ignobiliores **Rei** Medica 96. 97. **Artifices** varij, quomodo aliquid conferre dicantur ad recuperationem sanitatis 94.
Arteriæ diuissio 31. eiusdem compositio 33. an sit pars similis vel dissimilis 32. 33. **Arteriarum** duplex munus 115. vnde vim pulsandi accipiant 707. 711. eundem cum corde habeant motum ibi.
Articuli cur faciliè humores suscipiant

461. dislocati statim sunt reponēdi 569.
 Artomeli quid 602.
 Aspidis Alexipharmacum 124.
 Assimilatio quid 486. vt fiat, quid requiratur ibid. eandem quid præcedat 488.
 Assaultus intempestui causa, & Signa 692.
 Astringentia cur non adhibenda in hepatis phlegmone, aut scirrho 790.
 Astrologiam cur Medicis commendauerit Hipp. 659. Astrologia Iudiciaria damnatur 658. Astrologorum opinio de causa dierum Criticorum 651. 652. reijcitur 655. 656.
 Atheroma quid 471.
 Atrophia quid, & quotuplex 291. eius causa ibid. & 482.
 Auctio quid 485.
 Augmentum morbi quid 283. eius Signa 285.
 Auicenna perstringitur 613.
 Aurium abscessus 470. Aurium tinnitus vnde fiat, quidue indicet 420.
 Authores varij de Crisis ethymologia tractantes 294.

B

B Alnei aquæ dulcis vtilitas in febribus 502.
 Barbari siue ægri, siue sani, eodem semper vtebantur victu 110.
 Barbitorifores se Medicos fingūt 98. Medici manus dignè obire nequeunt varias ob causas 99. 102. Barbitoriforum, siue Chyrurgulorum experientia vtrplurimum mala 102.
 Bartholomæi Perdulcis opinio de Signis Anamnesticis reprobat 126.
 Basilisci veneni vis 124.
 Benignitas morbi in quo consistat 134.
 Bestiæ muliæ sunt prudentes 213.
 Biliosi cur ingeniosi 216. Biliosis quales cibi conueniant 172. Bilioso ventriculo præditi cur cibos teneros malè concoquant ibid.
 Bilis æruginosæ causa 396. Bilis atræ causa materialis & efficiens, 427. eiusdem generatio 428. Bilis atra supra, infra, exiens, lethalis 283. eiusdem euacuatio quando bona, quando mala 385. 549.

quomodo ab humore melancholico differat 388. Bilis flaua quando mutetur in æruginosam 366. Bilis Porraceæ causa 377. Bilis superaffata inepta est per vllam viam euacuari, 352. vt euacuetur, quibus remedijs præparanda ibid. Bilis syncera, quæ, 376.
 Boues minus Cerebrum habent, quàm homines 216.
 Brachelius quatuor admisit Signorum fontes 157. perstringitur 165. eius obiectiōi de Commensuratione respondetur 167. eius dubio de tenuitate Cerebri satisficit 219. 220.
 Bregmata, quæ 228.
 Bubones sub auribus, & axillis, qui boni 528.
 Bubulus sanguis est venenosus 124.

C

Cæli status, quid 351. varios peculiarisq; parit morbos 267. Cæli nō sunt malefici 656.
 Capa luna crescente decrefcit, & è contra 673. à quibus non comedatur ibid.
 Calculi causæ 362. eorum excretio nonnunquam est critica 448. Calculis cur iumenta, & mulieres non adeò obnoxie 837. Calculi in quibus locis generentur 263.
 Calidum est principium effectuum omnium operationum 117.
 Calor natiuus pro anima accipitur ab Hipp. & Gal. 121. est præcipuum Animæ instrumentum 119. Caloris natiui varia nomina 114. est omnium actionum author 115. vix potest domare plures hostes 403. eiusdem conatus tempore rigoris 441. quor modis extinguatur 708. Calor cordis 115. Calor fastidiosus, qui 132. Calor hepatis est sanguinis confector 115. Caloris febrilis verum remedium 29.
 Caluitis causa 228. 235. qui statim calui fiant 236. Caluities melancholica 526.
 Canis rabidi morsus paulatim enecat, & qua ratione 591. 592.
 Capillorum defluuium cur dicatur abscessus ab Hipp. 481. Capillorum tinctura

- Åura** vnde fiat 233. **Capillorum** crispum, & rectorum causæ variæ 234. 235. **Capilli** crispi, & recti, quid indicent ibid. **Capillorum** colores secundum ætates, & Regiones 233.
- Capitis** vera, & proba figura, ac constitutio 199. 200. 204. eius optima structura vnde proveniat 219. eiusdem figuræ concinna, & inconcinna quid significet ibid. **Caput** cuius gratia factum 196. eiusdem dispositio quid indicet 189. cur varias habeat futuras 202. eius figura quando vitiosa 201.
- Capitis** acuminati variæ species 201. 203. **Capitis** angustia quid indicet 195. 196. **Capitis** doloris causæ variæ 369. 370. 416. **Caput** magnum, quando bonum, quando malum 193. 194. **Capitis** magni boni indicia ibid. **Caput** parvum, cur malum 192. quando bonum 193. quid indicet 192. **Caput** parvum, & thorax magnus, quid indicent 244. **Capite** parvo præditi cur Apoplexia, & Epilepsia obnoxij 193. **Caput** 666, quid 200. **Capitis** prominētia quid 200. **Caput** rotundum est vitiosum 201. idem, duas tantum habet futuras 203. **Capitis** vitium in quo consistat 200.
- Capiuaccij** absurda opinio de excretion. urinæ 806.
- Cardialgia** quid 366. eius variæ causæ ib. & 434. 446. quid indicet coniuncta cum dolore lumborum 434.
- Cardiognos** quid 297. 367. cum Cardialgia confunditur ibid.
- Caro** bubula cur à multis facilius digeratur, quam pisces saxatiles, & alia 170. 171.
- Carus** quid 486. 609. ab apoplexia differt ibid.
- Catalepsis** quid, eiusq; causa 609.
- Cataphora** quid, eiusq; causa 437. 608.
- Catarrhi** tempora 691.
- Causa** ablata tolli effectum, quomodo intelligendum 593. **Causarum** cognitio quantum valeat pro impediendo morbo 108. **Causa** continente euacuata, subitò sit mutatio ad salutem 307. **Causæ** continuò mutant corpora 100. **Causa** intemperiei ablata non statim tollitur intemperies 307. **Causæ** morborum aliæ internæ, aliæ externæ 260. **Causæ** naturam ad euacuationem prouocantes 566. **Causa** salubris quæ 67. **Causa** Signis dignoscitur 51. **Causæ** Signi vicem aliquando subeunt in Medicina 46. 51. **Causæ** variæ Crisim impediētes 556. 557. 558.
- Cano** quid, & quomodo iudicetur 223.
- Cauticum** supra capitis futuras cur periculosum 319.
- Cerebellum** quid 199. quorum neruorum dicatur principium ibid. & 206.
- Cerebri** boni quoad substantiam conditiones 221. **Cerebri** variè constituti Signa 189. 190. 191. 208. **Cerebro** calido præditi cur non sint somnolenti 237. à quibus lædantur 236. 237. cur citò caluescant 236. **Cerebri** crassities vnde oriatur 222. **Cerebro** crasso præditi cur tardo polleant intellectu ibid. **Cerebro** frigido præditi cur somnolenti 237. **Cerebri** intemperati morbi varij 218. **Cerebrum** magnum cur homini naturæ concessit 216. **Cerebrum** quomodo rarum, tenueq; dicatur 216. **Cerebrum** sanguine nutritur 223. **Cerebrum** quomodo sufficiat ad generationem spiritus animalis 710. **Cerebrum** per quas vias se expurget, 232. 456. 457. **Cerebrum** temperatum non lædi ab aëre, cibo, & potu, quomodo intelligendum 233. **Cerebrum** temperatum cur pauca aceruet excrementa 230. **Cerebri** temperati ad iustitiam, qualia excrementa, qualesq; capilli 230. **Cerebri** temperies naturalis 223. 230. **Cerebri** temperierum simplicium, & compositarum Signa 236. 237. 238. 239. **Cerebri** tenuis causa 215. variæ de eiusdem tenuitate opinionēs 219. 220. 221.
- Cervicis** bonæ conditiones 205. **Cervix** quomodo à capite dependere dicatur à Gal. 194. **Cervices** longæ sunt vitiosæ 242. **Cervix** valida quæ 193.
- Chloron** quid 392.
- Cholera** morbi Signum complexum 141.
- Chrysocollæ** facultas in Medicina, eiusq; conficiendæ modus 812.
- Chyrurgo** Medicus, qui 98.

Cibus liquidis, vbi vtendum 111. Cibus nimius morbum procreat 82. Ciborum valdè nutritientium noxa 111. Cibi maximi nutrimenti vis minuenda in ægris ibid. Cibi cur modò parcè, modò abundè præbèdi 112. Cibi & potus necessitas 822. Cibi quando propinandi febricitantibus 299. 587. Cibandi modus obseruandus in febricitantibus 288. Cibandi in morbis duæ rationes 299. Cibandi ordo vnde desumatur 587. Cibus, etsi grauis, spatio 24. horarum concoquitur 118. Ciceronis sententia de Medicina 110. Circuitus quid, & quibus constet 595. Circuitus Lunæ & Solis quid, & quotuplex 662. Claudicationis causa 453. 460. Claudinus perstringitur 303. Clyster cur Italis dicatur lauatiuo 789. Coctionis & cruditatis Signa quæ, & quotuplex 137. Coctioni quæ opponantur 283. Coctio ex quibus cognoscatur 331. Coctione præcedente iudicatum, nulum vidit mortuum Gal. 331. Coctionis Signum semper bonum 331. 336. Coctio triplex 626. Coctio humorum in quibus morbis sanandis necessaria 226. Cognitio quotuplex 47. vnde oriatur 214. Collatio ægri cum sano quot modis fiat 6. Colliquationis corporis causa 149. 150. Collum inter capius partes numeratur à Galeno 31. cuius gratia factū 197. Collum quæ animalia habent, quæ non 196. Color quid 839. Colorum generatio ex Arist. & Plat. ibid. & 840. Colorum doctrina Medico utilis est, & necessaria 355. 359. Colorum ordo ex Plat. 233. Color optimus in corpore humano, qui 161. Color in corpore, vndè proueniat 357. Color totius corporis immutatus, est malum Signum 356. Coloris liuidi generatio 841. Coloris mixti ex albo & liuido causa 318. Colores qui mali, ac pessimi 356. Colores varij vniuersi corporis, varios morbos indicant 264. 265. Color in cute quid indicet 358. Color temperamenti est index 356. Color probus in corpore post Crisim cur bonus 362. Coloris ruffi à flauo differetia 842. Colores in quibus potissimum inspicie-

di 359. Colorū in vrinis species, earundeq; subdiuisio 828. 829. Colorū variorū in vrinis causæ 839. 840. vsq; ad 846. Coma quid 608. eius causa 134. 608. ad dentibus febribus rarè superuenit 133. Commensuratio quid, & quotuplex 165. Computatio dierum Criticorum in Puerperis vnde sumenda 680. 681. variz circa hanc rem opiniones ibid & 682. 683. 684. Computatio dierum in recidiuis vnde accipienda 688. Conceptus, & formationis hora vix sciri potest 657. Concoctio medicamentis purgante mouenda, ac educenda 283. Concoctio quomodo fiat 79. 82. Cōcoctio est opus naturæ 89. est boni omnis ibid. Confectiones Alkermes, & de Hiacynto, ac conferant in febribus 29. Confectionis ex capitibus Papaueris faciendæ modus 542. Congius quid 85. Connuere quid 456. Connuentia cur oculis utilis ibid. Conseruatix Medicina cur necessaria 97. eius tres partes, earumq; officium 71. Consilia in morbis incurabilibus sunt vana 62. In consilium quando alij vocandi 60. sub consilium quæ cadant ibidè. Consilia Medicorum laudat Hipp. 104. Consistentiarum in vrinis causæ 833. 834. 835. 836. 837. Constitutionis optimæ signa 159. 160. Consultatio de quibus fiat 60. 61. 212. Contentum in vrina quid 831. eius causa tam in sanis, quàm in ægris ibid. eiusdè diuisio, & subdiuisio 831. 832. eius complicationes ibidem. Continui solutio rara est à natiuitate 52. Continuum aliquando pro contiguo à Galen. & Arist. sumitur 130. Conualescentes sunt in statu neutro 73. exiguus morbis sunt affecti ibid. Conuulsionis ex repletionem causa 454. Cor principum facultatum sedes ex Arist. 195. Cordis temperierum simpliciū, & compositarum Signa 244. 245. Cordis intemperies inæqualis triplex 765. Cor, & arteriæ cur simul dilatentur, & comprimantur 711. Cordis vulnus lethaliè 79.

I N D E X.

Corporis actus ægri certum indicium 185.
 261. idem faciliè dignoscitur 187. Corporis calidioris Signa 251. Corpora densa cur faciliùs offendantur à causis internis, quàm externis 182. Corporis extenuationis causæ variæ 533. Corpus cur aliquando non extenuetur in febribus ibid. Corpora frigida magis resistunt calori, quàm calida 183. Corpus humanum cur porosum 113. Corpus humanum est obiectum Medicinæ per accidens 28. Corpus insalubre simpliciter 51. quomodo distinguatur à corpore insalubri vt nunc 177. difficulter dignoscitur 187. Corpus insalubre pro tempore 51. Corpus insalubre semper 52. Corpus insalubre vt multum ibid. corporis magni, & parui generatio 166. Corpus qua ratione magnum dicatur ibid. Corporis optimè constituti Signa 161. 162. 163. Eiusdem optima constitutio in quo cõsistat 162. 163. 169. Corpus optimè constitutum non eget correctione 173. 174. cur difficiliùs, quàm reliqua, morbis corripiatur 179. minus excrementi colligit, quàm cætera 184. Corpus perfectè sanum cur distinguatur à corpore salubri vt multum 178. Corpus pulcherrimum 163. Corpus verè pulchrum 166. Corpora rara aëri externo obnoxia 181. cur à causis externis faciliè lædantur 182. Corpus salubre absolutè & simpliciter 51. eius conditiones ibid. Corpus salubre pro tempore ibid. Corpus saluberrimum, & salubre vt multum quomodo inter se conueniant, & differant 176. 187. Corporum sanorum varia genera & species 175. 186. quid vnumquodq; 175. 176. 177. 186. Corpora sana cur non purganda 113. 114. Corpori exactè sano nihil præscribendum 113. Corpora à bono statu declinantia sunt statim corrigenda 113. Corpus temperatum in quibusdam est inferius corpore intemperato 181. cur febribus magis obnoxium 183. Corporis temperies calida quando incipiat transmutari in frigidam 510. Corporis temperies inæqualis 163. Corpus totum per vrinas, & alui fluxum expur-

gari potest 407. 409.
 Coryla quid 273.
 Cranij fracti indicium 274. Cranium cur ex multis ossibus compositum 201.
 Crepitus quid 379. eius causa 408.
 Crisis quid 301. 304. 313. eius definitio & explicatio 301. Crisis nomen vnde deriuatum 294. 295. 313. 364. Crisis nomen apud Medicos multiplex 295. Criseos acceptiones variæ 295. vsq; ad 300. Crisis abusiue, quæ 311. Crisis bonæ Signa 140. Crisis bonæ conditiones 315. 316. 318. 320. 333. 350. Crisis bonæ futuræ Signa 573. Crisis bonæ instantis Signa 332. 334. 336. 579. Crisim bonam quid præcedat 316. Crisis bonæ quo morbi tempore fiat 692. Criseos causa materialis, formalis, efficiens, & finalis 302. 563. 551. 678. 679.
 Criseos causa ex Fracastorio 644. 645. 646. Criseos concausæ 303. Crises quomodo differant inter se 314. Crisis defecta, quæ 311. Crisis diebus intercidentibus causa 555. Crisis duplex in vna die 565. Crises cur diebus imparibus fiant, & cur nonnumquam diebus coincidentibus 559. 563. 565. 636. Crisis quo diebus singulis possit fieri in morbis acutis 560. Crisis an die primo morbi possit fieri 548. Crises cur die quarto raro fiant in biliosis 602. Crisis cur sexto die fiat 560. Crisis die septimo futuræ Signa 572. Crises diebus varijs visæ 613. 630. Crisis quibus diebus fiat, quibus non 314. 540. 543. 544. 563. Crises quorum dierum bonæ, aut malæ 314. Crisis quibus fit, cur nox præcedens soleat esse grauis 316. 363. Crisis in quo consistat 304. 306. 308. Crises quo morbi tempore fiant 298. Crisis quomodo communiter fiat 320. 449. Crisis quot modis fiat 449. In Crisi bona, & mala, quid fiat 306. Crisis cur dicatur mutatio 301. In Crisi quot considerata 302. Crisis nonnumquam fit in aposthematibus 448. Crises post coctionem fiunt 353. Crises aliquando non fiunt à natura ob imperitiem Medici 87. Crisis futuræ in febre ardenti modi varij 352. Crisis imperfecta quæ 309. 311. eadem quan-

I N D E X.

quando terminetur 327. in ea quid Medico agendum 328. Criseos interruptio-
nis causæ 555. 556. 557. 558. Crises cur
languescant procedente morbo 571.
Crisis mala, quæ 309. Crisis malæ futu-
ræ Signa 140. Crisis optima quæ 308.
Crisis est opus naturæ 91. Crisis paula-
tina, & repentina, quibus morbis con-
gruant 333. Crisis præcocius causæ 552.
Crises ratione morborum, ætatis, & na-
turæ ægri 320. Crisis salutatis Signa
576. Crisis significationes variæ 294.
295. Crisis simpliciter, quæ 311. Crisis
species ex Hipp. 301. Criseos variæ spe-
cies 309. 310. 313. 328. earundem spe-
cierum propria nomina 310. 311. earun-
dem inter se differentia 312. Criseos
specierum diuisio, & subdivisio 320.
321. Crisis species accidentales 314.
315. Crisis quæ tutior 554.
Cristallum integrum cur diaphanum 215.
Cruda, ni turgat materia, non sunt mo-
uenda 283. Cruditatis Signa 137. 578.
quid indicent 579.
Cucurbitulas applicandi modus, earumq;
efficacia 319.
Curandi ratio in quo præcipuè consistat
362.
Curatio in quibus, & per quæ fiat 557.
Curatrix, æquæ ac salubris pars, conserva-
trix dicitur 90. eius officium ibid. eius-
dem scopus primarius 120.
Cutanei affectus 492. eorum causa 505.
quando morbi, aut abscessus dicantur
498. 499. 500.
Cutis caliditas, ac frigiditas quid indicet
357. cutis color bonus quid indicet
353.

D

DEcernere in morbis quid 541.
Declinatio morbi, quid 284. eius Si-
gna 285. in declinatione nemo vi mor-
bi perit 556. cur aliquando moriantur
696.
Decubitus mollis, Signum dubium 150.
Definitio quid, & quotuplex 57. 58. Defi-
nitio bona, quæ 58. quælibet definitio
prodest 56. Definitio rei quid, & quo-
tuplex 56.

Deiectio ab atra bile lethalis 388. eius-
dem causa ordinaria 389. eius generatio
402. Deiectionis bonæ conditiones 381.
Deiectionis bonæ indicia 383. 384. De-
iectio colliquatiua quibus febribus fa-
miliaris 394. Deiectio corpulenta, quæ
391. Deiectionis exiguæ glutinosæ, ac
candidæ causa 393. Deiectionis humi-
dæ duplex causa 383. Deiectio humida,
quando bona, quando mala ibid. Deie-
ctionum malarum variæ species 392.
393. 395. 402. earundem indicia 383.
384. Deiectiones aliàs malæ, quando
bonæ 397. Deiectionis naturalis verus
color 391. Deiectionis nigra causa
387. cur malæ 385. 387. quando bonæ
ibid. Deiectio nigra quo sensu dicatur
bona ab Hipp. 389. 390. Deiectio nigra
in febribus, quibus diebus lethalis 396.
Deiectio opima quæ, eiusq; causa 396.
Deiectio præter naturam quarum par-
tium affectum indicet 382. Deiectionis
spumantis causa 392. Deiectio strig-
mentosa quid 400. eius causa 401. cur
eam inter coloratas deiectiones posue-
rit Hippocrates ibid. Deiectio subcro-
cea cur mala 394. eius causa ibid. Deie-
ctiones versicolores quid indicent 400.
cur malæ 403. Deiectio vitellina cur
mala 402.
Dentes inflammari possunt 454. non con-
sumuntur ab igne ex Plinio ibid.
Deus creauit Medicinam 106.
Diabete, quid, eiusq; causa 841. 843.
Diæresis quid 4.
Diagnostici ethymon 127. Diagnosticum
cû dilorico incidit 128. Diagnostis car-
do in quo consistat 260.
Diapedesis quid 453.
Diaphanum quid 214. eius aliquæ causæ
214. 215.
Diarthæ Signa Critica 379. 380. Diar-
thæa imminente cur supprimatur viti-
na, lumbiq; doleant 380. 381.
Diastole quid, & à quo fiat 723.
Dicothomos quid 668.
Diei acceptiones variæ 535. 536. eiusdem
variæ qualitates 663. Dies artificialis
quid 537. Dies coincidentes qui dicantur
à Gal. 570. eorundem causa 604. quo-
modo

- modo à quaternarijs differant 553. Dies Critici qui 567. Dies verè Critici 554. Dies Critici plurimi, & varij 326. 630. Dies Critici vnde sumendi 330. Dies Critici pares, & impares 595. inter dies criticos, qui nobiliores 601. Die Critico cur non purgandum 541. Dies Critici etiam noctes comprehendunt 700. Dies Criticos cur aliqui negabant 539. Dierum Criticorum causæ variæ secundum varios auctores 633. 634. 635. 636. vsq; ad 680. inclusivè. Dierum Criticorum computatio in puerperis vnde defumenda 680. 681. variæ circa hanc rem opiniones 681. 682. 683. 684. Dies decretorius quid 541. quot horis communiter constet 542. Dies decretorij vnde accipiant suam virtutem 571. Diei decretorij diuisio 570. alij maiores, alij minores 571. Dies decretorij principes qui 611. 612. eorundem præcursores, qui ib. Dierum decretoriorum ordo ex Fracastorio 647. Dies alij decretorij, alij non decretorij 570. Dies fasti, & nefasti 541. Dies Index, quid 596. Dies indices qui securius Crisim prædicant 574. quando evanescent ibid. Dies indices cur tam insolito numerandi stylo rimentur Medici 599. Dies indices, & Decretorij, quando amittant vim suam 345. Dies Medicorum qui 536. Dies intercedentes qui 552. Dies morbi à quo tempore enumerandi iuxta Hipp. 701. Dies naturalis, quid 536. eius distributio ex Macrobio 537. eius partitio secundum Medicos 538. eiusdem cum 4. anni temporibus proportio ibid. Dies prouocatorij qui 553. Dies, in quibus à magnis remedijs abstinendum 568. Dies radicales qui 617.
- Dies primus quorum dierum index 550. an possit in eo fieri Crisis 548.
- Die 2. cur multi moriantur 516.
- Dies 3. est Critica 551. Die 3. cur fiat accessio, & Crisis 548.
- Diei 4. Vis 551. 594. eiusdem officium 571. quorum dierum index 570. 574. 576. est Criticus, & decretorius 601. 612. Die 4. cur rarò fiant Crises in biliosis 602.
- Dies 5. est Criticus 602. 603.
- Die 6. cur multi moriantur 516. die 6. an possit fieri Crisis 560. dies 6. cur Tyrannus à Gal. dicatur 605. Diei 6. defectus, & vitia 605. 606. Prognosis ex 6. die ibi.
- Diei 7. vis 541. eiusdè laudes & encomia 605. 606. est præcipuus decretorius 611. eius cum die 14. affinitas 616. est omnium fortissimum 570. 615.
- Die 8. quando fiant Crises 612. 613.
- Dies 9. an sit Criticus 613.
- Die 10. an fiant Crises 614.
- Diei 11. vis 614. quot constituat quaternarios 598. quorum dierum index 570. 575.
- Die 12. & 16. nullam Crisim factam vidit Galenus 615.
- Diei 13. vis 570. an sit Criticus 616.
- Diei 14. vis 617. eius cum septimo affinitas ibid. est Criticus ibid.
- Dies 15. an sit Criticus 617.
- Dies 16. nullo modo est Criticus 618.
- Dies 17. est Criticus, & decretorius 617. 618. 621. est index vigesimi 570. 575.
- Dies 18. nec index est, nec decretorius 621.
- Dies 19. nulla vi Critica pollet 622.
- Dies 20. an sit Criticus 622. cur criticus 632. idem, cur criticus, & non vigesimus primus 598.
- Dies 21. cur non sit Criticus 598.
- Dies 27. cuius index 346.
- Dignotio morbi curationem præcedit 7. eiusdem utilitas ibid.
- Discendi difficultas vnde oriatur 228. Discendi facilitas quid indicet 226. variæ hac de re variorum aucthorum opiniones 226. 227. Discendi facilitatis causa ibid. Discere faciliè quid ibid. Ad discendum qui apti, & inepti 227. 228.
- Discursus eorum de aliena materia quid indicet 268.
- Diuretica medicamenta 338.
- Dolorum variæ causæ efficientes 263. Dolorum variæ species, & quibus partibus singulæ conveniant, quidq; in iisdem indicent 277. 278. Doloris capitis per consensum causa, & dignotio 291. Dolor cõtinuus capitis in febre, malus 413. Dolor internus in vasis continuè febri- etantium vnde fiat 628. Doloris causa dum sit pus, ibid. Doloris pulsatilis causa 80. 264. quid indicet 263. in quibus mor-

morbis sentiatur ibid. Dolor quor modis fiat ab humoribus 362.
 Doctrina de Capite & Cerebro, Medico est summè necessaria 241. Doctrina de vrinis an sit nobilior, quàm doctrina de pulsibus 782.
 Dracontiasis quid, eiusq; causa 492.
 Duretus iniuste carpit Galenum 508.
 Duritiei causæ veræ 161.
 Dysenteria Critica 449.

E

Ecthima quid 477.
 Effectiois finis quis 212.
 Effectus sunt Signa causarum 46.
 Efformatio variarū partium corporis 116.
 Elemētorum cognitio Medico prorsus est necessaria 64. eorundem situatio 117.
 Elephantiasis quid 491. eius generatio 483. 489. vnde sic dicatur 489. eius remedium 490.
 Elleborus quibus noxius 113.
 Empirici refelluntur 102.
 Ens quomodo dicatur de suis inferioribus 65. quomodo multipliciter dicatur 66.
 Erasistratus à Gal. redarguitur 91.
 Euacuationis causa 306. Euacuatio commode facta, quæ 397. semper est bona ibid. Euacuationis Criticæ variæ species 318. 362. Euacuatio Critica immodica, mala 384. 522. Euacuatio Critica cohibita, mala 527. Euacuationes exiguæ cur prauæ in morbis acutis 521. Euacuatio immodica omnis mala 518. 522. Euacuatio omnis cur in morbi principio mala 548. 549. Euacuatio parca nulla bona 425. ad euacuationem, quæ prærequirantur § 17. in ea quæ consideranda 519. 520. 521. Euacuatio quælibet varijs modis fieri potest 519. Euacuationis tempestiuæ indicia 397.
 Eucrasia quid 179.
 Eurhythmus quid 744.
 Exanguia cur sanguineis timidiora 224.
 Exanthema quid 472. eorum diuisio ibid. eorundem materia 473. Exanthematum ampla significatio 478. eorundem angusta significatio 480. latius patent, quàm morbilli, & variolæ 479. Exanthemata

culicum moribus similia 479. Exanthemata pituitosa cur hyme pruritus excitent 477. Exanthematum pulmonum indicatio curatiua 473.
 Excrementa corporis quor modis peccent 179. sunt causæ internæ morborum 181.
 Excrementa cuiusvis partis quid indicant 334. 335. 341. 782. Excremētorum nigrorum duplex causa 378. Excrementorum partium duplex genus 232. Excrementa perniciofa quæ 139. eorum prauī colores à quibus causis proueniunt ibid. quæ excrementa in morbis partium perpendenda 140. Excrementum quodlibet statum coctionis eius loci, in quo fit, indicat 137. Excrementum quotuplex in sanguine 821. Excrementa rufa cur bona in declinatione 402. Excrementorum retentio quas noxas afferat 231. 232. Excrementorum species variæ 787. 823. Excrementa tertiæ coctionis vt euacuentur, quæ necessaria 181. Excrementa varia quid indicent 263. Excrementa varia pro varietate partium inspicienda 331. Excrementum venarum quotuplex 799.
 Excreta Signis ad sui cognitionem egent 3. Excreta varia varias partes affectas detegunt 271. 276.
 Excretio quid 318. dicitur modus quo fit Crisis 322. Excretio morbi speciei correspondere debet 332. Excretionis duplex via ibid.
 Exemplum duorum doliorum, & corporis sani, ac ægri 112.
 Exercitium veri simile 504. in quibus corporibus abscessus causet ibid.
 Experientia est instrumentum inueniendi artes, & remedia 100. 101. Experimentum cur periculosum ibid.
 Expulsionis parcæ triplex causa 461. 477.
 Expultricis facultatis variij motus, eorundemque sedes 494.
 Extenuationis corporis variæ causæ 148. 149.
 Extenuatio præter naturam quid indicet ibid. à sola imbecillitate prouenire potest ibid.
 Exteriora morborum, quæ 555.

Facies ægri, & colores partium eiusdem diligenter inspicendi à Medico 356. Faciei color bonus cum mæstitia, malus 357. Facies florida non semper bona est in ægris 147. Faciei Hippocraticæ descriptio 56. 146. eiusdem certum indicium 7. Facies Hippocratica apparenter, non est lethalis 146. Facies luctuosa duplex 6. Facies post Crisim ægri statum indicat 534.

Facultas quid 485. Facultas, & Anima confunduntur 120. 121. Facultates corpus regentes, quot & quæ, & in quibus partibus resident 120. Facultatis expultricis vis 435. est causa Crisis ex Gal. 679. Facultas mouendi in atterijs quomodo transmittatur 714. Facultates naturales quot, & quæ, earumque munus 46. Facultatis naturalis sedes 120. Facultates naturæ multiplices 97. Facultates cuius ope sua obeant munia 121. Facultatis nutritiæ vis 89. Facultates nutritiæ famulantes, quot, & quæ 97. Facultates principes Cerebri 190. quid indicent ib. Facultatis sanguificæ sedes 97. Facultatis vitalis sedes 120.

Fæcum bonarum conditiones 335. 381. Fæcum inspectio nonnunquam fallit 382. Fæces læues cur malæ 394. Fæces versicolores, malæ 358. eardem quando non malæ 388.

Fætoris causâ 378. Fætor in excrementis quid indicet ibid.

Fastidium febribus ardentibus sæpè iunctum est 131. quid indicet 134. Fastidium cur in febricitantibus familiare 279. cuius sit symptoma proprium 280.

Febris à quo calore fiat 30. Febres cur periculosiores in senibus, quam iuuenibus, aut adolescentibus 48. Febris protractionis causa 506. 793. Febris protractio quid indicet ibid. & 509. In febribus nonnunquam podagram excitare licet 529. Febris, qua febris, quæ remedia possulet 30. Febrium tria Signa præcipua 46. Febris acutæ causa 347. Febris ardentis causæ 336. 348. Febris ardens duplex 132. Febre ardente labo-

rantes cur aliquando non multum sistant 132. 133. Febris ardens quot modis iudicetur 323. 337. in varios morbos degenerare potest 329. cur periculosior hyeme quàm æstate, aut alijs temporibus 49. 535. In febribus ardentibus quæ Signa maligna 131. Febris ardentis Signa Pathognomonica, & alia 131. 132. 133. 629. Febris continentis remedia 317. Febris continua quid 509. eius mores 545. quando in alias febres degeneret 509. Febres diariæ quomodo terminentur 548. Febris ephemera curatio quomodo varietur 125. Febris hæctica, quid 593. In febribus ab humoribus crudis ortis quid agat Gal. 502. Febres intermittentes non sunt periculosæ 123. earundem incrementum ex quo colligatur 284. in ijs qui dies numerandi inter Criticos 299. Criticè quandoque soluuntur 568. in ijsdem non dies, sed accessiones considerandæ 602. 616. Febris lippitia, quæ 846. Febres perperacutæ quot diebus iudicentur 546. Febris pûcticularis siue perecchialis 479. Febris putrida, sublata putredine, adhuc putrida dicitur 307. Febris quartana quot modis iudicetur 337. Febris quotidiana quot modis iudicetur 337. Febris semitertianæ causa 685. Febres simplicissimæ, quæ 546. Febris synocha quot accessiones habeat 560. in ea fit Crisis 566. Febris tertiana quot modis iudicetur 337. quot circuitibus ad summum iudicetur 299. quando tribus accessionibus terminetur 550.

Febricitantes cur Comatosi 133. cur aliquando non extenuentur 148. febricitantium maxima signa 703. 704. Eorum victus qualis esse debeat 30.

Fernelius perstringitur 3. 478.

Finis Medici, quis 59. Finis, & scopus distinguuntur 63.

Fistula quid 462. cur ita dicta ibidem.

Flatus generatio 404. vbi nascantur 405. eorum retentio quot modis dicatur mala ibid. Flatum retentorum damna 404. 405. Flatus voluntariè, & inuoluntariè emittuntur 406. Flatus silentes qui 379. eorum causa 404.

Flavius Boerhus Cōsul à Gal. accepit opus
 Anatomicum 33.
 Florescere in morbis, quid 544.
 Fluvius in Palæstina mirus 815.
 Fluxus alui nigri historia 390.
 Fontes varij è quibus præcepta hauriuntur
 78 79. 80. 81. 82.
 Fontes varij acidi 816. variorum in eis sa-
 porum causa ibid.
 Foramina varia & numerosa, per quæ Ce-
 rebrum se expurgat 231.
 Fracastorij opinio de causa dierum Criti-
 corum eiusq; rationes proponuntur, &
 rejiciuntur 641. 642. vsq; ad 650.
 Frequentia & celeritas differunt inter se
 730.
 Frictio in exercitatione duplex necessaria
 151. vtriusq; vis 16. Frictio extremo-
 rum in quibus febris conueniat 502.
 Frictio in lassitudine quomodo cele-
 branda 22.
 Frigida naturaliter citò consenescit 239.
 Fulgor oculis apparens, vnde 414.
 Fungorum materia 274. qua ratione in
 varijs partibus nascantur ibid. Fungo-
 rum in lucernis generatio ibid. ijdem
 quid indicent ibid.
 Funambuli 655.
 Futurorum præsentio est vtilissima 9.

G

Galenus in diuinando perspicacissimus
 419. quomodo lusti vxorem, amore
 torqueri cognouerit ibid. Galenus Di-
 uinator dictus 11. qua ratione vulgi ca-
 lumnias declinauerit ibi. Galenus Hip-
 pocrati conciliatur 584. Galenus quan-
 do opus de Pulsibus cōscripsit 705. Ga-
 leno, venas & arterias inter partes dis-
 similiares collocanti satisfit 33. Galenus
 statum neurum admisit 70.
 Gattulitas in Medicis ab Hippocrate vi-
 tuperatur 103.
 Genarum rubor quid indicet 280.
 Generatio quid, eiusq; causa 360.
 Genethliacus, quis 654. eorum tria prin-
 cipia non possunt obseruari 657.
 Geometra, qui 41. Geometriæ Studium
 Medico est vtile 641.

Gerocomice quid 12. eius munus 24.
 Glabritiei causa 161. quid indicet ibid.
 Glauci coloris varia nomina 241.
 Graciles per quas vias purgandi 373.
 Grauitatis in corpore causa 467.
 Gulæ dolentis indicia 277. 278. ea malè
 affecta, vbi remedia applicanda 279.
 Gustus prauus multiplex 154.
 Gymnastica quid 25. 71.

H

Habitus quid 170. Habitus simpliciter
 bonus ibid. Habitus torius corporis
 in quibus partib. maximè dicatur 250.
 Hæmorrhagia quid 363. 412. Hæmorrha-
 gia bona & salutaris 414. 430. cui ætati
 familiaris 413. 414. 415. ad hæmorrha-
 giam cur promiores iuuenes, quàm se-
 nes 424. In hæmorrhagijs cur aliquan-
 do fiat conuulsio 423. Hæmorrhagiæ
 futuræ Signa 413. 414. 415. 416. 417.
 419. 420. 421. 431. Hæmorrhagiam fu-
 turam in quodā iuvene quomodo præ-
 uidit Gal. 418. Hæmorrhagia immodi-
 ca, etiam Critica, cur sæpè lethalis 423.
 Hæmorrhagia quæ mala 414. 431. Hæ-
 morrhagia quibus morbis conueniat,
 quibus non 336. 448. Hæmorrhagia,
 quo morbi tempore fiat 413. Hæmor-
 rhagia quos morbos soluat 332. Hæ-
 morrhagiam sistit phlebotomia 423.
 Hæmorrhoidalis euacuatio quid 363. in-
 ter Criticas euacuationes ponitur 432.
 eiusdè futuræ Signa 432. 437. 438. mul-
 tos à varijs malis liberauit ibid. vix pe-
 culiari Signo prænosceitur ibid. Hæmor-
 hoidalis fluxus nimius quæ mala adfe-
 rat 265. Hæmorrhoidalis fluxus tempe-
 stiui utilitas 390. qui morbi eo curen-
 tur 432. qui præcaueantur 438. Hæmor-
 rhoidibus laborantium Signum ex cu-
 te 265. Hæmorrhoidalis fluxus indicium
 432. Hæmorrhoids pro hæmorrhagiā
 accipitur ab Hipp. & Arist. 433. 437. Hæ-
 morrhides quibus prosunt 433. Hæmor-
 rhoidum retentio varia mala procreat
 436.
 Hæcticis quæ alimenta conferant 172.
 Hæmorrhæus, quid, qualisq; morbus 560.

I N D E X.

Hepate calido & humido præditi quibus morbis obnoxii 248. Hepate inflammato quæ Crises fiant 331. Hepatis inflammatio quot modis iudicetur 338. historia hepatis inflammatione laborantis 338. Hepar à quot instrumentis purgetur 799. Hepar quot modis euacuari potest 339. cur non indigeat magno sensu 800. Hepatis malè affecti indicium 46. 81. 276. Hepatis paruitas quomodo deregatur 260. Hepatis obstructi Signum ex cure 265. Hepaticæ passionis Signum 81. In hepatis scirrho, aut phlegmone quid agendum 790. cur ab astringentibus abstinentum ibid. Hepatis temperierum compositarum, & simplicium Signa 247. 248. Hepar tumidum cur liberum motum diaphragmatis impediat 421. Herbis cur non eque nutrantur homines, ac pecudes 487. Herpes quid, eiusque generatio 493. Heruæ opinio de circulatione sanguinis exploditur 785. Hippocrates primus opera naturæ cognouit 91 explicatur 517. 518. eidem satisfiit 117. Hirsutiei causa, quidque indicet 161. Historiæ varæ ex Hipp. eorum, qui varijs diebus iudicati sunt 325. 326. 609. 610. Historia duorum fratrum ex Hipp. vna eadèque hora febri correptorum 618. Historia Philisci 568. Hofmanni deliria, & errores refelluntur 47. 68. 69. 70. 125. 126. impudens viro- rum doctorum censor 69. Homines paruo capite præditi quomodo prudentissimi dicantur ab Aristor. 194. vera de hac re sententia 196. 197. caput paruum habentes, cur insensati 195. Homines simplices qui 546. Homo solus inter cætera animalia rectus 197. Horroris causa 133. 443. 494. 563. horror à rigore differt 442. Humeri dislocati Signum 150. Humoris attri generatio 386. Humor biliosus quoto die moueatur 583. Humores crassi cur faciliè deorsum pellantur 458. Humores à quo increassentur 377. Humoris crudi causa 362. eiusdem à pure differentia 361. eius duplex genus

ibid. Humores frigore vigente introrsum pelluntur 133. Humoris morbifici non integrè euacuati Signa 627. Humor peccans solum est purgandus 359. Humores prauis veneni naturam aliquando acquirunt 593. Humores quales in Crisibus euacuandi 353. Humorum quatuor fontes 564. Humor quilibet peculiare habet serum 796. Humores quot modis ferantur extra venas 452. Humorum reciprocatio quid 354. Humoris retrocedentis Signa 462. Humorum separatio à quo fiat 306. Humor, & succus differunt 360. Humores superflui per quot vias expurgantur à natura 455. Humores synceri qui dicantur 427. Humores tenaces, & impacti præparandi 553. Hydrophobia quid 591. Hydropis species 172. Hydropicis quæ remedia prosint 359. Hydropici cur non probè per cutem expurgentur 182. cur non probè nutrantur 807. Hydropicorum excrementa & urinæ cur rubore tincta 380. Hydrops in matellam quid 841.

Hyeme cur per inferiora purgandum 373. Hygieines munus, & necessitas 2. eundem, ac Curatrix, respicit finem 156. Hypochondriacis ob retentionem sanguinis cur multa mala accidunt 436. Hypochondriorum distensio cur fiat superueniente hæmorrhagia 421. eorundem pulsatio quid indicet 424. Hypochondrium, & Præcordium differunt 420.

I

I Chor quid propriè 797. in sanguinis massa redundans quid indicet 798. Ictericus cur facies reddant albas 391. Icteri causa 623. in febribus apparens quando malus ibid. Ictus in pulsu duplex acceptio 732. Idiotropia quid 653. Ileus dolor, quid 406. Imaginationes prauæ quid indicent 268. Imaginationis promptæ vis 211. Imbres Australes cur falsiusculi 814. Impetigo quid 491. 495. eius causa & generatio 495. 496. in Psoram, & Leporam migrat ibid. Inæ-

Inæqualitas simplex quotuplex 738. eius
causæ 761.
Indicationes curatiuæ variæ 16. à quibus
causis desumantur 123.
Indicium certum quid 48. Indicium non-
ita latè patet, ac Signum ibid.
Inediæ damna, & noxæ 374.
Inertia quid 212.
Infantes cur repant 197. sunt pomiliones
ibid.
Inflammationis quot & quæ tempora 690.
Influentiæ maleficæ, vnde 654.
Ingenium, quid secundum varios autho-
res 209. 210. à nonnullis cum prudentia
confunditur ibid. Ingenij tarditas, vnde
222. Ingeniosi qui 211. 213. Ingeniosi
qui ex Arist. 222. Ingeniosi quomodo
multi dicantur 217.
Insomnia, quæ ex Gal. 269. alia Diuina,
alia naturalia ibid. quid indicent 269.
Instrumenta, quæ 31. Instrumenta inue-
niendi artes, & remedia 100. 101. In-
strumenta varia pro excrementis con-
dita 823. Instrumenta varia pro nutri-
tione 487.
Intellectionis malæ causæ 217. Intellectus
operatio sequitur Cerebri temperiem
218.
Interperies naturæ in quo statu ponan-
tur 71.
Intermissio quid 284. in ea quid conside-
randum 285.
Intestini exulcerari Signa 263. Intestino-
rum crassorum exulceratorum Signa
272. Intestinorum vulneratorum Signa
ibid.
Inuentionis initium, quod 58.
Ira quid, eiusq; frænum 753.
Iucundum, quod assumitur, duplex 484.
Iudicari in morbis, quid 300.
Iudicium cur difficile 101. quid Empiricis
ibid.
Iurisprudentia est multò inferior facultate
Medica 213.
Iustitium quid 541.

L

L Al or quid in morbis 513.
Labii tremor vnde fiat 371.

Lacrymæ vnde proueniant 270. quæ bonæ,
quæ malæ ibid. cur præter voluntatem
effluant 417.
Lapidis Bezoar noxa in febribus 29.
Laiynx quid, eiusq; descriptio 272.
Lassi qui dicantur 17.
Lassitudo quid, eiusq; sedes 512. Lassitu-
dinis species simplices, & compositiæ
17. 18. 21. earundem causæ 18. 20. 21.
earundem Signa, & curatiuæ indicatio-
nes 22. 23. sunt symptomata 18. Lassitu-
dinis apparentis causa 21. eius curatio
24. Lassitudo spontanea quid indicet in
febribus 512.
Laurentius perstringitur 302. 677.
Leo cur collum habeat rigidum 197.
Lepra quid 490. 491. eius causa 494. 498.
qualis morbus 492. à Psora differt 496.
497. cum Virilagine confunditur in Sa-
cra Pagina ibid.
Lethargus quid, eiusq; causa 609. quot
modis indicetur 337.
Leuce quid 491. eius generatio 482. à Vi-
tilagine differt 490.
Leucophlegmatia quid 265. ea laborantes
quale corpus habeant ibid.
Libellus verus Galeni de Vrinis, tempo-
rum iniuria perditus 789. Liber de Cor-
de à multis censetur Spurius, & non
Hippocratis 117. Liber de Peste ab Au-
thore editus 103.
Lichen quid, & quotuplex 490. eius gene-
ratio ibid.
Lienis inflammatio quandoq; hæmorrha-
gia iudicatur 338. eius malè affecti Si-
gnum 276. Lienis obstructi Signum ex
cute 265. eius situs 276.
Lingua fuliginosa quæ 610. Lingua nigri-
cans quid indicet 264.
Linteamina vrinis ictericorum intincta
cur flauescant 844.
Liquoris aquei, ex quo fit vrina, vsus &
necessitas 795.
Lixiuum cur flauum 840.
Lochia, quid 685.
Locorum diuersitas peculiare diuersosq;
parit morbos 267.
Lumbiqueruli vnde sic dicti 435.
Lumborum doloris causa 434. idem dolor
quid indicet ibid. Lumborum grauitas
Q q q q q 2 vn-

vnde fiat 444.

Lumbricorum generatio 392. per quas vias commodius excernantur ibid. eorum excretio aliquando Critica 448. Lumbrici in pestiferis per os eiekti sunt lethale Signum 392. Lumbricorum latorum Signum 263. Lumbrici in quibus partibus nascantur ibid.

Lumen vt penetrer, quid requiratur 214.

Luna in amphicyrto, aut dichotomo, quos habeat aspectus 669. Luna benefica, aut malefica quando 651. 654. Lunæ vis in Crisibus 635. ex Gal. Crises facit 635. 636. Luna quomodo Criseus Causa dicatur 678. Lunæ crescentis & decrescentis varij effectus 673. 674. Lunæ cum diuersis Planetis iuncta vis varia 651. 654. Lunæ vis in discernendo, ex Gal. 559. Lunæ ortus, quid 668. Luna, quando varias mutationes faciat 670. 671. Lunæ quadræ correspondent quatuor anni temporibus 672. Luna quomodo mensibus præesse dicatur 661. 667. 672. Luna quot diebus Zodiacum percurat 669. Lunæ schematismi varij 667. 668. Lunæ vis in Plenilunio, & Nouilunio vnde 672. Lunares morbi ex Astrologis 655. Lunares obseruationes in agricultura 674.

Lynx acutius videt, quàm homo 172.

Lypothimia quid, eiusq; causa 607.

M

M Ammarum doloris causa 445. Mamme cum quibus partibus societatem habeant 446.

Mania quid 609.

Martiani vanitas & errores 697. 698. 699. 700.

Masticatio quid, eiusq; vtilitas 225.

Medicamenti forma debet esse grata agro 100. Medicamenta calida nõ sunt danda in febribus 29. Medicamentis purgantibus rarò vtendum in morbis acutis 283. cur non propinanda diebus Criticis 293. Medicamenta purgantia qui tolerent, qui non 340. quibus temporibus ab ijs abstinendum 659. Medicamenta morbi quatuor temporibus debi-

ta 287.

Medicinæ definitiones varia 4. 59. 64. Desinitio Herophyli 39. 54. eadem tanquam bona explicatur 58. 59. Medicinæ diuisiones varia 11. 12. 13. 24. 25. Medicina cur dicatur coniecturalis 81. cur dicatur effectiua à Gal. 84. 85. Medicinæ finis & Scopus 5. 70. Medicina non nisi improprie est ars factiua 86. 87. Medicinæ duo fundamenta 83. Medicina cur inuenta 106 101. eius necessitas 112. Medicina est nobilior Medico 95. est omnium artium nobilissima 106. 109. Medicinæ partes, earumq; diuisio 26. 27. 39. 40. 70. Medicinæ practicæ munus 90. eadem plurimis constat firmis principijs 83. Medicina, quoad Prognostum, est Diuinationi cognata 11. Medicina est scientia ex Gal. & Arist. 50. 65. Medicinæ quot sint cõstituendæ species 30.

Medicus bonus, aut malus, qui 59. Medici comparatio ad suos ministros 96. Medicus non debet esse copiosus in præscribendis remedijs 555. 556. Medicus erga homines humanus esto 104. Medicus cur honorandus 106. Medici ignari quomodo ditescant 105. Medicus quando immunis à culpa mortis 110. Medici mali cum malis nauium gubernatoribus comparantur 104. Medicus morbos incurabiles aggrediens excusatur 107. Medico ægrum siue notum siue ignotum accedenti, quæ obseruanda 74. 147. 150. 151. Medici munus 109. eiusdem scopus 64. Medicus naturæ est imitator, minifter, & spectator 86. 87. 88. 92. 318. 373. Medicus operator, non est Medicus dicendus 96. Medicus qua ratione sensu tactus percipiat peroptimum hominis temperamentum 175. Medico soli, quæ scitu necessaria 96. Medicorum varietas 557.

Medium qua ratione detur inter sanitatem & morbum 68.

Melancholia difficulter putrefcit 649. Melancholici humoris descriptio 387. eiusdem euacuatio quando bona 386. per quas vias euacuetur ex hepate melancho-

cholica 436.
 Meliceris quid, eiusq; causa 471.
 Membrum fractum quomodo tractan-
 dum 568.
 Memoria bonæ causa 328.
 Mensis quid, 543. quotuplex 667. Mensis
 apparitionis, qui 667. 669. quot diebus
 conset 675. Mensis lunaris 661. eius
 subdiuisio 666. Mensis medius Galeni
 675. 676. Mensis peragratiōis 667. 669.
 quot diebus conset 675.
 Menstruorum futurorum Signa 424. 440.
 442. 444. Menstrua indebito tempore
 fluentia vix sunt bona 425. Menstrua
 prouocare quæ possint 424. Menstrua
 purgatio Critica, quæ 425. Eorum sup-
 pressio quando incurabilis 442. ex eo-
 rundem suppressione horrenda nascun-
 tur symptomata 442. 446. 447. Menstrua
 tempestiua febres acutas in mulieribus
 indicant 438. Menstruorum tempus 674.
 Menynges dolore pungitius afficiuntur
 417.
 Mercati opinio de Crisi essentia 305.
 Mercurialis varij errores 302. 454. 468.
 eiusdem opinio de vrinæ generatione,
 eiusq; rationes 807. 808. rejicitur 809.
 810. 817.
 Ministri Medici ægris profunt 94. eorum-
 dem munus 96.
 Mithridatium est præstantius contra Ve-
 nena, quàm Theriaca 124.
 Mobile in morbis quid 303.
 Modus curandi, & conseruandi 77.
 Morbus acutus duplex, & quid vterque,
 327. Morbi acuti quibus diebus fieri in-
 cipiant 329. Morbi acuti quot diebus
 iudicantur 326. Morbi acuti quibus
 modis indicantur 432. Morbi acuti non
 semper per excretionem iudicantur 323.
 Morbus acutus ex decidentia quomo-
 do fiat 328. Morbi acuti sine febre 327.
 Morbi Astrologorum 654. 655. Morbus
 alius Medicus, alius physicus 73. Mor-
 bi benigni ex se, quomodo possint fieri
 maligni 136. Morbi biliosi non iudi-
 cantur abscessu 463. Morbis calidis &
 humidis qui magis obnoxij 268. Morbi
 calidi quomodo vtplurimum terminen-
 tur 320. 323. Morbus celer, qui eiusq;

causa 109. Morbi chronici causa 463.
 505. non semper per abscessum iudi-
 cantur 324. quando iudicantur 664.
 Morbus Comitialis quando curabilis
 664. Morbi per consensum 291. Morbi
 qui diebus paribus, imparibusue iudi-
 cantur 544. Morbi duplex causa 179.
 Morbi exigui sunt neutri 74. Morbi fri-
 gidi quomodo vtplurimum terminen-
 tur 320. 323. Morborum genus triplex
 176. Morborum genera à differentijs
 temporum 328. Morbum hepaticum,
 quomodo cognouerit Gal. 593. Morbus
 humoralis salutaris quot modis tollatur
 464. eiusdem tempora quomodo digno-
 scantur 688. 691. In morbis immateria-
 libus nō fit Crisis 304. Morbi intempe-
 riei difficile cognoscuntur 174. Morbi
 idē cognitio quantum iuuat 266. Mor-
 bi qui iudicantur per abscessum, aut ex-
 cretionē 464. Morbi qui iudicantur per
 abscessum, à quibus humoribus fiant
 464. Morbi alij ex se letales, alij nō 135.
 Morbi magni, qui 266. eiusdem Signa
 ibid. quot modis dicatur 280. Morbus
 magnus, & vehemens, sunt idem 281.
 Morbi magnitudo quomodo dignosca-
 tur 285. Morbus, eius causa, & sympto-
 mata, maligna esse possunt 281. Morbi
 mō duplex 134. quomodo dignoscatur
 281. 285. Morbi mutatio vnius in alium,
 quæ bona, quæ mala 270. Morbus nullus
 est naturalis 52. Morbi omnes nequeūt
 curari 63. 107. Morborum omnia gene-
 ra quouis anni tempore fiunt 52. Morbi
 parui, qui 266. Morbus paruus appa-
 renter, aliquando est perniciosus 592.
 Morbi partium internarum & externa-
 rum quibus modis percipiantur 261.
 Morbus, affectus, & passio sæpē con-
 funduntur à Medicis 4. Morbi peracu-
 ti extremē 572. Morbi peracuti omni-
 bus ferē diebus iudicari possunt 550.
 Morbi per se noti 74. Morbi peculia-
 res suas habent excretionē 332. Mor-
 bi principium vnde sumendum 74. 325.
 Morbi productionis Signum 572. Mor-
 bi quibus dignoscantur 266. 267. Mor-
 bi qui quarto die iudicantur 547. 572.
 Morborum tempora quot, & quæ 282.

689. quā ratione sunt inæqualia 282.
 Morbi quibus temporibus iugulent; aut
 iugulentur 689. Morbi varij pro tempo-
 rum mutatione 660. Morbi vernaes
 475. Morbi vltra 34. diem producti cur-
 rato per sudores aut excretiones termi-
 nentur 353.
 Morbillorum duplex genus, & subdiuisio
 472. Morbilli in febribus ardentibus
 ibid.
 Mores animi sequuntur temperamentum
 corporis 171. 361. Mores varij ob va-
 riam Cordis temperiem 244. 245. 246.
 Morsus animalium venenatorum, est Si-
 gnum maligni affectus 123. 124. Mor-
 sus Canis rabidi non statim habet Si-
 gnum 74.
 Mors vt prædicatur, quid sciendum à Me-
 dico 695. Mortis culpa cui potissimum
 tribuenda 106. 108. Mortis dies quomo-
 do prænoscantur 576. 693. 696. Mortis
 futuræ Signa & præfagia 505. 511. 575.
 578. Mortis hora quomodo venanda
 694. 697. Mortis occasiones variæ 108.
 109. Mortem quæ res prænuncient 139.
 Mortis Signa ex quibus eruantur 137.
 138.
 Motus diuersitas quid arguat in Cerebro
 190. Motus inæquales morborum, qui
 329. Motus voluntarij in homine causa
 radicalis, & instrumentalis 45.
 Mulieres cur in sua opinione inconstan-
 tes 229. Mulieres parturientes quo tem-
 pore iudicentur 298.
 Mundus sensu pollet, ex Cicerone 119.
 Musculi vnde accipiant facultatem mo-
 tricem 208.
 Mutatio mixta, quid, & quotuplex 310.
 Mutationū in morbis sex species 308
 Mutationis ad salutem & mortem tres
 species 310. Mutatio subita ad salutem
 quomodo fiat 311. quomodo Crisis vo-
 cetur 309. 313.
 Myrmecia, quid 492.

N

 Narium abscessus 470. eorum titillatio
 quid indicet 420.
 Nasij impostura 47.
 Naturæ acceptio 120. Naturæ encomia
 92. 93. Naturæ facultates communes
 quot, & quæ 95. Naturæ imbelles, & in-
 temperatæ facillè læduntur 180. Natura
 iusta, ex Hipp. 202. Natura licet mor-
 bos sanet, non ideò tamen Medicina est
 inutilis 93. Naturæ morborum Medici
 87. 88. 92. 556. 678. Natura omnia mo-
 litur ad animalis salutem 92. Naturæ
 opera admiranda 92. 93. Natura prima-
 ria animalis opifex 89. Natura primariò,
 Medicus secundariò sanat 94. 97. ali-
 quando ope Medici eget 94. 105. Natura
 quando à Medico iuuanda 352. Na-
 tura quando tentet Crisim 694. Natura
 repugnante Medicina nil proficit 91.
 Naturæ sollicitudo in euacuandis ex-
 crementis 231. 232. Naturalis status in-
 tegrus in quibus consistat 127. Naues
 onerariæ cur in mari benè nauigantes
 in omnibus demergi videantur 815.
 Nerui abscessibus sunt obnoxij 455. Ner-
 uorum magnitudo vnde sumenda 193.
 Neruorum ortus 194. 206.
 Neuter status cur admittendus 186. Neu-
 ter status triplex 52. 53. Neutrum sta-
 tum dari ratio suadet 72. eundem ad-
 misit Galenus 70. In neutro statu qui
 sunt 24. 73. 74. Neutrius status Signa
 288. Neutrum quid, & quotuplex 288.
 289. eiusdem diuisio & subdiuisio, &
 quid vtrumq; 190.
 Nigredinis causæ 840.
 Nimum omne naturæ inimicum 82. va-
 riæ de hac re sententiæ ex Hipp. ibid.
 Nota, & Signum, synonyma 47. Notatio
 quid 47. Notio quid ibid.
 Nubecula rubra in vrina quid indicet
 573.
 Numerus duplex 635. Numeri qui præci-
 pui 680. Numerus septenarius quando
 considerandus 664. eius vis vnde pen-
 det 680. Numerorum vis ex Pythago-
 ra 634. à Galeno reprobat 636. 637.
 Nutricis facultatis actio 486.
 Nutrimentum propriè quid, & quotuplex
 488.
 Nutritio quid 483. 484. 887. eius causa
 485. eiusdem à generatione differentia
 ibid. Nutritio quot modis lædatur 482.
 Obie-

Obiectum Medicinæ verum, & per accidens 28.

Obiectiones variæ contra definitionem Medicinam traditæ ab Herophylo 55.

Obluius quid, eiusq; causæ 228.

Obstructionum pertinacium causa 436.

Occasio propinandi remedia diligenter obseruanda 100. Occasio quid 102. cur præcepta 100. 101. sedulo à Medico animaduertenda 103.

Occipitis adaucta, aut deficiens eminentia vnde proueniat 199. 205. eiusdem prominentia, quæ bona, quæ mala 206.

Oculorum abscessus 470. Oculorum caliginis causa 370. quid indicet 416. Oculi fluentes, eorumq; curandorum methodus 515. 518. 519. Oculi glauci vnde fiant, cuiq; ita dicatur 240. 241. Oculorum intemperies variæ 240. Oculi magni quid indicent 240. Oculi Naturæ spontè sæpè sanantur 91. Oculi nigri vnde fiant 240. Oculi parui vnde fiant, quidq; indicent 240. Oculi quando per se, quando per accidens lædi dicantur 271. Oculorum variè temperaturum indicia 240.

Oddus de Oddis perstringitur 163.

Oedema quid communiter, quidq; Hippocrati 451. 523.

Oesophago malè affecto, vbi remedia applicanda 279. Oesophagi dolentis notæ 277. 278. 279. eiusdem situs 279.

Olei dulcis vis in lassitudine vlcerosa 22.

Oleum *μωτρίβες* vbi vitandum ibid.

Operationes principes Cerebri, quæ & quot 207. 208. Operationes omnes edit natura 88.

Ophthalmia quid, eiusq; tempora 691.

Opiniones variæ de causa Dierum Criticorum proponuntur, & reiiciuntur 638. 639. 640. vsq; ad 678. inclusiuè. Opinio vera de Causa Criseos 678. Opiniones variæ de Crisi essentia 305. Opiniones variæ de causa pulsuum 713. 715. 716. 718. Opinioni stabilis, & instabilis causa 229.

Oratio omnis definitionibus constat. 57.

Ordo Authoris in traditâ Semeiotica 11.

Ordo in Pulsu à quo conseruetur 714.

Orificio ventriculi affecto, cur Cor, & Cerebrum compatiuntur 297.

Ossa an possint pati abscessum 454. cur nõ fateant ibid. Ossium lassitudo quando, & vnde proueniat 20.

Οστέον quid 19.

Oltreæ secundum Lunam crescunt decrescuntq; 673.

Oriosi cur multam in vrinis habeant subsiditiam 838.

Oua plena cur in aqua falsa supernantent 815.

P

Pædotrophice, quid 12.

Palpitatio quid 712.

Paraphora, & Paraphorus quid 437.

Paraphrenitidis causa in febribus 291.

Parenchyma quid 31.

Parotides erudæ per quas vias terminentur 624. Parotides cur Castori & Polluci ab Antiquis comparatæ 530.

Pars malè affecta quot notis dignoscatur 271.

Pars quomodo cum parte conferenda 5. 416. Pars, Particula, Portio, sunt synonyma 14. Partes aliquæ internæ quomodo dignoscantur 259. Partes dissimilares quæ 31. earundem morbo affectarum Signa 258. 259. Partes inflammatae quomodo doleant ex pulsu arteriarum 435. Partes Instrumentariæ, quæ 31. earundem defectus faciliè dignoscuntur 258. Partium variarum internarum vulneratarum indicium 273. Partes læsæ per consensum quomodo dignoscantur 291. Partes præstantes quæ 281. Parte principe alterata, cur totum alteretur corpus 188. Partes similes, quæ 31. earundem benè, optimèq; constitutarum Signa 160. 161. Partes variæ peculiaribus morbis obnoxia 263. Partium corporis diuisio 30. Partium figura, & situs nobis indicant modum quo eueuantur 339. 392. Partium genera quatuor, earumq; diuisio 187. 188. Partium variarum peculiaria excrementa 335.

Partus qua ratione iudicetur 637.

Parui non sunt pulchri ex Arist. 166.

- Pathognomonicon unde deriuetur 128.
male cum diagnostico, & dilotico con-
finitur ibid.
- Pauperes cur citius sanentur, quàm diui-
tes 603.
- Pedum inflatio à febre liberauit 324.
- Pentaphyl i vis superstitiosa 638.
- Periodus morbi, quid 562.
- Peripneumonia quibus modis iudicetur
324. 337.
- Peritæxa quid, & cui ætati, ac anni tem-
pori familiaris 409. eius futuræ Signa
ibid. quæ partes ea expurgentur 410.
- Peristalticus motus, quid, & quotuplex
306.
- Peritonæi discissi Signum 273.
- Perturbatio in morbo quid 297. Crisim
præcedit, & sequitur 306. 311. in quo
consistat 306.
- Peste affecti plures moriuntur, quàm sa-
nentur 300.
- Petecchia 479.
- Petri Aponensis error 469.
- Phagedena quid 390. 493.
- Pharmaco Medicus, quis 98.
- Phaorini rationes contra Astrologos
655. 658.
- Philosophia Medico necessaria 99.
- Phlebotomiam, quæ prohibeant 317. quæ
circa eam consideranda 358.
- Phlegmone quid, & unde fiat 20. Phleg-
mones Signa 79. eiusdem ad suppura-
tionem transeuntis indicium 264.
- Phrenitis quibus modis iudicetur 337.
Phrenitici cur ob vomitum aliquando
moriuntur 366.
- Phyma quid 471. 475.
- Picrocholi qui, curq; morbo 172. 173.
- Pilorum materia 236. eorum copia unde
proueniat 245. cur copiosiores ante,
quàm retrò 444.
- Pingues cur facilius moriantur, quàm gra-
ciles 755. eorum pulsus, qualis ibid.
- Pituitæ cur nullum à natura datum rece-
ptaculum 360. Pituitosi cur aliquando
bilem euomant 260.
- Planetarum diuisio in duas classes 651. Eo-
rum mira vis secundum Astrologos 652.
- Plantarum radices cum ore & capite com-
paratio 198. Plantationis tempus 674.
- Platonis sententia de Medicina 100.
- Plempio satisfit 155.
- Plenilunium quando fiat 668. cur in eo
magnæ fiant mutationes 672.
- Pleuritis quid 129. eius Signa Pathogno-
monica 80. 129. 130. eiusdem Signum
confidens 129. Pleuritidis Signa mali-
gna 135. In Pleuritide quæ Signa inspi-
cienda 786. Pleuritidis brevis Signum
283. Pleuritis in empyema conuerti po-
test 320. Pleuritis incocta quæ 130.
Pleuritidis methodus curatiua 626.
Pleuritidis variæ species 139. Pleuriti-
corum historia 344. 624. 625.
- Podagra quibus remedijs excitari possit
529. Podagrici cur hyeme insanabiles
511.
- Pólitici non sunt sapientes 213.
- Pomilio, quid, & quæ eius formam ge-
runt 197.
- Pori cutis in quibus corporibus faciliè a-
periuntur 181. Pororum siue callorum
generatio 274.
- Potionum sudoriferarum utilitas, & effe-
ctus 22. 23. ubi conferantur ibid.
- Præcognitio, Prognosticum, Prædictio,
Præfagium, Præfagium, Prænotio, Præ-
fensio, ac Prouidentia, sunt synonyma
8. 10.
- Prædicere, & præsentire dupliciter possumus
10. Prædictionis & Præfensionis
discrimen ibid. Prædictionis utilitas 11.
- Præsentiri quæ dicantur 9.
- Prætoriorum cognitionis utilitas ac ne-
cessitas 122. 123.
- Principium morbi quid, & quotuplex 689.
eiusdem triplex acceptio 546. Principi-
um morbi ad quorum diem extendat-
ur ibid. in quibusdam morbis acutus est
aliquando momentaneum 286.
- Principia Pythagorica, quæ 634. Principi-
um medendi in quo consistat 91.
- Prognosis quid 135. eius latitudo 136. de
quibus detur ibid. eius triplex utilitas 8.
- Προνοία quid, eiusque variæ acceptiones,
9. 10.
- Prophylactice quid 12. est quarta Conser-
uatricis pars 71.
- Providere quid, quidq; prouidentia 8.
- Prudens quis 212. eius munus 113. Pru-
den-

dentia quid 212. 213.
 Pruritus causa, & natura 493. 494.
 Psora quid, eiusq; generatio 490. 496. eiusdem duplex acceptio 497.
 Psyracium quid 490.
 Ptyalismus quid, eiusq; causa 372.
 Pueri cur facile discant 228. in suis opinionibus cur inconstantes 229. cur crudis humoribus repleti 362. Puerorum vrinae, quales 838.
 Puerperarum febricitantium variae historiae ex Hipp. 683. 684. 685. 686. in puerperis dierum Criticorum computatio vnde sumenda ibid. In Puerperis qui humores euacuentur 685.
 Pulchritudinis completa causa 170. Pulchritudo fucata quae 168. Pulchritudo quid Socrati ibid. Pulchritudo vera, quae ibid. in quo consistat 167. 168. 169.
 Pulmonum abscessus qua via per secesum aut vrinam euacuetur 784. Pulmonum exulceratorum causa, & Signa 271. Pulmonum inflammatorum Signa 264. 280. Pulmones cur vapores fuliginosos sentiant 369. 370.
 Pulsatio quid 712.
 Pulsus triplex acceptio 706. Pulsus quae sit actio 707. Pulsus causae 707. Pulsus causa ex Arist. 712. Pulsuum causa secundum varios auctores 713. Pulsuum causa continentes internae, & externae 745. 746. 747. earundem complicatio 751. Pulsus cognitio summè necessaria 703. Pulsus definitio, & explicatio 706. 710. Pulsus doctrina cognita fuit Hippocrati 704. 705. de Pulsibus cur non scripserit Hipp. ibid. Pulsuum doctrinam spernit Acampus 704. Pulsus differentiae compositae quot, & quae 732. vsque ad 742. inclusiue. Pulsuum differentiae simplices quot, & quae 726. 727. Pulsuum differentiae in mox morituris apparentes 741. Pulsus à quot facultatibus fiat 721. 724. Pulsuum genera à quot fontibus desumantur 725. vsq; ad 729. Pulsus quando immutentur 746. Pulsus leuissima de causa mutantur 773. Pulsuum mutationes ex causis nonnaturalibus, & causis praeter naturam 778. 779. Pulsus cur maior in iunioribus, quam seniori-

bus 712. Pulsus cum respiratione conuenit, & discrepat 709. Pulsuum variae species, singularumq; causae 747. 748. 749. 750. 751. 752. Pulsuum tangendi verus modus 780. 781. Pulsus quatuor vsus 709.
 Pulsus aegrorum in statu sano Medico ignororum, quomodo expiscandus 776. Pulsus aequalis quid, & quotuplex 733. Pulsus Aetatum 776. Pulsus alti causa 771. Pulsus amoris an detur 759. quomodo à Galeno, & Erasistrato cognitus ibid. Pulsus angusti causa 773. Pulsus Anni. Temporum 776. 777. Pulsus brevis causa 773. Pulsus caprizans, quid, & cur ita dictus 739. eius causa, & Prognosis 767. Pulsus conuulsivus quid 738. eius causa 769. Pulsus decurtatus quid, & quotuplex 735. 756. eius causa 768. Pulsus dirotus quid 740. eius causa 717. 765. 766. 767. Pulsus durus quid indicet 130. Pulsus formicans quid 741. quomodo à vermiculante & vndoso differat ibid. eiusdem causa 768. Pulsus gracilis quid 726. Pulsus gracilius 776. 777. Pulsus hecticus 742. eius causa 770. Pulsus humilis causa 772. Pulsus hydropicorum qualis 772. 773. Pulsus imbellis duplex 754. eiusdem dignoscendi modus ibid. Pulsus imparis citati causa 764. Pulsus inaequalis, quid, & quotuplex 744. 759. Pulsuum inaequalium causa 752. vsq; ad 757. Pulsus inaequalis qui periculosior 761. Pulsus inaequales, & inordinati quomodo dignoscantur 738. Pulsus intermittens 739. eius causa 757. 760. eius differentiae, & Prognosis 760. Pulsus intermittens in quibus aetatibus periculosior 762. 763. Pulsus languidi causa 607. Pulsus lati causa 772. Pulsus magnus, quid, & quotuplex 725. 727. Pulsus mediocris, quid, & quotuplex 725. Pulsus mollis quid indicet 375. 412. Pulsus myurus, quid 735. Pulsus palpitans 742. eius causa 770. Pulsus paruus, quid, & quotuplex 725. Pulsus cur sit paruus in conualescentibus à febre 73. Pulsus pinguium 776. 777. Pulsus plenus 729. sub quo pulsu contineatur 731. Pulsus pregnantium
 Rrrr
 tum

tium 777. Pulsus Regionum 777. Pulsus ferrans 742. eius causa 770. Pulsus strepens 742. eius causa 770. Pulsus se-xuum 776. PVL SVVM TABELLA 726. 727. Pulsus turgidus, quid 726. Pulsus varij pro varietate temperierum Cordis 244. 245. 246. Pulsus vermiculans 741. eius causa 768. Pulsus vibratus, eiusq; causæ 765. Pulsus vndosus, quid, & cur ita dictus 741. eius causa 768. quid indicet 375. 412.

Punctuæ rubicundæ in febribus vnde proueniunt 29.

Purgatio quid 113. cur in sanis non celebrâda 112. sanis quomodo noceat 114. in purgantibus, quæ consideranda 99. 100.

Pus quomodo in empyemate ad vias vrinæ deponatur 410. Pus à quo fiat 628.

Pustulæ, quid, earumq; causæ, & variæ species 474. quæ remedia ijs conueniant 475. Pustulæ latæ cur non valde pruriât 776. a Pustulis sublimibus differat ibid. Pustulæ planæ, quid 480. Hippocrati fuere cognitæ ibid.

Purèdinis febrem comitantis vera remedia 30.

Q

Q Vadragesimi diei cur non meminit Gal. 343.

Qualitatum primatum contemperantia, quomodo in sit partibus similibus. 157. Qualitatum tum primarum, tum secundarum oppositio à veris Medicis obseruanda 99.

Quartanæ quæ breues, quæ longæ 287. in quartanis sic iudicatio secundum numerum circuituum, non dierum 299.

Quaternarij dies cur fortes 597. cur non sint integri 600.

Quaternio quid 600. eorum constitutio 599.

Quies an sit pars essentialis pulsus 718. Quies duplex significatio 719. Quies vna interna, altera externa ibid. earum usus ibid. a quo fiant 720. earum finis 721. earundem officium 722. an sint actiones reales ibid. Quies interna in pulsu an possit percipi 730.

R Achidis compositio, & situs 444.

Ramētum, quid, quidq; indicet 275.

Recidiuarū causa 320. 345. 688. Recidiuæ varijs diebus terminatæ 623. 624. Recidiuæ an differat à primo morbo 687.

Reciprocatio humorum, quid 354. vnde proueniat 358.

Rectitudo quid 526. Rectitudo partium, inter se quando obseruanda in euacuationibus 524. 525. Rectum est sui, & obliqui index 155. 229.

Regiones peculiare generat morbos 267.

Remedia in morbis acutis, quibus diebus administranda, aut omittenda 569. Remedium ad reficiendas vires 39. Remedia Diuretica 790.

Renes cur propè hepar siti 800. cur nō laxantur à suo excremento ibid. cur vasa magna emulgentia habeant 801. vi attractrice pollent ibid. vrinam ad se attrahunt 802. cur totum humorē aquosum non attrahant 806. cur densi 812. quo sanguine nutriantur 813. Renum, exulceratorum indicium 272. 273. Renum imbecillitatis Signum 81.

Repræsentare quid 42.

Res præter naturā triplex 260. Res quævis in corpore quot modis dignoscantur 262.

Resolutio extremorum, quid 453.

Respiratio varia pro varietate temperiei cordis 244. 245. 246. Respirationis causa 715. Respiratio crebra magna frigida quid indicet 331. Respiratio libera quid denotet 330. Respiratio libera in febribus acutis est bona 326. 327. 588. eadem cur sit bona 330. Respirationis necessitas 708. eiusdem utilitas 97.

Reuulsioni deriuatio substituitur 517.

Rhetorica quid 67. Rhetoris munus 109.

Rhyas quid 515.

Rhythmus quid, eiusq; variæ acceptiones 743. Rhythmi variatur iuxta ætates 775.

Rigor quid 18. 441. eius causa 494. Rigor qui malus 342. qui pessimus 590. Rigor quid præindicit 342. Rigor morbum, soluit 411. Rigorem quæ sequantur ibi. Rigoris vis 422. 424. 441. Rigor mulieribus vnde fiat 440. à quibus partibus

inchoet viris, aut feminis 443. cur feminis citius fiat ibid. cur non inchoet à partibus anterioribus ibid. Rigores die sexto, quid indicent 607.

Ros, quid 488.

Ructus quid 379. § 16. quo modo, & quibus prouocandus § 16. eius utilitas ibid.

Ructus acidus, aut nidorosus, quid indicent 262.

Rustici prædicant varias tempestates 10.

S

Sacramentum quid 44.

Sal quomodo conficiatur ab Vmbriis 816. Salis Theriacales virtutes 495. Sal-sedinis causæ 813.

Salinæ utilitas § 64.

Saluber vt semper, & saluber vt multum, qui dicendus 178. Salubre triplex 288.

Salubris Medicinæ partis officium 90. eiusdem scopus primarius 120.

Salus quibus corporibus inest 156. Salutis Signa 137. 138. 139. § 78.

Sanatio cui adscribenda 106.

Sanctorius refellitur 32. 33. 34. 37. 65. 174. 183. 184. 195. 215.

Sanguinei quibus morbis obnoxij 81. cur fugaci respirandi difficultate laborent ibid. Sanguineos esse stolidos, quomodo intelligendum 173. Sanguinolentorum Signa 81.

Sanguinis duplex acceptio 797. Sanguis quomodo albescat in vasis seminarijs 361. Sanguis alius cur concreseat, alius non 224. Sanguis à quibus concre-scere possit 429. Sanguis cur in corpore non concreseat 224. Sanguinis concocti Signum 787. Sanguis cur copiosior extrahendus diuitibus, quam pauperibus 605. Sanguinis excretio pes os, mala 389. Sanguinis ex arteria, aut vena fluentis Signum 274. Sanguinis fluxus è Cancro, & Carbunculo, aliquando est Criticus 448. Sanguinis fluxus è parte contraria, malus 431. Sanguis ichoroides quomodo bonus, malusue dicatur ab Hipp. 797. Sanguinis in Actio spontanea quid indicet 263. Sanguinis missionem quid præcipue permittat 317. San-

guinis naturam sequuntur actiones 224. Sanguinis nigri per nares fluentis gutta quid indicent 428. Sanguis serofus quomodo ichoroides dicatur 798. Sanguis etiam temperatus alios continet humores 171.

Sanies quid 225.

Sanitas in quibus consistat 175. 177. Sanitas duplex 834. Sanitas est finis Hygienæ, & Curatricis 90. Sanitatis integræ, optimæq; indicia 72. 160. Sanitas valetudinaria, quæ 175.

Sanum multipliciter dicitur 66.

Sapientes, imprudentes esse possunt 213.

Satietas quid, eiusq; remedium 83.

Scamonix vis peculiaris 801.

Scythæ cur prolixos & simplices habeant capillos 235.

Secundum quid, quid 289.

Sedi siue Setonis vsus cur excogitatus à Medicis 319.

Sedimentum in Urinis quid, & quoduplex 831. eius causæ 618. Sedimentum testaceum, quid 609.

Segnitiei corporis causa 429. in morbi principio quale symptoma ibid.

Semeioticæ definitio 3. 4. Semeiotica cuius gratia contempletur 6. eius dignitas in Praxi 50. eiusdem diuisio 26. 27. Semeioticæ ethymologia 3. ex quibus intelligatur 154. Semeioticæ necessitas 2. 4. 6. 7. cur necessaria 6. quibus necessaria 145. Semeioticæ partes 39. eius commune præceptum 145. Cur Physiologiæ, & Pathologiæ postponatur 2. 4.

Senectus est quid mediū inter sanitatem, & morbum 24. à quibusdam morbus naturalis dicitur 72. Senectutem qui non attingunt 72.

Senes cur difficulter discant, curq; obliuiosi 228. cur febribus minus obnoxij 49. 184. cur non probe purgentur per cutem 182. Senum sanitas qualis 72. Senū vrinx cur ferè semper tenues 835.

Sennetto satisfis 155.

Sensatio acuta, & tarda quid indicet 340.

Sensibilia communia, quot, & quæ 151. 152. 189. 190. Sensus communis officium 189. Sensus cur circa Cerebrum positi 196. Sensus externi statum Cere-

bri indicant 189. Sensus circa proprium obiectum aberrare nequit 262. Sensibus externis perfectioribus gaudent quedam animalia, homine 172. sub sensum quæ cadant propriè, quæ impropiè 152.

Septimana Prima, sola est integra 599. Septimana tertia cur copuleretur secundæ 597. Septimana tertia cur non separetur à secunda, secunda autem separetur à prima 596.

Serum quid, & quoruplex 796. vnius ab altero differentia ibid. Serum quod mitissimum, quod infestissimum 797. Serum quomodo dicatur excrementum venarum, & hepatis 823. à sanguine differt 819. eius vsus 822.

Siccitas in varijs partibus cur necessaria 171.

Signum quid, eiusq; etymon 42. Signi definitiones variæ 44. 45. 46. eiusdem vera definitio 45. Signi distinctio ex Petro Lombardo 44. Signum esse quid distinctū à Significato varijs rationibus probatur 42. 43. obiectiones contrariæ solvantur 43. 44. Signi diuisiones 50. 121. 122. eiusdem subdivisiones 140. 141. 142. Signorum varij fontes 157. 158. de iisdem variæ variorum authorum opinioniones ibid. Signorum fontes varij, quibus morborum natura detegitur 263. vsq; ad 270. Signorum fundamentum generale 145. Signorum vnum genus, plurium generum rationem obtinere potest 144. Signorum varij gradus 586. in Signis quæ perpendenda 585. Signorum latitudo 126. Signum latius patet, quàm indicium 48. Signorum necessitas 143. 144. Signa cur sedulò obseruanda 589. Signum, quot modis rem significet 43. Signum, & res Significata quomodo simul esse dicantur 144. Signum vnum forte, multis debilibus preualet 584. Signa quæ utiliora 54.

Signa Anamnistica, quæ 122. 126. eorum necessitas ibid. Signa assidentia, quæ, quidque indicent 134. Signa coctionis 344. quid indicent 579. Signa coctionis sunt semper bona 137. Signa coctionis an possint adesse primo morbi die 547.

548. Signa coctionis differunt à Signis decretorijs 577. Signa coctionis, & Signa lethalia nunquam simul esse possunt 575. 584. Signum coctionis est verè Prognosticū 145. quomodo diagnosticum dici possit ibid. Signum commune quid 142. Signa communia & inseparabilia simul, quæ 141. 142. Signa communia omnibus imminētibus Crisibus 363. Signum complexū quid 141. Signa corporis insalubris 185. Signa corporis sani nō optimè constituti 175. Signa Crisim bonam cōsequentia 531. 532. Signa Crisim bonam, malamue consequentia 333. 353. Signa Crisim imminentem prudentia 322. Signa Crisim præcedentia, quæ & quoruplicia 322. Signa Criseos plures species præcedentia 364. Signa Critica 137. 140. sunt triplicia 321. Signorum vniuersalium Criticorum fundamenta 323. 331. Signa cruditatis 578. sunt mala ibi. quid indicent 579. Sola nihil certi indicant 138. Signa Decretoria sunt indifferentia 579. eadem, quando mala 579. 580. vt sint bona, quid requiratur ibid. Signa Decretoria intempestiua, quid indicent 580. Signa Decretoria non decernentia 137. Signa Diagnostica 126. eorum latitudo 127. Signa Epigenomena, 129. Signa Epiphanomena ibid. Signa fida, & infida 591. Signum insalubre, quid, & quoruplex 54. Signum inseparabile quid 140. 142. Signa lethalia ab excretis desumpta 159. Signum malum quid, & quoruplex 580. Signum malum in febre ardens 589. Signa mala ex oculis 356. Signa media exquisitè 589. Signi Medici vera definitio 143. Signa mortis 137. 138. 139. Signa neutra, quæ 288. 586. quando bona, quando mala 588. sunt multa 290. quoruplicia 54. Signa optima 150. 151. Signum Pathognomonium, quid 128. 129. 134. eius deriuatio 128. Signa Pathognomonica ab assidentibus differunt 130. 132. eorum vis, & utilitas 135. 136. Signa Prænunciatiua, quæ 54. Signa Prognostica, quæ, eorumq; latitudo 135. sunt triplicia 136. 137. 577. Signum omnium pessimum 578.

578. Signa praua non semper sunt pernicioſa 591. Signum proprium quid 140. Signum ſalubre quid 67. quoduplex 54. eorum latitudo 51. Signum ſeparabile quid 142. Signa ſubſtancialiter inhxerentia partibus ſimilaribus, & diſſimilaribus 160. Signa neceſſariò conſequentia ea, quæ ſubſtancialiter iſdem partibus inſunt, quot, & quæ 162. Signorum ſuperuenientium cognitio ad quid vtilis 135. Signum ſyllogiſticum, quid 49. Signa ſynaedreuonda, eorumq; diuiſio 129.
- Similitudo nonnunquã ſenſum fallit 153.
- Simpliciter quid, & quoduplex 288.
- Sol quot horis vnũ Zodiaci Signum percurrat 663. eius varijs affectus 666.
- Solertia quid 210. eius natura 211. circa ea quæ verſetur 211. 212. 213.
- Solſtitiuorum cognitio Medico eſt vtilis 660. Solſtitia quando ſiant 662.
- Solutio ſimplex morbi, quid 296. in qua febre fiat ibid. eſt bona 311.
- Somnus à quo fiat 329. Somni, qui boni, qui mali 532. Somnolentia quid indicet 190.
- Sorbinonis inuentio 111. Sorbitiones in quibus morbis conferant ibid.
- Spagyrici reprehenduntur 102.
- Spiritus animalis ſedes 217. Spirituum, extra introiue recurrentium variæ cauſe 354. Spirituoſi, qui 604.
- Sputatio eſt excretionis ſpecies 445. non habet certum Signum ibi. Sputum ſtatum apparens in Pleuritide, quid indicet 283. Sputi boni conditiones 335. Sputi cocti cõditiones 139. Sputum craſſum, & inodorum, quod 445. Sputum cruentum aliquando eſt Criticum 445. vt ſit Criticum, quid requiratur 447. Sputum crudum, aut leuiter coctum, quid indicet 582. Sputum quos præcipuè affectus indicet 331. 334. Sputum nigrum, eſt peſſimum Signum 150. Sputa praua, quæ 139.
- Squamæ, quid, earumq; cauſa 481. inter quos affectus numerandæ ibid.
- Status quicuiſ corporis Signis dignoſcitur 50. Status morbi, quid 284. eius Signa 286. aliquando eſt momentaneus ibid.
- Statoma quid 471.
- Stellarum numerus infinitus 656.
- Stereometria quid 75.
- Sternutatio quid, quidq; indicet 431.
- Stilla ſanguinis quando certum indicium mortis 430. Stilla ſanguinis eſt peſſimum Signum 425. eadem cur mala 430. Stillicidium quid, eiufque cauſa 429. 527. Stillicidium quot modis dicatur malum 426. 427. 429. quando boni eſt omnis 430. Stillicidium ſanguinis nigri, & craſſi è naribus, cur malũ 422. Stillicidium ſanguinis prærubri in calidis pulmonum morbis cur malum 448.
- Stranguia quid, eiufq; cauſa 825. multi Stranguria tempore Peſtis euasere ex Hipp. 792.
- Strigmentum quid 400. 401.
- Subchloron quid 393.
- Succo prauo abundante in corpore quid agendum 474. Succus & humor diſſerunt 360.
- Sudor qui bonus, qui malus 342. 348. Sudores boni quibus diebus ſiant 567. Sudores calidi circa caput, cur mali 350. Sudor cuius coctionis excrementũ 824. Sudoris color, & ſapor 810. Sudoribus corpus leuatur 469. Sudoris Critici hiſtoriæ variæ ex Hipp. 346. 347. Sudores ad habeant coctionis, & cruditatis Signa 343. 344. Sudoris fetidi cauſa 349. Sudor febribus familiaris 341. Sudor frigidus in quibus febribus lethalis 347. 349. Sudoris materia 341. Sudoris, & vrinæ eſt eadem materia 806. 819. 820. Sudores in morbis peracutis quibus diebus poſſimum ſiant 342. 343. Sudor inter abſceſſus numeratur 470. Sudores qui optimi, qui peſſimi 337. 349. 350. Sudoris prouocandi varius modus 519. Sudoris omnia Signa 411. 412. Sudor quorum ſuccorum Signum 787. Sudoris ſyncopoſi exemplum 350. Sudores viſcidi, mali 349.
- Sues domèſtici caſtrati humano temperamento ſunt ſimiles.
- Suffuſio oculorum quid, eiufq; adimendæ vera methodus 13. 14.
- Suſpenſio elata in vrina quid indicet 610.
- Sutura capitis, quot, & quæ 200. 204. ca-

iundem utilitas 201. earū nomina 202.
Sutura Coronalis, & Lamdoides in quibus capitibus pereant 203. 205. cur ita dictæ 204. Sutarum in capite fastigiatō constitutio 205. Sutura sagittalis in nulla capitis figura perditur 205.
Syderum mutationes à Medico obseruanda 665.
Syllogizare quid 49.
Sympepsis quid 793.
Symptomata multa vt dignoscantur, Signis egēt 128. Symptomata cur in principio, & fine morbi sint mitiora 284.
Symptomata proprium quid 280. Symptomata præter rationem aduenientia non sunt metuēda 590. Symptomatum vis cur diligenter consideranda 578.
Synceipitis prominentia adaucta, vel diminuta, quando bona, vel mala 207.
Syncerum, quid 376.
Syncope vnde proueniat 607.
Systhema quid 736.
Systole quid, & à quo fiat 723. Systole, diastolen, & diastole Systolen superans, quid indicent 375.

T

TActu an hominis temperamentum optimum possit percipi 174. 175.
Tange, vel Tangos quid 471.
Temperamentum, est principum actionum author ex Hipp. 218. qua ratione signatum, & Signum dicatur 164. Temperaturæ moderatæ Signa 251. Temperaturarum, tam simplicium, quàm compositarum Signa 252. 253. 254.
Tempus quid 103. 637. diligenter à Medico obseruandum 103. cum motu necessitudo copulatur 637.
Tempora morborum, quot, & quæ 282. eorundem diuisio 689. 690. Singulorum Signa 275. 286. quibus distinguantur 287. ex quibus desumantur ibid. eorum breuitas, aut longitudo vnde dignoscatur ibid. Temporibus quibusq; debita remedia præscribenda 287. quibus temporibus ægi præcipuè moriantur 696.
Temporū cognitionis utilitas 287.
Tempora morbi, quæ fortiora, quæ mi-

riora 284. 288.
Tensio immodica tēdinum ad quod morbi genus reducat 20.
Tenuitas quibus elemētis familiaris 221.
Terræ inest calor 117. 118.
Testiculorum simplicium & compositarum temperierum Signa 249. 250.
Theorema, & præceptum, sunt idem
Therapiæ variæ significationes 14. 15.
Therapeutica necessitas 2.
Theriaca an possit febricitatibus 29. Theriaca quis fuerit author 124. morbi vi-peræ medetur ibid.
Thermintus, quid 390.
Thoracis vulnerati Signa 273.
Thurifani obiectiones & responsiones de Signis 164 eius opinio de corpore insalubri 177.
Thimus quid 492.
Timidi, qui 245. Timiditatis causa 223. 224.
Tolerantia facilis quid indicet 384. eiusdem varia exempla ibid. eiusdem Signa 398. 399.
Tonitruum quid, eiusq; causa 57.
Tōres quid 453.
Toiminum in intestinis causa 460. quarum partium morbos iudicent 459.
Torsionis variarum partium causa 769.
Transpirationis utilitas 97. Transpirationis cohibita duplex utilitas 17.
Tremoris causa in ægris 607.
Trierarcha quis 41.
Tubercula cruda à quo humore fiant 459.
Tubercula in cute quomodo generentur 324. Tubercula ab exanthematibus differunt, & quomodo 475. 476. Tuberculorum frigidorum, & calidorum causa, & nota 475.
Tumores nonnunquam partes internas ægras detegunt 276. Tumores mali cito euanescent 462. Tumores qui verè suppurentur 451. quot modis euanescent 461.
Tussis cruda, quid 582.
Typus morbi, quid 562.

V

Valentinianij ab ortu, qui 52.
Vallepij opinio de Crisī essentia explo-

ploditur 305. eius error de diebus Criticis puerperarum 684. 685. 686.
Valleriolæ opinio de Causa dierum Criticorum rejicitur 640.
Varicum generatio 460. quarum partium morbos iudicent 459.
Vellicatio quid, eiusque causa 269.
Venæ compositio 33. an sit pars similis 33. 36. Venæ qua ratione dicantur partes similes, & dissimiles 32. Venarum angustiarum causæ 383. Venæ hæmorrhoidales quot, & quæ 432. qualis humor per eas euacuetur ibid. Venæ poplitis cum spina rectitudo 459.
Veneni assumptio, quale Signum 123. 124.
Ventilatio quid, eiusq; vt. lras 708.
Ventriculi anxietas cur inedia, & satietati familiaris 374. Ventriculi constitutiones variæ 254. Ventriculi dolentis notæ 277. 278. Ventriculi ore frigido præditi cur tardè intelligant 217. Ventriculi paruitas quomodo dignoscatur 259. Ventriculi variarum temperierum & intemperierum Signa 254. 255. 256. Ventriculi vulnerati notæ 273.
Ventris varij tumores vnde proueniant 275. 276.
Versutia quid 211.
Vertigo quid, eiusq; causæ 370.
Vesicæ variè affectæ Signa varia 263. Vesicæ exulceratæ, aut vulneratæ Signum 272. 273. Vesicæ paruitas quomodo dignoscatur 259.
Via per quas sit euacuatio 45. 339.
Victus vt rectè administretur, quid prænotandum 587. Victus debitè administrari nequit sine cognitione temporum morbi 288. Victus indebitè administratus, multorum malorum est causa 371. Victus humidus quibus conferat 30. Victus liberalis diebus Criticis nocet 293. Victus necessitas 112. Victus ratio est magna Medicinæ pars 602.
Vigoris Signa in morbis 285.
Vinum Granatorum febricitantibus nocet 791. Vini vt. lras, & noxa 94. 95.
Viribus reficiendis aptum remediū 391.
Viscositatis duplex causa 395. vtriusque dignoscendæ modus ibid.
Visionis læsæ variæ causæ 271. Visionis

obtusæ causa 414.
Vita quàm diu duret 118. Vita optima, quæ 97. Vita praua, quæ 97.
Vitiligo quid, & quotuplex, eiusq; causa 482. 490. eius generatio 483. 489. à Leuce differt 489. inter quos morbos ponatur 481.
Vlcus quid, 471. eius variæ species 493. Vlcerum quot, & quæ tempora 691.
Vocis variæ differentiarum, & vnde qualibet proueniat 257.
Vomitio liuida & graueolens, est mortis indicium 378. Vomitia liuida, nigra, & porracea cur mala 377. Vomitio variorum humorum simul, cur praua ibid. Vomitio sanguinis ex quibus partibus fiat, quomodo dignoscatur 446. 447. Vomitionis sanguinis prognosis 447. Vomitio sanguinis, sterilibus prodest 440. Vomitus futuri Signa 365. 369. vñq; ad 376. Vomitus variæ causæ 368. Per Vomitum cum æstate purgandum 373. Vomitus quomodo fiat 372. Vomitus cur molestior deiectione interna 340. Vomitus salubris & insalubris Signa 376. Vomitorium contra venenæ assumpta 124.
Urina aquea in febribus quid indicet 542. Urina cur amara, nitrosa, aut falsa fiat 799. 807. Urinæ bonæ conditiones 335. Urinæ coctæ Signa 316. Urina coctæ nunquam mala 522. Urina perfectæ, leukæ, aut mediocriter coctæ, quæ 581. 582. Urina cur calida 818. Urina ciuda quid, eiusque causa 835. quid indicet 335. Urina extremè ciuda in Diabete, quid denotet 581. Urinæ crassæ species 827. eius causa 837. quid indicet, quibusue familiaris ibid. Urina vnde sic dicta 789. Urinæ definitiones variæ 794. eius vera definitio, & explicatio 794. 795. eiusdem descriptio ex Mercuriali 818. Urinarum differentiarum à quibus desumantur 825. Urinarum differentiarum quoad colores, earundemq; subdiuisio 828. 829. 830. earundem specierum causa 840. vñq; ad 846. Urinarum differentiarum quoad substantiam quot, & quæ 826. quid qualibet ibid. earundem causæ 833. Urina cuius coctionis excremen-

I N D E X.

amentum 818. 819. 820. Vrina quarum
partium excrementum 785. Vrinæ cur
in febribus humoralibus sedulo inspi-
cienda 786. Vrina cur in hepate genita
dicatur 799. Vrinæ iumentorum vrinis
similis, quid indicet 361. Vrinæ instru-
menta 408. Vrina cur lotium dicatur
791. Vrina loturæ carniū similis quid
indiceret 81. Vrinæ malæ, quæ 153. Vrinæ
materia 798. 799. 800. 823. Vrina me-
diocriſ consistentiæ quæ, eiſq; causa
834. Vrina in quibus morbis præcipuè
inſpicienda 331. 334. 786. Vrina nigra,
peſſimum Signum 150. eiſ causa 841.
846. ex Vrinis nigris quæ peſſimæ 841.
Vrina quarum partium Signum 336.
783. 785. 787. Vrina quomodo ad renes
deferatur 803. 804. 805. Vrina optimè fa-
norum, quæ 833. an ſenſu percipi poſ-
ſit 834. Vrinæ ſenum, quales 835. Vrina
cur dicatur ſerum 794. Vrinarum ſingu-

larum quoad colores cauſæ 840. vſq; ad
846. Vrina cum ſubſidentia copioſa,
quibus familiaris 838. Vrina ſola febres
acutæ coꝗnoſci poſſunt 798. Vrina ſan-
guinolenta quid indicet 81. Vrina eſt
Signum certius pulſu 781. Vrinæ ſtilli-
cidium aliquando eſt Criticum 450.
Vrina tenuis quoduplex 581. 827. eiſ
cauſa 833. 835. 836. Vrina turbata an di-
ſtinguatur à crassa 827. quid indicet
828. quoduplex 580. quæ iſtarum peſſi-
ma ibid. Vrinarum varietas vnde 409.
Vrinæ uſus 806. Vrinæ uſus in Medici-
na 799. 811. eiſ potus in Medicina
abominandus ibid.

Z

Zodiaci figura ſecundum aliquos 652.
eiſdem diuiſio 653. eiſ anguli va-
rij ibid.

F I N I S.



Deacidified non-aqueously, pulled,
mended, resewn on cords, hand-sewn
headbands

Mount Pleasant Bookbinders
Augusta, WV 26704 1988

Med. Hist.

WZ

250

0352

1655

